


သီလက္ခန္ဓဝဂ္ဂဋ္ဌကထာယ
အတ္ထဝဏ္ဏနာဘူတာ
အဓိဋ္ဌာနစရိယဓမ္မမဂ္ဂိလတ္ထိရေန ကတာ

သီလက္ခန္ဓဝဂ္ဂဋ္ဌက ခမ္မ ဂဉ္ဇ




မရမ္မရဋ္ဌေ ဗုဒ္ဓသာသနသမိတိယာ
မုဒြဏယန္တာလယေ မုဒြာမိတာ

၃၇၅

သီလက္ခန္ဓဝဂ္ဂနိကာယ
အတ္ထဝဏ္ဏနာဘူတာ
အဓိကရိယ ဓမ္မပါလတ္တေရေန ကတာ

သီလက္ခန္ဓဝဂ္ဂနိကာ ခမ္မ ဂါ



မရဗ္ဗရဋ္ဌေ ဗုဒ္ဓသာသနသမိတိယာ
ဗုဒ္ဓဏယန္တလယေ ဗုဒ္ဓါမိတာ

နိဒါန်းကဏ္ဍ

သိရှိမတာ အမှန်ကံ ဗုဒ္ဓေန ဘဂဝတာ အရဟတာ သမ္မာသမ္ဗုဒ္ဓေန သကလ-
လောကပတ္တဋ္ဌမဟာကရုဏာသိနေဟသိနိဒ္ဒဟဒယေန သဗ္ဗတ္ထ အပ္ပဋိဟတ-
သဗ္ဗညုတာနာဝရဏာဒိဉ္ဇုဏောဘာသသမုဇ္ဇလိတေန သနရာမရလောကဂုရုနာ
သဒေဝကဿ လောကဿ အတ္ထာယ ဟိတာယ သုခါယ ဓမ္မော စ ဝိနယော စ
ဒေသိတော ပညတ္တော၊ သော ပရိယတ္တိပဋိပတ္တိပဋိဝေဓဝသေန ဝိဘတ္တေသု
တီသု သဒ္ဓမ္မေသု ပရိယတ္တိသဒ္ဓမ္မော နာမ၊ တဒေဝ စ သာသနဋ္ဌိတိယာ
ပမာဏံ၊ သတိယေဝ ဟိ တသ္မိံ ဣတရေ ဥပ္ပဇ္ဇန္တိ၊ နာသတိ၊ ဝုတ္တဉ္ဇေတံ
အင်္ဂုတ္တရဋ္ဌကဏ္ဍာယံ—

“သုတ္တန္တေသု အသန္တေသု၊ ပမုဋ္ဌေ ဝိနယမိ စ။
တမော ဘဝိဿတိ လောကော၊ သူရိယေ အတ္ထင်္ဂတေ ယထာ။
သုတ္တန္တေ ရက္ခိတေ သန္တေ၊ ပဋိပတ္တိ ဟောတိ ရက္ခိတာ။
ပဋိပတ္တိယံ ဌိတော မိရော၊ ယောဂက္ခေမာ န ဓံသတိ”တိ။

တေနော စ သဒ္ဓမ္မစိရဋ္ဌိတိကာမာ ထေရဝရာ မဟာကဿပါဒယော
ပရိယတ္တိသဒ္ဓမ္မသင်္ခါတံ တေပိဋကံ ဗုဒ္ဓဝစနံ သင်္ဂီတိမာရောပေတွာ ဗုဒ္ဓသာသနံ
သံရက္ခိံသု၊ တံကာလိကာ စ ရာဇာနော သဒ္ဓမ္မာဘိဝုဒ္ဓိကာမာ တေသံ သင်္ဂီတိ-
ကာရာနမနုဗလပ္ပဒါနေန သဟာယတ္တမုပါဂမုံ။

တထာ ဟိ စတူဟာဓိကတိမာသပရိနိဗ္ဗုတေ ဘဂဝတိ မဟာကဿ-
ပတ္ထေရပ္ပမုခေဟိ ပဉ္စဟိ အရဟန္တသတေဟိ ရာဇဂဟေ **ပဌမာ ဓမ္မသင်္ဂီတိ**
ကတာ ရညော မာဂဿေ အဇာတသတ္တုနော ဝိသေသာနုဂ္ဂဟမာဒါယ။

ဝဿသတပရိနိဗ္ဗုတေ စ ဘဂဝတိ မဟာယသတ္ထေရပ္ပမုခေဟိ သတ္တဟိ
အရဟန္တသတေဟိ ဝေသာလိယံ **ဒုတိယာ ဓမ္မသင်္ဂီတိ** ကတာ၊ တဒါ စ
ကာလာသောကော မဟိပတိ တေသံ သဟာယတ္တမုပါဂတော။

တထာဂတပရိနိဗ္ဗာနတော ပန ဒွိန္ဒံ ဝဿသတာနမုပရိ ပဉ္စတ္ထိံသတိမေ
ဝဿေ မဟာမောဂ္ဂလိပုတ္တတိဿတ္ထေရပ္ပမုခေဟိ အရဟန္တသဟဿေဟိ ပါဠိလိ-
ပုတ္တေ **တတိယာ ဓမ္မသင်္ဂီတိ** ကတာ သကလလောကပတ္တဋ္ဌယသဿ ဓမ္မာ-
သောကဿ ဘူပတိနော နိရတိသယာနုဂ္ဂဟံ လဒ္ဓါန။

သမ္မာသမ္ဗုဒ္ဓပရိနိဗ္ဗာန်တော် ပန် စတုန္ဒ ဝဿသတာနမုပရိ ပဏ္ဏာသေ ဝဿ လင်္ကာဒီပေ ဝဋ္ဋဂါမဏိရာဇိနော ကာလေ မာတုလဇနပဒေ အာလောက-
လေဏေ စတုတ္ထိ ဓမ္မသင်္ဂီတိ ကတာ ပဉ္စဟိ အရဟန္တသတေဟိ မဟာဓမ္မ-
ရက္ခိတတ္ထရပ္ပမုခေဟိ၊ ယာ လောကေ “ပေါတ္ထကာရောပနသင်္ဂီတိ” တိ
ပါကဋ္ဌာ။

ဗုဒ္ဓဝဿေ ပန် စတုဿတာမိကဒွိသဟဿာနမုပရိ ပန္နရသမသင်္ချိ သမ္ပတ္တေ
ဣမသ္မိမ္ပိ မရမ္မရဋ္ဌေ မင်းတုန်းနာမဿ မဟာဓမ္မရာဇိနော ကာလေ မန္တလေး
ဣတိပါကဋ္ဌေ ရတနာပုဉ္ဇနဂရေ ပဉ္စမိ ဓမ္မသင်္ဂီတိ ကတာ စတုဿတာမိက-
ဒွိသဟဿတ္ထေရေဟိ ဒက္ခိဏာရာမဝါသီတိပိဋကဓရဘဒန္တဇာဂရတ္ထေရပ္ပမုခေဟိ
တဿေဝ ရညော အနဝသေသာနုဂ္ဂဟမာဒါယ၊ ယာ လောကေ “သေလက္ခ-
ရာရောပနသင်္ဂီတိ” တိ ဝုစ္စတိ။

ဣတ္ထိ သုဒ္ဓံ ဗုဒ္ဓဿ ဘဂဝတော သာသနံ ဣဒ္ဓဉ္စေဝ ဟောတိ ဖိတဉ္စ
ဝိတ္တာရိကံ ဗာဟုဇညံ ပုထုဘူတံ ယာဝဇ္ဇတနာ။

စိရကာလတော' ပနောတံ ဗုဒ္ဓဝစနံ လေခပရမ္မရာယ စေဝ မုဒ္ဒဏပရမ္မရာယ
စ အနောကက္ခတ္တံ ပရိဝတ္တိယာဘတံ န သက္ကာ ဒါနိ ဝတ္တံ “ပဌမဒုတိယ-
တတိယာဒိသင်္ဂီတိမာရောပိတာကာရေနော သဗ္ဗသော ပရိသုဒ္ဓ” န္တိ၊ အညဒတ္ထ၊
ပနာဓုနိကပေါတ္ထကေသု သံဝိဇ္ဇမာနေဟိ ကေဟိစိ ပမာဒလေခါဒိသဉ္စာတ-
ခလိတာမိကပရိဘဠာပါဌေဟိ မလိနမေဝေတံ၊ တထာ ဟိ နာနာဒေသိယ-
ပေါတ္ထကေသု အညမညံ သံသန္ဓိယမာနေသု အနောကာ ဝိသဒိသပါဌာ ဒိဿန္တိ။

တတောယေဝ စ ဗုဒ္ဓဝစနဿ သုပရိသုဒ္ဓဘာဝကာမာ မဟာထေရာ
သသတ္တန္တရပိဋကတ္တယကောဝိဒါ ဓမ္မဝိနယံ ဝါစေန္ဒာယေဝ ဇော ခလိတာမိက-
ပရိဘဠာပါဌေ ဒိသ္မာ ဧဝံ သမစိန္တေသုံ ကထေသုံ စ—

“အဒ္ဓယဝါဒိနော သုပရိသုဒ္ဓဝစနဿ တဿ ဘဂဝတော ပါဝစနံ အဒ္ဓယံ
သုပရိသုဒ္ဓံ နိမ္မလမေဝဿ၊ ဣမေသု ပန် ပါဝစနပေါတ္ထကေသု အညမညံ
ဝိသဒိသာ စေဝ အပရိသုဒ္ဓါ စ ပါဌာ ဒိဿန္တိ၊ နိဿံသယံ ခေါ အယမေဝ
မူလပါဌော၊ ယော နေသံ ယုတ္တိသမ္ပန္နော၊ တဒညော ပန် ပမာဒလေခပါဌာ-
ယေဝ၊ တာဒိသာ စ ဒိဿန္တိ အာဓုနိကပါဝစနပေါတ္ထကေသု ကိသ္မိန္တိ ကိသ္မိန္တိ
ဌာနေ။

ကာမဉ္စေတေဒါနိ န တာဝ ဗဟုတရာ၊ ယာဝ ယထာဘူတံ ပါဠိယာ အတ္ထံ
ပဋိသေဓေယျံ၊ ဧတရဟိ ပန် အသောမိယမာနာ တေ ဂစ္ဆန္တေ ဂစ္ဆန္တေ

ကာလေ ဗဟုတရာ ဗဟုတရာ ဘဝေယျံ၊ တံကာလိကာ စ ပစ္ဆိမာ ဇနာ
တေ သောဓေတုံ အသမတ္တာ ယထာဓိပ္ပေတံ ပါဠိယာ အတ္ထံ န သမ္မာ ဇာနေယျံ၊
ဧဝမေတေ သဒ္ဓမ္မဿ သမ္မောသာယ အန္တရဓာနာယ သံဝတ္တန္တိ။

၇၀၀ ဟေတံ အင်္ဂုတ္တရနိကာယေ—

‘ဒွေမေ ဘိက္ခဝေ ဓမ္မာ သဒ္ဓမ္မဿ သမ္မောသာယ အန္တရဓာနာယ သံဝတ္တန္တိ၊
ကတမေ ဒွေ၊ ဒုန္နိက္ခိတ္တံ စ ပဒဗျဉ္ဇနံ အတ္ထော စ ဒုန္နိတော၊ ဒုန္နိက္ခိတ္တဿ ဘိက္ခဝေ
ပဒဗျဉ္ဇနဿ အတ္ထောပိ ဒုန္နယော ဟောတိ၊ ဣမေ ခေါ ဘိက္ခဝေ ဒွေ ဓမ္မာ
သဒ္ဓမ္မဿ သမ္မောသာယ အန္တရဓာနာယ သံဝတ္တန္တိ’တိ။

ယံနန မယံ တေ သောဓေတွာ နိမ္မလံ ပရိသုဒ္ဓံ ဗုဒ္ဓဝစနံ သမ္ပတိဋ္ဌာပေယျာမ၊
တဒဿ သဒ္ဓမ္မစိရဋ္ဌိတိယာ ဗဟုဇနဟိတာယ ဗဟုဇနသုခါယ စ၊ တံ ပန
န သုကရံ သမ္မာဒေတုံ အညတြ ဓမ္မိကရာဇေနမနုဂ္ဂဟေနာ”တိ။

သာ ပနာယံ ကထာ ပတ္ထဋ္ဌာ သာဓုဇနပရမ္ပရာယ၊ သုတာ စ ဦးနု နာမ-
ဓေယျဂ္ဂမဟာမစ္စပ္ပမုခေဟိ မရမ္မရဋ္ဌိဿရေဟိ၊ သုတွာန တေ ဧဝံ သမစိန္တေသုံ
သမ္ပန္တယိံသု စ “န ခေါ ပနေတံ အမှာကံ ပတိရူပံ၊ ယေ မယံ ပုဗ္ဗကေဟိ
ဓမ္မိကေဟိ ဓမ္မရာဇဟိ သမနုဂ္ဂဟိတဿ ဗုဒ္ဓသာသနဿ ပရိဟာနိကာရဏံ
ပဿမာနာယေဝ အဇ္ဈုပေက္ခိတွာ အပ္ပေါသုက္ကာ ဝိဟရေယျာမ၊ ယံနန မယံ
သာသနောပကာရပါယေ သမ္မာဒေတွာ ဝိသေသတော စ အာဓုနိကပါဝစန-
ပေါတ္ထကေသု ဒိဿမာနေ သံသယဋ္ဌာနီယေ ပမာဒလေခပါဌေ သံသောဓေတု-
ကာမာနံ မဟာထေရာနံ အဇ္ဈာသယံ ပရိပူရေတွာ ဗုဒ္ဓသာသနံ အနုဂ္ဂဏှေယျာ-
မာ”တိ၊ အထ တေ သဗ္ဗေပိ သာသနာနုဂ္ဂဟာယ ကတသန္နိဋ္ဌာနာ အဟေသုံ။

အနုဂ္ဂဟိတုကာမေဟိပိ စ တေဟိ န သက္ကာ အာဏာယ ကာတုံ ဝိနာ
မဟာဇနစ္ဆန္ဒသဉ္ဇာတောပဒေသေန၊ မဟာဇနပ္ပတိနိမိဘူတာ ဟိ ဧတရဟိ
မရမ္မိကာ ရာဇာနော၊ ဥပဒေသော စ သန္တာဂါရသမိတိယံ မဟာဇနပ္ပတိ-
နိမိဘူတာနံ မတိသဇီဝါနံ ဆန္ဒေနေဝ သမုပ္ပဇ္ဇတိ၊ တသ္မာ ဗုဒ္ဓသာသနာနုဂ္ဂဟာယ
သန္တာဂါရသမိတိယံ ဧကံ ဓမ္မုပဒေသံ ပညာပေတွာ ဗုဒ္ဓသာသနသမိတိ
နာမ မဟာသမိတိ သမုဋ္ဌာပိတာ။ တဿာ ခေါ ပန သမိတိယာ သဘာပတိ
ဟောတိ သတိုးသိရိသုဓမ္မောပါမိဓာရိ ဆာဦးသွင်္ဂယော မဟာသေဋ္ဌိ၊ ဥပ-
သဘာပတိ ပန သတိုးသိရိသုဓမ္မောပါမိဓာရိယေဝ ဦးသိမ်းမောင့်ယော
ပဓာနဒူဝိနိစ္ဆယမန္တရမ္ပိ မဟာက္ခဒဿာဓိပတိ၊ သဗ္ဗကမ္မဝိဓာယကော ပန

ဟိတဓရော သတိုးမဟာသရေစည်သူပါမိကော ဦးချန်ထွန်းဝှယော ပဓာနဉ္စ-
ဝိနိစ္ဆယမန္တိရမ္ပိ မဟာက္ခဒဿော၊ ဘဏ္ဍုပ္ပါဒကော ပန ရဋ္ဌိဿရာနံ ပတိနိမိ-
ဘူတော ဦးစင်း နာမဓေယျော သာသနဌာနိကမဟာမတ္တော။

အထ တေ ဗုဒ္ဓသာသနသမိတိကံ “ယာယေဝ ခေါ ပနတ္ထာယ သမုဋ္ဌာ-
ပိတာယံ သမိတိ၊ တဒတ္ထမိဒါနိ ဝိသေသတော ကာဟာမာ”တိ မရမ္မရဋ္ဌေ-
ဘိပါကဋ္ဌဂုဏသမုဒယသမုဒိတေ တတ္ထ တတ္ထ ပဓာနနာယကဘူတေ ပရော-
ပဏ္ဏာသမဟာထေရေ ဒီဃဒဿိနော နိမန္တိယ ဧဝမာရောစေသုံ “အယံ ဘန္တေ
အမှာကံ ဗုဒ္ဓသာသနမဟာသမိတိ ဗုဒ္ဓသာသနာနုဂ္ဂဟတ္ထာယေဝ ရဋ္ဌိဿရာနံ
ဓမ္မပဒေသေန သမုဋ္ဌာပိတာ၊ သစေဒါနိ ဘန္တေ ပုဗ္ဗေ ဝိယ ဓမ္မသင်္ဂီတိ” ကတွာ
သာသနံ ပဂ္ဂဏိတုံ ယုဇ္ဇေယျ၊ မဟာထေရာ စ တထာ ကာတုမိစ္ဆေယျ၊
ဝိဿတ္တာဝ ဘန္တေ ကရောန္တ၊ မယံ တတ္ထ ကာယဉာဏပစ္စယဗလေဟိ နိရဝသေသံ
ဗျာဝဋ္ဌာ ဘဝိဿာမာ”တိ။

အထ ခေါ တေ မဟာထေရာ “ဓမ္မသင်္ဂီတိ” ကရိဿာမာ”တိ ကတသန္နိဋ္ဌာနာ
ဧဝံ ပတိဝေဒေသုံ “ကတ္တဗ္ဗာယေဝေသာ ဓမ္မသင်္ဂီတိ၊ နေသာ န ကတ္တဗ္ဗာ၊
တသ္မာ မယံ ဒါနိ ပိဋကပေါတ္ထကာနိ ပဉ္စမသင်္ဂီတိသိလာလေခါယ သမာ-
နေတွာ တာနိယေဝ သရီရံ ကတွာ ပါဠိသံသောနေပုဗ္ဗင်္ဂမံ ဓမ္မသင်္ဂီတိ” ကဿာမ၊
ယာယ အာရုဏိကပေါတ္ထကေသု ပရမ္ပရာပရိဝတ္တနဝသေန သဉ္ဇာတာ ပမာဒ-
လေခပါဌာ စ နိရာကရိယိဿန္တိ၊ ဝိသောဓိတဉ္စ သုပရိသုဒ္ဓံ ပါဝစနမူလံ
လဘိတွာ တံ မုဒ္ဒါပေတွာ သကလလောကေ နာနာရဋ္ဌေသု နာနာဒေသေသု
ဗျာပနဝသေန ဗုဒ္ဓသာသနဿ စိရဋ္ဌိတိ စ သာမိယိဿတိ၊ သဗ္ဗေ စ ထေရဝါဒိကာ
ရဋ္ဌာ မရမ္မရဋ္ဌသဟိတာ ဧကတော ဟုတွာ ဗုဒ္ဓသာသနံ အဘူတပုဗ္ဗပဂ္ဂဟေန
ပဂ္ဂဏိတုံ လဘိဿန္တိ၊ သာ စ ပုရိမိကာ ပဉ္စ သင်္ဂီတိယော ဥပနိဓာယ ဆဋ္ဌသင်္ဂီတိ
နာမ ဘဝိဿတိ၊ တဉ္စ သဗ္ဗံ ဘဝိဿတိ ဗဟုဇနဟိတာယ ဗဟုဇနသုခါယ
အတ္ထာယ ဟိတာယ သုခါယ ဒေဝမနုဿာနံ၊ ဗဟူနိ ပနေတ္ထ အာဝဿကကိစ္စာနိ
ပဋိကစ္စေဝ သမာဒပေတဗ္ဗာနိ တုမှာကမာယတ္တာနိ၊ တသ္မာ သင်္ဂီတိကာလ-
ဝဝတ္ထာနာဒိကိစ္စံ တုမှာကံယေဝ ဘာရော ဟောတူ”တိ။

အထ တေ ဗုဒ္ဓသာသနသမိတိကံ သာသနပါလကာနံ မဟာထေရာနံ
ဆန္ဒဉ္စ ရုစိဉ္စ သမာဒါယ ဩဝါဒဉ္စ သိရသာ သမ္ပုဋ္ဌိက္ခိတွာ ထေရာနံ စေဝ
အတ္တနော စ ကတ္တဗ္ဗကိစ္စာနံ ပရိနိဋ္ဌာနသမယံ သလ္လက္ခေတွာ “အယံ ဆုဋ္ဌသင်္ဂီတိ
သမ္မာသမ္ဗုဒ္ဓပရိနိဗ္ဗာနတော စတုဿတာမိကာနံ ဒွိန္ဒ ဝဿသဟဿာနမုပရိ

အဋ္ဌနဂုတိမေ ဝဿေ ဝေသာခပုဏ္ဏမိတော ပဋ္ဌာယ အာရဘိတဗ္ဗာ၊ ဒွေ စ ဝဿာနိ ကတ္တဗ္ဗာ၊ ပဉ္စန္ဒံ စ သာသနဝဿသဟဿာနမုပမုဝဿေ ဝေသာခပုဏ္ဏမိယံယေဝ ပရိနိဋ္ဌာပေတဗ္ဗာ”တိ သင်္ဂီတိကာလံ ဝဝတ္ထပေသုံ။

တတော ပဋ္ဌာယ စ တေ ပုနပ္ပုနံ သန္ဓိပတိတွာ သမ္ပန္တယိတွာ သင်္ဂီတိယာ ပုဗ္ဗကိစ္စေသု နိရန္တရံ ဗျာဝဋ္ဌာ ဟောန္တိ။ “မဟန္တံ ခေါ ဇိနသာသနံ မဟတိယာယေဝေတံ ပူဇာယ ပူဇနီယ”န္တိ မန္တာ တေဟိ ကာရာပိတာနိ မဟန္တမဟန္တာနိ သာသနမန္တိရာနိ၊ တတ္ထ သင်္ဂီတိံ ကုရုမာနဿ ဘိက္ခုသံဃဿ သုခသန္ဓိသဇ္ဇတ္ထံ သန္ဓိပါတဋ္ဌာနဘူတံ မဟန္တံ သင်္ဂီတိမန္တိရံ ရန်ကုန် နာမ ရာဇဓာနိယံ သိရီမင်္ဂလတ္ထလေ ကမ္ဘာအေး (လောကသာမ) နာမကဿ စေတိယဿ အာသန္ဓေ သေလပဗ္ဗတဂုဟာဝေသေန ကာရာပိတံ တိဘူမကံ ပါယသော သိလာဇ္ဈဋ္ဌကာယောမယံ၊ ဧဝံ မဟန္တဗ္ဗေတံ ဧကသံဝတ္ထရေနေဝ ပရိနိဋ္ဌာပိတံ ဣဒ္ဓိယာ မညေ နိဗ္ဗိတံ၊ တဉ္စ ဗဟိ ဌတွာ အပေက္ခတံ သယံဇာတသေလပဗ္ဗတော ဝိယ ဒိဿတိ၊ အန္တော ပဝိသိတွာ ဩလောကယတံ ပန ဩလောကိတောလောကိတဋ္ဌာနတော ဒဿနီယံ ပါသာဒိကံ ရမဏီယံ အတိတ္ထိကရမေဝ ဟုတွာ ဒေဝဝိမာနမိဝ ခါယတိ။ တဿ ပနာဝိဒူရေ အမုတေယျာနံ သင်္ဂီတိကာရဘိက္ခုသဟဿာနံ နိဝါသပ္ပဟောနကာ စတ္တာရော ဣဋ္ဌကမယာ မဟာပါသာဒါ စေဝ ဣဋ္ဌကမယာယေဝ ဘောဇနမဟာသာလာ စ မဟာသီမာပါသာဒါဒယော စ မုဒ္ဒဏယန္တသာလာ စ တထေဝ ကာရာပိတာ။

မဟာထေရာပိ စ “သင်္ဂီတိကိစ္စံ နာမ ထေရာဓေယျံ၊ ထေရာနံ ဩဝါဒေနေဝ ကတ္တဗ္ဗံ၊ န ဝိနာ တေန၊ တဿ ဘိက္ခုသံဃဿ စေဝ ဥပါသကာနဉ္စ သဗ္ဗမ္ပိ သင်္ဂီတိပဋိဗဒ္ဓမောဝါဒံ ဒါတုံ ဘဝိတဗ္ဗမေတ္ထ ဩဝါဒဒါယကသံဃသဘာယဝီ”တိ မရမ္မရဋ္ဌဓဇူပမေ အဂ္ဂမဟာပဏ္ဍိတောပါမိဓာရိနော စ ရဋ္ဌောဝါဒါစရိယသမ္ပတေ စ ရဋ္ဌဝိနယဓရသမ္ပတေ စ အညေ စာဘိပါကဋ္ဌဂရုဘာဝနီယာဒိဂုဏဂဏသမင်္ဂိနောတိ ပရောသတံ နာယကမဟာထေရေ ဥစ္စိနိတွာ “ဆဋ္ဌသင်္ဂီတိ-ဩဝါဒါစရိယသံဃနာယကသဘံ” နာမေကံ ပဓာနမဟာသံဃသဘံ ပတိဋ္ဌာပေသုံ၊ တေ စ နာယကမဟာထေရာ သမ္ပုဒ္ဓဝစနရတနာကရပါရဂေ ဝိဝိဓသတ္တန္တရဂဟနာသင်္ဂိဓာရိနေ ထေရာနုထေရေ ပဉ္စဝိသတိမတ္ထေ သမုစ္စိနိတွာ “ဆဋ္ဌသင်္ဂီတိဓုရန္တရသဘာ”တိ စ သမ္ပန္နိတွာ တဿာ သဘာယ ဘာရံ နိယျာတေသုံ သဗ္ဗာနိ သင်္ဂီတိပဋိဗဒ္ဓကိစ္စာနိ သံဝိဒဟိတုံ။ တေ စ သင်္ဂီတိဓုရန္တရသဘိကာ . ထေရာ သကလမရမ္မရဋ္ဌေ ညောဋ်ရမ်းဆရာတော်တိ အဘိပါကဋ္ဌ “အဂ္ဂမဟာပဏ္ဍိတော” ပါမိနာ စေဝ “အဘိဓဇမဟာရဋ္ဌဂုရူ” ပါမိနာ စာတိ

ဒို့ဟိ မရမ္မရဋ္ဌိဿရသမပ္ပိတောပါမီဟိ ဝိရာဇိတံ ဇာတိယာ အာသီတိဝဿိကံ ဥပသမ္ပဒါယ သဋ္ဌိဝဿံ “ဘဒန္တရေဝတံ” နာမ မဟာထေရဝရံ သဘာပတိံ ကတွာ တေပိဋကေ ဗုဒ္ဓဝစနေ စေဝ နာနာသတ္ထေသု စ ကောဝိဒေ ဓမ္မာစရိယ- ကဝိပဒပ္ပတ္တေ ဘိက္ခု။ ဥစ္စိနိတွာ အဋ္ဌဒသာဒိဝဂ္ဂဝသေန ပရောသတံ ပါဠိ- ဝိသောကေဝဂ္ဂေ စေဝ သမ္ပဟုလေ စ ပဋိဝိသောကေဝဂ္ဂေ ဗန္ဓာပေတွာ ဝိသောနေပုဋိဝိသောနေဟိ ဗုဒ္ဓဝစနံ သုပရိသုဒ္ဓတ္တံ ပဋိပါပေတွာ ဓမ္မသင်္ဂီတိ- မကံသု ယထာ တံ ပေါရာဏကသင်္ဂီတိကာရာ။

ဧဝံ သင်္ဂီတိမာရောပိတဿ ပန တေပိဋကဿ ဗုဒ္ဓဝစနဿ အတ္ထသံဝဏ္ဏနာ- ဘူတာ ယာ စ အဋ္ဌကထာယော သံဝိဇ္ဇန္တိ ယာ စ တာသံ အတ္ထပ္ပကာသနဝသေန ပဝတ္တာ ဋီကာယော သံဝိဇ္ဇန္တိ မနောရမာယ တန္တိနယာနုစ္ဆရိကာယ ဘာသာယ အာစရိယာနန္တ အာစရိယဓမ္မပါလာဒိဟိ ထေရဝရေဟိ ကတာ။

တာသမ္ပိ အဋ္ဌကထာဋီကာနံ သဒေသီယမူလေဟိ စေဝ ဝိဒေသီယမူလေဟိ စ သံသန္တိတွာ တေပိဋကဿ ဝိယ ဗုဒ္ဓဝစနဿ ဝိသောနေပုဋိဝိသောနေဝသေန မဟာထေရာ ပါဝစနဒဿိနော သံဝဏ္ဏနာကောဝိဒါ ပါဌသောနေမကံသု။

ဣစ္စေဝမဋ္ဌကထာဋီကာယော ပမာဒခလိတာဓိကပရိဘဋ္ဌပါဌာနံ နိရာကရ- ဏဝသေန ဝိသောမိတာ စေဝ ပဋိဝိသောမိတာ စ ဟုတွာ ဗုဒ္ဓသာသနမုဒ္ဒဏ- ယန္တာလယေ သမပ္ပိတာ သုဋ္ဌ၊ မုဒ္ဒါပဏာယ။

မုဒ္ဒါပဏာကာလေ စ ပိဋကတ္ထယမုဒ္ဒါပဏေ ဝိယ မဟာထေရဝရာ မူလ- သောဓေယျပတ္တပါဌကေဟိ ဂဟဋ္ဌပဏ္ဍိတေဟိ စေဝ ဓမ္မာစရိယဘိက္ခုပဏ္ဍိတေဟိ စ အနေကဝါရံ ပရိသောမိတံ ဩသာနသောဓေယျပတ္တံ ပဋိဝိသောမိတမူလ- ပေါတ္ထကေန စေဝ အညေဟိ သဒေသဒေသန္တရိကအဋ္ဌကထာဋီကာပေါတ္ထ- ကေဟိ စ ဝိဝိဓျာကရဏာဒိသတ္ထေဟိ စ ပုနပ္ပုနံ သံသန္တေတွာ သုဝိသဒ- ပရိဗျတ္တ ကဏ္ဍဝါရဝါကျန္တေဒသင်္ကေတတဉ္စ သမ္မာပေတွာ မဟတာ ပရိဿ- မေန ဩသာနသောနေမကံသု။

ဧဝမေတာသမ္ပိ စ သုဝိသောမိတာနံ အဋ္ဌကထာဋီကာနံ သင်္ဂီတိဘာရ- နိတ္တာရကာ မဟာထေရာ နိဗ္ဗိလမရမ္မရဋ္ဌေ မစိုးရိမ်ဆရာတော်တို့ အဘိပါကဋ် “အဂ္ဂမဟာပဏ္ဍိတော” ပါမိနာ စေဝ “အဘိဇေမဟာရဋ္ဌဂုရူ” ပါမိနာ စာတိ ဒို့ဟိ မရမ္မရဋ္ဌိဿရသမပ္ပိတောပါမီဟိ ဝိရာဇိတံ ဇာတိယာ ဆသတ္တတိဝဿိကံ ဥပသမ္ပဒါယ ဆပ္ပညာသဝဿံ “ဘဒန္တသုရိယာဘိဝံသံ” နာမ မဟာထေရဝရံ သဘာပတိံ ကတွာ ဆဋ္ဌသင်္ဂီတိကာရကပရိယာပန္နေဟိ ထေရာနုထေရေဟိ

သင်္ဂမ္မ ပဌနတ္ထာယ သမာရတိံသု ယထာ တံ ဆဋ္ဌသင်္ဂီတိဓမ္မသင်္ဂါယနာ-
ကာလေ။

ဧဝမေတာသံ အဋ္ဌကထာဋီကာနံသံသောဓန-မုဒ္ဒါပဏ-သမ္ပဌနေသု ကရိယ-
မာနေသု ရဋ္ဌိဿရဂဏေ အဂ္ဂမဟာမစ္စော ဦးနု နာမဓေယျော မဟာသယော
စေဝ ဗုဒ္ဓသာသနသမိတိယံ သမ္ပတိ ဘဏ္ဍုပ္ပါဒကော ရဋ္ဌိဿရာနံ ပတိနိဓိ-
ဘူတော ဦးဘစော နာမဓေယျော သာသနဋ္ဌာနိကမဟာမတ္တော စာတိ ဣမေပိ
တံကိစ္စသမ္ပာဒနာယ ပါဠိသင်္ဂီတိကာလေ ဝိယ မဟုဿာဟေန ဗျာဝဋ္ဌာ
ဟောန္တိ။

ဣစ္စေဝမေတာပိ အဋ္ဌကထာဋီကာယော ထေရဝါဒိနေကာယိကဝိဗုဓပ္ပမုခါနံ
သတ္တာဂမရတနာလယသာရဂါဟိနံ ဝေယျာကရဏကေသရိနံ အစ္စန္တနိဗ္ဗလ-
ဉ္ဇုဏဝါရိနာ ပရိခေဝိတာ သင်္ဂမ္မ စ ပဋိတာ၊ တာ ဝိဗုဓပ္ပဝရေကဂေါစရာ
ဝိမုတ္တိရသဿံဒဒါယိနိယော ဝိဋ္ဌကတ္တယဿတ္တံ ပရိဗျတ္တံ ပကာသေန္တိယော
စိရံ ဝိလသန္တိယော လောကတ္ထသိဒ္ဓိံ သာယေန္တိတိ။

တေနေတံ ဂုစ္စတိ—

- ၁။ မူလကံ ပရိယတ္တိဝ၊ သာသနဿ မဟေသိနော။
ပရိယတ္တိပ္ပမာဏာ ဟိ၊ စိရံ သဒ္ဓမ္မသဏ္ဌိတိ။
- ၂။ တသ္မာ တံ ရက္ခိတုံ ထေရာ၊ ဓမ္မသင်္ဂါဟကာ ပုရာ။
ရာဇာနော ဥပနိဿာယ၊ အကံသု ဓမ္မသင်္ဂဟေ။
- ၃။ ပဌမံ ဓမ္မသင်္ဂီတိံ၊ အဇာတသတ္တုရာဇိနော။
အနုဂ္ဂဟေန ကတွာန၊ ပါလယံ ဇိနသာသနံ။
- ၄။ ဒုတိယံ တု တထာ ကတွာ၊ ကာလာသောကဿ ရာဇိနော။
ကာလေ တမုပနိဿာယ၊ ပါလယံ ဇိနသာသနံ။
- ၅။ တတိယံပိစ ကတွာန၊ ဓမ္မာသောကဿ ရာဇိနော။
အနုဂ္ဂဟေန ဗုဒ္ဓဿ၊ သာသနံ အဘိပါလယံ။
- ၆။ ဓတုတ္ထိံ ပန လင်္ကာယံ၊ ဝဋ္ဋဂါမဏိရာဇိနော။
ကာလမ္ပိ ပေါတ္ထကာရဋ္ဌံ၊ ကတွာန ပါလယံ တထာ။
- ၇။ ဣမသ္မိံ မရမ္မရဋ္ဌေပိ၊ မင်းတုန်းနာမ နရာဓိပံ။
ရဇ္ဇံ သမနုသာသန္တံ၊ ရတနတ္တယမာမကံ။

- ၈။ သန္တိဿာယ မဟာထေရာ၊ ထိရသီလာ ဂုဏာကရာ။
ပဉ္စမိ ဓမ္မသင်္ဂီတိ၊ ကရေန္တာ သာသနဋ္ဌိတိ။
- ၉။ ပတ္တယန္တာ လိခါပေတွာ၊ သိလာပဋ္ဌေသု ပေဋကံ။
ဝါယာမေန မဟန္တေန၊ ပါလယံ ဇိနသာသနံ။
- ၁၀။ ဣတ္ထံ ပုရာ မဟာထေရာ၊ ရာဇာနော စာပိ ဓမ္မိကာ။
သာသနံ ပရိပါလေသု၊ ဇီဝိတံ ဝိယ အတ္တနော။
- ၁၁။ တထာပိ ခလိတာဒါနိ၊ ဒိဿန္တိ ပိဋကတ္တယေ။
ပရမ္ပရာယ လေခါယ၊ သဇ္ဇာတာ မုဒ္ဒဏေန စ။
- ၁၂။ ဒိသ္မာန တေ မဟာထေရာ၊ ဝါစေန္တာဝ တိပေဋကံ။
ဂုစ္စမာနနယေနဝံ၊ စိန္တေသု မန္တယိသု စ။
- ၁၃။ “ကတွာန သာဓုကံ ဂန္ထ- သုဒ္ဓိကံ သာသနာယုကံ။
ယံနုန ဓမ္မသင်္ဂီတိ၊ ကရေယျာမ မယံ” ဣတိ။
- ၁၄။ ဧတမတ္ထံ သုဏိတွာန၊ ဦးနု နာမ မဟာသယော။
မရမ္ပဝိသယေ အဂ္ဂ- မဟာမစ္စရုရန္တရော။
- ၁၅။ “သာသနာယတ္တကိစ္စာနိ၊ သမ္မာဒေန္တာ ဝိသေသတော။
သင်္ဂီတိယဉ္စ ထေရာနံ၊ သမ္ပုရေန္တာ မနောရထံ။
- ၁၆။ ယထာ ရက္ခိသု ပေါရာဏာ၊ သုရာဇာနော တထာ မယံ။
သံရက္ခေယျာမ သမ္ပုဒ္ဓ- သာသနံ” ဣတိ စိန္တိယ။
- ၁၇။ မဟာမစ္စေဟိ အညေဟိ၊ သင်္ဂမေဟိ စ မန္တိယ။
သုပ္ပတိဋ္ဌာပယိတွာန၊ ဗုဒ္ဓသာသနသင်္ဂမံ။
- ၁၈။ မဟာထေရာနမာဒါယ၊ ဆန္တံ ဣဓ နိဝါသိနံ။
အညေသု သိဟဋ္ဌာဒိသု၊ ဝိဒေသေသု စ ဝါသိနံ။
- ၁၉။ ကာရေတွာ ဓမ္မသင်္ဂီတိ၊ သောဓေတွာ သတ္ထုသာသနံ။
သဒ္ဓမ္မာနုဂ္ဂဟတ္ထာယ၊ ကရံ ဒဠပရက္ကမံ။
- ၂၀။ သိရိမင်္ဂလဝိချာတေ၊ ထလသ္မိ ပဝရေ သုဘေ။
စေတိယဿာဝိဒူရမ္ပိ၊ ကမ္ဘာအေး ဣတိသညိနော။
- ၂၁။ ဂုဟာဝေသေန ကာရေတွာ၊ မဟာသင်္ဂီတိမန္တိရံ။
အာဝါသာဒိဉ္စ ဘိက္ခုနံ၊ ကာရေသိ မုဒ္ဒဏာလယံ။

- ၂၂။ ဂန္ထသံသောဓနံ ဓမ္မ- သင်္ဂီတိယာ တု ပဏှိတာ။
မဟာထေရဝရာကံသု၊ သတိမန္တာ ပုနပ္ပုနံ။
- ၂၃။ မုဒ္ဒါပေန္တေ စ ပဿိတွာ၊ မဟာထေရေဟိ ပဉ္စဟိ။
သောဓေယျပတ္တမောသာနံ၊ နိမ္မလတ္တံ သုပါပိတံ။
- ၂၄။ ကတွာ သုဝိသဒံ ဗုဒ္ဓ၊ ဘာသိတံ ပိဋကတ္တယံ။
ယထာ မုဒ္ဒါပိတံ အာသိ၊ သာသနတ္တံ မဟေသိနော။
- ၂၅။ တထာ အဋ္ဌကထာယော စ၊ ဋီကာယော စ မဟာရဟာ။
သုဋ္ဌ၊ မုဒ္ဒါပိတာ ဟောန္တိ၊ သဗ္ဗလောကတ္ထသိဒ္ဓိယာတိ။

၂၅၀၄-ဗုဒ္ဓဝဿ

သီလက္ခန္ဓ ဝဂ္ဂဋီကာ

မာတိကာ	ပိဋက
ဝိနာရမ္ဘကထာဝဏ္ဏနာ	၁
နိဒါနကထာဝဏ္ဏနာ	
ပဌမမဟာသင်္ဂီတိကထာဝဏ္ဏနာ	၁၉
၁-မြဟ္မဇာလသုတ္တ	
ပရိဗ္ဗာဇကကထာဝဏ္ဏနာ	၃၄
စူဠသီလဝဏ္ဏနာ	၆၂
မဇ္ဈိမသီလဝဏ္ဏနာ	၁၂၅
မဟာသီလဝဏ္ဏနာ	၁၂၉
ပုဗ္ဗန္တကပ္ပိကသဿတဝါဒဝဏ္ဏနာ	၁၃၂
ဧကစသဿတဝါဒဝဏ္ဏနာ	၁၅၂
အန္တာနန္တဝါဒဝဏ္ဏနာ	၁၆၀
အမရောပိက္ခေပဝါဒဝဏ္ဏနာ	၁၆၂
အဓိစ္စသမုပ္ပန္တဝါဒဝဏ္ဏနာ	၁၆၆
အပရန္တကပ္ပိကဝါဒဝဏ္ဏနာ	၁၇၀
သညီဝါဒဝဏ္ဏနာ	၁၇၀
အသညီ နေဝသညီနာသညီဝါဒဝဏ္ဏနာ	၁၇၂
ဥစ္ဆေဒဝါဒဝဏ္ဏနာ	၁၇၃
ဒိဋ္ဌဓမ္မနိဗ္ဗာနဝါဒဝဏ္ဏနာ	၁၇၆
ပရိတဿိတဝိပ္ပန္နိတဝါဒဝဏ္ဏနာ	၁၈၀
ဇဿပစ္စယဝါဒဝဏ္ဏနာ	၁၈၁
နေသံဌာနံဝိဇ္ဇတိဝါဒဝဏ္ဏနာ	၁၈၂
ဒိဋ္ဌိဂတိကာမိဋ္ဌာနဝဋ္ဋကထာဝဏ္ဏနာ	၁၈၂

မာတိကာ			ပိဋက
ဝိဝဿကထာဒီပနီ	၁၈၅
ပကရဏနယဝဏ္ဏနာ	၁၈၈

သောဠသဟာရဝဏ္ဏနာ

ဒေသနာဟာရဝဏ္ဏနာ	၁၉၀
ဝိစယဟာရဝဏ္ဏနာ	၁၉၁
ယုတ္တိဟာရဝဏ္ဏနာ	၁၉၂
ပဒဋ္ဌာနဟာရဝဏ္ဏနာ	၁၉၃
လက္ခဏဟာရဝဏ္ဏနာ	၁၉၃
စတုဗျူဟဟာရဝဏ္ဏနာ	၁၉၄
အာဝတ္တဟာရဝဏ္ဏနာ	၁၉၇
ဝိဘတ္တိဟာရဝဏ္ဏနာ	၁၉၈
ပရိဝတ္တဟာရဝဏ္ဏနာ	၁၉၉
ဝေဝစနဟာရဝဏ္ဏနာ	၂၀၀
ပညတ္တိဟာရဝဏ္ဏနာ	၂၀၀
ဩတရဏဟာရဝဏ္ဏနာ	၂၀၁
သောဓနဟာရဝဏ္ဏနာ	၂၀၂
အဓိဋ္ဌာနဟာရဝဏ္ဏနာ	၂၀၃
ပရိက္ခာရဟာရဝဏ္ဏနာ	၂၀၃
သမာရောပနဟာရဝဏ္ဏနာ	၂၀၄

ပဉ္စပိဓနယဝဏ္ဏနာ

နန္ဒိယာဝဋ္ဌနယဝဏ္ဏနာ	၂၀၄
တိပုက္ခလနယဝဏ္ဏနာ	၂၀၅
သီဟဝိက္ခိဋ္ဌိတနယဝဏ္ဏနာ	၂၀၅
ဒိသာလောစနအင်္ဂသနယဒ္ဓယဝဏ္ဏနာ	၂၀၇
သာသနပဋ္ဌာနဝဏ္ဏနာ	၂၀၇

မာတိကာ

ပိဋက

၂-သာမညဖလသုတ္တ

ရာဇာမစ္ဆကထာဝဏ္ဏနာ	၂၀၈
ကောမာရာဘစ္ဆဇီဝကကထာဝဏ္ဏနာ	၂၁၄
သာမညဖလပုစ္ဆာဝဏ္ဏနာ	၂၁၇
ပူရဏကဿပဝါဒဝဏ္ဏနာ	၂၂၁
မက္ခလိဂေါသာလဝါဒဝဏ္ဏနာ	၂၂၂
အဇိတကေသကမ္မလဝါဒဝဏ္ဏနာ	၂၂၅
ပကုဓကစ္ဆာယနဝါဒဝဏ္ဏနာ	၂၂၉
နိဂဏ္ဌနာဋပုတ္တဝါဒဝဏ္ဏနာ	၂၂၉
သဗ္ဗယဗေလဋ္ဌပုတ္တဝါဒဝဏ္ဏနာ	၂၃၀
ပဌမသန္တိဋ္ဌိကသာမညဖလဝဏ္ဏနာ	၂၃၀
ဒုတိယသန္တိဋ္ဌိကသာမညဖလဝဏ္ဏနာ	၂၃၂
ပဏီတတရသာမညဖလဝဏ္ဏနာ	၂၃၂
စူဠ-မဇ္ဈိမ-မဟာသီလဝဏ္ဏနာ	၂၄၁
ဇုန္ဒိယသံဝရကထာဝဏ္ဏနာ	၂၄၂
သတိသမ္ပဗျာဓိကထာဝဏ္ဏနာ	၂၄၂
သန္တောသကထာဝဏ္ဏနာ	၂၅၄
နီဝရဏပ္ပဟာနကထာဝဏ္ဏနာ	၂၅၅
ပဌမဇ္ဈာနကထာဝဏ္ဏနာ	၂၆၂
ဒုတိယဇ္ဈာနကထာဝဏ္ဏနာ	၂၆၃
တတိယဇ္ဈာနကထာဝဏ္ဏနာ	၂၆၃
စတုတ္ထဇ္ဈာနကထာဝဏ္ဏနာ	၂၆၄
ဝိပဿနာဉာဏကထာဝဏ္ဏနာ	၂၆၅
မနောမယိဒ္ဓိဉာဏကထာဝဏ္ဏနာ	၂၆၇
ဇုဒ္ဓိဝိဓဉာဏာဒိကထာဝဏ္ဏနာ	၂၆၇
အာသဝက္ခယဉာဏကထာဝဏ္ဏနာ	၂၆၉
အဇာတသတ္တုဥပါသကတ္တပဋိဝေဒနာကထာဝဏ္ဏနာ	၂၇၃
သရဏဂမ္ဘနကထာဝဏ္ဏနာ	၂၇၇

မာတိကာ

ပိဋက

၃-အဗ္ဗန္ဓုသုတ္တဝါ

အဗ္ဗါနဂမနဝတ္ထနာ	၂၈၆
ပေါက္ခရသဘာဝိဝတ္ထဝတ္ထနာ	၂၈၈
အဗ္ဗန္ဓုမာဏကထာဝတ္ထနာ	၂၉၁
ပဌမဇ္ဈိဝါဒဝတ္ထနာ	၂၉၇
ဒုတိယဇ္ဈိဝါဒဝတ္ထနာ	၂၉၉
တတိယဇ္ဈိဝါဒဝတ္ထနာ	၂၉၉
ဒါသိပုတ္တဝါဒဝတ္ထနာ	၃၀၀
အဗ္ဗန္ဓုဝိသကထာဝတ္ထနာ	၃၀၃
ခတ္တိယသေဋ္ဌဘာဝဝတ္ထနာ	၃၀၄
ဝိဇ္ဇာစရဏကထာဝတ္ထနာ	၃၀၅
စတုအပါယမုခကထာဝတ္ထနာ	၃၀၆
ပုဗ္ဗကဇ္ဈိသိဘာဝါနုယောဂဝတ္ထနာ	၃၀၇
ဒွေလက္ခဏဒဿနဝတ္ထနာ	၃၀၉
ပေါက္ခရသဘာဝိဗုဒ္ဓုပသက်မနဝတ္ထနာ	၃၁၀
ပေါက္ခရသဘာဝိဥပါသကတ္တပဋိဝေဒနာကထာဝတ္ထနာ	၃၁၁

၄-သောဏဒဏ္ဍသုတ္တ

သောဏဒဏ္ဍဂုဏကထာဝတ္ထနာ	၃၁၃
ဗုဒ္ဓဂုဏကထာဝတ္ထနာ	၃၁၆
သောဏဒဏ္ဍပရိဝိတက္ကဝတ္ထနာ	၃၁၈
ဗြာဟ္မဏပညတ္တိဝတ္ထနာ	၃၁၈
သီလပညာကထာဝတ္ထနာ	၃၁၉
သောဏဒဏ္ဍဥပါသကတ္တပဋိဝေဒနာကထာဝတ္ထနာ	၃၂၀

၅-ဘူတသုတ္တ

မဟာဝိဇီတရာဇယညကထာဝတ္ထနာ	၃၂၂
စတုပရိက္ခာရဝတ္ထနာ	၃၂၄

သီလက္ခန္ဓဝဂ္ဂဋီကာ

[၁၈

မာတိကာ

ပိဋကံ

အဋ္ဌပရိက္ခာရဝဏ္ဏနာ	၃၂၅
စတုပရိက္ခာရဒီပဝဏ္ဏနာ	၃၂၆
နိစ္စဒါနအနုကုလယညဝဏ္ဏနာ	၃၃၀
ကုဋဒန္တဥပါသကတ္တပဋိဝေဒနာကထာဝဏ္ဏနာ	၃၃၅

၆-မဟာလိသုတ္တ

ဗြာဟ္မဏဒူတဝတ္ထုဝဏ္ဏနာ	၃၃၇
ဩဋ္ဌလိစ္ဆဝိဝတ္ထုဝဏ္ဏနာ	၃၃၇
ဧကံသဘာဝိတသမာဓိဝဏ္ဏနာ	၃၃၉
စတုအရိယဖလဝဏ္ဏနာ	၃၄၀
အရိယအဋ္ဌင်္ဂိကမဂ္ဂဝဏ္ဏနာ	၃၄၀
ဒွေပဗ္ဗဇိတဝတ္ထုဝဏ္ဏနာ	၃၄၃

၇-ဇာလိယသုတ္တ

ဒွေပဗ္ဗဇိတဝတ္ထုဝဏ္ဏနာ	၃၄၄
-----------------------	------	------	-----

၈-မဟာသီဟနာဒသုတ္တ

အစေလကဿပဝတ္ထုဝဏ္ဏနာ	၃၄၇
သမနုယုဉ္ဇာပနကထာဝဏ္ဏနာ	၃၅၀
အရိယအဋ္ဌင်္ဂိကမဂ္ဂဝဏ္ဏနာ	၃၅၂
တပေါပက္ကမကထာဝဏ္ဏနာ	၃၅၂
တပေါပက္ကမနိရတ္တကတဝဏ္ဏနာ	၃၅၄
သီလသမာဓိပညာသမ္ပဒါဝဏ္ဏနာ	၃၅၅
သီဟနာဒကထာဝဏ္ဏနာ	၃၅၆
တိတ္ထိယပရိဝါသကထာဝဏ္ဏနာ	၃၅၈

၉-ပေါဋ္ဌပါဒသုတ္တ

ပေါဋ္ဌပါဒပုရိဗ္ဗာဇကဝတ္ထုဝဏ္ဏနာ	၃၆၁
အဘိသညာနိရောဓကထာဝဏ္ဏနာ	၃၆၃

မာတိကာ			ပိဋက
အဟေတုကသညပ္ပါဒနိရောဓကထာဝဏ္ဏနာ	၃၆၅
သညာအတ္တကထာဝဏ္ဏနာ	၃၇၃
စိတ္တဟတ္ထိသာရိပုတ္တပေါဋ္ဌပါဒဝတ္ထုဝဏ္ဏနာ	၃၇၆
ဧကံသိကဓမ္မဝဏ္ဏနာ	၃၇၇
တယောအတ္တပဋိလာဘဝဏ္ဏနာ	၃၇၈
၁၀-သုဘသုတ္တ			
သုဘမာဏဝကဝတ္ထုဝဏ္ဏနာ	၃၈၄
သီလက္ခန္ဓဝဏ္ဏနာ	၃၈၆
သမာဓိက္ခန္ဓဝဏ္ဏနာ	၃၈၇
၁၁-ကေဝဋ္ဌသုတ္တ			
ကေဝဋ္ဌဂဟပတိပုတ္တဝတ္ထုဝဏ္ဏနာ	၃၈၈
ဣဒ္ဓိပါဋိဟာရိယဝဏ္ဏနာ	၃၈၉
အာဒေသနာပါဋိဟာရိယဝဏ္ဏနာ	၃၈၉
အနုသာသနီပါဋိဟာရိယဝဏ္ဏနာ	၃၉၀
ဘူတနိရောဓေသကဝတ္ထုဝဏ္ဏနာ	၃၉၁
၁၂-လောဟိစ္စသုတ္တ			
လောဟိစ္စဗြာဟ္မဏဝတ္ထုဝဏ္ဏနာ	၃၉၅
လောဟိစ္စဗြာဟ္မဏာနုယောဂဝဏ္ဏနာ	၃၉၅
တယောစောဒနာရဟဝဏ္ဏနာ	၃၉၆
နစောဒနာရဟသတ္ထုဝဏ္ဏနာ	၃၉၇
၁၃-ဧတဝိဇ္ဇသုတ္တ			
မဂ္ဂါမဂ္ဂကထာဝဏ္ဏနာ	၃၉၉
အစိရဝတိနဒီဥပမာကထာဝဏ္ဏနာ	၄၀၁
သံသန္ဓနကထာဝဏ္ဏနာ	၄၀၃
ဗြဟ္မလောကမဂ္ဂဒေသနာဝဏ္ဏနာ	၄၀၄

သီလက္ခန္ဓဝဂ္ဂဋီကာယ မာတိကာ နိဋ္ဌိတာ။

ဒီဃာနိကာယ

သီလကုန္ဒဝဂ္ဂဉ္စကာ

နမော တဿ ဘဂဝတော အရဟတော သမ္မာသမ္ဗုဒ္ဓဿ။

ဝန္တရန္တကထာဝဏ္ဏနာ

သံဝဏ္ဏနာရန္တရတနတ္ထယဝန္တနာ သံဝဏ္ဏေတဗ္ဗဿ ဓမ္မဿ ပဘဝနိဿယ-
ဝိသုဒ္ဓိပဋိဝေဒနတ္ထံ၊ တံ ပန ဓမ္မသံဝဏ္ဏနာသု ဝိညှနံ ဗဟုမာနုပ္ပါဒနတ္ထံ၊ တံ
သမ္မဒေဝ တေသံ ဥဂ္ဂဟခာရဏာဒိက္ခမလဒ္ဓဗ္ဗာယ သမ္မာပဋိပတ္တိယာ သဗ္ဗဟိတ-
သုခနိပ္ပါဒနတ္ထံ။ အထ ဝါ မင်္ဂလဘာဝတော၊ သဗ္ဗကိရိယာသု ပုဗ္ဗကိစ္စ-
ဘာဝတော၊ ပဏ္ဍိတေဟိ သမ္မာစရိတဘာဝတော၊ အာယတိံ ပရေသံ ဒိဋ္ဌာန-
ဂတိအာပဇ္ဇနတော စ သံဝဏ္ဏနာယံ ရတနတ္ထယပဏာမကိရိယာ။ အထ ဝါ
ရတနတ္ထယပဏာမကရဏံ ပူဇနီယပူဇာပုညဝိသေသနိဗ္ဗတ္တနတ္ထံ၊ တံ အတ္တနော
ယထာလဒ္ဓသမ္ပတ္တိနိမိတ္တကဿ ကမ္မဿ ဗလာနုပ္ပါဒနတ္ထံ၊ အန္တရာ စ တဿ
အသင်္ကေတနတ္ထံ၊ တဒုဘယံ အနန္တရာယေန အဋ္ဌကထာယ ပရိသမာပနတ္ထံ။
ဣဒမေဝ စ ပယောဇနံ အာစရိယေန ဣဓာမိပ္ပေတံ။ တထာ ဟိ ဝက္ခတိ
“ဣဘိ မေ ပသန္ဓမတိနော။ပ။တဿာနုဘာဝေနာ”တိ။ ဝတ္ထုတ္တယပူဇာ ဟိ
နိရတိသယပုညက္ခေတ္တသမ္ပုဒ္ဓိယာ အာရိမေယျပ္ပဘာဝေါ ပုညာတိသယောတိ
ဗဟုဝိဓန္တရာယေဝိ လောကသန္ဓိဝါသေ အန္တရာယနိဗ္ဗန္ဓနသကလသံင်္ဂလေသ-
ဝိဒ္ဓိသနာယ ပဟောတိ၊ ဘယာဒိဥပဒ္ဓဝဉ္စ နိဝါရေတိ။ ယထာဟ—

“ပူဇာရဟေ ပူဇယတော၊ ဗုဒ္ဓေ ယဒိ ဝ သာဝကေ”တိအာဒိ၂၊

တထာ—

“ယေ ဘိက္ခဝေ ဗုဒ္ဓေ ပသန္ဓာ၊ အဂ္ဂေ တေ ပသန္ဓာ။ အဂ္ဂေ ခေါ
ပန ပသန္ဓာနံ အဂ္ဂေါ ဝိပါကော ဟောတိ”တိအာဒိ၃၊

၁-သမာစရိတဘာဝတော (က) ၂-ခု ၁-၄၂၊ ၃ ၃-၁၄၇-ပိဋ္ဌေသု။ ၃-အံ ၁-၃၄၃၊ ၃ ၁-၂၅၄၊ ၂၅၅-ပိဋ္ဌေသု။

ဒီ-နိ ၁-၁—န-ဗု-သ

“ဗုဒ္ဓေါတိ ကိတ္တယန္တဿ၊ ကာယေ ဘဝတိ ယာ ပီတိ။
 ဝရမေဝ ဟိ သာ ပီတိ၊ ကသိဏေနပိ ဇမ္ဗုဒီပဿ။
 ဓမ္မောတိ။ပ။ သံဃောတိ ။ပ။ ဒီပဿာ”တိ၊

တထာ—

“ယသ္မိံ မဟာနာမ သမယေ အရိယသာဝကော တထာဂတံ
 အနုဿရတိ၊ နေဝဿ တသ္မိံ သမယေ ရာဂပရိယုဋ္ဌိတံ စိတ္တံ
 ဟောတိ၊ န ဒေါသ။ပ။ န မောဟပရိယုဋ္ဌိတံ စိတ္တံ ဟောတိ”တိ-
 အာဒိ၊

“အရညေ ရုက္ခမူလေ ဝါ။ပ။
 ဘယံ ဝါ ဆန္ဒိတတ္ထံ ဝါ၊
 လောမဟံသော န ဟေသတိ”တိ၊ စ။

တတ္ထ ယဿ ဝတ္ထုတ္တယဿ ဝန္တနံ ကတ္ထုကာမော၊ တဿ ဂုဏာတိသယ-
 ယောဂသန္တဿနတ္ထံ “**ကရုဏာသီတလဟဒယ**”န္တိအာဒိနာ ဂါထတ္တယမာဟ။
 ဂုဏာတိသယယောဂေန ဟိ ဝန္တနာရဟဘာဝေါ၊ ဝန္တနာရဟေ စ ကတာ
 ဝန္တနာ ယထာဓိပ္ပေတပ္ပယောဇနံ သာဓေတိတိ။ တတ္ထ ယဿာ ဒေသနာယ
 သံဝဏ္ဏနံ ကတ္ထုကာမော၊ သာ န ဝိနယဒေသနာ ဝိယ ကရုဏာပဉ္စာနာ၊ နာပိ
 အဘိဓမ္မဒေသနာ ဝိယ ပညာပဉ္စာနာ၊ အထ ခေါ ကရုဏာပညာပဉ္စာနာတိ
 တဒုဘယပဉ္စာနမေဝ တာဝ သမ္မာသမ္ဗုဒ္ဓဿ ထောမနံ ကာတုံ တံမူလကတ္တာ
 သေသရတနာနံ “**ကရုဏာသီတလဟဒယ**”န္တိအာဒိ ဝုတ္တံ။

တတ္ထ ကိရတိတိ ကရုဏာ၊ ပရဒုက္ခံ ဝိက္ခိပတိ အပနေတိတိ အတ္ထော။ အထ
 ဝါ ကိဏာတိတိ ကရုဏာ၊ ပရဒုက္ခေ သတိ ကာရုဏိကံ ဟိံသတိ ဝိဗာဓတိတိ
 အတ္ထော၊ ပရဒုက္ခေ သတိ သာဓူနံ ကမ္ပနံ ဟဒယဓေဒံ ကရောတိတိ ဝါ ကရုဏာ။
 အထ ဝါ ကမိတိ သုခံ၊ တံ ရုန္တတိတိ ကရုဏာ။ ဒေသ ဟိ ပရဒုက္ခာပနယန-
 ကာမတာလက္ခဏာ၊ အတ္တသုခနိရပေက္ခတာယ ကာရုဏိကာနံ သုခံ ရုန္တတိ
 ဝိဗန္ဓတိတိ။ ကရုဏာယ သီတလံ ကရုဏာသီတလံ၊ ကရုဏာသီတလံ ဟဒယံ
 အဿာတိ ကရုဏာသီတလဟဒယော၊ တံ **ကရုဏာသီတလဟဒယံ**။ တတ္ထ
 ကိဉ္စာပိ ပရေသံ ဟိတောပသံဟာရသုခါဒိအပရိဟာနိစ္ဆနသဘာဝတာယ၊
 ဗျာပါဒါရတိနံ ဥဇုဝိပစ္စနိကတာယ စ သတ္တသန္တာနဂတသန္တာပဝိစ္ဆေဒနာ-
 ကာရပ္ပဝတ္တိယာ မေတ္တာမုဒိတာနမ္ပိ စိတ္တသီတလဘာဝကာရဏတာ ဥပလဗ္ဗတိ။

တထာပိဒုက္ခာပနယနာကာရပ္ပဝတ္တိယာ ပရူပတာပါသဟနရသာ အဝိဟိံသာ-
ဘူတာ ကရုဏာ ဝိသေသေန ဘဂဝတော စိတ္တဿ စိတ္တပဿဒ္ဓိ ဝိယ သီတိ-
ဘာဝနိမိတ္တန္တိ ဝုတ္တံ “**ကရုဏာသီတလဟဒယ**”န္တိ၊ ကရုဏာမုခေန ဝါ
မေတ္တာမုဒိတာနမ္ပိ ဟဒယသီတလဘာဝကာရဏတာ ဝုတ္တာတိ ဒဋ္ဌဗ္ဗံ။

အထ ဝါ အသာဓာရဏဉာဏဝိသေသနိဗန္ဓနဘူတာ သာတိသယံ နိရဝ-
သေသဉ္စ သဗ္ဗညုတညာဏံ ဝိယ သဝိသယဗျာပိတဿ မဟာကရုဏာဘာဝံ
ဥပဂတာ ကရုဏာဝ ဘဂဝတော အတိသယေန ဟဒယသီတလဘာဝဟေတူတိ
အာဟ “**ကရုဏာသီတလဟဒယ**”န္တိ။ အထ ဝါ သတိပ မေတ္တာမုဒိတာနံ
သာတိသယေ ဟဒယသီတိဘာဝနိဗန္ဓနတ္ထေ သကလဗုဒ္ဓဂုဏဝိသေသကာရဏ-
တာယ တာသမ္ပိ ကာရဏန္တိ ကရုဏာဝ ဘဂဝတော ဟဒယသီတလဘာဝ-
ကာရဏံ ဝုတ္တာ။ ကရုဏာနိဒါနာ ဟိ သဗ္ဗေပိ ဗုဒ္ဓဂုဏာ။ ကရုဏာနုဘာဝ-
နိဗ္ဗာပိယမာနသံသာရဒုက္ခသန္တာပဿ ဟိ ဘဂဝတော ပရဒုက္ခာပနယနကာမ-
တာယ အနေကာနိပိ အသင်္ချေယျာနိ ကပ္ပိနံ အကိလန္တရူပသေဝ နိရဝသေသ-
ဗုဒ္ဓကရဓမ္မသမ္ဘရဏနိယတဿ သမဓိဂတဓမ္မာဓိပတေယုဿ စ သန္တိဟိ-
တေသုပိ သတ္တသင်္ခါရသမုပနိတဟဒယူပတာပနိမိတ္တေသု န ဤသကမ္ပိ စိတ္တသီတိ-
ဘာဝဿညထတ္တမဟောသီတိ။ ဧတသ္မိန္ဒ အတ္ထဝိကပ္ပေ တီသုပိ အဝတ္ထာသု
ဘဂဝတော ကရုဏာ သင်္ဂဟိတာတိ ဒဋ္ဌဗ္ဗံ။

ပဇာနာတိတိ ပညာ၊ ယထာသဘာဝံ ပကာရေဟိ ပဋိဝိဇ္ဈတိတိ အတ္ထော။
ပညာဝ ဥေယျာဝရဏပ္ပဟာနတော ပကာရေဟိ ဓမ္မသဘာဝါဝဇောတနဋ္ဌေန
ပဇ္ဇောတောတိ ပညာပဇ္ဇောတော၊ သဝါသနပ္ပဟာနတော ဝိသေသေန ဟတံ
သမုလ္လိဂ္ဂိတံ ဝိဟတံ၊ ပညာပဇ္ဇောတေန ဝိဟတံ ပညာပဇ္ဇောတဝိဟတံ၊
မုယုန္တိ တေန၊ သယံ ဝါ မုယုတိ၊ မောဟနမတ္တမေဝ ဝါ တန္တိ မောဟော၊
အဝိဇ္ဇာ။ သွေဝ ဝိသယသဘာဝပဋိစ္စာဒနတော အန္ဓကာရသရိက္ခတာယ
တမော ဝိယာတိ တမော၊ ပညာပဇ္ဇောတဝိဟတော မောဟတမော
ဧတဿာတိ ပညာပဇ္ဇောတဝိဟတမောဟတမော၊ တံ **ပညာပဇ္ဇောတ-
ဝိဟတမောဟတမံ**။ သဗ္ဗေသဒ္ဓိ ဟိ ဒီဏာသဝါနံ သတိပိ ပညာပဇ္ဇောတေန
အဝိဇ္ဇာန္ဓကာရဿဝိဟတဘာဝေသဒ္ဓါဓိမုတ္တေဟိ ဝိယ ဒိဋ္ဌိပ္ပတ္တာနံ သာဝကေဟိ၊
ပစ္စေကသမ္ပုဒ္ဓေဟိ စ သဝါသနပ္ပဟာနေန သမ္မာသမ္ပုဒ္ဓါနံ ကိလေသပ္ပဟာနဿ
ဝိသေသော၊ ဝိဇ္ဇာတိတိ သာတိသယေန အဝိဇ္ဇာပ္ပဟာနေန ဘဂဝန္တိ
ထောမေန္တော အာဟ “**ပညာပဇ္ဇောတဝိဟတမောဟတမံ**”န္တိ။

အထ ဝါ အန္တရေန ပရောပဒေသံ အတ္တနော သန္တာနေ အစ္စန္တံ အဝိဇ္ဇာန္တကာရိဂမဿ နိဗ္ဗတ္တိတတ္တာ၊ တတ္ထ စ သဗ္ဗညုတာယ၊ ဗလေသု စ ဝသီဘာဝဿ သမဓိဂတတ္တာ၊ ပရသန္တတိယဉ္စ ဓမ္မဒေသနာတိသယာနဘာဝေန သမ္ပဒေဝတဿ ပဝတ္တိတတ္တာ ဘဂဝါဝ ဝိသေသတော မောဟတမဝိဂမေန ထောမေတဗ္ဗောတိ အာဟ “ပညာပဇ္ဇောတဝိဟတမောဟတမ” န္တိ။ ဣမသို့ဉ္စ အတ္တဝိကပ္ပေ “ပညာပဇ္ဇောတော” တိ ပဒေန ဘဂဝတော ပဋိဝေဓပညာ ဝိယဒေသနာပညာပိ သာမညနိဒ္ဒေသေန ဧကသေသနယေန ဝါ သင်္ဂဟိတာတိ ဒဋ္ဌဗ္ဗံ။

အထ ဝါ ဘဂဝတော ဉာဏဿ ဥေယျပရိယန္တိကတ္တာ သကလဥေယျဓမ္မသဘာဝါဝဓောနေသမတ္ထေန အနာဝရဏဉာဏသင်္ခါတေန ပညာပဇ္ဇောတေန သဗ္ဗဥေယျဓမ္မသဘာဝန္တာဒကဿ မောဟန္တကာရဿ ဝိဓိတတ္တာ အနညသာဓာရဏော ဘဂဝတော မောဟတမဝိနာသောတိ ကတွာ ဝုတ္တံ “ပညာပဇ္ဇောတဝိဟတမောဟတမ” န္တိ။ ဧတ္ထ စ မောဟတမဝိဓမနန္တေ အဓိဂတတ္တာ အနာဝရဏဉာဏံ ကာရဏူပစာရေန သကသန္တာနေ မောဟတမဝိဓမနံ ဒဋ္ဌဗ္ဗံ။ အဘိနိဟာရသမ္ပတ္တိယာ သဝါသနပ္ပဟာနမေဝ ဟိ ကိလေသာနံ “ဥေယျာဝရဏပ္ပဟာန” န္တိ၊ ပရသန္တာနေ ပန မောဟတမဝိဓမနဿ ကာရဏဘာဝတော အနာဝရဏဉာဏံ “မောဟတမဝိဓမန” န္တိ ဝုစ္စတိတိ။

ကိံ ပန ကာရဏံ အဝိဇ္ဇာဝိညါတောယေဝေကော ပဟာနသမ္ပတ္တိဝသေန ဘဂဝတော ထောမနာနိမိတ္တံ ဂယတိ၊ န ပန သာတိသယနိရဝသေသကိလေသပ္ပဟာနန္တိ? တပ္ပဟာနဝစနေနေဝ တဒေကဋ္ဌတာယ သကလသံကိလေသဂဏသမုဋ္ဌါတဇောတိတဘာဝတော။ န ဟိ သော တာဒိသော ကိလေသော အတ္ထိ၊ ယော နိရဝသေသအဝိဇ္ဇာပ္ပဟာနေန န ပဟိယတိတိ။ အထ ဝါ ဝိဇ္ဇာ ဝိယ သကလကုသလဓမ္မသမ္ပတ္တိယာ နိရဝသေသာကုသလဓမ္မနိဗ္ဗတ္တိယာ၊ သံသာရပ္ပဝတ္တိယာ စ အဝိဇ္ဇာ ပဓာနကာရဏန္တိ တဗ္ဗိညါတဝစနေန သကလသံကိလေသဂဏသမုဋ္ဌါတော ဝုတ္တောယေဝ ဟောတိတိ ဝုတ္တံ “ပညာပဇ္ဇောတဝိဟတမောဟတမ” န္တိ။

နရာ စ အမရာ စ နရာမရာ၊ သဟ နရာမရေဟိတိ သနရာမရော၊ သနရာမရော စ သော လောကော စာတိ သနရာမရလောကော၊ တဿ ဂရုတိ သနရာမရလောကဂရု၊ တံ သနရာမရလောကဂရုံ။ ဧတေန ဒေဝမနုဿာနံ ဝိယ တဒဝသိဋ္ဌသတ္တာနမ္ပိ ယထာရဟံ ဂုဏဝိသေသာဝဟတော ဘဂဝတော

ဥပကာရိတံ ဒဿေတိ။ န စေတ္ထ ပဓာနာပဓာနဘာဝေါ စောဒေတဗ္ဗော။
 အညောဟိ သဒ္ဓက္ကမော၊ အညော အတ္တက္ကမော။ ဧဒိဿေသု ဟိ သမာသပဒေသု
 ပဓာနမ္ပိ အပ္ပဓာနံ ဝိယ နိဒ္ဒိသီယတိ ယထာ “သရာဇိကာယ ပရိသာယာ”တိ။
 ကာမဇ္ဈတ္တ သတ္တသင်္ခါရဘာဇနဝသေန တိဝိဓော လောကော၊ ဂရုဘာဝဿ
 ပန အဓိပ္ပေတတ္တာ ဂရုကရုဏသမတ္တဿေဝ ယုဇ္ဇနတော သတ္တလောကဿ
 ဝသေန အတ္ထော ဂဟေတဗ္ဗော။ သော ဟိ လောကီယန္တိ ဧတ္ထ ပုညပါပါနိ
 တဗ္ဗိပါကော စာတိ “လောကော”တိ ဝုစ္စတိ။ အမရဂ္ဂဟဏေန စေတ္ထ ဥပပတ္တိ-
 ဒေဝါ အဓိပ္ပေတာ။

အထ ဝါ သမူဟတ္ထော လောက-သဒ္ဓေါ သမုဒါယဝသေန လောကီယတိ
 ပညာပီယတိတိ။ သဟ နရေဟိတိ သနရာ၊ သနရာ စ တေ အမရာ စေတိ
 သနရာမရာ၊ တေသံ လောကောတိ သနရာမရလောကောတိ ပုရိမနယေနေဝ
 ယောဇေတဗ္ဗံ။ အမရ-သဒ္ဓေန စေတ္ထ ဝိသုဒ္ဓိဒေဝါပိ သင်္ဂယန္တိ။ တေ ဟိ
 မရဏာဘာဝတော ပရမတ္ထတော အမရာ။ နရာမရာနံယေဝ စ ဂဟဏံ
 ဥက္ကဋ္ဌနိဒ္ဒေသဝသေန ယထာ “သတ္တာ ဒေဝမနုဿာန”န္တိ။ တထာ ဟိ
 သဗ္ဗာနတ္ထပရိဟရဏပုဗ္ဗင်္ဂမာယ နိရဝသေသဟိတသုခဝိဓာနတပ္ပရာယ နိရတိ-
 သယာယ ပယောဂသမ္ပတ္တိယာ သဒေဝမနုဿာယ ပဇာယ အစ္စန္ဒ၊ ပကာရိ-
 တာယ၊ အာရိမိဘနိရူပမပ္ပဘာဝဂုဏဝိသေသသမင်္ဂိတာယ စ သဗ္ဗသတ္တုတ္တမော
 ဘဂဝါ အပရိမာဏာသု လောကဓာတုသု အပရိမာဏာနံ သတ္တာနံ ဥက္ကမံ
 ဂါရဝဋ္ဌာနံ။ တေန ဝုတ္တံ “သနရာမရလောကဂရု”န္တိ။

သောဘနံ ဂတံ ဂမနံ ဧတဿာတိ သုဂတော။ ဘဂဝဘော ဟိ ဝေနယျ-
 ဇနပသင်္ဂမနံ ဧကန္တေန တေသံ ဟိတသုခနိပ္ပုဒနတော သောဘနံ၊ တထာ
 လက္ခဏာ^၁နုဗျဉ္ဇန^၂ပဋိမဏ္ဍိတရူပကာယဘာယဒုတဝိလမ္ဘိတခလိတာနုကဗျနိဗ္ဗိ-
 ဋ္ဌနုက္ကုဋ်ကကုဋ်လကုလတဒိဒေါသရဟိတံ ဝိလာသိတ^၃ရာဇဟံသဝသဘဝါ-
 ရဏမိဂရာဇဂမနံ ကာယဂမနံ ဉာဏဂမနန္တ ဝိပုလနိမ္မလကရုဏာသတိဝိရိယာဒိ-
 ဂုဏဝိသေသသဟိတမဘိနိဟာရတော ယာဝ မဟာဗောဓိ အနဝဇ္ဇတာယ
 သောဘနမေဝါတိ။

အထ ဝါ သယမ္ဘုဉာဏေန သကလမ္ပိ လောကံ ပရိညာဘိသမယဝသေန
 ပရိဇာနန္တော ဉာဏေန သမ္မာ ဂတော အဝဂတောတိ သုဂတော။ တထာ

၁-အပဒါန-ဋ္ဌ ၁-၁၃၂-ပိဋေ။ ၂-ဒီ ၁-၄၆-ပိဋေ။
 ၃-ဒီ ၁-၁၃၊ ဒီ ၃-၁၁၇၊ မ ၂-၃၃၆-ပိဋေသု ဝိတ္ထာရော။
 ၄-ဇိနာလင်္ကာရဋီကာယ ဝိဇာတမင်္ဂလဝဏ္ဏနာယံ ဝိတ္ထာရော။ ၅-....ရဟိတမဝဟသိတ (ဗဟုသု)

လောကသမုဒယံ ပဟာနာဘိသမယဝသေန ပဇဟန္တော အနုပ္ပတ္တိဓမ္မတံ
 အာပါဒေန္တော သမ္မာ ဂတော အဘိတောတိ သုဂတော။ လောကနိရောဓံ
 နိဗ္ဗာနံ သတ္တိကိရိယာဘိသမယဝသေန သမ္မာ ဂတော အဓိဂတောတိ သုဂတော။
 လောကနိရောဓဂါမိနိပဋ္ဌိပဒံ ဘာဝနာဘိသမယဝသေန သမ္မာ ဂတော
 ပဋိပန္နောတိ သုဂတော။ သောတာပတ္တိမဂ္ဂေန ယေ ကိလေသာ ပဟိနာ၊ တေ
 ကိလေသေ န ပုနေတိ န ပစ္စေတိ န ပစ္စာဂစ္ဆတိတိ သုဂတောတိအာဒိနာ
 နယေန အယမတ္ထော ဝိဘာဝေတဗ္ဗော။ အထ ဝါ သုန္ဓရံ ဌာနံ သမ္မာသမ္ဗောဓိံ
 နိဗ္ဗာနမေဝ ဝါ ဂတော အဓိဂတောတိ သုဂတော။ ယသ္မာ ဝါ ဘူတံ တစ္ဆံ
 အတ္တသဉ္စိတံ ဝိနေယျာနံ ယထာရဟံ ကာလယုတ္တမေဝ စ ဓမ္မံ ဘာသတိ၊
 တသ္မာ သမ္မာ ဂဒတိတိ သုဂတော ဒ-ကာရဿ တ-ကာရံ ကတွာ။ ဣတိ
 သောဘနဂမနတာဒီဟိ သုဂတော၊ တံ သုဂတံ။

ပုညပါပကမ္မေဟိ ဥပပဇ္ဇနဝသေန ဂန္တဗ္ဗတော ဂတိယော၊ ဥပပတ္တိဘဝ-
 ဝိသေသာ။ တာ ပန နိရယာဒိဝသေန ပဉ္စဝိဓာ၊ တာဟိ သကလဿာပိ
 ဘဝဂါမိကမ္မဿ အရိယမဂ္ဂါမိဂမေန အဝိပါကာရဟဘာဝကရဏေန နိဝတ္တိ-
 တတ္တာ ဘဂဝါ ပဉ္စဟိပိ ဂတိဟိ သုဠ၊ မုတ္တော ဝိသံယုတ္တောတိ အာဟ
 “ဂတိဝိမုတ္တ”န္တိ။ ဧတေန ဘဂဝတော ကတ္တမိပိ ဂတိယာ အပရိယာပန္နတံ
 ဒဿေတိ၊ ယတော ဘဂဝါ “ဒေဝါတိဒေဝေါ”တိ ဝုစ္ဆတိ။ တေနေဝါဟ—

“ယေန ဒေဝုပပတျဿ၊ ဂန္တဗ္ဗော ဝါ ဝိဟင်္ဂမော။

ယက္ခတ္တံ ယေန ဂစ္ဆေယျံ၊ မနုဿတ္တဉ္စ အဗ္ဗဇေ။

တေ မယံ အာသဝါဒီဏာ၊ ဝိဒ္ဓန္တာ ဝိနဋ္ဌိကတာ”တိ။

တံဘံဂဘိသံဝတ္တနကာနဉ္စိ ကမ္မကိလေသာနံ အဂ္ဂမဂ္ဂေန ဗောဓိမူလေယေဝ
 သုပ္ပဟိနတ္တာ နတ္ထိ ဘဂဝတော ဂတိပရိယာပန္နတာတိ အစ္စန္တမေဝ ဘဂဝါ
 သဗ္ဗဘဝယောနိဂတိဝိညာဏဋ္ဌိတိသတ္တာဝါသသတ္တနိကာယေဟိ သုပရိမုတ္တော၊
 တံ ဂတိဝိမုတ္တံ။ ဝန္တေတိ နမာမိ၊ ထောမေဓိတိ ဝါ အတ္ထော။

အထ ဝါ ဂတိဝိမုတ္တန္တိ အနုပါဒိသေသနိဗ္ဗာနဓာတုပ္ပတ္တိယာ ဘဂဝန္တံ ထော-
 မေတိ။ ဧတ္ထ ဟိ ဒွိဟာကာရေဟိ ဘဂဝတော ထောမနာ ဝေဒိတဗ္ဗာ အတ္တ-
 ဟိတသမ္ပတ္တိတော၊ ပရဟိတပဋိပတ္တိတော စ။ တေသု အတ္တဟိတသမ္ပတ္တိ အနာ-
 ဝရဏဉာဏာမိဂမတော၊ သဝါသနာနံ သဗ္ဗေသံ ကိလေသာနံ အစ္စန္တပ္ပဟာန-
 တော၊ အနုပါဒိသေသနိဗ္ဗာနပ္ပတ္တိတော စ ဝေဒိတဗ္ဗာ။ ပရဟိတပဋိပတ္တိ

လာဘသက္ကာရာဒိနိရပေက္ခစိတ္တဿ သဗ္ဗဒုက္ခနိယျာနိကဓမ္မဒေသနာတော၊
 ဝိရုဒ္ဓေသုပ္ပိ နိစ္စံ ဟိတဇ္ဈာသယတော၊ ဉာဏပရိပါကကာလာဂမနတော စ။
 သာ ပနေတ္ထ အာသယတော ပယောဂတော စ ဒုဝိဓာ ပရဟိတပဋိပတ္တိ၊
 တိဝိဓာ စ အတ္တဟိတသမ္ပတ္တိ ပကာသိတာ ဟောတိ။ ကထံ? “ကရုဏာ-
 သီတလဟဒယ”န္တိ ဧတေန အာသယတော ပရဟိတပဋိပတ္တိ၊ သမ္မာ ဂဒနတ္ထေန
 သုဂတ-သဒ္ဓေန ပယောဂတော ပရဟိတပဋိပတ္တိ၊ “ပညာပဇ္ဇောတဝိဟတ-
 မောဟတမံ ဂတိဝိမုတ္တ”န္တိ ဧတေဟိ စတုသစ္စပဋိဝေဓတ္ထေန စ သုဂတသဒ္ဓေန
 တိဝိဓာပိ အတ္တဟိတသမ္ပတ္တိ၊ အဝသိဋ္ဌေန၊ “ပညာပဇ္ဇောတဝိဟတမောဟ-
 တမ”န္တိ ဧတေန စ သဗ္ဗာပိ အတ္တဟိတသမ္ပတ္တိပရဟိတပဋိပတ္တိ ပကာသိတာ
 ဟောတိတိ။

အထ ဝါ တိဟာကာရေဟိ ဘဂဝတော ထောမနာ ဝေဒိတဗ္ဗာ ဟေတု-
 တော ဖလတော ဥပကာရတော စ။ တတ္ထ ဟေတု မဟာကရုဏာ၊ သာ
 ပဌမပဒေန နိဒဿိတာ။ ဖလံ စတုဗ္ဗိဓံ ဉာဏသမ္ပဒါ ပဟာနသမ္ပဒါ အာနု-
 ဘာဝသမ္ပဒါ ရူပကာယသမ္ပဒါ စာတိ။ တာသု ဉာဏပ္ပဟာနသမ္ပဒါ ဒုတိယ-
 ပဒေန သစ္စပဋိဝေဓတ္ထေန စ သုဂတ-သဒ္ဓေန ပကာသိတာ ဟောန္တိ။ အာနု-
 ဘာဝသမ္ပဒါ တတိယပဒေန၊ ရူပကာယသမ္ပဒါ ယထာဝုတ္တကာယဂမနသော-
 ဘနတ္ထေန သုဂတ-သဒ္ဓေန လက္ခဏာ^၁နုဗျန္တန^၂ပါရိပူရိယာ ဝိနာ တဒဘာဝ-
 တော။ ဥပကာရော အန္တရံ အဗာဟိရံ ကရိတွာ တိဝိဓယာနမုခေန ဝိမုတ္တိဓမ္မ-
 ဒေသနာ၊ သော သမ္မာ ဂဒနတ္ထေန သုဂတ-သဒ္ဓေန ပကာသိတော ဟောတိတိ
 ဝေဒိတဗ္ဗံ။

တတ္ထ “ကရုဏာသီတလဟဒယ”န္တိ ဧတေန သမ္မာသမ္ဗောဓိယာ မူလံ
 ဒဿေတိ။ မဟာကရုဏာသဇ္ဇောဒိတမာနသော ဟိ ဘဂဝါ သံသာရပဏ်-
 တော သတ္တာနံ သမုဒ္ဓရဏတ္ထံ ကတာဘိနိဟာရော အနုပုဗ္ဗေန ပါရမိယော
 ပူရေတွာ အနုတ္တရံ သမ္မာသမ္ဗောဓိံ အဓိဂတောတိ ကရုဏာသမ္မာသမ္ဗောဓိယာ
 မူလံ။ “ပညာပဇ္ဇောတဝိဟတမောဟတမ”န္တိ ဧတေန သမ္မာသမ္ဗောဓိံ ဒဿေတိ။
 အနာဝရဏဉာဏပဒဋ္ဌာနဉ္စိ မဂ္ဂဉာဏံ၊ မဂ္ဂဉာဏပဒဋ္ဌာနဉ္စ အနာဝရဏဉာဏံ
 “သမ္မာသမ္ဗောဓိ”တိ ဝုစတိတိ။ သမ္မာ ဂဒနတ္ထေန သုဂတ-သဒ္ဓေန သမ္မာ-
 သမ္ဗောဓိယာ ပဋိပတ္တိံ ဒဿေတိ လိနဒ္ဓစ္စပတိဋ္ဌာနာယူဟနကာမသု-
 ခလ္လိကတ္တကိလမထာနုယောဂသဿတုစ္ဆေဒါဘိနိဝေသာဒိအန္တဒ္ဓယရဟိတာယ

၁-ဒိ ၂-၁၃-ဒိ ၃-၁၁၇၊ မ ၂-၃၃၆-ဝိဇ္ဇေသု ဝိတ္တာရော။
 ၂-ဇိနာလင်္ကာရဋီကာယ ဝိဇ္ဇာတမင်္ဂလဝဏ္ဏနာယံ ဝိတ္တာရော။

ကရုဏာပညာပရိဂ္ဂဟိတာယ မဇ္ဈိမာယ ပဋိပတ္တိယာ ပကာသနတော သုဂတ-
သဒ္ဓဿ။ ဣတရေဟိ သမ္မာသမ္ဗောဓိယာ ပဓာနာပ္ပဓာနဘေဒံ ပယောဇနံ
ဒဿေတိ။ သံသာရမဟောဃတော သတ္တသန္တာရဏဉ္စေတ္ထ ပဓာနံ ပယောဇနံ၊
တဒညမပ္ပဓာနံ။ တေသု ပဓာနေန ပရဟိတပ္ပဋိပတ္တိံ ဒဿေတိ။ ဣတရေန
အတ္တဟိတသမ္ပတ္တိံ၊ တဒုဘယေန အတ္တဟိတာယ ပဋိပန္နာဒီသု၊ စတုသု
ပုဂ္ဂလေသု ဘဂဝတော စတုတ္ထပုဂ္ဂလဘာဝံ ဒဿေတိ။ တေန စ အနတ္တရ-
ဒက္ခိဏေယျဘာဝံ ဥတ္တမဝန္ဓနိယဘာဝံ အတ္တနော စ ဝန္ဓနကိရိယာယ ခေတ္တင်္ဂ-
တဘာဝံ ဒဿေတိ။

ဧတ္ထ စ ကရုဏာဂ္ဂဟဏေန လောကီယေသု မဟဂ္ဂတဘာဝပ္ပတ္တာသာ-
ဓာရဏဂုဏဒီပနတော ဘဂဝတော သဗ္ဗလောကီယဂုဏသမ္ပတ္တိံ ဒဿိတာ
ဟေတိ။ ပညာဂ္ဂဟဏေန သဗ္ဗညုတညာဏပဒဏ္ဍာနမဂ္ဂဉ္ဇာဏဒီပနတော သဗ္ဗ-
လောကုတ္တရဂုဏသမ္ပတ္တိ။ တဒုဘယဂ္ဂဟဏသိဒ္ဓေါ ဟိ အတ္ထော “သနရာမ-
ရလောကဂရု”န္တိအာဒိနာ ဝိပဇ္ဇိယတိတိ။ ကရုဏာဂ္ဂဟဏေန စ ဥပဂမနံ
နိရုပ္ပတ္တိလေသံ ဒဿေတိ။ ပညာဂ္ဂဟဏေန အပဂမနံ။ တထာ ကရုဏာဂ္ဂဟ-
ဏေန လောကသမညာနုရူပံ ဘဂဝတော ပဝတ္တိံ ဒဿေတိ လောကဝေါ-
ဟာရဝိသယတ္တာ ကရုဏာယ။ ပညာဂ္ဂဟဏေန သမညာယာနတိဓာဝနံ။
သဘာဝါနဝဗောဓေန ဟိ ဓမ္မာနံ သမညံ အတိဓာဝိတွာ သတ္တာဒီပရာမသနံ
ဟေတိတိ။ တထာ ကရုဏာဂ္ဂဟဏေန မဟာကရုဏာသမာပတ္တိဝိဟာရံ
ဒဿေတိ။ ပညာဂ္ဂဟဏေန တီသု ကာလေသု အပ္ပဋိဟတဉ္ဇာဏံ စတုသစ္စဉ္ဇာဏံ
စတုပ္ပဋိသမ္ဘိဒါဉ္ဇာဏံ စတုဝေသာရဇ္ဇဉ္ဇာဏံ။ ကရုဏာဂ္ဂဟဏေန မဟာ-
ကရုဏာသမာပတ္တိဉ္ဇာဏဿ ဂဟိတတ္တာ သေသာသာဓာရဏဉ္ဇာဏာနိ ဆ
အဘိညာ အဋ္ဌသု ပရိသာသု၊ အကမ္မနဉ္ဇာဏာနိ ဒသ ဗလာနိ၊ စုဒ္ဓသ ဗုဒ္ဓ-
ဉ္ဇာဏာနိ သောဠသ ဉ္ဇာဏစရိယာ အဋ္ဌာရသ ဗုဒ္ဓဓမ္မာ၊ စတုစက္ကာရိသ
ဉ္ဇာဏဝတ္ထုနိ သတ္တသတ္တတိ ဉ္ဇာဏဝတ္ထုနိတိ၊ ဝေမာဒီနံ အနေကေသံ ပညာပ္ပ-
ဘေဒါနံ ဝသေန ဉ္ဇာဏစာရံ ဒဿေတိ။

တထာ ကရုဏာဂ္ဂဟဏေန စရဏသမ္ပတ္တိံ၊ ပညာဂ္ဂဟဏေန ဝိဇ္ဇာသမ္ပတ္တိံ။
ကရုဏာဂ္ဂဟဏေန သတ္တာဓိပတိတာ၊ ပညာဂ္ဂဟဏေန ဓမ္မာဓိပတိတာ။
ကရုဏာဂ္ဂဟဏေန လောကနာထဘာဝေါ၊ ပညာဂ္ဂဟဏေန အတ္တနာထ-
ဘာဝေါ။ တထာ ကရုဏာဂ္ဂဟဏေန ပုဗ္ဗကာရိဘာဝေါ၊ ပညာဂ္ဂဟဏေန

၁-အဘိ ၃-၁၀၉၊ ၁၆၂-ပိဋေသု ဝိတ္ထာရော။ ၂-မ ၁-၁၀၄၊ ၂၀၊ ၁၃၂-ပိဋေသု ဝိတ္ထာရော။
၃-မ ၁-၉၉-ပိဋေ။ ၄-ဒီ-၄ ၃-၁၇၆၊ မူလဒီ ၂-၂-ပိဋေသု ဝိတ္ထာရော။ ၅-သံ ၁-၂၉၀-ပိဋေ။

ကတညတော။ တထာ ကရုဏာဂ္ဂဟဏေန အပရန္တပတာ၊ ပညာဂ္ဂဟ-
 ဏေန အနတ္တန္တပတာ။ ကရုဏာဂ္ဂဟဏေန ဝါ ဗုဒ္ဓကရဓမ္မသိဒ္ဓိ၊ ပညာ-
 ဂ္ဂဟဏေန ဗုဒ္ဓဘာဝသိဒ္ဓိ။ တထာ ကရုဏာဂ္ဂဟဏေန ပရေသံ တာရဏံ၊
 ပညာဂ္ဂဟဏေန သယံ တာရဏံ။ တထာ ကရုဏာဂ္ဂဟဏေန သဗ္ဗသတ္တေသု
 အနုဂ္ဂဟစိတ္တတာ၊ ပညာဂ္ဂဟဏေန သဗ္ဗဓမ္မေသု ဝိရတ္တစိတ္တတာ ဒဿိတော
 ဟောတိ။ သဗ္ဗေသဉ္စ ဗုဒ္ဓဂုဏာနံ ကရုဏာ အာဒိ တန္တိဒါနဘာဝတော။ ပညာ
 ပရိယောသာနံ တတော ဥတ္တရိကရဏီယာဘာဝတော။ ဣတိ အာဒိပရိယော-
 သာနဒဿနေန သဗ္ဗေ ဗုဒ္ဓဂုဏာ ဒဿိတော ဟောန္တိ။ တထာ ကရုဏာဂ္ဂဟ-
 ဏေန သီလက္ခန္ဓပုဗ္ဗင်္ဂမော သမာဓိက္ခန္ဓော ဒဿိတော ဟောတိ။ ကရုဏာ-
 နိဒါနဉ္စ သီလံ တတော ပါဏာတိပါတာဒိဝိရတိပုဂ္ဂဟိတော၊ သာ စ
 ဈာနတ္ထယသမ္ပယောဂိနိတိ။ ပညာဝစနေန ပညာက္ခန္ဓော။ သီလဉ္စ သဗ္ဗဗုဒ္ဓဂုဏာနံ
 အာဒိ၊ သမာဓိ မဇ္ဈေ၊ ပညာ ပရိယောသာနန္တိ။ ဧဝမ္ပိ အာဒိမဇ္ဈပရိယော-
 သာနကလျာဏာ သဗ္ဗေ ဗုဒ္ဓဂုဏာ ဒဿိတော ဟောန္တိ နယတော ဒဿိတတ္တာ။
 ဧသော ဧဝ ဟိ နိရဝသေသတော ဗုဒ္ဓဂုဏာနံ ဒဿနုပါယော၊ ယဒိဒံ
 နယဂ္ဂါဟဏံ။ အညထာ ကော နာမ သမတ္ထော ဘဂဝတော ဂုဏေ အနုပဒံ
 နိရဝသေသတော ဒဿေတုံ။ တေနောဂါဟ—

“ဗုဒ္ဓေါပိ ဗုဒ္ဓဿ ဘဏေယျ ဝဏ္ဏံ၊
 ကပ္ပမ္ပိ စေ အညမဘာသမာနော။
 ဒီယေထ ကပ္ပေါ စိရဒီဃမန္တရေ၊
 ဝဏ္ဏော န ဒီယေထ တထာဂတဿာ”တိ။

တေနော စ အာယသ္မတာ သာရိပုတ္တတ္ထေရေနာပိ ဗုဒ္ဓဂုဏပရိစ္ဆေဒနံ၊
 ပတိ အနုယုတ္တေန “နော ဟေတံ ဘန္တေ”တိ၊ ပဋိက္ခိပိတွာ “အပိစ မေ
 ဘန္တေ ဓမ္မန္တယော ဝိဒိတော”တိ၊ ဝုတ္တံ။

ဧဝံ သင်္ခေပေန သကလသဗ္ဗညုဂုဏေဟိ ဘဂဝန္တံ အဘိတ္ထဝိတွာ ဣဒါနိ
 သဒ္ဓမ္မံ ထောမေတုံ “ဗုဒ္ဓေါပိ”တိအာဒိမာဟ။ တတ္ထ ဗုဒ္ဓေါတိ ကတ္ထု-
 နိဒ္ဒေသော။ ဗုဒ္ဓဘာဝန္တိ ကမ္မနိဒ္ဒေသော။ ဘာဝေတွာ၊ သန္တိကတွာတိ စ
 ပုဗ္ဗကာလကိရိယာနိဒ္ဒေသော။ ယန္တိ အနိယမတော ကမ္မနိဒ္ဒေသော။ ဥပ-
 ဂတောတိ အပရကာလကိရိယာနိဒ္ဒေသော။ ဝန္တေတိ ကိရိယာနိဒ္ဒေသော။

၁-ဒီ-၄၁-၂၇၇၊ ဒီ-၄၃-၆၁၊ မ-၄၃-၂၇၉၊ ဥဒါန-၄-၃၀၅၊ ဗုဒ္ဓဝံသ-၄-၁၆၃၊
 စရိယပိဋက-၄-၉-၃၂၄၊ အပဒါန-၄၂-၉၁-ပိဋေသု၊
 ၂-ဗုဒ္ဓဂုဏပရိစ္ဆေဒ(?) ၃-ဒီ ၂-၇၀-ပိဋေ။

တန္တိ နိယမနံ။ ဓမ္မန္တိ ဝန္တနကိရိယာယ ကမ္မနိဒ္ဒေသော။ ဂတမလံ၊ အနုတ္တရန္တိ စ တဗ္ဗိသေသနံ။

တတ္ထ ဗုဒ္ဓ-သဒ္ဓဿ တာဝ “ဗုဒ္ဓိတာ သစ္စာနိတိ ဗုဒ္ဓေါ၊ ဗောဓေတာ ပဇာယာတိ ဗုဒ္ဓေါ”တိအာဒိနာ^၁ နိဒ္ဒေသနယေန အတ္ထော ဝေဒိတဗ္ဗော။ အထ ဝါ သဝါသနာယ အညာဏနိဒ္ဓါယ အစ္စန္တဝိဂမတော၊ ဗုဒ္ဓိယာ ဝါ ဝိကသိတဘာဝတော ဗုဒ္ဓဝါတိ ဗုဒ္ဓေါ ဇာဂရဏဝိကသနတ္ထဝသေန။ အထ ဝါ ကဿဖိဝိ ဥေယျဓမ္မဿ အနဝဗုဒ္ဓဿ အဘာဝေန ဥေယျ-ဝိသေသဿ ကမ္မဘာဝေန အဂ္ဂဟဏတော ကမ္မဝစနိစ္ဆာယ အဘာဝေန အဝဂမနတ္ထဝသေနော ကတ္တုနိဒ္ဒေသော လဟ္တတိတိ ဗုဒ္ဓဝါတိ ဗုဒ္ဓေါ ယထာ “ဒိက္ခိတော န ဒဒါတိ”တိ၊ အတ္ထတော ပန ပါရမိတာပရိဘာဝိတော သယမ္ဘူ-ဉာဏေန သဟ ဝါသနာယ ဝိဟတဝိဒ္ဓတ္တနိရဝသေသကိလေသော မဟာ-ကရုဏာသဗ္ဗညုတညာဏာဒိအပရိမေယျဂုဏဂဏာဓာရော ခန္ဓသန္တာနော ဗုဒ္ဓေါ။ ယထာဟ—

“ဗုဒ္ဓေါတိ ယော သော ဘဂဝါ သယမ္ဘူ အနာစရိယကော ပုဗ္ဗေ အနနုဿုတေသု ဓမ္မေသု သာမံ သစ္စာနံ အဘိသမ္ဗုဒ္ဓိံ၊ တတ္ထ စ သဗ္ဗညုတံ ပတ္တော၊ ဗလေသု စ ဝသီဘာဝ”န္တိ^၂။

အဝိ-သဒ္ဓေါသမ္ဘာဝနေ။ တေန “ဧဝံ ဂုဏဝိသေသယုတ္တော သောပိ နာမ ဘဂဝါ”တိ ဝက္ခမာနဂုဏေ ဓမ္မေ သမ္ဘာဝနံ ဒီပေတိ။ ဗုဒ္ဓဘာဝန္တိ သမ္မာ-သမ္ဗောဓိံ။ အာဝေတွာတိ ဥပ္ပါဒေတွာ ဝဇေတွာ စ။ သန္တိကတွာတိ ပစ္စက္ခိ ကတွာ။ ဥပဂတောဘိပတ္တော၊ အဓိဂတောတိ အတ္ထော။ ဧတဿ “ဗုဒ္ဓဘာဝ”န္တိ ဧတေန သမ္ဗန္ဓော။ ဂတမလန္တိ ဝိဂတမလံ၊ နိဒ္ဒေါသန္တိ အတ္ထော။ ဓန္တေတိ ပဏမာမိ၊ ထောမေမိ ဝါ။ အနုတ္တရန္တိ ဥတ္တရရဟိတံ၊ လောကုတ္တရန္တိ အတ္ထော။ ဓမ္မန္တိ ယထာနုသိဋ္ဌံ ပဋိပဇ္ဇမာနေ အပါယတော စ သံသာရတော စ အပတ-မာနေ ကတွာ ဓာရေတိတိ ဓမ္မော။

အယဉ္ဇေတ္ထ သင်္ခေပတ္တော—ဧဝံ ဝိဝိရေဏသမန္နာဂတော ဗုဒ္ဓေါပိ ဘဂဝါ ယံ အရိယမဂ္ဂသင်္ခါတံ ဓမ္မံ ဘာဝေတွာ၊ ဖလနိဗ္ဗာနသင်္ခါတံ ပန သန္တိကတွာ အနုတ္တရံ သမ္မာသမ္ဗောဓိံ အဓိဂတော၊ တမေတံ ဗုဒ္ဓါနမ္ပိ ဗုဒ္ဓဘာဝဟေတုဘူတံ သဗ္ဗဒေါသမလရဟိတံ အတ္တနော ဥတ္တရိတရာဘာဝေန အနုတ္တရံ ပဋိဝေဓေသမ္ဗန္ဓု နမာမိတိ။ ပရိယတ္တိသဒ္ဓမ္မဿာပိ တပ္ပကာသနတ္တာ ဣဓ သင်္ဂဟော ဒဋ္ဌဗ္ဗော။

၁-ခု ၉-၃၆၃၊ ခု ၈-၁၉၇၊ ခု ၉-၁၇၂-ငြိဋ္ဌေသု။

၂-ခု ၇-၃၆၃၊ ခု ၈-၁၉၇၊ ခု ၉-၁၇၂-ငြိဋ္ဌေသု။

အထ ဝါ “အဘိဓမ္မနယသမုဒ္ဓံ ဘာဝေတွာ အဓိဂစ္ဆိ၊ တိဏိ ပိဋကနိသမ္ပဿီ”တိ စ အဋ္ဌကထာယံဝုတ္တတ္တာ ပရိယတ္တိဓမ္မဿာပိ သန္တိကိရိယာသမ္ပသန-
 ပရိယာယော လက္ခတိတိ သောပိ ဣဓ ဝုတ္တောယေဝါတိ ဒဋ္ဌဗ္ဗော။ တထာ “ယံ
 ဓမ္မံ ဘာဝေတွာ, သန္တိကတွာ”တိ စ ဝုတ္တတ္တာ ဗုဒ္ဓကရဓမ္မဘူတာဟိ ပါရမိတာဟိ
 သဟ ပုဗ္ဗဘာဂေ အဓိသီလသိက္ခာဒယောပိ ဣဓ ဓမ္မ-သဒ္ဓေန သင်္ဂဟိတာတိ
 ဝေဒိတဗ္ဗော။ တာပိ ဟိ ဝိဂတပဋိပက္ခတာယ ဝိဂတမလာ, အနညသဘာ-
 ရဏတာယ အနုတ္တရာ စာတိ။ တထာ ဟိ သတ္တာနံ သကလဝဋ္ဋဒုက္ခနိသ ရ-
 ဏာယ ကတမဟာဘိနိဟာရော မဟာကရုဏာမိဝါသပေသလဇ္ဈာသယော
 ပညာဝိသေသပရိယောဒါတနိမ္မလာနံ ဒါနဒမသညမာဒီနံ ဥတ္တမဓမ္မာနံ သတ-
 သဟဿာမိကာနိ ကပ္ပါနံ စတ္တာရိ အသင်္ချေယျာနိ သက္ကစ္စံ နိရန္တရံ နိရဝသေ-
 သံ ဘာဝနာပစ္စက္ခကရဏေဟိ ကမ္မာဒီသု အဓိဂတဝသီဘာဝေါ အတ္ထရိယာ-
 စိန္တေယျမဟာနုဘာဝေါ အဓိသီလအဓိစိတ္တာနံ ပရမုက္ကံသပါရမိပ္ပတ္တော ဘဂဝါ
 ပစ္စယာကာရေ စတုဝိသတိကောဋိသတသဟဿမုခေန မဟာဝဇီရဉာဏံ
 ပေသေတွာ အနုတ္တရံ သမ္မာသမ္မောမိံ အဘိသမ္ဗုဒ္ဓေါတိ။

ဧတ္ထ စ “ဘာဝေတွာ”တိ ဧတေန ဝိဇ္ဇာသမ္ပဒါယ ဓမ္မံ ထောမေတိ၊
 “သန္တိကတွာ”တိ ဧတေန ဝိမုတ္တိသမ္ပဒါယ။ တထာ ပဌမေန ဈာနသမ္ပဒါယ၊
 ဒုတိယေန ဝိမောက္ခသမ္ပဒါယ။ ပဌမေန ဝါ သမာဓိသမ္ပဒါယ၊ ဒုတိယေန
 သမာပတ္တိသမ္ပဒါယ။ အထ ဝါ ပဌမေန ခယဉာဏဘာဝေန၊ ဒုတိယေန
 အနုပ္ပါဒဉာဏဘာဝေန။ ပုရိမေန ဝါ ဝိဇ္ဇူပမတာယ၊ ဒုတိယေန ဝဇီရူပမတာယ။
 ပုရိမေန ဝါ ဝိရာဂသမ္ပတ္တိယာ၊ ဒုတိယေန နိရောဓသမ္ပတ္တိယာ။ တထာ ပဌမေန
 နိယျာနဘာဝေန၊ ဒုတိယေန နိဿရဏဘာဝေန။ ပဌမေန ဝါ ဟေတုဘာဝေန၊
 ဒုတိယေန အသင်္ခတဘာဝေန။ ပဌမေန ဝါ ဒဿနဘာဝေန၊ ဒုတိယေန
 ဝိဝေကဘာဝေန။ ပဌမေန ဝါ အဓိပတိဘာဝေန၊ ဒုတိယေန အမတဘာဝေန ဓမ္မံ
 ထောမေတိ။ အထ ဝါ “ယံ ဓမ္မံ ဘာဝေတွာ ဗုဒ္ဓဘာဝံ ဥပဂတော”တိ ဧတေန
 သွာက္ခာတတာယ ဓမ္မံ ထောမေတိ၊ “သန္တိကတွာ”တိ ဧတေန သန္တိဋ္ဌိကတာယ။
 တထာ ပုရိမေန အကာလိကတာယ၊ ပစ္ဆိမေန ဧဟိပဿိကတာယ။ ပုရိမေန ဝါ
 ဩပနေယျိကတာယ၊ ပစ္ဆိမေန ပစ္စတ္တံ ဝေဒိတဗ္ဗတာယ ဓမ္မံ ထောမေတိ။

“ဂတမလ”န္တိ ဣမိနာ သင်္ကလေသာဘာဝဒီပနေန ဓမ္မဿ ပရိသုဒ္ဓတံ
 ဒဿေတိ၊ “အနုတ္တရ”န္တိ ဧတေန အညဿ ဝိသိဋ္ဌဿ အဘာဝ-
 ဒီပနေန ဖိပုလပရိပုဏ္ဏတံ။ ပဌမေန ဝါ ပဟာနသမ္ပဒံ ဓမ္မဿ ဒဿေတိ၊
 ဒုတိယေန ပဘာဝသမ္ပဒံ။ ဘာဝေတဗ္ဗတာယ ဝါ ဓမ္မဿ ဂတမလဘာဝေါ

ယောဇေတဗ္ဗော။ ဘာဝနာဂုဏေန ဟိ သော ဒေါသာနံ သမုဋ္ဌါတကော
 ဟောတီတိ။ သစ္စိကာတဗ္ဗဘာဝေန အနုတ္တရဘာဝေါ ယောဇေတဗ္ဗော။
 သစ္စိ ဂီရိယာနိဗ္ဗတ္တိတော ဟိ တဒုတ္တရိကရဏိယာဘာဝတော အနုညသာဓာ-
 ရဏတာယ အနုတ္တရေတိ။ တထာ “ဘာဝေတွာ”တိ ဧတေန သဟ
 ပုဗ္ဗဘာဂသီလာဒီဟိ သေက္ခာ သီလသမာဓိပညာက္ခန္ဓာ ဒဿိတာ ဟောန္တိ၊
 “သစ္စိကတွာ”တိ ဧတေန သဟ အသင်္ခတာယ ဓာတုယာ အသေက္ခာ
 သီလသမာဓိပညာက္ခန္ဓာ ဒဿိတာ ဟောန္တိတိ။

ဧဝံ သင်္ခေပေနော သဗ္ဗဓမ္မဂုဏေဟိ သဒ္ဓမ္မံ အဘိတ္ထဝိတွာ ဣဒါနိ အရိယ-
 သံဃံ ထောမေတုံ “သုဂတဿာ”တိအာဒိမာဟ။ တတ္ထ သုဂတဿာတိ
 သမ္ဗန္ဓနိဒ္ဒေသော၊ တဿ “ပုတ္တာန”န္တိ ဧတေန သမ္ဗန္ဓော။ ဩရသာနန္တိ
 ပုတ္တဝိသေသနံ။ ဓာရသေနမထနာနန္တိ ဩရသပုတ္တဘာဝေ ကာရဏနိဒ္ဒေသော၊
 တေန ကိလေသပ္ပဟာနမေဝ ဘဂဝတော ဩရသပုတ္တဘာဝကာရဏံ အနု-
 ဇာနာတီတိ ဒဿေတိ။ အဋ္ဌန္တန္တိ ဂဏနပရိစ္ဆေဒနိဒ္ဒေသော၊ တေန စ သတိပိ
 တေသံ သတ္တဝိသေသဘာဝေန အနေကသတသဟဿသင်္ချာဘာဝေ ဣမံ ဂဏန-
 ပရိစ္ဆေဒနာတိဝတ္တန္တိတိ ဒဿေတိ မဂ္ဂဋ္ဌဗလဋ္ဌဘာဝါနတိဝတ္တနတော။ သမူဟန္တိ
 သမုဒါယနိဒ္ဒေသော။ အရိယသံဃန္တိ ဂုဏဝိသိဋ္ဌသင်္ချာဘာဝနိဒ္ဒေသော၊
 တေန အသတိပိ အရိယပုဂ္ဂလာနံ ကာယသာမဂ္ဂိယံ အရိယသံဃဘာဝံ ဒဿေတိ
 ဒိဋ္ဌိသီလသာမညေန သံဟတဘာဝတော။ တတ္ထ ဥရသိ ဘဝါ ဇာတာ၊ သံဝဠာ
 စ ဩရသာ။ ယထာ ဟိ သတ္တာနံ ဩရသပုတ္တာ အတ္တဇာတတာယ ပိတုသန္တ-
 ကဿ ဒါယဇ္ဇဿ ဝိသေသေန ဘာဂိနော ဟောန္တိ၊ ဧဝမေတေပိ အရိယပုဂ္ဂလာ
 သမ္မာသမ္ဗုဒ္ဓဿ သဝနန္တေ အရိယာယ ဇာတိယာ ဇာတတာယ ဘဂဝတော
 သန္တကဿ ဝိမုတ္တိသုခဿ အရိယဓမ္မရဟနဿ စ ဧကန္တဘာဂိနောတိ ဩရသာ
 ဝိယ ဩရသာ။ အထ ဝါ ဘဂဝတော ဓမ္မဒေသနာနုဘာဝေန အရိယဘူမိ
 ဩက္ကမမာနာ၊ ဩက္ကန္တာ စ အရိယသာဝကာ ဘဂဝတော ဥရောဝါယာမဇနိ-
 တာဘိဇာတတာယ နိပ္ပရိယာယေန “ဩရသပုတ္တာ”တိ ဝတ္တဗ္ဗတံ အရဟန္တိ။
 သာဝကေဟိ ပဝတ္တိယမာနာပိ ဟိ ဓမ္မဒေသနာ ဘဂဝတော “ဓမ္မဒေသနာ”
 ဣစ္စေဝ ဝုစ္စတိ တံမူလကတ္တာ၊ လက္ခဏာဒိဝိသေသာဘာဝတော စ။

ယဒိပိ အရိယသာဝကာနံ အရိယမဂ္ဂါဓိဂမသမယေ ဘဂဝတော ဝိယ
 တဒန္တရာယကရဏတ္ထံ ဒေဝပုတ္တမာရော၊ မာရဝါဟိနီ ဝါ န ဧကန္တေန အပ-
 သာဒေတိ၊ တေဟိ ပန အပသာဒေတဗ္ဗတာယ ကာရဏေ ဝိမထိတေ တေပိ

ဝိမထိတာ ဧဝ နာမ ဟောန္တိတိ အာဟ “မာရသေနမထနာန”န္တိ။ ဣမသ္မိံ ပနတ္ထေ “မာရမာရသေနမထနာန”န္တိ ဝတ္တဗ္ဗေ “မာရသေနမထနာန”န္တိ ကေ-
ဒေသသရူပေကသေသော ကတောတိ ဒဋ္ဌဗ္ဗံ။ အထ ဝါ ခန္ဓာဘိသင်္ခါရမာရာနံ
ဝိယ ဒေဝပုတ္တမာရဿာပိ ဂုဏမာရဏေ သဟာယဘာဝူပဂမနတော
ကိလေသဗလကာယော “သေနာ”တိ ဝုစ္စတိ။ ယထာဟ “ကာမာ တေ ပဌမာ
သေနာ”တိအာဒိ။ သာ စ တေဟိ ဒိယဗုဒ္ဓဟဿဘေဒါ၊ အနန္တဘေဒါ ဝါ
ကိလေသဝါဟိနိ သတိဓမ္မဝိစယဝီရိယသမထာဒိဂုဏပဟရဏေဟိ ဩဓိသော
ဝိမထိတာ ဝိဟတာ၊ ဝိဒ္ဓတ္တာ စာတိ မာရသေနမထနာ၊ အရိယသာဝကာ။
ဧတေန တေသံ ဘဂဝတော အနုဇာတပုတ္တတံ ဒဿေတိ။

အာရကတ္တာ ကိလေသေဟိ၊ အနယေ န ဣရိယနတော၊ အယေ စ ဣရိယ-
နတော အရိယာ နိရုတ္တိနယေန။ အထ ဝါ သဒေဝကေန လောကေန “သရ-
ဏ”န္တိ အရဏီယတော ဥပဂန္တဗ္ဗတော၊ ဥပဂတာနဉ္စ တဒတ္ထသိဒ္ဓိတော
အရိယာ၊ အရိယာနံ သံဃောတိ အရိယသံဃော၊ အရိယော စ သော သံဃော
စာတိ ဝါ အရိယသံဃော၊ တံ **အရိယသံဃံ**။ ဘဂဝတော အပရဘာဂေ
ဗုဒ္ဓဓမ္မရတနာနဗ္ဗိ သမဓိဂမော သံဃရတနာဓိနောတိ အဿ အရိယသံဃဿ
ဗဟူပကာရတံ ဒဿေတုံ ဣဓေဝ “**သိရဿ ဝန္တေ**”တိ ဝုတ္တန္တိ ဒဋ္ဌဗ္ဗံ။

တ္ထေ စ “သုဂတဿ ဩရဿာနံ ပုတ္တာန”န္တိ ဧတေန အရိယသံဃဿ
ပဘဝသမ္ပဒံ ဒဿေတိ။ “မာရသေနမထနာန”န္တိ ဧတေန ပဟာနသမ္ပဒံ
သကလသံကိလေသပ္ပဟာနဒီပနတော။ “အဋ္ဌန္တမ္ပိ သမူဟ”န္တိ ဧတေန ဉာဏ-
သမ္ပဒံ မဂ္ဂဋ္ဌဗလဋ္ဌဘာဝဒီပနတော။ “အရိယသံဃ”န္တိ ဧတေန ပဘဝသမ္ပဒံ
ဒဿေတိ သဗ္ဗသံဃာနံ အဂ္ဂဘာဝဒီပနတော။ အထ ဝါ “သုဂတဿ ဩရ-
ဿာနံ ပုတ္တာန”န္တိ အရိယသံဃဿ ဝိသုဒ္ဓနိဿယဘာဝဒီပနံ၊ “မာရသေန-
မထနာန”န္တိ သမ္မာဥဇုဉာယသမိစ္စိပုဂ္ဂိုလန္တဘာဝဒီပနံ၊ “အဋ္ဌန္တမ္ပိ သမူဟ”န္တိ
အာဟုနေယျာဒိဘာဝဒီပနံ၊ “အရိယသံဃ”န္တိ အနုတ္တရပုညက္ခေတ္တဘာဝဒီပနံ။
တထာ “သုဂတဿ ဩရဿာနံ ပုတ္တာန”န္တိ ဧတေန အရိယသံဃဿ
လောကုတ္တရသရဏဂမနသမ္ဘာဝံ ဒီပေတိ။ လောကုတ္တရသရဏဂမနေန ဟိ
တေ ဘဂဝတော ဩရသပုတ္တာ ဇာတာ။ “မာရသေနမထနာန”န္တိ ဧတေန
အဘိနိဟာရသမ္ပဒါသိဒ္ဓံ ပုဗ္ဗဘာဂေ သမ္မာပဋိပတ္တိံ ဒဿေတိ။ ကတာဘိနိဟာရာ
ဟိ သမ္မာပဋိပန္နာ မာရံ မာရပရိသံ ဝါ အဘိဝိဇနန္တိ။ “အဋ္ဌန္တမ္ပိ သမူဟ”န္တိ

ဧတေန ဝိဒ္ဓတ္ထဝိပက္ခေ သေက္ခာသေက္ခဓမ္မေ ဒဿေတိ ပုဂ္ဂလာမိဋ္ဌာနေန မဂ္ဂ-
ဖလဓမ္မာနံ ပကာသိတတ္တာ။ “အရိယသံဃ”န္တ အဂ္ဂဒက္ခိဏေယျဘာဝံ ဒဿေတိ။
သရဏဂမနဉ္စ သာဝကာနံ သဗ္ဗဂုဏာနံ အာဒိ၊ သပုဗ္ဗဘာဂပုဂ္ဂိုလဒါ သေက္ခာ
သီလက္ခန္ဓာဒယော မဇ္ဈေ၊ အသေက္ခာ သီလက္ခန္ဓာဒယော ပရိယောသာနန္တိ
အာဒိမဇ္ဈပရိယောသာနကလျာဏာ သင်္ခေပတော သဗ္ဗေ အရိယသံဃဂုဏာ
ပကာသိတာ ဟောန္တိ။

ဧဝံ ဂါထာတ္ထယေန သင်္ခေပတော သကလဂုဏသံကိတ္တနမုခေန ရတနတ္ထ-
ယဿ ပဏာမံ ကတွာ ဣဒါနိ တံ နိပစ္စကာရံ ယထာဓိပ္ပေတေ ပယောဇနေ
ပရိဏာမေန္တော “ဣတိ မေ”တိအာဒိမာဟ။ တတ္ထ ရတိဇနနဋ္ဌေန ရတနံ၊
ဗုဒ္ဓဓမ္မသံဃာ။ တေသဉ္စိ “ဣတိပိ သော ဘဂဝါ”တိအာဒိနာ ယထာဘူတဂုဏေ
အာဝဇ္ဇန္တဿ အမတာဓိဂမဟေတုဘူတံ အနပ္ပကံ ပီတိပါမောဇ္ဇံ ဥပ္ပဇ္ဇတိ။
ယထာဟ—

“ယသ္မိံ မဟာနာမ သမယေ အရိယသာဝကော တထာဂတံ
အနုဿရတိ၊ နေဝဿ တသ္မိံ သမယေ ရာဂပရိယုဋ္ဌိတံ စိတ္တံ
ဟောတိ၊ န ဒေါသ။ပ။ န မောဟပရိယုဋ္ဌိတံ စိတ္တံ ဟောတိ၊
ဥဇုဂတမေဝဿ တသ္မိံ သမယေ စိတ္တံ ဟောတိ တထာဂတံ
အာရဗ္ဘ။ ဥဇုဂတစိတ္တော ခေါ ပန မဟာနာမ အရိယသာဝကော
လဘတိ အတ္တဝေဒံ၊ လဘတိ ဓမ္မဝေဒံ၊ လဘတိ ဓမ္မူပသံဟိတံ
ပါမောဇ္ဇံ၊ ပမုဒိတဿ ပီတိ ဇာယတိ”တိအာဒိ။

စိတ္တိကတာဒိဘာဝေါ ဝါ ရတနဋ္ဌော။ ဝုတ္တဉ္ဇေတံ—

“စိတ္တိကတံ မဟန္တု၊ အတုလံ ဒုလ္လဘဒဿနံ။
အနောမသတ္တပရိဘောဂံ၊ ရတနံ တေန ဝုစ္စတိ”တိ၂။

စိတ္တိကတဘာဝါဒယော စ အနညသာဓာရဏာ ဗုဒ္ဓါဒိသု ဧဝ လက္ခန္တိတိ။
ဝန္တနာဝ ဝန္တနာမယံ ယထာ “ဒါနမယံ သီလမယ”န္တိ၃။ ဝန္တနာ စေတ္တ ကာယ-
ဝါစာစိတ္တေဟိ တိဏ္ဍံ ရတနာနံ ဂုဏနိန္ဒတာ၊ ထောမနာ ဝါ။ ပုဇ္ဇဘဝဖလ-
နိဗ္ဗတ္တနတော ပုညံ၊ အတ္တနော သန္တာနံ ပုဏာတိတိ ဝါ။ သုဝိဟတန္တရာ-
ယောတိ သုဋ္ဌ၊ ဝိဘတန္တရာယော၊ ဧတေန အတ္တနော ပသာဒသမ္ပတ္တိယာ၊

၁-အံ ၂-၂၅၂၊ အံ ၃-၅၃၁-ပိဋေသု။

၂-ဒုဒ္ဒကပါဌ-ဋ-၁၄၃၊ ဒိ-၄ ၂-၃၅၊ သုတ္တနိပါတ-ဋ ၁-၂၇၂၊ မဟာနိဒ္ဒေသ-ဋ-၂၃၁-ပိဋေသု။

၃-ဒီ ၃-၁၀၂၊ ခု ၁-၂၃၀၊ ခု ၁၀-၄၃-ပိဋေသု။

ရတနတ္တယဿ စ ခေတ္တဘာဝသမ္ပတ္တိယာ တံ ပုညံ အတ္ထပ္ပကာသနဿ ဥပ-
သာတကဥပဒ္ဒဝါနံ ဝိဟနနေ သမတ္တန္တိ ဒဿေတိ။ ဟုတ္တာတိ ပုဗ္ဗကာလ-
ကိရိယာ၊ တဿ “အတ္ထံ ပကာသယံသာမီ”တိ ဧတေန သမ္ပန္နော။ တဿာတိ
ယံ ရတနတ္တယဝန္တနာမယံ ပုညံ၊ တဿ။ အာနုဘာဝေနာတိ ဗလေန။

ဧဝံ ရတနတ္တယဿ နိပစ္စကာရကရဏေ ပယောဇနံ ဒဿေတွာ ဣဒါနိ
ယဿာ ဓမ္မဒေသနာယ အတ္ထံ သံဝဏ္ဏေတုကာမော၊ တဿာ တာဝ ဂုဏာ-
ဘိတ္တဝနဝသေန ဥပညာပနတ္ထံ “ဒီဃဿာ”တိအာဒိ ဂုတ္တံ။ တတ္ထ ဒီဃသုတ္တန္တိ-
တဿာတိ ဒီဃပ္ပမာဏသုတ္တလက္ခိတဿ၊ ဧတေန “ဒီဃော”တိ အယံ
ဣမဿ အာဂမဿ အတ္တာနုဂတာ သမညာတိ ဒဿေတိ။ နန စ သုတ္တာနိ-
ယေဝ အာဂမော၊ ကဿ ပန သုတ္တေဟိ အင်္ဂနန္တိ? သစ္စမေတံ ပရမတ္ထတော၊
သုတ္တာနိ ပန ဥပါဒါယပညတ္တော အာဂမော။ ယထာ ဟိ အတ္ထဗျဉ္ဇနသမုဒါယေ
“သုတ္တ”န္တိ ဝေါဟာရော၊ ဧဝံ သုတ္တသမုဒါယေ “အာဂမော”တိ ဝေါဟာရော။
ပဋိစ္စသမုပ္ပါဒါဒိနိပုဏတ္တသမ္ဘာဝတော နိပုဏဿ။ အာဂမိဿန္တိ ဧတ္ထ၊ ဧတေန၊
ဧတသ္မာ ဝါ အတ္တတ္ထပရတ္တာဒယောတိ အာဂမော၊ အာဂမော စ သော ဝရော
စာတိ အာဂမေဝရော၊ အာဂမသမ္ပတေဟိ ဝါ ဝရေတိ အာဂမေဝရော၊ တဿ။
ဗုဒ္ဓါနံ အနုဗုဒ္ဓါ ဗုဒ္ဓါနုဗုဒ္ဓါ၊ ဗုဒ္ဓါနံ သစ္စပ္ပဋိဝေဓံ အနုဂမ္မ ပဋိဝိဒ္ဓသစ္စာ
အဂ္ဂသာဝကာဒယော အရိယာ။ တေဟိ အတ္ထသံဝဏ္ဏနာဝသေန ဂုဏ-
သံဝဏ္ဏနာဝသေန စ သံဝဏ္ဏိတဿ။ အထ ဝါ ဗုဒ္ဓါ စ အနုဗုဒ္ဓါ စ
ဗုဒ္ဓါနုဗုဒ္ဓါတိ ယောဇေတဗ္ဗံ။ သမ္မာသမ္ဗုဒ္ဓေနေဝ ဟိ တိဏ္ဏမ္ပိ ပိဋကနံ အတ္ထ-
ဝဏ္ဏနာက္ကမော ဘာသိတော၊ ယာ “ပကိဏ္ဏကဒေသနာ”တိ ဂုတ္တတိ၊ တတော
သင်္ဂါယနာဒိဝသေန သာဝကေဟိတိ အာစရိယာ ဝဒန္တိ။

သဒ္ဓါဝဟဂုဏဿာတိ ဗုဒ္ဓါဒိသု ပသာဒါဝဟသမ္ပတ္တိကဿ။ အယဉ္ဇိ
အာဂမော ဗြဟ္မဇာလာဒိသု^၁ သီလဒိဋ္ဌာဒိနံ အနဝသေသနိဒ္ဓေသာဒိဝသေန၊
မဟာပဒါနာဒိသု^၂ ပုရိမဗုဒ္ဓါနုဗုဒ္ဓိ ဂုဏနိဒ္ဓေသာဒိဝသေန၊ ပါထိကသုတ္တာဒိသု^၃
တိတ္ထိယေ နိမဒ္ဓိတွာ အပ္ပဋိဝတ္တိယသီဟနာဒနဒနာဒိဝသေန၊ အနုတ္တရိယ-
သုတ္တာဒိသု^၄ စ ဝိသေသတော ဗုဒ္ဓဂုဏဝိဘာဝနေန ရတနတ္တယေ သာတိ-
သယပ္ပသာဒံ အာဝဟတိ။ သံဝဏ္ဏနာသု စာယံ အာစရိယဿ ပကတိ၊ ယာ
တံတံသံဝဏ္ဏနာသု အာဒိတော တဿ တဿ သံဝဏ္ဏေတဗ္ဗဿ ဓမ္မဿ
ဝိသေသဂုဏကိတ္တနေန ထောမနာ။ တထာ ဟိ ပပဉ္စသုဒ္ဓနိသာရတ္ထပ္ပကာသိနိ-
မနောရထပူရဏီသု အဋ္ဌသာလိနိအာဒိသု စ ယထာက္ကမံ “ပရဝါဒမထနဿ

၁-ဒီ ၁-၃၊ ၁၁-ပိဋေသု။ ၂-ဒီ ၂-၂-ပိဋ္ဌာဒိသု။ ၃-ဒီ ၃-၂-ပိဋ္ဌာဒိသု။ ၄-အံ ၂-၂၅၁-ပိဋ္ဌာဒိသု။

ဤဏပုဘေဒဇနနဿ ဓမ္မကထိကပုဂ္ဂိုလ်နံ ဝိစိတ္တပုဂ္ဂိုဘာနဇနနဿ တဿ ဂမ္ဘီရဉာဏေဟိ ဩဂါဠဿ အဘိဏ္ဍေသော နာနာနယဝိစိတ္တဿ အဘိဓမ္မဿာ”တိအာဒိနာ ထောမနာ ကတာ။

အတ္ထော ကထိယတိ ဧတာယာတိ အတ္ထကထာ၊ သာ ဧဝံ အဋ္ဌကထာ ဣ-ကာရဿ ဌ-ကာရံ ကတွာ ယထာ “ဒုက္ခဿ ပိဋနဋ္ဌော”တိ။ အာဒိတောဘိ အာဒိမိ ပဌမသင်္ဂီတိယံ။ ဆဋ္ဌဘိညတဘယ ပရမေန ဝိတ္ထဝသိဘာဝေန သမန္နာဂတတ္တာ၊ ဈာနာဒိသု ပဉ္စဝိဝေသိတာသမ္ဘာဝတော စ ဝသိနော၊ ထေရာ မဟာကဿပါဒယော။ တေသံ သတေဟိ ပဉ္စဟိ။ ယာတိ ယာ အဋ္ဌကထာ။ သင်္ဂီတာတိ အတ္ထံ ပကာသေတုံ ယုတ္တဋ္ဌာနေ “အယံ ဧတဿ အတ္ထော၊ အယံ ဧတဿ အတ္ထော”တိ သင်္ဂဟေတွာ ဝုတ္တာ။ အနုသင်္ဂီတာ စ ယသတ္ထေရာဒိဟိ ပစ္ဆာပိ ဒုတိယတတိယသင်္ဂီတိသု၊ ဣမိနာ အတ္ထနော သံဝဏ္ဏနာယ အာဂမနသုဒ္ဓိံ ဒေသေတိ။

သီဟဿ လာနတော ဂဟဏတော သီဟဋ္ဌော၊ သီဟကုမာရော။ တံ-ဝံသဇာတတဘယ တမ္ပပဏ္ဍိဒိပေ ခတ္တိယာနံ၊ တေသံ နိဝါသတဘယ တမ္ပပဏ္ဍိ-ဒိပဿ စ သီဟဋ္ဌဘာဝေါ ဝေဒိတဗ္ဗော။ အာဘတာတိ ဇမ္ဗုဒိပတော အာနိတာ။ အထာတိ ပစ္ဆာ။ အပရဘာဂေဟိ အသင်္ကရတ္ထံ သီဟဋ္ဌဘာသဘယ အဋ္ဌကထာ ဌပိဘာတိ။ တေနဿ မူလဋ္ဌကထာ သဗ္ဗသာဓာရဏာ န ဟောတိတိ ဣဒံ အတ္ထပ္ပကာသနံ ဧကန္တေန ကရဏီယန္တိ ဒေသေတိ။ တေနောဟိ “ဒီပဝါသိန-မတ္တာယာ”တိ။ တတ္ထ ဒီပဝါသိနန္တိ ဇမ္ဗုဒိပဝါသိနံ။ ဒီပဝါသိနန္တိ ဝါ သီဟဋ္ဌဒီပဝါသိနံ အတ္ထာယ သီဟဋ္ဌဘာသဘယ ဌပိဘာတိ ယောဇနာ။

အပနေတွာနာဘိ ကမ္ဘုကသဒိသံ သီဟဋ္ဌဘာသံ အပနေတွာ။ တတောတိ အဋ္ဌကထာတော။ အဟန္တိ အတ္တာနံ နိဒ္ဓိသတိ။ မနောရမံ ဘာသန္တိ မာဂဓ-ဘာသံ။ သာ ဟိ သဘာဝနိရုတ္တိဘူတာ ပဏ္ဍိတာနံ မနံ ရမယတိတိ။ တေနောဟိ “တန္တိနယာနုစ္ဆရိက”န္တိ၊ ပါဠိဂတိယာ အနုလောမိကံ ပါဠိဘာသဘာသန-ဝိဓာယိနိန္တိ အတ္ထော။ ဝိဂတဒေါသန္တိ အသဘာဝနိရုတ္တိဘာသန္တရရဟိတံ။

သမယံ အဝိလောမေန္တောတိ သိဒ္ဓန္တံ အဝိရောဓေန္တော၊ ဧတေန အတ္ထ-ဒေါသာဘာဝမာဟ။ အဝိရုဒ္ဓတ္တာ ဧဝဟိ ထေရဝါဒါပိ ဣဓ ပကာသိယိဿန္တိ။ ထေရဝံသပဒိပါနန္တိ ထိရေဟိ သီလက္ခန္ဓာဒိဟိ သမန္နာဂတတ္တာ ထေရာ၊ မဟာကဿပါဒယော။ တေဟိ အာဂတာ အာစရိယပရမ္ပရာ ထေရဝံသော၊

တပုရိယာပန္နာ ဟုတွံ အာဂမာမိဂမသမ္ပန္နတ္တာ ပညာပဇ္ဇောတေန တဿ သမုဇ္ဇလနတော **ထေရဝံသပဒီပါ**၊ မဟာဝိဟာရဝါသီနော ထေရာ၊ တေသံ။
 ဝိဝိဓေဟိ အာကာရေဟိ နိစ္ဆိယတိတိ ဝိနိစ္ဆယော၊ ဂဏ္ဍိဋ္ဌာနေသု ဒီလမဒ္ဒနာ-
 ကာရေန ပဝတ္တာ ဝိမတိစ္ဆေဒကထာ။ သုဋ္ဌ၊ နိပုဏော သဏှော ဝိနိစ္ဆယော
 ဧတေသန္တိ **သုနိပုဏဝိနိစ္ဆယာ**။ အထ ဝါ ဝိနိစ္ဆိနောတိတိ ဝိနိစ္ဆယော၊
 ယထာဝုတ္တဝိသယံ ဉာဏံ။ သုဋ္ဌ၊ နိပုဏော ဆေကော ဝိနိစ္ဆယော ဧတေသန္တိ
သုနိပုဏဝိနိစ္ဆယာ၊ ဧတေန မဟာကဿပါဒိထေရပရမ္ပရာဘတော၊ တတော-
 ယေဝ စ အဝိပရိတော သဏှသုခုမော မဟာဝိဟာရဝါသီနံ ဝိနိစ္ဆယောတိ
 တဿ ပမာဏဘူတတံ ဒဿေတိ။

သုဇနဿ စာတိ စ-သဒ္ဓေါ သမ္ပိဏ္ဏနတ္ထော၊ တေန န ကေဝလံ ဇမ္ဗုဒီပဝါသီနံ
 ဧဝ အတ္ထာယ၊ အထ ခေါ သာဓုဇနတောသနတ္ထဉ္ဇာတိ ဒဿေတိ၊ တေန စ
 တမ္ပပဏ္ဍိဒီပဝါသီနမ္ပိ အတ္ထာယာတိ အယမတ္ထော သိဒ္ဓေါ ဟောတိ ဥဂ္ဂဟဏာ-
 ဒိသုကရတာယ တေသမ္ပိ ဗဟူပကာရတ္တာ။ **စိရဋ္ဌိတတ္ထန္တိ** စိရဋ္ဌိတိအတ္ထံ၊ စိရကာ-
 လဋ္ဌိတိယာတိ အတ္ထော။ ဣဒဉ္စိ အတ္ထပ္ပကာသနံ အဝိပရိတဗျဉ္ဇနသုနိက္ခေပဿ
 အတ္ထသုနယဿ စ ဥပါယဘာဝတော သဒ္ဓမ္မဿ စိရဋ္ဌိတိယာ သံဝတ္တတိ။
 ဝုတ္တဉ္ဇေတံ ဘဂဝတာ—

“ဒွေမေ ဘိက္ခဝေ ဓမ္မာ သဒ္ဓမ္မဿ ဌိတိယာ အသမ္မောသာယ
 အနန္တရဓာနာယ သံဝတ္တန္တိ။ ကတမေ ဒွေ? သုနိက္ခိတ္တဉ္ဇ ပဒဗျဉ္ဇနံ၊
 အတ္ထော စ သုနိတော”တိ။

ယံ အတ္ထဝဏ္ဏနံ ကတ္ထုကာမော၊ တဿာ မဟတ္ထံ ပရိဟရိတုံ “**သီလ-
 ကထာ**”တိအာဒိ ဝုတ္တံ။ တေနောဟ “**န တံ ဣဝ ဝိစာရယိဿာမိ**”တိ။
 အထ ဝါ ယံ အဋ္ဌကထံ ကတ္ထုကာမော၊ တဒေကဒေသဘာဝေန ဝိသုဒ္ဓိမဂ္ဂေါ
 စ ဂဟေတဗ္ဗောတိ ကထိကာနံ ဥပဒေသံ ကရောန္တော တတ္ထ ဝိစာရိတဓမ္မေ
 ဥဒ္ဓေသဝသေန ဒဿေတိ “**သီလကထာ**”တိအာဒိနာ။ တတ္ထ **သီလကထာ**တိ
 စာရိတ္တဝါရိတ္တာဒိဝသေန သီလဝိတ္တာရကထာ။ **ရတဓမ္မာ**တိ ပိဏ္ဏပါတိကင်္ဂါ-
 ဒယော၊ တေရသ ကိလေသဓုနနကဓမ္မာ။ **ကမ္မဋ္ဌာနာနိ သဗ္ဗာနိ**တိ ပါဠိယံ
 အာဂတာနိ အဋ္ဌတိံသ၊ အဋ္ဌကထာယံ ဒွေတိ နိရဝသေသာနိ ယောဂကမ္မဿ
 ဘာဝနာယ ပဝတ္တိဋ္ဌာနာနိ။ **စရိယာဝိဓာနသဟိတော**တိ ရာဂစရိတာဒိနံ
 သဘာဝါဒိဝိဓာနေန သဟိတော။ **ဈာနာနိ** စတ္တာရိ ရူပါဝစရဇ္ဈာနာနိ၊

၁-အံ ၁-ဇာ-ပိဋေ၊ ၂-ဝိသုဒ္ဓိ ၁-၅၇၊ ထေရဝါထာ-၄ ၂-၃၂၂-ပိဋေသု ဝိတ္ထာရော။
 ဒီ-ဋီ ၁-၂—န-ဗု-သ

သမာပတ္တိယော စတဿော အရူပသမာပတ္တိယော။ အဋ္ဌပိ ဝါ ပဋိလဒ္ဓမတ္တာနိ
ဈာနာနိ၊ သမာပဇ္ဇနဝသီတာဝပ္ပတ္တိယာ သမာပတ္တိယော။ ဈာနာနိ ဝါ ရူပါ-
ရူပါဝစရဇ္ဈာနာနိ၊ သမာပတ္တိယော ဖလသမာပတ္တိနိရောဓသမာပတ္တိယော။

လောကီယလောကုတ္တရဘေဒါ ဆ အဘိညာယော သဗ္ဗာ အဘိညာယော။
ဉာဏဝိဘင်္ဂါဒိသု အာဂတနယေန ဧကဝိဓာဒိနာ ပညာယ သက်လေတွာ
သမ္ပိဏ္ဏေတွာ နိစ္ဆယော ပညာသက်လနနိစ္ဆယော။

ပစ္စယဓမ္မာနံ ဟေတုဒီနံ ပစ္စယုပ္ပန္နဓမ္မာနံ ဟေတုပစ္စယာဒိဘာဝေါ ပစ္စယာ-
ကာရော၊ တဿ ဒေသနာ ပစ္စယာကာရဒေသနာ၊ ပဋိစ္စသမုပ္ပါဒကထာတိ
အတ္ထော။ သာ ပန သနဝိနိစ္ဆောဂဿ သုဒုက္ခရတာယ သဏ္ဌသုခမာ၊
နိကာယန္တရလဒ္ဓိသက်ရဟိတာ၊ ဧကတ္တနယာဒိသဟိတာ စ တတ္ထ ဝိစာရိ-
တာတိ အာဟ “သုပရိသုဒ္ဓနိပုဏနယာ”တိ။ ပဋိသမ္ဘိဒါဒိသု အာဂတနယံ
အဝိဿဇ္ဇေတွာဝ ဝိစာရိတတ္တာ အဓိမုတ္တတန္တိမဂ္ဂါ။

ဣတိ ပန သဗ္ဗန္တိ ဣတိ-သဒ္ဓေါ ပရိသမာပနေ၊ ပန-သဒ္ဓေါဝစနာလင်္ကာရေ၊
ဧတံ သဗ္ဗန္တိ အတ္ထော။ ဣဓာတိ ဣမိဿာ အဋ္ဌကထာယံ။ န ဝိစာရယိဿာမိ
ပုနရုတ္တိဘာဝတောတိ အဓိပ္ပာယ်ယော။

ဣဒါနိ တဿေဝ အဝိစာရဏဿ ဧကန္တကာရဏံ နိဒ္ဒါရေန္တော “မဇ္ဈေ
ဝိသုဒ္ဓိမဂ္ဂေါ”တိအာဒိမာဟ။ တတ္ထ “မဇ္ဈေ ဌတွာ”တိ ဧတေန မဇ္ဈေဘာဝ-
ဒီပနေန ဝိသေသတော စတုန္တံ အာဂမာနံ သာဓာရဏဋ္ဌကထာ ဝိသုဒ္ဓိမဂ္ဂေါ၊
န သုမင်္ဂလဝိလာသိနိအာဒယော ဝိယ အသာဓာရဏဋ္ဌကထာတိ ဒဿေတိ။
“ဝိသေသတော”တိ ဣဒံ ဝိနယဘိဓမ္မာနမ္ပိ ဝိသုဒ္ဓိမဂ္ဂေါ ယထာရဟံ အတ္ထ-
ဝဏ္ဏနာ ဟောတိယေဝါတိ ကတွာ ဝုတ္တံ။

ဣစ္ဆေဝါတိ ဣတိ ဧဝ။ တဗ္ဗိတိ ဝိသုဒ္ဓိမဂ္ဂမ္ပိ။ ဧတယာတိ သုမင်္ဂလ-
ဝိလာသိနိယာ။ ဧတ္ထ စ “သီဟဋ္ဌဒီပံ အာဘတာ”တိအာဒိနာ အတ္ထပ္ပကာ-
သနဿ နိမိတ္တံ ဒဿေတိ။ “ဒီပဝါသိနမတ္တာယ၊ သုဇနဿ စ တုဋ္ဌတ္ထံ၊ စိရဋ္ဌိ-
တတ္ထု ဓမ္မဿာ”တိ ဧတေန ပယောဇနံ၊ အဝသိဋ္ဌေန ကရဏပ္ပကာရံ။
သီလကထာဒီနံ အဝိစာရဏမ္ပိ ဟိ ဣဓ ကရဏပ္ပကာရော ဧဝါတိ။

ဂန္ထာရမ္ဘကထာဝဏ္ဏနာ နိဋ္ဌိတာ။

နိဒါနကထာဝဏ္ဏနာ

ဝိဘာဂဝန္တာနံ သဘာဝဝိဘာဝနံ ဝိဘာဂဒဿနဝသေနော ဟောတီတိ ပဌမံ တာဝ ဝဂ္ဂသုတ္တဝသေန ဝိဘာဂံ ဒဿေတုံ “တတ္ထ ဒိဃာဂမော နာမာ”တိအာဒိမာဟ။ တတ္ထ တတ္ထာတိ “ဒိဃဿ အာဂမဝရဿ အတ္ထံ ပကာသယိဿာမီ”တိ ယဒိဒံ ဝုတ္တံ၊ တသ္မိံ ဝစနေ။ ယဿ အတ္ထံ ပကာသယိဿာမီတိ ပဋိညာတံ၊ သော ဒိဃာဂမော နာမ ဝဂ္ဂသုတ္တဝသေန ဧဝံ ဝိဘာဂေါတိ အတ္ထော။ အထ ဝါ တတ္ထာတိ “ဒိဃာဂမနိဿိတံ အတ္ထ”န္တိ ဧတသ္မိံ ဝစနေ။ ယော ဒိဃာဂမော ဝုတ္တော၊ သော ဝဂ္ဂါဒိဝသေန ဧဒိသောတိ အတ္ထော။ အတ္တနော သံဝဏ္ဏနာယ ပဌမမဟာသင်္ဂီတိယံ နိက္ခိတ္တာနုက္ကမေနော ပဝတ္တဘာဝဒဿနတ္ထံ “တဿ ဝဂ္ဂေသု ။ ပ ။ ဝုတ္တံ နိဒါနမာဒိ”တိ အာဟ။ ကဿာ ပန စတုသု အာဂမေသု ဒိဃာဂမော ပဌမံ သင်္ဂီတော၊ တတ္ထ စ သီလက္ခန္ဓဝဂ္ဂေါ အာဒိတော နိက္ခိတ္တော၊ တသ္မိဉ္စ ဗြဟ္မဇာလန္တိ? နာယမနုယောဂေါ ကတ္ထစိပိ န ပဝတ္တတိ၊ အပိ စ သဒ္ဓါဝဟဂုဏတော ဒိဃနိကာယော ပဌမံ သင်္ဂီတော။ သဒ္ဓါ ဟိ ကုသလဓမ္မာနံ ဗီဇံ။ ယထာဟ “သဒ္ဓါ ဗီဇံ တပေါ ဝုဋ္ဌိ”တိ၊ သဒ္ဓါဝဟဂုဏတာ စဿ ဒဿိတာယေဝ။ ကိဉ္စ ကတိပယသုတ္တသင်္ဂဟတော၊ အပ္ပပရိမာဏတော စ ဂဟဏဓာရဏာဒိသုခတော။ တထာဟေသ စတုတ္ထိသသုတ္တသင်္ဂဟော စတုသဋ္ဌိဘာဏဝါရပရိမာဏော စ။ သီလကထာဗာဟုလ္လတော ပန သီလက္ခန္ဓဝဂ္ဂေါ ပဌမံ နိက္ခိတ္တော။ သီလဉ္စိ သာသနဿ အာဒိ သီလပတိဋ္ဌာနတ္တာ သဗ္ဗဂုဏာနံ။ တေနောဟ “တဿာ တိဟ တံ ဘိက္ခု အာဒိမေဝ ဝိသောဓေဟိ ကုသလေသု ဓမ္မေသု။ ဂော စာဒိ ကုသလာနံ ဓမ္မာနံ? သီလဉ္စ သုဝိသုဒ္ဓ”န္တိအာဒိ၊ ဧတေန စဿ ဝဂ္ဂဿ အန္တတ္ထသညတာ ဝုတ္တာ ဟောတိ။ ဒိဋ္ဌိဝိနိဝေဋ္ဌနကထာဘာဝတော ပန သုတ္တန္တပိဋကဿ နိရဝသေသဒိဋ္ဌိဝိဘဇနံ ဗြဟ္မဇာလံ ပဌမံ နိက္ခိတ္တန္တိ ဒဋ္ဌဗ္ဗံ။ တေပိဋကေ ဟိ ဗုဒ္ဓဝစနေ ဗြဟ္မဇာလသဒိသံ ဒိဋ္ဌိဂတာနိ နိဂုမ္ဘံ နိဇ္ဇေဋ္ဌံ ကတွာ ဝိဘတ္တသုတ္တံ နတ္ထိတိ။

ပဌမမဟာသင်္ဂီတိကထာဝဏ္ဏနာ

ယဿာ ပဌမမဟာသင်္ဂီတိယံ နိက္ခိတ္တာနုက္ကမေန သံဝဏ္ဏနံ ကတ္ထုကာမော၊ တံ၊ တဿာ စ တန္တိအာရဠာယ ဣဓ ဝစနေ ကာရဏံ ဒဿေန္တော “ပဌမမဟာသင်္ဂီတိ။ ပ။ ဝေဒိတဗ္ဗာ”တိ အာဟ။ တတ္ထ ယထာပစ္စယံ တတ္ထ တတ္ထ

ဒေသိတတ္တာ၊ ပညတ္တတ္တာ စ ဝိပုကိဏ္ဍာနံ မေုဝိနယာနံ သင်္ဂဟေတွာ ဂါယနံ ကထနံ သင်္ဂဟိတိ။ ဧတေန တံတံသိက္ခာပဒါနံ သုတ္တာနဉ္စ အာဒိပရိယော-
 သာနေသု၊ အန္တရန္တရာ စ သမ္ပန္နဝသေန ဌပိတံ သင်္ဂဟိကာရဝစနံ သင်္ဂဟိတံ
 ဟောတိ။ မဟာဝိသယတ္တာ၊ ပူဇနီယတ္တာ စ မဟတိ သင်္ဂဟိတိ မဟာသင်္ဂဟိတိ။
 ပဌမာ မဟာသင်္ဂဟိတိ ပဌမမဟာသင်္ဂဟိတိ။ တဿာ ပဝတ္တိကာလော ပဌမ-
 မဟာသင်္ဂဟိတိကာလော၊ တသ္မိံ **ပဌမမဟာသင်္ဂဟိတိကာလေ။ နိဒါနန္တိ** စ
 ဒေသနံ ဒေသကာလာဒိဝသေန အဝိဒိတံ ဝိဒိတံ ကတွာ နိဒဿေတိတိ နိဒါနံ။
 သတ္တာနံ ဒဿနာနုတ္တရိယသရဏာဒိပဋိလာဘဟေတုဘူတာသု ဝိဇ္ဇမာနာ-
 သုပိ အညာသု ဘဂဝတော ကိရိယာသု “ဗုဒ္ဓေါ ဗောဓေယျ”န္တိ ပဋိညာယ
 အနုလောမတော ဝေနေယျာနံ မဂ္ဂဖလပ္ပတ္တိနံ ဟေတုဘူတာ ကိရိယာ
 နိပ္ပရိယာယေန ဗုဒ္ဓကိစ္စန္တိ အာဟာ **“ဓမ္မစက္ကပ္ပစက္ကနဉ္စိ အာဒိံ ကတွာ”**တိ။
 တတ္ထ သဒ္ဓိန္ဒြိယာဒိဓမ္မောယေဝ ပဝတ္တနဌေန စက္ကန္တိ **ဓမ္မစက္ကံ။** အထ ဝါ စက္ကန္တိ
 အာဏာ၊ ဓမ္မတော အနပေတတ္တာ ဓမ္မဉ္စ တံ စက္ကဉ္စာတိ **ဓမ္မစက္ကံ၊** ဓမ္မေန
 ဉာယေန စက္ကန္တိပိ **ဓမ္မစက္ကံ။** ယထာဟ—

“ဓမ္မဉ္စ ပဝတ္တေတိ စက္ကဉ္စာတိ ဓမ္မစက္ကံ၊ စက္ကဉ္စ ပဝတ္တေတိ
 ဓမ္မဉ္စာတိ ဓမ္မစက္ကံ၊ ဓမ္မေန ပဝတ္တေတိတိ ဓမ္မစက္ကံ၊ ဓမ္မစရိယာယ
 ပဝတ္တေတိတိ ဓမ္မစက္ကံ”န္တိအာဒိ၂။

“**ကတဗုဒ္ဓကိစ္စေ**”တိ ဧတေန ဗုဒ္ဓကတ္တဗ္ဗဿ ကဿပိပိ အသေသိတဘာဝံ
 ဒဿေတိ။ နန စ သာဝကေဟိ ဝိနိတာပိ ဝိနေယျာ ဘဂဝတာယေဝ ဝိနိတာ
 ဟောန္တိ၊ ယတော သာဝကဘာသိတံ သုတ္တံ “ဗုဒ္ဓဝစန”န္တိ ဝုစ္စတိ၊ သာဝက-
 ဝိနေယျာ စ န တာဝ ဝိနိတာတိ? နာယံ ဒေါသော တေသံ ဝိနယနုပါယဿ
 သာဝကေသု ဌပိတတ္တာ။ တေနောဟ—

“န တာဝါဟံ ပါပိမ ပရိနိဗ္ဗာယိဿာမိ၊ ယာဝ မေ ဘိက္ခု။
 န သာဝကာ ဘဝိဿန္တိ ဝိယတ္တာ ဝိနိတာ ဝိသာရဒါ ဗဟုဿုတာ
 ဓမ္မဓရာ။ ပ။ ဥပ္ပန္နံ ပရပ္ပဝါဒံ သဟ ဓမ္မေန သုနိဂ္ဂဟိတံ နိဂ္ဂဟေတွာ
 သပ္ပါဋိဟာရိယံ ဓမ္မံ ဒေသေဿန္တိ”တိအာဒိ၃။

“**ကုသိနာရာယ**”န္တိအာဒိ ဘဂဝတော ပရိနိဗ္ဗုတဒေသကာလဝိသေသ-
 ဒဿနံ “အပရိနိဗ္ဗုတော ဘဂဝါ”တိ ဂါဟဿ မိစ္ဆာဘာဝဒဿနတ္ထံ၊ လောကေ

၁-ဗုဒ္ဓဝံသ-ဋ္ဌ ၁၂၊ စရိယပိဋက-ဋ္ဌ ၂၇၄-ပိဋ္ဌေသု။ ၂-ဒု ၉-၃၄၅၊ ၃၄၆-ပိဋ္ဌေသု။
 ၃-ဒီ ၂-၈၇၊ သံ ၃-၂၂၈၊ ဒု ၁-၁၅၃-ပိဋ္ဌေသု။

ဇာတသံဝဋ္ဌဘာဝဒဿနတ္ထဉ္စ။ တထာ ဟိ မနုဿဘာဝဿ သုပါကဋကရဏတ္ထံ
မဟာဗောဓိသတ္တာ စရိမဘဝေ ဒါရပရိဂ္ဂဟာဒိနိပိ ကရေန္တိတိ။ ဥပါဒီယတေ
ကမ္မကိလေသေဟိတိ ဥပါဒိ၊ ဝိပါကက္ခန္ဓာ ကဋတ္တာ စ ရူပံ။ သော ပန ဥပါဒိ
ကိလေသာဘိသင်္ခါရမာရနိဗ္ဗုတနေန နိဗ္ဗာနပ္ပတ္တိယံ အနောဿဋ္ဌော၊ ဣဓ ခန္ဓ-
မစ္စုမာရနိဗ္ဗုတနေန ဩဿဋ္ဌော နိဿေသိတောတိ အယံ **အနုပါဒိသေသာ၊**
နိဗ္ဗာနဓာတု။ **နိဗ္ဗာနဓာတု**တိ စေတ္ထ နိဗ္ဗုတိမတ္တံ အဓိပ္ပေတံ၊ ဣတ္ထန္တု။ တ-
လက္ခဏေ စာယံ ကရဏနိဒ္ဒေသော။ “**ဓာတုဘာဇနဒိဝသေ**”တိ ဣဒံ န
“သန္တိပတိတာန”န္တိ ဧတဿ ဝိသေသနံ၊ ဥဿာဟဇနနဿ ပန ဝိသေသနံ
“ဓာတုဘာဇနဒိဝသေ ဘိက္ခုနံ ဥဿာဟံ ဇနေသိ”တိ။ ဓာတုဘာဇန-
ဒိဝသတော ဟိ ပုရိမပုရိမတရဒိဝသေသု ဘိက္ခု သမာဂတာတိ။ အထ ဝါ
ဓာတုဘာဇနဒိဝသေ သန္တိပတိတာနံ ကာယသာမဂ္ဂိဝသေန သဟိတာနန္တိ
အတ္ထော။ သံဃဿ ထေရော **သံဃတ္ထေရော၊** သော ပန သံဃော ကိံ
ပရိမာဏာနန္တိ၊ အာဟ “**သတ္တန္တံ ဘိက္ခုသတသဟဿာန**”န္တိ။ နိစ္စသာပေက္ခ-
တာယ ဟိ ဒေဝိသေသု သမာသော ဟောတိယေဝ ယထာ “ဒေဝဒတ္တဿ
ဂရုကုလ”န္တိ။

အာယသွာ မဟာကဿပေါ ပူန ဒုလ္လဘဘာဝံ မညမာနော ဘိက္ခုနံ ဥဿာဟံ ဇနေသီတိ သမ္ဗန္ဓော။ “ဓာတုဘာဇနဒိဝသေ သန္တိပတိတာန”န္တိ ဣဒံ “ဘိက္ခုနံ ဥဿာဟံ ဇနေသီ”တိ ဧတ္ထ “ဘိက္ခုန”န္တိ ဣမိနာပိ ပဒေန သမ္ဗန္ဓနီယံ။ သုဘဒ္ဒေန ဝုဗ္ဗဗ္ဗဇိတေန ဝုတ္တဝစနမနုဿရန္တာတိ သမ္ဗန္ဓော။ တတ္ထ **အနုဿရန္တာ** ဓမ္မသံဝေဂဝသေနာတိ အဓိပ္ပါယော။ “သဒ္ဓမ္မံ အန္တရ-ဓာပေယျု သင်္ဂါယေယျံ။ပ။စိရဠိတိကံ တဿ ကိမညံ အာဏဏျံ ဘဝိဿတိ”တိ ဧတေသံ ပဒါနံ “ဣတိ စိန္တယန္တာ”တိ ဧတေန သမ္ဗန္ဓော။ တထာ “ယဉ္ဇာဟ”န္တိ ဧတဿ “အနုဂ္ဂဟိတော ပသံသိတော”တိ ဧတေန သမ္ဗန္ဓော။ **ယံ ပါပဘိက္ခု**တိ ဧတ္ထ ယန္တိ နိပါတမတ္တံ၊ ကာရဏနိဒ္ဒေသော ဝါ၊ ယေန ကာရဏေန အန္တရ-ဓာပေယျု၊ တဒေတံ ကာရဏံ ဝိဇ္ဇတိတိ အတ္ထော၊ **အဗ္ဗနိယ**န္တိ အဗ္ဗါနမဂ္ဂဂါမိ၊ အဗ္ဗါနက္ခမန္တိ အတ္ထော။

ယဉ္ဇာဟန္တိ ဣတ္ထ ယန္တိ ယသ္မာ၊ ယေန ကာရဏေနာတိ ဝုတ္တံ ဟောတိ၊
 ကိရိယာပရာမသနံ ဝါ ဧတံ၊ တေန “အနုဂ္ဂဟိတော ပသံသိတော”တိ ဣတ္ထ
 အနုဂ္ဂဏှနံ ပသံသနဉ္စ ပရာမသတိ။ “စီဝရေ သာဓာရဏပရိဘောဂေနာ”တိ
 ဣတ္ထ “အတ္တနာ သမသမဋ္ဌပနေနာ”တိ ဣဓ အတ္တနာ-သဒ္ဓိ အာနေတွာ စီဝရေ

အတ္တနာ သာဓာရဏပရိဘောဂေနာတိ ယောဇေတဗ္ဗံ။ ယဿ ယေန
 ဟိ သမ္ပန္နော၊ ဒူရဋ္ဌမ္ပိ စ တဿ တန္တိ။ အထ ဝါ ဘဂဝတာ စိဝရေ
 သာဓာရဏပရိဘောဂေန ဘဂဝတာ အနုဂ္ဂဟိတောတိ ယောဇနီယံ၊ ဧတဿာပိ
 ဟိ ကရဏနိဒ္ဒေသဿ သဟယောဂကတ္တုတ္ထဇောတကတ္တသမ္ဘဝတော။ **ယာဝ-**
ဒေတိ ယာဝဒေဝ၊ ယတ္တကံ ကာလံ၊ ယတ္တကေ ဝါ သမာပတ္တိဝိဟာရေ၊
 အဘိညာဝိဟာရေ ဝါ အာကင်္ခန္တော ဝိဟရာမိ စေဝ ဝေါဟရာမိ စ၊ တထာ
 ကဿပေါပီတိ အတ္ထော။ ဣဒဉ္စ နဝါနုပုဗ္ဗဝိဟာရဆဋ္ဌဘိညဘာဝသမညေန
 ထုတိမတ္တံ ဝုတ္တန္တိ ဒဋ္ဌဗ္ဗံ။ န ဟိ အာယသ္မာ မဟာကဿပေါ ဘဂဝါ ဝိယ
 ဒေဝသိကံ စတုဝိသတိကောဋိသတသဟဿသင်္ချာ သမာပတ္တိယော သမာ-
 ပဇ္ဇတိ၊ ယမကပါဋိဟာရိယာဒိဝသေန ဝါ အဘိညာယော ဝဋ္ဌဇ္ဇေတိတိ။
 တေနောဟ “နဝါနုပုဗ္ဗဝိဟာရဆဋ္ဌဘိညာပုဘောဒေ”တိ။ **တဿ ကိမညံ**
အာဏဏျံ ဘဝိဿတိ အညတြ ဓမ္မဝိနယသင်္ဂါယနာတိ အဓိပ္ပာယ်။ “**နန မံ**
ဘဂဝါ”တိအာဒိနာ ဝုတ္တမေဝတ္ထံ ဥပမာဝသေန ဝိဘာဝေတိ။

တတော ပရန္တိ တတော ဘိက္ခုနံ ဥဿာဟဇနနတော ပရတော။ **ပုရေ**
အဓဓမ္မာ ဒိပ္ပတိတိ အပိနာမ ဒိပ္ပတိ၊ ယာဝ အဓဓမ္မာ ဓမ္မံ ပဋိဗာဟိတုံ
 သမတ္ထော ဟောတိ၊ တတော ပုရေတရမေဝါတိ အတ္ထော။ အာသန္ဓေ
 အနိစ္စိတေ ဟိ အယံ ပုရေ-သဒ္ဓေါ။ **ဒိပ္ပတိတိ** စ ဒိပ္ပိဿတိ။ ပုရေ-သဒ္ဓသန္ဓိ-
 ယောဂေန ဟိ အနာဂတတ္ထေ အယံ ဝတ္တမာနပ္ပယောဂေါ ယထာ “ပုရာ
 ဝဿတိ ဒေဝေါ”တိ။

“**သကလနဝင်္ဂံ ။ ပ။ ပရိဂ္ဂဟေသီ**”တိ ဧတေန သုက္ခဝိပဿကဒီဏာ-
 သဝပရိယန္တာနံ ယထာဝုတ္တပုဂ္ဂလာနံ သတိဝိ အာဂမာဓိဂမသမ္ဘာဝေ သဟ
 ပဋိသမ္ဘိဒါဟိ ပန တေဝိဇ္ဇာဒိဂုဏယုတ္တာနံ အာဂမာဓိဂမသမ္ဘိတ္တိယာ ဥက္ကံသ-
 ဂတတ္တာ သင်္ဂီတိယာ မဟူပကာရတံ ဒဿေတိ။ **ဣဒံ ဝုတ္တံ သင်္ဂီတိက္ခန္ဓကေ**
အပစ္စက္ခံ နာမ နတ္ထိ ပရုဏပ္ပဝတ္တိဘာဝတော၊ **သမန္တပါသာဒိကာယံ**
 ပန “အသမ္မုခေါ ပဋိဂ္ဂဟိတံ နာမ နတ္ထိ”တိ၊ ဝုတ္တံ၊ တံ “ဒွေ သဟဿာနိ
 ဘိက္ခုတော”တိ ဝုတ္တမ္ပိ ဘဂဝတော သန္တိကေ ပဋိဂ္ဂဟိတမေဝါတိ ကတွာ
 ဝုတ္တံ။ **စတုရသီတိသဟဿာနီတိ** ဓမ္မက္ခန္ဓေ သန္တာယာဟ။ **ပဝတ္တိနောတိ**
 ပရုဏာနိ။ အာနန္ဒတ္ထေရဿ နဝပ္ပါယာယ ပရိသာယ ဝိဗ္ဗမနေန မဟာကဿ-
 ပတ္ထေရော ဧဝမာဟ “**န ဝါယံ ကုမာရကော မတ္တမညာသီ**”တိ။ တတ္ထ မတ္တန္တိ
 ပမာဏံ။ ဆန္ဒာ အာဂမနံ ဝိယာတိ ပဒဝိဘာဂေါ။ “**ကိဉ္စာပိ သေက္ခော**”တိ

ဣဒံ န သေက္ခာနံ အဂတိဂမနသဗ္ဗာဝေန ဝုတ္တံ၊ အသေက္ခာနံ ဧဝ ပန ဥပိဋ္ဌိ-
တတ္တာတိ ဒဋ္ဌဗ္ဗံ။ ပဌမမဂ္ဂေနော ဟိ စတ္တာရိ အဂတိဂမနာနိ ပဟိယန္တိတိ။
“အဘဗ္ဗော။ ပ။ အဂတိံ ဂန္တု”န္တိ စ ဓမ္မသင်္ဂီတိယာ တဿ ယောဂျဘာဝဒဿ-
နေန ဝိဇ္ဇမာနဂုဏကထနံ။ ပရိယတ္တောတိ အဓိတော။

ဂါဝေါ စရန္တိ ဧတ္တာတိ ဂေါစရော၊ ဂေါစရော ဝိယ ဂေါစရော၊ ဘိက္ခာ-
စရဏဋ္ဌာနံ။ ဝိသဘာဝပုဂ္ဂလော သုဘဒ္ဓသဒိသော။ သတ္တိပဉ္စရန္တိ သတ္တိ-
ခဂ္ဂါဒိဟတ္ထေဟိ ပုရိသေဟိ မလ္လရာဇုနံ ဘဂဝတော ဓာတုအာရက္ခကရဏံ
သန္ဓာယာဟ။ တံ ပလိမောဓံ ဆိန္ဒိတွာ တံ ကရဏီယံ ကရောတူတိ
သင်္ဂါဟကေန ဆိန္ဒိတဗ္ဗံ ဆိန္ဒိတွာ ကေန္တကရဏီယံ ကရောတူတိ အတ္ထော။
မဟာဇနန္တိ ဗဟုဇနံ။ ဂန္ဓကုဋိံ ဝန္တိတွာ ပရိဘောဂစေတိယဘာဝတောတိ
အဓိပ္ပါယော။ ယထာ တန္တိ ယထာ အညောပိ ယထာဝုတ္တသဘာဝေါ၊
ဧဝန္တိ အတ္ထော။ သံဝေဇေသီတိ “နန ဘဂဝတာ ပဋိကစ္ဆေဝ အက္ခာတံ
‘သဗ္ဗေဟေဝ ပိယေဟိ မနာပေဟိ နာနာဘာဝေါ ဝိနာဘာဝေါ’တိ” အာဒိနာ^၁
သံဝေဂံ ဇနေသိ။ ဥဿန္တဓာတုကန္တိ ဥပစိတဒေါသံ။ ဘေသဇ္ဇမတ္တာတိ
အပ္ပကံ ဘေသဇ္ဇံ။ အပ္ပတ္ထော ဟိ အယံ မတ္တာ-သဒ္ဓေါ “မတ္တာသုခပရိစ္စာဂါ”တိ-
အာဒိသု၊ ဝိယ။ ဒုတိယဒိဝသေတိ ဒေဝတာယ သံဝေဇိတဒိဝသတော၊
ဇေတဝနဝိဟာရံ ပဝိဋ္ဌဒိဝသတော ဝါ ဒုတိယဒိဝသေ။ အာဏာဝ စက္ကံ
အာဏာစက္ကံ။

တေဒဂ္ဂန္တိ ဧသော အဂ္ဂေါ။ လိင်္ဂဝိပလ္လာသေန ဟိ အယံ နိဗ္ဗေသော။
ယဒိဒန္တိ စ ယော အယံ၊ ယဒိဒံ ခန္ဓပဉ္စကန္တိ ဝါ ယောဇေတဗ္ဗံ။
“ပဌမံ အာဝုသော ဥပါလိ ပါရာဇိကံ ကတ္ထ ပညတ္တ”န္တိ ကဿ ဝုတ္တံ၊ နန တဿ
သင်္ဂီတိယာ ပုရိမကာလေ ပဌမဘာဝေါ န ယုတ္တောတိ? နော န ယုတ္တော
ဘဂဝတာ ပညတ္တာနုက္ကမေန ပါတိမောက္ခုဒ္ဓေသာနုက္ကမေန စ ပဌမဘာဝဿ
သိဒ္ဓတ္တာ။ ယေဘုယျေန ဟိ တိဏိ ပိဋကာနိ ဘဂဝတော ဓရမာနကာလေ
ဌိတာနုက္ကမနေဝ သင်္ဂီတာနိ၊ ဝိသေသတော ဝိနယာဘိဓမ္မပိဋကာနိတိ ဒဋ္ဌဗ္ဗံ။
“ဝတ္ထုမိ ပုန္တိ”တိအာဒိ “ကတ္ထ ပညတ္တ”န္တိအာဒိနာ ဒဿိတေန သဟ
တဒဝသိဋ္ဌမ္ပိ သင်္ဂဟေတွာ ဒဿနဝသေန ဝုတ္တံ။ ပဌမပါရာဇိကေတိ ပဌမ-
ပါရာဇိကပါဠိယံ။ တေနောဟ “န ဟိ တထာဂတာ ကေဗျဉ္စနမ္ပိ
နိရတ္ထကံ ဝဒန္တိ”တိ။

၁-ဒီ ၂-၉၉၊ ၁၂၉၊ သံ ၃-၁၄၁၊ အံ ၃-၃၂၅၊ ဝိ ၄-၄၈၀-ပိဋေသု။

၂-ခု ၁-၅၅-ပိဋေ ဓမ္မပဒေ။

၃-ဝိ ၁-၁၃-ပိဋေ။

ဇာတကာဒိကေ ခုဒ္ဒကနိကာယပရိယာပန္တေ၊ ယေဘုယျေန စ ဓမ္မနိဒ္ဒေသ-
ဘူတေ တာဒိသေ အဘိဓမ္မပိဋကေ သင်္ဂဏီတုံ ယုတ္တံ၊ န ပန ဒီဃနိကာ-
ယာဒိပ္ပကာရေ သုတ္တန္တပိဋကေ၊ နာပိ ပညတ္တိနိဒ္ဒေသဘူတေ ဝိနယပိဋကေတိ
ဒီဃဘာဏကာ “ဇာတကာဒိနံ အဘိဓမ္မပိဋကေ သင်္ဂဟော”တိ ဝဒန္တိ။
စရိယာပိဋကဗုဒ္ဓဝံသာနဉ္စေတ္ထ အဂ္ဂဟဏံ ဇာတကဂတိကတ္တာ။ မဇ္ဈိမဘာဏကာ
ပန အဋ္ဌပုတ္တိဝသေန ဒေသိတာနံ ဇာတကာဒိနံ ယထာနုလောမဒေသနာ-
ဘာဝတော တာဒိသေ သုတ္တန္တပိဋကေ သင်္ဂဟော ယုတ္တော၊ န ပန
သဘာဝဓမ္မနိဒ္ဒေသဘူတေ ယထာဓမ္မသာသနေ အဘိဓမ္မပိဋကေတိ ဇာတကာ-
ဒိနံ သုတ္တန္တပိဋကပရိယာပန္နတံ ကထယန္တိ။ တတ္ထ စ ယုတ္တံ ဝိစာရေတွာ
ဂဟေတဗ္ဗံ။

ဧဝံ နိမိတ္တပယောဇနကာလဒေသကာရကကရဏပ္ပကာရေဟိ ပဌမံ သင်္ဂီတိံ
ဒဿေတွာ ဣဒါနိ တတ္ထ ဝဝတ္ထာပိတသိဒ္ဓေသု ဓမ္မဝိနယေသု နာနပ္ပကာရ-
ကောသလ္လတ္တံ ကေဝိဓာဒိဘေဒေ ဒဿေတုံ “**ဧဝမေတ**”န္တိ အာဒိမာဟ။ တတ္ထ
ဝိမုတ္တိရသန္တိ ဝိမုတ္တိဂုဏံ၊ ဝိမုတ္တိသမ္ပတ္တိကံ ဝါ အဂ္ဂဗလနိပ္ပါဒနတော၊ ဝိမုတ္တိကိစ္စံ
ဝါ ကိလေသာနံ အစွန္တိ ဝိမုတ္တိသမ္ပာဒနတော။ ကေစိ ပန “ဝိမုတ္တိအဿာဒ”န္တိ
ဝဒန္တိ။

ကိဉ္စာပိ အဝိသေသေန သဗ္ဗမ္ပိ ဗုဒ္ဓဝစနံ ကိလေသဝိနယနေန ဝိနယော၊
ယထာနုသိဋ္ဌိံ ပဋိပဇ္ဇမာနေ အပါယပတနာဒိတော ဓာရဏေန ဓမ္မော၊
ဣဓာမိပ္ပေတေ ပန ဓမ္မဝိနယေ နိဒ္ဒါရေတုံ “**တတ္ထ ဝိနယပိဋက**”န္တိ အာဒိမာဟ။
အဝသေသံ ဗုဒ္ဓဝစနံ ဓမ္မော ခန္ဓာဒိဝသေန သဘာဝဓမ္မဒေသနာဗာဟုလ္လတော။
အထ ဝါ ယဒိပိ ဓမ္မောယေဝ ဝိနယောပိ ပရိယတ္တိယာဒိဘာဝတော၊
ဝိနယ-သဒ္ဓသန္တိဓာနေ ပန ဘိန္နာဓိကရဏဘာဝေန ပယုတ္တော ဓမ္မ-သဒ္ဓေါ
ဝိနယတန္တိဝိရုရံ တန္တိံ ဒိပေတိ ယထာ “ပုညဉ္ဇဏသမ္ဘာရာ၊ ဂေါဗလိ-
ဗဒ္ဓ”န္တိ စ။

“**အနေကဇာတိသံသာရ**”န္တိ အယံ ဂါထာ ဘဂဝတာ အတ္တနော
သဗ္ဗညုတညာဏပဒဋ္ဌာနံ အရဟတ္တပ္ပတ္တိံ ပစ္စဝေက္ခန္တေန ဧကေနဝိသတိမဿ
ပစ္စဝေက္ခဏဉ္ဇာဏဿ အနန္တရံ ဘာသိတာ၊ တေနာဟ “**ဣဒံ ပဌမဗုဒ္ဓဝစန**”န္တိ။
ဣဒံ ကိရ သဗ္ဗဗုဒ္ဓေဟိ အဝိဇဟိတံ ဥဒါနံ။ အယမဿ သင်္ခေပတ္တော—အဟံ
ဣမဿ အတ္တဘာဝဂေဟဿ ကာရကံ တဏှာဝဓုကိံ **ဂဝေသန္တော** ယေန
ဉ္ဇာဏေန တံ ဒဋ္ဌံ သက္ကာ၊ တဿ ဗောဓိဉ္ဇာဏဿတ္ထာယ ဒိပင်္ဂရပါဒမူလေ

ကတာဘိနိဟာရော ဧတ္ထကံ ကာလံ အနေကဇာတိသံသာရံ အနေကဇာတိ-
သတသဟဿသင်္ချိံ သံသာရဝဋ် အနိဗ္ဗိသံ တံ ဉ္ဇဏံ အဝိနန္ဒော
အလဘန္တောယေဝ သန္တာဝိသံ သံသရိံ။ ယသ္မာ ဇရာဗျာဓိမရဏမိဿတာယ
ဇာတိ နာမေသာ ပုနပုနံ ဥပဂန္တံ ဒုက္ခာ၊ န စ သာ တသ္မိံ အဝိဇ္ဇေ
နိဝတ္တတိ၊ တသ္မာ တံ ဂဝေသန္တော သန္တာဝိသန္တိ အတ္ထော။ ဒိဋ္ဌောသီတိ ဣဒါနိ
မယာ သဗ္ဗညုတညာဏံ ပဋိဝိဇ္ဈန္တေန ဒိဋ္ဌော အသိ။ ပုန ဂေဟန္တိ ပုန ဣမံ
အတ္တဘာဝသင်္ခါတံ မမ ဂေဟံ။ န ကာဟသိ န ကရိဿသိ။ တဝ သဗ္ဗာ
အဝသေသကိလေသဖာသုကာ မယာ အဂ္ဂါ။ ဣမဿ တယာ ကတဿ
အတ္တဘာဝဂေဟဿ ဣဋ္ဌံ အဝိဇ္ဇာသင်္ခါတံ ကဏ္ဍိကမဏ္ဍလံ ဝိသင်္ခတံ ဝိဒ္ဓိသိတံ။
ဝိသင်္ခါရံ နိဗ္ဗာနံ အာရမ္မဏကရဏဝသေန ဂတံ အနုပဝိဋ္ဌ ဣဒါနိ မမ စိတ္တံ၊
အဟဉ္စ တဏှာနံ ခယသင်္ခါတံ အရဟတ္တမဂ္ဂံ အဇ္ဈဂါ အဓိဂတော ပတ္တော-
သီတိ။ အယံ မနသာ ဝဝတ္ထိတဓမ္မာနံ အာဒိ။ “ယဒါ ဟဝေ ပါတုဘဝန္တိ
ဓမ္မာ”တိ အယံ ပန ဝါစာယပဝတ္ထိတဓမ္မာနံ အာဒိတိ ဝဒန္တိ။ အန္တောဇေယျ-
ဝသေန ကိရ ဘဂဝါ “အနေကဇာတိသံသာရ”န္တိ အာဒိမာဟ။ “ပါဠိပဒ-
ဒိဝသေ”တိ ဣဒံ “သဗ္ဗညုဘာဝပုတ္တဿာ”တိ န ဧတေန သမ္ဗန္ဓိတဗ္ဗံ၊ “ပစ္စဝေ-
က္ခန္တဿ ဥပ္ပန္နာ”တိ ဧတေန ပန သမ္ဗန္ဓိတဗ္ဗံ။ ဝိသာခပုဏ္ဏမာယမေဝ ဟိ
ဘဂဝါ ပစ္စုသသမယေ သဗ္ဗညုတံ ပတ္တောတိ။

ဝယဓမ္မာတိ အနိစ္စလက္ခဏမုခေန ဒုက္ခာနတ္တလက္ခဏမ္ပိ သင်္ခါရာနံ ဝိဘာဝေတိ
“ယဒနိစ္စံ၊ တံ ဒုက္ခံ၊ ယံ ဒုက္ခံ၊ တဒနတ္တာ”တိ ဝစနတော။ လက္ခဏတ္တယဝိဘာ-
ဝနနယေနဝစတဒါရမ္မဏံ ဝိပဿနံ ဒသေသန္တော သဗ္ဗတိတ္ထိယာနံ အဝိသယ-
ဘူတံ ဗုဒ္ဓါဝေဏိကံ စတုသစ္စကမ္မဋ္ဌာနာဓိဋ္ဌာနံ အဝိပရိတံ နိဗ္ဗာနဂါမိနိပ္ပုဋ္ဌိပဒံ
ပကာသေတိတိ ဒဋ္ဌဗ္ဗံ။ ဣဒါနိ တတ္ထ သမ္မာပဋိပတ္တိယံ နိယောဇေတိ
“အပ္ပမာဒေန သမ္မာဒေသော”တိ။ အထ ဝါ “ဝယဓမ္မာ သင်္ခါရာ”တိ ဧတေန
သင်္ခေပေန သံဝေဇေတွာ “အပ္ပမာဒေန သမ္မာဒေသော”တိ သင်္ခေပေနဝ
နိရဝသေသံ သမ္မာပဋိပတ္တိံ ဒသေတိ။ အပ္ပမာဒပဒဉ္စိ သိက္ခတ္တယသင်္ဂဟိတံ
ကေဝလပရိပုဏ္ဏံ သာသနံ ပရိယာဒိယိတွာ တိဋ္ဌတိတိ။

ပဌမသင်္ဂီတိယံ အသင်္ဂီတံ သင်္ဂီတိက္ခန္ဓကကထာဝတ္ထုပကရဏာဒိ။ ကေဝိ
ပန “သုဘသုတ္တမ္ပိ၊ ပဌမသင်္ဂီတိယံ အသင်္ဂီတ”န္တိ ဝဒန္တိ၊ တံ န ယုဇ္ဇတိ။

၁-၃၁-၇၀-ပိဋေ ဥဒါနေ။	၂-၃၁-၃၆-ပိဋေ ဓမ္မပဒေ။
၃-သံ ၂-၁၉၊ ၃၇၊ ၆၀၊ ၆၉၊ ၉၂၊ ၂၃၆၊ ၂၁၇၊ ၃၉-၂၉၅-ပိဋေသု။	၄-ဒိ ၁-၁၀၀-ပိဋေ။

ပဌမသင်္ဂီတိတော ပုရေတရမေဝ ဟိ အာယသ္မတာ အာနန္တေန ဇေတဝနေ
ဝိဟရန္တေန သုဘဿ မာဏဝဿ ဘာသိတန္တိ။

ဒန္တိကမ္ပသိထိလကရဏပ္ပယောဇနာ ယထာက္ကမံ ပကတိသာဝဇ္ဇပဏ္ဍိတိ-
သာဝဇ္ဇေသု သိက္ခာပဒေသု။ တေနာတိ ဝိဝိနေယတ္တာဒိနာ။ တေန္တိ “ဝိဝိဇ-
ဝိသေသနယတ္တာ”တိ ဂါထာဝစနံ။ တဿာတိ ဝိနယဿ။

အတ္တတ္ထပရတ္တာဒိဘေဒေတိ ယော တံ သုတ္တံ သဇ္ဈာယတိ၊ သုဏာတိ၊
ဝါစေတိ၊ စိန္တေတိ၊ ဒေသေတိ စ၊ သုတ္တေန သင်္ဂဟိတော သီလာဒိအတ္ထော
တဿာပိ ဟောတိ၊ တေန ပရဿ သာဓေတဗ္ဗတော ပရဿာပိ ဟောတိတိ
တဒုဘယံ တံ သုတ္တံ သူစေတိ ဒိပေတိ။ တထာ ဒိဋ္ဌဓမ္မိကသမ္ပရာယိကံ
လောကီယလောကုတ္တရဉ္စာတိ ဧဝမာဒိဘေဒေ အတ္ထေ အာဒိ-သဒ္ဓေန
သင်္ဂဏာတိ။ အတ္ထ-သဒ္ဓေါ စာယံ ဟိတပရိယာယဝစနံ၊ န ဘာသိတတ္ထဝစနံ၊
ယဒိ သိယာ၊ သုတ္တံ အတ္တနောပိ ဘာသိတတ္တံ သူစေတိ၊ ပရဿာပိတိ
အယမတ္ထော ဝုတ္တော သိယာ။ သုတ္တေန စ ယော အတ္ထော ပကာသိတော၊
သော တဿေဝ ဟောတိတိ န တေန ပရတ္ထော သူစိတော ဟောတိ၊ တေန
သူစေတဗ္ဗဿ ပရတ္ထဿ နိဝတ္တေတဗ္ဗဿ အဘာဝါ အတ္တဂ္ဂဟဏဉ္စ န ကတ္တဗ္ဗံ၊
အတ္တတ္ထပရတ္ထဝိနိမုတ္တဿ ဘာသိတတ္ထဿ အဘာဝါ အာဒိဂ္ဂဟဏဉ္စ န ကတ္တဗ္ဗံ။
တသ္မာ ယထာဝုတ္တဿ ဟိတပရိယာယဿ အတ္တဿ သုတ္တေ အသမ္ဘဝတော
သုတ္တာဓာရဿ ပုဂ္ဂလဿ ဝသေန အတ္တတ္ထပရတ္တာ ဝုတ္တာ။

အထ ဝါ သုတ္တံ အနပေက္ခိတွာ ယေ အတ္တတ္တာဒယော အတ္ထပ္ပဘေဒါ ဝုတ္တာ
“န ဟညဒတ္တတ္ထိပသံသလာဘာ”တိ ဧတဿ ပဒဿ နိဒ္ဒေသေ^၁ “အတ္တတ္ထော၊
ပရတ္ထော၊ ဥဘယတ္ထော၊ ဒိဋ္ဌဓမ္မိကော အတ္ထော၊ သမ္ပရာယိကော အတ္ထော၊
ဥတ္တာနော အတ္ထော၊ ဂန္တိရော အတ္ထော၊ ဂူဠော အတ္ထော၊ ပဋိစ္ဆန္တော အတ္ထော၊
နေယျော အတ္ထော၊ နီတော အတ္ထော၊ အနဝဇ္ဇော အတ္ထော၊ နိက္ကိလေသော
အတ္ထော၊ ဝေါဒါနော အတ္ထော၊ ပရမတ္ထော”တိ၊ တေ သုတ္တံ သူစေတိတိ
အတ္ထော။ ဣသိံ^၂ အတ္တဝိကပ္ပေ အတ္ထ-သဒ္ဓေါ ဘာသိတတ္ထပရိယာယောပိ
ဟောတိ။ ဧတ္ထ ဟိ ပုရိမကာ ပဉ္စ အတ္ထပ္ပဘေဒါ ဟိတပရိယာယာ၊ တတော
ပရေ ဆ ဘာသိတတ္ထဘေဒါ၊ ပစ္ဆိမကာ ပန ဥဘယသဘာဝါ။ တတ္ထ
ဒုရဓိဂမတာယ ဝိဘာဝနေ အလဒ္ဓဂါဓော ဂန္တိရော။ န ဝိဝဇ္ဇော ဂူဠော။
မူလုဒကာဒယော ဝိယ ပံသုနာ အက္ခရသန္ဓိဝေသာဒိနာ တိရောဟိတော

ပဋိစ္စန္ဓော။ နိဒ္ဒါရေတွာ ဉ္ဗပေတဗ္ဗော နေယျော။ ယထာရုတဝသေနဝ
 ဝေဒိတဗ္ဗော နိတော။ အနဝဇ္ဇနိက္ခိလေသဝေါဒါနာ ပရိယာယဝသေန ဝုတ္တာ၊
 ကုသလဝိပါကကိရိယာဓမ္မဝသေန ဝါ။ ပရမတ္ထော နိဗ္ဗာနံ၊ ဓမ္မာနံ အဝိပရိ-
 တသဘာဝေါ ဧဝ ဝါ။ အထ ဝါ “အတ္တနာ စ အပ္ပိစ္ဆော ဟောတိ”တိ အတ္တတ္ထံ၊
 “အပ္ပိစ္ဆာကထဉ္စပရေသံ ကတ္တာ ဟောတိ”တိ ပရတ္ထံ သူစေတိ။ ဧဝံ “အတ္တနာ
 စ ပါဏာတိပါတာ ပဋိဝိရတော ဟောတိ”တိ အာဒိ သုတ္တာနိ ယောဇေတဗ္ဗာနိ။
 ဝိနယာဘိဓမ္မေဟိ စ ဝိသေသေတွာ သုတ္တ-သဒ္ဓဿ အတ္ထော ဝတ္ထဗ္ဗော။ တသ္မာ
 ဝေနယုဇ္ဈာသယဝသပ္ပဝတ္တာယ ဒေသနာယ အတ္တဟိတပရဟိတာဒိနိ သာ-
 တိသယံ ပကာသိတာနိ ဟောန္တိ တပ္ပရဘာဝတော၊ န အာဏာဓမ္မသဘာဝ-
 ဝသပ္ပဝတ္တာယာတိ ဣဒမေဝ စ “အတ္တာနံ သူစနတော သုတ္တ”န္တိ ဝုတ္တံ။

သုတ္တေ စ အာဏာဓမ္မသဘာဝါ စ ဝေနယုဇ္ဈာသယံ အနဝတ္တန္တိ၊ န
 ဝိနယာဘိဓမ္မေသု ဝိယ ဝေနယုဇ္ဈာသယော အာဏာဓမ္မသဘာဝေ။ တသ္မာ
 ဝေနယုာနံ ဧကန္တဟိတပဋိပတ္တိလာဘသံဝတ္တနိကာ သုတ္တန္တဒေသနာ ဟော-
 တိတိ “သုဝုတ္တာစေတ္တာ”တိ အာဒိ ဝုတ္တံ။ ပသဝတိတိ ဖလတိ။ “သုတ္တာဏာ”တိ
 ဧတဿ အတ္ထံ ပကာသေတုံ “သုဋ္ဌ၊ စ နေ တာယတိ”တိ ဝုတ္တံ။ အတ္တတ္တာဒိ-
 ဝိဓာနေသု စ သုတ္တဿ ပမာဏဘာဝေါ၊ အတ္တတ္တာဒိနဉ္စ သင်္ဂါဟကတ္ထံ
 ယောဇေတဗ္ဗံ တဒတ္ထပ္ပကာသနပဓာနတ္တာ သုတ္တဿ။ ဝိနယာဘိဓမ္မေဟိ
 ဝိသေသနဉ္စ ယောဇေတဗ္ဗံ။ ဧတန္တိ “အတ္တာနံ သူစနတော”တိ အာဒိကံ
 အတ္ထဝစနံ။ ဧတဿာတိ သုတ္တဿ။

အဘိက္ခမန္တိတိ ဧတ္ထ အဘိ-သဒ္ဓေါ ကမနကိရိယာယ ဝုခိဘာဝံ အတိရေ-
 ကတ္ထံ ဒီပေတိ၊ အဘိညာတာ အဘိလက္ခိတာတိ ဧတ္ထ ဉ္ဗဏလက္ခဏကိရိယာနံ
 သုပါကဋတာဝိသေသံ၊ အဘိက္ခန္ဓေနာတိ ဧတ္ထ ကန္တိယာ အဓိကတ္ထံ ဝိသိဋ္ဌတန္တိ
 ယုတ္တံ ကိရိယာဝိသေသကတ္တာ ဥပသဂ္ဂဿ။ အဘိရာဇာ အဘိဝိနယေတိ ပန
 ပူဇိတပရိစ္ဆိန္ဓေသု ရာဇဝိနယေသု အဘိ-သဒ္ဓေါ ပဝတ္တတိတိ ကထမေတံ
 ယုဇ္ဇေယျာတိ? ပူဇနပရိစ္ဆေဒနကိရိယာဒီပနတော၊ တာဟိ စ ကိရိယာဟိ
 ရာဇဝိနယာနံ ယုတ္တတ္တာ။ ဧတ္ထ ဟိ အတိမာလာဒိသု အဘိ-သဒ္ဓေါ ဝိယ
 အဘိ-သဒ္ဓေါ ယထာ သဟ သာဓနေန ကိရိယံ ဝဒတိတိ အဘိရာဇအဘိ-
 ဝိနယ-သဒ္ဓါသိဒ္ဓါ၊ ဧဝံ အဘိဓမ္မသဒ္ဓေ အဘိ-သဒ္ဓေါ သဟ သာဓနေန
 ဝုခိယာဒိကိရိယံ ဒီပေတိတိ အယမတ္ထော ဒဿိတောတိ ဒဋ္ဌဗ္ဗော။

ဘာဝနာဖရဏဝုဇီဟိ ဝုဇီမန္တောပိ ဓမ္မာ ဝုတ္တာ။ အာရမ္မဏာဒီဟိတိ
 အာရမ္မဏသမ္ပယုတ္တကမ္မဒ္ဓါရပုဂ္ဂိုလဒါဒီဟိ။ အဝိသိဋ္ဌန္တိ အညမညဝိသိဋ္ဌေသု
 ဝိနယသုတ္တာဘိဓမ္မေသု အဝိသိဋ္ဌံ သမာနံ။ တံ ပိဋကသဒ္ဓန္တိ အတ္ထော။
 ယထာဝုတ္တေနာတိ “ဧဝံ ဒုဝိဓတ္ထေနာ”တိအာဒိနာ ဝုတ္တပ္ပကာရေန။

ကထေတဗ္ဗာနံ အတ္တာနံ ဒေသကာယတ္ထေန အာဏာဒိဝိမိနာ အတိသဇ္ဇနံ
 ပဗောဓနံ ဒေသနာ။ သာသိတဗ္ဗပုဂ္ဂလဂတေန ယထာပရာဓာဒိသာသိတဗ္ဗ-
 ဘာဝေန အနုသာသနံ ဝိနယနံ သာသနံ။ ကထေတဗ္ဗဿ သံဝရာသံဝရာဒိနော
 အတ္ထဿ ကထနံ ဝစနပဋိဗဒ္ဓတာကရဏံ ကထာ။ ကထိယတိ ဝါ ဧတ္ထာတိ
 ကထာ။ သံဝရာသံဝရဿ ကထာ သံဝရာသံဝရကထာ။ ဧသ နယော
 ဣတရေသုပိ။ ဘေဒ-သဒ္ဓေါ ဝိသု ဝိသု ယောဇေတဗ္ဗော “ဒေသနာဘေဒံ
 သာသနဘေဒံ ကထာဘေဒဉ္စ ယထာရဟံ ပရိဒီပယေ”တိ။ ဘေဒန္တိ စ နာနတ္တန္တိ
 အတ္ထော။ သိက္ခာ စ ပဟာနာနိ စ ဂန္တိရဘာဝေါ စ သိက္ခာပ္ပဟာနဂန္တိရ-
 ဘာဝံ။ တဉ္စ ပရိဒီပယေ။ ဧတ္ထ ယထာတိ ဥပါရမ္ဘနိဿရဏဓမ္မကောသ-
 ရက္ခဏဟေတုပရိယာပုဏနံ သုပ္ပုပ္ပတ္တိ ဒုပ္ပုပ္ပတ္တိတိ ဧတေဟိ ပကာရေဟိ။
 အာဏံ ပဏေတုံ အရဟတီတိ အာဏာရဟော သမ္မာသမ္ဗုဒ္ဓတ္တာ။ ဝေါဟာရ-
 ပရမတ္တာနမ္ပိ သမ္ဘာဝတော အာဟ “အာဏာဗာဟုလ္လတော”တိ။ ဣတော
 ပရေသုပိ ဧသေဝ နယော။ ပရုရာပရာဓာ သေယျသကာဒယော။ အဇ္ဈာသယော
 အာသယောဝ၊ အတ္ထတော ဒိဋ္ဌိ၊ ဉာဏဉ္စ။ ဝုတ္တဉ္စေတံ—

“သဿတုစ္ဆေဒဒိဋ္ဌိ စ၊ ခန္တိ စေဝါနုလောမိကာ။
 ယထာဘူတဉ္စ ယံ ဉာဏံ၊ ဧတံ အာသယသဒ္ဓိတ”န္တိ။

အနုသယာ ကာမရာဂဘဝရာဂဒိဋ္ဌိပဋိသဝိစိကိစ္ဆာမာနာဝိဇ္ဇာဝသေနသတ္တ
 အနာဂတာ ကိလေသာ၊ အတိတာ ပစ္စုပ္ပန္နာ စ တထေဝ ဝုစ္စန္တိ။ န ဟိ ကာလ-
 ဘေဒေန ဓမ္မာနံ သဘာဝဘေဒေါ အတ္ထိတိ။ စရိယာတိ ဆ မူလစရိယာ၊
 အန္တရဘေဒေန အနေကဝိဓာ၊ သံသဂ္ဂဝသေန တေသဋ္ဌိ ဟောန္တိ။ တေ ပန
 အမှေဟိ အသမ္ဘောဟန္တရဓာနသုတ္တဒီကာယံ ဝိဘာဂတော ဒဿိတာ၊ အတ္ထိ-
 ကေဟိ တတော ဂဟေတဗ္ဗာ။ အထ ဝါ စရိယာတိ စရိတံ၊ တံ သုစရိတ-
 ဒုစ္စရိတဝသေန ဒုဝိဓံ။ အဓိပ္ပတ္တိ နာမ သတ္တာနံ ပုဗ္ဗစရိယဝသေန အဘိရုစိ၊
 သာ ဒုဝိဓာ ဟိနပဏီတဘေဒေန။ ဃနဝိနိဗ္ဗောဂါဘာဝတော ဒိဋ္ဌိမာနတဏှာ-
 ဝသေန “အဟံ မမာ”တိ သညိနော။ မဟန္တော သံဝရော အသံဝရော။ ဗုဒ္ဓိ-
 အတ္ထော ဟိ အယ’မကာရော ယထာ “အသေက္ခာ ဓမ္မာ”တိပိ။

၁-၁-အဓိကပါဌော ဝိယ ဒိဿတိ။ ၂-ဝိသုဒ္ဓိဋီ ၁-၂၃၉၊ သာရတ္ထဋီ ၁-၇၅-ပိဋေသုပိ။ ၃-အဘိ ၁-၂-ပိဋေ။

တိသုပိ စေတေသု စေတ ဓမ္မတ္ထဒေသနာပဋိဝေဓာတိ ဧတ္ထ တန္တိအတ္ထော တန္တိဒေသနာ တန္တိအတ္ထပဋိဝေဓော စ တန္တိဝိသယာ ဟောန္တိတိ ဝိနယ-
ပိဋကဒီဇံ အတ္ထဒေသနာပဋိဝေဓာဓာရတာဝေါ ယုတ္တော၊ ပိဋကဒီဇံ ပန
တန္တိယေဝါတိ တေသံ ဓမ္မာဓာရတာဝေါ ကထံ ယုဇ္ဇေယျာတိ? တန္တိသမုဒါ-
ယဿ အဝယဝတန္တိယာ အာဓာရတာဝတော။ အဝယဝဿ ဟိ သမုဒါယော
အာဓာရတာဝေန ဝုစ္စတိ ယထာ “ရုက္ခေ သာခါ”တိ။ ဓမ္မာဒီနဉ္စ ဒုက္ခော-
ဂါဟတာဝတော တေဟိ ဝိနယာဒယော ဂန္တိရာတိ ဝိနယာဒီနဉ္စ စတုဗ္ဗိဓော
ဂန္တိရာတာဝေါ ဝုတ္တော။ တသ္မာ ဓမ္မာဒယော ဧဝ ဒုက္ခောဂါဟတ္တာ ဂန္တိရာ၊
န ဝိနယာဒယောတိ န စောဒေတဗ္ဗမေတံ သမုခေန၊ ဝိသယဝိသယီမုခေန စ
ဝိနယာဒီဇံယေဝ ဂန္တိရာတာဝဿ ဝုတ္တတ္တာ။ ဓမ္မော ဟိ ဝိနယာဒယော၊ တေသံ
ဝိသယော အတ္ထော၊ ဓမ္မတ္ထဝိသယာ စ ဒေသနာပဋိဝေဓာတိ။ တတ္ထ ပဋိဝေဓဿ
ဒုက္ခရတာဝတော ဓမ္မတ္တာနံ၊ ဒေသနာဉ္စဏဿ ဒုက္ခရတာဝတော ဒေသနာယ
စ ဒုက္ခောဂါဟတာဝေါ ဝေဒိတဗ္ဗော၊ ပဋိဝေဓဿ ပန ဥပ္ပါဒေတုံ အသက္ကု-
ဏေယျတ္တာ တဗ္ဗိသယဉ္စဏုပ္ပတ္တိယာ စ ဒုက္ခရတာဝတော ဒုက္ခောဂါဟတာ
ဝေဒိတဗ္ဗော။

“ဟေတုမှိ ဉာဏံ ဓမ္မပဋိသန္တိဒါ”တိ ဧတေန ဝစနေန ဓမ္မဿ ဟေတုဘာဝေါ
ကထံ ဉာတဗ္ဗောတိ? “ဓမ္မပဋိသန္တိဒါ”တိ ဧတဿ သမာသပဒဿ အဝယဝပဒတ္တံ
ဒဿေန္တေန “ဟေတုမှိ ဉာဏံ”န္တိ ဝုတ္တတ္တာ။ “ဓမ္မေ ပဋိသန္တိဒါ”တိ ဧတ္ထ ဟိ
“ဓမ္မေ”တိ ဧတဿ အတ္ထံ ဒဿေန္တေန “ဟေတုမှိ”တိ ဝုတ္တံ၊ “ပဋိသန္တိဒါ”တိ
ဧတဿ စ အတ္ထံ ဒဿေန္တေန “ဉာဏံ”န္တိ။ တသ္မာ ဟေတုဓမ္မ-သဒ္ဓါဧကတ္တာ၊
ဉာဏပဋိသန္တိဒါ-သဒ္ဓါ စာတိ ဣမမတ္ထံ ဝဒန္တေန သာမိတော ဓမ္မဿ ဟေတု-
ဘာဝေါ၊ အတ္ထဿ ဟေတုဖလဘာဝေါ စ ဧဝမေဝ ဒဋ္ဌဗ္ဗော။

ယထာဓမ္မန္တိ စေတ္ထ ဓမ္မ-သဒ္ဓေါ ဟေတုံ ဟေတုဖလဉ္စ သဗ္ဗံ သင်္ဂဏှာတိ။
သဘာဝဝါစကော ဟေသ၊ န ပရိယတ္တိဟေတုဘာဝဝါစကော၊ တသ္မာ
ယထာဓမ္မန္တိ ယော ယော အဝိဇ္ဇာသင်္ခါရာဒိဓမ္မော၊ တသ္မိံ တသ္မိန္တိ အတ္ထော။
ဓမ္မာနုရူပံ ဝါ ယထာဓမ္မံ။ ဒေသနာပိ ဟိ ပဋိဝေဓော ဝိယ အဝိပရိတသဝိ-
သယဝိဘာဝနတော ဓမ္မာနုရူပံ ပဝတ္တတိ၊ ယတော “အဝိပရိတာဘိလာပေါ”တိ
ဝုစ္စတိ။ ဓမ္မာဘိလာပေါတိ အတ္ထဗျဉ္စနကော အဝိပရိတာဘိလာပေါ၊ ဧတေန
“တတြ ဓမ္မနိရုတ္တာဘိလာပေ ဉာဏံ နိရုတ္တိပဋိသန္တိဒါ”တိ ဧတ္ထ ဝုတ္တံ
သဘာဝဓမ္မနိရုတ္တိံ ဒဿေတိ သဒ္ဓသဘာဝတ္တာ ဒေသနာယ။ တထာ ဟိ

နိရုတ္တိပဋိသန္တိဒါယ ပရိတ္တာရမ္မဏာဒိဘာဝေါ ပဋိသန္တိဒါဝိဘင်္ဂပါဠိယံ^၁
 ဝုတ္တော။ **အဋ္ဌကထာယဉ္ဇ** “တံ သဘာဝနိရုတ္တိံသဒ္ဓိ အာရမ္မဏံ ကတွာ”တိအာဒိ-
 နာ^၂သဒ္ဓါရမ္မဏတာဒဿိတာ။ “ဣမဿ အတ္ထဿ အယံ သဒ္ဓေါ ဝါစကော”တိ
 ဝစနဝစနိယေ ဝဝတ္ထပေတွာ တံတံဝစနိယဝိဘာဝနဝသေန ပဝတ္တိတော ဟိ
 သဒ္ဓေါ ဒေသနာတိ။ **“အနုလောမာဒိဝသေန ဝါ ကထန”**န္တိ ဧတေန တဿာ
 ဓမ္မနိရုတ္တိယာ အဘိလာပံ ကထနံ တဿ ဝစနဿ ပဝတ္တနံ ဒဿေတိ။
“အဓိပ္ပာယ်ော”တိ ဧတေန “ဒေသနာတိ ပညတ္တိ”တိ ဧတံ ဝစနံ ဓမ္မနိရုတ္တာ-
 ဘိလာပံ သန္ဓာယ ဝုတ္တံ၊ န တဗ္ဗိနိမုတ္တံ ပညတ္တိံ သန္ဓာယာတိ ဒဿေတိ။

နန စ “ဓမ္မော တန္တိ”တိ ဣမသ္မိံ ပက္ခေ ဓမ္မဿ သဒ္ဓသဘာဝတ္တာ ဓမ္မဒေသနာနံ
 ဝိသေသော န သိယာတိ? န, တေသံ တေသံ အတ္တာနံ ဗောဓကဘာဝေန
 ဉာတော, ဥဂ္ဂဟဏာဒိဝသေန စ ပုဗ္ဗေ ဝဝတ္ထာပိတော သဒ္ဓပ္ပဗန္ဓော ဓမ္မော၊
 ပစ္စာ ပရေသံ အဝဗောဓနတ္ထံ ပဝတ္တိတော တဒတ္ထပ္ပကာသကော သဒ္ဓေါ
 ဒေသနာတိ။ အထ ဝါ ယထာဝုတ္တသဒ္ဓသမုဋ္ဌာပကော စိတ္တုပ္ပါဒေါ ဒေသနာ
 မုသာဝါဒါဒယော ဝိယ။ “ဝစနဿ ပဝတ္တန”န္တိ စ ယထာဝုတ္တစိတ္တုပ္ပါဒဝသေန
 ယုဇ္ဇတိ။ သော ဟိ ဝစနံ ပဝတ္တေတိ၊ တဉ္စ တေန ပဝတ္တိယတံ ဒေသိယတိ။
“သော စ လောကီယလောကုတ္တရော”တိ ဧဝံ ဝုတ္တံ အဘိသမယံ ယေန ပကာ-
 ရေန အဘိသမေတိ၊ ယံ အဘိသမေတိ၊ ယော စ တဿ သဘာဝေါ၊ တေဟိ
 ပါကဋံ ကာတုံ **“ဝိသယတော အသမ္မောဟတော စ အတ္တာနုရူပံ ဓမ္မေသျှ”**တိ-
 အာဒိမာဟ။ တတ္ထ ဟိ ဝိသယတော အတ္တာဒိအနုရူပံ ဓမ္မာဒိသု အဝဗောဓော
 အဝိဇ္ဇာဒိဓမ္မသင်္ခါရာဒိအတ္တတဒုဘယပညာပနာရမ္မဏော **လောကီယော အဘိ-**
သမယော၊ အသမ္မောဟတော အတ္တာဒိအနုရူပံ ဓမ္မာဒိသု အဝဗောဓော
 နိဗ္ဗာနာရမ္မဏော မဂ္ဂသမ္ပယုတ္တော ယထာဝုတ္တဓမ္မတ္ထပညတ္တိသု သမ္မောဟဝိဒ္ဓိသ-
 နော **လောကုတ္တရော အဘိသမယော**တိ။ အဘိသမယတော အညမ္ဘိ ပဋိဝေဇ္ဇေ
 ဒဿေတုံ **“တေသံ တေသံ ဝါ”**တိအာဒိမာဟ။ ပဋိဝေဇနံ ပဋိဝေဓောတိ
 ဣမိနာ ဟိ ဝစနတ္ထေန အဘိသမယော, ပဋိဝိဇ္ဈိယတိတိ ပဋိဝေဓောတိ
 ဣမိနာ တံတံရူပါဒိဓမ္မာနံ အဝိပရိတသဘာဝေါ စ **“ပဋိဝေဓော”**တိ ဝုစ္စတိတိ။

ယထာဝုတ္တေဟိ ဓမ္မာဒိဟိ ပိဋကနံ ဂမ္ဘိရဘာဝံ ဒဿေတုံ **“ဣဒါနိ ယသ္မာ
 ဧတေသု ပိဋကေသျှ”**တိအာဒိမာဟ။ **ယော ဧဝတ္ထာ**တိ ဧတေသု တံတံပိဋက-
 ဂတေသု ဓမ္မာဒိသု ယော ပဋိဝေဓော, ဧတေသု စ ပိဋကေသု တေသံ တေသံ
 ဓမ္မာနံ ယော အဝိပရိတသဘာဝေါတိ ယောဇေတဗ္ဗံ။ ဒုက္ခောဂါဟတာ စ

၁-အဘိ ၂-၃၂၀-ပိဋေ။ ၂-အဘိ-၄ ၂-၃၇၀၊ ၃၇၁-ပိဋေသျှ။

အဝိဇ္ဇာသင်္ခါရာဒီနံ ဓမ္မတ္တာနံ ဒုပ္ပင်္ဂိဝိဇ္ဈတာယ၊ တေသံ ပညာပနဿ ဒုက္ခရဘာဝ-
တော တံဒေသနာယ၊ ပဋိဝေဓနသင်္ခါတဿ ပဋိဝေဓဿ ဥပ္ပါဒနဝိသယိ-
ကရဏာနံ အသက္ကုဏေယျတ္တာ၊ အဝိပရိတသဘာဝသင်္ခါတဿ ပဋိဝေဓဿ
ဒုဝိညေယျတာယ ဧဝံ ဝေဒိတဗ္ဗာ။

ယန္တိ ယံ ပရိယတ္တိဒုဂ္ဂဟဏံ သန္ဓာယ ဝုတ္တံ။ အတ္တန္တိ ဘာသိတတ္ထံ ပယော-
ဇနတ္တဉ္စ။ န ဥပပရိက္ခန္တိတိ န ဝိစာရေန္တိ။ န နိဇ္ဈာနံ ခမန္တိတိ နိဇ္ဈာနပညံ
နက္ခမန္တိ။ နိဇ္ဈာယိတွာ ပညာယ ဒိသ္မာ ရောစေတွာ ဂဟေတဗ္ဗာ န ဟောန္တိတိ
အဓိပ္ပါယော။ ဣတိတိ ဧဝံ ဧတာယ ပရိယတ္တိယာ။ ဝါဒပ္ပမောက္ခာနိသံသာ
အတ္တနော ဥပရိ ပရေဟိ အာရောပိတဝါဒဿ နိဂ္ဂဟဿ ပမောက္ခပ္ပယောဇနာ
ဟုတွာ ဓမ္မံ ပရိယာပုဏန္တိ။ ဝါဒပ္ပမောက္ခာ ဝါ နိန္ဒာပမောက္ခာ။ ယဿ
စတ္တာယာတိ ယဿ စ သီလာဒိပူရဏဿ အနုပါဒါဝိမောက္ခဿ ဝါ အတ္တာယ
ဓမ္မံ ပရိယာပုဏန္တိ ဉာယေန ပရိယာပုဏန္တိတိ အဓိပ္ပါယော။ အဿာတိ
အဿ ဓမ္မဿ။ နာနုဘောန္တိတိ န ဝိဒ္ဓန္တိ။ တေသံ တေ ဓမ္မာ ဒုဂ္ဂဟိတတ္တာ
ဥပါရက္ခမာနဒဗ္ဗမက္ခပလာသာဒိဟေတုဘာဝေန ဒီဃရတ္တံ အဟိတာယ ဒုက္ခာယ
သံဝတ္တန္တိ။ ဘဏ္ဍာဂါရေ နိယုတ္တော ဘဏ္ဍာဂါရိကော၊ ဘဏ္ဍာဂါရိကော ဝိယ
ဘဏ္ဍာဂါရိကော၊ ဓမ္မရတနာနုပါလကော။ အညတ္တံ အနပေက္ခိတွာ ဘဏ္ဍာ-
ဂါရိကဿေဝ သတော ပရိယတ္တိ ဘဏ္ဍာဂါရိကပရိယတ္တိ။

“တသံယေဝါ”တိ အဝဇာရဏံ ပါပုဏိတဗ္ဗာနံ ဆဋ္ဌဘိညာစတုပ္ပဋိ-
သတ္တိဒါဒီနံ ဝိနယေ ပဘေဒဝစနာဘာဝံ သန္ဓာယ ဝုတ္တံ။ ဝေရဉ္စကဏ္ဍေ^၁ တိ
တိဿော ဝိဇ္ဇာဝ ဝိဘတ္တာ။ ဒုတိယေ ပန “တသံယေဝါ”တိ အဝဇာရဏံ
စတဿော ပဋိသတ္တိဒါ အပေက္ခိတွာ ကတံ၊ န တိဿော ဝိဇ္ဇာ။ တာ ဟိ
ဆသု အဘိညာသု အန္တောဂဓာတိ သုတ္တေ ဝိဘတ္တာယေဝါတိ။

ဒုဂ္ဂဟိတံ ဂဏှာတိ “တထာဟံ ဘဂဝတာ ဓမ္မံ ဒေသိတံ အာဇာနာမိ၊
ယထာ တဒေဝိဒံ ဝိညာဏံ သန္ဓာဝတိ သံသရတိ အနည”န္တိအာဒိနာ။ ဓမ္မစိန္တန္တိ
ဓမ္မသဘာဝဝိစာရဏံ။ “စိတ္တုပ္ပါဒမတ္တေနေဝ ဒါနံ ဟောတိ၊ သယမေဝ စိတ္တံ
အတ္တနော အာရမ္မဏံ ဟောတိ၊ သဗ္ဗံ စိတ္တံ အသဘာဝဓမ္မာရမ္မဏ”န္တိ စ
ဧဝမာဒိ။ ဧတသန္တိ တေသံ ဝိဋ္ဌကာနံ။

ဧတန္တိ ဧတံ ဗုဒ္ဓဝစနံ။ အတ္တာနုလောမတော အနုလောမိကော။ အနုလော-
မိကတံယေဝ ဝိဘာဝေတုံ “ကဿှာ ပနာ”တိအာဒိ ဝုတ္တံ။ ဧကနိကာယဗ္ဗိတိ

ကေသမူဟမ္ပိ။ ပေါဏိကာ စိက္ခလိကာ စ ခတ္တိယာ၊ တေသံ နိဝါသော ပေါဏိကနိကာယော စိက္ခလိကနိကာယော စ။

နဝပ္ပဘေဒန္တိ ဧတ္ထ ကထံ နဝပ္ပဘေဒံ။ သဂါထကဉ္စိ သုတ္တံ ဂေယျံ၊ နိဂ္ဂါထကဉ္စ သုတ္တံ ဝေယျာကရဏံ၊ တဒုဘယဝိနိမုတ္တဉ္စ သုတ္တံ ဥဒါနာဒိဝိသေသသညာရ-
ဟိတံ နတ္ထိ၊ ယံ သုတ္တင်္ဂံ သိယာ၊ မင်္ဂလသုတ္တာဒိနဉ္စ သုတ္တင်္ဂသင်္ဂဟော န သိယာ
ဂါထာဘာဝတော ဓမ္မပဒါဒိနံ ဝိယ၊ ဂေယျင်္ဂသင်္ဂဟော ဝါ သိယာ သဂါထ-
ကတ္တာ သဂါထာဝဂ္ဂဿ ဝိယ၊ တထာ ဥဘတောဝိဘင်္ဂါဒိသု သဂါထကပ္ပ-
ဘေသာနန္တိ? ဝုစ္စတေ—

သုတ္တန္တိ သာမညဝိမိ၊ ဝိသေသဝိဓယော ပရေ။
သနိမိတ္တာ နိရုဇ္ဈတ္တာ၊ သဟတာညေန နာညတော ၂။

သဗ္ဗဿာပိ ဟိ ဗုဒ္ဓဝစနဿ သုတ္တန္တိ အယံ သာမညဝိမိ။ တေန-
ဝါဟ အာယသ္မာ မဟာကစ္စာနော နေတ္ထိယံ “နဝဝိသေသသုတ္တန္တပရိယေဋ္ဌိ”တိ?။
“ဧတ္တကံ တဿ ဘဂဝတော သုတ္တာဂတံ သုတ္တပရိယာပန္နံ၊ သကဝါဒေ ပဉ္စ-
သုတ္တသတနာနိ”တိ၊ ဝေမာဒိ စ တေဿ အတ္တဿ သာဓကံ။

ဝိသေသဝိဓယော ပရေ သနိမိတ္တာ တဒေကဒေသေသု ဂေယျာဒယော
ဝိသေသဝိဓယော တေန တေန နိမိတ္တေန ပတိဋ္ဌိတာ။ တထာ ဟိ ဂေယျဿ
သဂါထကတ္တံ တဗ္ဘာဝနိမိတ္တံ။ လောကေပိ ဟိ သသိလောကံ သဂါထကံ
စုဏ္ဏိယဂန္တိ “ဂေယျ”န္တိ ဝဒန္တိ။ ဂါထာဝိရဟေ ပန သတိ ပုစ္ဆံ ကတွာ ဝိဿဇ္ဇန-
ဘာဝေါ ဝေယျာကရဏဿ တဗ္ဘာဝနိမိတ္တံ။ ပုစ္ဆာဝိဿဇ္ဇနဉ္စ “ဗျာကရဏ”န္တိ
ဝုစ္စတိ။ ဗျာကရဏမေဝ ဝေယျာကရဏံ။ ဧဝံ သန္တေ သဂါထကာဒိနမ္ပိ ပုစ္ဆံ
ကတွာ ဝိဿဇ္ဇနဝသေန ပဝတ္တာနံ ဝေယျာကရဏဘာဝေါ အာပဇ္ဇတိတိ?
နာပဇ္ဇတိ ဂေယျာဒိသညာနံ အနောကာသဘာဝတော၊ “ဂါထာဝိရဟေ
သတိ”တိ ဝိသေသိတတ္တာ စ။ တထာ ဟိ ဓမ္မပဒါဒိသု ကေဝလံ ဂါထာဗန္ဓေသု၊
သဂါထကတ္တေပိ သောမနဿညဏမယိကဂါထာယုတ္တေသု၊ “ဝုတ္တဉ္စေတ”န္တိ-
အာဒိဝစနသမ္ပန္ဓေသု၊ အတ္တုတဓမ္မပဋိသံယုတ္တေသု စ သုတ္တဝိသေသေသု
ယထာက္ကမံ ဂါထာဥဒါနဇုတိဝုတ္တကအတ္တုတဓမ္မသညာ ပတိဋ္ဌိတာ၊ တထာ

၁-ခု ၁-၃၊ ၃၁၈-ပိဋေသု။ ၂-နေတ္ထိ-ဋ္ဌ ၁၃၊ သာရတ္ထဒီ ၁-၉၃-ပိဋေသုပိ။
၃-ခု ၁၀-၁-ပိဋေ။ ၄-ဝိ ၂-၂၇၂၊ ၄၇၀-ပိဋေသု။
၅-အဘိ-ဋ္ဌ ၁-၅၊ ၆၊ ၉၊ အဘိ-ဋ္ဌ ၃-၁၀၅-ပိဋေသု။ ၆-နေတ္ထိ-ဋ္ဌ ၁၃-ပိဋေ ပဿိတဗ္ဗံ။ ။

သတိပ ဂါထာဗန္ဓဘာဝေ ဘဂဝတော အတိတာသု ဇာတိသု စရိယာနုဘာဝပု-
 ကာသကေသု ဇာတကသညာ၊ သတိပ ပဉ္စာဝိဿန္ဓနဘာဝေ၊ သဂါထကတ္ထေ
 စ ကေသုစိ သုတ္တန္တေသု ဝေဒဿ လဘာပနတော ဝေဒလ္လသညာ ပတိဋ္ဌိကာတိ
 ဧဝံ တေန တေန သဂါထကတ္တာဒိနာ နိမိတ္တေန တေသု တေသု သုတ္တဝိသေ-
 သေသု ဂေယျာဒိသညာ ပတိဋ္ဌိကာတိ ဝိသေသဝိဇယော သုတ္တင်္ဂတော ပရေ
 ဂေယျာဒယော။ ယံ ပနေတ္ထ ဂေယျင်္ဂါဒိနိမိတ္တရဟိတံ၊ တံ သုတ္တင်္ဂံ ဝိသေသ-
 သညာပရိဟာရေန သာမညသညာယ ပဝတ္တနတောတိ။ နန စ သဂါထကံ
 သုတ္တံ ဂေယျံ၊ နိဂ္ဂါထကံ သုတ္တံ ဝေယျာကရဏန္တိ သုတ္တင်္ဂံ န သမ္ဘဝတိတိ
 စောဒနာ တဒဝတ္ထာဝါတိ? န တဒဝတ္ထာ သောမိတတ္တာ။ သောမိတဉ္စိ ပုဗ္ဗေ
 ဂါထာဝိရဟေ သတိ ပုစ္ဆာဝိဿန္ဓနဘာဝေါ ဝေယျာကရဏဿ တမ္ဘာဝ-
 နိမိတ္တန္တိ။

ယဉ္ဇ ဝုတ္တံ “ဂါထာဘာဝတော မင်္ဂလသုတ္တာဒိနံ” သုတ္တင်္ဂသင်္ဂဟော န
 သိယာ”တိ၊ တံ န၊ နိရုဋ္ဌတ္တာ။ နိရုဋ္ဌော ဟိ မင်္ဂလသုတ္တာဒိနံ သုတ္တဘာဝေါ။
 န ဟိ တာနိ ဓမ္မပဒဗုဒ္ဓဝံသာဒယော ဝိယ ဂါထာဘာဝေန ပညာတာနိ၊ အထ
 ခေါ သုတ္တဘာဝေန။ တေနေဝ ဟိ အဋ္ဌကထာယံ “သုတ္တနာမက”န္တိ နာမဂ္ဂ-
 ဟဏံ ကတံ။ ယဉ္ဇ ပန ဝုတ္တံ “သဂါထကတ္တာ ဂေယျင်္ဂသင်္ဂဟော သိယာ”တိ၊
 တဒပိ နတ္ထိ၊ ယသ္မာ သဟတာညေန။ သဟ ဂါထာဟိတိ ဟိ သဂါထကံ။
 သဟဘာဝေါ နာမ အတ္တတော အညေန ဟောတိ၊ န စ မင်္ဂလသုတ္တာဒိသု
 ဂါထာဝိနိမုတ္တော ကောစိ သုတ္တပဒေသော အတ္ထိ၊ ယော “သဟ ဂါထာ-
 ဟိ”တိ ဝုစ္စေယျ၊ န စ သမုဒါယော နာမ ကောစိ အတ္ထိ၊ ယဒပိ ဝုတ္တံ
 “ဥဘတောဝိဘင်္ဂါဒိသု သဂါထကပ္ပဒေသာနံ ဂေယျင်္ဂသင်္ဂဟော သိယာ”တိ၊
 တဒပိ န၊ အညတော။ အညာ ဧဝံ ဟိ တာ ဂါထာ ဇာတကဒိပရိယာ-
 ပန္နတ္တာ။ အတော န တာဟိ ဥဘတောဝိဘင်္ဂါဒိနံ ဂေယျင်္ဂဘာဝေါတိ။ ဧဝံ
 သုတ္တာဒိနံ အင်္ဂါနံ အညမညသင်္ဂရာဘာဝေါ ဝေဒိတဗ္ဗော။

“အယံ ဓမ္မော။ပ။ အယံ ဝိနယော၊ ဣမာနိ စတုရာသီတိ ဓမ္မက္ခန္ဓသဟဿာ-
 နိ”တိ ဗုဒ္ဓဝစနံ ဓမ္မဝိနယာဒိဘေဒေန ဝဝတ္ထပေတွာ သင်္ဂါယန္တေန မဟာ-
 ကဿပပ္ပမုခေန ဝသိဂဏေန အနေကစ္ဆရိယပါတုဘာဝပဋိမဏ္ဍိတာယ သင်္ဂီ-
 တိယာ ဣမဿ ဒိဿာဂမဿ ပဌမမဇ္ဈိမဗုဒ္ဓဝစနာဒိဘာဝေါ ဝဝတ္ထာပိတောတိ
 ဒဿေတိ “ဝေမေတံ အဘေဒတော”တိအာဒိနာ။

၁-မြဟ္မဇာလသုတ္တ

ပရိပ္ပာဇကကထာဝဏ္ဏနာ

ဧဝံ ပဌမမဟာသင်္ဂီတိံ ဒဿေတွာ ယဒတ္ထံ သာ ဣမ ဒဿိတာ၊ ဣဒါနိ တံ နိဂမနဝသေန ဒဿေတုံ “ဣဒိဿာ”တိအာဒိမာဟ။

၁။ ဣတ္တာဝတာ စ မြဟ္မဇာလဿ သာဓာရဏတော ဗာဟိရနိဒါနံ ဒဿေတွာ ဣဒါနိ အပ္ပန္နရနိဒါနံ သံဝဏ္ဏေတုံ “တတ္ထ ဧဝ”န္တိအာဒိ ဝုတ္တံ။ အထ ဝါ ဆဟိ အာကာရေဟိ သံဝဏ္ဏနာ ကာတဗ္ဗာ သမ္ပန္နတော ပဒတော ပဒဝိဘာဂတော အတ္ထတော အနုယောဂတော ပရိဟာရတော စာတိ။ တတ္ထ သဗ္ဗန္ဓော နာမ ဒေသနာသဗ္ဗန္ဓော။ ယံ လောကီယာ “ဥမ္မုဒ္ဓါ-တော”တိ ဝဒန္တိ။ သော ပန ပါဠိယာ နိဒါနပါဠိဝသေန၊ နိဒါနပါဠိ-ယာ ပန သင်္ဂီတိဝသေန ဝေဒိတဗ္ဗောတိ ပဌမမဟာသင်္ဂီတိံ ဒဿေန္တေန နိဒါနပါဠိယာ သမ္ပန္နဿ ဒဿိတတ္တာ ပဒါဒိဝသေန သံဝဏ္ဏနံ ကရောန္တော “ဧဝန္တိ နိပါတပဒ”န္တိအာဒိမာဟ။ မေတိအာဒိနိတိ ဣတ္ထ အန္တရာ-သဒ္ဓ-စ-သဒ္ဓါနံ နိပါတပဒဘာဝေါစ ဝတ္ထဗ္ဗော၊ န ဝါ ဝတ္ထဗ္ဗောတေသံ နယဂ္ဂဟဏေန ဂဟိတတ္တာ၊ တဒဝသိဋ္ဌာနံ အာပဋိ-သဒ္ဓါနံ အာဒိ-သဒ္ဓေန သင်္ဂဏှနတော။ ပဒဝိဘာဂေါတိ ပဒါနံ ဝိသေသော၊ န ပန ပဒဝိဂ္ဂဟော။ အထ ဝါ ပဒါနိ စ ပဒဝိဘာဂေါ စ ပဒဝိဘာဂေါ၊ ပဒဝိဂ္ဂဟော စ ပဒဝိဘာဂေါ စ ပဒ-ဝိဘာဂေါတိ ဝါ ဧကသေသဝသေန ပဒပဒဝိဂ္ဂဟာပိ ပဒဝိဘာဂ-သဒ္ဓေန ဝုတ္တာတိ ဝေဒိတဗ္ဗံ။ တတ္ထ ပဒဝိဂ္ဂဟော “ဘိက္ခုနံ သံဃော”တိအာဒိဘေဒေသု ပဒေသု ဒဋ္ဌဗ္ဗော။

အတ္ထတောတိ ပဒတ္ထတော။ တံ ပန ပဒတ္ထံ အတ္ထုဒ္ဓါရက္ကမေန ပဌမံ ဧဝံ-သဒ္ဓဿ ဒဿေန္တော “ဧဝံ-သဒ္ဓေါ တာဝါ”တိအာဒိမာဟ။ အဝဓာရဏာဒိတိ ဣတ္ထ အာဒိ-သဒ္ဓေန ဣဒမတ္ထပုစ္ဆာပရိမာဏာဒိအတ္တာနံ သင်္ဂဟော ဒဋ္ဌဗ္ဗော။ တထာ ဟိ “ဧဝံဂတာနိ၊ ဧဝံဝိဓော၊ ဧဝမာကာရော”တိအာဒိသု ဣဒံ-သဒ္ဓဿ အတ္ထေ ဧဝံ-သဒ္ဓေါ။ ဂတ-သဒ္ဓေါ ဟိ ပကာရပရိယာယော၊ တထာ ဝိဓာကာရ-သဒ္ဓါ စ။ တထာ ဟိ ဝိဓယုတ္တဂတ-သဒ္ဓေ လောကီယာ ပကာရတ္ထေ ဝဒန္တိ။ “ဧဝံ န ခေါ၊ န န ခေါ၊ ကိံ န ခေါ၊ ကထံ န ခေါ”တိ၊ “ဧဝံ သု တေ သုနာတာ သုဝိလိတ္တာ ကပ္ပိတကေသမဿ အာမုတ္တမာလာဘရဏာ ဩဒါတဝတ္ထဝသနာ

တထာ ဧဝံ ဣဒိနာ အာကာရေန “အဘိက္ကမိတဗ္ဗ”န္တိ အာဒိနာ ဥပဒိသိယ-
မာနာယ သမဏသာရပ္ပိယ အာကပ္ပသမ္ပတ္တိယာ ယော တတ္ထ ဥပဒိသနာ-
ကာရော၊ သော အတ္ထတော ဥပဒေသောယေဝါတိ ဝုတ္တံ “ဧဝံ တေ။ ပ။
ဥပဒေသေ”တိ။ တထာ ဧဝမေတံ ဘဂဝါ၊ ဧဝမေတံ သုဂတောတိ ဧတ္ထ စ
ဘဂဝတာ ယထာဝုတ္တမတ္ထံ အဝိပရိတတော ဇာနန္တေဟိ ကတံ တတ္ထ
သံဝိဇ္ဇမာနဂုဏာနံ ပကာရေဟိ ဟံသနံ ဥဒဂ္ဂတာကရဏံ သမ္ပဟံသနံ၊ ယော
တတ္ထ သမ္ပဟံသနာကာရောတိ ယောဇေတဗ္ဗံ။ ဧဝမေဝံ ပနာယန္တိ ဧတ္ထ
ဂရဟဏာကာရောတိ ယောဇေတဗ္ဗံ။ သော စ ဂရဟဏာကာရော “ဝသလီ”တိ-
အာဒိသံသနသဒ္ဓသန္တိဓာနတော ဣမ ဧဝံ-သဒ္ဓေန ပကာသိတောတိ ဝိညာယတိ။

၇-ခု ၁-၂၁-ပိဋေ ဓမ္မပဒေ။

ယထာ စေတ္ထ၊ ဧဝံ ဥပမာကာရာဒယောပိ ဥပမာဒိဝသေန ဝုတ္တာနံ ပုပ္ဖရာသိ-
 အာဒိသဒ္ဓါနံ သန္နိဓာနတောတိ ဒဋ္ဌဗ္ဗံ။ **ဧဝဉ္စ ဝဒေဟီ**တိ “ယထာဟံ ဝဒါမိ၊
 ဧဝံ သမဏံ အာနန္တံ ဝဒေဟီ”တိ ဝဒနာကာရော ဣဒါနိ ဝတ္ထဗ္ဗော ဧဝံ-သဒ္ဓေန
 နိဒဿီယတီတိ နိဒဿနတ္ထော ဝုတ္တော။ **ဧဝံ နော**တိ ဧတ္ထာပိ တေသံ ယထာ-
 ဝုတ္တဓမ္မာနံ အဟိတဒုက္ခာဝဟဘာဝေ သန္နိဋ္ဌာနဇနနတ္ထံ အနုမတိဂ္ဂဟဏာဝသေန
 “သံဝတ္တန္တိ၊ နော ဝါ၊ ကထံ ဝေါ ဧတ္ထ ဟောတီ”တိ ပုစ္ဆာယ ကတာယ
 “ဧဝံ နော ဧတ္ထ ဟောတီ”တိ ဝုတ္တတ္တာ တဒါကာရသန္နိဋ္ဌာနံ ဧဝံ-သဒ္ဓေန
 ဝိဘာဝိတန္တိ ဝိညာယတိ၊ သော ပန တေသံ ဓမ္မာနံ အဟိတာယ ဒုက္ခာယ
 သံဝတ္တနာကာရော နိယမိယမာနော အဝဓာရဏတ္ထော ဟောတီတိ အာဟ
 “**ဧဝံ နော ဧတ္ထ ဟောတီတိအာဒိသ အဝဓာရဏေ**”တိ။ **ဧဝံ ဘန္တေ**တိ ပန
 ဓမ္မဿ သာဓုကံ သဝနမနသိကာရေ သန္နိယောဇိတေဟိ ဘိက္ခုဟိ အတ္တနော
 တတ္ထ ဌိတဘာဝဿ ပဋိဇာနနဝသေန ဝုတ္တတ္တာ ဧတ္ထ ဧဝံ-သဒ္ဓေါ ဝစန-
 သမ္ပုဋ္ဌိနတ္ထော ဝုတ္တော၊ တေန ဧဝံ ဘန္တေ၊ သာဓု ဘန္တေ၊ သုဋ္ဌ၊ ဘန္တေတိ
 ဝုတ္တံ ဟောတီ။

နာနာနယနိပုဏန္တိ ကေတ္တနာနတ္တအဗျာပါရဧဝံဓမ္မတာသင်္ခါတာ၊ နန္ဒိယာ-
 ဝဇ္ဇတိပုက္ခလသီဟဝိက္ခိဋ္ဌိတအင်္ဂုသဒိသာလောစနသင်္ခါတာ ဝါ အာဓာရာဒိ-
 ဘောဒဝသေန နာနာဝိဓာ နယာ နာနာနယာ၊ နယာ ဝါ ပါဠိဂတိယော၊ တာ
 စ ပညတ္တိအနုပညတ္တိအာဒိဝသေန သံကိလေသဘာဂိယာဒိလောကိယာဒိတ-
 ဒုဘယဝေါမိဿတာဒိဝသေန ကုသလာဒိဝသေန ခန္ဓာဒိဝသေန သင်္ဂဟာ-
 ဒိဝသေန သမယဝိမုတ္တာဒိဝသေန ဌပနာဒိဝသေန ကုသလမူလာဒိဝသေန
 တိကပဋ္ဌာနာဒိဝသေန စ နာနပ္ပကာရာတိ နာနာနယာ၊ တေဟိ နိပုဏံ
 သဏ္ဌာသုဓမ္မန္တိ နာနာနယနိပုဏံ။ အာသယောဝ အဇ္ဈာသယော၊ တေ စ
 သဿတာဒိဘေဒေန၊ တတ္ထ စ အပ္ပရဇက္ခတာဒိဝသေန အနေကာ၊ အတ္တဇ္ဈာ-
 သယာဒယော ဧဝံ ဝါ သမုဋ္ဌာနံ ဥပ္ပတ္တိဟေတု တေဿာတိ **အနေကဇ္ဈာ-
 သယသမုဋ္ဌာနံ။ အတ္တဗျဉ္ဇနသမ္ပန္နန္တိ** အတ္တဗျဉ္ဇနပရိပုဏ္ဏံ ဥပနေတဗျာဘာဝ-
 တော၊ သင်္ကာသန ပကာသန ဝိဝရဏ ဝိဘဇန ဥတ္တာနိကရဏ ပညတ္တိဝသေန
 ဆဟိ အတ္ထပဒေဟိ၊ အက္ခရပဒဗျဉ္ဇနာကာရနိရုတ္တိနိဒ္ဒေသဝသေန ဆဟိ ဗျဉ္ဇန-
 ပဒေဟိ စ သမန္တာဂတန္တိ ဝါ အတ္ထော ဒဋ္ဌဗ္ဗော။

ဝိဝေပါဋိဟာရိယန္တိ ဧတ္ထ ပါဋိဟာရိယပဒဿ ဝစနတ္ထံ “ပဋိပက္ခဟရဏ-
 တော ရာဂါဒိကိလေသာပနယနတော ပါဋိဟာရိယ”န္တိ ဝဒန္တိ။ ဘဂ-
 ဝတော ပန ပဋိပက္ခာ ရာဂါဒယော န သန္တိ၊ ယေ ဟရိတဗျာ။ ပုံထုဇ္ဇနာနမ္ပိ

ဝိဂတူပတ္တိလေသေ အဋ္ဌဂုဏသမန္တာဂတေ စိတ္တေ ဟတပဋိပက္ခေ ဣဒ္ဓိဝိဓံ ပဝတ္တတိ၊ တသ္မာ တတ္ထ ပဝတ္တဝေါဟာရေန စ န သက္ကာ ဣဓ “ပါဠိဟာရိယ”န္တိ ဝတ္တု။ သစေ ပန မဟာကာရုဏိကဿ ဘဂဝတော ဝေနေယျဂတာ စ ကိလေသာ ပဋိပက္ခာ၊ တေသံ ဟရဏတော “ပါဠိဟာရိယ”န္တိ ဝတ္တု၊ ဧဝံ သတိ ယုတ္တမေတံ။ အထ ဝါ ဘဂဝတော စ သာသနဿ စ ပဋိပက္ခာ တိတ္ထိယာ၊ တေသံ ဟရဏတော ပါဠိဟာရိယံ။ တေ ဟိ ဒိဋ္ဌိဟရဏဝသေန၊ ဒိဋ္ဌိပ္ပကာသနေ အသမတ္တဘာဝေန စ ဣဒ္ဓိအာဒေသနာနုသာသနီဟိ ဟရိတာ အပနိတာ ဟောန္တိတိ။ “ပဋိ”တိ ဝါ အယံ သဒ္ဓေါ “ပစ္စာ”တိ တေဿ အတ္ထံ ဗောဓေတိ “တသ္မိ” ပဋိပဝိဋ္ဌမိ၊ အညော အာဂဉ္ဇိ ဗြာဟ္မဏော”တိအာဒိသု ဝိယ၊ တသ္မာ သမာဟိတေ စိတ္တေ၊ ဝိဂတူပတ္တိလေသေ စ ကတကိစ္စေန ပစ္စာ ဟရိတဗ္ဗံ ပဝတ္တေတဗ္ဗန္တိ ပဋိဟာရိယံ၊ အတ္တနော ဝါ ဥပတ္တိလေသေသု စတုတ္ထဇ္ဈာနမဂ္ဂေဟိ ဟရိတေသု ပစ္စာ ဟရဏံ ပဋိဟာရိယံ။ ဣဒ္ဓိအာဒေသနာ-နုသာသနီယော စ ဝိဂတူပတ္တိလေသေန၊ ကတကိစ္စေန စ သတ္တဟိတတ္ထံ ပုန ပဝတ္တေတဗ္ဗာ၊ ဟရိတေသု စ အတ္တနော ဥပတ္တိလေသေသု ပရသတ္တာနံ ဥပတ္တိလေသဟရဏာနိ ဟောန္တိတိ ပဋိဟာရိယာနိ ဘဝန္တိ။ ပဋိဟာရိယမေဝ ပါဠိဟာရိယံ။ ပဋိဟာရိယေ ဝါ ဣဒ္ဓိအာဒေသနာနုသာသနီသမုဒါယေ ဘဝံ ဧကေကံ “ပါဠိဟာရိယ”န္တိ ဝတ္တတိ။ ပဋိဟာရိယံ ဝါ စတုတ္ထဇ္ဈာနံ မဂ္ဂေါ စ ပဋိပက္ခဟရဏတော၊ တတ္ထ ဇာတံ၊ တသ္မိ ဝါ နိမိတ္တဘူတေ၊ တတော ဝါ အာဂတန္တိ ပါဠိဟာရိယံ။ တဿ ပန ဣဒ္ဓိအာဒိဘေဒေန ဝိသယဘေဒေန စ ဗဟုဝိဿေ ဘဂဝတော ဒေသနာယ လဗ္ဘမာနတ္တာ အာဟ “ဝိဝိဓပါဠိ-ဟာရိယ”န္တိ။

န အညထာတိ ဘဂဝတော သမ္ပုခါ သုတာကာရတော န အညထာတိ အတ္ထော၊ န ပန ဘဂဝတော ဒေသိတာကာရတော။ အစိန္တေယျာနုဘာဝါ ဟိ ဘဂဝတော ဒေသနာ။ ဧဝဉ္စ ကတွာ “သဗ္ဗပ္ပကာရေန ကော သမတ္ထော ဝိညာတု”န္တိ ဣဒံ ဝစနံ သမတ္ထိတံ ဟောတိ။ ဓာရဏဗလဒဿနဉ္စ န ဝိရုဇ္ဈတိ သုတာကာရာဝိရုဇ္ဈနဿ အဓိပ္ပေတတ္တာ။ န ဟေတ္ထ အတ္တန္တရတာပရိဟာရော ဒိန္နမ္ပိ အတ္တာနံ ဧကဝိသယတ္တာ၊ ဣတရထာ ထေရော ဘဂဝတော ဒေသနာယ သဗ္ဗထာ ပဋိဂ္ဂဟဏေ သမတ္ထော အသမတ္ထော စာတိ အာပဇ္ဇေယျာတိ။

“ယော ပရော န ဟောတိ၊ သော အတ္တာ”တိ ဧဝံ ဝုတ္တာယ နိယကဇ္ဈတ္တ-သင်္ခါတာယ သသန္တတိယံ ဝတ္တနတော တိဝိဓောပိ မေ-သဒ္ဓေါ ကိဉ္စာပိ

ကေသို့ယေဝ အတ္ထေ ဒိဿတိ၊ ကရဏသမ္ပဒါနသာမိနိဒ္ဓေသဝသေန ပန ဝိဇ္ဇမာနဘေဒံ သန္ဓာယာဟ “မေ-သဒ္ဓေါ တိသု အတ္ထေသု ဒိဿတိ” တိ။

ကိဉ္စာပိ ဥပသဂ္ဂေါ ကံရိယံ ဝိသေသေတိ၊ ဇောတကဘာဝတော ပန သတိပတသ္မိံ သုတ-သဒ္ဓေါ ဧဝ တံ တမတ္ထံ အနုဝဒတိတိ အနုပသဂ္ဂဿ သုတ-သဒ္ဓဿ အတ္ထုဒ္ဓါရေ သဥပသဂ္ဂဿ ဂဟဏံ န ဝိရုဇ္ဈတိတိ ဒဿေန္တော “သဥပသဂ္ဂေါ စ အနုပသဂ္ဂေါ စာ”တိ အာဟ။ အဿာတိ သုတ-သဒ္ဓဿ။ ကမ္မဘာဝသာဓနာနိ ဣမ သုတ-သဒ္ဓေ သမ္ဘဝန္တိတိ ဝုတ္တံ “ဥပဓာရိတန္တိ ဝါ ဥပဓာရဏန္တိ ဝါ အတ္ထော”တိ။ မယာတိ အတ္ထေ သတိတိ ယဒါ မေ-သဒ္ဓဿ ကတ္ထုဝသေန ကရဏနိဒ္ဓေသော၊ တဒါတိ အတ္ထော။ မမာတိ အတ္ထေ သတိတိ ယဒါ သမ္ပန္နဝသေန သာမိနိဒ္ဓေသော၊ တဒါ။

သုတသဒ္ဓသန္တိဓာနေ ပယုတ္တေန ဧဝံ-သဒ္ဓေန သဝနကံရိယာဇောတကေန ဘဝိတဗ္ဗန္တိ ဝုတ္တံ “ဧဝန္တိ သောတဝိညာဏာဒိဝိညာဏကိစ္စနိဒဿန”န္တိ။ အာဒိ-သဒ္ဓေန သမ္ပုဋ္ဌိစ္စနာဒိနံ ပဉ္စဒ္ဓါရိကဝိညာဏာနံ တဒဘိနိဟဋ္ဌာနဉ္စ မနော-ဒ္ဓါရိကဝိညာဏာနံ ဂဟဏံ ဝေဒိတဗ္ဗံ။ သဗ္ဗေသမ္ပိ ဝါကျာနံ ဧဝကာရတ္ထသဟိတတ္တာ “သုတ”န္တိ ဧတဿ သုတမေဝါတိ အယမတ္ထော လဗ္ဘတိတိ အာဟ “အဿဝနဘာဝပဋိက္ခေပတော”တိ။ ဧတေန အဝဓာရဏေန နိရာကတံ ဒဿေတိ။ ယထာ စ သုတံ သုတမေဝါတိ နိယမေတဗ္ဗံ၊ တံ သမ္မာ သုတံ ဟောတိတိ အာဟ “အနုနာဓိကာဝိပရိတဂ္ဂဟဏနိဒဿန”န္တိ။ အထ ဝါ “သဒ္ဓန္တရတ္ထာပေါဟနဝသေန သဒ္ဓေါ အတ္ထံ ဝဒတိ”တိ သုတန္တိ အသုတံ န ဟောတိတိ အယမေတဿ အတ္ထောတိ ဝုတ္တံ “အဿဝနဘာဝပဋိက္ခေပတော”တိ။ ဣမိနာ ဒိဋ္ဌာဒိဝိနိဝတ္တနံ ကရေတိ။ ဣဒံ ဝုတ္တံ ဟောတိ— န ဣဒံ မယာ ဒိဋ္ဌံ၊ န သယမ္ဘုဉ္ဇရဏေန သမ္ဘိကတံ၊ အထ ခေါ သုတံ၊ တဉ္စ ခေါ သမ္ပဒေဝါတိ။ တေနေဝါဟ “အနုနာဓိကာဝိပရိတဂ္ဂဟဏနိဒဿန”န္တိ။ အဝဓာရဏတ္ထေ ဝါ ဧဝံ-သဒ္ဓေ အယမတ္ထယောဇနာ ကရိယတိတိ တဒ-ပေက္ခဿ သုတ-သဒ္ဓဿ အယမတ္ထော ဝုတ္တော “အဿဝနဘာဝပဋိက္ခေပတော”တိ။ တေနေဝါဟ “အနုနာဓိကာဝိပရိတဂ္ဂဟဏနိဒဿန”န္တိ။ သဝန-သဒ္ဓေါ စေတ္ထ ကမ္မတ္ထော ဝေဒိတဗ္ဗော သုယုတိတိ။

ဧဝံ သဝနဟေတုသုဏန္တပုဂ္ဂလသဝနဝိသေသဝသေန ပဒတ္တယဿ ဧကေန ပကာရေန အတ္ထယောဇနံ ဒဿေတွာ ဣဒါနိ ပကာရန္တရေဟိပိ တံ ဒဿေတုံ “တထာ ဧဝ”န္တိအာဒိ ဝုတ္တံ။ တတ္ထ တဿာတိ ယာ သာ ဘဂဝတော သမ္မုခါ ဓမ္မဿဝနာကာရေန ပဝတ္တာ မနောဒ္ဓါရိကဝိညာဏဝိတိ၊ တဿာ။ သာ ဟိ

နာနပ္ပကာရေန အာရမ္မဏေ ပဝတ္တိတုံ သမတ္တာ။ တထာ စ ဝုတ္တံ “သောတ-
ဒ္ဓါရာနုသာရေနာ”တိ။ နာနပ္ပကာရေနာတိ ဝက္ခမာနာနံ အနေကဝိဟိတာနံ
ဗျဉ္ဇနတ္ထဂ္ဂဟဏာနံ နာနာကာရေန၊ ဧတေန ဣမိဿာ ယောဇနာယ
အာကာရတ္ထော ဧဝံ-သဒ္ဓေါ ဂဟိတောတိ ဒီပေတိ။ ပဝတ္တိဘာဝပ္ပကာသနန္တိ
ပဝတ္တိယာ အတ္တိဘာဝပ္ပကာသနံ။ “သုတန္တိ ဓမ္မပ္ပကာသန”န္တိ ယသ္မိ
အာရမ္မဏေ ဝုတ္တပ္ပကာရာ ဝိညာဏဝိတိ နာနပ္ပကာရေန ပဝတ္တော၊ တဿ
ဓမ္မတ္တာ ဝုတ္တံ၊ န သုတ-သဒ္ဓဿ ဓမ္မတ္တတ္တာ။ ဝုတ္တဿေဝတ္တဿ ပါကဋီကရဏံ
“အယဉ္ဇေတ္တာ”တိအာဒိ။ တတ္ထ ဝိညာဏဝိတိယာတိ ကရဏတ္ထေ ကရဏဝစနံ။
ဗယာတိ ကတ္ထုအတ္ထေ။

“ဧဝန္တိ နိဒ္ဒိသိတဗ္ဗပ္ပကာသန”န္တိ နိဒဿနတ္ထံ ဧဝံ-သဒ္ဓံ ဂဟေတွာ ဝုတ္တံ
နိဒဿေတဗ္ဗဿ နိဒ္ဒိသိတဗ္ဗတ္တာဘာဝါဘာဝတော၊ တေန ဧဝံ-သဒ္ဓေန
သကလမ္ပိ သုတ္တံ ပစ္စာမဋ္ဌန္တိ ဒဿေတိ။ သုတ-သဒ္ဓဿ ကိရိယာသဒ္ဓတ္တာ၊
သဝနကိရိယာယ စ သာဓာရဏဝိညာဏပ္ပဗန္ဓပဋိဗဒ္ဓတ္တာ တတ္ထ စ ပုဂ္ဂလဝေါ-
ဟာရေတိ ဝုတ္တံ “သုတန္တိ ပုဂ္ဂလကိစ္စပ္ပကာသန”န္တိ။ န ဟိ ပုဂ္ဂလဝေါဟာရ-
ရဟိတေ ဓမ္မပ္ပဗန္ဓေ သဝနကိရိယာ လဗ္ဘတိတိ။

“ယဿ စိတ္တသန္တာနဿာ”တိအာဒိပိ အာကာရတ္ထမေဝ ဧဝံ-သဒ္ဓံ
ဂဟေတွာ ပုရိမယောဇနာယ အညထာ အတ္ထယောဇနံ ဒဿေတုံ ဝုတ္တံ။
တတ္ထ အာကာရပညတ္တိတိ ဥပါဒါပညတ္တိ ဧဝံ၊ ဓမ္မာနံ ပဝတ္တိအာကာရပါဒါ-
နဝသေန တထာ ဝုတ္တော။ “သုတန္တိ ဝိသယနိဗ္ဗေသော”တိ သောတဗ္ဗ-
ဘူတော ဓမ္မော သဝနကိရိယာကတ္ထုပုဂ္ဂလဿ သဝနကိရိယာဝသေန
ပဝတ္တိဋ္ဌာနန္တိ ကတွာ ဝုတ္တံ။ စိတ္တသန္တာနဝိနိမုတ္တဿ ပရမတ္ထတော ကဿစိ
ကတ္ထု အဘာဝေပိ သဒ္ဓဝေါဟာရေန ဗုဒ္ဓိပရိကပ္ပိတဘေဒဝစနိစ္ဆာယ စိတ္တ-
သန္တာနတော အညံ ဝိယ တံသမင်္ဂိ ကတွာ ဝုတ္တံ “စိတ္တသန္တာနေန
တံသမင်္ဂိနော”တိ။ သဝနကိရိယာဝိသယောပိ သောတဗ္ဗဓမ္မော သဝနကိရိယာ-
ဝသေန ပဝတ္တစိတ္တသန္တာနဿ ဣဓ ပရမတ္ထတော ကတ္ထုဘာဝတော၊ သဝန-
ဝသေန စိတ္တပ္ပဝတ္တိယာ ဧဝံ ဝါ သဝနကိရိယာဘာဝတော တံကိရိယာကတ္ထု
စ ဝိသယော ဟောတိတိ ကတွာ ဝုတ္တံ “တံသမင်္ဂိနော ကတ္ထု ဝိသယေ”တိ။
သုတာကာရဿ စ ထေရဿ သမ္မာနိစ္ဆိတဘာဝတော အာဟ “ဂဟဏသန္တိ-
ဋ္ဌာန”န္တိ၊ ဧတေန ဝါ အဝဓာရဏတ္ထံ ဧဝံ-သဒ္ဓံ ဂဟေတွာ အယမတ္ထယောဇနာ
ကတာတိ၊ ဒဋ္ဌဗ္ဗံ။

ပုဗ္ဗေ သုတာနံ နာနာဝိဟိတာနံ သုတ္တသင်္ခါတာနံ အတ္ထဗျဉ္ဇနာနံ ဥပဓာရိတ-
 ရူပဿ အာကာရဿ နိဒဿနဿ အဝဓာရဏဿ ဝါ ပကာသနသဘာဝေါ
 ဧဝံ-သဒ္ဓေါတိ တဒါကာရာဒိဥပဓာရဏဿ ပုဂ္ဂလပညတ္တိယာ ဥပါဒါန-
 ဘူတဓမ္မပ္ပဗန္ဓုဗျာပါရတာယ ဝုတ္တံ “**ဧဝန္တိ ပုဂ္ဂလကိစ္စနိဒ္ဒေသော**”တိ။ သဝန-
 ကိရိယာ ပန ပုဂ္ဂလဝါဒိနောပိ ဝိညာဏနိရပေက္ခာ နတ္ထိတိ ဝိသေသတော
 ဝိညာဏဗျာပါရေတိ အာဟ “**သုတန္တိ ဝိညာဏကိစ္စနိဒ္ဒေသော**”တိ။ မေတိ
 သဒ္ဓပ္ပဝတ္တိယာ ဧကန္တေနော သတ္တဝိသယတ္တာ၊ ဝိညာဏကိစ္စဿ စ တတ္ထေဝ
 သမောဒဟိတဗ္ဗတော “**မေတိ ဥဘယကိစ္စယုတ္တပုဂ္ဂလနိဒ္ဒေသော**”တိ ဝုတ္တံ။
 အဝိဇ္ဇမာနပညတ္တိဝိဇ္ဇမာနပညတ္တိသဘာဝါ ယထာက္ကမံ ဧဝံ-သဒ္ဓသုတ-သဒ္ဓါနံ
 အတ္တာတိ တေ တထာရူပပညတ္တိဥပါဒါနဗျာပါရဘာဝေန ဒဿေန္တော
 အာဟ “**ဧဝန္တိ ပုဂ္ဂလကိစ္စနိဒ္ဒေသော။ သုတန္တိ ဝိညာဏကိစ္စနိဒ္ဒေသော**”တိ။
 ဧတ္ထ စ ကရဏကိရိယာကတ္တုကမ္မဝိသေသပ္ပကာသနဝသေန ပုဂ္ဂလဗျာပါရ-
 ဝိသယပုဂ္ဂလဗျာပါရနိဒဿနဝသေန ဂဟဏာကာရဂ္ဂါဟကတဗ္ဗိသယဝိသေသ-
 နိဒ္ဒေသဝသေန ကတ္တုကရဏဗျာပါရကတ္တုနိဒ္ဒေသဝသေန စ ဒုတိယာဒယော
 စတဿော အတ္ထယောဇနာ ဒဿိတာတိ ဒဋ္ဌဗ္ဗံ။

သဗ္ဗဿာပိ သဒ္ဓါမိဂမနိယဿ အတ္တဿ ပညတ္တိမုခေနော ပဋိပဇ္ဇိတဗ္ဗတ္တာ၊
 သဗ္ဗပညတ္တိနဉ္စ ဝိဇ္ဇမာနာဒိဝသေန ဆသု ပညတ္တိဘေဒေသု အန္တောဂဓတ္တာ
 တေသု “ဧဝ”န္တိအာဒိနံ ပညတ္တိနံ သရူပံ နိဒ္ဓါရေန္တော အာဟ “**ဧဝန္တိ စ မေတိ
 စာ**”တိအာဒိ။ တတ္ထ ဧဝန္တိ စ မေတိ စ ဝုစ္စမာနဿ အတ္တဿ အာကာရာဒိနော၊
 ဓမ္မာနဉ္စ အသလ္လက္ခဏဘာဝတော အဝိဇ္ဇမာနပညတ္တိဘာဝေါတိ အာဟ
 “**သစ္စိကဋ္ဌပရမတ္ထဝသေန အဝိဇ္ဇမာနပညတ္တိ**”တိ။ တတ္ထ သစ္စိကဋ္ဌပရမတ္ထ-
 ဝသေနာတိ ဘူတတ္ထဥတ္တမတ္ထဝသေန။ ဣဒံ ဝုတ္တံ ဟောတိ— ယော မာယာ-
 မရိစိအာဒယော ဝိယ အဘူတတ္ထော၊ အနုဿဝါဒိဟိ ဂဟေတဗ္ဗော ဝိယ
 အနုတ္တမတ္ထော စ န ဟောတိ။ သော ရူပသဒ္ဓါဒိသဘာဝေါ ရပ္ပနာနဘဝနာဒိ-
 သဘာဝေါ ဝါ အတ္ထော “သစ္စိကဋ္ဌော၊ ပရမတ္ထော စာ”တိ ဝုစ္စတိ။ န တထာ
 ဧဝံ မေတိ ပဒါနံ အတ္ထောတိ။ ဧတမေဝတ္ထံ ပါကဋတရံ ကာတုံ “**ကိဉ္ဇေတ္တ
 တ**”န္တိအာဒိ ဝုတ္တံ။ သုတန္တိ ပန သဒ္ဓါယတနံ သန္ဓာယာဟ “**ဝိဇ္ဇမာနပညတ္တိ**”တိ။
 တေနော ဟိ “**ယဉ္ဇိ တံ ဧတ္ထ သောတေန ဥပလဒ္ဓ**”န္တိ ဝုတ္တံ။ “သောတဒ္ဓါရာ-
 နုသာရေန ဥပလဒ္ဓ”န္တိ ပန ဝုတ္တေ အတ္ထဗျဉ္ဇနာဒိသဗ္ဗံ လဗ္ဘတိ။ **တံ တံ ဥပါဒါယ
 ဝတ္တဗ္ဗတော**တိ သောတပထမာဂတေ ဓမ္မေ ဥပါဒါယ တေသံ ဥပဓာရိတာ-
 ကာရာဒိနော ပစ္စာမသနဝသေန “ဧဝ”န္တိ၊ သသန္တတိပရိယာပန္န ခန္ဓေဥပါဒါယ

“မေ”တိ ဝတ္တဗ္ဗတ္တာတိ အတ္ထော။ ဒိဋ္ဌာဒိသဘာဝရဟိတေ သဒ္ဓါယတနေ ပဝတ္တ-
မာနောပိ သုတဝေါဟာရေ “ဒုတိယံ တတိယ”န္တိ အာဒိကော ဝိယ ပဌမာဒိနိ
ဒိဋ္ဌမုတဝိညာတေ အပေက္ခိတွာ ပဝတ္ထောတိ အာဟ “ဒိဋ္ဌာဒိနိ ဥပနိဓာယ ဝတ္တဗ္ဗ-
တော”တိ။ အသုတံ န ဟောတိတိ ဟိ “သုတ”န္တိ ပကာသိတောယမတ္ထောတိ။

အတ္တနာ ပဋိဝိဒ္ဓါသုတ္တဿ ပကာရဝိသေသာ “ဧဝ”န္တိ ထေရေန ပဇ္ဇာမဋ္ဌာတိ
အာဟ “အသမ္မောဟံ ဒီပေတိ”တိ။ “နာနပ္ပကာရပဋိဝေဓသမတ္ထော ဟော-
တိ”တိ ဧတေန ဝက္ခမာနဿ သုတ္တဿ နာနပ္ပကာရတံ ဒုပ္ပဋိဝိဇ္ဈတဉ္စ ဒဿေတိ။
“သုတဿ အသမ္မောသံ ဒီပေတိ”တိ သုတကာရဿ ယာထာဝတော
ဒဿိယမာနတ္တာ ဝုတ္တံ။ အသမ္မောဟေနာတိ သမ္မောဟာဘာဝေန၊ ပညာယ
ဧဝ ဝါ သဝနကာလသမ္ဘူတဿ တဒုတ္တရကာလပညာသိဒ္ဓိ၊ ဧဝံ အသမ္မော-
သေနာတိ ဧတ္တာပိ ဝတ္တဗ္ဗံ။ ဗျဉ္ဇနာနံ ပဋိဝိဇ္ဈတဗ္ဗော အာကာရော
နာတိဂမ္ဘီရော၊ ယထာသုတဓာရဏမေဝ တတ္ထ ကရဏီယန္တိ သတိယာ
ဗျာပါရော အဓိကော၊ ပညာ တတ္ထ ဂုဏီဘူတာတိ ဝုတ္တံ “ပညာပုဗ္ဗင်္ဂ-
မာယာ”တိအာဒိ ပညာယ ပုဗ္ဗင်္ဂမာတိ ကတွာ။ ပုဗ္ဗင်္ဂမတာ စေတ္ထ
ပဓာနဘာဝေါ “မနောပုဗ္ဗင်္ဂမာ”တိအာဒိသု^၁ ဝိယ၊ ပုဗ္ဗင်္ဂမတာယ ဝါ စက္ခု-
ဝိညာဏာဒိသု အာဝဇ္ဇနာဒိနံ ဝိယ အပ္ပဓာနတ္ထေ ပညာ ပုဗ္ဗင်္ဂမာ ဧတိဿာတိ
အယမ္ပိ အတ္ထော ယုဇ္ဇတိ၊ ဧဝံ “သတိပုဗ္ဗင်္ဂမာယာ”တိ ဧတ္တာပိ ဝုတ္တနယာ-
နဿာရေန ယထာသမ္ဘဝမတ္ထော ဝေဒိတဗ္ဗော။ အတ္ထဗျဉ္ဇနသမ္ပန္နဿာတိ အတ္ထ-
ဗျဉ္ဇနပရိပုဏ္ဏဿ၊ သင်္ကာသန ပကာသန ဝိဝရဏ ဝိဘဇန ဥတ္တာနိကရဏ-
ပညတ္တိဝသေန ဆဟိ အတ္ထပဒေဟိ၊ အက္ခရပဒ ဗျဉ္ဇန အာကာရ နိရုတ္တိ-
နိဗ္ဗေသဝသေန ဆဟိ ဗျဉ္ဇနပဒေဟိ စ သမန္တာဂတဿာတိ ဝါ အတ္ထော
ဒဋ္ဌဗ္ဗော။

ယောနိသောမနသိကာရံ ဒီပေတိ ဧဝံ-သဒ္ဓေန ဝုစ္စမာနာနံ အာကာရ-
နိဒဿနာဝဓာရဏတ္တာနံ အဝိပရိတသဒ္ဓမ္မဝိသယတ္တာတိ အဓိပ္ပါယော။
“အဝိက္ခေပံ ဒီပေတိ”တိ “ဗြဟ္မဇာလံ ကတ္ထ ဘာသိတ”န္တိ အာဒိပုစ္ဆာဝသေန
ပကရဏပ္ပတ္တဿ ဝက္ခမာနဿ သုတ္တဿ သဝနံ သမာဓာနမန္တရေန န
သမ္ဘဝတိတိကတွာ ဝုတ္တံ။ “ဝိက္ခိတ္တဝိက္ခဿာ”တိအာဒိ တဿေဝတ္ထဿ သမတ္ထ-
နဝသေန ဝုတ္တံ။ သမ္ပသမ္ပတ္တိယာတိ အတ္ထဗျဉ္ဇနဒေသကပယောဇနာဒိသမ္ပတ္တိယာ။
အဝိပရိတသဒ္ဓမ္မဝိသယေဟိ ဝိယ အာကာရနိဒဿနာဝဓာရဏတ္ထေဟိ ယော-
နိသောမနသိကာရဿ၊ သဒ္ဓမ္မဿဝနေန ဝိယ စ အဝိက္ခေပဿ ယထာ

ယောနိသောမနသိကာရေန ဖလဘူတေန အတ္တသမ္မာပဏိဓိပုဗ္ဗေကတပုည-
တာနံ သိဒ္ဓိ ဝုတ္တာ တဒဝိနာဘာဝတော၊ ဧဝံ အဝိက္ခေပေန ဖလဘူတေန
ကာရဏဘူတာနံ သဒ္ဓမ္မဿဝနသပ္ပုရိသုပနိဿယာနံ သိဒ္ဓိ ဒသေတဗ္ဗာ သိယာ
အဿုတဝတော၊ သပ္ပုရိသုပနိဿယရဟိတဿ စ တဒဘာဝတော။

“န ဟိ ဝိက္ခိတ္တစိတ္တော”တိအာဒိနာ သမတ္တနဝစနေန ပန အဝိက္ခေပေန
ကာရဏဘူတေန သပ္ပုရိသုပနိဿယေန စ ဖလဘူတဿ သဒ္ဓမ္မဿဝနဿ သိဒ္ဓိ
ဒသိတာ။ အယံ ပနေတ္ထ အဓိပ္ပါယော ယုတ္တော သိယာ—သဒ္ဓမ္မဿဝနသပ္ပုရိ-
သုပနိဿယာ န ဧကန္တေန အဝိက္ခေပဿ ကာရဏံ ဗာဟိရိက္ခာ၊ အဝိက္ခေပေါ
ပန သပ္ပုရိသုပနိဿယော ဝိယ သဒ္ဓမ္မဿဝနဿ ဧကန္တကာရဏန္တိ။ ဧဝမ္ပိ
အဝိက္ခေပေန သပ္ပုရိသုပနိဿယသိဒ္ဓိဇောတနာ န သမတ္တိတာဝ၊ နော န
သမတ္တိတာ ဝိက္ခိတ္တစိတ္တာနံ သပ္ပုရိသပယိရူပါသနာဘာဝဿ အတ္ထသိဒ္ဓတ္တာ။
တ္ထေ စ ပုရိမံ ဖလေန ကာရဏဿ သိဒ္ဓိဒဿနံ နဒီပူရေန ဝိယ ဥပရိ
ဝုဠိသဟ္တာဝဿ၊ ဒုတိယံ ကာရဏေန ဖလဿ သိဒ္ဓိဒဿနံ ဒဠဗ္ဗံ ဧကန္တေန
ဝဿိနာ ဝိယ မေဃဝုဠာနေန ဝုဠိပ္ပဝတ္တိယာ။

ဘဂဝတောဝစနဿ အတ္တဗျဉ္ဇနပဘေဒပရိစ္ဆေဒဝသေန သကလသာသန-
သမ္ပတ္တိဩဂါဟနာကာရော နိရဝသေသပရဟိတပါရိပူရိကာရဏန္တိ ဝုတ္တံ “ဧဝံ
ဘဒ္ဒကော အာကာဓော”တိ။ ယသ္မာ န ဟောတိတိ သမ္ပန္နော။ ပစ္ဆိမ-
စက္ကဒ္ဓယသမ္ပတ္တိန္တိ အတ္တသမ္မာပဏိဓိပုဗ္ဗေကတပုညတာသင်္ခါတံ ဂုဏဒွယံ။
အပရာပရံ ဝုတ္တိယာ စေတ္ထ စက္ကဘာဝေါ၊ စရန္တိ ဧတေဟိ သတ္တာ သမ္ပတ္တိ-
ဘဝေသုတိ ဝါ။ ယေ သန္ဓာယ ဝုတ္တံ “စတ္တာရိမခနိ ဘိက္ခဝေ စက္ကာနိ၊
ယေဟိ သမန္ဓာဂတာနံ ဒေဝမနုဿာနံ စတုစက္ကံ ဝတ္တတိ”တိအာဒိ။
ပုရိမပစ္ဆိမဘာဝေါ စေတ္ထ ဒေသနာက္ကမဝသေန ဒဠဗ္ဗော။ ပစ္ဆိမစက္ကဒ္ဓယ-
သိဒ္ဓိယာတိ ပစ္ဆိမစက္ကဒ္ဓယဿ အတ္တိတာယ။ သမ္မာပဏိဟိတတ္တော ပုဗ္ဗေ စ
ကတပုညော သုဒ္ဓါသယော ဟောတိ တဒသုဒ္ဓိဟေတူနံ ကိလေသာနံ ဒူရိ-
ဘာဝတောတိ အာဟ “အာသယသုဒ္ဓိ သိဒ္ဓါ ဟောတိ”တိ။ တထာ ဟိ
ဝုတ္တံ “သမ္မာပဏိဟိတံ စိတ္တံ၊ သေယျသော နံ တတော ကရေ”တိ၊
“ကတပုညောသိ တံ အာနန္တ၊ ပဓာနမနုယုဉ္ဇ ခိပ္ပံ ဟောဟိသိ အနာသ-
ဝေါ”တိ။ စ။ တေနေဝါဟ “အာသယသုဒ္ဓိယာ အဓိဂမဗျတ္တိသိဒ္ဓိ”တိ။
ပယောဂသုဒ္ဓိယာတိ ယောနိသောမနသိကာရပုဗ္ဗင်္ဂဿ ဓမ္မဿဝနပယော-
ဂဿ ဝိသဒဘာဝေန။ တထာ စာဟ “အာဂမဗျတ္တိသိဒ္ဓိ”တိ။ သုဗ္ဗဿ ဝါ

၁-အံ ၁-၃၄၁-ဝိဇ္ဇေ၊ ၂-၃၁-၁၉-ဝိဇ္ဇေ ဓမ္မပဒေ၊ ၃-ဒီ ၂-၁၁၉-ဝိဇ္ဇေ။

ကာယဝစီပယောဂဿ နိဋ္ဌေါသဘာဝေန။ ပရိသုဒ္ဓကာယဝစီပယောဂေါ ဟိ
ဝိပုဋ္ဌိသာရာဘာဝတော အဝိက္ခိတ္တစိတ္တော ပရိယတ္တိယံ ဝိသာရဒေါ ဟောတီတိ။

“နာနပ္ပကာရပဋိဝေဓဒီပကေနာ”တိအာဒိနာ အတ္ထဗျဉ္ဇနေသုယေရဿ ဧဝံ-
သဒ္ဓသုတ-သဒ္ဓါနံ အသမ္မောဟာသမ္မောသဒီပနတော စတုပဋိသမ္ဘိဒါဝသေန
အတ္ထယောဇနံ ဒဿေတိ။ တတ္ထ “သောတဗ္ဗပ္ပဘေဒပဋိဝေဓဒီပကေနာ”တိ
ဧတေန အယံ သုတ-သဒ္ဓေါ ဧဝံ-သဒ္ဓသန္ဓိဓာနတော၊ ဝက္ခမာနာပေက္ခာယ ဝါ
သာမညေနော သောတဗ္ဗဓမ္မဝိသေသံ အာမသတီတိ ဒဿေတိ။ မနောဒိဋ္ဌိ-
ကရဏာ ပရိယတ္တိဓမ္မာနံ အနုပေက္ခနသုပုဋ္ဌိဝေဓော ဝိသေသတော မနသိ-
ကာရပဋိဗဒ္ဓါတိ တေ ဝုတ္တနယေန ယောနိသောမနသိကာရဒီပကေန ဧဝံ-
သဒ္ဓေန ယောဇေတွာ၊ သဝနဓာရဏဝစီပရိစယာ ပရိယတ္တိဓမ္မာနံ ဝိသေသေန
သောတာဝဓာနပဋိဗဒ္ဓါတိ တေ အဝိက္ခေပဒီပကေန သုတ-သဒ္ဓေန ယော-
ဇေတွာ ဒဿေန္တော သာသနသမ္ပတ္တိယာ ဓမ္မဿဝနေ ဥဿာဟံ ဇနေတိ။
တတ္ထ ဓမ္မာတိ ပရိယတ္တိဓမ္မာ။ မနသာနုပေက္ခိတာတိ “ဣဓ သီလံ ကထိတံ၊
ဣဓ သမာဓိ၊ ဣဓ ပညာ၊ ဣတ္ထကာ ဣတ္ထ အနုသန္ဓိယော”တိအာဒိနာ နယေန
မနသာ အနုပေက္ခိတာ။ ဒိဋ္ဌိယာ သုပုဋ္ဌိဝိဒ္ဓါတိ နိဇ္ဈာနက္ခန္တိဘူတာယ၊ ဣတ-
ပရိညာသင်္ခါတာယ ဝါ ဒိဋ္ဌိယာ တတ္ထ တတ္ထ ဝုတ္တရူပါရူပဓမ္မေ “ဣတိ ရူပံ၊
ဣတ္ထကံ ရူပ”န္တိအာဒိနာ သုဠ၊ ဝဝတ္ထပေတွာ ပဋိဝိဒ္ဓါ။

“သကလေန ဝစနေနာ”တိ ပုဗ္ဗေ တီဟိ ပဒေဟိ ဝိသုံ ဝိသုံ ယောဇိတတ္တာ
ဝုတ္တံ။ အသပ္ပုရိသဘူမိန္တိ အကတညုတံ “ဣဓေကဇ္ဇော ပါပဘိက္ခု တထာ-
ဂတပ္ပဝေဒိတံ ဓမ္မဝိနယံ ပရိယာပုဏိတွာ အတ္ထနော ဒဟတိ”တိ ဧဝံ ဝုတ္တံ
အနရိယဝေါဟာရာဝတ္ထံ။ သာ ဧဝံ အနရိယဝေါဟာရာဝတ္ထော အသဒ္ဓဓမ္မော။
နန စ အာနန္ဒတ္ထေရဿ “မမေဒံ ဝစန”န္တိ အဓိမာနဿ၊ မဟာကဿပ-
တ္ထေရာဒိနန္တ တဒါသင်္ကာယ အဘာဝတော အသပ္ပုရိသဘူမိသမတိက္ကမာဒိ-
ဝစနံ နိရတ္ထကန္တိ? နယိဒမေဝံ “ဧဝံ မေ သုတ”န္တိ ဝဒန္တေန အယမ္ပိ အတ္ထော
ဝိဘာဝိတောတိ ဒဿနတော။ ကေစိ ပန “ဒေဝတာနံ ပရိဝိတက္ကာပေက္ခံ
တထာဝစနန္တိ ဒေသီ စောဒနာ အနဝကာသာ”တိ ဝဒန္တိ။ တသ္မိံ ကိရ ခဏေ
ဧကစ္စာနံ ဒေဝတာနံ ဧဝံ စေတသော ပရိဝိတက္ကာ ဥဒပါဒိ “တထာဂတော
စ ပရိနိဗ္ဗုတော၊ အယန္တ အာယသ္မာ ဒေသနာကုသလော၊ ဣဒါနိ ဓမ္မံ ဒေသေတိ၊
သကျကုလပ္ပသုတော တထာဂတဿ ဘာတာ စူဠပိတုပုတ္တော၊ ကိံ န ခေါ
သယံ သန္တိကုတဓမ္မံ ဒေသေတိ၊ ဥဒါဟု ဘဂဝတောယေဝ ဝစနံ ယထာသုတ”န္တိ

ဧဝံ တဒါသင်္ကိတပ္ပကာရတော အသပ္ပုရိသဘူမိသမောက္ခမာဒိတော အတိက္ကမာဒိ ဝိဘာဝိတန္တိ။ အတ္တနော အဒဟန္တောတိ “မမေတ”န္တိ အတ္တနိ အဋ္ဌပေန္တော။ အပ္ပေတိတံ နိဒဿေတိ။ ဒိဋ္ဌဓမ္မိကသမ္ပရာယိကပရမတ္ထေသု ယထာရဟံ သတ္ထေ နေတိတိ နေတ္ထိ၊ ဓမ္မောယေဝ နေတ္ထိ ဓမ္မနေတ္ထိ။

ဒဠတရနိဝိဋ္ဌာ ဝိစိကိစ္ဆာ ကင်္ခါ။ နာတိသံသပ္ပနံ မတိဘေဒမတ္ထံ ဝိမတိ။ အဿဒ္ဓိယံ ဝိနာသေတိ ဘဂဝတော ဒေသိတတ္တာ၊ သမ္ပုခါ စဿပဋိဂ္ဂဟိတတ္တာ၊ ခလိတဒုရုတ္တာဒိဂ္ဂဟဏဒေါသာဘာဝတော စ။ ဧတ္ထ စ ပဌမာဒယော တိဿော အတ္ထယောဇနာ အာကာရာဒိအတ္ထေသု အဂ္ဂဟိတဝိသေသမေဝ ဧဝံ-သဒ္ဓိ ဂဟေတွာ ဒဿိတာ၊ တတော ပရာ တိဿော အာကာရတ္ထမေဝ ဧဝံ-သဒ္ဓိ ဂဟေတွာ ဝိဘာဝိတာ။ ပစ္ဆိမာ ပန တိဿော ယထာက္ကမံ အာကာရတ္ထံ နိဒဿနတ္ထံ အဝဓာရဏတ္ထန္တ ဧဝံ-သဒ္ဓိ ဂဟေတွာ ယောဇိတာတိ ဒဋ္ဌဗ္ဗံ။

ဧက-သဒ္ဓေါ အညသေဋ္ဌာသဟာယသင်္ချာဒီသု ဒိဿတိ။ တထာဟေသ “သဿတော အတ္တာ စ လောကော စ၊ ဣဒမေဝ သစ္စံ မောဃမညန္တိ ဣတ္ထေကေ အဘိဝဒန္တိ”တိအာဒီသု^၁အညတ္ထေ ဒိဿတိ။ “စေတသော ဧကောဒိဘာဝ”န္တိအာဒီသု^၂သေဋ္ဌတ္ထေ၊ “ဧကော ဂူပကဋ္ဌော”တိအာဒီသု^၃ အသဟာယေ၊ “ဧကောဝ ခေါ ဘိက္ခဝေ ခဏော စ သမယော စ မြဟ္မစရိယဝါသာယာ”တိအာဒီသု^၄ သင်္ချာယံ၊ ဣဓာပိ သင်္ချာယန္တိ ဒဿေန္တော အာဟ “ဧကန္တိ ဂဏနပရိစ္ဆေဒနိဒ္ဒေသော”တိ^၅။ ကာလဉ္စ သမယဉ္စာတိ ယုတ္တကာလဉ္စ ပစ္စယသာမဂ္ဂိဉ္စ။ ဧကောတိ ဩကာသော။ တထာဂတုပ္ပါဒါဒိကော ဟိ မဂ္ဂမြဟ္မစရိယဿ ဩကာသော တပ္ပစ္စယပဋိလာဘဟေတုတ္တာ။ ခဏော ဧဝ စ သမယော။ ယော “ခဏော”တိ စ “သမယော”တိ စ ဝုစ္စတိ၊ သော ဧကောဝါတိ ဟိ အတ္ထော။ မဟာသမယောတိ မဟာသမူဟော။ သမယောပိ ခေါတိ သိက္ခာပဒပူရဏဿ ဟေတုပိ။ သမယပ္ပဝါဒကေတိ ဒိဋ္ဌိပ္ပဝါဒကေ။ တတ္ထ ဟိ နိဿိန္နာ တိတ္ထိယာ အတ္တနော အတ္တနော သမယံ ပဝဒန္တိတိ။ အတ္တာဘိသမယာတိ ဟိတပဋိလာဘာ။ အဘိသမေတဗ္ဗောတိ အဘိသမယော၊ အဘိသမယော အတ္ထောတိ အဘိသမယဋ္ဌောတိ ပိဋ္ဌနာဒိနိ အဘိသမေတဗ္ဗဘာဝေန ဧကိဘာဝံ ဥပနေတွာ ဝုတ္တာနိ။ အဘိသမယဿ ဝါ

၁-မ ၃-၂၂-ပိဋ္ဌေသု။ ၂-ဒီ ၁-၇၀၊ ၈၁-၅-ပိဋ္ဌေသု။
 ၃-ဒီ ၁-၁၆၆၊ ၅-၂၁၂၆၊ သံ ၂-၆၁၊ မ ၁-၄၈၊ ၈၄-၄၈၉-ပိဋ္ဌေသု။ ၄-အံ ၃-၆၁-ပိဋ္ဌေ။
 ၅-ဣတိဝုတ္တက-ဋ္ဌ-၃၄-ပိဋ္ဌေပိ ပဿိတဗ္ဗံ။

ပဋိဝေဓဿ ဝိသယဘူတဘာဝေါ **အဘိသမယဋ္ဌော**တိ တာနေဝ တထာ
 ကေတ္တေန ဝုတ္တာနိ။ တတ္ထ ဝိဇ္ဇနံ ဒုက္ခသစ္စဿ တံသမင်္ဂီနော ဟိံသနံ အဝိပ္ပုရိ-
 ကတာကရဏံ။ **သန္တာပေါ** ဒုက္ခဒုက္ခတာဒိဝသေန သန္တာပနံ ပရိဒဟဏံ။

တတ္ထ သဟကာရီကာရဏံ သန္တိဇ္ဈ သမေတိ သမဝေတိတိ **သမယော**၊
 သမဝါယော။ သမေတိ သမာဂစ္ဆတိ မဂ္ဂဗြဟ္မစရိယံ ဧတ္ထ တဒါဓာရပုဂ္ဂလေ-
 ဟိတိ **သမယော**၊ ခဏော။ သမေတိ ဧတ္ထ၊ ဧတေန ဝါ သံဂစ္ဆတိ သတ္တော၊
 သဘာဝဓမ္မော ဝါ သဟဇာတာဒိဟိ၊ ဥပ္ပါဒါဒိဟိ ဝါတိ **သမယော**၊ ကာလော။
 ဓမ္မပ္ပဝတ္တိမတ္တတာယ အတ္ထတော အဘူတောပိ ဟိ ကာလော ဓမ္မပ္ပဝတ္တိယာ
 အဓိကရဏံ၊ ကရဏံ ဝိယ စ ကပ္ပနာမတ္တသိဒ္ဓေန ရူပေန ဝေါဟရီယတိတိ။
 သမံ၊ သဟ ဝါ အဝယဝါနံ အယနံ ပဝတ္တိ အဝဋ္ဌာနန္တိ **သမယော**၊ သမူဟော
 ယထာ “သမုဒါယော”တိ။ အဝယဝသဟာဝဋ္ဌာနမေဝ ဟိ သမူဟောတိ။
 အဝသေသပစ္စယာနံ သမာဂမေ ဧတိ ဖလံ ဧတသ္မာ ဥပ္ပဇ္ဇတိ ပဝတ္တတိ စာတိ
သမယော၊ ဟေတု ယထာ “သမုဒယော”တိ။ သမေတိ သံယောဇနဘာဝ-
 တော သမ္ပန္နော ဧတိ အတ္တနော ဝိသယေ ပဝတ္တတိ၊ ဒဠ္ဋဂ္ဂဟဏာဘာဝတော
 ဝါ သံယုတ္တာ အယန္တိ ပဝတ္တန္တိ သတ္တာ ယထာဘိနိဝေသံ ဧတေနာတိ **သမ-**
ယော၊ ဒိဋ္ဌိ။ ဒိဋ္ဌိသံယောဇနေန ဟိ သတ္တာ အတိဝိယ ဗုဒ္ဓန္တိတိ။ သမိတိ သင်္ဂတိ
 သမောဓာနန္တိ **သမယော**၊ ပဋိလဘော။ သမဿ ယာနံ၊ သမ္မာ ဝါ ယာနံ
 အပဂမောတိ **သမယော**၊ ပဟာနံ။ အဘိမုခံ ဉာဏေန ဧတဗ္ဗော အဘိသမေ-
 တဗ္ဗောတိ အဘိသမယော၊ ဓမ္မာနံ အဝိပရိတော သဘာဝေါ။ အဘိမုခ-
 ဘာဝေန သမ္မာ ဧတိ ဂစ္ဆတိ ဗုဒ္ဓတိတိ အဘိသမယော၊ ဓမ္မာနံ ယထာဘူ-
 တသဘာဝါဝဗောဓော။ ဧဝံ တသ္မိံ တသ္မိံ အတ္ထေ သမယ-သဒ္ဓဿ ပဝတ္တိ
 ဝေဒိတဗ္ဗာ။ သမယ-သဒ္ဓဿ အတ္ထုဒ္ဓါရေ အဘိသမယ-သဒ္ဓဿ ဥဒါဟရဏံ
 ဝုတ္တနယေနောဝိ ဝေဒိတဗ္ဗံ။ **အဿာ**တိ သမယ-သဒ္ဓဿ။ **ကာလော** အတ္ထော
 သမဝါယာဒိနံ အတ္တာနံ ဣဓ အသမ္ဘဝတော ဒေသဒေသကပရိသာနံ ဝိယ
 သုတ္တဿ နိဒါနဘာဝေန ကာလဿ အပဒိသိတဗ္ဗတော စ။

ကသ္မာ ပနေတ္ထ အနိယာမိတဝသေနော ကာလော နိဒ္ဒိဋ္ဌော၊ န ဥတု-
 သံဝစ္ဆရာဒိဝသေန နိယမေတွာတိ အာဟ “**တတ္ထ ကိဉ္ဇာဝိ**”တိအာဒိ။ ဥတု-
 သံဝစ္ဆရာဒိဝသေန နိယမံ အကတွာ သမယ-သဒ္ဓဿ ဝစနေ အယမ္ပိ ဂုဏော
 လဒ္ဓေါ ဟောတိတိ ဒဿေန္တော “**ယေ ဝါ ဣမေ**”တိအာဒိမာဟ။ သာမည-
 ဇောတနာ ဟိ ဝိသေသေ အဝတိဋ္ဌတိတိ။ တတ္ထ **ဒိဋ္ဌဓမ္မသုခဝိဟာရသမယော**

ဒေဝသိကံ ဈာနသမာပတ္တိဟိ ဝီတိနာမနကာလော၊ ဝိသေသတော သတ္တ-
 သတ္တာဟာနိ။ **ပကာသာ**တိ ဒသသဟဿိလောကဓာတုယာ ပကမ္ပနဩဘာ-
 သပါတုဘာဝါဒီဟိ ပါကဋ္ဌာ။ ယထာဝုတ္တပ္ပဘေဒသုယေဝ သမယေသု ကေ-
 ဒေသံ ပကာရန္တရေဟိ သင်္ဂဟေတွာ ဒဿေတုံ “**ယော စာယ**”န္တိအာဒိမာဟ။
 တထာ ဟိ ဉာဏကိစ္စသမယော အတ္တဟိတပဋိပတ္တိသမယော စ **အဘိသမ္ဗောဓိ-**
သမယော။ အရိယတုဏှိဘာဝသမယော **ဒိဋ္ဌဓမ္မသုခဝိဟာရသမယော**။ ကရု-
 ဏာကိစ္စပရဟိတပဋိပတ္တိဓမ္မိကထာသမယော **ဒေသနာသမယော**ယေဝ။

ကရုဏာဝစနေန နိဋ္ဌေသော ကတော ယထာတိ သမ္ပန္နော။ **တတ္ထာ**တိ အဘိ-
 ဓမ္မဝိနယေသု။ **တထာ**တိ ဘုမ္မကရဏေဟိ။ **အဓိကရုဏတ္ထော** အာဓာရတ္ထော။
 ဘာဝေါ နာမ ကိရိယာ၊ ကိရိယာယ ကိရိယန္တရလက္ခဏံ **ဘာဝေနဘာဝ-**
လက္ခဏံ။ တတ္ထ ယထာ ကာလော သဘာဝဓမ္မပရိစ္ဆိန္နော သယံ ပရမတ္ထတော
 အဝိဇ္ဇမာနောပိ အာဓာရဘာဝေန ပညာတော တင်္ဂဏပ္ပဝတ္တာနံ တတော
 ပုဗ္ဗေ, ပရတော စ အဘာဝတော “ပုဗ္ဗဏှေ ဇာတော, သာယနေ ဂစ္ဆတိ”တိ စ
 အာဒိသု, သမူဟော စ အဝယဝဝိနိမုတ္တော အဝိဇ္ဇမာနောပိ ကပ္ပနာမတ္တ-
 သိဒ္ဓေါ အဝယဝါနံ အာဓာရဘာဝေန ပညာပီယတိ “ရုက္ခေ သာခါ၊ ယဝရာ-
 သိယံ သမ္ဘူတော”တိအာဒိသု၊ ဧဝမိဓာပီတိ ဒဿေန္တော အာဟ “**အဓိကရု-**
ဏဉ္စိ။ ပ။ ဓမ္မာန”န္တိ။ ယသ္မိံ ကာလေ, ဓမ္မပုဉ္ဇေ ဝါကာမာဝစရံ ကုသလံ စိတ္တံ
 ဥပ္ပန္နံ ဟောတိ၊ တသ္မိံ ယေဝ ကာလေ, ဓမ္မပုဉ္ဇေ စ ဖဿာဒယောပိ ဟောန္တိတိ
 အယဉ္စိတတ္ထ အတ္ထော။ ယထာ စ ဂါဝီသု ဒုယုမာနာသု ဂတော၊ ဒုဒ္ဓါသု အာဂ-
 တောတိ ဒေါဟနကိရိယာယ ဂမနကိရိယာ လက္ခိယတိ၊ ဧဝမိဓာပိ “ယသ္မိံ သမ-
 ယေ, တသ္မိံ သမယေ”တိ စ ဝုတ္တေ သတိတိ အယမတ္ထော ဝိညာယမာနော ဧဝ
 ဟောတိ ပဒတ္တဿ သတ္တာဝိရဟာဘာဝတောတိ သမယဿ သတ္တာကိရိ-
 ယာယ စိတ္တဿ ဥပ္ပါဒကိရိယာ, ဖဿာဒီနံ ဘဝနကိရိယာ စ လက္ခိယတိ။
 ယသ္မိံ သမယေတိ ယသ္မိံ နဝမေ ခဏေ, ယောနိသောမနသိကာရာဒိဟေတုမှိ,
 ပစ္စယသမဝါယေ ဝါ သတိ ကာမာဝစရံ ကုသလံ စိတ္တံ ဥပ္ပန္နံ ဟောတိ၊ တသ္မိံ-
 ယေဝ ခဏေ, ဟေတုမှိ, ပစ္စယသမဝါယေ စ သတိ ဖဿာဒယောပိ ဟောန္တိတိ
 ဥဘယတ္ထ သမယ-သဒ္ဓေ ဘုမ္မနိဋ္ဌေသော ကတော လက္ခဏဘူတဘာဝ-
 ယုတ္တောတိ ဒဿေန္တော အာဟ “**ခဏ။ ပ။ လက္ခိယတိ**”တိ။

ဟေတုအတ္ထော ကရုဏတ္ထော စ သမ္ဘဝတိ “အန္တေန ဝသတိ၊ အဇ္ဈေနေန
 ဝသတိ၊ ဖရသုနာ ဆိန္ဒတိ၊ ကုဒါလေန ခဏတိ”တိအာဒိသု ဝိယ။ ဝီတိက္ခမဉ္စိ
 သုတွာ ဘိက္ခုသံဃံ သန္နိပါတာပေတွာ ဩတိဏ္ဏဝတ္ထုကံ ပုဂ္ဂလံ ပဋိပုစ္ဆိတွာ၊

ဝိဂရဟိတွာ စ တံ တံ ဝတ္ထုံ ဩတိဏ္ဏကာလံ အနတိက္ကမိတွာ တေနေဝ
ကာလေန သိက္ခာပဒါနိ ပညပေန္တော ဘဂဝါ ဝိဟရတိ သိက္ခာပဒပညတ္တိ-
ဟေတုဉ္စ အပေက္ခမာနော တတိယပါရာဇိကာဒိသု ဝိယာတိ။

အစ္စန္ဒမေဝ အာရဟ္မတော ပဋ္ဌာယ ယာဝ ဒေသနာနိဋ္ဌာနံ ပရဟိတ-
ပဋိပတ္တိသင်္ခါတေန ကရုဏာဝိဟာရေန။ **တဒတ္ထဇောတနတ္ထန္တိ** အစ္စန္ဒသံယော-
ဂတ္ထဇောတနတ္ထံ။ **ဥပယောဂဝစနနိဋ္ဌေသော ကတော** ယထာ “မာသံ
အဇ္ဈေတိ”တိ။

ပေါရာဏာတိ အဋ္ဌကထာစရိယာ။ **အဘိလာပမတ္တဘေဒေါတိ** ဝစန-
မတ္တေန ဝိသေသော။ တေန သုတ္တဝိနယေသု ဝိဘတ္တိဗျတယော ကတောတိ
ဒဿတိ။

သေဋ္ဌန္တိ သေဋ္ဌဝါစကံ ဝစနံ သေဋ္ဌန္တိ ဝုတ္တံ သေဋ္ဌဂုဏသဟစရဏတော။
တထာ **ဥတ္တမန္တိ** ဧတ္ထာပိ။ **ဂါရဝယုတ္တော**တိ ဂရုဘာဝယုတ္တော ဂရုဂုဏ-
သောဂတော၊ ဂရုကရဏာရဟတာယ ဝါ **ဂါရဝယုတ္တော**။

ဝုတ္တောယေဝ၊ န ပန ဣဓ ဝတ္ထဗ္ဗော ဝိသုဒ္ဓိမဂ္ဂဿ ဣမိဿာ အဋ္ဌကထာယ
ဧကဒေသဘာဝတောတိ အဓိပ္ပာယ်ယော။

အပိစ ဘဂေ ဝနိ၊ ဝမီတိ ဝါ ဘဂဝါ၊ ဘဂေ သီလာဒိဂုဏေ ဝနိ ဘဇိ
သေဝိ၊ တေ ဝါ ဝိနေယျသန္တာနေသု “ကထံ န ခေါ ဥပ္ပဇ္ဇေယျ”န္တိ ဝနိ ယာစိ
ပတ္ထယီတိ ဘဂဝါ၊ ဘဂံ ဝါ သိရိ၊ ဣဿရိယံ၊ ယသဉ္စ ဝမိ ခေလပိဏ္ဍံ ဝိယ
ဆန္ဒယီတိ ဘဂဝါ။ တထာ ဟိ ဘဂဝါ ဟတ္ထဂတံ သိရိ၊ စတုဒ္ဓိပိဿရိယံ၊
စက္ကဝတ္တိသမ္ပတ္တိသန္ဓိဿယဉ္စ သတ္တရတနသမုဇ္ဇလံ ယသံ အနပေက္ခော ပရိစ္စ-
ဇိတိ။ အထ ဝါ ဘာနိ နာမ နက္ခတ္တာနိ၊ တေဟိ သမံ ဂစ္ဆန္တိ ပဝတ္တန္တိတိ
ဘဂါ၊ သိနေရုယုဂန္ဓရာဒိဂတာ ဘာဇနလောကသောဘာ။ တေ ဘဂဝါ ဝမိ
တပ္ပဋိဗဒ္ဓဆန္ဒရာဂပ္ပဟာနေန ပဇဟတိတိ ဧဝံ ဘဂေ ဝမီတိ ဘဂဝါ။

“ဓမ္မသရီရံ ပစ္စက္ခံ ကရေတိ”တိ “ယော ဝေါ အာနန္တ မယာ ဓမ္မော စ
ဝိနယော စ ဒေသိတော ပညတ္တော၊ သော ဝေါ မမစ္စယေန သတ္တာ”တိ^၁
ဝစနတော ဓမ္မဿ သတ္တုဘာဝပရိယာယော ဝိဇ္ဇတိတိ ကတွာ ဝုတ္တံ။

ဝဇီရသင်္ဃာတသမာနကာယော ပရေဟိ အဘောဇ္ဇသရီရတ္တာ။ န ဟိ ဘဂဝတော ရူပကာယေ ကေနစိ အန္တရာယော သက္ကာ ကာတုန္တိ။ **ဒေသနာ-သမ္ပတ္တိ** နိဗ္ဗိသတိ ဝက္ခမာနဿ သကလသုတ္တဿ “ဝေ”န္တိ နိဗ္ဗိသနတော။ **သာဝကသမ္ပတ္တိ** နိဗ္ဗိသတိ ပဋိသန္တိဒါပုတ္တေန ပဉ္စသု ဌာနေသု ဘဂဝတာ တေဒဂ္ဂေ ဌပိတေန မယာ မဟာသာဝကေန သုတံ၊ တဉ္စ ခေါ မယာဝ သုတံ၊ န အနုဿဝိတံ၊ န ပရမ္ပရာဘတန္တိ ဣမဿတ္တဿ ဒီပနတော။ **ကာလသမ္ပတ္တိ** နိဗ္ဗိသတိ “ဘဂဝါ”တိ ပဒဿ သန္တိဓာနေ ပယုတ္တဿ သမယ-သဒ္ဓဿ ကာလဿ ဗုဒ္ဓုပ္ပါဒပဋိမဏ္ဍိတဘာဝဒီပနတော။ ဗုဒ္ဓုပ္ပါဒပရမာ ဟိ ကာလ-သမ္ပဒါ။ တေနေတံ ဝုစ္စတိ—

“ကပ္ပကသာယေ ကလိယုဂေ၊ ဗုဒ္ဓုပ္ပါဒေါ အဟော မဟန္တရိယံ။
ဟုတာဝဟမဇ္ဈေ ဇာတံ၊ သမုဒိတမကရန္တမရဝိန္တ”န္တိ။

ဘဂဝါတိ ဒေသကသမ္ပတ္တိ နိဗ္ဗိသတိ ဂုဏဝိသိဋ္ဌသတ္တုတ္တမဂါရဝါဓိ-ဝစနတော။

ဝိဇ္ဇန္တရိကာယာတိ ဝိဇ္ဇနိစ္ဆရဏက္ခဏေ။ **အန္တရတောတိ** ဟဒယေ။ **အန္တရာတိ** အာရဗ္ဗ နိပ္ပတ္တိနံ ဝေမဇ္ဈေ။ **အန္တရိကာယာတိ** အန္တရာဌေ။ ဧတ္ထ စ “တဒန္တရံ ကော ဇာနေယျ”၊ ဧတေသံ အန္တရာ ကပ္ပါ၊ ဂဏနာတော အသဒ္ဓိ-ယာ၊ အန္တရန္တရာ ကထံ ဩပါတေတိ”တိ။ အာဒိသု ဝိယ ကာရဏဝေမဇ္ဈေသု ဝတ္တမာနာ အန္တရာ-သဒ္ဓေါ ဝေ ဥဒါဟရိတဗ္ဗာ သိယံ၊ န ပန စိတ္တခဏဝိဝရေသု ဝတ္တမာနာ အန္တရအန္တရိကာ-သဒ္ဓေါ။ အန္တရာ-သဒ္ဓဿ ဟိ အယမတ္ထုဒ္ဓါရေတိ။ အယံ ပနေတ္ထ အဓိပ္ပါယော သိယာ—ယေသု အတ္ထေသု အန္တရာ-သဒ္ဓေါ ဝတ္တတိ၊ တေသု အန္တရာ-သဒ္ဓေါဝိ ဝတ္တတိတိ သမာနတ္ထတ္တာ အန္တရာ-သဒ္ဓတ္ထေ ဝတ္တမာနော အန္တရာ-သဒ္ဓေါ ဥဒါဟဇ္ဇော၊ အန္တရာ-သဒ္ဓေါ ဝေ ဝါ “ယဿန္တရ-တော”တိ ဧတ္ထ ဂါထာသုခတ္ထံ ရဿံ ကတွာ ဝုတ္တောတိ ဒဋ္ဌဗ္ဗံ။ အန္တရာ-သဒ္ဓေါ ဝေ ပန ဣက-သဒ္ဓေန ပဒံ ဝဇေတွာ “အန္တရိကာ”တိ ဝုတ္တောတိ ဝေမေတ္ထ ဥဒါဟရဏောဒါဟရိတဗ္ဗာနံ ဝိရောဓာဘာဝေါ ဒဋ္ဌဗ္ဗော။ **အယောဇီယမာနေ ဥပယောဂဝစနံ န ပါပုဏာတိ** သာမိဝစနဿ ပသင်္ဂေ အန္တရာ-သဒ္ဓယောဂေန ဥပယောဂဝစနဿ ဣတ္ထိတတ္တာ။ တေနေဝါဟ “**အန္တရာသဒ္ဓေန ယုတ္တတ္တာ ဥပယောဂဝစနံ ကတ**”န္တိ။

၁-အံ ၂-၃၀၈၊ အံ ၃-၃၆၇-ပိဋေသု။ ၂-၃ ၄-၃၈၂-ပိဋေ ဗုဒ္ဓဝံသေ။
၃-မ ၂-၃၈၀၊ ဝိ ၃-၅၈၊ ဝိ ၄-၃၉၃-ပိဋေသု။

“နိယတော သမ္မောဓိပရာယဏော”^၁၊ အဋ္ဌာနမေတံ ဘိက္ခဝေ အနဝကာ-
 သော၊ ယံ ဒိဋ္ဌိသမ္ပန္နော ပုဂ္ဂလော သဋ္ဌိစ္စ ပါဏံ ဇီဝိတာ ဝေါရောပေယျ၊ နေတံ
 ဌာနံ ဝိဇ္ဇတိ”^၂တိအာဒိဝစနတော ဒိဋ္ဌိသီလာနံ နိယတသဘာဝတ္တာ သောတာ-
 ပန္နာပိ အညမညံ ဒိဋ္ဌိသီလသာမညေန သံဟတာ၊ ပဂေဝ သကဒါဂါမ်အာ-
 ဒယော။ “တထာရူပါယ ဒိဋ္ဌိယာ ဒိဋ္ဌိသာမညဂတော ဝိဟရတိ၊ တထာရူပေသု
 သီလေသု သီလသာမညဂတော ဝိဟရတိ”^၂တိ၊ ဝစနတော ပုထုဇ္ဇနာနမ္ပိ ဒိဋ္ဌိ-
 သီလသာမညေန သံဟတဘာဝေါ လဗ္ဘတိယေဝ။

သုပ္ပိယောပိ ခေါတိ ဧတ္ထ ခေါ-သဒ္ဓေါ အဝဓာရဏတ္ထော “အသောသိ
 ခေါ”^၃တိအာဒိသု^၄ ဝိယ။ တေန အဒ္ဓါနမဂ္ဂပဋိပန္နော အဟောသိယေဝ၊ နာဿ
 မဂ္ဂပဋိပတ္တိယာ ကောစိ အန္တရာယော အဟောသိတိ အယမတ္ထော ဒီပိတော
 ဟောတိ။ တတြာတိ ဝါ ကာလဿ ပဋိနိဒ္ဓေသော။ သောပိ ဟိ “ဧကံ
 သမယ”^၅န္တိ ပုဗ္ဗေ အဓိကတော။ ယဉ္စိ သမယံ ဘဂဝါ အန္တရာ ရာဇဂဟန္တ
 နာဠန္ဒန္တ အဒ္ဓါနမဂ္ဂပဋိပန္နော၊ တသ္မိံယေဝ သမယေ သုပ္ပိယောပိ တံ မဂ္ဂံ
 ပဋိပန္နော အဝဏ္ဏံ ဘာသတိ၊ ဗြဟ္မဒတ္ထော စ ဝဏ္ဏံ ဘာသတိတိ။ ပရိယာယတိ
 ပရိဝတ္တတိတိ ပရိယာယော၊ ဝါရော။ ပရိယာယတိ ဒေသေတဗ္ဗမတ္ထံ ပဋိပါဒေ-
 တိတိ ပရိယာယော၊ ဒေသနာ။ ပရိယာယတိ အတ္တနော ဖလံ ပရိဂ္ဂဟေတွာ
 ပဝတ္တတိတိ ပရိယာယော၊ ကာရဏန္တိ ဧဝံ ပရိယာယ-သဒ္ဓဿ ဝါရဒိသု
 ပဝတ္တိ ဝေဒိတဗ္ဗာ။ ကာရဏေနာတိ ကာရဏပတိရူပကေန။ တထာ ဟိ
 ဝက္ခတိ “အကာရဏမေဝ ကာရဏန္တိ ဝတွာ”^၆တိ။ ကဿ ပနေတ္ထ “အဝဏ္ဏံ
 ဘာသတိ”^၇တိ၊ “ဝဏ္ဏံ ဘာသတိ”^၈တိ စ ဝတ္တမာနကာလနိဒ္ဓေသော ကတော၊
 နနု သင်္ဂီတိကာလတော သော အဝဏ္ဏဝဏ္ဏာနံ ဘာသိတကာလော အတိ-
 တောတိ? သစ္စမေတံ၊ “အဒ္ဓါနမဂ္ဂပဋိပန္နော ဟောတိ”^၉တိ ဧတ္ထ ဟောတိ-သဒ္ဓေါ
 ဝိယ အတိတကာလတ္ထော ဘာသတိ-သဒ္ဓေါ စ ဒဋ္ဌဗ္ဗော။ အထ ဝါ ယသ္မိံ
 ကာလေ တေဟိ အဝဏ္ဏော ဝဏ္ဏော စ ဘာသိယတိ၊ တံ အပေက္ခိတွာ ဧဝံ
 ဝုတ္တံ။ ဧဝေ ကတွာ “တတြာတိ ကာလဿ ပဋိနိဒ္ဓေသော”^{၁၀}တိ၊ ဣဒန္တ ဝစနံ
 သမတ္တိတံ ဟောတိ။

အကာရဏန္တိ အယုတ္တိံ၊ အနုပပတ္တိန္တိ အတ္ထော။ န ဟိ အရသရူပတာ-
 ဒယော ဒေါသာ ဘဂဝတိ သံဝိဇ္ဇန္တိ၊ ဓမ္မသံဃာနန္တ ခုရက္ခာတဒုပ္ပဋိပန္နတာ-
 ဒယောတိ။ အကာရဏန္တိ ဝါ ယုတ္တကာရဏရဟိတံ၊ ပဋိညာမတ္တန္တိ

၁-သံ ၁-၂၉၇၊ သံ ၃-၂၉၉၊ ၃၁၁-ပိဋေသု။ ၂-မ ၁-၃၉၇-ပိဋေ။ ၃-ဝိ ၁-၁-ပိဋေ။
 ၄-ဒိ-ဋ္ဌ ၁-၃၇-ပိဋေ။ ၅-ကာလနိဒ္ဓေသောတိ (က)
 ၆-နိ ၁-၄—န-ဗု-အ

အဓိပ္ပါယ်ယော။ ဣမသို့ဉ္စ အတ္ထေ ကာရဏန္တိ ဝတ္တဘိ ကာရဏံ ဝါတိ ဝတ္တဘိ အတ္ထော။ အရသရူပါဒီနဉ္စေတ္ထ ဇာတိဝုဗ္ဗေသု အဘိဝါဒနာဒိသမ္ဘိမိကမ္မာ- ကာရဏံ ကာရဏံ၊ တထာ ဥတ္တရိမနုဿဓမ္မာလမရိယဉာဏဒဿနာဘာဝဿ သုန္တရိကာမဂုဏာဒိနဝဗောဓော၊ သံသာရဿ အာဒိကောဋိယာ အပညာယန- ပဋိညာ၊ အဗျာကတဝတ္ထုဗျာကရဏန္တိ ဧဝမာဒယော၊ တထာ အသဗ္ဗညုတ- ဒီနံ ကမာဝဗောဓာဒယော ယထာရဟံ နိဗ္ဗါရေတဗ္ဗာ။ တထာ တထာတိ ဇာတိဝုဗ္ဗေနံ အနဘိဝါဒနာဒိအာကာရေန။

အဝဏ္ဏံ ဘာသမာနောတိ အဝဏ္ဏံ ဘာသနဟေတု။ ဟေတုအတ္ထော ဟိ အယံ မာန-သဒ္ဓေါ။ အနယဗျသနံ ပါပုဏိဿတိ ဧကန္တမဟာသာဝဇ္ဇတ္တာ ရတနတ္ထယောပဝါဒဿ။ တေနောဟ—

“ယော နိဗ္ဗိယံ ပသံသတိ၊
တံ ဝါနိန္ဒတိ ယော ပသံသိယော။
ဝိစိနာတိ မုခေန သော ကလိံ၊
ကလိနာ တေန သုခံ န ဝိန္ဒတိ”တိ။

“အမှာကံ အာစရိယော”တိအာဒိနာ မြဟ္မဒတ္တဿ သံဝေဂပုတ္တိံ၊ အတ္တနော အာစရိယေ ကာရညပ္ပဝတ္တိဉ္စ ဒဿေတွာ ကိဉ္စာပိ အန္တေဝါသိနာ အာစရိ- ယဿ အနုကူလေန ဘဝိတဗ္ဗံ၊ အယံ ပန ပဏ္ဍိတဇာတိကတ္တာ န ဧဒိသေသု တံ အနဝတ္တတိတိ၊ ဣဒါနိ တဿ ကမ္မဿကတညာဏပ္ပဝတ္တိံ ဒဿေန္တော “အာစရိယေ ခေါ ပနာ”တိအာဒိမာဟ။ ဝဏ္ဏံ ဘာသိတုမာရဒ္ဓေါ “အပိနာ- မာယံ ဧတ္တကေနာပိ ရတနတ္ထယာဝဏ္ဏတော ဩရမေယျာ”တိ။ ဝဏ္ဏီယတိတိ ဝဏ္ဏော၊ ဂုဏော။ ဝဏ္ဏနံ ဂုဏသံကိတ္တနန္တိ ဝဏ္ဏော၊ ပသံသာ။ သညုဋ္ဌာတိ ဂန္ထိတာ၊ နိဗ္ဗန္တိတာတိ အတ္ထော။ အတိတ္ထေန ပက္ခန္ဓော ဓမ္မကထိကောတိ န ဝတ္တဗ္ဗော အပရိမာဏဂုဏတ္တာ ဗုဒ္ဓါဒိနံ၊ နိရဝသေသာနဉ္စ တေသံ ဣမ ပကာ- သနံ ပါဠိသံဝဏ္ဏနာယေ’ဝ သမ္ပဇ္ဇတိတိ။ အနုဿဝါဒီတိ ဧတ္တ အာဒိ-သဒ္ဓေန အာကာရပရိဝိတက္ကဒိဋ္ဌိနိဇ္ဈာနက္ခန္တိယော သင်္ဂဏာတိ။ အတ္တနော ထာမေန ဝဏ္ဏံ အဘာသိ၊ န ပန ဗုဒ္ဓါဒိနံ ဂုဏာနုရူပန္တိ အဓိပ္ပါယ်ယော။ အသင်္ချေယျာ- ပရိမိတပ္ပဘေဒါ ဟိ ဗုဒ္ဓါဒိနံ ဂုဏာ။ ဂုတ္တဉ္စေတံ—

“ဗုဒ္ဓေါပိ ဗုဒ္ဓဿ ဘဏေယျ ဝဏ္ဏံ၊
ကပ္ပမ္ပိ စေ အညမဘာသမာနော။
ဒီယေထ ကပ္ပေါ စိရဒိဃမန္တရေ၊
ဝဏ္ဏော န ဒီယေထ တထာဂတဿာ”တိ။

ဣဓာပိ ဝက္ခတိ “အပ္ပမတ္တကံ ခေါ ပနေတ”န္တိအာဒိ။

ဣတိ ဟ တေတိ ဧတ္ထ ဣတိတိ ဝုတ္တပ္ပကာရပရာမသနံ။ ဟ-ကာရော နိပါတ-
မတ္တန္တိ အာဟ “ဧဝံ တေ”တိ။

ဣရိယာပထာနုဗန္ဓနေန အနုဗန္ဓာ ဟောန္တိ။ န ပန သမ္မာပဋိပတ္တိ-
အနုဗန္ဓနေနာတိ အဓိပ္ပါယော။ တသ္မိံ ကာလေတိ ယသ္မိံ သံဝစ္ဆရေ ဥတုမှိ
မာသေ ပက္ခေ ဝါ ဘဂဝါတံ အဒ္ဓါနမဂ္ဂံ ပဋိပန္နော၊ တသ္မိံ ကာလေ။ တေနော
ဟိ ကိရိယာဝိစ္ဆေဒဒဿနဝသေန “ရာဇဂဟေ ပိဏ္ဍာယ စရတိ”တိ ဝတ္တ-
မာနကာလနိဋ္ဌေသော ကတော။ သောတိ ဧဝံ ရာဇဂဟေ ဝသမာနော
ဘဂဝါ။ တံ ဒိဝသန္တိ ယံ ဒိဝသံ အဒ္ဓါနမဂ္ဂပဋိပန္နော၊ တံ ဒိဝသံ။ တံ အဒ္ဓါနံ
ပဋိပန္နော နာဠန္ဒာယံ ဝေနယျာနံ ဝိဝိဓဟိတသုခနိပ္ပတ္တိံ အာကင်္ခမာနော
ဣမိဿာ စ အဠုပ္ပတ္တိယာ တိဝိဓသီလာလင်္ကတံ နာနာဝိဓကုဟနလပနာဒိ-
မိစ္ဆာဇီဝဝိဒ္ဓံသနံ ဒွါသဋ္ဌိဒိဋ္ဌိဇာလဝိနိဝေဋ္ဌနံ ဒသသဟသီလောကဓာတုပကမ္ပနံ
ဗြဟ္မဇာလသုတ္တန္တံ ဒေသေဿာမီတိ။ ဧတ္တာဝတာ “ကသ္မာ ပန ဘဂဝါ တံ
အဒ္ဓါနံ ပဋိပန္နော”တိ စောဒနာ ဝိသောမိတာ ဟောတိ။ “ကသ္မာ စ
သုပ္ပိယော အနုဗန္ဓော”တိ အယံ ပန စောဒနာ “ဘဂဝတော တံ မဂ္ဂံ
ပဋိပန္နဘာဝံ အဇာနန္တော”တိ ဧတေန ဝိသောမိတာ ဟောတိ။ န ဟိ
သော ဘဂဝန္တံ ဒဠုမေဝ ဣစ္ဆတိတိ။ တေနောဟ “သစေ ပန ဇာနေယျ၊
နာနုဗန္ဓယျာ”တိ။

နိလဝီတလောဟိတောဒါတမဉ္ဇိဋ္ဌပဘဿရဝသေန ဆဗ္ဗဏ္ဏရသ္မိယော။
“သမန္တာ အသီတိဟတ္ထပ္ပမာဏေ”တိ တာသံ ရသ္မိနံ ပကတိယာ ပဝတ္တိဋ္ဌာန-
ဝသေန ဝုတ္တံ။ “တသ္မိံ ကိရ သမယေ”တိ စ တသ္မိံ အဒ္ဓါနဂမနသမယေ ဗုဒ္ဓ-
သိရိယာ အနိဂ္ဂဟိတဘာဝဒဿနတ္ထံ ဝုတ္တံ။ န ဟိ တဒါ တဿာ နိဂ္ဂဟနေ
ပတ္တုသတိအဘိဂမနာဒိသု ဝိယ ကိဉ္စိပိ ကာရဏံ အတ္ထိတိ။ ရတနာဝေဋ္ဌံ
ရတနဝဋ်သကံ။ စိနပိဋုဏ္ဏံ သိန္ဓနုဏ္ဏံ။

၁-ဒီ-၄ ၁-၂၇၇၊ ဒီ-၄ ၁-၆၁၊ မ-၄ ၃-၂၀၈၊ ဥဒါန-၄-၃၀၅၊ အပဒါန-၄-၂-၉၁၊

စရိယာပိဋက-၄-၉-၃၂၄၊ ဗုဒ္ဓဝံသ-၄-၁၆၃-ပိဋ္ဌာဒိသု။

ဗျာမပ္ပဘာပရိက္ခေပဝိလာသိနိ စ အဿ ဘဂဝတော လက္ခဏမာလာတိ မဟာပုရိသလက္ခဏာနိ^၁ အညမညပဋိဗဒ္ဓတ္တာ ဝေမာဟ။ ဒွတ္တိံသာယ စန္ဒမဏ္ဍလာနံ မာလာ ကေနစိ ဂန္ဓေတွာ ဌပိတာ ယဒိ သိယာတိ ပရိကပ္ပနဝသေနာဟ “ဂန္ဓေတွာ ဌပိတဒွတ္တိံသစန္ဒမာလာယာ”တိ။ သိရိံ အဘိဘဝန္တိ ဣဝါတိ သမ္ပန္နော။ သေ နယော သူရိယမာလာယာတိအာဒိသုပိ။ မဟာထေရာတိ မဟာသာဝကော^၂ သန္ဓာယာဟ။ ဧဝံ ဂစ္ဆန္တံ ဘဂဝန္တံ ဘိက္ခု။ စ ဒိသ္မာ အထ အတ္တနော ပရိသံ အဝလောကေသီတိ သမ္ပန္နော။ “ယသ္မာ ပနေသ”တိအာဒိနာ “ကသ္မာ စ သော ရတနတ္ထယဿ အဝဏ္ဏံ ဘာသတိ”တိ စောဒနံ ဝိသောဓေတိ။ ဣတိတိ ဧဝံ၊ ဝုတ္တပ္ပကာရေနာတိ အတ္ထော။ ဣမေဟိ န္ဒီဟိဟိ လာဘပရိဝါရဟာနိ^၃ နိဂမနဝသေန ဒဿေတိ။ ဘဂဝတော ဝိရောဓာနနယာဘာဝဝိမံသနတ္ထံ ဧတေ အဝဏ္ဏံ ဝဏ္ဏဉ္စ ဘာသန္တိတိ အပရေ။ “မာရေန အန္ဓာဝိဋ္ဌာ ဧဝံ ကရေန္တိ”တိ စ ဝဒန္တိ။

၂။ အဗ္ဗလဋ္ဌိကာယ အဝိဒူရေ ဘဝတ္တာ ဥယျာနံ အဗ္ဗလဋ္ဌိကာ ယထာ “ဝရုဏာနဂရံ၊ ဂေါဒါဂါမော”တိ။ ကေစိ ပန “အဗ္ဗလဋ္ဌိကာတိ ယထာဝုတ္တနယေနော ကေဂါမော”တိ ဝဒန္တိ။ တေသံ မတေ အဗ္ဗလဋ္ဌိကာယန္တိ သမိပတ္ထေ ဘုမ္မဝစနံ။ ရာဇာဂါရကံ ဝေဿဝဏမဟာရာဇဒေဝါယတနန္တိ ဧကေ။ မဟုပရိဿယောတိ မဟုပဒ္ဓဝေါ။ “သဒ္ဓိံ အန္တေဝါသိနာ ဗြဟ္မဒတ္တေန မာဏဝေနာ”တိ ဝုတ္တံ သိဟဋ္ဌဋ္ဌကထာယံ။ တဉ္စ ခေါ ပါဠိအာရုဋ္ဌဝသေနော၊ န ပန တဒါ သုပ္ပိယဿ ပရိသာယ အဘာဝတော။ ကသ္မာ ပနေတ္ထ ဗြဟ္မဒတ္တောယေဝ ပါဠိအာရုဋ္ဌော၊ န သုပ္ပိယဿ ပရိသာတိ? ပယောဇနာဘာဝတော။ ယထာ စေတံ၊ ဧဝံ အညမ္ပိ ဒေသံ ပယောဇနာဘာဝတော သင်္ဂီတိကာရေဟိ န သင်္ဂဟိတန္တိ ဒဋ္ဌဗ္ဗံ။ ကေစိ ပန “ဝုတ္တန္တိ ပါဠိယံ ဝုတ္တ”န္တိ ဝဒန္တိ၊ တံ န ယုဇ္ဇတိ ပါဠိအာရုဋ္ဌဝသေန ပါဠိယံ ဝုတ္တန္တိ အာပဇ္ဇနတော။ တသ္မာ ယထာဝုတ္တနယေနောတ္ထေ အတ္ထော ဂဟေတဗ္ဗော။ ပရိဝါရေတွာ နိသိန္နော ဟောတိတိ သမ္ပန္နော။

၃။ ကထာဓမ္မောတိ ကထာသဘာဝေါ၊ ကထာဓမ္မော ဥပပရိက္ခာဝိမိတိ ကေစိ။ နိယတိတိ နယော၊ အတ္ထော။ သဒ္ဓသတ္ထံ အနဂတော နယော သဒ္ဓနယော။ တတ္ထ ဟိ အနဘိဏ္ဍဝုတ္တိကေ အစ္ဆရိယ-သဒ္ဓေါ ဣတ္ထိတော။ တေနောဝါဟ “အန္ဓဿ ပဗ္ဗတာရေဟဏံ ဝိယာ”တိ။ အစ္ဆရယောဂုန္တိ အစ္ဆရိယန္တိ

၁-ဒီ ၂-၁၃၊ ဒီ ၃-၁၁၇၊ မ ၂-၃၃၆-ပိဋေသု ဝိတ္ထာရော၊
 ၂-ထေရဂါထာ-၉ ၂-၅၄၁-ပိဋေ ဝိတ္ထာရော၊

နိရုတ္တိနယော၊ သော ပန ယသ္မာ ပေါရာဏဋ္ဌကထာယံ အာဂတော၊ တသ္မာ အာဟ “အဋ္ဌကထာနယော”တိ။ ယာဝဉ္စိ သုပ္ပုဋိဝိဒိတာတိ သမ္ပန္နော၊ တဿ ယတ္ထကံ သုဠု ပဋိဝိဒိတာ၊ တံ ဧတ္ထကန္တိ န သက္ကာ အမှေဟိ ပဋိဝိဇ္ဇိတုံ၊ အက္ခာတုံ ဝါတိ အတ္ထော။ တေနောဟ “တေန သုပ္ပုဋိဝိဒိတဘယ အပ္ပမေယျတံ ဒဿတိ”တိ။

ပကတတ္ထပဋိနိဒ္ဒေသော တံ-သဒ္ဓေါတိ တဿ “ဘဂဝတာ”တိအာဒိဟိ ပဒေဟိ သမာနာဓိကရဏဘာဝေန ပုတ္တဿ ယေန အဘိသမ္ဗုဒ္ဓဘာဝေန ဘဂဝါ ပကတော သုပါကဇော စ ဟောတိ၊ တံ အဘိသမ္ဗုဒ္ဓဘာဝံ သဒ္ဓိံ အာဂမနပဋိပဒါယ အတ္တဘာဝေန ဒဿေန္တော “ယော သော ။ပ။ အဘိ-သမ္ဗုဒ္ဓေါ”တိ အာဟ။ သတိဝိ ဉ္ဇုဏဒဿန-သဒ္ဓါနံ ဣမ ပညာဝေဝစနဘာဝေ တေန တေန ဝိသေသေန နေသံ သဝိသယဝိသေသပ္ပဝတ္တိဒဿနတ္ထံ အသာ-ဓာရဏဉ္ဇုဏဝိသေသဝသေန ဝိဇ္ဇတ္တယဝသေန ဝိဇ္ဇာဘိညာနာဝရဏဝသေန သဗ္ဗညုဘညာဏမံသစက္ခုဝသေန ပဋိဝေဓဒေသနာဉ္ဇုဏဝသေန စ တဒတ္ထံ ယောဇေတွာ ဒဿေန္တော “တေသံ တေသ”န္တိအာဒိမာဟ။ တတ္ထ အာသယာနုသယံ ဇာနတာ အာသယာနုသယဉ္ဇုဏေန။ သဗ္ဗဥေယျဓမ္မံ ပဿတာ သဗ္ဗညုတာနာဝရဏဉ္ဇုဏဟိ။

ပုဗ္ဗေနိဝါသာဒိဟိတိ ပုဗ္ဗေနိဝါသာသဝက္ခယဉ္ဇုဏဟိ။ ပဋိဝေဓပညာ-ယာတိ အရိယမဂ္ဂပညာယ။ အရိနန္တိ ကိလေသာရိနံ၊ ပဉ္စဝိဓမာရာနံ ဝါ၊ သာသနပစ္စက္ခိကာနံ ဝါ အညတိတ္ထိယာနံ၊ တေသံ ဟနနံ ပါဠိဟာရိယေဟိ အဘိဘဝနံ၊ အပ္ပုဋိဘာနတာကရဏံ၊ အဇ္ဈုပေက္ခနဉ္စ။ ကေသိဝိနယသုတ္တံ ဇေတ္ထ နိဒဿနံ။

တထာ ဌာနာဌာနာဒိနိ ဇာနတာ၊ ယထာကမ္မူပဂေ သတ္ထေ ပဿတာ၊ သဝါသနာနမာသဝါနံ ခိဏတ္တာ အရဟတာ၊ အဘိညေယျာဒိဘေဒေ ဓမ္မေ အဘိညေယျာဒိတော အဝိပရိတာဝဗောဓတော သမ္မာသမ္ဗုဒ္ဓေန။ အထ ဝါ တီသု ကာလေသု အပ္ပုဋိဟတဉ္ဇုဏတာယ ဇာနတာ၊ တိဏ္ဏမ္ပိ ကမ္မာနံ ဉ္ဇုဏာနုပရိဝတ္တိတော နိသမ္မကာရိတာယ ပဿတာ၊ ဒဝါဒိနမ္ပိ အဘာဝသာဓိ-ကာယ ပဟာနသမ္ပဒါယ အရဟတာ၊ ဆန္ဒာဒိနံ အဟာနိဟေတုဘူတာယ အပရိက္ခယပဋိဘာနသာဓိကာယ သဗ္ဗညုတာယ သမ္မာသမ္ဗုဒ္ဓေနာတိ ဧဝံ ဒဿဗလ၂ဌာရသအာဝေဏိကဗုဒ္ဓဓမ္မေဟိဝိ? ယောဇနာ ဝေဒိတဗျာ။

၁-အံ ၁-၄၂၇-ပိဋေ။

၂-မ ၁-၉၉-ပိဋေ ဝိတ္ထာဓေ။

၃-ဒိ-ဋ ၃-၁၇၆၊ မူလဋီ ၂-၂-ပိဋေသု ဝိတ္ထာဓေ။

ယဒိပိ ဟိနကလျာဏဘေဒေန ဒုဝိဓောဝ အဓိမုတ္တိ ပါဠိယံ ဝုတ္တာ၊ ပဝတ္တိအာကာရဝသေန ပန အနေကဘေဒဘိန္နာတိ အာဟ “နာနာဓိမုတ္တိ-ကတာ”တိ။ သာ ပန အဓိမုတ္တိ အဇ္ဈာသယဓာတု၊ တဒပိ တထာ တထာ ဒသ နံ ခမနံ နေဝနဉာတိ အာဟ “နာနာဇ္ဈာသယ ။ပ။ ရှုစိတာ”တိ။ နာနာဓိမုတ္တိ-ကတဉာဏေနာတိ စေတ္တ သဗ္ဗညုတညာဏံ အဓိပ္ပေတံ၊ န ဒသဗလဉာဏန္တိ အာဟ “သဗ္ဗညုတညာဏေနာ”တိ။ ဣတိ ဟ မေတိ ဧတ္ထ ဧဝံ-သဒ္ဓတ္ထော ဣတိ-သဒ္ဓေါ၊ ဟ-ကာရော နိပါတမတ္ထံ သရလောပေါ စ ကတောတိ ဒဿေတုံ ဝုတ္တံ “ဧဝံ ဣမေ”တိ။

၄။ အရဟတ္တမဂ္ဂေန သမုပ္ပါတံ ကတံ၊ ယတော “နတ္ထိ အဗျာဝဋ္ဌမနော”တိ ဗုဒ္ဓဓမ္မေသု ဝုတ္တိ။ ဝီတိနာမေတွာ ဖလသမာပတ္တိဟိ။ နိဝါသေတွာ ဝိဟာရ-နိဝါသနပရိဝတ္တနဝသေန။ “ကဒါဓိ ကေကော”တိအာဒိ တေသံ တေသံ ဝိနေ-ယျာနံ ဝိနယနာနုကူလံ ဘဂဝတော ဥပသင်္ကမဒဿနံ။ ပါဒနိက္ခေပသမယေ ဘူဒိယာ သမဘာဝါပတ္တိ သုပ္ပတိဋ္ဌိတပါဒတာယ နိဿန္တဖလံ၊ န ဣဒ္ဓိနိဗ္ဗာနံ။ “ဌာပိတမတ္ထေ ဒက္ခိဏပါဒေ”တိ ဗုဒ္ဓါနံ သဗ္ဗဒက္ခိဏတာယ ဝုတ္တံ။ အရဟတ္တေ ပတိဋ္ဌဟန္တိတိ သမ္မန္နော။

ဒုလ္လဘာ သမ္ပတ္တိတိ သတိပ မနုဿတ္တပဋိလာဘော ပတိရူပဒေသဝါသ-ဣန္ဒြိယာဝေကလ္လသဒ္ဓါပဋိလာဘာဒယော ဂုဏာ ဒုလ္လဘာတိ အတ္ထော။ စာတုမဟာရာဇိကဘဝနန္တိ စာတုမဟာရာဇိကဒေဝလောကေ သုညဝိမာနာနိ ဂစ္ဆန္တိတိ အတ္ထော။ ဧသ နယော တာဝတိံသဘဝနာဒိသုပိ။ ကာလယုတ္တန္တိ ဣမိဿာ ဝေလာယ ဣမဿ ဧဝံ ဝတ္တဗ္ဗန္တိ တံတံကာလာနုရူပံ။ သမယယုတ္တန္တိ တဿေဝ ဝေဝစနံ၊ အဋ္ဌပုတ္တိအနုရူပံ ဝါ။ အထ ဝါ သမယယုတ္တန္တိ ဟေတု-ဒါဟရဏသဟိတံ။ ကာလေန သာပဒေသဌိ ဘဂဝါ ဓမ္မံ ဒေသေတိ။ ဥတုံ ဂဏှာပေတိ၊ န ပန မလံ ပက္ခာလေတိတိ အဓိပ္ပာယော။ န ဟိ ဘဂဝတော ကာယေ ရဇောဇလ္လံ ဥပလိမ္ပတိတိ။

ကိလာသုဘာဝေါ ကိလမထော။ သီဟသေယျံ ကပ္ပေတိ သရီရဿ ကိလာသုဘာဝမောစနတ္တန္တိ ယောဇေတဗ္ဗံ။ “ဗုဒ္ဓဓမ္မုနာ လောကံ ဝေါ-လောကေတိ”တိ ဣဒံ ပစ္ဆိမယာမေ ဘဂဝတော ဗဟုလအာစိဏ္ဏဝသေန ဝုတ္တံ။ အပ္ပေကဒါ အဝသိဋ္ဌဗလက္ခဏေဟိ သဗ္ဗညုတညာဏေန စ ဘဂဝါ တမတ္ထံ သာဓေတိတိ။ “ဣမေ ဒိဋ္ဌိဋ္ဌာနာ”တိအာဒိဒေသနာ သီဟနာဒေါ။ တေသံ “ဝေဒနာပစ္စယာ တဏှာ”တိအာဒိနာ ပစ္စယာကာရံ သမောဓာနေတွာ။

“သိနေရုံ ဥက္ခိပန္နော ဝိယ နဘံ ပဟရန္တော ဝိယ စာ”တိ ဣဒံ မြဟ္မဇာလ-
ဒေသနာယ အနညဿာဓာရဏတ္တာ သုဒုက္ကရတာဒဿနတ္ထံ ဝုတ္တံ။ တေန္တိ
“ယေန၊ တေနာ”တိ ဧတံ ပဒဒ္ဒယံ။ ယေနာတိ ဝါ ဟေတုမှိ ကရဏဝစနံ၊
ယေန ကာရဏေန သော မဏ္ဍလမာဠော ဥပသင်္ကမိတဗ္ဗော၊ တေန ကာရ-
ဏေန ဥပသင်္ကမိတိ အတ္ထော၊ ကာရဏံ ပန “ဣမေ ဘိက္ခု”တိအာဒိနာ အဋ္ဌ-
ကထာယံ ဝုတ္တမေဝ။ ကဋ္ဌန္တိ နိသီဒနယောဂျံ ဒါရုက္ခန္တံ။

ပုရိမောတိ “ကတမာယ န ဘဝထာ”တိ ဧဝံ ဝုတ္တော အတ္ထော။ ကာ
• ပန ဝေါတိ ဧတ္ထ စ-သဒ္ဓေါ ဗျတိရေကေ။ တေန ယထာပုစ္ဆိတာယ
ကထာယ ဝက္ခမာနံ ဝိပ္ပကတဘာဝံ ဇောတေတိ၊ ပန-သဒ္ဓေါ ဝစနာ-
လင်္ကာရော။ ယာယ ဟိ ကထာယ တေ ဘိက္ခု သန္တိသိန္တာ၊ သာ ဧဝ
အန္တရာကထာဘူတာ ဝိပ္ပကတာ ဝိသေသေန ပုန ပုစ္ဆိယတိတိ။ အညာတိ
အန္တရာ-သဒ္ဓဿ အတ္ထမာဟ။ အညတ္ထေ ဟိ အယံ အန္တရာ-သဒ္ဓေါ
“ဘူမန္တရံ သမယန္တရ”န္တိအာဒိသု ဝိယ။ အန္တရာတိ ဝါ ဝေမဇ္ဈေတိ
အတ္ထော။ နနု စ တေဟိ ဘိက္ခုဟိ သာ ကထာ ယထာပိပ္ပါယံ “ဣတိ
ဟ မေ”တိအာဒိနာ နိဋ္ဌာပိတာယေဝါတိ? န နိဋ္ဌာပိတာ ဘဂဝတော
ဥပသင်္ကမနေန ဥပစ္ဆိန္တတ္တာ။ ယဒိ ဟိ ဘဂဝါ တသ္မိံ ခဏေ န ဥပ-
သင်္ကမေယျ၊ ဘိယျောပိ တပ္ပုပ္ပါဒ္ဓါယေဝ ကထာ ပဝတ္ထေယျ၊ ဘဂဝတော
ဥပသင်္ကမနေန ပန န ပဝတ္ထေသုံ။ တေနေဝါဟ “အယံ ခေါ ဥပ။
အနုပ္ပတ္တော”တိ။ ကသ္မာ ပနေတ္ထ ဓမ္မဝိနယသင်္ဂဟေ ကရိယမာနေ နိဒါနဝစနံ၊
နနု ဘဂဝတော ဝစနမေဝ သင်္ဂဟေတဗ္ဗန္တိ? ဝုစ္စတေ—ဒေသနာယ ဌိတိ-
အသမ္မောသသဒ္ဓေယျဘာဝသမ္မာဒနတ္ထံ။ ကာလဒေသဒေသကဝတ္ထုဓမ္မပုပ္ပါဒ္ဓိ-
ဟကပ္ပုပ္ပါဒ္ဓါ ဟိ ဒေသနာ စိရဋ္ဌိတိကာ ဟောတိ၊ အသမ္မောသမ္မော
သဒ္ဓေယျာ စ။ ဒေသကာလကတ္ထုသောတုနိမိတ္တေဟိ ဥပနိဗန္ဓော ဝိယ
ဝေါဟာရဝိနိစ္ဆယော၊ တေနေဝ စာယသ္မတာ မဟာကဿပေန “မြဟ္မဇာလံ
အာဝုသော အာနန္ဒကတ္ထ ဘာသိတ”န္တိအာဒိနာ ဒေသာဒိပုစ္ဆာသု ကတာသု
တာသံ ဝိဿဇ္ဇနံ ကရောဇ္ဇေန ဓမ္မဘဏ္ဍာဂါရိကေန နိဒါနံ ဘာသိတန္တိ
တယိဒမာဟ “ကာလ။ ပ။ နိဒါနံ ဘာသိတ”န္တိ။

အပိစ သတ္ထုသိဒ္ဓိယာ နိဒါနဝစနံ။ တထာဂတဿ ဟိ ဘဂဝတော
ပုဗ္ဗရစနာနုမာနာဂမတက္ကာဘာဝတော သမ္မာသမ္ဗုဒ္ဓတ္တသိဒ္ဓိ။ သမ္မာသမ္ဗုဒ္ဓ-
ဘာဝေန ဟိဿ ပုဗ္ဗရစနာဒိနံ အဘာဝေါသဗ္ဗတ္ထ အပ္ပုပ္ပါဒ္ဓိတဉာဏစာရတာယ၊

၁-ဒိ-ဋ္ဌ ၁-၁၄-ပိဋေ။ ၂-အဘာဝေါ အပ္ပုပ္ပါဒ္ဓိတ... (က)၊ မ-ဒိ ၁-နိဒါနဝဏ္ဏနာ ပဿိတဗ္ဗာ။

ကေပုမာဏတ္တာ စ ဥေယျဓမ္မေသု။ တထာ အာစရိယမုဋ္ဌိဓမ္မမစ္ဆရိယ-
 သတ္တုသဘာဝကာနုရောဓာဘာဝတော ဒီဏာသဝတ္တသိဋ္ဌိ။ ဒီဏာသဝတာယ
 ဟိဿ အာစရိယမုဋ္ဌိအာဒိနံ အဘာဝေါ, ဝိသုဒ္ဓါ စ ပရာနုဂ္ဂဟပဝတ္တိ။
 ဣတိ ဒေသကဒေါသဘူတာနံ ဒိဋ္ဌိစာရိတ္တသမ္ပတ္တိဒူသကာနံ အဝိဇ္ဇာတဏှာနံ
 အဘာဝသူစကေဟိ, ဉာဏပုဟာနသမ္ပဒါဘိဗျဉ္ဇနကေဟိ စ သမ္မုဒ္ဓုဝိသုဒ္ဓ-
 ဘာဝေဟိ ပုရိမဝေသာရဇ္ဇဒ္ဓယသိဋ္ဌိ၊ တတော ဧဝ စ အန္တရာယိကနိယျာနိက-
 ဓမ္မေသု သမ္မောဟာဘာဝသိဋ္ဌိတော ပစ္ဆိမဝေသာရဇ္ဇဒ္ဓယသိဋ္ဌိတိ ဘဂဝတော
 စတုဝေသာရဇ္ဇသမန္တာဂမော, အတ္တဟိတပရဟိတပုဋိပတ္တိ စ ပကာသ်တာ
 ဟောတိ နိဒါနဝစနေန သမ္ပတ္တပရိသာယ အဇ္ဈာသယာနုရူပံ ဌာနုပုတ္တိ-
 ကပုဋိဘာနေန ဓမ္မဒေသနာဒီပနတော, “ဇာနတာ ပဿတာ”တိအာဒိ-
 ဝစနတော စ။ တေန ဝုတ္တံ “သတ္ထုသိဋ္ဌိယာ နိဒါနဝစန”န္တိ။

တထာ သတ္ထုသိဋ္ဌိယာ နိဒါနဝစနံ။ ဉာဏကရဏာပရိဂ္ဂဟိတသဗ္ဗကိရိယဿ
 ဟိ ဘဂဝတော နတ္ထိ နိရတ္တိကာ ပဝတ္တိ, အတ္တဟိတတ္တာ ဝါ၊ တသ္မာ ပရေ-
 သံယေဝ အတ္တာယ ပဝတ္တသဗ္ဗကိရိယဿ သမ္မာသမ္မုဒ္ဓဿ သကလမ္ပိ ကာယဝစိ-
 မနောကမ္မံသတ္ထုဘူတံ၊ န ကဗျရစနာဒိသာသနဘူတံ။ တေန ဝုတ္တံ “သတ္ထုသိဋ္ဌိ-
 ယာ နိဒါနဝစန”န္တိ။ အပိစ သတ္ထုနော ပမာဏဘူတတာဝိဘာဝနေန
 သာသနဿ ပမာဏဘာဝသိဋ္ဌိယာ နိဒါနဝစနံ။ “ဘဂဝတာ”တိ ဟိ ဣမိနာ
 တထာဂတဿ ဂုဏဝိသိဋ္ဌသတ္တုတ္တမာဒိဘာဝဒီပနေန, “ဇာနတာ”တိအာဒိနာ
 အာသယာနုသယဉာဏာဒီပယောဂဒီပနေန စ အယမတ္ထော သာမိတော
 ဟောတိ။ ဣဒမေတ္ထ နိဒါနဝစနပယောဇနဿ မုခမတ္တဒဿနံ။ ကော ဟိ
 သမတ္ထော ဗုဒ္ဓါနုဗုဒ္ဓေန ဓမ္မဘဏှာဂါရိကေန ဘာသိတဿ နိဒါနဿ
 ပယောဇနာနိ နိရဝသေသတော ဝိဘာဝေတုန္တိ။

နိဒါနဝတ္ထနာ နိဋ္ဌိတာ။

၅။ နိက္ခိတ္တဿာတိ ဒေသိတဿ။ ဒေသနာပိ ဟိ ဒေသေတဗ္ဗဿ သီလာဒိ-
 အတ္တဿ ဝိနေယျသန္တာနေသု နိက္ခိပနတော “နိက္ခေပေါ”တိ ဝုစ္စတိ။ တတ္ထ
 ယထာ အနေကသတအနေကသဟဿဘေဒါနိပိ သုတ္တန္တာနိ သံကိလေသ-
 ဘာဂိယာဒိသာသနပုဋ္ဌာနနယေန သောဠသဝိဓတံ နာတိဝတ္တန္တိ၊ ဧဝံ
 အတ္တဇ္ဈာသယာဒိသုတ္တနိက္ခေပဝသေန စတုဗ္ဗိဘောဝန္တိ အာဟ “စတ္တာဇော
 သုတ္တနိက္ခေပေါ”တိ။ ကာမဇ္ဈေတ္တ အတ္တဇ္ဈာသယဿ, အဠုပ္ပတ္တိယာ စ

၁-.....သာသနသဘာဝကာ (မ-၇၂ ၁)

ပရဇ္ဈာသယပုစ္ဆာဟိ သဒ္ဓိံ သံသဂ္ဂဘေဒေါ သမ္ဘဝတိ အဇ္ဈာသယပုစ္ဆာနုသန္ဓိ-
သမ္ဘာဝတော၊ အတ္တဇ္ဈာသယအဋ္ဌပ္ပတ္တိနံ ပန အညမညံ သံသဂ္ဂေါ နတ္ထိတိ
နယိမ နိရဝသေသော ဝိတ္တာရနယော သမ္ဘဝတိ၊ တသ္မာ “စက္ကာရော
သုတ္တနိက္ခေပါ”တိ ဝုတ္တံ။ အထ ဝါ ယဒိပိ အဋ္ဌပ္ပတ္တိယာ အဇ္ဈာသယေန
သိယာ သံသဂ္ဂဘေဒေါ၊ တဒန္တောဂဓတ္တာ ပန သေသနိက္ခေပါနံ မူလနိက္ခေပ-
ဝသေန စက္ကာရောဝ ဒဿိတာတိ ဒဋ္ဌဗ္ဗံ။ သော ပနာယံ သုတ္တနိက္ခေပေါ
သာမညဘာဝတော ပဌမံ ဝိစာရေတဗ္ဗော၊ တသ္မိံ ဝိစာရိတေ ယဿာ
အဋ္ဌပ္ပတ္တိယာ ဣဒံ သုတ္တံ နိက္ခိတ္တံ၊ တဿာ ဝိဘာဂဝသေန “မမံ ဝါ
ဘိက္ခဝေ”တိအာဒိနာ၊ “အပ္ပမတ္တကံ ခေါ ပနေတ”န္တိအာဒိနာ၊ “အတ္ထိ
ဘိက္ခဝေ”တိအာဒိနာ၊ စ ပဝတ္တာနံ သုတ္တာနံ သုတ္တပဒေသာနံ ဝဏ္ဏနာ
ဝုစ္စမာနာ တံတံအနုသန္ဓိဒဿနသုခတာယ သုဝိညေယျာ ဟောတိတိ အာဟ
“သုတ္တနိက္ခေပံ ဝိစာရေတွာ ဝုစ္စမာနာ ပါကဋ္ဌာ ဟောတိ”တိ။

“သုတ္တနိက္ခေပါ”တိအာဒိသု နိက္ခိပနံ နိက္ခေပေါ၊ သုတ္တဿ နိက္ခေပေါ
သုတ္တဿ ကထနံ သုတ္တနိက္ခေပေါ၊ သုတ္တဒေသနာတိ အတ္ထော။ နိက္ခိဝိယတိတိ
ဝါ နိက္ခေပေါ၊ သုတ္တံယေဝ နိက္ခေပေါ သုတ္တနိက္ခေပေါ။ အတ္တနော အဇ္ဈာ-
သယော အတ္တဇ္ဈာသယော၊ သော အဿ အတ္ထိ သုတ္တဒေသနာကာရဏ-
ဘူတောတိ အတ္တဇ္ဈာသယော။ အတ္တနော အဇ္ဈာသယော တေဿာတိ ဝါ
အတ္တဇ္ဈာသယော။ ပရဇ္ဈာသယောတိ ဧတ္ထာပိ ဧသေဝ နယော။ ပုစ္ဆာယ
ဝသော ပုစ္ဆာဝသော၊ သော တေဿ အတ္ထိတိ ပုစ္ဆာဝသိကော။ အရဏီ-
ယတော အတ္ထော၊ သုတ္တဒေသနာယ ဝတ္ထု။ အတ္တဿ ဥပ္ပတ္တိ အတ္ထပ္ပတ္တိ၊
အတ္ထပ္ပတ္တိယေဝ အဋ္ဌပ္ပတ္တိ၊ သာ တေဿ အတ္ထိတိ အဋ္ဌပ္ပတ္တိကော။ အထ ဝါ
နိက္ခိဝိယတိ သုတ္တံ တေတနာတိ သုတ္တနိက္ခေပေါ၊ အတ္တဇ္ဈာသယာဒိ ဧဝ။ တေသ္မိံ
ပန အတ္ထဝိကပ္ပေ အတ္တနော အဇ္ဈာသယော အတ္တဇ္ဈာသယော၊ ပရေသံ
အဇ္ဈာသယော ပရဇ္ဈာသယော၊ ပုစ္ဆိယတိတိ ပုစ္ဆာ၊ ပုစ္ဆိတဗ္ဗော အတ္ထော။
သောတဗ္ဗဝသပ္ပဝတ္တံ ဓမ္မပ္ပဋိဂ္ဂါဟကာနံ ဝစနံ ပုစ္ဆာဝသိကာ၊ တဒေဝ
နိက္ခေပ-သဒ္ဓါပေက္ခာယ ပုလိင်္ဂဝသေန ဝုတ္တံ “ပုစ္ဆာဝသိကော”တိ။ တထာ
အဋ္ဌပ္ပတ္တိယေဝ အဋ္ဌပ္ပတ္တိကောတိ ဧဝဓမ္မတ္ထ အတ္ထော ဝေဒိတဗ္ဗော။

ဧတ္ထ စ ပရေသံ ဣန္ဒြိယပရိပါကာဒိကာရဏနိရပေက္ခတာ အတ္တဇ္ဈာသယဿ
ဝိသု နိက္ခေပဘာဝေါ ယုတ္တော။ တေနောဟ “ကေဝလံ အတ္တနော အဇ္ဈာ-
သယေနော ကထေတိ”တိ။ ပရဇ္ဈာသယပုစ္ဆာဝသိကာနံ ပန ပရေသံ

အဇ္ဈာသယပုစ္ဆာနံ ဒေသနာနိဗ္ဗိတ္တဘူတာနံ ဥပ္ပတ္တိယံ ပဝတ္တိတာနံ ကထံ အဋ္ဌပ္ပတ္တိယံ အနဝရောဓော၊ ပုစ္ဆာဝသိကအဋ္ဌပ္ပတ္တိကာနံ ဝါ ပရဇ္ဈာသယာနုရောဓေန ပဝတ္တိဘဒေသနတ္တာ ကထံ ပရဇ္ဈာသယေ အနဝရောဓောတိ န စောဒေတဗ္ဗမေတံ။ ပရေသဉ္စိ အဘိနိဟာရပရိပုစ္ဆာဒိဝိနိမုတ္တသေဝ သုတ္တဒေသနာကာရဏုပ္ပါဒဿ အဋ္ဌပ္ပတ္တိဘာဝေန ဂဟိတတ္တာ ပရဇ္ဈာသယပုစ္ဆာဝသိကာနံ ဝိသုဂဟဏံ။ တထာ ဟိ ဓမ္မဒါယာဒသုတ္တာဒိနံ အာမိသုပ္ပါဒါဒိဒေသနာနိမိတ္တံ “အဋ္ဌပ္ပတ္တိ”တိ ဝုစ္စတိ။ ပရေသံ ပုစ္ဆံ ဝိနာ အဇ္ဈာသယမေဝ နိမိတ္တံ ကတွာ ဒေသိတော ပရဇ္ဈာသယော၊ ပုစ္ဆာဝသေန ဒေသိတော ပုစ္ဆာဝသိကောတိ ပါကဠောယမတ္ထောတိ။ အတ္တနော အဇ္ဈာသယေနော ကထေသိ ဓမ္မတန္တိဌပနတ္တန္တိ ဒဋ္ဌဗ္ဗံ။ သမ္မပ္ပဓာနသုတ္တန္တ ဟာရကောတိ အနုပုဗ္ဗေန နိဋ္ဌိဋ္ဌာနံ သံယုတ္တကေ သမ္မပ္ပဓာနပဋိသံယုတ္တာနံ သုတ္တာနံ အာဝဋ္ဌိ၊ တထာ ဣဒ္ဓိပါဒဟာရကာဒိ။ ဝိမုတ္တိပရိပါဝနိယာ ဓမ္မာ သဒ္ဓိန္ဒြိယာဒယော။ အဘိနိဟာရန္တိ ဖဏိဓာနံ။

ဝဏ္ဏာဝဏ္ဏတိ ဧတ္ထ “အစ္ဆရိယံ အာဝုသော”တိအာဒိနာ ဘိက္ခုသံဃေန ဝုတ္တောဝဏ္ဏောပိသင်္ဂဟိတော၊ တံ ပန အဋ္ဌပ္ပတ္တိံ ကတွာ “အတ္ထိ ဘိက္ခဝေ အညေစ ဓမ္မာ”တိ အာဒိနာ ဥပရိ ဒေသနံ အာရဘိဿတိတိ။ “မမံ ဝါ ဘိက္ခဝေ ပရေဝဏ္ဏံ ဘာသေယျ”န္တိ ဣမိဿာ ဒေသနာယ ဗြဟ္မဒတ္တေန ဝုတ္တဝဏ္ဏော အဋ္ဌပ္ပတ္တိတိကတွာ ဝုတ္တံ “အန္တေဝါသီ ဝဏ္ဏံ။ ဣတိ ဣမံ ဝဏ္ဏာဝဏ္ဏံ အဋ္ဌပ္ပတ္တိံ ကတွာ”တိ။ ဝါ-သဒ္ဓေါ ဥပမာနသမုစ္စယသံသယဝဝဿဂ္ဂပဒပူရဏဝိကပ္ပါဒိသုဗဟူသု အတ္ထေသု ဒိဿတိ။ တထာ ဟေသ “ပဏ္ဍိတော ဝါပိ ဝေေန သော”တိ-အာဒိသု၊ ဥပမာနေ ဒိဿတိ၊ သဒိသဘာဝေတိ အတ္ထော။ “တံ ဝါပိ ဝိရာမုနိ ဝေဒယန္တိ”တိအာဒိသု၊ သမုစ္စယေ၊ “ကေ ဝါ ဣမေ၊ ကဿ ဝါ”တိ-အာဒိသု၊ သံသယေ၊ “အယံ ဝါ ဣမေသံ သမဏဗြာဟ္မဏာနံ သဗ္ဗဗာလော သဗ္ဗမူဠော”တိအာဒိသု၊ ဝဝဿဂ္ဂေ၊ “န ဝါယံ ကုမာရကောမတ္တမညာသိ”တိ-အာဒိသု၊ ပဒပူရဏေ၊ “ယေ ဟိ ကေစိ ဘိက္ခဝေ သမဏာ ဝါ ဗြာဟ္မဏာ ဝါ”တိအာဒိသု၊ ဝိကပ္ပေ၊ ဣဓာယံ ဝိကပ္ပယေဝါတိ ဒေသေန္တော အာဟ “ဝါ-သဒ္ဓေါ ဝိကပ္ပနတ္ထော”တိ။ ပရ-သဒ္ဓေါ အတ္ထေဝ အညတ္ထေ “အဟဉ္ဇေဝ ခေါ ပန ဓမ္မံ ဒေသေယျ၊ ပရေ စ မေ န အာဇာနေယျ”န္တိအာဒိသု၊ အတ္ထိ

၁-မ ၁-၁၅-ပိဋေ။	၂-ခု ၁-၂၂-ပိဋေ ဓမ္မပဒေ။	၃-ခု ၁-၃၀၃-ပိဋေ သုတ္တနိပါတေ။
၄-ဝိ ၁-၁၃၇-ပိဋေ။		၅-ဒီ ၁-၇၅-ပိဋေ။
၆-သံ ၁-၄၁၁-ပိဋေ။		၇-မ ၁-၁၂၂-ပိဋာဒိသု။
၈-ဒီ ၂-၃၁၃၂၊ မ ၁-၂၂၄၊ မ ၂-၂၉၁၊ သံ ၁-၁၃၈၊ ဝိပ-၅၇၊ ဝိ-ပိဋေသု။		

အဓိကေ “ဣန္ဒြိယပရောပရိယတ္တဉာဏ” နှိအာဒိသု၊ အတ္ထိ ပစ္စာဘာဂေ “ပရတောအာဂမိဿတိ” တိအာဒိသု။ အတ္ထိ ပစ္စနိကဘာဂေ “ဥပ္ပန္နံ ပရပ္ပဝါဒံ သဟဓမ္မေန သုနိဂ္ဂဟိတံ နိဂ္ဂဟေတွာ” တိအာဒိသု။ ဣဓာပိ ပစ္စနိကဘာဂေတိ ဒဿေန္တော အာဟာ “ပရေတိ ပဋိဝိရုဒ္ဓါ” တိ။

ဤဒိသေသုပီတိ ဧတ္ထ ဝိ-သဒ္ဓေါ သမ္ဘာဝနေ၊ တေန ရတနတ္ထယ-
နိမိတ္တမ္ပိ အကုသလစိတ္တပ္ပဝတ္တိ န ကာတဗ္ဗာ၊ ပဂေဝ ဝဇ္ဇာမိသလောကာမိသ-
နိမိတ္တန္တိ ဒဿေတိ။ သဘာဝဓမ္မတော အညဿ ကတ္ထု အဘာဝဇောတနတ္ထံ
အာဟနတိတိ ကတ္ထုအတ္ထေ အာဃာတသဒ္ဓိ ဒဿေတိ၊ တတ္ထ အာဟနတိတိ
ဟိံသတိ ဝိဗာဓတိ၊ ဥပတာပေတိ စာတံ အတ္ထော။ အာဟနတိ ဧတေန၊
အာဟနနမတ္ထံ ဝါ အာဃာတောတိ ကရဏဘာဝတ္ထာပိ သမ္ဘဝန္တိယေဝ။
ဧဝံ အဝယဝဘေဒနေန အာဃာတ-သဒ္ဓဿ အတ္ထံ ဝတွာ ဣဒါနိ တတ္ထ
ပရိယာယေနပိ အတ္ထံ ဒဿေန္တော “ကောပဿေတံ အဓိဝေဓန” နှိ အာဟ။
အယဉ္ဇ နယော “အပ္ပစ္စယော အနဘိရုဒ္ဓိ” တိအာဒိသုပိ ယထာသမ္ဘဝံ ဝတ္ထဗ္ဗော။
အပ္ပတိတာ ဟောန္တိ တေနာတိ ပါကဠပရိယာယေန အပ္ပစ္စယ-သဒ္ဓဿ
အတ္ထဒဿနံ၊ တံမုခေန ပန န ပစ္စေတိ တေနာတိ အပ္ပစ္စယောတိ ဒဠဗ္ဗံ။
အဘိရာဓေတိတိ သာဓေတိ။ ဒွိဟိတိ အာဃာတအနဘိရုဒ္ဓိပဒေဟိ။ ကေ-
နာတိ အပ္ပစ္စယပဒေန။ သေသာနန္တိ သညာဝိညာဏက္ခန္ဓာနံ၊ သညာဝိညာဏ-
အဝသိဋ္ဌသင်္ခါရက္ခန္ဓသင်္ခါတာနံ ဝါ။ ကရဏန္တိ ဥပ္ပါဒနံ။ အာဃာတာဒိနဉ္စိ
ပဝတ္တိယာ ပစ္စယသမဝါယနံ ဣဓ “ကရဏ” နှိ ဝုတ္တံ၊ တံ ပန အတ္ထတော
ဥပ္ပါဒနမေဝ။ အနုပ္ပါဒနဉ္စိ သန္ဓာယ ဘဂဝတာ “န ကရဏီယာ” တိ ဝုတ္တန္တိ။
ပဋိက္ခိတ္တမေဝ ကေုပ္ပါဒေကဝတ္ထုကေကာရဗ္ဗဏေကနိရောဘောဝတော။

တတ္ထာတိ တသ္မိံ မနောပဒေါသေ။ တုမှန္တိ “တုမှာက” နှိ ဣမိနာ သမာ-
နတ္ထော ဧကော သဒ္ဓေါ “ယထာ အမှာက” နှိ ဣမိနာ သမာနတ္ထော “အမှ” နှိ
အယံ သဒ္ဓေါ။ ယထာဟ “တသ္မာ ဟိ အမှံ ဒဟရာ န မိယျရေ” တိ၊ “အန္တရာ-
ယော” တိ ဣဒံ မနောပဒေါသဿ အကရဏီယတာယ ကာရဏဝေဓနံ။ ယသ္မာ
တုမှာကံသေဝ စ ဘဝေယျ တေန ကောပါဒိနာ ပဌမဇ္ဈာနာဒိနံ အန္တရာယော၊
တသ္မာတေ ကောပါဒိပရိယာယေန ဝုတ္တာ အာဃာတာဒယော န ကရဏီယာတိ
အတ္ထော။ တေန နာဟံ “သဗ္ဗညု” တိ ဣဿရဘာဝေန တုမှေ တတော
နိဝါရေမိ၊ အထ ခေါ ဣမိနာ နာမ ကာရဏေနာတိ ဒဿေတိ။ တံ ပန

ကာရဏဝစနံ ယသ္မာ အာဒိနဝရိဘာဝနံ ဟောတိ၊ တသ္မာ အာဟ “အာဒိ-
နဝံ ဒဿေန္တော”တိ။ “အဝိ နု ဟုဗ္ဗေ”တိအာဒိနာ မနောပဒေါသော န
ကာလန္တရဘာဝိနောယေဝ ဟိတသုခဿ အန္တရာယကရော၊ အထ ခေါ
တင်္ဂဏပ္ပဝတ္တိရဟဿပိ ဟိတသုခဿ အန္တရာယကရောတိ မနောပဒေါသေ
အာဒိနဝံ ဒဠ္ဇတရံ ကတွာ ဒဿေတိ။ ယေသံ ကေသဉ္စိ “ပရေ”တိအာဒိသု
ဝိယ န ပဋိဝိရုဒ္ဓါနိယေဝါတိ အတ္ထော။ တေနောဂါဟ “ကုပိတော”တိအာဒိ။

အန္တတမန္တိ အန္တဘာဝကရတမံ။ ယန္တိ ယတ္ထ။ ဘုဗ္ဗတ္ထေ ဟိ ဧတံ ပစ္စတ္တဝစနံ။
ယသ္မိံ ကာလေ ကောဓော သဟတေ နရံ၊ အန္တတမံ တဒါ ဟောတိတိ
သမ္ပန္နော။ ယန္တိ ဝါ ကာရဏဝစနံ၊ ယသ္မာ ကောဓော ဥပ္ပဇ္ဇမာနော နရံ
အဘိဘဝတိ၊ တသ္မာ အန္တတမံ တဒါ ဟောတိ၊ ယဒါ ကောဓောတိ အတ္ထော
ယံ တံ-သဒ္ဓါနံ ကေန္တသမ္ပန္နိဘာဝတော။ အထ ဝါ ယန္တိ ကိရိယာယ ပရာမသနံ။
ကောဓော သဟတေတိ ယဒေတံ ကောဓဿ သဟနံ အဘိဘဝနံ၊ ဧတံ
အန္တကာရတမဘဝနန္တိ အတ္ထော။ အထ ဝါ ယံ နရံ ကောဓော သဟတေ
အဘိဘဝတိ၊ တဿ အန္တတမံ တဒါ ဟောတိ၊ တတော စ ကုဒ္ဓေါ အတ္ထံ
န ဇာနာတိ၊ ကုဒ္ဓေါ ဓမ္မံ န ပဿတိတိ။ အန္တရတောတိ အပ္ပန္တရတော၊
စိတ္တတော ဝါ။

“ဣဒဉ္စိဒဉ္စ ကာရဏ”န္တိ ဣမိနာ သဗ္ဗညု ဧဝ အမှာကံ သတ္တာ အဝိပရိတ-
ဓမ္မဒေသနတ္တာ၊ သွာက္ခာတော ဓမ္မော ကေန္တနိယျာနိကတ္တာ၊ သုပ္ပဋိပန္နော
သံသော သံကိလေသရဟိတတ္တာတိ ဣမမတ္ထံ ဒဿေတိ။ “ဣဒဉ္စိဒဉ္စ ကာရဏ”န္တိ
ဧတေန စ “န သဗ္ဗညု”တိအာဒိဝစနံ အဘူတံ အတစ္ဆန္တိ နိဗ္ဗေဋ္ဌိတံ ဟောတိ။
ဒုတိယံ ပဒန္တိ “အတစ္ဆ”န္တိ ပဒံ။ ပဌမဿာတိ “အဘူတ”န္တိ ပဒဿ။
စတုတ္ထဉ္စာတိ “န စ ပနေတံ အမှေသု သံဝိဇ္ဇတိ”တိ ပဒံ။ တတိယဿာတိ “နတ္ထိ
စေတံ အမှေသု”တိ ပဒဿ။ အဝဏ္ဏေယေဝါတိ ကာရဏပတိရူပကံ ဝတွာ
ဒေါသပတိဋ္ဌာပနဝသေန နိန္ဒနေ ဧဝ။ န သဗ္ဗတ္တာတိ ကေဝလံ အက္ခောသန-
နံသနဝဟနာဒိသု န ကေန္တေန နိဗ္ဗေဋ္ဌနံ ကာတဗ္ဗန္တိ အတ္ထော။ ဝုတ္တမေဝတ္ထံ
“ယဒိ ဟိ”တိအာဒိနာ ပါကဋံ ကတွာ ဒဿေတိ။

၆။ အာနန္တန္တိ ပမောဒန္တိ ဧတေန ဓမ္မေန တံသမင်္ဂီနော သတ္တာတိ
အာနန္တ-သဒ္ဓဿ ကရဏတ္ထတံ ဒဿေတိ။ သောဘနံ မနော အဿာတိ
သုမနော၊ သောဘနံ ဝါ မနော သုမနော၊ တဿ ဘာဝေါ သောမနဿန္တိ
တဒညဓမ္မာနမ္ပိ သမ္ပယုတ္တာနံ သောမနဿဘာဝေါ အာပဇ္ဇတိတိ? နာပဇ္ဇတိ

ကညွာ ပနေတန္တိ စ ဝက္ခမာနံယေဝ အတ္ထံ မနသိ ကတွာ စောဒေတိ။ အာစရိယော “သစ္စံ ဝဏ္ဏိတ”န္တိ တမတ္ထံ ပဋိဇာနိတွာ “တံ ပန နေက္ခမ္မ-နိဿိတ”န္တိ အာဒိနာ ပရိဟရတိ။ တတ္ထ တေန္တိ အာနန္ဒာဒီနံ အကရ-ဏီယတာဝစနံ။ နန ဘဂဝတာ ဝဏ္ဏိတန္တိ သမ္ပန္နော။ ကသိဏေနာတိ ကသိဏတာယ သကလဘာဝေန။ ကေမိ ပန “ဇမ္ဗုဒ္ဓိပဿာတိ ကရဏေ သာမိဝစန”န္တိ ဝဒန္တိ။ တေသံ မတေန ကသိဏဇမ္ဗုဒ္ဓိပ-သဒ္ဓါနံ သမာ-နာမိကရဏဘာဝေါ ဒဋ္ဌဗ္ဗော။ တဿာတိ ယသ္မာ ဂေဟသိတပီတိ-သောမနဿံ ဈာနာဒီနံ အန္တရာယကရံ၊ တသ္မာ။ ဂုတ္တဉ္ဇေတံ ဘဂဝတာ “သောမနဿမ္မာဟံ ဒေဝါနမိန္ဒ ဒုဝိဓေန ဝဒါမိ သေဝိတဗ္ဗမ္ပိ အသေဝိ-တဗ္ဗမ္ပိ”တိ။ “အယဉ္ဇိ”တိအာဒိ ယေန သမ္ပယုတ္တာ ပီတိ အန္တရာယကရံ၊ တံဒဿနတ္ထံ ဂုတ္တံ။ တတ္ထ “ဣဒဉ္ဇိ လောဘသဟဂတံ ပီတိသောမနဿ”န္တိ ဝတ္ထဗ္ဗံ သိယာ၊ ပီတိဂ္ဂဟဏေန ပန သောမနဿမ္ပိ ဂဟိတမေဝ ဟောတိ သောမနဿရဟိတာယ ပီတိယာ အဘာဝတောတိ ပီတိယေဝ ဂဟိတာတိ ဒဋ္ဌဗ္ဗံ။ အထ ဝါ သေဝိတဗ္ဗာသေဝိတဗ္ဗဝိဘာဂဝစနတော သောမနဿဿ ပါကဠော အန္တရာယကရဘာဝေါ၊ န တထာ ပီတိယာတိ ပီတိယေဝ

လောဘသဟဂတတ္တေန ဝိသေသေတွာ ဝုတ္တာ။ “လုဒ္ဓေါ အတ္ထ”န္တိအာဒိ-
ဂါထာနံ “ကုဒ္ဓေါ အတ္ထ”န္တိအာဒိဂါထာသု ဝိယ အတ္ထော ဒဋ္ဌဗ္ဗော။

“မမံ ဝါ ဘိက္ခဝေ ပရေ ဝဏ္ဏံ ဘာသေယျံ၊ ဓမ္မဿ ဝါ ဝဏ္ဏံ
ဘာသေယျံ၊ သံဃဿ ဝါ ဝဏ္ဏံ ဘာသေယျံ၊ တတြ စေ တုမေ အဿထ
အာနန္တိနော သုမနာ ဥဗ္ဗိလာဝိတာ၊ အပိ န တုမေ ပရေသံ သုဘာသိတဒုပ္ပာ-
သိတံ အာဇာနေယျာထာတိ။ နော ဟေတံ ဘန္တေ”တိ အယံ တတိယဝါရော၊
သော ဒေသနာကာလေ နိဟရိတွာ ဒေသေတဗ္ဗပုဂ္ဂလာဘာဝတော ဒေသနာယ
အနာဂတောပိ တဒတ္တသမ္ဘဝတော အတ္တတော အာဂတောယေဝါတိ ဒဋ္ဌဗ္ဗော
ယထာ တံ ကထာဝတ္ထုပကရဏံ ဝိတ္တာရဝသေနာတိ အဓိပ္ပါယော။ “အတ္တတော
အာဂတောယေဝါ”တိ ဧတေန သံဝဏ္ဏနာကာလေ တထာ ပုဇ္ဈနကသတ္တာနံ
ဝသေန သော ဝါရော အာနေတွာ ဝတ္တဗ္ဗောတိ ဒေသေတိ။ “ယထေဝ ဟိ”တိ-
အာဒိနာ တမေဝတ္ထသမ္ဘဝံ ဝိဘာဝေတိ။ ဝုတ္တနယေနာတိ “တတြ တုမေဟိတိ
တသ္မိံ ဝဏ္ဏေ တုမေဟိ”တိအာဒိနာ၊ “ဒုတိယံ ပဒံ ပဌမဿ ပဒသံ၊ ဧတေဉ္စ
တတိယဿ ဝေဝစန”န္တိအာဒိနာ စ ဝုတ္တနယေန။

ဂူဠသီလဝဏ္ဏနာ

၇။ နိဝဇ္ဇော အမူလကတ္တာ^၁ ဝိသေသေတဗ္ဗတဘာဝတော။ အနုဝတ္တတိ-
ယေဝ ဝိသေသေတဗ္ဗတယ အဓိကတဘာဝတော။ အနုသန္တိံ ဒေသေသတိ “အတ္ထိ
ဘိက္ခဝေ”တိအာဒိနာ။ ဩရန္တိ ဝါ အပရဘာဂေါ “ဩရတော ဘောဂံ၊ ဩရံ
ပါရ”န္တိအာဒိသု ဝိယ။ အထ ဝါ ဟေဋ္ဌာအတ္ထော ဩရ-သဒ္ဓေါ “ဩရံ
အာဂမနာယ ယေ ပစ္စယာ၊ တေ ဩရန္တာဂိယာနိ သံယောဇနာနိ”တိအာဒိသု
ဝိယ။ သီလဉ္စိ သမာဓိပညာယော အပေက္ခိတွာ အပရဘာဂေါ၊ ဟေဋ္ဌာဘူတဉ္စ
ဟောတိတိ။ သီလမတ္တကန္တိ ဧတ္ထ မတ္တ-သဒ္ဓေါ အပ္ပကတ္ထော ဝါ “ဘေသဇ္ဇ-
မတ္တာ”တိအာဒိသု^၂ ဝိယ။ ဝိသေသနိဝတ္တိအတ္ထော ဝါ “အဝိတက္ကဝိစာရမတ္တာ
ဓမ္မာ^၃၊ မနောမတ္တာ ဓာတု မနောဓာတူ”တိ စ အာဒိသု ဝိယ။ “အပ္ပမတ္တကံ၊
ဩရမတ္တက”န္တိ ပဒဒ္ဓယေန သာမညတော ဝုတ္တောယေဝ ဟိ အတ္ထော သီလ-
မတ္တကန္တိ ဝိသေသဝသေန ဝုတ္တော။ အထ ဝါ သီလေနပိ တဒေကဒေသသေဝ

၁-အမူလကတာယ (?)

၃-ဒီ ၁-၁၀၀-ပိဋေ။

၂-ဒီ ၃-၅၉-ပိဋေ။

၄-အဘိဓ-၂-ပိဋေ။

သင်္ဂဟဏတ္ထံ အပ္ပကတ္ထဝါစကော၊ ဝိသေသနိဝတ္တိအတ္ထော ဧဝံ ဝါ “သီလမတ္တက” နှိတ္တိတ္ထေ မတ္တ-သဒ္ဓေါ ဝုတ္တော။ တထာ ဟံ ဣန္ဒြိယသံဝရပစ္စယသန္တိသိတသီလာနံ ဣဓ ဒေသနံ အနာရဋ္ဌာနိ။ န ဟိ တာနိ ပါတိမောက္ခအာဇီဝပါရိသုဒ္ဓိသီလာနိ ဝိယ သဗ္ဗပုထုဇ္ဇနေသု ပါကဋ္ဌာနိတိ။ “ဥဿာဟံ ကတွာ”တိ တေတေန “ဝဒမာနော”တိ ဧတ္ထ သတ္တိအတ္ထံ မာန-သဒ္ဓိံ ဒေသေတိ။

အလင်္ကရဏံ ဝိဘူသနံ အလင်္ကာရော၊ ကုဏ္ဍလာဒိပသာဓနံ ဝါ။ ဦးနဋ္ဌာန-ပူရဏံ မဏ္ဍနံ။ မဏ္ဍနေတိ မဏ္ဍနဟေတု။ အထ ဝါ မဏ္ဍတိတိ မဏ္ဍနေတိ။ မဏ္ဍနဇာတိကော ပုရိသော။ ဗဟုဝစနတ္ထေ စ ဣဒံ ဧကဝစနံ၊ မဏ္ဍနသီလေသုတိ အတ္ထော။ ပရိပူရဏာရိတိ ဧတ္ထ ဣတိ-သဒ္ဓေါ အာဒိအတ္ထော၊ ပကာရတ္ထော ဝါ။ တေန သကလမ္ပိ သီလထောမနသုတ္တံ ဒေသေတိ။ စန္ဒနန္တိ စန္ဒနသဟစရဏတော စန္ဒနဂန္ဓော၊ တထာ တဂရာဒိသုပိ။ သတဉ္စ ဂန္ဓောတိ ဧတ္ထ ဂန္ဓော ဝိယာတိ ဂန္ဓောတိ ဝုတ္တော သီလနိဗန္ဓနေတိ ထုတိသောသော။ သီလဉ္စိ ကိတ္တိယာ နိမိတ္တံ။ ယထာဟ “သီလဝတော သီလသမ္ပန္နဿ ကလျာဏော ကိတ္တိသဒ္ဓေါ အတ္တဂစ္ဆတိ”တိ။ ပဝါယတိတိ ပကာသတိ။ ဂန္ဓာဝဂန္ဓဇာတာ။

“အပ္ပကံ ဗဟုက” နှိတ္တိ ဣဒံ ပါရာပါရံ ဝိယ အညမညံ ဥပနိဓာယ ဝုစ္စတိတိ အာဟ “ဥပရိရဏေ ဥပနိဓာယာ”တိ။ သီလဉ္စိတိ ဧတ္ထ ဣတိ-သဒ္ဓေါ ဟေတုအတ္ထော၊ တေန ဣဒံ ဒေသေတိ “ယသ္မာ သီလံ ကိဉ္စာပိ ပတိဋ္ဌာတာဝေန သမာဓိဿ ဗဟုကာရံ၊ ပဘာဝါဒိရဏဝိသေသေ ပနဿ ဥပနိဓာယ ကလမ္ပိ န ဥပေတိ၊ တထာ သမာဓိ စ ပညာယာ”တိ။ တေနောဟ “တဗ္ဗာ”တိအာဒိ။ ဣဒါနိ “ကထ” နှိ ပုစ္ဆိတွာ သမာဓိဿ အာနုဘာဝံ ဝိတ္ထာရတော ဝိဘာဝေတိ။ “အဘိ။ပ။မူလေ”တိ ဣဒံ ယမက-ပါဠိဟာရိယဿ သုပါကဋ္ဌဘာဝဒဿနတ္ထံ၊ အညေဟိ ဗောဓိမူလဉ္စတိသမာ-ဂမာဒိသု ကတပါဠိဟာရိယေဟိ ဝိသေသနတ္ထဉ္စ ဝုတ္တံ။ ယမကပါဠိဟာရိယ-ကရဏတ္ထာယ ဟိ ဘဂဝတော စိတ္တေ ဥပ္ပန္နေ တဒနုစ္ဆရိကံ ဌာနံ ဣစ္ဆိတဗ္ဗန္တိ ရတနမဏ္ဍပါဒိ သက္ကဿ ဒေဝရညော အာဏာယ ဝိဿကမ္မုနာ နိမ္မိတန္တိ ဝဒန္တိ၊ ဘဂဝတာဝ နိမ္မိတန္တိ အပရေ။ “ယော ကောစိ ဧဝရူပံ ပါဠိဟာရိယံ ကာတုံ သမတ္ထော အတ္ထိ စေ၊ အာဂစ္ဆတူ”တိစောဒနာသဒိသတ္တာ ဝုတ္တံ “အတ္တာဒါနပရိဒီပန” နှိ။ တတ္ထ အတ္တာဒါနံ အနုယောဂေါ၊ တိတ္ထိယာနံ

တထာ ကာတုံ အသမတ္တတ္တာ, “ကရိဿာမာ”တိ ပုဗ္ဗေ ဥဠိတတ္တာ တိတ္ထိယ-
ပရိမဒ္ဓနံ။

ဥပရိမကာယတောတိအာဒိ ပဋိသန္တိဒါမဂ္ဂေ။

တတ္ထာယံ ပါဠိသေသော—

“ဟေဠိမကာယတော အဂ္ဂိက္ခန္ဓော ပဝတ္တတိ၊ ဥပရိမကာယတော ဥဒကဓာရာ ပဝတ္တတိ။ ပုရတ္ထိမကာယတော အဂ္ဂိ၊ ပစ္ဆိမကာယတော ဥဒက။ ပစ္ဆိမကာယတော အဂ္ဂိ၊ ပုရတ္ထိမကာယတော ဥဒက။ ဒက္ခိဏအက္ခိတော အဂ္ဂိ၊ ဝါမအက္ခိတော ဥဒက။ ဝါမအက္ခိတော အဂ္ဂိ၊ ဒက္ခိဏအက္ခိတော ဥဒက။ ဒက္ခိဏကဏ္ဍသောတတော အဂ္ဂိ၊ ဝါမကဏ္ဍသောတတော ဥဒက။ ဝါမကဏ္ဍသောတတော အဂ္ဂိ၊ ဒက္ခိဏကဏ္ဍသောတတော ဥဒက။ ဒက္ခိဏနာသိကာသောတတော အဂ္ဂိ၊ ဝါမနာသိကာသောတတော ဥဒက။ ဝါမနာသိကာသောတတော အဂ္ဂိ၊ ဒက္ခိဏနာသိကာသောတတော ဥဒက။ ဒက္ခိဏအံသကူဠတော အဂ္ဂိ၊ ဝါမအံသကူဠတော ဥဒက။ ဝါမအံသကူဠတော အဂ္ဂိ၊ ဒက္ခိဏအံသကူဠတော ဥဒက။ ဒက္ခိဏဟတ္ထတော အဂ္ဂိ၊ ဝါမဟတ္ထတော ဥဒက။ ဝါမဟတ္ထတော အဂ္ဂိ၊ ဒက္ခိဏဟတ္ထတော ဥဒက။ ဒက္ခိဏပဿတော အဂ္ဂိ၊ ဝါမပဿတော ဥဒက။ ဝါမပဿတော အဂ္ဂိ၊ ဒက္ခိဏပဿတော ဥဒက။ ဒက္ခိဏပါဒတော အဂ္ဂိ၊ ဝါမပါဒတော ဥဒက။ ဝါမပါဒတော အဂ္ဂိ၊ ဒက္ခိဏပါဒတော ဥဒက။ အင်္ဂုလင်္ဂလေဟိ အဂ္ဂိ၊ အင်္ဂုလန္တရိကာဟိ ဥဒက။ အင်္ဂုလန္တရိကာဟိ အဂ္ဂိ၊ အင်္ဂုလင်္ဂလေဟိ ဥဒက။ ဧကေကလောမတော အဂ္ဂိ၊ ဧကေကလောမတော ဥဒက။ လောမကူပတော လောမကူပတော အဂ္ဂိက္ခန္ဓော ပဝတ္တတိ၊ လောမကူပတော လောမကူပတော ဥဒကဓာရာ ပဝတ္တတိ”တိ ၂။

အဋ္ဌကထာယံ ပန “ဧကေကလောမကူပတော”တိ အာဂတံ။

“ဆန္တံ ဝဏ္ဏာနန္တိ အာဒိနယပ္ပဝတ္တ”န္တိ ဧတ္ထာပိ နိလာနံ ပီတကာနံ လောဟိ-
တကာနံ သြဒါတာနံ မဉ္ဇိဋ္ဌာနံ ပဘဿရာနန္တိ အယံ ပါဠိသေသော။ “သုဝဏ္ဏ-
ဝဏ္ဏာ ရသ္မိယော”တိ ဣဒံ တာသံ ယေဘုယျတာယ ဝုတ္တံ။ ဝိတ္ထာရေတဗ္ဗန္တိ

တ္ထောပိ “သတ္တာ တိဋ္ဌတိ၊ နိဗ္ဗိတော စက်မတိ ဝါ နိသီဒတိ ဝါ သေယျံ ဝါ ကပ္ပေတိ”တိအာဒိနာ စတုသု ဣရိယာပထေသု ဧကေကမူလကာ သတ္ထုဝသေန စတ္တာရော၊ နိဗ္ဗိတဝသေန စတ္တာရောတိ သဗ္ဗေဝ အဋ္ဌ ဝါရေ ဝိတ္တာရေတဗ္ဗံ။

မရုပါယာသန္တိ မရသိတ္တံ ပါယာသံ။ အတ္တာ မိတ္တော မဇ္ဈတ္တော ဝေရိတိ စတုသု သီမသမ္ဘေဒဝသေန စတုရင်္ဂသမန္တာဂတံ မေတ္တာကမ္မဋ္ဌာနံ။ “စတုရင်္ဂသမန္တာဂတ”န္တိ ဣဒံ ပန “ဝိရိယာမိဋ္ဌာန”န္တိ ဧတေနာပိ ယောဇေတဗ္ဗံ။ တတ္ထ “ကာမံ တစော စ နှာရ စာ”တိအာဒိပါဋိဝသေန စတုရင်္ဂသမန္တာဂတတာ ဝေဒိတဗ္ဗာ။ “ကိစ္ဆံ ဝတာယံ လောကော အာပန္နော”တိအာဒိနာ၊ ဇရာမရဏမုခေန ပစ္စယာကာရေ ဉာဏံ ဩတာရေတွာ။ အာနာပါနစတုတ္ထဈာနန္တိ တ္ထောပိ “သဗ္ဗုဒ္ဓါနံ အာစိဏ္ဏ”န္တိ ပဒံ ဝိဘတ္တိဝိပရိဏာမံ ကတွာ ယောဇေတဗ္ဗံ။ တဒ္ဓိ ဟိ သဗ္ဗုဒ္ဓါနံ အာစိဏ္ဏမေဝါတိ ဝဒန္တိ။ ဆတ္တိသကောဋိသတသဟဿမုခေန မဟာဝဇီရဉာဏဂစ္ဆံ ဂဏှာပေန္တော ဝိပဿနံ ဝစေတွာ။ ဒုတ္တိသဒေါဏဂဏှနပ္ပမာဏံ ကုဏ္ဏံ ကောလဗ္ဗော။ ဒရိဘာဂေါ ကန္တရော။ စက္ကဝါဠပါဒေသု မဟာသမုဒ္ဓေါ စက္ကဝါဠမဟာသမုဒ္ဓေါ။

“ပုထုဇ္ဇနာ”တိအာဒိ ပုထုဇ္ဇနေ လတ္တမာနဝိဘာဂဒဿနတ္ထံ ဝုတ္တံ၊ န မူလပရိယာယဝဏ္ဏနာဒိသု ဝိယ ပုထုဇ္ဇနဝိသေသနိဒ္ဓါရဏတ္ထံ။ သဗ္ဗောပိ ဟိ ပုထုဇ္ဇနော ဘဂဝတော ဥပရိ ဂုဏေ ဝိဘာဝေတုံ န သက္ကောတိ၊ တိဋ္ဌတု ပုထုဇ္ဇနော၊ သာဝကပစ္စေကဗုဒ္ဓါနမ္ဘိ အဝိသယာ ဗုဒ္ဓဂုဏာ။ တထာ ဟိ ဝက္ခတိ “သောတာပန္နာ”တိအာဒိ၊ ဝါစုဂ္ဂတကရဏံ ဥဂ္ဂဟော။ အတ္ထပရိပုစ္ဆနံ ပရိပုစ္ဆာ။ အဋ္ဌကထာဝဒဿန အတ္ထဿ သဝနံ သဝနံ။ ဗျဉ္ဇနတ္ထာနံ သုနိက္ခေပသုဒဿနေန ဓမ္မဿ ပရိဟရဏံ ဓာရဏံ။ ဧဝံ သုတဓာတပရိစိတာနံ မနသာနုပေက္ခနံ ပစ္စဝေက္ခဏံ။ ဗဟူနံ နာနပ္ပကာရာနံ ကိလေသာနံ သက္ကာယဒိဋ္ဌိယာ စ အဝိဟတတ္တာ တာ ဇနေန္တိ၊ တာဟိ ဝါ ဇနိတာတိ ပုထုဇ္ဇနာ။ အဝိသာတမေဝ ဝါ ဇန-သဒ္ဓေါ ဝဒတိ။ ပုထု သတ္တာရာနံ မုရုလ္လောကိကာတိ ဧတ္ထ ပုထု ဇနာ သတ္ထုပဋိညာ ဧတေသန္တိ ပုထုဇ္ဇနာတိ ဝစနတ္ထော။ ပုထု။ပ။ အဝုဋ္ဌိတာတိ ဧတ္ထ ဇနေတဗ္ဗာ၊ ဇာယန္တိ ဝါ ဧတ္တာတိ ဇနာ၊ ဂတိယော။ ပုထု ဇနာ ဧတေသန္တိ ပုထုဇ္ဇနာ။ ဣတော ပရေ ဇာယန္တိ ဧတေဟိတိ ဇနာ၊ အဘိသင်္ခါရာဒယော။ တေ ဧတေသံ ပုထု ဝိဇ္ဇန္တိတိ ပုထုဇ္ဇနာ၊ အဘိသင်္ခါရဏာဒိအတ္ထော ဧဝ ဝါ ဇန-သဒ္ဓေါ ဒဋ္ဌဗ္ဗော။ ကာမရာဂဘဝရာဂဒိဋ္ဌိအဝိဇ္ဇာ ဩဃာ။

၁-မ ၂-၁၆၊ သံ ၁-၂၆၊ အံ ၁-၅၂၊ အံ ၃-၃၃၊ ခ ၇-၃၇-ဝိဇ္ဇေသု။
၂-ဒိ ၂-၂၆၊ သံ ၁-၂၄-ဝိဇ္ဇေသု၊ ၃-ဒိ-ဋ္ဌ ၁-၇၀-ဝိဇ္ဇေ။
ဒိ-ဒို့ ၁-၅—န-ဗု-သ

ရာဂဂိုအာဒယော သန္တာပါ။ တေယေဝံ၊ သဗ္ဗေပိ ဝါ ကိလေသာ ပရိဋ္ဌာဟာ။
 ပုထု ပဉ္စသု ကာမဂုဏေသု ရတ္တာတိ ဧတ္ထ ဇာယတိတိ ဇနော၊ ရာဂေါ
 ဂေဓောတိ ဝေမာဒိကော။ ပုထု ဇနော ဧတေသန္တိ ပုထုဇ္ဇနာ၊ ပုထုသု ဝါ
 ဇနာ ဇာတာ ရတ္တာတိ ဧဝံ ရာဂါဒိအတ္ထော ဧဝံ ဝါ ဇန-သဒ္ဓေါ ဒဋ္ဌဗ္ဗော။
 ပလိပုဒ္ဓါတိ သမ္ပုဒ္ဓါ၊ ဥပဒ္ဓုတာ ဝါ။ “ပုထုနံ ဂဏနပထမတိတာနံ” န္တိအာဒိနာ
 ပုထု ဇနာ ပုထုဇ္ဇနာတိ ဒဿေတိ။

ယေဟိ ဂုဏဝိသေသေဟိ နိမိတ္တဘူတေဟိ ဘဂဝတိ တထာဂတ-သဒ္ဓေါ
 ပဝတ္ထော၊ တံဒဿနတ္ထံ “အဋ္ဌဟိ ကာရုဏေဟိ ဘဂဝါ တထာဂတော” တိ-
 အာဒိမာဟ။ ဂုဏနေမိတ္တကာနေဝ ဟိ ဘဂဝတော သဗ္ဗာနိ နာမာနိ။
 ယထာဟ—

“အသင်္ချေယျာနိ နာမာနိ၊ သဂုဏေန မဟေသိနော။
 ဂုဏေန နာမမုဒ္ဓေယျံ၊ အပိ နာမသဟဿတော” တိ ၂။

တထာ အာဂတောတိ ဧတ္ထ အာကာရနိယမနဝသေန ဩပဗ္ဗသမ္ပုဒ္ဓိပါဒ-
 နတ္ထော တထာ-သဒ္ဓေါ။ သာမညဇောတနာယ ဝိသေသာဝဋ္ဌာနတော ပဋိ-
 ပဒါဂမနတ္ထော အာဂတ-သဒ္ဓေါ၊ န ဉာဏဂမနတ္ထော “တထလက္ခဏံ အာဂ-
 တော” တိအာဒိသု၊^၁ ဝိယ၊ နာပိ ကာယဂမနာဒိအတ္ထော “အာဂတော ခေါ
 မဟာသမဏော၊ မာဂဓာနံ ဂိရိဗ္ဗဇ” န္တိအာဒိသု၊^၂ ဝိယ။ တတ္ထ ယဒါကံ ရနိယမန-
 ဝသေန ဩပဗ္ဗသမ္ပုဒ္ဓိပါဒနတ္ထော တထာ-သဒ္ဓေါ၊ တံ ကရုဏာပဓာနတ္ထာ မဟာ-
 ကရုဏာမုခေန ပုရိမပုဒ္ဓါနံ အာဂမနပဋိပဒံ ဥဒါဟရဏဝသေန သာမညတော
 ဒဿေန္တော ယံတံ-သဒ္ဓါနံ ဧကန္တသမ္ပန္နဘာဝတော “ယထာ သဗ္ဗလောက။ ပ။
 အာဂတော” တိ အာဟ။ တံ ပန ပဋိပဒံ မဟာပဒါနသုတ္တာဒိသု၊^၃ သမ္ပဟုလ-
 နိဒ္ဒေသေန သုပါကဋ္ဌာနံ အာသန္နာနဉ္စ ဝိပဿီအာဒိနံ ဆန္တံ သမ္မာသမ္ပုဒ္ဓါနံ
 ဝသေန နိဒဿေန္တော “ယထာ ဝိပဿီ ဘဂဝါ” တိအာဒိမာဟ။ တတ္ထ
 ယေန အဘိနိဟာရေနာတိ မနုဿတ္တလိင်္ဂသမ္ပတ္တိဟေတုသတ္တာရဒဿနပဗ္ဗဇာ-
 အဘိညာဒိဂုဏသမ္ပတ္တိအဓိကာရဆန္တာနံ ဝသေန အဋ္ဌင်္ဂသမန္တာဂတေန

၁-နာမမုဒ္ဓေယျ (?)

- ၂-အဘိ-ဋ္ဌ ၁-၄၂၀၊ ဥဒါန-ဋ္ဌ ၃၀၆၊ ပဋိသံ-ဋ္ဌ ၁-၂၇၇၊ နေတ္ထိ-ဋ္ဌ ၁၁၉-ပိဋ္ဌေသု၊
- ၃-ဒီ-ဋ္ဌ ၁-၅၉၊ မ-ဋ္ဌ ၁-၄၇၊ ၅၀၊ သံ-ဋ္ဌ ၂-၂၆၅၊ အံ-ဋ္ဌ ၁-၈၀၊ ၈၃၊ ဗုဒ္ဓဝံသ-ဋ္ဌ ၁၈၊ ၁၉၊
- ဥဒါန-ဋ္ဌ ၁၁၂၊ ၁၁၃၊ ပဋိသံ-ဋ္ဌ ၁-၁၉၀၊ ၁၉၂၊ ထေရဂါထာ-ဋ္ဌ ၁-၄၂၊ ဣတိဝုတ္တက-ဋ္ဌ ၁၁၁၊ ၁၁၂၊
- မဟာနိဒ္ဒေသ-ဋ္ဌ ၁၅၃၊ ၁၅၅-ပိဋ္ဌေသု၊
- ၄-ဝိ ၃-၅၅-ပိဋ္ဌေ။
- ၅-ဒီ ၂-၂-ပိဋ္ဌေ။

ကာယပ္ပဏိဓာနမဟာပဏိဓာနေန။ သဗ္ဗေသဉ္စိ ဗုဒ္ဓါနံ ကာယပ္ပဏိဓာနံ ဣမိနာဝ အဘိနိဟာရေန သမိဇ္ဈတိတိ။ ဧဝံ မဟာဘိနိဟာရဝသေန “တထာဂတော”တိ ပဒဿ အတ္ထံ ဒဿေတွာ ဣဒါနိ ပါရမီပူရဏဝသေန ဒဿေတုံ “ယထာ ဝိပဿီ ဘဂဝါ။ပ။ ကဿပေါ ဘဂဝါ ဒါနပါရမိံ ပူရေတွာ”တိ- အာဒိမာဟ။

ဧတ္ထ စ သုတ္တန္တိကာနံ မဟာဗောဓိယာနပဋိပဒါယ ကောသလ္လဇေနနတ္ထံ ပါရမီသု အယံ ဝိတ္တာရကထာ— ကာ ပနေတာ ပါရမီယော? ကေနဋ္ဌေန ပါရမီယော? ကတိဝိဓာ စေတော? ကော တာသံ ကမော? ကာနိ လက္ခဏရသ- ပစ္စုပဋ္ဌာနပဒဋ္ဌာနာနိ? ကော ပစ္စယော? ကော သံကိလေသော? ကိံ ဝေါဒါနိ? ကော ပဋိပက္ခော? ကာ ပဋိပတ္တိ? ကော ဝိဘာဂေါ? ကော သင်္ဂဟော? ကော သမ္မာဒနူပါယော? ကိတ္တကေန ကာလေန သမ္မာဒနံ? ကော အာနိသံသော? ကိံ စေတသံ ဖလန္တိ?

တတြိဒံ ဝိဿဇ္ဇနံ— ကာ ပနေတာ ပါရမီယောတိ တဏှာမာနာဒီဟိ အနုပဟတာ ကရုဏူပါယကောသလ္လပရိဂ္ဂဟိတာ ဒါနာဒယော ဂုဏာ ပါရမီယော။

ကေနဋ္ဌေန ပါရမီယောတိ ဒါနသီလာဒိဂုဏဝိသေသယောဂေန သတ္တုတ္တ- မတာယ ပရမာ မဟာသတ္တာ ဗောဓိသတ္တာ၊ တေသံ ဘာဝေါ၊ ကမ္မံ ဝါ ပါရမီ၊ ဒါနာဒိကိရိယာ။ အထ ဝါ ပရတိတိ ပရမော၊ ဒါနာဒိဂုဏာနံ ပူရကော ပါလကော စ ဗောဓိသတ္တော။ ပရမဿ အယံ၊ ပရမဿ ဝါ ဘာဝေါ၊ ကမ္မံ ဝါ ပါရမီ၊ ဒါနာဒိကိရိယာဝ။ အထ ဝါ ပရံ သတ္တံ အတ္တနိ မဝတိ ဗန္ဓတိ ဂုဏဝိသေသယောဂေန၊ ပရံ ဝါ အဓိကတရံ မဇ္ဇတိ သုဇ္ဈတိ သံကိလေသမလတော၊ ပရံ ဝါ သေဋ္ဌံ နိဗ္ဗာနံ ဝိသေသေန မယတိ ဂစ္ဆတိ၊ ပရံ ဝါ လောကံ ပမာဏဘူတေန ဣဏဝိသေသေန ဣလောကံ ဝိယ မုနာတိ ပရိစ္ဆိန္ဒတိ၊ ပရံ ဝါ အတိဝိယ သီလာဒိဂုဏဂဏံ အတ္တနော သန္တာနေ မိနောတိ ပက္ခိပတိ၊ ပရံ ဝါ အတ္တဘူတတော ဓမ္မကာယတော အညံ၊ ပဋိပက္ခံ ဝါ တဒနတ္ထကရံ ကိလေသစောရဂဏံ မိနာတိ ဟိံသတိတိ ပရမော၊ မဟာသတ္တော။ “ပရမဿ အယံ”န္တိအာဒိံ ဂုတ္တနယေနောယောဇေတဗ္ဗံ။ ပါရေ ဝါ နိဗ္ဗာနေ မဇ္ဇတိ သုဇ္ဈတိ သတ္တေ စ သောဓေတိ၊ တတ္ထ ဝါ သတ္တေ မဝတိ ဗန္ဓတိ ယောဇေတိ၊ တံ ဝါ မယတိ ဂစ္ဆတိ ဂမေတိ စ၊ မုနာတိ ဝါ

တံ ယာထာဝတော၊ တတ္ထ ဝါ သတ္ထေ မိနောတိ ပက္ခိပတိ၊ ကိလေသာရိံ ဝါ သတ္တာနံ တတ္ထ မိနောတိ ဟိံသတိတိ ပါရမီ၊ မဟာပုရိသော။ တဿ ဘာဝေါ၊ ကမ္မံ ဝါ ပါရမိတာ၊ ဒါနာဒိကိရိယာဝ။ ဣမိနာ နယေန ပါရမီနံ သဒ္ဓတ္ထော ဝေဒိတဗျော။

ကတိဝိဇောတိ သင်္ခေပတော ဒသဝိဇော၊ တာ ပန ပါဠိယံ^၁ သရူပတော အာဂတာယေဝ။ ယထာဟ—

“ဝိစိနန္တော တဒါ ဒက္ခိံ၊ ပဌမံ ဒါနပါရမိ”န္တိအာဒိ ၂။

ယထာ စာဟ—

“ကတိ န ခေါ ဘန္တေ ဗုဒ္ဓကာရကာ ဓမ္မော? ဒသ ခေါသာရိပုတ္တ ဗုဒ္ဓကာရကာ ဓမ္မော၊ ကတမေ ဒသ? ဒါနံ ခေါ သာရိပုတ္တ ဗုဒ္ဓကာရကော ဓမ္မော၊ သီလံ နေက္ခမ္မံ ပညာ ဝီရိယံ ခန္တိ သစ္စံ အဓိဋ္ဌာနံ မေတ္တာ ဥပေက္ခာ ဗုဒ္ဓကာရကော ဓမ္မော၊ ဣမေ ခေါ သာရိပုတ္တ ဒသ ဗုဒ္ဓကာရကာ ဓမ္မာတိ။ ဣဒမဝေါစ ဘဂဝါ၊ ဣဒံ ဝတ္တာန သုဂတော အထာပရံ တေဒဝေါစ သတ္တာ—

‘ဒါနံ သီလဉ္စ နေက္ခမ္မံ၊ ပညာ ဝီရိယေန ပဉ္စမံ။
ခန္တိသစ္စမဓိဋ္ဌာနံ၊ မေတ္တာပေက္ခာတိ တေ ဒသာ’တိ”။

ကေစိ ပန “ဆဗ္ဗိဇာ”တိ ဝဒန္တိ၊ တံ ဧတာသံ သင်္ဂဟဝသေန ဝုတ္တံ။ သော ပန သင်္ဂဟော ပရတော အာဝိ ဘဝိဿတိ။

ကော တာသံ ကမောတိ ဧတ္ထ ကမော နာမ ဒေသနာက္ခမော၊ သော စ ပဌမသမာဒါနဟေတုကော၊ သမာဒါနံ ပဝိစယဟေတုကံ၊ ဣတိ ယထာ အာဒိမိ ပဝိစိတာ သမာဒိန္နာ စ၊ တထာ ဒေသိတာ။ တတ္ထ စ ဒါနံ သီလဿ ဗဟူပကာရံ သုကရဉ္စာတိ တံ အာဒိမိ ဝုတ္တံ။ ဒါနံ သီလပရိဂ္ဂဟိတံ မဟပ္ပလံ ဟောတိ မဟာနိသံသန္တိ ဒါနာနန္တရံ သီလံ ဝုတ္တံ။ သီလံ နေက္ခမ္မပရိဂ္ဂဟိတံ၊ နေက္ခမ္မံ ပညာပရိဂ္ဂဟိတံ၊ ပညာ ဝီရိယပရိဂ္ဂဟိတာ၊ ဝီရိယံ ခန္တိပရိဂ္ဂဟိတံ၊ ခန္တိ သစ္စပရိဂ္ဂဟိတာ၊ သစ္စံ အဓိဋ္ဌာနပရိဂ္ဂဟိတံ၊ အဓိဋ္ဌာနံ မေတ္တာပရိဂ္ဂဟိတံ၊ မေတ္တာ ဥပေက္ခာပရိဂ္ဂဟိတာ မဟပ္ပလာ ဟောတိ မဟာနိသံသာတိ မေတ္တာ-နန္တရမုပေက္ခာ ဝုတ္တာ။ ဥပေက္ခာ ပန ကရုဏာပရိဂ္ဂဟိတာ၊ ကရုဏာ စ ဥပေက္ခာပရိဂ္ဂဟိတာတိ ဝေဒိတဗျော။ ကထံ ပန မဟာကာရုဏိကာ ဗောဓိသတ္တာ သတ္ထေသု ဥပေက္ခကာ ဟောန္တိတိ? ဥပေက္ခိတဗ္ဗယုတ္တေသု ကပ္ပိ ကာလံ

ဥပေက္ခကာ ဟောန္တိ၊ န ပန သဗ္ဗတ္ထ၊ သဗ္ဗဒါ စာတိ ကေမိ။ အပရေ ပန န သတ္တေသု ဥပေက္ခကာ၊ သတ္တကတေသု ပန ဝိပ္ပကာရေသု ဥပေက္ခကာ ဟောန္တိတိ။

အပရော နယော—ပစုရဇနေသုပိ ပဝတ္တိယာ သဗ္ဗသတ္တသာဓာရဏတ္တာ၊ အပ္ပဖလတ္တာ၊ သုကရတ္တာ စ အာဒိမိ ခါနံ ဝုတ္တံ။ သီလေန ဒါယကပဋိဂ္ဂါဟက-
သုဒ္ဓိတော၊ ပရာနုဂ္ဂဟံ ဝတွာ ပရဝိဋ္ဌာနိဝတ္တိဝစနတော၊ ကိရိယဓမ္မံ ဝတွာ
အကိရိယဓမ္မဝစနတော၊ ဘောဂသမ္ပတ္တိဟေတု ဝတွာ ဘဝသမ္ပတ္တိဟေတု-
ဝစနတော စ ဒါနဿ အနန္တရံ သီလံ ဝုတ္တံ။ နေက္ခမ္မေန သီလသမ္ပတ္တိ-
သိဒ္ဓိတော၊ ကာယဝစီသုစရိတံ ဝတွာ မနောသုစရိတဝစနတော၊ ဝိသုဒ္ဓိ-
သီလဿ သုခေနော ဈာနသမိဇ္ဈနတော၊ ကမ္မာပရာဓပ္ပဟာနေန ပယောဂ-
သုဒ္ဓိံ ဝတွာ ကိလေသာပရာဓပ္ပဟာနေန အာသယသုဒ္ဓိဝစနတော၊ ဝိတိက္က-
မပ္ပဟာနေန စိတ္တဿ ပရိယုဋ္ဌာနပ္ပဟာနဝစနတော စ သီလဿ အနန္တရံ
နေက္ခမ္မံ ဝုတ္တံ။ ပညာယ နေက္ခမ္မဿ သိဒ္ဓိပရိသုဒ္ဓိတော၊ ဈာနဘာဝေ
ပညာဘာဝဝစနတော။ သမာဓိပဒဋ္ဌာနာ ဟိ ပညာ၊ ပညာပစ္စုပ္ပန်နော စ
သမာဓိ။ သမထနိမိတ္တံ ဝတွာ ဥပေက္ခာနိမိတ္တဝစနတော၊ ပရဟိတဇ္ဈာနေန
ပရဟိတကရဏူပါယကောသလ္လဝစနတော စ နေက္ခမ္မဿ အနန္တရံ ပညာ
ဝုတ္တော။ ဝီရိယာရမ္ဘေန ပညာကိစ္စသိဒ္ဓိတော၊ သတ္တသုညတာဓမ္မနိဇ္ဈာနက္ခန္တိံ
ဝတွာ သတ္တဟိတာယ အာရမ္ဘဿ အတ္ထရိယတာဝစနတော၊ ဥပေက္ခာနိမိတ္တံ
ဝတွာ ပဂ္ဂဟနိမိတ္တဝစနတော၊ နိဿမ္မကာရိတံ ဝတွာ ဥဋ္ဌာနဝစနတော စ။
နိဿမ္မကာရိနော ဟိ ဥဋ္ဌာနံ ဖလဝိသေသမာဝဟတိတိ ပညာယ အနန္တရံ
ဝီရိယံ ဝုတ္တံ။

ဝီရိယေန တိတိက္ခာသိဒ္ဓိတော။ ဝီရိယဝါ ဟိ အာရဒ္ဓဝီရိယတ္တာ သတ္တ-
သင်္ခါရေဟိ ဥပနိတံ ဒုက္ခံ အဘိဘုယျ ဝိဟရတိ ဝီရိယဿ တိတိက္ခာလင်္ကာရ-
ဘာဝတော။ ဝီရိယဝတော ဟိ တိတိက္ခာ သောဘတိ။ ပဂ္ဂဟနိမိတ္တံ ဝတွာ
သမထနိမိတ္တဝစနတော၊ အစွာရမ္ဘေန ဥဒ္ဓစ္စဒေါသပ္ပဟာနဝစနတော။ ဓမ္မနိဇ္ဈာ-
နက္ခန္တိယာ ဟိ ဥဒ္ဓစ္စဒေါသော ပဟိယတိ။ ဝီရိယဝတော သာတစ္စကရဏ-
ဝစနတော။ ခန္တိဗဟုလော ဟိ အနုဒ္ဓတော သာတစ္စကာရီ ဟောတိ။
အပ္ပမာဒဝတော ပရဟိတကိရိယာရမ္ဘေ ပစ္စုပ္ပကာရတဏှာဘာဝဝစနတော။
ယာထာဝတော ဓမ္မနိဇ္ဈာနေ ဟိ သတိ တဏှာ န ဟောတိ။ ပရဟိတာရမ္ဘေ
ပရမေပိ ပရကတဒုက္ခသဟနဘာဝဝစနတော စ ဝီရိယဿ အနန္တရံ ခန္တိ

ဝုတ္တာ။ သစ္စေန ခန္တိယာ စိရာမိဋ္ဌာနတော၊ အပကာရိနော အပကာရခန္တိ^၁ ဝတ္တာ တဒုပကာရကရဏေ အဝိသံဝါဒဝစနတော၊ ခန္တိယာ အပဝါဒဝါစာ-
ဝိကမ္ပနေန^၂ ဘူတဝါဒိတာယ အဝိဇဟနဝစနတော၊ သတ္တသုညတာဓမ္မနိဇ္ဈာ-
နက္ခန္တိ^၃ ဝတ္တာ တဒုပမြူဟိတဉာဏသစ္စဝစနတော စ ခန္တိယာ အနန္တရံ သစ္စံ^၄
ဝုတ္တံ။ အမိဋ္ဌာနေန သစ္စသိဒ္ဓိတော။ အစလာမိဋ္ဌာနဿ ဟိ ဝိရတိ သိဇ္ဈတိ။
အဝိသံဝါဒိတံ ဝတ္တာ တတ္ထ အစလဘာဝဝစနတော။ သစ္စသန္ဓော ဟိ ဒါနာဒီသု
ပဋိညာနုရူပံ နိစ္စလောဝ ပဝတ္တတိ။ ဉာဏသစ္စံ ဝတ္တာ သမ္ဘာရေသု ပဝတ္တိနိဋ္ဌာပန-
ဝစနတော။ ယထာဘူတဉာဏဝါ ဟိ ဗောဓိသမ္ဘာရေသု အမိတိဋ္ဌတိ။ တေ စ
နိဋ္ဌာပေတိ ပဋိပက္ခေဟိ အကမ္ပိယဘာဝတောတိ သစ္စဿ အနန္တရံ အမိဋ္ဌာနံ^၅
ဝုတ္တံ။ မေတ္တာယ ပရဟိတကရဏသမာဒါနာမိဋ္ဌာနသိဒ္ဓိတော၊ အမိဋ္ဌာနံ^၆
ဝတ္တာ ဟိတူပသံဟာရဝစနတော။ ဗောဓိသမ္ဘာရေ ဟိ အမိတိဋ္ဌမာနော
မေတ္တာဝိဟာရီ ဟောတိ။ အစလာမိဋ္ဌာနဿ သမာဒါနာဝိကောပနတော၊
သမာဒါနသမ္ဘဝတော စ အမိဋ္ဌာနဿ အနန္တရံ မေတ္တာ ဝုတ္တာ။ ဥပေက္ခာယ
မေတ္တာဝိသုဒ္ဓိတော၊ သတ္တေသု ဟိတူပသံဟာရံ ဝတ္တာ တဒပရာဓေသု
ဥဒါသိနတာဝစနတော၊ မေတ္တာဘာဝနံ ဝတ္တာ တန္တိဿန္တဘာဝနာဝစနတော၊
“ဟိတကာမသတ္တေဝိ ဥပေက္ခကော”တိ အတ္ထရိယဂုဏဘာဝဝစနတော စ
မေတ္တာယ အနန္တရံ ဥပေက္ခာ ဝုတ္တာတိ ဝေမေတာသံ ကမော ဝေဒိတဗ္ဗော။

ကာနိ လက္ခဏရသပစ္စုပ္ပန်ပဋ္ဌာနပဒဋ္ဌာနာနီတိ ဧတ္ထ အဝိသေသေန တာဝ
သဗ္ဗာပိ ပါရမိယော ပရာနုဂ္ဂဟလက္ခဏာ၊ ပရေသံ ဥပကာရကရဏရသံ၊
အဝိကမ္ပနရသာ ဝါ၊ ဟိတေသိတာပစ္စုပ္ပန်နာ၊ ဗုဒ္ဓတ္ထပစ္စုပ္ပန်နာ ဝါ၊ မဟာ-
ကရဏာပဒဋ္ဌာနာ၊ ကရုဏူပါယကောသလ္လပဒဋ္ဌာနာ ဝါ။

ဝိသေသေန ပန ယသ္မာ ကရုဏူပါယကောသလ္လပရိဂ္ဂဟိတာ အတ္ထုပ-
ကရဏပရိစ္စာဂစေတနာ ဒါနပါရမိတာ။ ကရုဏူပါယကောသလ္လပရိဂ္ဂဟိတံ
ကာယဝစီသုစရိတံ အတ္ထတော အကတ္တဗ္ဗဝိရတိ၊ ကတ္တဗ္ဗကရဏစေတနာ-
ဒယော စ သီလပါရမိတာ။ ကရုဏူပါယကောသလ္လပရိဂ္ဂဟိတော အာဒိနဝ-
ဒဿနပုဗ္ဗင်္ဂမော ကာမဘဝေဟိ နိက္ခမနစိတ္တုပ္ပါဒေါ နေက္ခမ္ပပါရမိတာ။
ကရုဏူပါယကောသလ္လပရိဂ္ဂဟိတော ဓမ္မာနံ သာမညဝိသေသလက္ခဏာဝ-
ဗောဓော ပညာပါရမိတာ။ ကရုဏူပါယကောသလ္လပရိဂ္ဂဟိတော ကာယ-
စိတ္တေဟိ ပရဟိတာရက္ခော ဝီရိယပါရမိတာ။ ကရုဏူပါယကောသလ္လပရိဂ္ဂဟိတံ
သတ္တသင်္ခါရာပရာဓေဟနံ အဒေါသပ္ပဓာနော တဒါကာရပ္ပဝတ္တော စိတ္တုပ္ပါဒေါ

ခန္တိပါရမီတာ။ ကရုဏူပါယကောသလ္လပရိဂ္ဂဟိတံ ဝိရတိစေတနာဒိဘေဒံ အဝိသံဝါဒနံ **သစ္စပါရမီတာ။** ကရုဏူပါယကောသလ္လပရိဂ္ဂဟိတံ အစလ-
သမာဒါနာဓိဋ္ဌာနံ တဒါကာရပ္ပဝတ္တော စိတ္တုပ္ပါဒေါ **အဓိဋ္ဌာနပါရမီတာ။**
ကရုဏူပါယကောသလ္လပရိဂ္ဂဟိတော လောကဿ ဟိတူပသံဟာရော အတ္တ-
တော အဗျာပါဒေါ **မေတ္တာပါရမီတာ။** ကရုဏူပါယကောသလ္လပရိဂ္ဂဟိတာ
အနုနယပဋိဃဝိဒ္ဓိသိနိ ဣဋ္ဌာနိဋ္ဌေသု သတ္တသင်္ခါရေသု သမပ္ပဝတ္တိ **ဥပေက္ခာ-
ပါရမီတာ။**

တသ္မာ ပရိစ္စာဂလက္ခဏံ ဒါနံ၊ ဒေယျဓမ္မေ လောဘဝိဒ္ဓိသနရသံ၊ အနာ-
သတ္တိပစ္စုပ္ပန်၊ ဘဝဝိဘဝသမ္ပတ္တိပစ္စုပ္ပန် ဝါ၊ ပရိစ္စတိတဗ္ဗဝတ္ထုပ္ပဋ္ဌာနံ။
သီလနလက္ခဏံ သီလံ၊ သမာဓာနလက္ခဏံ၊ ပတိဋ္ဌာနလက္ခဏဉ္စာတိ ဝုတ္တံ
ဟောတိ။ ဒုဿိလျဝိဒ္ဓိသနရသံ၊ အနဝဇ္ဇရသံ ဝါ၊ သောစေယျပစ္စုပ္ပန်၊
ဟိရေတ္တပ္ပပဋ္ဌာနံ။ ကာမတော ဘဝတော စ နိက္ခမနလက္ခဏံ **နေက္ခမ္ပံ**၊
တဒါဒိနဝိဘာဝနရသံ၊ တတော ဧဝံ ဝိမုခဘာဝပစ္စုပ္ပန်၊ သံဝေဂပဋ္ဌာနံ။
ယထာသဘာဝပဋိဝေဓလက္ခဏာ **ပညာ**၊ အက္ခလိတပဋိဝေဓလက္ခဏာ ဝါ
ကုသလိဿာသမိတ္တဥသုပဋိဝေဓော ဝိယ၊ ဝိသယောဘာသနရသာ ပဒီပေါ
ဝိယ၊ အသမ္မောဟပစ္စုပ္ပန်၊ အရညဂတသုဒေသကော ဝိယ၊ သမာဓိ-
ပဋ္ဌာနာ၊ စတုသစ္စပဋ္ဌာနာ ဝါ။ ဥဿာဟလက္ခဏံ **ဝီရိယံ**၊ ဥပတ္တန္တနရသံ၊
အသံသီဒနပစ္စုပ္ပန်၊ ဝီရိယာရမ္ဘဝတ္ထုပ္ပဋ္ဌာနံ၊ သံဝေဂပဋ္ဌာနံ ဝါ။ ခမန-
လက္ခဏာ **ခန္တိ**၊ ဣဋ္ဌာနိဋ္ဌသဟနရသာ၊ အဓိဝါသနပစ္စုပ္ပန်၊ အဝိရောဓ-
ပစ္စုပ္ပန် ဝါ၊ ယထာဘူတဒဿနပဋ္ဌာနာ။ အဝိသံဝါဒနလက္ခဏံ **သစ္စံ**၊
ယာထာဝရိဘာဝနရသံ၊ သာဓုတာပစ္စုပ္ပန်၊ သောရစပဋ္ဌာနံ။ ဗောဓိ-
သမ္ဘာရေသု အဓိဋ္ဌာနလက္ခဏံ **အဓိဋ္ဌာနံ**၊ တေသံ ပဋိပက္ခာဘိဘဝနရသံ၊ တတ္ထ
အစလတာပစ္စုပ္ပန်၊ ဗောဓိသမ္ဘာရပဋ္ဌာနံ။ ဟိတာကာရပ္ပဝတ္တိလက္ခဏာ
မေတ္တာ၊ ဟိတူပသံဟာရရသာ၊ အာဃာတဝိနယနရသာ ဝါ၊ သောမ္မဘာဝ-
ပစ္စုပ္ပန်၊ သတ္တာနံ မနာပဘာဝဒဿနပဋ္ဌာနာ။ မဇ္ဈတ္တာကာရပ္ပဝတ္တိ-
လက္ခဏာ **ဥပေက္ခာ**၊ သမဘာဝဒဿနရသာ၊ ပဋိဃာနနယဝုပသမပစ္စုပ္ပန်၊
ကမ္မဿံကတာပစ္စဝေက္ခဏပဋ္ဌာနာ။ ဧတ္ထ စ ကရုဏူပါယကောသလ္လပရိဂ္ဂဟိ-
တတာ ဒါနာဒိနံ ပရိစ္စာဂါဒိလက္ခဏဿ ဝိသေသနဘာဝေန ဝတ္တဗ္ဗာ၊
ယတော တာနိ ပါရမီသင်္ချံ လဘန္တိတိ။

ကော ပစ္စယောတိ အဘိနိဟာရော ပစ္စယော။ ယော ဟိ အယံ “မနုဿတ္တံ လိင်္ဂသမ္ပတ္တိ”တိ အာဒိ^၁ အဋ္ဌဓမ္မသမောဓာနသမ္ပာဒိတော “တိဏ္ဍော တာရေယံ၊ မုတ္တော မောစေယံ၊ ဗုဒ္ဓေါ ဗောဓေယံ၊ သုဒ္ဓေါ သောဓေယံ၊ ဒန္တော ဒမေယံ၊ သန္တော သမေယံ၊ အဿတ္တော အဿာသေယံ၊ ပရိနိဗ္ဗာတော^၂ ပရိနိဗ္ဗာ- ပေယျ”န္တိ အာဒိနာ^၃ ပဝတ္တော အဘိနိဟာရော၊ သော အဝိသေသေန သဗ္ဗပါရမီနံ ပစ္စယော။ တပ္ပဝတ္တိယာ ဟိ ဥဒ္ဓံ ပါရမီနံ ပဝိစယုပဋ္ဌာနသမာ- ဒါနာဓိဋ္ဌာနနိပ္ပတ္တိယော မဟာပုရိသာနံ သမ္ဘဝန္တိ။

ယထာ စ အဘိနိဟာရော၊ ဧဝံ မဟာကရုဏာ၊ ဥပါယကောသလ္လဉ္စ။ တတ္ထ ဥပါယကောသလ္လံ နာမ ဒါနာဒိနံ ဗောဓိသမ္ဘာရဘာဝဿ နိမိတ္တဘူတာ ပညာ၊ ယာဟိ ကရုဏူပါယကောသလ္လတာဟိ မဟာပုရိသာနံ အတ္တသုခနိရ- ပေက္ခတာ၊ နိရန္တရံ ပရဟိတကရုဏပသုတတာ၊ သုဒုက္ခရေဟိပိ မဟာ- ဗောဓိသတ္တစရိတေဟိ ဝိသာဒါဘာဝေါ၊ ပသာဒသမ္ပုဋ္ဌိဒဿနသဝနာနုဿရ- ဏာဝတ္ထာသုပိ သတ္တာနံ ဟိတသုခပဋိလာဘဟေတုဘာဝေါ စ သမ္ပဇ္ဇတိ။ တထာ ဟိ ပညာယ ဗုဒ္ဓဘာဝသိဒ္ဓိ၊ ကရုဏာယ ဗုဒ္ဓကမ္မသိဒ္ဓိ။ ပညာယ သယံ တရတိ၊ ကရုဏာယ ပရေ တာရေတိ။ ပညာယ ပရဒုက္ခံ ပရိဇာနာတိ၊ ကရုဏာယ ပရဒုက္ခပဋိကာရံ အာရဘတိ။ ပညာယ စ ဒုက္ခေ နိဗ္ဗန္တတိ၊ ကရုဏာယ ဒုက္ခံ သမုဋ္ဌိစ္ဆတိ။ တထာ ပညာယ ပရိနိဗ္ဗာနာဘိမုခေါ ဟောတိ၊ ကရုဏာယ တံ န ပါပုဏာတိ။ တထာ ကရုဏာယ သံသာရာဘိမုခေါ ဟောတိ၊ ပညာယ တတြ နာဘိရမတိ။ ပညာယ စ သဗ္ဗတ္ထ ဝိရဇ္ဇတိ၊ ကရုဏာ- နုဂတတ္တာ န စ န သဗ္ဗေသံ အနုဂ္ဂဟာယ ပဝတ္တော၊ ကရုဏာယ သဗ္ဗေပိ အနုကမ္ပတိ၊ ပညာနုဂတတ္တာ န စ န သဗ္ဗတ္ထ ဝိရတ္တစိတ္တော။ ပညာယ စ အဟံကာရမမံကာရာဘာဝေါ၊ ကရုဏာယ အာလသိယဒီနတာဘာဝေါ^၄။ တထာ ပညာကရုဏာဟိ ယထာက္ကမံ အတ္တပရနာထတာ၊ စီရဝီရဘာဝေါ၊ အနတ္တန္တပအပရန္တပတာ၊ အတ္တဟိတပရဟိတနိပ္ပတ္တိ၊ နိဗ္ဗယာဘိသနကဘာဝေါ၊ ဓမ္မာဓိပတိလောကာဓိပတိတာ၊ ကတညုပုဗ္ဗကာရိဘာဝေါ၊ မောဟတဏှာ- ဝိဂမော၊ ဝိဇ္ဇာစရဏသိဒ္ဓိ၊ ဗလဝေသာရဇ္ဇနိပ္ပတ္တိတိ သဗ္ဗဿာပိ ပါရဗိတာ- ဖလဿ ဝိသေသေန ဥပါယဘာဝတော ပညာကရုဏာ ပါရမီနံ ပစ္စယော။ ဣဒဉ္စ ဒွယံ ပါရမီနံ ဝိယ ပဏိဓာနဿာပိ ပစ္စယော။

၁-ဒု ၄-၃၁၁-ပိဋ္ဌေ ဗုဒ္ဓဝံသ။
 ၂-ပရိနိဗ္ဗာယန္တော (က)
 ၃-စရိယာပိဋက-၌ ၂၇၄-ပိဋ္ဌေ ထောကံ ဝိသဒိသံ။
 ၄-အာလသိယာဒီနတာဘာဝေါ (ဗဟုသု)

တထာ ဥဿာဟဥမ္မင်္ဂအဝတ္ထာနဟိတစရိယာ စ ပါရမီနံ ပစ္စယောတိ ဝေဒိတဗ္ဗာ၊ ယာ ဗုဒ္ဓဘာဝဿ ဥပ္ပတ္တိဋ္ဌာနတာယ “ဗုဒ္ဓဘူမိယော”တိ ပရစ္စန္တိ။ ယထာဟ—

“ကတိ ပန ဘန္တေ ဗုဒ္ဓဘူမိယော? စတဿော ခေါ သာရိပုတ္တ ဗုဒ္ဓဘူမိယော။ ကဘမာ စတဿော? ဥဿာဟော စ ဟောတိ ဝိရိယံ၊ ဥမင်္ဂေါ စ ဟောတိ ပညာဘာဝနာ၊ အဝတ္ထာနန္တ ဟောတိ အဓိဋ္ဌာနံ၊ မေတ္တာဘာဝနာ စ ဟောတိ ဟိတစရိယာ။ ဣမာ ခေါ သာရိပုတ္တ စတဿော ဗုဒ္ဓဘူမိယော”တိ ၁။

တထာ နေက္ခမ္မပဝိဝေကအလောဘာဒေါသမောဟနိဿရဏပ္ပဘေဒါ ဆ အဇ္ဈာသယာ။ ပုတ္တဉ္ဇေတံ—

“နေက္ခမ္မဇ္ဈာသယာ စ ဗောဓိသတ္တာ ကာမေ ဒေါသဒဿာ-
ဝိနော၊ ပဝိဝေက။ပ။ သင်္ဂဏိကာယ၊ အလောဘ။ပ။ လောဘော၊
အဒေါသ။ပ။ ဒေါသေ၊ အမောဟ။ပ။ မောဟေ၊ နိဿရဏဇ္ဈာ-
သယာ စ ဗောဓိသတ္တာ သဗ္ဗဘဝေသု ဒေါသဒဿာဝိနော”တိ ၂။

တသ္မာ ဧတေ ဗောဓိသတ္တာနံ ဆ အဇ္ဈာသယာ ဒါနာဒီနံ ပစ္စယောတိ ဝေဒိတဗ္ဗာ။ န ဟိ လောဘာဒီသု အာဒိနဝဒဿနေန၊ အလောဘာဒိအဓိက-
ဘာဝေန စ ဝိနာ ဒါနာဒိပါရမိယော သမ္ဘဝန္တိ။ အလောဘာဒီနံ ဟိ အဓိက-
ဘာဝေန ပရိစ္စာဂါဒိနိန္ဒစိတ္တဘာ အလောဘဇ္ဈာသယာဒိတာတိ။ ယထာ
စေတေ၊ ဧဝံ ဒါနဇ္ဈာသယတာဒယောပိ။ ယထာဟ—

“ကတိ ပန ဘန္တေ ဗောဓာယ စရန္တာနံ ဗောဓိသတ္တာနံ အဇ္ဈာ-
သယာ? ဒသ ခေါ သာရိပုတ္တ ဗောဓာယ စရန္တာနံ ဗောဓိသတ္တာနံ
အဇ္ဈာသယာ။ ကတမေ ဒသ? ဒါနဇ္ဈာသယာ သာရိပုတ္တ ဗောဓိ-
သတ္တာ မစ္ဆေရေ ဒေါသဒဿာဝိနော၊ သီလ။ပ။ ဥပေက္ခဇ္ဈာသယာ
သာရိပုတ္တ ဗောဓိသတ္တာ သုခဒုက္ခေသု ဒေါသဒဿာဝိနော”တိ။

ဧတေသု ဟိ မစ္ဆေရအသံဝရကာမဝိစိကိစ္ဆာကောသဇ္ဇအက္ခန္တိဝိသံဝါဒ-
အနဓိဋ္ဌာနဗျာပါဒသုခဒုက္ခသင်္ခါတေသု? အာဒိနဝဒဿနပုဗ္ဗင်္ဂမာ ဒါနာဒိ-
နိန္ဒစိတ္တတာသင်္ခါတာ ဒါနဇ္ဈာသယတာဒယော ဒါနာဒိပါရမီနံ နိဗ္ဗတ္တိယာ

၁-သုတ္တနိပါတ-ဋ္ဌ ၁-၄၅-ပိဋ္ဌေပိ။

၂-သုတ္တနိပါတ-ဋ္ဌ ၁-၄၅-ပိဋ္ဌေ၊ ဝိသုဒ္ဓိ-ဋ္ဌ ၁-၁၁၃-ပိဋ္ဌေပိ ထောကံ ဝိသဒိသံ။

၃-ဧတေ ဟိ ။ပ။ သင်္ခါရေသု (?)

ကာရဏန္တိ။ တထာ အပရိစ္ဆာဂပရိစ္ဆာဂါဒီသု ယထာက္ကမံ အာဒိနဝါနိသံသ-
ပစ္စဝေက္ခဏာ ဒါနာဒိပါရမီနံ ပစ္စယော။

တတ္ထာယံ ပစ္စဝေက္ခဏာဝိမိ—ခေတ္တဝတ္ထုဟိရညသုဝဏ္ဏဂေါမဟိံသဒါသိ-
ဒါသပုတ္တဒါရာဒိပရိဂ္ဂဟဗျာသတ္တစိတ္တာနံ သတ္တာနံ ခေတ္တာဒီနံ ဝတ္ထုကာမ-
ဘာဝေန ဗဟုပတ္တနိယဘာဝတော၊ ရာဇစောရာဒိသာဓာရဏဘာဝတော၊
ဝိဝါဒါမိဋ္ဌာနတော၊ သပတ္တကရဏတော၊ နိဿာရတော၊ ပဋိလာဘပရိပါလ-
နေသု ပရဝိဟေဋ္ဌနဟေတုတော၊ ဝိနာသနိမိတ္တဉ္စ သောကာဒိအနေက.ဝိဟိတ-
ဗျသနာဝဟတော၊ တဒါသတ္တိနိဒါနဉ္စ မစ္ဆေရမလပရိယုဋ္ဌိတစိတ္တာနံ အပါယူပ-
ပတ္တိသမ္ဘဝတောတိ ဧဝံ ဝိဝိဓဝိပုလ္လာနတ္ထာဝဟာ ဧတေ အတ္ထာ နာမ၊ တေသံ
ပရိစ္ဆာဂေါယေဝေကော သောတ္ထိဘာဝေါတိ ပရိစ္ဆာဂေ အပ္ပမာဒေါ ကရ-
ဏီယော။

အပိစ “ယာစကော ယာစမာနော အတ္တနော ဂုပ္ပဿ အာစိက္ခန-
တော မယံ ဝိဿာသိကော”တိ စ “ပဟာယ ဂမနိယမတ္တနော သန္တကံ
ဂဟေတွာ ပရလောကံ ယာဟိတိ မယံ ဥပဒေသကော”တိ စ “အာဒိတ္တေ ဝိယ
အဂါရေ မရဏဂ္ဂိနာ အာဒိတ္တေ လောကေ တတော မယံ သန္တကဿ
အပဝါဟကသဟာယော”တိ စ “အပဝါဟိတဿ စဿ နိဇ္ဈာယာနိက္ခေပဋ္ဌာန-
ဘူတော”တိ စ “ဒါနသင်္ခါတေ ကလျာဏကမ္မသ္မိံ သဟာယဘာဝတော၊ သဗ္ဗ-
သမ္ပတ္တိနံ အဂ္ဂဘူတာယ ပရမဒုလ္လဘာယ ဗုဒ္ဓဘူမိယာ သမ္ပတ္တိဟေတုဘာဝတော
စ ပရမော ကလျာဏမိတ္တော”တိ စ ပစ္စဝေက္ခိတဗ္ဗံ။

တထာ “ဥဋ္ဌာရေ ကမ္မနိ အနေနာဟံ သမ္ဘာဝိတော၊ တဿှာ သာ
သမ္ဘာဝနာ အဝိတထာ ကာတဗ္ဗာ”တိ စ “ဧကန္တဘေဒိတာယ ဇီဝိတဿ
အယာစိတေနပိ မယာ ဒါတဗ္ဗံ၊ ပဂေဝ ယာစိတေနာ”တိ စ “ဥဋ္ဌာရဇ္ဈာ-
သယေဟိ ဂဝေသိတွာပိ ဒါတဗ္ဗော၊ သယမေဝါဂတော မမ ပုညေနာ”တိ
စ “ယာစကဿ ဒါနာပဒေသေန မယုမေဝါယမနုဂ္ဂဟော”တိ စ “အဟံ
ဝိယ အယံ သဗ္ဗောပိ လောကော မယာ အနုဂ္ဂဟေတဗ္ဗော”တိ စ “အသတိ
ယာစကေ ကထံ မယံ ဒါနပါရမီ ပူရေယျာ”တိ စ “ယာစကာနမေဝတ္ထာယ
မယာ သဗ္ဗော ပရိဂ္ဂဟေတဗ္ဗော”တိ စ “အယာစိတွာ မမ သန္တကံ ယာစကာ
သယမေဝ ကဒါ ဂဏှေယျ”န္တိ စ “ကထမဟံ ယာစကာနံ ပိယော စဿံ
မနာပေါ”တိ စ “ကထံ ဝါ တေ မယံ ပိယာ စဿု မနာပါ”တိ စ “ကထံ

ဝါဟံ ဒဒမာနော၊ ဒတွာပိ စ အတ္တမနော အဿံ ပမုဒိတော ပီတိ-
သောမနဿဇာတော”တိ စ “ကထံ ဝါ မေ ယာစကာ ဘဝေယျံ၊ ဥဠာရော
စ ဒါနဇ္ဈာသယော”တိ စ “ကထံ ဝါဟမယာစိတောယေဝ ယာစကာနံ
ဟဒယမညာယ ဒံဒေယျ”န္တိ စ “သတိ ဓနေ ယာစကေ စ အပရိစ္စာဂေါ
မဟတိ မယံ ဝဉ္စနာ”တိ စ “ကထံ ဝါဟံ အတ္တနော အင်္ဂါနိ ဇီဝိတံ ဝါပိ
ယာစကာနံ ပရိစ္စဇေယျ”န္တိ စ ပစ္စဝေက္ခိတဗ္ဗံ။

အပိစ “အတ္ထော နာမာယံ နိရပေက္ခံ ဒါယကံ အနုဂစ္ဆတိ ယထာ တံ
နိရပေက္ခံ ခေပကံ ကိဋ္ဌကော”တိ အတ္ထေ နိရပေက္ခတာယ စိတ္တံ ဥပ္ပါဒေတဗ္ဗံ။
ယာစမာနော ပန ယဒိ ပိယပုဂ္ဂလော ဟောတိ၊ “ပိယော မံ ယာစတိ”တိ
သောမနဿံ ဥပ္ပါဒေတဗ္ဗံ။ အထ ဥဒါသိနပုဂ္ဂလော ဟောတိ၊ “အယံ မံ
ယာစမာနော အဒ္ဓါ ဣမိနာ ပရိစ္စာဂေန မိတ္တော ဟောတိ”တိ သောမနဿံ
ဥပ္ပါဒေတဗ္ဗံ။ ဒဒန္တောပိ ဟိ ယာစကာနံ ပိယော ဟောတိတိ။ အထ ပန ဝေရီ-
ပုဂ္ဂလော ယာစတိ၊ “ပစ္စတ္ထိကော မံ ယာစတိ၊ အယံ မံ ယာစမာနော အဒ္ဓါ
ဣမိနာ ပရိစ္စာဂေန ဝေရီပိ ပိယော မိတ္တော ဟောတိ”တိ ဝိသေသတော
သောမနဿံ ဥပ္ပါဒေတဗ္ဗံ။ ဧဝံ ပိယပုဂ္ဂလေ ဝိယ မဇ္ဈတ္တဝေရီပုဂ္ဂလေသုပိ
မေတ္တာပုဗ္ဗင်္ဂမံ ကရုဏံ ဥပဋ္ဌပေတွာဝ ဒါတဗ္ဗံ။

သစေ ပနဿ စိရကာလပရိဘာဝိတတ္တာ လောဘဿ ဒေယျဓမ္မဝိသယာ
လောဘဓမ္မာ ဥပ္ပဇ္ဇေယျ၊ တေန ဗောဓိသတ္တပဋိညေန ဣတိ ပဋိသန္ဓိက္ခိတဗ္ဗံ
“နန တယာ သပ္ပုရိသ သမ္မောဓာယ အဘိနိဟာရံ ကရောန္တေန သဗ္ဗသတ္တာနံ
ဥပကာရတ္တာယ အယံ ကာယော နိဿဋ္ဌော၊ တပ္ပရိစ္စာဂမယဉ္စ ပုညံ၊ တတ္ထ
နာမ တေ ဗာဟိရေပိ ဝတ္ထုသ္မိံ အတိသင်္ဂပ္ပဝတ္ထိ ဟတ္ထိသိနာနသဒိသိ ဟောတိ၊
တသ္မာ တယာ န ကတ္တစိ သင်္ဂေါ ဥပ္ပါဒေတဗ္ဗော။ သေယျထာပိ နာမ မဟတော
ဘေသဇ္ဇရက္ခဿ တိဋ္ဌတော မူလံ မူလတ္ထိကာ ဟရန္တိ၊ ပပဋိကံ၊ တစံ၊ ခန္ဓံ၊
ဝိဇ္ဇပံ၊ သာရံ၊ သာခံ၊ ပလာသံ၊ ပုပ္ဖံ၊ ဖလံ ဖလတ္ထိကာ ဟရန္တိ၊ န တဿ ရက္ခဿ
‘မယံ သန္တကံ ဧတေဟရန္တိ’တိ ဝိတက္ကသမုဒါစာရော ဟောတိ၊ ဝေမေဝသဗ္ဗ-
လောကဟိတာယ ဥဿုက္ကမာပဇ္ဇန္တေန မယာ မဟာဒုက္ခေ အကတညျကေ
နိစ္စာသုစိမ္ပိ ကာယေ ပရေသံ ဥပကာရာယ ဝိနိယုဇ္ဇမာနေ အဏုမတ္တောပိ
မိစ္ဆာဝိတက္ကော န ဥပ္ပါဒေတဗ္ဗော၊ ကော ဝါ ဧတ္ထ ဝိသေသော အဇ္ဈတ္တိက-
ဗာဟိရေသု မဟာဘူတေသု ကေန္တဘေဒနဝိကိရဏဝိဒ္ဓံသနဓမ္မေသု၊ ကေဝလံ
ပန သမ္မောဟဝိဇ္ဇိတမေတံ၊ ယဒိဒံ ‘ဧတံ မမ၊ ဒေသောဟမသ္မိ၊ ဒေသော မေ
အတ္တာ’တိ အဘိနိဝေသော။ တသ္မာ ဗာဟိရေသု ဝိယ အဇ္ဈတ္တိကေသုပိ

ကရစရဏနယနာဒိသု၊ မံသာဒိသု စ အနပေက္ခေန ဟုတွာ ‘တံတဒတ္ထိကာ ဟရန္တု’တိ နိဿဋ္ဌမိတ္တေန ဘဝိတဗ္ဗ”န္တိ။ ဧဝံ ပဋိသဉ္ဇိက္ခတော စဿ ဗောဓာယ ပဟိတတ္တဿ ကာယဇီဝိတေသု နိရပေက္ခဿ အပ္ပကသီရေနော ကာယဝစိ-
မနောကမ္မာနိ သုဝိသုဒ္ဓါနိ ဟောန္တိ။ သော ဝိသုဒ္ဓကာယဝစိမနောကမ္မန္တော ဝိသုဒ္ဓါဇီဝေါ ဉာယပဋိပတ္တိယံဋ္ဌိတော၊ အာယာပါယုပါယကောသလ္လသမန္တာ-
ဂမေန ဘိယျောသော မတ္တာယ ဒေယျမဗ္ဗပရိစ္စာဂေန၊ အဘယဒါနသုဒ္ဓမ္မ-
ဒါနေဟိ စ သဗ္ဗသတ္တေ အနုဂ္ဂဏှိတုံ သမတ္ထော ဟောတိတိ။ အယံ တာဝ
ဒါနပါရမီယံ ပစ္စဝေက္ခဏာနယော။

သီလပါရမီယံ ပန ဧဝံ ပစ္စဝေက္ခိတဗ္ဗံ— ဣဒဉ္စိ သီလံ နာမ ဂင်္ဂေါဒကောဒိဟိ ဝိသောဓေတုံ အသက္ကုဏေယျဿ ဒေါသမလဿ ဝိက္ခာလနဇလံ၊ ဟရိစန္ဒနာ-
ဒိဟိ ဝိနေတုံ အသက္ကုဏေယျရာဂါဒိပရိဋ္ဌာဟဝိနယနံ၊ ဟာရမကုဋကုဏ္ဍလာ-
ဒိဟိ ပစုရဇနာလင်္ကာရေဟိ အသာဓာရဏော သာမုနံ အလင်္ကာရဝိသေသော၊
သဗ္ဗဒိသာဝါယနတော^၁ အကိတ္တိမော၊ သဗ္ဗကာလာနုရူပေါ စ သုရဘိဂန္ဓော၊
ခတ္တိယမဟာသာလာဒိဟိ ဒေဝတာဟိ စ ဝန္တနိယာဒိဘာဝါဝဟနတော
ပရမော ဝသီကရဏမန္တော၊ စာတုမဟာရာဇိကာဒိဒေဝလောကာရောဟန-
သောပါနပန္တိ၊ ဈာနာဘိညာနံ အဓိဂမုပါယော၊ နိဗ္ဗာနမဟာနဂရဿ သမ္မာ-
ပကမဂ္ဂေါ၊ သာဝကဗောဓိပစ္စေကဗောဓိသမ္မာသမ္မောဓိနံ ပတိဋ္ဌာနဘူမိ၊ ယံ ယံ
ဝါ ပနိစ္ဆိတံ ပတ္တိတံ၊ တဿ တဿ သမိဇ္ဈနူပါယဘာဝတော စိန္တာမဏိ-
ကပ္ပရက္ခာဒိကေ စ အတိသေတိ။ ဝုတ္တဉ္ဇေတံ ဘဂဝတာ “ဣဇ္ဈတိ ဘိက္ခဝေ
သီလဝတော စေတောပဏိမိ ဝိသုဒ္ဓတ္တာ”တိ^၂။ အပရမ္မိ ဝုတ္တံ “အာကင်္ခေယျ စေ
ဘိက္ခဝေ ဘိက္ခု သဗြဟ္မစာရီနံ ပိယော စ အဿံ မနာပေါ စ ဂရု စ ဘာဝနီယော
စာတိ၊ သီလေသ္မေဝဿ ပရိပူရကာရီ”တိအာဒိ၊ တထာ “အဝိပ္ပဋိသာရတ္တာနိ
ခေါ အာနန္တ ကုသလာနိ သီလာနိ”တိ^၃၊ “ပဉ္စိမေ ဂဟပတယော အာနိသံသာ
သီလဝတော သီလသမ္ပဒါယာ”တိ^၄ သုတ္တာနဉ္စ ဝသေန သီလဿ ဂုဏာ
ပစ္စဝေက္ခိတဗ္ဗာ၊ တထာ အဂ္ဂိက္ခန္ဓောပမသုတ္တာဒိနံ^၆ ဝသေန သီလဝိရဟေ
အာဒိနဝါ။

...ပီတိသောမနဿနိမိတ္တတော၊ အတ္တာနုဝါဒပရာနုဝါဒဒဏ္ဍဒုဂ္ဂတိဘယာ-
ဘာဝတော၊ ဝိညူဟိ ပါသံသဘာဝတော၊ အဝိပ္ပဋိသာရဟေတုတော၊

၁-သဗ္ဗဒိသာဝါယနကော (က)	၂-အံ ၃-၇၁၊ ၇၂-ပိဋေသု။
၃-မ ၁-၃၉-ပိဋေ။	၄-အံ ၃-၂၅၇၊ ၅၁၅-ပိဋေသု။
၅-ဒိ ၂-၇၃၊ ၃ ၁-၁၈၅၊ ၆ ၃-၃၂၂-ပိဋေသု။	၆-အံ ၂-၄၉၅-ပိဋေ။

သောတ္ထိဋ္ဌာနတော၊ အဘိဇနသပတေယျာဓိပတေယျာယုရူပဋ္ဌာနဗန္ဓုမိတ္တ-
သမ္ပတ္တိနံ အတိသယနတော စ သီလံ ပစ္စဝေက္ခိတဗ္ဗံ။ သီလဝတော ဟိ အတ္တနော
သီလသမ္ပဒါဟေတု မဟန္တံ ဝီတိသောမနဿ ဥပ္ပဇ္ဇတိ “ကတံ ဝတ မယာ
ကုသလံ၊ ကတံ ကလျာဏံ၊ ကတံ ဘိရုတ္တာဏ”န္တိ။ တထာ သီလဝတော အတ္တာ
န ဥပဝဒတိ၊ န ပရေဝိညူ၊ ဒဏ္ဍဒုဂ္ဂတိဘယာနံ သမ္ဘဝေါယေဝ နတ္ထိ၊ “သီလဝါ
ပုရိသပုဂ္ဂလော ကလျာဏဓမ္မော”တိ ဝိညူနံ ပါသံသော ဟောတိ။ တထာ
သီလဝတော ယွာယံ “ကတံ ဝတ မယာ ပါပံ၊ ကတံ လုဒ္ဓံ၊ ကတံ ကိဗ္ဗိသ”န္တိ
ဒုဿီလဿ ဝိပ္ပဋိသာရော ဥပ္ပဇ္ဇတိ၊ သော န ဟောတိ။ သီလဉ္စ နာမေတံ
အပ္ပမာဒါဓိဋ္ဌာနတော၊ ဘောဂဗျသနာဒိပရိဟာရမုခေန မဟတော အတ္တဿ
သာဓနတော၊ မင်္ဂလဘာဝတော စ ပရမံ သောတ္ထိဋ္ဌာနံ၊ နိဟိနဇစ္စောပိ သီလဝါ
ခတ္တိယမဟာသာလာဒိနံ ပူဇနီယော ဟောတိတိ ကုလသမ္ပတ္တိံ အတိသေတိ
သီလသမ္ပဒါ၊ “တံ ကိံ မညသိ မဟာရာဇ၊ ဣမ တေ အဿ ပုရိသော ဒါသော
ကမ္မကရော”တိအာဒိ^၁ဝစနဉ္စေတ္ထ သာဓကံ။ စောရာဒိဟိ အသာဓာရဏတော၊
ပရလောကာနုဂမနတော၊ မဟပ္ပလဘာဝတော၊ သမထာဒိဂုဏာဓိဋ္ဌာနတော
စ ဗာဟိရဓနံ အတိသေတိ သီလံ၊ ပရမဿ စိတ္တိဿရိယဿာဓိဋ္ဌာနဘာဝတော
ခတ္တိယာဒိနံ ဣဿရိယံ အတိသေတိ သီလံ။ သီလနိမိတ္တဉ္စိ တံတံသတ္တနိကာယေသု
သတ္တာနံ ဣဿရိယံ ဝဿသတဒိသပ္ပမာဏတော ဇီဝိတတော ဧကာဟမ္ဘိ
သီလဝတော ဇီဝိတဿ ဝိသိဋ္ဌတာဝစနတော၊ သတိ စ ဇီဝိတေ သိက္ခာနိက္ခေ-
ပဿ မရဏတာဝစနတော သီလံ ဇီဝိတတော ဝိသိဋ္ဌတရံ။ ဝေရိနမ္ဘိ မနုဉ္စ-
ဘာဝါဝဟနတော၊ ဇရာရောဂပိပတ္တိဟိ အနဘိဘဝနီယတော စ ရူပသမ္ပတ္တိံ
အဘိသေတိ သီလံ။ ပါသာဒဟမ္ဘိယာဒိဋ္ဌာနဝိသေသေ၊ ရာဇယုဝရာဇသေနာ-
ပတိအာဒိဋ္ဌာနဝိသေသေ စ အတိသေတိ သီလံ သုခဝိသေသာဓိဋ္ဌာန-
ဘာဝတော။ သဘာဝသိနိဒ္ဒေ သန္တိကာဝစရေပိ ဗန္ဓုဇနေ မိတ္တဇနေ စ
အတိသေတိ ဧကန္တဟိတသမ္ပာဒနတော၊ ပရလောကာနုဂမနတော စ။ “န တံ
မာတာ ပိတာ ကယိရာ”တိအာဒိ^၂ဝစနဉ္စေတ္ထ သာဓကံ။ တထာ ဟတ္ထိအဿ-
ရထာဒိဘေဒေဟိ၊ မန္တာဂဒသောတ္တာနပ္ပယောဂေဟိ^၃ စ ဒုရာရက္ခံ အတ္တာနံ
အာရက္ခဘာဝေန သီလမေဝ ဝိသိဋ္ဌတရံ အတ္တာဓိနတော၊ အပရာဓိနတော၊
မာဘာဝိသယတော စ။ တေနောဝါဟ “ဓမ္မော ဟဝေ ရက္ခတိ ဓမ္မစာရိ”န္တိ-
အာဒိ^၄။ ဝေမနေကဂုဏသမန္တာဂတံ သီလန္တိ ပစ္စဝေက္ခန္တဿ အပရိပုဏ္ဏာ စေဝ
သီလသမ္ပဒါ ပါရိပူရိ^၅ ဂစ္ဆတိ အပရိသုဒ္ဓါ စ ပါရိသုဒ္ဓိံ။

၁-ဒီ ၁-၅၆-ပိဋေ။

၃-မန္တာဂဒဘောဂဋ္ဌာနပ္ပယောဂေဟိ (က)

၂-ဒ ၁-၁၉-ပိဋေ ဓမ္မပဒေ။

၄-ဒ ၅-၂၁၅-ပိဋာဒိသု။

သစေ ပနဿံ ဒီဃရတ္တံ ပရိစယေန သီလပဋိပက္ခာ ဓမ္မာ ဒေါသာဒယော အန္တရန္တရာ ဥပ္ပဇ္ဇေယျ၊ တေန ဗောဓိသတ္တပဋိညေန ဧဝံ ပဋိသဉ္စိက္ခိတဗ္ဗံ “နန တယာ သမ္မောဓာယ ပဏိဓာနံ ကတံ၊ သီလဝိကလေန စ န သက္ကာ လောကိယာပိ သမ္ပတ္တိယော ပါပုဏိတုံ၊ ပဂေဝ လောကုတ္တရာ၊ သဗ္ဗသမ္ပတ္တိနံ ပန အဂ္ဂဘူတာယ သမ္မာသမ္မောဓိယာ အဓိဋ္ဌာနဘူတေန သီလေန ပရမုက္ခံသဂတေန ဘဝိတဗ္ဗံ။ တသ္မာ ‘ကိကီဝ အဏ္ဏ’န္တိအာဒိနာ’ ဝုတ္တနယေန သမ္မာသီလံ ပရိရက္ခန္တေန သုဠ၊ တယာ ပေသလေန ဘဝိတဗ္ဗံ။ အပိစ တယာ ဓမ္မဒေသနာယ ယာနတ္တယေ သတ္တာနံ အဝတာရဏပရိပါစနာနိ ကာတဗ္ဗာနိ၊ သီလဝိကလဿ စ ဝစနံ န ပစ္စေတဗ္ဗံ ဟောတိ အသပ္ပါယာဟာရဝိစာရဿ ဝိယဝေဇ္ဇဿ တိကိစ္ဆနံ၊ တသ္မာ ကထာဟံ သဒ္ဓေယျော ဟုတွာ သတ္တာနံ အဝတာရဏပရိပါစနာနိ ကရေယျ”န္တိ သဘာဝပရိသုဒ္ဓသီလေန ဘဝိတဗ္ဗံ။ ကိဉ္စ “ဈာနာဒိဂုဏဝိသေသယောဂေန မေ သတ္တာနံ ဥပကာရကရဏသမတ္ထတာ၊ ပညာပါရမီအာဒိပရိပူရဏဉ္စ၊ ဈာနာဒယော စ ဂုဏာ သီလပါရိသုဒ္ဓိံ ဝိနာ န သမ္ဘဝန္တိ”တိ သမ္ပဒေဝ သီလံ ပရိသောစေတဗ္ဗံ။

တထာ “သမ္မာဓော ဃရာဝါသော ရဇောပထော”တိအာဒိနာ၊ ဃရာဝါသေ “အဋ္ဌိကင်္ဂလူပမာ ကာမာ”တိအာဒိနာ၊ “မာတာပိ ပုတ္တေန ဝိဝဒတိ”-တိအာဒိနာ၊ စ ကာမေသု “သေယျထာပိ ပုရိသော ဣဏံ အာဒါယ ကမ္မန္တေ ပယောဇေယျာ”တိအာဒိနာ၊ ကာမစ္ဆန္တာဒိသု အာဒိနဝဒဿနပုဗ္ဗင်္ဂမာ ဝုတ္တဝိပရိယာယေန “အဗ္ဘောကာသော ပဗ္ဗဇ္ဇာ”တိအာဒိနာ၊ ပဗ္ဗဇ္ဇာဒိသု အာနိသံသပဋိသင်္ခါဝသေန နေက္ခမ္ပပါရမီယံ ပစ္စဝေက္ခဏာ ဝေဒိတဗ္ဗာ။ အယမေတ္ထ သင်္ခေပတ္တော၊ ဝိတ္တာရော ပန ဒုက္ခက္ခန္ဓံ ဝိမံသသုတ္တာဒိဝသေန ဝေဒိတဗ္ဗော။

တထာ “ပညာယ ဝိနာ ဒါနာဒယော ဓမ္မာ န ဝိသုဇ္ဈန္တိ၊ ယထာသကံ ဈာပါရသမတ္တာ စ န ဟောန္တိ”တိ ပညာဂုဏာ မနသိ ကာတဗ္ဗာ။ ယထေဝ ဟိ ဇီဝိတေန ဝိနာသရိရယန္တံ န သောဘတိ၊ န စ အတ္တနော ကိရိယာသု ပဋိပတ္တိသမတ္တံ ဟောတိ၊ ယထာ စ စက္ခာဒိနိ ဣန္ဒြိယာနိ ဝိညာဏေန ဝိနာယထာသကံ ဝိသယေသု ကိစ္စံ ကာတုံ နပ္ပဟောန္တိ၊ ဧဝံ သဒ္ဓါဒိနိ ဣန္ဒြိယာနိ

ခ-ဝိသုဒ္ဓိ ၁-၃၄၊ ဒီ-ဋ ၁-၅၆-ပိဋေသု။	၂-ဒီ ၁-၅၉၊ မ ၁-၂၃၆၊ သံ ၁-၄၁၉၊ မ ၂-၇-ပိဋ္ဌာဒိသု။
၃-မ ၁-၁၂၊ ဝိ ၂-၁၇၅၊ ခု ၇-၅၊ ၁၅-ပိဋ္ဌာဒိသု။	၄-မ ၁-၁၂၊ ၁၂၀-ပိဋ္ဌာဒိသု။
၅-ဒီ ၁-၆၈-ပိဋေ။	၆-ဒီ ၁-၅၉၊ သံ ၁-၄၁၉-ပိဋေသု။
၇-မ ၁-၁၁၈-ပိဋေ။	၈-မ ၁-၃၉၂-ပိဋေ။

၉-ဒုက္ခက္ခန္ဓအာသိဝိသောပမသုတ္တာဒိဝသေန စရိယာပိဋက-ဋ ၂၈၈-ပိဋေ။

ပညာယ ဝိနာ သင်္ကပ္ပပဋိပတ္တိယံ အသမတ္တာနီတိ ပရိစ္စာဂါဒိပဋိပတ္တိယံ ပညာ ပဓာနကာရဏံ။ ဥဗ္ဗိလိတပညာစက္ခုကာ ဟိ မဟာသတ္တာ အတ္တနော ခုဏ်ပစ္စင်္ဂါနိပိ ဒတွာ အနတ္တုက္ကံသကာ၊ အပရဝဗ္ဗကာ စ ဟောန္တိ၊ ဘေသဇ္ဇရက္ခာ ဝိယ ဝိကပ္ပရဟိတာ ကာလတ္တယေပိ သောမနဿဇာတာ။ ပညာဝသေန ဥပါယကောသလ္လယောဂတော ပရိစ္စာဂေါ ပရဟိတပ္ပဝတ္တိယာ ဒါနပါရမိဘာဝံ ဥပေတိ။ အတ္တတ္ထဉ္စိ ဒါနံ ဝုဒ္ဓိသဒိသံ^၁ ဟောတိ။

တထာ ပညာယ အဘာဝေန တဏှာဒိသံကိလေသာဝိယောဂတော သီလဿ ဝိသုဒ္ဓိယေဝ န သမ္ဘဝတိ၊ ကုတော သဗ္ဗညုဂုဏာဓိဋ္ဌာနဘာဝေါ။ ပညဝါ ဧဝ စ ဃရာဝါသေ ကာမဂုဏေသု သံသာရေ စ အာဒိနဝံ၊ ပဗ္ဗဇ္ဇာယ ဈာနသမာပတ္တိယံ နိဗ္ဗာနေ စ အာနိသံသံ သုဠ သလ္လက္ခေန္တော ပဗ္ဗဇိတွာ ဈာနသမာပတ္တိယော နိဗ္ဗတ္တေတွာ နိဗ္ဗာနနိန္ဒော၊ ပရေ စ တတ္ထ ပတိဋ္ဌပေတိတိ။

ဝီရိယဉ္စ ပညာရဟိတံ ယဒိန္ဒြိတမတ္ထံ န သာဓေတိ ဒုရာရမ္ဘဘာဝတော။ ဝရမေဝ ဟိ အနာရမ္ဘော ဒုရာရမ္ဘတော၊ ပညာသဟိတေန ပန ဝီရိယေန န ကိဉ္စိ ဒုရဓိဂမံ ဥပါယပဋိပတ္တိတော။ တထာ ပညဝါ ဧဝ ပရာပကာရာဒိအဓိဝါသကဇာတိယော ဟောတိ၊ န ဒုပ္ပညော။ ပညာဝိရဟိတဿ စ ပရေဟိ ဥပနီတာ အပကာရာ ခန္တိယာ ပဋိပက္ခမေဝ အနုဗြူဟေန္တိ၊ ပညဝတော ပန တေ ခန္တိသမ္ပတ္တိယာ ပရိဗြူဟနဝသေန အဿာ ထိရဘာဝါယ သံဝတ္တန္တိ။ ပညဝါ ဧဝ တိဏိ သစ္စာနိ တေသံ ကာရဏာနိ ပဋိပက္ခေ စ ယထာဘူတံ ဇာနိတွာ ပရေသံ အဝိသံဝါဒကော ဟောတိ။ တထာ ပညာဗလေန အတ္တာနံ ဥပတ္တမ္ဘေတွာ ဓိတိသမ္ပဒါယ သဗ္ဗပါရမီသု အစလသမာဒါနာဓိဋ္ဌာနော ဟောတိ၊ ပညဝါ ဧဝ စ ဝိယမဇ္ဈတ္တဝေရီဝိဘာဝံ အကတွာ သဗ္ဗတ္ထ ဟိတူပသံဟာရကုသလော ဟောတိ။ တထာ ပညာဝသေန လာဘာဒိလောကဓမ္မသန္နိပါတေ နိဗ္ဗိကာရတာယ မဇ္ဈတ္တော ဟောတိ။ ဧဝံ သဗ္ဗာသံ ပါရမီနံ ပညာဝ ပါရိသုဒ္ဓိဟေတူတိ ပညာဂုဏာ ပစ္စဝေက္ခိတဗ္ဗာ။

အပိစ ပညာယ ဝိနာ န ဒဿနသမ္ပတ္တိ၊ အန္တရေန စ ဒိဋ္ဌိသမ္ပဒံ န သီလသမ္ပဒါ၊ သီလဒိဋ္ဌိသမ္ပဒါရဟိတဿ န သမာဓိသမ္ပဒါ၊ အသမာဟိတေန စ န သက္ကာ အတ္တဟိတမတ္တမ္ပိ သာဓေတုံ၊ ပဂေဝ ဥက္ကံသဂတံ ပရဟိတန္တိ ပရဟိတာယ ပဋိပန္နေန “နန တယာ သက္ကစ္စံ ပညာပါရိသုဒ္ဓိယံ အာယောဂေါ ကရဏီယော”တိ ဗောဓိသတ္တေန အတ္တာ ဩဝဒိတဗ္ဗော။ ပညာနုဘာဝေန ဟိ

မဟာသတ္တော စတုရမိဋ္ဌာနာမိဋ္ဌိတော စတုဟိ သင်္ဂဟဝတ္ထုဟိ^၁ လောကံ အနုဂ္ဂဏှန္တော သတ္တေ နိယျာနိကမဂ္ဂေ အဝတာရေတိ၊ နန္ဒိယာနိ စ နေသံ ပရိပါစေတိ။ တထာ ပညာဗလေန ခန္ဓာယတနာဒိသု ပဝိစယဗဟုလော ပဝတ္တိနိဝတ္တိယော ယာထာဝတော ပရိဇာနန္တော ဒါနာဒယော ဂုဏေ ဝိသေသနိဗ္ဗေဓဘာဂိယဘာဝံ နယန္တော ဗောဓိသတ္တသိက္ခာယ ပရိပူရကာရီ ဟောတိဘိ ဝေမာဒိနာ အနေကာကာရဝေါကာရေပညာဂုဏေ ဝဝတ္ထပေတွာ ပညာပါရမီ အနုဗြူဟေတဗ္ဗာ။

တထာ ဒိဿမာနပါရာနိပိ လောကိယာနိ ကမ္မာနိ နိဟိနဝီရိယေန ပါပုဏိတုံ အသက္ကုဏေယျာနိ၊ အဂဏိတခေဒေန ပန အာရဒ္ဓဝီရိယေန ဒုရမိဂမံ နာမ နတ္ထိ။ နိဟိနဝီရိယော ဟိ “သံသာရမဟောသတော သဗ္ဗသတ္တေ သန္တာရေဿာမီ”တိ အာရဘိတုမေဝ န သက္ကုဏောတိ။ မဇ္ဈိမော အာရဘိတွာ အန္တရာဝေါသာနမာပဇ္ဇတိ။ ဥက္ကဋ္ဌဝီရိယော ပန အတ္တသုခနိရပေက္ခော အာရဟ္မပါရမမိဂစ္ဆတိတိ ဝီရိယသမ္ပတ္တိ ပစ္စဝေက္ခိတဗ္ဗာ။ အပိစ “ယဿ အတ္တနောယေဝ သံသာရပဏ်တော သမုဒ္ဓရဏတ္ထမာရတ္တော၊ တဿာပိ ဝီရိယဿ သိထိလဘာဝေန မနောရထာနံ မတ္တကပ္ပတ္တိ န သက္ကာသမ္ဘာဝေတုံ၊ ပဂေဝ သဒေဝကဿ လောကဿ သမုဒ္ဓရဏတ္ထံ ကတာဘိနိဟာရေနာ”တိ စ “ရာဂါဒိနံ ဒေါသဂဏာနံ မတ္တမဟာဂဇာနံ ဝိယ ဒုန္နိဝါရယဘာဝတော၊ တန္တိဒါနာနဉ္စ ကမ္မသမာဒါနာနံ ဥက္ခိတ္တာသိကဝဓကသဒိသဘာဝတော၊ တန္တိမိတ္တာနဉ္စ ဒုဂ္ဂတိနံ သဗ္ဗဒါ ဝိဝဋ္ဌမုခဘာဝတော၊ တတ္ထနိယောဇကောနဉ္စ ပါပမိတ္တာနံ သဒါ သန္တိဟိတဘာဝတော၊ တဒေါဝါဒကာရိတာယ စ ဗာလဿ ပုထုဇ္ဇနဘာဝဿ သတိ သမ္ဘဝေ ယုတ္တံ သယမေဝ သံသာရဒုက္ခတော နိဿရိတု”န္တိ စ “မိစ္ဆာဝိတက္ကာ ဝီရိယာနုဘာဝေန ဒူရိဘဝန္တိ”တိ စ “ယဒိ ပန သမ္မောမိ အတ္တာမိနေန ဝီရိယေန သက္ကာ သမမိဂန္တု၊ ကိမေတ္ထ ဒုက္ကရ”န္တိ စ ဝေမာဒိနာ နယေန ဝီရိယဿ ဂုဏာပစ္စဝေက္ခိတဗ္ဗာ။

တထာ “ခန္တိ နာမာယံ နိရဝသေသဂုဏပဋိပက္ခဿ ကောဓဿ ဝိမေနတော ဂုဏသမ္မာဒနေ သာဓူနမပ္ပဋိဟတမာယုဓံ၊ ပရာဘိဘဝနေ သမတ္တာနံ အလင်္ကာရော၊ သမဏဗြာဟ္မဏာနံ ဗလသမ္ပဒါ၊ ကောဓဂ္ဂိဝိနယနီ ဥဒကဓာရာ၊ ကလျာဏဿ ကိတ္တိသဒ္ဓဿ သဉ္ဇာတိဒေသော၊ ပါပပုဂ္ဂလာနံ ဝစီဝိသဝူပသမကရော မန္တာဂဒေါ၊ သံဝရေ ဌိတာနံ ပရမာ ဝီရပကတိ၊ ဂမ္ဘီရာသယတာယ သာဂရော၊ ဒေါသမဟာသာဂရဿ ဝေလော၊ အပါယဒ္ဓါရဿ ပိဓေနကဝါဠိ၊

၁-ဒီ ၃-၁၂၅၊ ၁၉၃၊ အံ ၁-၃၄၁-ပိဋ္ဌာဒိသု။ ၂-ထိရဏတိ (က)

ဒေဝဗြဟ္မလောကာနံ အာရောဟဏသောပါနံ၊ သဗ္ဗဂုဏာနံ အဓိဝါသနဘူမိ၊ ဥတ္တမာ ကာယဝစီမနောဝိသုဒ္ဓိ”တိ မနသိ ကာတဗ္ဗံ။ အပိ စ “ဧတေ သတ္တာ ခန္တိ-သမ္ပတ္တိယာ အဘာဝတော ဣမ စေဝ တပန္နိ၊ ပရလောကေ စ တပနီယဓမ္မာ-နုယောဂတော”တိ စ “ယဒိပိ ပရာပကာရနိမိတ္တံ ဒုက္ခံ ဥပ္ပဇ္ဇတိ၊ တဿ ပန ဒုက္ခဿ ခေတ္တဘူတော အတ္တဘာဝေါ၊ ဗီဇဘူတဉ္စ ကမ္မံ မယာဝ အဘိသင်္ခ-တ”န္တိ စ “တဿ ဒုက္ခဿ အာဏဏျကာရဏမေတ”န္တိ စ “အပကာရကေ အသတိ ကထံ မယံ ခန္တိသမ္ပဒါ သမ္ဘဝတိ”တိ စ “ယဒိပါယံ ဧတရဟိ အပကာရကော၊ အယံ နာမ ပုဗ္ဗေ အနေန မယံ ဥပကာရော ကတော”တိ စ “အပကာရော ဧဝ ဝါ ခန္တိနိမိတ္တတာယ ဥပကာရော”တိ စ “သဗ္ဗေ-ပိမေ သတ္တာ မယံ ပုတ္တသဒိသာ၊ ပုတ္တကတာပရာဓေသု စ ကော ကုဇ္ဈိဿတိ”တိ စ “ယေန ကောဓဘူတာဝေသေန အယံ မယံ အပရဇ္ဈတိ၊ သော ကောဓဘူတာဝေသော မယာ ဝိနေတဗ္ဗော”တိ စ “ယေန အပ-ကာရေန ဣဒံ မယံ ဒုက္ခံ ဥပ္ပန္နံ၊ တဿ အဟမ္ဘိ နိမိတ္တ”န္တိ စ “ယေဟိ ဓမ္မေဟိ အပရာဓော ကတော၊ ယတ္ထ စ ကတော၊ သဗ္ဗေပိ တေ တသ္မိယေဝ ခဏေ နိရုဒ္ဓါ၊ ကဿိဒါနိ ကေန ကောဓော ကာတဗ္ဗော”တိ စ “အနတ္တတာယ သဗ္ဗ-ဓမ္မာနံ ကော ကဿ အပရဇ္ဈတိ”တိ စ ပစ္စဝေက္ခန္တေန ခန္တိသမ္ပဒါ ဗြူဟေ-တဗ္ဗာ။

ယဒိ ပနဿ ဒိဃရတ္တံ ပရိစယေန ပရာပကာရနိမိတ္တကော ကောဓော စိတ္တံ ပရိယာဒါယ တိဋ္ဌေယျ၊ ဣတိ ပဋိသန္ဓိက္ခိတဗ္ဗံ “ခန္တိ နာမေသာ ပရာပကာရဿ ပဋိပက္ခပဋိပတ္တိနံ ပစ္စုပကာရကာရဏ”န္တိ စ “အပကာရော စ မယံ ဒုက္ခုပ္ပါဒနေန ဒုက္ခုပနိသာယ သဒ္ဓါယ၊ သဗ္ဗလောကေ အနဘိရတိသညာယ စ ပစ္စယော”တိ စ “ဣန္ဒြိယပကတိရေသာ၊ ယဒိဒံ ဣဋ္ဌာနိဋ္ဌဝိသယသမာယောဂေါ၊ တတ္ထ အနိဋ္ဌ-ဝိသယသမာယောဂေါ မယံ န သိယာတိ တံ ကုတေတ္ထ လဗ္ဘာ”တိ စ “ကောဓဝသိကော သတ္တော ကောဓေန ဥဗ္ဗတ္တော ဝိက္ခိတ္တစိတ္တော၊ တတ္ထ ကိံ ပစ္စပကာရေနာ”တိ စ “သဗ္ဗေပိမေ သတ္တာ သမ္မာသမ္ဗုဒ္ဓေန ဩရသပုတ္တာ ဝိယ ပရိပါလိတာ၊ တသ္မာ န တတ္ထ မယာ စိတ္တကောပေါပိ ကာတဗ္ဗော”တိ စ “အပရာဓကေ စ သတိ ဂုဏေ ဂုဏဝတိ မယာ န ကောပေါ ကာတဗ္ဗော”တိ စ “အသတိ ဂုဏေ ဝိသေသေန ကရုဏာယိတဗ္ဗော”တိ စ “ကောပေန စ မယံ ဂုဏယသာ နိဟိယန္တိ”တိ စ “ကုဇ္ဈနေန မယံ ဒုဗ္ဗဏ္ဏဒုက္ခ-သေယျာဒယော သပတ္တကန္တာ အာဂစ္ဆန္တိ”တိ စ “ကောဓော စ နာမာယံ

၁-ပစ္စုပကာရေနာတိ (ဗဟုသု)

သဗ္ဗဟိတကာရကော သဗ္ဗဟိတဝိနာသကော ဗလဝါ ပစ္စတ္တိကော”တိ စ “သတိ စ ခန္တိယာ န ကောစိ ပစ္စတ္တိကော”တိ စ “အပရာဓကေန အပရာဓနိမိတ္တံ ယံ အာယတိ” လဒ္ဓဗ္ဗံ ဒုက္ခံ၊ သတိ စ ခန္တိယာ မယံ တဒဘာဝေါ”တိ စ “စိန္တနေန ကုဇ္ဈန္တေန စ မယာ ပစ္စတ္တိကောယေဝ အနုဝတ္တိတော ဟောတိ”တိ စ “ကောဓေ စ မယာ ခန္တိယာ အဘိဘူတေ တဿ ဒါသဘူတော ပစ္စတ္တိကော သမ္ပဒေဝ အဘိဘူတော ဟောတိ”တိ စ “ကောဓနိမိတ္တံ ခန္တိဂုဏပရိစ္စာဂေါ မယံ န ယုတ္တော”တိ စ “သတိ စ ကောဓေ ဂုဏဝိရောဓိနိ” ကိ” မေ သီလာဒိဓမ္မာ ပါရိပူရိ” ဂစ္ဆေယျ၊ အသတိ စ တေသု ကထာဟံ သတ္တာနံ ဥပကာရဗဟုလော ပဋိညာနုရူပံ ဥတ္တမံ သမ္ပတ္တိံ ပါပုဏိဿာမိ”တိ စ “ခန္တိယာ စ သတိ ဗဟိဒ္ဓါ ဝိက္ခေပါဘာဝတော သမာဟိတဿ သဗ္ဗေ သင်္ခါရာ အနိစ္စတော ဒုက္ခတော သဗ္ဗေ ဓမ္မာ အနတ္တတော နိဗ္ဗာနဉ္စ အသင်္ခတာမတသန္တပဏီတာဒိဘာဝတော နိဇ္ဈာနံ ခမန္တိ ‘ဗုဒ္ဓဓမ္မာ စ အစိန္တေယျာပရိမေယျပဘာဝါ’တိ”၊ တတော စ “အနုလောမိယံ ခန္တိယံ ဌိတော ‘ကေဝလာ ဣမေ စ အတ္တတ္တနိယဘာဝရဟိတာ ဓမ္မမတ္တာ ယထာသကံ ပစ္စယေဟိ ဥပ္ပဇ္ဇန္တိ ဝယန္တိ၊ န ကုတောစိ အာဂစ္ဆန္တိ၊ န ကုဟိဉ္စ ဂစ္ဆန္တိ၊ န စ ကတ္တစိ ပတိဋ္ဌိတာ၊ န စေတ္တကောစိ ကဿစိ ဗျာပါရေ’တိ အဟံကာရမမိကာရာနမိဋ္ဌာနတာ နိဇ္ဈာနံ ခမတိ၊ ယေန ဗောဓိသတ္တော ဗောဓိယာ နိယတော အနာဝတ္တိဓမ္မော ဟောတိ”တိ ဧဝမာဒိနာ ခန္တိပါရမိယံ ပစ္စဝေက္ခဏာ ဝေဒိတဗ္ဗာ။

တထာ “သံစ္စေန ဝိနာ သီလာဒိနံ အသမ္ဘဝတော၊ ပဋိညာနုရူပံ ပဋိပတ္တိယာ အဘာဝတော စ သစ္စဓမ္မာတိက္ကမေ စ သဗ္ဗပါပဓမ္မာနံ သမောသရဏတော၊ အသစ္စသန္ဓဿ အပ္ပစ္စယိကဘာဝတော၊ အာယတိဉ္စ အနာဒေယျဝစနတာဝဟနတော၊ သမ္ပန္နသစ္စဿ စ သဗ္ဗဂုဏာမိဋ္ဌာနဘာဝတော၊ သစ္စာမိဋ္ဌာနေန သဗ္ဗဗောဓိသမ္ဘာရာနံ ပါရိသုဒ္ဓိပါရိပူရိသမန္တာယတော၊ သဘာဝဓမ္မာဝိသံဝါဒနေန သဗ္ဗဗောဓိသမ္ဘာရကိစ္စကရဏတော၊ ဗောဓိသတ္တပဋိပတ္တိယာ စ ပရိနိပ္ပတ္တိတော”တိအာဒိနာ သစ္စပါရမိယာ သမ္ပတ္တိယော ပစ္စဝေက္ခိတဗ္ဗာ။

တထာ “ဒါနာဒိသု ဒဠသမာဒါနံ၊ တံပဋိပက္ခသန္တိပါတေ စ နေသံ အစလာဝတ္ထာနံ၊ တတ္ထ စ ထိရဘာဝံ ဝိနာ န ဒါနာဒိသမ္ဘာရာ သမ္မောဓိနိမိတ္တာ သမ္ဘဝန္တိ”တိအာဒိနာ အဓိဋ္ဌာနေ ဂုဏာ ပစ္စဝေက္ခိတဗ္ဗာ။

တဏှာ “အတ္တဟိတမတ္တေ အဝတိဋ္ဌန္တေနာပိ သတ္တေသု ဟိတစိတ္တံတံ ဝိနာ န သက္ကာ ဣဓလောကပရလောကသမ္ပတ္တိယော ပါပုဏ်တုံ၊ ပဂေဝ သဗ္ဗသတ္တေ နိဗ္ဗာနသမ္ပတ္တိယံ ပတိဋ္ဌာပေတုကာမေနာ”တိ စ “ပစ္ဆာ သဗ္ဗသက္ကာနံ လောကုတ္တရသမ္ပတ္တိံ အာကင်္ခန္တေန ဣဒါနိ လောကီယသမ္ပတ္တိံ အာကင်္ခါ ယုတ္တရူပါ”တိ စ “ဣဒါနိ အာသယမတ္တေန ပရေသံ ဟိတသုခပသံဟာရံ ကာတုံ အသက္ခောန္တော ကဒါ ပယောဂေန တံ သာဓေဿာမီ”တိ စ “ဣဒါနိ မယာ ဟိတသုခပသံဟာရေန သံဝဋ္ဌိတာ ပစ္ဆာ ဓမ္မသံဝိဘာဂသဟာယာ မယံ ဘဝိဿန္တိ”တိ စ “ဧတေဟိ ဝိနာ န မယံ ဗောဓိသမ္ဘာရာ သမ္ဘဝန္တိ၊ တသ္မာ သဗ္ဗဗုဒ္ဓဂုဏဝိဘူတိနိပ္ပတ္တိကာရဏတ္တာ မယံ ဧတေ ပရမံ ပုညက္ခေတ္တံ အနုတ္တရံ ကုသလာယတနံ ဥတ္တမံ ဂါရဝဋ္ဌာန”န္တိ စ “သဝိသေသံ သတ္တေသု သဗ္ဗေသု ဟိတဇ္ဈာသယတာ ပစ္စုပ္ပန်ပေတဗ္ဗာ၊ ကိဉ္စ ကရုဏာမိဋ္ဌာနတောပိ သဗ္ဗသတ္တေသု မေတ္တာ အနုဗြူဟေတဗ္ဗာ။ ဝိမရိယာဒိကတေန ဟိ စေတသာ သတ္တေသု ဟိတသုခပသံဟာရနိရတဿ တေသံ အဟိတဒုက္ခာပနယနကာမတာ ဗလဝတိ ဥပ္ပဇ္ဇတိ ဒဋ္ဌမူလာ၊ ကရုဏာ စ သဗ္ဗေသံ ဗုဒ္ဓကာရကဓမ္မာနံ အာဒိ စရဏံ ပတိဋ္ဌာ မူလံ မုခံ ပမုခ”န္တိ ဧဝမာဒိနာ မေတ္တာယ ဂုဏာ ပစ္စဝေက္ခိတဗ္ဗာ။

တဏှာ “ဥပေက္ခာယ အဘာဝေ သတ္တေဟိ ကတာ ဝိပုကာရာ စိတ္တဿ ဝိကာရံ ဥပ္ပါဒေယျံ၊ သတိ စ စိတ္တဝိကာရေ ဒါနာဒိသမ္ဘာရာနံ သမ္ဘဝေါယေဝ နတ္ထိ”တိ စ “မေတ္တာသိနေဟေန သိနေဟိတေ စိတ္တေ ဥပေက္ခာယ ဝိနာ သမ္ဘာရာနံ ပါရိသုဒ္ဓိ န ဟောတိ”တိ စ “အနုပေက္ခကော သမ္ဘာရေသု ပုညသမ္ဘာရံ တဗ္ဗိပါကဉ္စ သတ္တဟိတတ္ထံ ပရိဏာမေတုံ န သက္ခောတိ”တိ စ “ဥပေက္ခာယ အဘာဝေ ဒေယျပဋိဂ္ဂါဟကေသု ဝိဘာဂံ အကတွာ ပရိစ္စဇိတုံ န သက္ခောတိ”တိ စ “ဥပေက္ခာရဟိတေန ဇီဝိတပရိက္ခာရာနံ ဇီဝိတဿ စ အန္တရာယံ အမနသိကရိတွာ သံဝရဝိသောဓနံ ကာတုံ န သက္ကာ”တိ စ “ဥပေက္ခာဝသေန အရတိရတိသဟဿေဝ နေက္ခမ္မဗလသိဒ္ဓိတော၊ ဥပပတ္တိတော ဣက္ခနဝသေနေဝ သဗ္ဗသမ္ဘာရကိစ္စနိပ္ပတ္တိတော၊ အစွာရဒ္ဓဿ ဝိရိယဿ အနုပေက္ခနေ ပဓာနကိစ္စာကရဏတော၊ ဥပေက္ခတောယေဝ တိတိက္ခာနိဇ္ဈာနသမ္ဘဝတော၊ ဥပေက္ခာဝသေန သတ္တသင်္ခါရာနံ အဝိသံဝါဒနတော၊ လောကဓမ္မာနံ အဇ္ဈုပေက္ခနေန သမာဒိန္နဓမ္မေသု အစလာမိဋ္ဌာနသိဒ္ဓိတော၊ ပရာပကာရာဒိသု အနာဘောဂဝသေနေဝ မေတ္တာဝိဟာရနိပ္ပတ္တိတောတိ သဗ္ဗဗောဓိသမ္ဘာရာနံ သမာဒါနာမိဋ္ဌာနပါရိပူရိနိပ္ပတ္တိယော ဥပေက္ခာနုဘာဝေန သမ္ပဇ္ဇန္တိ”တိ ဧဝမာဒိနာ နယေန

ဥပေက္ခာပါရမီ ပစ္စဝေက္ခိတဗ္ဗာ။ ဧဝံ အပရိစ္စာဂပရိစ္စာဂါဒီသု ယထာက္ကမံ အာဒိနဝါနိသံသပစ္စဝေက္ခဏာ ဒါနာဒိပါရမီနံ ပစ္စယောတိ ဝေဒိတဗ္ဗာ။

တထာ သပရိက္ခာရာ ပဉ္စဒသ စရဏဓမ္မာ ပဉ္စ စ အဘိညာယော။ တတ္ထ စရဏဓမ္မာ နာမ သီလသံဝရော၊ ဣန္ဒြိယေသု ဂုတ္တဒ္ဓါရတာ၊ ဘောဇနေ မတ္တညုတာ၊ ဇာဂရိယာနုယောဂေါ၊ သတ္တ သဒ္ဓမ္မာ၊ စတ္တာရိ ဈာနာနိ စ။ တေသု သီလာဒီနံ စတုန္တံ တေရသပိ ဓုတဓမ္မာ၊ အပ္ပိစ္ဆတာဒယော စ ပရိက္ခာရာ။ သဒ္ဓမ္မေသု သဒ္ဓါယ ဗုဒ္ဓဓမ္မသံဃသီလစာဂဒေဝတူပသမာနသတိ- လူခပုဂ္ဂလပရိဝဇ္ဇနသိနိဋ္ဌပုဂ္ဂလသေဝနပသာဒနိယဓမ္မပစ္စဝေက္ခဏတဒဓိမုတ္တတာ ပရိက္ခာရာ။ ဟိရေတ္တပ္ပါနံ အကုသလာဒိနဝပစ္စဝေက္ခဏအပါယာဒိနဝပစ္စ- ဝေက္ခဏကုသလဓမ္မပတ္ထန္တနဘာဝပစ္စဝေက္ခဏဟိရေတ္တပ္ပရဟိတပုဂ္ဂလပရိဝဇ္ဇ- နဟိရေတ္တပ္ပသမ္ပန္နပုဂ္ဂလသေဝနတဒဓိမုတ္တတာ။ ဗာဟုသစ္စဿ ပုဗ္ဗယောဂပရိ- ပုစ္ဆကဘာဝသဒ္ဓမ္မာဘိယောဂအနဝဇ္ဇဝိဇ္ဇာဌာနာဒိပရိစယပရိပတ္တိန္ဒြိယတာကိ- လေသဒ္ဓရိဘာဝအပ္ပဿုတပရိဝဇ္ဇနဗဟုဿုတသေဝနတဒဓိမုတ္တတာ။ ဒီရိယဿ အပါယဘယပစ္စဝေက္ခဏဂမနဝိထိပစ္စဝေက္ခဏဓမ္မမဟတ္တပစ္စဝေက္ခဏထိနမိဒ္ဓဝိ- နောဒနကုသိတပုဂ္ဂလပရိဝဇ္ဇန အာရဒ္ဓဝီရိယပုဂ္ဂလသေဝနသမ္ပပ္ပဓာနပစ္စဝေက္ခ- ဏတဒဓိမုတ္တတာ။ သတိယာ သတိသမ္ပဇညမုဋ္ဌဿတိပုဂ္ဂလပရိဝဇ္ဇနဥပဋ္ဌိတဿ- တိပုဂ္ဂလသေဝနတဒဓိမုတ္တတာ။ ပညာယ ပရိပုစ္ဆကဘာဝဝတ္ထုဝိသဒကိရိယာ- ဣန္ဒြိယသမတ္တပဋိပါဒနဒုပ္ပညပုဂ္ဂလပရိဝဇ္ဇနပညဝန္တပုဂ္ဂလသေဝနဂမ္ဘီရဉာဏစရိ- ယပစ္စဝေက္ခဏတဒဓိမုတ္တတာ။ စတုန္တံ ဈာနာနံ သီလာဒိစတုက္ကံ အဋ္ဌတိံသာယ အာရမ္မဏေသု ပုဗ္ဗဘာဂဘာဝနာ၊ အာဝဇ္ဇနာဒိဝသီဘာဝကရဏဉ္စ ပရိ- က္ခာရာ။ တတ္ထ သီလာဒိဟိ ပယောဂသုဒ္ဓိယာ သတ္တာနံ အဘယဒါနေ၊ အာသယသုဒ္ဓိယာ အာမိသဒါနေ၊ ဥဘယသုဒ္ဓိယာ စ ဓမ္မဒါနေ သမတ္တော ဟောတိတိအာဒိနာ စရဏာဒီနံ ဒါနာဒိသမ္ဘာရာနံ ပစ္စယဘာဝေါ ယထာရဟံ နိဒ္ဓါရေတဗ္ဗော၊ အတိဝိတ္တာရဘယေန န နိဒ္ဓါရယိမှ။ ဧဝံ သမ္ပတ္တိစက္ကာဒယောပိ ဒါနာဒီနံ ပစ္စယောတိ ဝေဒိတဗ္ဗာ။

ကော သံကိလေသောတိ အဝိသေသေန တဏှာဒိဟိ ပရာမဋ္ဌဘာဝေါ ပါရမီနံ သံကိလေသော၊ ဝိသေသေန ဒေယျပဋိဂ္ဂါဟကဝိကပ္ပါ ဒါနပါရမိယာ သံကိလေသော၊ သတ္တကာလဝိကပ္ပါ သီလပါရမိယာ၊ ကာမဘဝတဒုပသမေသု အဘိရတိအနဘိရတိဝိကပ္ပါ နေက္ခမ္ပပါရမိယာ၊ “အဟံ၊ မမာ”တိ ဝိကပ္ပါ ပညာပါရမိယာ၊ လီနုဒ္ဓစ္စဝိကပ္ပါ ဝီရိယပါရမိယာ၊ အတ္တပရဝိကပ္ပါ ခန္တိပါရ- မိယာ၊ အဒိဋ္ဌာဒီသု ဒိဋ္ဌာဒိဝိကပ္ပါ သစ္စပါရမိယာ၊ ဗောဓိသမ္ဘာရတဗ္ဗိပက္ခေသု

ဒေါသဂုဏ်ကပ္ပိ အဓိဋ္ဌာနပါရမိယာ၊ ဟိတာဟိတကပ္ပိ မေတ္တာပါရမိယာ၊ ဣဋ္ဌာနိဋ္ဌကပ္ပိ ဥပေက္ခာပါရမိယာ သံကိလေသောတိ ဝေဒိတဗျော။

ဣဒံ ဝေါဒါနန္တိ တဏှာဒီဟိ အနုပဿာတော၊ ယထာဂုတ္တကပ္ပဝိရဟော စ တောသံ ဝေါဒါနန္တိ ဝေဒိတဗ္ဗံ။ အနုပဟတာ ဟိ တဏှာမာနဒိဋ္ဌိကောရူပနာဟမက္ခပလာသဇ္ဇဿာမစ္ဆရိယမာယာသာဓဋ္ဌယုထမ္ဘဿာရမ္ဘမဒပမာဒါဒီဟိ ကိလေသေဟိ ဒေယျပဋိဂ္ဂါဟကကပ္ပိဒါရဟိတာ စ ဒါနာဒိပါရမိယော ပရိသုဒ္ဓါ ပဘဿရာ ဘဝန္တိတိ။

ကော ပဋိပက္ခောတိ အဝိသေသေန သဗ္ဗေပိ ကိလေသာ သဗ္ဗေပိ အကုသလာ ဓမ္မာ တောသံ ပဋိပက္ခော၊ ဝိသေသေန ပန ပုဗ္ဗေ ဂုတ္တာ မစ္ဆေရာဒယောတိ ဝေဒိတဗျော။ အပိစ ဒေယျပဋိဂ္ဂါဟကဒါနဖလေသု အလောဘာဒေါသာမောဟဂုဏယောဂတော လောဘဒေါသာမောဟပဋိပက္ခံ ဒါနံ၊ ကာယာဒိဒေါသဝင်္ကာပဂမနတော လောဘာဒိပဋိပက္ခံ သီလံ၊ ကာမသုခပရူပဿာတအတ္တကိလမထပရိဝဇ္ဇနတော ဒေါသတ္တယပဋိပက္ခံ နေက္ခမ္ပံ၊ လောဘာဒိနံ အန္တိကရဏတော၊ ဉာဏဿ စ အနန္တိကရဏတော လောဘာဒိပဋိပက္ခာ ပညာ၊ အလိနာနုဒ္ဓတဉာယာရမ္ဘဝသေန^၁ လောဘာဒိပဋိပက္ခံ ဝီရိယံ၊ ဣဋ္ဌာနိဋ္ဌသုညတာနံ ခမနတော လောဘာဒိပဋိပက္ခာ ခန္တိ၊ သတိပိ ပရေသံ ဥပကာရေ အပကာရေ စ ယထာဘူတပ္ပဝတ္တိယာ လောဘာဒိပဋိပက္ခံ သစ္စံ၊ လောကဓမ္မေ အဘိဘုယျ ယထာသမာဒိန္ဓေသု သမ္ဘာရေသု အစလနတော လောဘာဒိပဋိပက္ခံ အဓိဋ္ဌာနံ၊ နိဝရဏဝိဝေကတော လောဘာဒိပဋိပက္ခာ မေတ္တာ၊ ဣဋ္ဌာနိဋ္ဌေသု အနုနယပဋိသဝိဒ္ဓိသနတော၊ သမပ္ပဝတ္တိတော စ လောဘာဒိပဋိပက္ခာ ဥပေက္ခာတိ ဒဋ္ဌဗ္ဗံ။

ကာ ပဋိပတ္တိတိ သုရူပကရဏသရီရဇီဝိတပရိစ္စာဂေန ဘယာပနုဒနေန ဓမ္မောပဒေသေန စ ဗဟုဓာ သတ္တာနံ အနုဂ္ဂဟကရဏံ ဒါနေပဋိပတ္တိ။ တတ္ထာယံ ဝိတ္တာရနယော—“ဣမိနာဟံ ဒါနေန သတ္တာနံ အာယုဝဏ္ဏသုခ ဗလပဋိဘာနာဒိသမ္ပတ္တိံ ရမဏီယံ အဂ္ဂဖလသမ္ပတ္တိံ နိပ္ပုဒေယျ”န္တိ အန္တဒါနံ ဒေတိ၊ တထာ သတ္တာနံ ကမ္မကိလေသဝိပါသဂူပသမာယ ပါနံ ဒေတိ၊ တထာ သုဝဏ္ဏဝဏ္ဏတာယ၊ ဟိရေတ္တပ္ပိလင်္ကာရဿ စ နိပ္ပတ္တိယာ ဝတ္တာနိ ဒေတိ၊ တထာ ဣဒ္ဓိဝိဿေ စေဝ နိဗ္ဗာနသုခဿ စ နိပ္ပတ္တိယာ ယာနံ ဒေတိ၊ တထာ သီလဂန္ဓနိပ္ပတ္တိယာ ဂန္ဓံ၊ ဗုဒ္ဓဂုဏသောဘာနိပ္ပတ္တိယာ မာလာဝိလေပနံ၊ ဗောဓိမဏ္ဍာသနနိပ္ပတ္တိယာ

ဘောဂေသု စ အနိစ္စသညာ ပစ္စုပဋ္ဌပေတဗ္ဗာ၊ သတ္တေသု စ မဟာကရုဏာ။
 ဧဝံ ဘောဂေ ဂဟေတဗ္ဗသာရံ ဂဏှန္တော အာဒိတ္တသ္မာ ဝိယ အဂါရသ္မာ သဗ္ဗံ
 သာပတေယျံ၊ အတ္တာနဉ္စ ဗဟိ နိဟရန္တော န ကိဉ္စိ သေသေတိ^၁၊ နိရဝ-
 သေသတော နိဿဇ္ဇတိယေဝ။ အယံ တာဝ ခါနမါရမိယာ ပဋိပတ္တိက္ကမော။

သီလပါရမိယာ ပန ယသ္မာ သဗ္ဗညုသီလာလင်္ကာရေဟိ သတ္တေ အလင်္ကာ-
 ရိတုကာမေန အတ္တနောယေဝ တာဝ သီလံ ဝိသောဓေတဗ္ဗံ၊ တသ္မာ သတ္တေသု
 တထာ ဒယာပန္နစိတ္တေန ဘဝိတဗ္ဗံ၊ ယထာ သုပိနန္တေနပိ န အာဃာတော
 ဥပ္ပဇ္ဇေယျ။ ပရူပကာရနိရုတတာယ ပရသန္တကော အလဂဒ္ဓေါ ဝိယ န ပရာမသိ-
 တဗ္ဗော။ အဗြဟ္မစရိယတောပိ အာရာစာရိ၊ သတ္တဝိဓမ္မေထုန^၂သံယောဂ-
 ဝိရတော၊ ပဂေဝ ပရဒါရဂမနတော။ သစ္စံ ဟိတံ ပိယံ ပရိမိတမေဝ စ ကာလေန
 ဓမ္မိ^၃ ကထံ ဘာသိတာ ဟောတိ၊ အနဘိဇ္ဈာလု အဗျာပန္တော အဝိပရိတ-
 ဒဿနော သမ္မာသမ္ဗုဒ္ဓေ နိဝိဋ္ဌသဒ္ဓေါ နိဝိဋ္ဌပေမော။ ဣတိ စတုရာပါယဝဋ္ဋ-
 ဒုက္ခပထေဟိ အကုသလကမ္မပထေဟိ၊ အကုသလဓမ္မေဟိ စ ဩရမိတွာ သဂ္ဂ-
 မောက္ခပထေသု ကုသလကမ္မပထေသု ပတိဋ္ဌိတဿ သုဒ္ဓါသယပယောဂတာယ
 ယထာဘိပတ္တိတာ သတ္တာနံ ဟိတသုရူပသဉ္စိတာ မနောရထာ သီဃံ အဘိ-
 နိပ္ပဇ္ဇန္တိ။

တတ္ထ ဟိ^၄သာနိဝတ္တိယာ သဗ္ဗသတ္တာနံ အဘယဒါနံ ဒေတိ၊ အပ္ပကသိရေ-
 နေဝ မေတ္တာဘာဝနံ သမ္မာဒေတိ၊ ကောဒသ မေတ္တာနိသံသေ^၅ အဓိဂစ္ဆတိ၊
 အပ္ပါဗာဓော ဟောတိ အပ္ပါတင်္ကော ဒီဃာယုကော သုခဗဟုလော၊ လက္ခဏ-
 ဝိသေသေ ပါပုဏာတိ၊ ဒေါသဝါသနဉ္စ သမုစ္ဆန္တတိ။ တထာ အဒိန္နာဒါန-
 နိဝတ္တိယာ စောရာဒိအသာဓာရဏေ ဥဠာရေ ဘောဂေ အဓိဂစ္ဆတိ၊ အနာ-
 သင်္ကနိယော ပိယော မနာပေါ ဝိဿသနိယော၊ ဝိဘဝသမ္ပတ္တိသု အလဂ္ဂစိတ္တော
 ပရိစ္စာဂသီလော၊ လောဘဝါသနဉ္စ သမုစ္ဆန္တတိ။ အဗြဟ္မစရိယနိဝတ္တိယာ
 အလောဘော ဟောတိ သန္တကာယစိတ္တော၊ သတ္တာနံ ပိယော ဟောတိ
 မနာပေါ အပရိသင်္ကနိယော၊ ကလျာဏော စဿ ကိတ္တိသဒ္ဓေါ အဗ္ဘုဂ္ဂစ္ဆတိ၊
 အလဂ္ဂစိတ္တော ဟောတိ မာတုဂါမေသု အလုဒ္ဓါသယော၊ နေက္ခမ္မဗဟုလော၊
 လက္ခဏဝိသေသေ အဓိဂစ္ဆတိ၊ လောဘဝါသနဉ္စ သမုစ္ဆန္တတိ။

မုသာဝါဒနိဝတ္တိယာ သတ္တာနံ ပမာဏဘူတော ဟောတိ ပစ္စယိကော
 ထေတော အာဒေယျဝစနော ဒေဝဘာနံ ပိယော မနာပေါ သုရဘိဂန္ဓမုခေါ

၁-န ကတ္တမိ ဝိဘာဂံ ကရေတိ၊ အညဒတ္ထု နိရပေက္ခော (အဘိနဝဋီ၊ စရိယာပိဋက-ဋ္ဌ။)

၂-အံ ၂-၄၃၈-ပိဋေ ဝိတ္တာရေ။

၃-အံ ၃-၅၄၂-ပိဋေ ဝိတ္တာရေ။

အာရက္ခိယကာယဝစီသမာစာရော၊ လက္ခဏာပိသေသေ စ အဓိဂစ္ဆတိ၊ ကိလေသ-
 ဝါသနဉ္စ သမုတ္တိန္တတိ။ ပေသုညနိဝတ္တိယာ ပရူပက္ကမေဟိ အဘောဇ္ဇကာယော
 ဟောတိ အဘောဇ္ဇပရိဝါရော၊ သဒ္ဓမ္မေ စ အဘိဇ္ဇနကသဒ္ဓေါ၊ ဒဠမိတ္တော ဘဝန္တရ-
 ပရိစိတာနဗ္ဗိ သတ္တာနံ ဧကန္တပိယော၊ အသံကိလေသဗဟုလော။ ဖရသဝါစာ-
 နိဝတ္တိယာ သတ္တာနံ ပိယော ဟောတိ မနာပေါ သုခသီလော မဓုရဝစနော
 သမ္ဘာဝနိယော၊ အဋ္ဌင်္ဂသမန္နာဂတော စဿ သရော^၁ နိဗ္ဗတ္တတိ။ သမ္မပ္ပလာပ-
 နိဝတ္တိယာ စ သတ္တာနံ ပိယော ဟောတိ မနာပေါ ဂရ ဘာဝနိယော စ
 အာဒေယျဝစနော စ ပရိမိတာလာပေါ၊ မဟေသက္ခော စ ဟောတိ မဟာ-
 နဘာဝေါ၊ ဌာနပ္ပတ္တိကေန ပဋိဘာနေန ပဉ္စာနံ ဗျာကရဏကုသလော၊
 ဗုဒ္ဓဘူမိယဉ္စ ကောယ ဧဝ ဝါစာယ အနေကဘာသာနံ သတ္တာနံ အနေကေသံ
 ပဉ္စာနံ ဗျာကရဏသမတ္တော ဟောတိ။

အနဘိဇ္ဈာလုတာယ ဣတ္ထိတလာဘိ ဟောတိ၊ ဥဠာရေသု စ ဘောဂေသု
 ရစိ^၂ ပဋိလဘတိ၊ ခတ္တိယမဟာသာလာဒီနံ သမ္ပတော ဟောတိ၊ ပစ္စတ္တိကေဟိ
 အနဘိဘဝနိယော၊ ဣန္ဒြိယဝေကလ္လံ န ပါပုဏာတိ၊ အပ္ပဋိပုဂ္ဂလော စ ဟောတိ။
 အဗျာပါဒေန ပိယဒဿနော ဟောတိ သတ္တာနံ သမ္ဘာဝနိယော၊ ပရဟိတာဘိ-
 နန္ဒိတာယ စ သတ္တေ အပ္ပကသိရေနဝပသာဒေတိ၊ အလူခသဘာဝေါစ ဟောတိ
 မေတ္တာပိဟာရီ၊ မဟေသက္ခော စ ဟောတိ မဟာနဘာဝေါ။ မိစ္ဆာဒဿနာ-
 ဘာဝေန ကလျာဏေ သဟာယေ ပဋိလဘတိ၊ သီသစ္ဆေဒမ္ပိ ပါပုဏန္တော ပါပ-
 ကမ္မံ န ကရေတိ၊ ကမ္မဿကတာဒဿနတော အကောတူဟလမင်္ဂလိကော စ
 ဟောတိ၊ သဒ္ဓမ္မေ စဿ သဒ္ဓါ ပတိဋ္ဌိတာ ဟောတိ မူလဇာတာ၊ သဒ္ဓဟတိ စ
 တထာဂတာနံ ဗောဓိ^၃၊ သမယန္တရေသု နာဘိရမတိ ဥက္ကာရဋ္ဌာနေ ပိယ ရာဇ-
 ဟံသော၊ လက္ခဏတ္တယပရိဇာနနကုသလော ဟောတိ၊ အန္တေ စ အနာဝရဏ-
 ဉ္ဈာလာဘိ၊ ယာဝဗောဓိ^၄ န ပါပုဏာတိ၊ တာဝတသ္မိ^၅ တသ္မိ^၆ သတ္တနိကာယေ
 ဥက္ကဋ္ဌုက္ကဋ္ဌော စ ဟောတိ၊ ဥဠာရဋ္ဌာရသမ္ပတ္တိယော ပါပုဏာတိ။

“ဣတိ ဟိဒံ သီလံ နာမ သဗ္ဗသမ္ပတ္တိနံ အဓိဋ္ဌာနံ၊ သဗ္ဗဗုဒ္ဓဂုဏာနံ ပဘဝဘူမိ၊
 သဗ္ဗဗုဒ္ဓကရဓမ္မာနံ အာဒိ စရဏံ မုခံ ပမုခံ”^၇ နှိ ဗဟုမာနံ ဥပ္ပါဒေတွာ ကာယ-
 ဝစီသံယမေ၊ ဣန္ဒြိယဒမနေ၊ အာဇီဝသမ္ပဒါယ၊ ပစ္စယပရိဘောဂေ စ သတိသမ္ပ-
 ဇေဉ္ဇလေန အပ္ပမတ္တေန လာဘသက္ကာရသီလောကံ မိတ္တမုခပစ္စတ္တိကံ^၈ ပိယ
 သလ္လက္ခေတွာ “ကိကီဝ အဏ္ဏ”^၉ နှိ အာဒိနာ^{၁၀}၊ ဝုတ္တနယေန သက္ကစ္စံ သီလံ

၁-မ ၂-၃၄၀-ပိဋေ ဝိတ္ထာရော။ ၂-ဥက္ခိတ္တာသိကပစ္စတ္တိကံ (အဘိနဝဋီ) .
 ၃-ဝိသုဒ္ဓိ ၁-၃၄၊ ဒိ-ဋ္ဌ ၁-၅၆-ပိဋေသု။

သမ္မာဒေတဗ္ဗံ။ အယမေတ္ထ သင်္ခေပေါ၊ ဝိတ္တာရော ပန ဝိသုဒ္ဓိမဂ္ဂေ^၁ ပုတ္တနယေန ဝေဒိတဗ္ဗော။ တဉ္စ ပနေတံ သီလံ န အတ္တနော ဒုဂ္ဂတိပရိကိလေသဝိပုတ္တိယာ၊ သုဂတိယမ္ပိ န ရဇ္ဇသမ္ပတ္တိယာ၊ န စက္ကဝတ္တိ၊ န ဒေဝ၊ န သက္ကာ၊ န မာရ၊ န မြဟ္မသမ္ပတ္တိယာ၊ နာပိ အတ္တနော တေဝိဇ္ဇတာဒိဟေတု၊ န ပစ္စေကဗောဓိယာ၊ အထ ခေါသဗ္ဗညုဘာဝေန သဗ္ဗသတ္တာနံ အနုတ္တရသီလာလင်္ကာရသမ္မာဒနတ္ထ-မေဝါတိ ပရိဏာမေတဗ္ဗံ။

တထာ သကလသံကိလေသနိဝါသဋ္ဌာနတာယ၊ ပုတ္တဒါရာဒီဟိ မဟာ-သမ္မာဓတာယ၊ ကသိဝဏ္ဏိဇ္ဇာဒိနာနာဝိဓကမ္ပန္တာမိဋ္ဌာနဗျာကုလတာယ စ ဃရာ-ဝါသသံ နေက္ခမ္ပသုခါဒီနံ အနောကာသတံ၊ ကာမာနဉ္စ “သတ္တဓာရာလဂ္ဂမရ-မိန္ဒု၊ ဝိယ စ အဝလေယမာနာ ပရိတ္တဿာဒါ ဝိပုလာနတ္တာနုဗန္ဓာ”တိ စ “ဝိဇ္ဇာ-လတောဘာသေန ဂဟေတဗ္ဗံ နစွံ ဝိယ ပရိတ္တကာလောပလဟ္တာ၊ ဥမ္ပတ္တကာ-လင်္ကာရော ဝိယ ဝိပရိတသညာယ အနုဘဝိတဗ္ဗာ၊ ကရိသာဝစ္ဆာဒနသုခံ၊ ဝိယ ပဋိကာရဘူတာ၊ ဥဒကတေမိတင်္ဂလိယာ ဥဿာဝကောဒကပါနံ ဝိယ အတိတ္ထိ-ကရာ၊ ဆာတဇ္ဈတ္တဘောဇနံ ဝိယ သာဗာဓာ၊ ဗလိသာမိသံ ဝိယ ဗျသနသန္ဓိ-ပါတကာရဏာ၊ အဂ္ဂိသန္တာပေါ ဝိယ ကာလတ္တယေဝိ ဒုက္ခုပ္ပတ္တိဟေတုဘူတာ၊ မက္ကဋ္ဌာလေပေါ ဝိယ ဗန္ဓနိမိတ္တာ၊ ဃာတကာဝစ္ဆာဒနကိမ်လယော ဝိယ အနတ္တစ္ဆာဒနာ၊ သပတ္တဂါမဝါသော ဝိယ ဘယဋ္ဌာနဘူတာ၊ ပစ္စတ္တိကပေါ-သကော ဝိယ ကိလေသမာရာဒီနံ အာမိသဘူတာ၊ ဆဏသမ္ပတ္တိယော ဝိယ ဝိပရိဏာမဒုက္ခာ၊ ကောဋ္ဌရဂ္ဂိ ဝိယ အန္တောဒါဟကာ၊ ပုရာဏကူပါဝလမ္ပဗီရ-ဏံမရုပိဏ္ဍိ ဝိယ အနေကာဒိနဝါ၊ လောဏုဒကပါနံ ဝိယ ဝိပါသဟေတုဘူတာ၊ သုရာမေရယံ ဝိယ နိစဇနသေဝိတာ၊ အပ္ပဿာဒတာယ အဋ္ဌိကင်္ဂလူပမာ”တိ-အာဒိနာ စ နယေန အာဒိနဝံ သလ္လက္ခေတွာ တဗ္ဗိပရိယာယေန နေက္ခမ္ပေ အာနိသံသံ ပဿန္တေန နေက္ခမ္ပပဝိဝေကဥပသမသုခါဒီသု နိန္ဒပေါဏပဟ္တာရ-စိတ္တေန နေက္ခမ္ပပါရမီ ပူရေတဗ္ဗာ။

တထာ ယသ္မာ ပညာ အာလောကော ဝိယ အန္တကာရေန မောဟေန သဟ န ဝတ္တတိ၊ တသ္မာ မောဟကာရဏာနိ တာဝ ဗောဓိသတ္တေန ပရိဝဇ္ဇိ-တဗ္ဗာနိ။ တတ္ထိမာနိ မောဟကာရဏာနိ— အရတိတန္တိဝိဇ္ဇိတာ အာလသိယံ ဂဏသင်္ဂဏိကာရာမတာ နိဒ္ဒါသီလတာ အနိစ္ဆယသီလတာ ဤဏသ္မိံ အကု-တူဟလတာ မိစ္ဆာမိမာနော အပရိပုစ္ဆကတာ ကာယဿ န သမ္မာပရိဟာရော

၁-ဝိသုဒ္ဓိ ၁-၇-ဝိဋ္ဌာဒိသု၊

၂-ကရိသာဝစ္ဆာဒနသုခံ (အဘိနဝဋီ)

အသမာဟိတစိတ္တတာ ဒုပ္ပညာနံ ပုဂ္ဂလာနံ သေဝနာ ပညဝန္တာနံ အပယိရု-
ပါသနာ အတ္တဘရိတခေါ မိစ္ဆာဝိကပ္ပေါ ဝိပရိတာဘိနိဝေသော ကာယဒဠိ-
ဗဟုလတာ အသံဝေဂသီလတာ ပဉ္စ နိဝရဏာနိ။ သင်္ခေပတော ယေ ဝါ ပန
ဓမ္မေ အာသေဝတော အနုပ္ပန္နာ ပညာ န ဥပ္ပဇ္ဇတိ၊ ဥပ္ပန္နာ ပရိဟာယတိ၊ ဣတိ
ဣမာနိ သမ္မောဟကာရဏာနိ ပရိဝဇ္ဇန္တေန ဗာဟုသစ္စေ ဈာနာဒိသု စ
ယောဂေါ ကရဏီယော။

တတ္ထာယံ ဗာဟုသစ္စဿ ဝိသယဝိဘာဂေါ—ပဉ္စ ခန္ဓာ ဒွါဒသာယတနာနိ
အဋ္ဌာရသ ဓာတုယော စတ္တာရိ သစ္စာနိ ဗာဝိသတိန္ဒြိယာနိ ဒွါဒသပဒိကော
ပဋိစ္စသမုပ္ပါဒေါ၊ တထာ သတိပဋ္ဌာနာဒယော ကုသလာဒိဓမ္မပ္ပကာရဘေဒါ
စ။ ယာနိ စ လောကေ အနဝဇ္ဇာနိ ဝိဇ္ဇဋ္ဌာနာနိ၊ ယေ စ သတ္တာနံ ဟိတသုခ-
ဝိဓာနယောဂျာ ဗျာကရဏဝိသေသာ။ ဣတိ ဧဝံ ပကာရံ သကလမေဝ သုတ-
ဝိသယံ ဥပါယကောသလ္လပုဗ္ဗင်္ဂမာယ ပညာယ သတိဝီရိယုပတ္တန္တကာရဏာယ^၁
သာဓုကံ ဥဂ္ဂဟဏသဝနဓာရဏပရိစယပရိပုစ္ဆာဟိ ဩဂါဟေတွာ တတ္ထ စ
ပရေသံ ပတိဋ္ဌပနေန သုတမယာ ပညာ နိဗ္ဗတ္တေတဗ္ဗာ၊ တထာ ခန္ဓာဒီနံ
သဘာဝဓမ္မာနံ အာကာရပရိဝိတက္ကနမုခေန တေ နိဇ္ဈာနံ ခမာပေန္တေန
စိန္တာမယာ၊ ခန္ဓာဒီနံယေဝ ပန သလက္ခဏသာမညလက္ခဏပရိဂ္ဂဟဝသေန
လောကီယံ ပရိညံ နိဗ္ဗတ္တန္တေန ပုဗ္ဗဘာဂဘာဝနာပညာ သမ္မာဒေတဗ္ဗာ။
ဧဝံဉ္စ “နာမရူပမတ္တမိဒံ ယထာရဟံ ပစ္စယေဟိ ဥပ္ပဇ္ဇတိ ဧဝံ နိရုဇ္ဈတိ စ၊ န
တ္ထေ ကောစိ ကတ္တာ ဝါ ကာရေတာ ဝါ၊ ဟုတွာ အဘာဝဋ္ဌေန အနိစ္စံ၊
ဥဒယဗ္ဗယာဋ္ဌိဝိဋ္ဌနဋ္ဌေန ဒုက္ခံ၊ အဝသဝတ္တနဋ္ဌေန အနတ္တာ”တိ အဇ္ဈတ္တိကဗာဟိ-
ရေ ဓမ္မေ နိဗ္ဗိသေသံ ပရိဇာနန္တော တတ္ထ အာသင်္ဂံ ပဇဟိတွာ၊ ပရေ စ တတ္ထ
တံ ဇဟာပေတွာ ကေဝလံ ကရဏာဝသေနေဝ ယာဝ န ပုဒ္ဓဂုဏာ ဟုတ္တတလံ
အာဂစ္ဆန္တိ၊ တာဝ ယာနတ္တယေ သတ္တေ အဝတာရဏပရိပါစနေဟိ ပတိဋ္ဌာ-
ပေန္တော၊ ဈာနဝိမောက္ခသမာဓိသမာပတ္တိယော စ ဝသီဘာဝံ ပါပေန္တော
ပညာယ အတိဝိယ မတ္တကံ ပါပုဏာတိတိ။

တထာ သမ္မာသမ္မောဓိယာ ကတဘိနိဟာရေန မဟာသတ္တေန “ကော
န အဇ္ဇ ပုညဉာဏသမ္ဘာရော ဥပစိတော၊ ကိဉ္စ မယာ ကတံ ပရဟိတ”န္တိ
ဒိဝသေ ဒိဝသေ ပစ္စဝေက္ခန္တေန သတ္တဟိတတ္ထံ ဥဿာဟော ကရဏီယော၊
သဗ္ဗေသမ္ပိ သတ္တာနံ ဥပကာရာယ အတ္တနော ကာယံ ဇီဝိတဉ္စ ဩဿဇ္ဇိတဗ္ဗံ၊
သဗ္ဗေဝိ သတ္တာ အနောဓိသော မေတ္တာယ ကရုဏာယ စ ဖရိတဗ္ဗာ၊ ယာ

ကာစီ သတ္တာနံ ဒုက္ခပုတ္တိ၊ သဗ္ဗာ သာ အတ္တနိ ပါဠိကဒိတဗ္ဗာ၊ သဗ္ဗေသဉ္စ
သတ္တာနံ ပုညံ အတ္တနုမောဒိတဗ္ဗံ၊ ဗုဒ္ဓမဟန္တတာ အဘိဏ္ဍံ ပစ္စဝေက္ခိတဗ္ဗာ၊
ယဉ္စ ကိဉ္စိ ကမ္မံ ကရေတိ ကာယေန ဝါစာယ ဝါ၊ တံ သဗ္ဗံ ဗောဓိနိန္ဒ-
စိတ္တပုဗ္ဗင်္ဂမံ ကာတဗ္ဗံ။ ဣမိနာ ဟိ ဥပါယေန ဗောဓိသတ္တာနံ အပရိမေယျော
ပုညဘာဂေါ ဥပစိယတိ။ အဝိစ သတ္တာနံ ပရိဘောဂတ္ထံ ပရိပါလနတ္ထဉ္စ
အတ္တနော သရီရံ ဇီဝိတဉ္စ ပရိစ္စဇိတွာ ခပ္ပိပါသာသီတုဏှဝါတာတပါဒိဒုက္ခပဋိ-
ကာရော ပရိယေသိတဗ္ဗော။ ယဉ္စ ယထာဝုတ္တဒုက္ခပဋိကာရဇံ သုခံ အတ္တနာ
ပဋိလဘတိ၊ တထာ ရမဏီယေသု အာရာမုယျာနပါသာဒတလာဒီသု၊ အရညာ-
ယတနေသု စ ကာယစိတ္တသန္တာပါဘာဝေန အဘိနိဗ္ဗုတတ္တာ သုခံ ဝိန္ဒတိ၊
ယဉ္စ သုဏာတိ ဗုဒ္ဓါနုဗုဒ္ဓပစ္စေကဗုဒ္ဓဗောဓိသတ္တာနံ ဒိဋ္ဌဓမ္မသုခဝိဟာရဘူတံ
ဈာနသမာပတ္တိသုခံ၊ တံ သဗ္ဗံ သက္ကေသု အနောဓိသော ဥပသံဟရတိ။ အယံ
တာဝ အသမာဟိတဘူမိယံ နယော။

သမာဟိတော ပန အတ္တနာ ယထာနုဘူတံ ဝိသေသာဓိဂမနိဗ္ဗတ္တံ ဝိတိ-
ပဿဒ္ဓိသုခံ သဗ္ဗသတ္တေသု အဓိမုစ္စတိ၊ တထာ မဟတိ သံသာရဒုက္ခေ၊ တန္တိမိတ္တ-
ဘူတေ စ ကိလေသာဘိသင်္ခါရဒုက္ခေ နိမုဂ္ဂံ သတ္တနိကာယံ ဒိသ္မာ တတ္ထပိ-
ဆေဒနဘေဒနဗာလနပိသနဂ္ဂိသန္တာပါဒိဇနိတာ ဒုက္ခာ တိဗ္ဗာ ခရာ ကဋုကာ
ဝေဒနာ နိရန္တရံ စိရကာလံ ဝေဒိယန္တေ နာရကေ၊ အညမညံ ကုဇ္ဈနသန္တာပန-
ဝိဟေဌနဟိံသနပရာဓိနတာဒီဟိ ဒုက္ခံ အနဘဝန္တေ တိရစ္ဆာနေ၊ ဇောတိ-
မာလာ' ကုလသရီရေ ဥဒ္ဓဗာဟုဝိရဝန္တေ ဥက္ကာမုခေ ခုပ္ပပါသာဒီဟိ ဥယျမာနေ
စ ဝန္တခေဋ္ဌာဒိအာဟာရေ စ မဟာဒုက္ခံ ဝေဒယမာနေ ပေတေ စ ပရိယေဋ္ဌိ-
မူလကံ မဟန္တံ အနယဗျသနံ ပါပုဏန္တေ ဟတ္ထစ္ဆေဒါဒိကာရဏယောဂေန
ဒုဗ္ဗဏ္ဏဒုဒ္ဓသိကဒလိဒ္ဓတာဒိဘာဝေန ခုပ္ပပါသာဒိယောဂေန ဗလဝန္တေဟိ
အဘိဘဝနိယတော၊ ပရေသံ ဝဟနတော၊ ပရာဓိနတော စ နာရကေ ပေတေ
တိရစ္ဆာနေ စ အတိသယန္တေ အပါယဒုက္ခနိဗ္ဗိသေသံ ဒုက္ခံ အနဘဝန္တေ
မနုဿေ စ တထာ ဝိသယဝိသပရိဘောဂဝိက္ခိတ္တစိတ္တတာယ ရာဂါဒိပရိ-
ယုဋ္ဌာနေန ဥယျမာနေ ဝါယုဝေဂသမုဋ္ဌိတဇောလာသမိဒ္ဓသုက္ခကဋ္ဌသန္တိပါတေ
အဂ္ဂိက္ခန္တေ ဝိယ အနုပသန္တပရိဋ္ဌာဟဂုတ္တိကေ အနိဟတပရာဓိနေ ကာမာဝစရ-
ဒေဝေ စ မဟတာ ဝါယာမေန ဝိဒူရမာကာသံ ဝိဂါဟိတသကုန္တာ ဝိယ၊
ဗလဝန္တေဟိ ခိတ္တသရာ ဝိယ စ “သတိပ ဖိရပ္ပဝတ္တိယံ အနစ္စန္တိကတာယ၊ ပါတပရိ-
ယောသာနာ အနတိက္ကန္တဇောတိဇရာမရဏာ ဧဝါ” တိ ရူပါဝစရာရူပါဝစရဒေဝေ

စ ပဿန္တေန မေတ္တာယ ကရုဏာယ စ အနောဓိသော သတ္တာ ဖရိတဗ္ဗာ။
ဧဝံ ကာယေန ဝါစာယ မနဿာ စ ဗောဓိသမ္ဘာရေ နိရန္တရံ ဥပစိနန္တေန
ဥဿာဟော ပဝတ္တေတဗ္ဗော။

အပိစ “အစိန္တေယျာပရိမိတဝိပုလောဋ္ဌာရဝိမလနိရူပမနိရူပက္ခိလေသဂုဏ-
နိစယနိဒါနဘူတဿ ဗုဒ္ဓဘာဝဿ ဥဿက္ခိတွာ သမ္ပဟံသနယောဂျံ” ဝိရိယံ
နာမ အစိန္တေယျာနုဘာဝမေဝ။ ယံ န ပစုရဇနာ သောတုဗ္ဗိ သက္ကုဏန္တိ၊ ပဂေဝ
ပဋိပဇ္ဇိတုံ။ တထာ ဟိ တိဝိဓာ အဘိနိဟာရစိတ္တုပ္ပတ္တိ၊ စတဿော ဗုဒ္ဓဘူမိယော၊
စတ္တာရိ သင်္ဂဟဝတ္ထုနိ၂၊ ကရုဏောကာသတော၊ ဗုဒ္ဓဓမ္မေသု နိဇ္ဈာနက္ခန္တိ၊ သဗ္ဗ-
ဓမ္မေသု နိရူပလေပေါ၊ သဗ္ဗသတ္တေသု ပုတ္တသညာ၊ သံသာရဒုက္ခေဟိ
အပရိခေဒေါ၊ သဗ္ဗဒေယျဓမ္မပရိစ္စာဂေါ၊ တေန စ နိရတိမာနတာ၊ အဓိသီလ-
သိက္ခာဒိအဓိဋ္ဌာနံ၊ တတ္ထ စ အလောဘာ၊ ကုသလကိရိယာသု ပီတိပါမောဇ္ဇံ၊
ဝိဝေကနိန္ဒစိတ္တတာ၊ ဈာနာနုယောဂေါ၊ အနဝဇ္ဇေသုတေန အတိတ္ထိ၊ ယထာ-
သုတဿ ဓမ္မဿ ပရေသံ ဟိတဇ္ဈာသယေန ဒေသနာ၊ သတ္တာနံ ဉ္ဈယေ
နိဝေသနံ၊ အာရမ္မဒဋ္ဌတာ၊ မီရဝီရဘာဝေါ၊ ပရာပဝါဒပရာပကာရေသု၊
ဝိကာရာဘာဝေါ၊ သစ္စာဓိဋ္ဌာနံ၊ သမာပတ္တိသု ဝသီဘာဝေါ၊ အဘိညာသု
ဗလပ္ပတ္တိ၊ လက္ခဏက္ခယာဝဗောဓော၊ သတိပဋ္ဌာနာဒိသု အဘိယောဂေန
လောကုတ္တရမဂ္ဂသမ္ဘာရသမ္ဘရဏံ၊ နဝလောကုတ္တရာဝက္ခန္တိ”တိ ဧဝမာဒိကာ
သဗ္ဗာ ဗောဓိသမ္ဘာရပဋိပတ္တိ ဝိရိယာနုဘာဝေနေဝ သမိဇ္ဈတီတိ အဘိနိ-
ဟာရတော ယာဝ မဟာဗောဓိ အနောဿဇ္ဇန္တေန သက္ကစ္စံ နိရန္တရံ ဝိရိယံ
သမ္ပာဒေတဗ္ဗံ။ သမ္ပဇ္ဇမာနေ စ ဝိရိယေ ခန္တိအာဒယော ဒါနာဒယော စ
သဗ္ဗေပိ ဗောဓိသမ္ဘာရာ တဒဓိနဂုတ္တိတာယ သမ္ပန္နာ ဧဝ ဟောန္တိတိ။ ခန္တိ-
အာဒိသုပိ ဣမိနာ နယေန ပဋိပတ္တိ ဝေဒိတဗ္ဗော။

ဣတိ သတ္တာနံ သုခုပကရဏပရိစ္စာဂေန ဗဟုဓာ အနုဂ္ဂဟကရဏံ ဒါနေန
ပဋိပတ္တိ၊ သီလေန တေသံ ဇီဝိတသာပတေယျဒါရရက္ခအဘေဒပိယဟိတ-
ဝစနာဝိဟိံသာဒိကရဏာနိ၊ နေက္ခမ္ပေန နေသံ အာမိသပဋိဂ္ဂဟဏဓမ္မ-
ဒါနာဒိနာ အနေကဓာ ဟိတစရိယာ၊ ပညာယ တေသံ ဟိတကရဏူပါယ-
ကောသလ္လံ၊ ဝိရိယေန တတ္ထ ဥဿာဟာရမ္ဘအသံဟီရာနိ၊ ခန္တိယာ တဒပရာဓ-
သဟနံ၊ သစ္စေန တေသံ အဝဇ္ဇနတဒုပကာရကိရိယာသမာဒါနာဝိသံဝါဒနာဒိ၊
အဓိဋ္ဌာနေန တဒုပကာရကရဏေ အနတ္တသမ္ပာတေပိ အစလနံ၊ မေတ္တာယ

၁-သမ္ပဟံသနယောဂဿ (ဗဟုသု) ၂-ဒီ ၃-၁ ၂၅၊ ၁၉၃၊ အံ ၁-၃၄၁-ဝိဇ္ဇေသု၊
၃-ပရာပဝါဒါပရာပကာရေသု (ဗဟုသု)

တေသံ ဟိတသုခါနုစိန္တနံ၊ ဥပေက္ခာယ တေသံ ဥပကာရာပကာရေသု
ဝိကာရာနာပတ္တိတိ ဧဝံ အပရိမာဏေ သတ္တေ အာရဟန္တ အနုကမ္ပိတသဗ္ဗသတ္တဿ
ဗောဓိသတ္တဿ ပုထုဇ္ဇနေဟိ အသာဓာရဏော အပရိမာဏော ပုညဉာဏ-
သမ္ဘာရူပစယော ဧတ္ထ ပဋိပတ္တိတိ ဝေဒိတဗ္ဗံ။ ယော စေတာသံ ပစ္စယော
ဝုတ္တော၊ တဿ စ သက္ကစ္စံ သမ္ပာဒနံ။

ကော ဝိဘာဂေါတိ ဒသ ပါရမိယော၊ ဒသ ဥပပါရမိယော၊ ဒသ ပရမတ္ထ-
ပါရမိယောတိ သမတ္တိံသ ပါရမိယော။ တတ္ထ ကတာဘိနိဟာရဿ ဗောဓိ-
သတ္တဿ ပရဟိတကရဏာဘိနိန္ဒအာသယပ္ပယောဂဿ ကဏ္ဍဓမ္မဝေါက္ကိဏ္ဏာ
သုက္ကဓမ္မာ ပါရမိယော၊ တေဟိ အဝေါက္ကိဏ္ဏာ သုက္ကာ ဓမ္မာ ဥပပါရမိယော၊
အကဏ္ဍာ အသုက္ကာ ပရမတ္ထပါရမိယောတိ ကေစိ။ သမုဒါဂမနကာလေသု
ပူရိယမာနာ ပါရမိယော၊ ဗောဓိသတ္တဘူမိယံ ပုဏ္ဏာ ဥပပါရမိယော၊ ဗုဒ္ဓဘူမိယံ
သဗ္ဗာကာရပရိပုဏ္ဏာ ပရမတ္ထပါရမိယော။ ဗောဓိသတ္တဘူမိယံ ဝါ ပရဟိတ-
ကရဏတော ပါရမိယော၊ အတ္တဟိတကရဏတော ဥပပါရမိယော၊ ဗုဒ္ဓဘူမိယံ
ဗလဝေသာရဇ္ဇသမဓိဂမေန ဥဘယဟိတပရိပူရဏတော ပရမတ္ထပါရမိယောတိ
ဧဝံ အာဒိမဇ္ဈပရိယောသာနေသု ပဏီဓာနာရဟ္မပရိနိဋ္ဌာနေသု တေသံ
ဝိဘာဂေါတိ အပရေ။ ဒေါသုပသမကရဏာပကတိကာနံ ဘဝသုခဝိမုတ္တိ-
သုခပရမသုခပ္ပတ္တာနံ ပုညူပစယဘေဒတော တဗ္ဗိဘာဂေါတိ အညေ။

လဇ္ဇာသတိမာနာပဿယာနံ လောကုတ္တရဓမ္မာဓိပတိနံ သီလသမာဓိပညာ-
ဂရုကာနံ တာရိတတရိတတာရယိတူနံ အနုဗုဒ္ဓပစ္စေကဗုဒ္ဓသမ္မာသမ္ဗုဒ္ဓါနံ
ပါရမီ၊ ဥပပါရမီ၊ ပရမတ္ထပါရမီတိ ဗောဓိတ္ထယပ္ပတ္တိတော ယထာဝုတ္တ-
ဝိဘာဂေါတိ ကေစိ။ စိတ္တပဏီမိတော ယာဝ ဝစီပဏီမိ၊ တာဝ ပဝတ္တာ
သမ္ဘာရာ ပါရမိယော၊ ဝစီပဏီမိတော ယာဝ ကာယပဏီမိ၊ တာဝ ပဝတ္တာ
ဥပပါရမိယော၊ ကာယပဏီမိတော ပဘုတိ ပရမတ္ထပါရမိယောတိ အပရေ။
အညေ ပန “ပရပုညာနုမောဒနဝသေန ပဝတ္တာ သမ္ဘာရာ ပါရမိယော၊ ပရေသံ
ကာရာပနဝသေန ပဝတ္တာ ဥပပါရမိယော၊ သယံ ကရဏဝသေန ပဝတ္တာ
ပရမတ္ထပါရမိယော”တိ ဝဒန္တိ။ တထာ ဘဝသုခါဝဟော ပုညဉာဏသမ္ဘာရော
ပါရမီ၊ အတ္တနော နိဗ္ဗာနသုခါဝဟော ဥပပါရမီ၊ ပရေသံ တဒုဘယသုခါဝဟော
ပရမတ္ထပါရမီတိ ဧကေ။

ပုတ္တဒါရဓနာဒိဥပကရဏပရိစ္စာဂေါပနဒါနပါရမီ၊ အတ္တနော အင်္ဂပရိစ္စာဂေါပနဥပပါရမီ၊ အတ္တနော ဇီဝိတပရိစ္စာဂေါပနပရမတ္ထပါရမီ။ တထာပုတ္တဒါရဒိကဿ တိရိဓေသပိ ဟေတု အဝိတိက္ကမနဝသေန တိဿော သီလပါရမိယော၊ တေသု ဧဝံတိရိဓေသု ဝတ္ထုသု အာလယံ ဥပစ္စိန္တိတွာ နိက္ခမနဝသေန တိဿော နေက္ခမ္မပါရမိယော၊ ဥပကရဏင်္ဂဇီဝိတတဏှံ သမူဟနိတွာ သတ္တာနံ ဟိတာဟိတဝိနိစ္ဆယကရဏဝသေန တိဿော ပညာပါရမိယော၊ ယထာပုတ္တဘေဒါနံ ပရိစ္စာဂါဒိနံ ဝါယမနဝသေန တိဿော ဝီရိယပါရမိယော၊ ဥပကရဏင်္ဂဇီဝိတန္တရာယကရာနံ ခမနဝသေန တိဿော ခန္တီပါရမိယော၊ ဥပကရဏင်္ဂဇီဝိတဟေတု သစ္စာပရိစ္စာဂဝသေန တိဿော သစ္စပါရမိယော၊ ဒါနာဒိပါရမိယော အကုပ္ပါမိဋ္ဌာနဝသေန ဓမ္မိဇ္ဈန္တိတိ ဥပကရဏာဒိဝိနာသေပိ အစလာမိဋ္ဌာနဝသေန တိဿော အမိဋ္ဌာနပါရမိယော၊ ဥပကရဏာဒိဥပသာတကေသုပိ သတ္တေသု မေတ္တာယ အဝိဇဟနဝသေန တိဿော မေတ္တာပါရမိယော၊ ယထာပုတ္တဝတ္ထုတ္တယဿ ဥပကာရာပကာရေသု သတ္တသင်္ခါရေသု မဇ္ဈတ္တတာပဋိလာဘဝသေန တိဿော ဥပေက္ခာပါရမိယောတိ ဧဝမာဒိနာ တောသံ ဝိဘာဂေါ ဝေဒိတဗျော။

ကော သင်္ဂဟောတိ ဧတ္ထ ပန ယထာ တော ဝိဘာဂတော တိသဝိဓာပိ ဒါနပါရမီအာဒိဘာဝတော ဒသဝိဓာ၊ ဧဝံ ဒါနသီလခန္တိဝီရိယဈာနပညာသဘာဝေန ဆဗ္ဗိဓာ။ တောသု ဟိ နေက္ခမ္မပါရမီ သီလပါရမိယာ သင်္ဂဟိတာတဿာ ပဗ္ဗဇ္ဇာဘာဝေ၊ နိဝရဏဝိဝေကဘာဝေ ပန ဈာနပါရမိယာ၊ ကုသလဓမ္မဘာဝေ ဆဟိပိ သင်္ဂဟိတာ။ သစ္စပါရမီ သီလပါရမိယာ ဧကဒေသောယေဝ ဝစီသစ္စဝိရတိသစ္စပက္ခေ၊ ဉာဏသစ္စပက္ခေ ပန ပညာပါရမိယာ သင်္ဂဟိတာ။ မေတ္တာပါရမီ ဈာနပါရမိယာ ဧဝံ၊ ဥပေက္ခာပါရမီ ဈာနပညာပါရမီဟိ၊ အမိဋ္ဌာနပါရမီ သဗ္ဗာဟိပိ သင်္ဂဟိတာတိ။

ဧတေသဉ္စ ဒါနာဒိနံ ဆန္တံ ဂုဏာနံ အညမညံ သမ္ပန္နာနံ ပဉ္စဒသယုဂဋ္ဌာဒိနိ ပဉ္စဒသယုဂဋ္ဌာဒိသာဓကောနိ ဟောန္တိ။ သေယျထိဒံ? ဒါနသီလယုဂဋ္ဌေန ပရဟိတာဟိတာနံ ကရဏာကရဏယုဂဋ္ဌသိဒ္ဓိ၊ ဒါနခန္တိယုဂဋ္ဌေန အလောဘာဒေါသယုဂဋ္ဌသိဒ္ဓိ၊ ဒါနဝီရိယယုဂဋ္ဌေန စာဂသုတယုဂဋ္ဌသိဒ္ဓိ၊ ဒါနဈာနယုဂဋ္ဌေန ကာမဒေါသပ္ပဟာနယုဂဋ္ဌသိဒ္ဓိ၊ ဒါနပညာယုဂဋ္ဌေန အရိယယာနဓရယုဂဋ္ဌသိဒ္ဓိ၊ သီလခန္တိဒွယေန ပယောဂါသယသုဒ္ဓိဒွယသိဒ္ဓိ၊ သီလဝီရိယဒွယေန ဘာဝနာဒွယသိဒ္ဓိ၊ သီလဈာနဒွယေန ဒုဿိလျပရိယုဋ္ဌာနပ္ပဟာနဒွယသိဒ္ဓိ၊ သီလပညာဒွယေန ဒါနဒွယသိဒ္ဓိ၊ ခန္တိဝီရိယယုဂဋ္ဌေန ခမာတေဇဒွယသိဒ္ဓိ၊

ခန္တိဈာနယုဂဋ္ဌေန ဝိရောဓာနုရောဓပ္ပဟာနယုဂဋ္ဌသိဒ္ဓိ၊ ခန္တိပညာယုဂဋ္ဌေန သုည-
တာခန္တိပဋိဝေဓဒုကသိဒ္ဓိ၊ ဝီရိယဈာနဒုကေန ပဂ္ဂါဟာဝိက္ခေပဒုကသိဒ္ဓိ၊ ဝီရိယ-
ပညာဒုကေန သရဏဒုကသိဒ္ဓိ၊ ဈာနပညာဒုကေန ယာနဒုကသိဒ္ဓိ။ ဒါနသီလ-
ခန္တိတ္တိကေန လောဘဒေါသမောဟပ္ပဟာနတ္တိကသိဒ္ဓိ၊ ဒါနသီလဝီရိယတ္တိကေန
ဘောဂဇိဝိတကာယသာရာဒါနတ္တိကသိဒ္ဓိ၊ ဒါနသီလဈာနတ္တိကေန ပုညကိရိယ-
ဝတ္ထုတ္တိကသိဒ္ဓိ၊ ဒါနသီလပညာတိကေန အာမိသာဘယဓမ္မဒါနတ္တိကသိဒ္ဓိတိ
ဧဝံ ဣတယေဟိပိ တိကေဟိ စတုက္ကာဒိဟိ စ ယထာသမ္ဘဝံ တိကာနိ စတုက္ကာဒိနိ
စ ယောဇေတဗ္ဗာနိ။

ဧဝံ ဆဗ္ဗိဓာနမ္ပိ ပန ဣမာသံ ပါရမီနံ စတူဟိ အဓိဋ္ဌာနေဟိ သင်္ဂဟော
ဝေဒိတဗ္ဗော။ သဗ္ဗပါရမီနံ သမူဟသင်္ဂဟတော ဟိ စတ္တာရိ အဓိဋ္ဌာနာနိ။
သေယျထိဒံ? သစ္စာဓိဋ္ဌာနံ၊ စာဂါဓိဋ္ဌာနံ၊ ဥပသမာဓိဋ္ဌာနံ၊ ပညာဓိဋ္ဌာနန္တိ။
တတ္ထ အဓိတိဋ္ဌတိ ဧတေန၊ ဧတ္ထ ဝါ အဓိတိဋ္ဌတိ၊ အဓိဋ္ဌာနမတ္တမေဝ ဝါ တန္တိ
အဓိဋ္ဌာနံ၊ သစ္စန္တ တံ အဓိဋ္ဌာနန္တု၊ သစ္စဿ ဝါ အဓိဋ္ဌာနံ၊ သစ္စံ အဓိဋ္ဌာနမေ-
တဿာတိ ဝါ သစ္စာဓိဋ္ဌာနံ။ ဧဝံ သေသေသုပိ။ တတ္ထ အဝိသေသတော
တာဝ လောကုတ္တရဂုဏေ ကတာဘိနိဟာရဿ အနုကမ္ပိတသဗ္ဗသတ္တဿ
မဟာသတ္တဿ ပရိညာနုရူပံ သဗ္ဗပါရမီပရိဂ္ဂဟတော သစ္စာဓိဋ္ဌာနံ၊ တေသံ
ပဋိပက္ခပရိစ္စာဂတော စာဂါဓိဋ္ဌာနံ၊ သဗ္ဗပါရမီတာဂုဏေဟိ ဥပသမတော
ဥပသမာဓိဋ္ဌာနံ၊ တေဟိယေဝ ပရဟိတောပါယကောသလ္လတော ပညာဓိဋ္ဌာနံ။
ဝိသေသတော ပန “အတ္ထိကဇနံ အဝိသံဝါဒေတွာ ဒဿာမီ”တိ ပဋိဇာနတော၊
ပဋိညံ အဝိသံဝါဒေတွာ ဒါနတော၊ ဒါနံ အဝိသံဝါဒေတွာ အနုမောဒနတော၊
မစ္ဆရိယာဒိပဋိပက္ခပရိစ္စာဂတော၊ ဒေယျပဋိဂ္ဂါဟကဒါနဒေယျဓမ္မက္ခယေသု
လောဘဒေါသမောဟဘယဝူပသမတော၊ ယထာရဟံ ယထာကာလံ ယထာ-
ဝိဓာနန္တု ဒါနတော၊ ပညတ္တရတော စ ကုသလဓမ္မာနံ စတုရဓိဋ္ဌာနပဒဋ္ဌာနံ
ဒါနံ။ တထာ သံဝရသမာဒါနဿ အဝိတိက္ကမတော၊ ဒုဿီလျပရိစ္စာဂတော၊
ဒုစ္စရိတဝူပသမတော၊ ပညတ္တရတော စ စတုရဓိဋ္ဌာနပဒဋ္ဌာနံ သီလံ။ ယထာ-
ပဋိညံ ခမနတော၊ ပရာပရာဓဝိကပ္ပပရိစ္စာဂတော၊ ကောပေရိယုဋ္ဌာနဝူပသမ-
တော၊ ပညတ္တရတော စ စတုရဓိဋ္ဌာနပဒဋ္ဌာနာ ခန္တိ။ ပဋိညာနုရူပံ ပရဟိတ-
ကရဏတော၊ ဝိသာဒပရိစ္စာဂတော၊ အကုသလဓမ္မာနံ ဝူပသမတော၊ ပညတ္တ-
ရတော စ စတုရဓိဋ္ဌာနပဒဋ္ဌာနံ ဝီရိယံ။ ပဋိညာနုရူပံ လောကဟိတာနုစိန္တ-
နတော၊ နီဝရဏပရိစ္စာဂတော၊ စိတ္တဝူပသမတော၊ ပညတ္တရတော စ
စတုရဓိဋ္ဌာနပဒဋ္ဌာနံ ဈာနံ။ ယထာပဋိညံ ပရဟိတူပါယကောသလ္လတော၊

အနုပါယကိရိယာပရိစ္စာဂတော၊ မောဟဇပရိဋ္ဌာဟဂူပသမတော၊ သဗ္ဗညုတာ-
ပဋိလာဘတော စ စတုရမိဋ္ဌာနပဒဋ္ဌာနာ ပညာ။

တတ္ထ ဥေယျပဋိညာနုဝိဓာနေဟိ သစ္စာမိဋ္ဌာနံ၊ ဝတ္ထုကာမကိလေသကာမ-
ပရိစ္စာဂေဟိ စာဂါမိဋ္ဌာနံ၊ ဒေါသဒုက္ခဂူပသမေဟိ ဥပသမာမိဋ္ဌာနံ၊ အနု-
ဗောဓပဋိဝေဓေဟိ ပညာမိဋ္ဌာနံ။ တိရိစ္ဆာသစ္စပရိဂ္ဂဟိတံ ဒေါသတ္တယဝိရောဓိ
သစ္စာမိဋ္ဌာနံ၊ တိရိစ္ဆာဂပရိဂ္ဂဟိတံ ဒေါသတ္တယဝိရောဓိ စာဂါမိဋ္ဌာနံ၊ တိရိစ္ဆာ-
ဂူပသမပရိဂ္ဂဟိတံ ဒေါသတ္တယဝိရောဓိ ဥပသမာမိဋ္ဌာနံ၊ တိရိစ္ဆာဏပရိဂ္ဂဟိတံ
ဒေါသတ္တယဝိရောဓိ ပညာမိဋ္ဌာနံ။ သစ္စာမိဋ္ဌာနပရိဂ္ဂဟိတာနိ စာဂူပသမ-
ပညာမိဋ္ဌာနာနိ အဝိသံဝါဒနတော၊ ပဋိညာနုဝိဓာနတော စ။ စာဂါမိဋ္ဌာန-
ပရိဂ္ဂဟိတာနိ သစ္စူပသမပညာမိဋ္ဌာနာနိ ပဋိပက္ခပရိစ္စာဂတော၊ သဗ္ဗပရိစ္စာဂ-
ဇလတ္တာ စ။ ဥပသမာမိဋ္ဌာနပရိဂ္ဂဟိတာနိ သစ္စစာဂပညာမိဋ္ဌာနာနိ ကိလေသ-
ပရိဋ္ဌာဟူပသမတော၊ ကာမူပသမတော၊ ကာမပရိဋ္ဌာဟူပသမတော စ။
ပညာမိဋ္ဌာနပရိဂ္ဂဟိတာနိ သစ္စစာဂူပသမာမိဋ္ဌာနာနိ ဉာဏပုဗ္ဗင်္ဂမတော၊
ဉာဏာနုပရိဝတ္တနတော စာတိ ဧဝံ သဗ္ဗာပိ ပါရမိယော သစ္စပ္ပဘာဝိတာ
စာဂပရိဗျူတိတာ ဥပသမောပမြူဟိတာ ပညာပရိသုဒ္ဓါ။ သစ္စဉ္စိ တောသံ
ဇနကဟေတု၊ စာဂေါ ပရိဂ္ဂါဟကဟေတု၊ ဥပသမော ပရိဝုဓိဟေတု၊ ပညာ
ပါရိသုဒ္ဓိဟေတု။ တထာ အာဒိမ္မိ သစ္စာမိဋ္ဌာနံ သစ္စပဋိညတ္တာ၊ မဇ္ဈေ စာဂါမိဋ္ဌာနံ
ကတပဏိဓာနဿ ပရဟိတာယ အတ္တပရိစ္စာဂတော၊ အန္တေ ဥပသမာမိဋ္ဌာနံ
သဗ္ဗူပသမပရိယောသာနတ္တာ၊ အာဒိမဇ္ဈပရိယောသာနေသု ပညာမိဋ္ဌာနံ
တသ္မိံ သတိ သမ္ဘဝတော၊ အသတိ အဘာဝတော၊ ယထာပဋိညဉ္စ ဘာဝတော။

တတ္ထ မဟာပုရိသာ အတ္တဟိတပရဟိတကရေဟိ ဂရုပ္ပိယဘာဝကရေဟိ
သစ္စစာဂါမိဋ္ဌာနေဟိ ဂိဟိဘူတာ အာမိသဒါနေန ပရေ အနုဂ္ဂဏှန္တိ။ တထာ
အတ္တဟိတပရဟိတကရေဟိ ဂရုပ္ပိယဘာဝကရေဟိ ဥပသမပညာမိဋ္ဌာနေဟိ စ
ပဗ္ဗဇိတဘူတာ ဓမ္မဒါနေန ပရေ အနုဂ္ဂဏှန္တိ။

တတ္ထ အန္တိမဘဝေ ဗောဓိသတ္တဿ စတုရမိဋ္ဌာနပရိပူရဏံ။ ပရိပူဏ္ဏစတုရ-
မိဋ္ဌာနဿ ဟိ စရိမကဘဂူပပတ္တိတိ ဧကေ။ တတြ ဟိ ဂဗ္ဘောက္ကန္တိဋ္ဌိတိ-
အဘိနိက္ခမနေသု ပညာမိဋ္ဌာနသမုဒါဂမေန သတော သမ္ပဇာနော သစ္စာ-
မိဋ္ဌာနပါရိပူရိယာ သမ္ပတိဇာတော ဥတ္တရာဘိမုခေါ သတ္တပဒဝီတိဟာရေန
ဂန္တာ သဗ္ဗာ ဒိသာ ဩလောကေတွာ သစ္စာနုပရိဝတ္တိနာ ဝစသာ “အဂ္ဂေါ-
ဟမသ္မိ လောကဿ၊ ဇေဋ္ဌော။ပ။ သေဋ္ဌောဟမသ္မိ လောကဿာ”တိ။

တိက္ခတ္တံ၊ သီဟနာဒံ နဒိ၊ ဥပသမာဓိဋ္ဌာနသမုဒါဂမေန ဖိက္ခာတုရမတပဗ္ဗ-
 ဖိတဒဿာဝိနော စတုဓမ္မပဒေသကောဝိဒဿ ယောဗ္ဗနာရေဂျဇီဝိတသမ္ပတ္တိ-
 မဒါနံ ဥပသမော၊ စာဂါဓိဋ္ဌာနသမုဒါဂမေန မဟတော ဉှတိပရိဝဋ္ဌဿ
 ဟတ္ထဂတဿ၊ စ စက္ကဝတ္တိရဇ္ဇဿ အနပေက္ခပရိစ္စာဂေါတိ။

ဒုတိယေ ဌာနေ အဘိသမ္မောဓိယံ စတုရဓိဋ္ဌာနံ ပရိပုဏ္ဏန္တိ ကေစိ။ တတ္ထ ဟိ
 ယထာပဋိညံ သစ္စာဓိဋ္ဌာနသမုဒါဂမေန စတုန္တံ အရိယသစ္စာနံ အဘိသမယော။
 တတော ဟိ သစ္စာဓိဋ္ဌာနံ ပရိပုဏ္ဏံ။ စာဂါဓိဋ္ဌာနသမုဒါဂမေန သဗ္ဗကိလေ-
 သောပတ္တိလေသပရိစ္စာဂေါ။ တတော ဟိ စာဂါဓိဋ္ဌာနံ ပရိပုဏ္ဏံ။ ဥပသမာ-
 ဓိဋ္ဌာနသမုဒါဂမေန ပရမူပသမသမ္ပတ္တိ။ တတော ဟိ ဥပသမာဓိဋ္ဌာနံ ပရိပုဏ္ဏံ။
 ပညာဓိဋ္ဌာနသမုဒါဂမေန အနာဝရဏဉာဏပဋိလာဘော။ တတော ဟိ ပညာ-
 ဓိဋ္ဌာနံ ပရိပုဏ္ဏန္တိ၊ တံ အသိဒ္ဓံ အဘိသမ္မောဓိယာပိ ပရမတ္ထဘာဝတော။

တတိယေ ဌာနေ ဓမ္မစက္ကပ္ပဝတ္တနေ^၁ စတုရဓိဋ္ဌာနံ ပရိပုဏ္ဏန္တိ အညေ။ တတ္ထ ဟိ
 သစ္စာဓိဋ္ဌာနသမုဒါဂတဿ ဒွါဒသဟိ အာဂ္ဂာရေဟိ အရိယသစ္စဒေသနာယ
 သစ္စာဓိဋ္ဌာနံ ပရိပုဏ္ဏံ၊ စာဂါဓိဋ္ဌာနသမုဒါဂတဿ သဒ္ဓမ္မမဟာယာဂကရဏေန
 စာဂါဓိဋ္ဌာနံ ပရိပုဏ္ဏံ၊ ဥပသမာဓိဋ္ဌာနသမုဒါဂတဿ သယံ ဥပသန္တဿ ပရေသံ
 ဥပသမနေန ဥပသမာဓိဋ္ဌာနံ ပရိပုဏ္ဏံ၊ ပညာဓိဋ္ဌာနသမုဒါဂတဿ ဝိနေယျာနံ
 အာသယာဒိပရိဇာနနေန ပညာဓိဋ္ဌာနံ ပရိပုဏ္ဏန္တိ၊ တဒပိ အသိဒ္ဓံ အပရိ-
 ယောသိတတ္တာ ဗုဒ္ဓကိစ္စဿ။

စတုတ္ထေ ဌာနေ ပရိနိဗ္ဗာနေ စတုရဓိဋ္ဌာနပရိပုဏ္ဏန္တိ အပရေ။ တတြ ဟိ
 ပရိနိဗ္ဗာတတ္တာ ပရမတ္ထသစ္စသမ္ပတ္တိယာ သစ္စာဓိဋ္ဌာနပရိပူရဏံ၊ သဗ္ဗပုဗ္ဗိ-
 နိဿဂ္ဂေန စာဂါဓိဋ္ဌာနပရိပူရဏံ၊ သဗ္ဗသင်္ခါရူပသမေန ဥပသမာဓိဋ္ဌာနပရိ-
 ပူရဏံ၊ ပညာပယောဇနပရိနိဗ္ဗာနေန ပညာဓိဋ္ဌာနပရိပူရဏန္တိ။

တတြ မဟာပုရိသဿ ဝိသေသေန မေတ္တာခေတ္တေ အဘိဇာတိယံ
 သစ္စာဓိဋ္ဌာနသမုဒါဂတဿ သစ္စာဓိဋ္ဌာနပရိပူရဏမဘိဗျတ္တံ၊ ဝိသေသေန
 ကရုဏာခေတ္တေ အဘိသမ္မောဓိယံ ပညာဓိဋ္ဌာနသမုဒါဂတဿ ပညာဓိဋ္ဌာန-
 ပရိပူရဏမဘိဗျတ္တံ၊ ဝိသေသေန မုဒိတာခေတ္တေ ဓမ္မစက္ကပ္ပဝတ္တနေ^၁ စာဂါ-
 ဓိဋ္ဌာနသမုဒါဂတဿ စာဂါဓိဋ္ဌာနပရိပူရဏမဘိဗျတ္တံ၊ ဝိသေသေန ဥပေက္ခာ-
 ခေတ္တေ ပရိနိဗ္ဗာနေ ဥပသမာဓိဋ္ဌာနသမုဒါဂတဿ ဥပသမာဓိဋ္ဌာနပရိ-
 ပူရဏမဘိဗျတ္တန္တိ ဒဋ္ဌဗ္ဗံ။

၁-သံ ၃-၃၆၈၊ ဝိ ၃-၁၄၊ ခု ၉-၃၂၉-ဝိဇ္ဇေသု။

တကြိမ် သစ္စာမိဋ္ဌာနသမုဒါဂတဿ သံဝါသေန သီလံ ဝေဒိတဗ္ဗံ၊ စာဂါ-
မိဋ္ဌာနသမုဒါဂတဿ သံဝေါဟာရေန သောစေယျံ ဝေဒိတဗ္ဗံ၊ ဥပသမာမိဋ္ဌာန-
သမုဒါဂတဿ အာပဒါယု ထာမော ဝေဒိတဗ္ဗော၊ ပညာမိဋ္ဌာနသမုဒါဂတဿ
သာကန္တာယ ပညာ ဝေဒိတဗ္ဗော။ ဧဝံ သီလာဇီဝစိတ္တဒိဋ္ဌိဝိသုဒ္ဓိယော ဝေဒိတဗ္ဗော။

တထာ သစ္စာမိဋ္ဌာနသမုဒါဂမေန ဒေါသာ အဂတိံ န ဂစ္ဆတိ အဝိသံ-
ဝါဒနတော၊ စာဂါမိဋ္ဌာနသမုဒါဂမေန လောဘာ အဂတိံ န ဂစ္ဆတိ
အနဘိသင်္ဂတော၊ ဥပသမာမိဋ္ဌာနသမုဒါဂမေန ဘယာ အဂတိံ န ဂစ္ဆတိ
အနပရာဓတော၊ ပညာမိဋ္ဌာနသမုဒါဂမေန မောဟာ အဂတိံ န ဂစ္ဆတိ
ယထာဘူတာဝဗောဓတော။

တထာ ပဌမေန အဒုဋ္ဌော အဓိဝါသေတိ၊ ဒုတိယေန အလုဒ္ဓေါ ပဋိသေဝတိ၊
တတိယေန အဘိတော ပရိဝဇ္ဇေတိ၊ စတုတ္ထေန အသမ္မုဋ္ဌော ဝိနောဒေတိ။
ပဌမေန နေက္ခမ္မသုခပ္ပတ္တိ၊ ဣတရေဟိ ပဝိဝေကဥပသမသမ္မောမိသုခပ္ပတ္တိယော
ဟောန္တိတိဒဋ္ဌဗ္ဗော။ တထာ ပဝိဝေကဇီဝိတိသုခသမာဓိဇီဝိတိသုခအပ္ပိတိဇကာယ-
သုခသတိပါရိသုဒ္ဓိဇဉ္ဇပေက္ခာသုခပ္ပတ္တိယော ဧတေဟိ စတုဟိ ယထာက္ခမံ
ဟောန္တိတိ။ ဧဝမနေကဂုဏာနုဗန္ဓေဟိ စတုဟိ အမိဋ္ဌာနေဟိ သဗ္ဗပါရမိ-
သမူဟသင်္ဂဟော ဝေဒိတဗ္ဗော။ ယထာ စ စတုဟိ အမိဋ္ဌာနေဟိ သဗ္ဗပါရမိ-
သင်္ဂဟော၊ ဧဝံ ကရုဏာပညာဟိပိတိ ဒဋ္ဌဗ္ဗံ။ သဗ္ဗောပိ ဟိ ဗောဓိသမ္ဘာရော
ကရုဏာပညာဟိ သင်္ဂဟိတော။ ကရုဏာပညာပရိဂ္ဂဟိတာ ဟိ ဒါနာဒိဂုဏာ
မဟာဗောဓိသမ္ဘာရာ ဘဝန္တိ ဗုဒ္ဓတ္ထသိဒ္ဓိပရိယောသာနာတိ ဧဝမေတာသံ
သင်္ဂဟော ဝေဒိတဗ္ဗော။

ကော သမ္မာဒန္တပါယောတိ သကလဿာပိ ပုညာဒိသမ္ဘာရဿ သမ္မာ-
သမ္မောမိ'မုဒ္ဓိဿ **အနဝသေသသမ္ဘရုဏံ** အဝေကလ္လကာရိတာယောဂေန၊
တတ္ထ စ သက္ကစ္စကာရိတာ အာဒရဗဟုမာနယောဂေန၊ သာတစ္စကာရိတာ
နိရန္တရယောဂေန၊ စိရကာလာဒိယောဂေါ စ အန္တရာ အဝေါသာနာပဇ္ဇနေ-
နာဘိ စတုရင်္ဂယောဂေါ ဧတာသံ သမ္မာဒန္တပါယော။ အပိစ သမာသတော
ကဘာဘိနိဟာရဿ အတ္တနိ သိနေဟဿ ပရိယာဒါနံ၊ ပရေသု စ သိနေဟဿ
ပရိဝုဓနံ ဧတာသံ သမ္မာဒန္တပါယော။ သမ္မာသမ္မောမိသမဓိဂမာယ ဟိ
ကတမဟာပဏိဓာနဿ မဟာသတ္တဿ ယာထာဝတော ပရိဇာနနေန
သဗ္ဗေသု ဓမ္မေသု အနုပလိတ္တဿ အတ္တနိ သိနေဟော ပရိက္ခယံ ပရိယာဒါနံ
ဂစ္ဆတိ၊ မဟာကရုဏာသမာယောဂဝသေန ပန ပိယေ ပုတ္တေ ဝိယ သဗ္ဗ-
သတ္တေ သမ္ပဿမာနဿ တေသု မေတ္တာသိနေဟော ပရိဝုဓတိ။ တတော စ

တံတဒါဝတ္ထာနုရူပ'မတ္တပရသန္တာနေသု လောဘဒေါသမောဟဝိဂမေန ဝိဒူရိ-
ကတမစ္ဆရိယာဒိဗောဓိသမ္ဘာရပဋိပက္ခော မဟာပုရိသော ဒါနပိယဝစနအတ္ထ-
စရိယာသမာနတ္တတာသင်္ခါတေဟိ^၁ စတူဟိ သင်္ဂဟဝတ္ထုဟိ^၂ စတုရမိဋ္ဌာနာန-
ဂတေဟိ အစ္စန္တိ ဇနဿ သင်္ဂဟကရဏဝသေန ဥပရိ ယာနတ္တယေ အဝတာ-
ရဏံ ပရိပါစနဉ္စ ကရေတိ။ မဟာသတ္တာနဉ္စ မဟာပညာ မဟာကရဏာ စ
ဒါနေန အလင်္ကတာ၊ ဒါနံ ပိယဝစနေ၊ ပိယဝစနံ အတ္ထစရိယာယ၊ အတ္ထစရိယာ
သမာနတ္တတာယ အလင်္ကတာ သင်္ဂဟိတာ စ။ သဗ္ဗဘူတတ္တဘူတဿ^၃ ဟိ
ဗောဓိသတ္တဿ သဗ္ဗတ္ထ သမာနသုခဒုက္ခတာယ သမာနတ္တတာသိဒ္ဓိ။ ဗုဒ္ဓဘူတော
ပန တေဟေဝ သင်္ဂဟဝတ္ထုဟိ စတုရမိဋ္ဌာနပရိပူရိတာဘိဗုဒ္ဓေဟိ ဇနဿ
အစ္စန္တိကသင်္ဂဟကရဏေန အဘိဝိနယနံ ကရေတိ။ ဒါနဉ္စ သမ္မာသမ္ဗုဒ္ဓါနံ
စာဂါမိဋ္ဌာနေန ပရိပူရိတာဘိဗုဒ္ဓံ၊ ပိယဝစနံ သစ္စာမိဋ္ဌာနေန၊ အတ္ထစရိယာ
ပညာမိဋ္ဌာနေန၊ သမာနတ္တတာ ဥပသမာမိဋ္ဌာနေန ပရိပူရိတာဘိဗုဒ္ဓါ။ တထာ-
ဂတာနဉ္စ သဗ္ဗသာဝကပစ္စေကဗုဒ္ဓေဟိ သမာနတ္တတာ ပရိနိဗ္ဗာနေ။ တတြ ဟိ
တေသံ အဝိသေသတော ဧကိဘာဝေါ။ တေနောဟ “နတ္ထိ ဝိမုတ္တိယာ
နာနတ္ထ”န္တိ။

ဟောန္တိ စေတ္ထ—

“သစ္စော စာဂီ ဥပသန္တော၊ ပညဝါ အနုကမ္ပကော။
သမ္ဘတသဗ္ဗသမ္ဘာရော၊ ကံ နာမတ္ထံ န သာဓယေ။

မဟာကာရဏိကော သတ္တာ၊ ဟိတေသိ စ ဥပေက္ခကော။
နိရပေက္ခော စ သဗ္ဗတ္ထ၊ အဟော အစ္စရိယော ဇိနော။

ဝိရတ္တော သဗ္ဗဓမ္မေသု၊ သတ္တေသု စ ဥပေက္ခကော။
သဒါ သတ္တဟိတေ ယုတ္တော၊ အဟော အစ္စရိယော ဇိနော။

သဗ္ဗဒါ သဗ္ဗသတ္တာနံ၊ ဟိတာယ စ သုခါယ စ။
ဥယျုတ္တော အင်္ဂါလာသု စ၊ အဟော အစ္စရိယော ဇိနော”တိ^၄။

ကိတ္တကေန ကာလေန သမ္ဘာဒနန္တိ ဟေဋ္ဌိမေန တာဝ ပရိစ္ဆေဒေန စတ္တာရိ
အသင်္ချေ ယျာနိ ကပ္ပသတသဟဿဉ္စ၊ မဇ္ဈိမေန အဋ္ဌာသင်္ချေယျာနိ ကပ္ပသတ-
သဟဿဉ္စ၊ ဥာရိမေန သောဋ္ဌသာသင်္ချေယျာနိ ကပ္ပသတသဟဿဉ္စ၊ ဧတေ

၁-....သမာနတ္တတာသင်္ခါတေဟိ (က)

၃-သဗ္ဗဘူတတ္တဘူတဿ (က)

၂-ဒီ ၃-၁၂၅၊ ၁၃၉၊ အံ ၁-၃၄၁-ပိဋ္ဌေသု။

၄-စရိယာဋီက-၄-၃၂၀-ပိဋ္ဌေပိ။

စ ဘေဒါယထာက္ကမံ ပညာဓိကသဒ္ဓါဓိကဝီရိယာဓိကဝသေန ဉ္ဇတဗ္ဗာ။ ပညာ-
ဓိကာနဉ္စိ သဒ္ဓါ မန္တာ ဟောတိ၊ ပညာ တိက္ခာ။ သဒ္ဓါဓိကာနံ ပညာ မဇ္ဈိမာ
ဟောတိ၊ ဝီရိယာဓိကာနံ ပညာ မန္တာ။ ပညာနုဘာဝေန စ သမ္မာသမ္ဗောဓိ
အဘိဂန္တဗ္ဗာတိ အဋ္ဌကထာယံ ဝုတ္တံ။ အဝိသေသေန ပန ဝိမုတ္တိပရိပါစနိယာနံ
ဓမ္မာနံ တိက္ခမဇ္ဈိမမုဒုဘာဝေန တယောပေတေ ဘေဒါ ယုတ္တာတိ ဝဒန္တိ။
တိဝိဓော ဟိ ဗောဓိသတ္တာ အဘိနိဟာရက္ခဏေ ဘဝန္တိ ဥဋ္ဌဋ္ဌိတညူဝိပဉ္စိတညူ-
နေယျဘေဒေန။ တေသု ဥဋ္ဌဋ္ဌိတညူ သမ္မာသမ္ဗုဒ္ဓဿ သမ္ဗုခါ စတုပ္ပဒိကံ
ဂါထံ သုဏန္တော တတိယပဒေ အပရိယောသိတေယေဝ ဆအဘိညာဟိ
သဟ ပဋိသမ္ဘိဒါဟိ အရဟတ္တံ ပတ္တု၊ သမတ္ထုပနိဿယော ဟောတိ၊
ဒုတိယော သတ္ထု သမ္ဗုခါ စတုပ္ပဒိကံ ဂါထံ သုဏန္တော အပရိယောသိတေ-
ယေဝ စတုတ္ထပဒေ ဆဟိ အဘိညာဟိ အရဟတ္တံ ပတ္တု၊ သမတ္ထုပနိဿယော
ဟောတိ၊ ဣတရော ဘဂဝတော သမ္ဗုခါ စတုပ္ပဒိကံ ဂါထံ သုတွာ ပရိယော-
သိတာယ ဂါထာယ ဆဟိ အဘိညာဟိ အရဟတ္တံ ပတ္တု၊ သမတ္ထုပနိဿယော
ဘဝတိ။ တယောပေတေ ဝိနာ ကာလဘေဒေန ကတာဘိနိဟာရလဒ္ဓ-
ဗျာကရဏာ ပါရမိယော ပူရေန္တာ ယထာက္ကမံ ယထာဝုတ္တဘေဒေန ကာလေန
သမ္မာသမ္ဗောဓိံ ပါပုဏန္တိ။ တေသု တေသု ပန ကာလဘေဒေသု အပရိ-
ပုဏ္ဏေသု တေ တေ မဟာသတ္တာ ဒိဝသေ ဒိဝသေ ဝေဿန္တရဒါနသဒိသံ ဒါနံ
ဒေန္တာပိ တဒနုရူပေ သီလာဒိသဗ္ဗပါရမိဓမ္မေ အာစိနန္တာပိ အန္တရာ ဗုဒ္ဓါ
ဘဝိဿန္တိတိ အကာရဏမေတံ။ ကသ္မာ? ဉ္ဇဏဿ အပရိပစ္စနတော။
ပရိစ္ဆိန္နကာလနိပ္ပုဒိတံ ဝိယ ဟိ သဿံ ပရိစ္ဆိန္နကာလေ ပရိနိပ္ပုဒိတာ
သမ္မာသမ္ဗောဓိ။ တဒန္တရာ ပန သဗ္ဗုဿာဟေန ဝါယမန္တေနာပိ န သက္ကာ
ပါပုဏိတုန္တိ ပါရမိပါရိပူရိ ယထာဝုတ္တကာလဝိသေသံ ဝိနာ န သမ္ပဇ္ဇတိတိ
ဝေဒိတဗ္ဗံ။

ကော အာနိသံသောတိ ယေ တေ ကတာဘိနိဟာရာနံ ဗောဓိသတ္တာနံ—

“ဧဝံ သဗ္ဗင်္ဂသမ္ပန္နာ၊ ဗောဓိယာ နိယတာ နရာ။

သံသရံ ဒီဃမဒ္ဓါနံ၊ ကပ္ပကောဋိသတေဟိပိ။

အဝိစိမိ နုပ္ပဇ္ဇန္တိ၊ တထာ လောကန္တရေသု စာ”တိအာဒိနာ”။—

အဋ္ဌာရသ အဘဗ္ဗဋ္ဌာနာနုပဂမနပ္ပကာရာ အာနိသံသာ သံဝဏ္ဏိတာ။ ယေ
စ “သတော သမ္ပဇာနော အာနန္တ ဗောဓိသတ္တော တုသိတာကာယာ

၁-အဘိ-ဋ္ဌ ၁-၇၂၊ အပဒါန-ဋ္ဌ ၁-၅၅၊ ဇာတက-ဋ္ဌ ၁-၅၃၊ ဗုဒ္ဓဝံသ-ဋ္ဌ-၃၁၆၊ စရိယာပိဋက-
ဋ္ဌ-၃၂၁-ပိဋေသု။

စဝိတွာ မာတုကုန္တိံ ဩက္ကမီ”တိအာဒိနာ၊ သောဠသ အစ္ဆရိယန္တုတဓမ္မပ္ပကာရာ၊ ယေ စ “သီတံ ဗျပဂတံ ဟောတိ၊ ဥဏှန္တ ဥပသမ္ပတိ”တိအာဒိနာ၊ “ဇာယမာနေ ခေါ သာရိပုတ္တ ဗောဓိသတ္တေ အယံ ဒသသဟဿိလောကဓာတု သင်္ကမ္ပတိ သမ္ပကမ္ပတိ သမ္ပဝေဓတိ”တိအာဒိနာ စ ဒွတ္တိံသ ပုဗ္ဗနိမိတ္တပ္ပကာရာ၊ ယေ ဝါ ပနဉ္စေပိ “ဗောဓိသတ္တာနံ အဓိပ္ပါယသမိဇ္ဈနံ ကမ္မာဒိသု ဝသီတာဝေါ”တိ ဝေမာဒယော တတ္ထ တတ္ထ ဇာတကဗုဒ္ဓဝံသာဒိသု ဒဿိတပ္ပကာရာ အာနိသံသာ၊ တေ သဗ္ဗေပိ ဧတာသံ အာနိသံသာ၊ တထာယထာနိဒဿိတဘေဒါ အလောဘာဒေါသာဒိဂုဏယုဂဠာဒယော စာတိ ဝေဒိတဗျာ။

ဣန္ဒြိယန္တိ သမာသတော တာဝ သမ္မာသမ္ဗုဒ္ဓဘာဝေါ ဧတာသံ ဖလံ၊ ဝိတ္တာရတော ပန ဒွတ္တိံသမဟာပုရိသလက္ခဏာ၊ အသီတိအနုဗျန္တနုဗျာမပ္ပဘာဒိအနေကဂုဏဂဏသမုဇ္ဈလရူပကာယသမ္ပတ္တိအဓိဋ္ဌာနာ ဒသဗလစတုဝေသာရဇ္ဇဆအသာဓာရဏဉာဏအဋ္ဌာရသာဝေဏိကဗုဒ္ဓဓမ္မံ၊ ပဘုတိအနေကသတသဟဿဂုဏသမုဒယောပသောဘိနိ ဓမ္မကာယသင်္ခါ၊ ယာဝတာ ပန ဗုဒ္ဓဂုဏာ ယေ အနေကေဟိပိ ကပ္ပေဟိ သမ္မာသမ္ဗုဒ္ဓေနာပိ ဝါစာယ ပရိယောသာပေတုံ န သက္ကာ၊ ဣဒမေတာသံ ဖလန္တိ အယမေတ္ထ သင်္ခေပေါ၊ ဝိတ္တာရော ပန ဗုဒ္ဓဝံသစရိယာဝိဇ္ဇကဇာတကမဟာပဒါနသုတ္တာဒိနံ ဝသေန ဝေဒိတဗျာ။

ယထာဂုတ္တာယ ပဋိပဒါယ ယထာဂုတ္တဝိဘာဂါနံ ပါရမီနံ ပုရိတဘာဝံ သန္ဓာယာဟ “သမတိံသ ပါရမိယော ပူရေတွာ”တိ။ သတိပိ မဟာပရိစ္စာဂါနံ ဒါနပါရမိဘာဝေ ပရိစ္စာဂဝိသေသဘာဝဒဿနတ္ထဇ္ဇေဝ သုဒုက္ကရဘာဝဒဿနတ္ထဇ္ဇ “ပဉ္စ မဟာပရိစ္စာဂေ”တိ ဝိသု ဂဟဏံ၊ တတောယေဝ စ အင်္ဂပရိစ္စာဂတော ဝိသု နယနပရိစ္စာဂဂဟဏံ၊ ပရိဂ္ဂဟပရိစ္စာဂဘာဝသာမဉ္ဇေပိ နေဇ္ဇေပရိစ္စာဂတော ပုတ္တဒါရပရိစ္စာဂဂဟဏန္တ ကတံ။ ဂတပစ္စာဂတိကဝတ္ထသင်္ခါတာယ ပုဗ္ဗဘာဂပဋိပဒါယ သဒ္ဓိံ အဘိညာသမာပတ္တိနိပ္ပါဒနံ ပုဗ္ဗယောဂေါ။ ဒါနာဒိသုယေဝ သာဘိသယပဋိပတ္တိနိပ္ပါဒနံ ပုဗ္ဗစရိယာ၊ ယာ စရိယာဝိဇ္ဇကသင်္ဂဟိတာ။ အဘိနိဟာရော ပုဗ္ဗယောဂေါ၊ ဒါနာဒိပဋိပတ္တိ၊ ကာယဝိဝေကဝသေန ဧကစရိယာ ဝါ ပုဗ္ဗစရိယာဘိ ကေဝိ။ ဒါနာဒိနဇ္ဇေဝ အပ္ပိစ္ဆတာဒိနဇ္ဇ

၁-မ ၃-၁၆၁-ပိဋေ။

၂-၃ ၄-၃၃-ပိဋေ။

၃-ဒိ ၂-၁၃၊ ဒိ ၃-၁၁၇၊ မ ၂-၃၃၆-ပိဋေသု ဝိတ္တာရော။

၄-ဇိနာလင်္ကာရဋီကာယ ဝိဇာတမင်္ဂလဏ္ဏနာယံ ဝိတ္တာရော။

၅-ဒိ-၆ ၃-၁၇၆၊ မူလဋီ ၂-၂-ပိဋေသု ဝိတ္တာရော။

သံသာရနိဗ္ဗာနေသု အာဒိနဝါနိသံသာဒီနန္တ ဝိဘာဝနဝသေန သတ္တာနံ
 ဗောဓိတ္တယေ ပတိဋ္ဌာပနပရိပါစနဝသေန ပဝတ္တာ ကထာ ဓမ္မက္ခာနံ။ ဉှုတ်နံ
 အတ္ထစရိယာ ဉှုတတ္ထစရိယာ၊ သာပိ ကရုဏာယနဝသေနဝ။ အာဒိ-သဒ္ဓေန
 လောကတ္ထစရိယာဒယော သင်္ဂဏှာတိ။ ကမ္မဿကတာဉှုဏဝသေန၊ အနဝဇ္ဇ-
 ကမ္မာယတနဝိဇ္ဇာဋ္ဌာနပရိစယဝသေန၊ ခန္ဓာယတနာဒိပရိစယဝသေန၊ လက္ခ-
 ဏက္ခယဘိရဏဝသေန စ ဉှုဏစာရော ဗုဒ္ဓိစရိယာ၊ သာ ပန အတ္ထတော
 ပညာပါရမီယေဝ၊ ဉှုဏသမ္ဘာရဒဿနတ္ထံ ဝိသုံ ဂဟဏံ။ ကောဒ္ဓိန္နိ ပရိယန္တော၊
 ဥက္ကံသောတိ အတ္ထော။ စတ္တာရော သတိပဋ္ဌာနေ ဘာဝေတွာ မြူဟေတွာတိ
 သမ္မန္တော။ တတ္ထ ဘာဝေတွာတိ ဥပ္ပါဒေတွာ။ မြူဟေတွာတိ ဝဇေတွာ။
 သတိပဋ္ဌာနာဒိဂ္ဂဟဏေန အာဂမနပဋိပဒံ မတ္ထကံ ပါပေတွာ ဒဿေတိ၊
 ဝိပဿနာသဟဂတာ ဧဝ ဝါ သတိပဋ္ဌာနာဒယော ဒဋ္ဌဗ္ဗာ။ ဧတ္ထ စ “ယေန
 အဘိနိဟာရေနာ”တိအာဒိနာ အာဂမနပဋိပဒါယ အာဒိ ဒဿေတိ၊
 “ဒါနပါရမီ”တိအာဒိနာ မဇ္ဈံ၊ “စတ္တာရော သတိပဋ္ဌာနေ”တိအာဒိနာ
 ပရိယောသာနန္တိ ဝေဒိတဗ္ဗံ။ (၁)

သမ္ပတိဇာတောတိ ဟတ္ထတော မုစ္ဆိတွာ မဟုတ္ထဇာတော၊ န မာတုကုစ္ဆိ-
 တော နိက္ခန္တမတ္ထော။ နိက္ခန္တမတ္ထဉှိ မဟာသတ္တံ ပဌမံ မြဟူဇာနော သုဝဏ္ဏ-
 ဇာလေန ပဋိဂ္ဂဏှိသု၊ တေသံ ဟတ္ထတော စတ္တာရော မဟာရာဇာနော
 အဇိနပ္ပဝေဏိယာ၊ တေသံ ဟတ္ထတော မနုဿာ ဒုကူလစုမ္မဋကေန ပဋိဂ္ဂဏှိသု၊
 မနုဿာနံ ဟတ္ထတော မုစ္ဆိတွာ ပထဝီယံ ပတိဋ္ဌိတောတိ။ ယထာဟ ဘဂဝါ
 မဟာပဒါနဒေသနာယံ။ သေတမ္ဘိ ဆတ္တေတိ ဒိဗ္ဗသေတစ္ဆတ္တေ။ အနုဟိရ-
 မာနေတိ ဓာရိယမာနေ။ ဧတ္ထ စ ဆတ္တဂ္ဂဟဏေနဝ ခဂ္ဂါဒိနိ ပဉ္စ ကကု-
 ဘဏ္ဍာနိဝိ ဝုတ္တာနေဝါတိ ဝေဒိတဗ္ဗံ။ ခဂ္ဂတာလဝဏ္ဏမောရဟတ္ထကဝါဠဗိဇနိ-
 ဥက္ကံသပဋ္ဌာပိ ဟိ ဆတ္တေန သဟ တဒါ ဥပဋ္ဌိတာ အဟေသုံ။ ဆတ္တာဒိနိယေဝ
 စ တဒါ ပညာယိသု၊ န ဆတ္တာဒိဂါဟကာ။ သဗ္ဗာ စ ဒိသာတိ ဒသပိ ဒိသာ။
 နယိဒံ သဗ္ဗဒိသာဝိလောကနံ သတ္တပဒဝိတိဟာရုတ္တရကာလံ ဒဋ္ဌဗ္ဗံ။ မဟာ-
 သတ္ထော ဟိ မနုဿာနံ ဟတ္ထတော မုစ္ဆိတွာ ပုရတ္ထိမဒိသံ ဩလောကေသိ၊ တတ္ထ
 ဒေဝမနုဿာ ဂန္ဓမာလာဒိဟိ ပူဇယမာနာ “မဟာပုရိသ ဣဓ တုမေဟိ
 သဒိသောပိ နတ္ထိ၊ ကုတော ဥတ္တရိတရော”တိ အာဟံသု။ ဧဝံ စတသော
 ဒိသာ၊ စတသော အနုဒိသာ၊ ဟေဋ္ဌာ၊ ဥပရိတိ သဗ္ဗာ ဒိသာ အနဝိလော-
 ကေတွာ သဗ္ဗတ္ထ အတ္တနာ သဒိသံ အဒိသွာ “အယံ ဥတ္တရာ ဒိသာ”တိ တတ္ထ

၁-၃ ၆-၅၉-ပိဋေ သံကိစ္စဇာတကေ ဝိတ္တာရော။

သတ္တပဒဝီတိဟာရေန အဂမာသိ။ အာသဘိန္တိ ဥတ္တမံ။ အဂ္ဂေါတိ သဗ္ဗပဌမော။
ဇေဋ္ဌော သေဋ္ဌောတိ စ တဿေဝ ဝေဝစနံ။ အယမန္တိမာ ဇာတိ၊ နတ္ထိ ဒါနိ
ပုနန္တဓေါတိ ဣမသ္မိံ အတ္တဘာဝေ ပတ္တဗ္ဗံ အရဟတ္တံ ဗျာကာသိ။

“အနေကေသံ ဝိသေသာမိဂမာနံ ပုဗ္ဗနိမိတ္တဘာဝေနာ”တိ သံခိတ္တေန
ဝုတ္တမတ္ထံ “ယဉ္ဇီ”တိအာဒိနာ ဝိတ္တာရတော ဒဿေတိ။ တတ္ထ ဧတ္ထာတိ—

“အနေကသာခဉ္စ သဟဿမဏ္ဍလံ၊
ဆတ္တံ မရူ ဓာရယုမန္တလိက္ခေ။
သုဝဏ္ဏဒဏ္ဍာ ဝီတိပတန္တိ စာမရာ၊
န ဒိဿရေ စာမရဆတ္တဂါဟကာ”တိ—

ဣမိဿာ ဂါထာယ။ သဗ္ဗညုတညာဏမေဝ သဗ္ဗတ္ထ အပ္ပဋိဟတစာရတဿ
အနာဝရဏဉာဏန္တိ အာဟ “သဗ္ဗညုတနာဝရဏဉာဏပဋိလာဘဿာ”တိ။
“တထာ အယံ ဘဂဝါမိ ဂတော။ပ။ ပုဗ္ဗနိမိတ္တဘာဝေနာ”တိ ဧတေန
အဘိဇာတိယံ ဓမ္မတာဝသေန ဥပ္ပဇ္ဇနဝိသေသာ သဗ္ဗဗောဓိသတ္တာနံ သာဓာ-
ရဏာတိ ဒဿေတိ။ ပါရမိတာနိဿန္တာ ဟိ တေတိ။

ဝိက္ခမီတိ အဂမာသိ။ မရူတိ ဒေဝါ။ သမာတိ ဝိလောကနသမတဿ
သမာ သဒိသိယော။ မဟာပုရိသော ဟိ ယထာ ဧကံ ဒိသံ ဝိလောကေသိ။
ဧဝံ သေသာ ဒိသာပိ၊ န ကတ္ထမိ ဝိလောကနေ ဝိဗန္ဓော တဿ အဟောသီတိ။
သမာတိ ဝါ ဝိလောကေတုံ ယုတ္တာတိ အတ္ထော။ န ဟိ တဒါ ဗောဓိသတ္တဿ
ဝိရူပဗိဘန္တဝိသမရူပါနိ ဝိလောကေတုံ အယုတ္တာနိ ဒိသာသု ဥပဌဟန္တိတိ။

“ဧဝံ တထာဂတော”တိ ကာယဂမနဋ္ဌေန ဂတ-သဒ္ဓေန တထာဂတ-သဒ္ဓိ
နိဒ္ဓိသိတွာ ဣဒါနိ ဉာဏပမနဋ္ဌေန တံ ဒဿေတုံ “အထ ဝါ”တိအာဒိမာဟ။
တတ္ထ နေက္ခမ္ပေနာတိ အလောဘပ္ပဓာနေန ကုသလစိတ္တုပ္ပါဒေန။ ကုသလာ ဟိ
ဓမ္မာ ဣဓ နေက္ခမ္ပံ၊ န ပဗ္ဗဇ္ဇာဒယော၊ “ပဌမဇ္ဈာနေနာ”တိ စ ဝဒန္တိ။ ပဟာယာတိ
ပဇာဟိဘွာ။ ဂတော အဓိဂဘော၊ ပဋိပန္နော ဥတ္တရိဝိသေသန္တိ အတ္ထော။
ပဟာယာတိ ဝါ ပဟာနဟေတု၊ ပဟာနလက္ခဏံ ဝါ။ ဟေတုလက္ခဏတ္ထော ဟိ
အယံ ပဟာယ-သဒ္ဓေါ။ “ကာမန္တန္တာဒိပ္ပဟာနဟေတုကံ ဂတော”တိ ဟေတ္ထ
ဝုတ္တံ ဂမနံ အဝဗောဓော၊ ပဋိပတ္တိ ဧဝ ဝါ။ ကာမန္တန္တာဒိပ္ပဟာနေန စ တံ
လက္ခိယတိ။ ဧသ နယော “ပဒါလေတွာ”တိအာဒိသုပိ။ အဗျာပါဒေနာတိ
မေတ္တာယ။ အာလောကသညာယာတိ ဝိဘူတံ ကတွာ မနသိကရဏေန

ဥပဋ္ဌိတအာလောကသဉ္ဇာနနေ။ အဝိက္ခေပေနာတိ သမာမိနာ။ ဓမ္မဝေတ္တာ-
နေနာတိ ကုသလာဒိဓမ္မာနံ ယာထာဝရိနိစ္စယေန၊ “သပ္ပစ္စယနာမရူပ-
ဝေတ္တာနေနာ”တိပိ ဝဒန္တိ။

ဧဝံ ကာမတ္ထန္တာဒိနီဝရဏပ္ပဟာနေန “အဘိဇ္ဈံ လောကေ ပဟာယာ”တိ-
အာဒိနာ၊ ဝုတ္တာယ ပဌမဇ္ဈာနဿ ပုဗ္ဗဘာဂပဋိပဒါယ ဘဂဝတော တထာ-
ဂတဘာဝံ ဒဿေတွာ ဣဒါနိ သဟ ဥပါယေန အဋ္ဌဟိ သမာပတ္တိဟိ၊
အဋ္ဌာရသဟိ စ မဟာဝိပဿနာဟိ တံ ဒဿေတုံ “ဉာဏေနာ”တိအာဒိမာဟ။
နာမရူပပရိဂ္ဂဟကင်္ခါရိတရဏာနဉ္စိ ဝိဗန္ဓဘူတဿ မောဟဿ ဒူရိကရဏေန
ဉာဘပရိညာယံ ဌိတဿ အနိစ္စသညာဒယော သိဇ္ဈန္တိ၊ တထာ ဈာနသမာပတ္တိသု
အဘိရတိနိမိတ္တေန ပါမောဇ္ဇေန၊ တတ္ထ အနဘိရတိယာ ဝိနောဒိတာယ
ဈာနာဒိသမဓိဂမောတိ သမာပတ္တိဝိပဿနာနံ အရတိဝိနောဒနအဝိဇ္ဇာပဒါ-
လနာဒိ ဥပါယော၊ ဥပ္ပုဋ္ဌိပါဋိနိဒ္ဒေသော ပန နီဝရဏသဘာဝါယ အဝိဇ္ဇာယ
ဟေဋ္ဌာ နီဝရဏေသုပိ သင်္ဂဟဒဿနတ္ထန္တိ ဒဋ္ဌဗ္ဗံ။ သမာပတ္တိဝိဟာရပ္ပဝေသ-
ဝိဗန္ဓနေန နီဝရဏာနိ ကဝါဠသဒိသာနီတိ အာဟ “နီဝရဏကဝါဠံ
ဥဒ္ဓါဒေတွာ”တိ။ “ရတ္ထိ” ဝိတက္ကေတွာ ဝိစာရေတွာ ဒိဝါ ကမ္မန္တေ
ပယောဇေတိ”တိ ဝုတ္တဋ္ဌာနေ ဝိယ ဝိတက္ကဝိစာရာ ဓူမာယနာတိ အဓိပ္ပေတာတိ
အာဟ “ဝိတက္ကဝိစာရဓူမ”န္တိ။ ကိဉ္စာပိ ပဌမဇ္ဈာနပစာရေယေဝ စ ဒုက္ခံ၊
စတုတ္ထဇ္ဈာနပစာရေယေဝ သုခံ ပဟိယတိ၊ အတိသယပ္ပဟာနံ ပန သန္ဓာယာဟ
“စတုတ္ထဇ္ဈာနေန သုခဒုက္ခံ ပဟာယာ”တိ။

အနိစ္စဿ၊ အနိစ္စန္တိ စ အနုပဿနာ အနိစ္စာနုပဿနာ၊ တေဘူမကဓမ္မာနံ
အနိစ္စာံ ဂဟေတွာ ပဝတ္တာယ ဝိပဿနာယေတံ နာမံ။ နိစ္စသညန္တိ သင်္ခတဓမ္မေ
“နိစ္စာ၊ သဿတာ”တိ ဧဝံ ပဝတ္တမိစ္ဆာသညံ၊ သညာသိသေန ဒိဋ္ဌိစိတ္တာနဓိ
ဂဟဏံ ဒဋ္ဌဗ္ဗံ။ ဧသ နယော ဣတော ပရေသုပိ။ နိဗ္ဗိဒါနုပဿနာယာတိ
သင်္ခါရေသု နိဗ္ဗိဇ္ဇနာကာရေန ပဝတ္တာယ အနုပဿနာယ။ နန္တိန္တိ သပ္ပိတိ-
ကတဏှံ။ တထာ ဝိရာဂါနုပဿနာယာတိ ဝိရဇ္ဇနာကာရေန ပဝတ္တာယ
အနုပဿနာယ။ နိရောဓာနုပဿနာယာတိ သင်္ခါရာနံ နိရောဓဿ အနု-
ပဿနာယ။ “တေ သင်္ခါရာ နိရုဇ္ဈန္တိယေဝ၊ အာယတိ” သမုဒယဝသေန န
ဥပ္ပုဇ္ဈန္တိ”တိ ဧဝံ ဝါ အနုပဿနာ နိရောဓာနုပဿနာ။ တေနေဝါဟ
“နိရောဓာနုပဿနာယ နိရောဓေတိ၊ နော သမုဒေတိ”တိ။ မုဉ္ဇိတုကမျတာ
ဟိ အယံ ဗလပ္ပတ္တာတိ။ ပဋိနိဿဇ္ဇနာကာရေန ပဝတ္တာ အနုပဿနာ

ပဋိနိဿဂ္ဂါနုပဿနာ။ ပဋိသင်္ခါ သန္တိဋ္ဌနာ ဟိ အယံ။ အာဒါနန္တိ နိစ္စာဒိဝသေန ဂဟဏံ။ သန္တတိသမူဟကိစ္စာရမ္ပဏာနံ ဝသေန ဧကတ္တဂ္ဂဟဏံ ဃနသညာ။ အာယူဟနံ အဘိသင်္ခရဏံ။ အဝတ္ထာဝိသေသပတ္တိ ဝိပရိဏာမော။ ရဝသညန္တိ ထိရဘာဝဂ္ဂဟဏံ။ နိမိတ္တန္တိ သမူဟာဒိဃနဝသေန၊ သင်္ကစ္စပရိစ္ဆေဒတဝယ စ သင်္ခါရာနံ သဝိဂ္ဂဟဂ္ဂဟဏံ။ ပဏိမိန္တိ ရာဂါဒိပဏိမိံ၊ သာ ပနတ္ထတော တဏှာနံ ဝသေန သင်္ခါရေသု နိဗ္ဗတာ။

အဘိနိဝေသန္တိ အတ္တာနုဒိဋ္ဌိ။ အနိစ္စဒုက္ခာဒိဝသေန သဗ္ဗဓမ္မတိရဏံ အဓိ-
ပညာဓမ္မဝိပဿနာ။ သာရာဒါနာဘိနိဝေသန္တိ အသာရေ သာရဂ္ဂဟဏ-
ဝိပလ္လာသံ။ “ဣဿရကုတ္တာဒိဝသေန လောကော သမုပ္ပန္နော”တိ အဘိနိ-
ဝေသော သမ္မောဟာဘိနိဝေသော။ ကေစိ ပန “အဟောသိံ န ခေါ အဟ-
မတိတမဒ္ဓါနန္တိအာဒိနာ” ပဝတ္တသံသယာပတ္တိ သမ္မောဟာဘိနိဝေသော”တိ
ဝဒန္တိ။ သင်္ခါရေသု လေဏတာဏဘာဝဂ္ဂဟဏံ အာလယာဘိနိဝေသော။
“အာလယရတာ အာလယသမုဒိတာ”တိ၊ ဝစနတော အာလယော တဏှာ၊
သာယေဝ စက္ခာဒိသု ရူပါဒိသု စ အဘိနိဝိသနဝသေန ပဝတ္တိယာ
အာလယာဘိနိဝေသောတိ ကေစိ။ “ဧဝံဝိဓာ သင်္ခါရာ ပဋိနိဿဇ္ဇိယန္တိ”တိ
ပဝတ္တိ ဉာဏံ ပဋိသင်္ခါနုပဿနာ။ ဝဋ္ဋတော ဝိဂတတ္တာ ဝိဝဋ္ဋံ နိဗ္ဗာနံ၊ တတ္ထ
အာရမ္ပဏကရဏသင်္ခါတေန အနုပဿနေန ပဝတ္တိယာ ဝိဝဋ္ဋာနုပဿနာ
ဂေါတြဘု။ သံယောဂါဘိနိဝေသန္တိ သံယုဇ္ဇနဝသေန သင်္ခါရေသု အဘိနိဝိသနံ။
ဒိဋ္ဌေကဋ္ဌေတိ ဒိဋ္ဌိယာ သဟဇာတေကံဋ္ဌေ၊ ပဟာနေကဋ္ဌေ စ။ “ဩဋ္ဌာရိ-
ကေ”တိ ဥပရိမဂ္ဂဝဇ္ဈေ ကိလေသေ အပေက္ခိတွာ ဝုတ္တံ၊ အညထာ ဒဿနပဟာ-
တဗ္ဗာပိ ဒုတိယမဂ္ဂဝဇ္ဈေဟိ ဩဋ္ဌာရိကာတိ။ အဏုသဟဂတေတိ အဏုဘူတေ၊
ဣဒံ ဟေဋ္ဌိမမဂ္ဂဝဇ္ဈေ အပေက္ခိတွာ ဝုတ္တံ။ သဗ္ဗကိလေသေတိ အဝသိဋ္ဌသဗ္ဗကိလေ-
သေ။ န ဟိ ပဌမာဒိမဂ္ဂေဟိ ပဟိနာ ကိလေသာ ပုန ပဟိယန္တိတိ။ (၂)

ကက္ခဋတ္တံ ကပ္ပိနဘာဝေါ။ ပဗ္ဗရဏံ ဗြဝဘာဝေါ။ လောကီယဝါယုနာ
ဘတ္ထဿ ဝိယ ယေန တံတံကလာပဿ ဥဒ္ဓုမာယနံ၊ ထမ္ဘဘာဝေါ ဝါ၊ တံ
ဝိတ္တန္တနံ။ ဝိဇ္ဇမာနေပိ ကလာပန္တရဘူတာနံ ကလာပန္တရဘူတေဟိ အသမ္မုဋ္ဌ-
ဘာဝေ တံတံဘူတဝိဝိတ္တတာ ရူပပရိယန္တော အာကာသောတိ ယေသံ ယော
ပရိစ္ဆေဒေါ၊ တေဟိ သော အသမ္မုဋ္ဌောဝ၊ အညထာ ဘူတာနံ ပရိစ္ဆေဒ-
သဘာဝေါ န သိယာ ဗျာပိဘာဝါပတ္တိတော။ အဗျာပိတာ ဟိ အသမ္မုဋ္ဌတာတိ။

၁-မ ၁-၁၀၊ သံ ၁-၂၆၅-ပိဋ္ဌေသု။
၂-ဒိ ၂-၃၁၊ ၃၂၊ ၄ ၁-၂၂၄၊ ၄ ၂-၂၉၁၊ သံ ၁-၁၃၈၊ ဝိ ၃-၅၊ ၇၊ ၈-ပိဋ္ဌေသု။

ယသ္မိံ ကလာပေ ဘူတာနံ ပရိစ္ဆေဒေါ၊ တေဟိ အသမ္ပုဋ္ဌဘာဝေါ အသမ္ပုဋ္ဌ-
လက္ခဏံ။ စေတနာဟ ဘဂဝါ အာကာသဓာတုနိဒ္ဒေသေ “အသမ္ပုဋ္ဌံ စတူဟိ
မဟာဘူတေဟိ”တိ^၁။

ဝိရောဓိပစ္စယသန္နိပါတေ ဝိသဒိသုပ္ပတ္တိ ရူပနံ။ စေတနာပဓာနတ္တာ သင်္ခါ-
ရက္ခန္ဓဓမ္မာနံ စေတနာဝသေနေတံ ဝုတ္တံ “သင်္ခါရာနံ အဘိသင်္ခရဏလက္ခဏ”န္တိ။
တထာ ဟိ သုတ္တန္တဘာဇနီယေ သင်္ခါရက္ခန္ဓဝိဘင်္ဂေ “စက္ခုသမ္ပဿဇာ
စေတနာ”တိအာဒိနာ^၂ စေတနာဝ ဝိဘတ္တာ၊ အဘိသင်္ခရဏလက္ခဏာ စ
စေတနာ။ ယထာဟ “တတ္ထ ကတမော ပုညဘိသင်္ခါရော? ကုသလာ စေတနာ
ကာမာဝစရာ”တိအာဒိ^၃။ ဖရဏံ သဝိပ္ပုရိကတာ။ အသဒ္ဓိယေတိ အသဒ္ဓိယ-
ဟေတု၊ နိမိတ္တတ္ထေ ဘုမ္မံ။ သေ နယော “ကောသဇ္ဇေ”တိအာဒိသု။ ဂူပသမ-
လက္ခဏန္တိ ကာယစိတ္တပရိဋ္ဌာဟူပသမလက္ခဏံ။ လိနဒ္ဓစ္စရဟိတေ အဓိစိတ္တေ
ပဝတ္တမာနေ ပဂ္ဂဟနိဂ္ဂဟသမ္ပဟံသနေသု အဗျာဝဋတာယ အဇ္ဈုပေက္ခနံ
ပဋိသင်္ခါနံ ပက္ခပိတုပစ္ဆေဒတော။

မုသာဝါဒါဒီနံ ဝိသံဝါဒနာဒိကိစ္စတာယ^၄ လူခါနံ အပရိဂ္ဂါဟကာနံ ပဋိ-
ပက္ခဘာဝတော ပရိဂ္ဂါဟိကာ^၅ သမ္မာဝါစာ သိနိဒ္ဓဘာဝတော သမ္ပယုတ္တ-
ဓမ္မေ၊ သမ္မာဝါစာပစ္စယသုဘာသိတာနံ^၆ သောတာရဉ္စ ပုဂ္ဂလံ ပရိဂ္ဂဏှာတိတိ
သာ ပရိဂ္ဂဟလက္ခဏာ သမ္မာဝါစာ။ ကာယိကကိရိယာ ကံဉ္စိ ကတ္တဗ္ဗံ သမုဋ္ဌာ-
ပေတိ။ သယဉ္စ သမုဋ္ဌဟနံ ဃဋ္ဌနံ ဟောတိတိ သမ္မာကမ္မန္တသင်္ခါတာ ဝိရတိ
သမုဋ္ဌာနလက္ခဏာ ဒဋ္ဌဗ္ဗာ၊ သမ္ပယုတ္တဓမ္မာနံ ဝါ ဥက္ခိပနံ သမုဋ္ဌာပနံ ကာယိက-
ကိရိယာယ ဘာရုက္ခိပနံ ဝိယ။ ဇီဝမာနဿ သတ္တဿ၊ သမ္ပယုတ္တဓမ္မာနံ ဝါ
ဇီဝိတိန္ဒြိယသုတ္တိယာ၊ အာဇီဝဿေဝ ဝါ သုဒ္ဓိ ဝေါဒါနံ။ သသမ္ပယုတ္တဓမ္မဿ
စိတ္တဿ သံကိလေသပက္ခေ ပတိတုံ အဒတွာ သမ္ပဒေဝ ပဂ္ဂဏှနံ ပဂ္ဂဟော။

“သင်္ခါရာ”တိ ဣဓ စေတနာ အဓိပ္ပေတာတိဝုတ္တံ “သင်္ခါရာနံ စေတနာ-
လက္ခဏ”န္တိ။ နမနံ အာရမ္မဏာဘိမုခဘာဝေါ။ အာယတနံ ပဝတ္တနံ။ အာယ-
တနာနံ ဝသေန ဟိ အာယသင်္ခါတာနံ စိတ္တစေတသိကာနံ ပဝတ္တိ။ တဏှာယ
ဟေတုလက္ခဏန္တိ ဝနဿ ဇနကဟေတုဘာဝေါ။ မဂ္ဂဿ ပန နိဗ္ဗာနသမ္မာပ-
ကတ္တန္တိ အယမေဝ တေသံ ဝိသေသော။

၁-အဘိ ၁-၁၆၉-ပိဋ္ဌေ။	၂-အဘိ ၂-၃၇-ပိဋ္ဌေ။
၃-အဘိ ၂-၁၁၂-ပိဋ္ဌေ။	၄-မုသာဝါဒနာဒိကိစ္စတာယ (ဗဟုသ)
၅-ပရိဂ္ဂါဟကသဘာဝါ (အဘိနဝဂ္ဂိ)	၆-သမ္မာဝါစာပစ္စယံ သုဘာသိတံ (အဘိနဝဂ္ဂိ)

တထလက္ခဏံ အဝိပရိဘသဘာဝေါ။ ကေရသော အညမညာနတိဝတ္တနံ အနုနာဓိကဘာဝေါ။ ယုဂနန္ဒါ သမထဝိပဿနာဝ၊ “သဒ္ဓါပညာ ပဂ္ဂဟာ-
ဝိက္ခေပါ”တိပိ ဝဒန္တိ။

ခိဏောတိ ကိလေသေတိ ခယော၊ မဂ္ဂေါ။ အနုပ္ပါဒပရိယောသာနတငယ
အနုပ္ပါဒေါ၊ ဖလံ။ ပဿန္တိ ကိလေသဂူပသမော။

ဆန္ဒဿာတိ ကတ္တုကမ္ပတာဆန္ဒဿ။ မူလလက္ခဏံ ပတိဋ္ဌာဘာဝေါ။
သမုဋ္ဌာပနလက္ခဏံ အာရမ္မဏပဋိပါဒကတငယ သမ္ပယုတ္တဓမ္မာနံ ဥပ္ပတ္တိပေ-
တုတာ။ သမောဓာနံ ဝိသယာဒိသန္တိပါတေန ဂဟေတဗ္ဗာကာရော၊ ယာ
“သင်္ဂတိ”တိဝုတ္တံ။ သမံ သဟ ဩဒဟန္တိ အနေန သမ္ပယုတ္တဓမ္မာတိ ဝါ
သမောဓာနံ၊ ဖဿော။ သမောသရန္တိ သန္တိပတန္တိ ဧတ္တာတိ သမောသရဏံ။
ဝေဒနာယ ဝိနာ အပ္ပဝတ္တမာနာ သမ္ပယုတ္တဓမ္မာ ဝေဒနာနဘဝနန်ဓိတ္တံ
သမောသဋ္ဌာ ဝိယ ဟောန္တိတိ ဧဝံ ဝုတ္တံ။ ဂေါပါနသိနံ ကုဋံ ဝိယ သမ္ပယုတ္တာနံ
ပါမောက္ခဘာဝေါ ပမုခလက္ခဏံ။ တတော၊ တေသံ ဝါသမ္ပယုတ္တဓမ္မာနံ ဥတ္တရိ
ပဓာနန္တိ တဒုတ္တရိ။ ပညတ္တရာ ဟိ ကုသလာ ဓမ္မာ။ ဝိမုတ္တိယာတိ ဖလဿ။
တဉ္စိ သီလာဒိဂုဏသာရဿ ပရမုက္ကံသဘာဝေန သာရံ။ အယဉ္စ လက္ခဏဝိ-
ဘာဝေါ ဆဓာတုပဉ္စဈာနင်္ဂါဒိဝသေန တံတံသုတ္တပဒါနုသာရေန၊ ပေါရုဏ-
ဋ္ဌကထာယ အာဂတနယေန စ ကတောတိ ဒဋ္ဌဗ္ဗံ။ တထာ ဟိ ဝုတ္တောပိ
ကောစိ ဓမ္မော ပရိယာယန္တရပ္ပကာသနတ္ထံ ပုန ဒဿိတော၊ တတော ဧဝ စ
“ဆန္ဒမူလကာ ကုသလာ ဓမ္မာ မနသိကာရသမုဋ္ဌာနာ၊ ဖဿသမောဓာနာ၊
ဝေဒနာသမောသရဏာ”တိ၊ “ပညတ္တရာ ကုသလာ ဓမ္မာ”တိ၊ “ဝိမုတ္တိသာရဇိဒံ
ဗြဟ္မစရိယ”န္တိ၊ “နိဗ္ဗာနောဂဓဉ္စိ အာဝုသော ဗြဟ္မစရိယံ နိဗ္ဗာနပရိယောသာန”န္တိ
စ သုတ္တပဒါနံ ဝသေန “ဆန္ဒဿ မူလလက္ခဏ”န္တိအာဒိ ဝုတ္တံ။ (၃)

တထဓမ္မာ နာမ စတ္တာရိ အရိယသစ္စာနိ အဝိပရိဘသဘာဝတ္တာ။ တထာနိ
တံသဘာဝတ္တာ။ အဝိတထာနိ အမုသာသဘာဝတ္တာ။ အနုညထာနိ အညာ-
ကာရရဟိတတ္တာ။

ဇာတိပစ္စယသမ္ဘူတသမုဒါဂတဋ္ဌောတိ ဇာတိပစ္စယာ သမ္ဘူတံ ဟုတွာ
သဟိတဿ အတ္တနော ပစ္စယာနုရူပဿ ဥဉ္စိ ဥဉ္စိ အာဂတဘာဝေါ။ အနုပ-
ဝတ္တတ္ထောတိ အတ္ထော။ အထ ဝါ သမ္ဘူတဋ္ဌော စ သမုဒါဂတဋ္ဌော စ
သမ္ဘူတသမုဒါဂတဋ္ဌော၊ န ဇာတိတော ဇရာမရဏံ န ဟောတိ၊ န စ ဇာတိ
ဝိနာ အညတော ဟောတိတိ ဇာတိပစ္စယသမ္ဘူတဋ္ဌော။ ဣတ္ထဉ္စ ဇာတိတော

သမုဒါဂစ္ဆတိတိ ဇာတိပစ္စယသမုဒါဂတဋ္ဌော။ ယာ ယာ ဇာတိ ယထာ
 ယထာ ပစ္စယော ဟောတိ၊ တဒနုရူပံ ပါတုဘာဝေါတိ အတ္ထော။ အဝိဇ္ဇာယ
 သင်္ခါရာနံ ပစ္စယဋ္ဌောတိ ဧတ္ထာပိ န အဝိဇ္ဇာသင်္ခါရာနံ ပစ္စယော န ဟောတိ၊
 န စ အဝိဇ္ဇံ ဝိနာ သင်္ခါရာ ဥပ္ပဇ္ဇန္တိ။ ယာယာ အဝိဇ္ဇာ ယေသံ ယေသံ သင်္ခါရာနံ
 ယထာယထာ ပစ္စယော ဟောတိ၊ အယံ အဝိဇ္ဇာယ သင်္ခါရာနံ ပစ္စယဋ္ဌော၊
 ပစ္စယဘာဝေါတိ အတ္ထော။ (၄)

ဘဂဝါ တံ ဇာနာတိ ပဿတိတိ သမ္ဗန္ဓော။ တေနာတိ ဘဂဝတာ။
 တံ ဝိဘဇ္ဇမာနန္တိ ယောဇေတဗ္ဗံ။ တန္တိ ရူပါယတနံ။ ဣဋ္ဌာနိဋ္ဌာဒီတိ
 အာဒိ-သဒ္ဓေန မဇ္ဈတ္တံ သင်္ကဏှာတိ၊ တထာ အတိတာနာဂတပစ္စုပ္ပန္နပရိတ္တ-
 အဇ္ဈတ္တဗဟိဒ္ဓါတဒုဘယာဒိဘေဒံ။ လဗ္ဘမာနကပဒဝသေနာတိ “ရူပါယတနံ
 ဒိဋ္ဌံ သဒ္ဓါယတနံ သုတံ ဂန္ဓာယတနံ ရသာယတနံ ဇောဋ္ဌဗ္ဗာယတနံ မုတံ၊
 သဗ္ဗံ ရူပံ မနသာ ဝိညာတ”န္တိ၊ ဝစနတော ဒိဋ္ဌပဒဉ္စဝိညာတပဒဉ္စ ရူပါရမ္မဏေ
 လဗ္ဘတိ။ “ရူပါရမ္မဏံ ဣဋ္ဌံ အနိဋ္ဌံ မဇ္ဈတ္တံ ပရိတ္တံ အတိတံ အနာဂတံ
 ပစ္စုပ္ပန္နံ အဇ္ဈတ္တံ ဗဟိဒ္ဓါ ဒိဋ္ဌံ ဝိညာတံ ရူပံ ရူပါယတနံ ရူပဓာတု ဝဏ္ဏနိဘာ
 သနိဒဿနံ သပ္ပုဋ္ဌိသံ နီလံ ဝီတက”န္တိ ဝေမာဒီဟိ အနေနကေဟိ နာမေဟိ။
 “တေရသဟိ ဝါရေဟိ”တိ ရူပကဏ္ဍေ၊ အာဂတေ တေရသ နိဒ္ဒေသဝါရေ
 သန္တာယာဟ။ ဧကေကသ္မိဉ္စ ဝါရေ စဘုန္တံ စဘုန္တံ ဝဝတ္ထာပနနယာနံ ဝသေန
 “ဝိပညာသာယ နယေဟိ”တိ အာဟ။ တထမေဝ အဝိဇ္ဇာရိတဒဿိတာယ၊ အပ္ပုဋ္ဌိ-
 ဝတ္တိယဒေသနတာယ စ။ ဇာနာမိ အပ္ပညာသိန္တိ ဝတ္ထမာနာတိတကာလေသု
 ဉာဏပ္ပဝတ္တိဒဿနေန အနာဂတေပိ ဉာဏပ္ပဝတ္တိ ဝုတ္တာယေဝါတိ ဒဋ္ဌဗ္ဗာ။
 ဝိဒိတ-သဒ္ဓေါ အနာမဋ္ဌကာသဝိသေသော ဝေဒိဘဗ္ဗော “ဒိဋ္ဌံ သုတံ
 မုဘ”န္တိ အာဒိသု? ဝိယ။ န ဥပဋ္ဌာသီတိ အတ္တတ္တနိယဝသေနန ဥပဂစ္ဆိ။ ယထာ
 ရူပါရမ္မဏာဒယော ဓမ္မာ ယံသဘာဝါ ယံပကာရာ စ၊ တထာ နေ ပဿတိ
 ဇာနာတိ ဂစ္ဆတိတိ တထာဂတောတိ ဧဝံ ပဒသမ္ဘဝေါ ဝေဒိတဗ္ဗော။ ကေဝိ
 ပန “နိရုတ္တိနယေန ပိသောဒရာဒိပက္ခေပေန၊ ဝါ ဒဿိ-သဒ္ဓဿ လောပံ၊
 အာဂတ-သဒ္ဓဿ စာဂမံ ကတွာ တထာဂတော”တိ ဝဏ္ဏေန္တိ။ (၅)

နိဒ္ဒေါသတာယ အနုပဝဇ္ဇံ။ ပက္ခိပိတဗ္ဗာဘာဝေန အနုနံ။ အပနေတဗ္ဗာ-
 ဘာဝေန အနမိကံ။ အတ္တဗျဉ္ဇနာဒိသမ္ပတ္တိယာ သဗ္ဗာကာရပရိပုဏ္ဏံ။ နော
 အညထာတိ “တထေဝါ”တိ ဝုတ္တမေဝတ္တံ ဗျတိရေကေန သမ္မာဒေတိ။ တေန

၁-အဘိ ၁-၂၁-ပိဋေ၊	၂-အဘိ ၁-၁၆၂-ပိဋေ၊
၃-အဘိ ၁-၂၀၁-ပိဋေ၊	၄-ပါဏိနီ (၆၊ ၃၊ ၁၀၉)

ယဒတ္ထံ ဘာသီတံ၊ ဧကန္တေန တဒတ္ထနိပ္ပုဒနတော ယထာ ဘာသီတံ ဘဂ-
ဝတာ၊ တထေဝါတိ အဝိပရိတဒေသနတံ ဒဿေတိ။ “ဂဒတ္ထော”တိ ဧတေန
တထံ ဂဒဘိတိ တထာဂတောတိ ဒ-ကာရဿ တ-ကာရော ကတော
နိရုတ္တိနယေနာတိ ဒဿေတိ။ (၆)

တထာ ဂတမဿာတိ တထာဂတော၊ ဂတန္တိ စ ကာယဿ ဝါစာယ ဝါ
ပဝတ္တိတိ ဒတ္ထော။ တထာတိ စ ပုတ္တေ ယံတံ-သဒ္ဓါနံ အဗျာဘိစာရိသမ္ပန္နိ-
တာယ “ယထာ”တိ အယမတ္ထော ဥပဋ္ဌိတောယေဝ ဟောတိ။ ကာယဝစီ-
ကိရိယာနဉ္စ အညမညာနုလောမေန ဝစနိစ္ဆာယံ ကာယဿ ဝါစာ၊ ဝါစာယ
စ ကာယော သမ္ပန္နိဘာဝေန ဥပတိဋ္ဌတိတိ ဣမမတ္ထံ ဒဿေန္တော အာဟ
“ဘဂဝတော ဟိ”တိအာဒိ။ ဣမသ္မိံ ပန အတ္ထေ တထာဝါဒိတာယ တထာ-
ဂတောတိ အယမ္ပိ အတ္ထော သိဒ္ဓေါ ဟောကိ။ သော ပန ပုဗ္ဗေ ပကာရန္တရေန
ဒဿိတောတိ အာဟ “ဧဝံ တထာကာရိတာယ တထာဂတော”တိ။ (၇)

“တိရိယံ အပရိမာဏာသု လောကဓာတုသု”တိ ဧတေန ယဒေကေ “တိရိယံ
ဝိယ ဥပရိ အဓော စ သန္တိ လောကဓာတုယော”တိ ဝဒန္တိ၊ တံ ပဋိသေဓေတိ။
ဒေသနာဝိလာသောယေဝ ဒေသနာဝိလာသမယော ယထာ “ပုညမယံ၊
ဒါနမယ”န္တိအာဒိသု။ (၈)

ဥပသဂ္ဂနိပါတာနံ ဝါစကသဒ္ဓသန္တိဓာနေ တဒတ္ထဇောတနဘာဝေန ပဝတ္တ-
နတော ဂတ-သဒ္ဓေါယေဝ အဝဂတတ္ထံ အတိတတ္ထဉ္စ ဝဒတိတိ အာဟ
“ဂတောတိ အဝဂတော အတိတော”တိ။ အထ ဝါ အဘိနိဟာရတော ပဋ္ဌာယ
ယာဝ သမ္မောမိ၊ ဧတ္တန္တရေ မဟာဗောဓိယာနပဋိပတ္တိယာ ဟာနဌာန-
သံကိလေသနိဝတ္တိနံ အဘာဝတော ယထာ ပဏိဓာနံ၊ တထာ ဂတော
အဘိနိဟာရာနုရူပံ ပဋိပန္နောတိ တထာဂတော။ အထ ဝါ မဟိဒ္ဓိကတာယ၊
ပဋိသတ္တိဒါနံ ဥက္ကံသာမိဂမေန အနာဝရဏတာယ စ ကတ္ထစိ ပဋိသဘာ-
ဘာဝတော ယထာ ရုစိ၊ တထာ ကာယဝစီစိတ္တာနံ ဂတာနိ ဂမနာနိ
ပဝတ္တိယော ဧတဿာတိ တထာဂတော။ ယသ္မာ စ လောကေ ဝိဓယုတ္တ-
ဂတပကာရ-သဒ္ဓါ သမာနတ္ထာ ဒိဿန္တိ၊ တသ္မာ ယထာ ဝိဓာ ဝိပဿိ-
အာဒယော ဘဂဝန္တော၊ အယမ္ပိ ဘဂဝါ တထာ ဝိဓောတိ တထာဂတော။
ယထာ ယုဏ္ဏာ စ တေ ဘဂဝန္တော အယမ္ပိ ဘဂဝါ တထာ ယုတ္တောတိ
တထာဂတော။ အထ ဝါ ယသ္မာ သစ္စံ တစ္စံ ထထန္တိ ဉာဏဿေတံ အဓိ-
ဝစနံ၊ တသ္မာ တထေန ဉာဏေန အာဂတောတိ တထာဂတောတိ ဧဝမ္ပိ
တထာဂတ-သဒ္ဓဿ အတ္ထော ဝေဒိတဗ္ဗော။

“ပဟာယ ကာမာဒိမလေ ယထာ ဂတာ၊
 သမာဓိဉာဏေဟိ ဝိပဿိအာဒယော။
 မဟေသိနော သကျမုနိ ဇုတိန္ဒရော၊
 တထာဂတော တေန **တထာဂတော** မတော။

တထဉ္စ ဓာတာယတနာဒိလက္ခဏံ၊
 သဘာဝသာမညဝိဘာဂဘေဒတော။
 သယမ္ပုဉာဏေန ဇိနော သမာဂတော၊
တထာဂတော ဂုစ္စတိ သကျပုဂံဝေါ။

တယာနိ သစ္စာနိ သမန္တစက္ခုနာ၊
 တထာ ဣဒပ္ပစ္စယတာ စ သဗ္ဗသော။
 အနညနေယျေန ယတော ဝိဘာဝိတာ၊
 ယာထာဝတော တေန ဇိနော **တထာဂတော**။

အနေကဘေဒါသုပ္ပိ လောကဓာတုသု၊
 ဇိနဿ ရူပါယတနာဒိဂေါစရေ။
 ဝိစိတ္တဘေဒံ တထမေဝ ဒဿနံ၊
တထာဂတော တေန သမန္တလောစနော။

ယတော စ ဓမ္မံ တထမေဝ ဘာသတိ၊
 ကရောတိ ဝါစာယနုလောမမတ္တနော။
 ဂုဏေဟိ လောကံ အဘိဘုယျ ဣရိယတိ၊
တထာဂတော တေနပိ လောကနာယကော။

ယထာဘိနိဟာရမတော ယထာရုစိ၊
 ပဝတ္ထဝါစာတနုစိတ္တဘာဝတော။
 ယထာဝိဓာ ယေန ပုရာ မဟေသိနော၊
 တထာဝိဓော တေန ဇိနော **တထာဂတော**”တိ—

သင်္ဂဟဂါထာ မုခမတ္တမေဝ။ ကသ္မာ? အပ္ပမာဒပဒံ ဝိယ သကလဓမ္မပဋိ-
 ပတ္တိယာသဗ္ဗဗုဒ္ဓဂုဏာနံ သင်္ဂါဟကတ္တာ။ တေနောဟိ “သဗ္ဗာကာရေနာ”တိ-
 အာဒိ။

“တံ ကတမန္တိ ပုစ္ဆတိ”တိ ဧတေန “ကတမဉ္စ တံ ဘိက္ခဝေ”တိ အာဒိဝစနဿ သာမညတော ပုစ္ဆာဘာဝေါ ဒဿိတော။ အဝိသေသတော ဟိ တဿ ပုစ္ဆာဝိသေသဘာဝဥပနတ္တံ မဟာနိဒ္ဒေသေ^၁ အာဂတာ သဗ္ဗာဝ ပုစ္ဆာ အတ္ထုဒ္ဓါရနယေန ဒဿေတိ “တတ္ထ ပုစ္ဆာ နာမာ”တိ အာဒိနာ။ တတ္ထ တတ္ထာတိ “တံ ကတမန္တိ ပုစ္ဆတိ”တိ ဧတ္ထ ယဒေတံ သာမညတော ပုစ္ဆာ-ဝစနံ၊ တသ္မိံ။

လက္ခဏန္တိ ဉာတုံ ဣစ္ဆိတော ယော ကောစိ သဘာဝေါ။ “အညာတ”န္တိ ယေန ကေနစိ ဉာဏေန အညာတဘာဝမာဟ၊ “အဒိဋ္ဌ”န္တိ ဒဿနဘူတေန ဉာဏေန ပစ္စက္ခံ ဝိယ အဒိဋ္ဌတံ၊ “အတုလိတ”န္တိ “ဧတ္တကံ ဧတ”န္တိ တုလနဘူတေန အတုလိတတံ၊ “အတိရိတ”န္တိ တိရဏဘူတေန အကတဉာဏကိရိယာသမာပ-နတံ၊ “အဝိဘူတ”န္တိ ဉာဏဿ အပါကဋ္ဌဘာဝံ၊ “အဝိဘာဝိတ”န္တိ ဉာဏေန အပါကဋ္ဌိကတဘာဝံ။ အဒိဋ္ဌ ဇောတိယတိ ဧတာယာတိ အဒိဋ္ဌဇောတနာ။ ဒိဋ္ဌ သံသန္တိယတိ ဧတာယာတိ ဒိဋ္ဌသံသန္တနာ၊ သာကစ္ဆာဝသေန ဝိနိစ္ဆယ-ကရဏံ။ ဝိမတိ ဆိဇ္ဇတိ ဧတာယာတိ ဝိမတိဇ္ဈေဒနာ။ အနုမတိယာ ပုစ္ဆာ အနုမတိပုစ္ဆာ။ “တံ ကိံ မညထ ဘိက္ခဝေ”တိ အာဒိပုစ္ဆာယ ဟိ “ကာ တုမှာကံ အနုမတိ”တိ အနုမတိ ပုစ္ဆိတာ ဟောတိ။ ကထေတုကမျတာတိ ကထေတု-ကမျတာယ။

ဂ။ သရသေနော ပတနသဘာဝဿ အန္တရာ ဧဝ အတိဝ ပါတနံ အတိပါတော၊ သဏိကံ ပတိတုံ အဒတော သီသံ ပါတနန္တိ အတ္ထော။ အတိက္ကမ္မ ဝါ သတ္တာဒိဟိ အဘိဘဝိတွာ ပါတနံ အတိပါတော။ သတ္ထောတိ ခန္ဓသန္တာနော။ တတ္ထ ဟိ သတ္ထပညတ္တိ။ ဇိဝိတိန္ဒြိယန္တိ ရူပါရူပဇီဝိတိန္ဒြိယံ။ ရူပဇီဝိတိန္ဒြိယေ ဟိ ဝိကောပိတေ ဣတရေဗ္ဗိ တံသမ္ပန္နတာယ ဝိနဿတိ။ ကသ္မာပနေတ္ထ “ပါဏဿ အတိပါတော၊ ပါဏောတိ စေတ္ထ ဝေါဟာရတော သဒတ္တာ”တိ စ ကေဝစနနိဒ္ဒေသော ကတော၊ နန နိရဝသေသာနံ ပါဏာနံ အတိပါတတော ဝိရတိ ဣဓ အဓိပ္ပေတာ။ တထာ ဟိ ဝက္ခတိ “သဗ္ဗပါဏဘူတဟိတာနုကမ္ပိတိ သဗ္ဗေ ပါဏဘူတေ”တိ အာဒိနာ၊ ဗဟုဝစန-နိဒ္ဒေသန္တိ? သစ္စမေတံ၊ ပါဏဘာဝသာမညဝသေန ပနေတ္ထ ကေဝစန-နိဒ္ဒေသော ကတော၊ သဗ္ဗသဒ္ဓသန္တိဓာနေန တတ္ထ ပုထုတ္တံ ဝိညာယမာနမေ-ဝါတိ သာမညနိဒ္ဒေသံ အကတွာ ဘေဒဝစနိစ္ဆာဝသေန ဗဟုဝစနနိဒ္ဒေသော

ကတောတိ။ ကိဉ္စ ဘိဿျော—သမညတော သံဝရသမာဒါနံ၊ တဗ္ဗိသေသ-
တော သံဝရဘေဒေါတိ ဣမဿ ဗ္ဗသေသဿ ဣပနတ္တံ အယံ ဝစနဘေဒေါ
ကတောတိ ဝေဒိတဗ္ဗော။ ယာယ စေတနာယ ဝတ္တမာနဿ ဇီဝိတိန္ဒြိယဿ
နိဿယဘူတေသု မဟာဘူတေသု ဥပက္ကမကရဏဟေတု တံမဟာဘူတပ္ပစ္စယာ
ဥပ္ပဇ္ဇနကမဟာဘူတာ နုပ္ပဇ္ဇိသန္တိ။ သာ တာဒိသပ္ပယောဂသမုဋ္ဌာပိကာ
စေတနာ ပါဏာဘိပါတော။ လဒ္ဓုပက္ကမာနိ ဟိ ဘူတာနိ ဣတရဘူတာနိ ဝိယ
န ဝိသဒါနီတိ သမာနဇာတိယာနံ ကာရဏံ န ဟောန္တိတိ။ “**ကယဝစိ-
ဒ္ဓါရာန**”န္တိ ဧတေန မနောဒွါရေ ပဝတ္တာယ ဝဓကစေတနာယ ပါဏာဘိ-
ပါတဘာဝံ ပဋိက္ခိပတိ။

ပယောဂဝတ္ထုမဟန္တတာဒီဟိ မဟာသာဝဇ္ဇတာ တေဟိ ပစ္စယေဟိ
ဥပ္ပဇ္ဇမာနာယ စေတနာယ ဗလဝဘာဝတော ဝေဒိတဗ္ဗော။ ယထာဓိပ္ပေတဿ
ဟိ ပယောဂဿ သဟဿာ နိပ္ပဒါနဝသေန ကိစ္စသာမိကာယ ဗဟုက္ခတ္တံ
ပဝတ္ထဇဝနေဟိ လဒ္ဓါသေဝနာယ စ သန္တိဋ္ဌာပကစေတနာယ ဝသေန
ပယောဂဿ မဟန္တဘာဝေါ။ သတိပိ ကဒါစိ ခုဒ္ဒကေ စေဝ မဟန္တေ စ
ပါဏေ ပယောဂဿ သမဘာဝေ မဟန္တံ ဟနန္တဿ စေတနာ တိဗ္ဗတရာ
ဥပ္ပဇ္ဇတိတိ ဝတ္ထုဿ မဟန္တဘာဝေါ။ ဣတိ ဥဘယဓမ္မတံ စေတနာယ
ဗလဝဘာဝဝေနော ဟောတိ။ တထာ ဟိ ဟန္တဗ္ဗဿ မဟာဂုဏ-
ဘာဝေန တတ္ထ ပဝတ္ထဥပကာရစေတနာ ဝိယ ခေတ္တဝိသေသနိဗ္ဗတ္တိယာ
အပကာရစေတနာပိ ဗလဝတိ၊ တိဗ္ဗတရာ စ ဥပ္ပဇ္ဇတိတိ တဿာ မဟာ-
သာဝဇ္ဇတာ ဒဋ္ဌဗ္ဗော။ တသ္မာ ပယောဂဝတ္ထုအာဒိပစ္စယာနံ အမဟတ္တေပိ
မဟာဂုဏတာဒိပစ္စယေဟိ စေတနာယ ဗလဝဘာဝါဒိဝသေနော မဟာသာ-
ဝဇ္ဇဘာဝေါ ဝေဒိတဗ္ဗော။

သမ္ဘရိယန္တိ ဧတေဟိတိ သန္တာရာ၊ အင်္ဂါနိ။ တေသု ပါဏသညိတာဝဓက-
စိတ္တာနိ ပုဗ္ဗဘာဂိယာနိပိ ဟောန္တိ။ ဥပက္ကမော ဝဓကစေတနာသမုဋ္ဌာပိတော။
ပဉ္စသမ္ဘာရဝတိ ပါဏာဘိပါတစေတနာတိ သာ ပဉ္စသမ္ဘာရဝိနိမုတ္တာ ဒဋ္ဌဗ္ဗော။
ဝိဇ္ဇာမယော မန္တပရိဇေပ္ပနပယောဂေါ အာထဗ္ဗဏိကာဒိနံ ဝိယ။ **ဣဒ္ဓိမယော**
ကမ္မဝိပါကဇိဒ္ဓိမယော ဒါဌာကောဋကောဒိနံ ဝိယ။ **အတိဝိယ ပပဉ္စောတိ**
အတိမဟာဝိတ္တာရော။

တ္ထောဟ—ခဏေ ခဏေ နိရုဇ္ဈနသဘာဝေသု သင်္ခါရေသု ကော ဟန္တိ၊
ကော ဝါ ဟညတိ၊ ယဒိ စိတ္တစေတသိကသန္တာနော၊ သော အရူပတာယ န

ဆေဒနဘေဒနာဒိဝသေန ဝိကောပနသမတ္တော၊ နာပိ ဝိကောပနိယော၊ အထ ရူပသန္တာနော၊ သော အစေတနတာယ ကဋ္ဌကလိင်္ဂရူပမောတိ န တတ္ထ ဆေဒနာဒိနာ ပါဏာတိပါတော လက္ခတိ ယထာ မတသရိရေ၊ ပယောဂေါပိ ပါဏာတိပါတဿ ပဟရဏပ္ပကာရာဒိ အတိတေသု ဝါ သင်္ခါရေသု ဘဝေယျ အနာဂတေသု ဝါ ပစ္စုပ္ပန္နေသု ဝါ၊ တတ္ထ န တာဝ အတိတာနာဂတေသု သမ္ဘဝတိ ဟေသံ အဘာဝတော၊ ပစ္စုပ္ပန္နေသု စ သင်္ခါရာနံ ခဏိကတ္တာ သရသေနော နိရုဇ္ဈနသဘာဝတာယ ဝိနာသဘိဓုခေသု နိပ္ပယောဇနော ပယောဂေါ သိယာ၊ ဝိနာသဿ စ ကာရဏရဟိတတ္တာ န ပဟရဏပ္ပကာ- ရာဒိပယောဂဟေတုကံ မရဏံ၊ နိရိဟကတာယ စ သင်္ခါရာနံ ကဿ သော ပယောဂေါ၊ ခဏိကတ္တာ ဝဓာဓိပ္ပယသမကာလဘိဇ္ဇနကဿ ကိရိယာပရိ- ယောသနကာလာနဝဋ္ဌာနတော ကဿ ဝါ ပါဏာတိပါတကမ္မဗဒ္ဓေါတိ?

ဝုစ္စတေ—ယထာဝုတ္တဝဓကစေတနာသဟိတော သင်္ခါရာနံ ပုဇ္ဇော သတ္တ- သင်္ခါတော ဟန္တာ၊ တေန ပဝတ္တိတဝဓကပယောဂနိမိတ္တံ အပဂတုသ္မာဝိညာဏ- ဇီဝိတိန္ဒြိယော မတဝေါဟာရပ္ပဝတ္တိနိဗန္ဓော ယထာဝုတ္တဝဓပယောဂါကရဏေ ဥပ္ပဇ္ဇနာရဟော ရူပါရူပဓမ္မသမူဟော ဟညတိ၊ ကေဝလော ဝါ စိတ္တစေတသိ- ကသန္တာနော။ ဝဓပယောဂါဝိသယဘာဝေပိ တဿ ပဉ္စဝေါကာရဘဝေ ရူပသန္တာနာဒိနဝုတ္တိတာယ ရူပသန္တာနေ ပဋေရန ပယောဇိတဇီဝိတိန္ဒြိယုပစ္ဆေ- ဒကပယောဂဝသေန တန္တိဗ္ဗတ္တိဝိဗန္ဓကဝိသဒိသရူပုပ္ပတ္တိယာ ဝိဟတေ ဝိစ္ဆေဒေါ ဟောတိတိ န ပါဏာတိပါတဿ အသမ္ဘဝေါ၊ နာပိ အဟေတုကော ပါဏာတိပါတော၊ န စ ပယောဂေါ နိပ္ပယောဇနော ပစ္စုပ္ပန္နေသု သင်္ခါရေသု ကတပယောဂဝသေန တဒနန္တရံ ဥပ္ပဇ္ဇနာရဟဿ သင်္ခါရကလာပဿ တထာ- အနုပ္ပတ္တိတော၊ ခဏိကာနံ သင်္ခါရာနံ ခဏိကမရဏဿ ဣမ မရဏဘာဝေန အနဓိပ္ပေတတ္တာ၊ သန္တတိမရဏဿ စ ယထာဝုတ္တနယေန သဟေတုကဘာဝ- တော န အဟေတုကံ မရဏံ၊ န စ ကတ္ထုရဟိတော ပါဏာတိပါတပ္ပယောဂေါ နိရိဟကေသုပိ သင်္ခါရေသု သန္တိဟိတတာမတ္တေန ဥပကာရကေသု အတ္တနော အနုရူပဖလုပ္ပါဒနနိယတေသု ကာရဏေသု ကတ္ထုဝေါဟာရသိဒ္ဓိတော ယထာ “ပဒီပေါ ပကာသေတိ၊ နိသာကရော စန္ဒိမာ”တိ စ၊ န စ ကေဝလဿ ဝဓာ- ဓိပ္ပယသဟဘုနော စိတ္တစေတသိကကလာပဿ ပါဏာတိပါတော ဣစ္ဆိတော သန္တာနဝသေန အဝဋ္ဌိတဿေဝ ပဋိဇာနနတော၊ သန္တာနဝသေန ပဝတ္ထမာနာ- နဉ္စ ပဒီပါဒီနံ အတ္တကိရိယာသိဒ္ဓိ ဒိဿတိတိ အတ္ထေဝ ပါဏာတိပါတေန ကမ္မ- ဗဒ္ဓေါ။ အယဉ္စ ဝိစာရော အဒိန္နာဒါနာဒိသုပိ ယထာသမ္ဘဝံ ဝိဘာဝေတဗ္ဗော။

“ပဟိနကာလတော ပဋ္ဌာယ ဝိရတောဝါ”တိ ဧတေန ပဟာနဟေတုကာ ဣဓာမိပ္ပေတာ သမုစ္ဆေဒဝိရတီတိ ဒဿေတိ။ ကမ္မက္ခယဉာဏေန ဟိ ပါဏာတိ-
 ပါတဒုဿီလျဿံ ပဟိနတ္တာ ဘဂဝါ အစ္စန္တမေဝ တတော ပဋိဝိရတောတိ ဝုစ္စတိ
 သမုစ္ဆေဒဝသေန ပဟာနဝိရတီနံ အဓိပ္ပေတတ္တာ။ ကိဉ္စာပိ ပဟာနဝိရမဏာနံ
 ပုရိမပစ္စိမကာလတာ နတ္ထိ၊ မဂ္ဂဓမ္မာနံ ပန သမ္မာဒိဋ္ဌိအာဒိနံ သမ္မာဝါစာဒိနဉ္စ
 ပစ္စယပစ္စယုပ္ပန္နဘာဝေ အပေက္ခိတေ သဟဇာတာနမ္ပိ ပစ္စယပစ္စယုပ္ပန္နဘာဝေန
 ဂဟဏံ ပုရိမပစ္စိမဘာဝေနေဝ ဟောတီတိ ဂဟဏပ္ပဝတ္တိအာကာရဝသေန
 ပစ္စယဘူတေသု သမ္မာဒိဋ္ဌိအာဒိသု ပဟာယကဓမ္မေသု ပဟာနကိရိယာယ
 ပုရိမကာလဝေါဟာရေ၊ ပစ္စယုပ္ပန္နာသု စ ဝိရတီသု ဝိရမဏကိရိယာယ
 အပရကာလဝေါဟာရေ စ ဟောတီတိ ဧဝံ ဧတ္ထ အတ္ထော ဒဋ္ဌဗ္ဗော။
 ပဟာနံ ဝါ သမုစ္ဆေဒဝသေန၊ ဝိရတိ ပဋိပ္ပဿဒ္ဓိဝသေန ယောဇေတဗ္ဗော။
 အထ ဝါ ပါဏော အတိပါတီယတိ ဧတေနာတိ ပါဏာတိပါတော၊ ပါဏ-
 သာတဟေတုဘူတော ဓမ္မသမူဟော။ ကော ပနေသော? အဟိရိကာနောတ္တပ္ပ-
 ဒေါသမောဟဝိဟိံသာဒယော ကိလေသာ။ တေ ဟိ ဘဂဝါ အရိယမဂ္ဂေန
 ပဟာယ သမုပ္ပါဋေတွာ ပါဏာတိပါတဒုဿီလျတော အစ္စန္တမေဝ ပဋိဝိရ-
 တောတိ ဝုစ္စတိ ကိလေသေသု ပဟိနေသု ကိလေသနိမိတ္တဿ ကမ္မဿ
 အနုပ္ပဇ္ဇနတော။ “အဒိန္နာဒါနံ ပဟာယာ”တိအာဒိသုပိ ဒေသေ နယော။
 ဝိရတောဝါတိ အဝဓာရဏေန တဿာ ဝိရတိယာ ကာလာဒိဝသေန အပရိ-
 ယန္တတံ ဒဿေတိ။ ယထာ ဟိ အညေ သမာဒိန္နဝိရတိကာပိ အနဝဋ္ဌိတစိတ္တ-
 တာယ လာဘဇီဝိတာဒိဟေတု သမာဒါနံ ဘိန္တန္တိ၊ န ဧဝံ ဘဂဝါ။ ဘဂဝါ
 ပန သဗ္ဗသော ပဟိနပါဏာတိပါတတ္တာ အစ္စန္တဝိရတော ဧဝါတိ။ ဝိတိက္ခ-
 မိဿာမီတိ အနဝဇ္ဇဓမ္မေဟိ ဝေါကိဏ္ဏာ အန္တရန္တရာ ဥပ္ပဇ္ဇနကာ ဒုဗ္ဗလာ-
 ကုသလာ။ ယသ္မာ ပန ကာယဝစီပယောဂံ ဥပလဘိတွာ “ဣမဿ ကိလေသာ
 ဥပ္ပန္နာ”တိ ဝိညနာ သက္ကာ ဉာတုံ၊ တသ္မာ တေ ဣမိနာ ပရိယာယေန
 “ဓက္ခုသောတဝိညေယျာ”တိ ဝုတ္တာတိ ဒဋ္ဌဗ္ဗော။ ကာယိကာတိ ပါဏာတိ-
 ပါတာဒိနိပ္ပူဒကေ ဗလဝါကုသလေ သန္ဓာယာဟ။

ဂေါတ္ထဝသေန လဒ္ဓဝေါဟာရေတိ သမ္ပန္နော။ ဒီပေတုံ ဝန္တတိ
 မြဟ္မဒတ္တေန ဘာသိတဝဏ္ဏဿ အနုသန္ဓိဒဿနဝသေန ဣမိဿာ ဒေသနာယ
 အာရဒ္ဓတ္တာ။ တတ္ထာယံ ဒီပနာ—“ပါဏာတိပါတံ ပဟာယ ပါဏာတိ-
 ပါတာ ပဋိဝိရတော သမဏဿ ဂေါတမဿ သာဝကသံဃော
 နိဟိတဒဏ္ဍော နိဟိတသတ္တော”တိ ဝိတ္တာရေတမ္ပံ။ နန စ ဓမ္မဿာပိ

ဝဏ္ဏော မြဟ္မဒတ္တေန ဘာသိတော? သစ္စံ ဘာသိတော၊ သော ပန သမ္မာ-
သမ္ဗုဒ္ဓပဘဝတ္တာ၊ အရိယသံဃာဓာရတ္တာ စ ဓမ္မဿ ဓမ္မာနုဘာဝသိဒ္ဓတ္တာ စ
တေသံ တဒုဘယဒီပနေနေဝ ဒီပိတော ဟောတီတိ ဝိသုံ န ဥဒ္ဓဋ္ဌော။ သဒ္ဓမ္မာ-
နုဘာဝေနေဝ ဟိ ဘဂဝါ ဘိက္ခုသံဃော စ ပါဏာတိပါတာဒိပ္ပဟာန-
သမတ္တော အဟောသိ၊ ဒေသနာ ပန အာဒိတော ပဋ္ဌာယ ဧဝံ အာဂတာတိ။

တ္ထောယံ အဓိပ္ပါယော— “အတ္ထိ ဘိက္ခဝေ အညေ စ ဓမ္မာ”တိအာဒိနာ
အနညဿာဓာရဏေ ဗုဒ္ဓဂုဏေ အာရဗ္ဘ ဥပရိ ဒေသနံ ဝဇေတုကာမော
ဘဂဝါ အာဒိတော ပဋ္ဌာယ “တထာဂတဿ ဝဏ္ဏံ ဝဒမာနော ဝဒေယျာ”တိ-
အာဒိနာ ဗုဒ္ဓဂုဏဝသေနေဝ ဒေသနံ အာရဘိ၊ န ဘိက္ခုသံဃဝသေနာတိ။
သော ဟိ ဘဂဝတော ဒေသနာယ ပကတိ၊ ယံ ဧကရသေနေဝ ဒေသနံ
ဒဿေတုံ လဗ္ဘမာနဿာပိ ကဿစိ အဂ္ဂဟဏံ။ တထာ ဟိ ရူပကဏ္ဍေ
ဒုကာဒိသု တန္တိဒ္ဓေသေသု စ ဟဒယဝတ္ထု န ဂဟိတံ။ ဣတရဝတ္ထု ဟိ
အသမာနဂတိကတ္တာ ဒေသနာဘေဒေါ ဟောတီတိ။ ယထာ ဟိ စက္ခု-
ဝိညာဏာဒိနိ ဧကန္တတော စက္ခာဒိနိဿယာနိ၊ န ဧဝံ မနောဝိညာဏံ
ဧကန္တေန ဟဒယဝတ္ထုနိဿယံ၊ နိဿိတဝသေန စ ဝတ္ထုဒုကာဒိဒေသနာ
ပဝတ္တာ “အတ္ထိ ရူပံ စက္ခုဝိညာဏဿ ဝတ္ထု၊ အတ္ထိ ရူပံ န စက္ခုဝိညာဏဿ
ဝတ္ထု”တိအာဒိနာ။ ယမ္ပိ ဧကန္တတော ဟဒယဝတ္ထုနိဿယံ၊ တဿ ဝသေန
“အတ္ထိ ရူပံ မနောဝိညာဏဿ ဝတ္ထု”တိအာဒိနာ ဒုကာဒိသု ဝုစ္စမာနေသုပိ
န တဒနုရူပါ အာရမ္မဏဒုကာဒယော သမ္ဘဝန္တိ။ န ဟိ “အတ္ထိ ရူပံ မနော-
ဝိညာဏဿ အာရမ္မဏံ၊ အတ္ထိ ရူပံ န မနောဝိညာဏဿ အာရမ္မဏ”န္တိ သက္ကာ
ဝတ္ထုန္တိ ဝတ္ထာရမ္မဏဒုကာ ဘိန္ဒဂတိကာ သိယုန္တိ န ဧကရဿာ ဒေသနာ
ဘဝေယျာတိ။ တထာ နိက္ခေပကဏ္ဍေ စိတ္တုပ္ပါဒဝိဘာဂေန အဝုစ္စမာနတ္တာ
အဝိတက္ကအဝိစာရပဒဝိဿဇ္ဇနေ “ဝိစာရော စာ”တိ ဝတ္ထု န သက္ကာတိ
အဝိတက္ကဝိစာရမတ္တပဒဝိဿဇ္ဇနေ လဗ္ဘမာနောပိ ဝိတက္ကော န ဥဒ္ဓဋ္ဌော၊
အညထာ “ဝိတက္ကော စာ”တိ ဝတ္ထဗ္ဗံ သိယာ။

ဒဏ္ဍနသင်္ခါတဿ ဒဏ္ဍဿ ပရဝိဟေဌနဿ ဝိဝဇ္ဇိတဘာဝဒီပနတ္ထံ ဒဏ္ဍ-
သတ္တာနံ နိက္ခေပဝစနန္တိ အာဟ “ပရူပဃာတတ္ထာယာ”တိအာဒိ။ ဝိဟေဌန-
ဘာဝတောတိ ဝိဟိံသနဘာဝတော။ “ဘိက္ခုသံဃဝသေနာပိ ဒီပေတုံ
ဝဋ္ဋတိ”တိ ဝုတ္တတ္တာ တမ္ပိ ဧကဒေသေန ဒီပေန္တော “ယံ ပန ဘိက္ခု”တိ-
အာဒိမာဟ။

လန္တိတိ ဧတ္ထ ဝုတ္တလဇ္ဇာယ ဩတ္တပ္ပမိ ဝုတ္တမေဝါတိ ဒဠဗ္ဗံ။ န ဟိ ပါပဇိရုဇ္ဈနံ ပါပုတ္တာသနရဟိတံ၊ ပါပဘယံ ဝါ အလဇ္ဇနံ အတ္ထိတံ။ ဓမ္မဂရု-
တာယ ဝါ ဗုဒ္ဓါနံ၊ ဓမ္မဿ စ အတ္တာဓိနတ္တာ အတ္တာဓိပတိဘူတာ လဇ္ဇာဝ
ဝုတ္တာ၊ န ပန လောကာဓိပတိ ဩတ္တပ္ပံ။ “ဒယံ မေတ္တစိတ္တတံ အာပန္နော”တိ
ကဿ ဝုတ္တံ၊ နန ဒယာ-သဒ္ဓေါ “ဒယာပန္နော”တိအာဒိသု ကရုဏာယ
ပဝတ္တတိတိ? သစ္စမေတံ၊ အယံ ပန ဒယာ-သဒ္ဓေါ အနုရက္ခဏံ အတ္ထံ
အန္တောနီတံ ကတွာ ပဝတ္တမာနော မေတ္တာယ ကရုဏာယ စ ပဝတ္တတိတိ
ဣဓ မေတ္တာယ ပဝတ္တမာနော ဝုတ္တော။ မိဒတိ သိနိယတိတိ မေတ္တာ၊ မေတ္တာ
ဧတဿ အတ္ထိတိ မေတ္တံ၊ မေတ္တံ စိတ္တံ ဧတဿာတိ မေတ္တစိတ္တော၊ တဿ
ဘာဝေါ မေတ္တစိတ္တတာ၊ မေတ္တာ ဣစ္စေဝ အတ္တော။ “သဗ္ဗပါဏဘူတဟိတာ-
နုကမ္ပီ”တိ ဧတေန တဿာ ဝိရတိယာ သတ္တဝေသေန အပရိယန္တတံ ဒဿေတိ။
ပါဏဘူတေတိ ပါဏဇာတေ။ အနုကမ္ပကောတိ ကရုဏာယနကော။
ယသ္မာ ပန မေတ္တာ ကရုဏာယ ဝိသေသပစ္စယော ဟောတိ၊ တသ္မာ ဝုတ္တံ
“တာယ ဝေ ဒယာပန္နတာယာ”တိ။ ဧဝံ ယေဟိ ဓမ္မေဟိ ပါဏာတိပါတာ
ဝိရတိ သမ္ပဇ္ဇတိ၊ တေဟိ လဇ္ဇာမေတ္တာကရုဏာဟိ သမင်္ဂီဘာဝေါ ဒဿိတော။
ဝိဟရတိတိ ဧဝံဘူတော ဟုတွာ ဧကသ္မိ ဣရိယာပထေ ဥပ္ပန္နံ ဒုက္ခံ အညေန
ဣရိယာပထေန ဝိစ္စိန္တိတွာ ဟရတိ ပဝတ္တေတိ၊ အတ္တဘာဝံ ဝါ ယာပေတိတိ
အတ္တော။ တေနောဟိ “ဣရိယတိ ယပေတိ ယာပေတိ ပါလေတိ”တိ။

အာစာရသီလမတ္တကန္တိ သာဓုဇနာစာရသီလမတ္တကံ၊ တေန ဣန္ဒြိယသံဝရာဒိ-
ဂုဏေဟိဝိ လောကီယပုထုဇ္ဇနော တထာဂတဿ ဝဏ္ဏံ ဝတ္တံ န သက္ကောတိတိ
ဒဿေတိ။ တထာ ဟိ ဣန္ဒြိယသံဝရပစ္စယပရိဘောဂသီလာနိ ဣဓ သီလ-
ကထာယံ န ဝိဘတ္တာနိ။

ပရသံဟရဏန္တိ ပရသံ သန္တကဟရဏံ။ ထေနော ဝုစ္စတိ စောရော၊
တဿ ဘာဝေါ ထေယျံ။ ဣဓာပိ ခုဒ္ဒကေ ပရသန္တကေ အပ္ပသာဝဇ္ဇံ၊ မဟန္တေ
မဟာသာဝဇ္ဇံ။ ကသ္မာ? ပယောဂမဟန္တတာယ၊ ဝတ္ထုဂုဏာနံ ပန သမဘာဝေ
သတိ ကိလေသာနံ ဥပက္ကမာနဉ္စ မုဒုတာယ အပ္ပသာဝဇ္ဇံ၊ တိဗ္ဗတာယ မဟာ-
သာဝဇ္ဇန္တိ အယမ္ပိ နယော ယောဇေတဗ္ဗော။

သာဟတ္ထိကာဒယောတိ ဧတ္ထ မန္တပရိဇပ္ပနေန ပရသန္တကဟရဏံ ဝိဇ္ဇာ-
မယော၊ ဝိနာ မန္တေန ကာယဝစီပယောဂေန ပရသန္တကဿ အာကုနံ
တာဒိသဣဒ္ဓါနုဘာဝေန ဣဒ္ဓိမယော ပယောဂေါ။

သေသန္တိ “ပဟာယ ပဋိဝိရတော”တိ ဝေမာဒိကံ။ တဗ္ဗိ ပုဗ္ဗေ ဝုတ္တနယံ။ ကိဉ္ဇာပိ နယိမ သိက္ခာပဒဝေါဟာရေန ဝိရတိ ဝုတ္တာ၊ ဣတော အညေသု ပန သုတ္တပဒေသေသု ဝိနယာဘိဓမ္မေသု စ ပဝတ္တဝေါဟာရေန ဝိရတိယော စေတနာ စ အဓိသီလသိက္ခာဒိနံ အဓိဋ္ဌာနဘာဝတော၊ တေသု အညတရ- ကောဋ္ဌာသဘာဝတော စ သိက္ခာပဒန္တိ အာဟ “ပဌမသိက္ခာပဒေ”တိ။ ကာမဇ္ဈေတ္တ “လဇ္ဇိ ဒယာပန္နော”တိ န ဝုတ္တံ၊ အဓိကာရဝသေန ပန အတ္ထတော ဝါ ဝုတ္တမေဝါတိ ဝေဒိတဗ္ဗံ။ ယထာ ဟိ လဇ္ဇာဒယော ပါဏာတိပါတပ္ပဟာ- နဿ ဝိသေသပ္ပစ္စယော၊ ဧဝံ အဒိန္နာဒါနပ္ပဟာနဿာပီတိ၊ တသ္မာ သာပိ ပါဠိ အာနေတွာ ဝတ္တဗ္ဗာ။ ဒေဝေ နယော ဣတော ပရေသုပိ။ အထ ဝါ “သုစိ- ဘူတေနာ”တိ ဧတေန ဟိရေတ္တပ္ပါဒိဟိ သမန္နာဂမော၊ အဟိရိကာဒိနဉ္စ ပဟာနံ ဝုတ္တမေဝါတိ “လဇ္ဇိ”တိအာဒိ န ဝုတ္တန္တိ ဒဋ္ဌဗ္ဗံ။

အသေဋ္ဌစရိယန္တိ အသေဋ္ဌာနံ ဟိနာနံ၊ အသေဋ္ဌံ ဝါ လာမကံ နိဟိနံ ဝုတ္တိံ၊ မေထုနန္တိ အတ္ထော။ “ဗြဟ္မံ သေဋ္ဌံ အာစာရ”န္တိ မေထုနဝိရတိမာဟ။ “အာရာ- စာရီ မေထုနာ”တိ ဧတေန “ဣမ ဗြာဟ္မဏ ဧကစ္စော။ပ။ န ဟေဝ ခေါ မာတု- ဂါမေန သဒ္ဓိံ ဒွယံဒွယသမာပတ္တိံ သမာပဇ္ဇတိ၊ အပိစ ခေါ မာတုဂါမဿ ဥစ္ဆာဒနပရိမဒ္ဒနနာပနသမ္မာဟနံ သာဒိယတိ၊ သော တံ အဿာဒေတိ၊ တံ နိကာမေတိ၊ တေန စ ဝိတ္တိံ အာပဇ္ဇတိ”တိအာဒိနာ ဝုတ္တာ သတ္တဝိဓမ္မေထုန- သံယောဂါပိ ပဋိဝိရတိ ဒဿိတာတိ ဒဋ္ဌဗ္ဗာ။ ဣဓာပိ အသဒ္ဓမ္မသေဝနာဓိပ္ပါယေန ကာယဒွါရပ္ပဝတ္တာ မဂ္ဂေနမဂ္ဂပဋိပတ္တိသမုဋ္ဌာပိကာ စေတနာ အဗြဟ္မစရိယံ၊ မိစ္ဆာစာရေ ပန အဂမနီယဋ္ဌာနဝိတိက္ကမစေတနာတိ ယောဇေတဗ္ဗံ။ တတ္ထ အဂမနီယဋ္ဌာနံ နာမ ပုရိသာနံ မာတုရက္ခိတာဒယော ဒသ၊ နေက္ခိတာဒယော ဒသာတိ ဝိသတိ ဣတ္ထိယော။ ဣတ္ထိသု ပန ဒသန္တံ နေက္ခိတာဒိနံ သာရက္ခသပရိ- ဒဏ္ဍာနဉ္စ ဝသေန ဒွါဒသန္တံ အညေ ပုရိသာ။ ဂုဏဝိရဟိတေ ဝိပုဋ္ဌိပတ္တိ အပ္ပ- သာဝဇ္ဇော၊ မဟာဂုဏေ မဟာသာဝဇ္ဇော။ ဂုဏရဟိတေပိ စ အဘိဘဝိတွာ ပဝတ္တိ မဟာသာဝဇ္ဇော၊ ဥဘိန္တံ သမာနန္တန္တဘာဝေပိ ကိလေသာနံ ဥပက္ကမာနဉ္စ မုဒု- တာယ အပ္ပသာဝဇ္ဇော၊ တိဗ္ဗတာယ မဟာသာဝဇ္ဇောတိ ဝေဒိတဗ္ဗာ။ တဿ ဒွေ သမ္ဘာရာ သေဝေတုကာမတာစိတ္တံ၊ မဂ္ဂေနမဂ္ဂပဋိပတ္တိတိ။ မိစ္ဆာစာရေ ပန အဂမနီယဋ္ဌာနတာ၊ သေဝနာစိတ္တံ၊ မဂ္ဂေနမဂ္ဂပဋိပတ္တိ၊ သာဒိယနဉ္စာတိ စတ္တာရော။ “အဘိဘဝိတွာ ဝိတိက္ကမနေ မဂ္ဂေနမဂ္ဂပဋိပတ္တိအဓိဝါသနေ သတိပိ

ပုရိမုပ္ပန္နသေဝနာဘိသန္ဓိပယောဂါဘာဝတော အဘိဘုယျမာနဿ မိစ္ဆာ-
စာရော န ဟောတိ”တိ ဝဒန္တိ။ သေဝနာစိတ္တေ သတိ ပယောဂါဘာဝေါ န
ပမာဏံ ဣတ္ထိယာ သေဝနာပယောဂဿ ယေဘုယျေန အဘာဝတော၊ ဣတ္ထိယာ
ပုရေတရံ ဥပုဋ္ဌာပိတသေဝနာစိတ္တာယပိ မိစ္ဆာစာရော န သိယာတိ အာပဇ္ဇတိ
ပယောဂါဘာဝတော။ တသ္မာ ပုရိသဿ ဝသေန ဥက္ကံသတော စတ္တာရော
ဝုတ္တာတိ ဒဋ္ဌဗ္ဗံ၊ အညထာ ဣတ္ထိယာ ပုရိသကိစ္စကရဏကာလေ ပုရိသဿပိ
သေဝနာပယောဂါဘာဝတော မိစ္ဆာစာရော န သိယာတိ ဧကေ။ ဣဒံ ပနေတ္ထ
သန္နိဋ္ဌာနံ—အတ္တနော ရုစိယာ ပဝတ္တိတဿ တယော၊ ဗလက္ကာရေန ပဝတ္တိ-
တဿ တယော၊ အနဝသေသဂ္ဂဟဏေန ပန စတ္တာရေတိ။ ဧကော
ပယောဂေါ သာဟတ္ထိကောဝ။

၉။ ကမ္မပထပ္ပတ္တံ ဒဿေတုံ “**အတ္တဘဉ္စနကော**”တိ ဝုတ္တံ။ **ဝစီပယောဂေါ**
ကာယပယောဂေါ ဝါတိ မုသာ-သဒ္ဓဿ ကိရိယာပဓာနတံ ဒဿေတိ။
ဝိသံဝါဒနာဓိပ္ပာယော ပုဗ္ဗဘာဂက္ခဏေ တင်္ခဏေ စ။ ဝုတ္တံ “**ပုဗ္ဗေဝဿ**
ဟောတိ ‘မုသာ ဘဏိဿ’န္တိ၊ ဘဏန္တဿ ဟောတိ ‘**မုသာ ဘဏာမိ’**တိ”။
ဧတံ ခွယံ အင်္ဂဘူတံ၊ ဣတရံ ပန ဟောတု ဝါ မာ ဝါ၊ အကာရဏမေတံ။
အဿာတိ ဝိသံဝါဒကဿ။ ယထာဝုတ္တံ ပယောဂဘူတံ မုသာ ဝဒတိ ဝိညာ-
ပေတိ၊ သမုဋ္ဌာပေတိ ဝါ ဧတာယာတိ **စေတနာ မုသာဝါဒေါ။**

ပုရိမနယေ လက္ခဏဿ အမျာပိတတာယ၊ မုသာ-သဒ္ဓဿ စ ဝိသံဝါဒ-
တဗ္ဗတ္ထဝါစကတ္တသမ္ဘဝတော ပရိပုဏ္ဏံ ကတွာ မုသာဝါဒလက္ခဏံ ဒဿေတုံ
“**မုသာတိ အဘူတံ အတန္တံ ဝတ္ထု**”တိအာဒိနာ ဒုတိယနယော အာရဒ္ဓေါ။
ဣမသ္မိဉ္စ နယေ မုသာ ဝဒီယတိ ဝုစ္စတိ ဧတာယာတိ **စေတနာ မုသာဝါဒေါ။**
“**ယမတ္ထံ ဘဉ္စတိ**”တိ ဝတ္ထုဝသေန မုသာဝါဒဿ အပ္ပသာဝဇ္ဇမဟာသာဝဇ္ဇ-
တမာဟ။ ယဿ အတ္ထံ ဘဉ္စတိ၊ တဿ အပ္ပဂုဏတာယ အပ္ပသာဝဇ္ဇော၊
မဟာဂုဏတာယ မဟာသာဝဇ္ဇောတိ အဒိန္နာဒါနေ ဝိယ ဂုဏဝသေနာပိ
ယောဇေတဗ္ဗံ။ ကိလေသာနံ မုဒုတိဗ္ဗတာဝသေနာပိ အပ္ပသာဝဇ္ဇမဟာသာဝဇ္ဇ-
တာ လဟ္တတိယေဝ။

အတ္တနော သန္တကံ အဒါတုကာမတာယ၊ ပူရဏကထာနယေန စ ဝိသံဝါ-
ဒနပုရေက္ခာရဿေဝ မုသာဝါဒေါ။ တတ္ထ ပန စေတနာ ဗလဝတိ န ဟောတိတိ

အပ္ပသာဝဇ္ဇတာ ဝုတ္တာ။ အပ္ပတာယ ဦးနဿ အတ္တဿ ပူရဏဝသေန ပဝတ္တာ ကထာ ပူရဏကထာ။

တဇ္ဇောတိ တဿံာရပွေ၊ ဝိသံဝါဒနာနုရူပေါတိ အတ္ထော။ “ဝါယာမော”တိ ဝါယာမသီသေန ပယောဂမာဟ။ ဝိသံဝါဒနာဓိပ္ပါယေန ပယောဂေ ကတေပိ ပရေန တသ္မိံ အတ္ထေ အဝိညာတေ ဝိသံဝါဒနဿ အသိဇ္ဈနတော ပရဿ တဒတ္ထဝိဇာနနံ ဧကော သမ္ဘာရော ဝုတ္တော။ ကေစိ ပန “အဘူတဝစနံ ဝိသံဝါဒနစိတ္တံ ပရဿ တဒတ္ထဝိဇာနနန္တိ တယော သမ္ဘာရာ”တိ ဝဒန္တိ။ ကိရိယာသမုဋ္ဌာပကစေတနာက္ခဏေယေဝ မုသဝါဒကကမ္မုနာ ဗန္ဓုတိ သန္တိဋ္ဌာပကစေတနာယ နိဗ္ဗတ္တတ္တာ၊ သစေပိ ဒန္ဓတာယ ဝိစာရေတွာ ပရော တမတ္ထံ ဇာနာတိတိ အဓိပ္ပါယော။

“သစ္စတော ထေတတော”တိအာဒိသု^၁ ဝိယ ထေတ-သဒ္ဓေါ ထိရပရိယာယော၊ ထိရဘာဝေါ စ သစ္စဝါဒိတာယ အဓိကတတ္တာ ကထာဝသေန ဝေဒိတဗ္ဗောတိ အာဟ “ထိရကထောတိ အတ္ထော”တိ။ နထိရကထောတိ ယထာ ဟလိဒ္ဓိရာဂါဒယော အနဝဋ္ဌိတသဘာဝတာယ န ထိရာ၊ ဧဝံ န ထိရာ ကထာ ယဿ သော နထိရကထောတိ ဟလိဒ္ဓိရာဂါဒယော ယထာ ကထာယ ဥပမာ ဟောန္တိ၊ ဧဝံ ယောဇေတဗ္ဗံ။ သေ နယော “ပါသာဏလေခါ ဝိယာ”တိ-အာဒိသုပိ။

သဒ္ဓါအယတိ ပဝတ္တတိ ဧတ္တာတိ သဒ္ဓါယော၊ သဒ္ဓါယော ဧဝ သဒ္ဓါယိကော ယထာ “ဝေနယိကော”တိ^၂။ သဒ္ဓါယ ဝါ အယိတဗ္ဗော သဒ္ဓါယိကော၊ သဒ္ဓေယျောတိ အတ္ထော။ ဝတ္တဗ္ဗတံ အာပဇ္ဇတိ ဝိသံဝါဒနတောတိ အဓိပ္ပါယော။

သုညဘာဝန္တိ ပီတိဝိရဟိတတာယ ရိတ္တတံ။ သာ ပိသုဏဝါစာတိ ယာယံ ယထာဝုတ္တာ သဒ္ဓသဘာဝါဝါစာ၊ သာ ပိယသုညကရဏတော ပိသုဏဝါစာတိ နိရုတ္တိနယေန အတ္ထမာဟ။ ပိသတိတိ ဝါ ပိသုဏာ၊ သမဂ္ဂေ သတ္ထေ အဝယဝဘူတေ ဝဂ္ဂေ ဘိန္ဓေ ကရောတိတိ အတ္ထော။

ဖရသန္တိ သိနေဟာဘာဝေန လူခံ။ သယမ္ပိ ဖရသာတိ ဒေါမနဿသမုဋ္ဌိတတ္တာ သဘာဝေနပိ^၃ ကက္ကသာ။ ဧတ္ထ စ ဖရသံ ကရောတိတိ ဖလူပစာရေန၊ ဖရသယတိတိ ဝါ ဝါစာယ ဖရသ-သဒ္ဓပ္ပဝတ္တိ ဝေဒိတဗ္ဗော။ သယမ္ပိ^၄ ဖရသာတိ ပရေသံ မဗ္ဗန္တေဒဝသေန ပဝတ္တိယာ ဧကန္တနိဋ္ဌရတာယ သဘာဝေန၊

၁-မ ၁-၁၀-ပိဋ္ဌေ၊
၃-သဘာဝေန သယမ္ပိ (?)

၂-အံ ၃-၂၀၊ ဝိ ၁-၃-ပိဋ္ဌေသု၊
၄-အထ ဝါ သယမ္ပိ (?)

ကာရဏဝေါဟာရေန စ ဝါစာယ ဖရုသ-သဒ္ဓပ္ပဝတ္တိ ဒဋ္ဌဗ္ဗာ။ တတောယေဝ စ နေဝ ကဏ္ဍသုခါ။ အတ္တဝိပဉ္စတာယ န ဟဒယင်္ဂမာ။

ယေန သမ္ပံ ပလပတိတိ ယေန ပလာပသင်္ခါတေန နိရတ္ထကဝစနေန သုခံ ဟိတဉ္စ ဖလတိ ဝိဒရတိ ဝိနာသေတိတိ “သမ္ပ”န္တိ လဒ္ဓနာမံ အတ္တနော ပရေသဉ္စ အနုပကာရကံ ယံ ကိဉ္စိ ပလပတိ။

သံကိလိန္ဒစိတ္တဿာတိ လောဘေန ဒေါသေန ဝါဝိဗာမိတစိတ္တဿ၊ ဥပတာ-
ပိတစိတ္တဿ ဝါ၊ ဒူသိတစိတ္တဿာတိ အတ္ထော။ စေတနာ ပိသုဏဝါစာ ပိသုဏံ
ဝဒန္တိ ဧတာယာတိ။ ယဿ ယတော ဘေဒံ ကရေတိ၊ တေသု အဘိန္ဓေသု အပ္ပ-
သာဝဇ္ဇံ၊ ဘိန္ဓေသု မဟာသာဝဇ္ဇံ၊ တထာ ကိလေသာနံ မုဒုတိဗ္ဗတာဝိသေသေသု။

ယဿ ပေသုညံ ဥပသံဟရတိ၊ သော ဘိဇ္ဇတု ဝါ မာ ဝါ၊ တဿ အတ္တဿ
ဝိညာပနမေဝ ပမာဏန္တိ အာဟ “တဒတ္တဝိဇာနန”န္တိ၊ ကမ္မပထပ္ပတ္တိ ပန
ဘိန္ဓေ ဧဝ။

အနုပ္ပဒါတာတိ အနုဗလပ္ပဒါတာ၊ အနုဝတ္တနဝသေန ဝါ ပဒါတာ။
ကဿ ပန အနုဝတ္တနံ ပဒါနဉ္စ? “သဟိတာန”န္တိ ဝုတ္တတ္တာ “သန္ဓာနဿာ”တိ
ဝိညာယတိ။ တေနေဝါဟ “သန္ဓာနာနုပ္ပဒါတာ”တိ။ ယသ္မာ ပန အနုဝတ္တန-
ဝသေန သန္ဓာနဿ ပဒါနံ အာဓာနံ၊ ရက္ခဏံ ဝါ ဒဠိကရဏံ ဟောတိ၊ တေန
ဝုတ္တံ “ဒဠိကမ္ပံ ကတ္တာတိ အတ္ထော”တိ။ အာရမန္တိ ဧတ္တာတိ အာရာမော၊ ရမိ-
တဗ္ဗဋ္ဌာနံ။ ယသ္မာ ပန အာ-ကာရေန ဝိနာပိ အယမေဝတ္ထော လဟ္တတိ၊ တသ္မာ
ဝုတ္တံ “သမဂ္ဂရာမောတိဝိ ပါဠိ၊ အယမေဝတ္ထ အတ္ထော”တိ။

မဗ္ဗာနိ ဝိယ မဗ္ဗာနိ၊ ယေသု ဖရုသဝါစာယ ဆုပိတမတ္တေသု ဒုဋ္ဌာရူသု
ဝိယ သဋ္ဌိတေသု စိတ္တံ အဓိမတ္တံ ဒုက္ခပ္ပတ္တံ ဟောတိ၊ ကာနိ ပန တာနိ?
ဇာတိအာဒိနိ အက္ခောသဝတ္ထုနိ။ တာနိ ဆိဇ္ဇန္တိ၊ ဘိဇ္ဇန္တိ ဝါ ယေန ကာယဝစိ-
ပယောဂေန၊ သော မဗ္ဗန္တေဒကော။ ဧကန္တေန ဖရုသစေတနာ ဖရုသဝါစာ
ဖရုသံ ဝဒတိ ဧတာယာတိ။ ကထံ ပန ဧကန္တဖရုသစေတနာ ဟောတိ? ဒုဋ္ဌ-
စိတ္တတာယ။ တဿာတိ ဧကန္တဖရုသစေတနာယ ဧဝ ဖရုသဝါစာဘာဝဿ။
မဗ္ဗန္တေဒကော သဝနဖရုသတာယာတိ အဓိပ္ပါယော။ စိတ္တသဏ္ဍတာယ ဖရုသ-
ဝါစာ န ဟောတိ ကမ္မပထပ္ပတ္တတ္တာ၊ ကမ္မဘာဝံ ပန န သက္ကာ ဝါရေတုန္တိ။
ဧဝံ အန္တယဝသေန စေတနာဖရုသတာယ ဖရုသဝါစံ သာဓေတွာ ဣဒါနိ တမေဝ
ပဋိပက္ခနယေန သာဓေတုံ “ဝစနသဏ္ဍတာယာ”တိအာဒိ ဝုတ္တံ။ သာ

ဖရသဝါစာ။ ယန္တိ ယံ ပုဂ္ဂလံ။ ဧတ္ထာပိ ကမ္မပထဘာဝံ အပ္ပတ္တာ အပ္ပသာဝဇ္ဇော၊
 ဣတရာ မဟာသာဝဇ္ဇော၊ တထာ ကိလေသာနံ မုဒုတိဗ္ဗတာဘာဝေ။ ကေမိ ပန
 “ယံ ဥဒ္ဓိဿ ဖရသဝါစာ ပယုဇ္ဇန္တိ၊ တဿ သမ္ဗုဒ္ဓါဝံ သီသံ ဧတိ”တိ၊ ဧကေ
 “ပရမ္မုဒါပိ ဖရသဝါစာ ဟောတိယေဝါ”တိ ဝဒန္တိ။ တတ္ထာယမဓိပ္ပါယော
 ယုတ္တော သိယာ— သမ္ဗုဒ္ဓါ ပယောဂေ အဂါရဝါဒီနံ ဗလဝဘာဝတော
 သိယာ စေတနာ ဗလဝတိ၊ ပရဿ စ တဒတ္ထဇာနနံ၊ န တထာ အသမ္ဗုဒ္ဓါတိ။
 ယထာ ပန အက္ခောသိတေ မတေ အာဠာဟနေ ကတာ ခမနာ ဥပဝါဒန္တရာယံ
 နိဝတ္တေတိ၊ ဧဝံ “ပရမ္မုဒါ ပယုတ္တာပိ ဖရသဝါစာ ဟောတိယေဝါ”တိ သက္ကာ
 ဝိညာတုန္တိ။ ကုပိတစိတ္တန္တိ အက္ခောသာမိပ္ပါယေနော ကုပိတစိတ္တံ၊ န မရဏာ-
 မိပ္ပါယေန။ မရဏာမိပ္ပါယေန ဟိ စိတ္တကောပေ သတိ ဗျာပါဒေါယေဝ
 ဟောတိတိ။ ဧတ္ထာတိ—

“နေလင်္ဂါ သေတပစ္စာဒေါ၊ ဧကာရော ဝတ္တတိ ရထော။
 အနိဗ္ဗံ ပဿ အာယန္တိ၊ ဆိန္ဒုသေသတံ အဗန္ဓန”န္တိ—

ဣမိဿာ ဂါထာယ။ သီလဉ္စေတ္ထ “နေလင်္ဂ”န္တိ ဝုတ္တံ။ တေနေဝါဟ စိတ္တော
 ဂဟပတိ “နေလင်္ဂန္တိ ခေါဘန္တေ သီလာနမေတံ အဓိဝစန”န္တိ။ သုကုမာရာတိ
 အဖရသတာယ မုဒုကာ။ ပုရဿာတိ ဧတ္ထ ပုရ-သဒ္ဓေါ တန္တိဝါသီဝါစကော
 ဒဋ္ဌဗ္ဗော “ဂါမော အာဂတော”တိအာဒိသု ဝိယ။ တေနေဝါဟ “နဂရ-
 ဝါသီန”န္တိ။ မနံ အပ္ပါယတိ ဝဇေတိတိ မနာပါ။ တေန ဝုတ္တံ “စိတ္တဝုဇ္ဈိ-
 ကရာ”တိ။ အာသေဝနံ ဘာဝနံ ဗဟုလိကရဏံ။ ယံ ဂါဟယိတုံ ပဝတ္တိတော၊
 တေန အဂ္ဂဟိတေ အပ္ပသာဝဇ္ဇော ဂဟိတေ မဟာသာဝဇ္ဇောတိ၊ ဣဓာပိ
 ကိလေသာနံ မုဒုတိဗ္ဗတာဝသေနာပိ အပ္ပသာဝဇ္ဇမဟာသာဝဇ္ဇတာ လတ္တတိ-
 ယေဝ။

“ကာလဝါဒီ”တိအာဒိ သမ္ဗုပ္ပလာပါ ပဋိဝိရတဿ ပဋိပတ္တိဒဿနံ။ ယထာ
 ဟိ “ပါဏာတိပါတာ ပဋိဝိရတော”တိအာဒိ ပါဏာတိပါတပ္ပဟာနပဋိပတ္တိ-
 ဒဿနံ။ “ပါဏာတိပါတံ ပဟာယ ဝိဟရတိ”တိ ဟိ ဝုတ္တေ ကထံ ပါဏာတိ-
 ပါတပ္ပဟာနံ ဟောတိတိ? အပေက္ခာသမ္ဘာဝတော “ပါဏာတိပါတာ
 ပဋိဝိရတော ဟောတိ”တိ ဝုတ္တံ၊ သာ ပန ဝိရတိ ကထန္တိ အာဟ “နိဟိတ-
 ဒက္ခော နိဟိတသက္ခော”တိ၊ တဉ္စ ဒက္ခသတ္တနိဓာနံ ကထန္တိ ဝုတ္တံ “လဇ္ဇိ”တိ-
 အာဒိ၊ ဧဝံ ဥတ္တရတ္တရံ ပုရိမဿ ပုရိမဿ ဥပါယသန္ဓဿနံ၊ တထာ

အဒိန္နာဒါနာဒိသု ယထာသမ္ဘဝံ ယောဇေတဗ္ဗံ။ တေန ဝုတ္တံ “ကာလဝါဒီတိ-
 အာဒိ သမ္ဗုပ္ပလာပါ ပဋိဝိရတဿ ပဋိပတ္တိဒဿန”န္တိ။ အတ္ထသဉ္ဇိတာပိ ဟိ ဝါစာ
 အယုတ္တကာလပ္ပယောဂေန အတ္တာဝဟာ န သိယာတိ အနတ္ထဝိညာပနဝါစံ
 အနုလောမေတိ၊ တဿ သမ္ဗုပ္ပလာပံ ပဇဟန္တေန အကာလဝါဒိတာ ပရိဝဇ္ဇေ-
 တဗ္ဗာတိ ဝုတ္တံ “ကာလဝါဒီ”တိ။ ကာလေန ဝဒန္တေနာပိ ဥဘယာနတ္ထသာဓန-
 တော အဘူတံ ပရိဝဇ္ဇေတဗ္ဗန္တိ အာဟ “ဘူတဝါဒီ”တိ။ ဘူတဉ္စ ဝဒန္တေန ယံ
 ဣဓလောကပရလောကဟိတသမ္ပာဒကံ၊ တဒေဝ ဝတ္တဗ္ဗန္တိ ဒဿေတုံ “အတ္ထ-
 ဝါဒီ”တိ ဝုတ္တံ။ အတ္ထံ ဝဒန္တေနာပိ န လောကီယဓမ္မသန္နိဿိတမေဝ ဝတ္တဗ္ဗံ၊
 အထ ခေါ လောကုတ္တရဓမ္မသန္နိဿိတမ္ပိတိ ဒဿေတုံ “ဓမ္မဝါဒီ”တိ ဝုတ္တံ။
 ယထာ စ အတ္ထော လောကုတ္တရဓမ္မသန္နိဿိတော ဟောတိ၊ တံဒဿနတ္ထံ
 “ဝိနယဝါဒီ”တိ ဝုတ္တံ။ ပါတိမောက္ခသံဝရော သတိသံဝရော ဉာဏသံဝရော
 ခန္တိသံဝရော ဝီရိယသံဝရောတိ ဟိ ပဉ္စန္ဒံ သံဝရနံ၊ တဒင်္ဂဝိနယော ဝိက္ခမ္ဘန-
 ဝိနယော သမုစ္ဆေဒဝိနယော ပဋိပ္ပဿဒ္ဓိဝိနယော နိဿရဏဝိနယောတိ ပဉ္စန္ဒံ
 ဝိနယာနဉ္စ ဝသေန ဝုစ္စမာနော အတ္ထော နိဗ္ဗာနာဓိဂမဟေတုဘာဝတော
 လောကုတ္တရဓမ္မသန္နိဿိတော ဟောတိတိ။

ဧဝံ ဂုဏဝိသေသယုတ္တော စ အတ္ထော ဝုစ္စမာနော ဒေသနာကောသလေ
 သတိ သောဘတိ၊ ကိစ္စကရော စ ဟောတိ၊ နာဉာဏာတိ ဒဿေတုံ “နိဓာန-
 ဝတိ” ဝါစံ အာသိတာ”တိ ဝုတ္တံ။ ဣဒါနိ တံ ဒေသနာကောသလံ ဝိဘာဝေတုံ
 “ကာလေနာ”တိအာဒိမာဟ။ အဇ္ဈာသယဋ္ဌုပ္ပတ္တိနံ ပုစ္ဆာယ စ ဝသေန
 ဩတိဏ္ဏေ ဒေသနာဝိသယေ ဧကံသာဒိဗျာကရဏဝိဘာဝံ သလ္လက္ခေတွာ
 ဌပနာဟေတုဒါဟရဏသံသန္ဓနာနိ တံတံကာလာနရူပံ ဝိဘာဝေန္တိယာ
 ပရိမိတပရိစ္ဆိန္နရူပါယ ဝိပုလတရဂန္တိရုဒါရိပဟူတတ္ထဝိတ္ထာရသင်္ဂါဟကာယ
 ဒေသနာယ ပရေ ယထာဇ္ဈာသယံ ပရမတ္ထသိဒ္ဓိယံ ပတိဋ္ဌာပေန္တော “ဒေသနာ-
 ကုသလော”တိ ဝုစ္စတိတိ ဧဝမေတ္ထ အတ္ထယောဇနာ ဝေဒိတဗ္ဗာ။

၁၀။ ဧဝံ ပဋိပါဠိယာ သတ္တ မူလသိက္ခာပဒါနိ ဝိဘဇိတွာ သတိပ
 အဘိဇ္ဈာဒိပ္ပဟာနဿ သံဝရသီလသိက္ခာသင်္ဂဟေ ဥပရိဂုဏသင်္ဂဟတော၊
 လောကီယပုထုဇ္ဇနာဝိသယတော စ ဥတ္တရဒေသနာယ သင်္ဂဟိတုံ တံ
 ပရိဟရိတွာ ပဓုရဇနပါကဋ် အာစာရသီလမေဝ ဝိဘဇန္တော ဘဂဝါ
 “ဗီဇဂါမဘူတဂါမသမာရန္တာ”တိအာဒိမာဟ။ တတ္ထ ဂါမောတိ သမူ-
 ဟော။ နနု စ ရုက္ခာဒယော စိတ္တရဟိတတာယ န ဇီဝါ၊ စိတ္တရဟိတတာ စ

ပရိပ္ပန္နာဘာဝတော၊ ဆိန္ဓေ ဝိရဟနတော၊ ဝိသဒိသဇာတိကဘာဝတော၊ စတုယောနိအပ္ပရိယာပန္နတော စ ဝေဒိတဗျာ၊ ဝုတ္တိ ပန ပဝါဠသီလာလဝဏ္ဏာနမ္ပိ ဝိဇ္ဇတိတိ န တေသံ ဇီဝဘဝေ ကာရဏံ၊ ဝိသယဂ္ဂဟဏန္တ ပရိကပ္ပနာမတ္ထံ သုပနံ ဝိယ စိန္တာဒိနံ၊ တထာ ဒေါဟဠာဒယော၊ တတ္ထ ကဿာ ဗီဇဂါမဘူတ-ဂါမသမာရန္တာ ပဋိဝိရတိ ဣစ္ဆိတာတိ? သမဏသာရုပ္ပတော၊ သန္ဓိသိတ-သတ္တာနုရက္ခဏတော စ။ တေနောဟ “ဇီဝသညိနော ဟိ မောဃပုရိသာ မနုဿာ ရက္ခသ္မိ”န္တိအာဒိ။ နိလတိဏရက္ခာဒိကဿာတိ အလ္လတိဏဿ ဝေဝ အလ္လရက္ခာဒိကဿ စ။ အာဒိ-သဒ္ဓေန ဩသမိဂစ္ဆလတာဒယော ဝေဒိတဗျာ။

ဧကံ ဘတ္တံ ဧကဘတ္တံ၊ တံ အဿ အတ္ထိတိ ဧကဘတ္တိဧကော၊ ဧကသ္မိံ ဒိဝသေ ဧကဝါရမေဝ ဘုဉ္ဇနကော၊ တယိဒံ ရတ္တိဘောဇနောပိ သိယာတိ တန္ဒိဝတ္တနတ္ထံ အာဟ “ရတ္တုပရတော”တိ။ ဧဝမ္ပိ အပရဏ္ဍဘောဇိပိ သိယာ ဧကဘတ္တိ-ကောတိ တဒါသင်္ကာနိဝတ္တနတ္ထံ “ဝိရတော ဝိကာလဘောဇနာ”တိ ဝုတ္တံ။ အရဏ္ဍဂ္ဂမနတော ပဠာယ ယာဝ မဇ္ဈိကာ၊ အယံ ဗုဒ္ဓါနံ အာစိဏ္ဏသမာ-စိဏ္ဏော ဘောဇနဿ ကာလော နာမ၊ တဒညော ဝိကာလော။ အဠ-ကထာယံ ပန ဒုတိယပဒေန ရတ္တိဘောဇနဿ ပဋိက္ခိတ္တတ္တာ အပရဏ္ဍော “ဝိကာလော”တိ ဝုတ္တော။

သင်္ခေပတော “သဗ္ဗပါပဿ အကရဏ”န္တိအာဒိ? နယပ္ပဝတ္တံ ဘဂဝတော သာသနံ အစ္စန္တဆန္ဒရာဂပ္ပဝတ္တိတော နစ္စာဒိနံ ဒဿနံ န အနုလောမေတိတိ အာဟ “သာသနဿ အနနုလောမတ္တာ”တိ။ အတ္တနာ ပယောဇိယမာနံ၊ ပရေဟိ ပယောဇာပိယမာနန္တ နစ္စံ နစ္စဘာဝသာမညတော ပါဠိယံ ဧကေနော နစ္စ-သဒ္ဓေန ဂဟိတံ၊ တထာ ဂီတဝါဒိတ-သဒ္ဓေန စာတိ အာဟ “နစ္စန-နစ္စာပနာဒိဝသေနာ”တိ။ အာဒိ-သဒ္ဓေန ဂါယနဂါယာပနဝါဒနဝါဒါပနာနိ သင်္ဂဏာတိ။ ဒဿနေန စေတ္ထ သဝနမ္ပိ သင်္ဂဟိတံ ဝိရူပေကသေသနယေန။ အာလောစနသဘာဝတာယ ဝါ ပဉ္စန္တံ ဝိညာဏာနံ သဝနကိရိယာယပိ ဒဿနသင်္ခေပသတ္တာဝတော “ဒဿနာ”ဣစ္စေဝ ဝုတ္တံ။ အဝိသုကဘူတဿ ဂီတဿ သဝနံ ကဒါစိ ဝဋ္ဋတိတိ အာဟ “ဝိသုကဘူတာ ဒဿနာ”တိ။ တထာ ဟိဝုတ္တံ ပရမတ္ထဇောတိကာယ ခုဒ္ဒကပါဌဋ္ဌကထာယ၊ “ဓမ္မုပသံဟိတမ္ပိ စေတ္ထ ဂီတံ ဝဋ္ဋတိ၊ ဂီတူပသံဟိတော ဓမ္မော န ဝဋ္ဋတိ”တိ။

၁-ဝိ ၂-၅၁-ပိဋေ။	၂-ဘုဉ္ဇနတော(အဘိနဝ-ဋီ)
၃-ဒီ ၂-၄၂၊ ၃ ၁-၄၁၊ ၃ ၁၀-၃၇၊ ၆၈၊ ၁၄၈၊ ၁၆၁-ပိဋာဒိသု။	၄-ခုဒ္ဒကပါဌ-ဋ္ဌ ၂၆-ပိဋေ။

ဥစ္စာတိ ဥစ္စသဒ္ဓေန သမာနတ္ထံ ဧကံ သဒ္ဓန္တရံ၊ သေတိ ဧတ္တာတိ သယနံ၊ ဥစ္စာသယနံ မဟာသယနဉ္စ သမဏသာရပုရဟိတံ အဓိပ္ပေတန္တိ အာဟာ “ပမာဏာတိက္ကန္တံ၊ အကပ္ပိယတ္ထရဏ”န္တိ။ အာသန္ဓာဒိအာသနဉ္စေတ္ထ သယနေန သင်္ဂဟိတန္တိ ဒဋ္ဌဗ္ဗံ။ ယသ္မာ ပန အာဓာရေ ပဋိက္ခိတ္တေ တဒါဓာရကိရိယာ ပဋိက္ခိတ္တာဝံ ဟောတိ၊ တသ္မာ “ဥစ္စာသယနမဟာသယနာ”ဣစ္စေဝ ဝုတ္တံ၊ အတ္ထတော ပန တဒုပဘောဂဘူတနိသဇ္ဇာနိပဇ္ဇနေဟိ ဝိရတိ ဒဿိတာတိ ဒဋ္ဌဗ္ဗာ။ ဥစ္စာသယနသယနမဟာသယနသယနာတိ ဝါ ဧတသ္မိံ အတ္ထေ ဧကသေသနယေန အယံ နိဗ္ဗေသော ကတော ယထာ “နာမရူပပစ္စယာ သဋ္ဌာယဘန”န္တိ။ အာသနကိရိယာပုဗ္ဗကတ္တာ သယနကိရိယာယ သယနဂ္ဂဟ-ဏေနေဝ အာသနံ ဂဟိတန္တိ ဝေဒိတဗ္ဗံ။

အညေဟိ ဂါဟာပနေ ဥပနိက္ခိတ္တသာဒိယနေစ ပဋိဂ္ဂဟဏတ္ထော လဗ္ဘတီတိ အာဟာ “န ဥဂ္ဂဏှာပေတိ၊ န ဥပနိက္ခိတ္တံ သာဒိယတိ”တိ။ အထ ဝါ တိဝိဓံ ပဋိဂ္ဂဟဏံ ကာယေန ဝါစာယ မနသာ။ တတ္ထ ကာယေန ပဋိဂ္ဂဟဏံ ဥဂ္ဂဏှနံ၊ ဝါစာယ ပဋိဂ္ဂဟဏံ ဥဂ္ဂဟာပနံ၊ မနသာ ပဋိဂ္ဂဟဏံ သာဒိယနန္တိ တိဝိဓမ္မိ ပဋိဂ္ဂဟဏံ သာမညနိဗ္ဗေသေန၊ ဧကသေသနယေန ဝါ ဂဟေတွာ “ပဋိဂ္ဂဟဏာ”တိ ဝုတ္တန္တိ အာဟာ “နေဝ နံ ဥဂ္ဂဏှာတိ”တိအာဒိ။ ဧသ နယော “အာမကဓည-ပဋိဂ္ဂဟဏာ”တိအာဒိသုပိ။ နိဝါရာဒိဥပဓညဿ သာလိယာဒိမူလဓညန္တောဂ-တ္ထော ဝုတ္တံ “သတ္တဝိဓဿာ”တိ။ “အနုဇာနာမိ ဘိက္ခဝေ ပဉ္စ ဝသာနိ ဘေသဇ္ဇာနိ အစ္စဝသံ မစ္စဝသံ သုသုကာဝသံ သူကရဝသံ ဂဠာဘဝသ”န္တိ၊ ဝုတ္တတ္တာ ဣဒံ ဩဒိဿ အနုညာတံ နာမ၊ တဿ ပန “ကာလေ ပဋိဂ္ဂဟိတ”န္တိ၊ ဝုတ္တတ္တာ ပဋိဂ္ဂဟဏံ ဝဇ္ဇတီတိ အာဟာ “အညတြ ဩဒိဿ အနုညာတာ”တိ။

အက္ကမတီတိ နိပ္ပိဋ္ဌေတိ။ ပုဗ္ဗဘာဂေ အက္ကမတီတိ သမ္ပန္နော။ ဟဒယန္တိ နာဠိအာဒိမာနဘာဇနာနံ အပ္ပန္တရံ။ တိလာဒိနံ နာဠိအာဒိဟိ မိနနကာလေ ဥဿာပိတသိခါယေဝ^၄ သိခါ၊ တဿာ ဘေဒေါ ဟာပနံ။ ဧကေတိ သာရသမာသာစရိယာ၊ ဥတ္တရဝိဟာရဝါသိနော စ။

ဝဇောတိ မုပ္ပိပ္ပဟာရကသာတာဠနာဒိဟိ ဟိံသနံ၊ ဝိဟေဌနန္တိ အတ္ထော။ ဝိဟေဌနတ္ထောပိ ဟိ ဝဓသဒ္ဓေါ ဒိဿတိ “အတ္တာနံ ဝဓိတွာ ဝဓိတွာ”တိ-အာဒိသု^၅။ ယထာ ဟိ အပ္ပဋိဂ္ဂဟဘာဝသာမညေ သတိပိ ပဗ္ဗဇိတေဟိ အပ္ပဋိဂ္ဂဟိ-တဗ္ဗဝတ္ထုဝိသေသဘာဝသန္ဓဿနတ္ထံ ဣတ္ထိကုမာရိဒါသိဒါသာဒယော ဝိဘာဂေန

၁-မ ၃-၁၀၉၊ သံ ၁-၂၄၃၊ ၃ ၁-၇၇-ပိဋ္ဌာဒိသု။	၂-ဝိ ၃-၂၉၁-ပိဋ္ဌေ။
၃-ဝိ ၃-၂၉၂-ပိဋ္ဌေ။	၅-ဝိ ၂-၃၆၄၊ ၃၆၅-ပိဋ္ဌေသု။
၄-ဥဿာပိတာ သိသာယေဝ (က)	

ဝုတ္တာ၊ ဧဝံ ပရဿဟရဏဘာဝတော အဒိန္နာဒါနဘာဝသာမညေ သတိပိ
တုလာကုဋ္ဌာဒယော အဒိန္နာဒါနဝိသေသဘာဝဒဿနတ္ထံ ဝိဘာဂေန ဝုတ္တာ၊ န
ဧဝံ ပါဏာတိပါတပရိယာယဿ ဝဓဿ ပုနဂ္ဂဟဏေ ပယောဇနံ အတ္ထိ။
“တတ္ထ သယံကာရေ၊ ဣဓ ပရိကာရေ”တိ စနသက္ကာ ဝတ္ထု၊ “ကာယဝစိ-
ပယောဂသမုဋ္ဌာပိကာ စေတနာ၊ ဆပ္ပယောဂါ”တိ စ ဝုတ္တတ္တာ။ တသ္မာ
ယထာဝုတ္တောယေဝ အတ္ထော သုန္ဒရတရော။ အဋ္ဌကထာယံ ပန “ဝဓောတိ
မာရဏ”န္တိ ဝုတ္တံ၊ တမ္ပိ ပေါထနမေဝ သန္ဓာယာတိ စ သက္ကာ ဝိညာတုံ
မာရဏ-သဒ္ဓဿ ဝိဟိံသနေပိ ဒိဿနတော။

ဧတ္တာဝတာတိ “ပါဏာတိပါတံ ပဟာယာ”တိအာဒိနာ “ဆေဒန။ပ။
သဟသာကာရာ ပဋိဝိရတော”တိ တေပရိမာဏေန ပါဠေန။ အန္တရာဘေဒံ
အဂ္ဂဟေတွာ ပါဠိယံ အာဂတနယေန ဆဗ္ဗိသတိသိက္ခာပဒသင်္ဂဟံ ယေဘုယျေန
သိက္ခာပဒါနံ အဝိဘတ္တတ္တာ ဂူဠသီလံ နာမ။ ဒေသနာဝသေန ဟိ ဣဓ
စူဠမဇ္ဈိမာဒိဘာဝေါ အဓိပ္ပေတော၊ န ဓမ္မဝသေန။ တထာဟိ ဣဓ သံဝိတ္တေန
ဥဒ္ဓိဋ္ဌာနံ သိက္ခာပဒါနံ အဝိဘတ္တာနံ ဝိဘဇနဝသေန မဇ္ဈိမသီလဒေသနာ
ပဝတ္တာ။ တေနောဟ “မဇ္ဈိမသီလံ ဝိတ္တာရေန္တော”တိ။

စူဠသီလဝဏ္ဏနာ နိဋ္ဌိတာ။

မဇ္ဈိမသီလဝဏ္ဏနာ

၁၁။ တတ္ထ ယထာတိ ဩပဗ္ဗတ္တေ နိပါတော။ ဝါတိ ဝိကပ္ပနတ္ထေ။ ပနာတိ
ဝစနာလင်္ကာရေ။ ဧကေတိ အညေ။ ဘောန္တောတိ သာဓူနံ ဝိယသမုဒါ-
ဟာရော။ သာဓဝေါဟိ ပရေ “ဘောန္တော”တိဝါ၊ “ဒေဝါနံ ဝိယာ”တိ ဝါ
“အာယသ္မန္တော”တိ ဝါ သမာလပန္တိ။ ယံ ကိဉ္စိ ပဗ္ဗဇ္ဇံ ဥပဂတာ သမဏာ။
ဇာတိမတ္တေန ဗြာဟ္မဏာ။ ဣဒံ ဝုတ္တံ ဟောတိ—ဥဿာဟံ ကတွာ မမ ဝဏ္ဏံ
ဝဒမာနောပိ ပုထုဇ္ဇနော “ပါဏာတိပါတံ ပဟာယ ပါဏာတိပါတာ ပဋိ-
ဝိရတော”တိအာဒိနာ ပရာနုဒ္ဓေသိကနယေန ဝါ ယထာ ပနေကေ ဘောန္တော
သမဏဗြာဟ္မဏဘာဝံ ပဋိဇာနမာနာ၊ ပရေဟိ စ တထာသမ္ဘာဝိယမာနာ
တဒနုရူပပဋိပတ္တိံ အဇာနနတော၊ အသမတ္တတော စ န အဘိသမ္ဘုဏန္တိ၊ န
ဧဝမယံ၊ အယံ ပန သမဏော ဂေါတမော သဗ္ဗထာပိ သမဏသာရပ္ပပဋိပဒံ
ပူရေသိယေဝါတိ ဧဝံ အညုဒ္ဓေသိကနယေန ဝါ သဗ္ဗထာပိ အာစာရသီလ-
မတ္တမေဝ ဝဒေယျ၊ န တဒုတ္တရိန္တိ။

ဗီဇဂါမဘူတဂါမသမာရန္တပဒေ သဒ္ဓက္ကမေန အပ္ပဓာနဘူတောပိ ဗီဇဂါမ-
 ဘူတဂါမော နိဒ္ဓိသိတဗ္ဗတာယ ပဓာနဘာဝံ ပဋိလဘတိ။ အညော ဟိ
 သဒ္ဓက္ကမော အညော အတ္တက္ကမောတိ အာဟ “ကတမော သော ဗီဇဂါမ-
 ဘူတဂါမော”တိ။ တသ္မိဉ္စိ ဝိဘက္ခေ တဗ္ဗိသယတာယ သမာရန္တောပိ
 ဝိဘက္ခောဝ ဟောတိတိ။ တေနောဂါဟ ဘဂဝါ “မူလဗီဇ”န္တိအာဒိ။ မူလမေဝ
 ဗီဇံ မူလဗီဇံ၊ မူလံ ဗီဇံ ဧတဿာတိပိ မူလဗီဇံ။ သေသေသုပိ ဧသေဝ
 နယော။ ဗုဒ္ဓုဗီဇန္တိ ပဗ္ဗဗီဇံ။ ပစ္စယန္တရသမဝါယေ သဒိသဖလုပ္ပတ္တိယာ
 ဝိသေသကာရဏဘာဝတော ဝိရုဟဏသမတ္တေ သာရဖလေ နိရုဋ္ဌော ဗီဇ-
 သဒ္ဓေါ တဒတ္ထသံသိဒ္ဓိယာ မူလာဒိသုပိ ကေသုစိ ပဝတ္တတိတိ မူလာဒိတော
 နိဝတ္တနတ္ထံ ဧကေန ဗီဇ-သဒ္ဓေန ဝိသေသေတွာ ဝုတ္တံ “ဗီဇဗီဇ”န္တိ “ရူပရူပံ၊
 ဒုက္ခဒုက္ခ”န္တိ ၂ စ ယထာ။ ကဿာ ပနေတ္ထ ဗီဇဂါမဘူတဂါမံ ပုစ္ဆိတွာ ဗီဇ-
 ဂါမော ဧဝ ဝိဘက္ခောတိ? န ခေါ ပနေတံ ဧဝံ ဒဋ္ဌဗ္ဗံ၊ နနုအဝေါဓုမှ “မူလ-
 မေဝ ဗီဇံ မူလဗီဇံ၊ မူလံ ဗီဇံ ဧတဿာတိပိ မူလဗီဇ”န္တိ။ တတ္ထ ပုရိမေန
 ဗီဇဂါမော နိဒ္ဓိဋ္ဌော၊ ဒုတိယေန ဘူတဂါမော၊ ဒုဝိဓောပေသ သာမည-
 နိဒ္ဓေသေန၊ မူလဗီဇဉ္စ မူလဗီဇဉ္စ မူလဗီဇန္တိ ဧကသေသနယေန ဝါ ပါဠိယံ
 နိဒ္ဓိဋ္ဌောတိ ဝေဒိတဗ္ဗော။ တေနောဂါဟ “သဗ္ဗဓ္ဓေတ”န္တိအာဒိ။

၁၂။ “သန္ဓိမိကတဿာ”တိ ဧတေန “သန္ဓိမိကာရပရိဘောဂ”န္တိ ဧတ္ထ
 ကာရ-သဒ္ဓဿ ကမ္မတ္တတံ ဒဿေတိ။ ယထာ ဝါ “အာစယံဂါမိနော”တိ
 ဝတ္ထဗ္ဗေ အနုနာသိကလောပေန “အာစယံဂါမိနော”တိ? နိဒ္ဓေသော ကတော၊
 ဧဝံ “သန္ဓိမိကာရံပရိဘောဂ”န္တိ ဝတ္ထဗ္ဗေ အနုနာသိကလောပေန “သန္ဓိမိ-
 ကာရပရိဘောဂ”န္တိ ဝုတ္တံ၊ သန္ဓိမိ ကတွာ ပရိဘောဂန္တိ အတ္ထော။

သဗ္ဗာ ကိလေသေ လိခတိတိ သလ္လေခေါ၊ သုတ္တန္တနယေန ပဋိပတ္တိ။ ပရိ-
 ယာယတိ ကပ္ပိယတိတိ ပရိယာယော၊ ကပ္ပိယဝါစာနုသာရေန ပဋိပတ္တိ။
 ကိလေသေဟိ အာမသိတဗ္ဗတော အာမိသံ၊ ယံ ကိဉ္စ ဥပဘောဂါရဟံ ဝတ္ထု။
 တေနောဂါဟ “အာမိသန္တိ ဝုတ္တာဝသေသ”န္တိ။ နယဒဿနဉ္စေတံ သန္ဓိမိ-
 ဝတ္ထုနံ။ ဥဒကကဒ္ဓမေတိ ဥဒကေ စ ကဒ္ဓမေ စ။ အစ္ဆိတတိ နိသိဒထ။
 ဂိဝါယာမကန္တိ ဂိဝံ အာယမိတွာ၊ ယထာ ဝါ ဘုက္ခေ အတိဘုတ္တတာယ
 ဂိဝါ အာယမိတဗ္ဗာဝ ဟောတိ၊ ဧဝန္တိ အတ္ထော။ စတုဘာဂမတ္တန္တိ ကုဉ္ဇုဗမတ္တံ။
 “ကပ္ပိယကုဉ္ဇိယ”န္တိအာဒိ ဝိနယဝသေန ဝုတ္တံ။

၁-အဘိဓမ္မတ္ထသင်္ဂဟအဋ္ဌကထာယံ ရူပသမုဒ္ဓေသေ။ ၂-သံ ၂-၄၅၃-ပိဋေ၊ ၃-အဘိ ၁-၂-ပိဋေ၊

၁၃။ ဧတ္တကမ္ပိတံ ဝိနိစ္ဆယဝိစာရဏာဝတ္ထုကိတ္တနဗ္ဗိ။ ပယောဇနမတ္တမေ-
ဝါတိ ပဒတ္တယောဇနမတ္တမေဝ။ ယဿ ပန ပဒဿ ဝိတ္တာရကထံ ဝိနာ န
သက္ကာ အတ္ထော ဝိညာတုံ၊ တတ္ထ ဝိတ္တာရကထာပိ ပဒတ္တသင်္ဂဟမေဝ ဂစ္ဆတိ။
ကုတူဟလဝသေန ပေက္ခိတဗ္ဗတော ပေက္ခာ၊ နဋသတ္ထဝိမိနာ နဋာနဉ္စ
ပယောဂေါ။ နဋသမူဟေန ပန ဇနသမူဟေ ကရဏဝသေန “နဋသမဇ္ဇ”န္တိ
ဝုတ္တံ၊ သာရသမာသေ “ပေက္ခာမဟ”န္တိ ဝုတ္တံ။ ဆနတဇ္ဇနာမဒဏ္ဍမယတာဠု၊
သီလာသလာကတာဠု ဝါ။ ဧကေတိ သာရသမာသာစရိယာ၊ ဥတ္တရဝိဟာရဝါ-
သိနော စယထာ စေတ္ထ၊ ဧဝံ ဣတော ပရေသုပိ “ဧကေ”တိ အာဂတဋ္ဌာနေသု။
စတုရဿအဗ္ဗဏကတဇ္ဇနံ နာမ ရုက္ခသာရဒဏ္ဍာဒိသု ယေန ကေနစိ စတုရဿ-
အဗ္ဗဏကံ ကတွာ စတုသု ပဿေသု စမ္ပေန ဩနန္ဒိတွာ ကတဝါဒိတံ။
အဗ္ဗောက္ခိရဏံ ရင်္ဂဗလိကရဏံ၊ ယာ “နန္ဒိ”တိ ဝုစ္ဆတိ။ သောဘနကရန္တိ
သောဘနကရဏံ၊ “သောဘနဃရက”န္တိ သာရသမာသေ ဝုတ္တံ။ စဏ္ဍာလာနံ
ဣဒန္တိ စဏ္ဍာလံ။ သာဏေ ဥဒကေန တေမေတွာ အညမညံ အာကောဋနကီဋ္ဌာ
သာဏဓောဝနံ။ ဣန္ဒဇာလေနာတိ အဋ္ဌိဓောဝနမန္တံ ပရိဇေပ္ပိတွာ ယထာ
ပရေ အဋ္ဌိနိယေဝ ပဿန္တိ၊ ဧဝံ တစာဒိနံ အန္တရဓာပနမာယာယ။ သကဋဗျူ-
ဟာဒိတိ အာဒိ-သဒ္ဓေန စက္ကပဒုမကဋ္ဌိရဗျူဟာဒိ သင်္ဂဏှာတိ။

၁၄။ ပဒါနီတိ သာရိနံ ပတိဋ္ဌာနဋ္ဌာနာနိ။ ဒသပဒံ နာမ ဒွိဟိ ပန္နိဟိ
ဝိသတိယာ ပဒေဟိ ကိဋ္ဌနဇ္ဇတံ။ ပါသကံ ဝုစ္ဆတိ ဆသု ပဿေသု ဧကေကံ
ယာဝ ဆက္ကံ ဒဿေတွာ ကတကိဋ္ဌနကံ၊ တံ ဝဇေတွာ ယထာလဉ္စံ ကေကာဒိ-
ဝသေန သာရိယော အပနေန္တာ ဥပနေန္တာ စ ကိဋ္ဌန္တိ။ ဃဋေန ကိဋ္ဌာ
ဃဋိကာတိ ဧကေ။ မဟူသု သလာကာသု ဝိသေသရဟိတံ ဧကံ သလာကံ
ဂဟေတွာ တာသု ပက္ခိပိတွာ ပုန တဿေဝ ဥဒ္ဓရဏံ သံလာကဟတ္ထန္တိ
ဧကေ။ ပဏ္ဍေန ဝံသာကာရေန ကတာ နာဋိကာ။ တေနေဝါဟ “တံ
ဓမ္မန္တာ”တိ။ “ပုစ္ဆန္တဿ မုခါဂတံ အက္ခရံ ဂဟေတွာ နဋမုတ္တိ လာဘာလာဘာ-
ဒိဇာနနကိဋ္ဌာ အက္ခရိကာ”တိပိ ဝဒန္တိ။ “ဝါဒိတာနုရူပံ နစ္စနံ ဂါယနံ ဝါ ယထာ-
ဝဇ္ဇ”န္တိပိ ဝဒန္တိ။ “ဧဝံ ကတေ ဇယော ဘဝိသံတိ၊ အညထာ ပရာဇယော”တိ
ဇယပရာဇယေ ပုရက္ခတွာ ပယောဂကရဏဝသေန ပရိဟာရပထာဒိနဗ္ဗိ
ဣတပမာဒဋ္ဌာနဘာဝေါ ဝေဒိတဗ္ဗော။ ပင်္ဂစိရာဒိဟိပိ ဝံသာဒိဟိ ကာတဗ္ဗကိစ္စ-
သိဒ္ဓိအသိဒ္ဓိဇယပရာဇယာဝဟော ပယောဂေါ ဝုတ္တောတိ ဒဋ္ဌဗ္ဗံ။ “ယထာဝဇ္ဇ”န္တိ

စ ကာဏာဒီဟိ သဒိသတာကာရဒဿနေဟိ ဇယပရာဇယဝသေန ဇူတ-
ကိဋ္ဌိတဘာဝေန ဝုတ္တံ။

၁၅။ ဝါဠုပပါနိတိ အာဟရိမာနိ ဝါဠုပပါနိ။ “အကပ္ပိယမဉ္ဇောဝ-
ပလ္လင်္ကော”တိ သာရသမာသေ။ ဝါနဝိဇ္ဇန္တိ ဘိတ္တိစ္ဆဒါဒိဝသေန ဝါနေန
ဝိဇ္ဇိတိ။ ရုက္ခတူလလတာတူလပေါဠကီတူလာနံ ဝသေန တိဏ္ဍံ တူလာနံ။
ဥဒ္ဓလောမိယံ ကေစိတိ သာရသမာသာစရိယာ၊ ဥတ္တရဝိဟာရဝါသိနော စ။
တထာ ကေန္တလောမိယံ။ ကောသေယျကနိဿမယန္တိ ကောသေယျကဿဠ-
မယံ။ သုဒ္ဓကောသေယျန္တိ ရတနပရိသိဗ္ဗနရဟိတံ။ “ဌပေတွာ တူလိက”န္တိ
ဧတေန ရတနပရိသိဗ္ဗနရဟိတာပိ တူလိကာ န ဝဇ္ဇတိတိ ဒီပေတိ။ “ရတနပရိ-
သိဗ္ဗိတာနိ”တိ ဣမိနာ ယာနိ ရတနပရိသိဗ္ဗိတာနိ၊ တာနိ ဘူမတ္ထရဏဝသေန၊
ယထာနုရူပံ မဉ္ဇဝိဌာဒိသု စ ဥပနေတုံ ဝဇ္ဇတိတိ ဒီပိတံ ဟောတိ။ အဇိန-
စဗ္ဗေဟိတိ အဇိနမိဂစဗ္ဗေဟိ။ တာနိ ကိရ စမ္မာနိ သုခုမာနိ၊ တသ္မာ ဒုပဋ္ဌ-
တိပဋ္ဌာနိ ကတွာ သိဗ္ဗန္တိ။ တေန ဝုတ္တံ “အဇိနပ္ပဝေဏီ”တိ။ ဝုတ္တနယေနာတိ
ဝိနယေ ဝုတ္တနယေန။

၁၆။ အလင်္ကာရဉ္စနမေဝ၊ န ဘေသဇ္ဇံ မဏ္ဍနာနုယောဂဿ အဓိပ္ပေ-
တတ္တာ။ မာလာ-သဒ္ဓေါ သာသနေ သုဒ္ဓပုပ္ဖေသုပိ နိရုဠောတိ အာဟ
“မဒ္ဓမာလာ ဝါ”တိ။ မတ္တိကကတ္တန္တိ ဩသဓေဟိ အဘိသင်္ခတံ ယောဂ-
မတ္တိကကတ္တံ။ စလိတေတိ ကုပိတေ။ လောဟိတေ သန္တိသိန္ဓေတိ ဒုဠလော-
ဟိတေ ဒီဏေ။

၁၇။ ဒုဂ္ဂတိတော သံသာရတော စ နိယျာတိ ဧတေနာတိ နိယျာနံ၊
သဂ္ဂမဂ္ဂေါ မောက္ခမဂ္ဂေါ စ။ တံ နိယျာနံ အရဟတိ၊ နိယျာနေ ဝါ နိယုတ္တာ၊
နိယျာနံ ဝါ ဖလဘူတံ ဧတိဿာ အတ္ထိတိ နိယျာနိကာ၊ ဝစီဒုစ္စရိတသံက်လေ-
သတော နိယျာတိတိ ဝါ ဤ-ကာရဿ ရဿတ္တံ၊ ယ-ကာရဿ စ က-ကာရံ
ကတွာ နိယျာနိကာ၊ စေတနာယ သဒ္ဓိံ သမ္ပပ္ပလာပါ ဝေရမဏီ။ တပ္ပဋ္ဌိ-
ပက္ခတော အနိယျာနိကာ၊ တဿာ ဘာဝေါ အနိယျာနိကတ္တံ၊ တသ္မာ
အနိယျာနိကတ္တာ။ တိရုစ္ဆာနဘူတာတိ တိရောကရဏဘူတာ။ ကမ္မဋ္ဌာနဘာ-
ဝေတိ အနိစ္စတာပဋိသံယုတ္တစတုသစ္စကမ္မဋ္ဌာနဘာဝေ။ သဟ အတ္ထေနာတိ
သာတ္ထကံ၊ ဟိတပဋိသံယုတ္တန္တိ အတ္ထော။ ဝိသိခါတိ သရသန္တိဝေသော၊
ဝိသိခါဂဟဏေန စ တန္တိဝါသိနော ဂဟိတာ “ဂါမော အာဂတော”တိ-
အာဒိသု ဝိယ။ တေနောဂါဟ “သုရာ သမတ္တာ”တိ၊ “သဒ္ဓါ ပသန္တာ”တိ စ။

ကုမ္မဋ္ဌာနာပဒေသေန ကုမ္မဒါသိယော ဝုတ္တာတိ အာဟ “ကုမ္မဒါသိကထာ
ဝါ”တိ။ ဥပ္ပတ္တိပ္ပိတိသန္တာရာဒိဝသေန လောကံ အက္ခာယတိတံ လောကက္ခာ-
ယိကော။

၁၈-၉။ သဟိတန္တိ ဝါ ပုဗ္ဗာပရာဝိရန္တံ။ ဒူတဿ ကမ္မံ ဒူတေယျံ၊ တဿ
ကထာ ဒူတေယျကထာ။

၂၀။ တိဝိဇ္ဇေနာတိ သာမန္တဇပုနုဇ္ဈရိယာပထသန္တိသိတပစ္စယပဋိသေဝန-
ဘေဒတော တိပ္ပကာရေန။ ဝိမ္ဘာပယန္တိတိ “အဟော အစ္ဆရိယပုရိသော”တိ
အတ္တနိ ပရေသံ ဝိမ္ဗယံ ဥပ္ပါဒေန္တိ။ လပန္တိတိ အတ္တာနံ၊ ဒါယကံ ဝါ ဥက္ခိပိတွာ
ယထာ သော ကိဉ္စိ ဒဒါတိ၊ ဧဝံ ဥက္ကာစေတွာ ကထေန္တိ။ နိမိတ္တေန စရန္တိ၊
နိမိတ္တံ ဝါ ကရေန္တိတိ နေမိတ္တိကာ၊ နိမိတ္တန္တိ စ ပရေသံ ပစ္စယ ဒါနသညုပ္ပါ-
ဒကံ ကာယဝစီကမ္မံ ဝုစ္စတိ။ နိပ္ပိသန္တိတိ နိပ္ပေသာ၊ နိပ္ပေသာယေဝ နိပ္ပေသိကာ၊
နိပ္ပေသောတိ စ သဌပုရိသော ဝိယ လာဘသက္ကာရတ္ထံ အက္ခောသဒုံသနုပ္ပဏ္ဏ-
နပရိပိဋ္ဌမံသိကတာဒိ။

မဇ္ဈိမသီလဝဏ္ဏနာ နိဋ္ဌိတာ။

မဟာသီလဝဏ္ဏနာ

၂၁။ အင်္ဂါနိ အာရဗ္ဘ ပဝတ္တတ္တာ အင်္ဂသဟစရိတံ သတ္ထံ “အင်္ဂ”န္တိ ဝုတ္တံ။
နိမိတ္တန္တိ ဧတ္ထာပိ ဧသေဝ နယော။ ကေစိ ပန “အင်္ဂန္တိ အင်္ဂဝိကာရ”န္တိ ဝဒန္တိ၊
ပရေသံ အင်္ဂဝိကာရဒဿနေနာပိ လာဘာလာဘာဒိဝိဇ္ဇာတိ။ ပဏ္ဍုရာဇာတိ
ဒက္ခိဏာမရုရာဇိပတိ။ “မဟန္တာန”န္တိ ဧတေန အပ္ပကံ နိဇိတ္တံ၊ မဟန္တံ နိဇိတ္တံ
ဥပ္ပါတောတိ ဒသေတိ။ ဣဒံ နာမ ပဿတိတိ ယော ဝသဘံ ကုဉ္ဇရံ ပါသာဒံ
ပဗ္ဗတံ ဝါ အာရဉ္ဇံ သုပိနေ အတ္တာနံ ပဿတိ၊ တဿ ဣဒံ နာမ ဖလံ
ဟောတိတိ။ သုပိနကန္တိ သုပိနသတ္ထံ။ အင်္ဂသမ္ပတ္တိဝိပတ္တိဒဿနမတ္တေန အာဒိ-
သနံ ဝုတ္တံ “အင်္ဂ”န္တိ ဣမိနာ၊ “လက္ခဏ”န္တိ ဣမိနာ ပန မဟာနဘာဝတာ-
နိပ္ပုဒကအင်္ဂလက္ခဏဝိသေသဒဿနေနာတိ အယမေတေသံ ဝိသေသောတိ။
အဟတေတိ နဝေ။ ဣတော ပဌာယာဘိ ဒေဝရက္ခသမနုဿာဒိဘေဒေန ဝိဝိဇ္ဇ-
ဝတ္တဘာဂေ ဣတော ဝါ ဧတ္ထော ဝါ သဉ္ဇိန္နေ ဣဒံ နာမ ဘောဂါဒိ ဟောတိတိ။

၁-ဝဒန္တိ (အဘိနဝဋီ)

ဒဗ္ဗိဟောမာဒီနိ ဟောမဿုပကရဏာဒိဝိသေသေဟိ ဖလဝိသေသဒဿန-
ဝသေန ပဝတ္တာနိ။ အဂ္ဂိဟောမံ ဝုတ္တာဝသေသဿာနေဝသေန ပဝတ္တံ ဟောမံ။
အင်္ဂလဋ္ဌိန္တိ သရိရံ။ အတ္တိနော သတ္တံ အဗ္ဘေယျံ။ မာသုရက္ခေန ကတော
ဂန္တော မာသုရက္ခော။ ဘူရိဝိဇ္ဇာ သဿဗုဒ္ဓိကရဏဝိဇ္ဇာတိ သာရသမာသေ။
သပက္ခက။ ပ။ စတုပ္ပဒါနန္တိ ပိင်္ဂလမက္ခိကာဒိသပက္ခကသရဂေါလိကာဒိ-
အပက္ခက ဒေဝမနုဿကောဇ္ဇာဒိဒ္ဓိပဒ ကကဏှကဗ္ဗေကကဒိစတုပ္ပဒါနံ။

၂၃။ “အသုကဒိဝသေ”တိ “ပက္ခဿ ဒုတိယေတတိယေ”တိအာဒိတိထိ-
ဝသေန ဝုတ္တံ။ အသုကနက္ခတ္တေနာတိ ရောဟိဏီအာဒိနက္ခတ္တယောဂဝသေန။

၂၄။ ဥက္ကာနံ ပတနန္တိ ဥက္ကောဘာသာနံ ပတနံ။ ဝါတသဃံတေသု ဟိ
ဝေဂေန အညမညံ သဃံနေန္တေသု ဒီပကောဘာသော ဝိယ ဩဘာသော
ဥပ္ပဇ္ဇိတွာ အာကာသတော ပတတိ၊ တတ္ထာယံ ဥက္ကာပါတဝေါဟာရေ။
အဝိသုဒ္ဓတာ အပ္ပမဟိကာဒိဟိ။

၂၅။ ဓာရာနုပဝေစ္ဆနံ ဝဿနံ။ ဟတ္ထေန အဓိပ္ပေတဝိညာပနံ ဟတ္ထဗုဒ္ဓါ၊
တံ ပန အင်္ဂုလိသင်္ကောစနေန ဂဏနာယေဝ။ ပါရသိကံ မိလက္ခကာဒယော
ဝိယ နဝန္တဝသေနဂဏနာ အန္တိဒ္ဓကဂဏနာ။ သဠုပ္ပါဒနာဒိတိ အာဒိ-သဒ္ဓေန
ဝေါကလနဘာဂဟာရာဒိကေ သင်္ကဏာတိ။ စိန္တာဝသေနာတိ ဝတ္ထု အနုသန္တိဉ္စ
သယမေဝ စိရေန စိန္တေတွာ ကရဏဝသေန စိန္တာကမိ ဝေဒိတဗ္ဗော၊ ကိဉ္စ
သုတွာသုတေန အဿုတံ အနုသန္တေတွာ ကရဏဝသေန သုတကမိ၊ ကိဉ္စ အတ္ထံ
ဥပဓာရေတွာ တဿ သဒ္ဓိပနဝိတ္ထာရဏာဒိဝသေန အတ္ထကမိ၊ ယံ ကိဉ္စ
ပရေန ကတံ ကဗ္ဗံ နာဠကံ ဝါ ဒိသွာ တံသဒိသမေဝ အညံ အတ္တနော
ဌာနုပ္ပတ္တိကပဋိဘာနေန ကရဏဝသေန ပဋိဘာနကမိ ဝေဒိတဗ္ဗော။

၂၆။ ပရိဂ္ဂဟဘာဝေန ဒါရိကာယ ဂဏှာပနံ အာဝါဟနံ။ တထာ ဒါပနံ
ဝိဝါဟနံ။ ဒေသန္တရေ ဒိဂုဏတိဂုဏာဒိဂဟဏဝသေန ဘဏ္ဍုပ္ပယောဇနံ
ပယောဂေါ။ တတ္ထ ဝါ အညတ္ထ ဝါ ယထာကာလပရိစ္ဆေဒံ ဝိဂဟဏဝသေန
ပယောဇနံ ဥဒ္ဓါရေ။ “ဘဏ္ဍုမူလရဟိတာနံ ဝါဏိဇ္ဇံ ကတွာတ္ထေကေနဒယေန
သဟ မူလံ ဒေသတိ နေဒါနံ ပယောဂေါ၊ တာဝကာလိကဒါနံ ဥဒ္ဓါရေ”တိ
စ ဝဒန္တိ။ တိဟိ ကာရဏေဟိတိ ဧတ္ထ ဝါတေန၊ ပါဏကေဟိ ဝါ ဂဗ္ဘေ
ဝိနဿန္တေန န ပုရိမကမ္မနာ ဩကာသော ကတော၊ တပ္ပစ္စယာ ဣမ္မံ ဝိပစ္စတိ။

သယမေဝ ပန ကမ္မနာ ဩကာသေ ကတေ န ဧကန္တေန ဝါတော ပါဏကာ
ဝါ အပေက္ခိတဗ္ဗာတိ ကမ္မဿ ဝိသုံ ကာရဏဘာဝေါ ဝုတ္တောတိ ဒဠဗ္ဗံ။
နိဗ္ဗာပနိယန္တိ ဥပသမကရံ။ ပဋိကမ္မန္တိ ယထာ တေ န ခါဒန္တိ၊ တထာ
ပဋိကရဏံ။ ပရိဝတ္တနတ္ထန္တိ အာဝုဓာဒိနာ သဟ ဥက္ခိတ္တဟတ္ထဿ ဥက္ခိပနဝသေန
ပရိဝတ္တနတ္ထံ။ ဣတ္ထတတ္ထဿ ဒေဝတာယ ကဏ္ဍေ ကထနဝသေန ဇေယျနံ
ကဏ္ဍဇေယျနန္တိ။ အာဒိစ္စပါရိဝရိယာတိ ကရဝိရမာလာဟိ ပူဇံ ကတွာ
သကလဒိဝသံ အာဒိစ္စာဘိမုခါဝဠာနေန အာဒိစ္စဿ ပရိဝရဏံ။ “သိရဝါယန”န္တိ
ကေဝိ ပဌန္တိ၊ တဿတ္ထော—မန္တံ ပရိဇေယျော သိရသာ ဣတ္ထတဿ အတ္ထဿ
အဝါယနန္တိ။

၂၇။ သမိဒ္ဓိကာလေတိ အာယာစိတဿ အတ္ထဿ သိဒ္ဓိကာလေ။
သန္တိပဋိဿဝကမ္မန္တိ ဒေဝတာယာစနာယ ယာ သန္တိ ပဋိကတ္ထဗ္ဗာ၊
တဿာ ပဋိညာပဋိဿဝကမ္မကရဏံ၊ သန္တိယာ အာယာစနပုယောဂေါတိ
အတ္ထော။ တသ္မိန္တိ ပဋိဿဝဇလဘူတေ ယထာဘိပတ္တိတကမ္မသ္မိံ၊ ယံ “သစေ
မေ ဣဒံ နာမ သမိဇ္ဈိဿတိ”တိ ဝုတ္တံ။ တဿာတိ သန္တိပဋိဿဝဿ၊ ယော
“ပဏိမိ”တိ စ ဝုတ္တော။ ယထာပဋိဿဝဋ္ဌိဥပဟာရေ ကတေ ပဏိမိအာယာစနာ
ကတာ နိယျာတိတာ ဟောတိတိ။ အန္တန္တိကဘာဝမတ္တန္တိ ဣတ္ထိယာ အကာ-
မကဘာဝမတ္တံ။ လိင်္ဂန္တိ ပုရိသလိင်္ဂံ။ ဗလိကမ္မကရဏံ ဥပဒ္ဒဝပဋိဗာဟနတ္ထဇေဝ
ဝရိအာဝဟနတ္ထဇူ။ ဒေါသနန္တိ ပိတ္တာဒိဒေါသနံ။ ဣတ္ထ စ ဝမနန္တိ ပစ္ဆန္နနံ
အဓိပ္ပေတံ။ ဥဒ္ဓံဝိရေစနန္တိ ဝမနံ “ဥဒ္ဓံ ဒေါသနံ နိဟရဏ”န္တိ ဝုတ္တတ္တာ။
တထာ ဝိရေစနန္တိ ဝိရေစနမေဝ။ အဓောဝိရေစနန္တိ ပန သုဒ္ဓိဝတ္ထိကသာ-
ဝတ္ထိအာဒိဝတ္ထိကိရိယာပိ အဓိပ္ပေတာ “အဓော ဒေါသနံ နိဟရဏ”န္တိ
ဝုတ္တတ္တာ။ သီသဝိရေစနံ သေမှနိဟရဏာဒိ။ ပဋ္ဌလာနိတိ အက္ခိပဋ္ဌလာနိ။
သလာကဝေဇ္ဇကမ္မန္တိ အက္ခိဝေဇ္ဇကမ္မံ၊ ဣဒံ ဝုတ္တာဝသေသသာလင်္ဂိယသင်္ဂ-
ဟဏတ္တံ ဝုတ္တန္တိ ဒဠဗ္ဗန္တိ။ တပုနာဒယောပိ ဟိ သာလင်္ဂိယာနေဝါတိ။ မူလာနိ
ပဓာနာနိ ရောဂူပသမေ သမတ္တာနိ ဘေသဇ္ဇာနိ မူလဘေသဇ္ဇာနိ၊ မူလာနံ ဝါ
ဗျာမိနံ ဘေသဇ္ဇာနိ မူလဘေသဇ္ဇာနိ။ မူလာနုဗန္ဓဝသေန ဟိ ဒုဝိဓော ဗျာမိ။
မူလရောဂေစတိကိစ္ဆိတေ ယေဘုယျေန ဣတရံ ဝူပသမတိတိ။ “ကာယတိကိစ္ဆနံ
ဒဿတိ”တိ ဣဒံ ကောမာရဘစ္စသလ္လကတ္ထသာလင်္ဂိယာဒိကရဏ၊ ဝိသေသ-
ဘူတတန္တိနံ တတ္ထ တတ္ထ ဝုတ္တတ္တာ ပါရိသေသဝသေန ဝုတ္တံ၊ တသ္မာ
တဒဝသေသာယ တန္တိယာပိ ဣဓ သင်္ဂဟော ဒဠဗ္ဗော။ သဗ္ဗာနိ စေတနာနိ
အာဇီဝဟေတုကာနိယေဝ ဣဓာဓိပ္ပေတာနိ “မိစ္ဆာဇီဝေန ဇီဝိကံ ကပ္ပေန္တိ”တိ

ဝုတ္တတ္တာ။ ယံ ပန တတ္ထ တတ္ထ ပါဠိယံ “ဇူတိ ဝါ”တိ ဝုတ္တံ၊ တတ္ထ ဇူတိတိ ပကာရတ္ထေ နိပါတော၊ ဝါ-ဇူတိ ဝိကပ္ပနတ္ထေ။ ဇူဒံ ဝုတ္တံ ဟောတိ—ဇူမိနာ ပကာရေန၊ ဇူတော အညေန ဝါတိ။ တေန ယာနိ ဇူတော ဗာဟိရကပဗ္ဗဇိတာ သိပ္ပာယတနဝိဇ္ဇာဌာနာဒိနိ ဇီဝိကောပါယဘူတာနိ အာဇီဝပကတာ ဥပဇီဝန္တိ၊ တေသံ ပရိဂ္ဂဟော ကတောတိ ဝေဒိတဗျော။

မဟာသီလဝဏ္ဏနာ နိဋ္ဌိတာ။

ပုဗ္ဗန္တကပ္ပိကသဿတဝါဒဝဏ္ဏနာ

၂၀။ ဘိက္ခုသံဃေန ဝုတ္တဝဏ္ဏော နာမ “ယာဝဋ္ဌိဒံ တေန ဘဂဝတာ”တိ- အာဒိနာ ဝုတ္တဝဏ္ဏော။ ဧတ္ထာယံ သမ္ပန္နော—န ဘိက္ခဝေ ဧတ္တကာ ဝေ ဗုဒ္ဓဂုဏာ၊ ယေ တုမှာကံ ပါကဋ္ဌာ၊ အပါကဋ္ဌာ ပန “အတ္ထိ ဘိက္ခဝေ အညေ ဓမ္မာ”တိ ဝိတ္တာရော။ တတ္ထ “ဇူမေ ဒိဋ္ဌိဌာနာ ဧဝံဂဟိတာ”တိ အာဒိနာ သဿတာဒိဒိဋ္ဌိ-ဌာနာနံ ယထာဂဟိတာကာရသုညတဘာဝပ္ပကာသနတော၊ “တဉ္စ ပဇာနနံ န ပရာမသတိ”တိ သီလာဒိနဉ္စ အပရာမာသနိယျာနိကဘာဝဒီပနေန နိစ္စသာ-ရာဒိဝိရဟပ္ပကာသနတော၊ ယာသု ဝေဒနာသု အဝိတရာဂတာယ ဗာဟိရကာနံ ဧတာနိ ဒိဋ္ဌိဝိပ္ပန္နိတာနိ သမ္ဘဝန္တိ၊ တေသံ ပစ္စယဘူတာနဉ္စ သမ္မောဟာဒိနံ ဝေဒကကာရကသဘာဝါဘာဝဒဿနမုခေန သဗ္ဗဓမ္မာနံ အတ္တတ္တနိယတာ-ဝိရဟဒီပနတော၊ အနုပါဒါပရိနိဗ္ဗာနဒီပနတော စ အယံ ဒေသနာ သုညတာ-ဝိဘာဝနပ္ပဓာနာတိ အာဟ “သုညတာပကာသနံ အာရဘိ”တိ။ ပရိယတ္တိတိ ဝိနယာဒိဘေဒဘိန္နာ တန္တိ။ ဒေသနာတိ တဿာ တန္တိယာ မနသာဝဝတ္ထာ-ပိတာယ ဝိဘာဝနာ၊ ယထာဓမ္မံ ဓမ္မာဘိလာပဘူတာ ဝါ ပညာပနာ၊ အနု-လောမာဒိဝသေန ဝါ ကထနန္တိ ပရိယတ္တိဒေသနာနံ ဝိသေသော ပုဗ္ဗေယေဝ ဝဝတ္ထာပိတောတိ အာဟ “ဒေသနာယံ ပရိယတ္တိယ”န္တိ။ ဧဝမာဒိသုတိ ဧတ္ထ အာဒိ-သဒ္ဓေန သစ္စသဘာဝသမာဓိပညာပကတိပုညအာပတ္တိဉ္ဇေယျာဒယော သင်္ဂယန္တိ။ တထာ ဟိ အယံ ဓမ္မ-သဒ္ဓေါ “စတုန္တံ ဘိက္ခဝေ ဓမ္မာနံ အနနဗော-ဓာ”တိ အာဒိသု သစ္စေ ဝတ္တတိ၊ “ကုသလာ ဓမ္မာ အကုသလာ ဓမ္မာ”တိ အာဒိသု သဘာဝေ၊ “ဧဝံဓမ္မာ တေ ဘဂဝန္တော အဟေသု”န္တိ အာဒိသု သမာဓိမိ၊ “သစ္စံ ဓမ္မော မိတ္တိ စာဂေါ၊ သ ဝေ ပေစ္စ န သောစတိ”တိ အာဒိသု ပညာယ၊

၁-ဒီ ၂-၁၀၂၊ အံ ၁-၃၀၇-ပိဋ္ဌေသု။

၃-သံ ၃-၁၃၈-ပိဋ္ဌေ။

၂-အဘိ ၁-၁-ပိဋ္ဌေ။

၄-၃ ၁-၃၀၇-ပိဋ္ဌေ သုတ္တနိပါတေ။

“ဇာတိဓမ္မာနံ ဘိက္ခဝေ သတ္တာနံ ဧဝံ ဣန္ဒြာ ဥပ္ပဇ္ဇတိ”တိအာဒိသု^၁ ပကတိယံ၊
 “ဓမ္မော သုစိဏ္ဍော သုခမာဝဟာတိ”တိအာဒိသု^၂ ပုညေ၊ “စက္ကာရော
 ပါရာဇိကာ ဓမ္မာ”တိအာဒိသု^၃ အာပတ္တိယံ၊ “သဗ္ဗေ ဓမ္မာ သဗ္ဗာကာရေန
 ဗုဒ္ဓဿ ဘဂဝတော ဉာဏမုခေ အာပါယံ အာဂစ္ဆန္တိ”တိအာဒိသု^၄ ဥေယျေ
 ဝတ္တတိ။ ဓမ္မာ ဟောန္တိတိ သုညာ ဓမ္မမတ္တာ ဟောန္တိတိ အတ္ထော။

“ဗုဒ္ဓဿ”တိ ဧတေနော တေသံ ဓမ္မာနံ ဒုက္ခောဂါဟတာ ပကာသိတာ
 ဟောတိ။ သစေ ပန ကောစိ အတ္တနော ပမာဏံ အဇာနန္တော ဉာဏေန တေ
 ဓမ္မေ ဩဂါဟိတုံ ဥဿာဟံ ကရေယျ၊ တဿ တံ ဉာဏံ အပ္ပတိဋ္ဌမေဝ
 မကသတုဏှသုစိ ဝိယ မဟာသမုဒ္ဓေတိ အာဟ “အလဗ္ဘနေယျပတိဋ္ဌာ”တိ။
 အလဗ္ဘနေယျာ ပတိဋ္ဌာ ဧတ္တာတိ အလဗ္ဘနေယျပတိဋ္ဌာတိ ပဒဝိဂ္ဂဟော
 ဝေဒိတဗ္ဗော။ အလဗ္ဘနေယျပတိဋ္ဌာနံ ဩဂါဟိတုံ အသက္ကုဏေယျတာယ
 “ဧတ္တကာ ဧတေ ဤဒိသာ စာ”တိ ပဿိတုံ န သက္ကာတိ ဝုတ္တံ “ဂန္တိရတ္တာ ဝေ
 ဗုဒ္ဓဿ”တိ။ ယေ ပန ဒဋ္ဌမေဝ န သက္ကာ၊ တေသံ ဩဂါဟိတွာ အနုဗုဇ္ဈနေ
 ကထာ ဝေဒနတ္တိတိ အာဟ “ဗုဒ္ဓသက္ကာ ဝေ ဒုရနုဗောဓာ”တိ။ သဗ္ဗပရိဋ္ဌာဟ-
 ပဋိပ္ပဿဒ္ဓိမတ္ထကေ သမုပ္ပန္နတ္တာ၊ နိဗ္ဗုတသဗ္ဗပရိဋ္ဌာဟသမာပတ္တိသမောဂ်ဏ္ဏတ္တာ
 စ နိဗ္ဗုတသဗ္ဗပရိဋ္ဌာဟာ။ သန္တာရမ္ပဏာနိ မဂ္ဂဖလနိဗ္ဗာနာနိ အနုပသန္တသ-
 ဘာဝါနံ ကိလေသာနံ သင်္ခါရာနဉ္စ အဘာဝတော။ အထ ဝါ သမူဟတဝိက္ခေပ-
 တာယ နိစ္စသမာဟိတဿ မနသိကာရဿ ဝသေန တဒါရမ္ပဏဓမ္မာနံ သန္တ-
 ဘာဝေါ ဝေဒိတဗ္ဗော ကသိဏုဋ္ဌါဋ္ဌိမာကာသတဗ္ဗိသယဗိညာဏာနံ အနန္တ-
 ဘာဝေါ ဝိယ။ အဝိရဇ္ဈိတွာ နိမိတ္တပဋိဝေဓော ဝိယ ဣဿာသာနံ အဝိရဇ္ဈိတွာ
 ဓမ္မာနံ ယထာဘူတသဘာဝဗောဓော သာဒုရသော မဟာရသော စ
 ဟောတိတိ အာဟ “အတိတ္ထိကရဏဌေနာ”တိ။ ပဋိဝေဓပုတ္တာနံ၊ တေသု စ
 ဗုဒ္ဓါနံယေဝ သဗ္ဗာကာရေန ဝိသယဘာဝပဂမနတော န တက္ကဗုဒ္ဓိယာ ဂေါစ-
 ရာတိ အာဟ “ဥတ္တမဉာဏဝိသယတ္တာ”တိအာဒိ။ နိပုဏာတိ ဥေယျေသု
 တိက္ခဝိသဒဝုတ္တိယာ ဆေကာ။ ယသ္မာ ပန သော ဆေကဘာဝေါ အာရ-
 မ္ပဏေ အပ္ပဋိဟံဘဝုတ္တိတာယ သုဒ္ဓမဉ္ဇေယျဂဟဏသမတ္တတာယ သုပါကဇ္ဇော
 ဟောတိ၊ တေန ဝုတ္တံ “သဏ္ဌသုဒ္ဓမသဘာဝတ္တာ”တိ။

၁-မ ၃-၂၈၁-၁၉-၃၀-ပိဋေသု။ ၂-၁ ၁-၃၀၆၊ ၃ ၂-၂၇။ ၃ ၅-၂၁၇၊ ၃၅၇-ပိဋာဒိသု။
 ၃-ပိ ၁-၁၁၀-ပိဋေ။ ၄-၁ ၇-၂၇၇၊ ၃ ၀-၁၇၇၊ ၃ ၉-၃၇၇-ပိဋေသု။
 ၅-မ-၄ ၁-၁၀၊ အဘိ-၄ ၁-၀၁၊ ဗုဒ္ဓဝိသ-၄-၁၅-ပိဋာဒိသုပိ ပဿိတဗ္ဗံ။

အပရော နယော—ဝိနယပဏ္ဏတ္တိအာဒိဂန္တိရနေယျဝိဘာဝနတော ဂန္တိရာ။ ကဒါမိ အသင်္ချေယျမဟာကပ္ပေ အတိက္ကမိတွာပိ ဒုလ္လဘဒဿနတာယ ဒုဒ္ဓဿ။ ဒဿနဇ္ဈေတ္တ ပညာစက္ခဝသေနဝ ဝေဒိတဗ္ဗံ။ ဓမ္မန္တယသင်္ခါတဿ အနုဗောဓဿ ကဿစိဒေဝ သမ္ဘဝတော ဒုရနုဗောဓော။ သန္တသဘာဝတော၊ ဝေနေယျာနဉ္စ ဂုဏသမ္ပဒါနံ ပရိယောသာနတ္တာ သန္တာ။ အတ္တနော စ ပစ္စယေဟိ ပဓာနဘာဝံ နိဘတာယ ပဏီတာ။ သမဓိဂတသစ္စလက္ခဏတာယ အတက္ကေဟိ၊ အတက္ကေန ဝါ ဉာဏေန အဝစရိတဗ္ဗတာယ အတက္ကာဝစရာ။ နိပုဏံ၊ နိပုဏေ ဝါ အတ္ထေ သစ္စပ္ပစ္စယာကာရာဒိဝသေန ဝိဘာဝနတော နိပုဏာ။ လောကေ အဂ္ဂပဏ္ဍိတေန သမ္မာသမ္ဗုဒ္ဓေန ဝေဒီယန္တိ ပကာသီယန္တိတိ ပဏ္ဍိတဝေဒနီယာ။ အနာဝရဏဉာဏပဋိလာဘတော ဟိ ဘဂဝါ “သဗ္ဗဝိဒူဟမသ္မိံ၊ ဒသဗလသမန္တာဂဘော ဘိက္ခဝေတထာဂတော”တိအာဒိနာ၊ အတ္တနော သဗ္ဗညုတာဒိဂုဏေ ပကာသေတိ။ တေနောဟိ “သယံ အဘိညာ သန္တိကတွာ ပဝေဒေတိ”တိ။

တတ္ထ ကိဉ္ဇာပိ သဗ္ဗညုဘညာဏံ ဖလနိဗ္ဗာနာနိ ဝိယ သန္တိကာတဗ္ဗသဘာဝံ န ဟောတိ။ အာသဝက္ခယဉာဏေ ပန အဓိဂတေ အဓိဂတမေဝ ဟောတိတိ တဿ ပစ္စက္ခကရဏံ သန္တိကိရိယာတိ အာဟ “အဘိဝိသိဋ္ဌေန ဉာဏေန ပစ္စက္ခံ ကတွာ”တိ။ အဘိဝိသိဋ္ဌေန ဉာဏေနာတိ စ ဟေတုအတ္ထေ ကရဏဝစနံ၊ အဘိဝိသိဋ္ဌဉာဏာဓိဂမဟေတူတိ အတ္ထော။ အဘိဝိသိဋ္ဌဉာဏန္တိ ဝါ ပစ္စဝေက္ခဏဉာဏေ အဓိပ္ပေတေ ကရဏဝစနမ္ပိ ယုဇ္ဇတိယေဝ။ ပဝေဒနဇ္ဈေတ္တ အညာဝိသယာနံ သစ္စာဒီနံ ဒေသနာကိစ္စသာဓနတော၊ “ဧကောမိ သမ္မာသမ္ဗုဒ္ဓေါ”တိအာဒိနာ၊ ပဋိဇာနနတော စ ဝေဒိတဗ္ဗံ။ ဝဒမာနာတိ ဧတ္ထ သတ္ထိအတ္ထော မာန-သဒ္ဓေါ။ ဝတ္ထု ဥဿာဟံ ကရောန္တေတိ အတ္ထော။ ဧဝံဘူတာ စ ဝတ္ထုကာမာ နာမ ဟောန္တိတိ အာဟ “ဝတ္ထံ ဝတ္ထုကာမာ”တိ။ သာဝသေသံ ဝဒန္တောပိ ဝိပရိတံ ဝဒန္တောဝိယ “သမ္မာ ဝဒတိ”တိ န ဝတ္ထဗ္ဗောတိ အာဟ “အဟာပေတွာ”တိ၊ တေန အနဝသေသတ္ထော ဣဓ သမ္မာ-သဒ္ဓေါတိ ဒသေတိ။ “ဝတ္ထု သက္ကုဏေယျ”န္တိ ဣမိနာ “ဝဒေယျ”န္တိ သကတ္ထဒီပနဘာဝမာဟ။ ဧတ္ထ စ ကိဉ္ဇာပိ ဘဂဝတော ဒသဗလာဒိဉာဏာနိပိ အနညသာဓာရဏာနိ၊ သပ္ပဒေသဝိသယတ္တာ ပန တေသံ ဉာဏာနံ န တေဟိ ဗုဒ္ဓဂုဏာ အဟာပေတွာ ဂဟိတာ နာမ ဟောန္တိ၊ နိပ္ပဒေသဝိသယတ္တာ ပန

၁-ခု ၁-ဒိ၄-ပိ ၃-၁၂-အဘိ ၄-၂၀-ပိဋေသု။ ၂-သံ ၁-၂၆၅-ပိဋေ။
 ၃-ပိ ၃-၁၂-အဘိ ၄-၂၀-ပိဋေသု။

သဗ္ဗညုတညာဏဿ တသ္မိံ ဂဟိတေ သဗ္ဗေပိ ဗုဒ္ဓဂုဏာ ဂဟိတာ ဧဝ နာမ
 ဟောန္တိတိ ဣမမတ္ထံ ဒဿေတိ “ယေဟိ။ပ။ဝဒေယျ။”န္တိ။ ပုထုနိ အာရမ္မဏာနိ
 ဧတဿာတိ ပုထုအာရမ္မဏံ၊ သဗ္ဗာရမ္မဏတ္တာတိ အဓိပ္ပါယော။ အထ ဝါ
 ပုထုအာရမ္မဏာရမ္မဏတောတိ ဧတသ္မိံ အတ္ထေ “ပုထုအာရမ္မဏတော”တိ
 ဝုတ္တံ ဧကဿ အာရမ္မဏ-သဒ္ဓဿ လောပံကတွာ “ဩဠမုခေါကာမာဝစရ”န္တိ-
 အာဒိသု ဝိယ၊ တေနဿ ပုထုဉာဏကိစ္စသာဓကတံ ဒဿေတိ။ တထာ ဟေတံ
 တိသု ကာလေသု အပ္ပဋ္ဌိဟတဉာဏံ၊ စတုယောနိပရိစ္ဆေဒကဉာဏံ၊ ပဉ္စဂတိ-
 ပရိစ္ဆေဒကဉာဏံ၊ ဆသု အသာဓာရဏဉာဏေသု သေသာသာဓာရဏဉာဏာနိ၊
 သတ္တအရိယပုဂ္ဂလဝိဘာဝကဉာဏံ၊ အဋ္ဌသုပိ ပရိသာသု အကမ္မနဉာဏံ၊ နဝ-
 သက္ကာဝါသပရိဇာနနဉာဏံ၊ ဒသဗလဉာဏန္တိ ဧဝမာဒိနံ အနေကသတ-
 သဟဿဘေဒါနံ ဉာဏာနံ ယထာသမ္ဘဝံ ကိစ္စံ သာဓေတိတိ။ “ပုနဗ္ဗါနံ ဥပုတ္တိ-
 ဝသေနာ”တိ ဧတေန သဗ္ဗညုတညာဏဿ ကမဝုတ္တိတံ ဒဿေတိ။ ကမေနာပိ
 ဟိ တံ ဝိသယေသု ပဝတ္တတိ၊ န သင်္ကိယေဝ ယထာ ဗာဟိရကာ ဝဒန္တိ
 “သင်္ကိယေဝ သဗ္ဗညု သဗ္ဗံ ဇာနာတိ၊ န ကမေနာ”တိ။

ယဒိ ဧဝံ အစိန္တေယျာပရိမေယျဘေဒဿ ဥပေယျဿ ပရိစ္ဆေဒဝတာဧကေန
 ဉာဏေန နိရဝသေသတော ကထံ ပဋိဝေဓေတိ၊ ကော ဝါ ဧဝမာဟ
 “ပရိစ္ဆေဒဝန္တံ ဗုဒ္ဓဉာဏ”န္တိ။ အနန္တဉ္စိ တံ ဉာဏံ ဥပယျံ ဝိယ။ ဝုတ္တဉ္စေတံ
 “ယာဝတကံ ဥပယျံ၊ တာဝတကံ ဉာဏံ။ ယာဝတကံ ဉာဏံ၊ တာဝတကံ
 ဥပယျံ”န္တိ။ ဧဝမိ ဇာတိဘူမိသဘာဝါဒိဝသေနဒိသာဒေသကာလာဒိဝသေနစ
 အနေကဘေဒဘိန္နေ ဥပေယျ ကမေန ဂယမာနေ အနဝသေသပဋိဝေဓော
 န သမ္ဘဝတိယေဝါတိ၊ နယိဒမေဝံ။ ကဿာ? ယံ ကိဉ္စိ ဘဂဝတာ ဉာတုံ ဣန္ဒြိယံ
 သကလမေကဒေသော ဝါ။ တတ္ထ အပ္ပဋ္ဌိဟတစာရတာယ ပစ္စက္ခတော ဉာဏံ
 ပဝတ္တတိ၊ ဝိက္ခေပါဘာဝတော စ ဘဂဝါ သဗ္ဗကာလံ သမာဟိတောဝ ဉာတုံ
 ဣန္ဒြိယဿ ပစ္စက္ခဘာဝေါ န သက္ကာ နိဝါရေတုံ “အာကန္တိပဋိဗန္ဓံ ဗုဒ္ဓဿ
 ဘဂဝတော ဉာဏ”န္တိအာဒိဝစနတော၊ န စေတ္ထ ဒူရတော စိတ္တပဋိ-
 ပဿန္တာနံ ဝိယ၊ “သဗ္ဗေ ဓမ္မာ အနတ္တာ”တိ ဝိပဿန္တာနံ ဝိယ စ အနေက-
 ဓမ္မာဝဗောဓကာလေ အနိရူပိတရူပေန ဘဂဝတော ဉာဏံ ပဝတ္တတိတိ ဂဟေ-
 တဗ္ဗံ အစိန္တေယျာနုဘာဝတာယ ဗုဒ္ဓဉာဏဿ။ တေနောဟ “ဗုဒ္ဓဝိသယော

၁-၁၇-၂၇၀၊ ၃၀-၁၇၆၊ ၃၉-၃၇၆-ပိဋေသု။
 ၂-၃၇-၂၇၀၊ ၃၀-၁၇၆၊ ၃၉-၃၇၆-ပိဋေဟိ အဓိပ္ပါယ်မတ္တမေဝ ဂဟိတံ ဝိယ ဒိဿတိ။

အစိန္တေယျာ”တိ။ ဣဒံ ပနေတ္ထ သန္နိဋ္ဌာနံ—သဗ္ဗာကာရေန သဗ္ဗဓမ္မာဝဗော-
ဓနသမတ္တဿ အာကန္တိပဋိဗဒ္ဓဝတ္တိနော အနာဝရဏဉာဏဿ ပဋိလာဘေန
ဘဂဝါ သန္တာနေန သဗ္ဗဓမ္မပဋိဝေဓသမတ္တော အဟောသိ သဗ္ဗနေယျာဝရ-
ဏဿ ပဟာနတော၊ တဿ သဗ္ဗညူ၊ န သင်္ဂိယေဝ သဗ္ဗဓမ္မာဝဗောဓတော၊
ယထာ သန္တာနေန သဗ္ဗဇ္ဇန္ဓနဿ ဒဟနသမတ္တတာယ ပါဝကော “သဗ္ဗဘူ”တိ
ဝုစ္စတိတိ။

ဝဝတ္ထာပနဝစနန္တိ သန္နိဋ္ဌာပနဝစနံ၊ အဝံဓာရဏဝစနန္တိ အတ္ထော။ အညေ-
ဝါတိ ဧတ္ထ အဝံဓာရဏေန နိဝတ္တိတံ ဒဿေတိ န ပါဏာတိပါတာ ဝေရ-
မဏိအာဒယော”တိ၊ အယဉ္ဇ ဝေ-သဒ္ဓေါ အနိယတဒေသတာယ စ-သဒ္ဓေါ
ဝိယယတ္ထဝုတ္တော၊ တတော အညတ္တာပိ ဝစနိစ္ဆာဝသေန ဥပတိဋ္ဌတိတိ အာဟ
“ဂန္တိရာဝါ”တိအာဒိ။ သဗ္ဗပဒေဟိတိ ယာဝ “ပဏ္ဍိတဝေဒနိယာ”တိ ဣဒံ ပဒံ၊
တာဝ သဗ္ဗပဒေဟိ။ သာဝကပါရမိဉာဏန္တိ သာဝကနံ ဒါနာဒိပါရိပူရိယာ
နိပ္ပန္တံ ဝိဇ္ဇတ္တယဆဋ္ဌဘိညာစတုပ္ပဋိသမ္ဘဒါဒိဘေဒံ ဉာဏံ။ တတောတိ သာဝက-
ပါရမိဉာဏတော။ တတ္ထာတိ သာဝကပါရမိဉာဏေ။ တတောပီတိ အနန္တရ-
နိဒ္ဒိဋ္ဌတော ပစ္စေကဗုဒ္ဓဉာဏတောပိ၊ ကော ပန ဝါဒေါ သာဝကပါရမိဉာဏ-
တောတိ အဓိပ္ပါယော။ ဧတ္ထာယံ အတ္ထယောဇနာ—ကိဉ္ဇာပိ သာဝကပါရမိ-
ဉာဏံ ဟေဋ္ဌိမသေက္ခဉာဏံ ပုထုဇနဉာဏန္တ ဥပါဒါယ ဂန္တိရံ၊ ပစ္စေကဗုဒ္ဓဉာဏံ
ဥပါဒါယ န တထာ ဂန္တိရန္တိ “ဂန္တိရမေဝါ”တိ န သက္ကာ ဝတ္ထု။ တထာ
ပစ္စေကဗုဒ္ဓဉာဏမ္ပိ သဗ္ဗညုတညာဏံ ဥပါဒါယာတိ တတ္ထ ဝဝတ္ထာနံ န လဗ္ဘတိ၊
သဗ္ဗညုတညာဏဓမ္မာ ပန သာဝကပါရမိဉာဏာဒိနံ ဝိယ ကိဉ္ဇိ ဥပါဒါယ
အဂန္တိရဘာဝါဘာဝတော ဂန္တိရာဝါတိ။ ယထာ စေတ္ထ ဝဝတ္ထာနံ ဒဿိတံ၊
ဧဝံ သာဝကပါရမိဉာဏံ ဒုဒ္ဓသံ၊ ပစ္စေကဗုဒ္ဓဉာဏံ ပန တတော ဒုဒ္ဓသတရန္တိ
တတ္ထ ဝဝတ္ထာနံ နတ္ထိတိအာဒိနာ ဝဝတ္ထာနသမ္ဘာဝေါ နေတဗ္ဗော။ တေနောပါဟ
“တထာ ဒုဒ္ဓသာဝ။ပ။ဝေဒိတဗ္ဗ”န္တိ။

ကသ္မာ ပနေတံ ဧဝံ အာရဒ္ဓန္တိ ဧတ္ထာယံ အဓိပ္ပါယော—ဘဝတု တာဝ
နိရဝသေသဗုဒ္ဓဂုဏဝိဘာဝနူပါယဘာဝတော သဗ္ဗညုတညာဏံ ကေမ္ပိ ပုထု-
နိဿယာရမ္မဏဉာဏကိစ္စသိဒ္ဓိယာ “အတ္ထိ ဘိက္ခဝေ အညေဝ ဓမ္မာ”တိ-
အာဒိနာ ဗဟုဝစနေန ဥဒ္ဓိဋ္ဌံ၊ တဿ ပန ဝိဿဇ္ဇနံ သစ္စပစ္စယာကာရာဒိ-
ဝိသေသဝသေန အနညသာဓာရဏေန ဝိဘဇနနယေန အနာရဘိတွာ
သနိဿယာနံ ဒိဋ္ဌိနံ ဝိဘဇနဝသေန ကသ္မာ အာရဒ္ဓန္တိ။ တတ္ထ ယထာ

သစ္စပစ္စယာကာရာဒိနံ ဝိဘဇနံ အနညဿာဓာရဏံ၊ သဗ္ဗညုတညာဏဿေဝ
ဝိသယော၊ ဧဝံ နိရဝသေသေန ဒိဋ္ဌိဂတဝိဘဇနဗြိတံ ဒဿေတုံ “ဗုဒ္ဓါနဉ္စိ” တိအာဒိ
အာရဒ္ဓိ။ တတ္ထ ဌာနာနီတိ ကာရဏာနိ။ ဂစ္ဆိတံ မဟန္တံ ဟောတီတိ ဒေသေ-
တဗ္ဗဿ အတ္ထဿ အနေကဝိတောယ၊ ဒုဝိညေယျတာယ စ နာနာနယေဟိ
ပဝတ္တမာနံ ဒေသနာဂစ္ဆိတံ မဟန္တံ ဝိပုလံ၊ ဗဟုဘေဒဉ္စ ဟောတီ။ ဉာဏံ
အနုပဝိသတီတိ တတော ဧဝ စ ဒေသနာဉာဏံ ဒေသေတဗ္ဗဓမ္မေ ဝိဘာဂသော
ကုရမာနံ အနုပဝိသတိ၊ တေ အနုပဝိဿ ဌိတံ ဝိယ ဟောတီတိ အတ္ထော။

ဗုဒ္ဓဉာဏဿ မဟန္တဘာဝေါ ပညာယတီတိ ဧဝံဝိဿေ နာမ ဓမ္မဿ
ဒေသကံ ပဋိဝေဓကဉ္စာတိ ဗုဒ္ဓါနံ ဒေသနာဉာဏဿ ပဋိဝေဓဉာဏဿ စ
ဥဋ္ဌာရဘာဝေါ ပါကဋ္ဌော ဟောတီ။ ဧတ္ထ စ ကိဉ္စာပိ “သဗ္ဗံ ဝစီကဗ္ဗံ ဗုဒ္ဓဿ
ဘဂဝတော ဉာဏပုဗ္ဗင်္ဂံ ဉာဏာနုပရိဝတ္တိ” တိ ဝစနတော သဗ္ဗာပိ ဘဂဝတော
ဒေသနာ ဉာဏရဟိတာ နတ္ထိ၊ သီဟသမာနဂုတ္တိတာယ စ သဗ္ဗတ္ထ သမာနဿာ-
ဟပ္ပဝတ္တိ၊ ဒေသေတဗ္ဗဓမ္မဝသေန ပန ဒေသနာ ဝိသေသတော ဉာဏေန
အနုပဝိဋ္ဌာ ဂစ္ဆိရတရာ စ ဟောတီတိ ဒဋ္ဌဗ္ဗံ။ ကထံ ပန ဝိနယပဏ္ဏတ္တိံ ပတွာ
ဒေသနာ တိလက္ခဏာဟတာ သုညတာပဋိသံယုတ္တာ ဟောတီတိ? တတ္ထာပိ
စ သန္တိသိန္နပရိသာယ အဇ္ဈာသဿာနရူပံ ပဝတ္တမာနာ ဒေသနာ သင်္ခါရာနံ
အနိစ္စတာဒိဝိဘာဝနိ၊ သဗ္ဗဓမ္မာနံ အတ္တတ္တနိယတာဘာဝပ္ပကာသနိ စ ဟောတီ။
တေနောပါဟ “အနေကပရိယာယေန ဓမ္မိံ ကထံ ကတွာ” တိအာဒိ။

ဘူမန္တရန္တိ ဓမ္မာနံ အဝတ္ထာဝိသေသဉ္စ ဌာနဝိသေသဉ္စ။ တတ္ထ အဝတ္ထာ-
ဝိသေသော သတိအာဒိဓမ္မာနံ သတိပဋ္ဌာနိန္ဒြိယဗလဗောဇ္ဈင်္ဂမဂ္ဂင်္ဂါဒိဘေဒေါ။
ဌာနဝိသေသော ကာမာဝစရာဒိဘေဒေါ။ ပစ္စယာကာရ-ပဒဿ အတ္ထော
ဟေဋ္ဌာ ဝုတ္တောယေဝ။ သမယန္တရန္တိ ဒိဋ္ဌိဝိသေသာ၊ နာနာဝိဟိတာ ဒိဋ္ဌိ-
ယောတိ အတ္ထော၊ အညသမယံ ဝါ။ ဧဝံ ဩတိဏ္ဏေ ဝတ္ထုသိန္တိ ဧဝံ လဟုက-
ဂရုကာဒိဝသေန တဒနရူပေ ဩတိဏ္ဏေ ဝတ္ထုသိန္တိ သိက္ခာပဒပညာပနံ။

ယဒိပိ ကာယာနုပဿနာဒိဝသေန သတိပဋ္ဌာနာဒယော သုတ္တန္တပိဋကေပိ
ဝိဘတ္တာ၊ သုတ္တန္တဘာဇနိယာဒိဝသေန ပန အဘိဓမ္မေယေဝ တေ သဝိသေသံ
ဝိဘတ္တာတိ အာဟ “ဣမေ စတ္တာရော သတိပဋ္ဌာနာ ။ပ။ အဘိဓမ္မပိဋကံ
ဝိဘဇိတွာ” တိ။ တတ္ထ “သတ္တ ဖဿာ” တိ သတ္တဝိညာဏဓာတုသမ္ပယောဂ-
ဝသေန ဝုတ္တံ။ တထာ “သတ္တ ဝေဒနာ” တိအာဒိသုပိ။ လောကုတ္တရာ ဓမ္မာ

၁-၃ ၇-၁၃၉၊ ၃ ၈-၁၇၇၊ ၃ ၉-၃၇၆၊ ၃ ၁၀-၁၆-ပိဋေသု ထောက် ဝိသဒိသံ။

၂-ဒိ ၂-၂၃၁၊ ၆ ၁-၇၀-ပိဋေသု။

နာမာဘိ ဧတ္ထ ဣတိ-သဒ္ဓေါ အာဒိအတ္ထော၊ ပကာရတ္ထော ဝါ၊ တေန
 ဝုတ္တာဝသေသံ အဘိဓမ္မေ အာဂတံ ဓမ္မာနံ ဝိဘဇိတဗျာကာရံ သင်္ဂဏှာတိ။
 စတုရိသတိ သမန္တပဋ္ဌာနာနိ ဧတ္ထာတိ စတုရိသတိ သမန္တပဋ္ဌာနံ၊ အဘိဓမ္မပိဋကံ။
 ဧတ္ထ ပစ္စယနယံ အဂ္ဂဟေတွာ ဓမ္မဝသေနေဝ သမန္တပဋ္ဌာနဿ စတုရိသတိ-
 ဝိတော ဝုတ္တာ။ ယထာဟ—

“တိကဉ္စ ပဋ္ဌာနဝရံ ဒုကုတ္တမံ၊
 ဒုကတိကဉ္စေဝ တိကဒုကဉ္စ။
 တိကတိကဉ္စေဝ ဒုကဒုကဉ္စ၊
 ဆ အနုလောမမိ နယာ သုဂမ္ဘိရာ”

တထာ—

တိကဉ္စ။ပ။ဆ ပစ္စနိယမိ နယာ သုဂမ္ဘိရာ။
 တိကဉ္စ။ပ။ဆ အနုလောမပစ္စနိယမိ နယာ သုဂမ္ဘိရာ။
 တိကဉ္စ။ပ။ပစ္စနိယာနုလောမမိ နယာ သုဂမ္ဘိရာ”တိ။

ဧဝံ ဓမ္မဝသေန စတုရိသတိဘေဒေသု တိကပဋ္ဌာနာဒိသု ဧကေနံ ပစ္စယ-
 နယေန အနုလောမာဒိဝသေန စတုဗ္ဗိဓံ ဟောတိတိ ဆန္နဝုတိ သမန္တပဋ္ဌာနာနိ။
 တတ္ထ ပန ဓမ္မာနုလောမေ တိကပဋ္ဌာနေ ကုသလတ္တိကေ ပဋိစ္စဝါရေ ပစ္စယာ-
 နုလောမေ ဟေတုမူလကေ ဟေတုပစ္စယဝသေန ဧကေနပညာသ ပုစ္ဆာနယာ
 သတ္တ ဝိဿဇ္ဇနနယာတိအာဒိနာ ဒဿိယမာနာ အနန္တဘေဒါ နယာတိ အာဟ
 ‘အနန္တနယ’န္တိ။ ဟောတိ စေတ္ထ—

“ပဋ္ဌာနံ နာမ ပစ္စေကံ ဓမ္မာနံ အနုလောမာဒိမိ တိကဒုကာဒိသု
 ယာ ပစ္စယမူလဝိသိဋ္ဌာ စတုနယတော သတ္တဓာ ဂတိ”တိ။

နဝဟာကာရေဟိတိ ဥပ္ပါဒါဒိဟိ နဝဟိ ပစ္စယာကာရေဟိ။ တတ္ထ
 ဥပ္ပဇ္ဇတိ တေသ္မာ ဖလန္တိ ဥပ္ပါဒေါ၊ ဥပ္ပတ္တိယာ ကာရဏဘာဝေါ။ သတိ စ
 အဝိဇ္ဇာယ သင်္ခါရာ ဥပ္ပဇ္ဇန္တိ၊ န အသတိ၊ တသ္မာ အဝိဇ္ဇာ သင်္ခါရာနံ ဥပ္ပါဒေါ
 ဟုတွာ ပစ္စယော ဟောတိ။ တထာ အဝိဇ္ဇာယ သတိ သင်္ခါရာ ပဝတ္တန္တိ ရေန္တိ၊
 နိဝိသန္တိ စ၊ တေ အဝိဇ္ဇာယ သတိ ဖလံ ဘဝါဒိသု ခိပန္တိ၊ အာယူဟန္တိ ဖလုပ္ပတ္တိ-
 ယာ ဃဋ္ဌန္တိ၊ သံယုဇ္ဇန္တိ အတ္တနော ဖလေန၊ ယသ္မိံ သန္တာနေ သယဉ္စ ဥပ္ပန္နာ၊
 တံ ပလိဗုန္တိ၊ ပစ္စယန္တရသမဝါယေ ဥဒယန္တိ ဥပ္ပဇ္ဇန္တိ၊ ဟိနောတိ စ သင်္ခါရာနံ
 ကာရဏဘာဝံ ဂစ္ဆတိ၊ ပဋိစ္စ အဝိဇ္ဇာ သင်္ခါရာ အယန္တိ ပဝတ္တန္တိတိ ဧဝံ အဝိဇ္ဇာယ

သင်္ခါရာနံ ကာရဏဘာဝပဂမနဝိသေသာ ဥပ္ပါဒါဒယော ဝေဒိတဗ္ဗာ။ တထာ သင်္ခါရာဒီနံ ဝိညာဏာဒီသု။

ဥပ္ပါဒဋ္ဌိတိဘိအာဒီသု စ တိဋ္ဌတိ ဧတေနာတိ ဌိတိ၊ ကာရဏံ။ ဥပ္ပါဒေါ ဝေဒိတိ ဥပ္ပါဒဋ္ဌိတိ။ သေ နယော သေသေသုပိ။ ယသ္မာ အယောနိသောမနသိကာရော၊ “အာသဝသမုဒယာ အဝိဇ္ဇာသမုဒယော”တံ^၁ ဝစနတော အာသဝါ စ အဝိဇ္ဇာယ ပစ္စယော၊ တသ္မာ ဝုတ္တံ “ဥဘောပေတေ ဓမ္မာ ပစ္စယသမုပ္ပန္နာ”တိ။ ပစ္စယပရိဂ္ဂဟေ ပညာတိ သင်္ခါရာနံ အဝိဇ္ဇာယ စ ဥပ္ပါဒါဒိကေ ပစ္စယာကာရေ ပရိစ္ဆိန္နိတွာ ဂဟဏဝသေန ပဝတ္တာ ပညာ။ ဓမ္မဋ္ဌိတိဉာဏန္တိ ဓမ္မာနံ ပစ္စယုပ္ပန္နာနံ ပစ္စယဘာဝတော ဓမ္မဋ္ဌိတိသင်္ခါတေ ပဋိစ္စသမုပ္ပါဒေ ဉာဏံ။ ပစ္စယဓမ္မာ ဟိ ပဋိစ္စသမုပ္ပါဒေ “ဒွါဒသ ပဋိစ္စသမုပ္ပါဒါ”တံ ဝစနတော ဒွါဒသ ပစ္စယာ။ အယဉ္စ နယော န ပစ္စုပ္ပန္နေ ဝေ၊ အထ ခေါ အတိတာနာဂတကာလေပိ၊ န စ အဝိဇ္ဇာယ ဝေ သင်္ခါရေသု၊ အထ ခေါ သင်္ခါရာဒီနမ္ပိ ဝိညာဏာဒီသု လဗ္ဘတိတိ ပရိပုဏ္ဏံ ကတွာ ပစ္စယာကာရဿ ဝိဘတ္တဘာဝံ ဒသေတုံ “အတိတမ္ပိ အဒ္ဓါန”န္တိအာဒိပါဠိ^၂ အာရဘိ။ ပဌာနေ^၂ ဒဿိတာ ဟေတာဒိပစ္စယာ ဧဝေတ္ထ ဥပ္ပါဒါဒိပစ္စယာကာရေဟိ ဂဟိတာတိ တေ ယထာသမ္ဘဝံ နိဟရိတွာ ယောဇေတဗ္ဗာ၊ အဘိဝိတ္တာရဘယေန ပန န ယောဇယိမှ။

တဿ တဿ ဓမ္မဿာတိ တဿ တဿ သင်္ခါရာဒိပစ္စယုပ္ပန္နဓမ္မဿ။ တထာ တထာ ပစ္စယဘာဝေနာတိ ဥပ္ပါဒါဒိဟေတာဒိပစ္စယဘာဝေန။ အတိတပစ္စုပ္ပန္နာနာဂတဝသေန တယော အဒ္ဓါ ကာလာ တေဿာတိ တိယန္တံ။ ဟေတုဖလ ဖလဟေတု ဟေတုဖလဝသေန တယော သန္တိ တေဿာတိ တိသန္တိ။ သံခိပ္ပန္တိ ဧတ္ထ အဝိဇ္ဇာဒယော ဝိညာဏာဒယော စာတိ သင်္ခေပေါ၊ ကမ္မံ ဝိပါကော စ။ သံခိပ္ပန္တိ ဧတ္တာတိ ဝါ သင်္ခေပေါ၊ အဝိဇ္ဇာဒယော ဝိညာဏာဒယော စ။ ကောဌာသပရိယာယော ဝါ သင်္ခေပ-သဒ္ဓေါ။ အတိတေ ကမ္မသင်္ခေပါဒိဝသေန စတ္တာရော သင်္ခေပါ တေဿာတိ စတုသင်္ခေပံ။ သရူပတော အဝုတ္တာပိ တသ္မိတသ္မိ သင်္ခေပေ အာကိရိယန္တိ အဝိဇ္ဇာသင်္ခါရာဒိဂ္ဂဟဏေဟိ ပကာသီယန္တိတိ အာကာရာ၊ အတိတေ ဟေတုအာဒီနံ ဝါ ပကာရာ အာကာရာ၊ တေ သင်္ခေပေ ပဉ္စ ပဉ္စ ကတွာ ဝိသတိ အာကာရာ တေဿာတိ ဝိသတကာရံ။

ခတ္တိယာဒိဘေဒေန အနေကဘေဒဘိန္နာပိ သဿတဝါဒိနော ဇာတိသတသဟဿာနုဿရဏာဒိနော အဘိနိဝေသဟေတုနော ဝသေန စတ္တာရောဝ

၁-မ ၁-၆၇ ပိဋေ။ ၂-အဘိ ဂ-၁-ပိဋာဒီသု။

ဟောန္တိ၊ န တတော ဥဒ္ဓံ အဓောတိ သဿတဝါဒါဒိနံ ပရိမာဏပရိစ္ဆေဒဿ အနညဝိသယတံ ဒဿေတုံ “**စက္ကာရော ဇနာ**”တိအာဒိမာဟ။ တတ္ထ **စက္ကာရော ဇနာ**တိ စက္ကာရော ဇနသမူဟာ။ **ဣဒံ နိဿာယာ**တိ ဣဒံ ဣဒပ္ပစ္စယတာယ သမ္မာ အဂ္ဂဟဏံ၊ တတ္ထာပိ စ ဟေတုဖလဘာဝေန သမ္ပန္နာနံ သန္တတိသနဿ အဘေဒိတတ္ထာ ပရမတ္ထတော ဝိဇ္ဇမာနဗ္ဗိ ဘေဒနိဗန္ဓနံ နာနတ္တနယံ အနုပဓာရေတွာ ဂဟိတံ ဧကတ္တဂ္ဂဟဏံ နိဿာယ။ **ဣဒံ ဂဏှန္တိ**တိ ဣဒံ သဿတဂ္ဂဟဏံ အဘိနိဝိဿ ဝေါဟရန္တိ၊ ဣမိနာ နယေန ဧကဇ္ဇသသတဝါဒါဒယောပေတ္ထ ယထာသမ္ဘဝံ ယောဇေတွာ ဝတ္ထဗ္ဗာ။ ဘန္တိတွာတိ “အာတပ္ပမန္ဓာယာ”တိအာဒိနာ ဝိဘဇိတွာ “တယိဒံ ဘိက္ခဝေ တထာဂတော ပဇာနာတိ”တိအာဒိနာ ဝိမဒ္ဓိတွာ နိဇ္ဇဋံ နိရုဗ္ဗံ ကတွာ၊ ဒိဋ္ဌိဇဇ္ဇာဝိဇဇ္ဇနေန ဒိဋ္ဌိဂုမ္ဘဝိဝရဏေန စ။

“**တဗ္ဗာ**”တိအာဒိနာ ဗုဒ္ဓဂုဏေ အာရဟ္တ ဒေသနာယ သမုဋ္ဌိတတ္ထာ သဗ္ဗညုတညာဏံ ဥဒ္ဓိသိတွာ ဒေသနာကုသလော ဘဂဝါ သမယန္တရဝိပ္ပါဟဏဝသေန သဗ္ဗညုတညာဏမေဝ ဝိဿဇ္ဇေတိတိ ဒဿေတိ။ “**သန္တိ**”တိ ဣမိနာ တေသံ ဒိဋ္ဌိဂတိကာနံ ဝိဇ္ဇမာနတာယ အဝိစ္စန္ဓတံ၊ တတော စ နေသံ မိစ္ဆာဂါဟတော သီထိလကရဏဝိဝေစနေဟိ အတ္တနော ဒေသနာယ ကိစ္စကာရိဘံ၊ အဝိတထတဉ္စ ဒီပေတိ ဓမ္မရာဇာ။

၂၉။ အတ္ထိတိ “သံဝိဇ္ဇန္တိ”တိ ဣမိနာ သမာနတ္ထော ပုထုဝစနဝိသယော ဧကော နိပါတော “အတ္ထိ ဣမသ္မိ” ကာယေ ဧကသာ”တိအာဒိသု^၁ ဝိယ။ သဿဘာဒိဝသေန ပုဗ္ဗန္တံ ကပ္ပေန္တိတိ **ပုဗ္ဗန္တံ ကပ္ပိကာ**။ ယသ္မာ ပန တေ တံ ပုဗ္ဗန္တံ ပုရိမသိဒ္ဓေဟိ တဏှာဒိဋ္ဌိကပ္ပေဟိ ကပ္ပေတွာ၊ အာသေဝနဗလဝတာယ ဝိစိတ္တဝုတ္တိဘာယ စ ဝိကပ္ပေတွာ အပရဘာဂသိဒ္ဓေဟိ အဘိနိဝေသဘူတေဟိ တဏှာဒိဋ္ဌိဂါဟေဟိ ဂဏှန္တိ အဘိနိဝိသန္တိ ပရာမသန္တိ၊ တသ္မာ ဝုတ္တံ “**ပုဗ္ဗန္တံ ကပ္ပေတွာ ဝိကပ္ပေတွာ ဂဏှန္တိ**”တိ။ တဏှုပါဒါနဝသေန ဝါ ကပ္ပနဂ္ဂဟဏာနိ ဝေဒိတဗ္ဗာနိ။ တဏှာပစ္စယာ ဟိ ဥပါဒါနံ။ **ကောဋ္ဌာသေသု**တိ ဧတ္ထ ကောဋ္ဌာသာဒိသုတိ အတ္ထော ဝေဒိတဗ္ဗော။ ပဒပူရဏသမိပဥမ္မဂ္ဂါဒိသုပိ ဟိ **အန္တ-သဒ္ဓေါ** ဒိဿတိ။ တထာ ဟိ “ဣဃံ တံ သုတ္တန္တေ ဝါ ဂါထာယော ဝါ အဘိဓမ္မံ ဝါ ပရိယာပုဏသု၊ သုတ္တန္တေ ဩကာသံ ကာရာဇေတွာ”တိ^၂ စ အာဒိသု ပဒပူရဏေ အန္တ-သဒ္ဓေါ ဝတ္တတိ၊ ဂါမန္တံ ဩသရေယျ၊ ဂါမန္တသေနာသန”န္တိအာဒိသု

၁-ဒီ ၂-၂၃၁၊ ၁-၇၂၊ ၁-၃၃၂၊ သံ ၂-၃၂၉၊ ၃ ၁-၂-ပိဋေသု။
 ၂-ဒီ ၂-၁၁၉-ပိဋေ။ ၃-ဝိ ၂-၄၆၀-ပိဋေ။ ၄-ဝိ ၁-၂၆၃၊ ၂၆၄၊ ဝိ ၄-၃၅၉-၃၆၀-ပိဋေသု။

သမိပေ၊ “ကာမသုခလ္လိကာနုယောဂေါ ဧကော အန္တော၊ အတ္ထိတိ ခေါ ကစ္စာန အယမေကော အန္တော”တိအာဒိသု ဥဗ္ဗဂ္ဂေတိ။

ကပ္ပ-သဒ္ဓေါ မဟာကပ္ပ သမန္တဘာဝ ကိလေသကာမ ဝိတက္က ကာလပညတ္တိ-
သဒိသဘာဝါဒိသု ဝတ္တတိတိ အာဟ “သမ္ပဟုလေသု အတ္ထေသု ဝတ္တတိ”တိ။ တထာ
ဟေသ “စတ္တာရိမာနံ ဘိက္ခဝေ ကပ္ပဿ အသင်္ချေယျာနံ”တိအာဒိသု၊ မဟာ-
ကပ္ပေ ဝတ္တတိ၊ “ကေဝလကပ္ပံ ဝေဠုပနံ ဩဘာသေတွာ”တိအာဒိသု၊ သမန္တ-
ဘာဝေ၊ “သင်္ကပ္ပေါ ကာမော၊ ရာဂေါ ကာမော၊ သင်္ကပ္ပရာဂေါ ကာမော”တိ-
အာဒိသု၊ ကိလေသကာမေ၊ “တက္ကော ဝိတက္ကော သင်္ကပ္ပေါ”တိအာဒိသု၊
ဝိတက္ကေ၊ “ယေန သုခံ နိစ္စကပ္ပံ ဝိဟရာမီ”တိအာဒိသု၊ ကာလေ၊ “ဣစ္စာယသ္မာ
ကပ္ပေါ”တိအာဒိသု၊ ပညတ္တိယံ၊ “သတ္ထုကပ္ပေန ဝတ ကိရ ဘော သာဝကေန
သဒ္ဓိံ မန္တယမာနာ န ဇာနိမှာ”တိအာဒိသု၊ သဒိသဘာဝေ ဝတ္တတိတိ။ ဖုတ္တဗ္ဗိ
စေတန္တိ မဟာနိဒ္ဒေသံ ဖိ သန္ဓာယာဟ။ တဏှာဒိဋ္ဌိဝသေနာတိ ဒိဋ္ဌိယာ ဥပ-
နိဿယဘူတာယ သဟဇာတာယ အဘိနန္ဒနဘူတာယ စ တဏှာယ၊ သဿ-
တာဒိအာကာရေန အဘိနိဝိသန္တဿ မိစ္ဆာဂါဟဿ စ ဝသေန။ ပုဗ္ဗေနိဝုတ္တ-
ဓမ္မဝိသယာယ ကပ္ပနာယ အဓိပ္ပေတတ္တာ အတိတကာလဝါစကော ဣဓ
ပုဗ္ဗ-သဒ္ဓေါ၊ ရူပါဒိဓန္ဓဝိနိမုတ္တဿ ကပ္ပနာဝတ္ထုနော အဘာဝါ အန္တ-သဒ္ဓေါ
စ ဘာဂဝါစကောတိ အာဟ “အတိတံ ခန္ဓကောဋ္ဌာသ”န္တိ။ “ကပ္ပေတွာ”တိ
စ တသ္မိံ ပုဗ္ဗန္တေ တဏှာယနာဘိနိဝေသာနံ သမတ္တနံ ပရိနိဋ္ဌာပနမာဟ။
ဗြိတဘိ တဿာ လဒ္ဓိယာ အဝိဇ္ဇဟနံ။ အာရဗ္ဘာတိ အာလမ္ဘိတွာ။ ဝိသယော
ဟိ တဿာ ဒိဋ္ဌိယာ ပုဗ္ဗန္တော။ ဝိသယဘာဝတော ဧဝ ဟိ သော တဿာ
အာဂမနဋ္ဌာနံ၊ အာရမ္မဏပစ္စယော စာတိ ဝုတ္တံ “အာဂမ္မ ပဋိစ္စာ”တိ။

အဓိဝစနပဒါနီတိ ပညတ္တိပဒါနိ။ ဒါသာဒိသု သိရိဝေဒကာဒိ-သဒ္ဓေါ ဝိယ
ဝစနမတ္တမေဝ အဓိကာရံ ကတွာ ပဝတ္တိယာ အဓိဝစနံ ပညတ္တိ။ အထ ဝါ
အဓိ-သဒ္ဓေါ ဥပရိဘာဝေ၊ ဝုစ္စတိတိ ဝစနံ၊ ဥပရိ ဝစနံ အဓိဝစနံ၊ ဥပါဒါ-
ဘူတရူပါဒိနံ ဥပရိ ပညာဝိယမာနာ ဥပါဒါပညတ္တိတိ အတ္ထော၊ တသ္မာ
ပညတ္တိဒိပကပဒါနီတိ အတ္ထော ဒဋ္ဌဗ္ဗော။ ပညတ္တိမတ္တဉ္ဇေတံ ဝုစ္စတိ၊ ယဒိဉံ
“အတ္တာ၊ လောကော”တိ စ၊ န ရူပဝေဒနာဒယော ဝိယ ပရမတ္ထော။ အဓိက-
ဝုတ္တိတာယ ဝါ အဓိဝုတ္တိယောတိ ဒိဋ္ဌိယော ဝုစ္စန္တိ။ အဓိကပ္ပိ သဘာဝဓမ္မေသု

၁-သံ ၁-၂၅၀၊ သံ ၂-၁၁၀-ပိဋေသု။	၂-အံ ၁-၄၆၀-ပိဋေ။	၃-သံ ၁-၅၀-ပိဋေ။
၄-ခု ၇-၂၊ ခု ၈-၃၆-ပိဋေသု။	၅-အဘိ ၁-၁၈-ပိဋေ။	၆-မ ၁-၃၁၆-ပိဋေ။
၇-ခု ၁-၄၄၄၊ ခု ၈-၁၅၊ ၁၃၈-ပိဋေသု။	၈-မ ၁-၂၀၅-ပိဋေ။	၉-ခု ၇-၇၄-ပိဋေ။

သဿတောဒိ° ပကတိအာဒိဒဗ္ဗာဒိ° ဇီဝါဒိ° ကာယာဒိဉ္စ အဘူတံ အတ္ထံ
အဇ္ဈာရောပေတွာ ဒိဋ္ဌိယော ပဝတ္တန္တိတိ။

၃၀။ အဘိဝဒန္တိတိ “ဣဒမေဝ သစ္စံ၊ မောဃမည”န္တိ° အဘိနိဝိသိတွာ
ဝဒန္တိ “အယံ ဓမ္မော၊ နာယံ ဓမ္မော”တိအာဒိနာ ဝိဝဒန္တိ။ အဘိဝဒနကိရိ-
ယာယ အဇ္ဇာပိ အဝိစ္ဆေဒဘာဝဒဿနတ္ထံ ဝတ္တမာနကာလဝစနံ။ ဒိဋ္ဌိ ဧဝ
ဒိဋ္ဌိဂတံ “မုတ္တဂတံ၊ သင်္ခါရဂတ”န္တိအာဒိသု° ဝိယ။ ဂန္တဗ္ဗာဘာဝတော ဝါ
ဒိဋ္ဌိယာ ဂတမတ္ထံ၊ ဒိဋ္ဌိယာ ဂဟဏမတ္တန္တိ အတ္ထော။ ဒိဋ္ဌိပ္ပကာရော ဝါ ဒိဋ္ဌိဂတံ။
လောကိယာ ဟိ ဝိဓယုတ္တဂတပကာရ-သဒ္ဓေ သမာနတ္ထေ ဣစ္ဆန္တိ။ ဧကေကသိဉ္စ
“အတ္တာ”တိ၊ “လောကော”တိ စ ဂဟဏဝိသေသံ ဥပါဒါယ ပညာပနံ
ဟောတိတိ အာဟ “ရူပါဒိသု အညတရံ အတ္တာ စ လောကော စာတိ
ဂဟေတွာ”တိ။ အမရံ နိစ္စံ ဗုဒ္ဓန္တိ သဿတဝေဝစနာနိ။ မရဏာဘာဝေန
ဝါ အမရံ၊ ဥပါဒါဘာဝေန သဗ္ဗထာပိ အတ္ထိတာယ နိစ္စံ၊ ထိရဋ္ဌေန ဝိကာရ-
ဘာဝေန ဗုဒ္ဓံ။ “ယထာဟာ”တိအာဒိနာ ယထာဝုတ္တမတ္ထံ နိဒ္ဒေသပဋိသန္တိဒါ-
ပါဠိဟိ ဝိဘာဝေတိ။ အယဉ္စ အတ္ထော “ရူပံ အတ္တတော သမနုပဿတိ၊
ဝေဒနံ၊ သညံ၊ သင်္ခါရေ၊ ဝိညာဏံ အတ္တတော သမနုပဿတိ”တိ ဣမိဿာ ပဉ္စ-
ဝိဓာယ သက္ကာယဒိဋ္ဌိယာ ဝသေနဝုတ္တော။ “ရူပဝန္တံ အတ္တာန”န္တိအာဒိကာယ
ပန ပဉ္စဒသဝိဓာယ သက္ကာယဒိဋ္ဌိယာ ဝသေန စတ္တာရော စတ္တာရော ခန္ဓေ
“အတ္တာ”တိ ဂဟေတွာတဒညံ “လောကော”တိ ပညပေန္တိတိ အယမ္ပိ အတ္ထော
လဗ္ဘတိ။ တထာ ဧကံ ခန္ဓံ “အတ္တာ”တိ ဂဟေတွာတဒညေ အတ္တနော ဥပ-
ဘောဂဘူတော၊ လောကောတိ၊ သသန္တတိပတိတေ ဝါ ခန္ဓေ “အတ္တာ”တိ
ဂဟေတွာတဒညေ “လောကော”တိ ပညပေန္တိတိ ဧဝမေတ္ထ အတ္ထော ဒဋ္ဌဗ္ဗော။
တ္ထောဟ—သဿတော ဝါဒေါ ဧတေသန္တိ ကသ္မာ ဝုတ္တံ၊ နန တေသံ
အတ္တာ လောကော စ သဿတောတိ အဓိပ္ပေတော၊ န ဝါဒေါတိ? သစ္စမေတံ၊
သဿတသဟစရိတတာယ ပန “ဝါဒေါသဿတော”တိဝုတ္တံ ယထာ “ကုန္တာ
ပစရန္တိ”တိ။ သဿတော ဣတိ ဝါဒေါ ဧတေသန္တိ ဝါ ဣတိ-သဒ္ဓလောပေါ
ဒဋ္ဌဗ္ဗော။ အထ ဝါ သဿာံ ဝဒန္တိ “ဣဒမေဝ သစ္စံ”န္တိ အဘိနိဝိသ
ဝေါဟရန္တိတိ သဿတဝါဒါ၊ သဿတဒိဋ္ဌိနောတိ ဧဝမေတ္ထ အတ္ထော
ဒဋ္ဌဗ္ဗော။

၃၁။ အာတာပနံ ဂါလေသာနံ ဝိဗာဓနံ ပဟာနံ။ ပဒဟနံ ကောသဇ္ဇပက္ခေ ပတိတုံ အဒတွာ စိတ္တဿ ဥဿဟနံ။ အနုယောဂေါ ယထာ သမာဓိ ဝိသေသဘာဂိယတံ ပါပုဏာတိ၊ ဧဝံ ဝိရိယဿ ဗဟုလီကရဏံ။ ဣဓ ဥပစာရပ္ပနာ-
စိတ္တပရိဒမနဝိရိယာနံ အဓိပ္ပေတတ္တာ အာဟ “တိပ္ပဘေဒံ ဝိရိယ”န္တိ။ နပ္ပမဇ္ဇတိ
ဘေတနာတိ အပ္ပမာဒေါ၊ အသမ္မောသော။ သမ္မာ ဥပါယေန မနသိ ကရေတိ
ကမ္မဋ္ဌာနံ ဧတေနာတိ သမ္မာမနသိကာရော၊ ဉာဏန္တိ အာဟ “ဝိရိယဉ္စ သတိဉ္စ
ဉာဏဉ္စ”တိ။ ဧတ္တာတိ “အာတပ္ပ။ ပ။ မနသိကာရမန္တာယာ”တိ ဣမသ္မံ
ပါဌေ။ သီလဝိသုဒ္ဓိယာ သဒ္ဓိံ စတုန္တံ ရူပါဝစရဇ္ဈာနာနံ အဓိဂမနပဋိပဒါ
ဝတ္တဗ္ဗာ၊ သာ ပန ဝိသုဒ္ဓိမဂ္ဂေ ဝိတ္ထာရတော ဝုတ္တာတိ အာဟ “သင်္ခေ-
ပတ္တော”တိ။ “တထာဂူပ”န္တိ စုဒ္ဓသဝိဓေဟိ စိတ္တဒမနေဟိ ရူပါဝစရစတုတ္ထဇ္ဈာ-
နဿ ဒမိတတံ ဝဒတိ။

သမာဓာနာဒိအဋ္ဌင်္ဂသမန္တာဂတရူပါဝစရစတုတ္ထဇ္ဈာနဿ ယောဂိနော
သမာဓိဝိဇ္ဇေနဘူတာ လောကီယာဘိညာ ဈာနာနုဘာဝေါ။ “ဈာနာဒိန”န္တိ
ဣဒံ ဈာနလာဘိဿ ဝိသေသေန ဈာနဓမ္မော အာပါယံ အာဂစ္ဆန္တိ၊ တံမုခေန
သေသဓမ္မာတိ ဣမမတ္ထံ သန္တာယ ဝုတ္တံ။ ဇနကဘာဝံ ပဋိက္ခိပတိ။ သတိ ဟိ
ဇနကဘာဝေ ရူပါဒိဓမ္မာနံ ဝိယ၊ သုခါဒိဓမ္မာနံ ဝိယ စ ပစ္စယာယတ္တဝုတ္တိတာယ
ဥပ္ပါဒဝန္တတာ ဝိညာယတိ၊ ဥပ္ပါဒေ စ သတိ အဝဿန္တာဝိ နိရောဓောတိ
အနဝကာသာဝ နိစ္စတာ သိယာတိ။ ဣဋ္ဌဋ္ဌ-သဒ္ဓေါ ဝါ လောကေ အစ္စန္တနိစ္စေ
နိရုဋ္ဌောဒဋ္ဌဗ္ဗော။ “သေဝိကဋ္ဌာယိဒ္ဓိတော”တိ ဧတေန ယထာ သေဝိကာ ဝါတပ္ပ-
ဟာရာဒိဟိ န စလတိ၊ ဧဝံ န ကေနစိ ဝိကာရမာပဇ္ဇတိတိ ဝိကာရာဘာဝမာဟ၊
“ဣဋ္ဌဋ္ဌော”တိ ဣဒိနာ ပန အနိစ္စဘာဘာဝံ။ ဝိကာရောပိ ဝိနာသောယေဝါတိ
အာဟ “ဥဘယေနပိ လောကဿ ဝိနာသာဘာဝံ ဒီပေတိ”တိ။ “ဝိဇ္ဇမာနမေ-
ဝါ”တိ ဧတေန ကာရဏေ ဖလဿ အတ္ထိဘာဝဒဿနေန အဘိဗျတ္တိဝါဒံ
ဒီပေတိ။ နိက္ခမတိတိ စ အဘိဗျတ္တိံ ဂစ္ဆတိတိ အတ္တော။ ကထံ ပန ဝိဇ္ဇ-
မာနောယေဝ ပုဗ္ဗေ အနဘိဗျတ္တော အဘိဗျတ္တိံ ဂစ္ဆတိတိ? ယထာ အန္တကာရေန
ပဋိစ္ဆန္တော ဃဋ္ဌော အာလောကေန အဘိဗျတ္တိံ ဂစ္ဆတိ။

ဣဒမေတ္ထ ဝိစာရေတဗ္ဗံ—ကို ကရောန္တော အာလောကော ဃဋ္ဌံ ပကာ-
သေတိတိ ဝုစ္ဆတိ၊ ယဒိ ဃဋ္ဌဝိသယံ ဗုဒ္ဓိံ ကရောန္တော၊ ဗုဒ္ဓိယာ အနုပ္ပန္နာယ
ဥပ္ပတ္တိဒီပနတော အဘိဗျတ္တိဝါဒေါဟာယတိ။ အထ ဃဋ္ဌဗုဒ္ဓိယာ အာဝရဏဘူတံ
အန္တကာရံ ဝိမေန္တော၊ ဧဝံ အဘိဗျတ္တိဝါဒေါ ဟာယတိယေဝ။ သတိ ဟိ
ဃဋ္ဌဗုဒ္ဓိယာ အန္တကာရော ကထံ တဿာ အာဝရဏံ ဟောတိတိ၊ ယထာ

သဋ္ဌဿ အဘိဗျတ္တိ န ယုဇ္ဇတိ၊ ဧဝံ အတ္တနောပိ။ တတ္ထာပိ ဟိ ယဒိ ဣန္ဒြိယဝိသ-
ယာဒိသန္တိပါတေန အနုပ္ပန္နာယ ဗုဒ္ဓိယာ ဥပ္ပတ္တိ၊ ဥပ္ပတ္တိဝစနေနေဝ အဘိဗျတ္တိဝါဒေါ
ဟာယတိ၊ တထာ သဿတဝါဒေါ။ အထ ဗုဒ္ဓိပ္ပဝတ္တိယာ အာဝရဏဘူတဿ
အန္တကာရဋ္ဌာနိယဿ မောဟဿ ဝိမေနေန။ သတံ ဗုဒ္ဓိယာ ကထံ မောဟော
အာဝရဏန္တိ၊ ကိန္တိ ဘေဒသမ္ပဝတော။ န ဟိ အဘိဗျဉ္ဇနကာနံ စန္ဒသူရိယမဏိ-
ပဒီပါဒိနံ ဘေဒေန အဘိဗျဉ္ဇိတဗ္ဗာနံ သဋ္ဌာဒိနံ ဘေဒေါ ဟောတိ၊ ဟောတိ
စ ဝိသယဘေဒေန ဗုဒ္ဓိဘေဒေါတိ ဘိယျောပိ အဘိဗျတ္တိ န ယုဇ္ဇတိယေဝ၊ န
စေတ္ထ ဝုတ္တိကပ္ပနာယုတ္တာ ဝုတ္တိယာ ဝုတ္တိမတော စ အနညထာနုဇာနနတောတိ။
တေ စ သတ္တာ သန္တာဝန္တိတိ ယေဇ္ဇေ မနုဿဘာဝေန အဝဋ္ဌိတာ၊ တေယေဝ
ဒေဝဘာဝါဒံ ဥပဂမနေန ဣတော အညတ္ထ ဂစ္ဆန္တိ၊ အညထာ ကတဿ ကမ္မဿ
ဝိနာသော၊ အကတဿ စ အဟ္တာဂမော အာပဇ္ဇေယျာတိ အဓိပ္ပါယော။

အပရာပရန္တိ အပရသွာ ဘဝါ အပရံ ဘဝံ။ **ဧဝံ သင်္ချံ ဂစ္ဆန္တိ**တိ
အတ္တနော နိစ္စသဘာဝတ္တာ န စုတူပပတ္တိယော၊ သဗ္ဗဗျာပိတာယ နာပိ သန္တာ-
ဝနသံသရဏာနိ၊ ဓမ္မာနံယေဝ ပန ပဝတ္တိဝိသေသေန ဧဝံ သင်္ချံ ဂစ္ဆန္တိ၊
ဧဝံ ဝေါဟရိယန္တိတိ အဓိပ္ပါယော။ ဧတေန အဝဋ္ဌိတသဘာဝဿ အတ္တနော၊
ဓမ္မိနော စ ဓမ္မမတ္တံ ဥပ္ပဇ္ဇတိ စေဝ ဝိနဿတိ စာတိ ဣမံ ဝိပရိဏာမဝါဒံ
ဒဿတိ။ ယံ ပနေတ္ထ ဝတ္တဗ္ဗံ၊ တံ ပရတော ဝက္ခာမ။ **အတ္တနော ဝါဒံ ဘိန္ဒုတိ**တိ
သန္တာဝနာဒိဝစနသိဒ္ဓါယ အနိစ္စတာယ ပုဗ္ဗေ ပဋိညာတံ သဿတဝါဒံ ဘိန္ဒုတိ၊
ဝိဒ္ဓိသေတိတိ အတ္ထော။ **သဿတိသမန္တိ** ဝါ တေဿ သဿတံ ထာဝရံ နိစ္စ-
ကာလန္တိ အတ္ထော ဒဋ္ဌဗ္ဗော။

ဟေတု ဒဿန္တောတိ ယေသံ “သဿတော”တိ အတ္တာနဉ္စ လောကဉ္စ
ပညပေကိ အယံ ဒိဋ္ဌိဂတိကော၊ တေသံ ဟေတု ဒဿန္တောတိ အတ္ထော။ န
ဟိ အတ္တနော ဒိဋ္ဌိယာ ပစ္စက္ခကတမတ္တံ အတ္တနောယေဝ သာဓေတိ၊ အတ္တနော
ပန ပစ္စက္ခကတေန အတ္ထေန အတ္တနော အပ္ပစ္စက္ခဘူတမ္ပိ အတ္တံ သာဓေတိ။
အတ္တနာ ဟိ ယထာနိစ္စိတံ ပရေဟိ ဝိညာပေတိ၊ န အနိစ္စိတံ။ “**ဟေတု
ဒဿန္တော**”တိ ဧတ္ထ ဣဒံ ဟေတုဒဿနံ—ဧတေသု အနေကေသု ဇာတိ-
သတသဟဿေသု ဧကောဝါယံ မေ အတ္တာ၊ လောကော စ အနုဿရဏ-
သဟ္တာဝတော။ ယော ဟိ ယမတ္တံ အနုဘဝတိ၊ သော ဧဝံ တံ အနုဿရတိ၊
န အညော။ န ဟိ အညေန အနုဘူတမတ္တံ အညော အနုဿရိတုံ သက္ကောတိ
ယထာ တံ ဗုဒ္ဓရက္ခိတေန အနုဘူတံ ဓမ္မရက္ခိတော။ ယထာ စေတောသု၊
ဧဝံ ဣတော ပုရိမတရာသုပိ ဇာတိသုတိ။ ကသ္မာ သဿတော မေ အတ္တာ စ

လောကော စ။ ယထာ စ မေ၊ ဧဝံ အညေသမ္ပိ သတ္တာနံ သဿတော အတ္တာ စ
 လောကော စာတိ? သဿတဝယေန ဒိဋ္ဌိဂဟနံ ပက္ခန္ဓော ဒိဋ္ဌိဂတိကော ပရေပိ
 တတ္ထ ပတိဋ္ဌပေတိ၊ ပါဠိယံ ပန “အနေကဝိဟိတာနိ အဓိဝုတ္တိပဒါနိ အဘိ-
 ဝဒန္တိ။ သော ဧဝမာဟာ”တိ စ ဝစနတော ပရာနမာနဝသေန ဣမ ဟေတု-
 ဒဿနံ အဓိပ္ပေတန္တိ ဝိညာယတိ။ ကာရဏန္တိ တိဝိဓံ ကာရဏံ သမ္မာပကံ
 နိဗ္ဗတ္တကံ ဉာပကန္တိ။ တတ္ထ အရိယမဂ္ဂေါ နိဗ္ဗာနဿ သမ္မာပကံ ကာရဏံ၊ ဗီဇီ
 အင်္ဂုရဿ နိဗ္ဗတ္တကံ ကာရဏံ၊ ပစ္စယုပ္ပန္နတာဒယော အနိစ္စတာဒီနံ ဉာပကံ
 ကာရဏံ၊ ဣဓာပိ ဉာပကကာရဏမေဝ အဓိပ္ပေတံ။ ဉာပကော ဟိ ဉာပေ-
 တဗ္ဗတ္တဝိသယဿ ဉာဏဿ ဟေတုဘာဝတော ကာရဏန္တိ။ တဒါယတ္တဝုတ္တိ-
 တာယ တံ ဉာဏံ တိဋ္ဌတိ တတ္ထာတိ “ဌာန”န္တိ၊ ဝသတိ တတ္ထ ပဝတ္တတိတိ
 “ဝတ္ထ”တိ စ ဝုစ္စတိ။ တထာ ဟိ ဘဂဝတာ ဝတ္ထု-သဒ္ဓေန ဥဒ္ဓိသိတွာပိ
 ဌာနသဒ္ဓေန နိဒ္ဓိဋ္ဌန္တိ။

၃၂-၃၃။ ဒုတိယတတိယဝါဒါနံ ပဌမဝါဒတော နတ္ထိ ဝိသေသော
 ဌပေတွာ ကာလဝိသေသန္တိ အာဟ “ဥပရိ ဝါဒဒွယေပိ သေဝ နယော”တိ။
 ယဒိ ဧဝံ ကသ္မာ သဿတဝါဒေါ စတုဓာ ဝိဘက္ခော၊ နနု အဓိစ္စသမုပ္ပန္နိက-
 ဝါဒေါ ဝိယ ဒုဝိဓေန ဝိဘဇိတဗ္ဗော သိယာတိ အာဟ “မန္တပညော ဟိ
 တိတ္ထိယော”တိအာဒိ။

၃၄။ တက္ကယတိတိ ဦဟယတိ၊ သဿတာဒိအာကာရေန တသ္မိံ တသ္မိံ
 အာရမ္မဏေ စိတ္တံ အဘိနိရောပေတိတိ အတ္ထော။ တက္ကောတိ အာကောဋန-
 လက္ခဏော ဝိနိစ္ဆယလက္ခဏော ဝါ ဒိဋ္ဌိဌာနဘူတော ဝိဘက္ခော။ ဝိမံသာ
 နာမ ဝိစာရဏာ၊ သာ ပနေတ္ထ အတ္ထတော ပညာပတိရူပကော လောဘ-
 သဟဂတစိတ္တုပ္ပါဒေါ၊ မိစ္ဆာဘိနိဝေသော ဝါ အယောနိသောမနသိကာရော၊
 ပုဗ္ဗဘာဂေ ဝါ ဒိဋ္ဌိဝိပ္ပန္နိတန္တိ ဒဋ္ဌဗ္ဗာ။ တေနေဝါဟ “တုလနာ ရုစ္စနာ
 ခမနာ”တိ။ ပရိယာဟနနံ ဝိတက္ကဿ အာရမ္မဏဦဟနမေဝါတိ အာဟ
 “တေန တေန ပကာရေန တက္ကောတွာ”တိ။ အနုဝိစရိတန္တိ ဝိမံသာယ
 အနုပဝတ္တိတံ၊ ဝိမံသာနဂတေန ဝါ ဝိစာရေန အနုမဇ္ဈိတံ။ ပဋိ ပဋိ ဘာတိတိ
 ပဋိဘာနံ၊ ယထာသမိဟိတာကာရဝိသေသဝိဘာဝကော စိတ္တုပ္ပါဒေါ။ ပဋိ-
 ဘာနတော ဇာတံ ပဋိဘာနံ၊ သယံ အတ္တနော ပဋိဘာနံ သယံပဋိဘာနံ။
 တေနေဝါဟ “အတ္တနော ပဋိဘာနမတ္တသဉ္ဇာတ”န္တိ။ မတ္တ-သဒ္ဓေန ဝိသေ-
 သာဓိဂမာဒယော နိဝတ္တေတိ။

“အနာဂတေပိ ဧဝံ ဘဝိဿတိ”တိ ဣဒံ န ဣဓာမိပ္ပေတတက္ကိဝသေနေဝ ဝုတ္တံ၊ လာဘီတက္ကိနော ဧဝမ္ပိ သမ္ဘဝတီတိ သမ္ဘဝဒဿနဝသေန ဝုတ္တန္တိ ဒဠဗ္ဗံ။ ယံ ကိဉ္စိ အတ္တနာ ပဋိလဒ္ဓိံ ရူပါဒိ သုခါဒိ စ ဣဓ လမ္ဘတီတိ လာဘော၊ န ဈာနာဒိဝိသေသော။ “ဧဝံ သတိ ဣဒံ ဟောတိ”တိ အနိစ္စေသု ဘာဝေသု အညော ကရေတိ၊ အညော ပဋိသံဝေဒေတီတိ အာပဇ္ဇတိ၊ တထာ စ သတိ ကတဿ ဝိနာသော၊ အကတဿ စ အဟ္တာဂမော သိယာ။ နိစ္စေသု ပန ဘာဝေသု ယော ကရေတိ၊ သော ပဋိသံဝေဒေတီတိ န ဒေါသော အာပဇ္ဇတီတိ တက္ကိကဿ ယုတ္တိဂဝေသနာကာရံ ဒဿေတိ။

တက္ကမတ္တေနောတိ အာဂမာမိဂမာဒိနံ အနုဿဝါဒီနဉ္စ အဘာဝါ သုဒ္ဓ-
တက္ကေနော။ နနု စ ဝိသေသလာဘီနောပိ သဿတဝါဒီနော အတ္တနော
ဝိသေသာမိဂမဟေတု အနေကေသု ဇာတိသတသဟဿေသု ဒသသု သံဝဇ္ဇ-
ဝိဝဇ္ဇေသု စတ္တာလီသာယ သံဝဇ္ဇဝိဝဇ္ဇေသု ယထာနဘူတံ အတ္တနော သန္တာနံ
တပ္ပုပ္ပါဒဉ္စ “အတ္တာ၊ လောကော”တိ စ အနုဿရိတွာ တတော ပုရိမပုရိမတရာ-
သုပိ ဇာတိသု တထာဘူတဿ အတ္တိတာနုပိတက္ကနမုခေန သဗ္ဗေသမ္ပိ သတ္တာနံ
တထာဘာဝါနုပိတက္ကနဝသေနေဝ သဿတဘိနိဝေသိနော ဇာတာ၊ ဧဝဉ္စ
သတိ သဗ္ဗေပိ သဿတဝါဒီ အနုဿတိဇာတိဿရတက္ကိကာ ဝိယ အတ္တနော
ဥပလဒ္ဓဝတ္ထုနိဗန္ဓနေန တက္ကနေန ပဝတ္တဝါဒတ္တာ တက္ကိပက္ခေယေဝ တိဋ္ဌေယျ၊
အဝဿဉ္စ ဝုတ္တပ္ပကာရံ တက္ကနမိစ္ဆိတဗ္ဗံ၊ အညထာ ဝိသေသလာဘီ သဿတ-
ဝါဒီ ဧကစ္စသဿတိကပက္ခံ၊ အဓိစ္စသမုပ္ပန္နိကပက္ခံ ဝါ ဘဇေယျာတိ? န ခေါ
ပနေတံ ဧဝံ ဒဠဗ္ဗံ၊ ယသ္မာ ဝိသေသလာဘီနံ ခန္ဓသန္တာနဿ ဒီဃဒီဃတရ-
ဒီဃတမကာလာနုဿရဏံ သဿတဂ္ဂါဟဿ အသာဓာရဏကာရဏံ။ တထာ
ဟိ “အနေကဝိဟိတံ ပုဗ္ဗေနိဝါသံ အနုဿရာမိ။ ဣမိနာမဟံ ဧတံ ဇာနာမီ”တိ
အနုဿရဏမေဝ ပဓာနကာရဏဘာဝေန ဒဿိတံ။ ယံ ပန တဿ “ဣမိနာ-
မဟံ ဧတံ ဇာနာမီ”တိ ပဝတ္တံ တက္ကနံ၊ န တံ ဣဓ ပဓာနံ အနုဿရဏံ
ပတိ တဿ အပ္ပဓာနဘူတတ္တာ။ ယဒိ ဧဝံ အနုဿဝါဒီနမ္ပိ ပဓာနဘာဝေါ
အာပဇ္ဇတီတိ စေ? န၊ တေသံ သမ္ဘိကိရိယာယ အဘာဝေန တက္ကပဓာနတ္တာ၊
ပဓာနကာရဏေန စ နိဗ္ဗေသော နိရုဠော သာသနေ လောကေ စ ယထာ
“စက္ခုဝိညာဏံ၊ ယဝကံရော”တိ စ။

အထ ဝါ ဝိသေသာမိဂမနိဗန္ဓနရဟိတဿ တက္ကနဿ ဝိသုံ သဿတဂ္ဂါဟေ
ကာရဏဘာဝဒဿနတ္ထံ ဝိသေသာမိဂမော ဝိသုံ သဿတဂ္ဂါဟကာရဏံ

ဝတ္ထုဗ္ဗော၊ သော စ မန္တမဇ္ဈတိက္ခပညာဝသေန တိဝိဓောတိ ဘဂဝတာ သဗ္ဗတက္ကိ-
 နော တက္ကိဘာဝသာမညေန ဧကန္တံ ဂဟေတွာ စတုဓာ ဝဝတ္ထာပိတော
 သဿတဝါဒေါ။ ယဒိပိ အနုဿဝါဒိဝသေန တက္ကိကာနံ ဝိယ^၁ မန္တပညာဒိနမ္ပိ
 ဟိနာဒိဝသေန အနေကဘောဒသမ္ဘာဝတောဝိသေသလာဘိနမ္ပိ ဗဟုဓာဘောဒေါ
 သမ္ဘဝတိ၊ သဗ္ဗေ ပန ဝိသေသလာဘိနော မန္တပညာဒိဝသေန တယော ရာသီ
 ကတွာ တတ္ထ ဥက္ကဋ္ဌဝသေန အနေကဇာတိသတသဟဿဒသသံဝဋ္ဋဝိဝဋ္ဋ-
 စတ္တာရိသသံဝဋ္ဋဝိဝဋ္ဋာနုဿရဏေန အယံ ဝိဘာဂေါ ဝုတ္တော။ တီသုပိ
 ရာသီသု ယေ ဟိနမဇ္ဈပညာ၊ တေ ဝုတ္တပရိစ္ဆေဒတော ဥိနကမေဝ အနု-
 သရန္တိ။ ယေ ပန တတ္ထ ဥက္ကဋ္ဌပညာ၊ တေ ဝုတ္တပရိစ္ဆေဒံ အတိက္ကမိတွာ
 နာနုဿရန္တိတိ ဧဝံ ပနာယံ ဒေသနာ။ တသ္မာ အညတရဘောဒသင်္ဂဟဝသေနဝ
 ဘဂဝတာ စတ္တာရိဋ္ဌာနာနိ ဝိဘက္ခာနိတိ ဝဝတ္ထိတာ သဿတဝါဒိနံ
 စတုဗ္ဗိတော။ န ဟိ ဣဓ သာဝသေသံ ဓမ္မံ ဒေသေတိ ဓမ္မရာဇာ။

၃၅။ “အညတရေနာ”တိ ဧတဿ အတ္ထံ ဒေသေတုံ “ဧကေနာ”တိ ဝုတ္တံ။
 ဝါ-သဒ္ဓဿ ပန အနိယမတ္ထတံ ဒေသေတုံ “ဒွိဟိ ဝါ တိဟိ ဝါ”တိ ဝုတ္တံ။
 တေန စတုသု ဌာနေသု ယထာရဟံ ဧကန္တံ ဧကစ္စဿ ပညာပနေ သဟကာရိ-
 ကာရဏန္တိ ဒေသေတိ။ ကိ^၂ ပနေတာနိ ဝတ္ထုနိ အဘိနိဝေသဿ ဟေတု၊ ဥဒါဟု
 ပတိဋ္ဌာပနဿ။ ကိဉ္ဇေတ္ထ ယဒိ တာဝ အဘိနိဝေသဿ၊ ကသ္မာ အနုဿရဏ-
 တက္ကနာနိယေဝ ဂဟိတာနိ၊ န သညာဝိပလ္လာသာဒယော။ တထာဟိ
 ဝိပရိတသညာ အယောနိသောမနသိကာရအသပ္ပုရိသုပနိဿယအသဒ္ဓမ္မဿ-
 ဝနာဒိနိ မိစ္ဆာဒိဋ္ဌိယာ ပဝတ္တနဋ္ဌာနာနိ။ အထ ပတိဋ္ဌာပနဿ အဓိဂမယုတ္တိယော
 ဝိယ အာဂမောပိ ဝတ္ထုဘာဝေန ဝတ္ထုဗ္ဗော၊ ဥဘယတ္ထာပိ “နတ္ထိ ဣတော
 ဗဟိဒ္ဓါ”တိ ဝစနံ န ယုဇ္ဇတိတိ? န။ ကသ္မာ? အဘိနိဝေသပက္ခေ တာဝ အယံ
 ဒိဋ္ဌိဂတိကော အသပ္ပုရိသုပနိဿယအသဒ္ဓမ္မဿဝနေဟိ အယောနိသော
 ဥမ္ပုဇ္ဈိတွာ ဝိပလ္လာသသညော ရူပါဒိဓမ္မာနံ ခဏေ ခဏေ ဘိဇ္ဇနသဘာဝဿ
 အနဝဓောဓတော ဓမ္မယုတ္တိ^၃ အတိဓာဝန္တော ဧကတ္တနယံ မိစ္ဆာ ဂဟေတွာ
 ယထာဝုတ္တာနုဿရဏတက္ကေဟိ ခန္ဓေသု “သဿတော အတ္တာ စ လောကော
 စာ”တိ၊ အဘိနိဝေသံ ဇနေသိ။ ဣတိ အာသန္နကာရဏတ္တာ၊ ပဓာန-
 ကာရဏတ္တာ၊ တဂ္ဂဟဏေနေဝ စ ဣတရေသမ္ပိ ဂဟိတတ္တာ အနုဿရဏ-
 တက္ကနာနိယေဝ ဣဓ ဂဟိတာနိ။ ပတိဋ္ဌာပနပက္ခေ ပန အာဂမောပိ ယုတ္တိ-
 ပက္ခေယေဝ ဌိတော ဝိသေသတော ဗာဟိရကာနံ တက္ကဂါဟိဘာဝတောတိ

အနုဿရဏတက္ကနာနိယေဝ ဒိဋ္ဌိယာ ဝတ္ထုဘာဝေန ဂဟိတာနိ။ ကိဉ္စ
 ဘိယျော ဒုဝိဓံ လက္ခဏံ ပရမတ္ထဓမ္မာနံ သဘာဝလက္ခဏံ သာမညလက္ခဏန္တာတိ။
 တတ္ထ သဘာဝလက္ခဏာဝဓောဓော ပစ္စက္ခဉာဏံ၊ သာမညလက္ခဏာဝဓောဓော
 အနုမာနဉာဏံ၊ အာဂမော စ သုတမယာယ ပညာယ သာဓနတော အနုမာန-
 ဉာဏမေဝ အာဝဟတိ၊ သုတာနံ ပန ဓမ္မာနံ အာကာရပရိဝိတက္ကနေန နိဇ္ဈာ-
 နက္ခန္တိယံ ဌိတော စိန္တာမယံ ပညံ နိဗ္ဗတ္တေတွာ အနုက္ကမေန ဘာဝနာယ
 ပစ္စက္ခဉာဏံ အဓိဂစ္ဆတိတိ ဧဝံ အာဂမောပိ တက္ကဝိသယံ နာတိက္ကမတိတိ
 တဂ္ဂဟဏေန ဂဟိတောဝါတိ ဝေဒိတဗျော။ သော အဋ္ဌကထာယံ အနုဿုတိ-
 တက္ကဂ္ဂဟဏေန ဝိဘာဝိတောတိ ယုတ္တမေဝိဒံ “နတ္ထိ ဣတော ဗဟိဒ္ဓါ”တိ။
 “အနေကဝိဟိတာနိ အဓိဝုတ္တိပဒါနိ အဘိဝဒန္တိ၊ သဿတံ အတ္တာနဉ္စ လောကဉ္စ
 ပညပေန္တိ”တိ^၁ စ ဝစနတော ပတိဋ္ဌာပနဝတ္ထု^၂နိ ဣဓာမိပ္ပေတာနီတိ ဒဋ္ဌဗ္ဗံ။

၃၆။ ဒိဋ္ဌိယေဝ ဒိဋ္ဌိဋ္ဌာနံ ပရမဝဇ္ဇတာယ အနေကဝိဟိတာနံ အနတ္တာနံ
 ဟေတုဘာဝတော။ ယထာဟ “မိစ္ဆာဒိဋ္ဌိပရမာဟံ ဘိက္ခဝေ ဝဇ္ဇံ ဝဒါမိ”တိ^၁။
 “ယထာဟာ”တိအာဒိနာ ပဋိသန္တိဒါပါဋိဋ္ဌိယာ^၂ ဒိဋ္ဌိယာဋ္ဌာနဝိဘာဝံ ဒဿေတိ။
 တတ္ထ ခန္ဓာပိ ဒိဋ္ဌိဋ္ဌာနံ အာရမ္မဏဋ္ဌေန “ရူပံ အတ္တတော သမနုပဿတိ”တိ-
 အာဒိ^၃ဝစနတော။ အဝိဇ္ဇာပိ ဒိဋ္ဌိဋ္ဌာနံ ဥပနိဿယာဒိဘာဝေန ပဝတ္တနတော။
 ယထာဟ “အဿုတဝါ ဘိက္ခဝေ ပုထုဇ္ဇေနော အရိယာနံ အဒဿာပိ အရိယ-
 ဓမ္မဿ အကောဝိဒေါ”တိအာဒိ^၄။ ဖဿောပိ ဒိဋ္ဌိဋ္ဌာနံ။ ယထာ စာဟ “တဒပိ
 ဖဿပစ္စယာဇ္ဇံ၊ ဖုဿ ဖုဿ ပဋိသံဝေဒေန္တိ”တိ^၅ စ။ သညာပိ ဒိဋ္ဌိဋ္ဌာနံ။
 ဝုတ္တဇ္ဇေတံ “သညာနိဒါနာ ဟိ ပပဉ္စသင်္ခါ”^၆၊ ပထဝိတော သညတွာ”တိ^၇ စ
 အာဒိ။ ဝိတက္ကောပိ ဒိဋ္ဌိဋ္ဌာနံ။ ဝုတ္တမ္ပိ စေတံ “တက္ကဉ္စ ဒိဋ္ဌိသု ပကပ္ပယိတွာ၊
 သစ္စံ မုဿာတိ ဒွယဓမ္မမာဟူ”တိ^၈၊ “တက္ကီ ဟောတိ ဝိမံသိ”တိ^၉ စ အာဒိ။
 အယောနိသောမနံသိကာရောပိ ဒိဋ္ဌိဋ္ဌာနံ။ တေနာဟ ဘဂဝါ “တဿ ဧဝံ
 အယောနိသော မနသိ ကရေတော ဆန္တံ ဒိဋ္ဌိနံ အညတရာ ဒိဋ္ဌိ ဥပ္ပဇ္ဇတိ။
 ‘အတ္ထိ မေ အတ္တာ’တိ ဝါ အဿ သစ္စတော ထေတတော ဒိဋ္ဌိ ဥပ္ပဇ္ဇတိ”တိ-
 အာဒိ^{၁၀}။ သမုဋ္ဌာတိ ဧတေနာတိ သမုဋ္ဌာနံ၊ သမုဋ္ဌာနဘာဝေါ သမုဋ္ဌာနဋ္ဌော။
 ပဝတ္တိတာတိ ပရသန္တာနေသု ဥပ္ပါဒိတာ။ ပရိနိဋ္ဌာပိတာတိ အဘိနိဝေသဿ

၁-ဒီ ၁-၁၂-ပိဋ္ဌေ။	၂-အံ ၁-၃၅-ပိဋ္ဌေ။	၃-ဒ ၉-၁၃၂-ပိဋ္ဌေ။
၄-သံ ၂-၇၉၊ ၈၀၊ ၈၁၊ ၄၇၈-ပိဋ္ဌေသု။	၅-မ ၁-၁၊ ၃၊ ၉-၁၃၇-ပိဋ္ဌေသု။	၆-ဒီ ၁-၃၈-ပိဋ္ဌေ။
၇-ဒီ ၁-၄၁-ပိဋ္ဌေ။	၈-ဒ ၁-၄၁၄၊ ၃၇၂-၂၁၆၊ ၂၁၇-ပိဋ္ဌေသု။	၉-မ ၁-၁-ပိဋ္ဌေ။
၁၀-ဒ ၁-၄၁၆-ပိဋ္ဌေ။	၁၁-ဒီ ၁-၁၅-ပိဋ္ဌေ။	၁၂-မ ၁-၁၀-ပိဋ္ဌေ။

ပရိယောသာနံ မတ္ထကံ ပါပိတာတိ အတ္ထော။ “အာရမ္မဏဝသေနာ”တိ အဋ္ဌသု
ဒိဋ္ဌိဋ္ဌာနေသု ခန္ဓေ သန္တာယာဟ။ ပဝတ္တနဝသေနာတိ အဝိဇ္ဇာဒယော။
အာသေဝနဝသေနာတိ ပါပမိတ္တပရတောသောသာဒီနမ္ပိ သေဝနံ လဗ္ဘတိ-
ယေဝ။ အထ ဝါ ဧဝံဂတိကာတိ ဧဝံဂမနာ၊ ဧဝံနိဋ္ဌာတိ အတ္ထော။ ဣဒံ ဝုတ္တံ
ဟောတိ—ဣမေ ဒိဋ္ဌိသင်္ခါတာ ဒိဋ္ဌိဋ္ဌာနာ ဧဝံ ပရမတ္ထတော အသန္တံ အတ္တာနံ
သဿတဘာဝဉ္ဇဿ အဇ္ဈာရောပေတွာ ဂဟိတာ၊ ပရာမဋ္ဌာ စ ဗာလလပနာ
ယာဝ ပဏှိတာ န သမနုယုဉ္ဇန္တိ၊ တာဝ ဂစ္ဆန္တိ ပဝတ္တန္တိ။ ပဏှိတေဟိ သမနု-
ယုဉ္ဇိယမာနာ ပန အနဝဋ္ဌိတဝတ္ထုကာ အဝိမဒ္ဒက္ခမာ သူရိယုဂ္ဂမနေ ဥဿာဝ-
မိန္ဒူ ဝိယ ခဇ္ဇောပနကာ ဝိယ စ ဘိဇ္ဇန္တိ ဝိနဿန္တိ စာတိ။

တတ္ထာယံ အနုယုဉ္ဇနေ သင်္ခေပကထာ— ယဒိ ဟိ ပရေန ပရိကပ္ပိတော
အတ္တာ လောကော ဝါ သဿတော သိယာ၊ တဿ နိဗ္ဗိကာရတာယ ပုရိမ-
ရူပါဝိဇ္ဇဟနတော ကဿစိ ဝိသေသာဓာနဿ ကာတုံ အသက္ကုဏေယျတာယ
အဟိတတော နိဝတ္တနတ္ထံ၊ ဟိတေ စ ပဋိပတ္တိအတ္ထံ ဥပဒေသော ဧဝ
နိပ္ပယောဇနေ သိယာ သဿတဝါဒိနေ၊ ကထံ ဝါ သော ဥပဒေသော
ပဝတ္တိယတိ ဝိကာရာဘာဝတော၊ ဧဝဉ္စ အတ္တနေ အဇ္ဈာကာသဿ ဝိယ
ဒါနာဒိကိရိယာ ဟိံသာဒိကိရိယာ စ န သမ္ဘဝတိ။ တထာ သုခဿ ဒုက္ခဿ
အနာဘဝနနိဗန္ဓော ဧဝ သဿတဝါဒိနေ န ယုဇ္ဇတိ ကမ္မဗဒ္ဓါဘာဝတော၊
ဇာတိအာဒိနဉ္စ အသမ္ဘဝတော ကုတော ဝိမောက္ခော၊ အထ ပန ဓမ္မမတ္တံ
တဿ ဥပ္ပဇ္ဇတိ စေဝ ဝိနဿတိ စ၊ ယဿ ဝသေနာယံ ကိရိယာဒိဝေါဟာရေတိ
ဝဒေယျ၊ ဧဝမ္ပိ ပုရိမရူပါဝိဇ္ဇာနေ အဝဋ္ဌိတဿ အတ္တနေ ဓမ္မမတ္တန္တိ န
သက္ကာ သမ္ဘာဝေတုံ၊ တေ ဝါ ပနဿ ဓမ္မာ အဝတ္ထာဘူတာ အညေ ဝါ သိယုံ
အနညေ ဝါ။ ယဒိ အညေ၊ န တာဟိ တဿ ဥပ္ပန္နာဟိဝိ ကောစိ ဝိသေသော
အတ္ထိ။ ယာဟိ ကရေတိ ပဋိသံဝေဒေတိ စဝတိ ဥပပဇ္ဇတိ စာတိ ဣန္ဒြိယံ၊
တသ္မာ တဒဝတ္ထော ဧဝ ယထာဝုတ္တဒေါသော။ ကိဉ္စ ဓမ္မကပ္ပနာပိ နိရတ္ထိကာ
သိယာ၊ အထာနညေ ဥပ္ပါဒဝိနာသဝန္တိဟိ အဝတ္ထာဟိ အနညဿ အတ္တနေ
တာသံ ဝိယ ဥပ္ပါဒဝိနာသသမ္ဘာဝတော ကုတော နိစ္စတာဝကာသော၊ တာသမ္ပိ
ဝါ အတ္တနေ ဝိယ နိစ္စတာတိ ဗန္ဓဝိမောက္ခာနံ အသမ္ဘဝေါ ဧဝိတိ န ယုဇ္ဇတိ-
ယေဝ သဿတဝါဒေါ။ န စေတ္ထ ကောစိ ဝါဒိ ဓမ္မာနံ သဿတဘာဝေ ပရိသုဒ္ဓံ
ယုတ္တိံ ဝတ္ထု သမတ္ထော၊ ယုတ္တိရဟိတဉ္စ ဝစနံ န ပဏှိတာနံ စိတ္တံ အာရာဓေတိတိ။
တေန ဝုတ္တံ “ယာဝ ပဏှိတာ န သမနုယုဉ္ဇန္တိ၊ တာဝ ဂစ္ဆန္တိ ပဝတ္တန္တိ”တိ။ ကမ္မ-
ဝသေန အဘိမုခေါ သမ္ပရေတိ ဧတ္ထာတိ အဘိသပ္ပဏှယော၊ ပရောလောကော။

“သဗ္ဗညုတညာဏဉ္စာ”တိ ဣဒံ ဣဓ သဗ္ဗညုတညာဏဿ ဝိဘဇိယမာနတ္တာ ဝုတ္တံ၊ တသ္မိံ ဝါ ဝုတ္တေ တဒဓိဋ္ဌာနတော အာသဝက္ခယဉာဏံ၊ တဒဝိနာဘာဝ-
 တော သဗ္ဗမ္ပိ ဝါ ဘဂဝတော ဒဿဗလာဒိဉာဏံ ဂဟိတမေဝ ဟောတီတိ
 ကတွာ။ ပဇာနန္တောဒီတိ ဝိ-သဒ္ဓေါ သမ္ဘာဝနေ၊ တေန “တဉ္စာ”တိ ဧတ္ထ ဝုတ္တံ
 စ-သဒ္ဓတ္ထမာဟ။ ဣဒံ ဝုတ္တံ ဟောတိ— တံ ဒိဋ္ဌိဂတတော ဥတ္တရိတရံ သာရ-
 ဘူတံ သီလာဒိဂုဏဝိသေသမ္ပိ တထာဂတော နာဘိနိဝိသတိ၊ ကော ပန
 ဝါဒေါ ဝဇ္ဇာမိသေတိ။ “အဟ”န္တိ ဒိဋ္ဌိဝသေန ဝါ တံပရာမသနာကာရမာဟ။
 ပဇာနာဒီတိ ဧတ္ထ ဣတိ-သဒ္ဓေါပကာရတ္ထော၊ တေန “မမ”န္တိ တဏှာဝသေန
 ပရာမသနာကာရံ ဒေသေတိ။ ဓမ္မသဘာဝံ အတိတ္တမိတွာ ပရတော အာမသနံ
 ပရာမာသော။ န ဟိ တံ အတ္ထိ၊ ခန္ဓေသု ယံ “အဟ”န္တိ ဝါ “မမ”န္တိ ဝါ
 ဂဟေတဗ္ဗံ သိယာ။ ယော ပန ပရာမာသော တဏှာဒယောဝ၊ တေ စ
 ဘဂဝတော ဗောဓိမူလေယေဝ ပဟိနာတိ အာဟ “ပရာမာသကီလေသာ-
 န”န္တိအာဒိ။ အပရာမာသတောတိ ဝါ နိဗ္ဗုတိဝေဒနဿ ဟေတုဝစနံ၊
 “ဝိဒိတာ”တိ ဣဒံ ပဒံ အပေက္ခိတွာ ကတ္တရိ သာမိဝစနံ၊ အပရာမသနဟေတု
 ပရာမာသရဟိတာယ ပဋိပတ္တိယာ တထာဂတေန သယမေဝ အသင်္ခတဓာတု
 အဓိဂတာတိ ဧဝံ ဝါ ဧတ္ထ အတ္ထော ဒဋ္ဌဗ္ဗော။

“ယာသု ဝေဒနာသု”တိအာဒိနာ ဘဂဝတော ဒေသနာဝိလာသံ ဒေသေတိ။
 တထာ ဟိ ခန္ဓာယတနာဒိဝသေန အနေကဝိဓာသု စတုသစ္စဒေသနာသု
 သမ္ဘဝန္တိသုပိ အယံ တထာဂတာနံ ဒေသနာသု ပဋိပတ္တိ၊ ယံ ဒိဋ္ဌိဂတိကာ မိစ္ဆာ
 ပဋိပတ္တိယာ ဒိဋ္ဌိဂဟနံ ပက္ခန္ဓာတိ ဒဿနတ္ထံ ဝေဒနာယေဝ ပရိညာယ ဘူမိ-
 ဒဿနတ္ထံ ဥဒ္ဓဋ္ဌာ။ ကမ္မဋ္ဌာနန္တိ စတုသစ္စကမ္မဋ္ဌာနံ။ ယထာဘူတံ ဝိဒိတွာတိ
 ဝိပဿနာပညာယ ဝေဒနာယ သမုဒယာဒိနိ အာရမ္မဏပဋိဝေဝေသေန
 မဂ္ဂပညာယ အသမ္မောဟပဋိဝေဝေသေန ဇာနိတွာ၊ ပဋိဝိဇ္ဈိတွာတိ အတ္ထော။
 ပစ္စယသမုဒယဋ္ဌေနာတိ “ဣမသ္မိံ”သတိ ဣဒံ ဟောတိ၊ ဣမသုပ္ပါဒါ ဣဒံ
 ဥပ္ပဇ္ဇတိ”တိ ဝုတ္တလက္ခဏေန အဝိဇ္ဇာဒိနံ ပစ္စယာနံ ဥပ္ပါဒေန စေဝ မဂ္ဂေန
 အသမုပ္ပါတေန စ။ နိဗ္ဗုတ္တိလက္ခဏန္တိ ဥပ္ပါဒလက္ခဏံ၊ ဇာတိန္တိ အတ္ထော။
 ပဉ္စန္ဒံ လက္ခဏာနန္တိ ဧတ္ထ စတုန္ဒံ ပစ္စယာနမ္ပိ ဥပ္ပါဒလက္ခဏမေဝ ဂဟေတွာ
 ဝုတ္တန္တိ န ဂဟေတဗ္ဗံ၊ ယသ္မာ ပစ္စယလက္ခဏမ္ပိ လဗ္ဘတိယေဝ၊ တထာ
 စေဝ သံဝဏ္ဏိတံ။ ပစ္စယနိရောဓဋ္ဌေနာတိ ဧတ္ထာပိ ဝုတ္တနယာနုသာရေန
 အတ္ထော ဝေဒိတဗ္ဗော။ ယန္တိ ယသ္မာ၊ ယံ ဝါ သုခံ သောမနဿံ။ ပဋိစ္စာတိ

အာရမ္မဏပစ္စယာဒိဘူတံ ဝေဒနံ လဘိတွာ။ အယန္တိ သုခသောမနဿာနံ ပစ္စယဘာဝေါ၊ သုခသောမနဿမေဝ ဝါ၊ “အဿာဒေါ”တိ ပဒံ ပန အပေက္ခိတွာ ပုလ္လိင်္ဂနိဒ္ဒေသော။ အယဉ္ဇေတ္ထ သင်္ခေပတ္ထော— ပုရိမုပ္ပန္နံ ဝေဒနံ အာရမ္ဘ သောမနဿုပ္ပတ္တိယံ ယော ပုရိမဝေဒနာယ အဿာဒေတဗ္ဗာကာရော သောမနဿဿာဒနာကာရော၊ အယံ အဿာဒေါတိ။ ကထံ ပန ဝေဒနံ အာရမ္ဘ သုခံ ဥပ္ပဇ္ဇတိတိ? စေတသိကသုခဿ အဓိပ္ပေတတ္တာ နာယံ ဒေါသော။ ဝိသေသနဉ္ဇေတ္ထ သောမနဿဂ္ဂဟဏံ သုခံ သောမနဿန္တိ “ရက္ခော သိသပါ”တိ ယထာ။

“အနိစ္စာ”တိ ဣမိနာ သင်္ခါရဒုက္ခတာဝသေန ဥပေက္ခာဝေဒနာယ၊ သဗ္ဗ-ဝေဒနာသုယေဝ ဝါ အာဒိနဝမာဟ၊ ဣတရေဟိ ဣတရဒုက္ခတာဝသေန ယထာက္ကမံ ဒုက္ခသုခဝေဒနာနံ၊ အဝိသေသေန ဝါ တိဏိပိ ပဒါနိ သဗ္ဗာသမ္ပိ ဝေဒနာနံ ဝသေန ယောဇေတဗ္ဗာနိ။ အယန္တိ ယော ဝေဒနာယ ဟုတွာ အဘာဝဋ္ဌေန အနိစ္စဘာဝေါ၊ ဥဒယဗ္ဗယပဋိပိဋနဋ္ဌေန ဒုက္ခဘာဝေါ၊ ဇရာယ မရဏေန စာတိ ဒွေဓာ ဝိပရိဏာမေတဗ္ဗဘာဝေါ စ၊ အယံ ဝေဒနာယ အာဒိနဝေါ၊ ယတော ဝါ အာဒိနံ ပရမကာရုညံ ဝါတိ ပဝတ္တတိတိ။ **ဝေဒနာယ နိဿရဏန္တိ** ဧတ္ထ **ဝေဒနာယာ**တိ နိဿက္ကဝစနံ၊ ယာဝ ဝေဒနာပဋိပဋ္ဌံ ဆန္ဒရာဂံ န ပဇဟတိ၊ တာဝါယံ ပုရိသော ဝေဒနံ အလ္လိနောယေဝ ဟောတိ။ ယဒါ ပန တံ ဆန္ဒရာဂံ ပဇဟတိ၊ တဒါယံ ပုရိသော ဝေဒနာယ နိဿဇော ဝိသံယုတ္တော ဟောတိတိ ဆန္ဒရာဂပ္ပဟာနံ ဝေဒနာယ နိဿရဏံ ဝုတ္တံ။ ဧတ္ထ စ ဝေဒနာဂ္ဂဟဏေန ဝေဒနာယ သဟဇာတနိဿယာရမ္မဏဘူတာ စ ရူပါ-ရူပဓမ္မာ ဂဟိတာ ဧဝ ဟောန္တိတိ ပဉ္စန္ဒမ္ပိ ဥပါဒါနက္ခန္ဓာနံ ဂဟဏံ ဒဠဗ္ဗံ။ ဝေဒနာသိသေန ပန ဒေသနာ အာဂတာ၊ တတ္ထ ကာရဏံ ဝုတ္တမေဝ၊ လက္ခဏ-ဟာရနယေန ဝါ အယမတ္ထော ဝိဘာဝေတဗ္ဗော။ တတ္ထ ဝေဒနာဂ္ဂဟဏေန ဂဟိတာ ပဉ္စပါဒါနက္ခန္ဓာ ဒုက္ခသစ္စံ၊ ဝေဒနာနံ သမုဒယဂ္ဂဟဏေန ဂဟိတာ အဝိဇ္ဇာဒယော သမုဒယသစ္စံ၊ အတ္တင်္ဂမနိဿရဏပရိယာယေဟိ နိရောဓသစ္စံ၊ “ယထာဘူတံ ဝိဒိတွာ”တိ ဧတေန မဂ္ဂသစ္စန္တိ ဧဝမေတ္ထ စတ္တာရိ သစ္စာနိ ဝေဒိတဗ္ဗာနိ။ ကာမုပါဒါနမူလကတ္တာ သေသုပါဒါနာနံ၊ ပဟိနေ စ ကာမု-ပါဒါနေ ဥပါဒါနသေသာဘာဝတော **“ဝိဂတဆန္ဒရာဂတာယ အနုပါဒါ-နော”**တိ ဝုတ္တံ။ **အနုပါဒါဝိမုတ္တော**တိ အတ္တနော မဂ္ဂဗလပ္ပတ္တိံ ဘဂဝါ ဒဿေတိ။ “ဝေဒနာန”န္တိအာဒိနာ ဟိ ယဿာ ဓမ္မဓာတုယာ သုပ္ပုဋိဝိဒ္ဓတ္တာ ဣမံ ဒိဋ္ဌိဂတံ သကာရဏံ သဂတိကံ ပဘောဒတော ဝိဘဇိတုံ သမတ္ထော

အဟောသိ၊ တဿ သဗ္ဗညုတညာဏဿ သဒ္ဓိံ ပုဗ္ဗဘာဂပဋိပဒါယ ဥပ္ပတ္တိဘူမိံ ဒဿေတိ ဓမ္မရာဇာ။

ပဌမဘာဏဝါရဝဏ္ဏနာ နိဋ္ဌိတာ။

ကေစ္စသဿတဝါဒဝဏ္ဏနာ

၃၈။ သတ္တေသု သင်္ခါရေသု စ ကေစ္စံ သဿတံ တေဿာတိ ကေစ္စသဿတော၊ ကေစ္စသဿတဝါဒေါ။ သော ဧတေသံ အတ္ထိတိ ကေစ္စသဿတိကာ။ တေ ပန ယသ္မာ ကေစ္စသဿတော ဝါဒေါ ဒိဋ္ဌိ ဧတေသန္တိ ကေစ္စသဿတဝါဒါ နာမ ဟောန္တိ၊ တသ္မာ တမတ္ထံ ဒဿေန္တော အာဟ “ကေစ္စသဿတဝါဒါ”တိ။ ဣမိနာ နယေန ကေစ္စသဿတိကာဒိပဒဿပိ အတ္ထော ဝေဒိတဗ္ဗော။ နန စ “ကေစ္စသဿတိကာ”တိ ဝုတ္တေ တဒညဿ ကေစ္စသ အသဿတတာသန္တိဌာနံ သိဒ္ဓမေဝ ဟောတိတိ? သစ္စံ သိဒ္ဓမေဝ ဟောတိ အတ္ထတော၊ န ပန သဒ္ဓတော။ တသ္မာ သုပါကဋ် ကတွာ ဒဿေတုံ “ကေစ္စသဿတိကာ”တိ ဝုတ္တံ။ န ဟိ ဣဓ သာဝဿေသံ ကတွာ ဓမ္မံ ဒေသေတိ ဓမ္မဿာမီ။ ဣဓာတိ “ကေစ္စသဿတိကာ”တိ ဣမသ္မိံ ပဒေ။ ဂဟိတာတိ ဝုတ္တာ၊ တထာ စေဝ အတ္ထော ဒဿိတော။ ဣဓာတိ ဝါ ဣမိဿံ ဒေသနာယ။ တထာ ဟိ ပုရိမကာ တယော ဝါဒါ သတ္တဝသေန၊ စတုတ္ထော သင်္ခါရဝသေန ဝိဘတ္တော။ “သင်္ခါရေကေစ္စသဿတိကာ”တိ ဣဒံ တေဟိ သဿတဘာဝေန ဂယုမာနာနံ ဓမ္မာနံ ယာထာဝသဘာဝဒဿနဝသေန ဝုတ္တံ၊ န ပနေကေစ္စသဿတိကမတဒဿနဝသေန။ တဿ ဟိ သဿတဘိမတံ အသင်္ခတမေဝါတိ လဒ္ဓိ။ တေနေဝါဟ “စိတ္တန္တိ ဝါ။ ပ။ ဌဿတိ”တိ။ န ဟိ ယဿ ဘာဝဿ ပစ္စယေဟိ အဘိသင်္ခတဘာဝံ ပဋိဇာနာတိ၊ တဿေဝ နိစ္စရဝါဒိဘာဝေါ အနုမ္မတ္တကေန သက္ကာ ပဋိညာတုံ၊ ဧတေန “ဥပ္ပါဒဝယရုဝတာယုတ္တဘာဝါ သိယာ နိစ္စာ သိယာ အနိစ္စာ သိယာ န ဝတ္တဗ္ဗာ”တိအာဒိနာ ပဝတ္တဿ သတ္တဘင်္ဂဝါဒဿ အယုတ္တတာ ဝိဘာဝိတာ ဟောတိ။

တတ္ထာယံ အယုတ္တတာဝိဘာဝနာ — ယဒိ “ယေန သဘာဝေန ယော ဓမ္မော အတ္ထိတိ ဝုစ္စတိ၊ တေနေဝ သဘာဝေန သော ဓမ္မော နတ္ထိ”တိအာဒိနာ ဝုစ္စေယျ၊ သိယာ အနေကန္တဝါဒေါ။ အထ အညေန၊ သိယာ န အနေကန္တဝါဒေါ။ န စေတ္ထ ဒေသန္တရာဒိသမ္ပန္နဘာဝေါ ယုတ္တော ဝတ္တု တဿ သဗ္ဗလောကသိဒ္ဓတ္တာ၊

ဝိဝါဒါဘာဝတော။ ယေ ပန ဝဒန္တိ “ယထာ သုဝဏ္ဏဃဇ္ဇေန မကုဇ္ဈေ ကတေ ဃဋ္ဌဘာဝေါ နဿတိ၊ မကုဋ္ဌဘာဝေါ ဥပ္ပဇ္ဇတိ၊ သုဝဏ္ဏဘာဝေါ တိဋ္ဌတိယေဝ၊ ဧဝံ သဗ္ဗဘာဝါနံ ကောစိ ဓမ္မော နဿတိ၊ ကောစိ ဓမ္မော ဥပ္ပဇ္ဇတိ၊ သဘာဝေါ ပန တိဋ္ဌတိ”တိ။ တေ ဝတ္တဗ္ဗာ “ကိ” တံ သုဝဏ္ဏံ၊ ယံ ဃဇ္ဈေ မကုဇ္ဈေ စ အဝဋ္ဌိတံ၊ ယဒိ ရူပါဒိ၊ သော သဒ္ဓေါ ဝိယ အနိစ္စော။ အထ ရူပါဒိ သမူဟော၊ သမူဟော နာမ သမ္ပုတိမတ္တံ၊ န တဿ အတ္ထိတာ နတ္ထိတာ နိစ္စတာ ဝါ လဗ္ဘတိ”တိ အနေကန္တဝါဒေါ န သိယာ။ ဓမ္မာနဉ္စ ဓမ္မိနော အညထာနညထာသု ဒေါသော ဝုတ္တောယေဝ သဿတဝါဒဝိစာရဏာယံ။ တသ္မာ သော တတ္ထ ဝုတ္တနယေနေဝ ဝေဒိတဗ္ဗော။ အပိစ နိစ္စာနိစ္စနဝတ္တဗ္ဗရူပေါ အတ္တာ လောကော စ ပရမတ္ထတော ဝိဇ္ဇမာနတာပဋိဇာနနတော ယထာ နိစ္စာဒီနံ အညတရံ ရူပံ၊ ယထာ ဝါ ဒီပါဒယော။ န ဟိ ဒီပါဒီနံ ဥဒယဗ္ဗယသဘာဝါနံ နိစ္စာနိစ္စ- နဝတ္တဗ္ဗသဘာဝတာ သက္ကာ ဝိညာတံ၊ ဇီဝဿ နိစ္စာဒီသု အညတရံ ရူပံ ဝိယာတိ ဧဝံ သတ္တဘင်္ဂဿ ဝိယ သေသဘင်္ဂါနမ္ပိ အသမ္ဘဝေါယေဝါတိ သတ္တဘင်္ဂဝါဒဿ အယုတ္တတာ ဝေဒိတဗ္ဗော။

ဧတ္ထ စ “ဣဿရော နိစ္စော၊ အညေ သက္ကာ အနိစ္စာ”တိ ဧဝံ ပဝတ္တဝါဒါ သတ္တကစ္စသဿတိကာ သေယျထာပိ ဣဿရဝါဒါ။ “ပရမာဏာဝေါ နိစ္စာ ဓုဝါ၊ အဏုကာဒယော အနိစ္စာ”တိ ဧဝံ ပဝတ္တဝါဒါ သင်္ခါရေကစ္စသဿတိကာ သေယျထာပိ ကာဏာဒါ။ နန “ကေစ္စေ ဓမ္မာ သဿတာ၊ ကေစ္စေ အသဿတာ”တိ ဧတသ္မိ ဝါဒေ စက္ခာဒီနံ အသဿတတာသန္နိဋ္ဌာနံ ယထာ- သဘာဝါဝဗောဓော ဧဝ၊ တယိဒံ ကထံ မိစ္ဆာဒဿနန္တိ၊ ကော ဝါ ဧဝမာဟ “စက္ခာဒီနံ အသဿတတာဝသန္နိဋ္ဌာနံ မိစ္ဆာဒဿန”န္တိ? အသဿတေသု- ယေဝ ပန ကေသဉ္စိ ဓမ္မာနံ သဿတဘာဝါတိနိဝေသော ဣဓ မိစ္ဆာဒဿနံ။ တေန ပန ကေဝါရေ ပဝတ္တမာနေန စက္ခာဒီနံ အသဿတဘာဝါဝဗောဓော ဝိဒူသိတော သံသဋ္ဌဘာဝတော ဝိသသံသဋ္ဌော ဝိယ သပ္ပိမဇ္ဈော၊ သင်္ကစ္စ- ကရဏာသမတ္တတာယ သမ္မာဒဿနပက္ခေ ဌပေတဗ္ဗတံ နာရဟတိတိ။ အသဿ- တဘာဝေန နိစ္စိတာပိ ဝါ စက္ခာအာဒယော သမာရောပိတဇီဝသဘာဝါ ဧဝ ဒိဋ္ဌိဂတိကေဟိ ဂယန္တိတိ တဒဝဗောဓဿ မိစ္ဆာဒဿနဘာဝေါ န သက္ကာ နိဝါရေတံ။ တေနောဟ “စက္ခံ ဣတိပိ။ ပ။ ကာယော ဣတိပိ အယံ မေ အတ္တာ”တိအာဒိ။ ဧဝဉ္စ ကတွာ အသင်္ခတာယ သင်္ခတာယ စ ဓာတုယာ ဝသေန ယထာက္ကမံ “ကေစ္စေ ဓမ္မာ သဿတာ၊ ကေစ္စေ အသဿတာ”တိ ဧဝံ

ပဝတ္တော ဝိဘဇ္ဇဝါဒေါပိ ကေစ္စသဿတဝါဒေါ အာပဇ္ဇတီတိ ဧဝံပကာရာ စောဒနာ အနဝကာသာ ဟောတိ အဝိပရိတဓမ္မသဘာဝသမ္ပုပ္ပတ္တိဘာဝတော။

ကာမဉ္ဇေတ္ထ ပုရိမဝါဒေပိ အသဿတာနံ ဓမ္မာနံ “သဿတာ”တိ ဂဟဏံ ဝိသေသတော မိစ္ဆာဒဿနံ၊ သဿတာနံ ပန “သဿတာ”တိ ဂါဟော န မိစ္ဆာဒဿနံ ယထာသဘာဝဂ္ဂဟဏဘာဝတော။ အသဿတေသုယေဝ ပန “ကေစိဒေဝ ဓမ္မာ သဿတာ၊ ကေစိ အသဿတာ”တိ ဂဟေတဗ္ဗဓမ္မေသု ဝိဘာဂပ္ပဝတ္တိယာ ဣမဿ ဝါဒဿ ဝါဒန္တရတာ ဝုတ္တာ၊ န စေတ္ထ “သမုဒါယန္တောဂတ္တော ကေဒေသဿ သပ္ပဒေသသဿတဂ္ဂါဟော နိပ္ပဒေသသဿတဂ္ဂါဟော သမောဓာနံ ဂစ္ဆတီ”တိ သက္ကာ ဝတ္ထုဝါဒီ တဗ္ဗိသယဝိသေသဝသေန ဝါဒဒွယဿ ပဝတ္တတ္တာ။ အညေ ဧဝ ဟိ ဒိဋ္ဌိဂတိကာ “သဗ္ဗေ ဓမ္မာ သဿတာ”တိ အဘိနိဝိဋ္ဌာ၊ အညေ “ကေစ္စသဿတာ”တိ။ သင်္ခါရာနံ အနဝသေသပရိယာဒါနံ၊ ကေဒေသပရိဂ္ဂဟော စ ဝါဒဒွယဿ ပရိချတ္တောယေဝ။ ကိဉ္စ ဘိယျော အနေကဝိသေသဿယေ ကေဝိသေသဿယေ စ ခန္ဓပဗန္ဓေ အဘိနိဝေသဘာဝတော။ စတုဗ္ဗိဓောပိ ဟိ သဿတဝါဒီ ဇာတိဝိသေသဝသေန နာနာဝိရူပကာယသန္ဓိဿယေ ဧဝ အရူပဓမ္မပုဉ္ဇေ သဿတာဘိနိဝေသီ ဇာတော အဘိညာဏေန အနုဿဝါဒီဟိ စ ရူပကာယဘေဒဂ္ဂဟဏတော။ တထာ စ ဝုတ္တံ “တတော စုတော အမုတြ ဥဒပါဒီ”န္တိ၊ “စဝန္တိ ဥပပဇ္ဇန္တိ”တိ၊ စ အာဒိ။ ဝိသေသလာဘိ ကေစ္စသဿတိကော အနုပဓာရိတဘေဒသမုဿယေဝ ဓမ္မပဗန္ဓေ သဿတာကာရဂ္ဂဟဏေန အဘိနိဝိသနံ ဇနေသိ ကေဘဝပရိယာပန္နခန္ဓသန္တာနဝိသယတ္တာ တဒဘိနိဝေသဿ။ တထာ စ တီသုပိ ဝါဒေသု “တံ ပုဗ္ဗေနိဝါသံ အနုဿရတိ၊ တတော ပရိနာနုဿရတိ”တိ ဧတ္တကမေဝ ဝုတ္တံ၊ တက္ကိနံ ပန သဿတေကစ္စသဿတဝါဒီနံ သဿတာဘိနိဝေသဝိသေသော ရူပါရူပဓမ္မဝိသယတာယ သုပါကဋောယေဝါတိ။

၃၉။ ဒီဃဿ ကာလဿ အတိက္ကမေနာတိ ဝိဝဇ္ဇဝိဝဇ္ဇဌာယီနံ အပဂမေန။ အနေကတ္တတ္တာ ဓာတူနံ သံ-သဒ္ဓေန ယုတ္တော ဝဇ္ဇ-သဒ္ဓေါ ဝိနာသဝါစီတိ အာဟ “ဝိနာသတိ”တိ၊ သင်္ခယဝသေန ဝတ္တတီတိ အတ္တော။ ဝိပတ္တိကရမဟာမေဃသမုပ္ပတ္တိတော ပဋ္ဌာယ ဟိ ယာဝ အဏုသဟဂတောပိ သင်္ခါရေန ဟောတိ၊ တာဝ လောကော သံဝဇ္ဇတီတိ ဝုစ္စတိ။ လောကောတိ စေတ္ထ ပထဝီအာဒိဘာဇနလောကော အဓိပ္ပေတော။ ဥပရိမြဟူလောကေသုတိ

၁-ကေစ္စဝ သဿတာ၊ ကေစ္စ အသဿတာတိ (အဘိနိဝိဋ္ဌိ) ၂-ဒီ ၁-၃၃-ပိဋ္ဌေ။

ပရိတ္တသုဘာဒီသု ရူပိဗြဟ္မလောကေသု။ အဂ္ဂိနာ ဟိ ကပ္ပဝုဋ္ဌာနံ ဣဓာမိပ္ပေတံ ဗဟုလံ ပဝတ္တနတော။ တေနောဝါဟ ဘဂဝါ “အာဘဿရသံဝတ္တနိကာ ဟောန္တိ”တိ။ အရူပေသု ဝါတိ ဝါ-သဒ္ဓေန သံဝဋ္ဌမာနလောကဓာတုဟိ အညလောကဓာတုသု ဝါတိ ဝိကပ္ပနံ ဝေဒိတဗ္ဗံ။ န ဟိ “သဗ္ဗေ အပါယသတ္တာ တဒါ ရူပါရူပဘဝေသု ဥပ္ပဇ္ဇန္တိ”တိ သက္ကာ ဝိညာတုံ အပါယေသု ဒီဃတမာ-ယုကာနံ မနုဿလောကူပပတ္တိယာ အသမ္ဘဝတော။ သတ်ပိ သဗ္ဗသတ္တာနံ အဘိသင်္ခါရမနသာ နိဗ္ဗတ္တဘာဝေ ဗာဟိရပစ္စယေဟိ ဝိနာ မနသာဝ နိဗ္ဗတ္တတ္တာ “မနောမယာ”တိ ဝုစ္စန္တိ ရူပါဝစရသတ္တာ။ ယဒိ ဧဝံ ကာမဘဝေ ဩပပါတိက-သတ္တာနမ္ပိ မနောမယဘာဝေါ အာပဇ္ဇတိတိ? နာပဇ္ဇတိ အဓိစိတ္တဘူတေန အဘိသယမနသာ နိဗ္ဗတ္တသတ္တေသု မနောမယဝေါဟာရတောတိ ဒဿန္တော အာဟ “ဈာနမနေန နိဗ္ဗတ္တတ္တာ မနောမယာ”တိ။ ဧဝံ အရူပါဝစရ-သတ္တာနမ္ပိ မနောမယဘာဝေါ အာပဇ္ဇတိတိ စေ? န, တတ္ထ ဗာဟိရပစ္စယေဟိ နိဗ္ဗတ္တေတဗ္ဗတာသင်္ကာယ ဧဝံ အဘာဝတော, “မနသာဝ နိဗ္ဗတ္တာ”တိ အဝ-ဓာရဏာသမ္ဘဝတော။ နိရုဋ္ဌော ဝါယံ လောကေ မနောမယဝေါဟာရော ရူပါဝစရသတ္တေသု။ တထာ ဟိ “အန္ဓမယော ပါနမယော မနောမယော အာနန္ဒမယော ဝိညာဏမယော”တိ ပဉ္စဓာ အတ္တာနံ ဝေဒဝါဒိနော ဝဒန္တိ။ ဥစ္ဆေဒဝါဒေပိ ဝက္ခတိ “ဒိဗ္ဗော ရူပိ မနောမယော”တိ။ သောဘနာ ပဘာ ဧတေသု သန္တိတိ သုဘာ။ “ဥက္ကံသေနာ”တိ အာဘဿရဒေဝေ သန္ဓာယာဟ။ ပရိတ္တာဘာအပ္ပမာဏာဘာ ပန ဒွေ စတ္တာရော စ ကပ္ပေ တိဋ္ဌန္တိ။ အဋ္ဌ-ကပ္ပေတိ အဋ္ဌ မဟာကပ္ပေ။

၄၀။ သဏ္ဌာတိတိ သမ္ပတ္တိကရမဘာမေသသမုပ္ပတ္တိတော ပဋ္ဌာယ ပထဝီ-သန္ဓာရကုဒကတံသန္ဓာရကဝါယုမဟာပထဝီအာဒိနံ သမုပ္ပတ္တိဝသေန ဌာတိ။ “သမ္ဘဝဘိ”ဣစ္စေဝ ဝါ အတ္ထော အနေကတ္တတ္တာ ဓာတုနံ။ ပကတိယာတိ သဘာဝေန၊ တဿ “သုည”န္တိ ဣမိနာ သမ္ပန္နော။ တတ္ထ ကာရဏမာဟ “နိဗ္ဗတ္တသတ္တာနံ နတ္ထိတယာ”တိ။ အနုပ္ပန္နတ္တာတိ အတ္ထော၊ တေန ယထာ ကေစ္စာနိ ဝိမာနာနိ တတ္ထ နိဗ္ဗတ္တသတ္တာနံ စုတတ္တာ သုညာနိ ဟောန္တိ။ န ဝေ-မိဒန္တိ ဒဿေတိ။ ဗြဟ္မပါရိသဇ္ဇဗြဟ္မပုရောဟိတမဟာဗြဟ္မာနော ဗြဟ္မကာ-ယိကာ၊ တေသံ နိဝါသော ဘူမိပိ “ဗြဟ္မကာယိကာ”တိ ဝုတ္တာ။ ကမ္မံ ဥပ-နိဿယဝသေန ပစ္စယော ဧတိဿာတိ ကမ္မပစ္စယာ။ အထ ဝါ တတ္ထ နိဗ္ဗတ္တ-သတ္တာနံ ဝိပစ္စနကကမ္မဿ သဟကာရိပစ္စယဘာဝတော၊ ကမ္မဿ ပစ္စယာတိ

ကမ္မပစ္စယာ။ ဥတု သမုဋ္ဌာနံ ဧတိဿာတိ ဥတုသမုဋ္ဌာနာ။ “ကမ္မပစ္စယဥတု-
သမုဋ္ဌာနာ”တိ ဝါ ပါဠိော၊ ကမ္မသဟာယော ပစ္စယော၊ ကမ္မဿ ဝါ သဟာ-
ယဘူတော ပစ္စယော ကမ္မပစ္စယော၊ သောဝ ဥတု ကမ္မပစ္စယဥတု၊ သော
သမုဋ္ဌာနံ ဧတိဿာတိ ယောဇေတဗ္ဗံ။ ဧတ္ထာတံ “ဗြဟ္မဝိမာန”န္တိ ဝုတ္တာယ
ဗြဟ္မကာယိကဘူမိယာ။ ကထံ ပဏီတာယ ဒုတိယဇ္ဈာနဘူမိယံ ဌိတာနံ
ဟိနာယ ပဌမဇ္ဈာနဘူမိယာ ဥပပတ္တိ ဟောတိတိ အာဟ “အထ သတ္တာန”န္တိ-
အာဒိ။ ဩတရန္တိတိ ဥပပဇ္ဇနဝသေန ဟေဋ္ဌာဘူမိံ ဂစ္ဆန္တိ။

အပ္ပါယုကေတိ ယံ ဥဋ္ဌာရံ ပုညကမ္မံ ကတံ၊ တဿ ဥပပဇ္ဇနာရဟဝိပါကပ-
ဗန္ဓတော အပ္ပပရိမာဏာယုကေ။ အာယုပ္ပမာဏေနောတိ ပရမာယုပ္ပမာဏေ-
နေဝ။ ကိံ ပနေတံ ပရမာယု နာမ၊ ကထံ ဝါ တံ ပရိစ္ဆိန္နပမာဏန္တိ?
ဝုစ္စတေ— ယော တေသံ တေသံ သတ္တာနံ တသ္မိံ တသ္မိံ ဘဝဝိသေသေ
ပုရိမသိဒ္ဓဘဝပတ္တနုပနိဿယဝသေန သရိရာဝယဝဝဏ္ဏသဏ္ဌာနပမာဏာဒိ-
ဝိသေသာ ဝိယ တံတံဂတိနိကာယာဒိသု ယေဘုယျေန နိယတပရိစ္ဆေဒေါ
ဂဟ္တသေယျကကာမာဝစရဒေဝရူပါဝစရသတ္တာနံ သုက္ကသောဏိတဥတုဘော-
ဇနာဒိဥတုအာဒိပစ္စယုပ္ပန္နပစ္စယုပတ္တန္တိတော ဝိပါကပဗန္ဓဿ ဌိတိကာလ-
နိယမော၊ သော ယထာသကံ ခဏမတ္တာဝဋ္ဌာယိနမ္ပိ အတ္တနော သဟဇာတာနံ
ရူပါရူပဓမ္မာနံ ဌပနာကာရဝုတ္တိတာယ ပဝတ္တကာနိ ရူပါရူပဇီဝိတိန္ဒြိယာနိ
ယသ္မာ န ကေဝလံ နေသံ ခဏဌိတိယာ ဧဝ ကာရဏဘာဝေန အနုပါလကာနိ၊
အထ ခေါ ယာဝ ဘဝဂံပစ္ဆေဒါ အနုပဗန္ဓဿ အဝိစ္ဆေဒဟေတုဘာဝေနာပိ၊
တသ္မာ အာယုဟေတုကတ္တာ ကာရဏူပစာရေန အာယု၊ ဥက္ကံသပရိစ္ဆေဒ-
ဝသေန ပရမာယူတိ စ ဝုစ္စတိ။ တံ ပန ဒေဝါနံ နေရယိကာနံ ဥတ္တရကုရုကာ-
နဉ္စ နိယတပရိစ္ဆေဒံ၊ ဥတ္တရကုရုကာနံ ပန ဧကန္တနိယတပရိစ္ဆေဒမေဝ၊
အဝသိဋ္ဌမနုဿပေတတိရစ္ဆာနာနံ ပန စိရဋ္ဌိတိသံဝတ္တနိကကမ္မဗဟုလေ
ကာလေတံကမ္မသဟိတသန္တာနဇနိတသုက္ကသောဏိတပစ္စယာနံ တံမူလကာနဉ္စ
စန္ဒသူရိယသမဝိသမပရိဝတ္တနာဒိ ဇနိတဥတု အာဟာရာဒိသမဝိသမပစ္စယာနံ
ဝသေန စိရာစိရကာလတော အနိယတပရိစ္ဆေဒံ၊ တဿ စ ယထာ ပုရိမ-
သိဒ္ဓဘဝပတ္တနာဝသေန တံတံဂတိနိကာယာဒိသု ဝဏ္ဏသဏ္ဌာနာဒိဝိသေသ-
နိယမော သိဒ္ဓေါ ဒဿနာနုဿဝါဒိဟိ၊ တထာ အာဒိတော ဂဟဏသိဒ္ဓိယာ။
ဧဝံ တာသု တာသု ဥပပတ္တိသု နိဗ္ဗတ္တသတ္တာနံ ယေဘုယျေန သမပ္ပမာဏဌိတိ-
ကာလံ ဒဿနာနုဿဝေဟိ လဘိတွာ တံပရမတံ အဇ္ဈောသာယ ပဝတ္တိတဘဝ-
ပတ္တနာဝသေန အာဒိတော ပရိစ္ဆေဒနိယမော ဝေဒိတဗ္ဗော။ ယသ္မာ ပန ကမ္မံ

တာသု တာသု ဥပပတ္တိသု ယထာ တံတံဥပပတ္တိနိယတဝဏ္ဏာဒိနိဗ္ဗတ္တနေ သမတ္ထံ၊ ဧဝံ နိယတာယုပရိစ္ဆေဒါသု ဥပပတ္တိသု ပရိစ္ဆေဒါတိက္ကမေန ဝိပါက-
 နိဗ္ဗတ္တနေ သမတ္ထံ န ဟောတိ၊ တသ္မာ ဝုတ္တံ “**အာယုပ္ပမာဏေနော ၈၀ န္တိ**” တိ။
 ယသ္မာ ပန ဥပတ္တန္တကသဟာယေဟိ အနုပါလကပ္ပစ္စယေဟိ ဥပါဒိန္နကက္ခန္ဓာနံ
 ပဝတ္တေတဗ္ဗာကာရော အတ္တတော ပရမာယု၊ တဿ ယထာဝုတ္တပရိစ္ဆေ-
 ဒါနတိက္ကမနတော သတိပိ ကမ္မာဝသေသေ ဌာနံ န သမ္ဘဝတိ၊ တေန ဝုတ္တံ
 “**အတ္တနော ပုညဗလေနော ဌာတုံ န သက္ကောတိ**” တိ။ ကပ္ပံ ဝါတိ အသင်္ချေယျ-
 ကပ္ပံ ဝါ တဿ ဥပဗ္ဗံ ဝါ ဥပမုကပ္ပတော ဦးမဓိကံ ဝါတိ ဝိကပ္ပနတ္ထော
 ဝါ-သဒ္ဓေါ။

၄၁။ **အနဘိရတိတိ** ကေဝိဟာရေန အနဘိရတိ။ သာ ပန ယသ္မာ အညေဟိ
 သမာဂမိန္နာ ဟောတိ၊ တေန ဝုတ္တံ “**အပရဿာပိ သတ္တဿ အာဂမနပတ္တနာ**” တိ။
 ဝိယဝတ္ထုဝိရဟေန ဝိယဝတ္ထုအလာဘေန ဝါ စိတ္တဝိသုဘတော ဥက္ကဏ္ဍိတာ၊ သံ
 အတ္တတော ဒေါမနဿစိတ္တုပ္ပါဒေါယေဝါတိ အာဟ “**ပဋိသသမ္ပယုတ္တာ**” တိ။
 ဒီသရတ္တံ ဈာနရတိယာ ရမမာနဿ ဝုတ္တပ္ပကာရံ အနဘိရတိနိမိတ္တံ ဥပ္ပန္နာ
 “မမ” န္တိ စ “အဟ” န္တိ စ ဂဟဏဿ ကာရဏဘူတာ တဏှာဒိဋ္ဌိယော ဣမ ပရိ-
 တဿနာ။ တာ ပန စိတ္တဿ ပုရိမာဝတ္ထာယ စလနံ ကမ္ပနန္တိ အာဟ “**ဥဗ္ဗိဇ္ဇနာ
 ဗန္တနာ**” တိ။ တေနောဟ “**တဏှာတဿနာပိ ဒိဋ္ဌိတဿနာပိ ဝရတိ**” တိ။ ယံ
 ပန အတ္ထုဒ္ဓါရေ “အဟော ဝတ အညေပိ သတ္တာ ဣတ္တတ္တံ အာဂစ္ဆေယျန္တိ
 အယံ တဏှာတဿနာ နာမာ” တိ ဝုတ္တံ၊ တံ ဒိဋ္ဌိတဿနာယ ဝိသု ဥဒါဟရဏံ
 ဒသေန္တေန တဏှာတဿနံယေဝ တတော နိဒ္ဓါရေတွာ ဝုတ္တံ၊ န ပန တတ္ထ
 ဒိဋ္ဌိတဿနာယ အဘာဝတောတိ ဒဋ္ဌဗ္ဗံ။ **တာသတဿနာ** စိတ္တုတြာသော။
ဘယာနကန္တိ ဘေရဝါရမ္ပဏနိမိတ္တံ ဗလဝဘယံ။ တေန သရီရဿ ထဒ္ဓဘာဝေါ
ဆန္တိတတ္တံ။ ဘယံ သံဝေဂန္တိ ဧတ္ထ ဘယန္တိ ဘင်္ဂါနုပဿနာယ စိဏ္ဏန္တေ
 သဗ္ဗသင်္ခါရတော ဘာယနဝသေန ဥပ္ပန္နံ ဘယဉာဏံ။ သံဝေဂန္တိ သဟောတ္တပ္ပ-
 ဉာဏံ၊ ဩတ္တပ္ပမေဝ ဝါ။ **သန္တာသန္တိ** အာဒိနဝနိဗ္ဗိဒါနုပဿနာဟိ သင်္ခါရေဟိ
 သန္တဿနဉာဏံ။ သဟ ဗျာယတိ ပဝတ္တတိ၊ ဒေါသံ ဝါ ဆာဒေတိတိ သဟဗျော၊
 သဟာယော၊ တဿ ဘာဝံ သဟဗျတံ။

၄၂။ **အဘိဘဝိတွာ ဌိတော** ဣမေ သတ္တေတိ အဓိပ္ပါယော။ ယသ္မာ ပန
 သော ပါသံသဘာဝေန ဥတ္တမဘာဝေန စ “တေ သတ္တေ အဘိဘဝိတွာ
 ဌိတော” တိ အတ္တာနံ မညတိ၊ တသ္မာ ဝုတ္တံ “**ဇေဋ္ဌကောဟမသ္မိ**” တိ။ **အညဒတ္ထ၊**

ဒသောတိ ဒဿနေ အန္တရာယာဘာဝဝစနေန၊ ဥေယျဝိသေသပရိဂ္ဂါဟိက-
 ဘာဝေန စ အနာဝရဏဒဿာဝိတံ ပဋိဇာနာတိတိ အာဟ “သဗ္ဗံ ပဿာမီတိ
 အတ္ထော”တိ။ ဘူတဘဗျာနန္တိ အဟေသုန္တိ ဘူတာ၊ ဘဝန္တိ ဘဝိဿန္တိတိ
 ဘဗျာ၊ အဋ္ဌကထာယံ ပန ဝတ္တမာနကာလဝသေနေဝ ဘဗျ-သဒ္ဓဿ အတ္ထော
 ဒဿိတော။ ပဌမစိတ္တက္ခဏေတိ ပဋိသန္ဓိစိတ္တက္ခဏေ။ ကိဉ္ဇာပိ သော ဗြဟ္မာ
 အနဝဋ္ဌိတဒဿနတ္တာ ပုထုဇ္ဇနဿ ပုရိမတရဇာတိပရိစိတမ္ပိ ကမ္မဿကတညာဏံ
 ဝိဿဇ္ဇေတွာ ဝိကုဗ္ဗနိဒ္ဓိဝသေန စိတ္တုပ္ပတ္တိမတ္တပဋိဗဒ္ဓေန သတ္တနိမ္မာနေန ဝိပလ္လဋ္ဌော
 “အဟံ ဣဿရော ကတ္တာ နိမ္မာတာ”တိအာဒိနာ ဣဿရကုတ္တဒဿနံ ပက္ခန္ဓ-
 မာနော အဘိနိဝိသနဝသေနေဝ ပတိဋ္ဌိတော၊ န ပတိဋ္ဌာပနဝသေန “တဿ
 ဧဝံ ဟောတိ”တိ ဝုတ္တတ္တာ၊ ပတိဋ္ဌာပနက္ကမေနေဝ ပန တဿ သော အဘိနိ-
 ဝေသော ဇာတောတိ ဒဿနတ္ထံ “ကာရဏတော သာဓေတုကာမော”တိ၊
 “ပဋိညံ ကတွာ”တိ စ ဝုတ္တံ။ တေနာဟ ဘဂဝါ “တံ ကိဿ ဟေတူ”တိအာဒိ။
 တတ္ထ မနောပဏိမီတိ မနဿ ဧဝ ပတ္တနာ၊ တထာ စိတ္တပ္ပဝတ္တိမတ္တမေဝါတိ
 အတ္ထော။ ဣတ္ထဘာဝန္တိ ဣဒပ္ပကာရတံ။ ယသ္မာ ပန ဣတ္ထန္တိ ဗြဟ္မတ္တဘာဝေါ
 ဣဓာမိပ္ပေတော၊ တသ္မာ “ဗြဟ္မဘာဝန္တိ အတ္ထော”တိ ဝုတ္တံ။ နန စ ဒေဝါနံ
 ဥပပတ္တိသမနန္တရံ “ဣမိဿာ နာမ ဂတိယာ စဝိတွာ ဣမိနာ နာမ ကမ္မုနာ
 ဣရူပပန္နာ”တိ ပစ္စဝေက္ခဏာ ဟောတိတိ? သစ္စံ ဟောတိ၊ သာ ပန ပုရိမဇာတိသု
 ကမ္မဿကတညာဏေ သမ္ပဒေဝ နိဝိဋ္ဌဇ္ဈာသယာနံ။ ဣမေ ပန သတ္တာ
 ပုရိမာသုပိ ဇာတိသု ဣဿရကုတ္တဒဿနဝသေန ဝိနိဗန္ဓာဘိနိဝေသာ အဟေ-
 သုန္တိ ဒဋ္ဌဗ္ဗံ။ တေန ဝုတ္တံ “ဣမိနာ မယ”န္တိအာဒိ။

၄၃။ ဤသတိတိ ဤသော၊ အဘိဘူတိ အတ္ထော။ မဟာ ဤသော
 မဟေသော၊ သုပ္ပတိဋ္ဌမဟေသတာယ ပန ပရေဟိ “မဟေသော”တိ အက္ခာတဗ္ဗ-
 တာယ မဟေသက္ခော၊ အတိသယေန မဟေသက္ခော မဟေသက္ခတရောတိ
 ဝစနတ္ထော ဒဋ္ဌဗ္ဗော။ ယသ္မာ ပန သော မဟေသက္ခဘာဝေါ အာဝိပတေယျ-
 ပရိဝါရသမ္ပတ္တိယာ ဝိညာယတိ၊ တသ္မာ “ဣဿရိယပရိဝါရဝသေန မဟာ-
 ယသတရော”တိ ဝုတ္တံ။

၄၄။ ဣဓေဝ အာဂစ္ဆတိတိ ဣမသ္မိ မနဿလောကေ ဧဝ ပဋိသန္ဓိဝသေန
 အာဂစ္ဆတိ။ ယံ အညတရော သတ္တောတိ ဧတ္ထ ယန္တိ နိပါတမတ္တံ၊ ကရဏေ
 ဝါ ပစ္စတ္တနိဒ္ဓေသော၊ ယေန ဌာနေနာတိ အတ္ထော၊ ကိရိယာပရာမသနံ ဝါ။
 ဣတ္တံ အာဂစ္ဆတိတိ ဧတ္ထ ယဒေတံ ဣတ္တတ္ထဿ အာဂမနံ၊ ဧတံ ဌာနံ

ဝိဇ္ဇတိတိ အတ္ထော။ သေ နယော “ပဗ္ဗဇတိ၊ စေတောသမာဓိ” ဖုသတိ၊ ပုဗ္ဗေနိဝါသံ အနုဿရတိ”တိ ဧတေသုပိ ပဒေသု။ “ဌာနံ ခေါ ပနေတံ ဘိက္ခဝေ ဝိဇ္ဇတိ၊ ယံ အညတရော သတ္ထော”တိ ဣမဉ္စိ ပဒံ “ပဗ္ဗဇတိ”တိအာဒိဟိ ပဒေဟိ ပစ္စေကံ ယောဇေတဗ္ဗန္တိ။

၄၅။ ခိန္နာယ ပဒုဿန္တိတိ ခိန္နာပဒေါသိနော၊ ခိန္နာပဒေါသိနော ဧဝံ ခိန္နာပဒေါသိကာ၊ ခိန္နာပဒေါသော ဝါ ဧတေသံ အတ္ထိတိ ခိန္နာပဒေါသိကာ။ အတိက္ကန္တဝေလံ အတိဝေလံ၊ အာဟာရူပဘောဂကာလံ အတိက္ကမိတွာတိ အတ္ထော။ မေထုနသမ္ပယောဂေန ဥပ္ပဇ္ဇနကသုခံ ကေဠိဟဿသုခံ။ ရတိဓမ္မော ရတိသဘာဝေါ။ အာဟာရန္တိ ဧတ္ထ ကော ဒေဝါနံ အာဟာရော၊ ကာ အာဟာရဝေလောတိ? သဗ္ဗေသမ္ပိ ကာမာဝစရဒေဝါနံ သုခာ အာဟာရော။ သာ ဟေဠိမေဟိ ဥပရိမာနံ ပဏီတတမာ ဟောတိ၊ တံ ယထာသကံ ဒိဝသဝသေန ဒိဝသေ ဒိဝသေ ဘုဉ္ဇန္တိ။ ကေဓိ ပန “ဗိဇ္ဇာရပဒပ္ပမာဏံ သုခာဟာရံ ဘုဉ္ဇန္တိ၊ သော ဇိဝှိယ ဌပိတမတ္ထော ယာဝ ကေသဂ္ဂနခဂ္ဂါ ကာယံ ဖရတိ၊ တေသံယေဝ ဒိဝသဝသေန သတ္တဒိဝသေ ယာပနသမတ္ထော စ ဟောတိ”တိ ဝဒန္တိ။ “နိရန္တရံ ခါဒန္တာ ဝိဝန္တာ”တိ ဣဒံ ပရိကပ္ပနဝသေန ဂုတ္တံ။ ကမ္မဇတေဇဿ မလဝဘာဝေါ ဥဋ္ဌာရပုညနိဗ္ဗတ္တတ္တာ၊ ဥဋ္ဌာရဂရုသိနိဒ္ဓသုခာဟာရဇီရဏတော စ။ ကရဇကာယဿ မန္တဘာဝေါ မုဒုသုသုမာလဘာဝတော။ တေနော ဟိ ဘဂဝါ ဣန္ဒသာလဂုဟာယံ ပကတိပထဝီယံ သဏ္ဌာတုံ အသတ္ထောန္တံ သက္ကံ ဒေဝရာဇာနံ “ဩဋ္ဌာရိကံ ကာယံ အဓိဋ္ဌေဟိ”တိ အာဟာ။ တေသန္တိ မနုဿာနံ။ ဝတ္ထုန္တိ ကရဇကာယံ။ ကေဓိတိ အဘယဂိရိဝါသိနော။

၄၇။ မနေနာတိ ဣဿာပကတတ္တာ ပဒုဋ္ဌေန မနဿ။ ဥဿယာဝသေန မနသောဝ ပဒေါသော မနောပဒေါသော၊ သော ဧတေသံ အတ္ထိဝိနာသဟေတုဘူတောတိ မနောပဒေါသိကာတိ ဧဝံ ဝါ ဧတ္ထ အတ္ထောဒဋ္ဌဗ္ဗော။ အကုဒ္ဓေါ ရက္ခတိတိ ကုဒ္ဓဿ သော ကောဓော ဣတရသ္မိံ အကုဇ္ဈန္တေ အနုပါဒါနော ကေဝါရမေဝ ဥပ္ပတ္တိယာ အနာသေဝနော စာဝေတုံ န သတ္ထောတိ ဥဒကန္တံ ပတွာ အဂ္ဂိ ဝိယ နိဗ္ဗာယတိ၊ တသ္မာ အကုဒ္ဓေါ တံ စဝနတော ရက္ခတိ၊ ဥဘောသု ပန ကုဒ္ဓေသု ဘိယျော ဘိယျော အညမညမိ ပရိဝေဒနဝသေန တိဓိဏသမုဒါစာရော နိဿယဒဟနရသော ကောဓော ဥပ္ပဇ္ဇမာနော ဟုဒယဝတ္ထု နိဒဟန္တော အစ္စန္တသုသုမာလကရဇကာယံ ဝိနာသေတိ၊ တတော သကလောပိ အတ္တဘာဝေါ အန္တရဓာယတိ။ တေနာဟ “ဥဘောသု

ပနာ”တိအာဒိ။ တထာ စာဟ ဘဂဝါ “အညမညံ ပဒုဋ္ဌစိတ္တာ ကိလန္တ-
ကာယာ။ပ။ စဝန္တိ”တိ။ ဓမ္မတာတိ ဓမ္မနိယာမော၊ သော စ တေသံ ကရဇ-
ကာယဿ မန္တတာယ၊ တထာဥပ္ပဇ္ဇနကကောဓဿ စ ဗလဝတာယ ဌာနသော
စဝနံ၊ တေသံ ရူပါရူပဓမ္မာနံ သဘာဝေါတိ အဓိပ္ပာယ်ော။

၄၉။ စက္ခာဒီနံ ဘေဒံ ပဿတိတိ ဝိရောဓိပစ္စယသန္နိပါတေ ဝိကာရာ-
ပတ္တိဒဿနတော၊ အန္တေ စ အဒဿနူပဂမနတော ဝိနာသံ ပဿတိ ဩဠာရိ-
ကတ္တာ ရူပဓမ္မဘေဒဿ။ ပစ္စယံ ဒက္ခာတိ အနန္တရပစ္စယာဒိဝသေန ပစ္စယော
ဟုတွာ။ “ဗလဝတရ”န္တိ စိတ္တဿ လဟုတရံ ဘေဒံ သန္ဓာယ ဝုတ္တံ။ တထာ
ဟိ ဧကသ္မိံ ရူပေ ဓရန္တေယေဝ သောဠသ စိတ္တာနိ ဘိဇ္ဇန္တိ။ ဘေဒံ န ပဿတိတိ
ခဏေ ခဏေ ဘိဇ္ဇန္တမ္ပိ စိတ္တံ ပရဿ အနန္တရပစ္စယဘာဝေနေဝ ဘိဇ္ဇတိတိ
ပုရိမစိတ္တဿ အဘာဝံ ပဋိစ္ဆာဒေတွာ ဝိယ ပစ္စိမစိတ္တဿ ဥပ္ပတ္တိတော ဘာဝ-
ပက္ခော ဗလဝတရော ပါကဠော စ ဟောတိ၊ န အဘာဝပက္ခောတိ စိတ္တဿ
ဝိနာသံ န ပဿတိ^၁၊ အယဉ္စ အတ္ထော အလာတစက္ကဒဿနေန သုပါကဠော
ဝိညာယတိ။ ယသ္မာ ပန တက္ကိဝါဒီ နာနတ္တနယဿ ဒူရတရတာယ ဧကတ္တ-
နယဿပိ မိစ္ဆာဂဟိတတ္တာ “ယဒေဝိဒံ ဝိညာဏံ သဗ္ဗဒါပိ ဧကရူပေန ပဝတ္တတိ၊
အယမေဝ အတ္တာ နိစ္စော”တိအာဒိနာ အဘိနိဝေသံ ဇနေတိ၊ တသ္မာ ဝုတ္တံ
“သော တံ အပဿန္တော”တိအာဒိ။

အန္တာနန္တဝါဒဝတ္ထနာ

၅၃။ အန္တာနန္တိကာတိ ဧတ္ထ အမတိ ဂစ္ဆတိ ဧတ္ထ သဘာဝေါ ဩသာနန္တိ
အန္တော၊ မရိယာဒါ။ တပုဋိသေဓေန အနန္တော၊ အန္တော စ အနန္တော စ
အန္တာနန္တော စ နေဝန္တာနာနန္တော စ အန္တာနန္တာ သာမညနိဒ္ဒေသေန၊
ဧကသေသေန ဝါ “နာမရူပပစ္စယာ သဠာယတန”န္တိအာဒိသု^၂ ဝိယ။ ကဿ
ပန အန္တာနန္တောတိ? လောကီယတိ သံသာရနိဿရဏတ္ထိကေဟိ ဒိဋ္ဌိဂတိ-
ကေဟိ၊ လောကီယန္တိ ဝါ ဧတ္ထ တေဟိ ပုညာပုညံ တဗ္ဗိပါကော စာတိ
လောကောတိ သင်္ချံ ဂတဿ အတ္တနော။ တေနာဟ ဘဂဝါ “အန္တာနန္တံ
လောကဿ ပညပေန္တိ”တိ။ ကော ပနေသော အတ္တာတိ? ဈာနဝိသယဘူတ-
ကသိဏနိမိတ္တံ။ တတ္ထ ဟိ အယံ ဒိဋ္ဌိဂတိကော လောကသညိ။ တထာ စ ဝုတ္တံ
“တံ လောကောတိ ဂဟေတွာ”တိ။ ကေစိ ပန “ဈာနံ တံသမ္ပယုတ္တဓမ္မာ စ ဣဓ

၁-န ဟိ အဘာဝပက္ခေ ပစ္စိမစိတ္တဿ ဝိနာသံ ပဿတိ။ (ဗဟုသု)
၂-မ ၃-၁၀၉၊ သံ ၁-၂၄၃၊ ဒု ၁-၇၇-မိဋ္ဌာဒိသု။

‘အတ္တာ၊ လောကော’တိ စ ဂဟိတာ”တိ ဝဒန္တိ။ အန္တာနန္တသဟစရိတဝါဒေါ အန္တာနန္တော ယထာ “ကုန္တာ ပစရန္တိ”တိ၊ အန္တာနန္တသန္ဓိဿယော ဝါ ယထာ “မဉ္ဇော ယောသန္တိ”တိ။ သော ဧတေသံ အတ္ထိတိ အန္တာနန္တိကာ။ တေ ပန ယသ္မာ ယထာဝုတ္တနယေန အန္တာနန္တော ဝါဒေါ ဗိဠိ ဧတေသန္တိ “အန္တာနန္တ-ဝါဒါ”တိ ဝုစ္ဆန္တိ။ တသ္မာ အဋ္ဌကထာယံ “အန္တာနန္တဝါဒါ”တိ ဝတ္တာ “အန္တဝါ”တိ အာဒိနာ အတ္ထော ဝိဘတ္ထော။

တ္ထောဟ— ယုတ္တံ တာဝ ပုရိမာနံ တိတ္ထံ ဝါဒီနံ အန္တတ္ထန္တ အနန္တတ္ထန္တ အန္တာနန္တတ္ထန္တ အာရဗ္ဘ ပဝတ္တဝါဒတ္တာ အန္တာနန္တိကတ္တံ၊ ပစ္ဆိမဿ ပန တဒုဘယပဋိသေနေဝသေန ပဝတ္တဝါဒတ္တာ ကထမန္တာနန္တိကတ္တန္တိ? တဒုဘယ-ပဋိသေနေဝသေန ပဝတ္တဝါဒတ္တာ ဧဝ။ ယသ္မာ အန္တာနန္တပဋိသေဝေါဒေါပိ အန္တာနန္တဝိသယော ဧဝ တံ အာရဗ္ဘ ပဝတ္တတ္တာ။ ဧတဒတ္ထံယေဝ ဟိ သန္ဓာယ အဋ္ဌကထာယံ “အာရဗ္ဘ ပဝတ္တဝါဒါ”တိ ဝုတ္တံ။ အထ ဝါ ယထာ တတိယ-ဝါဒေ ဒေသဘေဒဝသေန ဧကဿေဝ အန္တဝန္တတာ အနန္တတာ စ သမ္ဘဝတိ၊ ဧဝံ တက္ကိဝါဒေပိ ကာလဘေဒဝသေန ဥဘယသမ္ဘဝတော အညမညပဋိသေ-နေ ဥဘယညေဝ ဝုစ္ဆတိ။ ကထံ? အန္တဝန္တတာပဋိသေနေ ဟိ အနန္တတာ ဝုစ္ဆတိ၊ အနန္တတာပဋိသေနေ စ အန္တဝန္တတာ၊ အန္တာနန္တာနဉ္စ န တတိယ-ဝါဒဘာဝေါ ကာလဘေဒဿ အဓိပ္ပေတတ္တာ။ ဣဒံ ဝုတ္တံ ဟောတိ— ယသ္မာ အယံ လောကသညိတော အတ္တာ အဓိဂတဝိသေသေဟိ မဟေသီဟိ အနန္တော ကဒါဏိ သက္ခိဒိဋ္ဌောတိ အနုသုယျတိ၊ တသ္မာ နေဝန္တဝါ။ ယသ္မာ ပန တေဟိ-ယေဝ ကဒါဏိ အန္တဝါ သက္ခိဒိဋ္ဌောတိ အနုသုယျတိ၊ တသ္မာ န ပန အနန္တောတိ။ ယထာ စ အနုသုတိတက္ကိဝသေန၊ ဧဝံ ဇာတိဿရတက္ကိအာဒိနဉ္စ ဝသေန ယထာသမ္ဘဝံ ယောဇေတဗ္ဗံ။ အယဉ္စိ တက္ကိကော အဝဇိတဘာဝပုဗ္ဗကတ္တာ ပဋိဘာဝနိမိတ္တာနံ ဝဇိတဘာဝဿ ဝဇိတကာလဝသေန အပ္ပဇ္ဇကွကာရိတာယ အနုဿဝါဒိမတ္ထေ ဌတ္တာ “နေဝန္တဝါ”တိ ပဋိက္ခိပတိ။ အဝဇိတကာလဝသေန ပန “န ပနာနန္တော”တိ၊ န ပန အန္တတာနန္တတာနံ အစ္စန္တမဘာဝေန ယထာ တံ “နေဝသညိနာသညိ”တိ။ ပုရိမဝါဒတ္ထယပဋိက္ခေပေါ စ အတ္တနာ ယထာဓိပ္ပေတပ္ပကာရဝိလက္ခဏတာယ တေသံ၊ အဝဿဉ္စေတံ ဧဝံ ဝိညာ-တဗ္ဗံ၊ အညထာ ဝိက္ခေပပက္ခံယေဝ ဘဇေယျ စတုတ္ထဝါဒေါ။ န ဟိ အန္တတာအနန္တတာတဒုဘယဝိနိမုတ္တော အတ္တနော ပကာရော အတ္ထိ၊ တက္ကိဝါဒိ စ ယုတ္တိမဂ္ဂကော၊ ကာလဘေဒဝသေန စ တဒုဘယံ ကေသျိမ္မိ န န ယုဇ္ဇတိတိ။

ကေဓိ ပန ယဒိ ပနာယံ အတ္တာ အန္တဝါ သိယာ၊ ခုရဒေသေ ဥပပဇ္ဇနာ-
နဿရဏာဒိကိစ္စနိပ္ပတ္တိ န သိယာ။ အထ အနန္တော၊ ဣဓ ဌိတဿ ဒေဝလော-
ကနိရယာဒိသု သုခဒုက္ခာနုဘဝနမ္ပိ သိယာ။ သစေ ပန အန္တဝါ စ အနန္တော
စ၊ တဒုဘယဒေါသသမာယောဂေါ။ တသ္မာ “အန္တဝါ၊ အနန္တော”တံ စ
အဗျာကရဏီယော အတ္တာတိ ဧဝံ တက္ကနဝသေန စတုတ္ထဝါဒပ္ပဝတ္ထိံ
ဝဏ္ဏေန္တိ။ ဧဝမ္ပိ ယုတ္တံ တာဝ ပစ္ဆိမဝါဒိဒ္ဓယဿ အန္တာနန္တိကတ္တံ အန္တာနန္တာနံ
ဝသေန ဥဘယဝိသယတ္တာ တေသံ ဝါဒဿ။ ပုရိမဝါဒိဒ္ဓယဿ ပန ကထံ ဝိသုံ
အန္တာနန္တိကတ္တန္တိ? ဥပစာရဝုတ္တိယာ။ သမုဒိတေသု ဟိ အန္တာနန္တဝါဒိသု
ပဝတ္တမာနော အန္တာနန္တိက-သဒ္ဓေါ တတ္ထ နိရုဇ္ဇတာယ ပစ္စေကမ္ပိ အန္တာနန္တိက-
ဝါဒိသု ပဝတ္တတိ ယထာ အရူပဈာနေသု ပစ္စေကံ အဠာပိမောက္ခပရိယာယော၊
ယထာ စ လောကေ သတ္တာသယောတိ။ အထ ဝါ အဘိနိဝေသတော
ပုရိမကာလပ္ပဝတ္ထိဝသေန အယံ တတ္ထ ဝေါဟာရော ကတော။ တေသဉ္စိ ဒိဋ္ဌိဂတိ-
ကာနံ တထာရူပစေတောသမာဓိသမဓိဂမတော ပုဗ္ဗကာလံ “အန္တဝါ န အယံ
လောကော၊ အနန္တော န”တိ ဥဘယာကာရာဝလမ္ပိနော ပရိဝိတက္ကဿ ဝသေန
နိရုဇ္ဇော အန္တာနန္တိကဘာဝေါ ဝိသေသလာဘေန တတ္ထ ဥပ္ပန္နေပိ ဧကံသဂ္ဂါ-
ဟေ ပုရိမသိဒ္ဓရုဋ္ဌိယာ ဝေါဟရိယတိတိ။

၅၄-၆၀။ ဝုတ္တနယေနာတိ “တက္ကယတိတိ တက္ကိ”တိအာဒိနာ^၁ သဒ္ဓတော၊
“စတုဗ္ဗိဓော တက္ကိ”တိအာဒိနာ^၂ အတ္တတော စ သဿတဝါဒေ ဝုတ္တဝိမိနာ။
ဒိဋ္ဌပုဗ္ဗာနုသာရေနာတိ ဒဿနဘူတေန ဝိညာဏေန ဥပလဒ္ဓပုဗ္ဗဿ အန္တ-
ဝန္တာဒိနော အနုဿရဏေန။ ဧဝဉ္စ ကတွာ အနုဿတိတက္ကိသုဒ္ဓတက္ကိနမ္ပိ ဣဓ
သင်္ဂဟော သိဒ္ဓေါ ဟောတိ။ အထ ဝါ ဒိဋ္ဌဂ္ဂဟဏေနေဝ “နစ္စဂီတဝါဒိတင်္ဂိသု-
ကဒဿနာ”တိအာဒိသု^၃ ဝိယ သုတာဒိနမ္ပိ ဂဟိတတာ ဝေဒိတဗ္ဗာ။ “အန္တဝါ”-
တိအာဒိနာ ဣစ္ဆိတဿ အတ္တနော သဗ္ဗဒါ ဘာဝပရာမသနဝသေန ဣမေသံ
ဝါဒါနံ ပဝတ္တနတော သဿတဒိဋ္ဌိသင်္ဂဟော ဒဠဗ္ဗော။ တထာ ဟိ ဝက္ခတိ
“သေသာ သဿတဒိဋ္ဌိယော”တိ^၄။

အမရာဗိက္ခေပဝါဒဝတ္ထနာ

၆၁။ န မရတိတိ န ဥစ္ဆိဇ္ဇတိ။ “ဧဝမ္ပိ မေ နော”တိအာဒိနာ ဝိဝိဓော
နာနပ္ပကာရော ခေပေါ ပရေန ပရဝါဒိနံ^၅ ဝိပနံ ဝိက္ခေပေါ။ အမရာယ

၁-ဒိ-ဋ္ဌ ၁-၉၀-ပိဋ္ဌေ။

၄-ဒိ-ဋ္ဌ ၁-၁၁၂-ပိဋ္ဌေ။

၂-ဒိ-ဋ္ဌ ၁-၉၉-ပိဋ္ဌေ။

၃-ဒိ ၁-၅-၆၀-ပိဋ္ဌေသု။

၅-သကဝါဒေန ပရဝါဒါနံ (အဘိနဝဂ္ဂိ)

ဒိဋ္ဌိယာ ဝါစာယ စ ဝိက္ခိပန္နိတိ ဝါ အမရာဝိက္ခေပိနော၊ အမရာဝိက္ခေပိနော ဧဝံ အမရာဝိက္ခေပိကာ။ ဣတော စိတော စ သန္တာဝတိ ဧကသ္မိံ သဘာဝေ အနဝဋ္ဌာနတော။ အမရာ ဝိယ ဝိက္ခိပန္နိတိ ဝါ ပုရိမနယေနော သဒ္ဓတ္ထော ဒဋ္ဌဗ္ဗော။

၆၂။ ဝိက္ခေပဝါဒိနော ဥတ္တရိမနဿဓမ္မေ၊ အကုသလဓမ္မေပိ သဘာဝ-
ဘေဒဝသေနော ဉာတုံ ဉာဏဗလံ နတ္ထိတိ ကုသလာကုသလပဒါနံ ကုသလာ-
ကုသလကမ္မပထဝသေနော အတ္ထော။ ပဌမနယဝသေနော အပရိယန္တရိက္ခေ-
ပတာယ အမရာဝိက္ခေပံ ဝိဘာဝေတုံ “ဧဝန္တိပိ မေ နောတိ အနိယမိတရိက္ခေ-
ပေါ”တိ ဝုတ္တံ။ တတ္ထ အနိယမိတရိက္ခေပေါတိ သဿတာဒိသု ဧကသ္မိမ္ပိ
ပကာရေ အဋ္ဌတွာ ဝိက္ခေပကရဏံ၊ ပရဝါဒိနာယသ္မိံ ကိသ္မိန္တိ ပုစ္ဆိတေ ပကာရေ
တဿ ပဋိက္ခေပေါတိ အတ္ထော။ ဒုတိယနယဝသေန အမရာသဒိသာယ
အမရာယ ဝိက္ခေပံ ဒဿေတုံ “ဣဒံ ကုသလန္တိ ဝါ ပုဋ္ဌော”တိအာဒိမာဟ။
အထ ဝါ “ဧဝန္တိပိ မေ နော”တိအာဒိနာ အနိယမတောဝ သဿတေကစ္စ-
သဿတုစ္ဆေဒတက္ကိဝါဒါနံ ပဋိသေဓနေန တံ တံ ဝါဒံ ပဋိက္ခိပတေဝ အပရိ-
ယန္တရိက္ခေပဝါဒတ္ထာ အမရာဝိက္ခေပိနော။ အတ္တနာ ပန အနဝဋ္ဌိတဝါဒတ္ထာ န
ကိသ္မိန္တိ ပက္ခေ အဝတိဋ္ဌတိတိ အာဟ “သယံ ပန။ပ။ ဗျာကရေတိ”တိ။
ဣဒါနိ ကုသလာဒိနံ အဗျာကရဏေန တမေဝ အနဝဋ္ဌာနံ ဝိဘာဝေတိ “ဣဒံ
ကုသလန္တိ ဝါ ပုဋ္ဌော”တိအာဒိနာ။ တေနောဟ “ဧကသ္မိမ္ပိ ပက္ခေ န တိဋ္ဌ-
တိ”တိ။

၆၃။ ကုသလာကုသလံ ယထာဘူတံ အပ္ပဇာနန္တောပိ ယေသမဟံ သမယေန
ကုသလမေဝ “ကုသလ”န္တိ၊ အကုသလမေဝ စ “အကုသလ”န္တိ ဗျာကရေယျံ။
တေသု တထာဗျာကရဏဟေတု “အဟော ဝတ ရေ ပဏ္ဍိတော”တိ သက္ကာရ-
သမ္မာနံ ကရောန္တေသု မမ ဆန္တော ဝါ ရာဂေါ ဝါ အဿာတိ ဧဝမ္ပတ္တ
အတ္ထော သမ္ဘဝတိ။ ဒေါသော ဝါ ပဋိသော ဝါတိ ဧတ္ထ ဝုတ္တရိပရိယာယေန
ယောဇေတဗ္ဗံ။ အဋ္ဌကထာယံ ပန အတ္တနော ပဏ္ဍိတဘာဝဝိသယာနံ ရာဂါဒိနံ
ဝသေန ယောဇနာ ကတာ။ “ဆန္ဒရာဂဒ္ဓယံ ဥပါဒါန”န္တိ အဘိဓမ္မနယေန
ဝုတ္တံ။ အဘိဓမ္မေ ဟိ တဏှာဒိဋ္ဌိယောဝ “ဥပါဒါန”န္တိ အာဂတာ၊ သုတ္တန္တေ
ပန ဒေါသောပိ “ဥပါဒါန”န္တိ ဝုတ္တော “ကောရပါဒါနရိနိဗန္ဓာ ဝိသုတံ
အာပဇ္ဇန္တိ”တိအာဒိသု။ တေန ဝုတ္တံ “ဥဘယမ္ပိ ဝါ ဒဋ္ဌဂ္ဂဟဏဝသေန

ဥပါဒါန”န္တိ။ ဒဋ္ဌဂ္ဂဟဏံ အမုဉ္ဇနံ။ ပဋိသောပိ ဟိ ဥပနာဟာဒိဝသေန ပဝတ္တော အာရမ္မဏံ န မုဉ္ဇတိ။ ဝိဟနနံ ဟိ သနံ ဝိဗာဓနံ။ ရာဂေါပိ ဟိ ပရိဋ္ဌာဟဝသေန သာရဒ္ဓုရတ္တိတာယ နိဿယံ ဝိဗာဓတိတိ။ ဝိနာသေတုကာမတာယ အာရမ္မဏံ ဂဏှာတိတိ သမ္ပန္နော။

၆၄။ ပဏ္ဍိစ္ဆေနာတိ ပညာယ။ ယေန ဟိ ဓမ္မေနယုတ္တော “ပဏ္ဍိတော”တိ ဝုစ္ဆတိ၊ သော ဓမ္မော ပဏ္ဍိစ္စံ၊ တေန သုတစိန္တာမယံ ပညံ ဒဿေတိ၊ န ပါကတိကကမ္မနိဗ္ဗတ္တံ သာဘာဝိကပညံ။ ကတ-သဒ္ဓဿ ကိရိယာသာမညဝါစကတ္တာ “ကတဝိဇ္ဇော”တိအာဒိသု ဝိယ ကတ-သဒ္ဓေါ ဉ္ဇဏာနုယုတ္တတံ ဝဒတိတိ အာဟ “ဝိညာတပရပ္ပဝါဒါ”တိ။ သတ္တဓာ ဘိန္နဿ ဝါလဂ္ဂဿ အံသုကောဋိဝေဓကော “ဝါလဝေဒီ”တိ အဓိပ္ပေတော။

၆၅-၆။ ဣတ္ထ စ ကိဉ္ဇာပိ ပုရိမာနဗ္ဗိ တိဏ္ဍိ ကုသလာဒိဓမ္မသဘာဝါနဝဗောဓတော အတ္ထေဝ မန္တဘာဝေါ၊ တေသံ ပန အတ္တနော ကုသလာဒိဓမ္မာနဝဗောဓဿ အဝဗောဓဝိသေသော အတ္ထိ၊ တဒဘာဝါ ပစ္စိမောယေဝ မန္တမောမူဟဘာဝေန ဝုတ္တော။ နန စ ပစ္စိမဿာပိ “အတ္ထိ ပရောလောကော”တိ ဣတိ စေ မေ အဿ၊ ‘အတ္ထိ ပရောလောကော’တိ ဣတိ တေ နံ ဗျာကရေယျံ၊ ဧဝန္တိပိ မေ နော”တိအာဒိ ဝစနတော အတ္တနော ဓမ္မာနဝဗောဓဿ အဝဗောဓော အတ္ထိယေဝါတိ? ကိဉ္ဇာပိ အတ္ထိ၊ န တဿ ပုရိမာနံ ဝိယ အပရိညာတဓမ္မဗျာကရဏနိဗန္ဓနမုသာဝါဒါဒိဘယပရိဇီရုစ္ဆနာကာရော အတ္ထိ၊ အထ ခေါ မဟာမူဠောယေဝ။ အထ ဝါ “ဧဝန္တိပိ မေ နော”တိအာဒိနာ ပုစ္ဆာယ ဝိက္ခေပကရဏတ္ထံ “အတ္ထိ ပရောလောကော”တိ ဣတိ စေ မံ ပုစ္ဆသိ”တိ ပုစ္ဆာဌပနမေဝ တေန ဒဿိယတိ၊ န အတ္တနော ဓမ္မာနဝဗောဓောတိ အယမေဝ ဝိသေသေန “မန္တော စေဝ မောမူဟော စာ”တိ ဝုတ္တော။ တေနေဝ ဟိ တထာဝါဒိနံ သဉ္ဇယံ ဗေလဋ္ဌပုတ္တံ အာရဗ္ဘ “အယံ ဝါ ဣမေသံ သမဏဗြာဟ္မဏာနံ သဗ္ဗမန္တော သဗ္ဗမူဠော”တိ ၂ ဝုတ္တံ။ တတ္ထ “အတ္ထိ ပရောလောကော”တိ သဿတဒဿနဝသေန သမ္မာဒိဋ္ဌိဝသေန ဝါ ပုစ္ဆာ။ “နတ္ထိ ပရောလောကော”တိ နတ္ထိကဒဿနဝသေန သမ္မာဒဿနဝသေန ဝါ ပုစ္ဆာ။ “အတ္ထိ စ နတ္ထိ စ ပရောလောကော”တိ ဥစ္ဆေဒဒဿနဝသေန သမ္မာဒိဋ္ဌိဝသေန ဧဝ ဝါ ပုစ္ဆာ။ “နေဝ အတ္ထိ န နတ္ထိ ပရောလောကော”တိ ဝုတ္တပ္ပကာရဏယပဋိက္ခေပေ သတိ ပကာရန္တရဿ အသမ္ဘဝတော အတ္ထိတာနတ္ထိတာဟိ နဝတ္တဗ္ဗာကာရော

ပရောလောကောတိ ဝိက္ခေပညေဝ ပုရေက္ခာရေန သမ္မာဒိဋ္ဌိဝသေန ဝါ ပုစ္ဆာ။ သေသစတုက္ကတ္တယေဝံ ပုတ္တနယာနုသာရေန အတ္ထော ဝေဒိတဗ္ဗော။ ပုညသင်္ခါရတ္ထိကော ဝိယ ဟိ ကာယသင်္ခါရတ္ထိကေန ပုရိမစတုက္ကသင်္ဂဟိတော ဝေ အတ္ထော။ သေသစတုက္ကတ္တယေန အတ္တပရာမာသပုညာဒိဖလတာစောဒနာနယေန သင်္ဂဟိတောတိ။

အမရာဝိက္ခေပိကော သဿတာဒိနံ အတ္တနော အရစ္စနတာယ သဗ္ဗတ္ထ “ဝေန္တိပိ မေ နော”တိအာဒိနာ ဝိက္ခေပညေဝ ကရောတိ။ တတ္ထ “ဝေန္တိပိ မေ နော”တိအာဒိ တတ္ထ တတ္ထ ပုစ္ဆိကာကာရပဋိသေနေဝသေန ဝိက္ခိပနာကာရဒဿနံ။ နန စ ဝိက္ခေပဝါဒိနော ဝိက္ခေပပက္ခဿ အနုဇာနနံ ဝိက္ခေပပက္ခေ အဝဋ္ဌာနံ ယုတ္တရူပန္တိ? န, တတ္ထာပိ တဿ သမ္မုဇ္ဈတ္တာ, ပဋိက္ခေပဝသေနေဝ စ ဝိက္ခေပဝါဒဿ ပဝတ္တနတော။ တထာ ဟိ သဗ္ဗယော ဗေလဋ္ဌပုတ္တော ရညာ အဇာတသတ္တုနာ သန္တိဋ္ဌိကံ သာမညဖလံ ပုဋ္ဌော ပရလောကတ္ထိကာဒိနံ ပဋိသေနေမုခေန ဝိက္ခေပံ ဗျာကာသိ။

တ္ထောဟ—နန စာယံ သဗ္ဗောပိ အမရာဝိက္ခေပိကော ကုသလာဒယော ဓမ္မေ, ပရလောကတ္ထိကာဒိနိ စ ယထာဘူတံ အနဝဗုဇ္ဈမာနော တတ္ထ တတ္ထ ပဉ္စ ပုဋ္ဌော ပုစ္ဆာယ ဝိက္ခေပနမတ္ထံ အာပဇ္ဇတိ၊ တဿ ကထံ ဒိဋ္ဌိဂတိကဘာဝေါ။ န ဟိ အဝတ္တုကာမဿ ဝိယ ပုစ္ဆိတမတ္ထမဇာနန္တဿ ဝိက္ခေပကရဏမတ္ထေန ဒိဋ္ဌိဂတိကတာ ယုတ္တာတ်? ပုစ္စတေ— န ဟေဝ ခေါ ပုစ္ဆာယ ဝိက္ခေပကရဏမတ္ထေန တဿ ဒိဋ္ဌိဂတိကတာ၊ အထ ခေါ မိစ္ဆာဘိနိဝေသဝသေန။ သဿတာဘိနိဝေသေန မိစ္ဆာဘိနိဝိဇ္ဇာယေဝ ဟိ ပုဂ္ဂလော မန္တဗုဒ္ဓိတာယ ကုသလာဒိဓမ္မေ ပရလောကတ္ထိကာဒိနိ စ ယာဘာဝတော အပ္ပုဋ္ဌိပဇ္ဇမာနော အတ္တနာ အဝိညာတဿ အတ္တဿ ပရံ ဝိညာပေတုံ အသက္ကုဏေယျတာယ မုသာဝါဒါဒိဘယေန စ ဝိက္ခေပံ အာပဇ္ဇတိတိ။ တထာ ဟိ ဝက္ခတိ “ယာသံ သတ္တေဝ ဥစ္ဆေဒဒိဋ္ဌိယော၊ သေသာ သဿတဒိဋ္ဌိယော”တိ။ အထ ဝါ ပုညပါပါနံ တဗ္ဗိပါကာနဉ္စ အနဝဗောဓေန အသဒ္ဓဟနေန စ တဗ္ဗိသယာယ ပုစ္ဆာယ ဝိက္ခေပကရဏံယေဝ သုန္တရန္တိ ခန္တိ ရုစိ ဥပ္ပါဒေတွာ အဘိနိဝိသန္တဿ ဥပ္ပန္နာ ဝိသုယေဝေသာ ကော ဒိဋ္ဌိ သတ္တဘင်္ဂဒိဋ္ဌိဝိယာတိ ဒဋ္ဌဗ္ဗံ။ တထာ စ ပုတ္တံ “ပရိယန္တရဟိတာ ဒိဋ္ဌိဂတိကဿ ဒိဋ္ဌိ စေဝ ဝါစာ စာ”တိ။ ကထံ ပနဿာ သဿတဒိဋ္ဌိသင်္ဂဟော? ဥစ္ဆေဒဝသေန အနဘိနိဝေသတော။ နတ္ထိ ကောစိ ဓမ္မာနံ ယထာဘူတဝေဒိ

ဝိဝါဒဗဟုလတ္တာ လောကဿ၊ “ဝေမေဝ”န္တိ ပန သဒ္ဓန္တရေန “ဓမ္မနိဇ္ဈာနနာ အနာဒိကာလိကာ လောကေ”တိ ဂါဟဝသေန သဿတလေသောပေတ္တ လတ္တတိယေဝ။

အဓိစ္စသမုပ္ပန္နဝါဒဝဏ္ဏနာ

၆၇။ အဓိစ္စ ယဒိစ္ဆကံ ယံ ကိဉ္စိ ကာရဏံ၊ ကဿစိ ဝုဒ္ဓိပုဗ္ဗံ ဝါ ဝိနာ သမုပ္ပ-
နောတိ အတ္တလောကသညိတာနံ ခန္ဓာနံ အဓိစ္စုပ္ပတ္တိအာကာရာရမ္မဏံ ဒဿနံ
တဒါကာရသန္ဓိဿယေန ပဝတ္တိတော၊ တဒါကာရသဟစရိတဇာယ စ
“အဓိစ္စသမုပ္ပန္န”န္တိ ဝုစ္ဆတိ ယထာ “မဇ္ဇာ ဃောသန္တိ၊ ကုန္တာ ပစရန္တိ”တိ စ
ဇ္ဈမမတ္တံ ဒေသေန္တော အာဟ “အဓိစ္စသမုပ္ပန္နော အတ္တာ စ လောကော စာတိ
ဒဿနံ အဓိစ္စသမုပ္ပန္န”န္တိ။

၆၈-၇၃။ ဒေသနာသီသန္တိ ဒေသနာယ ဇေဋ္ဌကဘာဝေန ဂဟဏံ၊
တေန သညံယေဝ ဓုရံ ကတွာ ဘဂဝတာ အယံ ဒေသနာ ကတာ၊ န ပန တတ္ထ
အညေသံ အရူပဓမ္မာနံ အတ္ထိဘာဝတောတိ ဒေသေတိ။ တေနောဟ
“အဓိတ္တုပ္ပါဒါ”တိအာဒိ။ ဘဂဝါ ဟိ ယထာ လောကုတ္တရဓမ္မံ ဒေသေန္တော
သမာဓိံ ပညံ ဝါ ဓုရံ ကရေတိ၊ ဧဝံ လောကီယဓမ္မံ ဒေသေန္တော စိတ္တံ
သညံ ဝါ ဓုရံ ကရေတိ။ တတ္ထ “ယသ္မိံ သမယေ လောကုတ္တရံ ဈာနံ
ဘာဝေတိ”၊ ပဉ္စဂီကော သမ္မာသမာဓိံ၊ ပဉ္စဉာဏိကော သမ္မာသမာဓိံ၊ ပညာယ
စဿ ဒိသ္မာ အာသဝါ ပရိက္ခိဏာ ဟောန္တိ”တိ၊ တထာ “ယသ္မိံ သမယေ
ကာမာဝစရံ ကုသလံ စိတ္တံ ဥပ္ပန္နံ ဟောတိ”၊ ကိံ စိတ္တော တံ ဘိက္ခု မနော-
ပုဗ္ဗင်္ဂမာ ဓမ္မာ၊ သန္တိ ဘိက္ခဝေ သတ္တာ နာနတ္တကာယာ နာနတ္တသညိနော၊
နေဝသညာနာသညာယတန”န္တိအာဒိနိဇ္ဇေ သုတ္တာနိ ဧတဿ အတ္တဿ သာဓ-
ကာနိ ဒဋ္ဌဗ္ဗာနိ။ တိတ္ထာယတနေတိ အညတိတ္ထိယသမယေ။ တိတ္ထိယာ ဟိ
ဥပပတ္တိဝိသေသေ ဝိမုတ္တိသညိနော၊ သညာဝိရာဂါဝိရာဂေသု အာဒိနဝါ-
နိသံသဒဿိနော ဝါ ဟုတွာ အသညသမာပတ္တိံ နိဗ္ဗတ္တေတွာ အက္ခဏဘူမိယံ
ဥပ္ပဇ္ဇန္တိ၊ န သာသနိကာ။ ဝါယောကသိဏေ ပရိကမ္ပံ ကတွာတိ ဝါယော-
ကသိဏေ ပဌမာဒိနိ တိဏိ ဈာနာနိ နိဗ္ဗတ္တေတွာ တတိယဇ္ဈာနေ စိဏ္ဏဝသိ

၁-အဘိ ၁-၇၂-ပိဋေ။ ၂-ဒီ ၃-၂၃၂-ပိဋေ။ ၃-ဒီ ၃-၂၃၄၊ အဘိ ၂-၃၄၇-ပိဋေသု။
၄-မ ၁-၂၁၅-ပိဋေ။ ၅-အဘိ ၁-၁၇-ပိဋေ။ ၆-ဝိ ၁-၇၅-၁၀၁-ပိဋာဒိသု။
၇-ခု ၁-၁၃၊ ၃ ၁၀-၁၀၇-၂၇၅-၂၇၇-ပိဋေ။
၈-ဒီ ၃-၂၀၉-၂၁၀-၂၄၁-၂၅၂၊ အံ ၂-၄၂၇၊ အံ ၃-၂၀၁၊ ၃ ၈-၁၆၇-ပိဋေသု။ ၉-ဒီ ၃-၂၅၂-ပိဋေ။

ဟုတွာ တတော ဝုဠာယ စတုတ္ထဇ္ဈာနာဓိဂမာယ ပရိကမ္ပံ ကတွာ။ တေနေ-
ဝါဟ “စတုတ္ထဇ္ဈာနံ နိဗ္ဗတ္တေတွာ”တိ။

ကသ္မာ ပနေတ္ထ ဝါယောကသိဏေယေဝ ပရိကမ္ပံ ဝုတ္တန္တိ? ဝုတ္တေ—
ယထေဝ ဟိ ရူပပဋိဘာဂဘူတေသု ကသိဏပိသေသေသု ရူပဝိဘာဝနေန
ရူပဝိရာဂဘာဝနာသင်္ခါတော အရူပသမာပတ္တိပိသေသော သမ္ဘိကဇီယတိ။ ဧဝံ
အပရိဗျတ္တဝိဂ္ဂဟတာယ အရူပပဋိဘာဂဘူတေ ကသိဏပိသေသေ အရူပဝိဘာ-
ဝနေန အရူပဝိရာဂဘာဝနာသင်္ခါတော ရူပသမာပတ္တိပိသေသော အဓိဂမိယ-
တိတိ ဧတ္ထ “သညာ ရောဂေါ၊ သညာ ဂဏှော”တိအာဒိနာ “မိ စိတ္တံ၊ မိဗ္ဗတေ
တံစိတ္တံ”န္တိအာဒိနာ စ နယေန အရူပပုပ္ဖိယာ အာဒိနဝဒဿနေန၊ တဒဘာဝေ
စ သန္တပဏိတဘာဝသန္တိဋ္ဌာနေန ရူပသမာပတ္တိယာ အဘိသင်္ခရဏံ၊ ရူပဝိရာဂ-
ဘာဝနာ ပန သဒ္ဓိံ ဥပစာရေန အရူပသမာပတ္တိယော၊ တတ္ထာပိ ပိသေသေန
ပဌမာရူပဇ္ဈာနံ။ ယဒိ ဧဝံ “ပရိစ္ဆိန္နာကာသကသိဏေပိ”တိ ဝတ္တဗ္ဗံ။ တဿာပိ ဟိ
အရူပပဋိဘာဂတာ လတ္တတိတိ? ဣတ္ထိတမေဝေတံ၊ ကေသန္တိ အဝစနံ ပနေတ္ထ
ပုဗ္ဗာစရိယေဟိ အဂ္ဂဟိတဘာဝေန။ ယထာ ဟိ ရူပဝိရာဂဘာဝနာ ဝိရဇ္ဇနီယ-
ဓမ္မဘာဝမတ္တေန ပရိနိပ္ပန္နာ၊ ဝိရဇ္ဇနီယဓမ္မပဋိဘာဂဘူတေ စ ပိသယပိသေသေ
ပါတုဘဝတိ။ ဧဝံ အရူပဝိရာဂဘာဝနာပိတိ ဝုစ္စမာနေ န ကောစိ ဝိရောဓော၊
တိတ္ထိယေဟေဝ ပန တဿာ သမာပတ္တိယာ ပဋိပဇ္ဇိတဗ္ဗတာယ၊ တေသဉ္စ
ပိသယပထေ သု’ပနိဗန္ဓနဿေဝ တဿ ဈာနဿ ပဋိပတ္တိတော ဒိဋ္ဌိဝန္တေဟိ
ပုဗ္ဗာစရိယေဟိ စတုတ္ထေယေဝ ဘူတကသိဏေ အရူပဝိရာဂဘာဝနာပရိကမ္ပံ
ဝုတ္တန္တိ ဒဋ္ဌဗ္ဗံ။ ကိန္ဉ ဝဏ္ဏကသိဏေသု ပိယ ပုရိမဘူတကသိဏတ္တယေပိ
ဝဏ္ဏပဋိစ္ဆာယာဝ ပဏ္ဏတ္တိ အာရမ္မဏံ ဈာနဿ လောကဝေါဟာရာနုရောဓေ-
နေဝ ပဝတ္တိတော။ ဧဝေ ကတွာ ဝိသုဒ္ဓိမဂ္ဂေါ ပထဝီကသိဏဿ အာဒါသစန္ဒ-
မဏ္ဍလူပမာဝစနဉ္စ သမတ္တိတံ ဟောတိ။ စတုတ္ထံ ပန ဘူတကသိဏံ ဘူတပု-
ဋိစ္ဆာယမေဝ ဈာနဿ ဂေါစရဘာဝံ ဂစ္ဆတိတိ တဿေဝ အရူပပဋိဘာဂတာ
ယုတ္တာတိ ဝါယောကသိဏေယေဝ ပရိကမ္ပံ ဝုတ္တန္တိ ဝေဒိတဗ္ဗံ။

ဣဓေဝါဟိ ပဉ္စဝေါကာရဘဝေယေဝ။ တတ္ထာတိ အသညဘဝေ။ ယဒိ
ရူပက္ခန္ဓမတ္တမေဝ အသညဘဝေ ပါတုဘဝတိ။ ကထမရူပသန္နိဿယေန ဝိနာ
တတ္ထ ရူပံ ပဝတ္တတိ။ ကထံ ပန ရူပသန္နိဿယေန ဝိနာ အရူပဓာတုယံ အရူပံ
ပဝတ္တတိ။ ဣဒမ္ပိ ကေန သမာနဇာတိယမေဝ။ ကသ္မာ? ဣဓေဝ အဒဿနတော။
ယဒိ ဧဝံ ကဗုဠိကာရာဟာရေန ဝိနာ ရူပဓာတုယံ ရူပေန န ပဝတ္တိတဗ္ဗံ။ ကိ”

ကာရဏံ? ဣဓေဝ အဒဿနတော။ အပိ စ ယထာ ယဿ စိတ္တသန္တာနဿ နိဗ္ဗတ္တိကာရဏံ ရူပေ အဝိဂတတဏှံ၊ တဿ သဟ ရူပေန သမ္ဘဝတော ရူပံ နိဿာယ ပဝတ္တိ၊ ယဿ ပန နိဗ္ဗတ္တိကာရဏံ ရူပေ ဝိဂတတဏှံ၊ တဿ ဝိနာ ရူပေန ရူပနိရပေက္ခတာယ ကာရဏဿ၊ ဧဝံ ယဿ ရူပပ္ပဗန္ဓဿ နိဗ္ဗတ္တိကာရဏံ ဝိဂတတဏှံ အရူပေ၊ တဿ ဝိနာ အရူပေန ပဝတ္တိ ဟောတီတိ အသညဘဝေ ရူပက္ခန္ဓမတ္တမေဝ နိဗ္ဗတ္တတိ။ ကထံ ပန တတ္ထ ကေဝလော ရူပပ္ပဗန္ဓော ပစ္စုပ္ပန္နပစ္စယရဟိတော စိရကာလံ ပဝတ္တတီတိ ပစ္စေတဗ္ဗံ၊ ကိတ္တကံ ဝါ ကာလံ ပဝတ္တတီတိ စောဒနံ မနသိ ကတွာ အာဟ “ယထာ နာမ ဖိယာဝေ-ရက္ခိတ္တော သဓော”တိအာဒိ၊ တေန န ကေဝလမာဂမောယေဝ အယမေတ္ထ ယုတ္တိတိ ဒဿေတိ။ တတ္ထကမေဝ ကာလန္တိ ဥက္ကံသတော ပဉ္စ မဟာကပ္ပသတာ-နိဝိ တိဋ္ဌန္တိ အသညသတ္တာ။ ချာနဝေဂေတိ အသညသမာပတ္တိပရိက္ခတေ ကမ္မဝေဂေ။ အန္တရဓာယတီတိ ပစ္စယနိရောဓေန နိရုဇ္ဈတိ နပ္ပဝတ္တတိ။

ဣဓာတိ ကာမဘဝေ။ ကထံ ပန အနေကကပ္ပသတသမတိက္ကမေန စိရနိရုဒ္ဓတော ဝိညာဏတော ဣဓ ဝိညာဏံ သမုပ္ပဇ္ဇတိ။ န ဟိ နိရုဒ္ဓေ စက္ခုမိ စက္ခုဝိညာဏမုပ္ပဇ္ဇမာနံ ဒိဋ္ဌန္တိ? နယိဒမေကန္တတော ဒဋ္ဌဗ္ဗံ။ စိရနိရုဒ္ဓမိ ဟိ စိတ္တံ သမာနဇာတိကဿ အန္တရာနုပ္ပဇ္ဇနတော အနန္တရပစ္စယမတ္တံ ဟောတိ-ယေဝ၊ န ဗီဇံ၊ ဗီဇံ ပန ကမ္မံ။ တသ္မာ ကမ္မတော ဗီဇဘူတတော အာရမ္မဏာ-ဒီဟိ ပစ္စယေဟိ အသညဘဝတော စုတာနံ ကာမဓာတုယာ ဥပပတ္တိဝိညာဏံ ဟောတိယေဝ။ တေနာဟ “ဣဓ ပဋိသန္ဓိသညာ ဥပ္ပဇ္ဇတိ”တိ။ ဧတ္ထ စ ယထာ နာမ ဥတုနိယာမေန ပုပ္ဖဂ္ဂဟဏေ နိယတကာလာနံ ရုက္ခာနံ ဝေခေ ဒိန္ဓေ ဝေခဗလေန န ယထာ နိယာမတာ ဟောတိ ပုပ္ဖဂ္ဂဟဏဿ၊ ဧဝမေဝ ပဉ္စဝေါကာရဘဝေ အဝိပ္ပယောဂေန ဝတ္တမာနေသု ရူပါရူပဓမ္မေသု ရူပါရူပ-ဝိရာဂဘာဝနာဝေခေ ဒိန္ဓေ တဿ သမာပတ္တိဝေခဗလဿ အနုရူပတော အရူပဘဝေ အသညဘာဝေ စ ယထာက္ကမံ ရူပရဟိတာ အရူပရဟိတာ စ ခန္ဓာနံ ပဝတ္တိ ဟောတီတိ ဝေဒိတဗ္ဗံ။ နနု ဧတ္ထ ဇာတိသတသဟဿဒသသံ-ဝဇ္ဇာဒီနံ မတ္ထကေ၊ အပ္ပန္နရတော ဝါ ပဝတ္တာယ အသညပဝတ္တိယာ ဝသေန လာဘီအဓိစ္စသမုပ္ပန္နိကဝါဒေါ လာဘီသဿတဝါဒေါ ဝိယ အနေကဘေဒေါ သမ္ဘဝတီတိ? သစ္စံ သမ္ဘဝတိ၊ အနန္တရတ္တာ ပန အာပန္နာယ အသညပ-ပတ္တိယာ ဝသေန လာဘီအဓိစ္စသမုပ္ပန္နိကဝါဒေါ နယဒဿနဝသေန ဧကောဝဒဿိတောတိ ဒဋ္ဌဗ္ဗံ။ အထ ဝါ သဿတဒိဋ္ဌိသင်္ဂဟတော အဓိစ္စသမုပ္ပန္နိက-ဝါဒဿံ သဿတဝါဒေ အာဂတော သဗ္ဗော ဒေသနာနယော ယထာသမ္ဘဝံ

အဓိစ္စသမုပ္ပန္နကဝါဒေပိ ဂဟေတဗ္ဗောတိ ဣမဿ ဝိသေသဿ ဒဿနတ္ထံ ဘဂဝတာ လာဘီအဓိစ္စသမုပ္ပန္နကဝါဒေါ အဝိဘဇိတွာ ဒေသိတော။ အဝဿန္တ သဿတဒိဋ္ဌိသင်္ဂဟော အဓိစ္စသမုပ္ပန္နကဝါဒဿ ဣစ္ဆိတဗ္ဗော သံကိလေသပက္ခေ သတ္တာနံ အဇ္ဈာသယဿ ဒုဝိဇ္ဇော။ တထာ ဟိ ဝုတ္တံ အဋ္ဌကထာယံ “သဿ-တုစ္ဆေဒဒိဋ္ဌိ စာ”တိ။ တထာ စ ဝက္ခတိ “ယာသံ သတ္တေဝ ဥစ္ဆေဒဒိဋ္ဌိယော၊ သေသာ သဿတဒိဋ္ဌိယော”တိ။

နန စ အဓိစ္စသမုပ္ပန္နကဝါဒဿ သဿတဒိဋ္ဌိသင်္ဂဟော န ယုတ္တော။ “အဟံ ဟိ ပုဗ္ဗေ နာဟောသိ”န္တိ အာဒိဝသေန ပဝတ္တနတော၊ အပုဗ္ဗသတ္တ-ပါတုဘာဝဂ္ဂါဟတ္တာ၊ အတ္တနော လောကဿ စ သဒါဘာဝဂါဟိနီ စ သဿတဒိဋ္ဌိ “အတ္ထိတွေဝ သဿတိသမ”န္တိ ပဝတ္တနတော? နော န ယုတ္တော အနာဂတေ ကောဋိအဒဿနတော။ ယဒိပိ ဟိ အယံ ဝါဒေါ “သောမှိ ဧတ-ရဟိ အဟုတွာ သန္တတယ ပရိဏတော”တိ။ အတ္တနော လောကဿ စ အတိတကောဋိပရာမသနဝသေန ပဝတ္တော၊ တထာပိ ဝတ္တမာနကာလတော ပဋ္ဌာယ န တေသံ ကတ္ထမိ အနာဂတေ ပရိယန္တံ ပဿတိ၊ ဝိသေသေန စ ပစ္စုပ္ပန္နာနာဂတကာလေသု ပရိယန္တာဒဿနပဘာဝိတော သဿတဝါဒေါ။ ယထာဟ “သဿတိသမံ တထေဝ ဌဿတိ”တိ။ ယဒိ ဧဝံ ဣမဿ ဝါဒဿ၊ သဿတဝါဒါဒီနဉ္စ ပုဗ္ဗန္တကပ္ပိကေသု သင်္ဂဟော န ယုတ္တော အနာဂတကာလ-ပရာမသနဝသေန ပဝတ္တတ္တာတိ? န၊ သမုဒါဂမဿ အတိတကောဋ္ဌာသိကတ္တာ။ တထာ ဟိ နေသံ သမုပ္ပတ္တိ အတိတံသပုဗ္ဗေနိဝါသညဏေဟိ၊ တပုဋိရူပကာ-နုဿဝါဒိပ္ပဘာဝိတတက္ကနေဟိ စ သင်္ဂဟိတာတိ၊ တထာ စေဝ သံဝဏ္ဏိတံ။ အထ ဝါ သဗ္ဗတ္ထ အပ္ပုဋိဟတညဏေန ဝါဒိဝရေန ဓမ္မဿာမိနာ နိရဝသေ-သတော အဂတိဉ္စ ဂတိဉ္စ ယထာဘူတံ သယံ အဘိညာ သန္တိကတွာ ပဝေ-ဒိတာ ဧတာ ဒိဋ္ဌိယော၊ တသ္မာ ယာဝတိကာ ဒိဋ္ဌိယော ဘဂဝတာ ဒေသိတာ၊ ယထာ စ ဒေသိတာ၊ တထာ တထာဝ တာ သန္တိဋ္ဌာနတော သမ္ပုဋိစ္ဆိတဗ္ဗာ၊ န ဧတ္ထ ယုတ္တိဝိစာရဏာ ကာတဗ္ဗာ ဗုဒ္ဓဝိသယတ္တာ။ အစိန္တေယျော ဟိ ဗုဒ္ဓ-ဝိသယောတိ။

ဒုတိယဘာဏဝါရဝဏ္ဏနာ နိဋ္ဌိတာ။

အပရန္တကပ္ပိကဝါဒဝတ္ထုနာ

၇၄။ “အပရန္တေ ဤဏံ၊ အပရန္တာနုဒိဋ္ဌိနော”တိအာဒိသု ဝိယ အပရ-သဒ္ဓေါ ဣဓ အနာဂတကာလဝါစကောတိ အာဟ “အနာဂတကောဋ္ဌာသသင်္ခါတ”န္တိ။ အပရန္တံ ကပ္ပေတွာတိအာဒိသု “ပုဗ္ဗန္တံ ကပ္ပေတွာ”တိအာဒိသု ဝုတ္တနယေန အတ္ထော ဝေဒိတဗျော။ ဝိသေသမတ္တမေဝ ဝက္ခာမ။

သညီဝါဒဝတ္ထုနာ

၇၅။ ဥဒ္ဓမာဃာတနာတိ ပဝတ္ထော ဝါဒေါ ဥဒ္ဓမာဃာတနော၊ သော ဧတေသံ အတ္ထိတိ ဥဒ္ဓမာဃာတနိကာ။ ယသ္မာ ပန တေ ဒိဋ္ဌိဂတိကာ “ဥဒ္ဓံ မရဏာ အတ္တာ နိဗ္ဗိကာရော”တိ ဝဒန္တိ၊ တသ္မာ “ဥဒ္ဓမာဃာတနာ အတ္တာနံ ဝဒန္တိတိ ဥဒ္ဓမာဃာတနိကာ”တိ ဝုတ္တံ။ သညီဝါဒေါ ဧတေသံ အတ္ထိတိ သညီဝါဒါ “ဗုဒ္ဓံ အဿ အတ္ထိတိ ဗုဒ္ဓေါ”တိ ယထာ။ အထ ဝါ သညီတိ ပဝတ္ထော ဝါဒေါ သညီ သဟစရဏနယေန၊ သညီ ဝါဒေါ ဧတေသန္တိ သညီဝါဒါ။

၇၆-၇၇။ ဣဒိ အတ္တာတိ ဧတ္ထ နနု ရူပဝိနိမုတ္တေန အတ္တနာ ဘဝိတဗ္ဗံ သညာယ ဝိယ ရူပဿပိ အတ္တနိယတ္တာ။ န ဟိ “သညီ အတ္တာ”တိ ဧတ္ထ သညာ အတ္တာ။ တေနေဝ ဟိ “တတ္ထ ပဝတ္တသညဉ္ဇဿ သညာတိ ဂဟေတွာ”တိ ဝုတ္တံ။ ဧဝံ သတိ ကသ္မာ ကသိဏရူပံ “အတ္တာ”တိ ဂဟေတွာ ဝုတ္တန္တိ? န ခေါ ပနေတံ ဧဝံ ဒဠဗ္ဗံ “ရူပံ အဿ အတ္ထိတိ ရူပိ”တိ၊ အထ ခေါ “ရူပနသီလော ရူပိ”တိ။ ရူပနဇေတ္ထ ရူပသရိက္ခတာယ ကသိဏရူပဿ ဝစိတာဝစိတကာလ-ဝသေန ဝိသေသာပတ္တိ၊ သာ စ “နတ္ထိ”တိ န သက္ကာ ဝတ္တု ပရိတ္တဝိပုလတာဒိ-ဝိသေသသဟ္တာဝတော။ ယဒိ ဧဝံ ဣမဿ ဝါဒဿ သဿတဒိဋ္ဌိသင်္ဂဟော န ယုဇ္ဇတိတိ? နော န ယုဇ္ဇတိ ကာယဘေဒတော ဥဒ္ဓံ အတ္တနော နိဗ္ဗိကာရတာယ တေန အဓိပ္ပေတတ္တာ။ တထာ ဟိ ဝုတ္တံ “အရောဂေါ ပရံ မရဏာ”တိ။ အထ ဝါ “ရူပံ အဿ အတ္ထိတိ ရူပိ”တိ ဝုစ္စမာနေပိ န ဒေါသော။ ကပ္ပနာသိဒ္ဓေနပိ ဟိ ဘေဒေန အဘေဒဿာပိ နိဒ္ဒေသဒဿနတော ယထာ “သီလာပုတ္တကဿ သရီရ”န္တိ။ ရူပနံ ဝါ ရူပသဘာဝေါ ရူပံ၊ တံ ဧတဿ အတ္ထိတိ ရူပိ၊ အတ္တာ “ရူပိနော ဓမ္မာ”တိအာဒိသု ဝိယ။ ဧဝဉ္စ ကတွာ ရူပသဘာဝတ္တာ အတ္တနော “ရူပိ အတ္တာ”တိ ဝစနံ ဉာယာဂတမေဝါတိ “ကသိဏရူပံ ‘အတ္တာ’တိ ဂဟေ-တွာ”တိ ဝုတ္တံ။ နိယဘဝါဒိတာယ ကမ္မဖလပဋိက္ခေပတော နတ္ထိ အာဇီဝကေသု

ဈာနသမာပတ္တိလာဘောတိ အာဟ “အာဇီဝကာဒယော ဝိယ တက္ကမတ္တေ-
နေဝ ဝါ ရူပီ အတ္တာ”တိ။ တထာ ဟိ ကဏှာဘိဇာတိအာဒိသု ဆဋ္ဌာ-
ဘိဇာတိသု အညတရံ အတ္တာနံ ဧကေစ္စ အာဇီဝကာ ပဋိဇာနန္တိ။ နတ္ထိ
တေဿရောဂေါဘင်္ဂေါတိ အရောဂေါတိ အရောဂ-သဒ္ဓဿ နိစ္စပရိယာယတာ
ဝေဒိတဗ္ဗာ၊ ရောဂရဟိတတာသိသေန ဝါ နိဗ္ဗိကာရတာယ နိစ္စတံ ပဋိဇာနာတိ
ဒိဋ္ဌိဂတိကောတိ အာဟ “အရောဂေါတိ နိစ္စော”တိ။

ကသိဏုပ္ပါဒိမာကာသပဌမာရူပဝိညာဏနတ္ထိဘာဝအာကိဉ္ဇညာယတနာနိ
အရူပသမာပတ္တိနိမိတ္တံ နိဗ္ဗပဏ္ဏေ တိတ္ထကရသော ဝိယ သရီရပရိမာဏော အရူပီ
အတ္တာ တတ္ထ တိဋ္ဌတိတိ နိဂဏှာတိ အာဟ “နိဂဏှာဒယော ဝိယာ”တိ။
မိဿကဂါဟဝသေနာတိ ရူပါရူပသမာပတ္တိနံ နိမိတ္တာနံ ဧကန္တံ ကတွာ “ဧကော
အတ္တာ”တိ၊ တတ္ထ ပဝတ္တသညဉ္ဇဿ “သညာ”တိ ဂဟဏဝသေန။ အယဉ္ဇိ
ဒိဋ္ဌိဂတိကော ရူပါရူပသမာပတ္တိလာဘိတာယ တန္တိမိတ္တံ ရူပဘာဝေန အရူပ-
ဘာဝေန စ အတ္တာ ဥပတိဋ္ဌတိ၊ တသ္မာ “ရူပီ စ အရူပီ စာ”တိ အဘိနိဝေသံ
ဇနေသိ အဇ္ဈတ္တာဝါဒိနော^၁ ဝိယ၊ တက္ကမတ္တေနော ဝါ ရူပါရူပဓမ္မာနံ မိဿ-
ကဂ္ဂဟဏဝသေန “ရူပီ အရူပီ စ အတ္တာ ဟောတိ”တိ။

တက္ကဂါဟေနောတိ သင်္ခါရာဝသေသသုခုမဘာဝပုတ္တဓမ္မာ ဝိယ အစူန္တ-
သုခုမဘာဝပုတ္တိယာ သင်္ကစ္ဆသာဓနာသမတ္တတာယ ထမ္ဘကုဋ္ဌဟတ္ထပါဒါဒိ-
သင်္ခာတော ဝိယ နေဝ ရူပီ၊ ရူပသဘာဝါနတိဝတ္တနတော န အရူပီတိ ဧဝံ
ပဝတ္တတက္ကဂါဟေန။ အထ ဝါ အန္တာနန္တိကစတုက္ကဝါဒေ ဝိယ အညမည-
ပဋိက္ခေပဝသေန အတ္ထော ဝေဒိတဗ္ဗော။ ကေဝလံ ပန တတ္ထ ဒေသကာလ-
ဘေဒဝသေန တတိယစတုတ္ထဝါဒါ ဒဿိတာ၊ ဣမ ကာလဝတ္ထုဘေဒဝသေ-
နာတိ အယမေဝ ဝိသေသောတိ။ ကာလဘေဒဝသေန စေတ္တ တတိယဝါဒဿ
ပဝတ္တိ ရူပါရူပနိမိတ္တာနံ သဟ အနုပဋ္ဌာနတော။ စတုတ္ထဝါဒဿ ပန ဝတ္ထု-
ဘေဒဝသေန ပဝတ္တိ ရူပါရူပဓမ္မာနံ သမူဟတော “ဧကော အတ္တာ”တိ
တက္ကနဝသေနာတိ တတ္ထ ဝုတ္တနယာနုသာရေန ဝေဒိတဗ္ဗံ။

ဒုတိယစတုက္ကေ ယံ ဝတ္တဗ္ဗံ၊ တံ “အမတိ ဂစ္ဆတိ ဧတ္ထ ဘာဝေါ ဩသာန”န္တိ-
အာဒိနာ၊^၂ အန္တာနန္တိကဝါဒေ ဝုတ္တနယေန ဝေဒိတဗ္ဗံ။

ယဒိပိ အဋ္ဌသမာပတ္တိလာဘိနော ဒိဋ္ဌိဂတိကဿ ဝသေန သမာပတ္တိဘေဒေန
သညာဘေဒသမ္ဘဝတော “နာနတ္ထသညီ အတ္တာ”တိ အယမ္ပိ ဝါဒေါ

သမာပန္နကဝသေန လဗ္ဘတိ၊ တထာပိ သမာပတ္တိယံ ဧကရူပေနော သညာယ ဥပဋ္ဌာနတော သမာပန္နကဝသေန “**ဧကတ္တသညီ**”တိ အာဟ။ တေနောတ္တ သမာပန္နကဂ္ဂဟဏံ ကတံ။ ဧကသမာပတ္တိလာဘနော ဧဝ ဝါ ဝသေန အတ္ထော ဝေဒိတဗ္ဗော။ သမာပတ္တိဘေဒေန သညာဘေဒသမ္ဘဝေပိ ဗဟိဒ္ဓါ ပုထုတ္တာ- ရမ္မဏေ သညာနာနတ္ထေန ဩဋ္ဌာရိကေန နာနတ္တသညီတံ ဒဿေတုံ “**အသမာ- ပန္နကဝသေန နာနတ္တသညီ**”တိ ဝုတ္တံ။ “**ပရိတ္တကသီဏဝသေန ပရိတ္တသညီ**”တိ ဣမံနာ သတိပိ သညာဝိနိမုတ္တေ ဓမ္မေ “သညာယေဝ အတ္တာ”တိ ဝေတိတိ ဒဿိတံ ဟောတိ။ ကသ်ဏဂ္ဂဟဏဉ္စေတ္ထ သညာယ ဝိသယဒဿနံ၊ ဧဝံ ဝိပုလကသီဏဝသေနာတိ ဧတ္ထာပိ အတ္ထော ဝေဒိတဗ္ဗော။ ဧဝှေ ကတွာ အန္တာနန္တိကဝါဒေ၊ ဣဓ စ အန္တာနန္တိကစတုတ္ထေ ပဌမဒုတိယဝါဒေဟိ ဣမေသံ ဒိန္နံ ဝါဒါနံ ဝိသေသော သိဒ္ဓေါ ဟောတိ၊ အညထာ ဝုတ္တပ္ပကာရေသု ဝါဒေသု ပုဗ္ဗန္တာပရန္တကပ္ပနဘေဒေန သတိပိ ဧကဟိစိ ဝိသေသေ ဧကဟိစိ နတ္ထိ- ယေဝါတိ။ အထ ဝါ “အင်္ဂုဠပ္ပမာဏော အတ္တာ၊ ယဝပ္ပမာဏော၊ အဏုမတ္ထော ဝါ အတ္တာ”တိအာဒိဒဿနဝသေန ပရိတ္တော သညီ စာတိ **ပရိတ္တသညီ**၊ ကပိလကဏာဒါဒယော ဝိယ အတ္တနော သဗ္ဗဂတဘာဝပဋိဇာနနဝသေန အပ္ပမာဏော သညီ စာတိ **အပ္ပမာဏသညီ**တိ ဧဝမေတ္ထ အတ္ထော ဒဋ္ဌဗ္ဗော။

ဒိဗ္ဗစက္ခုပရိဘဏ္ဍာတာယ ယထာကမ္မူပဂဉ္ဇဏဿ ဒိဗ္ဗစက္ခုပဘာဝဇနိတေန ယထာကမ္မူပဂဉ္ဇဏေန ဒိဿမာနာပိ သတ္တာနံ သုခါဒိသမင်္ဂိတာ ဒိဗ္ဗစက္ခုနာဝ ဒိဋ္ဌာ ဟောတိတိ အာဟ “**ဒိဗ္ဗေန စက္ခုနာ**”တိအာဒိ။ နန စ “**ဧကန္တသုဒ္ဓိ အတ္တာ**”တိအာဒိဝါဒါနံ အပရန္တဒိဋ္ဌိဘာဝတော “**နိဗ္ဗတ္တမာနံ ဒိဿာ**”တိ ဝစနံ အနုပပန္နန္တိ? နာနုပပန္နံ၊ အနာဂတဿ ဧကန္တသုဒ္ဓိဘာဝါဒိကဿ ပကပ္ပနံ ပစ္စုပ္ပန္နာယ နိဗ္ဗတ္တိယာ ဒဿနေန အဓိပ္ပေတန္တိ။ တေနောဝါဟ “**နိဗ္ဗတ္တမာနံ ဒိဿာ ‘ဧကန္တသုဒ္ဓိ’တိ ဂဏှာတိ**”တိ။ ဧတ္ထ စ တဿံ တဿံ ဘူမိယံ ဗဟုလံ သုခါဒိသဟိတဓမ္မပ္ပဝတ္တိဒဿနေန တေသံ “**ဧကန္တသုဒ္ဓိ**”တိ ဂါဟော ဒဋ္ဌဗ္ဗော။ အထ ဝါ ဟတ္ထိဒဿကအန္ဓာ ဝိယ ဒိဋ္ဌိဂတိကာ ယံ ယဒေဝ ပဿန္တိ၊ တံ တဒေဝ အဘိနိဝိဿ ဝေါဟရန္တိတိ န ဧတ္ထ ယုတ္တိ မဂ္ဂိတဗ္ဗော။

အသညီ နေဝသညီနာသညီဝါဒဝဏ္ဏနာ

၇၈-၈၃။ အသညီဝါဒေ အသညဘဝေ နိဗ္ဗတ္တသတ္တဝသေန ပဌမဝါဒေါ၊ “သညံ အတ္တတော သမနုပဿတိ”တိ ဧတ္ထ ဝုတ္တနယေန သညံယေဝ “**အတ္တာ**”တိ ဂဟေတွာ တဿ ကိဉ္ဇနဘာဝေန ဌိတာယ အညာယ သညာယ အဘာဝတော

“အသညီ”တိ ပဝတ္တော ဒုတိယဝါဒေါ၊ တထာ သညာယ သဟ ရူပဓမ္မေ၊ သဗ္ဗေ ဝေ ဝါ ရူပါရူပဓမ္မေ “အတ္တာ”တိ ဂဟေတွာ ပဝတ္တော တတိယဝါဒေါ၊ တက္ကဂါဟဝသေနော စဘုတ္တဝါဒေါ ပဝတ္တော။ တဿ ပုဗ္ဗေ ဝုတ္တနယေနော အတ္တော ဝေဒိတဗ္ဗော။ ဒုတိယစတုက္ကေပိ ကသိဏရူပဿ အသညာနနသဘာဝ- တာယ အသညီတိ ကတွာ အန္တာနန္တကဝါဒေ ဝုတ္တနယေနော စတ္တာရေပိ ဝေဒိတဗ္ဗော။ တထာ နေဝသညီနာသညီဝါဒေပိ နေဝသညီနာသညီဘဝေ နိဗ္ဗတ္တသတ္တဿေဝ စုတိပဋိသန္ဓိသု၊ သဗ္ဗတ္ထ ဝါ ပဠာသညာကိစ္စံ ကာတုံ အသမတ္တာယ သုခုမာယ သညာယ အတ္ထိဘာဝပဋိဇာနနဝသေန ပဌမဝါဒေါ၊ အသညီဝါဒေ ဝုတ္တနယေန သုခုမာယ သညာယ ဝသေန၊ သညာနနသဘာဝ- တာပဋိဇာနေန စ ဒုတိယဝါဒါဒယော ပဝတ္တောတိ ဧဝံ ဧကေန ပကာရေန သတိပိ ကာရဏပရိယေသနဿ သမ္ဘဝေ ဒိဋ္ဌိဂတိကဝါဒါနံ အနာဒရဏီယ- ဘာဝဒဿနတ္ထံ “တတ္ထ န ကေန္တေန ကာရဏံ ပရိယေသိတဗ္ဗ”န္တိ ဝုတ္တန္တိ ဒဋ္ဌဗ္ဗံ။ ဧတေသဉ္စ သညီအသညီနေဝသညီနာသညီဝါဒါနံ “အရေဂေါ ပရံ မရဏာ”တိ ဝစနတော သဿတဒိဋ္ဌိသင်္ဂဟော ပါကဠောယေဝ။

ဥစ္ဆေဒဝါဒဝဏ္ဏနာ

၈၄။ အသတော ဝိနာသာသမ္ဘဝတော အတ္ထိဘာဝနိဗ္ဗန္ဓေနော ဥစ္ဆေဒေါတိ ဝုတ္တံ “သတော”တိ။ ယသာ ဟေတုဖလဘာဝေန ပဝတ္တမာနာနံ သဘာဝဓမ္မာနံ သဘိပိ ဧကသန္တာနပရိယာပန္တာနံ ဘိန္နသန္တတိပတိတေဟိ ဝိသေသေ ဟေတု- ဖလာနံ ပရမတ္ထတော ဘိန္နသဘာဝတ္တာ ဘိန္နသန္တာနပတိတာနံ ဝိယ အဇ္ဇန္တ- ဘေဒသန္နိဋ္ဌာနေန နာနတ္တနယဿ မိစ္ဆာဂဟဏံ ဥစ္ဆေဒါဘိနိဝေသဿ ကာရဏံ၊ ဧဝံ ဟေတုဖလဘူတာနံ ဓမ္မာနံ ဝိဇ္ဇမာနေပိ သဘာဝဘေဒေ ဧကသန္တတိ- ပရိယာပန္တတာယ ဧကတ္တနယေန အစ္စန္တမဘေဒဂဟဏမ္ပိ ကာရဏမေဝါတိ ဒဿေတုံ “သတ္တဿာ”တိ ဝုတ္တံ ပါဠိယံ။ သန္တာနဝသေန ဟိ ဝတ္တမာနေသု ခန္ဓသု ဃနဝိနိဗ္ဗောဂါဘာဝေန သတ္တဂါဟော၊ သတ္တဿ စ အတ္ထိဘာဝဂါဟ- နိဗ္ဗန္ဓေနော ဥစ္ဆေဒဂါဟော ယာဝါယံ အတ္တာ န ဥစ္စိဇ္ဇတိ၊ တာဝါယံ ဝိဇ္ဇတိ- ယေဝါတိ ဂဟဏတော၊ နိရုဒယဝိနာသောဝါဇ္ဇေ ဥစ္ဆေဒေါတိ အဓိပ္ပေတောတိ အာဟ “ဥပစ္ဆေဒ”န္တိ။ ဝိသေသေန နာသော ဝိနာသော၊ အဘာဝေါ။ သော ပန မံသစက္ခုပညာစက္ခုနံ ဒဿနပထာတိက္ကမောယေဝ ဟောတီတိ အာဟ “အဒဿန”န္တိ။ အဒဿနေ ဟိ နာသ-သဒ္ဓေါ လောကေ နိရုဠောတိ။ ဘာဝဝိဂမန္တိ သဘာဝါပဂမံ။ ယော ဟိ နိရုဒယဝိနာသဝသေန ဥစ္စိဇ္ဇတိ၊ န သော အတ္တေနော သဘာဝေန တိဋ္ဌတီတိ။ လာဘီတိ ဒိဗ္ဗစက္ခုဉာဏလာဘီ။

စုတိမတ္တမေဝါတိ သေက္ခပုထုဇ္ဇနာနဗ္ဗိ စုတိမတ္တမေဝ။ န ဥပပါတန္တိ ပုဗ္ဗယောဂါဘာဝေန၊ ပရိကမ္မာကရဏေန ဝါ ဥပပါတံ ဒဠုံ န သက္ကောတိ။ “အလာဘီ စ ကော ပရလောကံ န ဇာနာတိ”တိ နတ္ထိကဝါဒဝသေန၊ မဟာမုဠဘာဝေနဝ ဝါ “ဣတော အညော ပရလောကော အတ္ထိ”တိ အနဝဗောဓမာဟ။ ဧတ္တကောယေဝ ဝိသယော၊ ယောယံ ဣန္ဒြိယဂေါစရေတိ။ အတ္တနော ဓိတုယာ ဟတ္ထဂဏှနကရာဇာဒိ ဝိယ ကာမသုခဂိဒ္ဓတာယ ဝါ။ “န ပုန ဝိရဟန္တိ”တိ ပတိတပဏ္ဏာနံ ဝဏ္ဏေန အပ္ပုဋ္ဌသန္ဓိကဘာဝမာဟ။ ဝေမေဝ သတ္တာတိ ယထာ ပဏ္ဏာပလာသော ဗန္ဓနာ ပဝုတ္တော န ပဋိသန္ဓိယတိ၊ ဧဝံသဗ္ဗေ သတ္တာ အပ္ပုဋ္ဌသန္ဓိကမရဏမေဝ နိဂစ္ဆန္တိတိ။ ဇလပုဗ္ဗုဠကူပမာ ဟိ သတ္တာတိ တဿ လဗ္ဗိ။ တထာတိ ပုတ္တပ္ပကာရေန။ လာဘိနောပိ စုတိတော ဥဒ္ဓိ အဒဿနေနေဝ ဣမာ ဒိဋ္ဌိယော ဥပ္ပဇ္ဇန္တိတိ အာဟ “ဝိကပ္ပေတွာ ဝါ”တိ။

တ္ထောဟ— ယထာ အမရာဝိက္ခေပိကဝါဒါ ဧကန္တအလာဘီဝသေနဝ ဒဿိတာ၊ ယထာ စ ဥဒ္ဓမာသုတနိကသညိဝါဒစတုတ္ထော^၁ ဧကန္တလာဘီ-ဝသေနဝ၊ န ဝေမယံ။ အယံ ပန သဿတေကစ္စသဿတဝါဒါဒယော ဝိယ လာဘိအလာဘီဝသေန ပဝတ္တော။ တထာ ဟိ ပုတ္တံ “တတ္ထ ဒွေ ဇနာ”တိ-အာဒိ။ ယဒိ ဧဝံ ကဿ သဿတဝါဒါဒိဒေသနာဟိ ဣဓ အညထာ ဒေသနာ ပဝတ္တာတိ? ပုစ္ဆတေ—ဒေသနာဝိလာသပ္ပတ္တိတော။ ဒေသနာဝိလာသပ္ပတ္တာ ဟိ ဗုဒ္ဓါ ဘဂဝန္တော၊ တေ ဝေနေယျဇ္ဈာသယာနုရူပံ ဝိဝိဓေနာကာရေန ဓမ္မံ ဒေသေန္တိ၊ အညထာ ဣဓာပိ စ ဧဝံ ဘဂဝါ ဒေသေယျ “ဣဓ ဘိက္ခဝေ ဧကစ္စော သမဏော ဝါ မြာဟ္မဏော ဝါ အာတပ္ပမန္တာယ။ပ။ ယထာ-သမာဟိတေစိတ္တေ သတ္တာနံ စတုပပါတညဏာယစိတ္တံ အဘိနိန္ဒာမေတိ၊ သော ဒိဗ္ဗေန စက္ခုနာ ဝိသုဒ္ဓေန အဘိက္ကန္တမာနသကေန အရဟတော စုတိစိတ္တံ ပဿတိ၊ ပုထုနံ ဝါ ပရသတ္တာနံ၊ န ဟေဝ ခေါတဒုဒ္ဓိ ဥပပတ္တိံ၊ သော ဝေမာဟ ‘ယထာ ခေါ ဘော အယံ အတ္တာ’တိ”အာဒိနာ ဝိသေသလာဘိနော၊ တတ္ထိနော စ ဝိသုံ ကတွာ၊ တဿ ဒေသနာဝိလာသေန ဝေနေယျဇ္ဈာသယာ-နုရူပံ သဿတဝါဒါဒိဒေသနာဟိ အညထာယံ ဒေသနာ ပဝတ္တာတိ ဒဠုဗ္ဗံ။

အထ ဝါ ဧကစ္စသဿတဝါဒါဒိသု ဝိယ န ဣဓ တက္ကိဝါဒိတော ဝိသေသ-လာဘီဝါဒေါ ဘိန္ဒာကာရော၊ အထ ခေါ သမာနဘေဒတာယ သမာနာ-ကာရေယေဝါတိ ဣမဿ ဝိသေသဿ ပကာသနတ္ထံ ဘဂဝတာ အယ-မုစ္ဆေဒဝါဒေါ ပုရိမဝါဒေဟိ ဝိသိဋ္ဌာကာရော ဒေသိတော။ သမ္ဘဝတိ ဟိ

၁-....သညိဝါဒေ စတုတ္ထစတုတ္ထ သညိဝါဒါ (အဘိနဝဋီ)၊သညိဝါဒေ စတုတ္ထ (က)

တက္ကိနောပိ အနုဿဝါဒိဝသေန အဓိဂမဝတော ဝိယ ဣမ အဘိနိဝေသော။ အထ ဝါ န ဣမာ ဒိဋ္ဌိယော ဘဂဝတာ အနာဂတေ ဧဝံဘာဝိဝသေန ဒေသိတာ၊ နာပိ ပရိကပ္ပဝသေန၊ အထ ခေါ ယထာ ယထာ ဒိဋ္ဌိဂတိကေဟိ “ဣဒမေဝ သစ္စံ၊ မောဃမည”န္တိ^၁ ပညတ္တာ၊ တထာ တထာ ယထာဘူစုံ သဗ္ဗညုတညာဏေန ပရိစ္ဆိန္နိတွာ ပကာသိတာ။ ယေဟိ ဂန္တိရာဒိပ္ပကာရာ အပုထုဇ္ဇနဂေါစရာ ဗုဒ္ဓဓမ္မာ ပကာသန္တိ၊ ယေသဉ္စ ပရိကိတ္တနေန တထာဂတာ သမ္ဗဒေဝ ထောမိတာ ဟောန္တိ။ ဥစ္ဆေဒဝါဒီဟိ စ ဒိဋ္ဌိဂတိကေဟိ ယထာ ဥတ္တရုတ္တရဘဝဒေသိဟိ အပရဘဝဒေသိနံ တေသံ ဝါဒပဋိသေဝေသေန သကသကဝါဒါ ပတိဋ္ဌာပိတာ၊ တထာယံ ဒေသနာ ပဝတ္တောတံ ပုရိမ-ဒေသနာဟိ ဣမိဿာ ဒေသနာယ ပဝတ္တိဘေဒေါ န စောဒေတဗ္ဗော။ ဧဝံ ကတွာ အရူပဘဝဘေဒဝသေန ဝိယ ကာမရူပဘဝဘေဒဝသေန^၂ ဥစ္ဆေဒ-ဝါဒေါ ဝိဘဇိတွာ ဒဋ္ဌဗ္ဗော။ အထ ဝါ ပစ္စေကံ ကာမရူပဘဝဘေဒဝသေန ဝိယ အရူပဘဝဝသေနာပိ န ဝိဘဇိတွာ ဝတ္တဗ္ဗော၊ ဧဝံ သတိ ဘဂဝတာ ဝုတ္တ-သတ္တကတော ဗဟုတရဘေဒေါ၊ အပ္ပတရဘေဒေါ ဝါ ဥစ္ဆေဒဝါဒေါ အာပဇ္ဇတိတိ ဧဝံပကာရာပိ စောဒနာ အနဝကာသဝတိ။

တ္ထောဟ—ယုတ္တံ တာဝ ပုရိမေသု တီသု ဝါဒေသု “ကာယဿ ဘေဒါ”တိ ဝုတ္တံ ပဉ္စဝေါကာရဘဝပရိယာပန္နံ အတ္တဘာဝံ အာရဗ္ဗ ပဝတ္တတ္တာ တေသံ ဝါဒါနံ၊ စတုဝေါကာရဘဝပရိယာပန္နံ ပန အတ္တဘာဝံ နိဿာယ ပဝတ္တေသု စတုတ္ထာဒီသု စတုသု ဝါဒေသု ကသ္မာ “ကာယဿ ဘေဒါ”တိ ဝုတ္တံ။ န ဟိ အရူပီနံ ကာယော ဝိဇ္ဇတိတိ? သစ္စမေတံ၊ ရူပတ္တဘာဝေ ပဝတ္တဝေါဟာရေနေဝ ပန ဒိဋ္ဌိဂတိကော အရူပတ္တဘာဝေပိ ကာယဝေါဟာရံ အာရောပေတွာ အာဟ “ကာယဿ ဘေဒါ”တိ။ ယထာ စ ဒိဋ္ဌိဂတိကာ ဒိဋ္ဌိယော ပညာပေန္တိ၊ တထာ စ ဘဂဝါ ဒေသေတိတိ၊ အရူပကာယဘာဝကော ဝါ ဖဿာဒိဓမ္မသမူဟဘူတေ အရူပတ္တဘာဝေ ကာယနိဒ္ဒေသော ဒဋ္ဌဗ္ဗော။ ဧတ္ထ စ ကာမဒေဝတ္တဘာဝါဒိနိရဝသေသဝိဘဝ-ပတိဋ္ဌာပကာနံ ဒုတိယဝါဒါဒီနံ ယုတ္တော အပရန္တကပ္ပိကဘာဝေါ အနာ-ဂဘဒ္ဒဝိသယတ္တာ တေသံ ဝါဒါနံ၊ န ပန ဒိဋ္ဌိဂတိကပစ္စက္ခဘူတမနုဿတ္တ-ဘာဝသမုစ္ဆေဒပတိဋ္ဌာပကဿ ပဌမဝါဒဿ ပစ္စုပ္ပန္နဝိသယတ္တာ။ ဒုတိယ-ဝါဒါဒီနဉ္စိ ပုရိမပုရိမဝါဒသင်္ဂဟိတသေဝ အတ္တနော တဒုတ္တရုတ္တရိဘဝေါပ-ပန္နဿ သမုစ္ဆေဒတော ယုဇ္ဇတိ အပရန္တကပ္ပိကတာ၊ တထာ စ “နော စ

ခေါ်ဘော အယံ အတ္တာ ဧတ္တာဝတာ သမ္မာ သမုန္တိန္ဒော ဟောတိ”တိအာဒိ
 ဝုတ္တံ၊ ယံ ပန တတ္ထ ဝုတ္တံ “အတ္ထိ ခေါ ဘော အညော အတ္တာ”တိ၊ တံ
 မနုဿကာယဝိသေသာပေက္ခာယ ဝုတ္တံ၊ န သဗ္ဗထာ အညဘာဝတောတိ?
 နော န ယုတ္တော၊ ဣဓလောကပရိယာပန္နတ္ထေဝိ စ ပဌမဝါဒဝိသယဿ
 အနာဂတကာလဿေဝ တဿ အဓိပ္ပေတတ္တာ ပဌမဝါဒိနောပိ အပရန္တကပ္ပိ-
 ကတာယ န ကောစိ ဝိရောဓောတိ။

ဒိဋ္ဌဓမ္မနိဗ္ဗာနဝါဒဝဏ္ဏနာ

၉၃။ ဒိဋ္ဌဓမ္မောတိ ဒဿနဘူတေန ဉာဏေန ဥပလဒ္ဓဓမ္မော။ တတ္ထ ယော
 အနိန္ဒြိယဝိသယော၊ သောပိ သုပါကဋ္ဌဘာဝေန ဣန္ဒြိယဝိသယော ဝိယ
 ဟောတိတိ အာဟ “ဒိဋ္ဌဓမ္မောတိ ပစ္စက္ခဓမ္မော ဝုစ္စတိ”တိ။ တေနေဝ စ
 “တတ္ထ တတ္ထ ပဋိလဒ္ဓတ္တဘာဝဿေတံ အဓိဝစန”န္တိ ဝုတ္တံ။

၉၅။ အန္တောနိဇ္ဈာယနလက္ခဏောတိ ဉာတိဘောဂရောဂသီလဒိဋ္ဌိဗျသ-
 နေဟိ ဖုဠဿ စေတသော အန္တော အပ္ပန္နရံ နိဇ္ဈာယနံ သောစနံ အန္တော-
 နိဇ္ဈာယနံ၊ တံ လက္ခဏံ ဧတဿာတိ အန္တောနိဇ္ဈာယနလက္ခဏော။ တန္တိဿိတ-
 လာလပ္ပနလက္ခဏောတိ တံ သောကံ သမုဠာနဟေတုံ နိဿိတံ တန္တိဿိတံ၊
 ဘုသံ ဝိလာပနံ လာလပ္ပနံ၊ တန္တိဿိတဉ္စ လာလပ္ပနဉ္စ တန္တိဿိတလာလပ္ပနံ၊
 တံ လက္ခဏံ ဧတဿာတိ တန္တိဿိတလာလပ္ပနလက္ခဏော။ ဉာတိဗျသနာဒိနာ
 ဖုဠဿ ပရိဒေဝေနာပိ အသက္ကုဏန္တဿ အန္တောဂတသောကသမုဠိတော
 ဘုသော အာယာသော ဥပါယာသော။ သော ပန ယသ္မာ စေတသော
 အပ္ပသန္နာကာရော ဟောတိ၊ တသ္မာ “ဝိသာဒလက္ခဏော”တိ ဝုတ္တော။

၉၆။ ဝိတက္ကနံ ဝိတက္ကိတံ၊ တံ ပန အဘိနိရောပနသဘာဝေါ ဝိတက္ကော-
 ယေဝါတိ အာဟ “အဘိ။ပ။ ဝိတက္ကော”တိ။ ဧသ နယော ဝိစာရိတန္တိ
 ဧတ္ထာပိ။ ခေါဘကရသဘာဝတ္တာ ဝိတက္ကဝိစာရနံ တံသဟိတံ ဈာနံ
 သဥဗ္ဗိလနံ ဝိယ ဟောတိတိ ဝုတ္တံ “သကဏ္ဍကံ ဝိယ ခါယတိ”တိ။

၉၇။ ယာယ ဥဗ္ဗိလာပနပိတိယာ ဥပ္ပန္နာယ စိတ္တံ “ဥဗ္ဗိလာပိတ”န္တိ
 ဝုစ္စတိ၊ သာ ပိတိ ဥဗ္ဗိလာပိတတ္ထံ။ ယသ္မာ ပန စိတ္တဿ ဥဗ္ဗိလဘာဝေါ
 တဿာ ပိတိယာ သတိ ဟောတိ၊ နာသတိ၊ တသ္မာ သာ “ဥဗ္ဗိလဘာဝကာရ-
 ကာ”န္တိ၊ ဝုတ္တော။

၉၀။ အဘောဂေါတိ ဝါ စိတ္တဿ အာဘုဂ္ဂဘာဝေါ၊ အာရမ္မဏေ ဩဏတဘာဝေါတိ အတ္ထော။ သုခေန ဟိ စိတ္တံ အာရမ္မဏေ အဘိနတံ ဟောတိ၊ န ဒုက္ခေန ဝိယ အပနတံ၊ နာပိ အဒုက္ခမသုခေန ဝိယ အနဘိနတ-
မနပနတဉ္စ။ တတ္ထ “ခုပ္ပိပါသာဒိအဘိဘူတဿ ဝိယ မနုညဘောဇနာဒိသု ကာမေဟိ ဝိဝေစိယမာနဿုပါဒါရမ္မဏပတ္တနာ ဝိသေသတော အဘိဝေဒတိ၊ ဥဠာရဿ ပန ကာမရသဿ ယာဝဒတ္ထံ တိတ္တဿ မနုညရသဘောဇနံ ဘုတ္တာဝိနော ဝိယ သုဟိတဿ ဘောတ္တုကာမတာ ကာမေသု ပါတဗျတာ န ဟောတိ၊ ဝိသယဿာဂိဒ္ဓတာယ ဝိသယေဟိ ဒုဗ္ဗောစိယေဟိပိ ဇလူကာ ဝိယသယမေဝ မုဉ္ဇတိ”တိ စ အယောနိသော ဥမ္မုဇ္ဇိတွာ ကာမဂုဏသန္တပ္ပိတ-
တာယ သံသာရဒုက္ခဝူပသမံ ဗျာကာသိ ပဌမဝါဒီ။ ကာမာဒိနံ အာဒိနဝဒဿိ-
တာယ၊ ပဌမာဒိဇ္ဈာနသုခဿ သန္တဘာဝဒဿိတာယ စ ပဌမာဒိဇ္ဈာနသုခ-
တိတ္ထိယာ သံသာရဒုက္ခုပစ္ဆေဒံ ဗျာကံသု ဒုတိယာဒိဝါဒိနော၊ ဣဓာပိ ဥစ္ဆေဒဝါဒေ ပုတ္တပ္ပကာရော ဝိစာရော ယထာသမ္ဘဝံ အာနေတွာ ဝတ္တဗ္ဗော။
အယံ ပနေတ္ထ ဝိသေသော—ဧကသိပ္ပိ အတ္တဘာဝေ ပဉ္စ ဝါဒါ လဗ္ဘန္တိ။
တေနော ဟိ ပါဠိယံ “အညော အတ္တာ”တိ အညဂ္ဂဟဏံ န ကတံ။
ကထံ ပနေတ္ထ အစ္စန္ဒနိဗ္ဗာနပညာပကဿ အတ္တနော ဒိဋ္ဌဓမ္မနိဗ္ဗာနဝါဒဿ သဿတဒိဋ္ဌိယာ သင်္ဂဟော၊ န ပန ဥစ္ဆေဒဒိဋ္ဌိယာတိ? တံတံသုခဝိသေသ-
သမဂ္ဂိတာပဋိလဒ္ဓေန ဗန္ဓဝိမောက္ခေန သုဒ္ဓဿ အတ္တနော သကရူပေ အဝဋ္ဌာနဒီပနတော။

သေသာတိ သေသာ ပဉ္စပညာသ ဒိဋ္ဌိယော။ တာသု အန္တာနန္တိက-
ဝါဒါဒိနံ သဿတဒိဋ္ဌိဘာဝေါ တတ္ထ တတ္ထ ပကာသိတောယေဝ။

၁၀၁-၂-၃။ ကိံ ပန ကာရဏံ ပုဗ္ဗန္တာပရန္တာ ဧဝ ဒိဋ္ဌာဘိနိဝေသဿ ဝိသယဘာဝေန ဒဿိတာ၊ န ပန တဒုဘယမေကဇ္ဈန္တိ? အသမ္ဘဝတော။ န ဟိ ပုဗ္ဗန္တာပရန္တေသု ဝိယ တဒုဘယဝိနိမုတ္တေ မဇ္ဈန္တေ ဒိဋ္ဌိကပ္ပနာ သမ္ဘဝတိ ဣတ္ထရ-
ကာလတ္တာ၊ အထပနပစ္စုပ္ပန္နဘဝေါတဒုဘယဝေမဇ္ဈံ၊ ဧဝံ သတိဒိဋ္ဌိကပ္ပနက္ခမော တဿ ဥဘယသဘာဝေါ ပုဗ္ဗန္တာပရန္တေသုယေဝ အန္တောဂဓောတိ ကထ-
မဒဿိတံ။ အထ ဝါ ပုဗ္ဗန္တာပရန္တဝန္တတာယ “ပုဗ္ဗန္တာပရန္တော”တိ မဇ္ဈန္တော ပုစ္ဆတိ၊ သော စ “ပုဗ္ဗန္တာပရန္တကပ္ပိကာ ဝါ ပုဗ္ဗန္တာပရန္တာနုဒိဋ္ဌိနော”တိ ဝဒန္တေန ပုဗ္ဗန္တာပရန္တေဟိ ဝိသုံ ကတွာ ပုတ္တောယေဝါတိ ဒဋ္ဌဗ္ဗော။
အဋ္ဌကထာယမ္ပိ “သဗ္ဗေပိ တေ အပရန္တကပ္ပိကေ ပုဗ္ဗန္တာပရန္တကပ္ပိကေ”တိ ဧတေန သာမညနိဒ္ဒေသေန၊ ဧကသေသေန ဝါ သင်္ဂဟိတာတိ ဒဋ္ဌဗ္ဗံ၊

အညထာ သင်္ကနိတွာ ဝုတ္တဝစနဿ အနတ္တကတာ အာပဇ္ဇေယျာတိ။ ကေ ပန တေ ပုဗ္ဗန္တာပရန္တကပ္ပိကာ? ယေ အန္တာနန္တိကာ ဟုတွာ ဒိဋ္ဌဓမ္မ- နိဗ္ဗာနဝါဒါတိ ဧဝံပကာရာ ဝေဒိတဗ္ဗာ။

ဧတ္ထ စ “သဗ္ဗေ တေ ဣမေဟေဝ ဒွါသဋ္ဌိယာ ဝတ္ထုဟိ၊ ဧတေသံ ဝါ အညတရေန၊ နတ္ထိ ဣတော ဗဟိဒ္ဓါ”တိ ဝစနတော၊ ပုဗ္ဗန္တကပ္ပိ- ကာဒိတ္တယဝိနိမုတ္တဿ စ ကဿမိ ဒိဋ္ဌိဂတိကဿ အဘာဝတော ယာနိ တာနိ သာမညဗလာဒိ သုတ္တန္တရေသု ဝုတ္တပ္ပကာရာနိ အင်္ဂါရိယာဟေတုကနတ္ထိက- ဝါဒါဒိနိ၊ ယာနိ စ ဣဿရပဇာပတိပုရိသကာလသဘာဝနိယတိယဒိန္နာဝါဒါ- ဒိပ္ပဘေဒါနိ ဒိဋ္ဌိဂတာနိ၊ ဗဟိဒ္ဓါပိ ဒိဿမာနာနိ၊ တေသံ ဧတ္ထေဝ သင်္ဂဟော၊ အန္တောဂတော စ ဝေဒိတဗ္ဗာ။ ကထံ? အင်္ဂါရိယဝါဒေါ တာဝ “ဝဗျော ကုဋ္ဌဋ္ဌော”တိအာဒိနာ ကိရိယာဘာဝဒီပနတော သဿတဝါဒေ အန္တောဂဓော၊ တထာ “သတ္ထိမေ ကာယာ”တိအာဒိနယပ္ပဝတ္တော ပကုဓဝါဒေါ၊ “နတ္ထိ ဟေတု နတ္ထိ ပစ္စယော သတ္တာနံ သံကိလေသာယာ”တိအာဒိ ဝစနတော အဟေတုကဝါဒေါ အဓိစ္စသမုပ္ပန္နိကဝါဒေ အန္တောဂဓော။ “နတ္ထိ ပရော လောကော”တိအာဒိ ဝစနတော နတ္ထိကဝါဒေါ ဥစ္ဆေဒဝါဒေ အန္တောဂဓော။ တထာ ဟိ တတ္ထ “ကာယဿ ဘေဒါ ဥစ္ဆိဇ္ဇတိ”တိအာဒိ ဝုတ္တံ။ ပဌမေန အာဒိ-သဒ္ဓေန နိဂဏ္ဌဝါဒါဒယော သင်္ဂဟိတာ။

ယဒိပိ ပါဠိယံ နာဠုပုတ္တဝါဒိဘာဝေန စာတုယာမသံဝရော အာဂတော၊ တထာပိ သတ္တဝတတတိက္ကမေန ဝိက္ခေပဝါဒိတာယ နာဠုပုတ္တဝါဒေါပိ သဗ္ဗယ- ဝါဒေါ ဝိယ အမရာဝိက္ခေပဝါဒေသု အန္တောဂဓော။ “တံ ဇီဝံ တံ သရီရံ၊ အညံ ဇီဝံ အညံ သရီရံ”န္တိ ဧဝံပကာရာ ဝါဒါ “ရူပီ အတ္တာ ဟောတိ အရောဂေါ ပရံ မရဏာ”တိအာဒိဝါဒေသု သင်္ဂဟံ ဂစ္ဆန္တိ၊ “ဟောတိ တထာဂတော ပရံ မရဏာ၊ အတ္ထိ သတ္တာ ဩပပါတိကာ”တိ ဧဝံပကာရာ သဿတဝါဒေ။ “န ဟောတိ တထာဂတော ပရံ မရဏာ၊ နတ္ထိ သတ္တာ ဩပပါတိကာ”တိ ဧဝံပကာရာ ဥစ္ဆေဒဝါဒေန သင်္ဂဟိတာ။ “ဟောတိ စ န ဟောတိ စ တထာ- ဂတော ပရံ မရဏာ၊ အတ္ထိ စ နတ္ထိ စ သတ္တာ ဩပပါတိကာ”တိ ဧဝံပကာရာ ဧကစ္စသဿတဝါဒေ အန္တောဂဓော။ “နေဝ ဟောတိ န န ဟောတိ တထာ- ဂတော ပရံ မရဏာ၊ နေဝတ္ထိ န နတ္ထိ သတ္တာ ဩပပါတိကာ”တိ စ ဧဝံပကာရာ

၁-ဒီ ၁-၄၉-ပိဋ္ဌာဒိသု။

၃-ဒီ ၁-၅၂-ပိဋ္ဌေ။

၇-ဒီ ၁-၅၄-ပိဋ္ဌေ။

၂-ပိသုဒ္ဓိ-ဒီ ၂-၂၁၇၊ ၂၁၈၊ အနုဒီ ၂-၆၄၊ ၆၅-ပိဋ္ဌေသု ပဿိတဗ္ဗံ။

၄-ဒီ ၁-၅၀-ပိဋ္ဌေ။ ၅-ဒီ ၁-၅၁-ပိဋ္ဌေ။ ၆-ဒီ ၁-၃၁-ပိဋ္ဌေ။

၈-ဒီ ၁-၁၄၉၊ ၁၅၀၊ မ ၂-၈၉၊ သံ ၁-၂၉၁၊ ၂၉၂-ပိဋ္ဌာဒိသု။

အမရာဝိက္ခေပဝါဒေ အန္တောဂဓာ။ ဣဿရပဇာပတိပုရိသကာလဝါဒါ ကေစ္စ-
သဿတဝါဒေ အန္တောဂဓာ၊ တထာ ကဏာဒဝါဒေါ။ သဘာဝနိယတိယ-
ဒိစ္ဆာဝါဒါ အဓိစ္စသမုပ္ပန္နကဝါဒေန သင်္ဂဟိတာ။ ဣမိနာ နယေန သုတ္တန္တရေသု၊
ဗဟိဒ္ဓါ စ ဒိဿမာနာနံ ဒိဋ္ဌဂတာနံ ဣမာသုဒ္ဓါသဋ္ဌိယာ ဒိဋ္ဌိသု အန္တောဂဓတာ
ဝေဒိတဗ္ဗာ။

အဇ္ဈာသယန္တိ ဒိဋ္ဌိဇ္ဈာသယံ။ သဿတုစ္ဆေဒဒိဋ္ဌိဝသေန ဟိ သတ္တာနံ
သံကိလေသပက္ခေ ဒုဝိဓော အဇ္ဈာသယော၊ တဉ္စ အဂဝါ အပရိမာဏာသု
လောကဓာတုသု အပရိမာဏာနံ သတ္တာနံ အပရိမာဏေ ဧဝ ပေယျုရိသေသေ
ဥပ္ပဇ္ဇနဝသေန အနေကဘေဒဘိန္နာနမ္ပိ “စတ္တာရော ဇနာ သဿတဝါဒါ”တိ-
အာဒိနာ ဒ္ဓါသဋ္ဌိယာ ပဘေဒေဟိ သင်္ဂဟနဝသေန သဗ္ဗညုတညာဏေန
ပရိစ္ဆိန္နိတွာ ဒဿေန္တော ပမာဏဘူတာယ တုလာယ ဓာရယမာနော ဝိယ
ဟောတိတိ အာဟ “**တုလာယ တုလယန္တော ဝိယာ**”တိ။ တထာ ဟိ ဝက္ခတိ
“အန္တော ဇာလိကတာ”တိအာဒိ။ “**သိနေရူပါဒတော ဝါလုကံ ဥဒ္ဓရန္တော
ဝိယာ**”တိ ဧတေန သဗ္ဗညုတညာဏတော အညဿ ဣမိဿာ ဒေသနာယ
အသက္ကုဏေယျတံ ဒဿေတိ။

အနုသန္တာနံ အနုသန္တိ၊ ပုစ္ဆာယ ကတော အနုသန္တိ **ပုစ္ဆာနုသန္တိ**။ အထ
ဝါ အနုသန္တယတိတိ အနုသန္တိ၊ ပုစ္ဆာ အနုသန္တိ တေဿာတိ **ပုစ္ဆာနုသန္တိ**။
ပုစ္ဆာယ အနုသန္တိယတိတိ ဝါ **ပုစ္ဆာနုသန္တိ**။ **အဇ္ဈာသယာနုသန္တိ**မှိပိ ဒေသဝ
နယော။ **ယထာနုသန္တိ**တိ ဧတ္ထ ပန အနုသန္တိယတိတိ အနုသန္တိ၊ ယာ ယာ
အနုသန္တိ ယထာနုသန္တိ၊ အနုသန္တိအနုရူပံ ဝါ **ယထာနုသန္တိ**တိ သဒ္ဓတ္ထော ဝေဒိ-
တဗ္ဗော၊ သော “ယေန ပန ဓမ္မေန အာဒိမှိ ဒေသနာ ဥဋ္ဌိတာ၊ တဿ ဓမ္မဿ
အနုရူပဓမ္မဝသေန ဝါ ပဋိပက္ခဝသေန ဝါ ယေသု သုတ္တေသု ဥပရိ ဒေသနာ
အာဂစ္ဆတိ၊ တေသံ ဝသေန ယထာနုသန္တိ ဝေဒိတဗ္ဗော။ သေယျထိဒံ?
အာကဇံယျသုတ္တေ၊ ဟေဋ္ဌာ သီလေန ဒေသနာ ဥဋ္ဌိတာ၊ ဥပရိ ဆ အဘိညာ
အာဂတာ ။ ပ။ ကကစူပမေ၊ ဟေဋ္ဌာ အက္ခန္တိယာ ဥဋ္ဌိတာ၊ ဥပရိ ကကစူပမာ
အာဂတာ”တိ အာဒိနာ အဋ္ဌကထာယံ၊ ဝုတ္တော။

ဣတိ ကိရာတိ ဘဂဝတော ယထာဒေသိတာယ အတ္တသုညတာယ အတ္တ-
နော အရုစ္စနဘာဝဒီပနံ။ ဘောတိ ဓမ္မာလပနံ။ **အနတ္တကတာနီတိ** အတ္တနာ
န ကတာနိ၊ အနတ္တကေဟိ ဝါခန္ဓေဟိ ကတာနိ။ **ကမတ္တာနံ ပုသိဿန္တိ**တိ အသတိ

အတ္တနိ ခန္ဓာနဉ္စ ခဏိကတ္တာ ကမ္မာနိ ကံ အတ္တာနံ အတ္တနော ဖလေန ဖုဿိန္တိ၊
 ကော ကမ္မဖလံ ပဋိသံဝေဒေတိတိ အတ္ထော။ **အဝိဒ္ဓါ**တိ သုတာဒိဝိရဟေန
 အရိယဓမ္မဿ အကောဝိဒတာယ န ဝိဒ္ဓါ။ **အဝိဇ္ဇာဂတော**တိ အဝိဇ္ဇာယ
 ဥပဂတော၊ အရိယဓမ္မေ အဝိနိတတာယ အပ္ပဟိနာဝိဇ္ဇောတိ အတ္ထော။
တဏှာဓိပတေယျေန စေတသာတိ “ယဒိ အဟံ နာမ ကောစိ နတ္ထိ၊ မယာ
 ကတဿ ကမ္မဿ ကော ဖလံ ပဋိသံဝေဒေတိ၊ သတိ ပန တသ္မိံ သိယာ
 ဖလူပဘောဂေါ”တိ တဏှာဓိပတိတော အာဂတော **တဏှာဓိပတေယျော**၊
 တေန။ အတ္တဝါဒုပါဒါနသဟဂတစေတသ။ **အတိဓာဝိတဗ္ဗန္တိ** ခဏိကတ္တေပိ
 သင်္ခါရာနံ ယသ္မိံ သန္တာနေ ကမ္မံ ကတံ၊ တတ္ထေဝ ဖလုပ္ပတ္တိတော ဓမ္မပုဉ္ဇမတ္တ-
 သေဝ စ သိဒ္ဓေ ကမ္မဖလသမ္ပန္နေ ကေတ္တနယံ မိစ္ဆာ ဂဟေတွာ ဧကေန ကာရက-
 ဝေဒကဘူတေန ဘဝိတဗ္ဗံ၊ အညဿာ “ကမ္မဖလာနံ သမ္ပန္နော န သိယာ”တိ
 အတ္တတ္တနိယသုညတာပကာသနံ သတ္တုဿာသနံ အတိက္ကမိတဗ္ဗံ မညေယျာတိ
 အတ္ထော။

“ဥပရိ ဆ အဘိညာ အာဂတာ”တိ အနုရူပဓမ္မဝသေန ယထာနုသန္တိ
 ဒဿေတိ၊ ဣတရေဟိ ပဋိပက္ခဝသေန။ **ကိလေသေနာ**တိ “လောဘော စိတ္တဿ
 ဥပတ္တိလေသော”တိ အာဒိနာ ကိလေသဝသေန။ **ဣမသ္မိန္ဒြိယံ** ပိ-သဒ္ဓေန ယထာ
 ဝုတ္တသုတ္တာဒိသု ပဋိပက္ခဝသေန ယထာနုသန္တိ၊ ဧဝံ ဣမသ္မိန္ဒြိယံ သုတ္တေတိ
 ဒဿေတိ။ တထာ ဟိ နိစ္စသာရာဒိပညာပကာနံ ဒိဋ္ဌိဂတာနံ ဝသေန ဥဋ္ဌိတာ
 အယံ ဒေသနာ နိစ္စသာရာဒိသုညတာပကာသနေန နိဋ္ဌာပိတာတိ။

မရိတသိတဝိပ္ပနိတဝါရဝဏ္ဏနာ

၁၀၅-၁၁၇။ **မရိယာဒဝိဘာဂဒဿနတ္ထန္တိ** သဿတာဒိဒိဋ္ဌိဒဿနဿ
 သမ္မာဒဿနေန သင်္ကရာဘာဝဝိဘာဝနတ္ထံ။ တဒပိ ဝေဒယိတန္တိ သမ္ပန္နော။
အဇာနတံ အပဿတန္တိ “သဿတော အတ္တာ စ လောကော စာ”တိ “ဣဒံ
 ဒိဋ္ဌိဋ္ဌာနံ ဧဝံဂဟိတံ ဧဝံပရာမဋ္ဌံ ဧဝံဂတိကံ ဟောတိ ဧဝံအဘိသမ္ပရာယ”န္တိ
 ယထာဘူတံ အဇာနန္တာနံ အပဿန္တာနံ။ တထာ ယသ္မိံ ဝေဒယိတေ အဝိတ-
 တဏှတာယ ဧဝံဒိဋ္ဌိဂတံ ဥပါဒိယန္တိ၊ တံ ဝေဒယိတံ သမုဒယာဒိတော ယထာ-
 ဘူတံ အဇာနန္တာနံ အပဿန္တာနံ၊ ဧတေန အနာဝရဏဉာဏသမန္တစက္ခူဟိ
 ယထာ တထာဂတာနံ ယထာဘူတမေတ္တ ဉာဏဒဿနံ၊ န ဧဝံ ဒိဋ္ဌိဂတိကာနံ၊
 အထ ခေါ တဏှာဒိဋ္ဌိပရာမာသောယေဝါတိ ဒဿေတိ။ တေနော စာယံ
 ဒေသနာ မရိယာဒဝိဘာဂဒဿနတ္ထာ ဇာတာ။ အဋ္ဌကထာယံ ပန “ယထာဘူတံ

ဓမ္မာနံ သဘာဝံ အဇာနန္တာနံ အပဿန္တာနံ” နှိ အဝိသေသေန ဝုတ္တံ။ န ဟိ သင်္ခ-
 တဓမ္မသဘာဝံ အဇာနန္တမတ္တေန မိစ္ဆာ အဘိနိဝိသန္တိတိ။ သာမညဇောတနာ
 ဝိသေသေ အဝတိဋ္ဌတိတိ အယံ ဝိသေသယောဇနာ ကတာ။ **ဝေဒယိတန္တိ**
 “သဿတော အတ္တာ စ လောကော စာ” တိ ဝိဋ္ဌိပညာပနဝသေန ပဝတ္တံ ဝိဋ္ဌိယာ
 အနုဘူတံ အနုဘဝနံ။ **တဏှာဂတာနန္တိ** တဏှာယ ဂတာနံ ဥပဂတာနံ၊ ပဝတ္တာနံ
 ဝါ။ **တဉ္စ ခေါ ပနေတန္တိ** စ ယထာဝုတ္တံ ဝေဒယိတံ ပစ္စာမသတိ။ တဉ္စ ဝဇ္ဇာမိသ-
 ဘူတံ ဝိဋ္ဌိတဏှာသလ္လာနုရိဒ္ဓတာယ သဥဗ္ဗိလတ္တာ စဉ္စလံ၊ န မဂ္ဂဖလသုခံ ဝိယ
 ဧကရူပေန အဝတိဋ္ဌတိတိ။ တေနောဟ **“ပရိတဿိတေနာ”** တိအာဒိ။

အထ ဝါ ဧဝံ ဝိသေသကာရဏတော ဒွါသဉ္စ ဝိဋ္ဌိဂတာနိ ဝိဘဇိတွာ
 ဣဒါနိ အဝိသေသကာရဏတော တာနိ ဒဿေတုံ **“တတြ ဘိက္ခဝေ”** တိ-
 အာဒိကာ ဒေသနာ အာရဒ္ဓါ။ သဗ္ဗေသဉ္စ ဝိဋ္ဌိဂတိကာနံ ဝေဒနာ အဝိဇ္ဇာ
 တဏှာ စ အဝိသိဋ္ဌကာရဏန္တိ။ တတ္ထ **တဒပီတိ** “သဿတံ အတ္တာနဉ္စ
 လောကဉ္စ ပညပေန္တိ” တိ ဧတ္ထ ယဒေတံ “သဿတော အတ္တာ စ လောကော
 စာ” တိ ပညာပနံ၊ တဒပီ။ သုခါဒိဘေဒံ တိဝိဓဝေဒယိတံ ယထာက္ကမံ ဒုက္ခ-
 သလ္လာနိစ္စတော၊ အဝိသေသေန သမုဒယတ္ထင်္ဂမဿာဒါဒိနဝနိဿရဏတော
 ဝါ ယထာဘူတံ အဇာနန္တာနံ အပဿန္တာနံ၊ တတော ဧဝ စ သုခါဒိပတ္တနာ-
 သမ္ပဝဘော တဏှာယ ဥပဂတတ္တာ တဏှာဂတာနံ တဏှာပရိတဿိတေန
 ဝိဋ္ဌိဝိပုဋ္ဌိတမေဝ ဝိဋ္ဌိစလနမေဝ၊ “အသတိ အတ္တနိ ကော ဝေဒနံ အနုဘဝတိ” တိ
 ကာယဝစီဒ္ဓါရေသု ဝိဋ္ဌိယာ စောပနပ္ပတ္တိမတ္တမေဝ ဝါ၊ န ပန ဝိဋ္ဌိယာ ပညာ-
 ပေတဗ္ဗော သဿတော ကောစိ ဓမ္မော အတ္ထိတိ အတ္ထော။ ဧကစ္စသဿတ-
 ဝါဒါဒိသုပိ ဒေသေဝ နယော။

ဇဿပစ္စယဝါရဝဏ္ဏနာ

၁၁၈။ ယေန တဏှာပရိတဿိတေန ဧတာနိ ဝိဋ္ဌိဂတာနိ ပဝတ္တန္တိ၊
 တဿ ဝေဒယိတံ ပစ္စယော၊ ဝေဒယိတဿာပိ ဖဿော ပစ္စယောတိ ဒေသနာ
 ဝိဋ္ဌိယာ၂ ပစ္စယပရမ္ပရနိဒ္ဓါရဏန္တိ အာဟ **“ပရမ္ပရပစ္စယဒဿနတ္ထ”** နှိ၊ တေန
 ယထာ ပညာပနဓမ္မော ဝိဋ္ဌိ၊ တပ္ပစ္စယဓမ္မော စ ယထာသကံ ပစ္စယဝသေနေဝ
 ဥပ္ပဇ္ဇန္တိ၊ န ပစ္စယေဟိ ဝိနာ၊ ဧဝံ ပညာပေတဗ္ဗော ဓမ္မာပိ ရူပဝေဒနာဒယော၊
 န ဧတ္ထ ကောစိ အတ္တာ ဝါ လောကော ဝါ သဿတောတိ အယမတ္ထော
 ဒဿိတောတိ ဒဋ္ဌဗ္ဗံ။

နေတံဌာနံဝိဇ္ဇတိဝါရဝဏ္ဏနာ

၁၃၁။ တဿ ပစ္စယဿာတိ ဖဿပစ္စယဿ။ ဒိဋ္ဌိဝေဒယိတေတိ ဒိဋ္ဌိယာ ပစ္စယဘူတေ ဝေဒယိတေ၊ ဖဿပဓာနေဟိ အတ္တနော ပစ္စယေဟိ နိပ္ပါဒေ-
 တဗ္ဗေဟိ အဘျော။ ဝိနာဒိ စက္ခာဒိဝတ္ထုဟိ၊ သမ္ပယုတ္တဓမ္မေဟိ စ ကေဟိစိ
 ဝေဒနာ ဥပ္ပဇ္ဇတိ၊ န ပန ကဒါစိ ဖဿေန ဝိနာတိ ဖဿော ဝေဒနာယ
 ဗလဝကာရဏန္တိ အာဟာ “ဗလဝဘာဝဒဿနတ္ထ”န္တိ။ သန္တိဟိတောပိ ဟိ
 ဝိသယော သစေ ဖုသနာကာရရဟိတော ဟောတိ စိတ္တုပ္ပါဒေါ၊ န တဿ
 အာရမ္မဏပစ္စယေန ပစ္စယော ဟောတိတိ ဖဿောဝ သမ္ပယုတ္တဓမ္မာနံ ဝိသေသ-
 ပစ္စယော။ တထာ ဟိ ဘဂဝတာ စိတ္တုပ္ပါဒံ ဝိဘဇန္တေန ဖဿောယေဝ ပဌမံ
 ဥဒ္ဓဋ္ဌော၊ ဝေဒနာယ ပန အဓိဋ္ဌာနမေဝ။

ဒိဋ္ဌိဂတိကာမိဋ္ဌာနဝနုကထာဝဏ္ဏနာ

၁၄၄။ ဟေဋ္ဌာ တိသုပိ ဝါရေသု အဓိကတတ္တာ၊ ဥပရိ စ “ပဋိသံဝေ-
 ဒေန္တိ”တိ ဝက္ခမာနတ္တာ ဝေဒယိတမေတ္ထပဓာနန္တိ အာဟာ “သဗ္ဗဒိဋ္ဌိဝေဒယိ-
 တာနိ သမ္ပိဏ္ဏေတိ”တိ။ သမ္ပိဏ္ဏေတိတိ စ “ယေပိ တေ”တိ တတ္ထ တတ္ထ
 အာဂတဿ ဝိ-သဒ္ဓဿ အတ္ထံ ဒဿေတိ။ ဝေဒယိတဿ ဖဿေ ပက္ခိပနံ
 ဖဿပစ္စယတာဒဿနမေဝ “ဆဟိ အဇ္ဈတ္တိကာယတနေဟိ ဆဋ္ဌာရမ္မဏပဋိ-
 သံဝေဒနံ ကေန္တတော ဆဗဿဟေတုကမေဝါ”တိ။ သဉ္ဇာယန္တိ ဧတ္ထာတိ
 အဓိကရဏတ္ထော သဉ္ဇာတိ-သဒ္ဓေါတိ အာဟာ “သဉ္ဇာတိဋ္ဌာနေ”တိ။ ဧဝံ
 သမောသရဏ-သဒ္ဓေါပိ ဒဋ္ဌဗျော။ အာယတတိ ဧတ္ထ ဖလံ တဒါယတ္တဝုတ္တိ-
 တာယ၊ အာယဘူတံ ဝါအတ္တနော ဖလံ တနောတိ ပဝတ္တေတိတိ အာယတနံ၊
 ကာရဏံ။ ရုက္ခဂစ္ဆသမူဟေ အရညဝေါဟာရော အရညမေဝ အရညာယတနန္တိ
 အာဟာ “ပဏ္ဏတ္တိမတ္တေ”တိ။ အတ္တတ္တယေဝီတိ ဝိ-သဒ္ဓေန အဝုတ္တတ္တသမ္ပိဏ္ဏာနံ
 ဒဋ္ဌဗ္ဗံ၊ တေန အာကာရနိဝါသာမိဋ္ဌာနတ္ထေ သင်္ဂဏှာတိ။ ဟိရညာယတနံ
 သုဝဏ္ဏာယတနံ၊ ဝါသုဒေဝါယတနံ၊ ကမ္မာယတနန္တိအာဒိသု အာကာရနိဝါ-
 သာမိဋ္ဌာနေသု အာယတန-သဒ္ဓေါ။ စက္ခာဒိသု စ ဖဿာဒယော အာကိဏ္ဏာ၊
 တာနိ စ နေသံ နိဝါသော၊ အဓိဋ္ဌာနဉ္စ နိဿယပစ္စယဘာဝတောတိ။ တိဏ္ဏမ္ပိ
 ဝိသယိန္ဒြိယဝိညာဏာနံ သင်္ဂတိဘာဝေန ဂဟေတဗျော ဖဿောတိ “သင်္ဂတိ”တိ
 ဝုတ္တော။ တထာ ဟိ သော “သန္တိပါတပစ္စုပ္ပန္နာနော”တိ ဝုစ္စတိ။ ဣဒိနာ
 နယေနာတိ ဝိဇ္ဇမာနေသုပိ အညေသု သမ္ပယုတ္တဓမ္မေသု ယထာ “စက္ခုဉ္စပ။

“ဇေယျာ”တိံ တေသ္မိံ သုတ္တေ ဝေဒနာယ ပဓာနကာရဏဘာဝဒဿနတ္ထံ ဖဿသီသေန ဒေသနာ ကတာ၊ ဝေမိဓာပိ မြဟ္မဇာလေ “ဖဿပစ္စယာ ဝေဒနာ”တိအာဒိနာ ဖဿံ အာဒိံ ကတွာ အပရန္တပဋိစ္စသမုပ္ပါဒဒီပနေန ပစ္စယပရမ္ပရံ ဒဿေတုံ “ဖဿာယတနေဟိ ဖဿ ဖဿာ”တိ ဖဿမုခေန ဝုတ္တံ။

ဖဿော အရူပဓမ္မောပိ သမာနော ဧကဒေသေန အာရမ္မဏေ အနုလ္လိယ-မာနောပိ ဖုသနာကာရေန ပဝတ္တတိ ဖုသန္တော ဝိယ ဟောတီတိ အာဟာ “**ဖဿောဝ တံ တံ အာရမ္မဏံ ဖုသတိ**”တိ၊ ယေန သော “ဖုသနလက္ခဏော၊ သဃ်ဇ္ဇနရသော”တိ စ ဝုတ္တတိ။ “ဖဿာယတနေဟိ ဖဿ ဖဿာ”တိ အဖုသန-ကိစ္စာနိပိ အာယတနာနိ “မဉ္ဇော သောသန္တိ”တိအာဒိသု ဝိယ နိဿိတဝေါဟာ-ရေန ဖုသနကိစ္စာနိ ကတွာ ဒဿိတာနီတိ အာဟာ “**ဖဿေ ဥပနိက္ခိပိတွာ**”တိ၊ ဖဿဂတိကာနိ ကတွာ ဖဿူပစာရံ အာရောပေတွာတိ အတ္ထော။ ဥပစာရော ဟိ နာမ ဝေါဟာရမတ္ထံ၊ န တေန အတ္ထသိဒ္ဓိ ဟောတီတိ အာဟာ “**တသ္မာ**”တိ-အာဒိ။

အတ္တနော ပစ္စယဘူတာနံ ဆန္တံ ဖဿာနံ ဝသေန စက္ခုသမ္ပဿဇာ ယာဝ မနောသမ္ပဿဇာတိ သင်္ခေပတော ဆဗ္ဗိဓာ ဝေဒနာ၊ ဝိတ္ထာရတော ပန အဋ္ဌသတပရိယာယေန အဋ္ဌသတဘေဒါ။ **ရူပတဏှာဒိဘေဒါယာတိ** ရူပတဏှာ ယာဝ ဓမ္မတဏှာတိ သင်္ခေပတော ဆပ္ပဘေဒါယ၊ ဝိတ္ထာရတော အဋ္ဌသတဘေဒါယ။ **ဥပနိဿယကောဋ္ဌိယာတိ** ဥပနိဿယသီသေန။ ကသ္မာ ပနေတ္ထ ဥပနိဿယပစ္စယောဝ ဥဒ္ဓဋ္ဌော၊ နန သုခါ ဝေဒနာ၊ အဒုက္ခမသုခါ ဝေဒနာ စ တဏှာယ အာရမ္မဏမတ္တအာရမ္မဏာဓိပတိအာရမ္မဏူပနိဿယ-ပကတူပနိဿယဝသေန စတုဓာ ပစ္စယော၊ ဒုက္ခာ စ အာရမ္မဏမတ္တပကတူ-ပနိဿယဝသေန ဒွိဓာတိ? သစ္စမေတံ၊ ဥပနိဿယေ ဧဝ ပန တံ သဗ္ဗံ အန္တော-ဂဓံ။ ယုတ္တံ တာဝ အာရမ္မဏူပနိဿယဿ ဥပနိဿယသာမညတော ဥပနိဿ-ယေန သင်္ဂဟော၊ အာရမ္မဏမတ္တအာရမ္မဏာဓိပတိနံ ပန ကထန္တိ? တေသမ္ပိ အာရမ္မဏသာမညတော အာရမ္မဏူပနိဿယေန သင်္ဂဟောဝ ကတော၊ န ပကတူပနိဿယေနာတိ ဒဋ္ဌဗ္ဗံ။ ဧတဒတ္ထမေဝေတ္ထ “**ဥပနိဿယကောဋ္ဌိယာ**”တိ ဝုတ္တံ၊ န “**ဥပနိဿယေနာ**”တိ။

စတုဗ္ဗိဓဿာတိ ကာမုပါဒါနံ ယာဝ အတ္တဝါဒုပါဒါနန္တိ စတုဗ္ဗိဓဿ။ နန စ တဏှာဝ ကာမုပါဒါနန္တိ? သစ္စမေတံ။ တတ္ထ ဒုပ္ပလာ တဏှာ တဏှာဝ၊

ဗလဝတီ တဏှာ ကာမုပါဒါနံ။ အထ ဝါ အပ္ပတ္တဝိသယပတ္တနာ တဏှာ တမသိ စောရာနံ ကရပသာရဏံ ဝိယ။ သမ္ပတ္တဝိသယဂ္ဂဟဏံ ဥပါဒါနံ စောရာနံ ကရပတ္တဓနဂ္ဂဟဏံ ဝိယ။ အပ္ပိစ္ဆတပဋိပက္ခာ တဏှာ၊ သန္တောသပဋိပက္ခာ ဥပါဒါနံ။ ပရိယေသနဒုက္ခမူလံ တဏှာ၊ အာရက္ခဒုက္ခမူလံ ဥပါဒါနန္တိ အယမေတေသံ ဝိသေသော။ **ဥပါဒါနဿာ**တိ အသဟဇာတဿ ဥပါဒါနဿ ဥပနိဿယကောဋိယာ၊ ဣတရဿ သဟဇာတကောဋိယာတိ ဒဋ္ဌဗ္ဗံ။ တတ္ထ အနန္တရဿ အနန္တရသမနန္တရအနန္တရူပနိဿယနတ္ထိဝိဂတာ- သေဝနပစ္စယေဟိ၊ အနာနန္တရဿ ဥပနိဿယေန၊ အာရမ္မဏဘူတာ ပန အာရမ္မဏာဓိပတိအာရမ္မဏူပနိဿယေဟိ၊ အာရမ္မဏမတ္တေနေဝ ဝါတိ တံ သဗ္ဗံ ဥပနိဿယေနေဝ ဂဟေတွာ “**ဥပနိဿယကောဋိယာ**”တိ ဝုတ္တံ။ ယသ္မာ စ တဏှာယ ရူပါဒိနိ အဿာဒေတွာ ကာမေသု ပါတဗျတံ အာပဇ္ဇတိ၊ တသ္မာ တဏှာ ကာမုပါဒါနဿ ဥပနိဿယော။ တထာ ရူပါဒိဘေဒေဝ သမ္ပူဇော “နတ္ထိ ဒိန္န”န္တိ အာဒိနာ ဝိမိစ္ဆာဒဿနံ၊ သံသာရတော မုစ္စိတုကာမော အသုဒ္ဓိမဂ္ဂေ သုဒ္ဓိမဂ္ဂပရာမသနံ၊ ခန္ဓေသု အတ္တတ္တနိယဂါဟဘူတံ သက္ကာယဒဿနံ ဂဏှာတိ၊ တသ္မာ ဣတရေသမ္ပိ တဏှာ ဥပနိဿယောတိ ဒဋ္ဌဗ္ဗံ။ သဟဇာတဿ ပန သဟဇာတအညမညနိဿယသမ္ပယုတ္တအတ္ထိအဝိဂတဟေတုဝသေန တဏှာ ပစ္စယော ဟောတိ။ တံ သဗ္ဗံ သန္ဓာယ “**သဟဇာတကောဋိယာ**”တိ ဝုတ္တံ။

တထာတိ ဥပနိဿယကောဋိယာ စေဝ သဟဇာတကောဋိယာ စာတိ အတ္ထော။ **အဝဿာ**တိ ကမ္မဘဝဿ စေဝ ဥပပတ္တိဘဝဿ စ။ တတ္ထ စေတနာဒိ- သင်္ခါတံ သဗ္ဗံ ဘဝဂါမိကမ္မံ ကမ္မဘဝေါ၊ ကာမဘဝါဒိကော နဝရိဓော ဥပ- ပတ္တိဘဝေါ၊ တေသံ ဥပပတ္တိဘဝဿ စတုဗ္ဗိဓမ္မိ ဥပါဒါနံ ဥပပတ္တိဘဝကာရဏ- ကမ္မဘဝကာရဏဘာဝတော၊ တဿ စ သဟာယဘာဝူပဂမနတော ပကတူပ- နိဿယဝသေန ပစ္စယော ဟောတိ။ ကမ္မာရမ္မဏကရဏကာလေ ပန ကမ္မ- သဟဇာတကာမုပါဒါနံ ဥပပတ္တိဘဝဿ အာရမ္မဏပစ္စယေန ပစ္စယော ဟောတိ။ ကမ္မဘဝဿ ပန သဟဇာတဿ သဟဇာတံ ဥပါဒါနံ သဟဇာတ- အညမညနိဿယသမ္ပယုတ္တအတ္ထိအဝိဂတဝသေန စေဝ ဟေတုမဂ္ဂဝသေန စ အနေကဓာ ပစ္စယော ဟောတိ၊ အသဟဇာတဿ အနန္တရသမနန္တရအနန္တ- ရူပနိဿယနတ္ထိဝိဂတာသေဝနဝသေန၊ ဣတရဿ ပကတူပနိဿယဝသေန၊ သမ္ပသနာဒိကာလေသု အာရမ္မဏဝသေန စ ပစ္စယော ဟောတိ။ တတ္ထ

၁-ဒီ ၁-၅၁၊ မ ၁-၃၆၂၊ မ ၂-၆၃၊ ၆၄၊ ၁၈၂၊ မ ၃-၇၂၊ ၉၉၊ ၁၁၆၊ သံ ၂-၁၆၉၊ အဘိ ၁-၂၄၊ အဘိ ၂-၃၈၉-ပိဋ္ဌာနီသု။

အနန္တရာဒိကေ ဥပနိဿယပစ္စယေ၊ သဟဇာတာဒိကေ သဟဇာတပစ္စယေ ပက္ခိပိတွာ ဝုတ္တံ “ဥပနိဿယကောဋိယာ စေဝ သဟဇာတကောဋိယာ စာ”တိ။

ဘဝေါ ဇာတိယာတိ ဧတ္ထ ဘဝေါတိ ကမ္မဘဝေါ အဓိပ္ပေတော။ သော ဟိ ဇာတိယာ ပစ္စယော၊ န ဥပပတ္တိဘဝေါ။ ဥပပတ္တိဘဝေါ ဟိ ပဌမာဘိနိဗ္ဗတ္တာ ခန္ဓာ ဇာတိယေဝ။ တေန ဝုတ္တံ “ဇာတိတိ ပနေတ္ထ သဝိကာရာ ပဉ္စက္ခန္ဓာ ဒဠဗ္ဗာ”တိ။ သဝိကာရာတိ စ နိဗ္ဗတ္တိဝိကာရေန သဝိကာရာ၊ တေ စ အတ္ထတော ဥပပတ္တိဘဝေါယေဝ။ န ဟိ တဒေဝ တဿ ကာရဏံ ဘဝိတုံ ယုတ္တန္တိ။ ကမ္မဘဝေါ စ ဥပပတ္တိဘဝဿ ကမ္မပစ္စယေန စေဝ ဥပနိဿယပစ္စယေန စ ပစ္စယော ဟောတိတိ အာဟ “ဘဝေါ ဇာတိယာ ဥပနိဿယကောဋိယာ ပစ္စယော”တိ။

ယသ္မာ စ သတိ ဇာတိယာ ဇရာမရဏံ ဇရာမရဏာဒိနာ ဖုဋ္ဌဿ ဗာလဿ သောကာဒယော စ သမ္ဘဝန္တိ၊ နာသတိ၊ တသ္မာ “ဇာတိ။ပ။ ပစ္စယော ဟောတိ”တိ ဝုတ္တံ။ သဟဇာတူပနိဿယသိသေန ပစ္စယဝိစာရဏာယ ဒဿိ-တတ္တာ၊ အင်္ဂဝိစာရဏာယ စ အနာမဋ္ဌတ္တာ အာဟ “အယမေတ္ထ သင်္ခေ-ပေါ”တိ။ မဟာဝိသယတ္တာ ပဋိစ္စသမုပ္ပါဒဝိစာရဏာယ သာ နိရဝသေသာ ကုတော လဒ္ဓဗ္ဗာတိ အာဟ “ဝိတ္ထာရတော”တိအာဒိ။ ဧကဒေသေန စေတ္ထ ကထိတဿ ပဋိစ္စသမုပ္ပါဒဿ တထာ ကထနေ သဒ္ဓိံ ဥဒါဟရဏေန ကာရဏံ ဒဿေန္တော “ဘဝေါ ဟိ”တိအာဒိမာဟ။ တတ္ထ ကောဋိ န ပညာယတိတိ အသုကဿ နာမ သမ္မာသမ္ဗုဒ္ဓဿ၊ စက္ကဝတ္တိနော ဝါ ကာလေ အဝိဇ္ဇာ ဥပ္ပန္နာ၊ န တတော ပုဗ္ဗေတိ အဝိဇ္ဇာယ အာဒိမရိယာဒါ အပ္ပင်္ဂဟတဿ မမ သဗ္ဗညုတညာဏဿာပိ န ပညာယတိ အဝိဇ္ဇမာနတ္တာယေဝါတိ အတ္ထော။ အယံ ပစ္စယော ဣဒပ္ပစ္စယော၊ တသ္မာ ဣဒပ္ပစ္စယာ၊ ဣမသ္မာ ကာရဏာ အာသဝပစ္စယာတိ အတ္ထော။ ဘဝတဏှာယာတိ ဘဝသံယောဇနဘူတာယ တဏှာယ။ ဘဝဒိဋ္ဌိယာတိ သဿတဒိဋ္ဌိယာ။ “ဣတော ဧတ္ထ ဧတ္တော ဣဓာ”တိ အပရိယန္တံ အပရာပရုပ္ပတ္တိံ ဒဿေတိ။

ဝိဝေသနာသုတ္တံ

၁၄၅။ “ဝေဒနာနံ သမုဒယ”န္တိ အာဒိပါဠိ ဝေဒနာကမ္မဋ္ဌာနန္တိ ဒဠဗ္ဗာ။ တန္တိ “ဗဿသမုဒယာ ဗဿနိရောဓာ”တိ ဝုတ္တဗဿဋ္ဌာနံ။ အာဟာရေတိ ကဗဠိ-ကာရော အာဟာရော ဝေဒိတဗ္ဗော။ သော ဟိ “ကဗဠိကာရော အာဟာရော

ဣမဿ ကာယဿ အာဟာရပစ္စယေန ပစ္စယော”တိ^၁ ဝစနတော ကမ္မ-
 သမုဋ္ဌာနာနမ္ပိ ဥပတ္တန္တကပစ္စယော ဟောတိယေဝ။ ယဒိပိ သောတာပန္နာဒယော
 ယထာဘူတံ ပဇာနန္တိ၊ ဥက္ကံသဂတိဝိဇာနနဝသေန ပန ဒေသနာ အရဟတ္တ-
 နိက္ခလေန နိဋ္ဌာပိတာ။ ဧတ္ထ စ “ယတော ခေါ ဘိက္ခဝေ ဘိက္ခု။ ပ။ ယထာဘူတံ
 ပဇာနာတိ”တိ ဧတေန ဓမ္မဿ နိယျာနိကဘာဝေန သဒ္ဓိံ သံဃဿ သုပ္ပုဋ္ဌိပတ္တိံ^၂
 ဒဿေတိ။ တေနော ဟိ အဋ္ဌကထာယံ ဧတ္ထ “ကော ဧဝံ ဇာနာတိတိ?
 ဒိဏာသဝေါ ဇာနာတိ၊ ယာဝ အာရဒ္ဓဝိပဿကော ဇာနာတိ”တိ ပရိပုဏ္ဏံ
 ကတွာ ဘိက္ခုသံဃော ဒဿိတော၊ တေန ယံ ဝုတ္တံ “ဘိက္ခုသံဃဝသေနပိ
 ဒိပေတုံ ဝဇ္ဇတိ”တိ၊^၃ တံ ယထာရုတဝသေနော ဒိပတံ ဟောတိတိ ဒဋ္ဌဗ္ဗံ။

၁၄၆။ အန္တော ဇာလဿာတိ အန္တောဇာလံ၊ အန္တောဇာလေ ကတာတိ
 အန္တောဇာလီကတာ။ အပါယူပပတ္တိဝသေန အစော ဩသီဒနံ၊ သမ္ပတ္တိဘဝ-
 ဝသေန ဥဒ္ဓံ ဥဂ္ဂမနံ။ တထာ ပရိတ္တဘူမိမဟဂ္ဂတဘူမိဝသေန၊ ဩလီနတာ’တိ-
 ဓာဝနဝသေန၊ ပုဗ္ဗန္တာနုဒိဋ္ဌိအပရန္တာနုဒိဋ္ဌိဝသေန စ ယထာက္ကမံ အစော
 ဩသီဒနံ ဥဒ္ဓံ ဥဂ္ဂမနံ ယောဇေတဗ္ဗံ။ “ဒသသမာသိလောကဓာတူ”တိ ဇာတိ-
 ခေတ္တံ သန္ဓာယာဟ။

၁၄၇။ အပဏ္ဏတ္တိကဘာဝန္တိ ဓရမာနကပဏ္ဏတ္တိယာ အပဏ္ဏတ္တိကဘာဝံ။
 အတိတဘာဝေန ပန တထာ ပဏ္ဏတ္တိ ယာဝ သာသနန္တရဓာနာ၊ တတော
 ဥဒ္ဓမ္ပိ အညဗုဒ္ဓုပ္ပါဒေသု ဝတ္တတိ ဧဝ။ တထာ ဟိ ဝက္ခတိ “ဝေါဟာရမတ္တမေဝ
 ဘဝိဿတိ”တိ။ ကာယောတိ အတ္တဘာဝေါ၊ ယော ရူပါရူပဓမ္မသမူဟော။
 ဧဝံဥဿ အမ္မရုက္ခသဒိသတာ၊ တဒဝယဝါနဉ္စ ရူပက္ခန္ဓစက္ခာဒိနံ အမ္မပက္ကသဒိ-
 သတာ ယုဇ္ဇတိတိ။ ဧတ္ထ စ ဝဏ္ဏေသေ ဝဏ္ဏူပနိဗန္ဓာနံ အမ္မပက္ကာနံ
 အမ္မရုက္ခတော ဝိစ္ဆေဒေါ ဝိယ ဘဝနေတ္တိဆေဒေ တဒုပနိဗန္ဓာနံ ရူပက္ခန္ဓာဒိနံ
 သန္တာနတော ဝိစ္ဆေဒေါတိ ဧတ္တာဝတာ ဩပမ္ပံ ဒဋ္ဌဗ္ဗံ။

၁၄၈။ ဓမ္မပရိယာယေတိ ပါဠိယံ။ ဣဓတ္ထောတိ ဒိဋ္ဌဓမ္မဟိတံ။ ပရတ္ထောတိ
 သမ္ပရာယဟိတံ။ သင်္ဂါမံ ဝိဇိနာတိ ဧတေနာတိ သင်္ဂါမဝိဇယော။ အတ္ထ-
 သမ္ပတ္တိယာ အတ္ထဇာလံ။ ဗျဉ္ဇနသမ္ပတ္တိယာ၊ သီလဒိအနဝဇ္ဇဓမ္မနိဒ္ဒေသတော စ
 ဓမ္မဇာလံ။ သေဋ္ဌဋ္ဌေန ဗြဟ္မဘူတာနံ မဂ္ဂဖလနိဗ္ဗာနာနံ ဝိဘက္ခတ္တာ ဗြဟ္မဇာလံ။
 ဒိဋ္ဌိဝိဝေစနမုခေန သုညတာပကာသနေန သမ္မာဒိဋ္ဌိယာ ဝိဘာဝိတတ္တာ
 ဒိဋ္ဌိဇာလံ။ တိတ္ထိယဝါဒနိမ္မဒ္ဒနူပါယတ္တာ အနုတ္တရော သင်္ဂါမဝိဇယောတိ
 ဧဝမ္ပတ္တ ယောဇနာ ဝေဒိတဗ္ဗာ။

အဘိ ၈-၁၅၆-ပိဋေ ပဉ္စာနေ။ ၂-ဒိ-ဋ္ဌ ၁-၆၉-ပိဋေ။ ၃-ဒိ-ဋ္ဌ ၁-၁၁၈-ပိဋေ။

၁၄၉။ အတ္တမနာတိ ပီတိယာ ဂဟိတစိတ္တာ။ တေနောဝါဟ “ဗုဒ္ဓဂတယာ”တိအာဒိ။ ယထာ ပန အနတ္တမနာ အတ္တနော အနတ္တစရတာယ ပရမနာ ဝေရိမနာ နာမ ဟောန္တိ။ ယထာဟ “ဒိသောဒိသ”န္တိ ဂါထာ၊ န ဧဝံ အတ္တမနာ။ ဣမေ ပန အတ္တနော အတ္တစရတာယ သကမနာ ဟောန္တိတိ အာဟ “အတ္တမနာတိ သကမနာ”တိ။ အထ ဝါ အတ္တမနာတိ သမတ္တမနာ၊ ဣမာယ ဒေသနာယ ပရိပုဏ္ဏမနသင်္ကပ္ပတိ အတ္ထော။ အဘိနန္ဒတိတိ တဏှာယတိတိ အတ္ထောတိ အာဟ “တဏှာယမ္ပိ အာဂတော”တိ။ အနေကတ္တတ္တာ ဓာတုနံ အဘိနန္ဒန္တိတိ ဥပဂစ္ဆန္တိ သေဝန္တိတိ အတ္ထောတိ အာဟ “ဥပဂမနေပိ အာဂတော”တိ။ တထာ အဘိနန္ဒန္တိတိ သမ္ပုဋ္ဌိန္တိတိ အတ္ထောတိ အာဟ “သမ္ပုဋ္ဌိန္တိနေပိ အာဂတော”တိ။ “အဘိနန္ဒိတွာ”တိ ဣမိနာ ပဒေန ဝုတ္တောယေဝ အတ္ထော “အနုမောဒိတွာ”တိ ဣမိနာ ပကာသီယတိတိ အဘိနန္ဒန-သဒ္ဓေါ ဣဓ အနုမောဒနသဒ္ဓတ္ထောတိ အာဟ “အနုမောဒနေပိ အာဂတော”တိ။ “ကတမဉ္စ တံ ဘိက္ခဝေ”တိအာဒိနာ၊ တတ္ထ တတ္ထ ပဝတ္တယ ကထေတုကမျတာပုစ္ဆာယ ဝိဿဇ္ဇနဝသေန ပဝတ္တတ္တာ ဣဒံ သုတ္တံ ဝေယျာကရဏံ ဟောတိ။ ယသ္မာ ပန ပုစ္ဆာဝိဿဇ္ဇနဝသေန ပဝတ္တမ္ပိ သဂါထကံ သုတ္တံ ဂေယျံ နာမ ဟောတိ၊ နိဂ္ဂါထကတ္ထမေဝ ပန အင်္ဂန္တိ ဂါထာရဟိတံ ဝေယျာကရဏံ၊ တသ္မာ ဝုတ္တံ “နိဂ္ဂါထကတ္တာ ဟိ ဣဒံ ဝေယျာကရဏန္တိ ဝုတ္တံ”န္တိ။

အပရေသုဒ္ဓိတိ ဧတ္ထ ဝိ-သဒ္ဓေန ပါရမိပရိစယမ္ပိ သင်္ကတောတိ။ ဝုတ္တဉ္စိ ဗုဒ္ဓဝံသေ—

“ဣမေ ဓမ္မေ သမ္ပသတော၊ သဘာဝသရသလက္ခဏေ၊
ဓမ္မတေဇေန ဝသုဓာ၊ ဒသသဟဿိ ပကမ္ပထာ”တိ။

ဝိရိယဗလေနာတိ မဟာဘိနိက္ခမနေ စက္ကဝတ္တိသိရိပရိစ္စာဂဟေတုဘူတဝိရိယပ္ပဘာဝေန၊ ဗောဓိမဏ္ဍုပ္ပသင်္ကမနေ “ကာမံ တစော စ နှာရ စ၊ အဋ္ဌိစ အဝသိဿတူ”တိအာဒိနာ၊ ဝုတ္တစတုရင်္ဂသမန္ဓာဂတဝိရိယာနုဘာဝေန။ အတ္ထရိယဝေဂါဘိဟတာဘိ ဝိမှယာဝဟကိရိယာနုဘာဝသဋ္ဌိတာ။ ဗံသုကူလဓောဝနေ ကေဓိ “ပုညတေဇေနာ”တိ ဝဒန္တိ၊ အတ္ထရိယဝေဂါဘိဟတာဘိ ယုတ္တံ ဝိယ ဒိဿတိ၊ ဝေဿန္တရဇာတကေ ပါရမိပရိပူရဏပုညတေဇေန အနေကကတ္တဉ္စိ ကမ္ပိတတ္တာ “အကာလကမ္ပနေနာ”တိ ဝုတ္တံ။ သာဓုကာရဒါနဝသေန

၁-ခု ၁-၁၉၊ ၁၂၃-ပိဋေသု။	၂-ဒီ ၁-၃-ပိဋေ၊
၃-သဘာဝရသလက္ခဏေ (ဗဟုသု)	၄-ခု ၄-၃၁၉-ပိဋေ။
၅-မ ၂-၁၄၆၊ သံ ၁-၂၆၆၊ အံ ၁-၂၅၂၊ ခု ၇-၃၇၉-ပိဋေသု၊	၆-ခု ၆-၃၁၂-ပိဋေ၊

အကမ္မိတ္တ ယထာ တံ ဓမ္မစက္ကပ္ပဝတ္တနေ။ သင်္ဂီတိကာလာဒီသုပိ သာရုံကာရ-
ဒါနဝသေန အကမ္မိတ္တာတိ ဝေဒိတဗ္ဗံ။ အယံ တာဝေတ္ထ အဋ္ဌကထာယ
လိနတ္ထဝဏ္ဏနာ။

ပကရဏနယဝဏ္ဏနာ

အယံ ပန ပကရဏနယေန ပါဠိယာ အတ္ထဝဏ္ဏနာ— သာ ပနာယံ အတ္ထ-
ဝဏ္ဏနာ ယသ္မာ ဒေသနာယ သမုဋ္ဌာနပ္ပယောဇနဘာဇနေသု ပိဏ္ဍတ္တေသု စ
နိဗ္ဗါရိတေသု သုကရာ ဟောတိ သုဝိညေယျာ စ၊ တသ္မာ သုတ္တဒေသနာယ
သမုဋ္ဌာနာဒီနိ ပဌမံ နိဗ္ဗါရယိဿာမ။ တတ္ထ သမုဋ္ဌာနံ တာဝ ဝုတ္တံ “ဝဏ္ဏာ-
ဝဏ္ဏဘဏန”န္တိ။ အပိစ နိန္ဒာပသံသာသု ဝိနေယျာသာတာနန္ဒာဒိဘာဝါနာ-
ပတ္တိ၊ တတ္ထ စ အာဒိနဝဒဿနံ သမုဋ္ဌာနံ။ တထာ နိန္ဒာပသံသာသု ပဋိ-
ပဇ္ဇနက္ကမဿ၊ ပသံသာဝိသယဿ ခုဒ္ဒကာဒိဝသေန အနေကဝိဓဿ သီလဿ၊
သဗ္ဗညုတညာဏဿ သဿတာဒိဒိဋ္ဌိဋ္ဌာနေသု တတုတ္တရိ စ အပ္ပဋိဟတစာရ-
တာယ၊ တထာဂတဿ စ ကတ္ထမိ အပရိယာပန္နတာယ အနဝဗောဓော
သမုဋ္ဌာနံ။

ဝုတ္တဝိပရိယာယေန ပယောဇနံ ဝေဒိတဗ္ဗံ။ ဝိနေယျာသာတာနန္ဒာဒိ-
ဘာဝါပတ္တိအာဒိကပ္ပိ ဣမံ ဒေသနံ ပယောဇေတိတိ။ တထာ ကုဟနလပနာဒိ-
နာနာဝိဓမ္မိန္ဒာဇိဝရိဒ္ဓိသနံ၊ ဒွါသဉ္စိဒ္ဓိဇာလဝိနိဝေဌနံ၊ ဒိဋ္ဌိသိသေန ပဇ္ဇယာ-
ကာရဝိဘာဝနံ၊ ဆဗဿာယတနဝသေန စတုသစ္စကမ္မဋ္ဌာနနိဒ္ဒေသော၊ သဗ္ဗ-
ဒိဋ္ဌိဂတာနံ အနဝသေသပရိယာဒါနံ၊ အတ္တနော အနုပါဒါပရိနိဗ္ဗာနဒီပနဉ္စ
ပယောဇနာနိ။

ဝဏ္ဏာဝဏ္ဏနိမိတ္တံ အနုရောဓဝိရောဓဝန္တစိတ္တာ ကုဟနာဒိဝိဓမ္မိန္ဒာဇိဝ-
နိရတာ သဿတာဒိဒိဋ္ဌိပဏ် နိမုဂ္ဂါ သီလက္ခန္ဓာဒီသု အပရိပူရကာရိတာယ
အနဝဗုဒ္ဓဂုဏဝိသေသဉာဏာ ဝိနေယျာ ဣမိဿာ ဓမ္မဒေသနာယ ဘာဇနံ။

ပိဏ္ဍတ္တာ ပန အာသာတာဒီနံ အကရဏီယတာဝစနေန ပဋိညာနုရူပံ
သမဏသညာယ နိယောဇနံ၊ ခန္တိသောရစ္စာနုဋ္ဌာနံ၊ မြဟ္မဝိဟာရဘာဝနာ-
နယောဂေါ၊ သဒ္ဓါပညာသမာယောဂေါ၊ သတိသမ္ပဇညာဓိဋ္ဌာနံ၊ ပဋိသင်္ခါန-
ဘာဝနာဗလသိဒ္ဓိ၊ ပရိယုဋ္ဌာနာနုသယပ္ပဟာနံ၊ ဥဘယဟိတပဋိပတ္တိ၊ လောက-
ဓမ္မေဟိ အနုပလေပေါ စ ဒဿိတာ ဟောန္တိ။ တထာ ပါဏာတိပါတာဒီဟိ
ပဋိဝိရတိဝစနေန သီလဝိသုဒ္ဓိ ဒဿိတာ၊ တာယ စ ဟိရောတ္တပ္ပသမ္ပတ္တိ၊

မေတ္တာကရုဏာသမင်္ဂိတာ၊ ဝိတိက္ကမပ္ပဟာနံ၊ တဒင်္ဂပဟာနံ၊ ဒုစ္စရိတသံကိလေသပ္ပဟာနံ၊ ဝိရတိတ္တယသိဒ္ဓိ၊ ဝိယမနာပဂရဘာဝနိယတာနိပ္ပတ္တိ၊ လာဘသက္ကာရသိလောကသမုဒါဂမော၊ သမထဝိပဿနာနံ အဓိဋ္ဌာနဘာဝေါ၊ အကုသလမူလတနုကရဏံ၊ ကုသလမူလရောပနံ၊ ဥဘယာနတ္ထဒူရိကရဏံ၊ ပရိသာသု ဝိသာရဒတာ၊ အပ္ပမာဒဝိဟာရော၊ ပရေဟိ ဒုပ္ပဓံသိယတာ၊ အဝိပ္ပဋိသာရာဒိသမင်္ဂိတာ စ ဒဿိတာ ဟောန္တိ။

“ဂန္တိရာ”တိအာဒိဝစနေဟိ ဂန္တိရဓမ္မဝိဘာဝနံ၊ အလဗ္ဘနေယျပတိဋ္ဌတာ၊ ကပ္ပိနံ အသင်္ချေယျနာပိ ဒုလ္လဘပါတုဘာဝတာ၊ သုခုမနေပိ ဉာဏေန ပစ္စက္ခတော ပဋိဝိဇ္ဈိတုံ အသက္ကုဏေယျတာ၊ ဓမ္မန္တယသင်္ခါတေန အနုမာနဉာဏေနာပိ ဒုရဓိဂမနိယတာ၊ ပဿဒ္ဓသဗ္ဗဒရထတာ၊ သန္တဓမ္မဝိဘာဝနံ၊ သောဘနပရိယောသာနတာ၊ အတိတ္ထိကရဘာဝေါ၊ ပဓာနဘာဝပ္ပတ္တိ၊ ယထာဘူတဉာဏဂေါစရတာ၊ သုခုမသဘာဝတာ၊ မဟာပညာဝိဘာဝနာ စ ဒဿိတာ ဟောန္တိ။ ဒိဋ္ဌိဒီပကပဒေဟိ သမာသတော သဿတုစ္ဆေဒဒိဋ္ဌိယော ပကာသိတာတိ ဩလိနတာတိဓာဝနဝိဘာဝနံ၊ ဥပါယဝိနိဗဒ္ဓနိဒ္ဒေသော၊ မိစ္ဆာဘိနိဝေသကိတ္တနံ၊ ကုမ္မဂ္ဂပဋိပတ္တိယာ ပကာသနာ၊ ဝိပရိယေသဂ္ဂါဟပညာပနံ၊ ပရာမာသပရိဂ္ဂဟော၊ ပုဗ္ဗန္တာပရန္တာနုဒိဋ္ဌိပတိဋ္ဌာပနံ၊ ဘဝဝိဘဝဒိဋ္ဌိဝိဘာဝေါ၊ တဏှာဝိဇ္ဇာပဝတ္တိ၊ အန္တဝါနန္တဝါဒိဋ္ဌိနိဒ္ဒေသော၊ အန္တဒ္ဓယာဝတာရဏံ၊ အာသဝေါဃယောဂကိလေသဂန္တသံယောဇနုပါဒါနဝိသေသဝိဘဇ္ဇနဉ္စ ဒဿိတာနိ ဟောန္တိ။ တထာ “ဝေဒနာနံ သမုဒယ”န္တိအာဒိဝစနေဟိ စတုန္တံ အရိယသစ္စာနံ အနုဗောဓပဋိဝေဓသိဒ္ဓိ၊ ဝိက္ခမ္ဘနသမုစ္ဆေဒပ္ပဟာနံ၊ တဏှာဝိဇ္ဇာဝိဂမော၊ သဒ္ဓမ္မဋ္ဌိတိနိမိတ္တပရိဂ္ဂဟော၊ အာဂမာဓိဂမသမ္ပတ္တိ၊ ဥဘယဟိတပဋိပတ္တိ၊ တိဝိပေညာပရိဂ္ဂဟော၊ သတိသမ္ပဇညာနုဋ္ဌာနံ၊ သဒ္ဓါပညာသမာယောဂေါ၊ သမ္မာဝီရိယသမထာနုယောဇနံ၊ သမထဝိပဿနာနိပ္ပတ္တိ စ ဒဿိတာ ဟောန္တိ။

“အဇာနတံ အပဿတ”န္တိ အဝိဇ္ဇာသိဒ္ဓိ၊ “တဏှာဂတာနံ ပရိတဿိတဝိပ္ပန္နိတ”န္တိ တဏှာသိဒ္ဓိ၊ တဒုဘယေန စ နိဝရဏသံယောဇနဒ္ဓယသိဒ္ဓိ၊ အနမတဂ္ဂသံသာရဝဇ္ဇာနုစ္ဆေဒေါ၊ ပုဗ္ဗန္တာဟရဏအပရန္တပဋိသန္ဓာနာနိ၊ အတိတပစ္စုပ္ပန္နကာလဝသေန ဟေတုဝိဘာဝေါ၊ အဝိဇ္ဇာတဏှာနံ အညမညာနတိဝတ္တနဋ္ဌေန အညမညူပကာရိတာ၊ ပညာဝိမုတ္တိစေတောဝိမုတ္တိနံ ပဋိပက္ခနိဒ္ဒေသော စ ဒဿိတာ ဟောန္တိ။ “တဒဝိ ဖဿပစ္စယာ”တိ သဿတာဒိပညာပနဿ

ပစ္စယာဓိနဂုတ္တိတာကထနေန ဓမ္မာနံ နိစ္စတာပဋိသေခေါ၊ အနိစ္စတာပတိဋ္ဌာပနံ၊ ပရမတ္ထတော ကာရကာဒိပဋိက္ခေပေါ၊ ဧဝံဓမ္မတာဒိနိဋ္ဌေသော၊ သုညတာပကာသနံ၊ သမ္ပတ္တနိယာမပစ္စယလက္ခဏဝိဘာဝနဉ္စ ဒဿိတာနိ ဟောန္တိ။

“ဥန္တိန္ဒဘဝနေတ္တိကော”တိအာဒိနာ ဘဂဝတော ပဟာနသမ္ပတ္တိ၊ ဝိဇ္ဇာမိမုတ္တိ၊ ဝဿိဘာဝေါ၊ သိက္ခတ္တယနိပ္ပတ္တိ၊ နိဗ္ဗာနဓာတုဒွယဝိဘာဝေါ၊ စတုရမိဋ္ဌာနပရိပူရဏံ၊ ဘဝယောနိအာဒိသု အပရိယာပန္နတာ စ ဒဿိတာ ဟောန္တိ။ သကလေန ပန သုတ္တပဒေန ဣဋ္ဌာနိဋ္ဌေသု ဘဂဝတော တာဒိဘာဝေါ၊ တတ္ထ စ ပရေသံ ပတိဋ္ဌာပနံ၊ ကုသလဓမ္မာနံ အာဒိဘူတဓမ္မဒွယဿ နိဋ္ဌေသော၊ သိက္ခတ္တယူပဒေသော၊ အတ္တန္တပါဒိပုဂ္ဂလစတုက္ကသိဒ္ဓိ၊ ကဏှာကဏှဝိပါကာဒိကမ္မစတုက္ကဝိဘာဝေါ၊ စတုရပ္ပမညာဝိသယနိဋ္ဌေသော၊ သမုဒယာဒိပဉ္စကဿ ယထာဘူဘာဝဗောဓော၊ ဆဿာရဏီယဓမ္မဝိဘာဝနာ၊ ဒသနာထကရဓမ္မပတိဋ္ဌာပနန္တိ ဝေမာဒယော နိဒ္ဒါရေတဗ္ဗာ။

သောဠသဟာရဝဏ္ဏနာ

ဒေသနာဟာရဝဏ္ဏနာ

တတ္ထ “အတ္တာ၊ လောကော”တိ စ ဒိဋ္ဌိယာ အဓိဋ္ဌာနဘာဝေန၊ ဝေဒနာ-ဗဿာယတနာဒိမုခေန စ ဂဟိတေသု ပဉ္စသု ဥပါဒါနက္ခန္ဓေသု တဏှာဝဇ္ဇာ ပဉ္စုပါဒါနက္ခန္ဓာ ဒုက္ခသစ္စံ။ တဏှာ သမုဒယသစ္စံ။ သာ ပန ပရိတဿနာဂ္ဂဟဏေန “တဏှာဂတာန”န္တိ၊ “ဝေဒနာပစ္စယာ တဏှာ”တိ စ သရူပေနဝ သမုဒယဂ္ဂဟဏေန၊ ဘဝနေတ္တိဂ္ဂဟဏေန စ ပါဠိယံ ဂဟိတာဝ။ အယံ တာဝ သုတ္တန္တနယော။ အဘိဓမ္မနယေန ပန အာသာတနန္တာဒိဝစနေဟိ၊ အာတပ္ပါဒိပဒေဟိ၊ စိတ္တပ္ပဒေါသဝစနေန၊ သဗ္ဗဒိဋ္ဌိဒိပကပဒေဟိ၊ ကုသလာကုသလဂ္ဂဟဏေန၊ ဘဝဂ္ဂဟဏေန၊ သောကာဒိဂ္ဂဟဏေန၊ တတ္ထ တတ္ထ သမုဒယဂ္ဂဟဏေန စာတိ သင်္ခေပတော သဗ္ဗလောကီယကုသလာကုသလဓမ္မဝိဘာဝနပဒေဟိ ဂဟိတာ ကမ္မကိလေသာ သမုဒယသစ္စံ။ ဥဘိန္တံ အပ္ပဝတ္တိ နိရောဓသစ္စံ။ တဿ တတ္ထ တတ္ထ ဝေဒနာနံ အတ္တင်္ဂမနိဿရဏပရိယာယေဟိ၊ ပစ္စတ္တံ နိဗ္ဗုတိဝစနေန၊ အနုပါဒါဝိမုတ္တိဝစနေန စ ပါဠိယံ ဂဟဏံ ဝေဒိတဗ္ဗံ။ နိရောဓပဇာနနာ ပဋိပဒါ မဂ္ဂသစ္စံ။ တဿာပိ တတ္ထ တတ္ထ ဝေဒနာနံ သမုဒယာဒိယထာဘူတဝေဒနာပဒေသေန၊ ဆန္တံ ဗဿာယတနာနံ သမုဒယာဒိယထာဘူတပဇာနနပရိယာယေန၊ ဘဝနေတ္တိယာ ဥစ္ဆေဒပရိယာယေန စ ဂဟဏံ ဝေဒိတဗ္ဗံ။ တတ္ထ သမုဒယေန အဿာဒေါ၊ ဒုက္ခေန အာဒိနုဝေါ၊

မဂ္ဂနိရောဓေဟိ နိဿရဏန္တိ ဧဝံ စတုသစ္စဝသေန၊ ယာနိ ပါဠိယံ^၁ သရူပေနော အာဂတာနိ အဿာဒါဒိနဝနိဿရဏာနိ၊ တေသဉ္စ ဝသေန ဣမ အဿာဒါဒယော ဝေဒိတဗ္ဗာ။ ဝိနေယျာနံ တာဒိဘာဝါပတ္တိအာဒိကံ ယထာဝုတ္တရိဘာဝံ ပယောဇနမေဝ ဖလံ။ အာဃာတာဒိနံ အကရဏီယတာ၊ အာဃာတာဒိ-
ဖလဿံ စ အနညသန္တာနဘာဝိတာ၊ နိန္ဒာပသံသာသု ယထာသဘာဝပဋိ-
ဇာနနနိဗ္ဗေဌနာတိ ဧဝံ တံတံပယောဇနာမိဂမဟေတု ဥပါယော။ အာဃာ-
တာဒိနံ ကရဏပဋိသေနောဒိအပဒေသေန ဓမ္မရာဇဿ အာဏတ္ထိ ဝေဒိ-
တဗ္ဗာတိ အယံ ဒေသနာဟာရော။

ဝိစယဟာရဝဏ္ဏနာ

ကပ္ပနာဘာဝေဝိ ဝေါဟာရဝသေန၊ အနုဝါဒဝသေန စ “မမ”န္တိ ဝုတ္တံ၊
နိယမာဘာဝတော ဝိကပ္ပနတ္ထံ ဝါဂ္ဂဟဏံ ကတံ၊ ဂုဏသမင်္ဂိတာယ၊ အဘိမုဒိ-
ကရဏာယ စ “ဘိက္ခဝေ”တိ အာမန္တနံ။ အညဘာဝတော၊ ပဋိဝိရုဒ္ဓဘာဝတော
စ “ပရေ”တိ ဝုတ္တံ၊ ဝဏ္ဏပဋိပက္ခတော၊ အဝဏ္ဏနိယတော စ “အဝဏ္ဏ”န္တိ ဝုတ္တံ။
ဗျတ္တိဝသေန၊ ဝိတ္တာရဝသေန စ “ဘာသေယျ”န္တိ ဝုတ္တံ၊ ဓာရဏဘာဝတော၊
အဓမ္မပဋိပက္ခတော စ “ဓမ္မဿာ”တိ ဝုတ္တံ၊ ဒိဋ္ဌိသီလေဟိ သံဟတဘာဝတော၊
ကိလေသာနံ သင်္ခါတကရဏတော စ “သံဃဿာ”တိ ဝုတ္တံ။ ဝုတ္တပဋိ-
နိဒ္ဒေသတော၊ ဝစနပချာသနတော စ “တကြာ”တိ ဝုတ္တံ၊ သမ္မုခဘာဝတော၊
ပုထုဘာဝတော စ “တုမှေဟိ”တိ ဝုတ္တံ။ စိတ္တဿ ဟနနတော၊ အာရမ္မဏာ-
ဘိဃာတတော စ “အာဃာတော”တိ ဝုတ္တံ၊ အာရမ္မဏေ သင်္ကေတ-
ဝုတ္တိယာ၊ အတုဋ္ဌာကာရတာယ စ “အပ္ပစ္စယော”တိ ဝုတ္တံ၊ အာရမ္မဏစိန္တနတော၊
နိဿယတော စ “စေတသော”တိ ဝုတ္တံ၊ အတ္တာသာနေတော၊ အနု အနု
အနတ္ထသာနေတော စ “အနဘိရဒ္ဓိ”တိ ဝုတ္တံ၊ ကာရဏာနရဟတ္တာ^၂၊ သတ္တု-
သာသနေ ဌိတေဟိ ကာတုံ အသတ္တုဏေယျတ္တာ စ “န ကရဏီယာ”တိ
ဝုတ္တန္တိ ဣမိနာ နယေန သဗ္ဗပဒေသု ဝိနိစ္ဆယော ကာတဗ္ဗော။ ဣတိ အနုပဒ-
ဝိစယတော^၃ ဝိစယော ဟာရော။ အတိဝိတ္တာရဘယေန၊ သက္ကာ စ အဋ္ဌကထံ
တဿာ လိနတ္ထဝဏ္ဏနဉ္စ အနုဂန္ဓာ အယမတ္ထော ဝိညနာ ဝိဘာဝေတုန္တိ န
ဝိတ္တာရယိမှ။

၁-ခု ဒဝ-၆-ပိဋေ။

၂-ကရဏာရဟတ္တာ (ဗဟုသု)

၃-အနုပဒဝိစယတောတိ (ဗဟုသု)

ယုတ္တိဟာရဝဏ္ဏနာ

သဗ္ဗေန သဗ္ဗံ အာဃာတာဒီနံ အကရဏံ တာဒိဘာဝါယ သံဝတ္တတိတိ ယုဇ္ဇတိ ဣဋ္ဌာနိဋ္ဌေသု သမပ္ပဝတ္တိသမ္ဘာဝတော။ ယသ္မိံ သန္တာနေ အာဃာတာဒယော ဥပ္ပန္နာ၊ တန္တိမိတ္တကော^၁ အန္တရာယော တဿေဝ သမ္ပတ္တိဝိဗန္ဓာယ သံဝတ္တတိတိ ယုဇ္ဇတိ။ ကသ္မာ? သန္တာနန္တရေသု အသင်္ကမနတော။ စိတ္တံ အဘိဘဝိတွာ ဥပ္ပန္နာ အာဃာတာဒယော သုဘာသိတာဒိသလ္လက္ခဏေပိ အသမတ္တတာယ သံဝတ္တန္တိတိ ယုဇ္ဇတိ သကောဓလောဘာနံ အန္တတမသမ္ဘာဝတော။ ပါဏာတိပါတာဒိဒုဿီလျတော ဝေရမဏိ သဗ္ဗသတ္တာနံ ပါမောဇ္ဇပပါသံသဘာဝါယ သံဝတ္တတိတိ ယုဇ္ဇတိ။ သီလသမ္ပတ္တိယာ ဟိ မဟတော ကိတ္တိသဒ္ဓဿ အပ္ပဂ္ဂမော ဟောတိတိ။ ဂမ္ဘီရတာဒိဝိသေသယုတ္တေန ဂုဏေန တထာဂတဿ ဝဏ္ဏနာ ဧကဒေသဘူတာပိ သကလသဗ္ဗညုဂုဏဂုဟဏာယ သံဝတ္တတိတိ ယုဇ္ဇတိ အနညသာဓာရဏတ္တာ။ တဇ္ဇာအယောနိသောမနသိကာရပရိက္ခတာနိ အဓိဂမတက္ကနာနိ သဿတဝါဒါဒိအဘိနိဝေသာယ သံဝတ္တန္တိတိ ယုဇ္ဇတိ ကပ္ပနာဇာလဿ အသမုဋ္ဌါဋီတတ္တာ။ ဝေဒနာဒီနဝါနဝဗောဓေန ဝေဒနာယ တဏှာ ပဝေတိတိ ယုဇ္ဇတိ အဿာဒါနုပဿနာသမ္ဘာဝတော။ သတိ စ ဝေဒယိတရာဂေ တတ္ထ အတ္တတ္တနိယဂါဟော၊ သဿတာဒိဂါဟော စ ဝိပရိဖန္ဒတိတိ ယုဇ္ဇတိ ကာရဏဿ သန္တိဟိတတ္တာ။ တဏှာပစ္စယာ ဟိ ဥပါဒါနံ။ သဿတာဒိဝါဒေ ပညပေန္တာနံ၊ တဒနုစ္ဆရိကံ ဝါ ဝေဒနံ ဝေဒယန္တာနံ ဖဿော ဟေတုတိ ယုဇ္ဇတိ ဝိသယိန္ဒြိယဝိညာဏသင်္ကတိယာ ဝိနာ တဒဘာဝတော။ ဆဗဿာယတနနိမိတ္တဝဋ္ဋဿ အနုပစ္စေဒေါတိ ယုဇ္ဇတိ တတ္ထ အဝိဇ္ဇာတဏှာနံ အပ္ပဟိနတ္တာ။ ဆန္တံ ဖဿာယတနာနံ သမုဒယာဒိပဇာနနာ သဗ္ဗဒိဋ္ဌိဂတိကသညံ အတိစ္စ တိဋ္ဌတိတိ ယုဇ္ဇတိ စတုသစ္စပဋိဝေဓဘာဝတော။ ဣမာဟေဝ ဒွါသဋ္ဌိယာ ဒိဋ္ဌိဟိသဗ္ဗဒိဋ္ဌိဂတာနံ အန္တောဇာလိကတဘာဝေါတိ ယုဇ္ဇတိ အင်္ဂါရိယဝါဒါဒီနံ ဣဿရဝါဒါဒီနဉ္စ တဒန္တောဂေတ္တာ။ တထာ စေဝ သံဝဏ္ဏိတံ။ ဥစ္ဆိန္နဘဝနေတ္တိကော တထာဂတဿ ကာယောတိ ယုဇ္ဇတိ၊ ယသ္မာ ဘဂဝါ အဘိနိဟာရသမ္ပတ္တိယာ စတုသု သတိပဋ္ဌာနေသု ပတိဋ္ဌိတစိတ္တော သတ္တဗောဇ္ဈင်္ဂေယေဝ ယထာဘူတံ ဘာဝေသိ။ ကာယဿ ဘေဒါ ပရိနိဗ္ဗုတံ န ဒက္ခန္တိတိ ယုဇ္ဇတိ အနုပါဒိသေသနိဗ္ဗာနပ္ပတ္တိယံ ရူပါဒိသု ကဿဖိပိ အနဝသေသတောတိ အယံ ယုတ္တိဟာရော။

ပဒဋ္ဌာနဟာရဝဏ္ဏနာ

အဝဏ္ဏာရဟအဝဏ္ဏာနုရူပသမ္ပတ္တနာဒေယျဝစနတာဒိ ဝိပတ္တိနံ ပဒဋ္ဌာနံ။
 ဝဏ္ဏာရဟဝဏ္ဏာနုရူပသမ္ပတ္တသဒ္ဓေယျဝစနတာဒိ သမ္ပတ္တိနံ ပဒဋ္ဌာနံ။ တထာ
 အာသာတာဒယော နိရယာဒိဒုက္ခဿ ပဒဋ္ဌာနံ။ အာသာတာဒိနံ အကရဏံ
 သဂ္ဂသမ္ပတ္တိအာဒိသဗ္ဗသမ္ပတ္တိနံ ပဒဋ္ဌာနံ။ ပါဏာတိပါတာဒိဟိ ပဋိဝိရတိ
 အရိယဿ သီလက္ခန္ဓဿ ပဒဋ္ဌာနံ။ အရိယော သီလက္ခန္ဓော အရိယဿ
 သမာဓိက္ခန္ဓဿ ပဒဋ္ဌာနံ။ အရိယော သမာဓိက္ခန္ဓော အရိယဿ ပညာက္ခန္ဓဿ
 ပဒဋ္ဌာနံ။ ဂမ္ဘီရတာဒိဝိသေသယုတ္တံ ဘဂဝတော ပဋိဝေဓပုကာရဉာဏံ
 ဒေသနာဉာဏဿ ပဒဋ္ဌာနံ။ ဒေသနာဉာဏံ ဝိနေယျာနံ သကလဝဋ္ဋဒုက္ခ-
 နိဿရဏဿ ပဒဋ္ဌာနံ။ သဗ္ဗာပိ ဒိဋ္ဌိ ဒိဋ္ဌုပါဒါနန္တိ သာ ယထာရဟံ နဝ-
 ဝိဿေသပိ ဘဝဿ ပဒဋ္ဌာနံ။ အဝေါ ဇာတိယာ၊ ဇာတိ ဇရာမရဏဿ၊
 သောကာဒိနဉ္စ ပဒဋ္ဌာနံ။ ဝေဒနာနံ သမုဒယာဒိယထာဘူတဝေဒနံ စတုန္တံ
 အရိယသစ္စာနံ အနုဗောဓပဋိဝေဓော။ တတ္ထ အနုဗောဓော ပဋိဝေဓဿ
 ပဒဋ္ဌာနံ၊ ပဋိဝေဓော စတုဗ္ဗိဓဿ သာမညဖလဿ ပဒဋ္ဌာနံ။ “အဇာနတံ
 အပဿတ”န္တိ အဝိဇ္ဇာဂဟဏံ၊ တတ္ထ အဝိဇ္ဇာ သင်္ခါရာနံ ပဒဋ္ဌာနန္တိ ယာဝ
 ဝေဒနာ တဏှာယ ပဒဋ္ဌာနန္တိ နေတဗ္ဗံ။ “တဏှာဂတာနံ ပရိတဿိတ-
 ဝိပ္ပန္နိတ”န္တိ ဧတ္ထ တဏှာ ဥပါဒါနဿ ပဒဋ္ဌာနံ။ “တဒပိ ဖဿပစ္စယာ”တိ
 ဧတ္ထ သဿဘာဒိပညာပနံ ပရေသံ မိစ္ဆာဘိနိဝေသဿ ပဒဋ္ဌာနံ၊ မိစ္ဆာဘိ-
 နိဝေသော သဒ္ဓမ္မဿဝနသပ္ပုရိသုပဿယယောနိသောမနသိကာရဓမ္မာနုဓမ္မ-
 ပဋိပတ္တိဟိ ဝိမုခတာယ၊ အသဒ္ဓမ္မဿဝနာဒိနဉ္စ ပဒဋ္ဌာနံ။ “အညတြ ဖဿာ”တိ-
 အာဒိသု ဖဿော ဝေဒနာယ ပဒဋ္ဌာနံ၊ ဆ ဖဿာယတနာနိ ဖဿဿ၊
 သကလဝဋ္ဋဒုက္ခဿ စ ပဒဋ္ဌာနံ၊ ဆန္တံ ဖဿာယတနာနံ သမုဒယာဒိယထာ-
 ဘူတပဇာနနံ နိဗ္ဗိဒါယ ပဒဋ္ဌာနံ၊ နိဗ္ဗိဒါဝိရာဂဿာတိယာဝ အနုပါဒါပရိနိဗ္ဗာနံ
 နေတဗ္ဗံ။ ဘဂဝတော ဘဝနေတ္တိသမုစ္ဆေဒေါ သဗ္ဗညုတာယ ပဒဋ္ဌာနံ။ တထာ
 အနုပါဒါပရိနိဗ္ဗာနဿာတိ အယံ ပဒဋ္ဌာနဟာရော။

လက္ခဏဟာရဝဏ္ဏနာ

အာသာတာဒိဂ္ဂဟဏေန ကောရုပနာဟမက္ခပလာသဇ္ဈဿာမစ္ဆရိယသာ-
 ရက္ခပရဝတ္တနာဒိနံ သင်္ဂဟော ပဋိသစ်တ္တုပ္ပါဒပရိယာပန္နတာယ ကေလက္ခ-
 ဏတ္တာ။ အာနန္ဒာဒိဂ္ဂဟဏေန အဘိဇ္ဈာဝိသမလောဘမာနာတိမာနမဒပ္ပမာ-
 ဒါဒိနံ သင်္ဂဟော လောဘစိတ္တုပ္ပါဒပရိယာပန္နတာယ သမာနလက္ခဏတ္တာ။

တထာ အာသတဂ္ဂဟဏေန အဝသိဋ္ဌဂန္ထနိဝရဏာနံ သင်္ဂဟော ကာယ-
 ဂန္ထနိဝရဏလက္ခဏေန ကေလက္ခဏတ္တာ။ အာနန္ဒဂ္ဂဟဏေန ဖဿာဒီနံ
 သင်္ဂဟော သင်္ခါရက္ခန္ဓလက္ခဏေန ကေလက္ခဏတ္တာ။ သီလဂ္ဂဟဏေန အဓိ-
 စိတ္တအဓိပညာသိက္ခာနမ္ပိ သင်္ဂဟော သိက္ခာလက္ခဏေန ကေလက္ခဏတ္တာ။
 ဣဓပန သီလဿေဝ^၁ ဣန္ဒြိယသံဝရာဒိကဿ ဒဠဗ္ဗံ။ ဒိဋ္ဌိဂ္ဂဟဏေန အဝသိဋ္ဌ-
 ဥပါဒါနာနမ္ပိ သင်္ဂဟော ဥပါဒါနလက္ခဏေန ကေလက္ခဏတ္တာ။ “ဝေဒနာန”^၂န္တိ
 ဧတ္ထ ဝေဒနာဂ္ဂဟဏေန အဝသိဋ္ဌဥပါဒါနက္ခန္ဓာနမ္ပိ သင်္ဂဟော ခန္ဓလက္ခဏေန
 ကေလက္ခဏတ္တာ။ တထာ ဝေဒနာယ ဓမ္မာယတနဓမ္မဓာတုပရိယာပန္နတ္တာ^၂
 သမ္မသနူပဂါနံ သဗ္ဗေသံ အာယတနာနံ ဓာတုနဉ္စ သင်္ဂဟော အာယတန-
 လက္ခဏေန၊ ဓာတုလက္ခဏေန စ ကေလက္ခဏတ္တာ။ “အဇာနတံ အပဿ-
 တ”^၃န္တိ ဧတ္ထ အဝိဇ္ဇာဂ္ဂဟဏေန ဟေတုအာသဝေါသယေဝဂ္ဂနိဝရဏာဒိ-
 သင်္ဂဟော ဟေတုဒီလက္ခဏေန ကေလက္ခဏတ္တာ အဝိဇ္ဇာယ။ တထာ
 “တဏှာဂတာနံ ပရိတဿိတဝိပ္ပန္နိတ”^၄န္တိ ဧတ္ထ တဏှာဂ္ဂဟဏေနာပိ။ “တဒပိ
 ဖဿပစ္စယာ”^၅တိ ဧတ္ထ ဖဿဂ္ဂဟဏေန သညာသင်္ခါရဝိညာဏာနံ သင်္ဂဟော
 ဝိပလ္လာသဟေတုဘာဝေန၊ ခန္ဓလက္ခဏေန စ ကေလက္ခဏတ္တာ။ ဆဖဿာ-
 ယတနဂ္ဂဟဏေန ခန္ဓိန္ဒြိယဓာတာဒီနံ သင်္ဂဟော ဖဿုပ္ပတ္တိနိမိတ္တတာယ၊
 သမ္မသနသဘာဝေန စ ကေလက္ခဏတ္တာ။ ဘဝနေတ္တိဂ္ဂဟဏေန အဝိဇ္ဇာဒီနမ္ပိ
 သံကိလေသဓမ္မာနံ သင်္ဂဟော ဝဋ္ဋဟေတုဘာဝေန ကေလက္ခဏတ္တာတိ အယံ
 လက္ခဏဟာရေ။

စတုဗျူဟဟာရဝဏ္ဏနာ

နိန္ဒာပသံသာဟိ သမ္မာကမ္ပိတစေတသာ မိစ္ဆာဇီဝတော အနောရတာ
 သဿတာဒိမိစ္ဆာဘိနိဝေသိနော သီလာဒိဓမ္မက္ခန္ဓေသု အပ္ပတိဋ္ဌိတတာယ
 သမ္မာသမ္ဗုဒ္ဓဂုဏရသဿာဒဝိမုခါ ဝေနေယျာ ဣမိဿာ ဒေသနာယ နိဒါနံ။
 တေ ယထာဝုတ္တဒေါသဝိနိမုတ္တာ ကထံ န ခေါ သမ္မာပဋိပတ္တိယာ ဥဘယ-
 ဟိတပရာ ဘဝေယျန္တိ အယမေတ္ထ ဘဂဝတော အဓိပ္ပာယော။ ပဒနိဗ္ဗစနံ
 နိရုတ္တိ။ တံ “ဧဝ”^၁န္တိအာဒိနိဒါနပဒါနံ, “မမ”^၂န္တိအာဒိပါဠိပဒါနဉ္စ အဋ္ဌကထာ-
 ဝသေန သုဝိညေယျတ္တာ အတိဝိတ္တာရဘယေန န ဝိတ္တာရယိမ္မ။ ပဒပဒတ္ထ-
 နိဒ္ဒေသနိက္ခေပသုတ္တဒေသနာသန္ဓိဝသေန ဆဗ္ဗိဓာ သန္ဓိ။ တတ္ထ ပဒဿ
 ပဒန္တရေန သမ္ပန္နော ပဒသန္ဓိ။ တထာ ပဒတ္ထဿ ပဒတ္ထန္တရေန သမ္ပန္နော

၁-ကေလက္ခဏတ္တာ ပန သီလနာဒိသီလဿေဝ (က)

၂-....ပရိယာပန္နာယ (?)

ပဒတ္တသန္တိ။ နာနာနုသန္တိကဿ သုတ္တဿ တံတံအနုသန္တိဟိ သမ္ပန္နော၊
 ကောနုသန္တိကဿ စ ပုဗ္ဗာပရသမ္ပန္နော နိဒ္ဒေသသန္တိ၊ ယာ အဋ္ဌကထာယံ
 ပုစ္ဆာနုသန္တိအဇ္ဈာသယာနုသန္တိယထာနုသန္တိဝသေန တိဝိဓော ဝိဘတ္တာ၊ တာ
 ပနေတာ တိဿောပိ သန္တိယော အဋ္ဌကထာယံ ဝိစာရိတာ ဧဝ။ သုတ္တသန္တိ စ
 ပဌမံ နိက္ခေပဝသေန အမှေဟိ ပုဗ္ဗေ ဒဿိတာယေဝ။ ကေိဿာ ဒေသနာယ
 ဒေသနာန္တရေန သဒ္ဓိံ သံသန္တနံ ဒေသနာသန္တိ၊ သာ ဧဝံ ဝေဒိတဗ္ဗာ— “မမံ
 ဝါ ဘိက္ခဝေ ။ပ။ န စေတသော အနဘိရဒ္ဓိ ကရဏီယာ”တိ အယံ ဒေသနာ
 “ဥဘတောဒဏ္ဍကေန စေပိ ဘိက္ခဝေ ကကစေန စောရာ ဩစရကာ
 အင်္ဂမင်္ဂါနိ ဩက္ကန္တေယျ၊ တတြိပိ ယော မနော ပဒူသေယျ န မေ သော
 တေန သာသနကရော”တိ ဣမာယ ဒေသနာယ သဒ္ဓိံ သံသန္တတိ။ “တုမှိယေဝဿ
 တေန အန္တရာယော”တိ “ကမ္မဿကာ မာဏဝ သတ္တာ ။ပ။ ဒါယဒါ
 ဘဝိဿန္တိ”တိ ဣမာယ ဒေသနာယ သံသန္တတိ။ “အပိ တုမှေ ။ပ။ အာဇာ-
 နေယျာထာ”တိ “ကုဒ္ဒေါ အတ္ထံ ။ပ။ သဟတေ နရ”န္တိ ဣမာယ ဒေသနာယ
 သံသန္တတိ။

“မမံ ဝါ ဘိက္ခဝေ ပရေ ဝဏ္ဏံ ။ပ။ န စေတသော ဥဗ္ဗိလာဝိတတ္ထံ ကရဏီ-
 ယ”န္တိ “ဓမ္မာပိ ဝေါ ဘိက္ခဝေ ပဟာတဗ္ဗာ၊ ပဂေဝ အဓမ္မာ”။ ကုလ္လပမံ
 ဝေါ ဘိက္ခဝေ ဓမ္မံ ဒေသေဿာမိ နိတ္ထရဏတ္တာယ၊ နော ဂဟဏတ္တာယာ”တိ
 ဣမာယ ဒေသနာယ သံသန္တတိ။ “တတြိ စေ တုမှေဟိ ။ပ။ ဥဗ္ဗိလာဝိတာ၊
 တုမှိယေဝဿ တေန အန္တရာယော”တိ “လုဒ္ဒေါ အတ္ထံ ။ပ။ သဟတေ နရ”န္တိ
 “ကာမန္ဓာ ဇာလသဉ္စန္ဓာ၊ တဏှာဆဒနဆာဒိတာ”တိ ဣမာယ ဒေသနာယ
 သံသန္တတိ။

“အပ္ပမတ္တကံ ။ပ။ သီလမတ္တက”န္တိ “ပဌမံ ဈာနံ ဥပသမ္ပဇ္ဇေ ဝိဟရတိ။
 အယံ ခေါ ဗြာဟ္မဏ ယညော ပုရိမေဟိ ယညေဟိ အပ္ပဋ္ဌတရော စ
 အပ္ပသမာရမ္ဘတရော စ မဟပ္ပလတရော စ မဟာနိသံသတရော စာ”တိ-
 အာဒိကာယ” ဒေသနာယ သံသန္တတိ ပဌမဇ္ဈာနဿ သီလတော မဟပ္ပလ-
 မဟာနိသံသတရဘာဝဝစနေန ဈာနတော သီလဿ အပ္ပဘာဝဒီပနတော။

၁-မ ၁-၁၀၁-ပိဋေ။	၂-အံ ၃-၄၉၅-၆-၇-ပိဋေသု။
၃-အံ ၂-၄၇၁၊ ၃ ၇-၁ ၂-၂၀၃-၃၇၄-ပိဋေသု။	၄-မ ၁-၁၀၀-ပိဋေ။
၅-မ ၁-၁၀၇-ပိဋေ။	၆-ခ ၁-၂၅၂၊ ၃ ၇-၁၂-၂၀၃-၃၇၄၊ ၃ ၈-၂၅၁-ပိဋေသု။
၇-ခ ၁-၁၇၂၊ ၃ ၁၀-၃၂-၁၀၇-၁၀၄-ပိဋေသု။	၈-ဒီ ၁-၁၄၀-ပိဋေ။

“ပါဏာတိပါတံ ပဟာယာ”တိအာဒိ “သမဏော ခလု ဘော ဂေါတမော သီလဝါ။ပ။ ကုသလသီလေန သမန္တာဂတော”တိအာဒိကာဟိ^၁ ဒေသနာဟိ သံသန္တတိ။

“အညေဝ ဓမ္မာ ဂမ္ဘီရာ”တိအာဒိ “အဓိဂတော ခေါ မျာယံ ဓမ္မော ဂမ္ဘီရော”တိအာဒိ^၂ပါဠိယာ သံသန္တတိ။ ဂမ္ဘီရတာဒိဝိသေသယုတ္တဓမ္မပဋိဝေဓေန ဟိ ဉာဏဿ ဂမ္ဘီရာဒိဘာဝေါ ဝိညာယတိတိ။

“သန္တိ ဘိက္ခဝေ ဧကေ သမဏဗြာဟ္မဏာ”တိအာဒိ “သန္တိ ဘိက္ခဝေ ဧကေ သမဏဗြာဟ္မဏာ ပုဗ္ဗန္တကပ္ပိကာ ။ပ။ အဘိဝဒန္တိ၊ သဿတော အတ္တာ စ လောကော စ၊ ဣဒမေဝ သစ္စံ၊ မောဃမညန္တိ ဣတ္ထေကေ အဘိဝဒန္တိ၊ အသဿတော၊ သဿတော စ အသဿတော စ၊ နေဝ သဿတော စ နာသဿတော စ၊ အန္တဝါ၊ အနန္တဝါ၊ အန္တဝါ စ အနန္တဝါ စ၊ နေဝန္တဝါ နာနန္တဝါ စ အတ္တာ စ လောကော စ ဣဒမေဝ သစ္စံ၊ မောဃမညန္တိ ဣတ္ထေကေ အဘိဝဒန္တိ”တိအာဒိကာဟိ^၃ ဒေသနာဟိ သံသန္တတိ။

“သန္တိ ဘိက္ခဝေ ဧကေ သမဏဗြာဟ္မဏာ အပရန္တကပ္ပိကာ”တိ- အာဒိ “သန္တိ ဘိက္ခဝေ ဧကေ သမဏဗြာဟ္မဏာ အပရန္တကပ္ပိကာ ။ပ။ အဘိဝဒန္တိ သညိ အတ္တာ ဟောတိ အရောဂေါ ပရံ မရဏာ။ ဣတ္ထေကေ အဘိဝဒန္တိ အသညိ၊ နေဝသညိနာသညိ စ အတ္တာ ဟောတိ အရောဂေါ ပရံ မရဏာ။ ဣတ္ထေကေ အဘိဝဒန္တိ သတော ဝါ ပန သတ္တဿ ဥစ္ဆေဒံ ဝိနာသံ ဝိဘဝံ ပညပေန္တိ၊ ဒိဋ္ဌဓမ္မနိဗ္ဗာနံ ဝါ ပနေကေ အဘိဝဒန္တိ”တိ- အာဒိကာဟိ^၄ ဒေသနာဟိ သံသန္တတိ။ “ဝေဒနာနံ ။ပ။ တထာဂတော”တိ “တယိဒံ သင်္ခတံ ဩဋ္ဌာရိကံ၊ အတ္ထိ ခေါ ပန သင်္ခါရာနံ နိရောဓော၊ အတ္ထေတန္တိ ဣတိ ဝိဒိတွာ တဿ နိဿရဏဒဿာဝိ တထာဂတော တဒုပါတိဝတ္ထော”တိ- အာဒိကာဟိ^၅ ဒေသနာဟိ သံသန္တတိ။

“တဒပိ တေသံ ။ပ။ ဝိပုန္နိတမေဝါ”တိ ဣဒံ “တေသံ ဘဝတံ အညတြေဝ ဆန္ဒာယ အညတြ ရုစိယာ အညတြ အနုဿဝါ အညတြ အာကာရပရိဝိတက္ကာ အညတြ ဒိဋ္ဌိနိဇ္ဈာနက္ခန္တိယာ ပစ္စတ္တံယေဝ ဉာဏံ ဘဝိဿတိ ပရိသုဒ္ဓံ ပရိ-ယောဒါတန္တိ နေတံ ဌာနံ ဝိဇ္ဇတိ။ ပစ္စတ္တံ ခေါ ပန ဘိက္ခဝေ ဉာဏေ အသတိ ပရိသုဒ္ဓေ ပရိယောဒါတေ ယဒပိ တေ ဘောန္တော သမဏဗြာဟ္မဏာ တတ္ထ

၁-ဒီ ၁-၁၀၀-ပိဋေ။ ၂-ဒီ ၂-၃၂၊ မ ၁-၂၂၄၊ မ ၂-၂၉၁၊ သံ ၁-၁၃၀၊ ဝိ ၃-၅၊ ၇၊ ၈-ပိဋေသု။
၃-မ ၃-၂၂-ပိဋေ။ ၄-မ ၃-၁၀-ပိဋေ။ ၅-မ ၃-၂၃-ပိဋေ။

ဤဏာဘာဝမတ္တမေဝ ပရိယောဒါပေန္တိ၊ တဒပိ တေသံ ဘဝတံ သမဏ-
မြာဟူဏာနံ ဥပါဒါနမက္ခာယတိ”တိအာဒိကာဟိ” ဒေသနာဟိ သံသန္တတိ။

“တဒပိ ဖဿပစ္စယာ”တိ ဣဒဉ္စ “စက္ခုဉ္စ ပဋိစ္စ ရူပေ စ ဥပ္ပဇ္ဇတိ စက္ခုဝိညာဏံ၊
တိဏ္ဍိံ သင်္ဂတိ ဖဿော၊ ဖဿပစ္စယာ ဝေဒနာ၊ ဝေဒနာပစ္စယာ တဏှာ၊
တဏှာပစ္စယာ ဥပါဒါန”န္တိ၊ “ဆန္ဒမူလကာ ဣမေ အာဝုသော မ္ဗော မနသိ-
ကာရသမုဋ္ဌာနာ ဖဿသမောဓာနာ ဝေဒနာသမောသရဏာ”တိ၊ စ
အာဒိကာဟိ ဒေသနာဟိ သံသန္တတိ။

“ယတော ခေါဘိက္ခဝေဘိက္ခု ဆန္တံ ဖဿာယတနာန”န္တိအာဒိ “ယတော
ခေါ အာနန္ဒ ဘိက္ခု နေဝ ဝေဒနံ အတ္တာနံ သမနုပဿတိ၊ န သညံ၊ န
သင်္ခါရေ၊ န ဝိညာဏံ အတ္တာနံ သမနုပဿတိ၊ သော ဧဝံ အသမနုပဿန္တော
န ကိဉ္စိ လောကေ ဥပါဒိယတိ၊ အနုပါဒိယံ န ပရိတဿတိ၊ အပရိတဿံ
ပစ္စတ္တိယေဝ ပရိနိဗ္ဗာယတိ”တိအာဒိကာဟိ၊ ဒေသနာဟိ သံသန္တတိ။

“သဗ္ဗေတ ဣမေဟေဝ ဒွါသဋ္ဌိယာ ဝတ္ထုဟိ အန္တောဇာလိကတာ”တိအာဒိ
“ယေ ဟိ ကေစိ ဘိက္ခဝေ။ပ။ အဘိဝဒန္တိ၊ သဗ္ဗေတ ဣမာနေဝ ပဉ္စ ကာယာနိ
အဘိဝဒန္တိ ဧတေသံ ဝါ အညတရ”န္တိအာဒိကာဟိ၊ ဒေသနာဟိ သံသန္တတိ။

“ကာယဿ ဘေဒါ။ပ။ ဒေဝမနုဿာ”တိ—

“အစ္စိ ယထာ ဝါတဝေဂေန ခိတ္တာ၊ (ဥပသီဝါတိ ဘဂဝါ၊)
အတ္ထံ ပလေတိ န ဥပေတိ သင်္ခံ။
ဧဝံ မုနိ နာမကာယာ ဝိမုတ္တော၊
အတ္ထံ ပလေတိ န ဥပေတိ သင်္ခံ”န္တိအာဒိကာဟိ၊ ၆—

ဒေသနာဟိ သံသန္တတိတိ အယံ စာတုဗျူဟော ဟာရော။

အာဝတ္တဟာရဝဏ္ဏနာ

အာဿာတာဒီနံ အကရဏီယတာဝစနေန ခန္တိသောရစ္စာနုဋ္ဌာနံ။ တတ္ထ
ခန္တိယာ သဒ္ဓါပညာပရာပကာရဒုက္ခသဟဂတာနံ သင်္ဂဟော၊ သောရစ္စေန
သီလဿ။ သဒ္ဓါဒိဂ္ဂဟဏေန စ သဒ္ဓိန္ဒြိယာဒိသကလဗောဓိပက္ခိယမ္ဗော
အာဝတ္တန္တိ။ သီလဂ္ဂဟဏေန အဝိပ္ပဋိသာရာဒယော သဗ္ဗေပိ သီလာနိသံသ-
မ္ဗော အာဝတ္တန္တိ။ ပါဏာတိပါတာဒီဟိ ပဋိဝိရတိဝစနေန အပ္ပမာဒဝိဟာရော၊

၁-မ ၃-၂၃-ပိဋေ။
၄-၁ရိယေသိဘဗ္ဗံ၊

၂-သံ ၁-၃၀၁-ပိဋေ။
၅-မ ၃-၂၂-ပိဋေ။

၃-အံ ၃-၁၅၃-ပိဋေ ထောက် ငါသဒိသံ။
၆-ခု ၁-၄၄၀၊ ၃-၈-၁၁-၁၁၀-ပိဋေသု။

တေန သကလံ သာသနဗြဟ္မစရိယမာဝတ္တတိ။ ဂမ္ဘီရတာဒိဝိသေသယုတ္တ-
 ဓမ္မဂ္ဂဟဏေန မဟာဗောဓိပကိတ္တနံ။ အနာဝရဏဉာဏပဒဋ္ဌာနဉ္စိ အာသဝက္ခယ-
 ဉာဏံ၊ အာသဝက္ခယဉာဏပဒဋ္ဌာနဉ္စ အနာဝရဏဉာဏံ မဟာဗောဓိ၊ တေန
 ဒသဗလာဒယော သဗ္ဗေ ဗုဒ္ဓဂုဏာ အာဝတ္တန္တိ။ သဿတာဒိဒိဋ္ဌိဂ္ဂဟဏေန
 တဏှာဝိဇ္ဇာယ သင်္ဂဟော၊ တာဟိ အနမတဂ္ဂသံသာရဝဉ္စ အာဝတ္တတိ။
 ဝေဒနာနံ သမုဒယာဒိယထာဘူတဝေဒနေန ဘဂဝတော ပရိညာတ္တယဝ်သုဒ္ဓိ၊
 တာယ ပညာပါရမိမုခေန သဗ္ဗပါရမိယော အာဝတ္တန္တိ။ “အဇာနတံ
 အပဿတ”န္တိ အဝိဇ္ဇာဂ္ဂဟဏေန အယောနိသောမနသိကာရပရိဂ္ဂဟော၊ တေန
 စ အယောနိသောမနသိကာရမူလကာ ဓမ္မာ အာဝတ္တန္တိ။ “တဏှာဂတာနံ
 ပရိတဿိတဝိပုဋ္ဌိတ”န္တိ တဏှာဂ္ဂဟဏေန နဝ တဏှာမူလကာ ဓမ္မာ အာဝတ္တန္တိ။
 “တဒဝိဇဿပစ္စယာ”တိ အာဒိ သဿတာဒိပညာပနဿ ပစ္စယာဇီန ဝုတ္တိဒဿနံ၊
 တေန အနိစ္စတာဒိလက္ခဏတ္တယံ အာဝတ္တတိ။ ဆန္တံ ဖဿာယတနာနံ ယထာဘူတံ
 ပဇာနနေန ဝိမုတ္တိသမ္ပဒါနိဒ္ဒေသော၊ တေန သတ္တဝိ ဝိသုဒ္ဓိယော အာဝတ္တန္တိ။
 “ဥစ္ဆန္တဘဝနေတ္တိကော တထာဂတဿ ကာယော”တိ တဏှာပဟာနံ၊ တေန
 ဘဂဝတော သကလသံကိလေသပ္ပဟာနံ အာဝတ္တတိတိ အေယံ အာဝတ္တော
 ဟာရော။

ဝိအတ္တိဟာရဝဏ္ဏနာ

အာဃာတာနန္တာဒယော အကုသလာ ဓမ္မာ၊ တေသံ အယောနိသော-
 မနသိကာရာဒိ ပဒဋ္ဌာနံ။ ယေဟိ ပန ဓမ္မေဟိ အာဃာတာနန္တာဒိနံ အက-
 ရဏံ အပ္ပဝတ္တိ၊ တေ အဗျာပါဒါဒယော ကုသလာ ဓမ္မာ၊ တေသံ ယောနိသော-
 မနသိကာရာဒိ ပဒဋ္ဌာနံ။ တေသု အာဃာတာဒယော ကာမာဝစရာဝ၊
 အဗျာပါဒါဒယော စတုဘူမကာ။ တထာ ပါဏာတိပါတာဒိဟိ ပဋိဝိရတိ
 ကုသလာ ဝါ အဗျာကတာ ဝါ၊ တဿာ ဟိရေတ္တပ္ပါဒယော ဓမ္မာ ပဒဋ္ဌာနံ။
 တတ္ထ ကုသလာ သိယာ ကာမာဝစရာ၊ သိယာ လောကုတ္တရာ၊ အဗျာကတာ
 လောကုတ္တရာ။ “အတ္တိ ဘိက္ခဝေ အညေဝ ဓမ္မာ ဂမ္ဘီရာ”တိ ဝုတ္တဓမ္မာ
 သိယာ ကုသလာ၊ သိယာ အဗျာကတာ၊ တတ္ထ ကုသလာနံ ဝုဋ္ဌာနဂါမိနိ-
 ဝိပဿနာ ပဒဋ္ဌာနံ။ အဗျာကတာနံ မဂ္ဂဓမ္မာ၊ ဝိပဿနာ၊ အာဝဇ္ဇနာ ဝါ
 ပဒဋ္ဌာနံ။ တေသု ကုသလာ လောကုတ္တရာ၊ အဗျာကတာ သိယာ ကာမာဝစရာ၊
 သိယာ လောကုတ္တရာ၊ သဗ္ဗာပိ ဒိဋ္ဌိယော အကုသလာဝ ကာမာဝစရာဝ၊ တာသံ
 အဝိသေသေန မိစ္ဆာဘိနိဝေသေ အယောနိသောမနသိကာရော ပဒဋ္ဌာနံ။
 ဝိသေသတော ပန သန္တတိဃနဝိနိဗ္ဗောဂါဘာဝတော ဧကတ္တနယဿ

မိစ္ဆာဂါဟော အတိတဇာတိအနုဿရဏတက္ကသဟိတော သဿတဒိဋ္ဌိယာ ပဒဋ္ဌာနံ။ ဟောဘုလဘာဝေန သမ္ပန္နဘာဝဿ အဂ္ဂဟဏတော နာနတ္တနယဿ မိစ္ဆာဂါဟော တဇ္ဇာသမန္တာဟာရသဟိတော ဥစ္ဆေဒဒိဋ္ဌိယာ ပဒဋ္ဌာနံ။ ဧဝံ သေသဒိဋ္ဌိနမ္ပိ ယထာသမ္ဘဝံ ဝတ္တဗ္ဗံ။ “ဝေဒနာန”န္တ ဧတ္ထ ဝေဒနာ သိယာ ကုသလာ၊ သိယာ အဗျာကတာ၊ သိယာ ကာမာဝစရာ၊ သိယာ ရူပါဝစရာ၊ သိယာ အရူပါဝစရာ၊ ဖဿော တာသံ ပဒဋ္ဌာနံ။ ဝေဒနာနံ သမုဒယာဒိယထာဘူတဝေဒနံ မဂ္ဂဉာဏံ၊ အနုပါဒါဝိမုတ္တိ ဖလံ၊ တေသံ “အညေဝ ဓမ္မာ ဂမ္ဘီရာ”တိ ဧတ္ထ ဂုတ္တနယေန ဓမ္မာဒိဝိဘာဂေါ နေတဗ္ဗော။ “အဇာနတံ အာဿဘ”န္တ အာဒိသု အဝိဇ္ဇာတဏှာ အကုသလာ ကာမာဝစရာ၊ တာသု အဝိဇ္ဇာယ အာသဝါ၊ အယောနိသောမနသိကာရော ဧဝ ဝါ ပဒဋ္ဌာနံ။ တဏှာယ သံယောဇနိယေသု ဓမ္မေသု အဿာဒဒဿနံ ပဒဋ္ဌာနံ။ “ဇဒပိ ဖဿာစွယာ”တိ ဧတ္ထ ဖဿဿ ဝေဒနာယ ဝိယ ဓမ္မာဒိဝိဘာဂေါ ဝေဒိတဗ္ဗော။ ဣမိနာ နယေန ဖဿာယတနာဒိနမ္ပိ ယထာရဟံ ဓမ္မာဒိဝိဘာဂေါ နေတဗ္ဗောတိ အယံ ဝိဘတ္တိဟာရော။

ပရိဝတ္တဟာရဝဏ္ဏနာ

အာဃာတာဒိနံ အကရဏံ ခန္တိသောရစ္စာနိ အနုဗြူဟေတွာ ပဋိသင်္ခါနဘာဝနာဗလသိဒ္ဓိယာ ဥဘယဟိတပဋိပတ္တိံ အာဝဟတိ။ အာဃာတာဒယော ပန ပဝတ္တိယမာနာ ဒုဗ္ဗဏ္ဏတံ ဒုက္ခသေယျံ ဘောဂဟာနိံ အကိတ္တိံ ပရေဟိ ဒုရုပသင်္ကမနတဉ္စ နိပ္ပါဒေန္တာ နိရယာဒိသု မဟာဒုက္ခံ အာဝဟန္တိ။ ပါဏာတိပါတာဒိဟိ ပဋိဝိရတိ အဝိပ္ပဋိသာရာဒိကလျာဏံ ပရမ္မရံ အာဝဟတိ။ ပါဏာတိပါတာဒိ ပန ဝိပ္ပဋိသာရာဒိအကလျာဏံ ပရမ္မရံ၊ ဂမ္ဘီရတာဒိဝိသေသယုတ္တံ ဉာဏံ ဝိနေယျာနံ ယထာရဟံ ဝိဇ္ဇာဘိညာဒိဂုဏဝိသေသံ အာဝဟတိ သဗ္ဗဉေယျံ ယထာသဘာဝါဝဗောဓတော။ တထာ ဂမ္ဘီရတာဒိဝိသေသရဟိတံ ပန ဉာဏံ ဉေယျေသု သာဝရဏတော ယထာဂုတ္တဂုဏဝိသေသံ နာဝဟတိ။ သဗ္ဗာပိ စေတာ ဒိဋ္ဌိယော ယထာရဟံ သဿတုစ္ဆေဒဘာဝတော အန္တဒ္ဓယဘူတာ သက္ကာယတီရံ နာတိဝတ္တန္တိ အနိယျာနိကသဘာဝတ္တာ။ နိယျာနိကသဘာဝတ္တာ ပန သမ္မာဒိဋ္ဌိ သပရိက္ခာရာ မဇ္ဈိမပဋိပဒါဘူတာ အတိက္ကမ္မသက္ကာယတီရံ ပါရံ အာဂစ္ဆတိ။ ဝေဒနာနံ သမုဒယာဒိယထာဘူတဝေဒနံ အနုပါဒါဝိမုတ္တိံ အာဝဟတိ မဂ္ဂဘာဝတော။ ဝေဒနာနံ သမုဒယာဒိအသမ္ပုဋိဝေဓော သံသာရစာရကာဝရောဓံ အာဝဟတိ သင်္ခါရာနံ ပစ္စယဘာဝတော။ ဝေဒယိတသဘာဝပဋိစ္ဆာဒကော သမ္မောဟော တဒဘိနန္ဒနံ

အာဝဟတိ။ ယထာဘူတာဝဗောဓော ပန တတ္ထ နိဗ္ဗေဒံ ဝိရာဂဉ္စ အာဝဟတိ။ မိစ္ဆာဘိနိဝေသေ အယောနိသောမနသိကာရသဟိတာ တဏှာ အနေကဝိဟိတံ ဒိဋ္ဌိဇာလံ ပသာရေတိ။ ယထာဝုတ္တတဏှာသမုစ္ဆေဒေါ ပဌမမဂ္ဂေါတံ ဒိဋ္ဌိဇာလံ သင်္ကောစေတိ။ သဿတဝါဒါဒိပညာပနဿ ဖဿော ပစ္စယော ဟောတိ အသတိ ဖဿေ တဒဘာဝတော။ ဒိဋ္ဌိဗန္ဓနဗန္ဓာနံ ဖဿာယတနာဒီနံ အနိရောဓေန ဖဿာဒိအနိရောဓော သံသာရဒုက္ခဿ အနိဝတ္တိယေဝ၊ ယာထာဝတော ဖဿာယတနာဒိပရိညာ သဗ္ဗဒိဋ္ဌိဒဿနာနိ အတိဝတ္တတိ၊ ဖဿာယတနာဒိ-အပရိညာ တံ ဒိဋ္ဌိဂဟနံ နာတိဝတ္တတိ။ ဘဝနေတ္တိသမုစ္ဆေဒေါ အာယတိ အတ္တဘာဝဿ အနိဗ္ဗတ္တိယာ သံဝတ္တတိ၊ အသမုစ္ဆိန္ဒာယ ဘဝနေတ္တိယာ အနာဂတေ ဘဝပ္ပဗန္ဓော ပရိဝတ္တတိယေဝါတိ အယံ ပရိဝတ္တော ဟာရော။

ဝေဝစနဟာရဝဏ္ဏနာ

“မမ မယံ မေ”တိ ပရိယာယဝစနံ။ “ဘိက္ခဝေ သမဏာ တပဿိနော”တိ ပရိယာယဝစနံ။ “ပရေအညေ ပဋိဝိရုဒ္ဓါ”တိ ပရိယာယဝစနံ။ “အဝဏ္ဏံ အကိတ္တိ နိန္ဒ”န္တိ ပရိယာယဝစနံ။ “ဘာသေယျံ ဘဏေယျံ ကရေယျ”န္တိ ပရိယာယဝစနံ။ “ဓမ္မဿ ဝိနယဿ သတ္တုသာသနဿာ”တိ ပရိယာယဝစနံ။ “သံဃဿ သမူဟဿ ဂဏဿာ”တိ ပရိယာယဝစနံ။ “တတြ တတ္ထ တေသု”တိ ပရိယာယဝစနံ။ “တုမေဟိ ဝေါ ဘဝန္တေဟိ”တိ ပရိယာယဝစနံ။ “အာဃာတော ဒေါသော ဗျာပါဒေါ”တိ ပရိယာယဝစနံ။ “အပ္ပစ္စယော ဒေါမနဿံ စေတသိကဒုက္ခ”န္တိ ပရိယာယဝစနံ။ “စေတသော အနဘိရုဒ္ဓိ စိတ္တဿ ဗျာပတ္တိ မနောပဒေါသော”တိ ပရိယာယဝစနံ။ “န ကရဏီယာ န ဥပ္ပါဒေတဗ္ဗာ န ပဝေတ္တတဗ္ဗာ”တိ ပရိယာယဝစနံ။ ဣတိ ဣမိနာ နယေန သဗ္ဗပဒေသု ဝေဝစနံ ဝတ္တဗ္ဗန္တိ အယံ ဝေဝစနော ဟာရော။

ပညတ္တိဟာရဝဏ္ဏနာ

အာဃာတော ဝတ္ထုဝသေန ဒသဝိဓေန ဧကေနဝိသတိဝိဓေန ဝါ ပညတ္တော။ အပ္ပစ္စယော ဥပဝိစာရဝသေန ဆဓာ ပညတ္တော။ အာနန္ဒော ဝီတိအာဒိဝသေန နဝဓာ ပညတ္တော။ ဝီတိ သာမညတော ခုဒ္ဒိကာဒိဝသေန ပဉ္စဓာ ပညတ္တော။ သောမနဿံ ဥပဝိစာရဝသေန ဆဓာ ပညတ္တံ။ သီလံ ဝါရိတ္တစာရိတ္တာဒိဝသေန အနေကဓာပညတ္တံ။ ဂမ္ဘီရတာဒိဝိသေသယုတ္တံ ဉာဏံ စိတ္တုပ္ပါဒဝသေန စတုဓာ၊ ဒွါဒသဝိဓေန ဝါ၊ ဝိသယဘေဒတော အနေကဓာ စ ပညတ္တံ။ ဒိဋ္ဌိ

သဿတာဒိဝသေန ဒွါသဋ္ဌိယာ ဘေဒေဟိ၊ တဒန္တောဂဓိဘာဂေန အနေ-
 ကော စ ပညတ္တာ။ ဝေဒနာ ဆော အဋ္ဌသတော အနေကော စ ပညတ္တာ။
 တဿာ သမုဒယော ပဉ္စော ပညတ္တော၊ တထာ အတ္တင်္ဂမော။ အဿာဒေါ
 ဒုဝိဓေန ပညတ္တော။ အာဒိနဝေါ တိဝိဓေန ပညတ္တော။ နိဿရဏံ ကေော
 စတုော စ ပညတ္တံ။ပ။ အနုပါဒါဝိမုတ္တိ ဒုဝိဓေန ပညတ္တာ။

“အဇာနတံ အပဿတ”န္တိ ဝုတ္တာ အဝိဇ္ဇာ ဝိသယဘေဒေန စတုော အဋ္ဌော
 စ ပညတ္တာ။ “တဏှာဂတာန”န္တိ အာဒိနာ ဝုတ္တာ တဏှာ ဆော အဋ္ဌသတော
 အနေကော စ ပညတ္တာ။ ဖဿော နိဿယဝသေန ဆော ပညတ္တော။ ဥပါဒါနံ
 စတုော ပညတ္တံ။ ဘဝေါ ဒွိော အနေကော စ ပညတ္တော။ ဇာတိဝေဝစနဝသေန
 ဆော ပညတ္တာ။ တထာ ဇရာ သတ္တော ပညတ္တာ။ မရဏံ အဋ္ဌော နဝော စ
 ပညတ္တံ။ သောကော ပဉ္စော ပညတ္တော။ ပရိဒေဝေါ ဆော ပညတ္တော။
 ဒုက္ခံ စတုော ပညတ္တံ၊ တထာ ဒေါမနဿံ။ ဥပါယာသော စတုော ပညတ္တော။
 “သမုဒယော ဟောတိ”တိ ပဘဝပညတ္တိ၊ “ယထာဘူတံ ပဇာနာတိ”တိ
 ဒုက္ခဿ ပရိညာပညတ္တိ၊ သမုဒယဿ ပဟာနပညတ္တိ၊ နိရောဓဿ သစ္စိကိရိယာ-
 ပညတ္တိ၊ မဂ္ဂဿ ဘာဝနာပညတ္တိ။

“အန္တောဇာလိကတာ”တိ အာဒိ သဗ္ဗဒိဋ္ဌိနံ သင်္ဂဟပညတ္တိ။ “ဥစ္ဆိန္နဘဝ-
 နေတ္တိကော”တိ အာဒိ ဒုဝိဓေန ပရိနိဗ္ဗာနပညတ္တိ။ ဧဝံ အာဃာတာဒိနံ
 အကုသလကုသလာဒိဓမ္မာနံ ယထာ ပဘဝပညတ္တိအာဒိဝသေန၊ တထာ
 “အာဃာတော”တိ ဗျာပါဒဿ ဝေဝစနပညတ္တိ၊ “အပ္ပစ္စယော”တိ ဒေါမ-
 နဿဿ ဝေဝစနပညတ္တိတိ အာဒိနာ နယေန ပညတ္တိဘေဒေါ ဝိဘဇိတဗ္ဗောတိ
 အယံ ပညတ္တိဟာရော။

ဩတရဏဟာရဝဏ္ဏနာ

အာဃာတဂ္ဂဟဏေန သင်္ခါရက္ခန္ဓသင်္ဂဟော၊ တထာ အနဘိရုဒ္ဓိဂဟဏေန။
 အပ္ပစ္စယဂ္ဂဟဏေန ဝေဒနာက္ခန္ဓသင်္ဂဟောတိ ဣဒံ ခန္ဓမူခေန ဩတရဏံ။
 တထာ အာဃာတာဒိဂ္ဂဟဏေန ဓမ္မာယတနံ ဓမ္မောတု ဒုက္ခသစ္စံ သမုဒယ-
 သစ္စံ ဝါ ဂဟိတန္တိ ဣဒံ အာယတနမူခေန ဓာတုမူခေန သစ္စမူခေန စ
 ဩတရဏံ။ တထာ အာဃာတာဒိနံ သဟဇာတာ အဝိဇ္ဇာ ဟေတုသဟ-
 ဇာတအညမညနိဿယသမ္ပယုတ္တအတ္ထိအဝိဂတပစ္စယေဟိ ပစ္စယော ဟောတိ၊
 အသဟဇာတာ ပန အနန္တရသမနန္တရအနန္တရူပနိဿယနတ္ထိဝိဂတာသေဝန-
 ပစ္စယေဟိ ပစ္စယော ဟောတိ၊ အနနန္တရာ ဥပနိဿယဝသေနော ပစ္စယော

ဟောတိ။ တဏှာ ဥပါဒါနာဒိနံ၊ ဖဿာဒိနမ္ပိ တေသံ သဟဇာတာနံ အသဟဇာတာနဉ္စ ယထာရဟံ ပစ္စယဘာဝေါ ဝတ္တဗ္ဗော။ ကောစိ ပနေတ္ထ အဓိပတိဝသေန၊ ကောစိ ကမ္မဝသေန၊ ကောစိ အာဟာရဝသေန၊ ကောစိ ဣန္ဒြိယဝသေန၊ ကောစိ ဈာနဝသေန၊ ကောစိ မဂ္ဂဝသေနပိ ပစ္စယော ဟောတိတိ အယမ္ပိ ဝိသေသော ဝေဒိတဗ္ဗောတိ ဣဒံ ပဋိစ္စသမုပ္ပါဒမုခေန ဩတရဏံ။ အာနန္ဒာဒိနမ္ပိ ဣမိနာဝ နယေန ခန္ဓာဒိမုခေန ဩတရဏံ ဝိဘာဝေတဗ္ဗံ။

တထာ သီလံ ပါဏာတိပါတာဒီဟိ ဝိရတိစေတနာ၊ အဗျာပါဒါဒိစေတသိကဓမ္မာ စ၊ ပါဏာတိပါတာဒယော စေတနာဝ၊ တေသံ၊ တဒုပကာရကဓမ္မာနဉ္စ လဇ္ဇာဒယာဒိနံ သင်္ခါရက္ခန္ဓဓမ္မာယတနာဒိသင်္ဂဟော၊ ပုရိမနယေနဝ ခန္ဓာဒိမုခေန စ ဩတရဏံ ဝိဘာဝေတဗ္ဗံ။ ဧသ နယော ဉ္စုဏဒိဋ္ဌိဝေဒနာ-အဝိဇ္ဇာတဏှာဒိဂ္ဂဟဏေသု။ နိဿရဏအနုပါဒါဝိမုတ္တိဂဟဏေသု အသင်္ခတဓာတုဝသေနပိ ဓာတုမုခေန ဩတရဏံ ဝိဘာဝေတဗ္ဗံ။ တထာ “ဝေဒနာနံ။ပ။ အနုပါဒါဝိမုတ္တော”တိ ဧတေန ဘဂဝတော သီလဒယော ပဉ္စ ဓမ္မက္ခန္ဓာ၊ သတိပဋ္ဌာနာဒယော စ ဗောဓိပက္ခိယဓမ္မာ ပကာသိတာ ဟောန္တိတိ တံမုခေနပိ ဩတရဏံ ဝေဒိတဗ္ဗံ။ “တဒပိ ဖဿပစ္စယာ”တိ ဒိဋ္ဌိပညာပနဿ ပစ္စယာမိန-ဝုတ္တိတာဒိပနေန အနိစ္စတာမုခေန ဩတရဏံ၊ တထာ ဧဝံဓမ္မတာယ ပဋိစ္စသမုပ္ပါဒမုခေန ဩတရဏံ၊ အနိစ္စဿ ဒုက္ခာနတ္တဘာဝတော အပ္ပဏိဟိတမုခေန သုညတာမုခေန စ ဩတရဏံ။ သေသပဒေသုပိ ဧသေဝ နယောတိ အယံ ဩတရဏော ဟာရော။

သောနေဟာရဝဏ္ဏနာ

“မမံ ဝါ။ပ။ ဘာသေယျ။”န္တိ အာရဇ္ဈော။ “ဓမ္မဿ။ပ။ သံဃဿ။ပ။ ဘာသေယျ။”န္တိ ပဒသုဒ္ဓိ၊ နော အာရဇ္ဈသုဒ္ဓိ။ “တတြ တုမှဟိ။ပ။ ကရဏီယာ”တိ ပဒသုဒ္ဓိ စေဝ အာရဇ္ဈသုဒ္ဓိ စ။ ဒုတိယနယာဒိသုပိ ဧသေဝ နယော။ တထာ “အပ္ပမတ္တကံ ခေါ ပနေတ”န္တိအာဒိ အာရဇ္ဈော။ “ကတမ”န္တိအာဒိ ပုစ္ဆာ။ “ပါဏာတိပါတံ ပဟာယာ”တိအာဒိ ပဒသုဒ္ဓိ၊ နော အာရဇ္ဈသုဒ္ဓိ၊ နော စ ပုစ္ဆာသုဒ္ဓိ။ “ဣဒံ ခေါ”တိအာဒိ ပုစ္ဆာသုဒ္ဓိ စေဝ ပဒသုဒ္ဓိ စ အာရဇ္ဈသုဒ္ဓိ စ။

တထာ “အတ္ထိ ဘိက္ခဝေ”တိအာဒိ အာရဇ္ဈော။ “ကတမေ စ တေ”တိအာဒိ ပုစ္ဆာ။ “သန္တိ ဘိက္ခဝေ”တိအာဒိ အာရဇ္ဈော။ “ကိ”န္တိအာဒိ အာရဇ္ဈပုစ္ဆာ။

“ယထာသမာဟိတေ”တိအာဒိ ပဒသုဒ္ဓိ၊ နော အာရမ္ဘသုဒ္ဓိ၊ နော စ ပုစ္ဆာသုဒ္ဓိ။
 “ဣမေ ခေါတေ”တိအာဒိ ပဒသုဒ္ဓိ ဝေဝ ပုစ္ဆာသုဒ္ဓိ စ အာရမ္ဘသုဒ္ဓိ စ။ ဣမိနာ
 နယေန သဗ္ဗတ္ထ အာရမ္ဘာဒယော ဝေဒိတဗ္ဗာတိ အယံ သောဓနော ဟာရော။

အဓိဋ္ဌာနဟာရဝဏ္ဏနာ

“အဝဏ္ဏ”န္တိ သာမညတော အဓိဋ္ဌာနံ၊ တံ အဝိကပ္ပေတွာ ဝိသေသဝစနံ
 “မမံ ဝါ ဓမ္မဿ ဝါ သံဃဿ ဝါ”တိ။ သုက္ကပက္ခေပိ ဧသေဝ နယော။

တထာ “သီလ”န္တိ သာမညတော အဓိဋ္ဌာနံ၊ တံ အဝိကပ္ပေတွာ ဝိသေသ-
 ဝစနံ “ပါဏာတိပါတာ ပဋိပရိတော”တိအာဒိ။

“အညေဝ ဓမ္မာ”တိအာဒိ သာမညတော အဓိဋ္ဌာနံ၊ တံ အဝိကပ္ပေတွာ
 ဝိသေသဝစနံ “တယိဒံ ဘိက္ခဝေ တထာဂတော ပဇာနာတိ”တိအာဒိ။

တထာ “ပုဗ္ဗန္တကပ္ပိကာ”တိအာဒိ သာမညတော အဓိဋ္ဌာနံ၊ တံ အဝိ-
 ကပ္ပေတွာ ဝိသေသဝစနံ “သဿဘဝါဒါ”တိအာဒိ။ ဣမိနာ နယေန သဗ္ဗတ္ထ
 သာမညဝိသေသော နိဒ္ဒါရေတဗ္ဗောတိ အယံ အဓိဋ္ဌာနော ဟာရော။

ပရိက္ခာရဟာရဝဏ္ဏနာ

အာဃာတာဒီနံ “အနတ္တံ မေ အစရိ”တိအာဒိနိဝံ စ ဧကေနဝိသတိ
 အာဃာတဝတ္ထုနိ ဟေတု။ အာနန္ဒာဒီနံ အာရမ္မဏေ အဘိသိနေဟော ဟေတု။
 သီလဿ ဟိရိဩတ္တပ္ပံ အပ္ပိစ္ဆတာဒယော စ ဟေတု။ “ဂမ္ဘီရာ”တိအာဒိနာ
 ဝုတ္တဓမ္မဿ သဗ္ဗာပံ ပါရမိယော ဟေတု၊ ဝိသေသေန ပညာပါရမီ။ ငြိဋ္ဌိနံ
 အသပ္ပုရိသုပဿယော၊ အသဒ္ဓမ္မဿဝနံ၊ မိစ္ဆာဘိနိဝေသေန အယောနိသော-
 မနသိကာရော စ အဝိသေသေန ဟေတု၊ ဝိသေသေန ပန သဿဘဝါဒါဒီနံ
 အတိတဇာတိအနုဿရဏာဒိ ဟေတု။ ဝေဒနာနံ အဝိဇ္ဇာတဏှာကမ္မာနိ
 ဖဿော စ ဟေတု။ အနုပါဒါဝိမုတ္တိယာ အရိယမဂ္ဂေါ ဟေတု။ ပညာပနဿ
 အယောနိသောမနသိကာရော ဟေတု။ တဏှာယ သံယောဇနိယေသု အဿာ-
 ဒါနုပဿနာ ဟေတု။ ဖဿဿ ဆဠာယတနာနိ၊ ဆဠာယတနဿ နာမရူပံ
 ဟေတု။ ဘဝနေတ္ထိသမုစ္ဆေဒဿ ဝိသုဒ္ဓိဘာဝနာ ဟေတူတိ အယံ ပရိက္ခာရော
 ဟာရော။

သမာရောပနဟာရဝဏ္ဏနာ

အာဃာတာဒီနံ အကရဏီယတာဝစနေန ခန္တိသမ္ပဒါ ဒဿိတာ ဟောတိ။ “အပ္ပမတ္တကံ ခေါ်ပနေတ”န္တိအာဒိနာ သောရစ္စသမ္ပဒါ၊ “အတ္ထိ ဘိက္ခဝေ”တိ- အာဒိနာ ဉာဏသမ္ပဒါ၊ “အပရာမသတော စဿ ပစ္စတ္တညေဝ နိဗ္ဗုတိ ရိဒိတာ”တိ၊ “ဝေဒနာနံ။ပ။ ယထာဘူတံ ရိဒိတွာ အနုပါဒါရိမုတ္တော”တိ ဧတေဟိ သမာဓိသမ္ပဒါယ သဒ္ဓိံ ရိဇ္ဇာရိမုတ္တိဝသီဘာဝသမ္ပဒါ ဒဿိတာ ဟောတိ။ တတ္ထ ခန္တိသမ္ပဒါ ပဋိသင်္ခါနဗလသိဒ္ဓိတော သောရစ္စသမ္ပဒါယ ပဒဋ္ဌာနံ။ သောရစ္စသမ္ပဒါ ပန အတ္တတော သီလမေဝ၊ တထာ ပါဏာတိ- ပါတာဒီဟိ ပဋိရိရကိဝစနံ သီလဿ ပရိယာယဝိဘာဂဒဿနတ္ထံ။ တတ္ထ သီလံ သမာဓိဿ ပဒဋ္ဌာနံ၊ သမာဓိ ပညာယ ပဒဋ္ဌာနံ။ တေသု သီလေန ဝီတိက္ခ- မပ္ပဟာနံ ခုစ္စရိတသံကိလေသပ္ပဟာနဉ္စ သိဇ္ဈတိ၊ သမာဓိနာ ပရိယုဋ္ဌာနပ္ပ- ဟာနံ၊ ဝိက္ခမ္ဘနပ္ပဟာနံ၊ တဏှာသံကိလေသပ္ပဟာနဉ္စ သိဇ္ဈတိ။ ပညာယ ဒိဋ္ဌိသံကိလေသပ္ပဟာနံ၊ သမုစ္ဆေဒပ္ပဟာနံ၊ အနုသယပ္ပဟာနဉ္စ သိဇ္ဈတိတိ သီလာဒီဟိ တိဟိ ဓမ္မက္ခန္ဓေဟိ သမထဝိပဿနာဘာဝနာပါရိပူရိ၊ ပဟာ- နတ္ထယသိဒ္ဓိ စာတိ အယံ သမာရောပနော ဟာရော။

သောဠသဟာရဝဏ္ဏနာ နိဋ္ဌိတာ။

ပဉ္စဝိနယဝဏ္ဏနာ

နန္ဒိယာဝနနယဝဏ္ဏနာ

အာဃာတာဒီနံ အကရဏဝစနေန တဏှာရိဇ္ဇာသင်္ကောစော ဒဿိတော ဟောတိ။ သတိ ဟိ အတ္တတ္တနိယဝတ္ထုသု သိနေဟေ သမ္မောသေ စ “အနတ္တံ မေ အစရိ”တိအာဒိနာ အာဃာတော ဇာယတိတိ၊ တထာ “ပါဏာတိပါတာ ပဋိရိရတော”တိအာဒိဝစနေဟိ၊ “ပစ္စတ္တညေဝ နိဗ္ဗုတိ ရိဒိတာ၊ အနုပါဒါရိ- မုတ္တော၊ ဆန္တံ ဖဿာယတနာနံ။ပ။ ယထာဘူတံ ပဇာနာတိ”တိအာဒီဟိ ဝစနေဟိ စ တဏှာရိဇ္ဇာနံ အစ္စန္တပ္ပဟာနံ ဒဿိတံ ဟောတိ။ တာသံ ပန ပုဗ္ဗန္တကပ္ပိကာဒိ- ပဒေဟိ “အဇာနတံ အပဿာဘ”န္တိအာဒိပဒေဟိ စ သရူပတော ဒဿိတာနံ တဏှာရိဇ္ဇာနံ ရူပဓမ္မာ အရူပဓမ္မာ စ အဓိဋ္ဌာနံ။ ယထာက္ကမံ သမထော စ ဝိပဿနာ စ ပဋိပက္ခော။ တေသံ စေတောရိမုတ္တိ ပညာရိမုတ္တိ စ ဖလံ။

တတ္ထ တဏှာ၊ တဏှာဝိဇ္ဇာ ဝါ သမုဒယသစ္စံ၊ တဒဓိဋ္ဌာနဘူတာ ရူပါရူပဓမ္မာ ဒုက္ခသစ္စံ၊ တေသံ အပ္ပဝတ္တိ နိရောဓသစ္စံ၊ နိရောဓပဇာနနာ သမထဝိပဿနာ မဂ္ဂသစ္စန္တိ ဧဝံ စတုသစ္စယောဇနာ ဝေဒိတဗျာ။ တဏှာဂ္ဂဟဏေန စေတ္ထ မာယာသာဓဋ္ဌယုမာနာတိမာနမဒပ္ပမာဒပါဝိစ္ဆတာပါပမိတ္တတာအဟိရိကာ-
နောတ္တပ္ပုဒ်ဝိသေသန သဗ္ဗော အကုသလပက္ခော နေတဗ္ဗော။ တထာ အဝိဇ္ဇာ-
ဂ္ဂဟဏေန ဝိပရိတမနသိကာရကောရပနာဟမက္ခပလာသဇ္ဇဿာမစ္ဆရိယ-
သာရမ္ဘဒေါစဿတာဘဝဒိဋ္ဌိဝိဘဝဒိဋ္ဌာဒိဝသေသန အကုသလပက္ခော နေ-
တဗ္ဗော။ ဝုတ္တဝိပရိယာယေန အမာယာအသာဓဋ္ဌယုဒိအဝိပရိတမနသိကာရ-
ဒိဝသေသန၊ တထာ သမထပက္ခိယာနံ သဒ္ဓိန္ဒြိယာဒီနံ၊ ဝိပဿနာပက္ခိယာနဉ္စ
အနိစ္စသညာဒီနံ ဝသေသန ကုသလပက္ခော နေတဗ္ဗောတိ အယံ နန္ဒိယာဝဋ္ဌဿ
နယဿ ဘူမိ။

တိပုက္ခလနယဝဏ္ဏနာ

အာဃာတာဒီနံ အကရဏဝစနေန အဒေါသသိဋ္ဌိ၊ တထာ ပါဏာတိပါတ-
ဗရသဝါစာဟိ ပဋိဝိရတိဝစနေန။ အာနန္ဒာဒီနံ အကရဏဝစနေန အလောဘ-
သိဋ္ဌိ၊ တထာ အဗြဟ္မစရိယတော ပဋိဝိရတိဝစနေန။ အဒိန္နာဒါနာဒီဟိ
ပန ပဋိဝိရတိဝစနေန ဥဘယသိဋ္ဌိ။ “တယိဒံ ဘိက္ခဝေ တထာဂတော
ပဇာနာတိ”တိအာဒိနာ အမောဟသိဋ္ဌိ။ ဣတိ တီဟိ အကုသလမူလေဟိ
ဂဟိတေဟိ တပုဂ္ဂိုလက္ခတော၊ အာဃာတာဒိအကရဏဝစနေန စ တီဏိ
ကုသလမူလာနိ သိဒ္ဓါနိယေဝ ဟောန္တိ။ တတ္ထ တီဟိ အကုသလမူလေဟိ
တိဝိဓဒုစရိတသံကိလေသမလဝိသမာကုသလသညာဝိတက္ကာသဒ္ဓမ္မာဒိဝသေသန
သဗ္ဗော အကုသလပက္ခော ဝိတ္တာရေတဗ္ဗော။ တထာ တီဟိ ကုသလ-
မူလေဟိ တိဝိဓသုစရိတဝေါဒါနသမကုသလသညာဝိတက္ကပညာသဒ္ဓမ္မသမာဓိ-
ဝိမောက္ခမုခဝိမောက္ခာဒိဝသေသန သဗ္ဗော ကုသလပက္ခော ဝိဘာဝေတဗ္ဗော။
ဧတ္ထာပိ စ သစ္စယောဇနာ ဝေဒိတဗျာ။ ကထံ? လောဘော သဗ္ဗာနိ ဝါ
ကုသလာကုသလမူလာနိ သမုဒယသစ္စံ၊ တေဟိ ပန နိဗ္ဗတ္တာ တေသံ အဓိ-
ဋ္ဌာနဂေါစရဘူတာ ဥပါဒါနက္ခန္ဓာ ဒုက္ခသစ္စန္တိအာဒိနာ နယေန သစ္စယောဇနာ
ဝေဒိတဗျာတိ အယံ တိပုက္ခလဿ နယဿ ဘူမိ။

သီဟဝိက္ခိဋ္ဌိတနယဝဏ္ဏနာ

အာဃာတာနန္ဒနာဒီနံ အကရဏဝစနေန သတိသိဋ္ဌိ။ သတိယာ ဟိ
သာဝဇ္ဇာနဝဇ္ဇေ၊ တတ္ထ စ အာဒိနဝါနိသံသေ သလ္လက္ခေတွာ သာဝဇ္ဇံ ပဟာယ

အနဝဇ္ဇံ သမာဒါယ ဝတ္တတိတိ။ တထာ မိစ္ဆာဇီဝါ ပဋိဝိရတိဝစနေန ဝီရိယ-
သိဒ္ဓိ။ ဝီရိယေန ဟိ ကာမဗျာပါဒဝိဟိံသာဝိတက္ကေ ဝိနောဒေတိ၊ ဝီရိယ-
သာဓနဉ္စ အာဇီဝပါရိသုဒ္ဓိသီလန္တိ။ ပါဏာတိပါတာဒီဟိ ပဋိဝိရတိဝစနေန
သတိသိဒ္ဓိ။ သတိယာ ဟိ သာဝဇ္ဇာနဝဇ္ဇေ၊ တတ္ထ စ အာဒိနဝါနိသံသေ
သလ္လက္ခေတွာ သာဝဇ္ဇံ ပဟာယ အနဝဇ္ဇံ သမာဒါယ ဝတ္တတိ။ တထာ ဟိ
သာ “ဝိသယာဘိမုခဘာဝပစ္စုပ္ပန်နာ”တိ စ ဝုစ္စတိ။ “တယံဒံ ဘိက္ခဝေ
တယာဂတော ပဇာနာတိ”တိအာဒိနာ သမာဓိပညာသိဒ္ဓိ။ ပညာယ ဟိ
ယထာဘူတာဝဗောဓော၊ သမာဟိတော စ ယထာဘူတံ ပဇာနာတိတိ။ တထာ
“နိစ္စော ဓုဝေါ”တိအာဒိနာ အနိစ္စေ “နိစ္စ”န္တိ ဝိပလ္လာသော၊ “အရောဂေါ ပရံ
မရဏာ၊ ဧကန္တသုခီ အတ္တာ ဒိဋ္ဌဓမ္မနိဗ္ဗာနပ္ပတ္တော”တိ စ ဧဝမာဒီဟိ အသုခေ
“သုခ”န္တိ ဝိပလ္လာသော၊ “ပဉ္စဟိ ကာမဂုဏေဟိ သမပ္ပိတော”တိအာဒိနာ
အသုဘေ “သုဘ”န္တိ ဝိပလ္လာသော၊ သဗ္ဗေဟေဝ စ ဒိဋ္ဌိဒီပကပဒေဟိ အနတ္တနိ
“အတ္တာ”တိ ဝိပလ္လာသောတိ ဧဝမေတ္ထ စတ္တာရော ဝိပလ္လာသာ သိဒ္ဓါ ဟောန္တိ၊
တေသံ ပဋိပက္ခတော စတ္တာရိ သတိပဋ္ဌာနာနိ သိဒ္ဓါနေဝ ဟောန္တိ။ တတ္ထ
စတူဟိ ဣန္ဒြိယေဟိ စတ္တာရော ပုဂ္ဂလာ နိဒ္ဒိသိတဗ္ဗာ။

ကထံ? ဒုဝိဓော ဟိ တဏှာစရိတော မုဒိန္ဒြိယော စ တိက္ခိန္ဒြိယော စာတိ၊
တထာ ဒိဋ္ဌိစရိတော။ တေသု ပဌမော အသုဘေ “သုဘ”န္တိ ဝိပလ္လတ္တ-
ဒိဋ္ဌိ သတိဗလေန ယထာဘူတံ ကာယသဘာဝံ သလ္လက္ခေတွာ သမ္ပတ္တနိယာမံ
ဩက္ကမတိ။ ဒုတိယော အသုခေ “သုခ”န္တိ ဝိပလ္လတ္တဒိဋ္ဌိ “ဥပ္ပန္နံ ကာမဝိတက္ကံ
နာဓိဝါသေတိ”တိအာဒိနာ ဝုတ္တေန ဝီရိယသံဝရသင်္ခါတေန ဝီရိယဗလေန တံ
ဝိပလ္လာသံ ဝိဓမတိ။ တတိယော အနိစ္စေ “နိစ္စ”န္တိ အယာထဝဂါဟိ သမထ-
ဗလေန သမာဟိတဘာဝတော သင်္ခါရာနံ ခဏိကဘာဝံ ယထာဘူတံ ပဋိဝိဇ္ဈတိ။
စတုတ္ထော သန္တတိသမူဟကိစ္စာရမ္ပဏသနဝိစိတ္တတ္တာ ဖဿာဒိဓမ္မပုဉ္ဇမတ္တေ
အနတ္တနိ “အတ္တာ”တိ မိစ္ဆာဘိနိဝေသီ စတုကောဋိကသုညတမနသိကာရေန
တံမိစ္ဆာဘိနိဝေသံ ဝိဒ္ဓိသေတိ။ စတူဟိစေတ္တဝိပလ္လာသေဟိ စတုရာသဝေါသ-
ယောဂကာယဂန္တ အဂတိ တဏှုပ္ပါဒုပါဒါန သတ္တဝိညာဏဋ္ဌတိ အပရိညာဒိ-
ဝသေန သဗ္ဗော အကုသလပက္ခော နေတဗ္ဗော။ တထာ စတူဟိ သတိပဋ္ဌာနေဟိ
စတုဗ္ဗိဓဈာနဝိဟာရာဓိဋ္ဌာန သုခဘာဂိယဓမ္မအပ္ပမညာသမ္ပပ္ပဓာနဣဒ္ဓိပါဒါဒိ-
ဝသေန သဗ္ဗော ဝေါဒါနပက္ခော နေတဗ္ဗောတိ အယံ သီဟဝိန္တိဋ္ဌိတဿ
နယဿ ဣဒိ။ ဣဓာပိ သုဘသညာသုခသညာဟိ၊ စတူဟိပိ ဝါ ဝိပလ္လာသေဟိ

သမုဒယသစ္စံ၊ တေသံ အဓိဋ္ဌာနာရမ္ပဏဘူတာ ပဉ္စုပါဒါနက္ခန္ဓာ ဒုက္ခသစ္စန္တိ-
အာဒိနာ သစ္စယောဇနာ ဝေဒိတဗျာ။

ဒိဿာလောစနအင်္ဂသနယဒ္ဓယဝဏ္ဏနာ

ဣတိ တိဏ္ဍံ အတ္တနယာနံ သိဒ္ဓိယာ ဝေါဟာရနယဒ္ဓယမ္ပိ သိဒ္ဓမေဝ ဟောတိ။
တထာ ဟိ အတ္တနယဒိသာဘူတဓမ္မာနံ သမာလောစနံ ဒိဿာလောစနံ၊
တေသံ သမာနယနံ အင်္ဂသောတိ နိယုတ္တာ ပဉ္စ နယာ။

ပဉ္စဝိနယဝဏ္ဏနာ နိဋ္ဌိတာ။

သာသနပဋ္ဌာနဝဏ္ဏနာ

ဣဒံ သုတ္တံ သောဠသဝိဓေ သုတ္တန္တပဋ္ဌာနေ သံကိလေသဝါသနာသေက္ခ-
ဘာဂိယံ၊ သံကိလေသနိဗ္ဗေခာသေက္ခဘာဂိယမေဝ ဝါ။ အဠာသတိဝိဓေ ပန
သုတ္တန္တပဋ္ဌာနေ လောကိယလောကုတ္တရံ သတ္တဓမ္မာဓိဋ္ဌာနံ ဉာဏဥပယုဒဿန-
ဘာဝနံ သကဝစနပရဝစနံ ဝိဿဇ္ဇနိယာဝိဿဇ္ဇနိယံ ကုသလာကုသလံ
အနုညာတပဋိက္ခိတ္တဇ္ဇာတိ ဝေဒိတဗျံ။

ပကရဏနယဝဏ္ဏနာ နိဋ္ဌိတာ။

ဗြဟ္မဇာလသုတ္တဝဏ္ဏနာ နိဋ္ဌိတာ။

၂-သာမညဗလသုတ္တ

ရာဇာမစ္ဆကထာဝဏ္ဏနာ

၁၅၀။ ရာဇဂဟေတိ ဧတ္ထ ဒုဂ္ဂဇနပဒဋ္ဌာနဝိသေသသမ္ပဒါဒိယောဂတော ပဓာနဘာဝေန ရာဇူဟိ ဂဟိတန္တိ ရာဇဂဟန္တိ အာဟ “မန္ဒာတု။ပ။ဝုစ္ဆတိ”တိ။ တတ္ထ မဟာဂေါဝိန္ဒေန မဟာသတ္တေန ပရိဂ္ဂဟိတံ ရေဏုအာဒိဟိ ရာဇူဟိ ပရိဂ္ဂဟိတမေဝ ဟောတိတိ မဟာဂေါဝိန္ဒဂ္ဂဟဏံ။ မဟာဂေါဝိန္ဒောတိ မဟာ-
နဘာဝေါ ဧကော ပုရာတနော ရာဇာတိ ဧကေ။ ပရိဂ္ဂဟိတတ္ထာတိ ရာဇဓာနိဘာဝေန ပရိဂ္ဂဟိတတ္ထာ။ ပကာရေတိ နဂရမာပနေန ရညာ ကာရိတသဗ္ဗဂေဟတ္ထာ ရာဇဂဟံ၊ ဂိဇ္ဈကုဋ္ဌာဒိဟိ ပရိက္ခိတ္တတ္ထာ ပဗ္ဗတရာ-
ဇေဟိ ပရိက္ခိတ္တဂေဟသဒိသန္တိပိ ရာဇဂဟံ၊ သမ္ပန္နဘဝနတာယ ရာဇမာနံ ဂေဟန္တိပိ ရာဇဂဟံ၊ သံဝိဟိတာရက္ခတာယ အနတ္တာဝဟဘာဝေန ဥပ-
ဂတာနံ ပဋိရာဇူနံ ဂဟံ ဂေဟဘူတန္တိပိ ရာဇဂဟံ၊ ရာဇူဟိ ဒိသ္မာ သမ္မာ ပတိဋ္ဌာပိတတ္ထာ တေသံ ဂဟံ ဂေဟဘူတန္တိပိ ရာဇဂဟံ၊ အာရာမရာမဏေယျ-
ကာဒိဟိ ရာဇတေ၊ နိဝါသသုခတာဒိနာ သတ္တေဟိ မမတ္တဝသေန ဂယုတိ ပရိဂ္ဂယုတိတိ ဝါ ရာဇဂဟန္တိ ဒေသေ ပကာရေ။ သော ပဒေသော ဌာနဝိသေသဘာဝေန ဥဋ္ဌာရသတ္တပရိဘောဂေါတိ အာဟ “တံ ပနေတ”န္တိ-
အာဒိ။ တေသန္တိ ယက္ခာနံ။ ဝသနဝနန္တိ အာပါနဘူမိဘူတံ ဥပဝနံ။

အဝိသေသေနာတိ “ပါတိမောက္ခသံဝရသံဝုတော ဝိဟရတိ”， ပဌမံ ဈာနံ ဥပသမ္ပဇ္ဇ ဝိဟရတိ၊ မေတ္တာသဟဂတေန စေတသာ ဧကံ ဒိသံ ဖရိတွာ ဝိဟရတိ၊ သဗ္ဗနိမိတ္တာနံ အမနသိကာရာ အနိမိတ္တံ စေတောသမာဓိံ သမာ-
ပဇ္ဇိတွာ ဝိဟရတိ”တိအာဒိသု၊ ဝိယ သဒ္ဓန္တရသန္တိဓာနသိဇ္ဇေန ဝိသေသပရာ-
မသနေန ဝိနာ။ ဣရိယာယ ကာယိကကိရိယာယ ပဝတ္တနူပါယဘာဝတော ပထောတိ ဣရိယာပထော။ ဌာနာဒိနဉ္စိ ဂတိနိဝတ္တိအာဒိအဝတ္ထာဟိ ဝိနာ န ကဉ္စိ ကာယိကကိရိယံ ပဝတ္တေတုံ သက္ကာ။ ဝိဟရတိ ပဝတ္တတိ ဧတေန၊ ဝိဟရ-
ဏဉ္စာတိ ဝိဟာရော၊ ဒိဗ္ဗဘာဝါဝဟော ဝိဟာရော ဒိဗ္ဗဝိဟာရော၊ မဟဂ္ဂတဇ္ဈာ-
နာနိ။ နေတ္ထိယံ ပန “စတဿော အာရပ္ပသမာပတ္တိယော အာနေဉ္စာ ဝိဟာရ”တိ

၁-မ ၁-၄၃၊ မ ၃-၅၃၊ အဘိ ၂-၂၅၁-ပိဋေသု။

၂-ဒိ ၁-၆၉၊ သံ ၁-၄၁၂၊ အံ ၁-၄၄၁၊ ဝိ ၁-၅-ပိဋာဒိသု။

၃-ဒိ ၁-၂၃၄၊ ဒိ ၃-၁၀၇၊ မ ၁-၄၆၊ ၃၇၁၊ ၄၁၁၊ မ ၂-၂၆၃၊ ၂၆၉၊ ၄၀၅၊ ၄၂၂၊ မ ၃-၁၀၅၊

အဘိ ၂-၂၀၄-ပိဋာဒိသု။

၄-မ ၁-၃၇၂-ပိဋေ။

ဝုတ္တံ၊ တံ တာသံ မေတ္တာဈာနာဒိနံ ဗြဟ္မဝိဟာရတာ ဝိယ ဘာဝနာဝိသေသ-
ဘာဝံ သန္ဓာယ ဝုတ္တံ။ အဋ္ဌကထာသု ပန ဒိဗ္ဗဘာဝါဝဟသာမညတော တာဝိ
“ဒိဗ္ဗဝိဟာရာ”တွေဝ ဝုတ္တာ။ ဟိတူပသံဟာရာဒိဝသေန ပဝတ္တိယာ ဗြဟ္မဘူတာ
သေဋ္ဌဘူတာ ဝိဟာရာတိ ဗြဟ္မဝိဟာရာ၊ မေတ္တာဈာနာဒိကာ။ အနညသာဓာ-
ရဏတ္တာ အရိယာနံ ဝိဟာရာတိ အရိယဝိဟာရာ၊ စတဿောပိ ဖလသမာ-
ပတ္တိယော။ သမင်္ဂီပရိဒီပနန္တိ သမင်္ဂီဘာဝပရိဒီပနံ။ ဣရိယာပထသမာ-
ယောဂပရိဒီပနံ ဣတရဝိဟာရသမာယောဂပရိဒီပနဿ ဝိသေသဝစနဿ
အဘာဝတော၊ ဣရိယာပထသမာယောဂပရိဒီပနဿ စ အတ္ထသိဒ္ဓတ္တာ။
ဝိဟာရတိတိ ဧတ္ထ ဝိ-သဒ္ဓေါ ဝိစ္ဆေဒတ္ထဇောတနော၊ ဟာရတိတိ နေတိ၊
ပဝတ္တေတိတိ အတ္ထော။ တတ္ထ ကဿ ကေန ဝိစ္ဆိန္တနံ၊ ကထံ ကဿ ပဝတ္တနန္တိ
အန္တောလိနစောဒနံ သန္ဓာယာဟ “သော ဟိ”တိအာဒိ။

ဂေါစရဂါမဒဿနတ္ထံ “ရာဇဂဟေ”တိ ဝတ္တာ ဗုဒ္ဓါနံ အနုရူပနိဝါသ-
နဋ္ဌာနဒဿနတ္ထံ “အဗ္ဗဝနေ”တိ ဝုတ္တန္တိ အာဟ “ဣဒမဿာ”တိအာဒိ။
တေန္တိ ဧတံ “ရာဇဂဟေ”တိ ဘုဗ္ဗဝစနံ သမိပတ္တေ “ဂင်္ဂါယ ဂါဝေါ စရန္တိ၊
ကူပေ ဂဂ္ဂကုလ”န္တိ စ ယထာ။ ကုမာရေန ဘတောတိ ကုမာရဘတော၊
သော ဧဝ ကောမာရဘစ္စော ယထာ ဘိသဂ္ဂမေဝ ဘေသန္တံ။ ဒေါသာဘိ-
သန္တန္တိ ဝါတပိတ္တာဒိဝသေန ဥဿန္တဒေါသံ။ ဝိရေစေတွာတိ ဒေါသပကော-
ပတော ဝိဝေစေတွာ။

အစုတေဋ္ဌသဟိတိ အမေန တေရသဟိ အစုတေရသဟိ ဘိက္ခုသတေဟိ။
တာနိ ပန ပညာသာယ ဦနာနိ တေရသဘိက္ခုသတာနိ ဟောန္တိတိ အာဟ
“အစုသတေနာ”တိအာဒိ။

ရာဇတိတိ ဒိဗ္ဗတိ၊ သောဘတိတိ အတ္ထော။ ရဇ္ဇေတိတိ ရမေတိ။ ရညောတိ
ဝိတု မိမ္မိသာရရညော။ သသနဋ္ဌေန ဟိသနဋ္ဌေန သတ္တု။

ဘာရိယေတိ ဂရုကေ၊ အညေသံ အသက္ကုဏေယျေ ဝါ။ သုဝဏ္ဏသတ္တကေ-
နာတိ သုဝဏ္ဏမယေန သတ္တကေန။ အယောမယဉ္စိ ရညော သရီရံ ဥပနေတုံ
အယုတ္တန္တိ ဝဒတိ။ သုဝဏ္ဏသတ္တကေနာတိ ဝါ သုဝဏ္ဏပရိက္ခတေန သတ္တကေန။
ဗာဟုံ ဖာလာပေတွာတိ သိရာဝေဝေသေန ဗာဟုံ ဖာလာပေတွာ။ ဥဒကေန
သန္တိန္တိတွာ ပါယေသိ ကေဝလဿ လောဟိတဿ ဂမ္ဘိနိတ္ထိယာ ဒုဇ္ဇိရဘာဝ-
တော။ ဓုရာတိ ဓုရဘူတာ ဂဏဿ၊ ဓောရယှာတိ အတ္ထော။ ဓုရံ နိဟရာမိတိ
ဂဏဓုရံ ဂဏဗန္ဓိယံ နိဗ္ဗတ္တေမိ။ “ပုဗ္ဗေ ခေါ”တိအာဒိ ခန္ဓကပါဠိ ဝေ။

ပေါတ္တနိယန္တိ ဆုရိကံ၊ ယံ “နခရ”န္တိပိ ဝုစ္စတိ။ ဒိဝါ ဒိဝဿာတိ ဒိဝဿပိ ဒိဝါ၊ မဇ္ဈန္တိကဝေလာယန္တိ အတ္ထော။

တဿာ သရီရံ ဇေဟိတွာ ယာပေတိ အတ္တုပက္ကမေန မရဏံ န ယုတ္တန္တိ။ န ဟိ အရိယသာဝကာ အတ္တာနံ ဝိနိပါတေန္တိတိ။ မဂ္ဂဗလသုခေနာတိ မဂ္ဂဗလသုခေါဝဟေန သောတာပတ္တိမဂ္ဂဗလသုခုပသဉ္စိတေန စင်္ဂမေန ယာပေတိ။ စေတိယင်္ဂဏေတိ ဂန္ဓပုပ္ဖါဒိဟိ ပူဇနဋ္ဌာနဘူတေ စေတိယင်္ဂဏေ။ နိသဇ္ဇနက္ခာယာတိ ဘိက္ခုသံသနိသီဒနက္ခာယ။ စာတုမဟာရာဇိကဒေဝလောကေ။ ပ။ ယက္ခော ဟုတွာ နိဗ္ဗတ္တိ တတ္ထ ဗဟုလံ နိဗ္ဗတ္တပုဗ္ဗတာယ စိရပရိစိတနိကန္တိဝသေန။

ခေါဘေတွာတိ ပုတ္တသိနေဟဿ ဗလဝဘာဝတော၊ သဟဇာတပီတိဝေဂဿ စ သဝိပ္ပါရတာယ တံသမုဋ္ဌာနရူပဓမ္မေဟိ ဖရဏဝသေန သကလသရီရံ အာလောဋ္ဌေတွာ။ တေနာဟ “အဋ္ဌိမိဉ္စ အာဟစ္စ အဋ္ဌာသီ”တိ။ ပိတုရဏန္တိ ပိတု အတ္တနိ သိနေဟရဏံ။ မုဇ္ဈာပေတွာတိ ဧတ္ထ ဣတိ-သဒ္ဓေါ ပကာရတ္ထော၊ ဘေန “အဘိမာရကပုရိသပေသနာဒိပ္ပကာရေနာ”တိ ဝုတ္တေ ဧဝ ပကာရေ ပစ္စာမသတိ။ ဝိတ္တာရကထာနယောတိ အဇာတသတ္တုပသာဒနာဒိဝသေန ဝိတ္တာရတော ဝတ္တဗ္ဗာယ ကထာယ နယမတ္တံ။ ကသ္မာ ပနေတ္ထ ဝိတ္တာရနယာ ကထာ န ဝုတ္တာတိ အာဟ “အာဂတတ္တာ ပန သမ္ပံ န ဝုတ္တ”န္တိ။

ကောသလရညောတိ မဟာကောသလရညော။ ပဏ္ဍိတာမိဝေနေန္တိ ပဏ္ဍိတဝေဝစနံ။ ဝိဒန္တိတိ ဇာနန္တိ။ ဝေဒေန ဉ္ဈဏေန ကရဏဘူတေန ဤဟတိ ပဝတ္တတိတိ ဝေဒေဟိ။

တ္ထောတိ တေသ္မိံ ဒိဝသေ။ အနသနေန ဝါတိ ဝါ-သဒ္ဓေါ အနိယမတ္ထော၊ တေန ကေစ္စမနောဒုစ္စရိတဒုဿီလျာဒိနိ သင်္ဂဏာတိ။ တထာ ဟိ ဂေါပါလကူပေါသထော အဘိဇ္ဈာသဟဂတစိတ္တဿ ဝသေန ဝုတ္တော၊ နိဂဏ္ဌုပေါသထော မောသဝဇ္ဇာဒိဝသေန။ ယထာဟ “သော တေန အဘိဇ္ဈာသဟဂတေန စေတဿာ ဒိဝသံ အတိနာမေတိ”တိ၊ “ဣတိ ယသ္မိံ သမယေ သစ္စေ သမာဒပေတဗ္ဗာ၊ မုသာဝါဒေ တသ္မိံ သမယေ သမာဒပေန္တိ”တိ၊ စ အာဒိ။ တတ္ထောတိ ဥပေါသထသဒ္ဓေ။ အတ္တုဒ္ဓါဓေတိ ဝတ္တဗ္ဗအတ္တာနံ ဥဒ္ဓါရဏံ။

၁-ပေါထနိကန္တိ ဆုရိကံ၊ ယံ ခရန္တိပိ (သာရတ္ထ-၇၂ ၃-၄၁၄-ပိဋကံ)
ပေါထနိကန္တိ ဆုရိကံ၊ ခရန္တိပိ (ပိမတိ-၇၂ ၂-၂၅၃-ပိဋကံ)
၂-အံ ၁-၂၀၆-ပိဋကံ ၃-အံ ၁-၂၀၇-ပိဋကံ

နန စ အတ္တမတ္တံ ပတိသဒ္ဓါအဘိနိဝိသန္တိတိ န ဧကေန သဒ္ဓေန အနေကေ
 အတ္တာ အဘိနိယန္တိတိ? သစ္စမေတံ သဒ္ဓဝိသေသေ အပေက္ခိတေ၊ တေသံ ပန
 အတ္တာနံ ဥပေါသထသဒ္ဓဝစနိယတာသာမညံ ဥပါဒါယ ဝုစ္စမာနော အယံဝိစာ-
 ရော ဥပေါသထ-သဒ္ဓဿ အတ္ထုဒ္ဓါရေတိ ဝုတ္တော။ ဟေဋ္ဌာ “ဧဝံ မေ သုတ”န္တိ-
 အာဒိသု အာဂတေ အတ္ထုဒ္ဓါရေပိ ဧသေဝ နယော။ ကာမဉ္စ ပါတိမောက္ခုဒ္ဓေ-
 သာဒိဝိသယောပိ ဥပေါသထ-သဒ္ဓေါ သာမညရူပေါ ဧဝံ ဝိသေသသဒ္ဓဿ
 အဝါစကဘာဝတော၊ တာဒိသံ ပန သာမညံ အနာဒိယိတွာ အယမတ္ထော
 ဝုတ္တောတိ ဝေဒိတဗ္ဗံ။ သီလသုဒ္ဓိဝသေန ဥပေတေဟိ သမဂ္ဂေဟိ ဝသီယတိ
 အနုဋ္ဌိယတိတိ ဥပေါသထော၊ ပါတိမောက္ခုဒ္ဓေသော။ သမာဒါနဝသေန
 အဓိဋ္ဌာနဝသေန ဝါ ဥပေစ္စ အရိယဝါသာဒိအတ္တံ ဝသိတဗ္ဗတော ဥပေါ-
 သထော၊ သီလံ။ အနသနာဒိဝသေန ဥပေစ္စ ဝသိတဗ္ဗတော အနုဝသိတဗ္ဗတော
 ဥပေါသထော။ ဥပဝါသောတိ သမာဒါနံ။ ဥပေါသထကုလဘူတတာယ
 နဝမဟတ္ထိနိကာယပရိယာပန္နေ ဟတ္ထိနာဂေ ကိဉ္စိ ကိရိယံ အနပေက္ခိတွာ
 ရုဋ္ဌိဝသေန သမညာမတ္တံ ဥပေါသထောတိ အာဟ “ဥပေါသထော နာဂ-
 ရာဇာတိအာဒိသု ပညတ္တိ”တိ။ ဒိဝသေ ပန ဥပေါသထသဒ္ဓပ္ပဝတ္တိ အဋ္ဌကထာယံ
 ဝုတ္တာ ဧဝံ။ သုဒ္ဓဿ ဧဝံ သဒါ ဖဂ္ဂူတိ ဧတ္ထ ပန သုဒ္ဓဿာတိ သဗ္ဗသော
 ကိလေသမလာဘာဝေန သုဒ္ဓဿ။ ဧတိ နိပါတမတ္တံ၊ ဧတိ ဝါ ဗျတ္တန္တိ
 အတ္ထော။ သဒါ ဖဂ္ဂူတိ နိစ္စကာလမ္ပိ ဖဂ္ဂုဏနက္ခတ္တမေဝ။ ယဿ ဟိ ဖဂ္ဂုဏ-
 မာသေ ဥတ္တရဖဂ္ဂုဏဒိဝသေ တိတ္ထန္တာနံ ကရောန္တဿ သံဝစ္ဆရိကပါပပဝါဟနံ
 ဟောတိတိ လဒ္ဓိ၊ တံ တတော ဝိဝေစေတုံ ဣဒံ ဘဂဝတာ ဝုတ္တံ။ သုဒ္ဓဿုပေါ-
 သထော သဒါတိ ယထာဝုတ္တသုဒ္ဓိယာ သုဒ္ဓဿ ဥပေါသထင်္ဂါနိ ဝတသမာ-
 ဒါနာနိ စ အသမာဒိယတောပိ နိစ္စံ ဥပေါသထော၊ ဥပေါသထဝါသော
 ဧဝါတိ အတ္ထော။ ပဉ္စသန္တံ တိထိနံ ပူရဏဝသေန ပန္နရသော။

ဗဟုသော၊ အတိသယတော ဝါ ကုမုဒါနိ ဧတ္ထ သန္တိတိ ကုမုဒဝတိ၊ တိဿံ
 ကုမုဒဝတိယာ။ စတုန္တံ မာသာနံ ပါရိပူရိဘူတာတိ စာတုမာသိ။ သာ ဧဝပါဠိယံ
 စာတုမာသိနိတိ ဝုတ္တာတိ အာဟ “ဣဝံ ပန စာတုမာသိနိတိ ဝုစ္စတိ”တိ။
 တဒါ ကတ္တိကမာသဿ ပုဏ္ဏတာယ မာသပုဏ္ဏတာ။ ဝဿာနဿ ဥတုနော
 ပုဏ္ဏတာယ ဥတုပုဏ္ဏတာ။ ကတ္တိကမာသလက္ခိတဿ သံဝစ္ဆရဿ ပုဏ္ဏတာယ
 သံဝစ္ဆရပုဏ္ဏတာ။ “မာ”ဣတိ စန္ဒော ဝုစ္စတိ တဿ ဂတိယာ ဒိဝသဿ
 မိနိတဗ္ဗတော။ ဧတ္ထ ပုဏ္ဏောတိ ဧတိဿာ ရတ္တိယာ သဗ္ဗကလာပါရိပူရိယာ
 ပုဏ္ဏော။ တဒါ ဟိ စန္ဒော သဗ္ဗသော ပရိပုဏ္ဏော ဟုတွာ ဒိဿတိ။ ဧတ္ထ စ

“တဒဟုပေါသထေ ပန္နရသေ”တိ ပဒါနိ ဒိဝသဝသေန ဝုတ္တာနိ၊ “ကောမုဒိ-
ယာ”တိအာဒိနိ ရတ္တိဝသေန။

ရာဇာမစ္ဆပရိဝုတောတိ ရာဇကုလသမုဒါဂတေဟိ အမစ္ဆေဟိ ပရိဝုတော။
အထ ဝါ အနုယုတ္တကရာဇူဟိ စေဝ အမစ္ဆေဟိ စ ပရိဝုတော။ စတုရပတ္တိလေ-
သာတိ အပ္ပာ မဟိကာ ရူမရဇော ရာဟူတိ ဣမေဟိ စတူဟိ ဥပတ္တိလေသေဟိ။
သန္တိဋ္ဌာနံ ကတံ အဋ္ဌကထာယံ။

ဝီတိဝစနန္တိ ဝီတိသမုဋ္ဌာနံ ဝစနံ။ ယဉ္ဇိ ဝစနံ ပဋိဂ္ဂါဟကနိရပေက္ခံ ကေဝလံ
ဥဋ္ဌာရာယ ဝီတိယာ ဝသေန သရသတော သဟသာဝ မုဒတော နိစ္ဆရတိ၊ တံ
ဣဓ “ဥဒါန”န္တိ အဓိပ္ပေတံ။ တေနာဟ “ယံ ဝီတိဝစနံ ဟဒယံ ဂဟေတုံ န
သက္ကောတိ”တိအာဒိ။

ဒေါသေဟိ ဣတာ ဂတာ အပဂတာတိ ဒေါသိနာ တ-ကာရဿ န-ကာရံ
ကတွာ ယထာ “ကိလေသေ ဇိတော ပိဇိတာဝီတိ ဇိနော”တိ။ အနိယ-သဒ္ဓေါ
ကတ္ထုအတ္ထေ ဝေဒိတဗ္ဗောတိ အာဟ “မနံ ရမယတိတိ ရမဏီယာ”တိ ယထာ
“နိယျာနိကာ ဓမ္မာ”တိ။ ဇုဏှဝသေန ရတ္တိယာ သုရူပတာတိ အာဟ
“ဝုတ္တဒေါသဝိမုတ္တာယာ”တိအာဒိ။ တတ္ထ အပ္ပာဒယော ဝုတ္တဒေါသာ၊
တဗ္ဗိဂမေနေဝ စဿာ ဒဿနိယတာ၊ တေန၊ ဥတုသမ္ပတ္တိယာ စ ပါသာဒိ-
ကတာ ဝေဒိတဗ္ဗာ။ လက္ခဏံ ဘဝိတုံ ယုတ္တာတိ ဧတိဿာ ရတ္တိယာ ယုတ္တော
ဒိဝသော မာသော ဥတု သံဝစ္ဆရေတိ ဧဝံ ဒိဝသမာသဥတုသံဝစ္ဆရနံ
သလ္လက္ခဏံ ဘဝိတုံ ယုတ္တာ လက္ခဉာ၊ လက္ခဏီယာတိ အတ္ထော။

“ယံနော ပယိရူပါသတော စိတ္တံ ပသိဒေယျာ”တိ ဝုတ္တတ္တာ “သဏေဝါ
ဗြာဟ္မဏံဝါ”တိ ဧတ္ထ ပရမတ္ထသမဏော စ ပရမတ္ထဗြာဟ္မဏော စ အဓိပ္ပေ-
တော၊ န ပဗ္ဗဇ္ဇာမတ္ထသမဏော၊ န ဇာတိမတ္ထဗြာဟ္မဏော စာတိ အာဟ
“သမိတပါပတာယ သမဏံ။ မာဟိတပါပတာယ ဗြာဟ္မဏ”န္တိ။ ဗဟုဝစနေ
ဝတ္တဗ္ဗေ ကေဝစနံ၊ ကေဝစနေ ဝါ ဝတ္တဗ္ဗေ ဗဟုဝစနံ ဝစနဗျတယော။
အဋ္ဌကထာယံ ပန ကေဝစနဝသေနေဝ ဗျတယော ဒဿိတော။ အတ္တနိ၊
ဂရုဋ္ဌာနိယေ စ ကေသ္မိမ္မိ ဗဟုဝစနပ္ပယောဂေါ နိရုဋ္ဌေတိ။ သဗ္ဗေနဝီတိ
“ရမဏီယာ ဝတာ”တိအာဒိနာ သဗ္ဗေန ဝစနေန။ ဩဘာသနိမိတ္တကမ္မန္တိ
ဩဘာသဘူတနိမိတ္တကမ္မံ၊ ပရိဗျတ္တံ နိမိတ္တကရဏန္တိ အတ္ထော။ ဒေဝဒတ္တော
စာတိ စ-သဒ္ဓေါ အတ္ထုပနယနေ၊ တေန ယထာ ရာဇာ၊ အဇာတသတ္ထု၊
အတ္တနော ပိတု အရိယသာဝကဿ သတ္ထုဥပဋ္ဌာကဿ ဃာတနေန

မဟာပရာဓော၊ ဧဝံ ဘဂဝတော မဟာအနတ္တကရဿ ဒေဝဒတ္တဿ အဝဿယဘာဝေနပီတိ ဣမမတ္ထံ ဥပနေတိ။ တဿ ဝိဋ္ဌိဆာယာယာတိ တဿ ဇီဝကဿ ဝိဋ္ဌိအပဿယေန၊ တံ ပမုခံ ကဘွာ တံ အပဿာယာတိ အတ္ထော။ ဝိက္ခေပပစ္ဆေဒနတ္ထန္တိ ဘာဝိနိယာ အတ္တနော ကထာယ ဥပ္ပဇ္ဇနကဝိက္ခေပနဿ ပစ္ဆိန္နနတ္ထံ၊ အနုပ္ပတ္တိအတ္တန္တိ အဓိပ္ပာယ်ော။ တေနာဟ “တဿံ ဟိ”တိအာဒိ။

၁၅၁။ “သော ကိရာ”တိအာဒိ ပေါရာဏဋ္ဌကထာယ အာဂတနယော။ သေဝ နယော ပရတော မက္ခလိပဒနိဗ္ဗစနေပိ။ ဥပသင်္ကမန္တိတိ ဥပဂတာ။ တဒေဝ ပဗ္ဗဇ္ဇံ အဂ္ဂဟေသီတိ တဒေဝ နဂ္ဂရူပံ ပဗ္ဗဇ္ဇံ ကဘွာ ဂဏှိ။

ပဗ္ဗဇိတသမူဟသင်္ခါတော သံသောတိ ပဗ္ဗဇိတသမူဟတာမတ္တေန သံသော၊ န နိယျာနိကဒိဋ္ဌိသုဝိသုဒ္ဓသိလသာမညဝသေန သံဟတတ္တာတိ အဓိပ္ပာယ်ော။ အဿ အတ္တိတိ အဿ သတ္တုပဋိညဿ ပရိဝါရဘူတော အတ္တိ။ သွေဝါတိ ပဗ္ဗဇိတသမူဟသင်္ခါတောဝ။ ကေမိ ပန “ပဗ္ဗဇိတသမူဟဝသေန သံဃိ၊ ဂဟဋ္ဌသမူဟဝသေန ဂဏှိ”တိ ဝဒန္တိ၊ တံ တေသံ မတိမတ္ထံ ဂဏေ ဧဝ လောကေ သံဃ-သဒ္ဓဿ နိရုဇ္ဈတ္တာ။ အာစာရသိက္ခာပနဝသေနာတိ အစေ-လကဝတစရိယာဒိအာစာရသိက္ခာပနဝသေန။ ပါကဋ္ဌောတိ သံဃိအာဒိ-ဘာဝေန ပကာသိတော။ “အပ္ပိစ္ဆော”တိ ဝတွာ တတ္ထ လဗ္ဘမာနံ အပ္ပိစ္ဆတ္ထံ ဒဿေတုံ “အပ္ပိစ္ဆတယ ဝတ္တမ္ပိ န နိဝါသေတိ”တိ ဝတ္တံ။ န ဟိ တသ္မိံ သာသနိကေ ဝိယ သန္တဂုဏနိဂူဟဏလက္ခဏာ အပ္ပိစ္ဆတာ လဗ္ဘတိတိ။ ယသောတိ ကိတ္တိသဒ္ဓေါ။ “တရန္တိ ဧတေန သံသာရေဃ”န္တိ ဧဝံ သမ္မတတ္တာ တိတ္ထံ ဝုစ္စတိ လဒ္ဓိတိ အာဟ “တိတ္ထကရေတိ လဒ္ဓိကရေ”တိ။ သာရ-သမ္မတောတိ “သာရူ”တိ သမ္မတော၊ န သာရူဟိ သမ္မတောတိ အာဟ “အယံ သာရူ”တိအာဒိ။ “ဣမာနိ မေ ဝတသမာဒါနာနိ ဧတ္တကံ ကာလံ သုစိဏ္ဏာနိ”တိ ပဗ္ဗဇိတတော ပဋ္ဌာယ အတိတ္တန္တာ ဗဟူ ရတ္တိယော ဇာနာတိတိ ရတ္တည။ တာ ပနဿ ရတ္တိယော စိရကာလဘူတာတိ ကဘွာ စိရံ ပဗ္ဗဇိတဿ အဿာတိ စိရပဗ္ဗဇိတော။ တတ္ထ စိရပဗ္ဗဇိတတာဂဟဏေန ဗုဒ္ဓိသီလတံ ဒဿေတိ၊ ရတ္တညတာဂဟဏေန တတ္ထ သမ္မဇာနတံ။ အဒ္ဓါနန္တိ ဒိဃကာလံ။ ကိတ္တကော ပန သောတိ အာဟ “ဒွေ တယော ရာဇပရိဝဇ္ဇေ”တိ၊ ဒွိန္တံ တိဏ္ဍံ ရာဇနံ ရဇမနုဿာသနပဋိပါဋိယောတိ အတ္ထော။ “အဒ္ဓဂတော”တိ ဝတွာ ကတံ ဝယောဂဟဏံ ဩသာနဝယာပေက္ခန္တိ အာဟ “ပစ္ဆိမဝယံ အနုပ္ပတ္တော”တိ။ ဥဘယန္တိ “အဒ္ဓဂတော၊ ဝယောအနုပ္ပတ္တော”တိ ပဒဒ္ဓယံ။

ပုဗ္ဗေ ပိတရာ သဒ္ဓိံ သတ္ထု သန္တိကံ ဂန္တော ဒေသနာယ သုတပုဗ္ဗတံ သန္တာယာဟ “ဈာနာဘိညာဒိ။ ပ။ သောတုကာမော”တိ။ ဒဿနေနာတိ န ဒဿနမတ္တံ၊ ဒိသ္မာ ပန တေနသဒ္ဓိံ အာလာပသလ္လာပံ ကတွာ တတော အင်္ဂါရိယဝါဒံ သုတွာ တေသံ အနတ္တမနော အဟောသိ။ ဂုဏကထာယာတိ အဘူတဂုဏကထာယ။ တေနာဟ “သုဋ္ဌုတရံ အနတ္တမနော ဟုတွာ”တိ။ ယဒိ အနတ္တမနော၊ ကသ္မာ တုဏှိ အဟောသိတိ အာဟ “အနတ္တမနော သမာနောပီ”တိအာဒိ။

၁၅၂။ ဂေါသာလာယာတိ ဧဝံနာမကေ ဂါမေ။ ဝဿာနကာလေ ဂုန္တံ တိဋ္ဌနသာလာတိ ဧကေ။

၁၅၃။ ပဋိကိဋ္ဌတရန္တိ နိဟိနတရံ။ တန္တာဝုတာနိတိ တန္တေ ပဿာ-
ရေတွာ ပိတာနိ။ “သီတေ သီတော”တိအာဒိနာ ဆဟာကာရေဟိ တဿ နိဟိနဿ နိဟိနတရတံ ဒဿေတိ။

၁၅၄။ ဝစ္စံ ကတွာပိတိ ပိ-သဒ္ဓေန ဘောဇနံ ဘုဋ္ဌိတွာပိ ကေနပိ အသုစိနာ မက္ခိတောပိတိ ဣမမတ္တံ သမ္ပိဏ္ဏေတိ။ ဝါလိကထူပံ ကတွာတိ ဝတ္တဝသေန ဝါလိကာယ ထူပံ ကတွာ။

၁၅၆။ ပလိဗုန္နနကိလေသောတိ သံသာရေ ပလိဗုန္နနကိစ္စော ရာဂါဒိ-
ကိလေသော ခေတ္တဝတ္ထုပုတ္တဒါရာဒိဝိသယော။

ကောမာရဘစ္စဇိဝကကထာဝတ္ထနာ

၁၅၇။ န ယထာဓိပ္ပါယံ ဝတ္တတိတိ ကတွာ ဝုတ္တံ “အနတ္တော ဝတ မေ”တိ။ ဇိဝကဿ တုဏှိဘာဝေါ မမ အဓိပ္ပါယဿ မဒ္ဒနသဒိသော၊ တသ္မာ တံ ပုစ္ဆိတွာ ကထာပနေန မမ အဓိပ္ပါယော ပူရေတဗ္ဗောတိ အယမေတ္ထ ရညော အဇ္ဈာသယောတိ ဒဿေန္တော “ဟတ္ထိမ္ပိ န ခေါ ပနာ”တိအာဒိမာဟ။ ကိံ တုဏှိတိ ကိံကာရဏာ တုဏှိ၊ ကိံ တံ ကာရဏံ၊ ယေန တုဝံ တုဏှိတိ ဝုတ္တံ ဟောတိ။ တေနာဟ “ကေန ကာရဏေန တုဏှိ”တိ။

ကာမံ သဗ္ဗာပိ တထာဂတဿ ပဋိပတ္တိ အနညသာဓာရဏာ အတ္ထရိယ-
အပ္ပုတရူပါ စ၊ တသ္မာပိ ဂဗ္ဘောက္ကန္တိအဘိဇာတိအဘိနိက္ခမနအဘိသမ္ဗောဓိ-
ဓမ္မစက္ကပ္ပဝတ္တနယမကပါဋိဟာရိယဒေဝေါရောဟဏာနိသဒေဝကေ လောကေ

အတိဝိယ သုပါကဋ္ဌာနိ၊ န သက္ကာ ကေနစိ ပဋိဗာဟိတုန္တိ တာနိယေဝေတ္ထ ဥဒ္ဓဋ္ဌာနိ။ ဣတ္ထိန္ဒြိယာချာနတ္ထေတိ ဣတ္ထံ ဧဝံ ပကာရော ဘူတော ဇာတောတိ ဧဝံကထနတ္ထေ။ ဥပယောဂဝဝနန္တိ “အပ္ပဂ္ဂတော”တိ ဧတ္ထ အဘိတိ ဥပသဂ္ဂေါ ဣတ္ထိန္ဒြိယာချာနတ္ထဇောတကော၊ တေန ယောဂတော “တံ ခေါပန ဘဂဝန္တိ”န္တိ ဣဒံ သာမိအတ္ထေ ဥပယောဂဝဝနံ၊ တေနာဟ “တဿ ခေါ ပန ဘဂဝတောတိ အတ္ထော”တိ။ ကလျာဏဂုဏသမန္တာဂတောတိ ကလျာဏေဟိ ဂုဏေဟိ ယုတ္တော၊ တန္တိဿိတော တဗ္ဗိဿယတာယာတိ အဓိပ္ပါယော။ သေဋ္ဌောတိ ဧတ္ထာပိ ဧသေဝ နယော။ ကိတ္တေတဗ္ဗတော ကိတ္တိ၊ သာ ဧဝ သဒ္ဓနိယတော သဒ္ဓေါတိ အာဟ “ကိတ္တိသဒ္ဓေါတိ ကိတ္တိယေဝိ”တိ။ အဘိတ္ထဝနဝသေန ပဝတ္ထော သဒ္ဓေါ ထုတိယောသော။ အနညသာဓာရဏဂုဏေ အာရဗ္ဘ ပဝတ္ထတ္တာ သဒ္ဓေဝကံ လောကံ အဇ္ဈောတ္တရိတ္တာ အဘိဘဝိတ္တာ ဥဂ္ဂတော။

သော ဘဂဝါတိ ယော သော သမတိသပါရမိယော ပူရေတွာ သဗ္ဗကိလေသေ ဘဒ္ဒိတွာ အနတ္တရံ သမ္မာသမ္ဗောဓိံ အဘိသမ္ဗုဒ္ဓေါ ဒေဝါနံ အတိဒေဝေါ သက္ကာနံ အတိသက္ကာ ဗြဟ္မာနံ အတိဗြဟ္မာ လောကနာထော ဘာဂျဝန္တတာဒီဟိ ကာရဏေဟိ သဒ္ဓေဝကေ လောကေ “ဘဂဝါ”တိ သဗ္ဗတ္ထ ပတ္ထဋ္ဌကိတ္တိသဒ္ဓေါ၊ သော ဘဂဝါ။ “ဘဂဝါ”တိ စ ဣဒံ သတ္ထု နာမကိတ္တနံ။ တေနာဟ အာယသ္မာ ဓမ္မသေနာပတိ “ဘဂဝါတိ နေတံ နာမံ မာတရာ ကတ”န္တိအာဒိ။ ပရတော ပန ဘဂဝါတိ ဂုဏကိတ္တနံ။

ယထာ ကမ္မဋ္ဌာနိကေန “အရဟ”န္တိအာဒိသု နဝဋ္ဌာနေသု ပစ္စေကံ ဣတိ-သဒ္ဓိ ယောဇေတွာ ဗုဒ္ဓဂုဏာ အနုဿရိယန္တိ၊ ဧဝံ ဗုဒ္ဓဂုဏသံကိတ္တ- ကေနာပိတိ ဒဿေန္တော “ဣတိပိ အရဟံ၊ ဣတိပိ သမ္မာသမ္ဗုဒ္ဓေါ၊ ပ။ ဣတိပိ ဘဂဝါ”တိ အာဟ။ “ဣတိပေတံ အဘူတံ၊ ဣတိပေတံ အတစ္စ”န္တိအာဒိသု၊ ဝိယံ ဣဓ ဣတိ-သဒ္ဓေါ အာသန္တပစ္စက္ခကရဏတ္ထော၊ ပိ-သဒ္ဓေါ သမ္ဗိဏ္ဏနတ္ထော၊ တေန စ တေသံ ဂုဏာနံ ဗဟုဘာဝေါ ဒီပိတော။ တာနိ စ သံကိတ္တေန္တေန ဝိညနာ စိတ္တဿ သမ္ဗုဒ္ဓိဘူတာနေဝ ကတွာ သံကိတ္တေတဗ္ဗာနိတိ ဒဿေန္တော “ဣမိနာ စ ဣမိနာ စ ကာရဏေနာတိ ဂုတ္တံ ဟောတိ”တိ အာဟ။ ဧဝံဥ နိရူပေတွာ ကိတ္တေန္တေ ယဿ သံကိတ္တေတိ၊ တဿ ဘဂဝတိ အတိဝိယ အဘိပ္ပသာဒေါဟောတိ။ အာရကတ္တာတိ သုဝိဒူရတ္တာ။ အရိနန္တိ ကိလေသာရိနံ။ အရာနန္တိ သံသာရစက္ကဿ အရာနံ။ ဟတတ္တာတိ ဝိဟတတ္တာ။ ဗစ္စယာဒီနန္တိ

စီဝရာဒိပစ္စယာနဉ္စေဝ ပူဇာဝိသေသာနဉ္စ။ တတောတိ ဝိသုဒ္ဓိမဂ္ဂတော။ ယထာ
စ ဝိသုဒ္ဓိမဂ္ဂတော၊ ဧဝံ တံသံဝဏ္ဏနတောပိ နေသံ ဝိတ္တာရော ဂဟေတဗ္ဗော။

ယသ္မာ ဇီဝကော ဗဟုသော သတ္တုသန္တိကံ ဗုဒ္ဓရဏေ သုတွာ ဌိတော၊
ဒိဋ္ဌသစ္စတာယ စ သတ္တုသာသနေ ဝိဂတကထံကထော ဝေသာရဇ္ဇပ္ပတ္တော၊
တသ္မာ အာဟ “**ဇီဝကော ပနာ**”တိအာဒိ။ ပဉ္စဝဏ္ဏာယာတိ ခုဒ္ဒိကာ-
ဒိဝသေန ပဉ္စပ္ပကာရာယ။ နိရုန္တရံ ဖုဋ် အဟောသိ ကတာမိကာရဘာဝတော။
ကမ္မန္တရာယဝသေန ဟိဿ ရညော ဂုဏသရီရံ ခတုပဟတံ အဟောသိ။

၁၅၈။ “ဥတ္တမ”န္တိ ဝတွာ န ကေဝလံ သေဋ္ဌဘာဝေါ ဧဝေတ္ထ ကာရဏံ၊
အထ ခေါ အပ္ပသဒ္ဓတာပိ ကာရဏန္တိ ဒဿေတုံ “**အဿယာနရထယာနာ-
နိ**”တိအာဒိ ဝုတ္တံ။ ဟတ္ထိယာနေသု နိဗ္ဗိသေဝနမေဝ ဂဏှန္တော ဟတ္ထိနိယောဝ
ကပ္ပါပေသိ။ ရညော အာသင်္ကာနိဝတ္တနတ္ထံ အာသန္တစာရိဘာဝေန တတ္ထ
ဣတ္ထိယောဝ နိသဇ္ဇာပိတာ။ ရညော ပရေသံ ဒုရုပသင်္ကမနဘာဝဒဿနတ္ထံ
တာ ပုရိသဝေသံ ဂါဟာပေတွာ အာဝုဓဟတ္တာ ကာရိတာ။ ပဋိဝေဒေသိတိ
ဉ္စပေသိ။ တဒေဝါတိ ဂမနံ၊ အဂမနမေဝ ဝါ။

၁၅၉။ မဟဉ္စာတိ ကရဏတ္ထေ ပစ္စတ္တဝစနန္တိ အာဟ “**မဟတာ စာ**”တိ။
မဟဉ္စာတိ မဟတိယာ၊ လိင်္ဂဝိပလ္လာသဝသေန ဝုတ္တံ၊ မဟန္တေနာတိ ဝုတ္တံ
ဟောတိ။ တေနာဟ “**ရာဇာနုဘာဝေနာ**”တိ။ “**ဒွိန္ဒံ မဟာရဋ္ဌာနံ ဣဿရိယ-
သိရိ**”တိ အင်္ဂမဂဓရဋ္ဌာနံ အာမိပစ္စမာဟ။ အာသတ္တခဂ္ဂါနိတိ အံသေ ဩလမ္ပန-
ဝသေန သန္တဒ္ဓအသိနိ။ ကုလဘောဂဣဿရိယာဒိဝသေန မဟတိ မတ္တာ
ဧတေသန္တိ မဟာမတ္တာ၊ မဟာနဘာဝါ ရာဇပုရိသာ။ ဝိဇ္ဇာဓရတရဏာ
ဝိယာတိ ဝိဇ္ဇာဓရကုမာရာ ဝိယ။ ရဋ္ဌိယပုတ္တာတိ ဘောဇပုတ္တာ။ ဟတ္ထိသဋ္ဌာတိ
ဟတ္ထိသမူဟာ။ အညမညသဃ်ဋနာတိ အဝိစ္ဆေဒဝသေန ဂမနေန အညမည-
သမ္ပန္နာ။

ဝိတ္တုတြာသော သယံ ဘာယနဋ္ဌေန ဘယံ ယထာ တထာ ဘာယတိတိ
ကတွာ။ ဉာဏံ ဘာယိတဗ္ဗေ ဧဝ ဝတ္ထုသ္မိံ ဘယတော ဥပဋ္ဌိတေ “**ဘာယိတဗ္ဗ-
မိဒ**”န္တိ ဘယတောတိရဏတော ဘယံ။ တေနောဟ “**ဘယတုပဋ္ဌာနဉ္စာပန
ဘာယတိ နဘာယတိတိ? န ဘာယတိ။** တံဌိ အတိတာ သင်္ခါရာ နိရုဒ္ဓါ၊ ပစ္စုပ္ပန္နာ
နိရုဇ္ဈန္တိ၊ အနာဂတာ နိရုဇ္ဈိယန္တိတိ တိရဏမတ္တမေဝ ဟောတိ”တိ။

အာရမ္မဏံ ဘာယတိ တေသ္မာတိ ဘယံ။ ဩတ္တပ္ပံ ပါပတော ဘာယတိ
 တေနာတိ ဘယံ။ ဘယာနကန္တိ ဘာယနာကာရေ။ ဘယန္တိ ဉာဏဘယံ။
 သံဝေဂန္တိ သဟောတ္တပ္ပဉာဏံ။ သန္တာသန္တိ သဗ္ဗသော ဥဗ္ဗိဇ္ဇနံ။ ဘာယိတဗ္ဗဋ္ဌေန
 ဘယံ ဘိမဘာဝေန ဘေရဝန္တိ ဘယဘေရဝံ။ ဘိတဗ္ဗဝတ္ထု။ တေနာဟ
 “အာဂစ္ဆတိ”တိ။

ဘိရုံ ပသံသန္တိတိ ပါပတော ဘာယနတော ဥတ္တသနတော ဘိရုံ ပသံသန္တိ
 ပဏ္ဍိတာ။ န ဟိ တတ္ထ သူရန္တိ တသ္မိံ ပါပကရဏေ သူရံ ပဂပ္ပမံသိနံ န
 ဟိ ပသံသန္တိ။ တေနာဟ “ဘယာ ဟိ သန္တာ န ကရေန္တိ ပါပ”န္တိ။
 တတ္ထ ဘယာတိ ပါပုတြာသတော၊ ဩတ္တပ္ပဟေတူတိ အတ္ထော။ သရီရစလနန္တိ
 ဘယဝသေနသရီရသံကမ္မော။ ဧကေတိ ဥတ္တရဝိဟာရဝါသိနော။ “ရာဇဂဟေ”-
 တိအာဒိတေသံ အဓိပ္ပါယဝိဝရဏံ။ ကာမံ ဝယတုလျော “ဝယသော”တိ ဝုစ္ဆတိ၊
 ရုဗ္ဗိရေသော၊ ယော ကောစိ ပနသဟာယော ဝယသော၊ တသ္မာ ဝယသာ-
 ဘိလာပေါတိ သဟာယာဘိလာပေါ။ န ဝိပ္ပလန္တေသိတိ န ဝိသံဝါဒေသိ။
 ဝိနသေယျာတိ စိတ္တဝိဿာတေန ဝိဟညေယျ။

သာမညဗလပုစ္ဆာဝဏ္ဏနာ

၁၆၀။ ဘဂဝတော တေဇောတိ ဗုဒ္ဓါနုဘာဝေါ။ ရညော သရီရံ ဖရိ
 ယထာ တံ သောဏဒဏ္ဍဿ မြာဟ္မဏဿ ဘဂဝတော သန္တကံ ဂစ္ဆန္တဿ
 အန္တောဝနသဏ္ဍဂတဿ။ ဧကေတိ ဥတ္တရဝိဟာရဝါသိနော။

၁၆၁။ ယေန၊ တေနာတိ စ ဘုမ္မတ္ထေ ကရဏဝစနန္တိ အာဟ “ယတ္ထ
 ဘဂဝါ၊ တတ္ထ ဂတော”တိ။ တဒါ တသ္မိံ ဘိက္ခုသံဃေ တုဏှိဘာဝဿ
 အနဝသေသတော ဗျာပိဘာဝံ ဒဿေတုံ “တုဏှိဘူတံ တုဏှိဘူတ”န္တိ ဝုတ္တန္တိ
 အာဟ “ယတော ယတော ။ပ။ မေဝါတိ အတ္ထော”တိ။ ဟတ္ထဿ ကုက-
 တတ္တာ အသံယမော အသမ္ပဇညကိရိယာ ဟတ္ထကုက္ကုန္တိ ဝေဒိတဗ္ဗော။ ဝါ-
 သဒ္ဓေါ အဝုတ္တဝိကပ္ပတ္ထော၊ တေန တဒညော အသံယမဘာဝေါ ဝိဘာ-
 ဝိတောတိ ဒဋ္ဌဗ္ဗံ။ တတ္ထ ပန စက္ခုအသံယမော သဗ္ဗပဌမော၊ ဒုန္နိဝါရော စာတိ
 တဒဘာဝံ ဒဿေတုံ “သဗ္ဗာလင်္ကာရပဋိမဏ္ဍိတ”န္တိအာဒိ ဝုတ္တံ။ ကာယိက-
 ဝါစသိကေန ဥပသမေန လဒ္ဓေန ဣတရောပိ အနုမာနတော လဒ္ဓေါ ဝေ
 ဟောတိတိ အာဟ “မာနသိကေန စာ”တိ။ ဥပသမန္တိ သံယမံ၊ အာစာရ-
 သမ္ပတ္တိန္တိ အတ္ထော။ ပဉ္စပရိဝဇ္ဇေတိ ပဉ္စပရိသပရိဝဇ္ဇေ။ ပဉ္စဟာကာရေဟိတိ

“ဣဋ္ဌာနိဋ္ဌေ တာဒိ”တိ^၁ ဝေမာဒိနာ အာဂတေဟိ၊ ပဉ္စဝိမ္မအရိယိဒ္ဓိသိဒ္ဓေဟိ စ ပဉ္စဟိ ပကာရေဟိ။ တာဒိလက္ခဏေတိ တာဒိဘာဝေ။

၁၆၂။ န မေ ပဉ္စဝိဿန္ဓနေ ဘာရော အတ္တိတိ သတ္ထု သဗ္ဗတ္ထ အပ္ပင်္ဂဟတ-
ညဏစာရတာဒဿနံ။ ယဒါကင်္ခသီတိ န ဝဒန္တိ၊ ကထံ ပန ဝဒန္တိတိ အာဟ
“သုတ္တာ ဝေဒိဿာမာ”တိ ပဒေသညဏေ ဌိတတ္တာ။ ဗုဒ္ဓါ ပန သဗ္ဗညုပဝါရဏံ
ပဝါရေန္တိတိ သမ္ဗန္ဓော။ “ယက္ခနရိန္ဒဒေဝသမဏဗြာဟ္မဏပရိဗ္ဗာဇကောန”န္တိ
ဣဒံ “ပုစ္ဆာဝုသော ယဒါကင်္ခသီ”တိအာဒိနိ၊ သုတ္တပဒါနိ ပုစ္ဆန္တာနံ ယေသံ
ပုဂ္ဂလာနံဝသေန အာဂတာနိ၊ တံဒဿနတ္ထံ။ “ပုစ္ဆာဝုသော ယဒါကင်္ခသီ”တိ
ဣဒံ အာဠဝကဿ ယက္ခဿ ဩကာသကရဏံ၊ သေသာနိ နရိန္ဒာဒိနံ။
မနသိစ္ဆသီတိ မနသာ ဣစ္ဆသိ။ ပုစ္ဆေဝေါ၊ ယံ ကိဉ္စိ မနသိစ္ဆထာတိ ဗာဝရိဿ
သံသယံ မနသာ ပုစ္ဆေဝေါ။ တုမှာကံ ပန သဗ္ဗေသံ ယံ ကိဉ္စိ သဗ္ဗသံသယံ မနသာ၊
အညုထာ စ ယထာ ဣစ္ဆထ၊ တထာ ပုစ္ဆေဝေါတိ အဓိပ္ပာယ်ော။

သာရုပေါတိ သာဓုသဘာဝါ။ ဓမ္မောတိပဝေဏီဓမ္မော။ ဝုဒ္ဓန္တိ သီလာဒိဟိ
ဝုဒ္ဓိပ္ပတ္တံ၊ ဂရန္တိ အတ္ထော။ သေ ဘာရောတိ သေ သံသယူပစ္ဆေဒနသင်္ခါတော
ဘာရော၊ အာဂတော ဘာရော အဝဿံ အာဝဟိတဗ္ဗောတိ အဓိပ္ပာယ်ော။
ဥတ္တာ သယန္တိ ပရူပဒေသေန ဝိနာ သယမေဝ ဥတ္တာ။

သုရိရတေနာတိ ဧဝံနာမကေန ဗြာဟ္မဏေန။ တန္တိတိ ဧကံသေန။
ယထာပိ ကုသလော တထာတိ ယထာ သဗ္ဗဓမ္မကုသလော သဗ္ဗဝိဒူ ဇာနာတိ
ကထေတိ၊ တထာ အဟမက္ခိဿံ။ ရာဇာ စ ခေါ တံ ယဒိ ကာဟတိ ဝေါ န
ဝေါတိ ယော တံ ဣဓ ပုစ္ဆိတုံ ပေသေသိ၊ သော ရာဇာနံ တယာ ပုစ္ဆိတံ
ကရောတုဝါ မာဝါ၊ အဟံ ပန တေ အက္ခိဿံအက္ခိဿာမိ၊ အာစိက္ခိဿာမီတိ
အတ္ထော။

၁၆၃။ သိပ္ပနဋ္ဌေန၊ သိက္ခိတဗ္ဗတာယ စ သိပ္ပမေဝ သိပ္ပါယတနံ ဇိဝိကာယ
ကာရဏဘာဝတော။ သေယျထိဒန္တိ နိပါတော၊ တဿ တေ ကတမေတိ
အတ္ထော။ ပုထုသိပ္ပါယတနာနီတိ ဟိ သာဓာရဏတော သိပ္ပါနိ ဥဒ္ဓိသိတွာ
ဥပရိ တံတံသိပ္ပုပဇီဝိနော နိဒ္ဓိဋ္ဌာ ပုဂ္ဂလာဓိဋ္ဌာနကထာယ ပပဉ္စံ ပရိဟရိတုံ။
အညုထာ ယထာဓိပ္ပေတာနိ တာဝ သိပ္ပါယတနာနိ ဒေသေတွာ ပန တံတံ-
သိပ္ပုပဇီဝိသု ဒေသိယမာနေသု ပပဉ္စော သိယာတိ။ တေနာဟ “ဟတ္ထာ-
ရောဟာ”တိအာဒိ။

ဟတ္ထိ° အာရောဟန္တိ၊ အာရောဟာပယန္တိ စာတိ ဟတ္ထာရောဟာ။
 ယေဟိ ပယောဂေဟိ ပုရိသော ဟတ္ထိနော အာရောဟနယောဂေါ
 ဟောတိ။ ဟတ္ထိဿ တံ ပယောဂံ ဝိဓာယတံ သဗ္ဗေသဗ္ဗေတေသံ ဂဟဏံ။
 တေနာဟ “သဗ္ဗေဝီ”တိအာဒိ။ တတ္ထ ဟတ္ထာစရိယာ နာမ ယေ ဟတ္ထိနော
 ဟတ္ထာရောဟကာနန္တ သိက္ခာပကာ။ ဟတ္ထိဝေဇ္ဇာ နာမ ဟတ္ထိဘိသက္ကာ။
 ဟတ္ထိမေဏ္ဍာ နာမ ဟတ္ထိနံ ပါဒရက္ခကာ။ အာဒိ-သဒ္ဓေန ဟတ္ထိနံ ယဝသဒါယ-
 ကာဒိကေ သင်္ဂဏှာတိ။ အဿာရောဟာ ရထိကာတိ ဧတ္ထာပိ ဧသေဝ နယော။
 ရထေ နိယုတ္တာ ရထိကာ။ ရထရက္ခာ နာမ ရထဿ အာဏိရက္ခကာ။ ဓနံ
 ဂဏှန္တိ၊ ဂဏှာပေန္တိ စာတိ ဓနုဂ္ဂဟာ၊ ဣဿာသာ၊ ဓနုသိပ္ပဿ သိက္ခာပကာ
 စ။ တေနာဟ “ဓနုအာစရိယာ ဣဿာသာ”တိ။ စေလေန စေလပဋ္ဌာကာယ
 ယုဒ္ဓေ အကန္တိ ဂစ္ဆန္တိတိ စေလကာတိ အာဟ “ယေ ယုဒ္ဓေ ဇယဇံ ဂဟေ-
 တွာ ပုရတော ဂစ္ဆန္တိ”တိ။ ယထာ တထာ ဌိတေ သေနိကေ ဗျူဟကရဏ-
 ဝသေန တဘောစလယန္တိ ဥစ္စာလေန္တိတိ စလကာ။ သကုဏှိအာဒယော ဝိယ
 မံသပိဏှံ ပရသေနာသမူဟံ သာဟသိကမဟာယောတောယ ဆေတွာ ဆေတွာ
 ဒယန္တိ ဥပ္ပတိတွာ ဥပ္ပတိတွာ ဂစ္ဆန္တိတိ ပိဏှာဒါယကာ၊ ဒုတိယဝိကပ္ပေ ပိဏှော
 ဒယန္တိ ဇနသမ္ပဒေ ဥပ္ပတန္တာ ဝိယ ဂစ္ဆန္တိတိ ပိဏှာဒါယကာတိ အတ္ထော
 ဝေဒိတဗ္ဗော။ ဥဂ္ဂတုဂ္ဂတာတိ ထာမဇဝပရက္ခမာဒိဝသေန အတိဝိယ ဥဂ္ဂတာ
 ဥဂ္ဂါတိ အတ္ထော။ ပက္ခန္တိတိ အတ္ထနော ဝီရသူရဘာဝေန၊ အသဇ္ဇမာနာ
 ပရသေနံ အနုပဝိသန္တိတိ အတ္ထော။ ထာမဇဝဗလပရက္ခမာဒိသမ္ပတ္တိယာ မဟာ-
 နာဂါ ဝိယ မဟာနာဂါ။ ကေန္တသူရာတိ° ကောက်သူရာ အတ္ထနော
 သူရဘာဝေနဝ ကောက်နော ဟုတွာ ယုဇ္ဈနကာ။ သဇာလိကာတိ သဝဋ္ဌိကာ။
 သရပရိတ္တာဏစမ္ပန္တိ စမ္ပပရိသိဗ္ဗိတံ ခေဋ္ဌကံ၊ စမ္ပမယံ ဝါ ဖလကံ။ သရဒါသ-
 ယောဓာတိ အန္တောဇာတယောဓာ။

အာဠာရံ ဝုစ္စတိ မဟာနသံ၊ တတ္ထ နိယုတ္တာတိ အာဠာရိကာ၊ ဘတ္ထကာရာ။
 ပူဝိကာဘိ ပူဝသမ္ပာဒကာ၊ ယေ ပူဝမေဝ နာနပ္ပကာရတော သမ္ပာဒေတွာ
 ဝိက္ခိဏန္တာ ဇီဝန္တိ။ ကေသနခလိခနာဒိဝသေန မနုဿာနံ အလင်္ကာရဝိမိ°
 ကပ္ပေန္တိ သံဝိဒဟန္တိတိ ကပ္ပကာ။ နာပကာတိ စုဏ္ဏဝိလေပနာဒိဟိ မလဟ-
 ရဏဝတ္ထသမ္ပာဒနဝိမိနာ နာပေန္တိတိ နာပကာ။ နဝန္တာဒိဝိမိနာ ပဝတ္ထော
 ဂဏနဂန္တော အန္တရာ ဆိဒ္ဓါဘာဝေန အတ္ထိဒ္ဓကောတိ ဝုစ္စတိ၊ တံ ဂဏနံ
 ဥပနိဿာယ ဇီဝန္တာ အတ္ထိဒ္ဓကပါဌကာ။ ဟတ္ထေန အဓိပ္ပါယဝိညာပနံ

ဟတ္ထမုဒ္ဒါ၊ ဟံတ္ထ-သဒ္ဓေါ စေတ္ထ တဒေကဒေသေသု အင်္ဂုလီသု ဒဠဗ္ဗော “န ဘုဇ္ဇမာနော သဗ္ဗံ ဟတ္ထံ မုခေ ပက္ခိပိဿာမိ”တိအာဒိသု ဝိယ၊ တသ္မာ အင်္ဂုလိ- သင်္ကောစနာဒိနာ ဂဏနာ ဟတ္ထမုဒ္ဒါယ ဂဏနာ။ စိတ္တကာရာဒိနိတိ အာဒိ-သဒ္ဓေန ဘမကာရကောဇ္ဇကလေခကဝိလိဝကာရာဒိနံ သင်္ဂဟော ဒဠဗ္ဗော။ ဒိဋ္ဌေဝ ဓမ္မေတိ ဣမသ္မိယေဝ အတ္တဘာဝေ။ သန္တိန္ဒြိကမေဝါတိ အသမ္ပရာယိကတာယ သာမံ ဒဠဗ္ဗံ၊ သယံ အနုဘဝိတဗ္ဗံ အတ္တပစ္စက္ခံ ဒိဋ္ဌဓမ္မိကန္တိ အတ္ထော။ သုခိတန္တိ သုခပ္ပတ္တံ။ ဥပရီတိ ဒေဝလောကေ။ သော ဟိ မနုဿ- လောကတော ဥပရိမော။ ကမ္မဿ ကတတ္တာ နိဗ္ဗတ္တနတော တဿ ဖလံ တဿ အဂ္ဂိသိခါ ဝိယ ဟောတိ၊ တဉ္စ ဥဒ္ဓံ ဒေဝလောကေတိ အာဟ “ဥဒ္ဓံ အဂ္ဂမဿာ အတ္ထိတိ ဥဒ္ဓဂ္ဂိကာ”တိ။ သဂ္ဂံ အရဟတိတိ အတ္တနော ဖလဘူတံ သဂ္ဂံ အရဟတိ၊ တတ္ထ သာ နိဗ္ဗတ္တနာရဟတိ အတ္ထော။ သုခဝိပါကာတိ ဣဋ္ဌဝိပါကဝိပစ္စနိကာ။ သုဒ္ဓါ အဂ္ဂေတိ အဘိဝိယ ဥတ္တမေ ဥဠာရေ။ ဒက္ခန္တိ ဝဇုန္တိ တောယာတိ ဒက္ခိကာ၊ ပရိစ္စာဂမယံ ပုညန္တိ အာဟ “ဒက္ခိဏံ ဒါန”န္တိ။

မဂ္ဂေါ သာမညံ သမိတပါပသမဏဘာဝေါတိ ကတွာ။ ယသ္မာ အယံ ရာဇာ ပဗ္ဗဇိတာနံ ဒါသကဿကာဒိနံ လောကတော အဘိဝါဒနာဒိလာဘော သန္တိဋ္ဌိကံ သာမညဗလန္တိ စိန္နေတွာ “အတ္ထိ နု ခေါ ကောစိ သမဏော ဝါ မြာဟ္မဏော ဝါ ဤဒိသမတ္ထံ ဇာနန္တော”တိဝိမံသန္တော ပူရဏာဒိကေပုစ္ဆိတွာ တေသံ ကထာယ အနာရာမိတစိတ္တော ဘဂဝန္တမ္ပိ တမတ္ထံ ပုစ္ဆိ၊ တသ္မာ ဝုတ္တံ “ဥပရိ အာဂတံ ပန ဒါသကဿကောပမံ သန္ဓာယ ပုစ္ဆိတိ”တိ။

ကဏ္ဍပက္ခန္တိ ယထာပုစ္ဆိတေ အတ္ထေ လဗ္ဘမာနံ ဒိဋ္ဌိဂတူပသဉ္စိတံ သံကိလေ- သပက္ခံ။ သုတ္တပက္ခန္တိ တဗ္ဗိရရံ ဥပရိသုတ္တာဂတံ ဝေါဒါနပက္ခံ။ သမဏ- ကောလာဟလန္တိ သမဏကောတူဟလံ တံတံသမဏဝါဒါနံ အညမညဝိရောဓံ။ သမဏဘဏ္ဍာနန္တိ တေနော ဝိရောဓေန “ဧဝံဝါဒိနံ တေသံ သမဏမြာဟ္မဏာနံ အယံ ဒေါသော၊ ဧဝံဝါဒိနံ အယံ ဒေါသော”တိ ဧဝံ တံတံဝါဒဿ ပရိ- ဘာသနံ။ ရညော ဘာရံ ကရောန္တော အတ္တနော ဒေသနာကောသလ္လေနာတိ အဓိပ္ပာယော။

၁၆၄။ ပဏ္ဍိတပတိဂ္ဂပကာနန္တိ အာမံ ဝိယ ပက္ကာနံ ပဏ္ဍိတာဘာသာနံ။

ပူရဏကဿပဝါဒဝဏ္ဏနာ

၁၆၅။ ကေမိဒါဟန္တိ ဧကံ အဟံ၊ ဣမ-သဒ္ဓေါ စေတ္ထ နိပါတမတ္တံ၊ ဧကံ အဟံ သမယန္တိစ္စေဝ အတ္ထော။ သရိတဗ္ဗယုတ္တန္တိ အနုဿရဏာနုစ္ဆရိကံ။

၁၆၆။ သဟတ္တာ ကရေန္တဿာတိ သဟတ္ထေနဝ ကရေန္တဿ။ နိဿဂ္ဂိယထာဝရာဒယောပိ ဣမ သဟတ္ထကရဏေနပ သင်္ဂဟိတာ။ ဟတ္တာဒိနိတိဟတ္ထပါဒကဏ္ဍနာသာဒိနိ။ ပစနံ ဒဟနံ ဝိဗာဓနန္တိ အာဟ “ဒဏ္ဍေန ဥပ္ပိဋ္ဌေန္တဿာ”တိ။ ပပဉ္စသုဒ္ဓနိယံ “တဇ္ဇေန္တဿ ဝါ”တိ အတ္ထော ဝုတ္ထော၊ ဣမ ပန တဇ္ဇနံ ပရိဘာသနံ ဒဏ္ဍေနဝ သင်္ဂဟေတွာ “ဒဏ္ဍေန ဥပ္ပိဋ္ဌေန္တဿ” ဣစ္စေဝ ဝုတ္တံ။ သောကံ သယံ ကရေန္တဿာတိ ပရဿ သောကကာရဏံ သယံ ကရေန္တဿ၊ သောကံ ဝါ ဥပ္ပါဒေန္တဿ။ ပရေဟိတိ အတ္တနော ဝစနကရေဟိ။ သယမ္ပိ ဖန္ဒတောတိ ပရဿ ဝိဗာဓနပယောဂေန သယမ္ပိ ဖန္ဒတော။ “အတိ-ပါတာပယတော”တိ ပဒံ သုဒ္ဓကတ္ထု၊ အတ္ထေ ဟေတုကတ္ထု၊ အတ္ထေ စ ဝတ္တတိတိ အာဟ “ဟနန္တဿာပိ ဟနာပေန္တဿာပိ”တိ။ ကာရဏဝသေနာတိ ကာရာ-ပနဝသေန။

သရဿ ဘိတ္တိ အန္တော၊ ဗဟိ စ သန္နိတာ ဟုတွာ ဌိတာ သရသန္နိ။ ကိဉ္စိပိ အသေသေတွာ နိရဝသေသော လောပေါ နိလ္လောပေါ။ ကောဂါရေ နိယုတ္တော ဝိလောပေါ ကောဂါရိကော။ ပရိတော သဗ္ဗသော ပန္တေ ဟနနံ ပရိပန္တော။ ပါပံ န ကရိယတိ ပုဗ္ဗေ အသညတော ဥပ္ပါဒေတုံ သက္ကုဏေယျတ္တာ၊ တသ္မာ နတ္ထိ ပါပံ။ ယဒိ ဧဝံ ကထံ သတ္တာ ပါပေ ပဋိပဇ္ဇန္တိတိ အာဟ “သတ္တာ ပန ပါပံ ကရေမာတိ ဧဝံသညိနော ဟောန္တိ”တိ။ ဧဝံ ကိရဿ ဟောတိ—ဣမေသဉ္စိ သတ္တာနံ ဟိ သာဒိကရိယာ န အတ္တာနံ ဖုသတိ တဿ နိစ္စတာယ နိဗ္ဗိကာရတ္တာ၊ သရိရံ ပန အစေတနံ ကဋ္ဌကလိင်္ဂရူပမံ၊ တသ္မိံ ဝိကောပိတေပိ န ကိဉ္စိ ပါပန္တိ။ ခုရနေမိနာတိ နိသိတခုရမယနေမိနာ။

ဂင်္ဂါယ ဒက္ခိဏာ ဒိသာ အပ္ပတိရူပဒေသော၊ ဥတ္တရာ ဒိသာ ပတိရူပဒေသောတိ အဓိပ္ပါယေန “ဒက္ခိဏံ စေ”တိအာဒိ ဝုတ္တန္တိ အာဟ “ဒက္ခိဏတိရေ မနုဿာ ကက္ခဋာ”တိအာဒိ။ မဟာယာဂန္တိ မဟာဝိဇိတယညသဒိသံ မဟာယာဂံ။ ဥပေါသထကမ္ပေန ဝါတိ ဥပေါသထကမ္ပေန စ။ ဒမ-သဒ္ဓေါ ဟိ ဣန္ဒြိယသံဝရဿ ဥပေါသထသီလဿ စ ဝါစကော ဣဓာမိပ္ပေတော။ ကေမိ ပန “ဥပေါသထကမ္ပေနာ”တိ ဣဒံ ဣန္ဒြိယဒမနဿ ဝိသေသနံ၊ တသ္မာ ‘ဥပေါသထကမ္ပဘူတေန ဣန္ဒြိယဒမနေနာ’တိ” အတ္ထံ ဝဒန္တိ။ သီလသံယမေနာတိ

ကာယိကဝါစသိကသံဝရေန။ သစ္စဝဇ္ဇေနာတိ သစ္စဝါစာယ၊ တဿာ ဝိသုံ
 ဝစနံ လောကေ ဂရုတရပုညသမ္ပတဘာဝတော။ ယထာ ဟိ ပါပဓမ္မေသု
 မုသာဝါဒေါ ဂရ၊ ဧဝံ ပုညဓမ္မေသု သစ္စဝါစာ။ တေနာဟ ဘဂဝါ “ကေဓမ္မံ
 အတိတဿာ”တိအာဒိ။ ပဝတ္တိတိ ယော “ကရောတိ”တိ ဝုစ္စတိ၊ တဿ
 သန္တာနေ ဖလုပ္ပတ္တိပစ္စယဘာဝေန ဥပ္ပတ္တိ။ သဗ္ဗထာတိ “ကရောတော”တိ-
 အာဒိနာ ဝုတ္တေန သဗ္ဗပ္ပကာရေန။ ကိရိယမေဝ ပဋိက္ခိပတိ၊ န ရညာ ပုဋ္ဌံ
 သန္တိဋ္ဌိကံ သာမညဗလံ ဗျာကရောတိတိ အဓိပ္ပါယော။ ဣဒံ အဝဇာရဏံ
 ဝိပါကပဋိက္ခေပနိဝတ္တနတ္ထံ။ ယော ဟိ ကမ္မံ ပဋိက္ခိပတိ၊ တေန အတ္ထတော
 ဝိပါကောပိ ပဋိက္ခိတ္တော ဧဝ နာမ ဟောတိ။ တထာ ဟိ ဝက္ခတိ “ကမ္မံ
 ပဋိဗာဟန္တေနာပိ”တိအာဒိ။

ပဋိရာဇူဟိ အနတ္တဘဝနိယဘာဝေန ဝိသေသတော ဇိတန္တိ ဝိဇိတံ၊
 အာဏာပဝတ္တိဒေသော။ “မာ မယံ ဝိဇိတေ ဝသထာ”တိ အပသာဒနာ
 ပဗ္ဗဇိတဿ ဝိဟေဌနာ ပဗ္ဗာဇနာတိ ကတွာ ဝုတ္တံ “အပသာဒေတဗ္ဗန္တိ
 ဝိဟေဌေတဗ္ဗ”န္တိ။ ဥဂ္ဂဏှနံ တေန ဝုတ္တဿ အတ္တဿ “ဝေမေတ”န္တိ ဥပဇာရဏံ
 သလ္လက္ခဏံ၊ နိကုဇ္ဇနံ တဿ အဒ္ဓနိယဘာဝါပါဒနဝသေန စိတ္တေန သန္တာရဏံ၊
 တဒုဘယံ ပဋိက္ခိပန္တော အာဟ “အနုဂ္ဂဏှန္တော အနိကုဇ္ဇန္တော”တိ။ တေနာဟ
 “သာရဝသေန အဂ္ဂဏှန္တော”တိအာဒိ။

မက္ခလိဂေါသာလဝါဒဝတ္ထုနာ

၁၆၈။ ဥဘယေနာတိ ဟေတုပစ္စယပဋိသေခနဝစနေန။ သံကိလေသ-
 ပစ္စယန္တိ သံကိလိဿနဿ မလိနဘာဝဿ ကာရဏံ။ ဝိသုဒ္ဓိပစ္စယန္တိ သံကိလေ-
 သတော ဝိသုဒ္ဓိယာ ဝေါဒါနဿ ကာရဏံ။ အတ္တကာရောတိ တေန တေန
 သတ္တေန အတ္တနာ ကာတဗ္ဗကမ္မံ အတ္တနာ နိပ္ပါဒေတဗ္ဗပယောဂေါ။ ပရကာရန္တိ
 ပရဿ ဝါဟသာ၊ ဣဇ္ဈနကပယောဇနံ။ တေနာဟ “ယေနာ”တိအာဒိ။
 မဟာသတ္တန္တိ အန္တိမဘဝိကမဟာဗောဓိသတ္တံ၊ ပစ္စေကဗောဓိသတ္တဿပိ ဧတ္ထေဝ
 သင်္ဂဟော ဝေဒိတဗ္ဗော။ မနုဿသောဘဂူတန္တိ မနုဿေသု သုဘဂဘာဝံ။
 ဧဝန္တိ ဝုတ္တပ္ပကာရေန။ ကမ္မဝါဒဿ ကိရိယဝါဒဿ ပဋိက္ခိပနေန
 “အတ္ထိ ဘိက္ခဝေ ကမ္မံ ကဏှံ ကဏှဝိပါက”န္တိအာဒိ၊ နယပ္ပဝတ္တေ ဇိနစက္ကေ
 ပဟာရံ ဒေတိ နာမ။ နတ္ထိ ပုရိသကာရေတိ ယထာဝုတ္တအတ္တကာရပရကာရာ-
 ဘာဝတော ဧဝ သတ္တာနံ ပစ္စတ္တပုရိသကာရော နာမ ကောမိ နတ္ထိတိ အတ္ထော။

၁-၃ ၁-၂၁၇-ပိဋေ ဣတိဝုတ္တကေ။	၂-ဒီ-၄ ၁-၁၅၀-ပိဋေ။
၃-ဝါယမေန (က)	၄-အံ ၁-၅၅၃-ပိဋေ။

တေနာဟ “ယေနာ” တိအာဒိ။ နတ္ထိ ဗလန္တိ သတ္တာနံ ဒိဋ္ဌဓမ္မိကသမ္ပရာယိက-
 နိဗ္ဗာနသမ္ပတ္တိအာဝဟံ ဗလံ နာမ ကိဉ္စ နတ္ထိ။ တေနာဟ “ယဒ္ဓိ” တိအာဒိ။
 နိဒဿနမတ္ထုဉ္စေတံ၊ သံကိလေသိကမ္ပိ စာယံ ဗလံ ပဋိက္ခိပတေဝ။ ယဒ္ဓိ
 ဝီရိယာဒိနိ ပုရိသကာရဝေဝစနာနိ၊ ကသ္မာ ဝိသုံ ဂဟဏန္တိ အာဟ “ဣဒံ နော
 ဝီရိယေနာ” တိအာဒိ။ သဒ္ဓတ္ထတော ပန တဿာ တဿာ ကိရိယာယ
 ဥဿန္တဋ္ဌေန ဗလံ။ သူရဝီရဘာဝါဝဟဋ္ဌေန ဝီရိယံ။ တဒေဝ ဒဋ္ဌဘာဝတော၊
 ပေါရိသဓုရံ ဝဟန္တေန ပဝတ္တေတဗ္ဗတော စ ပုရိသဏာမော။ ပရံ ပရံ ဌာနံ
 အက္ကမနပ္ပဝတ္တိယာ ပုရိသပရက္ကမောတိ ဝုတ္တောတိ ဝေဒိတဗ္ဗံ။

သတ္တယောဂတော ရူပါဒိသု သတ္တဝိသတ္တတာယ သတ္တာ။ ပါဏနတော
 အဿသနပဿသနဝသေန ပဝတ္တိယာ ဗါဏာ။ တေ ပန သော ဧကိန္ဒြိယာဒိ-
 ဝသေန ဝိဘဇိတွာ ဝဒတိတိ အာဟ “ဧကိန္ဒြိယော” တိအာဒိ။ အဏ္ဏကောသာ-
 ဒိသု ဘဝနတော “ဘူတာ” တိ ဝုစ္စန္တိတိ အာဟ “အဏ္ဏကောသ။ ပ။ ဝဒတိ” တိ။
 ဇီဝနတော ပါဏံ ဓာရေန္တာ ဝိယ ဝဗုနတော ဇီဝါ။ တေနာဟ “သာလိယ-
 ဝါ” တိအာဒိ။ နတ္ထိ ဧတေသံ သံကိလေသဝိသုဒ္ဓိသု ဝသောတိ အဝသာ။ နတ္ထိ
 နေသံ ဗလံ ဝီရိယဉ္စာတိ အဗလာ အဝီရိယာ။ နိယတာတိ အစ္ဆေဇ္ဇသုတ္တာ-
 ဝုတာဘေဇ္ဇမဏိနော ဝိယ နိယတပ္ပဝတ္တိတာယ ဂဘိဇာတိဗန္ဓာပဝဂ္ဂဝသေန
 နိယာမော။ တတ္ထ တတ္ထ ဂမနန္တိ ဆန္တံ အဘိဇာတိနံ တာသု တာသု ဂတိသု
 ဥပဂမနံ သမဝါယေန သမာဂမော။ သဘာဝေါယေဝါတိ ယထာ ကဏ္ဍ-
 ကဿ တိဒိဏတာ၊ ကပ္ပိတ္ထဖလာနံ ပရိမဏ္ဍလတာ၊ မိဂပက္ခိနံ ဝိစိတ္တာကာရတာ၊
 ဧဝံ သဗ္ဗဿာပိ လောကဿ ဟေတုပစ္စယေန ဝိနာ တထာ တထာ ပရိဏာမော
 သယံ သဘာဝေါ ဧဝ အကိတ္တိမောယေဝံ။ တေနာဟ “ယေန ဟိ” တိအာဒိ။
 ဆဋ္ဌာဘိဇာတိယော ပရတော ဝိတ္တာရိယန္တိ။ “သုခဉ္စ ဒုက္ခဉ္စ ပဋိသံ-
 ဝေဒေန္တိ” တိ ဝဒန္တော အဒုက္ခမသုခဘူမိံ သဗ္ဗေန သဗ္ဗံ န ဇာနာတိတိ
 ဥလ္လိဂံန္တော “အညာ အဒုက္ခမသုခဘူမိ နတ္ထိတိ ဒဿေတိ” တိ အာဟ။

ပမုခယောနိနန္တိ မနုဿတိရစ္ဆာနာဒိသု ခတ္တိယဗြာဟ္မဏာဒိသိဟဗျုပ္ပါဒိ-
 ဝသေန ပခာနယောနိနံ။ သန္တိသတာနိတိ ဆသဟဿာနိ။ “ပဉ္စ စ ကမ္မုနော
 သတာနိ” တိ ပဒဿ အတ္ထဒဿနံ “ပဉ္စကမ္မသတာနိ စာ” တိ။ “သေဝ
 နယော” တိ ဣမိနာ “ကေဝလံ တက္ကမတ္တကေန နိရတ္ထကံ ဒိဋ္ဌိံ ဒိပေတိ” တိ
 ဣမမေဝတ္ထံ အတိဒိသတိ။ ဧတ္ထ စ “တက္ကမတ္တကေနာ” တိ ဣမိနာ ယသ္မာ
 တတ္တိကာ နိရင်္ဂသတာယ ပရိကပ္ပနဿ ယံ ကိဉ္စ အတ္တနော ပရိကပ္ပိတံ

သာရတော မညမာနာ တထေဝ အဘိနိဝိဿံ တက္ကဒိဋ္ဌိဂါဟံ ဂဏှန္တိ၊ တသ္မာန တေသံ ဒိဋ္ဌိဝတ္ထုသ္မိံ ဝိညူဟိ ဝိစာရဏာ ကာတဗ္ဗာတိ ဒဿေတိ။ ကေစိတိ ဥတ္တရဝိဟာရဝါသိနော။ တေ ဟိ “ပဉ္စ ကမ္မာနိ”တိ စက္ခုသောတဃာနဇိဝှိ-
 ကာယာ ဣမာနိ ပဉ္စန္ဒြိယာနိ ‘ပဉ္စ ကမ္မာနိ’တိ ပညာပေန္တိ”တိ ဝဒန္တိ။ ကမ္မန္တိ လန္တိတိ ဩဋ္ဌာရိကဘာဝတော ပရိပုဏ္ဏကမ္မန္တိ လန္တိ။ မနောကမ္မံ အနောဋ္ဌာရိ-
 ကတ္တာ ဥပဗုဒ္ဓကမ္မန္တိ လန္တိတိ ယောဇနာ။ ဒုဋ္ဌိပဋိပဒါတိ “ဒွါသဋ္ဌိ ပဋိပဒါ”တိ ဝတ္ထဗ္ဗေ သဘာဝနိရုတ္တိံ အဇာနန္တော “ဒုဋ္ဌိပဋိပဒါ”တိ ဝဒတိ။ ကေသ္မိံ ကပ္ပေတိ ကေသ္မိံ မဟာကပ္ပေ၊ တတ္ထာပိ စ ဝိဝနုဋ္ဌာယီသညိတေ ကေသ္မိံ အသင်္ချေယျကပ္ပေ။

ဥရဗ္ဗေ ဟနန္တိတိ ဩရန္တိကာ။ ဧဝံ သူကရိကာဒယော ဝေဒိတဗ္ဗာ။ လုဒ္ဓါတိ အညေဝိ ယေ ကေစိ မာဂဝိကနေသာဒါ။ တေ ပါပကမ္မပသုတ-
 တာယ “ကဏ္ဍာဘိဇာတိ”တိ ဝဒတိ။ ဘိက္ခုတိ ဗုဒ္ဓသာသနေ ဘိက္ခု။ တေ ကိရ “သဆန္ဒရာဂါ ပရိဘုဉ္ဇန္တိ”တိ အဓိပ္ပါယေန “စတူသု ပစ္စယေသု ကဏ္ဍကေ ပက္ခိပိတွာ ခါဒန္တိ”တိ ဝဒတိ။ ကသ္မာတိ စေ? ယသ္မာ “တေ ပဏီတပဏီတေ ပစ္စယေ ပဋိသေဝန္တိ”တိ တဿ မိစ္ဆာဂါဟော၊ တသ္မာ ဉာယလဒ္ဓေဝိ ပစ္စယေ ဘုဉ္ဇမာနာ အာဇီဝကသမယဿ ဝိလောမဂါဟိတာယ ပစ္စယေသု ကဏ္ဍကေ ပက္ခိပိတွာ ခါဒန္တိ နာမာတိ ဝဒတိတိ အပရေ။ ကေ ပဗ္ဗဇိတာယေ သဝိသေသံ အတ္တကိလမထာနယောဂံ အနုယုတ္တာ။ တထာ ဟိ တေ ကဏ္ဍကေ ဝတ္ထန္တာ ဝိယ ဟောန္တိတိ “ကဏ္ဍကရုတ္တိကာ”တိ ဝုတ္တာ။ ဌတွာ ဘုဉ္ဇနနဟာနပဋိက္ခေ-
 ပါဒိဝတသမာယောဂေန ပဏ္ဍရတရာ။ “အဓေလကသာဝကာ”တိ အာဇီဝက-
 သာဝကေ ဝဒတိ။ တေ ကိရ အာဇီဝကလဒ္ဓိယာ ဝိသုဒ္ဓစိတ္တတာယ နိဂဏ္ဌေဟိပိ ပဏ္ဍရတရာ။ နန္ဒာဒယော ဟိ တထာရူပံ အာဇီဝကပဋိပတ္တိံ ဥက္ကံသံ ပါပေတွာ ဌိတာ။ တသ္မာ နိဂဏ္ဌေဟိ အာဇီဝကသာဝကေဟိ စ ပဏ္ဍရတရာ ပရမသုက္ကာ-
 ဘိဇာတိတိ အယံ တဿ လဒ္ဓိ။

ပုရိသဘူမိယောတိ ပဓာနပုဂ္ဂလေန နိဒ္ဒေသော။ ဣတ္ထိနမိ တာ ဘူမိယော ဣစ္ဆန္တေဝ။ “ဘိက္ခု စ ပန္နကော”တိအာဒိ တေသံ ပါဠိယေဝ။ တတ္ထ ပန္နကောတိ ဘိက္ခာယ ဝိစရဏကော၊ တေသံ ဝါ ပဋိပတ္တိယာ ပဋိပန္နကော။ ဇိနောတိ ဇိဏ္ဏော ဇရာဝသေန ဟိနဓာတုကော၊ အတ္တနော ဝါ ပဋိပတ္တိယာ ပဋိပက္ခိ ဇိနိတွာ ဌိတော။ သော ကိရ တထာဘူတော ဓမ္မမ္ပိ ကဿစိ န ကထေသိ။ တေနာဟ “န ကိဉ္စိ အာဟာ”တိ။ ဩဋ္ဌဝဒနာဒိဝိပ္ပကာရေ ကုတေပိ ခမန-
 ဝသေန န ကိဉ္စိ ဝဒတိတိပိ ဝဒန္တိ။ အလာဘိန္တိ “သော န ကုန္တိမုခါ

ပဋိဂ္ဂဏှာတိ”တိအာဒိနာ^၁ နယေန ဝုတ္တအလာဘဟေတုသမာယောဂေန အလာဘိ^၂၊ တတောယေဝ ဇိဃန္တောဒုဗ္ဗလပရေတတာယ သယနပရာယနံ “သမဏံ ပန္နဘူမိ”တိ ဝဒတိ။

အာဇိဝုတ္တိသတနီတိ သတ္တာနံ အာဇိဝဘူတာနိ ဇိဝိကာဝုတ္တိသတနီ။ ပသုဂ္ဂဟဏေန ဇဠကဇာတိ ဂဟိတာ၊ မိဂ္ဂဟဏေန ရုရဂဝယာဒိသဗ္ဗ-မိဂဇာတိ။ ဗဟူ ဒေဝါတိ စာတုမဟာရာဇိကာဒိဗြဟ္မကာယိကာဒိဝသေန၊ တေသံ အန္တရဘေဒဝသေန ဗဟူ ဒေဝါ။ တတ္ထ စာတုမဟာရာဇိကာနံ ကေစ္စဘေဒေါမဟာသမယသုတ္တဝသေန^၂ ဒီပေတဗ္ဗော။ မနုဿာပိ အနန္တဘူတိ ဒီပဒေသကုလဝံသာဇိဝါဒိဝိဘာဂဝသေန မနုဿာပိ အနန္တဘေဒါ။ ပိသာစာ ဧဝ ပေသာစာ။ တေ အပရပေတာဒယော မဟန္တမဟန္တာ။ ဆဒ္ဒန္တဒဟ-မန္တာကိနိယော ကုဝါဠိယမုစလိန္ဒနာမေန^၃ ဝဒတိ။

ပဝုဋ္ဌာတိ ပဗ္ဗဂဏှိကာ။ ပဏှိတောပိ။ ပ။ ဥန္တံ န ဂစ္ဆတိ၊ ကသ္မာ? သတ္တာနံ သံသရဏကာလဿ နိယတဘာဝတော။ အပရိပက္ခံ သံသရဏ-နိမိတ္တံ သီလာဒိနာ ပရိပါစေတိ နာမ သိဃံယေဝ ဝိသုဒ္ဓိပ္ပတ္တိယာ။ ပရိပက္ခံ ကမ္မံ ဖုဿ ဖုဿ ပတွာ ပတွာ ကာလေန ပရိပက္ခဘာဝါနာပါဒနေန ဗျန္တိ^၄ ကရေတိ နာမ။

သုတ္တုဇဠေတိ သုတ္တဝဋ္ဋိယံ။ “နိဗ္ဗေဒိယမာနမေဝ ပလေတိ”တိ ဥပမာယ သတ္တာနံ သံသာရော အနုက္ကမေန ဝိယတေဝ၊ န တဿ ဝနုတိတိ ဒဿေတိ ပရိစ္ဆိန္နရူပတ္တာ။

အဇိတကေသကမ္မလင်္ခဝတ္ထုနာ

၁၇၁။ ဒိန္နန္တိ ဒေယျဓမ္မသီသေန ဒါနံ ဝုတ္တန္တိ အာဟ “ဒိန္နဿ ဖလာ-ဘာဝံ ဝဒတိ”တိ၊ ဒိန္နံ ပန အန္တာဒိဝတ္ထု ကထံ ပဋိက္ခိပတိ။ ဧသေဝ နယော ယိဋ္ဌ ဟုတန္တိ ဧတ္ထာပိ။ မဟာယာဂေါတိ သဗ္ဗသာဓာရဏံ မဟာဒါနံ။ ပါဟုနက-သက္ကာရေတိ^၄ ပါဟုနဘာဝေန ကာတဗ္ဗသက္ကာရော။ ဖလန္တိ အာနိသံသဖလံ၊ နိဿန္တဖလဉ္စ။ ဝိပါကောတိ သဒိသဖလံ။ ပရလောကေ ဌိတဿ အယံ လော-ကော နန္တိတိ ပရလောကေ ဌိတဿ ကမ္မုနာ လဒ္ဓဗ္ဗော အယံ လောကော န ဟောတိ။ ဣဝလောကေ ဌိတဿာပိ ပရလောကော နန္တိတိ ဣဝလောကေ ဌိတဿ ကမ္မုနာ လဒ္ဓဗ္ဗော ပရလောကော န ဟောတိ။ တတ္ထ ကာရဏမာဟ

၁-ဒီ ၁-၁၅၇-ပိဋေ။ ၂-ဒီ ၂-၂၀၃-ပိဋေ။
၃-ကတဠိယမုစလိန္ဒနာမေန (က) ၄-ပဟောနကသက္ကာရေတိ (ဗဟုသု)
ဒီ-ဒီ ၁-၁၅-န-ဗု-သ

“သဗ္ဗေ တတ္ထ တတ္ထေဝ ဥစ္ဆိဇန္တိ”တိ၊ ဣမေ သတ္တာ ယတ္ထ ယတ္ထ ဘဝေ၊
 ယောနိအာဒိသု စ ဌိတာ၊ တတ္ထ တတ္ထေဝ ဥစ္ဆိဇန္တိ နိရုဒယဝိနာသဝသေန
 ဝိနဿန္တိ။ ဖလာဘာဝဝသေနာတိ မာတာပိတုသု သမ္မာပဋိပတ္တိမိစ္ဆာပဋိပတ္တိနံ
 ဖလဿ အဘာဝဝသေန “နတ္ထိ မာတာ၊ နတ္ထိ ပိတာ”တိ ဝဒတိ၊ န
 မာတာပိတုနံ၊ နာပိ တေသု ဣဒါနိ ကယိရမာနသက္ကာရာသက္ကာရာနံ အဘာဝ-
 ဝသေန တေသံ လောကပစ္စက္ခတ္တာ။ ပုဗ္ဗုဋ္ဌကဿ ဝိယ ဣမေသံ သတ္တာနံ
 ဥပ္ပါဒေါ နာမ ကေဝလော၊ န စဝိတွာ အာဂမနပုဗ္ဗကောတိ ဒဿနတ္ထံ “နတ္ထိ
 သတ္တာ ဩပပါတိကာ”တိ ဝုတ္တန္တိ အာဟ “စဝိတွာ ဥပပဇ္ဇနကသတ္တာ နာမ
 နတ္ထိတိ ဝဒတိ”တိ။ သမဏေန နာမ ယာထာဝတော ဇာနန္တေန ကဿစိ ကိဉ္စ
 အကထေတွာ သညတေန ဘဝိတဗ္ဗံ၊ အညထာ အာဟောပုရိသိကာ နာမ
 သိယာ။ ကိဉ္စိ ပရော ပရဿ ကရိဿတိ၊ တထာ စ အတ္တနော သမ္မာဒနဿ
 ကဿစိ အဝဿယော ဧဝ န သိယာ တတ္ထ တတ္ထေဝ ဥစ္ဆိဇနတောတိ အာဟ
 “ယေ ဣမဉ္စ။ ပ။ ပဝေဒေန္တိ”တိ။

စတုသု မဟာဘူတေသု နိယုတ္တောတိ စာတုမဟာဘူတိကော။ ယထာ ပန
 မတ္တိကာယ နိဗ္ဗတ္တံ ဘာဇနံ မတ္တိကာမယံ၊ ဧဝမယံ စတုဟိ မဟာဘူတေဟိ
 နိဗ္ဗတ္တောတိ အာဟ “စတုမဟာဘူတမယော”တိ။ အဇ္ဈတ္တိကပထဝီဓာတုတိ
 သတ္တသန္တာနဂတာ ပထဝီဓာတု။ ဗာဟိရပထဝီဓာတုန္တိ ဗဟိဒ္ဓါ မဟာပထဝီ။
 ဥပဂစ္ဆတိတိ ဗာဟိရပထဝီကာယတော တဒေကဒေသဘူတာ ပထဝီ အာဂန္တာ
 အဇ္ဈတ္တိကဘာဝပ္ပတ္တိယာ သတ္တဘာဝေန သဏ္ဌိတာ ဣဒါနိ သဋ္ဌာဒိဂတပထဝီ
 ဝိယ တမေဝ ဗာဟိရပထဝီကာယံ ဥပပတိ ဥပဂစ္ဆတိ သဗ္ဗသော တေန
 နိဗ္ဗိသေသတံ ဧကိဘာဝမေဝ ဂစ္ဆတိ။ အာပါဒိသုပိ ဒေသေ နယောတိ ဧတ္ထ
 ပဇ္ဇုန္နေန မဟာသမုဒ္ဒတော ဂဟိတအာပေါ ဝိယ ဝသောဒကဘာဝေန ပုနပိ
 မဟာသမုဒ္ဒမေဝ၊ သူရိယရသ္မိတော ဂဟိတဣန္ဒြိယဒါတတေဇော ဝိယ ပုန
 သူရိယရသ္မိံ၊ မဟာဝါယုခန္ဓတော နိဂ္ဂတမဟာဝါတော ဝိယ တမေဝ ဝါယုခန္ဓံ
 ဥပပတိ ဥပဂစ္ဆတိတိ ဒိဋ္ဌိဂတိကဿ အဓိပ္ပါယော။ မနုဇ္ဈိန္ဒာနိ ဣန္ဒြိယာနိ
 အာကာသံ ပက္ခန္တန္တိ တေသံ ဝိသယာဘာဝါတိ ဝဒန္တိ။ ဝိသယိဂဟဏေန ဟိ
 ဝိသယာပိ ဂဟိတာ ဧဝ ဟောန္တိတိ။ ဂုဏာဂုဏပဒါနိတိ ဂုဏဒေါသ-
 ကောဋ္ဌာသာ။ သရီရမေဝ ပဒါနိတိ အဓိပ္ပေတံ သရီရေန တံတံကိရိယာယ
 ပဇ္ဇိတဗ္ဗတော။ ဒဗ္ဗန္တိ မုယုန္တိတိ ဒတ္တ။ မူဠပုဂ္ဂလာ။ တေဟိ ဒတ္တ။ဟိ
 မာလမနုဿေဟိ။ “ပရလောကော အတ္ထိ”တိ မတိ ယေသံ၊ ဧဝံ အတ္ထိကာ၊
 တေသံ ဝါဒေါတိ အတ္ထိကဝါဒေါ၊ တံ အတ္ထိကဝါဒံ။

ကမ္မံ ပဋိဗောဟတိ အကိရိယဝါဒိဘာဝတော။ ဝိပါကံ ပဋိဗောဟတိ သဗ္ဗေန သဗ္ဗံ အာယတိံ ဥပပတ္တိယာ ပဋိက္ခိပနတော။ ဥဘယံ ပဋိဗောဟတိ သဗ္ဗသော ဟေတုပဋိဗောဟနေနေဝ ဖလဿပိပဋိက္ခိတ္တတ္တာ။ ဥဘယန္တိ ဟိ ကမ္မံ ဝိပါကဉ္စာတိ ဥဘယံ။ သော ဟိ “အဟေတု အပ္ပစ္စယာ သတ္တာ သံကိလိဿန္တိ၊ ဝိသုဇ္ဈန္တိ စာ”တိ ဝဒန္တော ကမ္မဿ ဝိယဝိပါကဿာပိ သံကိလေသဝိသုဒ္ဓိနံ ပစ္စယတ္တာဘာဝဝစနတော တဒုဘယံ ပဋိဗောဟတိ နာမ။ ဝိပါကော ပဋိဗောဟိတော ဟောတိ အသတိ ကမ္မေ ဝိပါကာဘာဝတော။ ကမ္မံ ပဋိဗောဟိတံ ဟောတိ အသတိ ဝိပါကေ ကမ္မဿ နိရတ္ထကဘာဝါပတ္တိတော။ အတ္ထတောတိ သရူပေန။ ဥဘယပ္ပဋိဗောဟကာတိ ဝိသု ဝိသု တံတံဒိဋ္ဌိဒီပကဘာဝေန ပါဠိယံ အာဂတာပိ ပစ္စေကံ တိဝိဓဒိဋ္ဌိကာ ဧဝ ဥဘယပဋိဗောဟကတ္တာ။ ဥဘယပ္ပဋိဗောဟကာတိ ဟိ ဟေတုဝစနံ။ “အဟေတုကဝါဒါ စေဝါ”တိအာဒိ ပဋိညာဝစနံ။ ယော ဟိ ဝိပါကပဋိဗောဟနေန နတ္ထိကဒိဋ္ဌိကော ဥစ္ဆေဒဝါဒိ၊ သော အတ္ထတော ကမ္မပဋိဗောဟနေန အကိရိယဒိဋ္ဌိကော၊ ဥဘယပဋိဗောဟနေန အဟေတုကဒိဋ္ဌိကော စ ဟောတိ။ သေသဒ္ဓယေပိ ဧသေဝ နယော။

သဇ္ဈာယန္တိတိ တံ ဒိဋ္ဌိဒီပကဂန္ထံ ဥဂ္ဂဟေတွာပဌန္တိ။ ဝိမံသန္တိတိ တဿ အတ္ထံ ဝိစာရေန္တိ။ “တေသ”န္တိအာဒိ ဝိမံသနာကာရဒဿနံ။ တသ္မိံ အာရမ္မဏေတိ ယထာပရိကပ္ပိတကမ္မဖလဘာဝါဒိကေ “ကရောတော န ကရိယတိ ပါပ”န္တိအာဒိနယပ္ပဝတ္တာယ လဒ္ဓိယာ အာရမ္မဏေ။ မိစ္ဆာသတိ သန္တိဋ္ဌတိတိ “ကရောတော န ကရိယတိ ပါပ”န္တိအာဒိဝသေန အနုဿဂူပလဒ္ဓေ အတ္ထေ တဒါကာရပရိဝိတက္ကနေဟိ သဝိဂ္ဂဟေ ဝိယ သရူပတော စိတ္တဿ ပစ္စုပဋိတေ စိရကာလပရိစယေန ဧဝမေတန္တိ နိဇ္ဈာနက္ခမဘာဂူပဂမနေန နိဇ္ဈာနက္ခန္တိယာ တထာဂဟိတေ ပုနပ္ပုနံ တထေဝ အာသေဝန္တဿ ဗဟုလီကရောန္တဿ မိစ္ဆာဝိတက္ကေန သမာဒိယမာနာ မိစ္ဆာဝါယာမုပတ္တုမ္ဘိတာ အတံသဘာဝံ “တံသဘာဝ”န္တိ ဂဏုန္တိ မိစ္ဆာသတိတိ လဒ္ဓနာမာ တံလဒ္ဓိသဟဂတာ တဏှာ သန္တိဋ္ဌတိ။ စိတ္တံ ကေဂ္ဂံ ဟောတိတိ ယထာသကံ ဝိတက္ကာဒိပစ္စယလာဘေန တသ္မိံ အာရမ္မဏေ အဝဋ္ဌိတတာယ အနေကဂ္ဂတံ ပဟာယ ကေဂ္ဂံ အပ္ပိတံ ဝိယ ဟောတိ။ စိတ္တသီသေန မိစ္ဆာသမာမိ ဧဝ ဝုတ္တော။ သောပိ ဟိ ပစ္စယဝိသေသေဟိ လဒ္ဓဘာဝနာဗလော ဤဒိသေ ဌာနေ သမာဓာနပတိရူပကိစ္စကရောယေဝ ဝါဠုဝိဇ္ဈာနာဒိသု ဝိယာတိ ဒဋ္ဌဗ္ဗံ။ ဇေနာနိ ဇေနိတိ အနေကက္ခတ္တံ တေနာကာရေန ပုဗ္ဗဘာဂိယေသု ဇေနဝါရေသု

ပဝတ္တေသု သဗ္ဗပစ္စိမေ ဇဝနဝါရေ သတ္တ ဇဝနာနိ ဇဝန္တိ။ ပဌမေ ဇဝနေ သတေကိန္ဒာ ဟောန္တိ။ တထာ ဒုတိယာဒိသုတိ ဓမ္မသဘာဝဒဿနမတ္တမေတံ၊ န ပန တသ္မိံ ခဏေ တေသံ တိကိန္ဒာ ကေနစိ သက္ကာ ကာတုံ။

တတ္ထာတိ တေသု တီသု မိစ္ဆာဒဿနေသု။ ကောစိ ဧကံ ဒဿနံ ဩက္ကမတိတိ ယဿ ဧကသ္မိံယေဝ အဘိနိဝေသော အာသေဝနာ စ ပဝတ္တာ၊ သော ဧကံ ဧဝ ဒဿနံ ဩက္ကမတိ။ ယဿ ပန ဒွီသု တီသုပိ ဝါ အဘိနိဝေသော အာသေဝနာ စ ပဝတ္တာ၊ သော ဒွေ တိကိပိ ဩက္ကမတိ၊ ဧတေန ယာ ပုဗ္ဗေ ဥဘယပဋိဗာဟကတာမုခေန ဒီပိတာ အတ္ထသိဒ္ဓါ သဗ္ဗဒိဋ္ဌိကတာ၊ သာ ပုဗ္ဗဘာဂိယာ။ ယာ ပန မိစ္ဆတ္တနိယာမောက္ကန္တိဘူတာ၊ သာ ယထာသကံ ပစ္စယသမုဒါဂမသိဒ္ဓိတော ဘိန္ဒာရမ္မဏာနံ ဝိယ ဝိသေသာဓိဂမာနံ ဧကန္တိ အနုပ္ပတ္တိယာ အသံကိဏ္ဍာ ဝေါတိ ဒဿေတိ။ “ဧကသ္မိံ ဩက္ကန္တေဝီ”တိအာဒိနာ တိဿန္တမ္ပိ ဒိဋ္ဌိနံ သမာနဗလတံ သမာနဗလတဉ္စ ဒဿေတိ။ တသ္မာ တိဿောပိ စေတာ ဧကဿ ဥပ္ပန္နာ အဗ္ဗောကိဏ္ဍာ ဧဝ၊ ဧကောယ ဝိပါကေ ဒိန္တေ ဣတရာ အနုဗလပ္ပဒါယိကာယော ဟောန္တိ။ “ဝဋ္ဋခါဏု နာမေသာ”တိ ဣဒံ ဝစနံ နေယျတ္ထံ၊ န နိတတ္ထံ။ တထာ ဟိ ပပဉ္စသုဒ္ဓနိယံ “ကိ” ပနေသ ဧကသ္မိံယေဝ အတ္တဘာဝေ နိယတော ဟောတိ၊ ဥဒါဟု အညသ္မိဒ္ဓိတိ? ဧကသ္မိံယေဝ နိယတော၊ အာသေဝနဝသေန ပန ဘဝန္တရေပိ တံ တံ ဒိဋ္ဌိံ ရောစေတိယေဝါ”တိ ဝုတ္တံ။ အကုသလဉ္စ နာမေတံ အဗလံ ဒုဗ္ဗလံ၊ န ကုသလံ ဝိယ သဗလံ မဟာဗလံ။ တသ္မာ “ဧကသ္မိံယေဝ အတ္တဘာဝေ နိယတော”တိ ဝုတ္တံ။ အညထာ သမ္ပတ္တနိယာမော ဝိယ မိစ္ဆတ္တနိယာမောပိ အစ္စန္တိကော သိယာ၊ န စ အစ္စန္တိကော။ ယဒိ ဧဝံ ဝဋ္ဋခါဏုဇောတနာ ကထန္တိ အာဟ “အာသေဝနဝသေန ပနာ”တိအာဒိ။ တသ္မာ ယထာ “သကိ” နိမုဂ္ဂေါပိ နိမုဂ္ဂေါဇေဗာလော”တိ ဝုတ္တံ၊ ဧဝံ ဝဋ္ဋခါဏုဇောတနာ။ ယာဒိသေ ဟိ ပစ္စယေ ပဋိစ္စ အယံ တံ တံ ဒဿနံ ဩက္ကန္တော ပုန ကဒါစိ တပုဋိပက္ခေ ပစ္စယေ ပဋိစ္စ တတော သီသုက္ခိပနမဿ န ဟောတိတိ န ဝတ္တဗ္ဗံ၊ တသ္မာ၊ “ယေဘုယျေန ဟိ ဧဝဂ္ဂပဿ ဘဝတော ဝုဋ္ဌာနံ နာမ နတ္ထိ”တိ ဝုတ္တံ။

တသ္မာတိ ယသ္မာ ဧဝံ သံသာရခါဏုဘာဝဿပိ ပစ္စယော အပဏ္ဏကဇောတော၊ တသ္မာ။ ဘူတိကာမောတိ ဒိဋ္ဌဓမ္မိကသမ္ပရာယိကပရမတ္တာနံ ဝသေန အတ္တနော ဂုဏေဟိ ဝဓိကာမော။

ပဏ္ဍကစ္စာယနဝါဒဝဏ္ဏနာ

၁၇၄။ အကတတိ သမေန ဝိသမေန ဝါ ကေနစိ ဟေတုနာန ကတာ န
 ဝိဟိတာ။ ကတဝိဓော ကရဏဝိမိ နတ္ထိ ဧတေသန္တိ အကတဝိဓာနာ။
 ပဒုဒ္ဒယေနာပိ လောကေ ကေနစိ ဟေတုပစ္စယေန နေသံ အနိဗ္ဗတ္တနဘာဝံ
 ဒဿေတိ။ ဣဒ္ဓိယာပိ န နိဗ္ဗိတာတိ ကဿစိ ဣဒ္ဓိမတော စေတောဝသိပ္ပတ္တဿ
 ဒေဝဿ၊ ဣဿရာဒိနော ဝါ ဣဒ္ဓိယာပိ န နိဗ္ဗိတာ။ အနိဗ္ဗာပိတာ ကဿစိ
 အနိဗ္ဗာပိတာ။ ဝုတ္တတ္ထမေဝါတိ ဗြဟ္မဇာလဝဏ္ဏနာယံ^၂ ဝုတ္တတ္ထမေဝ။ ဝဉ္ဇျာတိ
 ဝဉ္ဇျပသုဝဉ္ဇျတာလာဒယော ဝိယ အဖလာ၊ ကဿစိ အဇနကာတိ အတ္ထော၊
 ဧတေန ပထဝိကာယာဒိနံ ရူပါဒိဇနကဘာဝံ ပဋိက္ခိပတိ။ ရူပသဒ္ဓါဒယော ဟိ
 ပထဝိကာယာဒိဟိ အပ္ပဋိဗဒ္ဓဝုတ္တိကာတိ တဿ လဒ္ဓိ။ ပဗ္ဗတကူဋ် ဝိယ ဌိတာတိ
 ကူဋ်ဌာ၊ ယထာ ပဗ္ဗတကူဋ် ကေနစိ အနိဗ္ဗတ္တိတံ၊ ကဿစိ စ အနိဗ္ဗတ္တကံ၊
 ဧဝမေတေဝိတိ အဓိပ္ပာယော။ ယမိဒံ “ဗိဇတော အင်္ဂုရာဒိ ဇာယတိ”တိ
 ဝုစ္စတိ၊ တံ ဝိဇမာနမေဝ တတော နိက္ခမတိ၊ န အဝိဇမာနံ၊ အညထာ အည-
 တောပိ အညဿ ဥပလဒ္ဓိ သိယာတိ အဓိပ္ပာယော။ ဌိတတ္တာတိ နိဗ္ဗိကာရာ-
 ဘာဝေန ဌိတတ္တာ။ န စလန္တိတိ ဝိကာရံ နာပဇ္ဇန္တိ။ ဝိကာရာဘာဝတော ဟိ
 တေသံ သတ္တန္တံ ကာယာနံ သေဝိကဋ္ဌာယိဌိတတာ။ အနိဉ္ဇနန္တ အတ္တနော ပကတိ-
 ယာ အဝဋ္ဌာနမေဝ။ တေနာဟ “န ဝိပရိဏမန္တိ”တိ။ အဝိပရိဏာမဓမ္မတ္တာ ဧဝ
 ဟိ တေ အညမညံ န ဗျာဗာဓေန္တိ။ သတိ ဟိ ဝိကာရံ အာပါဒေတဗ္ဗတာယ
 ဗျာဗာဓကတာပိ သိယာ၊ တထာ အနုဂ္ဂဟေတဗ္ဗတာယ အနုဂ္ဂါဟကတာတိ
 တဒဘာဝံ ဒဿေတုံ ပါဠိယံ “နာလ”န္တိအာဒိ ဝုတ္တံ။ ပထဝီ ဧဝ ကာယေက-
 ဒေသတ္တာ ပထဝိကာယော။ ဇီဝသတ္တမာနံ ကာယာနံ နိစ္စတာယ နိဗ္ဗိကာရာ-
 ဘာဝတော န ဟန္တဗ္ဗတာ၊ န သာတေတဗ္ဗတာ စာတိ နေဝ ကောစိ ဟန္တာ ဝါ
 သာတေတာ ဝါ၊ တေနောဟ “သတ္တန္တံ တွေဝ ကာယာန”န္တိအာဒိ။ ယဒိ
 ကောစိ ဟန္တာ နတ္ထိ၊ ကထံ သတ္တပ္ပဟာရေတိ အာဟ “ယထာ မုဂ္ဂရာသိ-
 အာဒိယူ”တိအာဒိ။ ကေဝလံ သညာမတ္တမေဝ ဟောတိ၊ ဟနနသာတနာဒိ ပန
 ပရမတ္ထတော နတ္ထေဝ ကာယာနံ အဝိကောပနိယဘာဝတောတိ အဓိပ္ပာယော။

နိဂဏ္ဌနာဠုပုတ္တဝါဒဝဏ္ဏနာ

၁၇၅။ စတ္တာရော ယာမာ ဘာဂါ စတုယာမာ၊ စတုယာမာ ဧဝ
 စာတုယာမာ။ ဘာဂတ္ထော ဟိ ဣဓ ယာမ-သဒ္ဓေါ ယထာ “ရတ္တိယာ ပဌမော

၁-အနိဗ္ဗာတာတိ ကဿစိ အနိဗ္ဗာပကာ၊ (ဗဟုသု) ၂-ဒိ-ဋ္ဌ ၁-၉၇-ပိဋေ၊

ယာမော”တိ။ သော ပနေတ္ထ ဘာဂေါ သံဝရလက္ခဏောတိ အာဟ “ဓာတု-
ယာမသံဝုတောတိ စတုကောဋ္ဌာသေန သံဝရေန သံဝုတော”တိ။ ပဋိက္ခိတ္တ-
သဗ္ဗသိတောဒကောတိ ပဋိက္ခိတ္တသဗ္ဗသိတောဒကပရိဘောဂေါ။ သဗ္ဗေန ပါပ-
ဝါရဏေန ယုတ္တောတိ သဗ္ဗပ္ပကာရေန သံဝရလက္ခဏေန သမန္တာဂတော။
ဓုတပါပေါတိ သဗ္ဗေန နိဇ္ဇရလက္ခဏေန ပါပဝါရဏေန ဝိဓုတပါပေါ။
ဖုဋ္ဌောတိ အဋ္ဌန္တမ္ပိ ကမ္မာနံ ခေပနေန မောက္ခပ္ပတ္တိယာ ကမ္မက္ခယလက္ခဏေန
သဗ္ဗေန ပါပဝါရဏေန ဖုဋ္ဌော တံ ပတွာ ဌိတော။ ကောဋိပ္ပတ္တိဓိတ္တောတိ
မောက္ခာဓိဂမေနေဝ ဥတ္တမမရိယာဒပ္ပတ္တိဓိတ္တော။ ယတတ္တောတိ ကာယာဒီသု
ဣန္ဒြိယေသု သံယမေတဗ္ဗဿ အဘာဝတော သံယတဓိတ္တော။ သုပ္ပတိဋ္ဌိတ-
ဓိတ္တောတိ နိဿေသတော သုဋ္ဌ ပတိဋ္ဌိတဓိတ္တော။ သာသနာနုလောမံ နာမ
ပါပဝါရဏေန ယုတ္တတာ။ တေနာဟ “ဓုတပါပေါ”တိအာဒိ။ အသုဒ္ဓလဋ္ဌိ-
တာယာတိ “အတ္ထိ ဇီဝေါ၊ သော စ သိယာ နိစ္စော၊ သိယာ အနိစ္စော”တိ
ဝေမာဒိအသုဒ္ဓလဋ္ဌိတာယ။ သဗ္ဗာတိ ကမ္မပကတိဝိဘာဂါဒိဝိသယာ သဗ္ဗာ
နိဇ္ဈာနက္ခန္တိယော။ ဒိဋ္ဌိယေဝါတိ မိစ္ဆာဒိဋ္ဌိယော ဧဝ ဇာတာ။

သဉ္ဇယဗေလဋ္ဌပုတ္တဝါဒဝဏ္ဏနာ

၁၇၉-၁၈၁။ အမရာဝိက္ခေပေ ပုတ္တနယော ဧဝါတိ မြဟ္မဇာလေ အမရာ-
ဝိက္ခေပဝါဒသံဝဏ္ဏနာယံ^၁ ပုတ္တနယော ဧဝ ဝိက္ခေပဗျာကရဏဘာဝတော၊
တထေဝ စေတ္ထ ဝိက္ခေပဝါဒဿ အာဂတတ္တာ။

ပဌမသန္တိဋ္ဌိကသာမညဖလဝဏ္ဏနာ

၁၈၃။ ယထာ တေ ရုစ္စေယျာတိ ဣဒါနိ မယာ ပုစ္ဆိယမာနော အတ္ထော
ယထာ တဝ စိတ္တေ ရောစေယျ။ သရဒါသိယာ ကုစ္ဆိသ္မိံ ဇာတော အန္တော-
ဇာတော။ ဓနေန ကိတော ဓနက္ကိတော။ ဗန္ဓဂ္ဂါဟဂဟိတော ကရမရာ-
နိတော။ သာမန္တိ သယမေဝ။ ဒါသဗျန္တိ ဒါသဘာဝံ။ ကောစိ ဒါသောဝိ
သမာနော အလသော ကမ္မံ အကရောန္တော “ကမ္မကာရော”တိ န ပုစ္ဆတိတိ
အာဟ “အနလသော ကမ္မကရဏသီလောယေဝါ”တိ။ ပဌမမေဝါတိ
အာသန္တတရဋ္ဌာနုပသင်္ကမနတော ပဂေဝ ပုရေတရမေဝ။ ပစ္ဆာတိ သာမိ-
ကဿ နိပဇ္ဇာယ ပစ္ဆာ။ သယနတော အပုဋ္ဌိတေတိ ရတ္တိယာ ဝိဘာယန-
ဝေလောယ သေယျတော အပုဋ္ဌိတေ။ ပစ္စုသကာလတော ပဋ္ဌာယာတိ

အတိတာယ ရတ္တိယာ ပစ္စုသကာလတော ပဌာယ။ ယာဝ သာမိနော
ရတ္တိံ နိဒ္ဒေါက္ကမနန္တိ အပရာယ ပဒေါသဝေလာယံ ယာဝ နိဒ္ဒေါက္ကမနံ။
ကိံကာရန္တိ ကိံကရဏီယံ၊ ကိံကာရဘာဝတော ပုစ္ဆိတွာ ကာတဗ္ဗဝေယျာ-
ဝစ္စန္တိ အတ္ထော။

ဒေဝေါ ဝိယာတိ အာဓိပစ္စုပရိဝါရာဒိသမ္ပတ္တိသမန္တာဂတော ပဓာနဒေဝေါ
ဝိယ။ သော ဝတဿာဟန္တိ သော ဝတ အဿံ အဟံ။ သော ရာဇာ ဝိယ
အဟမ္မိ ဘဝေယျံ၊ ကထံ ပုညာနိ ကရေယျံ၊ ယဒိ ပုညာနိ ဥဠာရာနိ
ကရေယျန္တိ ယောဇနာ။ “သော ဝတဿ’ဿ”န္တိ ပါဌေ သော ရာဇာ အဿ
အဟံ အဿံ ဝတ၊ ယဒိ ပုညာနိ ကရေယျန္တိ ယောဇနာ။ တေနာဟ
“အယမေဝတ္ထော”တိ။ အဿန္တိ ဟိ ဥတ္တမပုရိသပ္ပယောဂေ အဟံ-သဒ္ဓေါ
အပ္ပယုတ္တောပိ ပယုတ္တော ဧဝ ဟောတိ။ ယာဝဇိဝံ န သက္ခိဿာမိ ဒါတုန္တိ
ယာဝဇိဝံ ဒါနတ္ထာယ ဥဿာဟံ ကရောန္တောပိ ယံ ရာဇာ ဧကံ ဒိဝသံ ဒေတိ၊
တတော သတဘာဂမ္ပိ ဒါတုံ န သက္ခိဿာမိ။ တဿှာ ပဗ္ဗဇိဿာမီတိ
ပဗ္ဗဇာယံ ဥဿာဟံ ကတွာတိ ယောဇနာ။

ကာယေန သံဝုတောတိ ကာယေန သံဝရိတဗ္ဗံ ကာယဒ္ဓါရေန ပဝတ္တ-
နကာပါပဓမ္မံ သံဝရိတွာ ဝိဟရေယျာတိ အယမေတ္ထ အတ္ထောတိ အာဟ
“ကာယေန ဝိဟိတော ဟုတွာ”တိအာဒိ။ ဃာသန္တာဒနေန ပရမတာ-
ယာတိ ဃာသန္တာဒနပရိယေသနေ သလ္လေခဝသေန ပရမတာယ၊ ဥက္ကဋ္ဌ-
ဘာဝေ သဏ္ဌိတော ဃာသန္တာဒနမေဝ ဝါ ပရမံ ပရာ ကောဋိ ဧတဿ၊
န တတော ပရံ ကိဉ္စိ အာမိသဇာတံ ပရိယေသတိ ပစ္စာသိသတိ စာတိ
ဃာသန္တာဒနပရမော၊ တဗ္ဘာဝေါ ဃာသန္တာဒနပရမတာ၊ တဿာ
ဃာသန္တာဒနပရမတာယ။ ဝိဝေကဋ္ဌကာယာနန္တိ ဂဏသင်္ဂဏိကတော ပဝိ-
ဝိတ္တေ ဌိတကာယာနံ။ နေက္ခမ္ဘာဘိရတာနန္တိ ဈာနဘိရတာနံ။ တာယ ဧဝ
ဈာနဘိရတိယာ ပရမံ ဥတ္တမံ ဝေါဒါနံ ဝိသုဒ္ဓိံ ပတ္တတာယ ပရမဝေါဒါ-
နပ္ပတ္တာနံ။ ကိလေသုပမိအဘိသင်္ခါရူပမိနံ အစ္စန္တဝိဂမေန နိရူပမိနံ။ ဝိသင်္ခါရ-
ဂတာနန္တိ အဓိဂတနိဗ္ဗာနာနံ။ ဧတ္ထ စ ပဌမော ဝိဝေကော ဣတရေဟိ ဒွိဟိ
ဝိဝေကေဟိ သဟာပိ ပတ္တဗ္ဗော ဝိနာပိ၊ တထာ ဒုတိယော။ တတိယော ပန
ဣတရေဟိ ဒွိဟိ သဟေဝ ပတ္တဗ္ဗော၊ န ဝိနာတိ ဒဋ္ဌဗ္ဗံ။ ဂဏေ ဇနသမာဂမေ
သန္တိပတနံ ဂဏသင်္ဂဏိကာ၊ တံ ပဟာယ ဧကော ဝိဟရတိ စရတိ ပုဂ္ဂလ-
ဝသေန အသဟာယတ္တာ။ စိတ္တေ ကိလေသာနံ သန္တိပတနံ ဝိတ္တကိလေသသင်္ဂ-
ဏိကာ၊ တံ ပဟာယ ဧကော ဝိဟရတိ ကိလေသဝသေန အသဟာယတ္တာ။

မဂ္ဂဿံ ကေစိတ္တက္ခဏိကတ္တာ၊ ဂေါတြဘူအာဒိနဉ္စ အာရမ္မဏမတ္တတ္တာ န တေသံ ဝသေန သာတိသယာ နိဗ္ဗုတိသုခသမ္ပုသနာ၊ ဖလသမာပတ္တိနိရောသမာပတ္တိဝသေန သာတိသယာတိ အာဟ “**ဖလသမာပတ္တိံ ဝါ နိရောသမာပတ္တိံ ဝါ ပဓိသိတွာ**” တိ။ ဖလပရိယောသာနော ဟိ နိရောဓောတိ။

၁၈၄။ အဘိဟရိတွာတိ အဘိမုဒိဘာဝေန နေတွာ။ “အဟံ စိဝရာဒိဟိ ပယောဇနံ သာဓေဿာမီ” တိ ဝစနသေသော။ သပ္ပာယ်န္တိ သဗ္ဗဂေလညပဟာရဏဝသေန ဥပကာရာဝဟံ။ ဘာဝိနာ အနတ္တတော ပရိပါလနဝသေန ဂေါပနာ ရက္ခာရုတ္တိ။ ပစ္စုပ္ပန္နဿ နိသေဝေသေန အာဝရဏရုတ္တိ။

ဒုတိယသန္တိဋ္ဌိကသာမညဗလဝဏ္ဏနာ

၁၈၆။ ကသတိတိ ကသိံ ကရောတိ။ ဂဟပတိကောတိ ဧတ္ထ က-သဒ္ဓေါ အပ္ပတ္တောတိ အာဟ “**ဧကဂေဟမတ္တေ ဇေဋ္ဌကော**” တိ၊ တေန အနေက-ကုလဇေဋ္ဌကဘာဝံ ပဋိက္ခိပတိ။ ကရံ ကရောတိတိ ကရံ သမ္မာဒေတိ။ ဝဇေတိတိ ဥပရူပရိ သမ္မာဒနေန ဝဇေတိ။ ဧဝံ အပ္ပမ္ဘိ ပဟာယ ပဗ္ဗဇိတုံ ဒုက္ကရန္တိ အယမတ္တော လဠာကိကောပမသုတ္တေနံ ဒီပေတဗ္ဗော။ တေနာဟ “သေယျထာပိ ဥဒါယိ ပုရိသော ဒလိဒ္ဓေါ အဿကော အနာဠိယော တဿဿ ဧကံ အဂါရကံ ဩလုဂ္ဂဝိလုဂ္ဂံ ကာကာတိဒါယိံ နပရမရူပ” န္တိ ဝိတ္တာရော။ ယဒိ အပ္ပမ္ဘိ ဘောဂံ ပဟာယ ပဗ္ဗဇိတုံ ဒုက္ကရံ၊ ကသ္မာ ဒါသဝါရေ ဘောဂဂ္ဂဟဏံ န ကတန္တိ အာဟ “**ဒါသဝါရေ ပနာ**” တိအာဒိ။ ယထာ စ ဒါသဿ ဘောဂါပိ အဘောဂါ ပရာယတ္တဘာဝတော၊ ဧဝံ ဉာတယောပီတိ ဒါသဝါရေ ဉာတိပရိဝဇ္ဇဂ္ဂဟဏမ္ဘိ န ကတန္တိ ဒဋ္ဌဗ္ဗံ။

ပဏိတတရသာမညဗလဝဏ္ဏနာ

၁၈၉။ ဧဝရူပါဟိတိ ယထာဝုတ္တဒါသကဿကူပမာသဒိသာဟိ ဥပမာဟိ သာမညဗလံ ဒီပေတုံ ပဟောတိ ဘဂဝါ သကလမ္ဘိ ရတ္တိန္ဒြိယံ တတော ဘိယျောပိ အနန္တပဋိဘာနတာယ ဝိစိတ္တနယဒေသနဘာဝတော။ တထာပီတိ သတိပိ ဒေသနာယ ဥတ္တရုတ္တရာဓိကနာနာနယဝိစိတ္တဘာဝေ။

ဧကတ္ထမေတံ ပဒံ သာဓုသဒ္ဓဿေဝ က-ကာရေန ဝဇိတွာ ဝုတ္တတ္တာ၊ တေနေဝ သာဓုက-သဒ္ဓဿ အတ္ထံ ဝဒန္တေန အတ္ထုဒ္ဓါရဝသေန သာဓု-သဒ္ဓေါ ဥဒါဟဇော။ အာယာစနေတိ အဘိမုခယာစနေ၊ အဘိပတ္တနာယန္တိ အတ္တော။ သမ္ပုဋ္ဌိန္တနေတိ

ပဋိဂ္ဂဏှနေ။ သမ္ပဟံသနောတိ သံဝိဇ္ဇမာနဂုဏဝသေန ဟံသနေ တောသနေ၊ ဥဒဂ္ဂတာကရဏောတိ အတ္ထော။ ဓမ္မရူပီတိ ပုညကာမော။ ပညာဏဝါတိ ပညဝါ။ အဗ္ဗုန္တောတိ အဒူသကော၊ အနုပဿာတကောတိ အတ္ထော။ ဣဓာပီတိ ဣမသ္မိံ သာမညဗလေပိ။ အယံ သာဓု-သဒ္ဓေါ။ ဒဋ္ဌိကဗ္ဗေတိ သက္ကစ္စကိရိယာယံ။ အာဏတ္တိယန္တိ အာဏာပနေ။ “သုဏောဟိ သာဓုကံ မနသိ ကရောဟိ”တိ ဟိ ဝုတ္တေ သာဓုက-သဒ္ဓေန သဝနမနသိကာရာနံ သက္ကစ္စကိရိယာ ဝိယ တဒါဏာ-ပနမ္မိ ဇောတိတံ ဟောတိ၊ အာယာစနတ္ထတာ ဝိယ စဿ အာဏာပနတ္ထတာ ဝေဒိတဗ္ဗာ။ သုန္တုရေပီတိ သုန္တုရတ္ထေပိ။ ဣဒါနိ ယထာဝုတ္တေန သာဓုက-သဒ္ဓဿ အတ္တတ္တယေန ပကာသိတံ ဝိသေသံ ဒဿေတုံ “ဒဋ္ဌိကဗ္ဗတ္ထေန ဟိ”တိအာဒိ ဝုတ္တံ။

မနသိ ကရောဟိတိ ဧတ္ထ မနသိကာရာ န အာရမ္မဏပဋိပါဒနလက္ခဏော၊ အထ ခေါ ဝိထိပဋိပါဒနဇဝနပဋိပါဒနမနသိကာရပုဗ္ဗကံ စိတ္တေ ဌပနလက္ခ-ဏောတိဒဿေန္တော “အာဝဇ္ဇာ”တိအာဒိမာဟ။ သောတိန္ဒြိယဝိက္ခေပဝါရဏံ သဝနေ နိယောဇနဝသေန ကိရိယန္တရပဋိသေဓနဘာဝတော၊ သောတံ ဩဒဟာတိ အတ္ထော။ မနိန္ဒြိယဝိက္ခေပဝါရဏံ အညစိန္တာပဋိသေဓနတော။ ဗျဉ္ဇနဝိပလ္လာသဂ္ဂါဟဝါရဏံ “သာဓုက”န္တိ ဝိသေသေတွာ ဝုတ္တတ္တာ။ ပစ္စိမဿ အတ္ထဝိပလ္လာသဂ္ဂါဟဝါရဏေပိ ဒေသေ နယော။ ဓာရဏူပမရိက္ခာဒီသုတိ အာဒိ-သဒ္ဓေန တုလနတိရဏာဒိကေ၊ ဒိဋ္ဌိယာ သုပ္ပင်္ဂဝိဓေ စ သင်္ဂဏှာတိ။ သဗျဉ္ဇနောတိ ဧတ္ထ ယထာဓိပ္ပေတမတ္ထံ ဗျဉ္ဇယတိတိ ဗျဉ္ဇနံ၊ သဘာဝနိရုတ္တိ။ သဟ ဗျဉ္ဇနေနာတိ သဗျဉ္ဇနေ၊ ဗျဉ္ဇနသမ္ပန္နောတိ အတ္ထော။ သာတ္ထောတိ အရဏီယတော ဥပဂန္တဗ္ဗတော အနုဓာတဗ္ဗတော အတ္ထော၊ စတုပါရိသုဒ္ဓိ-သီလာဒိကော။ တေန သဟ အတ္ထေနာတိ သာတ္ထော၊ အတ္ထသမ္ပန္နောတိ အတ္ထော။ ဓမ္မဂန္တိရောတိအာဒိသု ဓမ္မော နာမ တန္တိ။ ဒေသနာ နာမ တဿာ မနဿ ဝဝတ္ထာပိတာယ တန္တိယာ ဒေသနာ။ အတ္ထော နာမ တန္တိယာ အတ္ထော။ ပဋိဝေဓော နာမ တန္တိယာ၊ တန္တိအတ္ထဿ စ ယထာဘူတာဝဗောဓော။ ယသ္မာ စေတေ ဓမ္မဒေသနာအတ္ထပုဋိဝေဓာ သဿာဒီဟိ ဝိယ မဟာသမုဒ္ဓေါ မန္တဗုဒ္ဓိဟိ ဒုက္ခောဂါဟာ၊ အလမ္ဘနေယျပတိဋ္ဌာ စ၊ တသ္မာ ဂန္တိရာ။ တေန ဝုတ္တံ “ယသ္မာ အယံ ဓမ္မော။ ပ။ သာဓုကံ မနသိ ကရောဟိ”တိ။ ဧတ္ထ စ ပဋိဝေဓဿ ဒုက္ကရဘာဝတော ဓမ္မတ္တာနံ၊ ဒေသနာဉာဏဿ ဒုက္ကရဘာဝတော ဒေသနာယ ဒုက္ခောဂါဟတော၊ ပဋိဝေဓဿ ပန ဥပ္ပါဒေတုံ အသက္ကုဏေယျတာယ၊ ဉာဏုပ္ပတ္တိယာ စ ဒုက္ကရဘာဝတော ဒုက္ခောဂါဟတာ ဝေဒိတဗ္ဗာ။ ဒေသနံ

နာမ ဥဒ္ဓိသနံ၊ တဿ နိဒ္ဓိသနံ ဘာသနန္တိ^၁ ဣဓာမိပ္ပေတန္တိ အာဟ
“ဝိတ္ထာရတော ဘာသိဿာမိ”တိ။ ပရိဗျတ္တံ ကထနဉ္စိ ဘာသနံ၊ တေနာဟ
“ဒေသေဿာမိတိ။ ပ။ ဝိတ္ထာရဒီပန”န္တိ။

ယထာဝုတ္တမတ္ထံ သုတ္တပဒေန သမတ္ထေတုံ “တေနာဟံ”တိအာဒိ ဝုတ္တံ။
သာဠိကာယိဝ နိဇ္ဈေါသောတိ သာဠိကာယ အာလာပေါရိယ မရဓော ကဏ္ဍ-
သုခေါ ပေမနိယော။ ပဋိဘာနန္တိ သဒ္ဓေါ။ ဥဒီရယိတိ ဥစ္စာရိယတိ၊ ဝုစ္စတိ ဝါ။

ဧဝံ ဝုတ္တေ ဥဿာဟဇာတောတိ ဧဝံ “သုဏောဟိ သာဓုကံ မနသိ
ကဓောဟိ ဘာသိဿာမိ”တိ ဝုတ္တေ “န ကိရ ဘဂဝါသင်္ခေပေနဝ ဒေသေဿတိ၊
ဝိတ္ထာရေနပိ ဘာသိဿတိ”တိ သဇ္ဇာတုဿာဟော ဟဋ္ဌတုဋ္ဌော ဟုတွာ။

၁၉၀။ “ဣဓာ”တိ ဣမိနာ ဝုစ္စမာနံ အဓိကရဏံ တထာဂတဿ ဥပ္ပတ္တိဋ္ဌာန-
ဘူတံ အဓိပ္ပေတန္တိ အာဟ “ဒေသာပဒေသေ နိပါတော”တိ။ “သွာယ”န္တိ
သာမညတော ဣဓ-သဒ္ဓမတ္ထံ ဂဏှာတိ၊ န ယထာဝိသေသိတဗ္ဗံ ဣဓ-သဒ္ဓံ။
တထာ ဟိ ဝက္ခတိ “ကတ္ထမိ ပဒပူရဏမတ္တမေဝါ”တိ^၂။ လောကံ ဥပါဒါယ
ဝုစ္စတိ လောက-သဒ္ဓေန သမာနာဓိကရဏဘာဝေန ဝုတ္တတ္တာ။ သေသပဒဒ္ဓယေ
ပန ပဒန္တရသန္တိဓာနမတ္တေန တံ တံ ဥပါဒါယ ဝုတ္တတာ ဒဋ္ဌဗ္ဗာ။ ဣဓ
တထာဂတော လောကေတိ ဟိ ဇာတိခေတ္တံ၊ တတ္ထာပိ အယံ စက္ကဝါဋ္ဌော
“လောကော”တိ အဓိပ္ပေတော။ သမဏောတိ သောတာပန္နော။ ဒုတိယော
သမဏောတိ သကဒါဂါမိ။ ဝုတ္တဉ္စေတံ “ကတမော စ ဘိက္ခဝေ သမဏော?
ဣဓ ဘိက္ခဝေ ဘိက္ခု၊ တိဏ္ဍံ သံယောဇနာနံ ပရိက္ခယာ သောတာပန္နော
ဟောတိ”တိအာဒိ^၃၊ “ကတမော စ ဘိက္ခဝေ ဒုတိယော သမဏော? ဣဓ
ဘိက္ခဝေ ဘိက္ခု၊ တိဏ္ဍံ သံယောဇနာနံ ပရိက္ခယာ ရာဂဒေါသမောဟာနံ
တနုတ္တာ”တိအာဒိ^၄။ ဩကာသန္တိ ကဉ္စိ ပဒေသံ။ ဣဓေဝ တိဋ္ဌမာနဿာတိ
ဣမိဿာ ဧဝ ဣန္ဒသာလဂုဟာယံ တိဋ္ဌမာနဿ။

ပဒပူရဏမတ္တမေဝ ဩကာသာပဒိသနဿာပိ အသမ္ဘဝတော အတ္တန္တရဿ
အဗောဓနတော။ အရဟန္တိအာဒယော သဒ္ဓါ ဝိတ္ထာရိတာတိ ယောဇနာ။
အတ္တတော ဝိတ္ထာရဏံ သဒ္ဓမုခေနေဝ ဟောတိတိသဒ္ဓဂုဟဏံ။ ယသ္မာ “အပ-
ရေဟိပိ အဋ္ဌဟိ ကာရဏေဟိ ဘဂဝါ တထာဂတော”တိအာဒိနာ ဥဒါန-
ဋ္ဌကထာဒီသု^၅၊ အရဟန္တိအာဒယော ဝိသုဒ္ဓိမဂ္ဂဋီကာယံ^၆ အပရေဟိ ပကာရေဟိ

၁-ဘာသနံ၊ တံ (?) ၂-ဒီ-ဋ္ဌ ၁-၁၅၆-ပိဋ္ဌေ။ ၃-အံ ၁-၅၆၀-ပိဋ္ဌေ။ ၄-အံ ၂-၅၆၁-ပိဋ္ဌေ။
၅-ဥဒါန-ဋ္ဌ-၁၁၇၊ ဣတိဝုတ္တက-ဋ္ဌ ၁၁၅-ပိဋ္ဌေသု။ ၆-ဝိသုဒ္ဓိ-ဋီ ၁-၂၂၅-ပိဋ္ဌေသု။

ဝိတ္တာရိတာ၊ တသ္မာ တေသု ဝုတ္တနယေနပိ သော အတ္တော ဝေဒိတဗ္ဗော။
 တထာဂတဿ သတ္တနိကာယန္တောဂတောယ “ဣဓ ပန သတ္တလောကော
 အဓိပ္ပေတော”တိ ဝတ္တာ တတ္ထာယံယသ္မိံ သတ္တနိကာယေ ယသ္မိဉ္စ ဩကာသေ
 ဥပ္ပဇ္ဇတိ၊ တံ ဒဿေတုံ “သတ္တလောကေ ဥပ္ပဇ္ဇမာနောပိ စာ”တိအာဒိဝုတ္တံ။
 “တထာဂတော န ဒေဝလောကေ ဥပ္ပဇ္ဇတိ”တိအာဒိသု ယံ ဝတ္တဗ္ဗံ၊ တံ
 ပရတော အာဂမိဿတိ။ သာရပ္ပတ္တာတိ ကုလဘောဂိဿရိယာဒိဝသေန
 သာရဘူတာ။ ဗြာဟ္မဏဂဟပတိကာတိ ဗြဟ္မာယုပေါက္ခရသာတိအာဒိ-
 ဗြာဟ္မဏာ စေဝ အနာထပိဏ္ဍိကာဒိဂဟပတိကာ စ။

“သုဇာတာယာ”တိအာဒိနာ ဝုတ္တေသု စတုသု ဝိကပ္ပေသု ပဌမော ဝိကပ္ပေါ
 ဗုဒ္ဓဘာဝါယ အာသန္နတရပဋိပတ္တိဒဿနဝသေန ဝုတ္တော။ အာသန္နတရာယ ဟိ
 ပဋိပတ္တိယာ ဌိတော “ဥပ္ပဇ္ဇတိ”တိ ဝုတ္တတိ ဥပ္ပါဒဿ ဧကန္တိကတ္တာ၊ ပဂေဝ
 ပဋိပတ္တိယာ မတ္တကေ ဌိတော။ ဒုတိယော ဗုဒ္ဓဘာဝါဝဟပဗ္ဗဇ္ဇတော ပဌာယ
 အာသန္နပဋိပတ္တိဒဿနဝသေန၊ တတိယော ဗုဒ္ဓကရဓမ္မပါရိပူရိတော ပဌာယ
 ဗုဒ္ဓဘာဝါယ ပဋိပတ္တိဒဿနဝသေန။ န ဟိ မဟာသတ္တာနံ ဥပ္ပတ္တိဘဝပပတ္တိတော
 ပဌာယ ဗောဓိသမ္ဘာရသမ္ဘရဏံ နာမ အတ္ထိ။ စတုတ္ထော ဗုဒ္ဓကရဓမ္မသမာ-
 ရမ္ဘတော ပဌာယ။ ဗောဓိယာ နိယတဘာဝပတ္တိတော ပဘုတိ ဟိ ဝိညူဟိ
 “ဗုဒ္ဓေါ ဥပ္ပဇ္ဇတိ”တိ ဝတ္တု သက္ကာ ဥပ္ပါဒဿ ဧကန္တိကတ္တာ။ ယထာ ပန သန္တန္တိ
 နဒိသောတိ သန္တနကိရိယာယ အဝိစ္ဆေဒမုပါဒါယ ဝတ္တမာနပ္ပယောဂေါ၊ ဧဝံ
 ဥပ္ပါဒတ္ထာယ ပဋိပဇ္ဇနကိရိယာယ အဝိစ္ဆေဒမုပါဒါယ စတုသု ဝိကပ္ပေသု
 “ဥပ္ပဇ္ဇတိနာမာ”တိဝုတ္တံ။ သဗ္ဗပဌမံ ဥပ္ပန္နဘာဝန္တိ စတုသု ဝိကပ္ပေသု သဗ္ဗပဌမံ
 ဝုတ္တံ တထာဂတဿ ဥပ္ပန္နဘာဝသင်္ခါတံ အတ္ထိဘာဝံ။ တေနာဟ “ဥပ္ပဇ္ဇန္တော
 ဟောတိတိ အယဉ္ဇေတ္ထ အတ္တော”တိ။

သော ဘဂဝတိ ယော “တထာဂတော အရဟ”န္တိအာဒိနာ ကိတ္တိတ-
 ဂုဏော၊ သော ဘဂဝါ။ “ဣမံ လောက”န္တိ နယိဒံ မဟာဇနဿ သမ္မုခမတ္တံ
 သန္ဓာယ ဝုတ္တံ၊ အထ ခေါ အနဝသေသံ ပရိယာဒါယာတိ ဒဿေတုံ
 “သဒေဝက”န္တိအာဒိ ဝုတ္တံ၊ တေနာဟ “ဣဒါနိ ဝတ္တဗ္ဗံ နိဒဿေတိ”တိ။
 ပဇာတတ္တာတိ ယထာသကံ ကမ္မကိလေသေဟိ နိဗ္ဗတ္တတ္တာ။ ပဉ္စကာမာဝစရ-
 ဒေဝဂ္ဂဟဏံ ပါရိသေသဉ္စာယေန ဣတရေသံ ပဒန္တရေဟိ သင်္ဂဟိတတ္တာ။
 သဒေဝကန္တိ စ အဝယဝေန ဝိဂ္ဂဟော သမုဒါယော သမာသတ္တော။ ဆဋ္ဌ-
 ကာမာဝစရဒေဝဂ္ဂဟဏံ ပစ္စာသတ္တိဉ္စာယေန။ တတ္ထ ဟိ သော ဇာတော၊
 တံနိဝါသီ စ။ ဗြဟ္မကာယိကာဒိဗြဟ္မဂ္ဂဟဏန္တိ ဧတ္ထာပိ ဒေသေဝ နယော။

ပစ္စတ္တိက ။ပ။ သမဏဗြာဟ္မဏဂ္ဂဟဏန္တိ နိဒဿနမတ္တမေတံ အပစ္စတ္တိကာနံ၊ အသမိတာဗာဟိတပါပါနဉ္စ သမဏဗြာဟ္မဏာနံ သဿမဏဗြာဟ္မဏီ-ဝစနေန ဂဟိတတ္တာ။ ကာမံ “သဒေဝက”န္တိ အာဒိဝိသေသနာနံ ဝသေန သတ္တဝိသယော လောက-သဒ္ဓေါတိ ဝိညာယတိ တုလျယောဂဝိသယတ္တာ တေသံ၊ “သလော-မကော သပက္ခကော”တိ အာဒိသု ပန အတုလျယောဂေဝိ အယံ သမာသော လဗ္ဘတိတိ ဗျာဘိစာရဒဿနတော ပဇာဂဟဏန္တိ အာဟ “ပဇာဝစနေန သတ္တလောကဂ္ဂဟဏ”န္တိ။

အရူပိနော သတ္တာ အတ္တနော အာနေဉ္စဝိဟာရေန ဝိဟရန္တာ ဝိဗ္ဗန္တိတိ ဒေဝါတိ ဣမံ နိဗ္ဗစနံ လဘန္တိတိ အာဟ “သဒေဝကဂ္ဂဟဏေန အရူပဝစရလောကော ဂဟိတော”တိ။ တေနာဟ “အာကာသာနဉ္စာယ-တနူပဂါနံ ဒေဝါနံ သဟဗျတ”န္တိ။ သမာရကဂ္ဂဟဏေန ဆကာမာဝစရ-ဒေဝလောကော ဂဟိတော တဿ သဝိသေသံ မာရဿ ဝသေ ဝတ္တနတော။ ဂူပိ ဗြဟ္မလောကော ဂဟိတော အရူပိဗြဟ္မလောကဿ ဝိသုံ ဂဟိတတ္တာ။ စတုပရိသဝသေနာတိ ခတ္တိယာဒိစတုပရိသဝသေန၊ ဣတရာ ပန စတသော ပရိသာ သမာရကာဒိဂ္ဂဟဏေန ဂဟိတာ ဧဝါတိ။ အဝသေသသဗ္ဗသတ္တ-လောကော နာဂဂရဋ္ဌာဒိဘေဒေါ။

တ္ထောဝတာ စ ဘာဂသော လောကံ ဂဟေတွာ ယောဇနံ ဒဿေတွာ ဣဒါနိ တေန တေန ဝိသေသေန အဘာဂသော လောကံ ဂဟေတွာ ယောဇနံ ဒဿေတုံ “အပိ စေတ္တာ”တိ အာဒိ ဝုတ္တံ။ တတ္ထ ဥက္ကဋ္ဌပရိစ္ဆေဒတောတိ ဥက္ကံသ-ဂတိဝိဇာနနေန။ ပဉ္စသု ဟိ ဂတိသု ဒေဝဂတိပရိယာပန္နာဝ သေဋ္ဌာ၊ တတ္ထာပိ အရူပိနော ဒူရသမုဿာရိတကိလေသဒုက္ခတာယ၊ သန္တပဏီတအာနေဉ္စ-ဝိဟာရသမဂ္ဂိတာယ၊ အတိဒိဃာယုကတာယာတိ ဝေမာဒိဟိ ဝိသေသေဟိ အတိဝိယ ဥက္ကဋ္ဌာ။ “ဗြဟ္မာ မဟာနုဘာဝေါ”တိ အာဒိ ဒဿသဟဿိယံ မဟာဗြဟ္မာနော ဝသေန ဝဒတိ။ “ဥက္ကဋ္ဌပရိစ္ဆေဒတော”တိ ဟိ ဝုတ္တံ။ အနုတ္တရန္တိ သေဋ္ဌံ နဝလောကုတ္တရံ။ ဘာဝါနုတ္တမောတိ ဘာဝဝသေန ပရေသံ အဇ္ဈာ-သယဝသေန “သဒေဝက”န္တိ အာဒိနံ ပဒါနံ အနုတ္တမော။

တိဟာကာရေဟိတိ ဒေဝမာရဗြဟ္မသဟိတတာသင်္ခါတေဟိ တိဟိ ပကာ-ရေဟိ။ တီသု ပဒေသုတိ “သဒေဝက”န္တိ အာဒိသု တီသု ပဒေသု။ တေန တေနာကာရေနာတိ သဒေဝကတ္တာဒိနာ တေန တေန ပကာရေန။ တေ-ဓာတုကမေဝ ပရိယာဒိန္နန္တိ ပေါရာဏာ ပနာဟူတိ ယောဇနာ။

အဘိညာတိ ယ-ကာရလောပေနာယံ နိဒ္ဒေသော၊ အဘိဇာနိတွာတိ အယမေတ္ထ အတ္ထောတိ အာဟ “အဘိညာယ အဓိကေန ဉာဏေန ဥတွာ”တိ။ အနုမာနာဒိပဋိက္ခေပေါတိ အနုမာနဥပမာနအတ္ထာပတ္တိအာဒိပဋိက္ခေပေါ ကေပ္ပမာဏတ္တာ။ သဗ္ဗတ္ထ အပ္ပုဋ္ဌိဟတဉာဏစာရတာယ ဟိ သဗ္ဗပစ္စက္ခာ ဗုဒ္ဓါ ဘဂဝန္တော။

အနုတ္တရံ ဝိဝေကသုခန္တိ ဖလသမာပတ္တိသုခံ၊ တေန ဌိတိမိဿာပိ^၁ ကဒါစိ ဘဂဝတော ဓမ္မဒေသနာ ဟောတီတိ ဟိတွာပီတိ ဝိ-သဒ္ဓဂ္ဂဟဏံ။ ဘဂဝါ ဟိ ဓမ္မံ ဒေသေန္တော ယသ္မိံ ခဏေ ပရိသာ သာဓုကာရံ ဝါ ဒေတိ၊ ယထာ- သုတံ ဝါ ဓမ္မံ ပစ္စဝေက္ခတိ၊ တံ ခဏံ ပုဗ္ဗဘာဂေန ပရိစ္ဆိန္နိတွာ ဖလသမာပတ္တိံ သမာပဇ္ဇတိ၊ ယထာပရိစ္ဆေဒဉ္စ သမာပတ္တိတော ဝုဋ္ဌာယ ဌိတဋ္ဌာနတော ပဋ္ဌာယ ဓမ္မံ ဒေသေတိ။ ဥပ္ပုဋ္ဌိတညဿ ဝသေန အပ္ပံ ဝါ ဝိပဋ္ဌိတညဿ၊ နေယျဿ ဝါ ဝသေန ဗဟံ ဝါ ဒေသေန္တော။ ဓမ္မဿ ကလျာဏတာ နိယျာနိကတာယ၊ နိယျာနိကတာ စ သဗ္ဗသော အနဝဇ္ဇဘာဝေနေဝါတိ အာဟ “အနဝဇ္ဇမေဝ ကတွာ”တိ။ ဒေသကာယတ္ထေန အာဏာဒိဝိမိနာ အဘိသဇ္ဇနံ ပဗောဓနံ ဒေသနာတိ သာ ပရိယတ္တိဓမ္မဝသေန ဝေဒိတဗ္ဗာတိ အာဟ “ဒေသနာယ တာဝ စတုပ္ပဒိကာယပိ ဂါထာယာ”တိအာဒိ။ နိဒါန- နိဂမနာနိပိ သတ္ထုနော ဒေသနာယ အနုဝိဓာနတော တဒန္တောဂဓာနိ ဝေါတိ အာဟ “နိဒါနံ အာဒိ၊ ဣဒမဝေါဓာတိ ပရိယောသာန”န္တိ။

သာသိတဗ္ဗပုဂ္ဂလဂတေန ယထာပရာဓာဒိသာသိတဗ္ဗဘာဝေန အနုသာသနံ တဒဂ်ဝိနယာဒိဝသေန ဝိနယနံ သာသနန္တိ တံ ပဋိပတ္တိဓမ္မဝသေန ဝေဒိတဗ္ဗန္တိ အာဟ “သီလသမာဓိဝိပဿနာ”တိအာဒိ။ ကုသလာနံ ဓမ္မာနန္တိ အနဝဇ္ဇ- ဓမ္မာနံ သီလဿ၊ သမထဝိပဿနာနဉ္စ သီလဒိဋ္ဌိနံ အာဒိဘာဝေါ တံမူလကတ္တာ ဥတ္တရိမနုဿဓမ္မာနံ။ အရိယမဂ္ဂဿ အန္တဒ္ဓယဝိဂမေန မဇ္ဈိမပဋိပဒါဘာဝေါ ဝိယ သမ္မာပဋိပတ္တိယာ အာရဗ္ဘနိပ္ပတ္တိနံ ဝေမဇ္ဈတ္တာပိ မဇ္ဈဘာဝေါတိ ဝုတ္တံ “အတ္ထိ ဘိက္ခဝေ။ပ။ မဇ္ဈံ နာမာ”တိ။ ဖလံ ပရိယောသာနံ နာမ သဥပါဒိ- သေသတာဝသေန၊ နိဗ္ဗာနံ ပရိယောသာနံ နာမ အနုပါဒိသေသတာဝသေန။ ဣဒါနိ တေသံ ဌိန္နမ္ပိ သာသနဿ ပရိယောသာနတံ အာဂမေန ဒေသေတုံ “တေဒတ္ထမိဒ”န္တိ^၂အာဒိမာဟ။ ဣဓ ဒေသနာယ အာဒိမဇ္ဈပရိယောသာနံ အဓိပ္ပေတံ “သဗျဉ္ဇန”န္တိအာဒိဝစနတော။ တသ္မိံ တသ္မိံ အတ္ထေ ကတာဝဓိ- သဒ္ဓပ္ပဗန္တော၊ ဂါထာဝသေန၊ သုတ္တဝသေန စ ဝဝတ္ထိတော ပရိယတ္တိဓမ္မော၊

၁-ဝိထိမိဿာပိ(သာရတ္ထ-ဋီ ၁-၂၃၃-ပိဋ္ဌေ။) ဝိထိမိဿာပိ(က) ၂-တသ္မာတိဟတွန္တိ(ဗဟုသု)

ယော ဣဓ “ဒေသနာ”တိ ဝုတ္တော၊ တဿ ပန အတ္ထော ဝိသေသတော သီလာဒိ
 ဧဝါတိ အာဟ “ဘဂဝါ ဟိ ဓမ္မံ ဒေသေန္တော။ပ။ ဒေသေတိ”တိ။ တတ္ထ
 ‘သီလံ ဒေသေတွာတိ သီလ-ဂ္ဂဟဏေန သသမ္ဘာရံ သီလံ ဂဟိတံ၊ တထာ
 မဂ္ဂ-ဂ္ဂဟဏေန သသမ္ဘာရော မဂ္ဂေါတိ တဒုဘယဝသေန အနဝသေသတော
 ပရိယတ္တိအတ္ထံ ပရိယာဒိယတိ။ တေနာတိ သီလာဒိဒဿနေန။ အတ္ထဝသေန
 ဟိ ဣဓ ဒေသနာယ အာဒိကလျာဏာဒိဘာဝေါ အဓိပ္ပေတော။ ကထိကသတ္တိ-
 တိတိ ကထိကဿ သဏ္ဌာနံ ကထနဝသေန သမဝဋ္ဌာနံ။

န သော သာတ္ထံ ဒေသေတိ နိယျာနတ္ထဝိရဟတော တဿာ ဒေသနာယ။
 ကေဗျဉ္ဇနာဒိယုတ္တာ ဝါတိ သိထိလာဒိဘေဒေသု ဗျဉ္ဇနေသု ကေပ္ပကာရေ-
 နေဝ၊ဒွိပကာရေနေဝ ဝါ ဗျဉ္ဇနေန ယုတ္တာ ဝါ ဒမိဋ္ဌဘာသာ ဝိယ။ ဝိဝဋ္ဌကရ-
 ဏတာယ ဩဋ္ဌေ အဖုသာပေတွာ ဥစ္စာရေတဗ္ဗတော သဗ္ဗနိရောဋ္ဌဗျဉ္ဇနာ ဝါ
 ကိရာတဘာသာ ဝိယ။ သဗ္ဗဿေဝ^၁ ဝိသုဇ္ဇနိယယုတ္တတာယ သဗ္ဗဝိသုဋ္ဌဗျဉ္ဇနာ
 ဝါ သဝရဘာသာ^၂ ဝိယ။ သဗ္ဗဿေဝ^၁ သာနုသာရတာယ သဗ္ဗနိဂ္ဂဟိတဗျဉ္ဇနာ
 ဝါ ပါရသိကာဒိမိလက္ခဘာသာ ဝိယ။ သဗ္ဗာပေသာ ဗျဉ္ဇနေကဒေသဝသေန
 ပဝတ္တိယာ အပရိပုဏ္ဏဗျဉ္ဇနာတိ ကတွာ “အဗျဉ္ဇနာ”တိ ဝုတ္တော။

ဌာနကရဏာနိ သိထိလာနိ ကတွာ ဥစ္စာရေတဗ္ဗံ အက္ခရံ ပဉ္စသု ဝဂ္ဂေသု
 ပဌမတတိယန္တိ ဧဝမာဒိ သိထိလံ။ တာနိ အသိထိလာနိ ကတွာ ဥစ္စာရေတဗ္ဗံ
 အက္ခရံ ဝဂ္ဂေသု ဒုတိယစတုတ္ထန္တိ ဧဝမာဒိ ဓနိတံ။ ဒွိမတ္တကာလံ ဒီသံ။ ကေမတ္တ-
 ကာလံ ရသံ။ တဒေဝ လဟုကံ။ လဟုကမေဝ သံယောဂပရံ၊ ဒီသဉ္စ ဂရုကံ။
 ဌာနကရဏာနိ နိဂ္ဂဟေတွာ ဥစ္စာရေတဗ္ဗံ နိဂ္ဂဟိတံ။ ပရေန သမ္ပန္နံ ကတွာ
 ဥစ္စာရေတဗ္ဗံ သမ္ပန္နံ။ တထာ နသမ္ပန္နံ ဝေတ္တိတံ။ ဌာနကရဏာနိ နိဿဋ္ဌာနိ
 ကတွာ ဥစ္စာရေတဗ္ဗံ ဝိပုတ္တံ။ ဒေသေတိ ဧဝံ သိထိလာဒိဝသေန ဗျဉ္ဇနဗျုတ္တိယာ
 အက္ခရပ္ပါဒကစိတ္တဿ သဗ္ဗာကာရေန ပဘေဒေါ။ သဗ္ဗာနိ ဟိ အက္ခရာနိ
 စိတ္တသမုဋ္ဌာနာနိ ယထာဓိပ္ပေတတ္ထံ ဗျဉ္ဇနတော ဗျဉ္ဇနာနိ စာတိ။

အမက္ခေတွာတိ အဓိလေစ္ဆေတွာ၊ အဝိနာသေတွာ၊ အဟာပေတွာတိ ဝါ
 အတ္ထော။ ဘဂဝါ ယမတ္ထံ ဉ္ဌပေတုံ ဧကံ ဂါထံ၊ ဧကံ ဝါကျံ ဝါ ဒေသေတိ၊
 တမတ္ထံ တာယ ဒေသနာယ ပရိမဏ္ဍလပဒဗျဉ္ဇနာယ ဧဝ ဒေသေတိတိ အာဟ
 “ပရိပုဏ္ဏဗျဉ္ဇနမေဝ ကတွာ ဓမ္မံ ဒေသေတိ”တိ။ ဣဓ ကေဝလ-သဒ္ဓေါ
 အနဝသေသဝါစကော၊ န အဝေါမိဿကာဒိဝါစကောတိ အာဟ “သကလာ-
 ဝိဝေဓန”န္တိ။ ပရိပုဏ္ဏန္တိ သဗ္ဗသော ပုဏ္ဏံ၊ တံ ပန ကေနစိ ဦးနံ၊ အဓိကံ ဝါ န

၁-သဗ္ဗတ္ထေဝ (သာရတ္ထ-ဇီ ၁-၃၂၇-ပိဋ္ဌေ၊) ၂-ယဝနဘာသာ (သာရတ္ထ-ဇီ ၁-၃၂၇-ပိဋ္ဌေ၊)

ဟောတိတိ “အနုနာဓိကဝေဒန” နိ ဝုတ္တံ။ တတ္ထ ယဒတ္ထံ ဒေသိတော၊ တဿ သာဓကေတ္တာ အနုနတာ ဝေဒိတဗ္ဗာ၊ တဗ္ဗိရဿ ပန အသာဓကေတ္တာ အနဓိကတာ။ သကလန္တိ သဗ္ဗဘာဂဝန္တံ။ ပရိပုဏ္ဏန္တိ သဗ္ဗသော ပရိပုဏ္ဏမေဝ၊ တေနာဟ “ဧကဒေသနာပိ အပရိပုဏ္ဏာ နတ္ထိ” တိ။ အပရိသုဒ္ဓါ ဒေသနာ ဟောတိ တဏှာယ သံကိလိဋ္ဌတ္တာ။ လောကာမိသံ စိဝရာဒယော ပစ္စယာ၊ တတ္ထ အဂမိတစိတ္တတာယ လောကာမိသနိရပေက္ခော။ ‘ဟိတဖရဏေနာတိ ဟိတူပသံဟာရေန။ မေတ္တာဘာဝနာယ ကရဏဘူတာယ ဗုဒ္ဓဟဒယော။ ဥဇ္ဈုပ္ပနသဘာဝသဏ္ဌိတေနာတိ သကလသံကိလေသတော၊ ဝဋ္ဋဒုက္ခတော စ ဥဒ္ဓရဏာကာရာဝဋ္ဋိတေန စိတ္တေန၊ ကရုဏာမိပ္ပါယေနာတိ အတ္ထော။

“ဣတော ပဋ္ဌာယ ဒဿာမေဝ၊ ဝေဇ္ဇ ဒဿာမိ” တိ သမာဒါတဗ္ဗဋ္ဌေန ဝတံ။ ပဏ္ဍိတပညတ္တတာယ သေဋ္ဌဋ္ဌေန ဗြဟ္မံ၊ ဗြဟ္မာနံ ဝါ စရိယန္တိ ဗြဟ္မစရိယံ၊ ဒါနံ။ မစ္ဆရိယလောဘာဒိနိဂ္ဂဏှနေန သုစိဏ္ဏဿ။ ဣဒ္ဓိတိ ဒေဝိဒ္ဓိ။ ဇုတိတိ ပဘာ၊ အာနုဘာဝေါ ဝါ။ မလဝီရိယူပပတ္တိတိ ဧဝံ မဟတာ ဗလေန စ ဝီရိယေန စ သမန္တာဂမော။ ပုညန္တိ ပုညဖလံ။ ဝေယျာဝစ္စံ ဗြဟ္မစရိယံ သေဋ္ဌာစရိယာတိ ကတွာ။ သေ နယော သေသေဝိ။

တသ္မာတိ ယသ္မာ သိက္ခတ္တယသင်္ဂဟံ သကလသာသနံ ဣဓ “ဗြဟ္မစရိယ” နိ အဓိပ္ပေတံ၊ တသ္မာ။ “ဗြဟ္မစရိယ” နိ ဣမိနာ သမာနာဓိကရဏာနိ သဗ္ဗပဒါနိ ယောဇေတွာ အတ္ထံ ဒဿေန္တော “သော ဓမ္မံ ဒေသေတိ။ ပ။ ပကာသေတိတိ ဝေမေတ္တ အတ္ထော ဓဋ္ဌဗ္ဗော” တိ အာဟ။

၁၉၁။ ဝုတ္တပ္ပကာရသမ္ပဒန္တိ ယထာဝုတ္တအာဒိကလျာဏတာဒိဂုဏသမ္ပဒံ၊ ဒူရသမုဿာရိတမာနဿေဝ သာသနေ သမ္မာပဋိပတ္တိ သမ္ဘဝတိ၊ န မာန-
ဇာတိကဿာတိ အာဟ “နိဟတမာနတ္တာ” တိ။ ဥဿန္တတ္တာတိ ဗဟုလ-
ဘာဝတော။ ဘောဂါရောဂျာဒိဝတ္ထုကာ မဒေါ သုပ္ပဟေယျာ ဟောန္တိ နိမိတ္တဿ အနဝတ္ထာနတော၊ န တထာ ကုလဝိဇ္ဇာမဒေါ၊ တသ္မာ ခတ္ထိယဗြာဟ္မဏကုလာနံ ပဗ္ဗဇိတာနဗ္ဗိဇာတိဝိဇ္ဇာ နိဿာယ မာနဇပ္ပနံ ဒုပ္ပဇဟန္တိ အာဟ “ယေဘုယျေန ဟိ။ ပ။ မာနံ ကရေန္တိ” တိ။ ဝိဇာတိတာယာတိ နိဟိနဇာတိတာယ။ ပတိဋ္ဌာတုံ န သက္ကောန္တိတိ သုဝိသုဒ္ဓံ ကတွာ သီလံ ရက္ခိတုံ န သက္ကောန္တိ။ သီလဝသေန ဟိ သာသနေ ပတိဋ္ဌာ၊ ပတိဋ္ဌာတုန္တိ ဝါ သစ္စပဋိဝေဓေန လောကုတ္တရာယ ပတိဋ္ဌာယ ပတိဋ္ဌာတုံ။ သာ ဟိ နိပ္ပရိယာယတော သာသနေ ပတိဋ္ဌာ နာမ၊ ယေဘုယျေန စ ဥပနိဿယသမ္ပန္နာ သုဇာတာ ဝေ ဟောန္တိ၊ န ဒုဇာတာ။

ပရိသုဒ္ဓန္တိ ရာဂါဒိနံ အစ္စန္တမေဝ ပဟာနဒီပနတော နိရုပတ္တိလေသတာယ သဗ္ဗသော ပရိသုဒ္ဓိ။ သန္တံ ပဋိလဘတိတိ ပေါထုဇ္ဇနိကသဒ္ဓါဝသေန သဒ္ဓဟတိ။ ဝိညူဇာတိကာနဉ္စိ ဓမ္မသမ္ပတ္တိဂ္ဂဟဏပုဗ္ဗိကာ သဒ္ဓါသိဒ္ဓိ^၁ ဓမ္မပ္ပမာဏဓမ္မပ္ပသန္တ-
ဘာဝတော။ “သမ္မာသမ္ဗုဒ္ဓေါ ဝတ သော ဘဂဝါ၊ ယော ဧဝံ သွာက္ခာတ-
ဓမ္မော”တိ သန္တံ ပဋိလဘတိ။ ဇာယမ္ပတိကာတိ ဃရဏီပတိကာ။ ကာမံ
“ဇာယမ္ပတိကာ”တိ ဝုတ္တေ ဃရသာမိကဃရသာမိနီဝသေန ခြိန္တယေဝ ဂဟဏံ
ဝိညာယတိ၊ ယဿ ပန ပုရိသဿ အနေကာ ပဇာပတိယော၊ တတ္ထ ကိ^၂
ဝတ္တဗ္ဗံ၊ ကောယာပိ သံဝါသော သမ္မာဓောတိ ဒဿနတ္ထံ “ဒွေ”တိ ဝုတ္တံ။
ရာဂါဒိနာ သင်္ကဉ္စနဋ္ဌေန၊ ခေတ္တဝတ္ထုအာဒိနာ သပလိဗောဓဋ္ဌေန ရာဂရဇာဒိနံ
အာဂမနပထတာပိ ဥဋ္ဌာနဋ္ဌာနတာ ဝေါတိ ဒွေပိ ဝတ္ထုနာ ကေတ္တာ၊ ဗျဉ္ဇန-
မေဝ နာနံ။ အလဂ္ဂနဋ္ဌေနာတိ အဿဇ္ဇနဋ္ဌေန အပ္ပဋိဗဒ္ဓဘာဝေန။ ဧဝံ
အကုသလကုသလပ္ပဝတ္တိနံ ဌာနဘာဝေန ဃရာဝါသပဗ္ဗဇ္ဇာနံ သမ္မာဓမ္မော-
ကာသတံ ဒဿေတွာ ဣဒါနိ ကုသလပ္ပဝတ္တိယာ ဧဝံ အဋ္ဌာနဋ္ဌာနဘာဝေန
တေသံ တံ ဒဿေတုံ “အဝိဇာ”တိအာဒိ ဝုတ္တံ။

သင်္ခေပကထာတိ ဝိသုံ ဝိသုံ ပဒုဒ္ဓါရံ အကတွာ သမာသတော အတ္ထ-
ဝတ္ထုနာ။ ကေမ္ပိ ဒိဝသန္တိ ကေဒိဝသမတ္တမ္ပိ။ အဇ္ဈန္တံ ကတွာတိ ဒုက္ကဋ္ဌမတ္တဿပိ
အနာပဇ္ဇနေန အဇ္ဈိကံ ကတွာ။ ကိလေသမလေန အမလီနန္တိ တဏှာ-
သံကိလေသာဒိနာ အသံကိလိဋ္ဌံ ကတွာ။ ပရိယောဒါတဋ္ဌေန နိမ္မလဘာဝေန
သင်္ခံ ဝိယ လိခိတံ ဇောတန္တိ သင်္ခလိခိတန္တိ အာဟ “ဇောတသင်္ခသပ္ပုဋ္ဌိ-
ဘာဂ”န္တိ။ “အဇ္ဈာဝသတာ”တိပဒပ္ပယောဂေန “အဝါရ”န္တိ ဘုမ္မတ္ထေ
ဥပယောဂဝစနန္တိ အာဟ “အဂါရမဇ္ဈေ”တိ။ ကသာယေန ရတ္တာနိ ဝတ္တာနိ
ကသာယာနိတိ အာဟ “ကသာယရသပီတတာယာ”တိ။ ပရိဒဟိတွာတိ
နိဝါသေတွာ စေဝ ပါရုပိတွာ စ။ အဂါရဝါသော အဂါရံ ဥတ္တရပဒလောပေန၊
တဿ ဝနိအာဝဟံ အဂါရဿ ဟိတံ။

၁၉၂။ ဘောဂက္ခန္ဓောတိ ဘောဂသမုဒါယော။ အာဗန္ဓနဋ္ဌေနာတိ
ပုတ္တော နတ္တာ”တိအာဒိနာ ပေမဝသေန သပရိစ္ဆေဒံ ဗန္ဓနဋ္ဌေန။ “အမှာက-
မေတေ”တိ ဉာယန္တိတိ ဉာတိ။ ပိတာမဟပိတုပုတ္တာဒိဝသေန ပရိဝတ္တနဋ္ဌေန
ပရိဝဇ္ဇော။

၁၉၃။ ပါတိမောက္ခသံဝရသံဝုတောတိ ပါတိမောက္ခသံဝရေန ပိဟိတ-
ကာယဝစီဒ္ဓါရော၊ တထာဘူတော စ ယသ္မာ တေန သံဝရေန ဥပေတော နာမ

ဟောတိ၊ တသ္မာ ဝုတ္တံ “ပါတိမောက္ခသံဝရေန သမန္တာဂတော”တိ။ “အာစာ-
ရဂေါစရသမ္ပန္နော”တိ အာဒိ တဿေဝ ပါတိမောက္ခသံဝရသမန္တာဂမဿ
ပစ္စယဒဿနံ။ အပ္ပမတ္တကေသုတိ အသဉ္စိစ္စ အာပန္နအနုဒ္ဓကေသု စေဝ သဟဿာ
ဥပ္ပန္နအကုသလစိတ္တုပ္ပါဒေသု စ။ အယဒဿာဝီတိ ဘယဒဿနသီလော။ သမ္မာ
အာဒိယိတွာတိ သက္ကစ္စံ ယာဝဇီဝံ အဝီတိက္ကမဝသေန အာဒိယိတွာ။ တံ တံ
‘သိက္ခာပဒန္တိ တံ တံ သိက္ခာကောဋ္ဌာသံ။ ဧတ္ထာတိ ဧတသ္မိ “ပါတိမောက္ခသံဝရ-
သံဝုတော”တိ ပါဌေ။ သင်္ခေါပေါတိ သင်္ခေါဝဏ္ဏနာ။ ဝိတ္တာဓော ဝိသုဒ္ဓိမဂ္ဂေ^၁
ဝုတ္တော၊ တသ္မာ သော တတ္ထ၊ တံသံဝဏ္ဏနာယ^၂ စ ဝုတ္တနယေန ဝေဒိတဗ္ဗော။

အာစာရဂေါစရဂ္ဂဟဏေနေဝါတိ “အာစာရဂေါစရသမ္ပန္နော”တိ ဝစ-
နေနေဝ။ တေနာဟ “ကုသလေ ကာယကမ္မဝစီကမ္မေ ဂဟိတေဝီ”တိ။ အဓိက-
ဝစနံ အညမတ္ထံ ဗောဓေတိတိ ကတွာ တဿ အာဇီဝပါရိသုဒ္ဓိသီလဿ
ဥပ္ပတ္တိဒါရဒဿနတ္ထံ။ ပ။ ကုသလေနာတိ ဝုတ္တံ၊ သဗ္ဗသော အနေသနပ္ပဟာ-
နေန အနဝဇ္ဇေနာတိ အတ္ထော။ ယသ္မာ “ကတမေ စ ထပတိ ကုသလာ
သီလာ။ ကုသလံ ကာယကမ္မံ ကုသလံ ဝစီကမ္မ”န္တိ^၃ သီလဿ ကုသလကာယဝစီ-
ဘာဝံ ဒဿေတွာ “အာဇီဝပါရိသုဒ္ဓိမ္မိ ခေါ အဟံ ထပတိ သီလသ္မိ^၄ ဝဒါမီ”တိ^၅
ဧဝံ ပဝတ္တာယ မုဏ္ဍိကသုတ္တဒေသနာယ “ကာယကမ္မဝစီကမ္မေန သမန္တာဂ-
တော ကုသလေန၊ ပရိသုဒ္ဓါဇီဝေါ”တိ အယံ ဒေသနာ ဧကသင်္ဂဟာ အညဒတ္ထ၊
သံသန္တတိ သမေတိတိ ဒဿေန္တော အာဟ “မုဏ္ဍိကသုတ္တဝသေန ဝါ ဧဝံ
ဝုတ္တ”န္တိ။ သီလသ္မိ^၆ ဝဒါမီတိ “သီလ”န္တိ ဝဒါမိ။ “သီလသ္မိ” အန္တောဂဓံ
ပရိယာပန္န”န္တိ ဝဒါမီတိ ဝါ အတ္ထော။ ပရိယာဒါနတ္ထန္တိ ပရိဂ္ဂဟတ္ထံ။

တိဝိဓေန သီလေနာတိ စူဠသီလံ မဇ္ဈိမသီလံ မဟာသီလန္တိ ဧဝံ တိဝိဓေန
သီလေန။ မနန္တဋ္ဌေသု ဣန္ဒြိယေသု၊ န ကာယပဉ္စမေသု။ ယထာလာဘယထာ-
ဗလယထာသာရုပ္ပပ္ပကာရဝသေန တိဝိဓေန သန္တောသေန။

စူဠ-မဇ္ဈိမ-မဟာသီလဝဏ္ဏနာ

၁၉၄-၂၁၁။ “သီလသ္မိ”န္တိ ဣဒံ နိဒ္ဒါရဏေ ဘုမ္မန္တိ အာဟ “ဧကံ သီလံ
ဟောတိတိ အတ္ထော”တိ။ အယမေဝ အတ္ထောတိ ပစ္စတ္တဝစနတ္ထော ဧဝ။ မြဟ္မ-
ဇာလေတိ မြဟ္မဇာလဝဏ္ဏနာယံ^၇။

၁-ဝိသုဒ္ဓိ ၁-၁၆-ပိဋ္ဌာဒိသု။	၂-ဝိသုဒ္ဓိ-၇ ၁-၃၈-ပိဋ္ဌာဒိသု။
၃-မ ၂-၂၁၈-ပိဋ္ဌေ။	၄-ဒီ-၄ ၁-၆၈-ပိဋ္ဌာဒိသု။
၅-နိ ၁-၁၆—န-ဗု-သ	

၂၁၂။ အတ္တံနုဝါဒပရာနုဝါဒဒဏ္ဍဘယာဒိနိ အသံဝရမူလကောနိ။ သီလ-
သာသံဝရတောတိ သီလဿ အသံဝရဏတော၊ သီလသံဝရာဘာဝတောတိ
အတ္ထော။ ဘဝေယျာတိ ဥပ္ပဇ္ဇေယျ။ ယထာဝိဓာနဝိဟိတေနာတိ ယထာဝိဓာ-
နသမ္ပာဒိတေန။ အဝိပ္ပဋ္ဌိသာရာဒိနိမိတ္တံ ဥပ္ပန္နစေတသိကသုခသမုဋ္ဌာနေဟိ
ပဏီတရူပေဟိ ဖုဋ္ဌသရီရဿ ဥဋ္ဌာရံ ကာယိကံ သုခံ ဘဝတိတိ အာဟ
“အဝိပ္ပဋ္ဌိသာရ။ပ။ ပဋိသံဝေဒေတိ”တိ။

ဣန္ဒြိယသံဝရကထာဝဏ္ဏနာ

၂၁၃။ ဝိသေသော ကမ္မတ္တာပေက္ခတာယ သာမညဿ န တေဟိ^၁ ပရိ-
စတ္တောတိ အာဟ “စက္ခုသဒ္ဓေါ ကတ္တမိ ဗုဒ္ဓစက္ခုမှိ ဝတ္တတိ”တိ။ ဝိဇ္ဇမာန-
မေဝ ဟိ အဘိဓေယျေ ဝိသေသတ္ထံ ဝိသေသန္တရနိဝတ္တနဝသေန ဝိသေသ-
သဒ္ဓေါ ဝိဘာဝေတိ၊ န အဝိဇ္ဇမာနံ။ သေသပဒေသုပိ ဒေသေဝ နယော။
အညေဟိ အသာဓာရဏံ ဗုဒ္ဓါနိယေဝ စက္ခု ဒဿနန္တိ ဗုဒ္ဓစက္ခု၊ အာသယာ-
နသယဉာဏံ၊ ဣန္ဒြိယပရောပရိယတ္တဉာဏဉ္စ။ သမန္တတော သဗ္ဗသော ဒဿ-
နဋ္ဌေန သမန္တစက္ခု၊ သဗ္ဗညုတညာဏံ။ အရိယမဂ္ဂတ္တယပညာတိ ဟေဋ္ဌိမေ
အရိယမဂ္ဂတ္တယေ ပညာ။ ဣဓာတိ “စက္ခုနာ ရူပ”န္တိ ဣမသ္မိံ ပါဌေ။ အယံ
စက္ခု-သဒ္ဓေါပသာဒ။ပ။ ဝတ္တတိ နိဿယဝေါဟာရေ နိဿိတဿ ဝတ္တဗ္ဗတော
ယထာ“မဇ္ဈာဥက္ကုဋ္ဌိံ ကရေန္တိ”တိ။ အသမ္ဘိဿန္တိ ကိလေသဒုက္ခေန အဝေါမိဿံ။
တေနာဟ “ပရိသုဒ္ဓ”န္တိ။ သတိ ဟိ သုဝိသုဒ္ဓေ ဣန္ဒြိယသံဝရေ ပဓာနဘူတ-
ပါပဓမ္မဝိဂမေန အဓိစိတ္တာနုယောဂေါ ဟတ္ထဂတော ဧဝ ဟောတိတိ အာဟ
“အဓိစိတ္တသုခံ ပဋိသံဝေဒေတိ”တိ။

သတိသမ္ပဇာနကထာဝဏ္ဏနာ

၂၁၄။ သမန္တတော၊ ပကဋ္ဌံ ဝါ သဝိသေသံ ဇာနာတိတိ သမ္ပဇာနော၊
သမ္ပဇာနဿ ဘာဝေါ သမ္ပဇညံ၊ တထာပဝတ္တဉာဏံ။ တဿ ဝိဘဇနံ သမ္ပဇ-
ညဘာဇနီယံ၊ တသ္မိံ သမ္ပဇညဘာဇနီယမှိ။ အဘိက္ကမနံ အဘိက္ကန္တန္တိ အာဟ
“အဘိက္ကန္တံ ဝုတ္တတိ ဂမန”န္တိ။ တထာ ပဋိက္ကမနံ ပဋိက္ကန္တန္တိ အာဟ “ပဋိက္ကန္တံ
နိဝတ္တန”န္တိ။ နိဝတ္တနန္တိ စ နိဝတ္တိမတ္တံ။ နိဝတ္တိတွာ ပန ဂမနံ ဂမနမေဝ။ အဘိ-
ဟရန္တောတိ ဂမနဝသေန ကာယံ ဥပနေန္တော။ ဌာနနိသဇ္ဇာသယနေသု
ယော ဂမနဝိရုရော ကာယဿ ပုရတော အဘိဟာရော၊ သော အဘိက္ကမော၊
ပစ္ဆတော အပဟရဏံ ပဋိက္ကမောတိ ဒဿေန္တော “ဌာနေဝီ”တိအာဒိမာဟ။

အာသနဿာတိ ဝိဋ္ဌကာဒိအာသနဿ။ ပုရိမအင်္ဂါဘိမုခေါတိ အဋ္ဌနိကာဒိ-
ပုရိမာဝယဝါတိမုခေါ။ သံသရန္တောတိ သံသပ္ပန္တော။ ပစ္စာသံသရန္တောတိ
ပဋိအာသပ္ပန္တော။ “သေဝ နယော”တိ ဣမိနာ နိပန္နဿေဝ အဘိမုခသံသပ္ပန-
ပဋိအာသပ္ပနာနိ နိဒဿေတိ။

သမ္မာ ပဇာနနံ သမ္ပဇာနံ၊ တေန အတ္တနာ ကာတဗ္ဗကိစ္စဿ ကရဏသီလော
သမ္ပဇာနကာရီတိ အာဟ “သမ္ပဇညေန သမ္ပကိစ္စကာရီ”တိ။ သမ္ပဇာန-
သဒ္ဓဿ သမ္ပဇညပရိယာယတာ ပုဗ္ဗေ ဝုတ္တာ ဧဝ။ သမ္ပဇညံ ကရောတေဝါတိ
အဘိက္ကန္တာဒိသု အသမ္မောဟံ ဥပ္ပါဒေတိ ဧဝ။ သမ္ပဇညဿ ဝါ ကာရော
တေဿ အတ္တိတိ သမ္ပဇာနကာရီ။ ဓမ္မတော ဝဇိုသင်္ခါတေန သဟ အတ္တေန
ဝတ္တတိတိ သာတ္တကံ၊ အဘိက္ကန္တာဒိ။ သာတ္တကဿ သမ္ပဇာနနံ သာတ္တက-
သမ္ပဇညံ။ သပ္ပါယဿ အတ္တနော ဟိတဿ သမ္ပဇာနနံ သပ္ပါယသမ္ပဇညံ။
အဘိက္ကမာဒိသု ဘိက္ခာစာရဂေါစရေ၊ အညတ္တာပိ စ ပဝတ္ထေသု အဝိဇဟိတေ
ကမ္မဋ္ဌာနသင်္ခါတေ ဂေါစရေ သမ္ပဇညံ ဂေါစရသမ္ပဇညံ။ အဘိက္ကမာဒိသု
အသမ္ပယုနမေဝ သမ္ပဇညံ အသမ္မောဟသမ္ပဇညံ။ ပရိဂ္ဂဟေတွာတိ တုလေတွာ
တိရေတွာ၊ ပဋိသင်္ခါယာတိ အတ္တော။ သံဃဒဿနေနေဝ ဥပေါသထပဝါရဏာဒိ-
အတ္ထံ ဂမနံ သင်္ဂဟိတံ။ အသုဘဒဿနာဒိတိ အာဒိ-သဒ္ဓေန ကသိဏပရိ-
ကမ္မာဒိနံ သင်္ဂဟော ဒဠဗ္ဗော။ သင်္ခေပတော ဝုတ္တမတ္ထံ ငိဝရိတုံ “စေတိယံ
ဝါ ဗောဓိံ ဝါ ဒိသွာပိ ဟိ”တိအာဒိ ဝုတ္တံ။ အရဟတ္တံ ပါပုဏာတိတိ ဥက္ကဋ္ဌ-
နိဒ္ဒေသော ဧသော။ သမထဝိပဿနပ္ပါဒနမ္ပိ ဟိ ဘိက္ခုနော ဝဇိုယေဝ။ ကေစိတိ
အဘယဂိရိဝါသိနော။

တသ္မိံ ပနာတိ သာတ္တကသမ္ပဇညဝသေန ပရိဂ္ဂဟိတအတ္ထေ။ “အတ္ထောတိ
ဓမ္မတော ဝဇို”တိ ယံ သာတ္တကန္တိ အဓိပ္ပေတံ၊ တံ သပ္ပါယမေဝါတိ
သိယာ ကဿမိ အာသင်္ကာတိ တန္တိဝတ္တနတ္ထံ “စေတိယဒဿနံ တာဝါ”တိအာဒိ
အာရဒ္ဓံ။ စိတ္တကမ္မရူပကာနိ ဝိယာတိ စိတ္တကမ္မကတာ ပဋိမာယော ဝိယ၊
ယန္တပယောဂေန ဝါ ဝိစိတ္တကမ္မာ ပဋိမာယော ဝိယ။ အသမပေက္ခနံ ဂေဟသိ-
တအညာဏုပေက္ခာဝသေန အာရမ္မဏဿ အယောနိသော ဂဟဏံ။ ယံ
သန္ဓာယ ဝုတ္တံ “စက္ခုနာ ရူပံ ဒိသွာ ဥပ္ပဇ္ဇတိ ဥပေက္ခာ ဗာလဿ မူဠဿ
ပုထုဇ္ဇနဿာ”တိအာဒိ။ ဟတ္ထိအာဒိသမ္ပဒေန ဇိဝိတန္တရာယော။ ဝိသဘာဂ-
ရူပဒဿနာဒိနာ ဗြဟ္မစရိယန္တရာယော။

ပဗ္ဗဇိတဒီဝသတော ပဋ္ဌာယ ဘိက္ခုနံ အနုဝတ္တနကထာ အာစိဏ္ဏာ၊
အနုဝတ္တနကထာ ပန တဿာ ဒုတိယာ နာမ ဟောတီတိ အာဟ “ဧ
ကထာ နာမ န ကထိတပုဗ္ဗာ”တိ။ ဧဝံ “သစေ ပနာ”တိအာဒိကံ သဗ္ဗမ္ပိ
ဝုတ္တာကာရံ ပစ္စာမသတိ၊ န “ပုရိသဿ မာတုဂါမာသုဘ”န္တိအာဒိကံ
ဝုစ္စမာနံ။

ယောဂကမ္မဿ ပဝတ္တိဋ္ဌာနတာယ ဘာဝနာယ အာရမ္မဏံ “ကမ္မဋ္ဌာန”န္တိ
ဝုစ္စတီတိ အာဟ “ကမ္မဋ္ဌာနသင်္ခါတံ ဂေါစရ”န္တိ။ ဥဂ္ဂဟေတွာတိ ယထာ
ဥဂ္ဂဟနိမိတ္တံ ဥပ္ပဇ္ဇတိ၊ ဧဝံ ဥဂ္ဂဟကောသလ္လဿ သမ္မာဒနဝသေန ဥဂ္ဂဟေတွာ။

ဟရတီဘိ ကမ္မဋ္ဌာနံ ပဝတ္တေတိ၊ ယာဝ ပိဏ္ဏပါတပဋိက္ခမာ အနုယုဉ္ဇတီတိ
အတ္ထော။ န ပစ္စာဟရတီတိ အာဟာရူပယောဂတော ယာဝ ဒိဝါဋ္ဌာနပသင်္က-
မနာ ကမ္မဋ္ဌာနံ န ပဋိနေတိ။ သရီရပရိကမ္ပန္တိ မုခေဝေနာဒိသရီရပဋိဇဂ္ဂနံ။
ဧွေ တယော ပလ္လင်္ကတိ ဧွေ တယော နိသဇ္ဇာဝါရေ ဧွေ တိဏိ ဥဏှာသနာနိ။
တေနာဟ “ဥသုမံ ဂါဟာပေန္တော”တိ။ ကမ္မဋ္ဌာနသီသေနောဝါတိ ကမ္မဋ္ဌာန-
မုခေနော ကမ္မဋ္ဌာနံ အဝိဇဟန္တော ဧဝ၊ တေန “ပတ္တောပိ အစေတေနာ”တိ-
အာဒိနာ ဝက္ခမာနံ ကမ္မဋ္ဌာနံ၊ ယထာပရိဟရိယမာနံ ဝါ အဝိဇဟိတွာတိ
ဒဿေတိ။ တထေဝါတိ တိက္ခတ္တံ၊ ဧဝ။ ပရိဘောဂစေတိယတော သာရိရိက-
စေတိယံ ဂရုတရန္တိ ကတွာ “စေတိယံ ဝန္တိတွာ”တိ ပုဗ္ဗကာလကိရိယာယ ဝသေန
ဝုတ္တံ။ တထာ ဟိ အဋ္ဌကထာယံ “စေတိယံ ဗာယေမာနာ ဗောဓိသာခါ
ဟရိတဗ္ဗာ”တိ ဝုတ္တာ။ ဗုဒ္ဓဂုဏာနုဿရဏဝသေနော ဗောဓိယံ ပဏိပါတကရ-
ဏန္တိ အာဟ “ဗုဒ္ဓဿ ဘဂဝတော သမ္ပုခါ ဝိယ နိပစ္စကာရံ ဒဿေတွာ”တိ။
ဂါမသမိပေတိ ဂါမဿ ဥပစာရဋ္ဌာနေ။ ဇနသင်္ဂဟတ္ထန္တိ “မယိ အကထေန္တေ
ဧတေသံ ကော ကထေသတိ”တိ မ္ဗောနုဂ္ဂဟေန ဇနသင်္ဂဟတ္ထံ။ တသ္မာတိ
ယသ္မာ “ဓမ္မကထာ နာမ ကထေတဗ္ဗာ ဧဝါ”တိ အဋ္ဌကထာစရိယာ ဝဒန္တိ၊
ယသ္မာ စ ဓမ္မကထာ ကမ္မဋ္ဌာနဝိနိမုတ္တာ နာမ နတ္ထိ၊ တသ္မာ။ ကမ္မဋ္ဌာနသီသေ-
နေဝါတိ အတ္တနာ ပရိဟရိယမာနံ ကမ္မဋ္ဌာနံ အဝိဇဟန္တော တဒနုဂုဏ်ယေဝ
ဓမ္မကထံ ကထေတွာ။ အနုမောဒနံ ဝတွာတိ ဧတ္ထာပိ “ကမ္မဋ္ဌာနသီသေ-
နေဝါ”တိ အာနေတွာ သမ္ပန္နိတဗ္ဗံ။

သမ္ပတ္တပရိစ္ဆေဒေနောဝါတိ “ပရိစိတော အပရိစိတော”တိအာဒိဝိဘာဂံ
အကတွာ သမ္ပတ္တကောဋိယာ ဧဝ၊ သမာဂမမတ္တေနောဝါတိ အတ္ထော။ ဘယေတိ
ပရစက္ကာဒိဘယေ။

“ကမ္မဇတေဇော”တိဂဟဏိံ သန္ဓာယာဟ။ ကမ္မဋ္ဌာနံ ဝီထိံ နာရောဟတိ ခုဒါပရိဿမေန ကိလန္တကာယတ္တာ သမာဓာနာဘာဝတော။ အဝသေ-
သဋ္ဌာနေတိ ယာဂုယာ အဂ္ဂဟိတဋ္ဌာနေ။ ပေါင်္ခါနုပေါင်္ခိန္တိ ကမ္မဋ္ဌာနုပဋ္ဌာနဿ အဝိစ္ဆေဒဒဿနမေတံ၊ ယထာ ပေါင်္ခါနုပေါင်္ခိ ပဝတ္တာယ သရပဋိပါဋိယာ အနဝိစ္ဆေဒေါ၊ ဝေမေတဿပီတိ။

နိက္ခိတ္တရုရော ဘာဝနာနုယောဂေ။ ဝတ္ထုပဋိပတ္တိယာ အပူရဏေန သဗ္ဗ-
ဝတ္တာနိ ဘိန္နိတွာ။ “ကာမေသု အဝိတရာဂေါဟေတိ၊ ကာယေ အဝိတရာဂေါ၊
ရူပေ အဝိတရာဂေါ၊ ယာဝဒတ္ထံ ဥဒရာဝဒေဟကံ ဘုဉ္ဇိတွာ သေယျသုခံ ပဿသုခံ
မိဒ္ဓသုခံ အနုယုတ္တော ဝိဟရတိ၊ အညတရံ ဒေဝနိကာယံ ပဏိဓာယ မြဟ္မစရိယံ
စရတိ”တိ ဝေဝုတ္တပဉ္စဝိစေတောခိလဝိနိဗန္ဓစိတ္တော။ စရိတွာတိ ပဝတ္တိတွာ။

ဂတပစ္စာဂတိကဝတ္ထဝသေနာတိ ဘာဝနာသဟိတံယေဝ ဘိက္ခာယ ဂတ-
ပစ္စာဂတံ ဂမနပစ္စာဂမနံ ဧတဿ အတ္ထိတိ ဂတပစ္စာဂတိကံ၊ တဒေဝ ဝတ္ထံ၊ တဿ
ဝသေန။ အတ္တကာမာဘိ အတ္တနော ဟိတသုခံ ဣစ္ဆန္တာ၊ ဓမ္မစ္ဆန္ဒဝန္တောတိ
အတ္တော။ ဓမ္မောတိ ဟိ ဟိတံ တန္တိမိတ္တကဉ္စ သုခန္တိ။ အထ ဝါ ဝိညူနံ
နိဗ္ဗိသေသတ္တာ၊ အတ္တဘာဝပရိယာပန္နတ္တာ စ အတ္တာ နာမ ဓမ္မော၊ တံ ကာမေန္တိ
ဣစ္ဆန္တိတိ အတ္တကာမာ။

ဥသဘံ နာမ ဝိသတိ ယဋ္ဌိယော။ တာယ သညာယာတိ တာယ ပါသာဏ-
သညာယ၊ ဧတ္တကံ ဌာနမာဂတာတိ ဇာနန္တာတိ အဓိပ္ပာယ်ယော။ သောယေဝ
နယောတိ “အယံ ဘိက္ခု”တိအာဒိကော ယော ဌာနေ ဝုတ္တော၊ သော ဝေ
နိသဇ္ဇာယပိ နယော။ ပစ္ဆတော အာဂစ္ဆန္တာနံ ဆိန္နဘတ္တဘာဝဘယေနပိ
ယောနိသောမနသိကာရံ ပရိဗြူဟေတိ။ မဒ္ဒန္တာတိ ခြေကရဏဌာနေ
သာလိသိသာနိ မဒ္ဒန္တာ။

မဟာပဓာနံ ပူဇေဿာမီတိ အမှာကံ အတ္တာယ လောကနာထေန
ဆဝဿာနိ ကတံ ဒုက္ကရစရိယံ ဧဝါဟံ ယထာသတ္တိပူဇေဿာမီတိ။ ပဋိပတ္တိပူဇာ
ဟိ သတ္တုပူဇာ၊ န အာမိသပူဇာတိ။ “ဌာနစင်္ကမမေဝါ”တိ အဓိဋ္ဌာတဗ္ဗ-
ဣရိယာပထဝသေန ဝုတ္တံ၊ န ဘောဇနာဒိကာလေသု အဝဿံ ကတ္တဗ္ဗနိသဇ္ဇာယ
ပဋိက္ခေပဝသေန။

ဝီထိံ ဩတရိတွာ ဣတော စိတော စ အနောလောကေတွာ ပဌမမေဝ ဝီထိ-
ယော သလ္လက္ခေတဗ္ဗာတိ အာဟ “ဝီထိယော သလ္လက္ခေတွာ”တိ။ ယံ သန္ဓာယ

ဝုစ္စတိ“ပါသာဒိကေန အဘိက္ကန္တေနာ”တိ၊ တံ ဒဿေတုံ “တတ္ထ ဓာ”တိအာဒိ ဝုတ္တံ။ “အာဟာရေ ပဋိကူလသညံ ဥပဋ္ဌပေတွာ”တိအာဒိသုယံ ဝတ္တဗ္ဗံ၊ တံ ပရတော အာဂမိဿတိ။ အဋ္ဌင်္ဂသမန္ဓာဂတန္တိ “ယာဝဒေဝ ဣမဿ ကာယဿ ဌိတိယာ”တိအာဒိနာ၊ ဝုတ္တေဟိ အဋ္ဌဟိ အင်္ဂေဟိ သမန္ဓာဂတံကတွာ။ “နေဝ ဒဝါယာ”တိအာဒိ ပဋိက္ခေပဒဿနံ။

ပစ္စေကဗောဓိံ သန္တိကရေတိ၊ ယဒိ ဥပနိဿယသမ္ပန္နော ဟောတီတိ သမ္ပန္နော။ ဧဝံ သဗ္ဗတ္ထ ဣတော ပရေသုပိ။ တတ္ထ ပစ္စေကဗောဓိယာ ဥပနိဿ-
ယသမ္ပဒါ ကပ္ပါနံ ဒွေ အသင်္ချေယျာနံ၊ သတသဟဿဉ္စ တဇ္ဇာပုညဉ္စာဏ-
သမ္ဘရဏံ။ သာဝကဗောဓိယာ အဂ္ဂသာဝကောနံ အသင်္ချေယျံ၊ ကပ္ပသတသဟဿဉ္စ၊
မဟာသာဝကောနံ၊ သတသဟဿမေဝ တဇ္ဇာပုညဉ္စာဏသမ္ဘရဏံ။ ဣတရေသံ
အတိတာသု ဇာတိသု ဝိဝဇ္ဇသန္တိဿယဝသေန နိဗ္ဗတ္တိတံ နိဗ္ဗေဓဘာဂိယံ
ကုသလံ။ ဗာဟိယော ဒါရုစီရိယောတိ ဗာဟိယဝိသယေ သဉ္စာတသံဝဇ္ဇတာယ
ဗာဟိယော၊ ဒါရုစီရပရိဟရဏေန ဒါရုစီရိယောတိ စ သမညာတော။ သော
ဟိ အာယသ္မာ “တသ္မာတိဟ တေ ဗာဟိယ ဧဝံ သိက္ခိတဗ္ဗံ ‘ဒိဋ္ဌေ ဒိဋ္ဌမတ္တံ
ဘဝိဿတိ၊ သုတေ၊ မုတေ၊ ဝိညာတေ ဝိညာတမတ္တံ ဘဝိဿတိ’တိ၊ ဧဝံ ဝိတေ
ဗာဟိယ သိက္ခိတဗ္ဗံ။ ယတော ခေါ တေ ဗာဟိယ ဒိဋ္ဌေ ဒိဋ္ဌမတ္တံ ဘဝိ-
ဿတိ၊ သုတေ၊ မုတေ၊ ဝိညာတေ ဝိညာတမတ္တံ ဘဝိဿတိ၊ တတော တံ
ဗာဟိယ န တေန။ ယတော တံ ဗာဟိယ န တေန၊ တတော တံ ဗာဟိယ
န တတ္ထ။ ယတော တံ ဗာဟိယ န တတ္ထ၊ တတော တံ ဗာဟိယ နေဝိဓ န ဟုရံ
န ဥဘသမန္တရေန။ ဧသေဝန္တော ဒုက္ခဿာ”တိ၊ ဧတ္တကာယ ဒေသနာယ
အရဟတ္တံ သစ္စာကာသိ။ ဧဝံ သာရိပုတ္တတ္ထေရာဒိနံ မဟာပညတာဒိဒိပနာနိ
သုတ္တပဒါနိ၊ ဝိတ္တာရတော ဝေဒိတဗ္ဗာနိ။

တန္တိ အသမ္ပယုနံ။ ဧဝံ ဣဒါနိ ဝုစ္စမာနာကာရေနေဝ ဝေဒိတဗ္ဗံ။ “အတ္တာ
အဘိက္ကမတိ”တိ ဣမိနာ အန္ဓပုထုဇ္ဇနဿဒိဋ္ဌိဂါဟဝသေန အဘိက္ကမေ သမ္ပယုနံ
ဒဿေတိ။ “အဟံ အဘိက္ကမာမိ”တိပန ဣမိနာ မာနဂါဟဝသေန။ တဒုဘယံ
ပန တဏှာယ ဝိနာ န ဟောတီတိ တဏှဂါဟဝသေနပိ သမ္ပယုနံ ဒဿိတ-
မေဝ ဟောတိ။ “တထာ အသမ္ပယုန္တော”တိ ဝတွာ တံ အသမ္ပယုနံ ယေန
သနဝိနိဗ္ဗောဂေန ဟောတိ၊ တံ ဒဿေန္တော “အဘိက္ကမာမိ”တိအာဒိမာဟ။

၁-မ ၁-၁၂၊ အံ ၂-၃၄၁၊ ခု ၇-၃၉၇-ပိဋေသု။

၃-ခု ၁-၈၅-ပိဋေ ဥဒါနေ။

၂-ထေရဂါထာ-၉ ၂-၅၄၁-ပိဋေ ဝိတ္တာရော။

၄-မ ၃-၇၅၊ သံ ၁-၆၃-ပိဋာဒိသု။

တတ္ထ ယသ္မာ ဝါယောဓာတုယာ အနုဂတာ တေဇောဓာတု ဥဒ္ဓရဏဿ ပစ္စယော။ ဥဒ္ဓရဏဂတိကာ ဟိ တေဇောဓာတုတိ။ ဥဒ္ဓရဏေ ဝါယောဓာတုယာ တဿာ အနုဂတဘာဝေါ၊ တသ္မာ ဣမာသံ ဒိန္နမေတ္ထ သာမတ္ထိယတော အဓိမတ္တတာ၊ ဣတရာသဉ္စ ဩမတ္တတာတိ ဒဿေန္တော “**ကေနာပိဒုဒ္ဓရဏေ။ပ။ ဗလဝတိယော**”တိ အာဟ။ ယသ္မာ ပန တေဇောဓာတုယာ အနုဂတာ ဝါယောဓာတု အတိဟရဏဝိတိဟရဏာနံ ပစ္စယော။ တိရိယဂတိကာယ ဟိ ဝါယောဓာတုယာ အတိဟရဏဝိတိဟရဏေသု သာတိသယော ဗျာပါရေတိ။ တေဇောဓာတုယာ တဿာ အနုဂတဘာဝေါ၊ တသ္မာ ဣမာသံ ဒိန္နမေတ္ထ သာမတ္ထိယတော အဓိမတ္တတာ၊ ဣတရာသဉ္စ ဩမတ္တတာတိ ဒဿေန္တော “**တထာ အတိဟရဏဝိတိဟရဏေသု**”တိ အာဟ။ သတိပိ အနုဂမကအနုဂန္တဗ္ဗတာဝိသေသေ တေဇောဓာတုဝါယောဓာတုဘာဝမတ္တံ သန္ဓာယ **တထာ**-သဒ္ဓဂ္ဂဟဏံ။ တတ္ထ အက္ကန္တဌာနတော ပါဒဿ ဥက္ခိပနံ **ဥဒ္ဓရဏံ**၊ ဌိတဌာနံ အတိက္ကမိတွာ ပုရတော ဟရဏံ **အတိဟရဏံ**၊ ခါဏု-အာဒိပရိဟရဏတ္ထံ၊ ပတိဌိတပါဒသန္ဓနပရိဟရဏတ္ထံ ဝါ ပဿေန ဟရဏံ **ဝိတိဟရဏံ**။ ယာဝ ပတိဌိတပါဒေါ၊ တာဝ အာဟရဏံ **အတိဟရဏံ**၊ တတော ပရံ ဟရဏံ **ဝိတိဟရဏန္တိ** အယံ ဝါ ဧတေသံ ဝိသေသော။

ယသ္မာ ပထဝီဓာတုယာ အနုဂတာ အာပေါဓာတု ဝေါဿဇ္ဇနဿ ပစ္စယော။ ဂရုတရသဘာဝါ ဟိ အာပေါဓာတုတိ။ ဝေါဿဇ္ဇနေ ပထဝီဓာတုယာ တဿာ အနုဂတဘာဝေါ၊ တသ္မာ တာသံ ဒိန္နမေတ္ထ သာမတ္ထိယတော အဓိမတ္တတာ၊ ဣတရာသဉ္စ ဩမတ္တတာတိ ဒဿေန္တော အာဟ “**ဝေါဿဇ္ဇနေ။ပ။ ဗလဝတိယော**”တိ။ ယသ္မာ ပန အာပေါဓာတုယာ အနုဂတာ ပထဝီဓာတု သန္ဓိက္ခေပနဿ ပစ္စယော၊ ပတိဌာဘာဝေ ဝိယ ပတိဌာပနေပိ တဿာ သာတိသယကိစ္စတ္တာ အာပေါဓာတုယာ တဿာ အနုဂတဘာဝေါ၊ တထာ သန္ဓနကိရိယာယ ပထဝီဓာတုယာ ဝသေန သန္ဓိရုဇ္ဈနဿ သိဇ္ဈနတော တတ္ထာပိပထဝီဓာတုယာ အာပေါဓာတုအနုဂတဘာဝေါ၊ တသ္မာ ဝုတ္တံ “**တထာ သန္ဓိက္ခေပနသန္ဓိရုဇ္ဈနေသု**”တိ။

တတ္ထာတိ တသ္မိံ အဘိက္ကမနေ၊ တေသု^၁ ဝါ ဝုတ္တေသု ဥဒ္ဓရဏာဒိသု ကောဌာသေသု။ **ဥဒ္ဓရဏေတိ ဥဒ္ဓရဏက္ခဏေ။ ရူပါရူပဓမ္မာတိ ဥဒ္ဓရဏာကာရေန ပဝတ္တာ ရူပဓမ္မာ၊ တံသမုဋ္ဌာပကာ အရူပဓမ္မာ စ။**

အတိဟရဏံ န ပါပုဏန္တိ ခဏမတ္တာဝဋ္ဌာနတော။ တတ္ထ တတ္ထေဝါတိ ယတ္ထ ယတ္ထ ဥပ္ပန္နာ၊ တတ္ထ တတ္ထေဝ။ န ဟိ ဓမ္မာနံ ဒေသန္တရသင်္ကမနံ အတ္ထိ။ “ပဗ္ဗံ ပဗ္ဗ”န္တိ အာဒိ ဥဒ္ဓရဏာဒိကောဋ္ဌာသေ သန္ဓာယ သဘာဝသန္တတိဝသေန ဝုတ္တန္တိ ဝေဒိဘဗ္ဗံ။ အတိဇုတ္တရော ဟိ ရူပဓမ္မာနမ္ပိ ပဝတ္တိက္ခဏော၊ ဂမနဿာဒါနံ၊ ဒေဝပုတ္တာနံ ဟေဋ္ဌပရိယေန ပဋိမုခံ ဓာဝန္တာနံ သိရသ် ပါဒေ စ ဗန္ဓုရဓာရာသမာဂမတောပိ သိသတရော။ ယထာ တိလာနံ ဘဇိယမာနာနံ ပဋပဋာယနေန ဘေဒေါ လက္ခိယတိ၊ ဧဝံ သင်္ခတဓမ္မာနံ ဥပ္ပါဒေနာတိ ဒဿနတ္ထံ “ပဋပဋာယန္တာ”တိ ဝုတ္တံ။ ဥပ္ပန္နာ ဟိ ဧကန္တတော ဘိဇ္ဇန္တိတိ။ “သဒ္ဓိ” ရူပေနာ”တိ ဣဒံ တဿ တဿ စိတ္တဿ နိရောဓေန သဒ္ဓိံ နိရုဇ္ဈနကရူပဓမ္မာနံ ဝသေန ဝုတ္တံ၊ ယံ တတော သတ္တရသမစိတ္တဿ ဥပ္ပါဒက္ခဏေ ဥပ္ပန္နံ။ အညထာ ယဒိ ရူပါရူပဓမ္မာ သမာနက္ခဏာ သိယံ၊ “ရူပံ ဂရုပရိဏာမံ ဒန္ဓနိရောဓ”န္တိ အာဒိဝစနေဟိ ဝိရောဓော သိယာ၊ တထာ “နာဟံ ဘိက္ခဝေ အညံ ဧကဓမ္မဗ္ဗိ သမနုပဿာမိ၊ ယံ ဧဝံ လဟုပရိဝတ္တံ၊ ယထယိဒံ စိတ္တ”န္တိ ဝေမာဒိပါဠိယာ။ စိတ္တစေတသိကာ ဟိ သာရမ္ပဏသဘာဝါ ယထာဗလံ အတ္တနော အာရမ္ပဏပစ္စယဘူတမတ္ထံ ဝိဘာဝေန္တာ ဧဝ ဥပ္ပဇ္ဇန္တိတိ တေသံ တံသဘာဝနိပ္ပတ္တိအနန္တရံ နိရောဓော။ ရူပဓမ္မာ ပန အနာရမ္ပဏာ ပကာသေတဗ္ဗာ၊ ဧဝံ တေသံ ပကာသေတဗ္ဗဘာဝနိပ္ပတ္တိ သောဋ္ဌသဟိ စိတ္တေဟိ ဟောတိတိ တင်္ခဏာယုကတာ တေသံ ဣတ္ထိတာ၊ လဟုပိညာဏဝိသယသင်္ကတိမတ္တပုစ္စယတာယ တိဏ္ဏံ ခန္ဓာနံ၊ ဝိသယသင်္ကတိမတ္တတာယ စ ဝိညာဏဿ လဟုပရိဝတ္တိတာ၊ ဒန္ဓမဟာဘူတပုစ္စယတာယ ရူပဓမ္မာနံ ဒန္ဓပရိဝတ္တိတာ။ နာနာဓာတုယာ ယထာဘူတဉာဏံ၊ ခေါ ပန တထာဂတဿေဝ၊ တေန စ ပုရေဇာတပစ္စယော ရူပဓမ္မောဝ ဝုတ္တော၊ ပစ္ဆာဇာတပစ္စယော စ တထေဝါတိ၊ ရူပါရူပဓမ္မာနံ သမာနက္ခဏတာ န ယုဇ္ဇတေဝ။ တသ္မာ ဝုတ္တနယေနောဝေတ္ထ အတ္ထော ဝေဒိတဗ္ဗော။

အညံ ဥပ္ပဇ္ဇတေ စိတ္တံ၊ အညံ စိတ္တံ နိရုဇ္ဈတိတိ ယံ ပုရိမုပ္ပန္နံ စိတ္တံ၊ တံ အညံ၊ တံ ပန နိရုဇ္ဈန္တိ အပရဿ အနန္တရာဒိပစ္စယဘာဝေနော နိရုဇ္ဈတိတိ တထာလဒ္ဓပစ္စယံ အညံ ဥပ္ပဇ္ဇတေ စိတ္တံ။ ယဒိ ဧဝံ တေသံ အန္တရော လဗ္ဘေယျာတိ? နောတိ အာဟ “အဝိစိ မနုပ္ပဗန္ဓော”တိ၊ ယထာ ဝိစိ အန္တရော န လဗ္ဘတိ၊ “တဒေဝေတ”န္တိ အဝိသေသဝိဒူ မညန္တိ၊ ဧဝံ အနု အနု ပဗန္ဓော စိတ္တသန္တာနော ရူပသန္တာနော စ နဒိသောတောဝ နဒိယံ ဥဒကပ္ပဝါဟော ဝိယ ဝတ္တတိ။

၁-အံ ၁-၉-ပိဋေ။ ၂-ယထာဘူတံ နာနာဓာတုဉာဏံ (အဘိနဝဋီ) ၃-တဿေဝါတိ (ဗဟုသု)

အဘိဓမ္မံ လောကီတံ အာလောကီတန္တိ အာဟ “ပုရတောပေက္ခန”န္တိ။ ယသ္မာ ယံဒိသာဘိမုခေါ ဂစ္ဆတိ၊ တိဋ္ဌတိ၊ နိဿိဒတိဝါ။ တဒဘိဓမ္မံ ပေက္ခနံ အာလောကီတံ။ တသ္မာ တဒနုဂတဝိဒိသာလောကနံ ဝိလောကီတန္တိ အာဟ “ဝိလောကီတံ နာမ အနုဒိသာပေက္ခန”န္တိ။ သမ္ပဇနပရိတဏှာဒိကရဏေ ဩလောကီတဿ၊ ဥလ္လောကဟရဏာဒိသု ဥလ္လောကီတဿ၊ ပစ္ဆတော အာဂစ္ဆန္တပရိဿယဿ ပရိဝဇ္ဇနာဒိသု အပလောကီတဿ သိယာ သမ္ဘဝေါတိ အာဟ “ဣမိနာ ဝါ မုခေန သဗ္ဗာနိမိ တာနိ ဂဟိတာနေဝါ”တိ။

ကာယသက္ခိန္တိ ကာယေန သတ္တိကတဝန္တိ။ ပစ္စက္ခကာရိနန္တိ အတ္ထော။ သော ဟိ အာယသ္မာ ဝိပဿနာကာလေ “ယမေဝါဟံ ဣန္ဒြိယေသု အရတ္တဒ္ဓါရတံ နိဿာယ သာသနေ အနဘိရတိအာဒိဝိပ္ပကာရံ ပတ္ထော၊ တမေဝ သုဋ္ဌ၊ နိဂ္ဂဟေဿာမိ”တိ ဥဿာဟဇာတော ဗလဝဟိရေတ္တပ္ပေါ၊ တတ္ထ စ ကတာမိကာရတ္တာ ဣန္ဒြိယသံဝရေ ဥက္ကံသပါရဗိပ္ပတ္ထော၊ တေနေဝ နံ သတ္ထာ “တေဒဂ္ဂံ ဘိက္ခဝေ မမ သာဝကာနံ ဘိက္ခုနံ ဣန္ဒြိယေသု ရတ္တဒ္ဓါရနံ၊ ယဒိဒံ နန္ဒော”တိ” တေဒဂ္ဂေ ဌပေသိ။

သာတ္ထကတာ စ သပ္ပာယတာ စ ဝေဒိတဗ္ဗာ အာလောကီတဝိလောကီတဿာတိ အာနေတွာ သမ္ပန္နော။ တသ္မာတိ ကမ္မဋ္ဌာနာဝိဇဟနဿေဝ ဂေါစရသမ္ပဇညဘာဝတောတိ ဝုတ္တမေဝတ္ထံ ဟေတုဘာဝေန ပစ္စာမသတိ။ အတ္တနော ကမ္မဋ္ဌာနဝသေနေဝ အာလောကနဝိလောကနံ ကာတဗ္ဗံ၊ ခန္ဓာဒိကမ္မဋ္ဌာနာ အညော ဥပါယော န ဂဝေသိတဗ္ဗောတိ အဓိပ္ပါယော။ အာလောကီတာဒိသမညာပိ ယသ္မာ ဓမ္မမတ္တဿေဝ ပဝတ္တိဝိသေသော၊ တသ္မာ တဿ ယာထာဝတော ပဇာနံ အသမ္မောဟသမ္ပဇညန္တိ ဒဿေတုံ “အပ္ပန္တရေ”တိ-အာဒိ ဝုတ္တံ။ ဝိတ္တကိရိယဝါယောဓာတုဝိပ္ပာရဝသေနာတိ ကိရိယမယစိတ္တသမုဋ္ဌာနာယ ဝါယောဓာတုယာ စလနာကာရပ္ပဝတ္တိဝသေန။ အဓော သီဒတိတိ အဓော ဂစ္ဆတိ။ ဥဒ္ဓံ လဗေတိတိ လဗံ” ဝိယ ဥပရိ ဂစ္ဆတိ။

အင်္ဂကိစ္စံ သာယေမာနန္တိ ပဓာနဘူတအင်္ဂကိစ္စံ နိပ္ပာဒေန္တိ ဟုတွာတိ အတ္ထော။ “ပဌမဇဝနေပိ။ပ။ န ဟောတိ”တိ ဣဒံ ပဉ္စဒ္ဓါရဝိထိယံ “ဣတ္ထိ ပုရိသော”တိ ရဇ္ဇနာဒိနံ အဘာဝံ သန္ဓာယ ဝုတ္တံ။ တတ္ထ ဟိ အာဝဇ္ဇနဝေါဋ္ဌဗ္ဗနာနံ အယော-နိသော အာဝဇ္ဇနဝေါဋ္ဌဗ္ဗနဝသေန ဣဋ္ဌေ ဣတ္ထိရူပါဒိမိ လောဘမတ္တံ;

အနိဋ္ဌေ စ ပဋိသမတ္တံ ဥပ္ပဇ္ဇတိ၊ မနောဒွါရေ ပန “ဣတ္ထိ ပုရိသော”တိ ရဇ္ဇနာဒိ ဟောတိ။ တဿ ပဉ္စဒွါရဇဝနံ မူလံ၊ ယထာဝုတ္တံ ဝါ သဗ္ဗံ ဘဝင်္ဂါဒိ။ ဧဝံ မနောဒွါရဇဝနဿ မူလဝသေန မူလပရိညာ ဝုတ္တာ။ အာဂန္တုကတာဝကာလိကတာ ပန ပဉ္စဒွါရဇဝနသေဝ အပုဗ္ဗဘာဝဝသေန၊ ဣတ္တရဘာဝဝသေန စ ဝုတ္တာ။ “ဟေဋ္ဌ၊ ပရိယဝသေန ဘိဇ္ဇိတွာ ပတိတေသျှ”တိ ဟေဋ္ဌိမဿ ဥပရိမဿ စ အပရာပရံ ဘင်္ဂပုတ္တိမာဟ။

တန္တိ ဇဝနံ၊ တဿ အယုတ္တန္တိ သမ္ပန္နော။ အာဂန္တုကော အဟ္တာဂတော။

ဥဒယဗ္ဗယပရိစ္ဆိန္နော တာဝတကော ကာလော ဧတေသန္တိ တာဝကာ-
လိကာနိ။

ဧတံ အသမ္မောဟသမ္ပဇညံ။ သမဝါယေတိ သာမဂ္ဂိယံ။ တတ္ထာတိ ပဉ္စက္ခန္ဓဝသေန အာလောကနဝိလောကနေ ပညာယမာနေ တဗ္ဗိနိမုတ္တော ကော ကော အာလောကေတိ၊ ကော ဝိလောကေတိ။

“ဥပနိဿယပစ္စယော”တိ ဣဒံ သုတ္တန္တနယေန ပရိယာယတော ဝုတ္တံ။ သဟဇာတပစ္စယောတိ နိဒဿနမတ္တမေတံ အညမညသမ္ပယုတ္တအတ္ထိအင်္ဂ-
ဂတာဒိပစ္စယာနမ္ပိ လဟ္တနတော။

ကာလေ သမဋ္ဌိတုံယုတ္တကာလေ သမဉ္ဇန္တဿ။ တထာ ပသာရေန္တဿာတိ ဧတ္တာပိ။ မဏိသပ္ပေါ နာမ ကော သပ္ပဇာတိတိ ဝဒန္တိ။ လဋနန္တိ ကမ္ပနံ၊ လိဋ္ဌာကရဏံ ဝါ။

ဥက္ခပကတိကော ပရိဋ္ဌာဟဗဟုလကာယော။ သီလဝိဒူသနေန အဟိတာ-
ဝဟတ္တာ ဖိစ္ဆာဇိဝဝသေန ဥပ္ပန္တံ အသပ္ပါယံ။ “ဝီဝရဖ္ဓိ အစေတန”န္တိအာဒိနာ ဝီဝရဿ ဝိယ ကာယောပိ အစေတနောတိ ကာယဿ အတ္တသုညတာ-
ဝိဘာဝနေန “အဟန္တရေ”တိအာဒိနာ ဝုတ္တမေဝတ္ထံ ပရိဒီပေန္တော ဣတရိတရ-
သန္တောသဿ ကာရဏံ ဒဿေတိ၊ တေနာဟ “တသ္မာ”တိအာဒိ။

စတုပဉ္စဂဏ္ဌိကာဟတောတိ အာဟတစတုပဉ္စဂဏ္ဌိကော၊ စတုပဉ္စဂဏ္ဌိ-
ကာဟိ ဝါ အာဟတော တထာပိ။

အဋ္ဌဝိဇ္ဇောပိ အတ္ထောတိ အဋ္ဌဝိဇ္ဇောပိ ပယောဇနဝိသေသော မဟာသိ-
ဝတ္ထေရဝါဒဝသေန “ဣမဿ ကာယဿ ဌိတိယာ” တိအာဒိနာ နယေန ဝုတ္တော
ဒဋ္ဌဗ္ဗော။ ဣမသ္မိံ ပက္ခေ “နေဝ ဒဝါယာတိအာဒိနာ နယေနာ” တံ ပန
ပဋိက္ခေပင်္ဂဒဿနမုခေန ဒေသနာယ အာဂတတ္တာ ဝုတ္တန္တိ ဒဋ္ဌဗ္ဗံ။

ပထဝီသန္တာရကဇလဿ တံသန္တာရကဝါယုနာ ဝိယ ပရိဘုတ္တဿ အာဟာ-
ရဿ ဝါယောဓာတုယာဝ အာသယေ အဝဋ္ဌာနန္တိ အာဟ “ဝါယောဓာတု-
ဝသေန ဝိဋ္ဌတိ” တိ။ အတိဟရတိတိ ယာဝ မုခါအဘိဟရတိ။ ဝိတိဟရတိတိ
တတော ကုစ္ဆိယံ ဝိမိဿံ ကရောန္တော ဟရတိ။ အတိဟရတိတိ ဝါ မုခဒ္ဓါရံ
အတိက္ကာမေန္တော ဟရတိ။ ဝိတိဟရတိတိ ကုစ္ဆိဂတံ ပဿတော ဟရတိ။
ပရိဝတ္ထတိတိ အပရာပရံ စာရေတိ။ ဧတ္ထ စ အာဟာရဿ ဓာရဏ-
ပရိဝတ္တနသန္တုဏ္ဏနဝိသေသနာနိ ပထဝီဓာတုသဟိတာ ဧဝ ဝါယောဓာတု
ကရေတိ။ န ကေဝလာတိ တာနိ ပထဝီဓာတုယာပိ ကိစ္စဘာဝေန
ဝုတ္တာနိ။ အလ္လတ္တန္တ အနုပါလေတိတိယထာ ဝါယောဓာတုအာဒိဟိ အညေဟိ
ဝိသေသနံ န ဟောတိ။ တထာ အလ္လတ္တန္တ အနုပါလေတိ။ တေဇောဓာတုတိ
ဂဟဏီသင်္ခါတာ တေဇောဓာတု။ သာ ဟိ အန္တောပဝိဋ္ဌံ အာဟာရံ ပရိပါစေတိ။
အဉ္စသော ဟောတိတိ အာဟာရဿ ပဝေသနာဒိနံ မဂ္ဂေါ ဟောတိ။ အာဘု-
ဇတိတိ ပရိယေသနဂသေန၊ အဇ္ဈောဟရဏဇိဏ္ဏာဇိဏ္ဏတာဒိပဋိသံဝေဒန-
ဝသေန စ အာဝဇ္ဇေတိ။ ဝိဇာနာတိတိ အတ္ထော။ တံတံဝိဇာနနဿ ပစ္စယ-
ဘူတောယေဝ ဟိ ပယောဂေါ “သမ္မာပယောဂေါ” တိ ဝုတ္တော။ ယေန ဟိ
ပယောဂေန ပရိယေသနာဒိ နိပ္ပဇ္ဇတိ။ သော တဗ္ဗိသယဝိဇာနနဗ္ဗိ နိပ္ပါဒေတိ
နာမ တဒဝိနာဘာဝတော။ အထ ဝါ သမ္မာပယောဂံ သမ္မာပဋိပတ္တိမန္တာယ
အာဂမ္မ အာဘုဇတိ သမန္တာဟရတိ။ အာဘောဂပုဗ္ဗကော ဟိ သဗ္ဗောပိ
ဝိညာဏဗျာပါရေတိ တထာ ဝုတ္တံ။

ဂမနတောဘိ ဘိက္ခာစာရဝသေန ဂေါစရဂါမံ ဥဒ္ဓိဿ ဂမနတော။ ပရိ-
ယေသနတောတိ ဂေါစရဂါမေ ဘိက္ခတ္တံ အာဟိဏ္ဏနတော။ ပရိဘောဂ-
တောဘိ အာဟာရဿ ပရိဘုဉ္ဇနတော။ အာသယတောတိ ပိတ္တာဒိအာ-
သယတော။ အာသယတိ ဧတ္ထ ဧကန္တံ ပဝတ္တမာနောပိ ကမ္မဗလဝဝတ္ထိတော
ဟုတ္တာ မရိယာဒဝသေန အညမညံ အသင်္ကရတော သယတိ တိဋ္ဌတိ ပဝတ္တတိတိ

အာသယော၊ အာမာသယဿ ဥပရိ တိဋ္ဌနကော ပိတ္တာဒိကော။ မရိယာ-
ဒတ္တော ဟိ အယမာကာရေ။ နိဓာနန္တိ ယထာဘုတ္တော အာဟာရော
နိဗ္ဗိတော ဟုတ္တာ တိဋ္ဌတိ ဧတ္တတိ နိဓာနံ၊ အာမာသယော။ တတော
နိဓာနတော။ အပရိပက္ခတောတိ ဂဟဏီသင်္ခါတေန ကမ္မဇတေဇေန အဝိ-
ပက္ခတော။ ပရိပက္ခတောတိ ယထာဘုတ္တဿ အာဟာရဿ ဝိပက္ခဘာဝတော။
ဖလတောတိ နိပ္ပတ္တိတော။ နိဿန္တတောတိ ဣတော စိတော စ နိဿန္တနတော။
သမ္ပက္ခနတောတိ သဗ္ဗသော မက္ခနတော။ အယမေတ္ထ သင်္ခေပေါ၊ ပိတ္တာရော
ပန ပိသုဒ္ဓိမဂ္ဂသံဝဏ္ဏနာယ၊ ဂဟေတဗ္ဗော။

သရီရတော သေဒါ မုစ္ဆန္တိတိ ဝေဂသံဓာရဏေန ဥပ္ပန္နပရိဋ္ဌာဟတော
သရီရတော သေဒါ မုစ္ဆန္တိ။ အညေ စ ရောဂါ ကဏ္ဍသူလဘဂန္ဓရာဒယော။
အဋ္ဌာနောဘိ မနုဿာမနုဿပရိဂ္ဂဟိတေ အယုတ္တဋ္ဌာနေ ခေတ္တဒေဝါယတနာ-
ဒိကေ။ ကုဒ္ဒါဟိ အမနုဿာ၊ မနုဿာပိ ဝါ ဇီဝိတက္ခယံ ပါပေန္တိ။ နိဿဋ္ဌတ္တာ
နေဝ အတ္တနော၊ ကဿမိ အနိဿဋ္ဌိတတ္တာ၊ ဇိဂ္ဂုဇ္ဈနိယတ္တာ စ န ပရဿ။
ဥဒကတုဗ္ဗတောတိ ဝေဠုနာဋ္ဌိအာဒိဥဒကဘာဇနတော။ တန္တိ ဆဒ္ဓိတဥဒကံ။

အဒ္ဓါနုဇ္ဈရိယာပထာ စိရတရပ္ပဝတ္တိကာ ဒီသကာလိကာ ဣရိယာပထာ။
မဇ္ဈိမာ ဘိက္ခာစရဏာဒိဝသေန ပဝတ္တာ။ ဓုဏ္ဏိယဇ္ဈရိယာပထာ ပိဟာရေ၊
အညတ္တာပိဇ္ဇတော စိတော စ ပရိဝတ္တနာဒိဝသေန ပဝတ္တာတိ ဝဒန္တိ။ “ဂတေတိ
ဂမနေ”တိ ပုဗ္ဗေ အဘိက္ခမပဋိက္ခမဂ္ဂဟဏေန ဂမနေနပိ ပုရတော ပစ္ဆတော
စ ကာယဿ အဘိဟရဏံ ဝုတ္တန္တိ ဣမ ဂမနမေဝ ဂဟိတန္တိ ကေမိ။

ယသ္မာ မဟာသိဝတ္ထေရဝါဒေ အနန္တရေ အနန္တရေ ဣရိယာပထေ ပဝတ္တ-
ရူပါရူပဓမ္မာနံ တတ္ထ တတ္ထေဝ နိရောဓဒဿနဝသေန သမ္ပဇာနကာရိတာ
ဂဟိတာတိတံ သမ္ပဇညဝိပဿနာစာရဝသေန ဝေဒိတဗ္ဗံ။ တေန ဝုတ္တံ “တယိဒံ
မဟာသိဝတ္ထေရေန ဝုတ္တံ အသဗ္ဗောဟရရံ မဟာသတိပဋ္ဌာနသုတ္တေ အဓိပ္ပေ-
တ”န္တိ။ ဣမသ္မိံ ပန သာမညဖလေ သဗ္ဗန္တိ စတုဗ္ဗိဒံ သမ္ပဇညံ လန္တတိ ယာဝ-
ဒေဝ သာမညဖလဝိသေသဒဿနပရတ္တာ ဣမိဿာ ဒေသနာယ။ “သတိ-
သမ္ပယုတ္တဿေဝါ”တိ ဣဒံ ယထာ သမ္ပဇညဿ ကိစ္စတော ပဓာနတာ ဂဟိတာ၊
ဧဝံ သတိယာပိတိ ဒဿနတ္ထံ ဝုတ္တံ၊ န သတိယာ သမ္ဘာဝမတ္တဒဿနတ္ထံ။
န ဟိ ကဒါမိ သတိရဟိတာ ဉာဏပ္ပဝတ္တိ အတ္ထိ။ “ဧတဿ ဟိ ပဒဿ အယံ
ဝိတ္တာရော”တိ ဣမိနာ သတိယာ ဉာဏေန သမရရတံယေဝ ဝိဘာဝေတိ။

တောနိ ပဒါနီတိ “အဘိက္ကန္တေ ပဋိက္ကန္တေ သမ္ပဇာနကာရိ ဟောတိ”တိ-
အာဒိနိ ပဒါနိ။ ဝိဘတ္တာနေဝါတိ ဝိသုံ ကတွာ ဝိဘတ္တာနိယေဝ၊ ဣမိနာပိ
သမ္ပဗ္ဗေညသ ဝိယ သတိယာပေတ္ထ ပဓာနတံ ဧဝ ဝိဘာဝေတိ။

မဇ္ဈိမဘာဏကော ပန ဘဏန္တိ—ဧကော ဘိက္ခု၊ ဂစ္ဆန္တော အညံ စိန္တေန္တော
အညံ ဝိတက္ကေန္တော ဂစ္ဆတိ၊ ဧကော ကမ္မဋ္ဌာနံ အဝိဿဇ္ဇေတွာဝ ဂစ္ဆတိ။
တထာ ဧကော တိဋ္ဌန္တော။ ပ။ နိဿိဒန္တော။ ပ။ သယန္တော အညံ စိန္တေန္တော အညံ
ဝိတက္ကေန္တော သယတိ၊ ဧကော ကမ္မဋ္ဌာနံ အဝိဿဇ္ဇေတွာဝ သယတိ၊
တ္ထေကေန ပန န ပါကဋ္ဌံ ဟောတီတိ စက်မနေန ဒီပေန္တိ။ ယော ဟိ ဘိက္ခု၊
စက်မံ ဩတရိတွာ စ စက်မနကောဋ္ဌိယံ ဌိတော ပရိဂ္ဂဏှာတိ “ပါစိနစက်မန-
ကောဋ္ဌိယံ ပဝတ္တာ ရူပါရူပဓမ္မော ပစ္ဆိမစက်မနကောဋ္ဌိံ အပ္ပတွာ ဧတ္ထေဝ
နိရုဒ္ဓါ၊ ပစ္ဆိမစက်မနကောဋ္ဌိယံ ပဝတ္တာပိ ပါစိနစက်မနကောဋ္ဌိံ အပ္ပတွာ
ဧတ္ထေဝ နိရုဒ္ဓါ၊ စက်မနမဇ္ဈေ ပဝတ္တာ ဥဘော ကောဋ္ဌိယော အပ္ပတွာ ဧတ္ထေဝ
နိရုဒ္ဓါ၊ စက်မနေ ပဝတ္တာ ရူပါရူပဓမ္မော ဌာနံ အပ္ပတွာ ဧတ္ထေဝ နိရုဒ္ဓါ၊ ဌာနေ
ပဝတ္တာ နိသဇ္ဇံ အပ္ပတွာ ဧတ္ထေဝ နိရုဒ္ဓါ၊ နိသဇ္ဇာယ ပဝတ္တာ သယနံ အပ္ပတွာ
ဧတ္ထေဝ နိရုဒ္ဓါ”တိ ဧဝံ ပရိဂ္ဂဏှန္တော ပရိဂ္ဂဏှန္တောယေဝ ဘဝံ ဩတရတိ။
ဥဋ္ဌဟန္တော ကမ္မဋ္ဌာနံ ဂဟေတွာဝ ဥဋ္ဌဟတိ၊ အယံ ဘိက္ခု၊ ဂတာဒိသု
သမ္ပဇာနကာရိ နာမ ဟောတီတိ။ ဧဝံ န သောတ္ထေ ကမ္မဋ္ဌာနံ အဝိဘူတံ
ဟောတိ၊ တသ္မာ ဘိက္ခု၊ ယာဝ သက္ကောတိ၊ တာဝ စက်မိတွာ ဌတွာ နိဿိဒိတွာ
သယမာနော ဧဝံ ပရိဂ္ဂဟေတွာ သယတိ “ကာယော အစေတနော၊ မဇ္ဈော
အစေတနော၊ ကာယော န ဇာနာတိ ‘အဟံ မဇ္ဈေ သယိတော’တိ၊ မဇ္ဈော
န ဇာနာတိ ‘မယိ ကာယော သယိတော’တိ၊ အစေတနော ကာယော အစေ-
တနေ မဇ္ဈေ သယိတော”တိ ဧဝံ ပရိဂ္ဂဏှန္တော ဧဝံ စိတ္တံ ဘဝင်္ဂံ ဩတာရေတိ။
ပဗုဇ္ဈန္တော ကမ္မဋ္ဌာနံ ဂဟေတွာဝ ပဗုဇ္ဈတိ၊ အယံ သောတ္ထေ သမ္ပဇာနကာရိ
နာမ ဟောတိ။ ကာယာဒိကိရိယာနိဗ္ဗတ္တနေန တမ္မယတ္တာ၊ အာဝဇ္ဇနကိရိယာ-
သမုဋ္ဌိတတ္တာ စ ဇေနံ သဗ္ဗမ္ပိ ဝါ ဆဒ္ဓါရပ္ပဝတ္တံ ကိရိယမယပဝတ္တံ နာမ။ တသ္မိံ
သတိ ဇာဂရိတံ နာမ ဟောတီတိ ပရိဂ္ဂဏှန္တော ဇာဂရိတေ သမ္ပဇာနကာရိ
နာမ။ အပိစ ရတ္တိန္ဒြိယံ ဆ ကောဋ္ဌာသေ ကတွာ ပဉ္စ ကောဋ္ဌာသေ ဇဂ္ဂန္တောပိ
ဇာဂရိတေ သမ္ပဇာနကာရိ နာမ ဟောတိ။ ဝိမုတ္တာယတနသီသေန ဓမ္မံ
ဒေသေန္တောပိ ဗာတ္တိံသတိရစ္ဆာနကထံ ပဟာယ ဒသကထာဝတ္ထုနိဿိတံ-
သပ္ပာယကထံ ကထေန္တောပိ ဘာသိတေ သမ္ပဇာနကာရိ နာမ။ အဋ္ဌတိံသာယ
အာရမ္မဏေသု စိတ္တရူပိယံ မနသိကာရံ ပဝတ္ထေန္တောပိ ဒုတိယံ ဖျာနံ

သိမာပန္နောပိ တုဏှိဘာဝေ သမ္ပဇာနကာရိ နာမ။ ဒုတိယဉ္စိ ဈာနံ
ဝစီသင်္ခါရဝိရဟတော ဝိသေသတော တုဏှိဘာဝေါ နာမာတိ။ ဧဝံန္တိ
ဝုတ္တပ္ပကာရေန၊ သတ္တသုပိ ဌာနေသု စတုဓာတိ အတ္ထော။

သန္တောသကထာဝတ္ထနာ

၂၁၅။ ယဿ သန္တောသဿ အတ္တနိ အတ္တိတာယ ဘိက္ခု “သန္တုဋ္ဌော”တိ
ဝုစ္စတိ။ တံ ဒဿေန္တော “**ဣတရိတရပစ္စယသန္တောသေန သမန္တာဂတော**”တိ
အာဟ။ စိဝရာဒိ^၁ ယတ္ထ ကတ္ထစိ ပစ္စယေ သန္တုဿနေန သမင်္ဂိဘူတောတိ
အတ္ထော။ အထ ဝါ ဣတရံ ဝုစ္စတိ ဟိနံ ပဏီတတော အညတ္တာ၊ တထာ ပဏီတံ
ဣတရံ ဟိနတော အညတ္တာ။ အပေက္ခာသိဒ္ဓါ ဟိ ဣတရတာတိ။ ဣတိ ယေန
ဓမ္မေန ဟိနေန ဝါ ပဏီတေန ဝါ စိဝရာဒိပစ္စယေန သန္တုဿတိ။ သော တထာ
ပဝတ္ထော အလောဘော **ဣတရိတရပစ္စယသန္တောသော**၊ တေန သမန္တာ-
ဂတော။ ယထာလာဘံ အတ္တနော လာဘာနရူပံ သန္တောသော **ယထာလာဘ-
သန္တောသော**။ သေသဒ္ဓယေပိ ဧသေဝ နယော။ လဗ္ဘတိတိ ဝါ လာဘော၊
ယော ယော လာဘော ယထာလာဘံ၊ တေန သန္တောသော **ယထာလာဘ-
သန္တောသော**။ ဗလန္တိ ကာယဗလံ။ သာရုပ္ပန္တိ ပကတိဒုဗ္ဗလာဒိနံ အနုစ္ဆရိ-
ကတာ။

ယထာလဒ္ဓတော အညဿ အပတ္တနာ နာမ သိယာ အပ္ပိစ္ဆတာယပိ
ပဝတ္တိအာကာရောတိ တတော ဝိနိဝတ္တိတမေဝ သန္တောသဿ သရူပံ
ဒဿေန္တော “**လဘန္တောပိ န ဂဏှာတိ**”တိ အာဟ။ တံ ပရိဝတ္တေတွာတိ
ပကတိဒုဗ္ဗလာဒိနံ ဂရုစိဝရံ န ဖာသုဘာဝါဝဟံ၊ သရိရခေဒါဝဟဉ္စ ဟောတိတိ
ပယောဇနဝသေန၊ န အတြိစ္ဆတာဒိဝသေန တံ ပရိဝတ္တေတွာ။ လဟုကစိဝရ-
ပရိဘောဂေါ န သန္တောသဝိရောဓိတိ အာဟ “**လဟုကေန ယာပေန္တောပိ
သန္တုဋ္ဌောဝ ဟောတိ**”တိ။ မဟုဋ္ဌစိဝရံ ဗဟူနိ ဝါ စိဝရာနိ လဘိတွာပိ တာနိ
ဝိဿဇ္ဇေတွာ တဒညဿ ဂဟဏံ ယထာသာရုပ္ပနယေ ဋိတတ္တာ န သန္တောသ-
ဝိရောဓိတိ အာဟ “**တေသံ။ ပ။ ဓာရေန္တောပိ သန္တုဋ္ဌောဝ ဟောတိ**”တိ။
ဧဝံ သေသပစ္စယေပိ ယထာဗလယထာသာရုပ္ပနိဒ္ဒေသေသု အပိ-သဒ္ဓဂ္ဂဟဏေ
အဓိပ္ပါယော ဝေဒိတဗ္ဗော။

မုတ္တဟရိတကန္တိ ဂေါမုတ္တပရိဘာဝိတံ၊ ပူတိဘာဝေန ဝါ ဆဒ္ဓိတံ ဟရိတကံ။
ဗုဒ္ဓါဒိဟိ ဝဏှိတန္တိ “ပူတိမုတ္တဘေသဇ္ဇံ နိဿာယ ပဗ္ဗဇော”တိအာဒိနာ၂

သမ္မာသမ္ဗုဒ္ဓါဒီဟိ ပသတ္ထံ။ အပ္ပိစ္ဆတာသန္တုဋ္ဌိသု ဘိက္ခု။ နိယောဇေန္တော ပရမ-
သန္တုဋ္ဌောဝ ဟောတိ ပရမေန ဥက္ကံသဂတေန သန္တောသေန သမန္ဓာဂတတ္တာ။

ကာယံ ပရိဟရန္တိ ပေါသေန္တိတိ ကာယပရိဟာရိကာ။ တထာ ကုန္တိပရိ-
ဟာရိကာ ဝေဒိတဗ္ဗာ။ ကုန္တိပရိဟာရိကတာ စ အဇ္ဈောဟရဏေန သရီရဿ
ဌိတိယာ ဥပကာရကတာဝသေန ဣန္ဒြိယတိ ဗဟိဒ္ဓါဝ ကာယဿ ဥပကာရ-
ကတာဝသေန ကာယပရိဟာရိကတာ ဒဋ္ဌဗ္ဗာ။

ပရိက္ခာရမတ္တာတိ ပရိက္ခာရဂ္ဂဟဏံ။ တတြဋ္ဌကပစ္စတ္တရဏန္တိ အတ္တနာ
အနဓိဋ္ဌဟိတွာ တတ္ထေဝ တိဋ္ဌနကပစ္စတ္တရဏံ။ ပစ္စတ္တရဏာဒိနဉ္စေတ္ထ နဝမာဒိ-
ဘာဝေါ ယထာဝုတ္တပဋိပါဋိယာ ဒဋ္ဌဗ္ဗော၊ န တေသံ တထာ ပတိနိယတဘာဝ-
တော။ ကသ္မာ? တထာ နဓာရဏတော။ ဒုပ္ပေါသဘာဝေန မဟာဂဇာ
ဝိယာတိ မဟာဂဇာ။ ယဒိ ဣတရေပိ အပ္ပိစ္ဆတာဒိသဘာဝါ၊ ကိံ တေသမ္ပိ
ဝသေန အယံ ဒေသနာ ဣန္ဒြိယတိ? နောတိ အာဟ “ဘဂဝါ ပနာ”တိအာဒိ။
ကာယပရိဟာရော ပယောဇနံ ဧတေနာတိ ကာယပရိဟာရိကံ။ တေနာဟ
“ကာယံ ပရိဟရဏမတ္တကေနာ”တိ။

စတုသု ဒိသာသု သုခဝိဟာရတာယ သုခဝိဟာရဋ္ဌာနဘူတာ စတဿော
ဒိသာ ဧတဿာတိ စတုဒ္ဓိသော၊ စတုဒ္ဓိသော ဧဝ စတုဒ္ဓိသော။ တာသု
ဧဝ ကတ္တမိ သတ္တေ ဝါ သင်္ခါရေ ဝါ ဘယေန န ပဋိဟနတိ၊ သယံ ဝါ
တေန န ပဋိဟညတိတိ အပ္ပဋိသော။ သန္တုဋ္ဌာသမာနော ဣတရိတရေနာတိ
ဥစ္စာဝစေန ပစ္စယေန သကေန၊ သန္တေန၊ သမမေဝ စ တုဿနကော။ ပရိစ္စ
သယန္တိ၊ ကာယစိတ္တာနိ ပရိသယန္တိ အဘိဘဝန္တိတိ ပရိသယာ၊ သိဟဗျုပ္ပါ-
ဒယော၊ ကာမစ္ဆန္ဒာဒယော စ၊ တေ ပရိသယေ အဓိဝါသနခန္တိယာ
ဝိနယာဒီဟိ စ သဟိတာ ခန္တာ၊ အဘိဘဝိတာ စ။ ထဒ္ဓဘာဝကရဘယာ-
ဘာဝေန အဆန္တိ။ ဧကော စရေတိ ဧကာကီ ဟုတွာ စရိတုံ သက္ကုဏေယျ။
ခဂ္ဂဝိသာဏကပ္ပေါတိ တာယ ဧဝ ဧကဝိဟာရိတာယ ခဂ္ဂမိဂသိင်္ဂသမော။

အသဉ္ဇာတဝါတာဘိဿာတေဟိ သိယာ သကုဏော အပက္ခကောတိ “ပက္ခိ
သကုဏော”တိ ဝိသေသေတွာ ဝုတ္တော။

နိဝရဏပ္ပဟာနကထာဝဏ္ဏနာ

၂၁၆။ ဝတ္တဗ္ဗတံ အာပဇ္ဇတိတိ “အသုကဿ ဘိက္ခုနော အရညေ
တိရစ္ဆာနဂတာနံ ဝိယ၊ ဝနစရကာနံ ဝိယ စ နိဝါသမတ္တမေဝ၊ န ပန

အရညဝါသာနုစ္ဆရိကာ ကာစိ သမ္မာပဋိပတ္တိ”တိ အပဝါဒဝသေန ဝတ္ထဗ္ဗတံ၊ အာရညကေဟိ ဝါ တိရစ္ဆာနဂတေဟိ၊ ဝနစရိသဘာဂဇနေဟိ ဝါ သဒ္ဓိံ ဝိပုဋ္ဌိပတ္တိဝသေန ဝတ္ထဗ္ဗတံ အာပဇ္ဇတိ။ ကာဠကသဒိသတ္တာ ကာဠကံ၊ ထုလ္လဝဇ္ဇံ။ တိလကသဒိသတ္တာ တိလကံ၊ အဏုမတ္တဝဇ္ဇံ။

ဝိဝိတ္တန္တိ ဇနဝိဝိတ္တံ။ တေနာဟ “သုည”န္တိ။ တံ ပန ဇနသဒ္ဓဃောသာ-
ဘာဝေနော ဝေဒိတဗ္ဗံ သဒ္ဓကဏ္ဍကတ္တာ ဈာနဿာတိ အာဟ “အပ္ပသဒ္ဓိံ
အပ္ပနိဋ္ဌေါသန္တိ အတ္ထော”တိ။ တေဒေဝါတိ နိဿဒ္ဓတံယေဝ။ ဝိဟာရော
ပါကာရပရိစ္ဆန္ဓော သကလော အာဝါသော။ အစုယောဂေါတိ ဒီဃပါသာ-
ဒေါ၊ “ဂရုဋ္ဌသဏ္ဌာနပါသာဒေါ”တိဝိ ဝဒန္တိ။ ပါသာဒေါတိ စတုရဿ-
ပါသာဒေါ။ ဟမ္ဗိယံ မုဏ္ဍုတ္တဒနပါသာဒေါ။ အဇ္ဇော ပဋိရာဇ္ဇနံ ပဋိဗာဟန-
ယောဂေါ စတုပဉ္စဘူမကော ပတိဿယဝိသေသော။ မာဠော ဧကကုဋ္ဌ-
သင်္ဂဟိတော အနေကကောဏသန္တော ပတိဿယဝိသေသော။ အပရော နယော
ဝိဟာရော နာမ ဒီဃမုခပါသာဒေါ။ အစုယောဂေါ ဧကပဿဆဒနက-
သေနာသနံ။ တဿ ကိရ ဧကပဿ ဘိတ္တိ ဥစ္စတရာ ဟောတိ၊ ဣတရပဿ
နိစာ၊ တေန တံ ဧကပဿဆဒနကံ ဟောတိ။ ပါသာဒေါ နာမ အာယတ-
စတုရဿပါသာဒေါ။ ဟမ္ဗိယံ မုဏ္ဍုတ္တဒနကံ စန္ဒိကင်္ဂဏယုတ္တံ။ ဂုဟာ နာမ
ကေဝလာ ပဗ္ဗတဂုဟာ။ လေဏံ ဒွါရဗန္ဓံ ပဟ္တာရံ။ သေသံ ဝုတ္တနယမေဝ။
မဏ္ဍပေါတိ သာခါမဏ္ဍပေါ။

ဝိဟာရသေနာသနန္တိ ပတိဿယဘူတသေနာသနံ။ မဉ္ဇူဝိဌသေနာသနန္တိ
မဉ္ဇူဝိဌဇ္ဇေဝ မဉ္ဇူဝိဌသမ္ပန္နသေနာသနန္တိ။ စိမ္ဗိလိကာဒိ သန္တရိတဗ္ဗတော သန္တတ-
သေနာသနံ။ အဘိသင်္ခရဏာဘာဝတော သယနဿ နိသဇ္ဇာယ စ ကေဝလံ
ဩကာသဘူတံ သေနာသနံ။ “ဝိဝိတ္တံ သေနာသန”န္တိ ဣမိနာ သေနာသနဂ္ဂဟ-
ဏေန သင်္ဂဟိတမေဝ သာမညဇောတနာဘာဝတော။

ယဒိ ဧဝံ ကသ္မာ “အရည”န္တိအာဒိ ဝုတ္တန္တိ အာဟ “ဣဝ ပနာ”တိအာဒိ။
“ဘိက္ခုနီနံ ဝသေန အာဂတ”န္တိ ဣဒံ ဝိနယေ တထာ အာဂတတံ သန္ဓာယ
ဝုတ္တံ၊ အဘိဓမ္မေပိ ပန “အရညန္တိ နိက္ခမိတော ဗဟိ ဣန္ဒဒီလာ၊ သဗ္ဗမေတံ
အရည”န္တိ အာဂတမေဝ။ တတ္ထ ဟိ ယံန ဂါမပဒေသန္တောဂဓံ၊ တံ “အရည”န္တိ
နိပ္ပရိယာယဝသေန တထာ ဝုတ္တံ။ ဝုတင်္ဂနိဒ္ဒေသေ ၂ ယံ ဝုတ္တံ၊ တံ ယုတ္တံ၊ တသ္မာ
တတ္ထ ဝုတ္တနယေန ဂဟေတဗ္ဗန္တိ အဓိပ္ပာယော။ ဂုက္ခမူလန္တိ ဂုက္ခသဒိပံ။ ဝုတ္တဉ္ဇေတံ

“ယာဝတာ မဇ္ဈိကေ ကာလေ သမန္တာ ဆာယာ ဖရတိ၊ နိဝါတေ ပဏ္ဏာနိ နိပတန္တိ၊ ဧတ္တာဝတာ ရုက္ခမူလ”န္တိ။ သေလ-သဒ္ဓေါ အဝိသေသတော ပဗ္ဗတ-ပရိယာယောတိ ကတွာ ဝုတ္တံ “ပဗ္ဗတန္တိ သေလ”န္တိ၊ န သိလာမယမေဝ၊ ပံသုမယာဒိကော တိဝိဇ္ဇောပိ ပဗ္ဗတော ဧဝါတိ။ ဝိဝရန္တိ ခြံန္တံ ပဗ္ဗတာနံ မိထော အာသန္ဓတရေ ဌိတာနံ ဩဝရကာဒိသဒိသံ ဝိဝရံ၊ ကေသ္မိယေဝ ဝါ ပဗ္ဗတေ။ ဥမင်္ဂသဒိသန္တိ သုဒုင်္ဂါသဒိသံ။ မနုဿာနံ အနုပစာရဋ္ဌာနန္တိ ပကတိသဇ္ဇာရ-ဝသေန မနုဿေဟိ န သဇ္ဈရိတဗ္ဗဋ္ဌာနံ။ အာဒိ-သဒ္ဓေန “ဝနပတ္တန္တိ ဝနသဏ္ဌာန-မေတံ သေနာသနာနံ အဓိဝစနံ၊ ဝနပတ္တန္တိ ဘိသနကာနမေတံ၊ ဝနပတ္တန္တိ သလောမဟံသာနမေတံ၊ ဝနပတ္တန္တိ ပရိယန္တာနမေတံ၊ ဝနပတ္တန္တိ န မနုဿ-ပစာရာနမေတံ၊ ဝနပတ္တန္တိ ဒုရဘိသမ္ဘဝါနမေတံ သေနာသနာနံ အဓိဝစန”န္တိ။ ဣမံ ပါဠိသေသံ သင်္ဂဏှာတိ။ အစ္ဆန္တန္တိ ကေနစိ ဆဒနေန အန္တမသော ရုက္ခသာခါယပိ န ဆာဒိတံ။ နိက္ကမိတွာတိ နိဟရိတွာ။ ပဗ္ဗာရလေဏသဒိ-သေတိ ပဗ္ဗာရသဒိသေ လေဏသဒိသေ စ။

ဝိဏ္ဏပါတပရိယေသနံ ဝိဏ္ဏပါတော ဥတ္တရပဒလောပေနာတိ အာဟ “ဝိဏ္ဏပါတပရိယေသနတော ပဋိက္ကန္တော”တိ။ ပလ္လင်္ဂန္တိ ဧတ္ထ ပရိ-သဒ္ဓေါ “သမန္တတော”တိ ဧတဿ အတ္ထေ၊ တသ္မာ ဝါမောရုဇ္ဈ ဒက္ခိဏောရုဇ္ဈ သမံ ဌပေတွာ ဥဘော ပါဒေ အညမညံ သမ္ပန္နိတွာ နိသဇ္ဇော ပလ္လင်္ဂန္တိ အာဟ “သမန္တတော ဥပုဗ္ဗသန”န္တိ။ ဥပုဗ္ဗံ ဗန္ဓနဝသေန နိသဇ္ဇော ပလ္လင်္ဂံ။ အာဘုဇိတွာတိ စ ယထာ ပလ္လင်္ဂဝသေန နိသဇ္ဇော ဟောတိ၊ ဧဝံ ဥဘော ပါဒေ အာဘုဂ္ဂေ ဘဠိတေ ကတွာ၊ တံ ပန ဥဘိန္တံ ပါဒါနံ တထာသမ္ပန္နတာ-ကရဏန္တိ အာဟ “ဗန္ဓိတွာ”တိ။ ဟေဋ္ဌမကာယဿ စ အနုဇုကံ ဌပနံ နိသဇ္ဇာ-ဝစနေနေဝ ဗောဓိတန္တိ “ဥဇုံ ကာယ”န္တိ ဧတ္ထ ကာယ-သဒ္ဓေါ ဥပရိမကာယ-ဝိသယောတိ အာဟ “ဥပရိမံ သရီရံ ဥဇုံ ဌပေတွာ”တိ။ တံ ပန ဥဇုကဌပနံ သရူပတော၊ ပယောဇနတော စ ဒဿေတုံ “အဋ္ဌာရသ”တိအာဒိ ဝုတ္တံ။ န ပဏမန္တိတိ န ဩနမန္တိ။ န ပရိပတတိတိ န ဝိဂစ္ဆတိ ဝိထိံ န လဗေတိ။ တတော ဧဝ ပုဗ္ဗေနာပရံ ဝိသေသပ္ပတ္တိယာ ကမ္မဋ္ဌာနံ ဝုဇိံ ဗာတိံ ဝေပုလ္လံ ဥပဂစ္ဆတိ။ ပရိပုဇန္တိ ဧတ္ထ ပရိ-သဒ္ဓေါ အဘိ-သဒ္ဓေန သမာနတ္ထောတိ အာဟ “ကမ္မဋ္ဌာနာဘိပုဇ”န္တိ။ ဗဟိဒ္ဓေါ ပုထုတ္တာရမ္မဏတော နိဝါရေတွာ ကမ္မဋ္ဌာနံ-ယေဝ ပုရက္ခတွာတိ အတ္ထော။ သမိပတ္ထော ဝါ ပရိ-သဒ္ဓေါတိ ဒဿေန္တော “ပုဇသမိပေ ဝါ ကတွာ”တိ အာဟ။ ဧတ္ထ စ ယထာ “ဝိဝိတ္တံ သေနာသနံ

ဘဇတိ”တိအာဒိနာ ဘာဝနာနုရူပံ သေနာသနံ ဒဿိတံ၊ ဧဝံ “နိသီဒတိ”တိ
ဣမိနာ အလိနာနုဒ္ဓစ္စပက္ခိယော သန္တော ဣရိယာပထော ဒဿိတော။
“ပလ္လင်္ဂ” အာဘုဇိတွာ”တိ ဣမိနာ နိသဇ္ဇာယ ဒဠဘာဝေါ၊ “ပရိမုခံ သတိ”
ဥပဋ္ဌပေတွာ”တိ ဣမိနာ အာရမ္မဏပရိဂ္ဂဟူပါယော။ ပရီတိ ပရိဂ္ဂဟဇ္ဇော
“ပရိဏာယိကာ”တိအာဒိသု ဝိယ။ မုခန္တိ နိယျာနဇ္ဇော “သုညတဝိမောက္ခ-
မုခ”န္တိအာဒိသု ဝိယ။ ပဋိပက္ခတော နိဂ္ဂမနဇ္ဇော ဟိ နိယျာနဇ္ဇော၊ တသ္မာ
ပရိဂ္ဂဟိတနိယျာနန္တိ သဗ္ဗထာ ဂဟိတာသမ္မောသံ ပရိစက္ကသမ္မောသံ သတိ”
ကတွာ၊ ပရမံ သတိနေပက္ကံ ဥပဋ္ဌပေတွာတိ အတ္ထော။

၂၁၇။ အဘိဇ္ဈာယတိ ဂိဇ္ဈတိ အဘိကင်္ခတိ တောယာတိ အဘိဇ္ဈာ၊
လောဘော။ လုဇ္ဈနဇ္ဇေနာတိ ဘိဇ္ဇနဇ္ဇေန၊ ခဏေ ခဏေ ဘိဇ္ဇနဇ္ဇေနာတိ
အတ္ထော။ ဝိက္ခမ္ဘနဝသေနာတိ ဧတ္ထ ဝိက္ခမ္ဘနံ အနုပ္ပါဒနံ အပ္ပဝတ္တနံ၊ န
ပဋိပက္ခာနံ သုပ္ပဟိနတာ။ “ပဟိနတ္တာ”တိ စ ပဟိနသဒိသတံ သန္ဓာယ ဝုတ္တံ
ဈာနဿ အနဓိဂတတ္တာ။ တထာပိ နယိဒံ စက္ခုဝိညာဏံ ဝိယ သဘာဝတော
ဝိဂတဘိဇ္ဈံ၊ အထ ခေါ ဘာဝနာဝသေန၊ တေနာဟ “န စက္ခုဝိညာဏ-
သဒိသေနာ”တိ။ သေဝ နယောတိ ယထာ ဣမဿ စိတ္တဿ ဘာဝနာယ
ပရိဘာဝိတတ္တာ ဝိဂတဘိဇ္ဈတာ၊ ဧဝံ အဗျာပန္တံ ဝိဂတထိနမိဒ္ဓံ အနုဒ္ဓတံ
နိဗ္ဗိစိကိစ္ဆန္တာတိ အတ္ထော။ ပုရိမပကတိန္တိ ပရိသုဒ္ဓပဏ္ဍရသဘာဝံ။ “ယာ စိတ္တဿ
အကလျတာ”တိအာဒိနာ” ထိနဿ၊ “ယာ ကာယဿ အကလျတာ”တိ-
အာဒိနာ” စ မိဒ္ဓဿ အဘိဓမ္မေ နိဒ္ဓိဋ္ဌတ္တာ ဝုတ္တံ “ထိနံ စိတ္တဂေလညံ၊ မိဒ္ဓံ
စေတသိကဂေလည”န္တိ။ သတိပိ အညမညအဝိပ္ပယောဂေ စိတ္တကာယ-
လဟုတာဒိနံ ဝိယ စိတ္တစေတသိကာနံ ယထာက္ကမံ တံတံဝိသေသဿ ယာ
တေသံ အကလျတာဒိနံ ဝိသေသပ္ပစ္စယတာ၊ အယမေတေသံ သဘာဝေါတိ
ဒဠဗ္ဗံ။ အာလောကသညီတိ ဧတ္ထ အတိသယတ္ထဝိသိဋ္ဌအတ္ထိအတ္တာဝဗောဓကော
အယမိကာရောတိ ဒဿေန္တော အာဟ “ရတ္တိမ္ပိ ။ပ။ သမန္နာဂတော”တိ။
ဣဒံ ဥဘယန္တိ သတိသမ္ပဇညမာဟ။ အတိက္ကမိတွာ ဝိက္ခမ္ဘနဝသေန ပဇေဟိတွာ။
“ကထမိဒ”န္တိ ပဝတ္တိယာ ကထံကထာ၊ ဝိစိကိစ္ဆာ။ သာ တေဿ အတ္ထိတိ
ကထံကထိ၊ န ကထံကထိတိ အကထံကထိ၊ နိဗ္ဗိစိကိစ္ဆော။ လက္ခဏာဒိဘေဒ-
တောတိ ဧတ္ထ အာဒိ-သဒ္ဓေန ပစ္စယပဟာနပဟာယကာဒိနမ္ပိ သင်္ဂဟော
ဒဠဗ္ဗော။ တေပိ ဟိ ဘေဒတော ဝတ္တဗ္ဗာတိ။

၂၁၈။ တေသန္တိ ဣဏဝသေန ဂဟိတဓနာနံ။ ပရိယန္တောတိ ဒါတဗ္ဗ-
သေသော။ သော မလဝပါမောဇ္ဇံ လဘတိ “ဣဏပလိဗောဓတော မုတ္တော-
မ္ပိ”တိ။ သောမနဿံ အဓိဂစ္ဆတိ “ဇိဝိကာနိမိတ္တံ အတ္ထိ”တိ။

၂၁၉။ ဝိသဘာဂဝေဒနုပ္ပတ္တိယာတိ ဒုက္ခဝေဒနုပ္ပတ္တိယာ။ ဒုက္ခဝေဒနာ ဟိ
သုခဝေဒနာယ ကုသလဝိပါကသန္တာနဿ ဝိရောဓိတာယ ဝိသဘာဂါ။ စတု-
ဇ္ဈရိယာပထံ ဆိန္ဒုန္တောတိ စတုပ္ပိဓမ္မိ ဣရိယာပထပ္ပဝတ္ထိံ ပစ္ဆိန္ဒန္တော။
ဗျာဓိကော ဟိ ယထာ ဌာနဂမနေသု အသမတ္တော၊ ဧဝံ နိသဇ္ဇာဒိသုပိ
အသမတ္တော ဟောတိ။ အာဗာဓေတိတိ ပိဋေတိ။ ဝါတာဒိနံ ဝိကာရော
ဝိသမာဝတ္ထာ ဗျာဓိတိ အာဟ “တံသမုဋ္ဌာနေန ဒုက္ခေန ဒုက္ခိတော”တိ။
ဒုက္ခဝေဒနာယ ပန ဗျာဓိဘာဝေ မူလဗျာဓိနာ အာဗာဓိကော အာဒိတော
ဗာဓတိတိ ကတွာ။ အနုဗန္ဓဗျာဓိနာ ဒုက္ခိတော အပရာပရံ သဉ္ဇာတဒုက္ခောတိ
ကတွာ။ ဂိလာနောတိ ဓာတုသင်္ခယေန ပရိက္ခိဏသရိရော။ အပ္ပမတ္တကံ ဝါ ဗလံ
မလမတ္တာ။ တဒုဘယန္တိ ပါမောဇ္ဇံ၊ သောမနဿဉ္စ။ တတ္ထ လဘေထ ပါမောဇ္ဇံ
“ရောဂတော မုတ္တောမ္ပိ”တိ။ အဓိဂစ္ဆေယျ သောမနဿံ “အတ္ထိ မေ ကာယေ
ဗလ”န္တိ။

၂၂၀။ သေသန္တိ “တဿ ဟိ ‘ဗန္ဓနာ မုတ္တောမ္ပိ’တိ အာဝဇ္ဇယတော တဒုဘယံ
ဟောတိ။ တေန ဝုတ္တ”န္တိ ဝေမာဒိ။ ဝုတ္တနယေနောဝါတိ ပဌမဒုတိယပဒေသု
ဝုတ္တနယေနော။ သပ္ပပဒေသုတိ အဝသိဋ္ဌပဒေသု တတိယာဒိသု ကောဋ္ဌာသေသု။

၂၂၁-၂၂၂။ န အတ္တနိ အဓိနောတိ န အတ္တာယတ္တော။ ပရာဓိနောတိ
ပရာယတ္တော။ အပရာဓိနတာယ ဘုဇော^၁ ဝိယ အတ္တနော ကိစ္စေ ငွေတဗ္ဗောတိ
ဘုဇိဿော၊ သဝသောတိ အာဟ “အတ္တနော သန္တကော”တိ။ အနုဒကတာယ
ကံ ပါနိယံ တာရေန္တိ ဧတ္တာတိ ကန္တာရောတိ အာဟ “နိရုဒကံ ဒိသမဂ္ဂ”န္တိ။

၂၂၃။ တတြာတိ တသ္မိံ ဒဿနေ။ အယန္တိ ဣဒါနိ ဝုစ္စမာနာ သဒိသတာ။
ယေန ဣဏာဒိနံ ဥပမာဘာဝေါ၊ ကာမစ္ဆန္တာဒိနဉ္စ ဥပမေယျဘာဝေါ ဟောတိ။
သော နေသံ ဥပမောပမေယျသမ္ပန္နော သဒိသတာတိ ဒဋ္ဌဗ္ဗံ။ ယော ယမ္ပိ
ကာမစ္ဆန္တေန ရုဇ္ဇတိတိ ယော ပုဂ္ဂလော ယမ္ပိ ကာမရာဂဿ ဝတ္ထုဘူတေ
ပုဂ္ဂလေ ကာမစ္ဆန္တဝသေန ရတ္တော ဟောတိ။ တံ ဝတ္ထုံ ဂဏှာတိတိ တံ
တဏှာဝတ္ထုံ “မမေတ”န္တိ ဂဏှာတိ။

ဥပဒ္ဒဓေထာတိ ဥပဒ္ဒဝံ ကရေထ။

နက္ခတ္တဿာတိ မဟဿ။ မုတ္တောတိ ဗန္ဓနတော မုတ္တော။

ဝိနယေ အပကတညနာတိ ဝိနယက္ကမေ အကုသလေန။ သော ဟိ ကပ္ပိယာကပ္ပိယံ ယာထာဝတော န ဇာနာတိ။ တေနာဟ “**ကိသ္မိဒ္ဓိဒေဝါ**”တိ-အာဒိ။

ဂစ္ဆတိပီတိ ထောက် ထောက် ဂစ္ဆတိပီ။ ဂစ္ဆန္တော ပန တာယ ဧဝံ ဥဿင်္ဂိတပရိသင်္ဂိတတာယ တတ္ထ တတ္ထ တိန္ဒတိပီ။ ဤဒိသေ ကန္တာရေ ဂတော “ကော ဇာနာတိ၊ ကိ” ဘဝိဿတိ”တိ နိဝတ္တတိပီ။ တသ္မာ ဂတန္တာ-နတော အဂတန္တာနမေဝ ဗဟုတရံ ဟောတိ။ သဒ္ဓါယ ဂဏှိတုံ သဒ္ဓေယျံ ဝတ္ထု၊ “ဣဒမေဝ”န္တ သဒ္ဓဟိတုံ န သက္ကောတိ။ အတ္ထိ နတ္ထိတိ “အတ္ထိ န ခေါ၊ နတ္ထိ န ခေါ”တိ။ အရညံ ပဝိဋ္ဌဿ အာဒိမိ ဧဝံ သပ္ပနံ အာသပ္ပနံ။ ပရိပရိတော၊ ဥပရူပရိ ဝါ သပ္ပနံ ပရိသပ္ပနံ။ ဥဘယေနပိ တတ္ထေဝ ပရိပ္ပမနံ ဝဒတိ။ တေနာဟ “**အပရိယောဂါဟန**”န္တိ။ ဆန္ဒိတတ္ထန္တိ အရညသညာယ ဥပ္ပန္နံ ဆန္ဒိတဘာဝံ၊ ဥတြာသန္တိ အတ္တော။

၂၂၄။ တတြာယံ သဒိသတာတိ ဧတ္ထာပိ ဝုတ္တနယာနုသာရေန သဒိ-သတာ ဝေဒိတဗ္ဗာ။ ယဒဂ္ဂေန ဟိ ကာမစ္ဆန္တာဒယော ဣဏာဒိသဒိသာ၊ တဒဂ္ဂေန တေသံ ပဟာနံ အာဏဏျာဒိသဒိသံ အဘာဝေါတိ ကတွာ။ ဆဓမ္မေတိ အသုဘနိမိတ္တဿ ဥဂ္ဂဟော၊ အသုဘဘာဝနာနုယောဂေါ၊ ဣန္ဒြိယေသု ဝုတ္တဒ္ဓါရတာ၊ ဘောဇနေ မတ္တညတာ၊ ကလျာဏမိတ္တတာ၊ သပ္ပါယကထာတိ ဣမေ ဆ ဓမ္မေ။ အာဝေတွာတိ ဗြူဟေတွာ။ မဟာသတိပဋ္ဌာနေ^၁ ဝဏ္ဏယိ-ဿာမ တတ္ထဿ အနုပ္ပန္နာနုပ္ပါဒနဥပ္ပန္နပဟာနာဒိဝိဘာဝနဝသေန သဝိသေသံ ပါဠိယာ အာဂတတ္တာ။ သေ နယော ဗျာပါဒါဒိပ္ပဟာနကဘာဝေပိ။ ပရ-ဝတ္ထုဒ္ဓိတိ အာရမ္မဏဘူတေ ပရသ္မိ^၂ ဝတ္ထုသ္မိ။

အနတ္တကရေတိ အတ္တနော ပရဿ စ အနတ္တာဝဟော။ ဆ ဓမ္မေတိ မေတ္တာနိမိတ္တဿ ဥဂ္ဂဟော၊ မေတ္တာဘာဝနာနုယောဂေါ၊ ကမ္မဿကတာ၊ ပဋိသင်္ခါနဗဟုလတာ၊ ကလျာဏမိတ္တတာ၊ သပ္ပါယကထာတိ ဣမေ ဆ ဓမ္မေ။ တတ္ထေဝါတိ မဟာသတိပဋ္ဌာနေယေဝ^၂။ စာရိတ္တသီလံ ဥဒ္ဓိဿ ပညတ္တသိက္ခာပဒံ အာစာရပဏ္ဏတ္တိ။

ဗန္ဓနာဂါရံ ပဝေသိတတ္တာ အလဒ္ဓနက္ခတ္တာနဘဝေါ ပုရိသော “နက္ခတ္တ-
ဒိဝသေ ဗန္ဓနာဂါရံ ပဝေသိတော ပုရိသော”တိ ဝုတ္တော၊ နက္ခတ္တဒိဝသေ ဧဝ
ဝါ တဒနနဘဝနတ္ထံ တထာ ကတော။ မဟာအနတ္တကရန္တိ ဒိဋ္ဌဓမ္မိကာဒိ-
အတ္တဟာပနမုခေန မဟတော အနတ္တဿ ကာရကံ။ ဆဓဓ္မေတိ အတိဘောဇန
နနိမိတ္တဂ္ဂါဟော၊ ဣရိယာပထသမ္ပရိဝတ္တနတာ၊ အာလောကသညာမနသိ-
ကာရော၊ အတ္တောကာသဝါသော၊ ကလျာဏမိတ္တတာ၊ သပ္ပါယကထာတိ
ဣမေ ဆ ဓမ္မေ။

ဥဒ္ဒစ္စကုက္ကုစ္စေ မဟာအနတ္တကရန္တိ ပရာယတ္တတာပါဒနတော ဝုတ္တနယေန
မဟတော အနတ္တဿ ကာရကန္တိ အတ္တော။ ဆ ဓဓ္မေတိ ဗဟုဿုတတာ၊
ပရိပုစ္ဆကတာ၊ ဝိနယေ ပကတညုတာ၊ ဝုဗ္ဗသေဝိတာ၊ ကလျာဏမိတ္တတာ၊
သပ္ပါယကထာတိ ဣမေ ဆ ဓမ္မေ။

ဗလဝါတိ ပစ္စတ္တိကဝိဓမနသမတ္တေန ဗလေန ဗလဝါ။ သဇ္ဇာဝုဓောတိ
သန္ဓဒ္ဓဓနအာဒိအာဝုဓော။ သူရဝီရသေဝကဇနဝသေန သပရိဝါရော။ တန္တိ
ယထာဝုတ္တံ ပုရိသံ။ ဗလဝန္တတာယ၊ သဇ္ဇာဝုဓတာယ၊ သပရိဝါရတာယ စ
ဓောရာ ခူရတောဝ ဒိသွာ ပလာယေယျ။ အနတ္တကာရိကာတိ သမ္မာ-
ပဋိပတ္တိယာ ဝိဗန္ဓကရဏတော ဝုတ္တနယေန အနတ္တကာရိကာ။ ဆ ဓဓ္မေတိ
ဗဟုဿုတတာ၊ ပရိပုစ္ဆကတာ၊ ဝိနယေ ပကတညုတာ၊ အဓိမောက္ခဗဟုလတာ၊
ကလျာဏမိတ္တတာ၊ သပ္ပါယကထာတိ ဣမေ ဆ ဓမ္မေ။ ယထာ ဗာဟုသစ္စာဒိနိ
ဥဒ္ဒစ္စကုက္ကုစ္စဿ ပဟာနာယ သံဝတ္တန္တိ၊ ဧဝံ ဝိစိကိစ္ဆာယဝီတိ ဣဓာပိ
ဗဟုဿုတတာဒယော ဂဟိတာ။ ကလျာဏမိတ္တတာ သပ္ပါယကထာ ဝိယ ပဉ္စန္ဒ၊
တသ္မာ တဿ တဿ အနုစ္စဝိကသေဝနတာ ဝေဒိတဗ္ဗာ။ သမ္မာပဋိပတ္တိယာ
အပ္ပဋိပတ္တိနိမိတ္တတာမုခေန ဝိစိကိစ္ဆာ မိစ္ဆာပဋိပတ္တိမေဝ ပရိဗြူဟေတိတိ
တဿာ ပဟာနံ ဒုစ္စရိတဝိရုနနူပါယောတိ အာဟ “ဒုစ္စရိတကန္တာရံ
နိတ္တရိတွာ”တိအာဒိ။

၂၂၅။ ပါမောဇ္ဇံ နာမ တရုဏဝီတိ၊ သာ ကထဉ္စိပိံ တုဋ္ဌာဝတ္ထာတိ အာဟ
“ပါမောဇ္ဇံ ဇာယတိတိ တုဋ္ဌာကာရော ဇာယတိ”တိ။ တုဋ္ဌဿာတိ ဩက္ကန္တိ-
ကဘာဝပ္ပတ္တာယ ဝီတိယာ ဝသေန တုဋ္ဌဿ။ အတ္တနော သဝိပ္ပုရိကတာယ၊
အတ္တသမုဋ္ဌာနပဏီတရူပပ္ပတ္တိယာ စ သကလသရီရံ ခေါဘယမာနာ ဖရဏ-
လက္ခဏာ ဝီတိ ဇာယတိ။ ဝီတိသဟိတံ ဝီတိ ဥတ္တရပဒလောပေန၊ ကိံ ပန

တံ? မနော။ ပီတိ မနော ဧတဿံတိ ပီတိမနော၊ တဿ ပီတိမနဿ။
 တယိဒံ အတ္တမတ္တမေဝ ဒဿေန္တော “ပီတိသမ္ပယုတ္တဖိတ္တဿ”တိ အာဟ။
 ကာယောတိ ဣဓ အရူပကလာပေါ အဓိပ္ပေတော၊ န ဝေဒနာဒိက္ခန္ဓတ္တယမေဝါတိ
 အာဟ “နာမကာယော ပဿန္တတိ”တိ၊ ပဿဒ္ဓိဒ္ဓယဿ ပီတိဝသေနေတ္ထ
 ပဿန္တနံ အဓိပ္ပေတံ။ ဝိဂတဒရထောတိ ပဟိနဥဒ္ဓစ္စာဒိကိလေသဒရထော။
 ဝုတ္တပ္ပကာရာယ ပုဗ္ဗဘာဂဘာဝနာယ ဝသေန စေတသိကသုခံ ပဋိသံဝေ-
 ဒေန္တောယေဝ တံသမုဋ္ဌာနပဏီတရူပဗုဋ္ဌသရီရတာယ ကာယိကမ္ပိသုခံ ဝေဒေ-
 တိတိ အာဟ “ကာယိကမ္ပိ စေတသိကမ္ပိ သုခံ ဝေဒယတိ”တိ။ ဣမိနာတိ
 “သုခံ ပဋိသံဝေဒေတိ”တိ ဧဝံ ဝုတ္တေန။ သံကိလေသပက္ခတော နိက္ခန္တတ္တာ၊
 ပဌမဇ္ဈာနပက္ခိကတ္တာ စ နေက္ခမ္ပသုခေန။ သုခိတဿာတိ သုခိနော။

ပဌမဇ္ဈာနကထာဝတ္ထနာ

၂၂၆။ “ဖိတ္တံ သမာဓိယတိ”တိ ဧတေန ဥပစာရဝသေနပိ အပ္ပနာဝသေနပိ
 ဖိတ္တဿ သမာဓာနံ ကထိတံ။ ဧဝံ သန္တေ “သောဝိဝိစ္စေဝ ကာမေဟိ”တိ အာဒိကာ
 ဒေသနာ ကိမတ္ထိယာတိ အာဟ “သောဝိဝိစ္စေဝ ကာမေဟိ။ ပ။ ဝုတ္တ”န္တိ။ တတ္ထ
 ဥပရိဝိသေသဒဿနတ္ထန္တိ ပဌမဇ္ဈာနာဒိဥပရိဝတ္တဗ္ဗဝိသေသဒဿနတ္ထံ။ န ဟိ
 ဥပစာရသမာဓိသမဓိဂမေန ဝိနာ ပဌမဇ္ဈာနာဒိဝိသေသော သမဓိဂန္တု သက္ကာ။
 ပါမောဇ္ဇုပ္ပါဒါဒီဟိ ကာရဏပရမ္ပရာ ဒုတိယဇ္ဈာနာဒိသမဓိဂမေပိ ဣန္ဒြိယဗ္ဗာဝ
 ပဋိပဒါဉာဏဒဿနဝိသုဒ္ဓိ ဝိယ ဒုတိယမဂ္ဂါဒိသမဓိဂမေတိ ဒဋ္ဌဗ္ဗံ။ တဿ
 သမာဓိနောတိ “သုခိနော ဖိတ္တံ သမာဓိယတိ”တိ ဧဝံ သာဓာရဏဝသေန ဝုတ္တော
 ယော အပ္ပနာလက္ခဏော၊ တဿ သမာဓိနော။ ပဘေဒဒဿနတ္ထန္တိ ဒုတိယ-
 ဇ္ဈာနာဒိဝိဘာဂဿ စေဝ အဘိညာဒိဝိဘာဂဿ စ ဘေဒဒဿနတ္ထံ။ ကရော
 ဝုစ္စတိ ပုပ္ဖသမ္ဘဝံ ဂဟ္တာသယေ ကရိယတိတိ ကတွာ၊ ကရတော ဇာတော
 ကာယော ကရဇကာယော၊ တဒုပသန္တိဿယော စတုသန္တတိရူပသမုဒါယော။
 ကာမံ နာမကာယောပိ ဝိဝေကဇေန ပီတိသုခေန တထာလဒ္ဓုပကာရော၊
 “အဘိသန္ဓေတိ”တိ အာဒိဝစနတော ပန ရူပကာယော ဣဓာဓိပ္ပေတောတိ
 အာဟ “ဣမံ ကရဇကာယ”န္တိ။ အဘိသန္ဓေတိတိ အဘိသန္ဓနံ ကရေတိ။ တံ
 ပန ဈာနမယေန ပီတိသုခေန ကရဇကာယဿ တိန္တဘာဝါပါဒနံ၊ သဗ္ဗတ္ထက-
 မေဝ လူခဘာဝါပနယနန္တိ အာဟ “တေမေတိ”တိ အာဒိ၊ တယိဒံ အဘိသန္ဓနံ
 အတ္တတော ယထာဝုတ္တပီတိသုခသမုဋ္ဌာနေဟိ ပဏီတရူပေဟိ ကာယဿ
 ပရိပ္ပရဏံ ဒဋ္ဌဗ္ဗံ။ “ပရိသန္ဓေတိ”တိ အာဒိသုပိ ဧသေဝ နယော။ သဗ္ဗံ ဧတဿ
 အတ္တိတိ သဗ္ဗာဝါ၊ တဿ သဗ္ဗာဝတော။ အဝယဝါဝယဝိသမ္ပန္နေ အဝယဝိနိ

သာမိဝစနန္တိ အဝယဝိဝိသယော သပ္ပ-သဒ္ဓေါ၊ တသ္မာ ဝုတ္တံ “သပ္ပကောဋ္ဌာ-
သဝတော”တိ။ အပုဋ် နာမ န ဟောတိ ယတ္ထ ယတ္ထ ကမ္မဇရူပံ၊ တတ္ထ တတ္ထ
စိတ္တဇရူပဿ အဘိဗျာပနတော။ တေနာဟ “ဥပါဒိန္နကသန္တတိ”တိအာဒိ။

၂၂၇။ ဆေကောတိ ကုသလော။တံ ပနဿ ကောသလံ နှာနိယစုဏ္ဏာနံ
သန္တနေ ပိဏ္ဍိကရဏေ စ သမတ္တတာဝသေန ဝေဒိတဗ္ဗန္တိ အာဟ “ပဋိဗလော”-
တိအာဒိ။ ကံသ-သဒ္ဓေါ “မဟတိယာကံသပါတိယာ”တိအာဒိသု သုဝဏ္ဏေ
အာဂတော။ “ကံသော ဥပဟတော ယထာ”တိအာဒိသု ကိတ္တိမလောဟေ၊
ကတ္တမိ ပဏ္ဏတ္တိမတ္တေ “ဥပကံသော နာမ ရာဇာပိ မဟာကံသဿ အတြ-
ဇော”တိအာဒိ၊ ဣဓ ပန ယတ္ထ ကတ္တမိ လောဟေတိ အာဟ “ယေန ကေနမိ
လောဟေန ကတဘာဇေန”တိ။ သွေဟာနုဂတာတိ ဥဒကသိနေဟေန အနုပဝိ-
သနဝသေန ဂတာ ဥပဂတာ။ သွေဟပရေတာတိ ဥဒကသိနေဟေန ပရိတော
ဂတာ သမန္တတော ဖုဠာ၊ တတော ဧဝ သန္တရဗာဟိရာ ဖုဠာ သိနေဟေန၊
ဧတေန သပ္ပသော ဥဒကေန တေမိတဘာဝမာဟ။ “န စ ပဋ္ဌရဏီ”တိ ဧတေန
တိန္တဿပိ တဿ သနထဒ္ဓဘာဝံ ဝဒတိ။ တေနာဟ “န စ ဗိဒ္ဓါ ဗိဒ္ဓါ”န္တိ-
အာဒိ။

ဒုတိယဇ္ဈာနကထာဝဏ္ဏနာ

၂၂၉။ တာဟိ တာဟိ ဥဒကသိရာဟိ ဥတ္တိဇ္ဇတိတိ ဥတ္တိဒံ၊ ဥတ္တိဒံ
ဥဒကံ တေဿာတိ ဥတ္တိဒေါဒကော။ ဥတ္တိန္နဥဒကောတိ နဒီတိရေ ခတကူ-
ပကော ဝိယ ဥတ္တိဇ္ဇနကဥဒကော။ ဥဂ္ဂန္တနကဥဒကောတိ ဓာရာဝသေန
ဥဋ္ဌဟနဥဒကော။ ကသ္မာ ပနေတ္ထ ဥတ္တိဒေါဒကောဝ ရဟဒေါ ဂဟိတော၊ န
ဣတရေတိ အာဟ “ဟေဋ္ဌာ ဥဂ္ဂန္တနဥဒကဉ္စီ”တိအာဒိ။ ဓာရာနိပါတပုဗ္ဗုဠ-
ကေဟိတိ ဓာရာနိပါတေဟိ ဥဒကပုဗ္ဗုဠကေဟိ စ၊ “ဖေဏပဋ္ဌလေဟိ စာ”တိ
ဝတ္ထုဗ္ဗံ။ သန္တိသိန္နမေဝါတိ အပရိက္ခောဘတာယ နိစ္စလမေဝ၊ သုပ္ပသန္တမေဝါတိ
အဓိပ္ပါယော။ သေသန္တိ “အဘိသန္ဓေတိ”တိအာဒိကံ။

တတိယဇ္ဈာနကထာဝဏ္ဏနာ

၂၃၁။ ဥပ္ပလာနိတိ ဥပ္ပလဂစ္ဆာနိ။ သေတရတ္တနိလေသုတိ ဥပ္ပလေသု၊
သေတုပ္ပလရတ္တုပ္ပလနိလုပ္ပလေသုတိ အတ္ထော။ ယံ ကိဉ္စိ ဥပ္ပလံ ဥပ္ပလမေဝ

၁-ခု ၁-၃၃-ပိဋေ ဇာတကေ။ ၂-ဇာတက-၄ ၄-ဂဝ-ပိဋေ၊ (အတ္ထတော သမာနံ)

သာမညဂဟဏတော။ သတပတ္တန္တိ ဧတ္ထ သတ-သဒ္ဓေါ ဗဟုပရိယာယော “သတန္တိ”တိအာဒိသု ဝိယ၊ တေန အနေကသတပတ္တဿပိ သင်္ဂဟော သိဒ္ဓေါ ဟောတိ။ လောကေ ပန “ရတ္တံ ပဒုမံ၊ သေတံ ပုဏ္ဏရိက”န္တိပိ ဝုစ္စတိ။ ယာဝ အဂ္ဂါ၊ ယာဝ စ မူလာ ဥဒကေန အဘိသန္ဓနာဒိသမ္ဘဝဒဿနတ္ထံ ဥဒကာနုဂ္ဂ-တဂ္ဂဟဏံ။ ဣမ ဥပ္ပလာဒီနိ ဝိယ ကရဇကောယော၊ ဥဒကံ ဝိယ တတိယဇ္ဈာန-သုခံ။

စတုတ္ထဇ္ဈာနကထာဝဏ္ဏနာ

၂၃၃။ ယသ္မာ “ပရိသုဒ္ဓေန စေတသာ”တိ စတုတ္ထဇ္ဈာနစိတ္တမာဟ၊ တဉ္စ ရာဂါဒိဥပတ္တိလေသာပဂမနတော နိရုပတ္တိလေသံ နိဗ္ဗလံ၊ တသ္မာ အာဟ “နိရုပတ္တိလေသဒ္ဓေန ပရိသုဒ္ဓ”န္တိ။ ယသ္မာ ပန ပါရိသုဒ္ဓိယာ ဧဝ ပစ္စယဝိသေ-သေန ပဝတ္တိဝိသေသော ပရိယောဒါတတာ သုဝဏ္ဏဿ နိဗ္ဗံသနေန ပဘဿ-ရတာ ဝိယ၊ တသ္မာ အာဟ “ပဘဿရဒ္ဓေန ပရိယောဒါတန္တိ ဝေဒိတဗ္ဗ”န္တိ။ ဣဒန္တိ ဩဒါတဝစနံ။ ဥတုဖရဏတ္တန္တိ ဥဏှဥတုနော ဖရဏဒဿနတ္ထံ။ ဥတု-ဖရဏံ န ဟောတိ သဝိသေသန္တိ အဓိပ္ပါယော၊ တေနာဟ “တဇ်ဏ။ပ။ ဗလဝံ ဟောတိ”တိ။ ဝတ္ထံ ဝိယ ကရဇကောယောတိ ယောဂိနော ကရဇကောယော ဝတ္ထံ ဝိယ ဒဠဗ္ဗော ဥတုဖရဏသဒိသေန စတုတ္ထဇ္ဈာနသုခေန ဖရိတဗ္ဗတ္တာ။ ပုရိသဿ သရီရံ ဝိယ စတုတ္ထဇ္ဈာနံ ဒဠဗ္ဗံ ဥတုဖရဏဌာနိယဿ သုခဿ နိဿယဘာဝတော၊ တေနာဟ “တဗ္ဗာ”တိအာဒိ။ ဧတ္ထ စ “ပရိသုဒ္ဓေန စေတသာ”တိ စေတော-ဂဟဏေန ဈာနသုခံ ဝုတ္တန္တိ ဒဠဗ္ဗံ၊ တေနာဟ “ဥတု-ဖရဏံ ဝိယ စတုတ္ထဇ္ဈာနသုခ”န္တိ။ နနု စ စတုတ္ထဇ္ဈာနေ သုခမေဝ နတ္ထိတိ? သစ္စံ နတ္ထိ၊ သာတလက္ခဏသန္တသဘာဝတ္တာ ပနေတ္ထ ဥပေက္ခာ “သုခ”န္တိ အဓိပ္ပေတာ။ တေန ဝုတ္တံ သဗ္ဗောဟဝိနောဒနိယံ “ဥပေက္ခာ ပန သန္တတ္တာ၊ သုခမိစ္စေဝ ဘာသိတာ”တိ။

န အဂ္ဂပဇ္ဈာနလာဘိတိ န ဝေဒိတဗ္ဗော အဝိနာဘာဝတော၊ တေနာဟ “န ဟိ”တိအာဒိ။ တတ္ထ ဝုဒ္ဓသဟာကာရေဟိတိ ကသိဏာနုလောမတော၊ ကသိဏပဋိလောမတော၊ ကသိဏာနုလောမပဋိလောမတော၊ ဈာနာနု-လောမတော၊ ဈာနံပဋိလောမတော၊ ဈာနာနုလောမပဋိလောမတော၊ ဈာနုက္ကန္တိကတော၊ ကသိဏုက္ကန္တိကတော၊ ဈာနကသိဏုက္ကန္တိကတော၊ အင်္ဂသင်္ကန္တိတော၊ အာရမ္မဏသင်္ကန္တိတော၊ အင်္ဂါရမ္မဏသင်္ကန္တိတော၊

အင်္ဂဝတ္ထာနတော, အာရမ္မဏဝတ္ထာနတောတိ ဣမေဟိ စုံဒ္ဒသဟာကာရေဟိ။ သတိပဿနာသု အာဝဇ္ဇနာဒိဝသီဘာဝေ အယံ ဝသီဘာဝေါ အဘိညာနိဗ္ဗတ္တနေ ဧကန္တေန ဣန္ဒြိယဗ္ဗောတိ ဒဿေန္တော အာဟ “န ဟိ။ ပ။ ဟောတိ” တိ။ သွာယံ နယော အရူပသမာပတ္တိဟိ ဝိနာ န ဣန္ဒြိယတိ တာယပေတ္တ အဝိနာဘာဝေါ ဝေဒိတဗ္ဗော။ ယဒိ ဧဝံ ကသ္မာ ပါဠိယံ န အာရုပ္ပဇ္ဈာနာနိ အာဂတာနိတိ? ဝိသေသတော စ ရူပါဝစရစတုတ္ထဇ္ဈာနပါဒကတ္တာ သဗ္ဗဘိညာနံ တဒန္တော- ဂဓာ ကတွာ တာယ ဒေသိတာ၊ န အရူပါဝစရဇ္ဈာနာနံ ဣမ အနုပယော- ဂတော၊ တေနာဟ “အရူပဇ္ဈာနာနိ အာဟရိတွာ ကထေတဗ္ဗာနိ” တိ။

ဝိပဿနာဉာဏကထာဝဏ္ဏနာ (၁)

၂၃၄။ သေသန္တိ “ဧဝံ သမာဟိတေ စိတ္တေ” တိ အာဒိသု ဝတ္ထဗ္ဗံ။ ဥေယျံ ဇာနာတိတိ ဉာဏံ၊ တံ ပန ဥေယျံ ပစ္စက္ခံ ကတွာ ပဿတိတိ ဒဿနံ၊ ဉာဏ- မေဝ ဒဿနန္တိ ဉာဏဒဿနံ။ တယိဒံ ဉာဏဒဿနပဒံ သာသနေ အညတ္တ ဉာဏဝိသေသေ နိရုဋ္ဌံ၊ တံ သဗ္ဗံ အတ္ထုဒ္ဓါရဝသေန ဒဿေန္တော “ဉာဏဒဿ- နန္တိ မဂ္ဂဉာဏမ္ပိ ဝုတ္တတိ” တိ အာဒိမာဟ။ ယသ္မာ ဝိပဿနာဉာဏံ တေဘူမက- သင်္ခါရေ အနိစ္စာဒိတော ဇာနာတိ၊ ဘင်္ဂါနုပဿနတော ပဋ္ဌာယ ပစ္စက္ခတော စ တေ ပဿတိ၊ တသ္မာ အာဟ “ဣမ ပန။ ပ။ ဉာဏဒဿနန္တိ ဝုတ္တ” န္တိ။

အဘိနိဟရတိတိ ဝုတ္တနယေန အဋ္ဌင်္ဂသမန္တာဂတေ တသ္မိံ စိတ္တေ ဝိပဿ- နာက္ကမေန ဇာတေ ဝိပဿနာဘိမုခံ ပေသေတိ၊ တေနာဟ “ဝိပဿနာ။ ပ။ ကဓေတိ” တိ။ တဒဘိမုခဘာဝေါ ဧဝ ဟိဿ တန္တိန္ဒတာဒိကရတာ။ ဝုတ္တော- ယေဝ မြဟ္မဇာလေ။ ဩဒနကုမ္မာသေဟိ ဥပစိယတိတိ ဩဒနကုမ္မာသုပစယော။ အနိစ္စဓမ္မောတိ ပဘင်္ဂတာယ အဒ္ဓါဝသဘာဝေါ။ ဒုဂ္ဂန္ဓဝိဃာတတ္ထာယာတိ သရိရေ ဒုဂ္ဂန္ဓဿ ဝိဂမာယ။ ဥန္တောဒနဓမ္မောတိ ဥန္တောဒေတဗ္ဗတာသဘာဝေါ။ ဥန္တောဒနေန ဟိ သရိရေ သေဒဂူထပိတ္တသေမှာဒိဓာတုက္ခောဘဂရဘာဝဒုဂ္ဂန္ဓာနံ အပဂမော ဟောတိ။ မဟာသမ္မာဟနံ မလ္လာဒိနံ ဗာဟုဝနာဒိအတ္ထံ ဟောတိတိ “ဒုဒ္ဒကသမ္မာဟနေနာ” တိ ဝုတ္တံ။ ပရိမဒ္ဒနဓမ္မောတိ ပရိမဒ္ဒိတဗ္ဗတာသဘာဝေါ။ ဘိဇ္ဇတိ ဧဝံ ဝိကိရတိ စာတိ အနိစ္စတာဝသေန ဘိဇ္ဇတိ စ၊ ဘိန္ဒူ ကိဉ္စိ ပယောဇနံ အသာဓေန္တံ ဝိပ္ပကိဏ္ဏဉ္စ ဟောတိ။ ရူပီတိ အတ္တနော ပစ္စယ- ဘူတေန ဥတုအာဟာရလက္ခဏေန ရူပဝါတိ အယမေတ္ထ အတ္ထော ဣန္ဒြိ- တောတိ အာဟ “ဆဟိ ပဒေဟိ သမုဒယော ကထိတော” တိ။ သံသဂ္ဂေ ဟိ အယမိကာရော။ သဏ္ဌာနသမ္မာဒနမ္ပိ တထာရူပရူပုပ္ပါဒနေနေဝ ဟောတိတိ

ဥစ္ဆာဒနပရိမဒ္ဒနပဒေဟိပိ သမုဒယော ကထိတောတိ ဝုတ္တံ။ ဧဝံ နဝဟိ ယထာရဟံ ကာယေ သမုဒယဝယဓမ္မာနုပဿိတာ ဒဿိတာ။ နိဿိတဉ္စ ဆဋ္ဌဝတ္ထုနိဿိတတ္တာ ဝိပဿနာဉာဏဿ။ ပဋိဗဒ္ဓဉ္စ တေန ဝိနာ အပ္ပဝတ္တနတော၊ ကာယသညိတာနံ ရူပဓမ္မာနံ အာရမ္မဏကရဏတော စ။

၂၃၅။ သုဠ၊ ဘာတိ ဩဘာသတိတိ သုဘော၊ ပဘာသမ္ပတ္တိယာပိ မဏိနော ဘဒ္ဒဘာတိ အာဟ “သုဘောတိ သုန္ဒရော”တိ။ ကုရုဗိန္ဒဇာတိ-အာဒိဇာတိဝိသေသောပိ မဏိနော အာကရပရိသုဒ္ဓိမူလကော ဧဝါတိ အာဟ “ပရိသုဒ္ဓါကရသမုဒ္ဓိတော”တိ။ ဒေါသနိဟရဏဝသေန ပရိကမ္မနိပ္ပတ္တိတိ အာဟ “သုဠ၊ ကတပရိကမ္မော အပနိတပါသာဏသက္ခရာ”တိ။ ဆဝိယာ သဏ္ဍာတာဝေနဿ အတ္တတာ၊ န သင်္ခာတဿာတိ အာဟ “အန္တောတိ တနုန္တဝီ”တိ၊ တေနာဟ “ဝိပ္ပသန္တော”တိ။ ဧဝံ နဝေဝံ နာဒီဟိတိ စတုသု ပါသာဏေသု ဧဝံ နေန စေဝ ကာဠကောဒိအပဟရဏတ္တာယ သုတ္တေန အာဝုနနတ္တာယ စ ဝိဇ္ဈနေန။ တာပသဏ္ဍကရဏာဒိနံ သင်္ဂဟော အာဒိ-သဒ္ဓေန။ ဝဏ္ဏသမ္ပတ္တိန္တိ သုတ္တဿ ဝဏ္ဏသမ္ပတ္တိ။ မဏိ ဝိယ ကရဇကောယော ပစ္စဝေက္ခိတဗ္ဗတော။ အာဝုတသုတ္တံ ဝိယ ဝိပဿနာဉာဏံ အနုပဝိသိတွာ ဌိတတ္တာ။ စက္ခုမာ ပုရိသော ဝိယ ဝိပဿနာလာဘိ ဘိက္ခု သမ္ပဒေဝ ဒဿနတော။ တဒါရမ္မဏာနန္တိ ရူပဓမ္မာရမ္မဏာနံ။ ဖဿပဉ္စမကစိတ္တစေတသိ-က-ဂ္ဂဟဏေန ဂဟိတဓမ္မာပိ ဝိပဿနာစိတ္တုပ္ပါဒပရိယာပန္နာ ဧဝါတိ ဝေဒိ-တဗ္ဗံ။ ဧဝံ ဧတသံ ဝိပဿနာဉာဏဂတိကတ္တာ “အာဝုတသုတ္တံ ဝိယ ဝိပဿ-နာဉာဏ”န္တိ ဝစနံ အဝိရောဓိတံ ဟောတိ။ ကိံ ပနေတေ ဉာဏဿ အာဝိ ဘဝန္တိ၊ ဥဒါဟု ပုဂ္ဂလဿာတိ? ဉာဏဿ။ တဿ ပန အာဝိဘာဝတ္တာ ပုဂ္ဂလဿ အာဝိဘူတာ နာမ ဟောန္တိ။ ဉာဏဿာတိ စ ပစ္စဝေက္ခဏာ-ဉာဏဿ။

မဂ္ဂဉာဏဿ အနန္တရံ၊ တသ္မာ လောကီယာဘိညာနံ ပရတော ဆဋ္ဌာ-ဘိညာယ ပရတော ဝတ္တဗ္ဗံ ဝိပဿနာဉာဏံ။ ဧဝံ သန္တေပိတိ ယဒိပါယံ ဉာဏာနုပုဗ္ဗိ၊ ဧဝံ သန္တေပိ။ ဧတဿ အန္တရာဝါရော နတ္ထိတိ ပဉ္စသု လောကီ-ယာဘိညာသု ကထိတာသု အာကဇေယျသုတ္တာဒိသု^၁ ဝိယ ဆဋ္ဌာဘိညာ ကထေတဗ္ဗာတိ ဧတဿ အနဘိညာလက္ခဏဿ ဝိပဿနာဉာဏဿ တာသံ အန္တရာဝါရော န ဟောတိ။ တသ္မာ တတ္ထ အဝသရာဘာဝတော ဣဓေဝ

ရူပါဝစရစတုတ္ထဇ္ဈာနာနန္တရမေဝ ဒဿိတံ ဝိပဿနာဉာဏံ။ ယသ္မာ စာတိ စ-သဒ္ဓေါ သမုစ္စယတ္ထော၊ တေန န ကေဝလံ တဒေဝ၊ အထ ခေါ ဣဒ္ဓိ ကာရဏံ ဝိပဿနာဉာဏဿ ဣဓေဝ ဒဿနေတိ ဣမမတ္ထံ ဒိပေတိ။ ဒိဗ္ဗေန စက္ခုနာ ဘေရဝမ္ဗိ ရူပံ ပဿတောတိ ဧတ္ထ “ဣဒ္ဓိဝိညေဏေန ဘေရဝံ ရူပံ နိဗ္ဗိနိတွာ စက္ခုနာ ပဿတော”တိပိ ဝတ္တဗ္ဗံ၊ ဧဝမ္ဗိ အဘိညာလာဘိနော အပရိ- ဉာတဝတ္ထုကဿ ဘယံ သန္တာသော ဥပ္ပဇ္ဇတိ ဥစ္စာဝါလိကဝါသိမဟာနာ- ဂတ္ထေရဿ ဝိယ။ ပါဒိယေက္ကံ သန္တိန္တိကံ သာမညဖလံ။ တေနာဟ ဘဂဝါ—

“ယတော ယတော သမ္မသတိ၊ ခန္ဓာနံ ဥဒယဗ္ဗယံ။
လဘတိ ပီတိပါမောဇ္ဇံ၊ အမတံ တံ ဝိဇာနတ”န္တိ အာဒိ။

မနောမယိဒ္ဓိဉာဏကထာဝဏ္ဏနာ (၂)

၂၃၆-၇။ မနေန နိဗ္ဗတ္တိတန္တိ အဘိညာမနေန နိဗ္ဗတ္တိတံ။ ဟတ္ထပါဒါဒိ- အင်္ဂေဟိ စ ကပ္ပရဇဏ္ဍုအာဒိပစ္စင်္ဂေဟိ စ။ သဏ္ဌာနဝသေနာတိကမလဒလာဒိ- သဒိသသဏ္ဌာနမတ္တဝသေန၊ န ရူပါဘိသာတာရဟဘူတပ္ပသာဒိန္ဒြိယဝသေန။ သဗ္ဗာကာရေဟိတိ ဝဏ္ဏသဏ္ဌာနအဝယဝဝိသေသာဒိသဗ္ဗာကာရေဟိ။ တေန ဣဒ္ဓိမတာ။ သဒိသဘာဝဒဿနတ္ထမေဝါတိ သဏ္ဌာနတောပိ ဝဏ္ဏတောပိ အဝယဝဝိသေသတောပိ သဒိသဘာဝဒဿနတ္ထမေဝ။ သဇာတိယံ ဖ္ဋိတော၊ န နာဂိဒ္ဓိယာ အညဇာတိရူပေါ။

ဣဒ္ဓိဝိညေဏာဒိကထာဝဏ္ဏနာ (၃-၇)

၂၃၉။ သုပရိကမ္မကတမတ္တိကာဒယော ဝိယ ဣဒ္ဓိဝိညေဏံ ဝိကုဗ္ဗန- ကိရိယာယ နိဿယဘာဝတော။

၂၄၁။ သုဇန္တိ အကိစ္ဆေန၊ အကသိရေနာတိ အတ္ထော။

၂၄၃။ မန္တော ဥတ္တာနသေယျကဒါရကောပိ “ဒဟရော”တိ ဝုစ္စတိတိ တတော ဝိသေသနတ္ထံ “ယုဝါ”တိ ဝုတ္တံ။ ယုဝါပိ ကောစိ အနိစ္ဆနကော အမဏ္ဍနဇာတိကော ဟောတိတိ တတော ဝိသေသနတ္ထံ “မဏ္ဍနကဇာတိ- ကော”တိအာဒိ ဝုတ္တံ၊ တေနာဟ “ယုဝါပိ”တိအာဒိ။ ကာဠတိလပ္ပမာဏာ မိန္ဒဝေါ ကာဠတိလကာနိ။ ကာဠာ ဝါ ကမ္မာသာ၊ တိလပ္ပမာဏာ မိန္ဒဝေါ တိလကာနိ။ ဝင်္ဂံ နာမ ဝိယင်္ဂံ။ ယောဗ္ဗနပိဋကဒယော မုဇ္ဈသိပိဋက။

မုခဂတော ဒေါသော မုခဒေါသော၊ လက္ခဏဝစနဉ္စေတံ မုခေ အဒေါ-
သဿာပိ ပါကဋ္ဌတာဝဿ အဓိပ္ပေတတ္တာ။ ယထာ ဝါ မုခေ ဒေါသော၊
ဧဝံ မုခေ အဒေါသောပိ မုခဒေါသော သရလောပေန။ မုခဒေါသော စ မုခ-
ဒေါသော စ မုခဒေါသောတိ ဧကသေသနယေနပေတ္တ အတ္ထော ဒဋ္ဌဗ္ဗော။
ဧဝံ “ပရေသံ သောဠသဝိဓံ စိတ္တံ ပါကဋ္ဌံ ဟောတိ”တိ ဝစနံ သမတ္ထိတံ
ဟောတိ။

၂၄၅။ ပုဗ္ဗေနိဝါသဉာဏူပမာယန္တိ ပုဗ္ဗေနိဝါသဉာဏဿ ဒဿိတ-
ဥပမာယံ။ တံ ဒိဝသံ ကတင်္ကရိယာ နာမ ပါကတိကသတ္တဿပိ ယေဘုယျေန
ပါကဋ္ဌာ ဟောတိတိ ဒဿနတ္ထံ တံဒိဝသ-ဂ္ဂဟဏံကတံ။ တံဒိဝသဂတဝါမတ္တ-
ယ-ဂ္ဂဟဏေနေဝ မဟာဘိနိဟာရေဟိ အညေသမ္ပိ ပုဗ္ဗေနိဝါသဉာဏလာဘိနံ
တီသု ဘဝေသု ကတင်္ကရိယာ ယေဘုယျေန ပါကဋ္ဌာ ဟောတိတိ ဒိပိတန္တိ
ဒဋ္ဌဗ္ဗံ။

၂၄၇။ အပရာပရံ သဉ္ဇရန္တေတိ တံတံကိစ္စဝသေန ဣတော စိတော စ
သဉ္ဇရန္တေ။ ယထာဝုတ္တပါသာဒေါဝိယ ဘိက္ခုနော ကရဇကာယော ဒဋ္ဌဗ္ဗော
တတ္ထ ပတိဋ္ဌိတဿ ဒဋ္ဌဗ္ဗဒဿနသိဒ္ဓိတော။ စက္ခုမတော ဟိ ဒိဗ္ဗစက္ခုသမဓိ-
ဂမော။ ယထာဟ “မိသစက္ခုဿ ဥပ္ပါဒေါ၊ မဂ္ဂေါ ဒိဗ္ဗဿ စက္ခုနော”တိ။
စက္ခုမာ ပုရိသော ဝိယ အယမေဝ ဒိဗ္ဗစက္ခု ပတွာ ဌိတော ဘိက္ခု ဒဋ္ဌဗ္ဗဿ
ဒဿနတော။ ဂေဟံ ပဝိသန္တာ ဝိယ ဧတံ အတ္တဘာဝဂေဟံ ဩက္ကမန္တာ၊
ဥပပဇ္ဇန္တာတိ အတ္ထော။ ဂေဟာ နိက္ခမန္တာ ဝိယ ဧတသ္မာ အတ္တဘာဝဂေ-
ဟတော ပက္ကန္တာ၊ စဝန္တာတိ အတ္ထော။ ဧဝံ ဝါ ဧတ္ထ အတ္ထော ဒဋ္ဌဗ္ဗော။
အပရာပရံ သဉ္ဇရဏကသတ္တာတိ ပန ပုနပ္ပုနံ သံသာရေ ပရိပ္ပမန္တာ သတ္တာ။
“တတ္ထ တတ္ထ နိဗ္ဗတ္တသတ္တာ”တိ ပန ဣမိနာ တသ္မိံ ဘဝေ ဇာတသံဝဒ္ဓေသတ္ထေ
ဝဒတိ။ နန စာယံ ဒိဗ္ဗစက္ခုဉာဏကထာ၊ တတ္ထ ကသ္မာ “တီသု ဘဝေသု”တိ
စတုဝေါကာရဘဝဿာပိ သင်္ဂဟော ကတောတိ အာဟ “ဣဒဉ္ဇာ”တိအာဒိ။
တတ္ထ ဣဒန္တိ “တီသု ဘဝေသု နိဗ္ဗတ္တသတ္တာန”န္တိ ဣဒံ ဝစနံ။ ဒေသနာသုခတ္ထ-
မေဝါတိ ဧကဝလံ ဒေသနာသုခတ္ထံ၊ န စတုဝေါကာရဘဝေ နိဗ္ဗတ္တသတ္တာနံ
ဒိဗ္ဗစက္ခုနော အာဝိဘာဝသဟ္တာဝတော။ န ဟိ “ဌပေတွာ အရူပဘဝ”န္တိ ဝါ
“ဒီသု ဘဝေသု”တိ ဝါ ဝုစ္စမာနေ ဒေသနာ သုခါဝဗောဓော စ ဟောတိတိ။

အာသဝက္ခယဉာဏကထာဝဏ္ဏနာ (၈)

၂၄၈။ ဝိပဿနာပါဒကန္တိ ဝိပဿနာယ ပဒဋ္ဌာနဘူတံ။ ဝိပဿနာ စ တိဝိဓာ ဝိပဿကပုဂ္ဂလဘေဒေန။ မဟာဗောဓိသတ္တာနဉ္စိ ပစ္စေကဗောဓိသတ္တာနဉ္စ ဝိပဿနာ စိန္တာမယဉာဏသံဝဋ္ဌိတာ သယမ္ဘုဉာဏဘူတာ၊ ဣတရေသံ သုတမယဉာဏသံဝဋ္ဌိတာ^၁ ပရောပဒေသသမ္ဘူတာ နာမ။ သာ “ဌပေတွာ နေဝသညာနာသညာယတနံ အဝသေသရူပါရူပဇ္ဈာနာနံ အညတရတော ဝုဋ္ဌာယာ”^၂ တိအာဒိနာ အနေကဓာ၊ အရူပမုခဝသေန စတုဓာတုဝဝတ္ထာနေ ဝုတ္တာနံ တေသံ တေသံ ဓာတုပရိဂ္ဂဟမုခါနဉ္စ အညတရမုခဝသေန အနေကဓာ စ ဝိသုဒ္ဓိမဂ္ဂနာနာနယတော ဝိဘာဝိတာ။ မဟာဗောဓိသတ္တာနံ ပန စတုရိသတိကောဋိသတသဟဿမုခေနပဘေဒဂမနတော နာနာနယံ သဗ္ဗညုတညာဏသန္တိဿယဿ အရိယမဂ္ဂဉာဏဿ အဓိဋ္ဌာနဘူတံ ပုဗ္ဗဘာဂဉာဏဂမ္ဘိဂဏှာပေန္တံ ပရိဏတံ ဂစ္ဆန္တံ ပရမဂမ္ဘိရံ သဏှသုခမတရံ အနညသာဓာရဏံ ဝိပဿနာဉာဏံဟောတိ။ ယံ အဋ္ဌကထာသု “မဟာဝဇီရဉာဏ”^၃ နှိ ဝုစ္စတိ။ ယဿ စ ပဝတ္ထိဝိဘာဂေန စတုရိသတိကောဋိသတသဟဿပွဘေဒဿ ပါဒကဘာဝေန သမာပဋိယမာနာ စတုရိသတိကောဋိသတသဟဿသင်္ချာ ဒေဝသိကံ သတ္ထု ဝဋ္ဌဉ္စနကသမာပတ္တိယော ဝုစ္စန္တိ။ သွာယံ ဗုဒ္ဓါနံ ဝိပဿနာစာရေ ဗရမတ္ထမဇ္ဈသမာယံ ဝိသုဒ္ဓိမဂ္ဂသံဝဏ္ဏနာယံ^၂ ဥဒ္ဓေသတော ဒဿိတော။ အတ္ထိကေဟိ တတော ဂဟေတဗ္ဗော၊ ဣဓ ပန သာဝကာနံ ဝိပဿနာ အဓိပ္ပေတာ။

အာသဝါနံ ခယဉာဏာယာတိ အာသဝါနံ ခေပနတော သမုစ္ဆိန္နနတော အာသဝက္ခယော၊ အရိယမဂ္ဂေါ။ တတ္ထ ဉာဏံ အာသဝါနံ ခယဉာဏံ၊ တဒတ္ထံ၊ တေနာဟ “အာသဝါနံ ခယဉာဏနိဗ္ဗတ္တနတ္ထာယာ”^၁ တိ။ အာသဝါ ဧတ္ထ ဝိယန္တိတိ အာသဝါနံ ခယော၊ နိဗ္ဗာနံ။ ခေပေတိ ပါပဓမ္မေတိ ခယော၊ မဂ္ဂေါ။ သော ပန ပါပက္ခယော အာသဝက္ခယေန ဝိနာ နတ္ထိတိ “ခယေ ဉာဏ”^၂ နှိ ဧတ္ထ ခယ-ဂ္ဂဟဏေန အာသဝက္ခယော ဝုတ္တောတိ အာဟ “ခယေ ဉာဏ”^၃ နှိအာဒိ။ သမိတပါပေါ သမဏောတိ ကတွာ အာသဝါနံ ဝိဇာတ္တာ သမဏော နာမ ဟောတိတိ အာဟ “အာသဝါနံ ခယာ သမဏော ဟောတိတိ ဧတ္ထ ဗလ”^၄ နှိ။ အာသဝဝိယာ သင်္ခါရေ ဝဓေန္တော ဝိသင်္ခါရတော သုဝိဒူရဝိဒူရေတိ^၅ “အာရာ သော အာသဝက္ခယာ”^၆ တိ ဧတ္ထ အာသဝက္ခယပဒံ ဝိသင်္ခါရာဓိဝစနန္တိ အာဟ “အာသဝက္ခယာတိ ဧတ္ထ နိဗ္ဗာနံ ဝုတ္တ”^၇ နှိ။

၁-...ဝဋ္ဌိတတ္တာ (ဗဟုသု) ၂-ဝိသုဒ္ဓိ-ဝိ ၁-၂၅၉-ပိဋ္ဌေ၊ ၃-ဝိဒူရေတိ (က)

ဘဇ္ဇါတိ အာသဝါနံ ခဏနိရောဓော “အာသဝါနံ ခယော”တိ ဝုတ္တောတိ ယောဇနာ။

“ဣဒံ ဒုက္ခ”န္တိ ဒုက္ခဿ အရိယသစ္စဿ တဒါ ဘိက္ခုနော ပစ္စက္ခတော ဂဟိတဘာဝဒဿနံ။ “ဧတ္ထကံ ဒုက္ခ”န္တိ တဿ ပရိစ္ဆိဇ္ဇဂ္ဂဟိတဘာဝဒဿနံ။ “န ဣတော ဘိယျော”တိ တဿ အနဝသေသေတွာ ဂဟိတဘာဝဒဿနံ၊ တေနာဟ “သဒ္ဓမ္မိ ဒုက္ခသစ္စ”န္တိ အာဒိ။ သရသလက္ခဏပဋိဝေဓေနာတိ သဘာဝသင်္ခါတဿ လက္ခဏဿ အသမ္မောဟတော ပဋိဝိဇ္ဈနေန၊ အသမ္မောဟပဋိဝေဓောတိ စ ယထာ တသ္မိ ဉာဏေ ပဝတ္တေ ပစ္ဆာ ဒုက္ခသစ္စဿ သရူပါဒိပရိစ္ဆေဒေ သမ္မောဟော န ဟောတိ၊ တထာ ပဝတ္တိ၊ တေနာဟ “ယထာဘူတံ ပဇာနာတိ”တိ။ ဒုက္ခံ သမုဒေတိ တေသ္မာတိ ဒုက္ခသမုဒယော၊ တဏှာတိ အာဟ “တဿ ဇာ”တိ အာဒိ။ ယံ ဌာနံ ပတွာတိ ယံ နိဗ္ဗာနံ မဂ္ဂဿ အာရမ္မဏပစ္စယဌေန ကာရဏဘူတံ အာဂမ္မ၊ “ပတွာ”တိ စ တဒုဘယဝတော ပုဂ္ဂလဿ ပတ္တိ တဒုဘယဿ ပတ္တိ ဝိယာတိ ကတွာဝုတ္တံ။ ပတွာတိ ဝါ ပါပုဏနဟေတု။ အပ္ပဝတ္တိတိ အပ္ပဝတ္တိနိမိတ္တံ၊ တေ ဝါ နပ္ပဝတ္တန္တိ ဧတ္တာတိ အပ္ပဝတ္တိ၊ နိဗ္ဗာနံ။ တဿာတိ ဒုက္ခနိရောဓဿ။ သမ္မာပဏန္တိ သမ္ဘိကရဏဝသေန သမ္ပဒေဝ ပါပကံ။

ကိလေသဝသေနာတိ အာသဝသင်္ခါတကိလေသဝသေန။ ယသ္မာ အာသဝါနံ ဒုက္ခသစ္စပရိယာယော တပ္ပရိယာပန္နတ္တာ၊ သေသသစ္စာနဉ္စ တံသမုဒယာဒိပရိယာယော အတ္ထိ၊ တသ္မာ ဝုတ္တံ “ပရိယာယတော”တိ။ ဒဿေန္တော သစ္စာနီတိ ယောဇနာ။ အာသဝါနံယေဝ စေတ္ထ ဂဟဏံ “အာသဝါနံ ခယဉာဏာယာ”တိ အာရဒ္ဓတ္တာ။ တထာ ဟိ “ကာမာသဝါပိ စိတ္တံ ဝိမုစ္စတိ”တိ အာဒိနာ အာသဝိမုတ္တိသီသေနေဝ သဗ္ဗကိလေသဝိမုတ္တိ ဝုတ္တာ။ “ဣဒံ ဒုက္ခန္တိ ယထာဘူတံ ပဇာနာတိ”တိ အာဒိနာ မိဿကမဂ္ဂေါ ဣဓ ကထိတောတိ “သဟ ဝိပဿနာယ ကောဋိပ္ပတ္တံ မဂ္ဂံ ကထေသီ”တိ ဝုတ္တံ။ “ဇာနတော ပဿတော”တိ ဣမိနာ ပရိညာသမ္ဘိကိရိယာဘာဝနာဘိသယော ဝုတ္တာ။ “ဝိမုစ္စတိ”တိ ဣမိနာ ပဟာနာဘိသယော ဝုတ္တောတိ အာဟ “ဣမိနာ မဂ္ဂက္ခဏံ ဒဿတိ”တိ။ “ဇာနတော ပဿတော”တိ ဝါ ဟေတုနိဒ္ဒေသောယံ။ ဇာနနဟေတု ဒဿနဟေတု ကာမာသဝါပိ စိတ္တံ ဝိမုစ္စတိတိ ယောဇနာ။ ဓမ္မာနဉ္စ သမာနကာလိကာနဓိ ပစ္စယပ္ပစ္စယုပ္ပန္နတာ သဟဇာတကောဋိယာ လဗ္ဘတိတိ။ ဘဝါသဝ-ဂ္ဂဟဏေန စေတ္ထ ဘဝရာဂဿ ဝိယ ဘဝဒိဋ္ဌိယာပိ သမဝရောဓောတိ

ဒိဋ္ဌာသဝဿံသိ သင်္ဂဟော ဒဋ္ဌဗ္ဗော။ ခီဏာ ဇာတိတိအာဒိဟိ ပဒေဟိ။
တဿာတိ ပစ္စဝေက္ခဏာဉာဏဿ။ ဘူမိန္တိ ပဝတ္တိဋ္ဌာနံ။

ယေနာဓိပ္ပါယေန “ကတမာ ပနဿာ”တိအာဒိနာ စောဒနာ ကတာ၊
တံ ဝိဝရန္တော “န တာဝဿာ”တိအာဒိမာဟ။ တတ္ထ န တာဝဿ အတိတာ
ဇာတိ ခီဏာ မဂ္ဂဘာဝနာယာတိ အဓိပ္ပါယော။ တတ္ထ ကာရဏမာဟ “ပုဗ္ဗေဝ
ခီဏတ္တာ”တိ။ န အနာဂတာ အဿ ဇာတိ ခီဏာတိ ယောဇနာ။ န
အနာဂတာတိ စ အနာဂတဘာဝဿာမညံ ဂဟေတွာ လေသေန စောဒေတိ၊
တေနာဟ “အနာဂတေ ဝါယာမာဘာဝတော”တိ။ အနာဂတဝိသေသော
ပနေတ္ထ အဓိပ္ပေတော၊ တဿ စ ခေပနေ ဝါယာမောပိ လဗ္ဘတေဝ၊ တေနာဟ
“ယာ ပန မဂ္ဂဿာ”တိအာဒိ။ ဧကေတုပဉ္စဝေါကာရဘဝေသုတိ ဘဝတ္တ-
ယ-ဂ္ဂဟဏံ ဝုတ္တနယေန အနဝသေသတော ဇာတိယာ ခီဏဘာဝဒဿနတ္ထံ။
တန္တိ ယထာဝုတ္တံ ဇာတိ။ သောတိ ခီဏာသဝေါ ဘိက္ခု။

ဗြဟ္မစရိယဝါသော နာမ ဥက္ကဋ္ဌနိဒ္ဒေသေန မဂ္ဂဗြဟ္မစရိယဿ နိဗ္ဗတ္တနမေ-
ဝါတိ အာဟ “ပရိဝုတ္တ”န္တိ။ သမ္မာဒိဋ္ဌိယာ စတူသု သစ္စေသု ပရိညာဒိကိစ္စ-
သာဓနဝသေန ပဝတ္တမာနာယ သမ္မာသင်္ကပ္ပါဒိနမ္ပိ ဒုက္ခသစ္စေ ပရိညာဘိ-
သမယာနုဂဏာ ပဝတ္တိ၊ ဣတရသစ္စေသု စ နေသံ ပဟာနာဘိသမယာဒိပဝတ္တိ
ပါကဋ္ဌာ ဧဝ၊ တေန ဝုတ္တံ “စတူသု သစ္စေသု စတူဟိ မဂ္ဂေဟိ ပရိညာဝဟာန-
သန္တိ ကိရိယာဘာဝနာဝသေနာ”တိ။ ဒုက္ခနိရောဓမဂ္ဂေသု ပရိညာသန္တိကိရိ-
ယာဘာဝနာ ယာဝဒေဝ သမုဒယပ္ပဟာနတ္ထာယာတိ အာဟ “တေန တေန
မဂ္ဂေန ပဟာတဗ္ဗကိလေသာ ပဟိနာ”တိ။ ဣတ္ထတ္တာယာတိ ဣမေ ပကာရာ
ဣတ္ထံ၊ တဗ္ဘာဝေါ ဣတ္ထတ္ထံ၊ တဒတ္တန္တိ ဝုတ္တံ ဟောတိ၊ တေ ပန
ပကာရာ အရိယမဂ္ဂဗျာပါရဘူတာ ပရိညာဒယော ဣဓာဓိပ္ပေတာတိ အာဟ
“ဧဝံ သောဠသကိစ္စဘာဝါယာ”တိ။ တေ ဟိ မဂ္ဂံ ပစ္စဝေက္ခတော မဂ္ဂါန-
ဘာဝေန ပါကဋ္ဌာ ဟုတွာ ဥပဋ္ဌဟန္တိ၊ ပရိညာဒိသု စ ပဟာနမေဝ ပဓာနံ
တဒတ္တတ္တာ ဣတရေသန္တိ အာဟ “ကိလေသက္ခယဘာဝါယ ဝါ”တိ။
ပဟိနကိလေသပစ္စဝေက္ခဏဝသေန ဝါ ဧဝံ ဝုတ္တံ။ ဒုတိယဝိကပ္ပေ ဣတ္ထတ္တာ-
ယာတိ နိဿက္ကေ သမ္ပဒါနဝစနန္တိ အာဟ “ဣတ္ထဘာဝတော”တိ။ အပရန္တိ
အနာဂတံ။ ဣမေ ပန စရိမကတ္တဘာဝသင်္ခါတာ ပဉ္စက္ခန္ဓာ ပရိညာတာ
တိဋ္ဌန္တိ၊ ဧတေန တေသံ အပ္ပတိဋ္ဌတံ ဒဿေတိ။ အပရိညာမူလိကာ ဟိ ပတိဋ္ဌာ။
ယထာဟ “ကဗဠိကာရေ စေ ဘိက္ခဝေ အာဟာရေ အတ္ထိ ရာဂေါ အတ္ထိ နန္ဒိ

အတ္ထိ တဏှာ၊ ပတိဋ္ဌိတံ တတ္ထ ဝိညာဏံ ဝိရုဋ္ဌ”န္တိအာဒိ”။ တေနေဝါဟ “ဆိန္ဒု-
မူလကာ ရုက္ခာ ဝိယာ”တိအာဒိ။

၂၄၉။ ပဗ္ဗတမတ္ထကေတိ ပဗ္ဗတသီခရေ။ တဉ္စိ ယေဘုယျေန သံခိတ္တံ
သင်္ကစိတံ ဟောတိတိ ပါဠိယံ “ပဗ္ဗတသင်္ခေပေ”တိ ဝုတ္တံ။ ပဗ္ဗတပရိယာပန္နော
ဝါ ပဒေသော ပဗ္ဗတသင်္ခေပေါ။ အနာဝိလောတိ အကာလုသိယော။ သာ
ဓဿ အနာဝိလတာ ကဒ္ဒမာဘာဝေန ဟောတိတိ အာဟ “နိက္ခဒ္ဒမော”တိ။
သိပ္ပိယောတိ သုတ္တိယော။ သမ္ပုကာတိ သင်္ခလိကာ။ ဌိတာသုပိ နိသိန္ဒာသုပိ
ဂါဝိသု။ ဝိန္ဒမာနာသုတိ လတ္တမာနာသု၊ ဣတရာ ဌိတာပိ နိသိန္ဒာပိ “စရန္တိ”တိ
ဝုစ္စန္တိ သဟစရဏနယေန။ တိဋ္ဌန္တမေဝ၊ န ပန ကဒါစိပိ စရန္တိ။ ဒွယန္တိ
သိပ္ပိသမ္ပုကံ၊ မစ္ဆရမ္ပန္တိ ဣဒံ ဥဘယံ။ တိဋ္ဌန္တန္တိ ဝုတ္တံ စရန္တိဗ္ဗိတိ
အဓိပ္ပာယ်ယော။ “ဣတရဉ္စ ဒွယ”န္တိ စ ယထာဝုတ္တမေဝ သိပ္ပိသမ္ပုကာဒိဒ္ဓယံ
ဝဒတိ။ တဉ္စိ စရတိတိ။ ကိံ ဝါ ဣမာယ သဟစရိယာယ၊ ယထာလာဘဂ္ဂဟဏံ
ပနေတ္ထ ဒဋ္ဌဗ္ဗံ။ သက္ခရကထလဿ ဟိ ဝသေန တိဋ္ဌန္တန္တိ။ သိပ္ပိသမ္ပုကဿ
မစ္ဆရမ္ပဿ စ ဝသေန တိဋ္ဌန္တိဗ္ဗိ စရန္တိဗ္ဗိတိ ယောဇနာ ကာတဗ္ဗာ။

တေသံ ဒေသန္တံ ဉာဏာနံ။ တတ္ထာတိ တသ္မိံ အာရမ္မဏဝိဘာဝေါ၊ တေသု
ဝါ ဉာဏေသု။ ဘူမိဘေဒတော၊ ကာလဘေဒတော၊ သန္တာနဘေဒတော စာတိ
သတ္တဝိဓာရမ္မဏံ ဝိပဿနာဉာဏံ။ “ရူပါယတနမတ္ထမေဝါ”တိ ဣဒံ တဿ
ဉာဏဿ အဘိနိဗ္ဗိယမာနေ မနောမယေ ကာယေ ရူပါယတနမေဝါရတ္တ
ပဝတ္တနတော ဝုတ္တံ၊ န တတ္ထ ဂန္ဓာယတနာဒီနံ အဘာဝတော။ န ဟိ ရူပ-
ကလာပေါ ဂန္ဓာယတနာဒိရဟိတော အတ္ထိ။ ပရိနိပ္ပန္နမေဝ နိဗ္ဗိတရူပံ၊
တေနာဟ “ပရိတ္တပစ္စုပ္ပန္နဗဟိဒ္ဓါရမ္မဏ”န္တိ။ အာသဝက္ခယဉာဏံ နိဗ္ဗာနာ-
ရမ္မ စမေဝ သမာနံ ပရိတ္တတ္ထိကဝသေန အပ္ပမာဏာရမ္မဏံ၊ အဇ္ဈတ္တတ္ထိကဝသေန
ဗဟိဒ္ဓါရမ္မဏံ၊ အတိတတ္ထိကဝသေန နဝတ္တဗ္ဗာရမ္မဏဉ္စ ဟောတိတိ အာဟ
“အပ္ပမာဏဗဟိဒ္ဓါနဝတ္တဗ္ဗာရမ္မဏ”န္တိ။ ကူဠော ဝိယ ကူဠာဂါရဿ ဘဂဝတော
ဒေသနာယ အရဟတ္တံ ဥတ္တမင်္ဂဘူတန္တိ အာဟ “အရဟတ္တနိကူဠေနာ”တိ။
ဒေသနံ နိဋ္ဌာပေသီတိ တိတ္ထကရမတဟရိဘာဝိနိံ နာနာဝိကေဟန-
လပနာဒိမိစ္ဆာဇီဝဝိဒ္ဓိသိနိံ တိဝိသေလိလင်္ဂတပရမသလ္လေခပဋိပတ္တိဒီပနိံ
ဈာနာဘိညာဒိဥတ္တရိမနုဿဓမ္မဝိဘူသိဘံ စုဒ္ဓသဝိမေဟာသာမညဗလပဋိမဏ္ဍိ-
တံ အနညသာဓာရဏံ ဒေသနံ နိဋ္ဌာပေသိ။

၁-သံ ၁-၃၂၅၊ အသိ ၄-၁၁၄၊ ၃ ၇-၁၉-ပိဋေသု၊ ၂-အကာလုသော (ဗဟုသု)

အဇာတသတ္တုဥပါသကတ္တပဋိဝေဒနာကထာဝဏ္ဏနာ

၂၅၀။ အာဒိမဇ္ဈပရိယောသာနန္တိ အာဒိဉ္စ မဇ္ဈဉ္စ ပရိယောသာနဉ္စ။ သက္ကန္တံ သဂါရဝံ။ အာရဒ္ဓံ ဓမ္မသင်္ဂါဟကေဟိ။

အဘိက္ကန္တာ ဝိဂတတိ အတ္ထောတိ အာဟ “ဓယေ ဒိဿတိ”တိ။ တထာဟိ “နိက္ခန္တော ပဌမော ယာမော”တိ ဥပရိ ဝုတ္တံ။ အဘိက္ကန္တတရောတိ အတိဝိယ ကန္တတရော မနောရမော၊ တာဒိသော စ သုန္တရော ဘဒ္ဒကော နာမ ဟောတိတိ အာဟ “သုန္တရေ ဒိဿတိ”တိ။ ကောတိ ဒေဝနာဂယက္ခ-
ဂန္ဓဗ္ဗာဒိသု ကော ကတမော။ မေတိ မမ။ ပါဒါနီတိ ပါဒေ။ ဣဒ္ဓိယာတိ ဣမာယ ဝေရူပါယ ဒေဝိဒ္ဓိယာ။ ယသသတိ ဣမိနာ ဒေသေန ပရိဝါရေန၊ ပရိဇနေန စ။ ဇလန္တိ ဝိဇ္ဇောတမာနော။ အဘိက္ကန္တနာတိ အတိဝိယ ကန္တေန ကမနိယေန အဘိရူပေန။ ဝဏ္ဏေနာတိ ဆဝိဝဏ္ဏေန သရီရဝဏ္ဏနိဘာယ။ သဗ္ဗာ ဩဘာသယံ ဒိဿတိ ဒသပိ ဒိဿာ ပဘာသေန္တော စန္ဒော ဝိယ၊ သူရိယော ဝိယ စ ကောဘာသံ ကောလောကံ ကရေန္တောတိ ဂါထာယ အတ္ထော။ အဘိရူပေတိ ဥဠာရရူပေ သမ္ပန္နရူပေ။

“စောရော စောရော၊ သပ္ပေါ သပ္ပေါ”တိအာဒိသု အယေ အာမေဋိတံ။ “ဝိဇ္ဈ ဝိဇ္ဈ၊ ပဟရ ပဟရ”တိအာဒိသု ကောဓေ။ “သာရ သာရ”တိအာဒိသု ပသံသာယံ။ “ဂစ္ဆ ဂစ္ဆ၊ လုနာဟိ လုနာဟိ”တိအာဒိသု တုရိတေ။ “အာဂစ္ဆ အာဂစ္ဆာ”တိအာဒိသု ကောတူဟလေ။ “ဗုဒ္ဓေါ ဗုဒ္ဓေါတိ စိန္တေန္တော”တိ-
အာဒိသု၊ အစ္ဆဇေ၊ “အဘိက္ကမထာယသ္မန္တော အဘိက္ကမထာယသ္မန္တော”တိ-
အာဒိသု၊ ဟာသေ၊ “ကဟံ ကေပုတ္တက ကဟံ ကေပုတ္တကာ”တိအာဒိသု၊
သောကေ။ “အဟော သုခံ အဟော သုခ”န္တိအာဒိသု၊ ပသာဒေ။ စ-သဒ္ဓေါ
အဝုတ္တသမုစ္စယတ္ထော၊ တေန ဂရဟာအသမ္မာနာဒိနံ သင်္ဂဟော ဒဠဗ္ဗော။
တတ္ထ “ပါပေါပါပေါ”တိအာဒိသု ဂရဟာယံ။ “အဘိရူပက အဘိရူပကာ”တိ-
အာဒိသု အသမ္မာနေ ဒဠဗ္ဗံ။

နယိဒံ အာမေဋိတဝသေန ဒွိက္ခတ္တံ ဝုတ္တံ၊ အထ ခေါ အတ္တဒ္ဓယဝသေနာတိ ဒသေန္တော “အထ ဝါ”တိအာဒိမာဟ။ “အဘိက္ကန္တ”န္တိ ဝစနံ အပေက္ခိတွာ နပုံသကလိင်္ဂဝသေန ဝုတ္တံ။ တံ ပန ဘဂဝတော ဝစနံ ဓမ္မဿ ဒေသနာတိ

၁-မ ၁-၂၆၇၊ သံ ၁-၃၀၉၊ သံ ၂-၂၉၊ သံ ၃-၃၇၄-ပိဋေသု။ ၂-၃ ၄-၃၁၀-ပိဋေ။
၃-ဒိ ၃-၁၂၊ အံ ၃-၁၀၁-ပိဋေသု။ ၄-သံ ၁-၃၂၃-ပိဋေ။
၅-၃ ၁-၉၀၊ ၉၉၊ ဒိ ၃-၁၀၃၊ ဝိ ၄-၃၃၉၊ ၃၄၀-ပိဋေသု။
ဒိ-ဋီ ၁-၁၀—န-ဗု-သ

ကတွာ တထာ ဝုတ္တံ။ အတ္တမတ္တဒဿနံ ဝါ ဧတံ၊ တသ္မာ အတ္ထဝသေနောတ္တ
 လိင်္ဂဝိဘတ္တိပရိဏာမော ဝေဒိတဗ္ဗော။ ဒုတိယပဒေဝိ ဧသေဝ နယော။
ဒေါသနာသနတောတိ ရာဂါဒိကိလေသဝိဓမနတော။ **ဂုဏာဓိဂမနတော**တိ
 သီလာဒိဂုဏာနံ သမ္မာဒနတော။ ယေ ဂုဏေ ဒေသနာ အဓိဂမေတိ၊ တေသု
 ပဓာနဘူတာ ဒသေတဗ္ဗာတိ တေ ပဓာနဘူတေ တာဝ ဒသေတုံ
“သဒ္ဓါဇနနတော ပညာဇနနတော”တိ ဝုတ္တံ။ သဒ္ဓါပမုခါ ဟိ လောကီယာ
 ဂုဏာ၊ ပညာပမုခါ လောကုတ္တရာ။ သီလာဒိအတ္တသမ္ပတ္တိယာ သာတ္တဇော။
 သဘာဝနိရုတ္တိသမ္ပတ္တိယာ သဗျဉ္ဇနတော။ သုဝိညေယျသဒ္ဓပယောဂတာယ
 ဥက္ကာနပဒတော။ သဏ္ဍသုခမဘာဝေန ဒုဗ္ဗိညေယျတ္ထတာယ ဂန္တိရတ္တတော။
 သိနိဒ္ဓမုဒုမရရသဒ္ဓပယောဂတာယ ကဏ္ဍသုခတော။ ဝိပုလဝိသုဒ္ဓပေမနိယတ္ထ-
 တာယ ဟဒယင်္ဂမတော။ မာနာတိမာနဝိဓမနေန အနတ္တုက္ကံသနတော။
 ထမ္ဘသာရန္တနိမ္မဒ္ဓနေ အပရဝန္တနတော။ ဟိတာဓိပ္ပါယပ္ပဝတ္တိယာ၊ ပရေသံ
 ရာဂပရိဋ္ဌာဟာဒိဝုပဂမနေ စ ကရုဏာသီတလတော။ ကိလေသန္ဓကာရဝိဓ-
 မနေ ပညာဝဒါတတော။ ကရဝိကရုတမဉ္ဇုတာယ အာပါထရမဏီယတော။
 ပုဗ္ဗာပရာဝိရုဒ္ဓသုဝိသုဒ္ဓတာယ ဝိမဒ္ဓကမတော။ အာပါထရမဏီယတာယ ဧဝ
 သုယျမာနသုခတော။ ဝိမဒ္ဓကမတာယ၊ ဟိတဇ္ဈာသယပ္ပဝတ္တိတာယ စ ဝိမံ-
 သီယမာနဟိတတော။ ဧဝမာဒိဟိတိ အာဒိ-သဒ္ဓေန သံသာရစက္ကနိဝတ္တန-
 တော သဒ္ဓမ္မစက္ကပ္ပဝတ္တနတော၊ မိစ္ဆာဝါဒဝိဒ္ဓိသနတော သမ္မာဝါဒပတိဋ္ဌာ-
 ပနတော၊ အကုသလမူလသမုဒ္ဓရဏတော ကုသလမူလသံရောပနတော၊
 အပါယဒ္ဓါရိပိဓာနတော သဂ္ဂမဂ္ဂဒ္ဓါရိဝရဏတော၊ ပရိယုဋ္ဌာနဝုပသမနတော
 အနုသယသမုပ္ပါဋနတောတိ ဧဝမာဒိနံ သင်္ဂဟော ဒဋ္ဌဗ္ဗော။

အဓောမုခဋ္ဌပိတန္တိ ကေနစိ အဓောမုခံ ဌပိတံ။ ဟေဋ္ဌာမုခဇာတန္တိ
 သဘာဝေနော ဟေဋ္ဌာမုခဇာတံ။ ဥဒ္ဓါဋ္ဌေယျာတိ ဝိဝဋ္ဌံ ကရေယျ။ ဟတ္ထေ
 ဂဟေတွာ “ပုရတ္တာဘိမုခေါ၊ ဥတ္တရာဘိမုခေါ ဝါ ဂစ္ဆာ”တိအာဒိနိ အဝတွာ
 ဟတ္ထေ ဂဟေတွာ နိဿန္တေဟံ ကတွာ “ဧသ မဂ္ဂေါ၊ ဧဝံ ဂစ္ဆာ”တိ ဒသေယျ။
 ကာဠပက္ခဝာတုဒ္ဓသီတိ ကာဠပက္ခေ စာတုဒ္ဓသီ။ နိက္ကုဋ္ဌိတံ အာဓေယျဿ
 အနာဓာရဘူတံ ဘာဇနံ အာဓာရဘာဝါပါဒနဝသေန ဥက္ကုဋ္ဌေယျ။ အညာ-
 ဏဿ အဘိမုခတ္တာ ဟေဋ္ဌာမုခဇာတတာယ သဒ္ဓမ္မဝိမုခံ အဓောမုခဋ္ဌပိတ-
 တာယ အသဒ္ဓမ္မေ ပတိတန္တိ ဧဝံ ပဒဒ္ဓယံ ယထာရဟံ ယောဇေတဗ္ဗံ၊ န
 ယထာသင်္ချံ။ ကာမံ ကာမန္တန္တာဒယော ပဋိစ္ဆာဒကာ နိဝရဏဘာဝတော၊
 မိစ္ဆာဒိဋ္ဌိ ပန သဝိသေသံ ပဋိစ္ဆာဒိကာ သတ္တေ မိစ္ဆာဘိနိဝေသနဝသေနာတိ

အာဟ “မိစ္ဆာဒိဋ္ဌိဂဟနပဋိစ္ဆန္တ”န္တိ။ တေနာဟ ဘဂဝါ “မိစ္ဆာဒိဋ္ဌိပရမာဟံ
ဘိက္ခဝေ ဝဇ္ဇံ ဝဒါမိ”တိ။ သဗ္ဗော အပါယဂါမိမဂ္ဂေါ ကုမ္ပုဂ္ဂေါ ကုစ္ဆိတော
မဂ္ဂေါတိ ကတွာ။ သမ္မာဒိဋ္ဌိအာဒိနံ ဥဇုပဋိပက္ခတာယ မိစ္ဆာဒိဋ္ဌိအာဒယော အဋ္ဌ
မိစ္ဆတ္တဓမ္မော မိစ္ဆာမဂ္ဂါ။ တေနော ဟိ တဒုဘယပဋိပက္ခတံ သန္ဓာယ “သဂ္ဂ-
မောက္ခမဂ္ဂံ အာဝိကရောဇ္ဇေနာ”တိ ဝုတ္တံ။ သပ္ပိအာဒိသန္ဓိဿယော ပဒိပေါ န
တထာ ဥဇ္ဇလော၊ ယထာ တေလသန္ဓိဿယောတိ တေလပဇ္ဇောတ-ဂ္ဂဟဏံ။
ဧတေဟိ ပရိယာယေဟိတိ ဧတေဟိ နိက္ကုဇိတုက္ကုဇနပဋိစ္ဆန္တဝိဝရဏာဒိ-
ဥပမောပမိတဗ္ဗပ္ပကာရေဟိ၊ ဧတေဟိ ဝါ ယထာဝုတ္တေဟိ နာနာဝိကေဟနလ-
ပနာဒိမိစ္ဆာဇီဝဝိမေနာဒိဝိဘာဝနပရိယာယေဟိ။ တေနာဟ “အနေန-
ပရိယာယေန ဓမ္မော ပကာသိတော”တိ။

ပသန္ဓကာရန္တိ ပသန္ဓေဟိ ကာတဗ္ဗံ သက္ကာရံ။ သရဏန္တိ ပဋိသရဏံ၊
တေနာဟ “ပရာယဏ”န္တိ။ ပရာယဏဘာဝေါ စ အနတ္တနိသေခနေန၊
အတ္တသမ္ပုပ္ပါဒနေန စ ဟောတိတိ အာဟ “အဃဿ တာတာ၊ ဟိတဿ စ
ဝိဇာတာ”တိ။ အဃဿာတိ ဒုက္ခတောတိ ဝဒန္တိ၊ ပါပတောတိ ပန အတ္ထော
ယုတ္ထော၊ နိဿက္ကေ စေတံ သာမိဝစနံ။ ဧတ္ထ စ နာယံ ဂမု-သဒ္ဓေါ နိ-သဒ္ဓါ-
ဒယော ဝိယ ဒွိကမ္မကော၊ တသ္မာ ယထာ “အဇံ ဂါမံ နေတိ”တိ ဝုစ္စတိ၊ ဧဝံ
“ဘဂဝန္တံ သရဏံ ဂစ္ဆာမိ”တိ ဝတ္ထု န သက္ကာ၊ “သရဏန္တိ ဂစ္ဆာမိ”တိ ပန
ဝတ္ထဗ္ဗံ။ ဣတိ-သဒ္ဓေါ စေတ္ထ လုတ္တနိဒ္ဓိဋ္ဌော။ တဿ စာယမတ္ထော။ ဂမနဉ္စ
တဒိပ္ပေါယေန ဘဇနံ ဇာနနံ ဝါတိ ဒဿေန္တော “ဣမိနာ အဓိပ္ပေါယေနာ”တိ-
အာဒိမာဟ။ တတ္ထ “ဘဇာမိ”တိအာဒိသု ပရိမဿ ပရိမဿ ပစ္ဆိမံ ပစ္ဆိမံ
အတ္ထဝစနံ၊ ဘဇနံ ဝါ သရဏာဓိပ္ပေါယေန ဥပသင်္ကမနံ၊ သေဝနံ သန္တိကာ-
ဝစရတာ၊ ပယိရူပါသနံ ဝတ္ထပဋိဝတ္ထကရဏေန ဥပဋ္ဌာနန္တိ ဧဝံ သဗ္ဗထာပိ
အနညသရဏတံယေဝ ဒီပေတိ။ “ဂစ္ဆာမိ”တိ ပဒဿ ဗုဇ္ဈာမိတိ အယမတ္ထော
ကထံ လဗ္ဘတိတိ အာဟ “ယေသဉ္စိ”တိအာဒိ။

“အဓိဂတမဂ္ဂေ သန္တိကတနိရောဓေ”တိ ပဒဒ္ဓယေနာပိ ဖလဋ္ဌာ ဧဝ
ဒဿိတာ၊ န မဂ္ဂဋ္ဌာတိ တေ ဒဿေန္တော “ယထာနုသိဋ္ဌံ ပဋိပဇ္ဇမာနေ
စာ”တိအာဒိမာဟ။ နန စ ကလျာဏပုထုဇ္ဇေနာပိ “ယထာနုသိဋ္ဌံ ပဋိပဇ္ဇတိ”တိ
ဝုစ္စတိတိ? ကိဉ္စာပိ ဝုစ္စတိ၊ နိပ္ပရိယာယေန ပန မဂ္ဂဋ္ဌာ ဧဝ တထာ ဝတ္ထဗ္ဗာ၊ န
ဣတရော နိယာမောက္ခမနာဘာဝတော။ တထာ ဟိ တေ ဧဝ ဝုတ္တာ
“အပါယေသု၊ အပတမာနေ ဓာရေတိ”တိ။ သမ္ပတ္တနိယာမောက္ခမနေန ဟိ

အပါယဝိနိမုတ္တသမ္ဘဝေါ။ အက္ခာယတိတိ ဧတ္ထ ဣတိ-သဒ္ဓေါ အာဒိ-အတ္ထော၊ ပကာရတ္ထော ဝါ၊ တေန “ယာဝတာ ဘိက္ခဝေ ဓမ္မာ သင်္ခတာ ဝါ အသင်္ခတာ ဝါ၊ ဝိရာဂေါ တေသံ အဂ္ဂမက္ခာယတိ”တိ သုတ္တပဒံ သင်္ဂဏှာတိ၊ “ဝိတ္ထာ-
ဧရာ”တိ ဝါ ဣမိနာ။ ဧတ္ထ စ အရိယမဂ္ဂေါ နိယျာနိကတာယ၊ နိဗ္ဗာနံ တဿ တဒတ္ထသိဒ္ဓိဟေတုတာယာတိ ဥဘယမေဝ နိပ္ပရိယာယေန “ဓမ္မော”တိ ဝုတ္တော။
နိဗ္ဗာနံ အာရမ္မဏပစ္စယဘူတံ လဘိတွာ အရိယမဂ္ဂဿ တဒတ္ထသိဒ္ဓိ။ တထာပိ
ယသ္မာ အရိယဖလာနံ “တာယ သဒ္ဓါယ အဝုပသန္တာယာ”တိ အာဒိဝစနံတော
မဂ္ဂေန သမုတ္တိန္ဒာနံ ကိလေသာနံ ပဋိပဿဒ္ဓိပ္ပဟာနကိစ္စတာယ၊ နိယျာနာနု-
ရုဏတာယ၊ နိယျာနပရိယောသာနတာယ စ၊ ပရိယတ္တိဓမ္မဿ ပန “နိယျာန-
ဓမ္မဿ သမဓိဂမနဟေတုတာယာ”တိ ဣမိနာ ပရိယာယေန ဝုတ္တနယေန
ဓမ္မဘာဝေါ လဗ္ဘတိ ဧဝ။ သွာယမတ္ထော ပါဌာရဋ္ဌော ဧဝါတိ ဒဿေန္တော
“န ကေဝလ”န္တိ အာဒိမာဟ။

“ကာမရာဂေါ ဘဝရာဂေါ”တိ ဧဝမာဒိဘေဒေါ သဗ္ဗောပိ ရာဂေါဝိရဇ္ဇတိ
ဧတေနာတိ ဣဝိရာဂေါတိ မဂ္ဂေါ ကထိတော။ ဇောသင်္ခါတာယ တဏှာယ၊
အန္တောနိဗ္ဗာနလက္ခဏဿ သောကဿ စ တဒုပ္ပတ္တိယံ သဗ္ဗသော ပရိက္ခိဏတ္တာ
အနေဇမသောကန္တိ ဖလံ ကထိတံ။ အပ္ပဋိကူလန္တိ အဝိရာဂဒီပနတော
ကေနစိ အဝိရုဒ္ဓံ၊ ဣဒ္ဓံ ပဏီတန္တိ ဝါ အတ္ထော။ ပရုဏရူပေန ပဝတ္တိတတ္တာ၊
ပကဋ္ဌရုဏဝိဘာဝနတော ဝါ ပရုဏံ။ ယထာဟ “ဝိဟိံသသညိ ပရုဏံ န
ဘာသိ၊ ဓမ္မံ ပဏီတံ မနုဇေသု မြဟေ”တိ။ သဗ္ဗဓမ္မက္ခန္ဓာ? ကထိတာတိ
ယောဇနာ။

ဒိဋ္ဌိသီလသံဃာတေနာတိ “ယာယံ ဒိဋ္ဌိ အရိယာ နိယျာနိကာ နိယျာတိ
တက္ကရဿ သမ္မာ ဒုက္ခက္ခယာယ၊ တထာရူပါယ ဒိဋ္ဌိယာ ဒိဋ္ဌိသာမည-
ဂတော ဝိဟရတိ”တိ၊ ဧဝံ ဝုတ္တာယ ဒိဋ္ဌိယာ၊ “ယာနိ တာနိ သီလာနိ အဓဏှာနိ
အတ္ထိဒ္ဓါနိ အသမလာနိ အကမ္မာသာနိ ဘုဇိဿာနိ ဝိညုပ္ပသတ္တာနိ အပရာ-
မဋ္ဌာနိ သမာဓိသံဝတ္တနိကာနိ၊ တထာရူပေဟိ သီလေဟိ သီလသာမညဂတော
ဝိဟရတိ”တိ၊ ဧဝံ ဝုတ္တာနံ သီလာနဉ္စ သံဟတဘာဝေန၊ ဒိဋ္ဌိသီလသာမညေ-
နာတိ အတ္ထော။ သံဟတောတိ ဃဋ္ဌိတော၊ သမေတောတိ အတ္ထော။ အရိယ-
ပုဂ္ဂလာ ဟိ ယတ္ထ ကတ္ထစိ ဒူရေ ဌိတာပိ အတ္တနော ဂုဏသာမဂ္ဂိယာ သံဟတာ

၁-ဒု ၁-၂၅၄၊ အံ ၁-၃၄၃-ပိဋ္ဌေသု။

၂-မ ၁-၂၂၆၊ မ ၂-၂၉၃၊ ဝိ ၃-၁၀-ပိဋ္ဌေသု။

၃-ဓမ္မက္ခန္ဓာ (၆)

၄-ဒီ ၃-၂၀၄၊ ၂၃၇၊ မ ၁-၃၇၉၊ မ ၃-၃၉-ပိဋ္ဌေသု။

၅-ဒီ ၃-၂၀၃၊ မ ၁-၃၉၇၊ မ ၃-၃၉၊ အံ ၂-၂၅၆၊ ဝိ ၅-၁၆၈-ပိဋ္ဌေသု။

၆၀။ အဋ္ဌ ဝ ပုဂ္ဂလ ဓမ္မဒဿာ တေတိ တေ ပုရိသယုဂဝသေန စတ္တာရောပိ ပုဂ္ဂလဝသေန အဋ္ဌေဝ အရိယဓမ္မဿ ပစ္စက္ခဿာဝိတာယ ဓမ္မဒဿာ။ တိဏိ ဝတ္ထုနိ “သရဏ”န္တိ ဂမနေန၊ တိက္ခတ္ထု ဂမနေန စ တိဏိ သရဏဂမနာနိ။ ပဋိဝေဒေသိတိ အတ္တနော ဟဒယဂတံ ဝါစာယ ပဝေဒေသိ။

သရဏဂမနကထာဝဏ္ဏနာ

သရဏဂမနဿ ဝိသယပ္ပဘေဒဖလသံကိလေသဘေဒါနံ ဝိယ ကတ္ထု စ ဝိဘာဝနာ တတ္ထ ကောသလ္လာယ ဟောတီတိ “သရဏဂမနေသု ကောသလ္လတ္ထံ သရဏံ ။ပ။ ဝေဒိတဗ္ဗော”တိ ဝုတ္တံ တေန ဝိနာ သရဏဂမနဿေဝ အသမ္ဘဝ-
တော။ ကဿာ ပနေတ္ထ ဝေါဒါနံ န ဂဟိတံ၊ နန ဝေါဒါနဝိဘာဝနာပိ တတ္ထ ကောသလ္လာဝဟာတိ? သစ္စမေတံ၊ တံ ပန သံကိလေသဂ္ဂဟဏေနေဝ အတ္ထ-
တော ဒိပိတံ ဟောတီတိ န ဂဟိတံ။ ယာနိ ဟိ နေသံ သံကိလေသကာရဏာနိ အညာဏာဒီနိ၊ တေသံ သဗ္ဗေန သဗ္ဗံ အနုပ္ပန္နာနံ အနုပ္ပါဒနေန၊ ဥပ္ပန္နာနဉ္စ ပဟာနေန ဝေါဒါနံ ဟောတီတိ။ ဟိံသတ္ထဿ သရ-သဒ္ဓဿ ဝသေနတံ ပဒံ ဒဠဗ္ဗန္တိ “ဟိံသတီတိ သရဏ”န္တိ ဝတွာ တံ ပန ဟိံသနံ ကေသံ ကထံ ကဿ ဝါတိ စောဒနံ သောဓေန္တော “သရဏဂတာန”န္တိ အာဒိမာဟ။ တတ္ထ ဘယန္တိ ဝဇ္ဇဘယံ။ သန္တာသန္တိ စိတ္တုတြာသံ တေနေဝ စေတသိကဒုက္ခဿ ဂဟိတတ္တာ။ ဒုက္ခန္တိ ကာယိကဒုက္ခံ။ ဒုဂ္ဂတိပရိကိလေသန္တိ ဒုဂ္ဂတိပရိယာပန္တံ သဗ္ဗမ္ပိ ဒုက္ခံ၊ တယိဒံ သဗ္ဗံ ပရတော ဖလကထာယံ အာဝိ ဘဝိဿတိ။ တေန္တိ “သရဏ”န္တိ ပဒံ။

၆၁။ အဝိသေသတော သရဏ-သဒ္ဓဿ အတ္ထံ ဒဿေတွာ ဣဒါနိ ဝိသေ-
သတော ဒဿေတုံ “အထ ဝါ”တိအာဒိ ဝုတ္တံ။ ဟိတေ ပဝတ္ထနေနာတိ “သမ္ပန္နသီလာ ဘိက္ခဝေ ဝိဟရထာ”တိအာဒိနာ၊ အတ္ထေ နိယောဇနေန။ အဟိတာ ဝ နိဝတ္တနေနာတိ “ပါဏာတိပါတဿ ခေါ ပါပကော ဝိပါကော၊ ပါပကံ အဘိသမ္ပရာယ”န္တိအာဒိနာ အာဒိနဝဒဿနာဒိမုခေန အနတ္ထတော နိဝတ္တနေန။ ဘယံ ဟိံသတီတိ ဟိတာဟိတေသု အပ္ပဝတ္တိပဝတ္တိဟေတုကံ ဗျသနံ အပ္ပဝတ္တိကရဏေန ဝိနာသေတိ။ ဘဝကန္တာရာ ဥတ္တာရဏေန မဂ္ဂသင်္ခါတော ဓမ္မော၊ ဣတရော အဿာသဒါနေန သတ္တာနံ ဘယံ ဟိံသတီတိ ယောဇနာ။ ကာရာနန္တိ ဒါနဝသေန ပူဇာဝသေန စ ဥပနိတာနံ သက္ကာရာနံ။ ဝိပုလဖလပဋိလ္လာဘကရဏေန သတ္တာနံ ဘယံ ဟိံသတီတိ ယောဇနာ။

အနုတ္တရဒက္ခိဏေယျဘာဝတောတိ အဓိပ္ပာယ်ော။ ဣမိနာပိ ပရိယာယေနာတိ ဣမိနာပိ ဝိဘဇိတွာ ဝုတ္တေန ကာရဏေန။

“သမ္မာသမ္ဗုဒ္ဓေါ ဘဂဝါ၊ သွာက္ခာတော ဓမ္မော၊ သုပ္ပဋိပန္နော သံဃော”တိ ဧဝံ ပဝတ္တော တတ္ထ ရတနတ္ထယေ ပဿာဒေါ တပ္ပဿာဒေါ၊ တဒေဝ ရတနတ္ထယံ ဂရု ဧတဿာတိ တဂ္ဂရ၊ တဗ္ဘာဝေါ တဂ္ဂရတာ၊ တပ္ပဿာဒေါ စ တဂ္ဂရတာ စ တပ္ပဿာဒတဂ္ဂရတာ၊ တာဟိ တပ္ပဿာဒတဂ္ဂရတာဟိ။ ဝိရုတဒိဋ္ဌိဝိစိကိစ္ဆာ-သမ္မောဟအဿဒ္ဓိယာဒိတာယ ဝိဟတကိလေသော။ တဒေဝ ရတနတ္ထယံ ပရာယဏံ ပရာဂတိံ တာဏံ လေဏန္တိ ဧဝံ ပဝတ္တိယာ တပ္ပရာယဏတာ-ကာရပ္ပဝတ္တော ဝိတ္တုပ္ပေါဒေါ သရဏဂမနံ သရဏန္တိ ဂစ္ဆတိ ဧတေနာတိ။ တံသမဇီတိ တေန ယထာဝုတ္တဝိတ္တုပ္ပေါဒေန သမန္နာဂတော။ ဧဝံ ဥပေတိတိ ဘဇတိ သေဝတိ ပယိရုပါသတိ၊ ဧဝံ ဝါ ဇာနာတိ ဗုဇ္ဈတိတိ ဧဝမတ္တော ဝေဒိတဗ္ဗော။ ဧတ္ထ စ ပဿာဒ-ဂဟဏေန လောကီယသရဏဂမနမာဟ။ တဉ္စိ ပဿာဒပ္ပဓာနံ။ ဂရုတာဂဟဏေန လောကုတ္တရံ။ အရိယာ ဟိ ရတနတ္ထယံ ဂုဏာဘိညတာယ ပါသာဏန္တတ္ထံ ဝိယ ဂရံ ကတွာ ပဿန္တိ။ တသ္မာ တပ္ပဿာဒေန ဝိက္ခမ္ဘနဝသေန ဝိဟတကိလေသော၊ တဂ္ဂရတာယ သမုစ္ဆေဒ-ဝသေနာတိ ယောဇေတဗ္ဗံ အဂါရဝကရဏဟေတုနံ သမုစ္ဆန္တနတော။ တပ္ပရာယဏတာ ပနေတ္ထ တဂ္ဂတိကတာတိ တာယ စတုဗ္ဗိဓမ္မိ ဝက္ခမာနံ သရဏဂမနံ ဂဟိတန္တိ ဒဠဗ္ဗံ။ အဝိသေသေန ဝါ ပဿာဒဂရုတာဇောတိတာတိ ပဿာဒ-ဂဟဏေန အဝေစ္စပ္ပဿာဒဿ၊ ဣတရဿ စ ဂဟဏံ၊ တထာ ဂရုတာ-ဂဟဏေနာတိ ဥဘယေနာပိ ဥဘယံ သရဏဂမနံ ယောဇေတဗ္ဗံ။

မဂ္ဂက္ခဏေ ဣဇ္ဈတိတိ ယောဇေန။ “နိဗ္ဗာနာရမ္ဗဏံ ဟုတွာ”တိ ဧတေန အတ္ထတော စတုသစ္စာဓိဂမော ဧဝ လောကုတ္တရသရဏဂမနန္တိ ဒဿေတိ။ တတ္ထ ဟိ နိဗ္ဗာနဓမ္မော သမ္ဘိကိရိယာဘိသမယဝသေန၊ မဂ္ဂဓမ္မော ဘာဝနာ-ဘိသမယဝသေန ပဋိဝိဇ္ဈိယမာနောယေဝ သရဏဂမနတ္ထံ သာဓေတိ။ ဗုဒ္ဓဂုဏာ ပန သာဝကဂေါစရဘူတာ ပရိညာဘိသမယဝသေန၊ တထာ အရိယသံဃ-ဂုဏာ၊ တေနာဟ “ကိစ္စတော သကလေဝိ ရတနတ္ထယေ ဣဇ္ဈတိ”တိ။ ဣဇ္ဈန္တိ သဟေဝ ဣဇ္ဈတိ၊ န လောကီယံ ဝိယ ပဋိပါဋိယာ အသမ္မောဟပဋိဝေနေ ပဋိဝိဒ္ဓတ္တာတိ အဓိပ္ပာယ်ော။ ယေ ပန ဝဒန္တိ “န သရဏဂမနံ နိဗ္ဗာနာရမ္ဗဏံ ဟုတွာ ပဝတ္တတိ။ မဂ္ဂဿာဓိဂတတ္ထာ ပန အဓိဂတမေဝ ဟောတိ ဧကစ္စာနံ တေဝိဇ္ဇာဒီနံ လောကီယဝိဇ္ဇာဒယော ဝိယာ”တိ။ တေသံ လောကီယမေဝ သရဏဂမနံ သိယာ၊ န လောကုတ္တရံ၊ တဉ္စ အယုတ္တံ ဒုဝိဿံသံပိ ဣန္ဒြိယဗ္ဗတ္တာ။

တန္တိ လောကီယံ သရဏဂမနံ။ သဒ္ဓါပဋိလာဘော “သမ္မာသမ္ဗုဒ္ဓေါ ဘဂဝါ”တိအာဒိနာ။ သဒ္ဓါမူလိကာတိ ယထာဝုတ္တသဒ္ဓါပုဗ္ဗင်္ဂမာ သမ္မာဒိဋ္ဌိ ဗုဒ္ဓသုဗုဒ္ဓတံ၊ ဓမ္မသုဓမ္မတံ၊ သံဃသုပ္ပုဋိပတ္တိန္တ လောကီယာဝဗောဓေဝသေနဝ သမ္မာ ဉာယေန ဒဿနတော။ “သဒ္ဓါမူလိကာ သမ္မာဒိဋ္ဌိ”တိ ဧတေန သဒ္ဓါပနိဿယာ ယထာဝုတ္တလက္ခဏာ ပညာ လောကီယသရဏဂမနန္တိ ဒဿေတိ၊ တေနာဟ “ဒိဋ္ဌိဇုကမ္မန္တိ ဝုစ္စတိ”တိ ဒိဋ္ဌိ ဧဝံ အတ္တနော ပစ္စယေဟိ ဥဇု ကရိယတိတိ ကတွာ၊ ဒိဋ္ဌိ ဝါ ဥဇု ကရိယတိ ဧတေနာတိ ဒိဋ္ဌိဇုကမ္မံ၊ တထာပဝတ္တော စိတ္တုပ္ပါဒေါ။ ဧဝံ ကတွာ “တပ္ပရာယဏတာကာရပ္ပဝတ္တော စိတ္တုပ္ပါဒေါ”တိ ဣဒံ ဝစနံ သမတ္ထိတံ ဟောတိ။ သဒ္ဓါပုဗ္ဗင်္ဂမသမ္မာဒိဋ္ဌိဂဟဏံ ပန စိတ္တုပ္ပါဒဿ တပ္ပဓာနတာယာတိ ဒဋ္ဌဗ္ဗံ။ “သဒ္ဓါပဋိလာဘော”တိ ဣမိနာ မာတာဒိဟိ ဥဿာဟိတဒါရကာဒိနံ ဝိယ ဉာဏဝိပ္ပယုတ္တသရဏဂမနံ ဒဿေတိ၊ “သမ္မာဒိဋ္ဌိ”တိ ဣမိနာ ဉာဏသမ္ပယုတ္တသရဏဂမနံ။ တယိဒံ လောကီယံ သရဏဂမနံ။ အတ္တာ သန္တိယျာတိယတိ အပ္ပိယတိ ပရိစ္စဇိယတိ ဧတေနာတိ အတ္တသန္တိယျာတနံ၊ ယထာဝုတ္တံ ဒိဋ္ဌိဇုကမ္မံ။ တံ ရတနတ္ထယံ ပရာယဏံ ပဋိသရဏံ တေဿာတိ တပ္ပရာယဏော၊ ပုဂ္ဂလော၊ စိတ္တုပ္ပါဒေါ ဝါ။ တဿ ဘာဝေါ တပ္ပရာယဏတာ၊ ယထာဝုတ္တံ ဒိဋ္ဌိဇုကမ္မမေဝ။ “သရဏ”န္တိ အဓိပ္ပါယေန သိဿဘာဝံ အန္တေဝါသိကဘာဝံ ဥပဂစ္ဆတိ ဧတေနာတိ သိဿဘာဝုပဂမနံ။ သရဏဂမနာဓိပ္ပါယေနဝ ပဏိပတတိ ဧတေနာတိ ပဏိပါတော။ သဗ္ဗတ္ထ ယထာဝုတ္တဒိဋ္ဌိဇုကမ္မဝသေနဝ အတ္တော ဝေဒိတဗ္ဗော။

အတ္တပရိစ္စဇနန္တိ သံသာရဒုက္ခနိတ္တရဏတ္ထံ အတ္တနော အတ္တဘာဝဿ ပရိစ္စဇနံ။ ဧသေဝ နယော သေသေသုပိ။ ဗုဒ္ဓါဒိနံယေဝါတိ အဝဓာရဏံ အတ္တသန္တိယျာတနာဒိသုပိ တတ္ထ တတ္ထ ဝတ္တဗ္ဗံ။ ဧဝံ တဒညနိဝတ္တနံ ကတံ ဟောတိ။

ဧဝံ အတ္တသန္တိယျာတနာဒိနိ ဧကေန ပကာရေန ဒဿေတွာ ဣဒါနိ အပရေဟိပိ ပကာရေဟိ ဒဿေတုံ “အဝိစာ”တိအာဒိ အာရဒ္ဓံ၊ တေန ပရိယာယန္တရေဟိပိ အတ္တသန္တိယျာတနာဒိ ကတမေဝ ဟောတိ အတ္တဿ အဘိန္နတ္တာတိ ဒဿေတိ။ အာဠဝကာဒိနန္တိ အာဒိ-သဒ္ဓေန သာတာဂိရဟေမဝတာဒိနံ သင်္ဂဟော ဒဋ္ဌဗ္ဗော။ နနု စေတေ အာဠဝကာဒယော မဂ္ဂေနဝ အာဂတသရဏဂမနာ၊ ကထံ တေသံ တပ္ပရာယဏတာသရဏဂမနံ ဝုတ္တန္တိ? မဂ္ဂေနာဂတသရဏဂမနေဟိပိ “သော အဟံ ဝိစရိဿာမိ။ပ။ သုဓမ္မတံ” တေ မယံ

ဝိစရိဿာမ၊ ဂါမာ ဂါမံ နဂါ နဂံ။ပ။ သုဓမ္မတ”န္တိ” တေဟိ တပ္ပရာယဏတာ-
ကာရဿ ပဝေဒိတတ္တာ တထာ ဝုတ္တံ။

သော ပနေသ ဉာတိ။ပ။ ဝသေနာတိ ဧတ္ထ ဉာတိဝသေန၊ ဘယဝသေန၊
အာစရိယဝသေန၊ ဒက္ခိဏေယျဝသေနာတိ ပစ္စေကံ ယောဇေတဗ္ဗံ။ တတ္ထ
ဉာတိဝသေနာတိ ဉာတိဘာဝဝသေန။ ဧဝံ သေသေသုပိ။ **ဒက္ခိဏေယျပဏိ-**
ပါတေနာတိ ဒက္ခိဏေယျတာဟေတုကေန ပဏိပါတေန။ **ဣတရေဟိတိ** ဉာတိ-
ဘာဝါဒိဝသပ္ပဝတ္ထေဟိ တိဟိ ပဏိပါတေဟိ။ “ဣတရေဟိ”တိအာဒိနာ
သင်္ခေပတော ဝုတ္တမတ္ထံ ဝိတ္တာရတော ဒဿေတုံ “**တဿာ**”တိအာဒိ ဝုတ္တံ။
ဝန္တတိတိ ပဏိပါတဿ လက္ခဏဝစနံ။ “**ဝေဂ္ဂပ**”န္တိ ဒိဋ္ဌဓမ္မိကံ သန္ဓာယ ဝဒတိ။
သမ္ပရာယိကဗျ နိယျာနိကံ ဝါ အနုသာသနိ” ပစ္စာသိသန္ဓော ဒက္ခိဏေယျ-
ပဏိပါတမေဝ ကရောတိတိ အဓိပ္ပာယ်ော။

သရဏဂမနပ္ပဘေဒေါတိသရဏဂမနဝိဘာဂေါ။

အရိယမဂ္ဂေါ ဧဝ လောကုတ္တရသရဏဂမနန္တိ “**စတ္တာရိ သာမညဗလာနိ**
ဝိပါကဗလ”န္တိ ဝုတ္တံ။ သဗ္ဗဒုက္ခက္ခယောတိ သကလဿ ဝနုဒုက္ခဿ အနုပ္ပါဒ-
နိရောဓော။ စတန္တိ “စတ္တာရိ အရိယသစ္စာနိ၊ သမ္ပပ္ပညာယ ပဿတိ”တိ ဧဝံ
ဝုတ္တံ အရိယသစ္စဿ ဒဿနံ။

နိစ္စာဒိတော အနုပဂမနာဒိဝသေနာတိ “နိစ္စ”န္တိ အဂ္ဂဟဏာဒိဝသေန။
အဋ္ဌာနန္တိ ဟေတုပဋိက္ခေပေါ။ အနဝကာသောတိ ပစ္စယပဋိက္ခေပေါ။ ဥဘ-
ယေနာပိ ကာရဏမေဝ ပဋိက္ခိပတိ။ ယန္တိ ယေန ကာရဏေန။ **ဒိဋ္ဌိသမ္ပန္နောတိ**
မဂ္ဂဒိဋ္ဌိယာ သမန္နာဂတော သောတာပန္နော။ **ကဋ္ဌိ သင်္ခါရန္တိ** စတုဘူမကေသု
သင်္ခတသင်္ခါရေသု ဧကသင်္ခါရဗ္ဗိ။ **နိစ္စတော ဥပဂစ္ဆေယျာတိ “နိစ္စော”**တိ
ဂဏှေယျ။ “**သုခတော ဥပဂစ္ဆေယျာ**”တိ “ဧကန္တသုဒ္ဓိ အတ္တာ ဟောတိ
အရောဂေါ ပရံ မရဏာ”တိ၂ ဧဝံ အတ္တဒိဋ္ဌိဝသေန သုခတော ဂါဟံ သန္ဓာ-
ယေတံ ဝုတ္တံ။ ဒိဋ္ဌိဝိပ္ပယုတ္တစိတ္တေန ပန အရိယသာဝကော ပရိဋ္ဌာဟဝုပသမနတ္ထံ
မတ္တဟတ္ထိပရိတ္တာသိတော ဝိယ စောက္ခဗြာဟ္မဏော ဥက္ကာရဘူမိ” **ကဋ္ဌိ သင်္ခါရံ**
သုခတော ဥပဂစ္ဆတိ။ အတ္တဝါရေ ကသိဏာဒိပညတ္တိသင်္ဂဟတ္ထံ “သင်္ခါရ”န္တိ
အဝတွာ “**ကဋ္ဌိ ဓမ္မ**”န္တိ ဝုတ္တံ။ ဣမေသုပိ ဝါရေသု စတုဘူမကဝသေနောပရိစ္ဆေ-
ဒေါဝေဒိတဗ္ဗော၊ တေဘူမကဝသေနော ဝါ။ ယံ ယဗ္ဗိ ပုထုဇ္ဇနော ဂါဟဝသေန
ဂဏှာတိ၊ တတော တတော အရိယသာဝကော ဂါဟံ ဝိနိဝေဋ္ဌေတိ။

“မာတရ”န္တိ အာဒိသု ဇနိကာ မာတာ, ဇနကော ဝိတာ, မနုဿဘူတော ဝိဏာသဝေါ အရဟတံ အဓိပ္ပေတော။ ကိံ ပန အရိယသာဝကော အညံ ဇီဝိတာ ဝေါရောပေယျာတိ? ဧတမ္ပိ အဋ္ဌာနံ၊ ပုထုဇ္ဇနဘာဝဿ ပန မဟာသာဝဇ္ဇဘာဝဒဿနတ္ထံ, အရိယသာဝကဿ စ ဖလဒဿနတ္ထံ ဧဝံ ဝုတ္တံ။ ဗုဒ္ဓဝိတ္တောတိ ဝခကစိတ္တေန ပဒုဋ္ဌစိတ္တော။ လောဟိတံ ဥပ္ပါဒေယျာတိ ဇီဝမာနကသရီရေ ခုဒ္ဒကမက္ခိကာယ ပိဝနမတ္တမ္ပိ လောဟိတံ ဥပ္ပါဒေယျ။ သံဃံ ဘိန္ဒေယျာတိ သမာနသံဝါသကံ သမာနသီမာယံ ဌိတံ သံဃံ “ကမ္မေန, ဥဒ္ဓေသေန, ဝေါဟရန္တော, အနုဿာဝနေန, သလာကဂ္ဂါဟေနာ”တိ ဧဝံ ဝုတ္တေဟိ ပဉ္စဟိ ကာရဏေဟိ ဘိန္ဒေယျ။ အညံ သတ္တာရန္တိ အညံ တိတ္ထကရံ “အယံ မေ သတ္တာ”တိ ဧဝံ ဂဏှေယျ၊ နေတံ ဌာနံ ဝိဇ္ဇတိတံ အတ္ထော။ န တေ ဂမိဿန္တိ အပါယဘူမိန္တိ? တေ ဗုဒ္ဓံ သရဏံ ဂတာ တံနိမိတ္တံ အပါယံ န ဂမိဿန္တိ၊ ဒေဝကာယံ ပန ပရိပူရေဿန္တိတိ အတ္ထော။

ဒသဟိ ဌာနေဟိတိ ဒသဟိ ကာရဏေဟိ။ အဓိဂဏှန္တိတိ အဘိဘဝန္တိ။ ဝေလာမသုတ္တာဒိဝသေနာပိတိ ဧတ္ထ ကရိသဿ စတုတ္ထဘာဂပ္ပမာဏာနံ စတုရာသီတိသဟဿသင်္ချာနံ သုဝဏ္ဏပါတိရူပိယပါတိကံသပါတီနံ ယထာက္ကမံ ရူပိယသုဝဏ္ဏဟိရညပူရာနံ, သဗ္ဗာလင်္ကာရပဋိမဏ္ဍိတာနံ စတုရာသီတိယာ ဟတ္ထိသဟဿာနံ, စတုရာသီတိယာ အဿသဟဿာနံ, စတုရာသီတိယာ ရထသဟဿာနံ, စတုရာသီတိယာ ဓေနသဟဿာနံ, စတုရာသီတိယာ ကညာသဟဿာနံ, စတုရာသီတိယာ ပလ္လင်္ကသဟဿာနံ, စတုရာသီတိယာ ဝတ္ထကောဋီသဟဿာနံ, အပရိမာဏဿ စ ခဇ္ဇဘောဇ္ဇာဒိဘေဒဿ အာဟာရဿ ပရိစ္စဇနဝသေန သတ္တမာသာမိကာနိ သတ္တသံဝစ္ဆရာနိ နိရန္တရံ ပဝတ္ထဝေလာမမဟာဒါနတော ဧကဿ သောတာပန္နဿ ဒိန္နဒါနံ မဟပ္ပလတရံ၊ တတော သတံ သောတာပန္နာနံ ဒိန္နဒါနတော ဧကဿ သကဒါဂါမိနော၊ တတော ဧကဿ အနာဂါမိနော၊ တတော ဧကဿ အရဟတော၊ တတော ဧကဿ ပစ္စေကဗုဒ္ဓဿ၊ တတော သမ္မာသမ္ဗုဒ္ဓဿ၊ တတော ဗုဒ္ဓပ္ပမုခဿ သံဃဿ ဒိန္နဒါနံ မဟပ္ပလတရံ၊ တတော စာတုဒ္ဓိသသံဃံ ဥဒ္ဓိဿ ဝိဟာရကရဏံ၊ တတော သရဏဂမနံ မဟပ္ပလတရန္တိ ဣမမတ္ထံ ပကာသေန္တဿ ဝေလာမသုတ္တဿ? ဝသေန။ ဝုတ္တဉ္ဇေတံ “ယံ ဂဟပတိ ဝေလာမော မြာဟူဏော ဒါနံ အဒါသိ မဟာဒါနံ၊ ယော စေကံ ဒိဋ္ဌိသမ္ပန္နံ ဘောဇေယျ၊ ဣဒံ တတော

၁-ဝိ ၅-၃၄၉-ပိဋ္ဌေ။	၂-ဂဏှေယျာထိ (ဗဟုသု)
၃-အပါယန္တိ (ဗဟုသု)	၄-အံ ၃-၁၉၅-ပိဋ္ဌေ။

မဟပ္ပလတရ”န္တိအာဒိ”။ ဝေလာမသုတ္တာဒိတိ အာဒိ-သဒ္ဓေန အဂ္ဂပ္ပသာဒ-
သုတ္တာဒိနံ၂ သင်္ဂဟော ဒဋ္ဌဗ္ဗော။

အညာဏံ ဝတ္ထုတ္တယဿ ဂုဏာနံ အဇာနနံ တတ္ထ သမ္မောဟော။ “ဗုဒ္ဓေါ
န ခေါ၊ န န ခေါ”တိအာဒိနာ ဝိစိကိစ္ဆာ သံသယော။ မိစ္ဆာဉာဏံ တဿ
ဂုဏာနံ အဂုဏဘာဝပရိကပ္ပနေန ဝိပရိတဂ္ဂါဟော။ အာဒိ-သဒ္ဓေန အနာ-
ဒရာဂါရဝါဒိနံ သင်္ဂဟော။ န မဟာဇုတိကန္တိ န ဥဇ္ဇလံ၊ အပရိသုဒ္ဓိ
အပရိယောဒါတန္တိ အတ္ထော။ န မဟာဝိပ္ပာရန္တိ အနုဋ္ဌာရံ။ သာဝဇ္ဇောတိ
တဏှာဒိဋ္ဌာဒိဝသေန သဒေါသော၊ လောကီယသရဏဂမနံ သိက္ခာသမာဒါနံ
ဝိယ အဂ္ဂဟိတကာလပရိစ္ဆေဒံ ဇီဝိတပရိယန္တမေဝ ဟောတိ၊ တသ္မာ တဿ
ခန္ဓဘေဒေန ဘေဒေါတိ အာဟ “အနဝဇ္ဇော ကာလကိရိယာယာ”တိ။
သောတိ အနဝဇ္ဇော သရဏဂမနဘေဒေါ။ သတိပိ အနဝဇ္ဇတ္ထေ ဣဋ္ဌ-
ဗလောပိ န ဟောတိတိ အာဟ “အဗလော”တိ။ ကသ္မာ? အဝိပါကတ္တာ။
န ဟိ တံ အကုသလန္တိ။

ကော ဥပါသကောတိ သရူပပုစ္ဆာ၊ ကိလက္ခဏော ဥပါသကောတိ
ဝုတ္တံ ဟောတိ။ ကမ္မာတိ ဟေတုပုစ္ဆာ၊ တေန ကေန ပဝတ္တိနိမိတ္တေန
ဥပါသက-သဒ္ဓေါ တသ္မိ ပုဂ္ဂလေ နိရုဋ္ဌောတိ ဒဿေတိ၊ တေနာဟ
“ကမ္မာ ဥပါသကောတိ ဝုစ္စတိ”တိ။ သဒ္ဓဿ အဘိဓေယျေ ပဝတ္တိ-
နိမိတ္တံ တဒတ္ထဿ တဗ္ဘာဝကာရဏံ။ ကိမဿ သီလန္တိ ကိဒိသံ အဿ
ဥပါသကဿ သီလံ၊ ကိတ္တကေန သီလေနာယံ သီလသမ္ပန္နော နာမ ဟောတိတိ
အတ္ထော။ ကော အာဇီဝေါတိ ကော အဿ သမ္မာအာဇီဝေါ၊ သော ပန
မိစ္ဆာဇီဝဿ ပရိဝဇ္ဇနေန ဟောတိတိ သောပိ ဝိဘဇိယတိ။ ကာ ဝိပတ္တိတိ
ကာ အဿ သီလဿ၊ အာဇီဝဿ ဝါ ဝိပတ္တိ။ အနန္တရဿ ဟိ ဝိမိ ဝါ
ပဋိသေဓော ဝါ။ သမ္ပတ္တိတိ ဧတ္ထာပိ ဧသေဝ နယော။

ယော ကောစိတိ ခတ္တိယာဒိသု ယော ကောစိ၊ တေန သရဏဂမနမေဝ
ကာရဏံ၊ န ဇာတိအာဒိဝိသေသောတိ ဒဿေတိ။

ဥပါသနကောတိ တေနေဝ သရဏဂမနေန၊ တတ္ထ စ သက္ကစ္စကိရိယာယ
အာဒရာဂါရဝဗဟုမာနာဒိယောဂေန ပယိရူပါသနတော။

၁-အံ ၃-၁၉၆-ပိဋ္ဌေ။ ၂-အံ ၁-၃၄၃၊ ၃ ၁-၂၅၄-ပိဋ္ဌေသု။ ၃-မဟုဇ္ဇလံ (အဘိနဝဂ္ဂိ)

ဝေရမဏိယောတိ ဝေရံ ဝုစ္ဆတိ ပါဏာတိပါတာဒိဒုဿီလုံ၊ တဿ မဏနတော ဟနနတော ဝိနာသနတော ဝေရမဏိယော၊ ပဉ္စ ဝိရတိယော ဝိရတိပဓာနတ္တာ တဿ သီလဿ၊ တေနေဝါဟ “ပဋိဝိရတော ဟောတိ”တိ။

မိစ္ဆာဝဏ္ဏိန္ဒာတိ န သမ္မာဝဏ္ဏိန္ဒာ အယုတ္တဝဏ္ဏိန္ဒာ အသာရပ္ပဝဏ္ဏိန္ဒာ။ ပဟာယာတိ အကရဏေနေဝ ပဇဟိတွာ။ ဓမ္မေနာတိ ဓမ္မတော အနပေတေန၊ တေန အညမ္ပိ အဓမ္မိကံ ဇီဝိကံ ပဋိက္ခိပတိ။ သမေနာတိ အဝိသမေန၊ တေန ကာယဝိသမာဒိဒုစ္စရိတံ ဝဇ္ဇေတွာ ကာယသမာဒိနာ သုစရိတေန ဇီဝိကံ ဒဿေတိ။ သတ္တဝဏ္ဏိန္ဒာတိ အာဝုဓာဏ္ဍံ ကတွာ ဝါ ကာရေတွာ ဝါ ယထာကတံ ဝါ ပဋိလဘိတွာ တဿ ဝိက္ကယော။ သတ္တဝဏ္ဏိန္ဒာတိ မနဿ-ဝိက္ကယော။ မံသဝဏ္ဏိန္ဒာတိ သူနကာရာဒယော ဝိယ မိဂသူကရာဒိကေ ပေါသေတွာ မံသံ သမ္ပာဒေတွာ ဝိက္ကယော။ မဇ္ဇိန္ဒာတိ ယံ ကံဉ္စိ မဇ္ဇိယောဇေတွာ တဿ ဝိက္ကယော။ ဝိသဝဏ္ဏိန္ဒာတိ ဝိသံ ယောဇေတွာ ဝါ ဝိသံ ဂဟေတွာ ဝါ တဿ ဝိက္ကယော။ တတ္ထ သတ္တဝဏ္ဏိန္ဒာ ပရောပရော-ဓနိမိတ္တတာယ အကရဏီယာ ဝုတ္တာ၊ သတ္တဝဏ္ဏိန္ဒာ အဘုဇိဿဘာဝ-ကရဏကော၊ မံသဝဏ္ဏိန္ဒာ ဝဓဟေတုတော၊ မဇ္ဇိန္ဒာ ပမာဒဋ္ဌာနတော။

တဿေဝါတိ ပဉ္စဝေရမဏိလက္ခဏဿ သီလဿ ဧဝံ ပဉ္စမိစ္ဆာဝဏ္ဏိန္ဒာ-လက္ခဏဿ အာဇီဝဿ စ။ ဝိပတ္တိတိ ဘေဒေါ၊ ပကောပေါ စ။ ယာယာတိ ယာယ ပဋိပတ္တိယာ။ စဏ္ဍာလောတိ ဥပါသကစဏ္ဍာလော။ မလန္တိ ဥပါသက-မလံ။ ပဋိကိဋ္ဌောတိ ဥပါသကနိဟိနော။ ဗုဒ္ဓါဒိသု ကမ္မကမ္မဖလေသု စ သဒ္ဓါဝိပရိယာယော အဿဒ္ဓိယံ မိစ္ဆာမိမောက္ခော၊ ယထာဝုတ္တေန အဿဒ္ဓိ-ယေန သမန္နာဂတော အဿဒ္ဓေါ။ ယထာဝုတ္တသီလဝိပတ္တိအာဇီဝိပတ္တိဝသေန ဒုဿီလော။ “ဣမိနာ ဒိဋ္ဌာဒိနာ ဣဒံ နာမ မင်္ဂလံ ဟောတိ”တိ ဧဝံ ဗာလဇနပရိကပ္ပိတကောတူဟလသင်္ခါတေန ဒိဋ္ဌသုတမုတမင်္ဂလေန သမန္နာ-ဂတော ကောတူဟလမင်္ဂလိကော။ မင်္ဂလံ ပစ္စေတိတိ ဒိဋ္ဌမင်္ဂလာဒိဘေဒံ မင်္ဂလမေဝ ပတ္တိယာယတိ။ နော ကမ္မန္တိ ကမ္မဿကတံ နော ပတ္တိယာယတိ။ ဣတော စ ဗဟိဒ္ဓါတိ ဣတော သဗ္ဗညုဗုဒ္ဓသာသနတော ဗဟိဒ္ဓါ ဗာဟိရက-သမယေ။ ဒက္ခိဏေယျံ ပရိယေသတိတိ ဒုပ္ပုပ္ပန္နံ ဒက္ခိဏာရဟသညိ ဂဝေသတိ။ ပုပ္ဖကာရံ ကရောတိတိ ဒါနမာနနာဒိကံ ကုသလကိရိယံ ပဌမတရံ ကရောတိ။ ဧတ္ထ စ ဒက္ခိဏေယျပရိယေသနပုပ္ဖကာရေ ဧကံ ကတွာ ပဉ္စ ဓမ္မာ ဝေဒိတဗ္ဗာ။

ဝိပတ္တိယံ ဝုတ္တဝိပရိယာယေန သပ္ပတ္တိ ဝေဒိတဗ္ဗာ။ အယံ ပန ဝိသေသော— စတုန္နမ္ပိ ပရိသာနံ ရတိဇနနဋ္ဌေန ဥပါသကောဝ ရတနံ ဥပါသကရတနံ။

ဂုဏသောဘာကိတ္တိသဒ္ဓသုဂန္ဓတဿ ဥပါသကောဝ ပဒုမံ ဥပါသကပဒုမံ။
တထာ ဥပါသကပုဏ္ဏရီကံ။

အာဒိဒ္ဓိတိ အာဒိအတ္ထေ။ ကောဋိယန္တိ ပရိယန္တကောဋိယံ။ ဝိဟာရဂ္ဂေ-
နာတိ ဩဝရကကောဋ္ဌာသေန၊ “ဣမသ္မိ” ဂစ္ဆေ ဝသန္တာနံ ဣဒံ နာမ ပနသဗလံ
ပါပုဏ္ဏာတိ”တိအာဒိနာ တံတံဝသနဋ္ဌာနကောဋ္ဌာသေနာတိ အတ္ထော။ အဇ္ဇ-
တဂ္ဂန္တိ ဝါ အဇ္ဇဒဂ္ဂန္တိ ဝါ အဇ္ဇ ဣစ္ဆေဝ အတ္ထော။

“ပါဏေဟိ ဥပေတ”န္တိ ဣမိနာ တဿ သရဏဂမနဿ အာပါဏကောဋိ-
ကတံ ဒဿေန္တော “ယာဝ မေ ဇိဝိတံ ပဝတ္တတိ”တိအာဒိနိ ဝတ္တာ ပုန
ဇိဝိတေနာပိတံဝတ္ထုတ္တယံ ပဋိပူဇေန္တော “သရဏဂမနံ ရက္ခာမိ”တိ ဥပ္ပန္နံ တဿ
ရညော အဓိပ္ပါယ် ဝိဘာဝေန္တော “အဟဉ္စိ”တိအာဒိမာဟ။ ပါဏေဟိ
ဥပေတန္တိ ဟိယာဝမေ ပါဏာ ဓရန္တိ၊ တာဝ သရဏံ ဥပေတံ၊ ဥပေန္တော စ န
ဝါစာမတ္တေန၊ န ကေဝါရံ စိတ္တုပ္ပါဒမတ္တေန၊ အထ ခေါ ပါဏာနံ ပရိစ္စဇန-
ဝသေန ယာဝဇိဝံ ဥပေတန္တိ ဝေမေတ္ထ အတ္ထော ဝေဒိတဗ္ဗော။

အစ္စယနံ သာရမရိယာဒံ မဒ္ဓိတွာ ဝိတိက္ကမနံ အစ္စယောတိ အာဟ
“အပရာဓော”တိ။ အစ္စတိ အတိက္ကမတိ ဧတေနာတိ ဝါ အစ္စယော၊
ဝိတိက္ကမဿ ပဝတ္တနကော အကုသလဓမ္မော။ သော ဝေ အပရဇ္ဈတိ ဧတေနာတိ
အပရာဓော။ သော ဟိ အပရဇ္ဈန္တိ ပုရိသံ အဘိဘဝိတွာ ပဝတ္တတိ၊ တေနာဟ
“အတိက္ကမ္မ အဘိဘဝိတွာ ပဝတ္တော”တိ။ ဓရတိတိ အာစရတိ ကရောတိ။
ဓမ္မေနောတိ ဓမ္မတော အနပေတေန ပယောဂေန။ ပဋိဂ္ဂဏှာတူတိ
အဓိဝါသနဝသေန သမ္ပုဋ္ဌိစ္ဆတူတိ အတ္ထောတိ အာဟ “ဓမတူ”တိ။

၂၅၁။ သဒေဝကေန လောကေန “သရဏ”န္တိ အရဏီယတော အရိယော၊
တထာဂတောတိ အာဟ “အရိယဿ ဝိနယေ ဗုဒ္ဓဿ အဂဝတော
သာသနော”တိ။ ပုဂ္ဂလာဓိဋ္ဌာနံ ကရောန္တောတိ ကာမံ “ပုဗ္ဗိ ဟေသာ”တိ
ဓမ္မာဓိဋ္ဌာနဝသေန ဝါကျံ အာရဒ္ဓံ၊ တထာပိ ဒေသနံ ပန ပုဂ္ဂလာဓိဋ္ဌာနံ
ကရောန္တော သံဝရံ အာပဇ္ဇတိတိ အာဟာတိ ယောဇနာ။

၂၅၃။ ဣမသ္မိယေဝ အတ္တဘာဝေ နိပ္ပဇ္ဇနကာနံ၊ အတ္တနောကုသလမူလာနံ
ခဏနေန ခတော၊ တေသံယေဝ ဥပဟနနေန ဥပဟတော၊ ဥဘယေနာပိ
တဿ ကမ္မာပရာဓမေဝ ဝဒတိ။ ပတိဋ္ဌာတိ သမ္ပတ္တနိယာမောက္ကမနံ

တောယာတိ ပတိဋ္ဌာ၊ တဿ ဥပနိဿယသမ္ပဒါ။ သာ ကိရိယာပရာဓေန
ဘိန္နာ ဝိနာသိတာ ဧတေနာတိ ဘိန္နပတိဋ္ဌော၊ တေနာဟ “တထာ”တိအာဒိ။
ဓမ္မေသု စက္ခုန္တိ စတုသစ္စဓမ္မေသု တေသံ ဒဿနဋ္ဌေန စက္ခု။ အညေသု
ဌာနေသုတိ အညေသု သုတ္တပဒေသု။ မုစ္ဆိဿတိတိ သဠိဝဿသဟဿာနိ
ပစ္စိတွာ လောဟကုမ္ဘိနရကတော မုစ္ဆိဿတိ။

ယဒိ အနန္တရေ အတ္တဘာဝေ နရကေ ပစ္စတိ၊ ဣမံ ပန သုတ္တံ သုတွာ ရညော
ကော အာနိသံသော လဒ္ဓေါတိ အာဟ “မဟာနိသံသော”တိအာဒိ။ သော
ပန အာနိသံသော နိဒ္ဒါလာဘသီသေန ဝုတ္တော တဒါ ကာယိကစေတသိက-
ဒုက္ခာပဂမော၊ တိဏ္ဍံ ရတနာနံ မဟာသက္ကာရကိရိယာ၊ သာတိသယော
ပေါထုဇ္ဇနိကသဒ္ဓါပဋိလာဘောတိ ဧဝံပကာရော ဒိဋ္ဌဓမ္မိကော၊ သမ္ပရာယိကော
ပန အပရာပရေသုပိ ဘဝေသု အပရိမာဏောယေဝါတိ ဝေဒိတဗျော။

တ္ထောဟ—ယဒိ ရညော ကမ္မန္တရာယာဘာဝေ တသ္မိယေဝ အာသနေ
ဓမ္မစက္ခု ဥပ္ပုဇ္ဈိဿတိ၊ ကထံ အနာဂတေ ပစ္စေကဗုဒ္ဓေါ ဟုတွာ ပရိနိဗ္ဗာ-
ယိဿတိ။ အထ ပစ္စေကဗုဒ္ဓေါ ဟုတွာ ပရိနိဗ္ဗာယိဿတိ၊ ကထံ တဒါ
ဓမ္မစက္ခု ဥပ္ပုဇ္ဈိဿတိ၊ နန ဣမေ သာဝကဗောဓိပစ္စေကဗောဓိဥပနိဿယာ
ဘိန္နနိဿယာတိ? နာယံ ဝိရောဓော ဣတော ပရတော ဧဝဿ ပစ္စေက-
ဗောဓိသမ္ဘာရာနံ သမ္ဘရဏီယတော။ သာဝကဗောဓိယာ ဗုဇ္ဈနကသတ္တာပိ ဟိ
အသတိ တဿာ သမဝါယေ ကာလန္တရေ ပစ္စေကဗောဓိယာ ဗုဇ္ဈိဿန္တိ
ကတာဘိနိဟာရသမ္ဘဝတော။ အပရေ ပန ဘဏန္တိ “ပစ္စေကဗောဓိယာ-
ယေဝါယံ ကတာဘိနိဟာရော။ ကတာဘိနိဟာရာပိ ဟိ တတ္ထ နိယတိ”
အပ္ပတ္တာ တဿ ဉာဏဿ ပရိပါကံ အနုပဂတတ္တာ သတ္ထု သမ္ပုဒိဘာဝေ
သာဝကဗောဓိ ပါပုဏိဿန္တိတိ ဘဂဝါ ‘သစာယံ ဘိက္ခဝေ ရာဇာ’တိ-
အာဒိမာဟ။ မဟာဗောဓိသတ္တာနံ ဧဝ စ အာနန္တရိယပရိမုတ္တိ၊ န ဣတရဗောဓိ-
သတ္တာနံ။ တထာ ဟိ ပစ္စေကဗောဓိယံ နိယတော သမာနော ဒေဝဒတ္တော
စိရကာလသမ္ဘူတေန လောကနာထေ အာဃာတေန ဂရုတရာနိ အာနန္တရိ-
ယာနိ ပသဝိ၊ တသ္မာ ကမ္မန္တရာယေနာယမိဒါနိ အသမဝေတဒဿနာ-
ဘိသမယော ရာဇာ ပစ္စေကဗောဓိနိယာမေန အနာဂတေ ပစ္စေကဗုဒ္ဓေါ
ဟုတွာ ပရိနိဗ္ဗာယိဿတိ”တိ ဒဋ္ဌဗ္ဗံ။

သုမင်္ဂလဝိလာသိနိယာ သာမညဖလသုတ္တဝဏ္ဏနာယ
လိနုတ္တပ္ပကာသနာ။

၃-အဗ္ဗဠသုတ္တဝါတ္ထနာ

အဒ္ဓါနဂမနဝတ္ထနာ

၂၅၄။ အပုဗ္ဗပဒဝတ္ထနာတိ အတ္ထသံဝတ္ထနာဝသေန ဟေဋ္ဌာ အဂ္ဂဟိတ-
တာယ အပုဗ္ဗဿ ပဒဿ ဝတ္ထနာ အတ္ထဝိဘဇနာ။ “ဟိတွာ ပုနပ္ပုနာ-
ဂတမတ္ထ”န္တိ ဟိဝုတ္တံ။ ဇနပဒိနောတိ ဇနပဒဝန္တော၊ ဇနပဒဿ ဝါ ဣဿရာ
ရာဇကုမာရာ ဂေါတ္တဝသေန ကောသလာ နာမ။ ယဒိ ဧကော ဇနပဒေါ၊
ကထံ ဗဟုဝစနန္တိ အာဟ “ရုဋ္ဌိသဒ္ဓေနာ”တိ။ အက္ခရစိန္တကာ ဟိ ဤဒိသေသု
ဌာနေသု ယုတ္တေ ဝိယ ဤဒိသလိင်္ဂဝစနာနိ၊ ဣန္ဒန္တိ၊ အယမေတ္ထ ရုဋ္ဌိ ယထာ
အညတ္ထပိ “ကုရုသု ဝိဟရတိ၊ အင်္ဂေသု ဝိဟရတိ”တိ စ။ တဗ္ဗိသေသနေပိ
ဇနပဒ-သဒ္ဓေ ဇာတိ-သဒ္ဓေ^၁ ကေဝစနမေဝ။ ပေါရာဏာ ပနာတိ
ပန-သဒ္ဓေါ ဝိသေသတ္ထဇောတနော၊ တေန ပုထုအတ္ထဝိသယတာယ ဧဝဉ္စေတံ
ပုထုဝစနန္တိ ဝက္ခမာနဝိသေသံ ဇောတေတိ။ ဗဟုပ္ပဘေဒေါ ဟိ သော
ပဒေသော တိယောဇနသတပရိမာဏတာယ။ နင်္ဂလာနိပိ ဆန္ဒေတွာတိ
ကမ္မပ္ပဟာနဝသေန နင်္ဂလာနိပိ ပဟာယ၊ နိဒဿနမတ္တဉ္စေတံ။ န ကေဝလံ
ကဿကာ ဧဝ၊ အထ ခေါ အညေပိ မနဿာ အတ္တနော အတ္တနော ကိစ္စံ
ပဟာယ တတ္ထ သန္တိပတိံသု။ “သော ပဒေသော”တိ ပဒေသသာမညတော
ဝုတ္တံ၊ ဝစနဝိပလ္လာသေန ဝါ၊ တေ ပဒေသာတိ အတ္ထော။ ကောသလာတိ
ဝုစ္စတိ ကုသလာ ဧဝ ကောသလာတိ ကတွာ။

စာရိကန္တိ စရဏံ၊ စရဏံ ဝါ စာရော၊ သော ဧဝ စာရိကာ။ တယိဒံ
မဂ္ဂဂမနံ ဣဓာမိပ္ပေတံ၊ န စုဏ္ဏိကဂမနမတ္တန္တိ အာဟ “အဒ္ဓါနဂမနံ
ဂန္ထန္တော”တိ။ တံ ဝိဘာဂေန ဒဿေတုံ “စာရိကာ ဓ နာမေသာ”တိ-
အာဒိ ဝုတ္တံ။ တတ္ထ ဣရေဝီတိ နာတိဒူရေပိ။ သဟသာ ဂမနန္တိ သီသဂမနံ။ မဟာ-
ကဿပပစ္စုဂ္ဂမနာဒိ^၂ ဧကဒေသေန ဝတွာ ဝနဝါသီတိဿသာမဏေရဿ၊
ဝတ္ထုံ ဝိတ္ထာရေတွာ ဇနပဒစာရိကံ ကထေတုံ “အဂဝါ ဟိ”တိအာဒိ အာရဒ္ဓံ။
အာကာသဂါမိဟိ ဧဝ သဒ္ဓိံ ဂန္တုကာမော “ဆဋ္ဌဘိညာနံ အာရောဓေဟိ”တိ
အာဟ။

၁-ဒိ-ဋ္ဌ ၁-၂-ပိဋ္ဌေ၊

၃-ဇာတိသဒ္ဓတ္တာ(က)

၂-သလိင်္ဂဝစနာနိ (မဇ္ဈိမာဂမဋိကာယံ၊ အင်္ဂုတ္တရဋီကာယဉ္စ)

၄-သံ-ဋ္ဌ ၂-၁ဂ၁-ပိဋ္ဌေ။

၅-ဓမ္မပဒ-ဋ္ဌ ၁-၃၄၀-ပိဋ္ဌေ ဝိတ္ထာရော။

သံဃကမ္မဝသေန သိဇ္ဈမာနာပိ ဥပသမ္ပဒါ သတ္ထု အာဏာဝသေနဝ သိဇ္ဈနတော “ဗုဒ္ဓဒါယန္တံ တေ ဒဿာမိ”တိ ဝုတ္တန္တိ ဝဒန္တိ။ အပရေ ပန အပရိပုဏ္ဏဝိသတိဝဿဿေဝ တဿ ဥပသမ္ပဒံ အနုဇာနန္တော “ဒဿာမိ”တိ အဝေါစာတိ ဝဒန္တိ။ ဥပသမ္ပာဒေတွာတိ ဓမ္မသေနာပတိနာ ဥပဇ္ဈာယေန ဥပသမ္ပာဒေတွာ။

နဝယောဇနသတိကမ္ပိ ဌာနံ မဇ္ဈိမဒေသပရိယာပန္နမေဝ၊ တတော ပရိ နာမိပ္ပေတံ တုရိတစာရိကာဝသေန အဂမနတော။ သမန္တာတိ ဂတဂတဌာ- နဿ စတူသု ပဿေသု သမန္တတော။ အညေနပိ ကာရဏေနာတိ ဘိက္ခုနံ သမထဝိပဿနာတရုဏဘာဝတော အညေနပိ မဇ္ဈိမမဏ္ဍလေ ဝေနေယျာနံ ဉာဏပရိပါကာဒိကာရဏေန မဇ္ဈိမမဏ္ဍလံ ဩသရတိ။ “သတ္တဟိ ဝါ”တိအာဒိ “ဧကမာသံ ဝါ”တိအာဒိနာ ဝုတ္တာနုက္ကမေန ယောဇေတမ္ပိ။

သရီရဗာသုကတ္တာယာတိ ဧကသ္မိယေဝ ဌာနေ နိဗ္ဗုတိသဝသေန ဥဿန္တ- ဓာတုကဿ သရီရဿ ဝိစရဏေန ဗာသုကတ္တာယ။ အဋ္ဌပ္ပတ္တိကာလာဘိ- ကန်နတ္တာယာတိ အဂ္ဂိက္ခန္ဓောပမသုတ္တံ၊ မသဒေဝဇာတကာဒိ၂ဒေသနာနံ ဝိယ ဓမ္မဒေသနာယ အဋ္ဌပ္ပတ္တိကာလံ အာကန်မာနေန။ သုရာပါနသိက္ခာပဒ- ပညာပနေ၊ ဝိယ သိက္ခာပဒပညာပနတ္တာယ။ ဗောဓနေယျသတ္တေ အင်္ဂလိ- မာလာဒိကေ၊ ဗောဓနတ္တာယ။ ကဉ္စိ၊ ကတိပယေ ဝါ ပုဂ္ဂလေ ဥဒ္ဓိဿ စာရိကာ နိဗ္ဗုတောရိကာ။ တဒညာ အနိဗ္ဗုတောရိကာ။

ဒဿသဟဿိလောကဓာတုယာတိ ဇာတိခေတ္တဘူတေ ဒဿသဟဿ- စက္ကဝါဠေ။ တတ္ထ ဟိ သတ္တေ ပရိပတ္တိန္ဒြိယေ ပဿိတုံ ဗုဒ္ဓဉာဏံ အဘိနိ- ဟရိတွာ ဌိတော ဘဂဝါ ဉာဏဇာလံ ပတ္တရတိတိ ဝုစ္စတိ။ သဗ္ဗညုတညာဏ- ဇာလဿ အန္တော ပရိဋ္ဌောတိ တဿ ဉာဏဿ ဂေါစရဘာဝံ ဥပဂတော။ ဘဂဝါ ကိရ မဟာကရုဏာသမာပတ္တိံ သမာပဇ္ဇိတွာ တတော ဝုဠာယ “ယေ သတ္တာ ဘဗ္ဗာ ပရိပါကဉာဏာ အဇ္ဇေ မယာ ဝိနေတဗ္ဗာ၊ တေ မယံ ဉာဏဿ ဥပဋ္ဌဟန္တူ”တိ စိတ္တံ အဓိဋ္ဌာယ သမန္နာဟရတိ၊ တဿ သဟ- သမန္နာဟာရာ ဧကော ဝါ ဒွေ ဝါ ဗဟူ ဝါ တဒါ ဝိနယူပဂါ ဝေနေယျာ ဉာဏဿ အာပါထမာဂစ္ဆန္တိ၊ အယမေတ္ထ ဗုဒ္ဓါနုဘာဝေါ။ ဧဝမ္ပိ အာပါထမာ- ဂတာနံ ပန နေသံ ဥပနိဿယံ ပုဗ္ဗစရိယံ ပုဗ္ဗဟေတုံ သမ္ပတိ ဝတ္တမာနဉ္စ

၁-အံ ၂-၄၉၅-ပိဋ္ဌေ။

၃-ဝိ ၂-၁၄၆-ပိဋ္ဌေ။

၂-၃ ၅-၃-ပိဋ္ဌေ။

၄-မ ၂-၃၀၁-ပိဋ္ဌေ ဝိတ္ထာရော။

ပဋိပတ္တိံ ဩလောကေတိ၊ တေနာဟ “အထ ဘဂဝါ”တိအာဒိ။ ဝါဒပဋိဝါဒံ ကတွာတိ “ဧဝံ နု တေ အမ္ပဋ္ဌာ”တိအာဒိနာ မယာ ဝုတ္တဝစနဿ၊ “ယေ စ ခေါ တေ ဘော ဂေါတမ မုဏ္ဍကာ သမဏကာ”တိအာဒိနာ ပဋိဝစနံ ကတွာ တိက္ခတ္တံ၊ ဣတ္ထဝါဒနိပါတနဝသေန နာနပ္ပကာရံ အသန္တိဝါကျံ သာဓုသဘာဝါယ ဝါစာယ ဝတ္တံ၊ အယုတ္တဝစနံ ဝက္ခတိ။ နိဗ္ဗိသေဓနန္တိ ဂိဂတတုဒနံ၊ မာနဒဗ္ဗဝသေန အပဂတပရိပ္ပန္နနန္တိ အတ္ထော။

အဝသရိတဗ္ဗန္တိ ဥပဂန္တဗ္ဗံ။ “ဣန္ဒြာနင်္ဂလေ”တိ ဣဒံ တဒါ ဘဂဝတော ဂေါစရဂါမနိဒဿနံ သမိပတ္ထေ ဘုဗ္ဗန္တိ ကတွာ။ “ဣန္ဒြာနင်္ဂလဝနသဏ္ဍေ”တိ နိဝါသနဋ္ဌာနဒဿနံ အဓိကရဏေ ဘုဗ္ဗန္တိ။ တဒုဘယံ ဝိဝရန္တော “ဣန္ဒြာနင်္ဂလံ ဥပနိဿာယာ”တိအာဒိမာဟ။ ဓမ္မရာဇဿ ဘဂဝတော သဗ္ဗသော အဓမ္မ- နိဂ္ဂဏှနပရာ ပဋိပတ္တိံ၊ သာ စ သီလသမာဓိပညာဝသေနာတိ တံ ဒဿေတုံ “သီလခန္ဓာဝါရ”န္တိအာဒိ ဝုတ္တံ။ ယထာဘိရုစိတေနာတိ ဒိဗ္ဗဝိဟာရာဒိသု ယေန ယေန အတ္တနော အဘိရုစိတေန ဝိဟာရေန။

ပေါက္ခရသုတိဝတ္ထုဝတ္ထနာ

၂၅၅။ မန္တေတိ ဣရုဗ္ဗေဒါဒိမန္တသတ္တေ။ ပေါက္ခရေ ကမလေ သယမာနော နိသီဒိတိ ပေါက္ခရသုတိ။ သာတိ ဝုစ္စတိ သမသဏ္ဌာနံ၊ ပေါက္ခရေ သဏ္ဌာနာဝ- ယဝေဇာတောတိ “ပေါက္ခရသုတိ”တိဝိ ဝုစ္စတိ။ သေတပေါက္ခရသဒိသောတိ သေတပဒုမဝဏ္ဏော။ သုဝဋ္ဋိတာတိ ဝဋ္ဋဘာဝဿ ယုတ္တဋ္ဌာနေ သုဋ္ဌ၊ ဝဋ္ဌ၊ လာ။ ကာဠဝင်္ဂတိလကာဒိနံ အဘာဝေန သုပရိသုဒ္ဓါ။

ဣမဿ မြာဟ္မဏဿ ကိဒိသော ပုဗ္ဗယောဂေါ၊ ယေန နံ ဘဂဝါ အနုဂ္ဂဏှိတုံ တံ ဌာနံ ဥပဂတောတိ အာဟ “အယံ ပနာ”တိအာဒိ။ ပဒုမဂဇ္ဇေ နိဗ္ဗတ္တိ တေနာယံ သံသေဒဇော ဇာတော။ န ပုဗ္ဗတိတိ န ဝိကသတိ။ ရဇတဗိဗ္ဗကန္တိ ရူပိယမယံ ရူပကံ။

အဇ္ဈာဝသတိတိ ဧတ္ထ အဓိ-သဒ္ဓေါ ဣဿရိယတ္ထဒိပနော၊ အာ-သဒ္ဓေါ မရိယာဒတ္ထောတိ ဒဿေန္တော “အဘိဘဝိတွာ”တိအာဒိမာဟ။ တေဟိ ယုတ္တတ္တာဟိ ဥက္ကန္တန္တိ ဥပယောဂဝစနံ၊ တေနာဟ “ဥပသဂ္ဂဝသေနာ”တိအာဒိ။ ယာယ မရိယာဒါယာတိ ယာယ အတ္ထာယ။ နဂရဿ ဝတ္ထုန္တိ “အယံ ခဏော၊ သုမုဟုတ္တံ မာ အတိက္ကမီ”တိ ရတ္တိဝိဘာယနံ အနုရက္ခန္တာ ရတ္တိယံ

၁-သာဒိ ဝုစ္စတိ သမသဏ္ဌာနံ၊ ပေါက္ခရေန သာဒိ သမသဏ္ဌာနာဝယဝေါ တေသာတိ(?)

ဥက္ကာ ဌပေတွာ ဥက္ကာသု ဇလမာနာသု နဂရဿ ဝတ္ထု အဂ္ဂဟေသုံ၊ တသ္မာ ဥက္ကာသု ဌိတာတိ ဥက္ကန္တာ၊ ဥက္ကာသု ဝိဇ္ဇောတယန္တိသု ဌိတာ ပတ်ဌိတာတိ မူလဝိဘုဇာဒိပက္ခေပေန သဒ္ဓသိဗ္ဗိ ဝေဒိတဗ္ဗာ၊ နိရုတ္တိနယေန ဝါ ဥက္ကာသု ဌိတာသုဌိတာ အာသိတိ ဥက္ကန္တာ။ အပရေပန ဘဏန္တိ “ဘူမိဘာဂသမ္ပတ္တိယာ၊ ဥပကရဏသမ္ပတ္တိယာ၊ မနဿသမ္ပတ္တိယာ စ တံ နဂရံ ဥက္ကဋ္ဌရုဏယောဂတော ဥက္ကန္တာတိ နာမံ လဘိ”တိ။ တဿာတိ “ဥက္ကဋ္ဌ”န္တိ ဥပယောဂဝသေန ဝုတ္တပဒဿ။ အနုပယောဂက္ကာတိ ဝိသေသနဘာဝေန အနုပယုတ္တက္ကာ။ သေသပဒေသုတိ “သတ္တုဿဒ”န္တိ အာဒိပဒေသု။ ယထာဝိမိဟိ အနုပယောဂေါ ပရိမသ္မိ။ တက္ကာတိ “ဥပသဂ္ဂဝသေနာ”တိ အာဒိနာ ဝုတ္တဝိဇာနေ။ “သဒ္ဓသတ္တ-
တော ပရိယေသိတဗ္ဗ”န္တိ ဧတေန သဒ္ဓလက္ခဏာနဂတောဝါယံ သဒ္ဓပ္ပယော-
ဂေါတိ ဒဿေတိ။ ဥပအနုအဓိအာဇုတိဇေပုဗ္ဗကေ ဝသနကိရိယာဌာနေ ဥပယောဂဝစနမေဝ ပါပုဏာတိတိ သဒ္ဓဝိဒူ ဣစ္ဆန္တိ။

ဥဿဒတာ နာမေတ္ထ ဗဟုလတာတိ တံ ဗဟုလတံ ဒဿေတုံ “ဗဟုဇန”န္တိ-
အာဒိ ဝုတ္တံ။ ဂဟေတွာ ပေါသေတဗ္ဗံ ပေါသာဝနိယံ။ အာဝိဇ္ဈိတွာတိ
ပရိက္ခိပိတွာ။

ရညာ ဝိယ ဘုဉ္ဇိတဗ္ဗန္တိ ဝါ ရာဇဘောဂုံ။ ရညော ဒါယဘူတန္တိ ကုလ-
ပရမ္မရာယ ယောဂျဘာဝေန ရာဇတော လဒ္ဓဒါယဘူတံ၊ တေနာဟ “ဒါယဇ္ဇန္တိ
အတ္ထော”တိ။ ရာဇနိဟာရေန ပရိဘုဉ္ဇိတဗ္ဗတော ဥဗ္ဗံ ပရိဘောဂလာဘဿ
သေဋ္ဌဒေယျတာ နာမ နတ္ထိတိ အာဟ “ဆတ္တံ ဥဿာပေတွာ ရာဇသင်္ခေပေန
ဘုဉ္ဇိတဗ္ဗ”န္တိ။ “သဗ္ဗံ ဆေဇ္ဇဘေဇ္ဇ”န္တိ သရိရဒဏ္ဍဓနဒဏ္ဍာဒိဘေဒံ သဗ္ဗံ
ဒဏ္ဍမာဟ။ နဒိတိတ္ထပဗ္ဗတဒိသုတိ နဒိတိတ္ထပဗ္ဗတပါဒဂါမဒ္ဓါရအဋ္ဌဝိမုခါဒိသု။
“ရာဇဒါယ”န္တိ ဣမိနာဝ ရညော ဒိန္နဘာဝေ သိဒ္ဓေ “ရညာ ပသေနဒိနာ
ကောသလေန ဒိန္န”န္တိ ဝစနံ ကိမတ္ထိယန္တိ အာဟ “ဒါယကရာဇဒိပနတ္ထ”န္တိ-
အာဒိ။ နိဿဋ္ဌပရိစ္စတ္တန္တိ မုတ္တစာဂဝသေန ပရိစ္စတ္တံ ကတွာ။ ဧဝံ တံ သေဋ္ဌ-
ဒေယျံ ဥတ္တမဒေယျံ ဇာတံ။

ဥပလဘိတိ သဝနဝသေန ဥပလဘိတိ ဣမမတ္ထံ ဒဿေန္တော “သောတ-
ဒ္ဓါရာ။ ပ။ အညာသိ”တိ အာဟ။ အဝဓာရဏဖလက္ကာ သဗ္ဗမ္ပိ ဝါကျံ
အန္တောဂဓာဝဓာရဏန္တိ အာဟ “ပဒပူရဏမတ္ထေ နိပါတော”တိ။ “အဝ-
ဓာရဏတ္ထေ”တိ ပန ဣမိနာ ဣဋ္ဌတောဝဓာရဏတ္ထံ ခေါ-သဒ္ဓဂဟဏန္တိ

၁-ပါဏိနီ ၃၊ ၂၊ ၅-သုတ္တံ ပဿိတဗ္ဗံ။
ဒီ-ဋီ ၁-၁၉—န-ဗု-သ

ဒသေတိ။ “အဿောသီ”တိ ပဒံ ခေါ-သဒ္ဓေ ဂဟိတေ တေန ဖုလ္လိတမဏ္ဍိတံ
 ဝိယ ဟောန္တံ ပူရိတံ နာမ ဟောတိ၊ တေန စ ပုရိမပစ္စိမပဒါနိ သိလိဋ္ဌာနိ
 ဟောန္တိ၊ န တသ္မိံ အဂ္ဂဟိတေတိ အာဟ “ပဒပူရဏေန ပန ဗျဉ္ဇနသိလိဋ္ဌ-
 တာမတ္တမေဝါ”တိ။ မတ္တ-သဒ္ဓေါ ဝိသေသနိဝတ္တိအတ္ထော၊ တေနဿ
 အနတ္တန္တရဒီပနတာ ဒသိတာ ဟောတိ၊ ဧဝ-သဒ္ဓေန ပန ဗျဉ္ဇနသိလိဋ္ဌတာယ
 ဧကန္တိကတာ။

သမိတပါပတ္တာတိ အစ္စန္တံ အနဝသေသတော သဝါသနံ သမိတပါပတ္တာ။
 ဧဝံ ဗာဟိရကရိရာဂသေက္ခာသေက္ခပါပသမနတော ဘဂဝတော ပါပသမနံ
 ဝိသေသိတံ ဟောတိ၊ တေနာဟ “ပုတ္တဉ္ဇေတ”န္တိအာဒိ။ အနေကတ္တတ္တာ
 နိပါတာနံ ဣမ အနုဿဝတ္ထော အဓိပ္ပေတောတိ အာဟ “ခလူတိ အနုဿ-
 ဝတ္ထေ နိပါတော”တိ။ အာလပနမတ္တန္တိ ဝိယာလာပဝစနမတ္တံ။ ဝိယသမုဒါ-
 ဟာရော ဟေတေ “ဘော”တိ ဝါ “အာဝုသော”တိ ဝါ “ဒေဝါနံ ဝိယာ”တိ
 ဝါ။ ဂေါတ္တဝသေနာတိ ဧတ္ထ ဂံ တာယတိတိ ဂေါတ္တံ။ ဂေါတမောတိ ဟိ
 ပဝတ္တမာနံ ဝစနံ၊ ဗုဒ္ဓိန္ဒ တာယတိ ဧကံသိကဝိသယတာယ ရက္ခတိတိ ဂေါတ္တံ။
 ယထာ ဟိ ဗုဒ္ဓိ အာရမ္မဏဘူတေန အတ္ထေန ဝိနာ န ဝတ္တတိ၊ ဧဝံ အဘိဓာနံ
 အဘိဓေယျဘူတေန၊ တသ္မာ သော ဂေါတ္တသင်္ခါတော အတ္ထော တာနိ တာယတိ
 ရက္ခတိတိ ဝုစ္စတိ။ ကော ပန သောတိ? အညကုလပရမ္ပရာသာဓာရဏံ တဿ
 ကုလဿ အာဒိပုရိသသမုဒါဂတံ တံကုလပရိယာပန္နသာဓာရဏံ သာမညရူပန္တိ
 ဒဋ္ဌဗ္ဗံ။ ဧတ္ထ စ “သမဏော”တိ ဣမိနာ သရိက္ခကဇနေဟိ ဘဂဝတော
 မဟုမတဘာဝေါ ဒသိတော သမိတပါပတာကိတ္တနတော။ “ဂေါတမော”တိ
 ဣမိနာ လောကိယဇနေဟိ ဥဋ္ဌာရကုလသမ္ဘူတတာဒီပနတော။

ဥစ္စာကုလပရိဒီပနံ ဥဒိတောဒိတဝိပုလခတ္တိယကုလဝိဘာဝနတော။ သဗ္ဗ-
 ခတ္တိယာနဉ္စိ အာဒိဘူတမဟာသမ္ပတမဟာရာဇတော ပဋ္ဌာယ အသတ္တိန္တံ
 ဥဋ္ဌာရတမံ သကျရာဇကုလံ။ ကေနစိ ပါရိဇုညေနာတိ ဉ္ဇတိပါရိဇုညဘောဂ-
 ပါရိဇုညာဒိနာ ကေနစိ ပါရိဇုညေန ပါရိဟာနိယာ။ အနဘိဘူတော
 အနဇ္ဈောတ္တတော။ တထာ ဟိ တဿ ကုလဿ န ကိဉ္စိ ပါရိဇုညံ လောက-
 နာထဿ အဘိဇာတိယံ၊ အထ ခေါ ဝုရိယေဝ။ အဘိနိက္ခမနေ စ တတောဝိ
 သမိဒ္ဓတမဘာဝေါ လောကေ ပါကဠော ပညာတော။ ဣတိ “သကျကုလာ
 ပဗ္ဗဇိတော”တိ ဣဒံ ဝစနံ ဘဂဝတော သဒ္ဓါပဗ္ဗဇိတဘာဝဒီပနံ ဝုတ္တံ မဟန္တံ
 ဉ္ဇတိပါရိဝဋ္ဌံ၊ မဟန္တန္တ ဘောဂက္ခန္တံ ပဟာယ ပဗ္ဗဇိတဘာဝသိဒ္ဓိတော။ ဗုဒ္ဓရန္တိ
 ဘဒ္ဒကံ။ ဘဒ္ဒကတာ စ ပဿန္တဿ ဟိတသုခါဝဟဘာဝေန ဝေဒိတဗ္ဗာတိ

အာဟ “အတ္တာဝဟံ သုခါဝဟ” နှိ။ တတ္ထ အတ္တာဝဟ နှိ ဒိဋ္ဌဓမ္မိကသမ္ပရာယိက-
 ပရမတ္ထသံဟိတဟိတာဝဟံ။ သုခါဝဟ နှိ ယသာဝုတ္တတိဝိသုခါဝဟံ။ တထာ-
 ဂူပေါန နှိ တာဒိသာနံ။ ယာဒိသေဟိ ပန ဂုဏေဟိ ဘဂဝါ သမန္နာဂတော၊
 တေဟိ စတုပ္ပမာဏိကဿ လောကဿ သဗ္ဗထာပိ အစ္စန္ဒာယ သဒ္ဓါယ
 ပသာဒနီယော တေသံ ယထာဘူတသဘာဝတ္တာတိ ဒဿေန္တော “ယထာ-
 ဂူပေါ” တိအာဒိမာဟ။ တတ္ထ “ယထာဘူတ။ ပ။ အရဟတ” နှိ ဣမိနာ ဓမ္မပ္ပမာ-
 ဏာနံ၊ လူခပ္ပမာဏာနဉ္စ သတ္တာနံ ဘဂဝတော ပသာဒါဝဟတံ ဒဿေတိ။ တံ-
 ဒဿနေနေဝ စ ဣတရေသမ္ပိ အတ္တတော ပသာဒါဝဟတာ ဒဿိတာ ဟောတိတိ
 ဒဋ္ဌဗ္ဗံ တဒဝိနာဘာဝတော။ ဒဿနမတ္တမ္ပိ သာရ ဟောတိတိ ဧတ္ထ ကောသိယ-
 သကုဏဝတ္ထု^၁ ကထေတဗ္ဗံ။

အဗ္ဗန္ဓမာဏဝကထာဝဏ္ဏနာ

၂၅၆။ မန္တေ ပရိဝတ္တေတိတိ ဝေဒေ သဇ္ဈာယတိ၊ ပရိယာပုဏ္ဏာတိတိ
 အတ္ထော။ မန္တေ ဓာရေတိတိ ယထာအဓိတေ မန္တေ အသမ္မုဋ္ဌေ ကတွာ
 ဟဒယေ ဌပေတိ ဩဋ္ဌပဟတကရဏဝသေန၊ န အတ္ထဝိဘာဝနဝသေန။

သနိသဏ္ဍုကေဋ္ဌုဘာန နှိ ဧတ္ထ ဝစနီယဝါစကဘာဝေန အတ္ထံ သဒ္ဓဉ္စ
 နိဓဉ္စတိ ဘိန္ဒတိ ဝိဘဇ္ဇ ဒဿေတိတိ နိဓဏ္ဍု။ သာ ဝေ ဣဓ ခ-ကာရဿ
 ဃ-ကာရံ ကတွာ “နိသဏ္ဍု” တိ ဝုတ္တော။ ကိဋ္ဌယတိ ဂမေတိ ဉ္ဉပေတိ ကိရိယာ-
 ဒိဝိဘာဝံ၊ တံ ဝါ အနဝသေသပရိယာဒါနတော ဂမေန္တော ပူရေတိတိ ကေဋ္ဌုဘံ။
 ဝေဝနပ္ပကာသက နှိ ပရိယာယသဒ္ဓဒိပကံ၊ ဧကေကဿ အတ္ထဿ အနေက-
 ပရိယာယဝစနဝိဘာဝက နှိ အတ္ထော။ နိဒဿနမတ္တဉ္စေတံ အနေကေသမ္ပိ
 အတ္တာနံ ကေသဒ္ဓဝစနီယတာဝိဘာဝနဝသေနပိ တဿ ဂန္တဿ ပဝတ္တတ္တာ။
 ဝစိဘေဒါဒိလက္ခဏာ ကိရိယာ ကပ္ပိယတိ ဧတေနာတိ ‘ကိရိယာကပ္ပေ’၊
 သော ပန ဝဏ္ဏပဒသမ္ပန္န^၂ ပဒတ္တာဒိဝိဘာဝတော ဗဟုဝိကပ္ပေတိ အာဟ “ကိရိ-
 ယာကပ္ပဝိကပ္ပေ” တိ။ ဣဒဉ္စ မူလကိရိယာကပ္ပဂန္တံ သန္ဓာယ ဝုတ္တံ။ သော ဟိ
 သတသဟဿပရိမာဏော နယစရိယာဒိပကရဏံ^၃။ ဌာနကရဏာဒိဝိဘာ-
 ဝဘော၊ နိဗ္ဗစနဝိဘာဝတော စ အက္ခရာ ပဘေဒီယ နှိ တေဟိတိ အက္ခရပ္ပ-
 ဘေဒါ၊ သိက္ခာနိရုတ္တိယော။ ဧတေသန္တိ ဝေဒါနံ။

၁-မ-၄ ၁-၃၂၂၊ ခုဒ္ဒကပါဌ-၄-၁၂၇-ပိဋ္ဌေသု။
 ၂-ဝဏ္ဏပဒဗန္ဓ (က)
 ၃-နလစရိယာဒိပကရဏံ (မဇ္ဈိမာဂမဋိကာယံ)

တေ ဧဝံ ဝေဒေ ပဒေသော ကာယတိတိ ပဒကော။ တံ တံ သဒ္ဓိ
 တဒတ္ထဉ္စ ဗျာကရောတိ ဗျာစိက္ခတိ ဧတေနာတိ ဗျာကရဏံ၊ သဒ္ဓသတ္ထံ။
 အာယတိံ ဟိတံ တေန လောကော န ယတတိ န ဤဟတိတိ လောကာ-
 ယတံ။ တဉ္စ ဂန္တိ နိဿာယ သတ္တာ ပုညကိရိယာယ စိတ္တဗ္ဗိ န ဥပ္ပါဒေန္တိ။

ဝယတိတိ ဝယော၊ အာဒိမဇ္ဈပရိယောသာနေသု ကတ္ထစိ အပရိကိလမန္တော
 အဝိတ္ထာယန္တော တေ ဂန္တေ သန္တာရေတိ ပူရေတိတိ အတ္ထော။ ဒွေ ပဋိသေဓာ
 ပကတိံ ဂမေန္တိတိ ဒေသေန္တော “အဝယော န ဟောတိ”တိ ဝတ္တာ တတ္ထ
 အဝယံ ဒေသေတုံ “အဝယော နာမ။ ပ။ န သက္ကောတိ”တိ ဝတ္ထံ။ “အနုညာ-
 တော”တိ ပဒဿ ကမ္မသာနေဝသေန၊ “ပဋိညာတော”တိ ပန ပဒဿ ကတ္ထု-
 သာနေဝသေန အတ္ထော ဝေဒိတဗ္ဗောတိ ဒေသေန္တော “အာစရိယေနာ”တိ-
 အာဒိမာဟ။ အာစရိယပရမ္ပရာဘတံ အာစရိယကံ။ ဂစ္ဆတိ ဘာရိယံ အတ္တာနံ
 တတော မောစေတွာ ဂမနံ ဒုက္ကရံ ဟောတိ။ အနတ္ထောပိ ဥပ္ပဇ္ဇတိ နိန္ဒာ-
 ဗျာရောသဥပါရန္တာဒိ။

၂၅၇။ “အတ္တဂ္ဂတော”တိ ဧတ္ထ အဘိ-သဒ္ဓယောဂေန ဣတ္ထန္တိ။ တာ-
 ဗျာနတ္ထဝသေနော ဥပယောဂဝစနံ။

၂၅၈။ လက္ခဏာနီတိ လက္ခဏဒီပနာနိ မန္တပဒါနိ။ အန္တရဓာယန္တိတိ န
 ကေဝလံ လက္ခဏမန္တာနိယေဝ၊ အထ ခေါ အညာနိပိ မြာဟူဏာနံ ဉာဏ-
 ဗလာဘာဝေန အနုက္ကမေန အန္တရဓာယန္တိ။ တထာ ဟိ ဝဒန္တိ “ကေသတံ
 အဒ္ဓရိယံ သာခါ သဟဿဝတ္ထကော သာမာ”တိအာဒိ။ ပဏိမိ။ ပ။
 မဟတောတိ ဧတ္ထ ပဏိမိမဟတော သမာဒါနမဟတောတိအာဒိနာ ပစ္စေကံ
 မဟန္တ-သဒ္ဓေါ ယောဇေတဗ္ဗော။ ပဏိမိမဟန္တတာဒိ စဿ ဗုဒ္ဓဝံသစရိယာ-
 ပိဋကဝဏ္ဏနာဒိဝသေန ဝေဒိတဗ္ဗော။ နိဋ္ဌာတိ နိပ္ပတ္တိယော။ ဘဝဘေဒေတိ
 ဘဝဝိသေသေ။ ဣတော စ ဧတ္ထော စ ဗျာပေတွာ ဌိတတာ ဝိသုဒ္ဓဘာဝေါ။

ဇာတိသာမညတောတိ လက္ခဏဇာတိယာ လက္ခဏဘာဝမတ္တေန သမာန-
 ဘာဝတော။ ယထာ ဟိ ဗုဒ္ဓါနံ လက္ခဏာနိ သုဝိသဒါနိ၊ သုပရိဗျတ္တာနိ၊ ပရိပုဏ္ဏာနိ
 စ ဟောန္တိ၊ န ဧဝံ စက္ကဝတ္တိနံ၊ တေနာဟ “န တေဟေဝ ဗုဒ္ဓေါ ဟောတိ”တိ။
 အဘိရူပတာ၊ ဒီဃာယုကတာ၊ အပ္ပါတင်္ဂတာ၊ မြာဟူဏာဒိနံ ပိယမနာ-
 ပတာတိ ဣမေဟိ စတူဟိ အတ္ထရိယသဘာဝေဟိ။ ဒါနံ၊ ပိယဝစနံ၊ အတ္ထစရိယာ၊

၁-ကေသတံ အဒ္ဓရိယံ ဒီပညာသမတ္တတော သာမာတိအာဒိ။ (မဇ္ဈိမာဂမဋီကာယံ)

သမာနတ္တတာတိ ဣမေဟိ စတူဟိ သင်္ဂဟဝတ္ထုဟိ။ ရဉ္ဇနတောတိ ဝီတိဇနန-
တော။ စက္ကံ စက္ကရတနံ ဝတ္ထေတိ ပဝတ္ထေတိတိ ဝတ္ထဝတ္ထိ။ သမ္ပတ္တိစက္ကေဟိ သယံ
ဝတ္ထတိ၊ တေဟိ စ ပရံ သတ္တနိကာယံ ဝတ္ထေတိ ပဝတ္ထေတိတိ ဝတ္ထဝတ္ထိ။ ပရဟိ-
တာဝဟော ဣရိယာပထစက္ကာနံ ဝတ္ထော ဝတ္ထနံ ဧတဿ၊ ဧတ္တာတိ ဝါ ဝတ္ထ-
ဝတ္ထိ။ အပ္ပုပ္ပါဟတံ ဝါ အာဏာသင်္ခါတံ စက္ကံ ဝတ္ထေတိတိ ဝတ္ထဝတ္ထိ ခတ္တိယမဏ္ဍ-
လာဒိသညိတံ စက္ကံ သမူဟံ အတ္တနော ဝသေ ဝတ္ထေတိတိ ဝတ္ထဝတ္ထိ။ စက္ကဝတ္ထိ-
ဝတ္ထသင်္ခါတံ ဓမ္မံ စရတိ၊ စက္ကဝတ္ထိဝတ္ထသင်္ခါတော ဓမ္မော ဧတသ္မိ အတ္ထိတိ ဝါ ဓမ္မိ-
ကော။ ဓမ္မတော အနပေတတ္တာ ဓမ္မော ရဉ္ဇနဋ္ဌေန ရာဇာတိ ဓမ္မရာဇာ။ “ရာဇာ
ဟောတိ စက္ကဝတ္ထိ”တိ ဝုတ္တတ္တာ “စတုရန္တော”တိ ပဒံစတုဒိပိဿရတံ ဝိဘာဝေ-
တိတိ အာဟ “စတုသမုဒ္ဒအန္တောယာ”တိ အာဒိ။ တတ္ထ “စတုဒ္ဓိပဝိဘူသိတာ-
ယာ”တိ အဝတ္တာ “စတုဗ္ဗိဓာ”တိ ဝိဓေ-ဂ္ဂဟဏံ တံတံပရိတ္တဒိပါနဗ္ဗိ သင်္ဂဟတ္ထန္တိ
ဒဋ္ဌဗ္ဗံ။ ကောပါဒိတိ အာဒိ-သဒ္ဓေန ကာမမောဟမာနမဒါဒိကေ သင်္ဂဟတိ။
ဝိဇိတာဝိတိ ဝိဇိတဝါ။ ကေနစိ အကမ္ပိယဋ္ဌေန ဇနပဒေ ထာဝရိယပ္ပတ္တော၊
ဒဋ္ဌဘတ္တိဘာဝတော ဝါ၊ ဇနပဒေါ ထာဝရိယံ ပတ္တော ဧတ္တာတိ ဇနပဒတ္တာ-
ဝရိယပ္ပတ္တော။

စိတ္တိကတဘာဝါဒိနာပိ စက္ကဿ ရတနဋ္ဌော ဝေဒိတဗ္ဗော။ သေ နယော
သေသေသုပိ။ ရတိနိမိတ္တတာယ ဝါ စိတ္တိကတဘာဝိဘာဝဿ ရတိဇနနဋ္ဌေန
ကေသင်္ဂဟတာယ ဝိသု အဂ္ဂဟဏံ။ ဣမေဟိ ပန ရတနေဟိ ရာဇာ စက္ကဝတ္ထိ
ယံ ယမတ္ထံ ပစ္စနဘောတိ၊ တံ တံ ဒဿေတုံ “ဣမေသု ပနာ”တိ အာဒိ ဝုတ္တံ။
အဇိတံ ဇိနာတိ မဟေသက္ခဘာသံဝတ္တနိယကမ္မနိဿန္တဘာဝတော။ ဝိဇိတေ
ယထာသုခံ အနုစရတိ ဟတ္ထိရတနံ အဿရတနဉ္စ အဘိရုဟိတွာ တေသံ
အာနုဘာဝေန အန္တောပါတရာသေယေဝ သမုဒ္ဒပရိယန္တံ ပထဝိ အနု-
သံယာယိတွာ ရာဇဓာနိ ဧဝ ပစ္စာဂမနတော။ ပရိဏာယကရတနေန
ဝိဇိတမနုရက္ခတိ တေန တတ္ထ တတ္ထ ကာတဗ္ဗကိစ္စဿ သံဝိဓာနတော။
အဝသေသေဟိတိ မဏိရတနဣတ္ထိရတနဂဟပတိရတနေဟိ။ တတ္ထ မဏိ-
ရတနေန ယောဇနပ္ပမာဏေ ပဒေသေ အန္တကာရံ ဝိဓိတွာ အာလောက-
ဒဿနာဒိနာ သုခမနုဘဝတိ၊ ဣတ္ထိရတနေန အတိက္ကန္တမာနုသကရူပသမ္ပတ္တိ-
ဒဿနာဒိဝသေန၊ ဂဟပတိရတနေန ဣတ္ထိတိတ္ထိတမဏိကနကရဇတာဒိဓန-
ပဋိလာဘဝသေန။

၁-ခုဒ္ဒကပါဌ-၄-၁၄၃၊ ဒီ-၄ ၂-၃၅၊ သုတ္တနိပါတ-၉ ၁-၂၇၂၊ မဟာနိဒ္ဒေသ-၉-၂၃၁-ပိဋေသု။

ဥဿာဟသတ္တိယောဂေါ တေန ကေနစိ အပ္ပဋိဟတာဏာစက္ကဘာဝသိဒ္ဓိ-
တော။ ပစ္ဆိမေနာတိ ပရိဏာယကရတနေန။ တဉ္စိ သဗ္ဗရာဇကိစ္စေသု
ကုသလံ အဝိရဇ္ဈနယောဂံ၊ တေနာဟ “မန္တသတ္တိယောဂေါ”တိ။ ဟတ္ထိ-
အဿရဘနာနံ မဟာနုဘာဝတာယ ကောသသမ္ပတ္တိယာပိ ပဘာဝသမ္ပတ္တိ-
သိဒ္ဓိတော “ဟတ္ထိ ။ ပ။ ယောဂေါ”တိ ဝုတ္တံ။ (ကောသော ဟိ နာမ
သတိ ဥဿာဟသမ္ပတ္တိယံ ဒုဂ္ဂံ ‘တေဇံ ကုသုမောရံ ပရက္ကမံ ပဗ္ဗတောမုခံ
အမောသပဟရဏံ။) တိဝိသေတ္တိယောဂဇလံ ပရိပုဏ္ဏံ ဟောတိတိ သမ္ပန္နော။
သေသေဟိတိ သေသေဟိ ပဉ္စဟိ ရတနေဟိ။

အဒေါသကုသလမူလဇနိတကမ္မာနုဘာဝေနာတိ အဒေါသသင်္ခါတေန
ကုသလမူလေန သဟဇာတာဒိပစ္စယဝသေန ဥပ္ပါဒိတကမ္မဿ အာနုဘာဝေန
သမ္ပန္နန္တိ သောမ္မတရရတနဇာတိကတ္တာ။ မဇ္ဈိမာနိ မဏိဇ္ဈတ္တိဂဟပတိရတနာနိ။
အလောဘ။ ပ။ ကမ္မာနုဘာဝေန သမ္ပန္နန္တိ ဥဋ္ဌာရဿ ဓနဿ၊ ဥဋ္ဌာရဓနပဋိ-
လာဘကာရဏဿ စ ပရိစ္စာဂသမ္ပဒါဟေတုကတ္တာ။ ပစ္ဆိမန္တိ ပရိဏာယက-
ရတနံ။ တဉ္စိ အမောဟ။ ပ။ ကမ္မာနုဘာဝေန သမ္ပန္နန္တိ မဟာပညေနေဝ
စက္ကဝတ္တိရာဇကိစ္စဿ ပရိဏေတဗ္ဗတ္တာ။ ဥပဒေသော နာမ သဝိသေသံ သတ္တန္တံ
ရတနာနံ ဝိစာရဏဝသေန ပဝတ္တော ကထာဗန္ဓော ၂။

သရဏတော ပဋိပက္ခဝိမေနတော ချူရာ၊ တေနာဟ “အဘိရုကဇာတိ-
ကာ”တိ။ အသုရေ ဝိဇိနိတွာ ဌိတတ္တာ ဝိရော၊ သက္ကော ဒေဝါနမိန္ဒော။
တဿ အင်္ဂံ ဒေဝပုတ္တော သေနင်္ဂဘာဝတောတိ ဝုတ္တံ “ဝိရုဏ်ဗျူဟိတိ ဒေဝ-
ပုတ္တသဒိသကာယာ”တိ။ “ဧကေ”တိ သာရသမာသာစရိယမာဟ။ သဘာ-
ဝေါတိ သဘာဝဘူတော အတ္တော။ ဝိရုကာရဏန္တိ ဝိရဘာဝကာရဏံ။
ဝိရိယမယသရီရာ ဝိယာတိ သဝိဂ္ဂဟဝိရိယသဒိသာ၊ သဝိဂ္ဂဟံ စေ ဝိရိယံ သိယာ၊
တံသဒိသာတိ အတ္တော။ နနု ရညော စက္ကဝတ္တိဿ ပဋိသေနာ နာမ နတ္ထိ၊
ယ’မဿ ပုတ္တာပမဒ္ဒေယျု၊ အထ ကသ္မာ “ပရသေနပ္ပမဒ္ဒနာ”တိ ဝုတ္တန္တိ စောဒနံ
သန္ဓာယာဟ “သစေ”တိအာဒိ၊ တေန ပရသေနာ ဟောတု ဝါ မာ ဝါ၊
တေ ပန ဧဝံ မဟာနုဘာဝါတိ ဒေသေတိ။ ဓမ္မေနာတိ ကတုပစိတေန အတ္တနော
ပုညဓမ္မေန။ တေန ဟိ သဉ္ဇောဒိတာ ပထဝီယံ သဗ္ဗရာဇာနော ပစ္စုဂန္ဓာ
“သွာဂတံ တေ မဟာရာဇာ”တိအာဒိ၊ ဝတွာ အတ္တနော ရဇ္ဇံ ရညော
စက္ကဝတ္တိဿ နိယျာတေန္တိ၊ တေန ဝုတ္တံ “သော ဣမံ။ ပ။ အဇ္ဈာဝသတိ”တိ။

အဋ္ဌကထာယံ ပန တဿ ယထာဝုတ္တဿ ဓမ္မဿ စိရတရံ ဝိပဇ္ဈိတုံ ပစ္စယဘူတံ စက္ကဝတ္တိဝတ္တသမုဒါဂတံ ပယောဂသမ္ပတ္တိသင်္ခါတံ ဓမ္မံ ဒဿေတုံ “**ပါဏော န ဟန္တဗ္ဗောတိအာဒိနာ ပဉ္စသီလဓမ္မေနာ**”တိ ဝုတ္တံ။ ဧဝံ “အဒဏ္ဍေန အသတ္တေန”တိ ဣဒံ ဝစနံ သုဠတရံ သမတ္တိတံ ဟောတီတိ။ ယသ္မာ ရာဂါဒယော ပါပဓမ္မာ ဥပ္ပဇ္ဇမာနာ သတ္တသန္တာနံ ဆာဒေတွာ ပရိယောနန္ဓိတွာ တိဋ္ဌန္တိ ကုသလပ္ပဝတ္တိံ နိဝါရေန္တိ၊ တသ္မာ တေ “ဆဒနာ၊ ဆဒါ”တိ စ ဝုတ္တာ။ **ဝိဝဋ္ဋေတွာတိ ဝိဝဋ္ဋေတွာ။ ပူဇာရဟတာ ဝုတ္တာ “အရဟတီတိ အရဟ”န္တိ။** တဿာတိ ပူဇာရဟတာယ။ ယသ္မာ သမ္မာသမ္ဗုဒ္ဓေါ၊ တသ္မာ အရဟန္တိ။ **ဗုဒ္ဓတ္တဟေတုဘူတာ ဝိဝဋ္ဋန္တဒတာ ဝုတ္တာ သဝါသနသဗ္ဗကိလေသပ္ပဟာန-** ပုဗ္ဗကတ္တာ ဗုဒ္ဓဘာဝဿ။

အရဟံ ဝဇ္ဇာဘာဝေနာတိ ဖလေန ဟေတုအနုမာနဒဿနံ။ သမ္မာ- သမ္ဗုဒ္ဓေါ ဆဒနာဘာဝေနာတိ ဟေတုနာ ဖလာနုမာနဒဿနံ။ ဟေတုဥယံ ဝုတ္တံ “**ဝိဝဋ္ဋော ဝိစ္ဆဒေါ စာ**”တိ။ **ဒုတိယေန ဝေသာရဇ္ဇေနာတိ** “ဒိဏာသဝဿ တေ ပဋိဇာနတော”တိအာဒိနာ၊ ဝုတ္တေန ဝေသာရဇ္ဇေန။ **ပုရိမသိဒ္ဓိတိ** ပုရိမဿ ပဒဿ အတ္ထသိဒ္ဓိတိ အတ္ထော။ **ပဌမေနာတိ** “သမ္မာသမ္ဗုဒ္ဓဿ တေ ပဋိဇာနတော”တိအာဒိနာ၊ ဝုတ္တေန ဝေသာရဇ္ဇေန။ **ဒုတိယသိဒ္ဓိတိ** ဒုတိယဿ ပဒဿ အတ္ထသိဒ္ဓိ၊ ဗုဒ္ဓတ္ထသိဒ္ဓိတိ အတ္ထော။ **တတိယ-** စတုတ္ထေဟိတိ “ယေ ခေါ ပန တေ အန္တရာယိကာ ဓမ္မာ”တိအာဒိနာ၊ “ယဿ ခေါ ပန တေ အတ္တာယာ”တိအာဒိနာ၊ စ ဝုတ္တေဟိ တတိယ- စတုတ္ထေဟိ ဝေသာရဇ္ဇေဟိ။ **တတိယသိဒ္ဓိတိ** ဝိဝဋ္ဋန္တဒနတာသိဒ္ဓိ။ ယာထာ- ဝတော အန္တရာယိကနိယျာနိကဓမ္မာပဒေသေန ဟိ သတ္ထု ဝိဝဋ္ဋန္တဒနဘာဝေါ လောကေ ပါကဠော အဟောသိ။ **ပုရိမံ ဓမ္မစက္ခုန္တိ** ပုရိမပဒံ ဘဂဝတော ဓမ္မစက္ခု သာဓေတိ ကိလေသာရီနံ၊ သံသာရစက္ကဿ စ အရာနံ ဟတဘာဝ- ဒီပနတော။ **ဒုတိယံ ပဒံ ဗုဒ္ဓစက္ခု သာဓေတိ** သမ္မာသမ္ဗုဒ္ဓဿေဝ တံသမ္ဘာ- ဝတော၊ တတိယံ ပဒံ သမန္တစက္ခု သာဓေတိ သဝါသနသဗ္ဗကိလေသပ္ပဟာန- ဒီပနတော။ “သမ္မာသမ္ဗုဒ္ဓေါ”တိ ဟိ ဝတ္တာ “ဝိဝဋ္ဋန္တဒေါ”တိ ဝစနံ ဗုဒ္ဓဘာဝါဝဟမေဝ သဗ္ဗကိလေသပ္ပဟာနံ ဝိဘာဝေတိ။ “**သုရဘာဝ**”န္တိ လက္ခဏဝိဘာဝနေ ဝိသဒဉာဏတံ။

၁-မ ၁-၁၀၃၊ အံ ၁-၃၁၅-ပိဋေသု။
 ၂-မ ၁-၁၀၃၊ အံ ၁-၃၁၅-ပိဋေသု။
 ၃-တံသမ္ဘဝတော (အဘိနဝဋီ)

၂၅၉။ ဧဝံ ဘောတိ ဧတ္ထ ဧဝန္တိ ဝစနသမ္ပုဋ္ဌိန္နနေ နိပါတော။ ဝစန-
သမ္ပုဋ္ဌိန္နနဉ္စေတ္ထ “တထာ မယံ တံ ဘဝန္တံ ဂေါတမံ ဝေဒိဿာမ၊ တံ
မန္တာနံ ပဋိဂ္ဂဟေတာ”တိ စ ဧဝံ ပဝတ္တဿ ပေါက္ခရသတိနော ဝစနဿ
သမ္ပုဋ္ဌိဂ္ဂဟေတိ အာဟ “သောပိ တာယာ”တိအာဒိ။ တတ္ထ တာယာတိ
တာယ ယထာဝုတ္တာယ သမုတ္တေဇနာယ။ အယာနဘူမိန္တိ ယာနဿ အဘူမိ။
ဒိဝါပဓာနိကာတိ ဒိဝါပဓာနာနုယုဉ္ဇနကာ။

၂၆၀။ ယဒိပိ ပုဗ္ဗေ အမ္ပဋ္ဌကုလံ အပ္ပညာတံ၊ တဒါ ပန ပညာယတိတိ
အာဟ “တဒါ ကိရာ”တိအာဒိ။ အတုရိတောတိ အဝေဂါယန္တော။

၂၆၁။ ယထာ ခမနိယာဒိနိ ပုစ္ဆန္တောတိ ယထာ ဘဂဝါ “ကစ္စိ
ဝေါ မာဏဝါ ခမနိယံ၊ ကစ္စိ ယာပနိယ”န္တိအာဒိနာ ခမနိယာဒိနိ ပုစ္ဆန္တော
တေဟိ မာဏဝေဟိ သဒ္ဓိံ ပဌမံ ပဝတ္တမောဒေါ အဟောသိ ပုဗ္ဗဘာသိတာယ
တဒနုကရဏေန၊ ဧဝံ တေပိ မာဏဝါ ဘဂဝတာ သဒ္ဓိံ သမပ္ပဝတ္တမောဒေါ
အဟေသုန္တိ ယောဇနာ။ တံ ပန သမပ္ပဝတ္တမောဒတံ ဥပမာယ ဒဿေတုံ
“သီတောဒကံ ဝိယာ”တိအာဒိ ဝုတ္တံ။ တတ္ထ သမ္မောဒိတန္တိ သံသန္ဓိတံ။
ဧကိဘာဝန္တိ သမ္မောဒနကိရိယာယ သမာနတံ။ ခမနိယန္တိ “ဣဒံ စတုစက္ကံ
နဝဒ္ဓါရံ သရီရယန္တိ ဒုက္ခဗဟုလတာယ သဘာဝတော ဒုဿဟံ ကစ္စိ
ခမိတုံ သက္ကုဏေယျ”န္တိ ပုစ္ဆန္တိ၊ ယာပနိယန္တိ အာဟာရာဒိပစ္စယပဋိဗဒ္ဓဝုတ္တိကံ
စိရပ္ပဗန္ဓသင်္ခါတာယ ယာပနာယ ကစ္စိ ယာပေတုံ သက္ကုဏေယျံ။ သီသရောဂါဒိ-
အာဗာဓာဘာဝေန ကစ္စိ အပ္ပါဗာဓံ၊ ဒုက္ခဇီဝိကာဘာဝေန ကစ္စိ အပ္ပါတကံ၊
တံတံကိစ္စကရဏေ ဥဋ္ဌာနသုခတာယ ကစ္စိ လဟုဋ္ဌာနံ၊ တဒနုရူပဗလ-
ယောဂတော ကစ္စိ ဗလံ၊ သုခဝိဟာရသမ္ဘာဝေန ကစ္စိ ဗာသုဝိဟာရော
အတ္ထိတိ သဗ္ဗတ္ထ ကစ္စိ-သဒ္ဓိံ ယောဇေတွာ အတ္ထော ဝေဒိတဗ္ဗော။ ဗလပ္ပတ္တာ
ပီတိ ဝိတိယေဝ။ တရုဏပီတိ ပါမောဇ္ဇံ။ သမ္မောဒနံ ဇနေတိ ကရေတိတိ
သမ္မောဒနိကံ၊ တဒေဝ သမ္မောဒနိယံ။ သမ္မောဒိတဗ္ဗတော သမ္မောဒနိယန္တိ
ဣဒံ ပန အတ္ထံ ဒဿေတုံ ဝုတ္တံ “သမ္မောဒိတုံ ယုတ္တဘာဝတော”တိ။ သရိ-
တဗ္ဗဘာဝတော အနုဿရိတဗ္ဗဘာဝတော “သရဏီယ”န္တိ ဝတ္ထဗ္ဗေ “သာရဏီ-
ယ”န္တိ ဒီဃံ ကတွာ ဝုတ္တံ။ “သုယျမာနသုခတော”တိ အာပါထမရုတံ အာဟ၊
“အနုဿရိယမာနသုခတော”တိဝိမဒ္ဓရဏီယတံ။ “ဗျဉ္ဇနပရိသုဒ္ဓတာယာ”တိ
သဘာဝနိရုတ္တိဘာဝေန တဿာ ကထာယ ဝစနစာတုရိယမာဟ၊ “အတ္ထ-
ပရိသုဒ္ဓတာယာ”တိ အတ္ထဿ နိရုပတ္တိလေသတံ။ အနေကေဟိ ပရိယာယေဟိတိ
အနေကေဟိ ကာရဏေဟိ။

အပသာဒေသာမီတိ မင်္ဂ° ကရိဿာမိ။ ကဏ္ဍေ ဩလမ္ပေတွာတိ ဥဘောသု ခန္ဓေသု သာဠကံ အာသဇ္ဇေတွာ ကဏ္ဍေ ဩလမ္ပိတွာ°။ ဒုဿကဏ္ဍံ ဂဟေတွာတိ နိဝတ္ထုသာဠကဿ ဒဿာကောဉ္စိ° ဧကေန ဟတ္ထေန ဂဟေတွာ။ စင်္ကမံ အဘိရုဟိတွာတိ စင်္ကမိတုံ အာရဟိတွာ။ ဓာတုသမဏာတိ ရသာဒိဓာတုနံ သမာဝတ္ထတာ၊ အရောဂတာတိ အတ္ထော။ အနာစာရဘာဝသာရဏီယန္တိ အနာစာရဘာဝေန သရဏီယံ “အနာစာရော ဝတာယ”န္တိ သရိတဗ္ဗကံ။

၂၆၂။ “အဝဂ္ဂံ ဂဟေတုကာမော ဝိယာ”တိအာဒိ အသက္ကုဏေယျတ္တာ ဒုက္ကရံ ကိစ္ဆံ အာရဘတိတိ ဒဿေတုံ ဝုတ္တံ။ အသက္ကုဏေယျဉေတံ သဒေ-ဝကေနာပိ လောကေန၊ ယဒိဒံ ဘဂဝတော အပသာဒနံ၊ တေနာဟ “အဋ္ဌာနေ ဝါယမတိ”တိ။ အယံ ဗာလော “မယိ ကိဉ္စိ အကထေန္တေ မယာ သဒ္ဓိ° ကထေတုမ္ပိ န ဝိသဟတိ”တိ မာနမေဝ ပဂ္ဂဏိဿတိ၊ ကထေန္တေ ပန ကထာပသင်္ဂေနဿ ဇာတိဂေါတ္ထေ ဝိဘာဝိတေ မာနနိဂ္ဂဟော ဘဝိဿတိတိ ဘဂဝါ “ဧဝံ န တေ”တိအာဒိမာဟ။ တေန ဝုတ္တံ “အထ ခေါ ဘဂဝါ”တိအာဒိ။ အာစာရသမာစာရသိက္ခာပနေန အာစရိယာ၊ တေသံ ပန အာစရိယာနံ ပကဋ္ဌာ အာစရိယာတိ ပါစရိယာ ယထာ “ပပိတာ-မဟော”တိ၊ တေနာဟ “အာစရိယေဟိ ဓ တေသံ အာစရိယေဟိ၂ ဓာ”တိ။

ပဌမဇ္ဈိမဝါဒဝဏ္ဏနာ

၂၆၃။ တိသု ဣရိယာပထေသုတိဌာနဂမနနိသဇ္ဇာသု။ ကထာပဋ္ဌာသန္တိ° ကထာဝသေန ယုဂဂ္ဂါဟံ။ သယာနေန အာစရိယေန သဒ္ဓိ° သယာနဿ ကထာ နာမ အာစာရော န ဟောတိ၊ တံ ဣတရေဟိ သဒိသံ ကတွာ ကထနံ ဣဓ ကထာပဋ္ဌာသော။

တဿ ပန ယံ အနာစာရဘာဝဝိဘာဝနံ သတ္တာရာ အဗ္ဗုဋ္ဌေန သဒ္ဓိ° ကထေန္တေန ကတံ၊ တံ သင်္ဂီတိအနာရုဋ္ဌိ° ပရမ္ပရာဘတန္တိ ဥပရိ ပါဠိယာ သမ္ပန္နဘာဝေန ဒဿေန္တော “တတော ကိရာ”တိအာဒိမာဟ။ ပုဏ္ဏကာ သမဏကာတိ စ ဂရဟာယံ က-သဒ္ဓေါ၊ တေနာဟ “ဟိဋ္ဌေန္တော”တိ။ ဣဘဿ ပယောဂေါ ဣဘော ဥတ္တရပဒလောပေန၊ တံ ဣဘံ အရဟန္တိတိ ဣဗ္ဗာ။ ကိ° ဝုတ္တံ ဟောတိ? ယထာ ဣဘော ဟတ္ထိဝါဟနဘူတော ပရဿ ဝသေန ဝတ္တတိ၊ န အတ္တနော၊ ဧဝမေတေပိ ပြာဟ္မဏာနံ သုဿုသကာ သုဒ္ဓါ ပရဿ

၁-ခန္ဓေ အာသဇ္ဇေတွာ ဥဘော ခန္ဓေ ဩလမ္ပိတွာ (ဗဟုသု)	၂-ပါစရိယေဟိ (က)
၃-ကထာသလ္လာပံ (ဋ္ဌ)၊ ကထာပလာသန္တိ (ဗဟုသု)	၄-သင်္ဂီတိအနာရုဋ္ဌိ (အဘိနဝဋီ)

ဝသေန ဝတ္တန္တိ၊ န အတ္တနော၊ တသ္မာ ဣတသဒိသပယောဂတာယ ဣဗ္ဘာတိ။
 တေ ပန ကုဋုမ္ဘိကတာယ ဃရဝါသိနော ဃရဿာမိကာ ဟောန္တိတိ အာဟ
 “ဂဟပတိကာ”တိ။ ကဏ္ဍာတိ ကဏ္ဍဇာတိကာ။ ဒိဇာ ဧဝ ဟိ သုဒ္ဓဇာတိကာ၊
 န ဣတရေတိ တဿ အဓိပ္ပါယော၊ တေနာဟ “ကာဠုကာ”တိ။ မုခတော
 နိက္ခန္တာတိ မြာဟ္မဏာနံ ပုဗ္ဗပုရိသာ မြဟ္မာနော မုခတော နိက္ခန္တာ၊ အယံ တေသံ
 ပဌမုပ္ပတ္တိတိ အဓိပ္ပါယော။ သေသပဒေသုပိ ဧသေဝ နယော။ “သမဏာ ဝိဠိ-
 ပါဒတော”တိ ဣဒံ ပနဿ “မုခတော နိက္ခန္တာ”တိအာဒိဝစနတောပိ အတ်ဝိယ
 အသမဝေက္ခိတဝစနံ စတုဝဏ္ဏပရိယာပန္နဿေဝ သမဏဘာဝသမ္ဘဝတော။
 အနိယမေတွာတိ အဝိသေသေတွာ၊ အနုဒ္ဓေသိကတာဝေနာတိ အတ္ထော။

မာနဿယဝသေန ကထေတိတိ မာနဿယံ အဝဿာယ အတ္တာနံ
 ဥက္ကံသေန္တော၊ ပရေ စ ဝန္တေန္တော “မုဏ္ဍကာ”တိအာဒိံ ကထေတိ။ ဇာနာ-
 ပေမီတိ ဇာတိဂေါတ္တဿ ပမာဏံ ယာထာဝတော ဝိဘာဝနေန ပမာဏံ
 ဇာနာပေမီတိ။ အတ္ထော တေဿ အတ္တိတိ အတ္တိကံ ဒဏ္ဍိကဉာယေန။

“ယာယေဝ ခေါပနတ္တာယာ”တိ ဣတ္ထိလိဂ်ဝသေန ဝုတ္တန္တိ ဝဒန္တိ၊ တံပရ-
 တော “ပုရိသလိဂ်ဝသေနော”တိ ဝက္ခမာနတ္တာ ယုတ္တံ။ ယာယ အတ္တာယာတိ
 ဝါ ပုလ္လိဂ်ဝသေနေဝ တဒတ္ထေသမ္ပဒါနဝစနံ၊ ယဿ အတ္တဿ အတ္တာယာတိ
 အတ္ထော။ အဿာတိ အဗ္ဗဋ္ဌဿ ဒဿေတွာတိ သမ္ပန္နော။ အညေသန္တိ အညေသံ
 သာဓုရူပါနံ။ သန္တိကံ အာဂတာနန္တိ ဂုရုဋ္ဌာနိယာနံ သန္တိကံ ဥပဂတာနံ။
 ဝတ္တန္တိ တေဟိ စရိတဗ္ဗအာစာရံ။ အသိက္ခိတောတိ အာစာရံ အသိက္ခိတော။
 တတော ဧဝ အပ္ပဿုတော။ ဗာဟုသစ္စဉ္စိ နာမ ယာဝဒေဝ ဥပသမတ္ထံ ဣတ္ထိတဗ္ဗံ၊
 တဒဘာဝတော အဗ္ဗဋ္ဌော အပ္ပဿုတော အသိက္ခိတော “အဝုသိတော”တိ
 ဝိညာယတိ၊ တေနာဟ “တေဿ ဟိ”တိအာဒိ။

၂၆၄။ ကောဝေသစိတ္တတာယ အသကမနော။ မာနနိဗ္ဗဒနတ္တန္တိ မာနဿ
 နိဗ္ဗဒနတ္တံ။ ဥဂ္ဂိလေတွာတိ သိနေဟပါနေန ကိလိန္တံ ဥဗ္ဗမနံ ကတွာ။ ဂေါတ္တေန
 ဂေါတ္တန္တိ တေန ဝုတ္တေန ပုရာတနဂေါတ္တေန ဣဒါနိ တံ တံ အနဝဇ္ဇသညိတံ
 ဂေါတ္တံ သာဝဇ္ဇတော ဥဋ္ဌာပေတွာ ဥဒ္ဓရိတွာ။ သေသပဒေသုပိ ဧသေဝ
 နယော။ တတ္ထ ဂေါတ္တံ အာဒိပုရိသဝသေန၊ ဣလ္လာပဒေါသော တဒန္တယေ
 ဥပ္ပန္နအဘိညာတပုရိသဝသေန ဝေဒိတဗ္ဗော ယထာ “အာဒိစ္စော၊ မဿဒေ-
 ဝေါ”တိ။ ဂေါတ္တမူလဿ ဂါရယုတာယ အမာနဝတ္ထုဘာဝပဝေဒနတော
 “မာနဒ္ဓန္တံ မူလေ ဆေတွာ”တိ ဝုတ္တံ။ ဃဒ္ဓေန္တောတိ ဩမသန္တော။

ယသ္မိံ မာနုဿယကောရုဿယာ အညမညပတ္တဒ္ဓါ၊ သော “စဏ္ဍော”တိ
 ဝုစ္ဆတိတိ အာဟ “စဏ္ဍောတိမာနုဿိတကောယေတ္တာ”တိ။ ခရာတိ စိတ္တေန၊
 ဝါစာယ စ ကက္ခဋ္ဌာ။ လဟုကာတိ တရုဏာ။ အဿာတိ “သာဟသိကာ”တိ
 ကေဝိ ဝဒန္တိ။ “သာရမ္ဘကာ”တိ အပရေ။ သမာနာတိ ဟောန္တာ၊ ဘဝမာနာတိ
 အတ္ထောတိ အာဟ “သန္တာတိ ပုရိမပဒဿေဝ ဝေဝစန”န္တိ။ န သက္ကဓေန္တိတိ
 သက္ကာရံ န ကရေန္တိ။ အပစိတိကမ္ပန္တိ ပဏိပါတကမ္ပံ။ နာနုလောမန္တိ
 အတ္တနော ဇာတိယာ န အနုစ္စဝိကန္တိ အတ္ထော။

ဒုတိယဗျူဟဝိသုဒ္ဓိနာ

၂၆၅။ ကာမံ သကျရာဇကုလေ ယော သဗ္ဗေသံ ဗုဒ္ဓတရော သမတ္ထော စ၊
 သော ဧဝ အဘိသေကံ လဘတိ၊ ဧကစ္စော ပန အဘိသိတ္ထော သမာနော
 “ဣဒံ ရဇ္ဇံ နာမ ဗဟုကိစ္စံ ဗဟုဗျာပါရ”န္တိ တတော နိဗ္ဗိဇ္ဇ ရဇ္ဇံ ဝယဿ အနန္တရဿ
 နိဿျာတေတိ၊ ကဒါစိ သောပိ အညဿာတိ တာဒိသေ သန္ဓာယာဟ
 “သကျာတိ အဘိသိတ္တရာဇာနော”တိ။ ကုလဝံသံ ဇာနန္တိတိ ကဏ္ဍာယနတော
 ပဋ္ဌာယ ပရမ္ပရာဂတံ အနုဿဝဝသေန ဇာနန္တိ။ ကုလဘိမာနိနော ဟိ
 ယေဘုယျေန ပရေသံ ဥစ္စာဝစံ ကုလံ တထာ တထာ ဥဒါဟရန္တိ၊ အတ္တနော စ
 ကုလဝံသံ ဇာနန္တိ၊ ဧဝံ အဗ္ဗုဒ္ဓောပိ။ တထာ ဟိ သော ပရတော ဘဂဝတာ
 ပုစ္ဆိတော ဝဇီရပါဏိဘယေန ယာထာဝတော ကထေသိ။

တတိယဗျူဟဝိသုဒ္ဓိနာ

၂၆၆။ ခေတ္တလေဒူန္နန္တိ ခေတ္တေ ကသနဝသေန နဂ်လေန ဥဋ္ဌာပိတ-
 လေဒူန္နံ။ “လဋ္ဌုကိကာ”ဣစ္စေဝ ပညာတာ ခုဒ္ဒကသကုဏိကာ လဋ္ဌုကိကာ-
 ပမဝဏ္ဏနာယံ “စာတကသကုဏိကာ”တိ ဝုတ္တာ။ ကောဝေသေန လဂ္ဂိတုန္တိ
 ဥပနယိတုံ၊ အာဃာတံ ဗန္ဓိတုန္တိ အတ္ထော။ “အဗ္ဗေ ဟံသကောဉ္စမောရသမေ
 ကရေတိ”တိ ဣမိနာ “န တံ ကောစိ ဟံသော ဝါ”တိအာဒိဝစနံ သင်္ဂီတိ
 အနာရုဋ္ဌံ တဒါ ဘဂဝတာ ဝုတ္တမေဝါတိ ဒဿေတိ။ “ဧဝံ နု တေ”တိအာဒိ-
 ဝစနံ၊ “အဝုသိတဝါယေဝါ”တိအာဒိဝစနန္တ မာနဝသေန သမဏေန ဂေါတမေန
 ဝုတ္တန္တိ မညတိတိ အဓိပ္ပါယေနာဟ “နိဗ္ဗာနော ဒါနိ ဇာတောတိ မည-
 မာနော”တိ။

ဒါသိပုတ္တဝါဒဝဏ္ဏနာ

၂၆၇။ နိဗ္ဗာဒေတိတိ အ-ကာရဿ အာ-ကာရံ ကတွာ နိဒ္ဒေသောတိ အာဟ “နိဗ္ဗဒေတိ”တိ။ ကာမံ ဂေါတ္တံ နာမေတံ ပိတိတော လဒ္ဓဗ္ဗံ၊ န မာတိတော။ န ဟိ ပြာဟူဏာနံ သဂေါတ္တာယ အာဝါဟာဝါဟော ဣစ္ဆိတော၊ ဂေါတ္တနာမံ ပန ယသ္မာ ဇာတိသိဗ္ဗံ၊ န ကိတ္တိမံ၊ ဇာတိ စ ဥဘယသမ္ပန္နိနိ၊ တသ္မာ “မာတာပေတ္တိကန္တိ မာတာပိတုနံ သန္တက”န္တိ ဝုတ္တံ။ နာမဂေါတ္တန္တိ ဂေါတ္တနာမံ၊ န ကိတ္တိမနာမံ၊ န ဂုဏနာမံ ဝါ။ တတ္ထ “ကဏ္ဍာယနော”တိနိရုဋ္ဌာယာနာမပဏ္ဏတ္တိ၊ တံသန္ဓာယာဟ “ပဏ္ဏတ္တိဝသေန နာမ”န္တိ။ တံ ပန ကဏ္ဍဇ္ဈသိတော ပဋ္ဌာယ တသ္မိံ ကုလပရမ္ပရာဝသေန အာဂတံ၊ န တေသ္မိံယေဝ နိရုဋ္ဌံ၊ တေန ဝုတ္တံ “ပဝေဏီဝသေန ဂေါတ္တ”န္တိ။ ဂေါတ္တ-ပဒဿ ပန အတ္ထော ဟေဋ္ဌာ^၂ ဝုတ္ထောယေဝ။ အနုဿရတောတိ ဧတ္ထ န ကေဝလံ အနုဿရဏံ အဓိပ္ပေတံ၊ အထ ခေါ ကုလသုဒ္ဓိဝိမံသနဝသေနာတိ အာဟ “ကုလကောဋိံ သောဓေန္တဿာ”တိ။ အယုပုတ္တာတိ အယျိကပုတ္တာတိ အာဟ “သာမိနော ပုတ္တာ”တိ။ ဒိဿာ ဩက္ကာကရညော အန္တောဇာတာ ဒါသိတိ အာဟ “သရဒါသိယာ ပုတ္တာ”တိ။ ဧတ္ထ စ ယသ္မာ အဗ္ဗဋ္ဌော ဇာတိံ နိဿာယ မာနတ္ထဒ္ဓေါ၊ န စဿ ယာထာဝတော ဇာတိယာ အဝိဘာဝိတာယ မာနနိဂ္ဂဟော ဟောတိ၊ မာနနိဂ္ဂဟေ စ ကတေ အပရ-ဘာဂေ ရတနတ္ထယေ ပသိဒိဿတိ၊ န “ဒါသိ”တိ ဝါစာဖရသဝါစာ နာမ ဟောတိ စိတ္တဿ သဏ္ဍဘာဝတော။ အဘယသုတ္တ^၃ဇ္ဈေတ္ထ နိဒဿနံ။ ကေမိ စ သတ္တာ အဂ္ဂိနာ ဝိယ လောဟာဒယော ကက္ခဋ္ဌာယ ဝါစာယ မုဒုဘာဝံ ဂစ္ဆန္တိ၊ တသ္မာ ဘဂဝါ အဗ္ဗဋ္ဌံ နိဗ္ဗိသေဝနံ ကာတုကာမော “အယုပုတ္တာ သကျာ ဘဝန္တိ၊ ဒါသိပုတ္တာ တွမသိ သကျာန”န္တိ အဝေါစ။

ဌပေန္တိတိ ပညပေန္တိ၊ တေနာဟ “ဩက္ကာကော”တိအာဒိ။ ပဘာ နိစ္ဆရတိ ဒန္တာနံ အတိဝိယ ပဘဿရဘာဝတော။

ပဌမကပ္ပိကာနံန္တိ ပဌမကပ္ပဿ အာဒိကာလေ နိဗ္ဗတ္တာနံ။ ကိရ-သဒ္ဓေါ အနုဿဝတ္ထေ၊ တေန ယော ဝုစ္စမာနာယ ရာဇပရမ္ပရာယ ကေသဉ္စိ မတိဘေဒေါ၊ တံ ဥလ္လိင်္ဂေတိ။ မဟာသမ္ပတဿာတိ “အယံ နော ရာဇာ”တိ မဟာဇနေန သမ္ပန္နိတွာ ဌဝိတက္ကာ “မဟာသမ္ပတော”တိ ဧဝံ သမ္ပတဿ။ ယံ သန္ဓာယ ဝဒန္တိ—

၁-ကေသ္မိံယေဝ နိရုဋ္ဌံ (က) ၂-၂၉၀-ပိဋ္ဌေ။ ၃-မ ၂-၅၄၊ အံ ၁-၄၉၃-ပိဋ္ဌေ။

“အာဒိစ္စကုလသမ္ဘူတော၊ သုဝိသုဒ္ဓဂုဏာကရော။
မဟာနဘာဝေါ ရာဇာသိ၊ မဟာသမ္ပတနာမကော။
ယော စက္ခုဘူတော လောကဿ၊ ဂုဏရံသိသမုဇ္ဇလော။
တမောနဒေါ ဝိရောစိတ္တ၊ ဒုတိယော ဝိယ ဘာဏုမာ။
ဌပိတာ ယေန မရိယာဒါ၊ လောကေ လောကဟိတေသိနာ။
ဝဝတ္ထိတာ သက္ကုဏန္တိ၊ န ဝိလဉ်ယိတုံ ဇနာ။
ယသဿိနံ တေဇဿိနံ၊ လောကသီမာနုရက္ခကံ။
အာဒိဘူတံ မဟာဝီရံ၊ ကထယန္တိ ‘မနု’တိ ယ”န္တိ။

တဿံ စ ပုတ္တပပုတ္တပရမ္ပရံ သန္ဓာယ—

“တဿ ပုတ္တော မဟာတေဇော၊ ရောဇော နာမ မဟိပတိ။
တဿ ပုတ္တော ဝရရောဇော၊ ပဝရော ရာဇမဏ္ဍလေ။
တဿာသိ၊ ကလျာဏဂုဏော၊ ကလျာဏော နာမ အတြဇော။
ရာဇာ တဿာသိ၊ တနယော၊ ဝရကလျာဏနာမကော။
တဿ ပုတ္တော မဟာဝီရော၊ မန္ဓာတာ ကာမဘောဂိနံ။
အဂ္ဂဘူတော မဟိန္ဒေန၊ အမုရဇ္ဇေန ပူဇိတော။
တဿ သူနု မဟာတေဇော၊ ဝရမန္ဓာတုနာမကော။
‘ဥပေါသထော’တိ နာမေန၊ တဿ ပုတ္တော မဟာယသော၊
ဝရော နာမ မဟာတေဇော၊ တဿ ပုတ္တော မဟာဝရော၊
တဿာသိ၊ ဥပဝရောတိ၊ ပုတ္တော ရာဇာ မဟာဗလော။
တဿ ပုတ္တော မဃဒေဝေါ၊ ဒေဝတုလျော မဟိပတိ။
စတုရာသီတိသဟဿာနိ၊ တဿံ ပုတ္တပရမ္ပရာ။
တေသံ ပစ္ဆိမကော ရာဇာ၊ ‘ဩက္ကာကော’ဇ္ဇတိ ဝိဿုတော။
မဟာယသော မဟာတေဇော၊ အခုဒ္ဒေါ ရာဇမဏ္ဍလေ”တိအာဒိ။

တေသံ ပစ္ဆိမတောတိ တေသံ မဃဒေဝပရမ္ပရဘူတာနံ ကဋ္ဌာရီဇနက-
ပရိယောသာနာနံ အနေကသတသဟဿာနံ ရာဇူနံ အပရဘာဝေ ဩက္ကာကော

နာမ ရာဇာ အဟောသိ၊ တဿ ပရမ္ပရဘူတာနံ အနေကသတသဟဿာနံ
 ရာဇနံ အပရဘာဂေ အပရော ဩက္ကာကော နာမ ရာဇာ အဟောသိ၊ တဿ
 ပရမ္ပရဘူတာနံ အနေကသတသဟဿာနံ ရာဇနံ အပရဘာဂေ ပုနာပရော
 ဩက္ကာကော နာမ ရာဇာ အဟောသိ၊ တံ သန္ဓာယာဟ “တယော
 ဩက္ကာကံသာ အဟေသုံ။ တေသု တတိယဩက္ကာကဿာ”တိအာဒိ။

သဟဿ ဝရံ အဒါသိန္တိ ပုတ္တဒဿနေန သောမနဿပုတ္တော သဟဿ
 အဝိမံသိတွာ တုဗ္ဗိယာ ဝသေန ဝရံ အဒါသိ“ယံ ဣစ္ဆယိ၊ တံ ဂဏှာ”တိ။ ရဇံ
 ပရိဏာမေတုံ ဣစ္ဆတိဟိ သာ ဇန္တုကုမာရဿ မာတာ မမ တံ ဝရဒါနံ အန္တရံ
 ကတွာ ဣမံ ရဇံ ပရိဏာမေတုံ ဣစ္ဆတိတိ။

နပ္ပသဟေယျာတိ န ပရိယတ္တော ဘဝေယျ။
 နိက္ခမ္ဘာတိ သရာဝါသတော၊ ကာမေဟိ စ နိက္ခမိတွာ။ ဟေဋ္ဌာ
 စာတိ စ-သဒ္ဓေန “အသီတိဟတ္ထေ”တိ ဣဒံ အနုကမုတိ။ တေဟိတိ မိဂသူ-
 ကရေဟိ၊ မဏ္ဍုကမူသိကေဟိ စ။ တေတိ သီဟဗျုပ္ပါဒယော၊ သပ္ပဗိဋ္ဌာရာ စ။

အဝသေသာဟိ အတ္တနော အတ္တနော ကနိဋ္ဌာဟိ။
 ဝစုမာနာနန္တိ အနာဒရေ သာဓိဝစနံ။ ကုဋ္ဌရောဂေါ နာမ သာသမ-
 သူရိရောဂေါ ဝိယ ယေဘုယျေန သင်္ကမနသဘာဝေါတိ ဝုတ္တံ “အယံ ရောဂေါ
 သင်္ကမတိတိ ဖိန္နေတွာ”တိ။

မိဂသူကရာဒိနန္တိ အာဒိ-သဒ္ဓေန ဝနစရသောဏာဒိကေ သင်္ကဏှာတိ။
 တသ္မိံ နိသိန္ဓေတိ သမ္ပန္နော။ ခတ္တိယမာယာရောစနေန အတ္တနော ခတ္တိယ-
 ဘာဝံ ဇာနာပေတွာ။

နဂရံ မာပေဟိတိ သာဟာရံ နဂရံ မာပေဟိတိ အဓိပ္ပါယော။
 ကေသဂ္ဂဟဏန္တိ ကေသဝေဏိဗန္ဓနံ။ ဒုဿဂ္ဂဟဏန္တိ ဝတ္ထဿ နိဝါသနာ-
 ကာရော။

၂၆၈။ အတ္တနော ဥပါရုပ္ပမောစနတ္တာယာတိ အာစရိယေန အဗ္ဗေဒေန
 စ အတ္တနော အတ္တနော ဥပရံ ပါပေတဗ္ဗဥပဝါဒဿ အပနယနတ္ထံ။ အသ္မိံ
 ဝစနေတိ “စတ္တာရောမေ ဘော ဂေါတမ ဝဏှာ”တိအာဒိနာ အတ္တနာ
 ဝုတ္တေ၊ ဘောတာ စ ဂေါတမေန ဝုတ္တေ “ဇာတိဝါဒေ”တိ ဣမသ္မိံ ယထာဓိ-
 ကတေ ဝစနေ။ တတ္ထ ပန ယသ္မာ ဝေဒေ ဝုတ္တဝိမိနာဝ တေန ပဋိမန္တေတဗ္ဗံ

ဟောတိ၊ တဿ ဝုတ္တံ “ဝေဒတ္တယဝေနေ”တိ၊ “တေသ္မိံ ဝါ ဒါသိပုတ္တ-
ဝေနေ”တိ စ။

၂၇၀။ ဓမ္မော နာမ ကာရဏံ “ဓမ္မပဋိသန္တိဒါ”တိအာဒိသု^၁ ဝိယ၊ သဟ
ဓမ္မေနာတိ သဟဓမ္မော၊ သဟဓမ္မော ဧဝံ သဟဓမ္မိကောတိ အာဟ “သဟေ-
တုကော”တိ။

၂၇၁။ တဿ တဒါ ပဋိညာတတ္တာ။ တာသေတွာ ပဉ္စံ ဝိသန္ဓာပေဿာ-
နီတိ အာဂတော ယထာ တံ သစ္စကသမာဂမေ၊ “ဘဂဝါ စေဝ ပဿတိ
အဗ္ဗန္ဓော စာ”တိ ဧတ္ထ ဣဘရေသံ အဒဿနေ ကာရဏံ ဒဿေတုံ “ယဒိ
ဟိ”တိအာဒိ ဝုတ္တံ။ အာဝါဟေတွာတိ မန္တဗလေန အာနေတွာ။ တဿာတိ
အဗ္ဗန္ဓဿ။ ဝါဒသဃ်ဇ္ဇေတိ ဝါစာသဃ်ဇ္ဇေ။

၂၇၂။ တာဏန္တိ ဂဝေသမာနောတိ “အယမေဝ သမဏော ဂေါတမော
ဣတော ဘယတော မမ တာယကော”တိ ဘဂဝန္တိယေဝ “တာဏ”န္တိ ပရိ-
ယေသန္တော ဥပဂစ္ဆန္တော။ သေသပဒွယေပိ ဧသေဝ နယော။ တာယတီတိ
ယထာဥပဋ္ဌိတဘယတော ပါလေတိ၊ တေနာဟ “ရက္ခတိ”တိ၊ ဧတေန
တာဏ-သဒ္ဓဿ ကတ္ထုသာနေတမာဟ။ ယထုပဋ္ဌိတေန ဘယေန ဥပဒ္ဓါ-
တော နိလိယတိ ဧတ္တာတိ လေဏံ၊ ဥပလယနံ၊ ဧတေန လေဏ-သဒ္ဓဿ
အဓိကရဏသာနေတမာဟ။ “သရတိ”တိ ဧတေန သရဏ-သဒ္ဓဿ ကတ္ထု-
သာနေတမာဟ။

အဗ္ဗန္ဓဝံသကထာဝဏ္ဏနာ

၂၇၄။ ဂင်္ဂါယ ဒက္ခိဏတောတိ ဂင်္ဂါယ နဒိယာ ဒက္ခိဏဒိသာယ။
အာဝုဓံ န ပရိဝတ္တတိဘိ သရံ ဝါ သတ္တိအာဒိ^၂ ဝါ ပရဿ ဥပရိ ဒိပိတု-
ကာမဿ ဟတ္ထံ န ပရိဝတ္တတိ၊ ဟတ္ထေ ပန အပရိဝတ္တေန္တေ ကုတော အာဝုဓ-
ပရိဝတ္တနန္တိ အာဟ “အာဝုဓံ န ပရိဝတ္တတိ”တိ။ သောကီရ “ကထံ နာမာဟံ
ဒိသာယ ဒါသိယာ ကုန္တိမိ နိဗ္ဗတ္တော”တိ တံ ဟိနံ ဇာတိံ ဇိဂုစ္ဆန္တော
“ဟန္တာဟံ ယထာ တထာ ဣမံ ဇာတိံ သောဓေဿာမီ”တိ နိဂ္ဂတော၊
တေနာဟ “ဣဒါနိ မေ မနောရထံ ပူရေဿာမီ”တိအာဒိ။ ဝိဇ္ဇာဗလေန
ရာဇာနံ တာသေတွာ တဿ မိတုယာ လဒ္ဓကာလတော ပဋ္ဌာယ မျာယံ

ဇာတိသောဓိတာ ဘဝိဿတိတိ တဿ အဓိပ္ပါယော။ အမ္ပဋ္ဌံ နာမ
 ဝိဇ္ဇန္တိ သတ္တာနံ သရီရေ အပ္ပင်္ဂံ။ ဌပေတိတိ အမ္ပဋ္ဌာတိ ဧဝံ လဒ္ဓနာမံ
 ဝိဇ္ဇံ၊ မန္တန္တိ အတ္ထော။ ယတော အမ္ပဋ္ဌာ ဧတသ္မိံ အတ္ထိတိ အမ္ပဋ္ဌာတိ
 ကဏှော ဣသိ ပညာယိတ္ထ၊ တံဝံသဇာတတာယ အယံ မာဏဝေါ “အမ္ပ-
 ဋ္ဌာ”တိ ဝေါဟရိယတိ။

သေဋ္ဌမန္တေ ဝေဒမန္တေတိ အဓိပ္ပါယော။ မန္တာနုဘာဝေန ရညော
 ဗာဟုက္ခမ္ဘမတ္တံဇာတံ၊ တေနပနဿ ဗာဟုက္ခမ္ဘေန ရာဇာ “ကော ဇာနာတိ၊
 ကိံ ဘဝိဿတိ”တိ ဘိတော ဥဿင်္ဂိ ဥတြာသော အဟောသိ၊ တေနာဟ
 “ဘယေန ဝေမောနော အဋ္ဌာသိ”တိ။ သောတ္ထိ ဘဒ္ဒန္တေတိအာဒိဝစနံ၊
 အဝေါရံ “အယံ မဟာနုဘာဝေါ ဣသိ”တိ မညမာနာ။

ဥဒ္ဓိယိဿတိတိ ဝိပ္ပကိရိယိဿတိ၊ တေနာဟ “ဘိဇ္ဇိဿတိ”တိ။ မန္တေ
 ပရိဝတ္တိတေတိ ဗာဟုက္ခမ္ဘကမန္တဿ ပဋိပ္ပဿမ္ဘကဝိဇ္ဇာသင်္ခါတေ မန္တေ
 “သရော ဩတရတူ”တိ၊ ပရိဝတ္တိတေ။ ဧဝရူပါနဉ္စိ မန္တာနံ ဧကံသေနေဝ
 ပဋိပ္ပဿမ္ဘကဝိဇ္ဇာ ဟောန္တိယေဝ ယထာ တံ ကုသုမာရကဝိဇ္ဇာနံ။ အတ္တနော
 မိတု အပဝါဒမောစနတ္ထံ တဿ ဘုဇိဿကရဏံ။ တဿာနုရူပေ ဣဿရိ-
 ယေ ဌပနတ္ထံ ဥဋ္ဌာရေ ဝ နံ ဌာနေ ဌပေသိ။

ခတ္တိယသေဋ္ဌဘာဝဝဏ္ဏနာ

၂၇၅။ သမဿာသနတ္ထမာဟ ကရုဏာယန္တော၊ န ကုလိနဘာဝဒဿနတ္ထံ၊
 တေနာဟ “အထ ခေါ ဘဝေါ”တိအာဒိ။ မြာဟ္မဏေသ္မတိ မြာဟ္မဏာနံ
 သမိပေ၊ တတော မြာဟ္မဏေဟိ လဒ္ဓဗ္ဗံ အာသနာဒိံ သန္ဓာယ “မြာဟ္မဏာနံ
 အန္တရေ”တိ ဝုတ္တံ။ ကေဝလံ သဒ္ဓါယ ကာတဗ္ဗံ သဒ္ဓံ၊ ပရလောကဂတေ
 သန္ဓာယ န တတော ကိဉ္စိ အပတ္ထေန္တေန ကာတဗ္ဗန္တိ အတ္ထော၊ တေနာဟ
 “မတကေ ဥဒ္ဓိဿ ကတဘတ္တေ”တိ။ မင်္ဂလာဒိဘတ္တေတိ အာဒိ-သဒ္ဓေန
 ဥဿဝဒေဝတာရာနောဒိံ သင်္ဂဏာတိ။ ယညဘတ္တေတိ ပါပသညမာဒိဝသေန
 ကတဘတ္တေ။ ပါဟုနကာနန္တိ အတိထိနံ။ ခတ္တိယဘာဝံ အပ္ပတ္တော ဥဘတော
 သုဇာတတာဘာဝတော၊ တေနာဟ “အပရိသုဒ္ဓေါတိ အတ္တော”တိ။

၂၇၆။ ဣတ္ထိံ ကရိတွာတိ ဧတ္ထ ကရဏံ ကိရိယာသာမညဝိသယန္တိ အာဟ
 “ဣတ္ထိံ ပရိယေသိတွာ”တိ။ မြာဟ္မဏကညံ ဣတ္ထိံ ခတ္တိယကုမာရဿ

၁-အပ္ပင်္ဂံ (က) ၂-ဘန္တေတိအာဒိဝစနံ (က) ၃-ဩသရတူတိ (က)

ဘရိယာဘူတံ ဂဟေတွာပိ ခတ္ထိယာဝ သေဋ္ဌာ၊ ဟိနာ ပြာဟ္မဏာတိ ယောဇနာ။
ပုရိသေန ဝါ ပုရိသံ ကရိတွာတိ ဧတ္ထာပိ ဧသေဝ နယော။ ပကရဏေတိ
ရာဂါဒိဝသေန ပဒုဋ္ဌေ ပက္ခလိတေ ကာရဏေ၊ တေနာဟ “ဒေါသေ”တိ။
ဘဿတိ နိရတ္တကဘာဝေန ခိပိယတိတိ ဘဿံ၊ ဆာရိကာ။

၂၇၇။ ဇနိတသ္မိန္တိ ကမ္မကိလေသေဟိ နိဗ္ဗတ္တေ။ ဇနေ ဧတသ္မိန္တိ ဝါ
ဇနေတသ္မိန္တိ၊ မနုဿေသုတိ အတ္ထော၊ တေနာဟ “ဂေါတ္တပဋိသာရိနော”တိ။
သံသန္တိတွာတိ ဃဋေတွာ၊ အဝိရုဒ္ဓံ ကတွာတိ အတ္ထော။

ပဌမဘာဏဝါရဝဏ္ဏနာ နိဋ္ဌိတာ။

ဝိဇ္ဇာစရဏကထာဝဏ္ဏနာ

၂၇၈။ ဣဒံ ဝဇ္ဇတိတိ ဣဒံ အဇ္ဈေနာဒိ ကတ္တု လဗ္ဘတိ။ ဇာတိဝါဒဝိနိ-
ဗ္ဗေါတိ ဇာတိသန္ဓိသိတဝါဒေ ဝိနိဗ္ဗေါ။ ပြာဟ္မဏဿေဝ အဇ္ဈေနဇ္ဈာပန-
ယဇနယာဇနာဒယောတိ ဧဝံ ယေ အတ္တုက္ကံသနပရဝဗ္ဘနဝသေန ပဝတ္တာ၊
တတော ဧဝ တေ မာနဝါဒပဋိဗ္ဗေါ စ ဟောန္တိ။ ယေ ပန အာဝါဟဝိဝါဟ-
ဝိနိဗ္ဗေါ၊ တေ ဧဝ သမ္ပန္နတ္တယဝသေန “အရဟသိ ဝါ မံ တုံ၊ န ဝါ မံ တုံ အရဟ-
သိ”တိ ဧဝံ ပဝတ္တနကာ။

ယတ္ထာတိ ယဿံ ဝိဇ္ဇာစရဏသမ္ပတ္တိယံ။ လဂ္ဂိသာမာတိ ဩလဂ္ဂါ အန္တော-
ဂဓာ ဘဝိဿံမာတိ ဖိန္တယိဗ္ဗ။ ပရမတ္ထတော အဝိဇ္ဇာစရဏာနိယေဝ “ဝိဇ္ဇာ-
စရဏာနိ”တိ ဂဟေတွာ ဌိတော ပရမတ္ထတော ဝိဇ္ဇာစရဏေသု ဝိဘဇိယ-
မာနေသု သော တတော ဒူရတော အပနိတော နာမ ဟောတိတိ အာဟ
“ဒူရမေဝ အဝက္ခိဝိ”တိ။ သမုဒါဂမတော ပဘူတိတိ အာဒိသမုဋ္ဌာနတော
ပဋ္ဌာယ။

၂၇၉။ တိဝိဓံ သီလန္တိ ခုဒ္ဒကာဒိဘေဒံ တိဝိဓံ သီလံ။ သီလဝသေနောတိ
သီလပရိယာယေနော။ ကိဉ္စိ ကိဉ္စိတိ အဟိံသနာဒိယမနိယမလက္ခဏံ ကိဉ္စိ
ကိဉ္စိ သီလံ အတ္ထိ။ တတ္ထ တတ္ထေဝ လဂ္ဂေယျာတိ တသ္မိံ တသ္မိံယေဝ ပြာဟ္မဏ-
သမယသိဒ္ဓေ သီလမတ္ထေ “စရဏ”န္တိ လဂ္ဂေယျ။ အဋ္ဌပိ သမာပတ္တိယော
စရဏန္တိ နိယျာတိတာ ဟောန္တိ ရူပါဝစရစတုတ္ထဇ္ဈာနနိဒ္ဒေသေနော
အရူပဇ္ဈာနာနမ္ပိ နိဒ္ဒိဋ္ဌဘာဝါပတ္တိတော နိယျာတိတာ နိဒ္ဒဿိတာ။

စတုအပါယမုခကထာဝဏ္ဏနာ

၂၈၀။ အသမ္ပာပုဏန္တောတိ အာရဘိတွာ သမ္ပတ္တိ အသက္ကောန္တော။
 အဝိသဟမာနောတိ အာရဘိတုမေဝ အသက္ကောန္တော။ ခါရိန္တိ ပရိက္ခာရံ။ တံ
 ပန ဝိဘဇိတွာ ဒဿေတုံ “အရဏီ”တိအာဒိ ဝုတ္တံ။ တတ္ထ အရဏီတိ အဂ္ဂိဓ-
 မနကံ အရဏီဒွယံ။ သုဇာတိ ဒဗ္ဗိ။ အာဒိ-သဒ္ဓေန တိဒဏ္ဍတိသင်္ဃိကာဒိ
 သင်္ကဏာတိ။ ခါရိဘရိတန္တိ ခါရိဟိ ပုဏ္ဏံ။ နန ဥပသမ္ပန္နဿ ဘိက္ခုနော
 သာသနိကောပိ ယော ကောစိ အနုပသမ္ပန္နော အတ္ထတော ပရိစာရကောဝ၊
 ကိမင်္ဂ ပန ဗာဟိရကပဗ္ဗဇိတေတိ တတ္ထ ဝိသေသံ ဒဿေတုံ “ကာမဉ္ဇာ”တိ-
 အာဒိ ဝုတ္တံ။ ဝုတ္တနယေနာတိ “ကပ္ပိယကရဏ ဥပပတ္တိကရဏဝသေနာ”တိ ဧဝံ
 ဝုတ္တေန နယေန။ ပရိစာရကော ဟောတိ ဥပသမ္ပန္နဘာဝဿ ဝိသိဋ္ဌဘာဝတော။
 “နဝကောဋိသဟဿာနိ”တိအာဒိနာ ဝုတ္တပ္ပဘေဒါနံ အနေကသဟဿာနံ
 သံဝရဝိနယာနံ သမာဒိယိတွာ ဝတ္တနေန ဥပရိဘူတာ အဂ္ဂဘူတာ သမ္ပဒါတိ ဟိ
 “ဥပသမ္ပဒါ”တိ ဝုစ္စတိတိ။ ဂုဏာဓိကောပီတိ ဂုဏေဟိ ဥက္ကဋ္ဌောပိ။ အယံ
 ပနာတိ ဝုတ္တလက္ခဏော တာပသော။

တာပသာ နာမ ကမ္မဝါဒိကိရိယာဝါဒိနော၊ န သာသနဿ ပဋ္ဌာဏီဘူတာ၊
 ယတော နေသံ ပဗ္ဗဇိတုံ အာဂတာနံ တိတ္ထိယပရိဝါသေန ဝိနာဝ ပဗ္ဗဇ္ဇာ အနု-
 ညာတာတိ ကတွာ “ကမ္ဘာ ပနာ”တိ စောဒနံ သမုဋ္ဌပေတိ စောဒကော။
 အာစရိယော “ယသ္မာ”တိအာဒိနာ စောဒနံ ပရိဟရတိ။ “ဩသက္ကိဿတိ”တိ
 သင်္ခေပတော ဝုတ္တမတ္ထံ ဝိဝရိတုံ “ဣမသ္မိဉ္စိ”တိအာဒိ ဝုတ္တံ။ ခုရဓာရူပမန္တိ
 ခုရဓာရာနံ မတ္ထကေနေဝ အက္ကမိတွာ ဂမနူပမံ။ အညေတိ အညေ ဘိက္ခု။
 အဂ္ဂိသာလန္တိ အဂ္ဂိဟုတ္တသာလံ။ နာနာဒါရူဟိတိ ပလာသဒဏ္ဍာဒိနာနာဝိ-
 သမိဓာဒါရူဟိ။

ဣဒန္တိ “စတုဒ္ဓါရံ အာဂါရံ ကတွာ”တိအာဒိနာ ဝုတ္တံ။ အဿာတိ အဿ
 စတုတ္ထဿ ပုဂ္ဂလဿ။ ပဋိပတ္တိမုခန္တိ ကောဟညပဋိပတ္တိယာ မုခမတ္ထံ။ သော
 ဟိ နာနာဝိဓေန ကောဟညေန လောကံ ဝိမ္ဘာပေန္တော တတ္ထ အတ္ထတိ၊
 တေနာဟ “ဣမိနာ ဟိ မုခေန သော ဧဝံ ပဋိပဇ္ဇတိ”တိ။

ခလာဒီသု မနဿာနံ သန္တိကေ ဥပတိဋ္ဌိတွာ ဝိဟိမုဂ္ဂတိလမာသာဒိနိ
 ဘိက္ခာစရိယာနိယာမေန သင်္ကမိတွာ ဥဉ္ဇနံ ဥဉ္ဇာ၊ သာ ဧဝ စရိယာ ဝုတ္တိ
 ဧတေသန္တိ ဥဉ္ဇာစရိယာ။ အဂ္ဂိပက္ကေန ဇီဝန္တိတိ အဂ္ဂိပတ္တိကာ၊ န အဂ္ဂိပတ္တိကာ

၁-ဝိသုဒ္ဓိ ၁-၄၄၊ ပဋိသံ-ဋ္ဌ ၁-၁၈၈-ဝိဇ္ဇေသု။

အနဂ္ဂိပတ္တိကာ။ ဥဇ္ဈာစရိယာ ဟိ ခလေသု ဂန္တာ ခလဂ္ဂံ နာမ မနုဿေဟိ ဒိယျမာနံ ခညံ ဂဏှန္တိ၊ တံ ဣမေ န ဂဏှန္တိတိ အနဂ္ဂိပတ္တိကာ နာမ ဇာတာ။
အသမပါကာတိ အသယံပါစကာ။ အသ္မမုဋ္ဌိနာ မုဋ္ဌိပါသာဏေန ဝတ္တန္တိတိ
အသ္မမုဋ္ဌိကာ။^၁ ဒန္တေန ဥပ္ပါဋိတံ ဝတ္တလံ ရုက္ခတ္တစော ဒန္တဝတ္တလံ၊ တေန
 ဝတ္တန္တိတိ **ဒန္တဝတ္တလိကာ**။ ပဝတ္တံ ရုက္ခာဒိတော ပါတိတံ ဖလံ ဘုဉ္ဇန္တိတိ
ပဝတ္တဖလဘောဇိနော။^၂ ဇိဏ္ဏပက္ကတာယ ပဏ္ဍုဘူတံ ပလာသံ၊ တံသဒိသဉ္စ
 ပဏ္ဍုပလာသံ၊ တေန ဝတ္တန္တိတိ **ပဏ္ဍုပလာသိကာ**၊ သယံပတိတပုပ္ဖဖလ-
 ပဝတ္တဘောဇိနော။

ဣဒါနိ တေ အဋ္ဌဝိဓေပိ သရူပတော ဒဿေတုံ “တတ္ထာ”တိအာဒိ ဝုတ္တံ။
 သင်္ကနိတွာတိ ဘိက္ခာစရိယာဝသေန လဒ္ဓဓညံ ဧကန္တံ ကတွာ။

ပရိယေဋ္ဌိ နာမ ဒုက္ခာတိ ပရေသံ ဂေဟတော ဂေဟံ ဂန္တာ ပရိယေဋ္ဌိ
 နာမ ဒိနဝုတ္တိဘာဝေန ဒုက္ခာ။ ပါသာဏဿ ပရိဂ္ဂဟော ဒုက္ခော ပဗ္ဗဇိ-
 တဿာတိ ဝါ ဒန္တေဟေဝ ဥပ္ပါဋေတွာ ခါဒန္တိ။

ဣမာဟိ စတူဟိယေဝါတိ “ခါရိဝိဓောဒါယာ”တိအာဒိနာ ဝုတ္တာဟိ
 စတူဟိ ဧဝ တာပသပဗ္ဗဇ္ဇာဟိတိ။

၂၀၂။ အပါယေ ဝိနာသေ နိယုတ္တော အာပါယိကော။ တဗ္ဘာဝံ
 ပရိပူရေတုံ အသက္ခောန္တော တေန အပရိပူရေတ္ထော အပရိပူရမာနော၊ ကရဏေ
 စေတံ ပစ္စတ္တဝစနံ၊ တေနာဟ “အာပါယိကေနာပိ အပရိပူရမာနေနာ”တိ။

ပုဗ္ဗကဇ္ဈသိဘာဝါနုယောဂဝဏ္ဏနာ

၂၀၃။ ဒီယတိတိ ဒတ္တိ၊ ဒတ္တိယေဝ ဒတ္တိကန္တိ အာဟ “ဒိန္နက”န္တိ။ ယဒိ
 မြာဟ္မဏဿ သမ္ပုဒိဘာဝေါ ရညော န ဒါတဗ္ဗော၊ ကဿာဿ ဥပသင်္ကမနံ
 န ပဋိက္ခိတ္တန္တိ အာဟ “ယသ္မာ ပနာ”တိအာဒိ။ ခေတ္တဝိဇ္ဇာယာတိ^၃ နိတိသတ္ထေ။
 ပယာတန္တိ သဒ္ဓံ၊ သဿတိကံ^၄ ဝါ၊ တေနာဟ “အဘိဟရိတွာ ဒိန္န”န္တိ။ ကဿာ
 ဘဂဝါ “ရညော ပသေနဒိဿ ကောသလဿ ဒတ္တိကံ ဘုဉ္ဇတိ”တိအာဒိနာ
 မြာဟ္မဏဿ မဗ္ဗဝစနံ အဝေါစာတိ တတ္ထ ကာရဏံ ဒဿေတုံ “ဣဒံ ပန
 ကာရဏ”န္တိအာဒိ ဝုတ္တံ။

၁-အသ္မမုဋ္ဌိနာ။ပ။ အသ္မမုဋ္ဌိကာ။ (ဗဟုသု)	၂-ဘောဇနာ (၄)
၃-ခေတ္တဝိဇ္ဇာယ (၄)	၄-တဿနိကံ (?)

၄-ခု ၁-၃၂၂-ပိဋေ သုတ္တနိပါတေ။

“နိရာမဂန္ဓာ”တိ ဧတေန တေသံ ပေါရာဏာနံ ဗြာဟ္မဏာနံ ဝိက္ခမ္ဘိတ-
 ကိလေသတံ ဒဿေတိ။ “အနိတ္ထိဂန္ဓာ ဗြဟ္မစာရိနော”တိ ဧတေန ကေ-
 ဝိဟာရိတံ။ “ရဇောဇလ္လဓရာ”တိ ဧတေန မဏ္ဍနဝိဘူသနာနုယောဂါဘာဝံ။
 “အရညာယတနေ ပဗ္ဗတပါဒေသု ဝသိံသု”တိ ဧတေန မနုဿူပစာရံ
 ပဟာယ ဝိဝိတ္တဝါသံ။ “ဝနမူလဖလာဟာရာ ဝသိံသု”တိ ဧတေန သာလိမံ-
 သောဒနာဒိပဏီတာဟာရပဋိက္ခေပံ။ “ယဒါ”တိအာဒိနာ ယာနဝါဟန-
 ပဋိက္ခေပံ။ “သဗ္ဗဒိသာသု”တိအာဒိနာ ရက္ခာဝရဏပဋိက္ခေပံ။ ဧဝံ ဝဒန္တော
 မိစ္ဆာပဋိပဒါပက္ခိကံ သာစရိယဿ အဗ္ဗဋ္ဌဿ ဝုတ္တိံ ဥပါဒါယ သမ္မာပဋိပဒါ-
 ပက္ခိကာပိ တေသံ ဗြာဟ္မဏာနံ ဝုတ္တိ အရိယဝိနယေ သမ္မာပဋိပတ္တိံ ဥပါဒါယ
 မိစ္ဆာပဋိပဒါယေဝ။ ကုတဿ သလ္လေခပဋိပတ္တိယုတ္တတတိ။ “ဧဝံ သုတေ”တိ-
 အာဒိနာ ဘဂဝါ အဗ္ဗဋ္ဌ သန္တဇ္ဇေန္တော နိဂ္ဂဟာတိတိ ဒဿေတိ။

ဝေဠုကေဟိတိ ဝေဠုကပဋ္ဌကောဟိ။ သမန္တာနဂရန္တိ နဂရဿ သမန္တတော။
 ကတသုခာကမ္မံ ပါကာရဿ အဓောဘာဂေ ဌာနံ ဝုစ္စတိတိ အဓိပ္ပါယော။

ဒွေလက္ခဏဒဿနဝဏ္ဏနာ

၂၀၇။ န သက္ကောတိ သင်္ကံစိတေ ဣရိယာပထေ အနဝသေသတော တေသံ
 ဒုဗ္ဗိဘာဝနတော။ ဂဝေသီတိ ဉာဏေန ပရိယေသနံ အကာသိ။ သမာနယီတိ
 ဉာဏေန သံကလေန္တော သမ္မာ အာနယိ သမာဟရိ။ “ကင်္ခတိ”တိ ပဒဿ
 အာကင်္ခတိတိ အယမတ္ထောတိ အာဟ “အဟော ဝတ ပဿေယျန္တိ ပတ္တနံ
 ဥပ္ပါဒေတိ”တိ။ ကိစ္ဆတိတိ ကိလမတိ။ “ကင်္ခတိ”တိ ပဒဿ ပုဗ္ဗေ အာသိ-
 သနတ္ထတံ ဝတ္တာ ဣဒါနိဿ သံသယတ္ထတမေဝ ဝိကပ္ပန္တရဝသေန ဒဿေန္တော
 “ကင်္ခါယ ဝါ ဒုဗ္ဗလာ ဝိမတိ ဝုတ္တာ”တိ အာဟ။ တိဟိ ဓမ္မေဟိတိ တိပ္ပ-
 ကာရေဟိ သံသယဓမ္မေဟိ။ ကာလုသိယဘာဝေါတိ အပ္ပသန္နတဝယ ဟေတု-
 ဘူတော အာဝိလဘာဝေါ။

ယသ္မာ ဘဂဝတော ကောသောဟိတံ သဗ္ဗဗုဒ္ဓါနံ အာဇဏိကံ အညေဟိ
 အသာဓာရဏံ ဝတ္ထုဂယံ သုဝိသုဒ္ဓကမ္ဘနမဏ္ဍလသန္တိကာသံ၊ အတ္တနော သဏ္ဌာန-
 သန္တိဝေသသုန္တရတာယ အာဇာနေယျဂန္ဓဟတ္ထိနော ဝရင်္ဂပရမစာရဘာဝံ၊
 ဝိကသမာနတပနိယာ’ရဝိန္ဒသမုဇ္ဇလကေသရာဝတ္တဝိလာသံ၊ သဗ္ဗျာပဘာနုရဇ္ဇိ-
 တဇလဝနန္တရာဘိလက္ခိတသမ္ပုဏ္ဏစန္ဒမဏ္ဍလသောဘဉ္စ အတ္တနော သိရိယာ
 အဘိဘုယျ ဝိရာဇတိ။ ယံ ဗာဟိရုပ္ပန္တရမလေဟိ အနုပတ္တိလိဋ္ဌတဝယ၊
 စိရကာလံ သုပရိစိတဗြဟ္မစရိယာမိကာရတာယ၊ သုသဏ္ဌိတသဏ္ဌာနသမ္ပတ္တိယာ

၈ ကောဝိနဗွိ သန္တံ အကောဝိနမေဝ၊ တသ္မာ ဂုတ္တံ “ဘဂဝတော ဟိ”တိအာဒိ။ ပဟူတဘာဝန္တိ ပုထုလဘာဝံ။ ဧတ္ထေဝ ဟိ တဿ သံသယော၊ တနုမုဒုသု- ကုမာရတာဒိသု ပနဿ ဂုဏေသု ဝိစာရဏာ ဧဝ နာဟောသိ။

၂၈၈။ ဟိရိကရဏောကာသန္တိ ဟိရိယိတဗ္ဗဋ္ဌာနံ။ ဆာယန္တိ ပဋိဗိမ္ဗံ။ ကထံ ကိဒိသန္တိ အာဟ “ဣဒ္ဓိယာ”တိအာဒိ။ ဆာယာရူပကမတ္တန္တိ ဘဂဝတော ပဋိဗိမ္ဗရူပံ။ တဉ္စ ခေါ ဗုဒ္ဓသန္တာနတော ဝိနိမုတ္တတ္တာ ရူပကမတ္တံ ဘဂဝတော သရိရဝဏ္ဏသဏ္ဌာနာဝယဝံ ဣဒ္ဓိမယံ ဗိမ္ဗကမတ္တံ။ တံ ပန ရူပကမတ္တံ ဒဿေန္တော ဘဂဝါ ယထာ အတ္တနော ဗုဒ္ဓရူပံ န ဒိဿတိ၊ တထာ ကတွာ ဒဿေတိ။ နိဇ္ဇေတွာတိ နိဟရိတွာ။ ကလ္လောသီတိ ပုစ္ဆာဝိဿဇ္ဇနေ ကုသလော ဆေကော အသိ။ တထာကရဏေနာတိ ကထိနသုစိံ ဝိယ ကရဏေန။ ဧတ္တာတိ ပဟူတဇိဝှိယ။ မုဒုဘာဝေါ ပကာသိတော အမုဒုနော သနသုဒုမဘာဝါ- ပါဒနတ္ထံ အသက္ကုဏေယျတ္တာ ဒီဃဘာဝေါ, တနုဘာဝေါ စာတိ ဒဋ္ဌဗ္ဗံ။

၂၉၁။ “အတ္ထစရဏေနာ”တိ ဣမိနာ ဗျုတိရေကမုခေန အနတ္ထစရကတံယေဝ ဝိဘာဝေတိ။ န အညတြာတိ န အညသ္မိံ သုဂတိယန္တိ အတ္ထော။ ဥပနေတွာ ဥပနေတွာတိ တံ တံ ဒေါသံ ဥပနေတွာ ဥပနေတွာ၊ တေနာဟ “သုဋ္ဌ၊ ဒါသဒိဘာဝံ အာရောပေတွာ”တိ။ ပါတေသီတိ ပဝဋ္ဌနဝသေန ပါတေသိ။

ပေါက္ခရသတိဗုဒ္ဓပုပ္ဖသင်္ကမနဝဏ္ဏနာ

၂၉၃-၆။ အာဂမာနူတိ အာဂတော န။ ခေါတိ နိပါတမတ္တံ။ ဣဓာတိ ဧတ္ထ၊ တုမှာကံ သန္တိကန္တိ အတ္ထော။ အဓိဝါသေတူတိ သာဒိယတု၊ တံ ပန သာဒိယနံ မနသာ သမ္ပုဋ္ဌိဂ္ဂဟော ဟောတီတိ အာဟ “သမ္ပုဋ္ဌိစ္ဆတူ”တိ။

၂၉၇။ ယာဝဒတ္တန္တိ ယာဝ အတ္ထော၊ တာဝ ဘောဇနေန တဒါ ကတန္တိ အတ္ထော။ ဩဏိတ္တန္တိ အာမိသာပနယနေန သုစိကတံ၊ တေနာဟ “ဟတ္ထေ ဝ ပတ္တဉ္စ ခောဝိတွာ”တိ။

၂၉၈။ အနုပုဗ္ဗိံ ကထန္တိ အနုပုဗ္ဗံ ကထေတဗ္ဗကထံ၊ တေနာဟ “အနု- ပဋိပါဋိကထ”န္တိ။ ကာ ပန သာ? ဒါနာဒိကထာတိ အာဟ “ဒါနာနန္တရံ သီလ”န္တိအာဒိ။ တေန ဒါနကထာ တာဝ ပစုရဇနေသုပိ ပဝတ္တိယာ သဗ္ဗ- သာဓာရဏက္ခာ, သုကရက္ခာ, သီလေ ပတိဋ္ဌာနဿ ဥပါယဘာဝတော စ

အာဒိတော ကထေတဗ္ဗာ။ ပရိစ္ဆာဂသီလော ဟိ ပုဂ္ဂလော ပရိဂ္ဂဟိတဝတ္ထံ။ သု
နိဿင်္ဂဘာဝတော သုခေနော သီလနိ သမာဒိယတိ။ တတ္ထ စ သုပ္ပတိဋ္ဌိတော
ဟောတိ။ သီလေန ဒါယကပဋိဂ္ဂါဟကသုဋ္ဌိတော ပရာနုဂ္ဂဟံ ဝတ္တာ ပရပိဋ္ဌာနိ-
ဝတ္ထိဝစနတော, ကိရိယဓမ္မံ ဝတ္တာ အကိရိယဓမ္မဝစနတော, ဘောဂသမ္ပတ္တိ-
ဟေတု ဝတ္တာ ဘဝသမ္ပတ္တိဟေတုဝစနတော စ ဒါနကထာနန္တရံ သီလကထာ
ကထေတဗ္ဗာ။ တဉ္စေ ဒါနသီလံ ဝနုနိဿိတံ။ အယံ ဘဝသမ္ပတ္တိ တဿ ဖလန္တိ
ဒဿနတ္ထံ, ဣမေဟိ စ ဒါနသီလမယေဟိ ပဏီတပဏီတတရာဒိဘေဒဘိန္ဓေဟိ
ပုညကိရိယဝတ္ထုဟိ တော စာတုမဟာရာဇိကာဒိသု ပဏီတပဏီတတရာဒိ-
ဘေဒဘိန္ဒာ အပရိမေယျာ ဒိဗ္ဗဘောဂသမ္ပတ္တိယော လဒ္ဓဗ္ဗာတိ ဒဿနတ္ထံ
တဒနန္တရံ သဂ္ဂကထာ။ သွာယံ သဂ္ဂေါ ရာဂါဒိဟိ ဥပတ္တိလိဋ္ဌော၊ သဗ္ဗထာနု-
ပတ္တိလိဋ္ဌော အရိယမဂ္ဂေါတိ ဒဿနတ္ထံ သစ္စါနန္တရံ မဂ္ဂေါ ကထေတဗ္ဗော။
မဂ္ဂဉ္စေ ကထေန္တေန တဒဓိဂမုပါယသန္တဿနတ္ထံ သဂ္ဂပရိယာပနာပိ, ပဂေဝ
ဣတရေသဗ္ဗေပိ ကာမာ နာမ ဗဟ္တာဒိနဝါ အနိစ္စာ အဒ္ဓါဝါ ဝိပရိဏာမဓမ္မာတိ
ကာမာနံ အာဒိနဝေါ, ဟိနာ ဂမ္မာ ပေါထုဇ္ဇနိကာ အနရိယာ အနတ္ထ-
သဉ္ဇိတာတိ တေသံ ဩကာရော လာမကဘာဝေါ, သဗ္ဗေပိ ဘဝါ ကိလေသာနံ
ဝတ္ထုဘူတာတိ တတ္ထ သံကိလေသော, သဗ္ဗသံကိလေသဝိပုမုတ္တံ နိဗ္ဗာနန္တိ
နေက္ခမ္မေ အာနိသံသော စ ကထေတဗ္ဗောတိ အယမတ္ထော ဗောဓိတောတိ
ဝေဒိတဗ္ဗော။ မဂ္ဂေါတိ စေတ္တ ဣတိ-သဗ္ဗေန အာဒိအတ္ထဒိပနတော “ကာမာနံ
အာဒိနဝေါ”တိ ဧဝမာဒိနံ သင်္ဂဟောတိ ဧဝမယံ အတ္ထဝဏ္ဏနာ ကတာတိ
ဝေဒိတဗ္ဗော။ “တဿ ဥပ္ပတ္တိအာကာရဒဿနတ္ထံ”န္တိ ကသ္မာ ဝုတ္တံ။ နန မဂ္ဂဉ္ဇဏံ
အသင်္ခတဓမ္မာရမ္မဏံ၊ န သင်္ခတဓမ္မာရမ္မဏန္တိ စောဒနံ သန္တာယာဟ “တဉ္စိ”တိ-
အာဒိ။ တတ္ထ ပဋိဝိဇ္ဈန္တိ အသမ္မောဟပဋိဝေဒဝသေန ပဋိဝိဇ္ဈန္တိ၊ တေနာဟ
“ကိစ္စဝသေနာ”တိ။

ပေါက္ခရသုတ္တံပါသကတ္ထပဋိဝေဒနာကထာဝဏ္ဏနာ

၂၉၉။ ဧတ္ထ စ “ဒိဋ္ဌဓမ္မော”တိအာဒိပါဠိယံ ဒဿနံ နာမ ဉာဏဒဿနတော
အညမ္ဘိ အတ္ထိ^၁။ တန္တိဝတ္တနတ္ထံ “ပတ္တဓမ္မော”တိ ဝုတ္တံ။ ပတ္တိ စ ဉာဏသမ္ပတ္တိတော
အညမ္ဘိ ဝိဇ္ဇတိတိ တတော ဝိသေသဒဿနတ္ထံ “ဝိဒိတဓမ္မော”တိ ဝုတ္တံ။ သာ
ပနေသာ ဝိဒိတဓမ္မတာ ဧကဒေသတောပိ ဟောတိတိ နိပ္ပဒေသတော ဝိဒိတ-
ဘာဝံ ဒဿေတုံ “ပရိယောဂါဠဓမ္မော”တိ ဝုတ္တံ။ တေနဿ သစ္စာဘိသမ္မောဓိ-
ယေဝ ဒိပေတိ။ မဂ္ဂဉ္ဇဏဉ္စိ ဧကာဘိသမယဝသေန ပရိညာဒိကိစ္စံ သာဓေန္တိ

နိပ္ပဒေသေန စတုသစ္စဓမ္မံ သမန္တတော ဩဂါဠိ နာမ ဟောတိ၊ တေနာဟ
 “ဒိဋ္ဌော အရိယသစ္စဓမ္မော တေနာတိ ဒိဋ္ဌဓမ္မော”တိ။ တိဏ္ဏာ
 ဝိစိကိစ္ဆာတိ သပ္ပုဋ္ဌိဘယကန္တာရသဒိသာ သောဠသဝတ္ထုကာ၊ အဠဝတ္ထုကာ စ
 တိဏ္ဏာ ဝိဘိဏ္ဏာ ဝိစိကိစ္ဆာ။ ဝိဂတာ ကထံကထာတိ ပဝတ္တိအာဒိသု “ဧဝံ န
 ခေါ၊ န န ခေါ”တိ ဧဝံ ပဝတ္တိကာ ဝိဂတာ သမုတ္တိန္ဒာ ကထံကထာ။ ဝေသာ-
 ရဇ္ဇပ္ပတ္တောတိ သာရဇ္ဇကရာနံ ပါပဓမ္မာနံ ပဟိနတ္တာ၊ တပ္ပုဋ္ဌိပက္ခေသု စ
 သီလာဒီဂုဏေသု သုပ္ပတိဋ္ဌိတတ္တာ ဝေသာရဇ္ဇံ ဝိသာရဒဘာဝံ ဝေယျတ္တိယံ
 ပတ္တော အဓိဂတော။ သာယံ ဝေသာရဇ္ဇပ္ပတ္တိ သုပ္ပတိဋ္ဌိတဘာဝေါတိ ကတွာ
 အာဟ “သတ္ထုသာသနေ”တိ။ အတ္တနာ ပစ္စက္ခတော ဒိဋ္ဌတ္တာ အဓိဂတတ္တာ
 န ပရံ ပစ္စေတိ၊ န တဿ ပရော ပစ္စေတဗ္ဗော အတ္တိတိ အပရပ္ပစ္စယော။ ယံ
 ပနေတ္ထ ဝတ္တဗ္ဗံ အဝုတ္တံ၊ တံ ပရတော အာဂမိဿတိ။ သေသံ သုဝိညေယျမေဝ။

အဗ္ဗုဒ္ဓသုတ္တဝဏ္ဏနာယ လိနတ္ထပ္ပကာသနာ။

၄-သောဏဒဏ္ဍသုတ္တ

၃၀၀။ သုန္ဒရဘာဝေန သာတိသယာနိ အင်္ဂါနိ ဧတေသံ အတ္ထိတိ အင်္ဂါ၊ ရာဇကုမာရာတိ အာဟ “အင်္ဂါ နာမ အင်္ဂပါသဒိကတယာ”တိအာဒိ။ ဣဓာပိ အဓိပ္ပေတာ၊ န အဗ္ဗုဋ္ဌသုတ္တေ ဧဝံ။ အာဂန္တံ န ဒဿန္တိတိ အာဂမနေ အာဒိနဝံ ဒဿေတွာ ပဋိက္ခိပနဝသေန အာဂန္တံ န ဒဿန္တိ၊ နာနုဇာနိဿန္တိတိ အဓိပ္ပါယော။ နိလာသောကကဏိကာရကောဝိဋ္ဌာရကုန္ဒ- ရာဇရက္ခေဟိ သမ္ဗိဿတာယ တံ စမ္ပကဝနံ “နိလာဒိပဉ္စဝဏ္ဏကုသုမပဋိ- မဏ္ဍိတ”န္တိ ဒဋ္ဌဗ္ဗံ၊ န စမ္ပကရက္ခာနံယေဝ နိလာဒိပဉ္စကုသုမတယာတိ ဝဒန္တိ။ “ဘဂဝါ ကုသုမဂန္ဓသုဂန္ဓေ စမ္ပကဝနေ ဝိဟရတိ”တိ ဣမိနာ န မာပနကာလေ ဧဝ တသ္မိံ နဂရေ စမ္ပကရက္ခာ ဥဿန္ဓာ၊ အထ ခေါ အပရဘာဂေဝိတိ ဒဿေတိ။ မာပနကာလေ ဟိ စမ္ပကာနံ ဥဿန္ဓတာယ သာ နဂရီ “စမ္ပာ”တိ နာမံ လဘိ။ ဣဿရတ္တာတိ အဓိပတိဘာဝတော။ သေနာ ဧတဿ အတ္ထိတိ သေနိကော၊ သေနိကော ဧဝ သေနိယော၊ အတ္ထိတာ စေတ္ထ ဗဟုဘာဝ- ဝိသိဋ္ဌာတိ ဝုတ္တံ “မဟတိယာ သေနာယ သမန္တာဂတတ္တာ”တိ။

၃၀၁-၂။ သံဟတာတိ သန္နိပတိတာ၊ “သံသိနော”တိ ဝတ္ထဗ္ဗေ “သံဃီ”တိ ပုထုတ္တေ ကေဝစနံ ဗြာဟ္မဏဂဟပတိကာနံ အဓိပ္ပေတတ္တာ၊ တေနာဟ “ဧတေသ”န္တိ။ ရာဇရာဇညာဒိနံ ဘဏ္ဍဓရာ ပုရိသာ ခတာ၊ နေသံ တာယနတော ခတ္တာ။ သော ဟိ ယေဟိ ယတ္ထ ပေသိတော၊ တတ္ထ တေသံ ဒေါသံ ပရိဟရန္တော ယုတ္တပတ္တဝသေန ပုစ္ဆိတမတ္ထံ ကထေတိ၊ တေနာဟ “ပုစ္ဆိတပဉ္စေ ဗျာကရဏသမတ္ထော”တိ။ ကုလာပဒေသာဒိနာ မဟတိ မတ္တာ ဧတဿာတိ မဟာမတ္ထော။

သောဏဒဏ္ဍဂုဏကထာဝဏ္ဏနာ

၃၀၃။ ဝိသိဋ္ဌံ ရဇ္ဇံ ဝိရဇ္ဇံ၊ ဝိရဇ္ဇမေဝ ဝေရဇ္ဇံ ယထာ “ဝေကတံ ဝေသယ”န္တိ၊ နာနာဝိဓံ ဝေရဇ္ဇံ နာနာဝေရဇ္ဇံ၊ တတ္ထ ဇာတာတိအာဒိနာ သဗ္ဗံ ဝုတ္တနယေနေဝ ဝေဒိတဗ္ဗံ။ ဥတ္တမဗြာဟ္မဏောတိ အဘိဇနသမ္ပတ္တိယာ ဝိတ္တ- သမ္ပတ္တိယာ ဝိဇ္ဇာသမ္ပတ္တိယာ ဥဂ္ဂတတရော၊ ဥဋ္ဌာရော ဝါ ဗြာဟ္မဏော။ အသန္နိပါတောတိ ၂ လာဘမစ္ဆရေန နိဗ္ဗိဋ္ဌိတတာယ အသန္နိပါတော ဝိယ တဝိဿတိ။

အင်္ဂေတိ ဂမေတိ ဉ္ဗပေတိတိ အင်္ဂံ၊ ဟေတုတိ အဘဟ “ဣမိနာပိ ကာရဏေနာ”တိ။ “ဥဘတော သုဇာတော”တိ ဧတ္တကေ ဝုတ္တေ ယေဟိ ကေဟိမိ ဒွိဟိ ဘာဂေဟိ သုဇာတတာ ပိညာယေယျ၊ သုဇာတ-သဒ္ဓေါ စ “သုဇာတော စာရဒဿနော”တိအာဒိသု^၁ အာရေဟသမ္ပတ္တိပရိယာ-ယောတိ ဇာတိဝသေနော သုဇာတတံ ပိဘာဝေတုံ “မာတိတော စ ပိတိတော စာ”တိ ဝုတ္တံ။ အနောရသပုတ္တဝသေနာပိ လောကေ မာတုပိတု-သမညာ ဒိဿတိ၊ ဣဓ ပနဿ ဩရသပုတ္တဝသေနော ဣစ္ဆိတဘတိ ဒဿေတုံ “သံသုဒ္ဓဂဟဏိကော”တိ ဝုတ္တံ။ ဂစ္ဆံ ဂဏှာတိ ဓာရေတိတိ ဂဟဏီ၊ ဂဗ္ဘာ-သယသညိတော မာတုကုစ္ဆိပ္ပဒေသော။ ယထာဘူတ္တဿ အာဟာရဿ ပိပါစနဝသေန ဂဏှနတော အဆန္နနတော ဂဟဏီ၊ ကမ္မဇတေဇောဓာတု။

ပိတာ စ မာတာ စ ပိတရော၊ ပိတုနံ ပိတရော ပိတာမဟာ၊ တေသံ ယုဂေါ ဒ္ဓန္တော ပိတာမဟယုဂေါ၊ တသ္မာ၊ ယာဝ သတ္တမာ ပိတာမဟယုဂေါ ပိတာမဟဒ္ဓန္တာတိ ဝေမေတ္တ အတ္ထော ဒဋ္ဌဗ္ဗော။ ဧဝံ ပိတာမဟဂ္ဂဟဏေနော မာတာမဟောပိ ဂဟိတောတိ။ သော အဋ္ဌကထာယံ ပိသုံ န ဥဒ္ဓဇ္ဇော။ ယုဂ-သဒ္ဓေါ စေတ္တ ကေသေသနယေန ဒဋ္ဌဗ္ဗော “ယုဂေါ စ ယုဂေါ စ ယုဂေါ”တိ။ ဧဝံ တတ္ထ တတ္ထ ဒ္ဓန္တံ ဂဟိတမေဝ ဟောတိ၊ တေနာဟ “တတော ဥန္တံ သဒ္ဓေပိ ပုဗ္ဗပုရိသာ ပိတာမဟဂ္ဂဟဏေနော ဂဟိတာ”တိ။ ပုရိသဂ္ဂဟဏဇ္ဈေတ္တ ဥက္ကဋ္ဌနိဒ္ဓေသဝသေန ကတန္တိ ဒဋ္ဌဗ္ဗံ။ ဧဝံ “မာတိ-တော”တိ ပါဠိဝစနံ သမတ္ထိတံ ဟောတိ။ အက္ခိတ္တောတိ အပ္ပတ္တဓေပေါ။ အနဝက္ခိတ္တောတိ သဒ္ဓထာလိပါကာဒိသု^၂ န အဝက္ခိတ္တော န ဆဒ္ဓိတော။ ဇာတိဝါဒေနာတိ ဟေတုမှိ ကရဏဝစနန္တိ ဒဿေတုံ “ကေန ကာရဏေ-နာ”တိအာဒိ ဝုတ္တံ။ ဧတ္ထ စ “ဥဘတော ။ပ။ ပိတာမဟယုဂေါ”တိ ဧတေန မြာဟ္မဏဿ ယောနိဒေါသာဘာဝေါ ဒဿိတော သံသုဒ္ဓဂဟဏိကဘာဝ-ကိတ္တနတော၊ “အက္ခိတ္တော”တိ ဣမိနာ ကိရိယာပရာဓာဘာဝေါ။ ကိရိယာ-ပရာဓေန ဟိ သတ္တာ ခေပံ ပါပုဏန္တိ။ “အနုပတ္တုဇ္ဈော”တိ ဣမိနာ အယုတ္တ-သံသဂ္ဂါဘာဝေါ။ အယုတ္တသံသဂ္ဂမ္ပိ ဟိ ပဋိစ္စ သတ္တာ အက္ခောသံ လဘန္တိ။

ဣဿရောတိ အာဓိပတေယျသံဝတ္တနိယကမ္မဗလေန ဤသနသီလော၊ သာ ပနဿ ဣဿရတာ ပိဘဝသမ္ပတ္တိပစ္စယာ ပါကဋ္ဌာ ဇာတာတိ အမုတာ-ပရိယာယဘာဝေနော ဝဒန္တော “အဓောတိ ဣဿရော”တိ အာဟ။ မဟန္တံ နေမဿ ဘူမိဂတဇ္ဈေဝ ဝေဟာသဋ္ဌဇ္ဇာတိ မဟဒ္ဓနော။ တဿာတိ^၃ တဿ

၁-ခု ၂-၃၃၁-ပိဋ္ဌေ။

၂-သဒ္ဓထာလိပါကာဒိသု (က)

၃-တဿ တဿာတိ(င)

တဿ။ ဝဒန္တိ “အန္တယတော၊ ဗျတိရေကတော စ အနုပသင်္ကမနကာရဏံ ကိတ္တေမာ”တိ။

အဓိကဉ္စပေါတိ ဝိသိဋ္ဌရူပေါ ဥတ္တမသရီရော။ ဒဿနံ အရဟတီတိ ဒဿနိယော၊ တေနာဟ “ဒဿနယောဂေါ”တိ။ ပဿာဒံ အာဝဟတီတိ ပါသဒိကော၊ တေနာဟ “ဝိတ္တပ္ပဿဒဇနနတော”တိ။ ဝဏ္ဏဿာတိ ဝဏ္ဏဓာတုယာ။ သရီရန္တိ သန္တိဝေသဝိသိဋ္ဌံ ကရစရဏဂီဝါသိသာဒိအဝယဝ-သမုဒါယံ၊ သော စ သဏ္ဌာနမုခေန ဂယတီတိ “ပရမာယ ဝဏ္ဏပေါက္ခရတ-ယာတိ။ ပ။ သမ္ပတ္တိယာ စာ”တိ ဝုတ္တံ။ သဗ္ဗဝဏ္ဏေသု သုဝဏ္ဏဝဏ္ဏောဝ ဥတ္တမောတိ ဝုတ္တံ “သေဋ္ဌေန သုဝဏ္ဏဝဏ္ဏေန သမန္တာဂတော”တိ။ တထာ ဟိ ဗုဒ္ဓါ၊ စက္ကဝတ္တိနော စ သုဝဏ္ဏဝဏ္ဏောဝ ဟောန္တိ။ မြဟ္မဝန္တသီတိ^၁ ဥတ္တမ-သရီရာဘော၊ သုဝဏ္ဏာဘော ဣစ္စေဝ အတ္ထော။ ဣမမေဝ ဟိ အတ္ထံ သန္ဓာယ “မဟာမြဟ္မုနော သရီရသဒိသေနော သရီရေန သမန္တာဂတော”တိ ဝုတ္တံ၊ န မြဟ္မုဇုဂတ္တတံ။ အဗုဒ္ဓါဝကာသော ဒဿနာယာတိ အာရောဟပရိဏာဟ-သမ္ပတ္တိယာ၊ အဝယဝပါရိပူရိယာ စ ဒဿနာယ ဩကာသော န ဗုဒ္ဓကော၊ တေနာဟ “သဗ္ဗာနေဝါ”တိအာဒိ။

ယမနိယမလက္ခဏံ သီလမဿ အတ္တိတိ သီလဝါ။ တံ ပနဿ ရတ္တညတာယ ဝုဒ္ဓံ ဝစိတံ အတ္တိတိ ဝုဒ္ဓသီလီ။ တေန စ သဗ္ဗဒါသမ္မာယောဂတော ဝုဒ္ဓသီလေန သမန္တာဂတော။ သဗ္ဗမေတံ ပဉ္စသီလမတ္တမေဝ သန္ဓာယ ဝဒန္တိ တတော ပရံ သီလဿ တတ္ထ အဘာဝတော၊ တေသဉ္စ အဇာနနတော။

ဌာနကရဏသမ္ပတ္တိယာ၊ သိက္ခာသမ္ပတ္တိယာ စ ကတ္တစိပိ အနုနတာယ ပရိမဏ္ဍလပဒါနိ ဗျဉ္ဇနာနိ အက္ခရာနိ ဧတိဿာတိ ပရိမဏ္ဍလပဒဗျဉ္ဇနာ။ အထ ဝါ ပဇ္ဇတိ အတ္ထော ဧတေနာတိ ပဒံ၊ နာမာဒိ။ ယထာဓိပ္ပေတမတ္ထံ ဗျဉ္ဇေတီတိ ဗျဉ္ဇနံ၊ ဝါကျံ။ တေသံ ပရိပုဏ္ဏတာယ ပရိမဏ္ဍလပဒဗျဉ္ဇနာ။ အတ္တဉ္စပနေ သာနေတာယ ဝါစာဝါ ကရဏန္တိ ဝါက္ခရဏံ၊ ဥဒါဟာရဃော-သော။ ဂုဏပရိပုဏ္ဏဘာဝေန တဿ မြာဟ္မဏဿ၊ တေန ဝါ ဘာသိတဗ္ဗ-အတ္တဿ။ ပူရေ ပုဏ္ဏဘာဝေ။ ပူရေတိ စ ပရိမသ္မိံ အတ္ထေ အာဓာရေ ဘုမ္မံ၊ ဒုတိယသ္မိံ ဝိသယေ။ “သုရမာလတ္တနေနာ”တိ ဣမိနာ တဿာ ဝါစာယ မုဒုသဏ္ဍဘာဝမာဟ။ အပလိဗုဒ္ဓါယ ဝိတ္တသေမှာဒိဟိ။ သန္တိဉ္စ သဗ္ဗဒဿေတွာ ဝိယ ဧကဒေသကထနံ။ ဝိလမ္ဘိတံ သဏိကံ စိရာယိတွာ ကထနံ။ “သန္တိဉ္စ-ဝိလမ္ဘိတာဒိ”တိ ဝါ ပါဌော။ တတ္ထ သန္တိဉ္စ သန္တေဟဇနကံ။ အာဒိ-သဒ္ဓေန

ဒုက္ခလိတာနုကမ္ပိတာဒိံ သင်္ဂဏှာတိ။ “အာဒိမဇ္ဈပရိယောသာနံ ပါကဋံ ကတွာ”တိ ဣမိနာ တဿာ ဝါစာယ အတ္ထပါရိပူရိံ ဝဒန္တိ။

“ဇိဏ္ဏော”တိအာဒိနိ ပဒါနိ သုဝိညေယျာနိ၊ ဟေဋ္ဌာ ဝုတ္တတ္တာနိ စ။ ဒုတိယ-
နယေ ပန ဇိဏ္ဏောတိ နာယံ ဇိဏ္ဏတာ ဝယောမတ္တေန၊ အထ ခေါ ကုလ-
ပရိဝဇ္ဇေန ပုရာဏတာတိ အာဟ “ဇိဏ္ဏောတိ ပေါရာဏော”တိအာဒိ၊ တေန
တဿ ပြာဟူဏဿ ကုလဝသေန ဥဒိတောဒိတဘာဝမာဟ။ ဇာတိဝုဒ္ဓိယာ
“ဝယောအနုပ္ပတ္တော”တိ ဝက္ခမာနတ္တာ၊ ဂုဏဝုဒ္ဓိယာ တတော သာတိသယတ္တာ
စ “ဝုဒ္ဓေါတိ သီလာစာရာဒိဂုဏဝုဒ္ဓိယာ ယုတ္တော”တိ အာဟ။ တထာ
ဇာတိမဟလ္လကတာယ ဝက္ခမာနတ္တာ “မဟလ္လကော”တိ ပဒေန ဝိဘဝ-
မဟတ္တတာ ယောဇိတာ။ မဂ္ဂပဋိပန္နောတိ ပြာဟူဏာနံ ပဋိပတ္တိဝီရိယံ
ဥပဂတော တံ အဝေါက္ကမ္မ စရဏတော။ အန္တိမဝယန္တိ ပစ္ဆိမဝယံ။

ဗုဒ္ဓဂုဏကထာဝဏ္ဏနာ

၃၀၄။ တာဒိသေဟိ မဟာနုဘာဝေဟိ သဒ္ဓိံ ယုဂဂ္ဂါဟဝသေနပိ ဒဟနံ န
မာဒိသာနံ အနုစ္ဆရိကံ၊ ကုတော ပန ဥက္ကံသနန္တိ ဣဒံ ပြာဟူဏဿ န ယုတ္တ-
ရူပန္တိ ဒဿေန္တော အာဟ “န ခေါ ပန မေတံ ယုတ္တ”န္တိအာဒိ။ သဒိသာတိ
ဧကဒေသေန သဒိသာ။ န ဟိ ဗုဒ္ဓါနံ ဂုဏေဟိ သဗ္ဗထာ သဒိသာ ဧကစိပိ
ဂုဏာ အညေသု လဗ္ဘန္တိ။ ဣတရေတိ အတ္တနော ဂုဏေဟိ အသဒိသဂုဏေ။
ဣဒန္တိ ဣဒံ အတ္ထဇာတံ။ ဂေါပဒကန္တိ ဂါဝိယာ ပဒေ ဌိတဥဒကံ။

သဒ္ဓိကုလသံတသဟဿန္တိ သဌိသဟဿာမိကံ ကုလသတသဟဿံ။ ကုလ-
ပရိယာယေနာတိ သုဒ္ဓေါဒနမဟာရာဇဿ ကုလာနုက္ကမေန အာဂတံ။
တေသုပီတိ တေသုပိ စတူသု နိဓိသု။ ဂဟိတဂဟိတန္တိ ဂဟိတံ ဂဟိတံ ဌာနံ
ပူရတိယေဝ ဓနေန ပဋိပါကတိကမေဝ ဟောတိ။ အပရိမာဏောယေဝါတိ
“တ္ထေကော ဧသော”တိ ဧကနစိ ပရိစ္ဆိန္နိတုံ အသက္ကုဏေယျတာယ
အပရိစ္ဆိန္နော ဧဝ။

တတ္ထာတိ မဉ္ဇကေ။ သီဟသေယျံ ကပ္ပေသီတိ ယထာ ရာဟု အသုရိန္ဒော
အာယာမတော၊ ဝိတ္တာရတော၊ ဥဗ္ဗေဓတော စ ဘဂဝတော ရူပကာယဿ
ပရိစ္ဆေဒံ ဂဟေတုံ န သက္ကောတိ။ တထာ ရူပံ ဣဒ္ဓါဘိသင်္ခါရံ အဘိသင်္ခ-
ရာန္တော သီဟသေယျံ ကပ္ပေသိ။

ကိလေသေဟိ အာရကတ္တာ ပရိသုဒ္ဓဋ္ဌေန အရိယန္တိ အာဟ “အရိယံ ဥတ္တမံ ပရိသုဒ္ဓ”န္တိ။ အနဝဇ္ဇဋ္ဌေန ကုသလံ၊ န သုခဝိပါကဋ္ဌေန။ ကတ္ထမိ စတုရသီတိ-
ပါဏသဟဿာနိ ကတ္ထမိ အပရိမာဏာပိ ဒေဝမနုဿာ ယသ္မာ စတုရိ-
သတိယာ ဌာနေသု အသင်္ချေယျာ အပရိမေယျာ ဒေဝမနုဿာ မဂ္ဂဖလာမတံ
ပိဝိသု၊ ကောဋိသတသဟဿာဒိပရိမာဏေနပိ ဗဟူ ဧဝံ၊ တသ္မာ အနတ္တရာ-
စာရသိက္ခာပနဝသေန ဘဂဝါ ဗဟူနံ အာစရိယော။ တေတိ ကာမရာဂတော
အညေ ဘဂဝတော ပဟိနကိလေသေ။ ကေဠနာတိ ကေဠာယနာ နောယနာ။

အပါပပုရေက္ခာရေတိ အပါပေ ပုရေ ကရေတိ၊ န ဝါ ပါပံ ပုရတော
ကရေတိတိပိ အပါပပုရေက္ခာရေတိ ဣမမတ္ထံ ဒဿေတုံ “အပါပေ
နဝလောကုတ္တရဓမ္မေ”တိအာဒိ ဝုတ္တံ။ တတ္ထ အပါပေတိ ပါပပဋိပက္ခေ၊
ပါပရဟိတေ စ။ မြဟ္မနိ သေဋ္ဌေ ဗုဒ္ဓေ ဘဂဝတိ ဘဝါ တဿ ဓမ္မဒေသနာ-
ဝသေန အရိယာယ ဇာတိယာ ဇာတတ္တာ၊ မြဟ္မာနော ဝါ ဘဂဝတော
ဟိတာ ဂရုဏာရဏာဒိနာ၊ ယထာနုသိဋ္ဌပဋိပတ္တိယာ စ၊ မြဟ္မံ ဝါ သေဋ္ဌံ
အရိယမဂ္ဂံ ဇာနာတိတိ မြဟ္မညာ၊ အရိယသဘာဝကသင်္ခါတာ ပဇာ၊ တေနာဟ
“သာရိပုတ္တာ”တိအာဒိ။ ပကတိဗြာဟ္မဏဇာတိဝသေနာပိ “မြဟ္မညာယ ပဇာ-
ယာ”တိ ပဒဿ အတ္ထော ဝေဒိတဗ္ဗေတိ ဒဿေတုံ “အပိစာ”တိအာဒိ ဝုတ္တံ။

တိရောရဋ္ဌာ တိရောဇနပဒါတိ ဧတ္ထ ရဇံ ရဋ္ဌံ ရာဇန္တိ ရာဇာနော ဧတေ-
နာတိ၊ တဒေကဒေသဘူတာ ပဒေသာ ပန ဇနပဒေါ ဇနာ ပဇန္တိ ဧတ္ထ
သုခဇိဝိကံ ပါပုဏန္တိတိ။ ပုစ္ဆာယ ဝါ ဒေါသံ သလ္လက္ခေတွာတိ သမ္ပန္နော။
အသမတ္တတန္တိ အတ္တနော အသမတ္တတံ။ ဘဂဝါဝိဿန္တေတိ တေသံ ဥပနိဿယ-
သမ္ပတ္တိံ၊ ဉာဏပရိပါကံ၊ စိတ္တာစာရဉ္စ ဥတွာတိ အဓိပ္ပါယော။

“ဟေ သွာဂတဝါဒီ”တိ ဣမိနာ သုခသမ္ဘာသပုဗ္ဗကံ ဝိယဝါဒိတံ ဒဿေတိ၊
“သင်္ခိလော”တိ ဣမိနာ သဏ္ဍဝါစတံ၊ “သမ္မောဒကော”တိ ဣမိနာ ပဋိသန္ဓာရ-
ကုသလတံ၊ “အဘာကုဋိကော”တိ ဣမိနာ သဗ္ဗတ္ထေဝ ဝိပ္ပသန္နမုခတံ၊ “ဥတ္တာန-
မုခေါ”တိ ဣမိနာ သုခါလာပတံ၊ “ပုဗ္ဗဘာသီ”တိ ဣမိနာ ဓမ္မာနုဂ္ဂဟဿ
ဩကာသကရဏတော ဟိတဇ္ဈာသယတံ ဘဂဝတော ဝိဘာဝေတိ။

ယတ္ထ ကိရာတိ ကိရ-သဒ္ဓေါ အရုစိသုစနတ္ထော၊ တေန ဘဂဝတာ အဓိ-
ဝုတ္တပဒေသေ န ဒေဝတာနုဘာဝေန မနုဿာနံ အနုပဒ္ဒဝတာ၊ အထ ခေါ
ဗုဒ္ဓါနုဘာဝေနာတိ ဒဿေတိ။ တေနာဟ “အပိစာ”တိအာဒိ။

အနုဇာသိတဗ္ဗောတိ ဝိနေယျဇနသမူဟော ဂယတီတိ နိဗ္ဗတ္တိတံ အရိယ-
သံဃမေဝဒဿေတုံ“သယံ ဝါ”တိအာဒိ ဝုတ္တံ။ အနန္တရဿ ဝိမိပဋိသေခေဝါတိ
ကတွာ “တဒိသောဝါ”တိ ဣမိနာ “သယံ ဝါ”တိအာဒိနာ ဝုတ္တဝိကပ္ပေါ ဧဝ
ပစ္စာမဋ္ဌောတိ “ပုရိမပဒဿေဝါ”တိ ဝိကပ္ပန္တရဂ္ဂဟဏံ။ ဗဟူနံ တိတ္ထကရာနန္တိ
ပူရဏာဒီနံ အနေကေသံ တိတ္ထကရာနံ၊ နိဒ္ဒါရဏေ စေတံ သာမိဝစနံ။
ကာရဏေနာတိ အပ္ပိစ္ဆသန္တုဋ္ဌတာဒိသမာရောပနလက္ခဏေန ကာရဏေန။
အာဂန္တုကာ နဝကာတိ အဘိနဝါ အာဂန္တုကာ အဗ္ဘာဂတာ။ ပရိယာ-
ပုဏာမီတိ ပရိစ္ဆိန္တိတုံ ဇာနာမိ သက္ကောမိ၊ တေနာဟ “ဇာနာမိ”တိ။ “ကပ္ပမ္ပိ
စေ အညမဘာသမာနော”တိ အဘူတပရိကပ္ပနဝစနမေတံ တထာ ဘာသမာ-
နဿ အဘာဝတော။

၃၀၅။ အလံ-သဒ္ဓေါ အရဟတ္ထောပိ ဟောတိ “အလမေဝ နိဗ္ဗန္တိတု”န္တိ-
အာဒိသု၊ ဝိယာတိ အာဟ “အလမေဝါတိ ယုတ္တမေဝါ”တိ။ ပုဋ္ဌေန နေတွာ
အသိတဗ္ဗတော ပရိဘုဋ္ဌိတဗ္ဗတော ပုဋ္ဌောသံ ဝုစ္စတိ ပါထေယျံ။ ပုဋ္ဌသေန
ပုရိသေန။

သောဏဒဏ္ဍပရိဝိတက္ခဝဏ္ဏနာ

၃၀၇။ ဥဘတောပက္ခိကာတိ မိစ္ဆာဒိဋ္ဌိသမ္မာဒိဋ္ဌိနံ ဝသေန ဥဘယပက္ခိကာ။
ကေရာဋိကာတိ သဌာ။

ဗြာဟ္မဏပညတ္တိဝဏ္ဏနာ

၃၀၉။ ဝိဃာတန္တိ စိတ္တဒုက္ခံ။

၃၁၁-၃။ သုဇန္တိ ဟောမဒဗ္ဗိ။ ပဂ္ဂဏှန္တေ သူတိ ဇဟနတ္ထံ ဂဏှနကေသု၊
ဣရုဗ္ဗိဇ္ဇေသူတိ အတ္ထော။ ပဌမော ဝါတိ တတ္ထ သန္နိပတိတေသု ယဇနကိရိ-
ယာယံ သဗ္ဗပဓာနော ဝါ။ ဒုတိယော ဝါတိ တဒနန္တရော ဝါ။ “သုဇ”န္တိ
ကရဏေ ဧတံ ဥပယောဂဝစနန္တိ အာဟ “သုဇာယာ”တိ။ အဂ္ဂိဟုတ္တပမုခ-
တာယ ယညဿ ယညေ ဒိယျမာနံ သုဇာမုခေန ဒီယတီတိ အာဟ “သုဇာယ
ဒိယျမာန”န္တိ။ ပေါရာဏာတိ အဋ္ဌကထာစရိယာ။ ဝိသေသတောတိ ဝိဇ္ဇာ-
စရဏဝိသေသတော၊ န ဗြာဟ္မဏေဟိ ဣတ္ထိတဝိဇ္ဇာစရဏမတ္တတော။ ဥတ္တမ-
ဗြာဟ္မဏဿာတိ အနတ္တရဒက္ခိဏေယျတာယ ဥက္ကဋ္ဌဗြာဟ္မဏဿ။ ဗြာဟ္မဏ-
သမယန္တိ ဗြာဟ္မဏသိဒ္ဓန္တိ။ မာ ဘိန္တိ မာ ဝိနာသေသိ။

၃၁၆။ သမသမောတိ သမောယေဝ ဟုတွာ သမော။ ဟိနောပမ-
ဝသေနပိ သမတာ ဝုစ္စတိတိ တံ နိဝတ္တေန္တော “ဌပေတွာ ကေဒေသသမတ္ထ”န္တိ-
အာဒိမာဟ။ ကုလကောဋိပရိဒီပနန္တိ ကုလအာဒိပရိဒီပနံ။ အထာပိ သိယာတိ
အထာပိ တုမှာကံ ဧဝံ ပရိဝိတက္ကော သိယာ။ ဗြာဟ္မဏဘာဝံ သာဓေတိ
ဝဏ္ဏော။ မန္တဇာတိသုပိ ဒေသေဝ နယော။ သီလမေဝ သာဓေသတိ ဗြာဟ္မဏ-
ဘာဝံ။ ကသ္မာတိ စေ? အာဟ “တသ္မိဉ္ဇိဿာ”တိအာဒိ။ သမ္မောဟမတ္ထံ
ဝဏ္ဏာဒယောတိ ဝဏ္ဏမန္တဇာတိယော ဟိ ဗြာဟ္မဏဘာဝဿ အင်္ဂန္တိ
သမ္မောဟမတ္ထမေတံ အသမဝေက္ခိတာဘိမာနဘာဝတော။

သီလပညာကထာဝဏ္ဏနာ

၃၁၇။ ကထိတော ဗြာဟ္မဏေန ပဉ္စောတိ “သီလဝါ စ ဟောတိ”တိ-
အာဒိနာ ခြံန္တံ ဧဝံ အင်္ဂါနံ ဝသေန ယထာပုစ္ဆိတော ပဉ္စော ယာထာဝတော
ဝိဿဇ္ဇိတော။ ဧတ္ထာတိ တေသ္မိံ ယထာဝိဿဇ္ဇိတေ အတ္ထေ။ တဿာတိ
သောဏဒဏ္ဍဿ။ သီလပရိသုဒ္ဓါတိ သီလသမ္ပတ္တိယာ သဗ္ဗသော သုဒ္ဓါ
အနုပတ္တိလိဋ္ဌာ။ ကုတော ဒုဿိလေ ပညာ အသမာဟိတတ္တာ တဿ။ ဇေဋ္ဌေ
ဇေဋ္ဌမူဂေ ကုတော သီလန္တိ ဇေဋ္ဌေ ဇေဋ္ဌမူဂေ ဒုပ္ပညေ ကုတော သီလံ သီလ-
ဝိဘာဂဿ၊ သီလပရိသောဓနူပါယဿ စ အဇာနနတော။ ပကဋ္ဌံ ဥက္ကဋ္ဌံ
ဉာဏံ ပညာဏန္တိ ပါကတိကံ ဉာဏံ နိဝတ္တေတုံ “ပညာဏ”န္တိ ဝုတ္တန္တိ တယိဒံ
ပကာရေဟိ ဇာနနတော ပညာ’ဝါတိ အာဟ “ပညာဏန္တိ ပညာယေဝါ”တိ။

သီလေန ခောတာတိ သမာဓိပဒဋ္ဌာနေန သီလေန သကလသံကိလေသမလ-
ဝိသုဒ္ဓိယာ ခောတာ ဝိသုဒ္ဓါ၊ တေနာဟ “ကထံ ပနာ”တိအာဒိ။ တတ္ထ
ခောဝတိတိ သုဇ္ဈတိ။ မဟာသဋ္ဌိဝဿတ္ထေရော ဝိယာတိ သဋ္ဌိဝဿမဟာထေရော
ဝိယ။ ဝေဒနာပရိဂ္ဂဟမတ္တန္တိတိ ဧတ္ထ ဝေဒနာပရိဂ္ဂဟော နာမ ယထာဥပ္ပန္နံ
ဝေဒနံ သဘာဝရသတော ဥပဓာရေတွာ “အယံ ဝေဒနာ ဖဿံ ပဋိစ္စ၊ သော
ဖဿော အနိစ္စော ဒုက္ခော ဝိပရိဏာမဓမ္မော”တိ လက္ခဏတ္ထယံ အာရော-
ပေတွာ ပဝတ္တိတဝိပဿနာ။ ဧဝံ ဝိပဿန္တေန ဟိ သုခေန သက္ကာ သာ ဝေဒနာ
အဓိဝါသေတုံ “ဝေဒနာ ဧဝံ ဝေဒယတိ”တိ။ ဝေဒနံ ဝိက္ခမ္ဘေတွာတိ ယထာ-
ဥပ္ပန္နံ ဒုက္ခဝေဒနံ အနုနုဝတ္တိတွာ ဝိပဿနံ အာရတိတွာ ဝီရိယံ ပုဋိပန္နာယ
ဝိပဿနာယ တံ ဝိနောဒေတွာ။ သံသုမာရပတိတေနာတိ ကုမ္ဘိလေန ဝိယ

ဘူမိယံ ဥရေန နိပဇ္ဇနေန။ ပညာယ သီလံ ခောရိတွာတိ အဓဏ္ဍာဒိဘာဝါ-
ပါဒနေန သီလံ အာဒိမဇ္ဈပရိယောသာနေသု ပညာယ သုဝိသောမိတံ ကတွာ။

၃၁၈။ “ကဿွာ အာဟာ”တိ ဥပရိဒေသနာယ ကာရဏံ ပုစ္ဆတိ။ လဇ္ဇာ နာမ
“သီလဿ ဇာတိယာ စ ဂုဏဒေါသပကာသနေန သမဏေန ဂေါတမေန
ပုစ္ဆိတပဉ္စ ဝိဿဇ္ဇေသီ”တိ ပရိသာယ ပညာတတော။ ဣတ္ထကပရမာတိ
ဣတ္ထကဥက္ကံသကောဋိကာ ပဉ္စ သီလာနိ၊ ဝေဒတ္တယဝိဘာဝနံ ပညဉ္စ လက္ခဏာ-
ဒိတော နိဒ္ဒါရေတွာ ဇာနနံ နတ္ထိ၊ ကေဝလံ တတ္ထ ဝစီပရမာ မယန္တိ
ဒဿေတိတိ အာဟ “သီလပညာဏန္တိ ဝစနမေဝ ပရမံ အမှာက”န္တိ။
“အယံ ပန ဝိသေသော”တိ ဣဒံ နိယျာတနာပေက္ခံ သီလနိဒ္ဒေသေ၊ တေနာဟ
“သီလမိစ္စေဝ နိယျာတိတ”န္တိ။ သာမညဗလေ ပန “သာမညဗလ”မိစ္စေဝ
နိယျာတိတံ၊ ပညာနိဒ္ဒေသေ ပန ဈာနပညံ အဓိဋ္ဌာနံ ကတွာ ဝိပဿနာပညာ-
ဝသေနေဝ ပညာနိယျာတနံ ကတံ၊ တေနာဟ “ပဌမဇ္ဈာနာဒိနိ”တိ။

သောဏဒဏ္ဍဥပါသကတ္တပဋိဝေဒနာကထာဝဏ္ဏနာ

၃၂၁-၂။ နတ္တာတိ ပုတ္တပုတ္တော။ အဂါရဝံ နာမ နတ္ထိ၊ န စာယံ
ဘဂဝတိ အဂါရဝေန “အဟဉ္ဇေဝ ခေါ ပနာ”တိ အာဒိမာဟ၊ အထ ခေါ
အတ္တလာဘပရိဟာနိဘယေန။ အယဉ္စိ ယထာ တထာ အတ္တနော မဟာဇနဿ
သမ္ဘာဝနံ ဥပ္ပါဒေတွာ ကောဟဇညန ပရေ ဝိမှာပေတွာ လာဘုပ္ပါဒံ နိဇိဂိ-
သန္တော ဝိစရတိ၊ တဿွာ တထာ အဝေါစ၊ တေနာဟ “ဣဒိနာ ကိရာ”တိ-
အာဒိ။

တနိဏာနုရူပါယာတိ ယာဒိသီ တဒါ တဿ အဇ္ဈာသယပ္ပဝတ္တိ၊
တဒနုရူပါယာတိ အတ္တော။ တဿ တဒါ တာဒိသဿ ဝိဝဇ္ဇသန္တိသီတဿ
ဉာဏဿ ပရိပါကဿ အဘာဝတော ကေဝလံ အပ္ပဒယနိဿိတော ဧဝ
အတ္တော ဒဿိတောတိ အာဟ “ဒိဋ္ဌဓမ္မိကသမ္ပရာယိကံ အတ္ထံ သန္တုသေတွာ”တိ၊
ပစ္စက္ခတော ဝိဘာဝေတွာတိ အတ္တော။ ကုသလေ ဓမ္မေတိ တေဘူမကေ
ကုသလေ ဓမ္မေ၊ “စတုဘူမကေ”တိပိ ဝတ္ထု ဝဇ္ဇတိယေဝ၊ တေနေဝါဟ
“အာယတိ” နိဗ္ဗာနတ္ထာယ ဝါသနာဘာဂိယာ ဝါ”တိ။ တတ္ထာတိ ကုသလ-
ဓမ္မေ ယထာ သမာဒဝိတေ။ နန္တိ မြာဟူဏံ။ သမုတ္တေဇေတွာတိ သမ္ပဒေဝ
ဥပရူပရိ နိသာနေတွာ ပုညကိရိယာယ တိက္ခဝိသဒဘာဝံ အာပါဒေတွာ။ တံ
ပန အတ္တတော တတ္ထ ဥဿာဟဇနနံ ဟောတိတိ အာဟ “သုဥဿာဟံ

ကတွာ”တိ။ ဧဝံ ပုညကိရိယာယ သဉ္ဇဿာဟတာ၊ ဧဝရူပဂုဏသမင်္ဂိတာ စ နိယမတော ဒိဋ္ဌဓမ္မိကာ အတ္ထသမ္ပာဒနီတိ ဧဝံ သဉ္ဇဿာဟတာယ၊ အညေဟိ စ တသ္မိံ ဝိဇ္ဇမာနဂုဏေဟိ သမ္ပဟံသေတွာ သမ္ပဒေဝ ဟဋ္ဌတုဋ္ဌဘာဝံ အာပါဒေတွာ။

ယဒိ ဘဂဝါ ဓမ္မရတနဝဿံ ဝဿိ၊ အထ ကသ္မာ သော ပိသေသံ နာဓိဂစ္ဆတိတိ အာဟ “ဗြာဟ္မဏော ပနာ”တိအာဒိ။ ယဒိ ဧဝံ ကသ္မာ ဘဂဝါ တဿ တထာ ဓမ္မရတနဝဿံ ဝဿိတိ အာဟ “ဧဝလမဿာ”တိ-အာဒိ။ န ဟိ ဘဂဝတော နိရတ္ထကာ ဒေသနာ ဟောတိတိ။

သောဏဒဏ္ဍသုတ္တဝဏ္ဏနာယ လိနတ္ထပ္ပကာသနာ။

၅-ကုရဒန္တသုတ္တ

၃၂၃။ ပုရိမသုတ္တဒ္ဓယေတိ အဗ္ဗုဋ္ဌသောဏဒဏှသုတ္တဒ္ဓယေ။ ဝုတ္တနယ-
မေဝါတိ ယံ တတ္ထ အာဂတသဒိသံ ဣဓာဂတံ၊ တံ အတ္ထဝဏှနတော ဝုတ္တ-
နယမေဝ၊ တတ္ထ ဝုတ္တနယေနဝ ဝေဒိတဗ္ဗန္တိ အတ္ထော။ “တရုဏော အဗ္ဗုရက္ခော
အဗ္ဗလဋ္ဌိကာ”တိ၊ မြဟ္မဇာလသုတ္တဝဏှနာယံ ဝုတ္တန္တိ အာဟ “အဗ္ဗလဋ္ဌိကာ
မြဟ္မဇာလေ ဝုတ္တသဒိသာဝါ”တိ။

ယညာဝါဠံ သမ္မာဒေတွာ မဟာယညံ ဥဒ္ဓိဿ သဝိညာဏကာနိ၊
အဝိညာဏကာနိ စ ယညပကရဏာနိ ဥပဋ္ဌပိတာနိတိ ဝုတ္တံ ပါဠိယံ
“မဟာယညော ဥပက္ခဋ္ဌော”တိ၊ တံ ဥပက္ခဋ္ဌရဏံ တေသံ တထာသဇ္ဇနန္တိ
အာဟ “ဥပက္ခဋ္ဌောတိ သန္တိတော”တိ။ ဝစ္ဆတရသတာနိတိ ယုဝဘာဝပ္ပတ္တာနိ
ဗလဝဝစ္ဆသတာနိ၊ တေ ပန ဝစ္ဆော ဧဝ ဟောန္တိ၊ န ဒမ္မာ ဗလိဗဒ္ဓါ စာတိ
အာဟ “ဝစ္ဆသတာနိ”တိ။ ဧတေတိ ဥသဘာဒယော ဥရဗ္ဘပရိယောသာနာ။
အနေကေသန္တိ အနေကဇာတိကာနံ။ သင်္ချာဝသေန အနေကတာ သတ္တသတဂ္ဂ-
ဟဏေနေဝ ပရိစ္ဆိန္တာ။ မိဂပက္ခိနန္တိ မဟိံသ ရုရ ပသဒ ကုရုရံ ဂေါကဏ္ဍမိဂါ-
နဇ္ဈေဝ မောရ ကပ္ပိဇ္ဇရ တိတ္ထိရ ကပေါတာဒိပက္ခိနဉ္စ။

၃၂၄။ ယညသင်္ခါတဿ ပုညဿ ယော သံကိလေသော၊ တဿနိဝါရဏ-
တော နိသေနေတော ဝိဓော ဝုစ္စန္တိ ဝိပ္ပုဋ္ဌိသာရဝိနောဒနာ။ တတော ဧဝ တာ
တံ ပုညာဘိသန္တံ အဝိစ္စန္တိတွာ ဌပေန္တိတိ “ဌပနာ”တိ ဝုတ္တာ။ တာသံ ပန
ယညဿ အာဒိမဇ္ဈပရိယောသာနဝသေန တီသု ကာလေသု ပဝတ္တိယာ
ယညော တိဌပနောတိ အာဟ “တိဌပနန္တိ အတ္ထော”တိ။ ပရိက္ခရောန္တိ
အဘိသင်္ခရောန္တိတိ ပရိက္ခာရာ၊ ပရိဝါရာတိ ဝုတ္တံ “သောဋ္ဌသပရိက္ခာရန္တိ
သောဋ္ဌသပရိဝါရ”န္တိ။

မဟာဝိဇိတရာဇယညကထာဝဏှနာ

၃၃၆။ ပုဗ္ဗစရိတန္တိ အတ္တနော ပုရိမဇာတိသမ္ဘူတံ ဗောဓိသမ္ဘာရ-
ဘူတံ ပုညစရိယံ။ တထာ ဟိဿ အနုဂါမိနောဝ နိမိဿ ထာဝရော နိမိ-
နိဒဿိတော။ အမှတာ နာမ ဝိဘဝသမ္ပန္နတာ၊ သာတံ တံ ဥပါဒါယုပါဒါယ
ဝုစ္စတိတိ အာဟ “ယော ကောမိ အတ္တနော သန္တကေန ဝိဘဝေန အဇော

ဟောတိ”တိ။ တထာ မဟဒ္ဒနတာပီတိ တံ ဥက္ကံသဂတံ ဒဿေတုံ “မဟတာ အပရိမာဏသင်္ချေန ဓနေန သမန္တာဂတော”တိ ဝုတ္တံ။ ဘုဉ္ဇိတဗ္ဗတော ပရိ-
ဘုဉ္ဇိတဗ္ဗတော ဝိသေသတော ကာမာ ဘောဂေါနာမာတိ အာဟ “ပဉ္စကာမ-
ရဏဝသေနာ”တိ။ ဖိဏ္ဍုပိဏ္ဍုဝသေနာတိ ဘာဇနာလင်္ကာရာဒိဝိဘာဂံ အ-
ဟုတွာ ကေဝလံ ခဏ္ဍခဏ္ဍဝသေန။

မာသကာဒိတိ အာဒိ-သဒ္ဓေန ထာလကာဒိ သင်္ဃာတိ။ ဘာဇနာဒိတိ
အာဒိ-သဒ္ဓေန ဝတ္ထသေယျာဝသထာဒိ သင်္ဃာတိ။ သုဝဏ္ဏရဇတမဏိ-
မုတ္တာဝေဠုရိယဝဇိရပဝါဠာနိ “သတ္တရတနာနိ”တိ ဝဒန္တိ။ သာလိဝိဟိအာဒိ
ပုဗ္ဗဏ္ဍံ ပုရက္ခတံ သဿဖလန္တိ ကတွာ။ တဗ္ဗိပရိယာယတော မုဂ္ဂမာသာဒိ
အပရဏ္ဍံ။ ဒေဝသိကံ။ပ။ ဝသေနာတိ ဒိဝသေ ဒိဝသေ ပရိဘုဉ္ဇိတဗ္ဗဒါတဗ္ဗ-
ဝဇေတဗ္ဗာဒိဝိဓိနာ ပရိဝတ္တနကနေဓညဝသေန။

ကောဠိဝုစ္စတိဓညဿ အာဠပနဠာနံ၊ ကောဠဘူတံ အဂါရံ ကောဠာဂါရံ၊
တေနာဟ “ဓညေန။ပ။ ဂါရော စာ”တိ။ ဧဝံ သာရဂဗ္ဘံ “ကောသော”တိ၊
ဓညဿ အာဠပနဠာနဉ္စ “ကောဠာဂါရ”န္တိ ဒဿေတွာ ဣဒါနိ တတော
အညထာ တံ ဒဿေတုံ “အထ ဝါ”တိအာဒိ ဝုတ္တံ။ တတ္ထ ယထာ အသိနော
တိက္ခဘာဝပရိဟာရတော ပရိစ္ဆဒေါ “ကောသော”တိ ဝုစ္စတိ။ ဧဝံ ရညော
တိက္ခဘာဝပရိဟာရဏတ္တာ စဘုရိဂီနိ သေနာ “ကောသော”တိ အာဟ “စတုဗ္ဗိ-
ဓော ကောသော ဟတ္ထိ အဿာရထာ ပတ္ထိ”တိ။ ဝတ္ထကောဠာဂါရ-ဂဟဏေ-
နေဝ သဗ္ဗဿာပိ ဘဏ္ဍုဠပနဠာနဿ ဝိဟိတတ္တာ တိဝိဓံ ကောဠာဂါရန္တိ
ဝုတ္တံ “ဣဒံ ဧဝံ ဗဟု”န္တိအာဒိ။ ရာဇာ တမတ္ထံ ဇာနန္တောဝ ဘဏ္ဍာဂါရိကေန
ကထာပေတွာ ပရိသာယ နိဿဒ္ဓဘာဝါပါဒနတ္ထဉ္စာဟ ဧဝံ မေ ပကတိက္ခော-
ဘော န ဘဝိဿတိတိ။

၃၃၇-ဂ။ ဗြာဟ္မဏော ဝိန္တေသိ ဇနပဒဿ အနုပဒ္ဒဝတ္ထဉ္စေဝ ယညဿ
စ စိရာနုပဝတ္တနတ္ထဉ္စ၊ တေနာဟ “အယံ ရာဇာ”တိအာဒိ။

သတ္တာနံ ဟိတဿ သုခဿ စ ဝိဒူသနတော အဟိတဿ ဒုက္ခဿ
စ အာဝဟနတော စောရာ ဧဝ ကဏ္ဍကာ၊ တေဟိ စောရကဏ္ဍကေဟိ။
ယထာ ဂါမဝါသိနံ ဃာတာ ဂါမဃာတာ၊ ဧဝံ ပန္နိကာနံ ဒုဟနာ ဝိဗာဓနာ
ပန္နိဒုဟနာ။ အဓမ္မကာရီတိ ဓမ္မတော အပေတဿ အယုတ္တဿ ကရဏ-
သီလော၊ အတ္တနော ဝိဇိတေ ဇနပဒါဒိနံ တတော အနတ္တတော တာယနေန

၁-ကုပ္ပဘဏ္ဍုပနဠာနဿ (အဘိနဝဋီ)

ခတ္တိယော ယော ခတ္တဓမ္မော၊ တဿ ဝါ အကရဏသီလောတိ အတ္ထော။ ဒဿ-
 ဝေါ ဧဝံ ဝီလသဒိသတ္တာ ဒဿုဒီလံ။ ယထာ ဟိ ခေတ္တေ ဒီလံ ကသနာဒီနံ သုခပ္ပ-
 ဝတ္တိံ၊ မူလသန္တာနေန သဿဿ ပုဒ္ဓိဉ္စ ဝိဗန္ဓတိ။ ဧဝံ ဒဿဝေါ ရဇ္ဇေ ရာဇာ-
 ကာယ သုခပ္ပဝတ္တိံ၊ မူလဝိရုဋ္ဌိယာ ဇနပဒါနံ ပရိပုဒ္ဓိဉ္စ ဝိဗန္ဓန္တိ။ တေန
 ဝုတ္တံ “ဒဿဝေါ ဧဝံ ဝီလသဒိသတ္တာ ဒဿုဒီလံ”န္တိ။ ဝေ-သဒ္ဓေါ ဟိံသ-
 နတ္ထောပိ ဟောတိတိ ဝုတ္တံ “မာရဏေန ဝါ ကောဋုနေန ဝါ”တိ။ အဒ္ဓု-
 ဗန္ဓနာဒိနာတိ အာဒိ-သဒ္ဓေန ရဇ္ဇုဗန္ဓနသင်္ခလိကဗန္ဓနာဒိံ သင်္ဃာတိ။
 ဇာနိယာတိ ဓနဇာနိယာ၊ တေနာဟ “သတံ ဂဏှထာ”တိအာဒိ။
 ပဉ္စသိခမုဏှကရဏန္တိ ကာကပက္ခကရဏံ။ ဂေါမယသိဉ္စနန္တိ သိသေ
 ဆကဏောဒကာဝသေစနံ။ ကုဒဏှကဗန္ဓနန္တိ ဂဒ္ဓုလဗန္ဓနံ။ ဧဝမာဒိနိတိ
 အာဒိ-သဒ္ဓေန ခုရမုဏှံ ကရိတွာ ဘသ္မပုဋ္ဌပေါထနာဒိံ သင်္ဃာတိ။ ဦဟ-
 နိဿာမိတိ ဥဒ္ဓရိဿာမိ၊ အပနေဿာမိတိ အတ္ထော။ ဥဿဟန္တိတိ ပုဗ္ဗေ
 တတ္ထ ကတပရိစယတာယ ဥဿဟံ ကာတုံ သက္ကောန္တိ။ အနုပ္ပဒေတူတိ အနု
 အနု ပဒေတု၊ တေနာဟ “ဒိန္ဓေ အပ္ပဟောန္တေ”တိအာဒိ။ သက္ခိကရဏ-
 ပဏှာရောပနာနိ ဝဓိယာ သဟ ဝါ ဝိနာ ဝါ ပုန ဂဟေတုကာမဿ၊ ဣဓ ပန
 တံ နတ္တိတိ အာဟ “သက္ခိံ အကတွာ”တိအာဒိ၊ တေနာဟ “မူလန္တေဇ္ဇ-
 ဝသေနာ”တိ။ ပကာရတော ဘဏှာနိ အာဘရတိ သမ္ဘရတိ ပရိစယတိ ဧတေ-
 နာတိ ပါအတံ၊ ဘဏှမူလံ။

ဒိဝသေ ဒိဝသေ ဒါတဗ္ဗဘတ္တံ ဒေဝသိကဘတ္တံ။ “အနုမာသံ၊ အနုပေါ-
 သထ”န္တိအာဒိနာ ဒါတဗ္ဗံ ဝေတနံ မာသိကာဒိပရိဗ္ဗယံ။ တဿတဿ ကုလာနု-
 ရူပေန^၂ ကမ္မာနုရူပေန သူရဘာဝါနုရူပေနာတိ ပစ္စေကံ အနုရူပ-သဒ္ဓေါ
 ယောဇေတဗ္ဗော။ သေနာပစ္စာဒိ ဌာနန္တရံ။ သကကမ္မပသုတတ္တာ၊ အနုပဒ္ဓဝတ္တာ
 စ ဓနဓညာနံ ရာသိကော ရာသိကာရဘူတော။ ခေမေန ဌိတာတိ အနုပဒ္ဓဝေန
 ပဝတ္တာ၊ တေနာဟ “အဘယာ”တိ။ ကုတောမိပိ ဘယရဟိတာတိ အတ္ထော။

စတုပရိက္ခာရဝဏှနာ

၃၃၉။ တသ္မိံ တသ္မိံ ကိစ္စေ အနုယန္တိ အနုဝတ္တန္တိတိ အနုယန္တာ၊ အနု-
 ယန္တာ ဧဝံ အာနုယန္တာ ယထာ “အနုဘာဝေါ ဧဝံ အာနုဘာဝေါ”တိ။
 အဿာတိရညော။ တေတိ အာနုယန္တခတ္တိယာဒယော။ အတ္တမနာ န ဘဝိဿန္တိ
 “အမှေ ဧတ္ထ ဗဟိ ကရောတိ”တိ။ နိဗန္ဓဝိပုလ္လာဂမော ဂါမော နိဂမော၊

၁-ပဉ္စသိခမုဏှကရဏံ (ဗဟုသု) ၂-ကုသလာနုရူပေန (ဋ)

ဝိဝေသိတမဟာအာယော မဟာဂါမောတိ အတ္ထော။ ဇနပဒ-သဒ္ဓေါ ဟေဋ္ဌာ^၁ ဝုတ္တတ္ထော ဝေ။ ဆန္တံ ပကတိနံ ဝသေန ရညော ဟိတသုခါဘိဗုဒ္ဓိ၊ တဒေက-ဒေသာ စ အာနုယန္တာဒယောတိ ဝုတ္တံ“ယံ ဟုမှာကံ အနုဇာနနံ မမဘဝေယျ ဝိသရတ္တံ ဟိတဿ သုခါယာ”တိ။

အမာ သဟ ဘဝန္တိ ကိစ္စေသုတိ အမစ္စာ၊ ရဇ္ဇကိစ္စဝေါသာသနကာ။ တေ ပန ရညော ဝိယာ၊ သဟပဝတ္တနကာ စ ဟောန္တိတိ အာဟ “ဝိယ-သဟာယကာ”တိ။ ရညော ပရိသတိဘဝါတိ ပါရိသန္ဓာ၊ တေ ပန ကေတိ အာဟ “သေသာ အာဏတ္တိကရာ”တိ^၂၊ ယထာဝုတ္တအာနုယန္တခတ္တိယာဒိဟိ အဝသေသာ ရညော အာဏာကရာတိ အတ္ထော။ သတိပိ ဒေယျဓမ္မေ အာနုဘာဝသမ္ပတ္တိယာ၊ ပရိဝါရသမ္ပတ္တိယာ စ အဘာဝေ တာဒိသံ ဒါတုံ န သက္ကာ၊ ဝုဗ္ဗကာလေ စ တာဒိသာနမ္ပိ ရာဇ္ဇနံ တဒုဘယံ ဟာယတေဝါတိ အာဟ“မဟလ္လကကာလေ။ပ။ န သက္ကာ”တိ။ အနုမတိယာတိ အနုဇာနနေန။ ပက္ခာတိ သပက္ခာ^၃ ယညဿ အင်္ဂဘူတာ။ ပရိက္ခရေန္တိတိ ပရိက္ခာရာ၊ သမ္ဘာရာ။ ဣမေ တဿ ယညဿ အင်္ဂဘူတာ၊ ပရိဝါရာ ဝိယ ဟောန္တိတိ အာဟ “ပရိဝါရာ ဘဝန္တိ”တိ။

အဋ္ဌပရိက္ခာရဝဏ္ဏနာ

၃၄၀။ ယသသာတိ အာနုဘာဝေန၊ တေနာဟ “အာဏာဋ္ဌပနသမတ္တ-တာယာ”တိ။ သဒ္ဓဟတိတိ“ဒါတာ ဒါနဿ ဖလံ ပစ္စနဘောတိ”တိ ပတ္တိယာ-ယတိ။ ဒါနေ သူရေတိ ဒါနသူရော၊ ဒေယျဓမ္မေ ဤသကမ္ပိ သင်္ဂံ အကတွာ မုတ္တ-စာဂေါ။ သွာယမတ္ထော ကမ္မဿကတညာဏဿ တိက္ခဝိသဒဘာဝေန ဝေဒိ-တဗ္ဗော၊ တေနာဟ “န သဒ္ဓါမတ္တကေနောဝါ”တိအာဒိ။ ယဿ ဟိ ကမ္မဿ-ကတာ ပစ္စက္ခတော ဝိယ ဥပဋ္ဌာတိ၊ သော ဧဝံ ဝုတ္တော။ ယံ ဒါနံ ဒေတိတိ ယံ ဒေယျဓမ္မံ ပရဿ ဒေတိ။ တဿ ပတိ ဟုတွာတိ တဗ္ဗိသယံ လောဘံ သုဋ္ဌ၊ အဘိဘဝန္တော တဿ အဓိပတိ ဟုတွာ ဒေတိ အနဓိဘဝနိယတ္တာ။ “န ဒါသော၊ န သဟာယော”တိ ဝတွာ တဒုဘယံ အန္တယတော၊ ဗျတိရေ-ကတော စ ဒေသေတုံ “ယော ဟိ”တိအာဒိ ဝုတ္တံ။ ဒါသော ဟုတွာ ဒေတိ တဏှာယ ဒါနဿ ဒါသဗျတံ ဥပဂတတ္တာ။ သဟာယော ဟုတွာ ဒေတိ တဿ ဝိယဘာဝါနိဿန္တနတော။ သာမီ ဟုတွာ ဒေတိ တတ္ထ တဏှာဒါသဗျတော

အတ္တာနံ မောစေတွာ အဘိဘုယျ ပဝတ္တနတော။ သာမိပရိဘောဂသဒိသာ
ဟေတဿာယံ ပဝတ္တတိတိ။

သမိတပါပါ သမဏာ၊ ဗာဟိတပါပါ ဗြာဟ္မဏာ ဥက္ကဋ္ဌနိဒ္ဒေသေန၊
ပဗ္ဗဇ္ဇာမတ္တသမဏဇာတိမတ္တဗြာဟ္မဏာ ပန ကပဏာဒိဂ္ဂဟဏေနေဝေတ္ထ
ဂဟိတာတိ အဓိပ္ပါယော။ ဒုဂ္ဂတာတိ ဒုက္ကရဇီဝိကံ ဥပဂတာ ကသိရဝုတ္တိကာ၊
တေနာဟ “ဒလိဒ္ဓမနုဿာ”တိ။ အဋ္ဌိကာတိ အဋ္ဌါနမဂ္ဂဂါမိနော။
ဝဏီဗ္ဗကာတိ ဒါယကာနံ ဂုဏကိတ္တနဝသေန၊ ကမ္မဗလကိတ္တနမုခေန
စ ယာစနကာ သေယျထာပိ နဂ္ဂစရိယာဒယော၊ တေနာဟ “ဣဋ္ဌံ ဒိန္နံ”န္တိအာဒိ။
“ပသတမတ္တ”န္တိ ဝိဟိတဏှုလာဒိဝသေန ဝုတ္တံ၊ “သရာဓမ္မတ္တ”န္တိ ယာဂုတတ္တာဒိ-
ဝသေန။ ဩပါနံ ဝုစ္စတိ ဩဂါဟေတွာ ပါတဗ္ဗတော နဒိတဋ္ဌာကာဒိနံ
သဗ္ဗသာဓာရဏတိတ္ထံ၊ ဩပါနံ ဝိယ ဘူတောတိ ဩပါနဘူတော၊ တေနာဟ
“ဥဒပါနဘူတော”တိအာဒိ။ သုတမေဝ သုတဇာတန္တိ ဇာတ-သဒ္ဓဿ
အနတ္တန္တရဝါစကတံ အာဟ ယထာ “ကောသဇာတ”န္တိ။

အတိတာဒိအတ္တစိန္တနသမတ္တတာ နာမဿ ရညော အနုမာနဝသေန၊
ဣတိကတ္တဗ္ဗတာဝသေန စ ဝေဒိတဗ္ဗာ၊ န ဗုဒ္ဓါနံ ဝိယ တတ္ထ ပစ္စက္ခဒဿိတာ-
ယာတိ ဒဿေတုံ “အတိဇေ”တိအာဒိ ဝုတ္တံ။ အမုတာဒယော တာဝ ယညဿ
ပရိက္ခာရာ ဟောန္တ၊ တေဟိဝိနာ တဿ အသိဇ္ဈနတော၊ သုဇာတတာသုရူပ-
တာ ပန ကထန္တိ အာဟ “ဧတေဟိ ကိရာ”တိအာဒိ။ ဧတ္ထ စ ကေဝိ “ယထာ
အမုတာဒယော ယညဿ ဧကံသတော အင်္ဂါနိ၊ န ဝေမဘိဇာတတာ၊ အဘိ-
ရူပတာ စာတိ ဒဿေတုံ ကိရ-သဒ္ဓဂ္ဂဟဏ”န္တိ ဝဒန္တိ “အယံ ဒုဇ္ဇာတော”တိ-
အာဒိဝစနဿ အနေကန္တိကတံ မညမာနာ၊ တယိဒံ အသာရံ၊ သဗ္ဗသာဓာရဏ-
ဝသေန ဟေသ ယညာရမ္ဘော တတ္ထ သိယာ ကေသန္တိ တထာပရိဝိတက္ကောတိ
တဿာပိ အဝကာသာဘာဝါဒဿနတ္ထံ^၁ တထာ ဝုတ္တတ္တာ။ ကိရ-သဒ္ဓေါ ပန
တဒါ ဗြာဟ္မဏေန စိန္တိတာကာရသူစနတ္ထော ဒဋ္ဌဗ္ဗော။ ဝေမာဒိနိတိ အာဒိ-
သဒ္ဓေန “အယံ ဝိရူပေါ ဒလိဒ္ဓေါ အပ္ပေသက္ခော အဿဒ္ဓေါ အပ္ပဿုတော
အနတ္တညူ န မေဓာဝိ”တိ ဧတေသံ သင်္ဂဟော ဒဋ္ဌဗ္ဗော။

စတုပရိက္ခာရာဒိဝဏ္ဏနာ

၃၄၁။ “သုဇံ ပဂ္ဂဏှန္တာန”န္တိ ပုရောဟိတဿ သယမေဝ ကဋ္ဌတ္ထုဂ္ဂဟဏ-
ဇောတနေန^၂ ဧဝံ သဟတ္တာ၊ သက္ကစ္စဉ္စ ဒါနေ ယုတ္တတာ^၃ ဣတ္ထိတဗ္ဗာတိ

၁-အာဟရာဘာဝဒဿနတ္ထံ (ဗဟုသု) ၂-....စောဒနေန (ဗဟုသု) ၃-ယုတ္တယုတ္တတာ (အဘိနဝဂ္ဂိ)

ဒဿေတိ။ ဧဝံ ခုဇ္ဇာတဿာတိ ဧတ္ထာပိ ဟေဋ္ဌာ ဝုတ္တနယေနော အတ္ထော
ဝေဒိတဗ္ဗော။

၃၄၂။ တိဏ္ဏံ ဌာနာနန္တိ ဒါနဿ အာဒိမဇ္ဈပရိယောသာနဘူတာသု
တိသု ဘူမိသု၊ အဝတ္ထာသုတိ အတ္ထော။ စလန္တိတိ ကမ္မန္တိ ပုရိမာကာရေ န
တိဋ္ဌန္တိ။ ကရုဏတ္ထေတိ တတိယာဝိဘတ္တိအတ္ထေ။ ကတ္တရိ ဟေတံ သာမိဝစနံ
ကရုဏီယသဒ္ဓါပေက္ခာယ။ “ပစ္စာနတာပေါ” န ကတ္တဗ္ဗော”တိ ဝတွာ တဿ
အကရဏူပါယံ ဒဿေတုံ “ပုဗ္ဗစေတနာ ပန အစလာ ပတိဋ္ဌပေတဗ္ဗာ”တိ
ဝုတ္တံ။ တတ္ထ အစလာတိ ဒဋ္ဌာ ကေနစိ အသံဟိရာ။ ပတိဋ္ဌပေတဗ္ဗာတိ
သုပတိဋ္ဌိတာ ကာတဗ္ဗာ။ ဧဝံ ကရုဏေန ဟိ ယထာ တံ ဒါနံ သမ္ပတိ ယထာ-
မိပ္ပါယံ နိပ္ပဇ္ဇတိ။ ဧဝံ အာယတိမ္ပိ ဝိပုလဗလတာယာတိ အာဟ “ဝေဠိ ဒါနံ
မဟပ္ပလံ ဟောတိတိ ဒဿေတိ”တိ၊ ဝိပ္ပဋိသာရေန အနုပက္ခိလိဋ္ဌဘာဝတော။
မုဇ္ဇစေတနာတိ ပရိစ္စာဂစေတနာ။ တဿာ နိစ္စလဘာဝေါ နာမ မုတ္တစာဂတာ
ပုဗ္ဗာဘိသင်္ခါရဝသေန ဥဋ္ဌာရဘာဝေါ၊ သမနုဿရုဏစေတနာယ ပန နိစ္စလ-
ဘာဝေါ “အဟော မယာ ဒါနံ ဒိန္တိ သာဓု သုဋ္ဌ”တိ တဿ သက္ကစ္စံ ပစ္စ-
ဝေက္ခဏာဝသေန ဝေဒိတဗ္ဗော။ တထာ အကရေန္တဿာတိ မုဇ္ဇစေတနံ၊ တတ္ထ
ပစ္စာသမနုဿရုဏစေတနဉ္စ ဝုတ္တနယေန နိစ္စလံ အကရေန္တဿ ဝိပ္ပဋိသာရံ
ဥပ္ပါဒေန္တဿ။ ခေတ္တဝိသေသေ ပရိစ္စာဂဿ ကတတ္တာ လဒ္ဓေသုပိ ဥဋ္ဌာရေသု
ဘောဂေသု စိတ္တံ နာပိ နမတိ။ ယထာ ကထန္တိ အာဟ “မဟာရေရူဝံ
ဥပပန္နဿ သေဠိဂဟပတိနော ဝိယာ”တိ။

သော ကိရ တဂရသိဒ္ဓိံ ပစ္စေကဗုဒ္ဓံ အတ္တနော ဂေဟဒ္ဓါရေ ပိဏ္ဏာယ ဌိတံ
ဒိသ္ဗာ “ဣမဿ သမဏဿ ပိဏ္ဏပါတံ ဒေဟီ”တိ ဘရိယံ အာဏာပေတွာ
ရာဇုပဋ္ဌာနတ္ထံ ပက္ကာမိ။ သေဠိဘရိယာ သပ္ပညဇာတိကာ၊ သာ စိန္တေသိ “မယာ
တ္ထေကေန ကာလေန ‘ဣမဿ ဒေထာ’တိ ဝစနမုတ္တမ္ပိဿ န သုတပုဗ္ဗံ၊
အယဉ္စ မညေ အဟောသိ ပစ္စေကသမ္ပုဒ္ဓေါ၊ ယထာ တထာ အဒတွာ
ပဏီတံ ပိဏ္ဏပါတံ ဒဿာမိ”တိ ဥပဂန္တော ပစ္စေကသမ္ပုဒ္ဓံ ပဉ္စပတ်ဋိတေန
ဝန္တိတွာ ပတ္တံ အာဒါယ အန္တောနိဝေသနေ ပညတ္တာသနေ နိသီဒါပေတွာ
ပရိသုဒ္ဓေဟိ သာလိတဏှုလေဟိ ဘတ္တံ သမ္ပာဒေတွာ တဒနရူပံ ခါဒနီယံ၊
ဗျဉ္ဇနံ၊ သူပေယျဉ္စ အဘိသင်္ခရိတွာ ဗဟိဂန္ဓေဟိ အလင်္ကရိတွာ ပစ္စေကသမ္ပုဒ္ဓဿ
ဟတ္ထေသု ပတိဋ္ဌပေတွာ ဝန္တိ။ ပစ္စေကဗုဒ္ဓေါ “အညေသမ္ပိ ပစ္စေကဗုဒ္ဓါနံ

သင်္ဂဟံ ကရိဿာမိ”တိ အပရိဘုဉ္ဇိတွာဝ အနုမောဒနံ ကတွာ ပက္ကာမိ။
 သောပိ ခေါ သေဋ္ဌိ ရာဇုပဋ္ဌာနံ ကတွာ အာဂစ္ဆန္တော ပစ္စေကဗုဒ္ဓံ ဒိဿာ
 အဟံ “တုမှာကံ ပိဏ္ဍပါတံ ဒေဃာ”တိ ဝတွာ ပက္ကန္တော၊ အပိ ဝေါ
 လဒ္ဓေါ ပိဏ္ဍပါတောတိ။ အာမ သေဋ္ဌိ လဒ္ဓေါတိ။ “ပဿာမာ”တိ ဂိဝံ
 ဥက္ခိပိတွာ ဩလောကေသိ။ အာယသ ပိဏ္ဍပါတဂန္တော ဥဋ္ဌဟိတွာ နာသ-
 ပုဋ် ပူရေသိ။ သော “မဟာ ဝတ မေ နေဗျယော ဇာတော”တိ စိတ္တံ
 သန္တာရေတုံ အသက္ခောန္တော ပစ္ဆာ ဝိပုဋ္ဌိသာရိ အဟောသိ။ ဝိပုဋ္ဌိသာရဿ
 ပန ဥပ္ပန္နာကာရော “ဝရမေတ”န္တိအာဒိနာ^၁ ပါဠိယံ အာဂတောယေဝ။
 ဘာတု ပနာယံ ဧကံ ပုတ္တကံ သာပတေယျကာရဏာ ဇိဝိတာ ဝေါရော-
 ပေသိ၊ တေန မဟာရောရဝံ ဥပပန္နော။ ပိဏ္ဍပါတဒါနေန ပနေသ သတ္တက္ခတ္တံ
 သုဂ္ဂတိ^၂ သဂ္ဂံ လောကံ ဥပပန္နော၊ သတ္တက္ခတ္တမေဝ စ သေဋ္ဌိကုလေ နိဗ္ဗတ္တော၊
 န စာဿ ဥဋ္ဌာရေသု ဘောဂေသု စိတ္တံ နမိ။ တေန ဝုတ္တံ “နာပိ ဥဋ္ဌာရေသု
 ဘောဂေသု စိတ္တံ နမတိ”တိ။

၃၄၃။ အာကရေတိ အတ္တနော အနုရူပတာယ သမရိယာဒံ သပရိစ္ဆေဒံ
 ဖလံ နိဗ္ဗတ္တေတိတိ အာကာရော၊ ကာရဏန္တိ အာဟ “ဒသဟိ အာကာရေ-
 ဟိတိ ဒသဟိ ကာရဏေဟိ”တိ။ ပဋိဂ္ဂါဟကတောဝါတိ ဗလဝတရော
 ဟုတွာ ဥပ္ပဇ္ဇမာနော ပဋိဂ္ဂါဟကတောဝံ ဥပ္ပဇ္ဇတိ၊ ဣတရော ပန ဒေယျ-
 ဓမ္မတော၊ ပရိဝါရဇနတောပိ ဥပ္ပဇ္ဇေယျေဝ။ ဥပ္ပဇ္ဇိတုံ ယုတ္တန္တိ ဥပ္ပဇ္ဇနာ-
 ရဟံ။ တေသံယေဝ ပါဏာတိပါတီနံ။ ယဇနံ နာမေတ္ထ ဒါနံ အဓိပ္ပေတံ၊
 န အဂ္ဂိဇုဟနန္တိ အာဟ “ယဇတံ ဘဝန္တိ ဒေတု ဘဝ”န္တိ။ ဝိဿန္တေတုတိ
 မုတ္တစာဂဝသေန ဝိဿန္တေတု။ အပ္ပန္တိရန္တိ အဇ္ဈတ္တံ၊ သကသန္တာနေတိ အတ္ထော။

၃၄၄။ ဟေဋ္ဌာ သောဋ္ဌသ ပရိက္ခာရာ ဝုတ္တာ ယညဿ တေ ဝတ္ထံ
 ကတွာ၊ ဣဓ ပန သန္တဿနာဒိဝသေန အနုမောဒနာယ အာရဒ္ဓတ္တာ ဝုတ္တံ
 “သောဋ္ဌသဟိ အာကာရေဟိ”တိ။ ဒသေတွာ အတ္တနော ဒေသနာနဘာ-
 ဝေန ပစ္စက္ခတော ဝိယ ဖလံ ဒသေတွာ၊ အနေကဝါရံ ပန ကထနတော စ
 အာမေဒိတဝစနံ။ တမတ္တန္တိ^၂ ယထာဝုတ္တံ ဒါနဖလဝသေန ကမ္မဖလသမ္ပန္နံ။
 သမာဒပေတွာတိ^၃ သုတမတ္တမေဝ အကတွာ ယထာ ရာဇာ တမတ္တံ
 သမ္ပဒေဝ အာဒိယတိ စိတ္တေ ကရောန္တော သုဂ္ဂဟိတံ ကတွာ ဂဏှာတိ၊ တထာ
 သက္ကန္တံ အာဒါပေတွာ။ အာမေဒိတကာရဏံ ဟေဋ္ဌာ^၄ ဝုတ္တမေဝ။

“ဝိပ္ပုဋ္ဌိသာရဝိနောဒနေနာ”တိ ဣဒံ နိဒဿနမတ္ထံ။ လောဘဒေါသမောဟ-
ဇုဿာမစ္ဆရိယမာနာဒယောပိ ဟိ ဒါနစိတ္တဿ ဥပတ္တိလေသာ၊ တေသံ
ဝိနောဒနေနပိ တံ သမုတ္တေဇိတံ နာမ ဟောတိ တိက္ခဝိသဒဘာဝပုတ္တိတော။
အာသန္နတရဘာဝတော ဝါ ဝိပ္ပုဋ္ဌိသာရဿ တဗ္ဗိနောဒနမေဝ ဂဟိတံ၊
ပဝတ္တိတေပိ ဟိ ဒါနေ တဿ သမ္ဘဝတော။ ယာထာဝတော ဝိဇ္ဇမာနေဟိ
ဂုဏေဟိ တုဠပဟဋ္ဌဘာဝါပါဒနံ သမ္ပဟံသနန္တိ အာဟ “သုန္တရံ တေ။ ပ။
ထုတိံ ကတ္တာ ကထေသီ”တိ။ ဓမ္မတောတိ သစ္စတော။ သစ္စဉ္စ ဓမ္မတော
အနပေတတ္တာ ဓမ္မံ၊ ဥပသမစရိယာဘာဝတော သမံ၊ ယုတ္တဘာဝေန ကာရဏန္တိ
စ ဝုစ္စတိတိ။

၃၄၅။ တသ္မိံ ယညေ ရုက္ခတိဏန္တေဒေါပိ နာမ နာဟောသိ၊ ကုတော
ပါဏဝဓောတိ ပါဏဝဓာဘာဝဿေဝ ဒဠိကရဏတ္ထံ၊ သဗ္ဗသော ဝိပရိတဂါ-
ဟာဝိဒူသိတတဉ္စဿ ဒဿေတုံ ပါဠိယံ “နေဝ ဂါဝေါ ဟညိံသု”တိအာဒိံ
ဝတ္ထာပိ “န ရုက္ခာ ဆိဇ္ဇိံသု”တိအာဒိံ ဝုတ္တံ၊ တေနာဟ “ဏိံ ပန ဂါဝေါ”တိ-
အာဒိံ။ ဗရိဟိသတ္တာယာတိ ပရိစ္ဆေဒနတ္ထာယ။ ဝနမာလာသင်္ခေပေနာတိ
ဝနပုပ္ဖေဟိ ဂန္တိတမာလာနိယာမေန။ ဘူမိယံ ဝါ ပတ္တရန္တိတိ ဝေဒိဘူမိံ
ပရိက္ခိပန္တာ တတ္ထ ပတ္တရန္တိ။ အန္တောဂေဟဒါသာဒယောတိ အန္တောဇာတ-
ဓနက္ခိတကရမရာနိတသယံဒါသာ။ ပုဗ္ဗမေဝါတိ ဘတိကရဏတော ပဂေဝ။
ဂဟေတွာ ကရေန္တိတိ ဒိဝသေ ဒိဝသေ ဂဟေတွာ ကရေန္တိ။ တဠိတာတိ
ဂဠိတာ။ ဝိယသမုဒါစာရေနေဝါတိ ဣဋ္ဌဝစနေနေဝ။ ဖာဏိတေန စေဝါတိ
ဧတ္ထ စ-သဒ္ဓေါ အဝုတ္တသမုစ္စယတ္ထော၊ တေန ပဏိတပဏိတာနံ နာနပ္ပကာရာနံ
ခါဒနိယဘောဇနိယာဒိနဉ္စေဝ ဝတ္ထမာလာဂန္ဓဝိလေပနယာနသေယျာဒိနဉ္စ
သင်္ဂဟော ဒဋ္ဌဗ္ဗော၊ တေနာဟ “ပဏိတေဟိ သပ္ပိတေလာဒိသပ္ပိသေဟေ-
ဝါ”တိအာဒိံ။

၃၄၆။ သံ နာမ ဓနံ၊ တဿ ပတိတိ သပတိ၊ ဓနဝါ။ ဒိဋ္ဌဓမ္မိကသမ္ပရာ-
ယိကဟိတာဝဟတ္တာ တဿ ဟိတန္တိ သာပတေယျံ၊ တဒေဝ ဓနံ။ တေနာဟ
“ပဟူတံ သာပတေယျံ အာဒါယာတိ ဗဟုံ ဓနံ ဂဟေတွာ”တိ။ ဂါမဘာဂေ-
နာတိ သံကိတ္တနဝသေန ဂါမေ ဝါ ဂဟေတဗ္ဗဘာဂေန။

၃၄၇။ “ယာရုံ ဝိဝိတွာ”တိ ယာဂုသီသေန ပါတရာသဘောဇနမာဟ။
ပုရတ္ထိမေန ယညဝါဠဿာတိ ရညော ဒါနသာလာယ နာတိဒူရေ

ပုရတ္တိမဒိသာဘာဂေတိ အတ္ထော၊ ယတော တတ္ထ ပါတရာသံ ဘုဉ္ဇိတွာ အင်္ဂါလန္တရူပါယေဝ သာယနေ သာလံ ပါပုဏန္တိ။ “ဒက္ခိဏေန ယညဝါ-
ဋ္ဌဿာ”တိအာဒိသုပိ ဧသေဝ နယော။

၃၄၈။ ပရိဟာရေနာတိ ဘဂဝန္တံ ဂရုံ ကတွာ အဂါရဝပရိဟာရေန။

နိစ္စဒါနအနုကုလယညဝဏ္ဏနာ

၃၄၉။ ဥဋ္ဌာယ သမုဋ္ဌာယာတိ ဒါနေ ဥဋ္ဌာနဝီရိယံ သက္ကစ္စံ ကတွာ။
အပ္ပသမ္ဘာရတရောတိ^၁ အတိဝိယ ပရိတ္တသမ္ဘာရေ။ သမာရဘိယတိ
ယညော ဧတေဟိတိ သမာရမ္ဘာ၊ သမ္ဘာရသမ္ဘရဏဝသေန^၂ ပဝတ္တသတ္တဝီဋ္ဌာ။
အပ္ပဋ္ဌတရောတိ ပန အတိဝိယ အပ္ပကိစ္စောတိ အတ္ထော။ ဝိပါကသညိတံ
အတိသယေန မဟန္တံ သဒိသဖလံ ဧတဿာတိ မဟပ္ပလတရော။ ဥဒယသညိတံ
အတိသယေန မဟန္တံ နိဿန္တာဒိဖလံ ဧတဿာတိ မဟာနိသံသတရော။
ဓုဝဒါနာနိတိ ဓုဝါနိ ထိရာနိ အစ္ဆိန္နာနိ ကတွာ ဒါတဗ္ဗဒါနာနိ။ အနုကုလ-
ယညာနိတိ အနုကုလံ ကုလာနုက္ကမံ ဥပါဒါယ ဒါတဗ္ဗဒါနာနိ၊ တေနာဟ
“အပ္ပာက”န္တိအာဒိ။ နိဗ္ဗဒါနာနိတိ နိဗ္ဗန္တော နိယမေတွာ ပဝေဏီဝသေန
ပဝတ္တိတဒါနာနိ။

ဟတ္ထိဒန္တေန ပဝတ္တိတာ ဒန္တမယသလာကာ၊ ယတ္ထ ဒါယကာနံ နာမံ
အင်္ဂန္တိ။ ရညောတိ သေတဝါဟနရညော။

အာဒိနိတိ အာဒိ-သဒ္ဓေန “သေနော ဝိယ မံသပေသိ” ကသ္မာ ဩက္ခန္ဓိတွာ
ဂဏှာသိ”တိ ဧဝမာဒိနံ သင်္ဂဟော။ ပုဗ္ဗစေတနာမုဗ္ဗစေတနာအပရစေတနာ-
သမ္ပတ္တိယာ ဒါယကဿ ဝသေန တိဏီ အင်္ဂါနိ၊ ဝိတရာဂတာဝိတဒေါသတာ-
ဝိတမောဟတာပဋိပတ္တိယာ ဒက္ခိဏေယျဿ ဝသေန တိဏီတိ ဧဝံ ဆဋ္ဌင်္ဂ-
သမန္တာဂတာယ ဒက္ခိဏာယ။ အပရာပရံ ဥပ္ပဇ္ဇနကစေတနာဝသေန မဟာနဒိ
ဝိယ၊ မဟောသော ဝိယ စ ဣတော စိတော စ အဘိသန္ဓိတွာ ဩက္ခန္ဓိတွာ
ပဝတ္တိယာ ပုညမေဝ ပုညာဘိသန္ဓော။

၃၅၀။ ကိစ္စပရိယောသာနံ နတ္ထိ ဒိဝသေ ဒိဝသေ ဒါယကဿ ဗျာပါရာ-
ပဇ္ဇနတော၊ တေနာဟ “ကေနာ”တိအာဒိ။ ကိစ္စပရိယောသာနံ အတ္ထိ
ယသာရဒ္ဓဿ အာဝါသဿ ကတိပယေနာပိ ကာလေန ပရိသမာပေတဗ္ဗတော၊

၁-အပ္ပသမာရမ္ဘတရော (၆)

၂-သမာသမ္ဘရဏဝသေန (ဗဟုသု)

တေနာဟ “ပဏ္ဏသလ” နှိအာဒိ။ သုတ္တန္တပရိယာယေနာတိ သုတ္တန္တပါဠိ-
နယေနံ။ နဝ အာနိသံသာတိ သီတပဋိသဘာတာဒယော ပဋိသလ္လာနာရာမ-
ပရိယောသာနာ နဝ ဥဒယာ။ အပ္ပမတ္တတာယ စေတေ ဝုတ္တာ။

ယသ္မာ အာဝါသံ ဒေန္တေန နာမ သဗ္ဗမ္ပိ ပစ္စယဇာတံ ဒိန္နမေဝ ဟောတိ။
ဒွေ တယော ဂါမေ ပိဏ္ဍာယ စရိတွာ ကိဉ္စိ အလဒ္ဓါ အာဂတဿပိ ဆာယူ-
ဒကသမ္ပန္နံ အာရာမံ ပရိသိတွာ နာယိတွာ ပတိဿယေ မဟုတ္တံ နိပဇ္ဇိတွာ
ဥဋ္ဌာယ နိသိန္နဿ ကာယေ ဗလံ အာဟရိတွာ ပက္ခိတ္တံ ဝိယ ဟောတိ။ ဗဟိ
ဝိစရန္တဿ စ ကာယေ ဝဏ္ဏဓာတု ဝါတာတပေဟိ ကိလမတိ၊ ပတိဿယံ
ပရိသိတွာ ဒွါရံ ပိဓာယ မဟုတ္တံ နိပဇ္ဇဿ ဝိသဘာဂသန္တတိ ဝုပသမ္ပတိ၊
သဘာဂသန္တတိ ပတိဋ္ဌာတိ၊ ဝဏ္ဏဓာတု အာဟရိတွာ ပက္ခိတ္တံ ဝိယ ဟောတိ။
ဗဟိ ဝိစရန္တဿ စ ပါဒေ ကဏ္ဍကော ဝိဇ္ဈတိ၊ ခါဏု ပဟရတိ၊ သရီသပါဒိ-
ပရိဿယာ စေဝ စောရဘယဉ္စ ဥပ္ပဇ္ဇတိ၊ ပတိဿယံ ပရိသိတွာ ဒွါရံ ပိဓာယ
နိပဇ္ဇဿ သဗ္ဗေ တေ ပရိဿယာ န ဟောန္တိ၊ သဇ္ဈာယန္တဿ ဓမ္မဝီတိသုခံ၊
ကမ္မဋ္ဌာနံ မနသိ ကရေန္တဿ ဥပသမသုခဉ္စ ဥပ္ပဇ္ဇတိ ဗဟိဒ္ဓါ ဝိက္ခေပါဘာဝ-
တော။ ဗဟိ ဝိစရန္တဿ စ ကာယေ သေဒါ မုစ္ဆန္တိ၊ အက္ခိနိ ဖန္တန္တိ၊ သေနာသနံ
ပဝိသနက္ခဏေ မဉ္ဇဝိဋ္ဌာဒီနိ န ပညာယန္တိ၊ မဟုတ္တံ နိသိန္နဿ ပန အက္ခိနံ
ပသာဒေါ အာဟရိတွာ ပက္ခိတ္တော ဝိယ ဟောတိ၊ ဒွါရဝါတပါနမဉ္ဇဝိဋ္ဌာဒီနိ
ပညာယန္တိ။ ဧတသ္မိဉ္စ အာဝါသေ ဝသန္တံ ဒိသ္မာ မနဿာ စတူဟိ ပစ္စယေဟိ
သက္ကစ္စံ ဥပဋ္ဌဟန္တိ။ တေန ဝုတ္တံ “အာဝါသံ ဒေန္တေန နာမ သဗ္ဗမ္ပိ ပစ္စယဇာတံ
ဒိန္နမေဝ ဟောတိ” တိ၊ တသ္မာ ဧတေ ယထာဝုတ္တာ သဗ္ဗေပိ အာနိသံသာ
ဝေဒိတဗ္ဗာ။ တေန ဝုတ္တံ “အပ္ပမတ္တတာယ စေတေ ဝုတ္တာ” တိ။

သီတန္တိ အဇ္ဈတ္တံ ဓာတုက္ခောဘဝသေန ဝါ ဗဟိဒ္ဓါ ဥတုဝိပရိဏာမဝသေန
ဝါ ဥပ္ပဇ္ဇနကသီတံ။ ဥဏ္ဍန္တိ အဂ္ဂိသန္တာပံ၊ တဿ ဝနဉာဟာဒိသု ၂ သမ္ဘဝေါ
ဝေဒိတဗ္ဗော။ ပဋိဟန္တိတိ ပဋိဗာဟတိ ယထာ တဒုဘယဝသေန ကာယ-
စိတ္တာနံ ဗာဓနံ န ဟောတိ၊ ဧဝံ ကရေတိ။ သီတုဏ္ဍုပ္ပာဟတေ ဟိ သရီရေ
ဝိက္ခိတ္တစိတ္တော ဘိက္ခု ယောနိသော ပဒဟိတုံ န သက္ကောတိ။ ဝါဠုမိဂါနီတိ
သီဟဗျုဒ္ဓါဒိစက္ကမိဂေ။ ဂုတ္တသေနာသနဉ္စိ အာရညကမ္ပိ ပရိသိတွာ ဒွါရံ ပိဓာယ
နိသိန္နဿ တေ ပရိဿယာ န ဟောန္တိတိ။ သရီသပေတိ ယေ ကေမိ သရန္တေ
ဂစ္ဆန္တေ ဒီသဇာတိကေ သပ္ပာဒိဂေ။ မကသေတိ နိဒဿနမတ္တမေတံ၊ ခံသာဒီနမ္ပိ

၁-မ ၁-၁၂၊ အံ ၂-၃၄၁-ဝိဇ္ဇေသု။ ၂-ဝနဒါဟာဒိသု ဝါ (သုရတ္ထ-ဦး ၃-၃၉၃-ဝိဇ္ဇေ)

တေသေဝံ သင်္ဂဟော ဒဋ္ဌဗ္ဗော။ သိသိရေတိ သိသိရကာလဝသေန၊ သတ္တာဟ-
ဝဒ္ဓလိကာဒိဝသေန စ ဥပ္ပန္နေ သိသိရသမ္ပဿေ။ ဝုဋ္ဌိယောတိ ယဒါ တဒါ
ဥပ္ပန္နာ ဝဿဝုဋ္ဌိယော ပဋိဟနတိတိ ယောဇနာ။

ဝါတာတပေါ ဘောရောတိ ရုက္ခဂစ္ဆာဒိနံ ဥဗ္ဗလဘဉ္ဇနာဒိဝသေန
ပဝတ္တိယာ ဘောရော သရဇအရဇာဒိဘေဒေါ ဝါတော စေဝ ဂိမှပရိဋ္ဌာဟ-
သမယေသု ဥပ္ပတ္တိယာ ဘောရော သူရိယာတပေါ စ။ ပဋိဟညတိတိ
ပဋိဗာဟိယတိ။ လေဏတ္တန္တိ နာနာရမ္ပဏတော စိတ္တံ နိဝတ္တေတွာ ပဋိသလ္လာ-
နာရာမတ္ထံ။ သုဓတ္တန္တိ ဝုတ္တပရိဿယာဘာဝေန ဖာသုဝိဟာရတ္ထံ။ ဈာယိတုန္တိ
အဋ္ဌတိံသာယ အာရမ္ပဏေသု ယတ္ထ ကတ္တစိ စိတ္တံ ဥပနိဗန္ဓိတွာ ဥပနိဇ္ဈာယိတုံ။
ဝိပဿိတုန္တိ အနိစ္စာဒိတော သင်္ခါရေ သမ္ပသိတုံ။

ဝိဟာရေတိ ပတိဿယေ။ ကာရယေတိ ကာရာပေယျ။ ရဗ္ဗေတိ
မနောရမေ နိဝါသသုခေ။ ဝါသယေတ္တ ဗဟုဿုတေတိ ကာရေတွာ ပန
ဧတ္ထ ဝိဟာရေသု ဗဟုဿုတေ သီလဝန္တေ ကလျာဏဓမ္မေ နိဝါသေယျ၊ တေ
နိဝါသေန္တော ပန တေသံ ဗဟုဿုတာနံ ယထာ ပစ္စယေဟိ ကိလမထော
န ဟောတိ၊ ဧဝံ အန္တဉ္စ ပါနဉ္စ ဝတ္တသေနာသနာနိ စ ဒေသေယျ ဥဇုဘူတေသု
အဇ္ဈာသယသမ္ပန္နေသု ကမ္မကမ္မဖလာနံ၊ ရတနတ္တယဂုဏာနဉ္စ သဒ္ဓဟနေန
ဝိပ္ပသန္တေန စေတသာ။

ဣဒါနိ ဂဟဋ္ဌပဗ္ဗဇိတာနံ အညမညူပကာရိတံ ဒဿေတုံ “တေ တဿာ”တိ
ဂါထမာဟ။ တတ္ထ တေတိ ဗဟုဿုတာ။ တဿာတိ ဥပါသကဿ။ ဓမ္မံ
ဒေသေန္တိတိ သကလဝဋ်ဒုက္ခပနုဒနံ သဒ္ဓမ္မံ ဒေသေန္တိ။ ယံ သော ဓမ္မံ ဣဝ-
ညာယာတိ သော ဥပါသကော ယံ သဒ္ဓမ္မံ ဣမသ္မိံ သာသနေ သမ္မာပဋိပဇ္ဇ-
နေန ဇာနိတွာ အဂ္ဂမဂ္ဂါဓိဂမေန အနာသဝေါ ဟုတွာ ပရိနိဗ္ဗာတိ ကော-
ဒသဂ္ဂိဝုပသမေန သီတိ ဘဝတိ။

သီတပဋိသုတာဒယော ဝိပဿနာဝသာနာ တေရသ၊ အန္တာဒိလာဘော၊
ဓမ္မဿဝနံ၊ ဓမ္မာဝဗောဓော၊ ပရိနိဗ္ဗာနန္တိ ဧဝံ သတ္တရသ။

၃၅၁။ အတ္တနော သန္တကာတိ အတ္တနိယာ။ ဒုပ္ပရိစ္စဇနံ လောဘံ နိဂ္ဂဏိတုံ
အသက္ကောန္တဿ။ သံဃဿ ဝါ ဂဏဿ ဝါ သန္တိကေတိ ယောဇနာ။

တတ္ထာတိ ယထာဂဟိတေ သရဏေ။ နတ္ထိ ပုနပ္ပုနံ ကတ္တဗ္ဗတာ ဝိညူဇာတိ-
ကဿာတိ အဓိပ္ပါယော။ “ဇိဝိတပရိစ္ဆာဂမယံ ပုည”န္တိ။ “သစေ တံ န
ယထာဂဟိတံ သရဏံ ဘိဒ္ဓိဿတိ၊ ဧဝါဟံ တံ မာရေမိ”တိ ယဒိဝိ ကောစိ
တိဏှေန သတ္တေန ဇိဝိတာ ဝေါရောပေယျ၊ တထာပိ “နေဝါဟံ ဗုဒ္ဓံ န ဗုဒ္ဓေါတိ၊
ဓမ္မံ န ဓမ္မောတိ၊ သံဃံ န သံဃောတိ ဝဒါမိ”တိ ဒဠတရံ ကတွာ
ဂဟိတသရဏဿ ဝသေန ဝုတ္တံ။

• ၃၅၂။ သရဏံ ဥပဂတေန ကာယဝါစာစိတ္တေဟိ သက္ကစ္စံ ဝတ္ထုတ္တယပူဇာ
ကာတဗ္ဗာ၊ တတ္ထ စ သံကိလေသော ပရိဟနိတဗ္ဗော၊ သိက္ခာပဒါနိ ပန
သမာဒါနမတ္တံ၊ သမ္ပတ္တဝတ္ထုတော ဝိရမဏမတ္တဉ္စာတိ သရဏဂမနတော
သီလဿ အပ္ပဠတရတာ၊ အပ္ပသမာရမ္ဘတရတာ စ ဝေဒိတဗ္ဗာ။ သဗ္ဗေသံ
သတ္တာနံ ဇိဝိတဒါနာဒိနာ ဒဏှနိဓာနတော၊ သကလလောကီယလောကုတ္တရ-
ဂုဏာဓိဋ္ဌာနတော စဿ မဟပ္ပလမဟာနိသံသတရတာ ဒဠဗ္ဗာ။

ဝက္ခမာနနယေန စ ဝေရဟေတုတာယ ဝေရံ ဝုစ္စတိ ပါဏာတိ-
ပါတာဒိပါပဓမ္မော၊ တံ မဏတိ “မယိ ဣဓ ဌိတာယ ကထမာဂစ္ဆသီ”တိ
တဇ္ဇေန္တိ ဝိယ နိဟရတိတိ ဝေရမဏီ၊ တတော ဝါ ပါပဓမ္မတော ဝိရမတိ
တောယာတိ “ဝိရမဏီ”တိ ဝတ္ထဗ္ဗေ နိရုတ္တိနယေန ဣကာရဿ ဧကာရံ
ကတွာ “ဝေရမဏီ”တိ ဝုတ္တာ။ အသမာဒိန္နသီလဿ သမ္ပတ္တတော ယထာ-
ဥပဋ္ဌိတဝိတိက္ကမိတဗ္ဗဝတ္ထုတော ဝိရတိ သမ္ပတ္တဝိရတိ။ သမာဒါနဝသေန ဥပ္ပန္နာ
ဝိရတိ သမာဒါနဝိရတိ။ သေတု ဝုစ္စတိ အရိယမဂ္ဂေါ၊ တပ္ပရိယာပန္နာ ဟုတွာ
ပါပဓမ္မာနံ သမုဇ္ဈေဒဝသေန ဃာတနဝိရတိ သေတုဃာတဝိရတိ။ ဣဒါနိ
တိဿော ဝိရတိယော သရူပတော ဒဿေတုံ “တတ္ထာ”တိအာဒိ ဝုတ္တံ။
ပရိဟရတိတိ အဝိတိက္ကမဝသေန ပရိဝဇ္ဇေတိ။ န ဟနာမိတိ ဧတ္ထ ဣတိ-သဒ္ဓေါ
အာဒိအတ္ထော၊ တေန “အဒိန္နံ နာဒိယာမိ”တိ ဝေမာဒိနံ သင်္ဂဟော၊ ဝါ-
သဒ္ဓေန ဝါ၊ တေနာဟ “သိက္ခာပဒါနိ ဂဏှန္တဿာ”တိ။

မဂ္ဂသမ္ပယုတ္တာတိ သမ္ပာဒိဋ္ဌိယာဒိမဂ္ဂသမ္ပယုတ္တာ။ ဣဒါနိ တာသံ ဝိရတိနံ
အာရမ္မဏတော ဝိဘာဂံ ဒဿေတုံ “တတ္ထာ”တိအာဒိ ဝုတ္တံ။ ပုရိမာ ဒွေတိ
သမ္ပတ္တသမာဒါနဝိရတိယော။ ပန္နိမာတိ သေတုဃာတဝိရတိ။ သမ္ပာနိဝိ
ဘိန္နာနိ ဟောန္တိ ဧကန္တံ သမာဒိန္နတ္တာ။ တဒေဝ ဘိဇ္ဇတိ ဝိသုံ ဝိသုံ

သမာဒိန္နတ္တာ။ ဂဟဋ္ဌဝသေန စေတံ ဂုတ္တံ။ **ဘေဒေါ နာမ နတ္ထိ** ပဋိပက္ခ-
 သမုတ္တိန္နနေန အကုပ္ပသဘာဝတ္တာ၊ တေနာဟ **“ဘဝန္တရေဝီ”**တိ။ **ယောနိ-**
သိဒ္ဓန္တိ မနုဿတိရစ္ဆာနာနံ ဥဒ္ဓိ တိရိယမေဝ ဒီဃတာ ဝိယ ဇာတိသိဒ္ဓန္တိ
 အတ္ထော။ ဗောဓိသတ္ထေ ကုတ္တိဂတေ ဗောဓိသတ္ထမာတုသီလံ ဝိယ မ္ဗေတယ
 သဘာဝေနေဝ သိဒ္ဓိံ ဓမ္မတာသိဒ္ဓိံ၊ မဂ္ဂဓမ္မတာယ ဝါ အရိယမဂ္ဂါနုဘာဝေန
 သိဒ္ဓိံ ဓမ္မတာသိဒ္ဓိံ။ **ဒိဋ္ဌိဥဇုကရဏံ နာမ ဘာရိယံ** ဒုက္ခံ၊ တသ္မာ သရဏဂမနံ
 သိက္ခာပဒသမာဒါနတော မဟဋ္ဌတရမေဝ၊ န အပ္ပဋ္ဌတရန္တိ အဓိပ္ပါယော။
ယထာ တထာ ဝါ ဂဏှန္တဿာပီတိ အာဒရဂါရဝံ အကတွာ သမာဒိ-
 ယန္တဿာပိ။ **သာရဏံ ဂဏှန္တဿာပီတိ** သက္ကစ္ဆံ သီလာနိ သမာဒိယန္တဿာပိ၊
 န ဒိဂုဏံ၊ တိဂုဏံ ဝါ ဥဿာဟော ကရဏီယော။

အဘယဒါနတာယ သီလဿ ဒါနဘာဝေါ၊ အနဝသေသံ ဝါ သတ္တနိကာယံ
 ဒယတိ တေန ရက္ခတိတိ **ဒါနံ**၊ သီလံ။ **“အဂ္ဂါနိ”**တိ ဉှတတ္တာ **အဂ္ဂညာနိ**။
 စိရရတ္တတာယ ဉှတတ္တာ **ရတ္တညာနိ**။ **“အရိယာနံ သာရဏံ ဝံသာနိ”**တိ ဉှတတ္တာ
ဝံသညာနိ။ **“ပေါရာဏာနိ”**တိအာဒိသု ပုရိမာနံ တောနိ **ပေါရာဏာနိ**။
 သဗ္ဗသော ကေနစိပိ ပကာရေန သာရဏိ န ကိဏ္ဍာနိ န ခိတ္တာနိ န ဆဒ္ဓိတာ-
 နိတိ **အသံကိဏ္ဍာနိ**။ အယဉ္ဇ နယော နေသံ ယထာ အတီတေ၊ ဧဝံ တေရဟိ၊
 အနာဂတေ စာတိအာဟ **“အသံကိဏ္ဍပုဗ္ဗာနိ န သင်္ကယန္တိ န သင်္ကယိဿန္တိ”**တိ။
 တတော ဧဝ **အပ္ပဋိကုဋ္ဌာနိ** န ပဋိက္ခိတ္တာနိ။ န ဟိ ကဒါစိပိ ဝိညူ သမဏ-
 ပြာဟူဏာ ဟိံသာဒိပါပဓမ္မံ အနဇာနန္တိ။ **အပရိမာဏာနံ သတ္တာနံ အဘယံ**
ဒေတီတိ သဗ္ဗေသု ဘူတေသု နိဟိတဒဏ္ဍတ္တာ သကလဿပိ သတ္တနိကာယဿ
 ဘယာဘာဝံ ဒေတိ။ န ဟိ အရိယသာဝကတော ကဿစိ ဘယံ ဟောတိ။
အဝေရန္တိ ဝေရာဘာဝံ။ အဗျာပဇ္ဈန္တိ နိဗ္ဗုဒ္ဓကံ။

နန စ ပဉ္စသီလံ သဗ္ဗကာလိကံ၊ န စ ကေန္တတော ဝိမုတ္တာယတနံ၊
 သရဏဂမနံ ပန ဗုဒ္ဓုပ္ပါဒဟေတုကံ၊ ကေန္တဝိမုတ္တာယတနဉ္စ၊ တတ္ထ ကထံ
 သရဏဂမနတော ပဉ္စသီလဿ မဟပ္ပလတာတိ အာဟ **“ကိဉ္ဇာပီ”**တိအာဒိ။
ဇေဋ္ဌကန္တိ ဥတ္တမံ။ **“သရဏဂမနေယေဝ ပတိဋ္ဌာယာ”**တိ ဣမိနာ တဿ
 သီလဿ သရဏဂမနေန အဘိသင်္ခတတမာဟ။

၃၅၃။ ဤဒီသမေဝါတိ ဧဝံ သံကိလေသပဋိပက္ခမေဝ ဟုတွာ။ **ဟေဋ္ဌာ**
ဂုတ္တေဟိ ဂုဏေဟိတိ ဧတ္ထ ဟေဋ္ဌာ ဂုတ္တဂုဏာ နာမ သရဏဂမနံ၊ သီလသမ္ပဒါ၊
 ဣန္ဒြိယေသု ဂုတ္တဒ္ဓါရတာတိ ဝေမာဒယော။ ပဌမဇ္ဈာနံ နိဗ္ဗတ္တေန္တော န

ကိလမတိတိ ယောဇနာ။ တာနီတိ ပဌမဇ္ဈာနာဒီနိ။ “ပဌမဇ္ဈာန” နှိ ဥက္ကဋ္ဌ-
နိဒ္ဒေသော အယန္တိ အာဟ “ဧကံ ကပ္ပ” နှိ။ ဧကံ မဟာကပ္ပန္တိ အတ္ထော။
ဟိနံ ပန ပဌမဇ္ဈာနံ၊ မဇ္ဈိမဉ္စ အသင်္ချေယျကပ္ပဿ တတိယံ ဘာဂံ၊ ဥပမုကပ္ပဉ္စ
အာယံ ဒေတိ။ “ဒုတိယံ အဋ္ဌကပ္ပေ” တိအာဒိသုပိ ဣမိနာ နယေန အတ္ထော
ဝေဒိတဗ္ဗော၊ မဟာကပ္ပဝသေနေဝ စ ဂဟေတဗ္ဗံ။ ယသ္မာ ဝါ ပဏီတာနိ-
ယေဝေတ္ထ ဈာနာနိ အဓိပ္ပေတာနိ မဟပ္ပလတံရဘာဝဒဿနပရတ္တာ ဒေသ-
နာယ၊ တသ္မာ “ပဌမဇ္ဈာနံ ဧကံ ကပ္ပ” နှိအာဒိ ဝုတ္တံ။ တဒေဝါတိ
စတုတ္ထဇ္ဈာနမေဝ။ ယဒိ ဧဝံ ကထံ အာရုပ္ပတာတိ အာဟ “အာကာသာနဉ္စာ-
ယတနာဒီ” တိအာဒိ။

သမ္ပဒေဝ နိစ္စသညာဒိပဋိပက္ခဝိဓမ္မနဝသေန ပဝတ္တမာနာ ပုဗ္ဗဘာဂိယေ ဧဝ
ဗောဓိပက္ခိယဓမ္မေ သမ္မာနေန္တိ ဝိပဿနာ ဝိပဿကဿ အနပ္ပကံ ပီတိ-
သောမနဿံ သမာဝဟတိတိ အာဟ “ဝိပဿနာ။ ပ။ အဘာဝါ” တိ။
တေနာဟ ဘဂဝါ—

“ယတော ယတော သမ္ပသတိ၊ ခန္ဓာနံ ဥဒယဗ္ဗယံ။
လဘတိ ပီတိပါမောဇ္ဇံ၊ အမတံ တံ ဝိဇာနတ” နှိ။

ယသ္မာ အယံ ဒေသနာ ဣမိနာ အနုက္ကမေန ဣမာနိ ဉာဏာနိ နိဗ္ဗတ္တေန္တဿ
ဝသေန ပဝတ္တိဘာ၊ တသ္မာ “ဝိပဿနာဉာဏေ ပတိဋ္ဌာယ နိဗ္ဗတ္တေန္တော” တိ
ဘေဋ္ဌိမံ ဘေဋ္ဌိမံ ဥပရိမဿ ဥပရိမဿ ပတိဋ္ဌာဘူတံ ကတွာ ဝုတ္တံ။
သမာနရူပနိမ္မာနံ နာမ မနောမယိဒ္ဓိယာ အညေဟိ အသာဓာရဏကိစ္စန္တိ
အာဟ “အတ္တနော။ ပ။ မဟပ္ပလာ” တိ။ ဝိကုဗ္ဗနဒဿနသမတ္တတာယာတိ
ဟတ္ထိအဿာဒိဝိဝိဓရူပကရဏံ ဝိကုဗ္ဗနံ၊ တဿ ဒဿနသမတ္တဘာဝေန။
ဣန္ဒြိယိန္ဒြိယတဋ္ဌာနံ နာမ ပုရိမဇာတိသု ဣန္ဒြိယိန္ဒြိယတော ခန္ဓပ္ပဒေသော။
သမာပေန္တောတိ ပရိယောသာပေန္တော။

ကုဋဒန္တဥပါသကတ္ထပဋိဝေဒနာကထာဝဏ္ဏနာ

၃၅၄-ဂ။ သဗ္ဗေ တေ ပါဏယောတိ “သတ္တ စ ဥသဘသတာနီ” တိ-
အာဒိနာ ဝုတ္တေ သဗ္ဗေ ပါဏိနော။ အာကုလဘာဝေါတိ ဘဂဝတော သန္တိကေ
ဓမ္မဿ သုတတ္တာ ပါဏိသု အနုဒ္ဓယံ ဥပဋ္ဌပေတွာ ဌိတဿ “ကထဉ္စိ နာမ
မယာ တာဝ ဗဟူ ပါဏိနော မာရဏတ္တာယ ဗန္ဓာပိတာ” တိ စိတ္တေ

ပရိဗျာကုလဘာဝေါဥဒဗါဒီ။ သုတွာတိ “ဗန္ဓနတောမောစိတာ”တိ သုတွာ။ ကာမစ္ဆန္ဒဝိဂမေန ကလ္လစိတ္တတာ အရောဂစိတ္တတာ၊ ဗျာပါဒဝိဂမေန မေတ္တာဝသေန မုဒုစိတ္တတာ အကထိနစိတ္တတာ၊ ဥဒ္ဓစ္စကုက္ကုစ္စပ္ပဟာနေန ဝိက္ခေပဝိဂမနတော ဝိနိဝရဏစိတ္တတာ တေဟိ န ပိဟိတစိတ္တတာ၊ ထိနမိဒ္ဓဝိဂမေန ဥဒဂ္ဂစိတ္တတာ သံပဂ္ဂဏှနဝသေန အလိနစိတ္တတာ ဝိစိကိစ္ဆာဝိဂမေန သမ္မာပဋိပတ္တိယာ အဓိမုတ္တတာယ ပသန္ဓစိတ္တတာ စ ဟောတီတိ အာဟ “ကလ္လစိတ္တန္တိ-အာဒိ အနုပုဗ္ဗိကထာနုဘာဝေန ဝိက္ခန္တိတနိဝရဏတံ သန္ဓာယ ဝုတ္တ”န္တိ။ ယံ ပနေတ္ထ အတ္တတော အဝိဘတ္တံ၊ တံ သုဝိညေယျမေဝ။

ကုဋဒန္တသုတ္တဝဏ္ဏနာယ လိနတ္ထပ္ပကာသနာ။

၆-မဟာလိသုတ္တ

ဗြာဟ္မဏဂူတဝတ္ထဝဏ္ဏနာ

၃၅၉။ ပုနပ္ပုနံ ဝိသာလိဘာဂူပဂမနတောတိ ပုဗ္ဗေ ကိရ ပုတ္တဓိတုဝသေန
ဒွေ ဒွေ ဟုတွာ သောဠသက္ခတ္တံ၊ ဇာတာနံ လိစ္ဆဝိရာဇကုမာရာနံ သပရိဝါရာနံ
အနုက္ကမေနေဝ ဝဗုန္တာနံ နိဝါသနဋ္ဌာနာရာမုယျာနပေါက္ခရဏီအာဒိနံ ပတိဋ္ဌာ-
နဿ အပ္ပဟောနကတာယ နဂရံ တိက္ခတ္တံ၊ ဂါဝုတန္တရေန ဂါဝုတန္တရေန
ပရိက္ခိပိံသု၊ တေနဿ ပုနပ္ပုနံ ဝိသာလိဘာဝံ ဂတတ္တာ “ဝေသာလီ”တွေဝ
နာမံ ဇာတံ၊ တေန ဝုတ္တံ “ပုနပ္ပုနံ ဝိသာလိဘာဂူပဂမနတော ဝေသာလီတိ
လဗ္ဗနာမကေ နဂရေ”တိ။ သယံဇာတန္တိ သယမေဝ ဇာတံ အရောပိမံ။
မဟန္တဘာဝေနောတိ ရုက္ခဂစ္ဆာနံ၊ ဌိတောကာသဿံ စ မဟန္တဘာဝေန၊
တေနာဟ “ဟိမဝန္တေန သဒ္ဓိံ ကောဗဒ္ဓံ ဟုတွာ”တိ။ ဣဋ္ဌာဂါရသာလာ-
သဇေနပေနာတိ ဟံသဝဋ္ဋကစ္ဆန္တေန ဣဋ္ဌာဂါရသာလာနိယာမေန။ ကော-
သလေသု ဇာတာ၊ ဘဝါဝါ၊ တံ ဝါရဋ္ဌံ နိဝါသော ဧတေသန္တိ ကောသလကာ။
ဧဝံ မာဂကော ဝေဒိတဗ္ဗာ။ ယဿ အကရဏေ ပုဂ္ဂလော မဟာဇာနိယော
ဟောတိ၊ တံ ကရဏံ အရဟတီတိ ကရဏီယံ၊ တေန ကရဏီယေန၊ တေနာဟ
“အဝဿံ ကတ္တဗ္ဗကဗ္ဗေနာ”တိ။ တံ ‘ကိစ္စန္တိ ဝုစ္စတိ သတိ သမဝါယေ
ကာတဗ္ဗတော။

၃၆၀။ ယာ ဗုဒ္ဓါနံ ဥပ္ပဇ္ဇနာရဟာ နာနတ္တသညာ၊ တာသံ ဝသေန
နာနာရမ္ပဏာစာရတော။ သမ္ဘဝန္တဿေဝ ပဋိသေဓော။ ပဋိက္ကပ္ပာတိ
နိဝတ္တိတွာ တထာ စိတ္တံ အနုပ္ပါဒေတွာ။ သလ္လိနောတိ ဈာနသမာပတ္တိယာ
ကေတ္တာရမ္ပဏံ အလ္လိနော။

ဩဒ္ဓန္ဒလိန္ဒဝိဝတ္ထဝဏ္ဏနာ

၃၆၁။ အဓ္ဓေါဋ္ဌတာယာတိ တဿ ကိရ ဥတ္တရောဋ္ဌံ အပ္ပကတာယ တိရိယံ
ဗာလေတွာ အပနိတဋ္ဌံ ဝိယ ခါယတိ စတ္တာရော ဒန္တေ၊ ဒွေ စ ဒါဌာ န
ဆာဒေတိ၊ တေန နံ “ဩဒ္ဓန္ဒေါ”တိ ဝေါဟရန္တိ။ အယံ ကိရ ဥပါသကော
သဓ္ဓေါ ပသန္တော ဒါယကော ဒါနပတိ ဗုဒ္ဓမာမကော ဓမ္မမာမကော သံဃ-
မာမကော၊ တေနာဟ “ပုရေဘတ္တ”န္တိအာဒိ။

၃၆၂။ သာသနော ယုတ္တပယုတ္တောတိ ဘာဝနမနုယုတ္တော။ သဗ္ဗတ္ထ သီဟ-
သမာနဝုတ္တိနောပိ ဘဂဝတော ပရိသာယ မဟတ္ထေ သတိ တဒဇ္ဈာသယာနုရူပံ
ပဝတ္တိယမာနာယ ဓမ္မဒေသနာယ ဝိသေသော ဟောတီတိ အာဟ “မဟန္တေန
ဥဿာဟေန ဓမ္မံ ဒေသေသတိ”တိ။

“ဝိဿာသိကော”တိ ဝတ္ထာ တမဿ ဝိဿာသိကဘာဝံ ဝိဘာဝေတုံ
“အယဉ္ဇီ”တိအာဒိ ဝုတ္တံ။ ထေရဿ ဒီဏာသဝဿ သတော အာလသိယ-
ဘာဝေါ “အပ္ပဟိနော”တိ န ဝတ္ထဗျော၊ ဝါသနာလေသံ ပန ဥပါဒါယာဟ
“ဤသကံ အပ္ပဟိနော ဝိယ ဟောတိ”တိ။ န ဟိ သာဝကာနံ သဝါသနာ
ကိလေသာ ပဟိယန္တိ။

၃၆၃။ ဝိနေယျဇနာနုရောဓေန ဗုဒ္ဓါနံ ပါဠိဟာရိယဝိဇ္ဇန္တံ ဟောတီတိ
ဝုတ္တံ “အထ ခေါ ဘဂဝါ”တိအာဒိ၊ တေနောဟ “သံသုစိတနိက္ခမနော”တိ။
ဂန္ဓကုဋ်တော နိက္ခမနဝေလာယဉ္ဇိ ဆဗ္ဗဏ္ဏာ ဗုဒ္ဓရသ္မိယော အာဝေဋ္ဌာဝေဋ္ဌာ
ယမလာယမလာ ဟုတွာ သဝိသေသာ ပဘဿရာ ဝိနိစ္ဆရိံသု။

၃၆၄။ တတော ပရန္တိ “ဟိယျော”တိ ဝုတ္တဒိဝသတော အနန္တရံ
ပရံ ပုရိမတရံ အဘိသယေန ပုရိမတ္တာ။ ဣတိ ဣမေသု ဒွိသု ဝဝတ္တိတော
ယထာက္ကမံ ပုရိမပုရိမတရဘာဝေါ။ ဧဝံ သန္တေပိ ယဒေတ္ထ “ပုရိမတရ”န္တိ
ဝုတ္တံ၊ တတော ပဘုတိ ယံ ယံ ဩရံ၊ တံ တံ ပုရိမံ၊ ယံ ယံ ပရံ၊ တံ တံ ပုရိမတရံ
ဩရပါရဘာဝဿ ဝိယ ပုရိမပုရိမတရဘာဝဿ စ အပေက္ခာသိဒ္ဓိတော၊ တေ-
နာဟ “တတော ပဋ္ဌာယာ”တိအာဒိ။ မူလဒိဝသတော ပဋ္ဌာယာတိ အာဒိ-
ဒိဝသတော ပဋ္ဌာယ။ အဂ္ဂန္တိ ပဋ္ဌမံ။ တံ ပနေတ္ထ ပရာ အတိတာ ကောဋိ
ဟောတီတိ အာဟ “ပရကောဋိံ ကတွာ”တိ။ ယံ-သဒ္ဓယောဂေန စာယံ
“ဝိဟရာမိ”တိ ဝတ္ထမာနပ္ပယောဂေါ၊ အတ္ထော ပန အတိတကာလဝသေနေဝ
ဝေဒိတဗျော၊ တေနာဟ “ဝိဟာသိန္တိ ဝုတ္တံ ဟောတိ”တိ။ ပဋ္ဌမဝိကပ္ပေ
“ဝိဟရာမိ”တိ ပဒဿ “ယဒဂ္ဂေ”တိ ဣမိနာ ဥဇုကံ သမ္ပန္နော ဒဿိတော၊
ဒုတိယဝိကပ္ပေ ပန “တိဏိ ဝဿာနိ”တိ ဣမိနာပိ။

ဝိယဇာတိကာနိဘိ ဣဋ္ဌသဘာဝါနိ။ သာတဇာတိကာနိတိ မရရသဘာဝါနိ။
မရရံ ဝိယာဘိ ဟိ “မရရ”န္တိ ဝုစ္စတိ မနောရမံ ယံ ကိဉ္စိ။ ကာမူပသဉ္ဇိတာနိတိ
အာရမ္မဏံ ကရောဇ္ဇေန ကာမေန ဥပသံဟိတာနိ၊ ကာမနိယာနိတိ အတ္ထော၊
တေနာဟ “ကာမဿာဒယုတ္တာနိ”တိ၊ ကာမဿာဒဿ ယုတ္တာနိ ယောဂျာ-
နိတိ အတ္ထော။ သရီရသဏ္ဌာနောတိ သရီရဗိဓမ္မ၊ အာဓာရေ စေတံဘုမ္မံ။ တသ္မာ

သဒ္ဓေနာတိ တံ နိဿယ တတောဥပ္ပန္နေန သဒ္ဓေနာတိ အတ္ထော။ မရုရေနာတိ ဣဋ္ဌေန။ ဧတ္တာဝတတိ ဒိဗ္ဗသောတဉာဏဿ ပရိကမ္မာကထနမတ္ထေန။ “အတ္တနာ ဉာတမ္ပိ န ကထေတိ၊ ကိမဿ သာသနေ အဓိဋ္ဌာနေနာ”တိ ကုဇ္ဈန္တော အာဃာတံ ဗန္ဓိတွာ သဟ ကုဇ္ဈနေနေဝ ဈာနဘိညာဟိ ပရိဟာယိ။ စိန္တေသီတိ “ကသ္မာ န ခေါ မယံ တံ ပရိကမ္မံ န ကထေသီ”တိ ပရိ-
ဝိတက္ကေန္တော အယောနိသော ဥမ္မုဇ္ဇနဝသေန စိန္တေသီ။ အနုက္ကမေနာတိ ပါထိကသုတ္တေ အာဂတနယေန တံ တံ အယုတ္တမေဝ စိန္တေန္တော၊ ဘာသန္တော၊ ကရောန္တော စ အနုက္ကမေန။ ဘဂဝတိ ဗဒ္ဓါဃာတတာယ သာသနေ ပတိဋ္ဌိ အလဘန္တော ဂိဟိဘာဝံ ပတွာ။

ဧကံသဘာဝိတသမာဓိဝဏ္ဏနာ

၃၆၆-၃၇၁။ ဧကံသာယာတိ တဒတ္ထေယေဝ စတုတ္ထိ၊ တသ္မာ ဧကံသတ္တန္တိ အံတ္ထော။ အံသ-သဒ္ဓေါ စေတ္ထ ကောဋ္ဌာသပရိယာယော၊ သော စ အဓိ-
ကာရတော ဒိဗ္ဗရူပဒဿနဒိဗ္ဗသဒ္ဓဿဝနဝသေန ဝေဒိတဗ္ဗောတိ အာဟ “ဧက-
ကောဋ္ဌာသာယာ”တိအာဒိ။ အနုဒိသာယာဘိ ပုရတ္ထိမဒက္ခိဏာဒိဘေဒါယ
စတုဗ္ဗိဓာယ အနုဒိသာယ။ ဥဘယကောဋ္ဌာသာယာတိ ဒိဗ္ဗရူပဒဿနတ္ထာယ၊
ဒိဗ္ဗသဒ္ဓဿဝနတ္ထာယ စ။ ဘာဝိတောတိ ယထာ ဒိဗ္ဗစက္ခုဉာဏံ၊ ဒိဗ္ဗသောတ-
ဉာဏံ သမဓိဂတံ ဟောတိ၊ ဧဝံ ဘာဝိတော။ တယိဒံ ဝိသု ဝိသု ပရိ-
ကမ္မကရဏေန ဣဇ္ဈန္တိသု ဝတ္တဗ္ဗံ နတ္ထိ၊ ဧကန္တံ ဣဇ္ဈန္တိသုပိ ကမေနေဝ ကိစ္စသိဒ္ဓိ
ဧကန္တံ ကိစ္စသိဒ္ဓိယာ အသမ္ဘဝတော။ ပါဠိယမ္ပိ ဧကဿ ဥဘယသမတ္ထတာ-
သန္တဿနတ္ထမေဝ “ဒိဗ္ဗာနဉ္စရူပါနံ ဒဿနာယ၊ ဒိဗ္ဗာနဉ္စသဒ္ဓါနံ သဝနာယာ”တိ
ဝုတ္တံ၊ န ဧကန္တံ ကိစ္စသိဒ္ဓိသမ္ဘဝတော။ “ဧကံသဘာဝိတော သမာဓိ ဟေတူ”တိ
ဣဓိနာ သုနက္ခတ္တော ဒိဗ္ဗစက္ခုဉာဏာယ ဧဝ ပရိကမ္မဿ ကတတ္တာ ဝိဇ္ဇမာနမ္ပိ
ဒိဗ္ဗသဒ္ဓိ နာသောသီတိ ဒေသေတိ။ အပဏ္ဏကန္တိ အဝိရဇ္ဈနကံ၊ အနဝဇ္ဇန္တိ ဝါ
အတ္ထော။

၃၇၂။ သမာဓိ ဧဝ ဘာဝေတဗ္ဗဋ္ဌေန သမာဓိဘာဝနာ။ “ဒိဗ္ဗသောတဉာဏံ
သေဋ္ဌ”န္တိ မညမာနေနာပိ မဟာလိနာဒိဗ္ဗစက္ခုဉာဏမ္ပိ တေန သဟ ဂဟေတွာ
“တောသံ နူန ဘန္တေ”တိအာဒိနာ ပုစ္ဆိတန္တိ “ဥဘယံသဘာဝိတာနံ သမာဓိ-
နန္တိ အတ္ထော”တိ ဝုတ္တံ။ ဗာဟိရာ တော သမာဓိဘာဝနာ အနိယျာနိကတ္တာ။
တာ ဟိ ဣတော ဗာဟိရကာနမ္ပိ ဣဇ္ဈန္တိ။ န အဇ္ဈတ္တိကာ ဘဂဝတော

၅-သံ ၁-၁၃-၁၆၇၊ ၃ ၁၀-၁၉၇၊ ၃ ၁၁-၃၃-ပိဋေသု။

ဝါစာပဟာနေန ဇနေ သမ္ပယုတ္တေ စ ပရိဂ္ဂဏှနကိစ္စဝတိ ဟောတိတိ သမ္မာ
ပရိဂ္ဂဟဏလက္ခဏာ။ ယသာ စိဝရကမ္ဘာဒိကော ကမ္မန္တော ဧကံ ကာတဗ္ဗံ
သမုဋ္ဌာပေတိ၊ တံတံကိရိယာနိပ္ပုဒကော ဝါ စေတနာသင်္ခါတော ကမ္မန္တော
ဟတ္ထပါဒစလနာဒိကံ ကိရိယံ သမုဋ္ဌာပေတိ၊ ဧဝံသာဝဇ္ဇကတ္တဗ္ဗကိရိယာသမုဋ္ဌာ-
ပကမိစ္ဆာကမ္မန္တပဟာနေန သမ္မာကမ္မန္တော နိရဝဇ္ဇသမုဋ္ဌာပနကိစ္စဝါ ဟောတိ၊
သမ္ပယုတ္တေ စ သမုဋ္ဌာပေန္တော ဧဝ ပဝတ္တတိတိ သမ္မာ သမုဋ္ဌာပနလက္ခဏော
သမ္မာကမ္မန္တော။ ကာယဝါစာနံ၊ ခန္ဓသန္တာနဿ စ သံကိလေသဘူတမိစ္ဆာ-
ဇီဝပ္ပဟာနေန သမ္မာ ဝေါဒါပနလက္ခဏော သမ္မာအာဇီဝေါ။ ကောသဇ္ဇ-
ပက္ခတော ပတိတုံ အဒတွာ သမ္ပယုတ္တဓမ္မာနံ ပဂ္ဂဏှနသဘာဝေါတိ သမ္မာ
ပဂ္ဂါဟလက္ခဏော သမ္မာဝါယာမော။ သမ္ပဒေဝ ဥပဋ္ဌာနသဘာဝေါတိ သမ္မာ
ဥပဋ္ဌာနလက္ခဏော သမ္မာသတိ။ ဝိက္ခေပဝိဒ္ဓံသနေန သမ္ပဒေဝ စိတ္တဿ သမာ-
ဒဟနသဘာဝေါတိ သမ္မာ သမာဓာနလက္ခဏော သမ္မာသမာဓိ။

အတ္တနော ပစ္စနိကကိလေသာ ဒိဋ္ဌေကဋ္ဌာ အဝိဇ္ဇာဒယော။ ပဿတိတိ
ပကာသေတိ ကိစ္စပဋိဝေဓေန ပဋိဝိဇ္ဈတိ၊ တေနာဟ “တပ္ပဋိန္ဒာဒက။ ပ။
အသဓမ္မာဟတော”တိ။ တေနော ဟိ သမ္မာဒိဋ္ဌိသင်္ခါတေန အင်္ဂေန တတ္ထ
ပစ္စဝေက္ခဏာ ပဝတ္တတိတိ။ တထေဝါတိ အတ္တနော ပစ္စနိကကိလေသေဟိ
သဒ္ဓိန္ဒိ အတ္ထော။

ကိစ္စတောတိ ပုဗ္ဗဘာဂေဟိ ဒုက္ခာဒိဉာဏေဟိ ကာတဗ္ဗဿ ကိစ္စဿ ဣဓ
သာတိသယံ နိပ္ပုတ္တိတော၊ ဣမဿေဝ ဝါဉာဏဿ ဒုက္ခာဒိပ္ပကာသနကိစ္စတော။
စက္ကာရိ နာမာနိ လဘတိ စတုသု သစ္စေသု ကာတဗ္ဗကိစ္စနိပ္ပုတ္တိတော။
တိဏိ နာမာနိ လဘတိ ကာမသင်္ကပ္ပါဒိပ္ပဟာနကိစ္စနိပ္ပုတ္တိတော။ သိက္ခာ-
ပဒဝိဘဇ် “ဝိရတိစေတနာ၊ သဗ္ဗေ သမ္ပယုတ္တဓမ္မာ စ သိက္ခာပဒါနိ”တိ
ဝုစ္စန္တိတိ တတ္ထ ပဓာနာနံ ဝိရတိစေတနာနံ ဝသေန “ဝိရတိယောဝိ
ဟောန္တိ၊ စေတနာယောဝိ”တိ အာဟ။ မုသာဝါဒါဒိဟိ ဝိရမဏကာလေ
ဝါ ဝိရတိယော၊ သုဘာသိတာဒိဝါစာဘာသနာဒိကာလေ စ စေတနာယော
ယောဇေတဗ္ဗာ။ မဂ္ဂက္ခဏော ဝိရတိယော စ စေတနာနံ အမဂ္ဂိတ္တာ ဧကဿ
ဉာဏဿ ဒုက္ခာဒိဉာဏတာ ဝိယ၊ ဧကာယ ဝိရတိယာ မုသာဝါဒါဒိဝိရတိ-
ဘာဝေါဝိယ စ ဧကာယ စေတနာယ သမ္မာဝါစာဒိကိစ္စတ္တယသာနေသဘာဝါ-
အာဝါ သမ္မာဝါစာဒိဘာဝါသိဒ္ဓိတော၊ တံသိဒ္ဓိယဉ္စ အင်္ဂတ္တယတ္တာသိဒ္ဓိတော စ။

သမ္ပပ္ပဓာနသတိပဋ္ဌာနဝသေနာတိ စတုသမ္ပပ္ပဓာနစတုသတိပဋ္ဌာနဘာဝ-
ဝသေန။

ပုပ္ဖဘာဂေပိ မဂ္ဂက္ခဏေပိ သမ္မာသမာဓိယေဝါတိ ယဒိပိ သမာဓိဥပကာရ-
ကာနံ အဘိနိရောပနာနုမဇ္ဇနသမ္ပိယာယနဗြူဟနသန္တသုခါနံ ဝိတက္ကာဒိနံ
ဝသေန စတုဟိ ဈာနေဟိ သမ္မာသမာဓိ ဝိဘက္ခော၊ တထာပိ ဝါယာမော
ဝိယ အနုပ္ပန္နာကုသလာနုပ္ပါဒနာဒိစတုဝါယာမကိစ္စံ၊ သတိ ဝိယ စ အသုဘာ-
သုခါနိစ္စာနက္ခေသု ကာယာဒိသု သုဘာဒိသညာပဟာနစတုသတိကိစ္စံ ဧကော
သမာဓိ စတုတ္ထဈာနသမာဓိကိစ္စံ န သာဓေတီတိ ပုပ္ဖဘာဂေပိ ပဌမဈာနသမာဓိ
ပဌမဈာနသမာဓိ ဧဝ မဂ္ဂက္ခဏေပိ၊ တထာ ပုပ္ဖဘာဂေပိ စတုတ္ထဈာနသမာဓိ
စတုတ္ထဈာနသမာဓိ ဧဝ မဂ္ဂက္ခဏေပိတိ အက္ခေ။

တသ္မာတိ ပညာပဇ္ဇောတတ္တာ အဝိဇ္ဇန္တကာရံ ဝိဓေိတွာ ပညာသတ္တတ္တာ
ကိလေသစောရေ ဃာတေန္တော။ ဗဟုကာရတ္တာတိ ယွာယံ အနာဒိမတိ
သံသာရေ ဣမိနာ ကဒါစိပိ အသမုပ္ပါဒ္ဓိတပုဗ္ဗော ကိလေသဂဏော တဿ
သမုပ္ပါဒ္ဓကော အရိယမဂ္ဂေါ။ တတ္ထ စာယံ သမ္မာဒိဋ္ဌိ ပရိညာဘိသမယာဒိ-
ဝသေန ပဝတ္တိယာ ပုဗ္ဗင်္ဂမာ ဟောတီတိ ဗဟုကာရာ၊ တသ္မာ ဗဟုကာရတ္တာ။

တဿာတိ သမ္မာဒိဋ္ဌိယာ။ “ဗဟုကာရော”တိ ဝတွာ တံ ဗဟုကာရတံ
ဥပမာယ ဝိဘာဝေတုံ “ယထာ ဟိ”တိအာဒိ ဝတ္ထံ။ အယံ တမ္ပကံသာဒိ-
မယတ္တာ ဣဇ္ဇော။ အယံ သမသာရတာယ မဟာသာရတာယ ဆေကော။
ဧဝန္တိ ယထာ ဟေရညိကဿ စက္ခုနာ ဒိသ္မာ ကဟာပဏဝိဘာဂဇာနနေ
ကရဏန္တရံ ဗဟုကာရံ ယဒိဒံ ဟက္ခော၊ ဧဝံ ယောဂါဝစရဿ ပညာယ
ဩလောကေတွာ ဓမ္မဝိဘာဂဇာနနေ ဓမ္မန္တရံ ဗဟုကာရံ ယဒိဒံ ဝိတက္ကော
ဝိတက္ကေတွာ တဒဝဗောဓတော၊ တသ္မာ သမ္မာသင်္ကပ္ပေါ သမ္မာဒိဋ္ဌိယာ
ဗဟုကာရေတိ အဓိပ္ပါယော။ ဒုတိယဥပမာယံ ဧဝန္တိ ယထာ တစ္ဆေကော
ပရေန ပရိဝတ္တေတွာ ပရိဝတ္တေတွာ ဒိန္တံ ဒဗ္ဗသမ္ဘာရံ ဝါသိယာ တစ္ဆေတွာ
ဂေဟကရဏကမ္မေ ဥပနေတိ၊ ဧဝံ ယောဂါဝစရော ဝိတက္ကေန လက္ခဏာ-
ဒိတော ဝိတက္ကေတွာ ဒိန္တဓမ္မေ ယာထာဝတော ပရိစ္ဆိန္တိတွာ ပရိညာဘိ-
သမယာဒိကမ္မေ ဥပနေတီတိ ယောဇနာ။ ဝစီဘေဒဿ ဥပကာရကော
ဝိတက္ကော သာဝဇ္ဇာနဝဇ္ဇဝစီဘေဒနိဝတ္တနပဝတ္တနကရာယ သမ္မာဝါစာယပိ
ဥပကာရကော ဧဝါတိ “သွာယ”န္တိအာဒိ ဝတ္ထံ။

ဝစီဘေဒဿ နိယာမိကာ ဝါစာ ကာယိကကိရိယာနိယာမကဿ ကမ္မန္တဿ ဥပကာရိကာ။ တဒုဘယာနန္တရန္တိ ဒုစ္စရိတဒွယပဟာယကဿ သုစရိတဒွယပါရိပူရိဟေတုဘူတဿ သမ္မာဝါစာသမ္မာကမ္မန္တဒွယဿ အနန္တရံ။ ဣဒံ ဝီရိယန္တိ စတုဗ္ဗိဓံ သမ္ပပ္ပဓာနဝီရိယံ။ ဣန္ဒြိယသမတောဒယော သမာဓိဿ ဥပကာရဓမ္မာ။ တဗ္ဗိပရိယာယတော အပကာရဓမ္မာ ဝေဒိတဗ္ဗာ။ ဂတိ-
ယောတိ နိပ္ပတ္တိယော၊ ကိစ္စာဒိသဘာဝေ ဝါ။ သမန္နေသိတွာတိ ဥပဓာရေတွာ။

ဒွေပဗ္ဗဇိတဝတ္ထဝဏ္ဏနာ

၃၇၆-၇။ “ကသ္မာ အာရဒ္ဓ”န္တိ အနုသန္ဓိကာရဏံ ပုစ္ဆိတွာ တံ ဝိဘာဝေတုံ “အယံ ကိရာ”တိအာဒိ ဝုတ္တံ၊ တေန အဇ္ဈာသယာနုသန္ဓိဝသေန ဥပရိ ဒေသနာ ပဝတ္တာတိ ဒဿတိ။ တေနာတိ တထာလဒ္ဓိကတ္တာ။ အဿာတိ လိစ္ဆဝီရညော။ ဒေသနာယာတိ သဏ္ဌသုခုမာယံ သုညတပဋိ-
သံယုတ္တာယံ ယထာဒေသိတဒေသနာယံ။ နာဓိမုစ္ဆတိတိ န သဒ္ဓဟတိ န ပသိဒတိ။ တန္တိဓမ္မံ နာမ ကထေန္တောတိ ယေသံ အတ္ထာယ ဓမ္မော ကထိယတိ၊ တသ္မိံ တေသံ အသတိပိ မဂ္ဂပဋိဝေဓေ ဧဝံလံ သာသနေ တန္တိဓမ္မံ ကတွာ ကထေန္တော။ ဧဝံပဿာတိ သမ္မာသမ္ဗုဒ္ဓတ္တာ အဝိပရိတ-
ဓမ္မဒေသနတာယ ဧဝံပါကဋ္ဌဓမ္မကာယဿ သတ္ထု။ ယုတ္တံ န ခေါ တေမဿာတိ အဿ ပဌမဇ္ဈာနာဒိသမဓိဂမေန သမာဟိတဇ်ဇ္ဈဿ ကုလ-
ပုတ္တဿ ဧတံ “တံ ဇီဝ”န္တိအာဒိနာ ဥစ္ဆေဒါဒိဂါဟဂဟဏံ အပိ န ယုတ္တန္တိ ပုစ္ဆတိ။ လဒ္ဓိယာ ပန ဈာနာဓိဂမမတ္တေန န တာဝ ဝိဝေစိတတ္တာ “တေဟိ ယုတ္တ”န္တိ ဝုတ္တံ။ တံ ဝါဒံ ပဋိက္ခိပိတွာတိ ဈာနလာဘိနောပိ တံ ဂဟဏံ “အယုတ္တမေဝါ”တိ တံ ဥစ္ဆေဒဝါဒံ၊ သဿတဝါဒံ ဝါ ပဋိက္ခိပိတွာ။ အတ္တမနာ အဟေသုန္တိ ယသ္မာ ဝိဇ္ဇာသဝေါ ဝိဂတသမ္မောဟော တိဏ္ဍဝိစိကိစ္ဆော၊ တသ္မာ “တဿ တထာ ဝတ္ထု န ယုတ္တ”န္တိ ဥပ္ပန္နနိစ္ဆယတာယ တံ မမ ဝေန် သုတွာ အတ္တမနာ အဟေသုန္တိ အတ္ထော။ သောပိ လိစ္ဆဝီ ရဇော တေ ဝိယ သဉ္ဇာတနိစ္ဆယတ္တာ အတ္တမနော အဟောသိ။ ယံ ပနေတ္ထ အတ္တတော အဝိဘတ္တံ၊ တံ သုဝိညေယျမေဝ။

မဟာလိသုတ္တဝဏ္ဏနာယ လိနတ္ထပ္ပကာသနာ။

၇-စာလိယသုတ္တ

ဒွေပဗ္ဗဇိတဝတ္ထုတိန္ဒာ

၃၇၈။ “ဃောသိတေန သေဋ္ဌိနာ ကတေ အာရာမေ”တိ ဝတွာ တတ္ထ ကောယံ ဃောသိတသေဋ္ဌိ နာမ၊ ကထဉ္စာနေန အာရာမော ကာရိတော၊ ကထံ ဝါ တတ္ထ ဘဂဝါ ဝိဟာသီတိ တံ သဗ္ဗံ သမုဒါဂမတော ပဋ္ဌာယ သင်္ခေပတောဝ ဒဿေတုံ “ပုဗ္ဗေ ကိရာ”တိအာဒိ ဝုတ္တံ။ တတောတိ အလ္လကပ္ပရဋ္ဌတော။ တဒါတိ တေသံ တံ ဂါမံ ပဝိဋ္ဌဒိဝသေ။ ဗလဝပါယာသန္တိ ဂရုတရံ ဗဟုပါယာသံ။ အသန္တိဟိတေတိ ဂေဟတော ဗဟိ ဂတေ။ ဘုဿတိတိ ရဝတိ။ ဃောသကဒေဝပုတ္တောတွေဝ နာမံ အဟောသိ သရဃောသ- သမ္ပတ္တိယာ။ ဝေယျတ္တိယေနာတိ ပညာဝေယျတ္တိယေန။ ဃောသိတသေဋ္ဌိ နာမ ဇာတော တာယ ဝေ စဿ သရသမ္ပတ္တိယာ ဃောသိတနာမတာ။

သရီရသန္တပ္ပနတ္ထန္တိ ဟိမဝန္တေ ဖလမူလာဟာရတာယ ကိလန္တသရီရာ လောဏမ္ဘိလသေဝနေန တဿ သန္တပ္ပနတ္ထံ ပိနနတ္ထံ။ တသိတာတိ ပိပါသိတာ။ ကိလန္တာတိ ပရိဿန္တကာယာ။ တေ ကိရ တံ ဝဋ္ဋရက္ခံ ပတွာ တဿ သောဘာသမ္ပတ္တိံ ဒိဿာ မဟာနုဘာဝါ မညေ ဧတ္ထ အဓိဝတ္ထာ ဒေဝတာ၊ “သာဓု ဝတာယံ ဒေဝတာ အမှာကံ အဒ္ဓါနပရိဿမံ ဝိနောဒေယျာ”တိ စိန္တေသုံ၊ တေန ဝုတ္တံ “တတ္ထ အဓိဝတ္ထာ။ ပ။ နိသီဒိသု”တိ။ သောတိ အနာထ- ပိဏ္ဍိကော ဂဟပတိ။ အတကာနန္တိ ဘတိယာ ဝေယျာဝစ္စံ ကရေန္တာနံ ဒါသပေသကမ္မကရာနံ။ ပကတိဘတ္တဝေတနန္တိ ပကတိယာ ဒါတဗ္ဗဘတ္တ- ဝေတနံ၊ တဒါ ဥပေါသထိကတ္တာ ကမ္ဘံ အကရေန္တာနမ္ပိ ကမ္မကရဏဒိဝသေန ဒါတဗ္ဗဘတ္တဝေတနမေဝါတိ အတ္ထော။ ကဉ္စိတိ ကဉ္စိပိ ဘတကံ။

ဥပေစ္စ ပရဿ ဝါစာယ အာရမ္ဘနံ ဗာဓနံ ဥပါရန္တော၊ ဒေါသဒဿန- ဝသေန သန္ဓနန္တိ အတ္ထော၊ တေနာဟ “ဥပါရန္တာဓိပ္ပာယေန ဝါဒံ အာရေ- ပေတုကာမာ ဟုတွာ”တိ။ ဝဒန္တိ နိဗ္ဗာနဝသေန ကထေန္တိ ဧတေနာတိ ဟိ ဝါဒေါ၊ ဒေါသော။ တံ အာရေပေတုကာမာ၊ ပတိဋ္ဌာပေတုကာမာ ဟုတွာတိ အတ္ထော။ “တံ ဇိဝံ တံ သရီရ”န္တိ ဣမ ယံ ဝတ္ထု ဇီဝသညိတံ၊ တဒေဝ သရီရ- သညိတန္တိ “ရူပံ အတ္တတော သမနုပဿတိ”တိ ဝါဒံ ဂဟေတွာ ဝဒန္တိ။ ရူပဉ္စ

အတ္တာနဉ္စ အဒ္ဓယံ ကတွာ သမနုပဿနဝသေန “သတ္တော”တိ ဝါ ဗာဟိရက-
ပရိကပ္ပိတံ အတ္တာနံ သန္ဓာယ ဝဒန္တိ။ ဘိဇ္ဇတိတိ နိရုဒယဝိနာသဝသေန
ဝိနဿတိ။ တေန ဇီဝသရိရာနံ အနညတ္တာနုဇာနနတော၊ သရိရဿ စ
ဘေဒဒဿနတော။ န ဟေတ္တ ယထာ ဘေဒဝတာ^၁ သရိရတော အနညတ္တာ
အဒိဋ္ဌောပိ ဇီဝဿ ဘေဒေါ ဝုတ္တော၊ ဧဝံ အဒိဋ္ဌဘေဒတော အနညတ္တာ သရိ-
ရဿာပိ အဘေဒေါတိ သက္ကာ ဝိညာတုံ တဿ ဘေဒဿ ပစ္စက္ခသိဒ္ဓတ္တာ၊ ဘူတု-
ပါဒါယရူပဝိနိမုတ္တဿ စ သရိရဿ အဘာဝတောတိ အာဟ “ဥစ္ဆေဒဝါဒေါ
ဟောတိ”တိ။

“အညံ ဇီဝံ အညံ သရိရ”န္တိ အညဒေဝ ဝတ္ထု၊ ဇီဝသညိတံ၊ အညံ
ဝတ္ထု၊ သရိရသညိတန္တိ “ရူပဝန္တံ အတ္တာနံ သမနုပဿတိ”တိ အာဒိနယပ္ပဝတ္ထဝါဒံ
ဂဟေတွာ ဝဒန္တိ။ ရူပေ ဘေဒဿ ဒိဋ္ဌတ္တာ၊ အတ္တနိ စ တဒဘာဝတော အတ္တာ
နိစ္စောတိ အာပန္နမေဝါတိ အာဟ “တုဗ္ဗာကံ ။ ပ။ အာပန္နတိ”တိ။

၃၇၉-၃၈၀။ တယိဒံ နေသံ ဝဉ္စာသုတဿ ဒိဃရဿတာပရိကပ္ပနသဒိသန္တိ
ကတွာ ဌပနိယောယံ ပဉ္စောတိ တတ္ထ ရာဇနိမိလနံ ကတွာ သတ္တာ ဥပရိ နေသံ
“တေန ဟာဝုသော သုဏာထာ”တိ အာဒိနာ ဓမ္မဒေသနံ အာရဘီတိ အာဟ
“အထ ဘဂဝါ”တိ အာဒိ။ တဿာယေဝါတိ မဇ္ဈိမာယ ပဋိပဒါယ။

သဒ္ဓါပဗ္ဗဇိတဿာတိ သဒ္ဓါယ ပဗ္ဗဇိတဿ “ဧဝမဟံ ဣတော ဝဋ္ဋဒုက္ခတော
နိဿရိဿာမိ”တိ ဧဝံ ပဗ္ဗဇ္ဇံ ဥပဂတဿ တဒနုရူပဉ္စ သီလံ ပူရေတွာ
ပဌမဇ္ဈာနေန သမာဟိတစိတ္တဿ။ ဧတံ ဝတ္ထုန္တိ ဧတံ ကိလေသဝဋ္ဋပရိဗုဒ္ဓိဒီပနံ
“တံ ဇီဝံ တံ သရိရ”န္တိ အာဒိကံ ဒိဋ္ဌိသံကိလေသနိဿိတံ ဝစနံ ဝတ္ထုန္တိ
အတ္တော။ နိဗ္ဗိမိကိစ္ဆော န ဟောတိတိ ဓမ္မေသု တိဏ္ဍဝိစိကိစ္ဆော န ဟောတိ၊
တတ္ထ တတ္ထ အာသပ္ပနပရိသပ္ပနဝသေန ပဝတ္တတိတိ အတ္တော။

တေမေဝံ ဇာနာဒီတိ ယေန သော ဘိက္ခု ပဌမံ ဈာနံ ဥပသမ္ပဇ္ဇ ဝိဟရတိ၊
ဧတံ သသမ္ပယုတ္တဓမ္မံ စိတ္တန္တိ^၂ ဧဝံ ဇာနာမိ။ နော စ ဧဝံ ဝဒါမိတိ ယထာ
ဒိဋ္ဌိဂတိကာ တံ ဓမ္မဇာတံ သနိဿယံ အဘေဒတော ဂဏှန္တာ “တံ ဇီဝံ တံ
သရိရ”န္တိ ဝါ တဒုဘယံ ဘေဒတော ဂဏှန္တာ “အညံ ဇီဝံ အညံ သရိရ”န္တိ ဝါ
အတ္တနော မိစ္ဆာဂါဟံ ပဝေဒေန္တိ၊ အဟံ ပန န ဧဝံ ဝဒါမိ တဿ ဓမ္မဿ
သုပရိညာတတ္တာ၊ တေနာဟ “အထ ခေါ”တိ အာဒိ။ ဗာဟိရကာ ယေဘုယျေန

ကသိဏဇ္ဈာနာနိ ဝေ နိဗ္ဗတ္တေန္တိတိ အာဟ “ကသိဏပရိကမ္ဘံ ဘာဝန္တေ-
 သာ”တိ။ ယသ္မာ ဘာဝနာနုဘာဝေန ဈာနာဓိဂမော၊ ဘာဝနာ စ ပထဝီ-
 ကသိဏာဒိသဇ္ဈာနနမုခေန ဟောတိတိ သညာသီသေန နိဋ္ဌိသီယတိ၊ တသ္မာ
 အာဟ “သညာဗလေန ဥပ္ပန္န”န္တိ။ တေနာဟ “ပထဝီကသိဏမေကော
 သဇ္ဈာနာတိ”တိအာဒိ။ “န ကလ္လံ တဿေတ”န္တိ ဣဒံ ယသ္မာ ဘဂဝတာ တတ္ထ
 တတ္ထ “အထ စ ပနာဟံ န ဝဒါမိ”တိ ဝုတ္တံ၊ တသ္မာ န ဝတ္တဗ္ဗံ ကိရေတံ
 ကေဝလိနာ ဥတ္တမပုရိသေနာတိ အဓိပ္ပါယေနာဟ၊ တေန ဝုတ္တံ “မညဗာနာ
 ဝဒန္တိ”တိ။ သေသံ သဗ္ဗတ္ထ သုဝိညေယျမေဝ။

ဇာလိယသုတ္တဝဏ္ဏနာယ လိနတ္ထပ္ပကာသနာ။

ဂ-မဟာသီဟနာဒသုတ္တ

အလေ့ကဿပဝတ္ထုဝတ္ထုနာ

၃၈၁။ ယသ္မိံ ရဋ္ဌေ တံ နဂရံ၊ တဿ ရဋ္ဌဿပိ ယသ္မိံ နဂရေ တဒါ
ဘဂဝါ ဝိဟာသိ၊ တဿ နဂရဿပိ ဧတဒေဝ နာမံ၊ တသ္မာ ဥရုညာယန္တိ
ဥရုညာဇနပဒေ ဥရုညာသင်္ခါတေ နဂရေတိ အတ္ထော။ ရမဏီယောတိ မနော-
ဟရဘူမိဘာဂတာယ၊ ဆာယူဒကသမ္ပတ္တိယာ၊ ဇနဝိဝိတ္တတာယ စ မနောရမော။
နာမန္တိ ဂေါတ္တနာမံ။ တပနံ သန္တပနံ ကာယဿ ခေဒနံ တပေါ၊ သော
တေဿ အတ္ထိတိ တပဿိ၊ တံ တပဿိံ၊ ယသ္မာ တထာဘူတော တပံ
နိဿိတော၊ တပေါ ဝါ တံ နိဿိတော၊ တသ္မာ အာဟ “တပနိဿိတက”န္တိ။
လူခံ ဝါ ဖရသံ သာဓုသမ္ပတာစာရဝိရဟတော နပသာဒနိယံ အာဇီဝတိ
ဝတ္တတိတိ လူခါဇီဝိ၊ တံ လူခါဇီဝိ။ ပုတ္တာဝာရာဒီတိ အာဒိ-သဒ္ဓေန ပရတော
ပါဠိယံ အာဂတာ ဟတ္တာပလေခနာဒယော သင်္ဂဟိတာ။ ဥပ္ပဏ္ဍေတိတိ ဥဟ-
သနဝသေန ပရိဘာသတိ။ ဥပဝဒတိတိ အဝညာပုဗ္ဗကံ အပဝဒတိ၊ တေနာဟ
“ဟိဋ္ဌေတိ ဝဗ္ဘေတိ”တိ။ ဓမ္မဿ စ အနုဓမ္မန္တိ ဧတ္ထ ဓမ္မော နာမ ဟေတု
“ဟေတုမိ ဉာဏံ ဓမ္မပဋိသန္တိဒါ”တိအာဒိသု၊ ဝိယာတိ အာဟ “ကာရဏဿ
အနုကာရဏ”န္တိ။ ကာရဏန္တိ စေတ္ထ တထာပဝတ္တဿ သဒ္ဓဿ အတ္ထော
အဓိပ္ပေတော တဿ ပဝတ္တိဟေတုဘာဝတော။ အတ္ထပ္ပယုတ္တော ဟိ သဒ္ဓပ္ပ-
ယောဂေါ။ အနုကာရဏန္တိ စ သော ဧဝ ပရေဟိ တထာဝုစ္စမာနော။ ပရေဟိတိ
“ယေ တေ”တိ ဝုတ္တသတ္တေဟိ ပရေဟိ။ ဝုတ္တကာရဏေနာတိ ယထာ တေဟိ
ဝုတ္တံ၊ တထာ စေ တုမှေဟိ န ဝုတ္တံ၊ ဧဝံ သတိ တေဟိ ဝုတ္တကာရဏေန
သကာရဏော ဟုတွာ တုမှာကံ ဝါဒေါ ဝါ တတော ပရံ တဿ အနုဝါဒေါ
ကောစိ အပ္ပမတ္တကောပိ ဝိညူဟိ ဂရဟိတဗ္ဗံ ဌာနံ ကာရဏံ နာဂစ္ဆေယျ၊
ကိမေဝံ နာဂစ္ဆတိတိ ယောဇနာ။ “ဣဒံ ဝုတ္တံ ဟောတိ”တိအာဒိနာ တမေဝတ္ထံ
သင်္ခေပတော ဒဿေတိ။

၃၈၂။ ဣဒါနိ ယံ ဝိဘဇ္ဇဝါဒံ သန္ဓာယ ဘဂဝတာ “န မေ တေ ဝုတ္တဝါ-
ဒိနော”တိသင်္ခေပတော ဝတွာ တံ ဝိဘဇိတွာ ဒဿေတုံ “ဣဓာဟံ ကဿ-
ပါ”တိအာဒိ ဝုတ္တံ၊ တံ ဝိဘာဂေန ဒဿေန္တော “ဣဓေကစ္စော”တိအာဒိမာဟ။

ဣဒန္တိ ယထာဂုတ္တံ အတ္ထပ္ပဘေဒဝိဘဇ္ဇနံ။ တိတ္ထိယဝသေန အာဂတံ
အဋ္ဌကထာယံ တထာ ဝိဘတ္တတ္တာ။ သာသနေပီတိ ဣမသ္မိံ သာသနေပိ။

၄-အတ္ထာနံ သုခေ ဌပေတွာတိ (၆)

အရဟတ္တံ ဝါ အတ္တနိ အသန္တံ “အတ္တိ”တိ ဝိပုဋ္ဌိဇာနိတော။ သာမန္တဇပုနံ၊ ပစ္စယပဋိသေဝနံ၊ ဣရိယာပထနိဿိတန္တိ ဣမာနိ တိဏိ ဝါ ကုဟနဝတ္ထုနိ။ တာဒိသောဝါတိ ဓုတင်္ဂသမာဒါနဝသေန လူခါဇိဝိ ဧဝ။ ဒုလ္လဘသုခေါ အဝိဿာမိ ဒုဂ္ဂတိသု ဥပပတ္တိယာတိ အဓိပ္ပာယ်ယော။

၃၈၃။ အသုကဋ္ဌာနတောတိ အသုကဘဝတော။ အာဂတတိ နိဗ္ဗတ္တနဝသေန ဣဓာဂတော။ ဣဒါနိ ဂန္တဗ္ဗဋ္ဌာနန္တိ အာယတိ နိဗ္ဗတ္တနဋ္ဌာနံ။ ပုန ဥပပတ္တိန္တိ အာယတိ အနန္တရဘဝတော တတိယံ ဥပပတ္တိ။ ပုန ဥပပတ္တိတိ ပုနပျုနံ နိဗ္ဗတ္တိ။ ကေန ကာရဏေနာတိ ယထာဘူတံ အဇာနန္တော ဟိ ဣစ္ဆာဒေါသဝသေန ယံ ကိဉ္စ ဂရဟေယျ။ အဟံ ပန ယထာဘူတံ ဇာနန္တော သဗ္ဗံ တံ ကေန ကာရဏေန ဂရဟိဿာမိ။ တံ ကာရဏံ နတ္ထိတိ အဓိပ္ပာယ်ယော။ တေနာဟ “ဂရဟိတဗ္ဗမေဝါ”တိအာဒိ။ တမတ္ထန္တိ ဂရဟိတဗ္ဗသေဝ ဂရဟဏံ၊ ပသံသိတဗ္ဗဿ စ ပသံသနံ။

န ကောမိ “န သာရူ”တိ ဝဒတိ ဒိဋ္ဌဓမ္မိကဿ၊ သမ္ပရာယိကဿ စ အတ္ထဿ သာဓနဝသေနေဝ ပဝတ္တိယာ ဘဒ္ဒကတ္တာ။ ပဉ္စဝိဓံ ဝေရန္တိ ပါဏာတိ-ပါတာဒိပဉ္စဝိဓံ ဝေရံ။ တဉ္စိ ပဉ္စဝိဓဿ သီလဿ ပဋိသတ္တုဘာဝတော၊ သတ္တာနံ ဝေရဟေတုတာယ စ “ဝေရ”န္တိ ဝုစ္စတိ။ တတော ဧဝ တံ န ကောမိ “သာရူ”တိ ဝဒတိ။ တထာ ဒိဋ္ဌဓမ္မိကာဒိအတ္တာနံ အသာဓနတော၊ သတ္တာနံ သာဓုဘာဝဿ စ ဒူသနတော။ န နိရုန္တိတဗ္ဗန္တိ ရူပဂ္ဂဟဏေ န နိဝါရေတဗ္ဗံ။ ဒဿနီယဒဿနတ္ထော ဟိ စက္ခုပဋိလာဘောတိ တေသံ အဓိပ္ပာယ်ယော။ ယဒဂ္ဂေန တေသံ ပဉ္စဒ္ဓါရေ အသံဝရော သာဓု၊ တဒဂ္ဂေန တတ္ထ သံဝရော န သာရူတိ အာဟ “ပုန ယံ တေ ကေစ္စန္တိ ပဉ္စဒ္ဓါရေ သံဝရ”န္တိ။

အထ ဝါ ယံ တေ ကေစ္စ ဝဒန္တိ “သာရူ”တိ တေ “ဧကေ သမဏဗြာဟ္မဏာ”တိ ဝုတ္တာ တိတ္ထိယာ ယံ အတ္တကိလမထာနုယောဂါဒိ “သာရူ”တိ ဝဒန္တိ။ မယံ တံ န “သာရူ”တိ ဝဒါမ။ ယံ တေ ကေစ္စ ဝဒန္တိ “န သာရူ”တိ ယံ ပန တေ အနဝဇ္ဇပစ္စယပရိဘောဂံ၊ သုနိဝတ္ထသုပါရူပနာဒိသမ္ပာပဋိပတ္တိန္တိ “န သာရူ”တိ ဝဒန္တိ။ တံ မယံ “သာရူ”တိ ဝဒါမာတိ ဧဝမေတ္ထ အတ္ထော ဝေဒိတဗ္ဗော။

၁-၃ ၁၁-၃၄၀၊ ဝိသုဒ္ဓိ ၁-၅၇၊ ထေရဂါထာ-၆ ၂-၃၂၂-ပိဋေသု ဝိတ္တာရော။
၂-အာယတိ အနန္တရဘဝတော တတိယံ ဥပပတ္တိ၊ ပုန ဥပပတ္တိတိ ပုနပျုနံ နိဗ္ဗတ္တိ (?)
၃-ဂရဟဏတ္တာ (အဘိနဝဋီ)

ဧဝံ ယံ ပရဝါဒမူလကံ စတုက္ကံ ဒဿိတံ၊ တဒေဝ ပုန သကဝါဒမူလကံ ကတွာ ဒဿိတန္တိ ပကာသေန္တော “ဧဝ”န္တိ အာဒိမာဟ။ ယဉ္စိ ကိဉ္စိ ကေနပိ သမာနံ၊ တေနပိ တံ သမာနမေဝ၊ တထာ အသမာနမ္ပိတိ။ သမာနာသမာနတန္တိ သမာနာသမာနတာမတ္တံ။ အနဝသေသတော ဟိ ပဟာတဗ္ဗာနံ ဓမ္မာနံ ပဟာနံ သကဝါဒေ ဒိဿတိ၊ န ပရဝါဒေ။ တထာ ပရိပုဏ္ဏမေဝ စ ဥပသမ္မာဒေတဗ္ဗဓမ္မာနံ ဥပသမ္မာဒနံ သကဝါဒေ၊ န ပရဝါဒေ။ တေန ဝုတ္တံ “ဣာဟ”န္တိ အာဒိ။

သမနုယုညာပနကထာဝဏ္ဏနာ

၃၈၅။ လဉ္စိ ပုစ္ဆန္တောတိ “ကိ” သမဏော ဂေါတမော သံကိလေသဓမ္မေ အနဝသေသံ ပဟာယ ဝတ္တတိ၊ ဥဒါဟု ပရေ ဂဏာစရိယာ။ ဧတ္ထ တာဝ အတ္တနော လဉ္စိ ဝဒါ”တိ လဉ္စိ ပုစ္ဆန္တော။ ကာရဏံ ပုစ္ဆန္တောတိ “သမဏော ဂေါတမော သံကိလေသဓမ္မေ အနဝသေသံ ပဟာယ ဝတ္တတိ”တိ ဝုတ္တေ “ကေန ကာရဏေန” ဧဝမတ္ထံ ဂါဟယာ”တိ ကာရဏံ ပုစ္ဆန္တော။ ဥဘယံ ပုစ္ဆန္တောတိ “ဣဒံ နာမေတ္ထ ကာရဏ”န္တိ ကာရဏံ ဝတွာ ပဋိညာတေ အတ္ထေ သာမိယမာနေ အနုယတော၊ ဗျတိရေကတော စ ကာရဏံ သမတ္ထေတုံ သဒိသာသဒိသဘေဒံ ဥပမောဒါဟရဏဒ္ဓယံ ပုစ္ဆန္တော၊ ဥဘယံ ပုစ္ဆန္တော ကာရဏဿ စ တိလက္ခဏသမ္ပတ္တိယာ ယထာပဋိညာတေ အတ္ထေ သာမိတေ သမ္ပဒေဝ အနုပစ္ဆာ ဘာသန္တော နိဂမေန္တော သမနုဘာသတိ နာမ။ ဥပသံဟရိတွာတိ ဥပနေတွာ။ “ကိ” တေ”တိ အာဒိ ဥပသံဟရဏာကာရဒဿနံ။ ဒုတိယပဒေတိ “သံသေန ဝါ သံသ”န္တိ ဣမသ္မိံ ပဒေ။

တမတ္ထန္တိ တံ ပဟာတဗ္ဗဓမ္မာနံ အနဝသေသံ ပဟာယ ဝတ္တနသင်္ခါတဉ္စ သမာဒါတဗ္ဗဓမ္မာနံ အနဝသေသံ သမာဒါယ ဝတ္တနသင်္ခါတဉ္စ အတ္ထံ။ ယောဇေတွာတိ အကုသလာဒိပဒေဟိ ယောဇေတွာ။ အကောသလ္လသမ္ဘူတဋ္ဌေန အကုသလာဧဝ တတောယေဝ အကုသလာတိ စ သင်္ခံ ဂတာတိ သင်္ခါတာ။ တတ္ထ ပုရိမပဒေန ဧကန္တာကုသလေ ဝဒတိ၊ ဒုတိယပဒေန တံသဟဂတေ၊ တံပက္ခိယေ စ၊ တေနာဟ “ကောဋ္ဌာသံ ဝါ ကတွာ ဌပိတာ”တိ၊ အကုသလပက္ခိယဘာဝေန ဝဝတ္ထာပိတာတိ အတ္ထော။ အဝဇ္ဇဋ္ဌော ဒေါသဋ္ဌော ဂါရယှပရိယာယတ္တာတိ အာဟ “သာဝဇ္ဇာတိ သဒေါသာ”တိ။ အရိယာ နာမ နိဋ္ဌေါသာ၊ ဣမေ ပန ကတ္ထစိပိ နိဋ္ဌေါသာ န ဟောန္တိတိ နိဋ္ဌေါသဋ္ဌေန အရိယာ ဘဝိတုံ နာလံ အသမတ္ထာ။

၃၈၆-၃၉၂။ ယန္တိ ကာရဏေ ဧတံ ပစ္စတ္တဝစနန္တိ အာဟ “ယေန ဝိညူ”တိ။ ယံ ဝါ ပနာတိ “ယံ ပန ကိဉ္စိ”တိ အသမ္ဘာဝနဝစနမေတန္တိ အာဟ “ယံ ဝါ တံ ဝါ အပ္ပမတ္တက”န္တိ။ ဂဏာစရိယာ ပူရဏာဒယော။ သတ္ထုပ္ပ-
 တဝတ္ထာ သံဃဿ သံဃသမ္ပတ္တိယာပိ သတ္ထုသမ္ပတ္တိ ဝိဘာဝိယတိတိ အာဟ “သံဃပသံသာယပိ သတ္ထုယေဝ ပသံသာသိဒ္ဓိတော”တိ။ သာ ပန ပသံသာ
 ပသာဒဟေတုကာတိ ပသာဒမုခေန တံ ဒဿေတုံ “ပသီဒမာနာပိ ဟိ”တိ-
 အာဒိ ဝုတ္တံ။ တတ္ထ ဝိ-သဒ္ဓေန ယထာ အန္တယတော ပသံသာ သမုစ္ဓိယတိ။ ဧဝံ
 သတ္ထုဝိပုဋ်ပတ္တိယာ^၁ သာဝကေသု၊ သာဝကဝိပုဋ်ပတ္တိယာ^၂ စ သတ္ထရိ အပ္ပ-
 သာဒေါ သမုစ္ဓိယတိတိ ဒဠဗ္ဗံ။ သရီရသမ္ပတ္တိန္တိ ရူပသမ္ပတ္တိ^၃၊ ရူပကာယပါရိပူရိန္တိ
 အတ္ထော။ အဝန္တိ ဝတ္တာဓော ရူပပ္ပမာဏာ၊ ဃောသဓမ္မပ္ပမာဏာ စ။ ပုန အဝန္တိ
 ဝတ္တာဓောတိ ဓမ္မပ္ပမာဏဝသေနေဝ ယောဇေတဗ္ဗံ။ ယာ သံဃဿ ပသံသာတိ
 အာနေတွာ သမ္ပန္နော။

တတ္ထ ယာ ဗုဒ္ဓါနံ၊ ဗုဒ္ဓသာဝကာနံယေဝ စ ပါသံသတာ၊ အညေသဉ္စ
 တဒဘာဝေါ ဇောတိတော^၁၊ တံ ဝိရတိပ္ပဟာနသံဝရဒ္ဓေသဝသေန နိဟရိတွာ
 ဒဿေတုံ “အယမဓိပ္ပာယော”တိအာဒိ ဝုတ္တံ။ တတ္ထ သေတုဃာတဝိရတိ
 နာမ အရိယမဂ္ဂဝိရတိ။ ဝိပဿနာမတ္တဝသေနာတိ “အနိစ္စ”န္တိ ဝါ “ဒုက္ခ”န္တိ ဝါ
 ဝိဝိဓံ ဒဿနမတ္တဝသေန၊ န ပန နာမရူပဝဝတ္ထာနပစ္စယပရိဂ္ဂဏှနပုဗ္ဗကံ လက္ခ-
 ဏတ္ထယံ အာရောပေတွာ သင်္ခါရာနံ သမ္ပသနဝသေန။ ဣတရာနီတိ သမုစ္ဆေဒ-
 ပဋိပ္ပဿဒ္ဓိနိဿရဏပ္ပဟာနာနိ။ “သေသ”န္တိ ပဉ္စသီလတော အညော သဗ္ဗော
 သီလသံဝရော၊ “ခမော ဟောတိ”တိအာဒိနာ^၂ ဝုတ္တော သုပရိသုဒ္ဓေါ ခန္တိ-
 သံဝရော၊ “ပညာယေတေ ဝိဓိယုရေ”တိ^၃ ဧဝံ ဝုတ္တော ကိလေသာနံ သမုစ္ဆေ-
 ဒကော မဂ္ဂဉာဏသင်္ခါတော ဉာဏသံဝရော၊ မနစ္ဆဋ္ဌာနံ ဣန္ဒြိယာနံ ဝိဒဟနဝသေန
 ပဝတ္တော ပရိသုဒ္ဓေါ ဣန္ဒြိယသံဝရော၊ “အနုပ္ပန္နာနံ ပါပကာနံ အကုသလာနံ
 ဓမ္မာနံ အနုပ္ပါဒါယာ”တိအာဒိနာ^၁ ဝုတ္တော သမ္ပပ္ပဓာနသင်္ခါတော ဝိရိယ-
 သံဝရောတိ ဣမံ သံဝရပဉ္စကံ သန္တာယာဟ။ ပဉ္စ ခေါ ပနိမေ ပါတိမောက္ခု-
 ဌေသာတိ^၆အာဒိ သာသနေ သီလဿ ဗဟုဘာဝံ ဒဿေတွာ တဒေကဒေသေ
 ဧဝ ပရေသံ အဝဋ္ဌာနဒဿနတ္ထံ ယထာဝုတ္တသီလသံဝရဿေဝ ပုန ဂဟဏံ။

၁-....ဝိပတ္တိယာ (အဘိနဝဋီ)	၂-စောဒိတော (ဗဟုသု)
၁-မ ၁-၁၃၊ မ ၃-၁၃၃၊ အံ ၁-၄၃၃၊ အံ ၃-၃၄၂-ပိဋေသု။	
၄-၃ ၁-၄၃၄၊ ၃ ၈-၆၊ ၃၀-ပိဋေသု။	
၅-ဒီ ၂-၂၅၀၊ မ ၁-၈၉၊ သံ ၃-၈၊ အဘိ ၂-၁၁၁-ပိဋေသု။	၆-ဥပေါသထုဒ္ဓေသာ (၄)

အရိယအဋ္ဌကိကမဂ္ဂဝဏ္ဏနာ

၃၉၃။ သီဟနာဒန္တိ သေဋ္ဌနာဒံ၊ အဘိတနာဒံ ကေနစိ အပ္ပုဋ္ဌိဝတ္တိယနာဒန္တိ အတ္ထော။ “အယံ ယထာဝုတ္ထော မမ ဝါဒေါ အဝိပရိတော၊ တဿ အဝိပရိ-
 တဘာဝေါ ဣမံ မဂ္ဂံ ပဋိပဇ္ဇိတွာ အပရပ္ပစ္စယတော ဇာနိတဗ္ဗော”တိ ဧဝံ
 အဝိပရိတဘာဝါဝဗောဓနတ္ထံ။ “အတ္ထိ ကဿပါ”တိအာဒိသု ယံ မဂ္ဂံ ပဋိပဇ္ဇော
 သမဏော ဂေါတမော ဝဒန္တော ယုတ္တပတ္တကာလေ၊ တထဘာဝတော ဘူတံ၊
 ဧကံသတော ဟိတာဝဟဘာဝေန အတ္ထံ၊ ဓမ္မတော အနပေတတ္တာ ဓမ္မံ၊
 ဝိနယယောဂတော ပရေသံ ဝိနယနတော စ ဝိနယံ ဝဒတိတိ သာမံယေဝ
 အတ္တပစ္စက္ခတောဝ ဇာနိဿတိ၊ သော မယာ သယံ အဘိညာ သတ္တိကတွာ
 ပဝေဒိတော သကလဝဋ္ဋဒုက္ခနိဿရဏဘူတော အတ္ထိ ကဿပ မဂ္ဂေါ၊ တဿ
 စ အဓိဂမူပါယဘူတာ ပုဗ္ဗဘာဂပဋိပဒါတိ အယမေတ္ထ ယောဇနာ။ တေန
 “သမဏော ဂေါတမော ဣမေ ဓမ္မေ”တိအာဒိနယပ္ပဝတ္ထော ဝါဒေါ ကေနစိ
 အသံကမ္ပိယော ယထာဘူတသီဟနာဒေါတိ ဒဿေတိ။

“ဧဝမေတံ ယထာဘူတံ သမ္ပပ္ပညာယ ပဿတိ”တိအာဒိသု^၁ ဝိယ မဂ္ဂဉ္စ
 ပဋိပဒဉ္စ ကေတော ကတွာ ဒဿေန္တော။ “အယမေဝါ”တိ ဝစနံ မဂ္ဂဿ
 ပုထုဘာဝပံဋိက္ခေပနတ္ထံ၊ သဗ္ဗအရိယသာဓာရဏဘာဝဒဿနတ္ထံ၊ သာသနေ
 ပါကဋဘာဝဒဿနတ္ထဉ္စ။ တေနာဟ “ဧကာယနော အယံ ဘိက္ခဝေ မဂ္ဂေါ”တိ^၂၊
 “ဧသေဝ မဂ္ဂေါ နတ္ထညော ဒဿနဿ ဝိသုဒ္ဓိယာ”တိ^၃၊

“ဧကာယနံ ဇာတိဓယန္တဒဿိ၊
 မဂ္ဂံ ပဇာနာတိ ဟိတာနုကမ္ပိ။
 ဧတေန မဂ္ဂေန တရိသု ပုဗ္ဗေ၊
 တရိဿန္တိ ယေ စ တရန္တိ ဩဃ”န္တိ စ^၄—

သဗ္ဗေသု သုတ္တပဒေသေသု။ အဘိဓမ္မပဒေသေသု^၅ စ ဧကောဝိယံ မဂ္ဂေါ
 ပါကဋော ပညာတော အာဂတော စာတိ။

တပေါပက္ခမကထာဝဏ္ဏနာ

၃၉၄။ တပေါယေဝ ဥပက္ခမိတဗ္ဗတော အာရဘိတဗ္ဗတော တပေါပက္ခ-
 မောတိ အာဟ “တပါရန္တာ”တိ။ အာရန္တနုဉ္စေတ္ထ ကရဏမေဝါတိ အာဟ

၁-အံ ၁-၂၀၈-ပိဋေ။ ၂-ဒီ ၂-၁၃၁၊ မ ၁-၇၁၊ သံ ၃-၁၂၃၊ ခ ၄၅၊ ခ ၆၁-ပိဋေသု။ ၃-ခု ၁-၅၂-ပိဋေ၊
 ၄-သံ ၃-၁၄၆၊ ၁၆၂၊ ခု ၇-ခု ၁၆၂၊ ၈-၂၁၂၊ ၂၃၁၊ ခု ၁၁-၁၆၃-ပိဋေသု။ ၅-အဘိ ၂-၂၀၀-ပိဋေ။

“တပေါကမ္မာနိတိ အတ္ထော”တိ။ သမဏကမ္မသင်္ခါတာတိ သမဏေဟိ ကတ္တဗ္ဗကမ္မသညိတာ။ နိစ္စောလောတိ နိဿဋ္ဌစေလော သဗ္ဗေန သဗ္ဗံ ပဋိက္ခိတ္တစေလော။ နဂ္ဂိယဝတသမာဒါနေန နဂ္ဂေါ။ “ဋ္ဌိတကောဝ ဥစ္စာရံ ကရေတိ”တိ- အာဒိ နိဒဿနမတ္ထံ ဝဓိတွာ မုခဝိက္ခာလနာဒိအာစရဿပိ တေန ဝိဿဋ္ဌတ္တာ။ ဇိဂ္ဂါယ ဟတ္ထံ အပလိခတိ အပလိဟတိ ဥဒကေန အဓောဝနတော။ ဒုတိယ- ဝိကပ္ပေပိ ဧသေဝ နယော။ “ဧဟိ ဘဒ္ဒန္တ”တိ ဝုတ္တေ ဥပဂမနသင်္ခါတော ဝိဓိ ဧဟိဘဒ္ဒန္တော၊ တံ စရတိတိ ဧဟိဘဒ္ဒန္တိကော၊ တပုဋိက္ခေပေန နဧဟိ- ဘဒ္ဒန္တိကော။ န ကရေတိ သမဏေန နာမ ပရဿ ဝစနကရေန န ဘဝိတဗ္ဗန္တိ အဓိပ္ပါယေန။ ပုရေတရန္တိ တံ ဌာနံ အတ္တနော ဥပဂမနတော ပုရေတရံ။ တံ ကိရ သော “ဘိက္ခုနာ နာမ ယာဒိစ္စကိ ဧဝ ဘိက္ခာ ဂဟေတဗ္ဗာ”တိ အဓိပ္ပါယေန န ဂဏှာတိ။ ဥဒ္ဓိဿကတံ “မမ နိမိတ္တဘာဝေန ဗဟု ခုဒ္ဒကာ ပါဏာ သဃံာတံ အာပါဒိတာ”တိ န ဂဏှာတိ။ နိမန္တနံ န သာဒိယတိ “ဧဝံ တေသံ ဝစနံ ကတံ ဘဝိဿတိ”တိ။ ကုမ္ဘိအာဒိသုပိ သော သတ္တသညိတိ အာဟ “ကုမ္ဘိကဋ္ဌောပိယော”တိအာဒိ။

ကဗဠန္တရာယောတိ ကဗဠဿ အန္တရာယော ဟောတိတိ။ ဂါမသဘာဂါဒိ- ဝသေန သင်္ဂမ္မ ကိတ္တေန္တိ ဧတိဿာတိ သံကိတ္တိ၊ တထာ သံဟဋ္ဌတဏှုလာဒိ- သဗ္ဗယော။ မနုဿာတိ ဝေယျာဝစ္စကရမနုဿာ။

သုရာပါနမေဝါတိ မဇ္ဇလက္ခဏပုတ္တာယ သုရာယ ပါနမေဝ။ သုရာဂ္ဂဟဏေန စေတ္တ မေရယမ္ပိ သင်္ဂဟိတံ။ ကောဂါရမေဝ ဥဉ္စတိတိ ကောဂါရိကော။ ကောလောပေနေဝ ဝတ္တတိတိ ကောလောပိကော။ ဒီယတိ တောယာတိ ဒတ္တိ၊ ဒုတ္တိအာလောပမတ္တဂါဟိ ခုဒ္ဒကံ ဘိက္ခာဒါနဘာဇနံ၊ တေနာဟ “ခုဒ္ဒကပါတိ”တိ။ အဘုဉ္ဇနဝသေန ကော အဟော တေဿ အတ္ထိတိ ကောဟိကော၊ အာဟာရေ။ တံ ကောဟိကံ၊ သော ပန အတ္ထတော ကေဒိဝသလဃံကောတိ အာဟ “ကေဒိဝသန္တရိက”န္တိ။ “ဒွိဟိက”န္တိအာဒိသုပိ ဧသေဝ နယော။ ကောဟံ အဘုဉ္ဇိတွာ ကောဟံ ဘုဉ္ဇနံ ကောဟဝါရေ၊ တံ ကောဟိကမေဝ အတ္ထတော။ ဒွိဟံ အဘုဉ္ဇိတွာ ဒွိဟံ ဘုဉ္ဇနံ ဒွိဟဝါရေ။ သေသဒ္ဓယေပိ ဧသေဝ နယော။ ဥက္ကဋ္ဌော ပန ပရိယာယဘတ္တဘောဇနိကော ဒွိဟံ အဘုဉ္ဇိတွာ ကောဟမေဝ ဘုဉ္ဇတိ။ သေသဒ္ဓယေပိ ဧသေဝ နယော။

၃၉၅။ ကုဏ္ဍကန္တိ တနုတရံ တဏှုလသကလံ။

၁-နဧဟိဘဒ္ဒန္တိကော (က)

၃၉၆။ သဏေဟိ သဏဝါကေဟိ နိဗ္ဗတ္တဝတ္ထာနိ သာဏာနိ။ မိဿ-
သာဏာနိ မသာဏာနိ၊ န ဘင်္ဂါနိ။ ရေကတိဏာဒီနိတိ အာဒိ-သဒ္ဓေန
အတ္တမကဏိကဒလိဝါကာဒီနံ သင်္ဂဟော။ ရေကဒီဟိ ကတာနိ ဟိ ဆဝါနိ
လာမကာနိ ဒုဿာနိတိ ဝတ္ထဗ္ဗတံ လဘန္တိ။

မိစ္ဆာဝါယာမဝသေနဝ ဥက္ကုဋ္ဌိကဝတာနုယောဂေါတိ အာဟ “ဥက္ကုဋ္ဌိက-
ဝိရိယံ အနုယုတ္တော”တိ။ ထဏှိလန္တိ ဝါသမာ ပကတိဘူမိဝုစ္စတိ “ပတ္တဏှိလေ
ပါဘုရဟောသိ”တိအာဒိသု^၁ ဝိယ၊ တသ္မာ ထဏှိလသေယျန္တိ အနန္တရဟိတဿ
ပကတိဘူမိယံ သေယျန္တိ ဝုတ္တံ ဟောတိ။ လဒ္ဓံ အာသနန္တိ နိသီဒိတုံ ယထာ-
လဒ္ဓံ အာသနံ။ အကောပေတွာတိ အညတ္ထ အနုပဂန္တာ၊ တေနာဟ “တတ္ထေဝ
နိသီဒနသီလော”တိ။ သော ဟိ တံ အဆဉ္ဇေန္တော အပရိစ္ဆေန္တော အကော-
ပေန္တော နာမ ဟောတိ။ ဝိကုဋ္ဌန္တိ ဂူထံ ဝုစ္စတိ အာသယဝသေန ဝိရူပံ ဇာတန္တိ
ကတွာ။

တ္ထေ စ “အစေလကော ဟောတိ”တိအာဒီနိ ဝတပဒါနိ ယာဝ “န
ထုသောဒကံ ပိဝတိ”တိ ဧတာနိ ဧကဝါရာနိ။ “ဧကဝါရိကော ဝါ”တိအာဒီနိ
နာနာဝါရာနိ၊ နာနာကာလိကာနိ ဝါ။ တထာ “သာကဘက္ခော ဝါ”တိအာဒီနိ၊
“သာဏာနိပိ ဓာရေတိ”တိအာဒီနိ စ။ တထာ ဟေတ္ထ ဝါ-သဒ္ဓဂ္ဂဟဏံ၊ ပိ-
သဒ္ဓဂ္ဂဟဏဉ္စ ကတံ။ ပိ-သဒ္ဓေါပိ ဝိကပ္ပတ္တော ဧဝ ဒဋ္ဌဗ္ဗော။ ပုရိမေသု ပန န
ကတံ။ ဧဝဉ္စ ကတွာ “အစေလကော ဟောတိ”တိ ဝတွာ “သာဏာနိပိ
ဓာရေတိ”တိအာဒိဝစနဿ၊ “ရဇောဇလ္လဓရော ဟောတိ”တိ ဝတွာ “ဥဒ-
ကောရောဟနာနုယောဂမနုယုတ္တော”တိ ဝစနဿ စ အဝိရောဓော သိဒ္ဓေါ
ဟောတိ။ အထ ဝါ ကိမေတ္ထ အဝိရောဓဓိန္တာယ။ ဥဗ္ဗတ္တကပစ္စိသဒိသော ဟိ
တိတ္ထိယဝါဒေါ။ အထ ဝါ “အစေလကော ဟောတိ”တိ အာရဘိတွာ
တပ္ပသင်္ဂေန သဗ္ဗမ္ပိ အတ္တကိလမထာနုယောဂံ ဒဿေန္တေန “သာဏာနိပိ
ဓာရေတိ”တိအာဒိ ဝုတ္တန္တိ ဒဋ္ဌဗ္ဗံ။

တပေါပက္ခမနိရတ္တကတာဝဏ္ဏနာ

၃၉၇။ သီလသမ္ပဒါဒီဟိ ဝိနာတိ သီလသမ္ပဒါ၊ သမာဓိသမ္ပဒါ၊ ပညာ-
သမ္ပဒါတိ ဣမာဟိ လောကုတ္တရာဟိ သမ္ပဒါဟိ ဝိနာ န ကဒါစိ သာမညံ ဝါ
ဗြဟ္မညံ ဝါ သမ္ဘဝတိ၊ ယသ္မာ စ တဒေဝံ၊ တသ္မာ တေသံ တပေါပက္ခမာနံ
နိရတ္တကတံ ဒဿေန္တောတိ ယောဇနာ။ “ဒေါသဝေရဝိရဟိတ”န္တိ ဣဒံ

ဒေါသဿ မေတ္တာယ ဥဇုပဋိပက္ခတာယ ဝုတ္တံ။ ဒေါသ-ဂ္ဂဟဏေန ဝါ သဗ္ဗေပိ
ဈာနပဋိပက္ခာ သံကိလေသဓမ္မော ဂဟိတာ၊ ဝေရ-ဂ္ဂဟဏေန ပစ္စတ္ထိကဘူတာ
သတ္တာ။ ယဒဂ္ဂေန ဟိ ဒေါသရဟိတံ၊ တဒဂ္ဂေန ဝေရရဟိတန္တိ။

၃၉၈။ ပါကဋ္ဌဘာဝေန ကာယတိ ဂမေတိတိ ပကတိ၊ လောကသိဒ္ဓဝါဒေါ။
တေနာဟ “ပကတိ ခေါ သောတိ ပကတိကဏာ သော”တိ။ မတ္တာယာတိ
မတ္တာ-သဒ္ဓေါ “မတ္တာ သုခပရိစ္စာဂါ”တိအာဒိသု ဝိယ အပ္ပတ္တံ အန္တောနီတံ
ကတွာ ပမာဏဝါစကောတိ အာဟ “ဣဓိနာ ပမာဏေန ဝေ ပရိတ္တကေ-
နာ”တိ။ တေန ပန ပမာဏေန ပဟာတဗ္ဗော ပကရဏပ္ပတ္တော ပဋိပတ္တိက္က-
မောတိ အာဟ “ပဋိပတ္တိက္ကမေနာ”တိ။ သဗ္ဗတ္တာတိ သဗ္ဗဝါရေသု။

၃၉၉။ အညထာ ဝဒထာတိ ယဒိ အစေလကဘာဝါဒိနာ သာမညံ ဝါ
ဗြဟ္မညံ ဝါ အဘဝိဿ၊ သုဝိဇာနောဝ သမဏော သုဝိဇာနော ဗြဟ္မဏော။
ယသ္မာ ပန တုမေ ဣတော အညထာဝ သာမညံ ဗြဟ္မညဉ္စ ဝဒထ၊ တသ္မာ
ဒုဇ္ဇာနောဝ သမဏော ဒုဇ္ဇာနော ဗြဟ္မဏော၊ တေနာဟ “ဣဒံ သန္ဓာယာ-
ဟာ”တိ။ တံ ပကတိဝါဒံ ပဋိက္ခိပိတွာတိ ပုဗ္ဗေ ယံ ပါကတိကံ သာမညံ ဗြဟ္မညဉ္စ
ဟဒယေ ဌပေတွာ တေန “ဒုက္ကရ”န္တိအာဒိ ဝုတ္တံ၊ တမေဝ သန္ဓာယ ဘဂဝတာဝိ
“ပကတိ ခေါ သော”တိအာဒိ ဝုတ္တံ။ ဣဓ ပန တံ ပကတိဝါဒံ ပါကတိက-
သမဏဗြဟ္မဏဝိသယံ ကထံ ပဋိက္ခိပိတွာ ပဋိသံဟရိတွာ သဘာဝတောဝ
ပရမတ္ထတောဝ သမဏဿ ဗြဟ္မဏဿ စ ဒုဇ္ဇာနဘာဝံ အာဝိကရောဇ္ဇော
ပကာသေန္တော။ တတြာဒိတိ သမဏဗြဟ္မဏဝါဒေပိ၊ ဝုတ္တနယေနော။

သီလသမာဓိပညာသမ္ပဒါဝဏ္ဏနာ

၄၀၀-၁။ ပဏ္ဍိတောတိ ဟေတုသမ္ပတ္တိသိဒ္ဓေန ပဏ္ဍိစွေန သမန္တာဂတော။
ကထံ ဥဂ္ဂဟေသိ ပရိပက္ခဉာဏတ္တာ သဋ္ဌေ ပဒီပေန ဝိယ အဗ္ဘန္တရေ သမုဇ္ဇလန္တေန
ပညာဝေယျတ္တိယေန တတ္ထ တတ္ထ ဘဂဝတာ ဒေသိတမတ္ထံ ပရိဂ္ဂဏန္တော တမ္ပိ
ဒေသနံ ဥပဓာရေသိ။ တဿ ဇာတိ ယော အစေလကော ဟောတိ ယာဝ
ဥဒကောရောဟနာနုယောဂမနုယုတ္တောဝိဟရတိ၊ တဿ စ။ တာ သမ္ပတ္တိယော
ပုစ္ဆာမိ၊ ယာဟိ သမဏော စ ဟောတိတိ အဓိပ္ပါယော။ ‘သီလသမ္ပဒါယာတိ
ဣတိ-သဒ္ဓေါ အာဒိအတ္တော၊ တေန “စိတ္တသမ္ပဒါယ ပညာသမ္ပဒါယာ”တိ

ပဒေသယံ သင်္ကဏာတိ။ အသေက္ခသီလာဒိခန္ဓတ္ထယသင်္ကဟိတဉ္စိ အရဟတ္တံ၊
တေနာဟ “အရဟတ္တမလမေဝ သန္ဓာယ ဝုတ္တ”န္တိအာဒိ။ တတ္ထ ဣဒန္တိ ဣဒံ
ဝစနံ။

သီဟနာဒကထာဝဏ္ဏနာ

၄၀၂။ အနညသာဓာရဏတာယ၊ အနညသာဓာရဏတ္ထဝိသယတာယ စ
အနုတ္တရံ ဗုဒ္ဓသီဟနာဒံ နဒန္တော။ အတိဝိယ အစူန္တဝိသုဒ္ဓတာယ ပရမဝိသုဒ္ဓံ။
ပရမန္တိ ဥက္ကဋ္ဌံ၊ တေနာဟ “ဥက္ကမ”န္တိ။ သီလမေဝ လောကီယသီလတ္တာ။
ယထာ အနညသာဓာရဏံ ဘဂဝတော လောကုတ္တရသီလံ သဝါသနံ ပဋိပက္ခ-
ဝိဒ္ဓံသနတော၊ ဧဝံ လောကီယသီလမ္ပိ တဿ အနုန္တဝိကဘာဝေန သမ္ပုတတ္တာ
သမေန သမန္တိ သမသမန္တိ အယမေတ္ထ အတ္ထောတိ အာဟ “မမ သီလသမေန
သီလေန မယာ သမ”န္တိ။ “ယဒိဒံ အဝိသီလ”န္တိ လောကီယံ၊ လောကုတ္တရဉ္စာတိ
ဒုဝိမ္ပိ ဗုဒ္ဓသီလံ ဧကန္တံ ကတွာ ဝုတ္တံ။ တေနာဟ “သီလေဝီ”တိ။ ဣတိ ဣမန္တိ
ဧဝံ ဣမံ သီလဝိသယံ။ ပဌမံ ပဝတ္တတ္တာ ပဌမံ။

တပတိတိ သန္တပ္ပတိ၊ ဝိမေတိတိ အတ္ထော။ ဇိရုစ္ဆတိတိ ဟိဋ္ဌေတိ လာမက-
တော ဌပေတိ။ နိဒ္ဒေါသတ္တာ အရိယာ အာရကာ ကိလေသေဟိတိ။ မဂ္ဂဖလ-
သမ္ပယုတ္တာ ဝိရိယသင်္ခါတာ တပေါဇိရုစ္ဆာတိ အာနေတွာသမ္ပန္နော။ ပရမာ
နာမ သဗ္ဗုက္ကဋ္ဌဘာဝတော။ ယထာ ယုဝိနော ဘာဝေါ ယောဗ္ဗနံ၊ ဧဝံ
ဇိရုစ္ဆိနော ဘာဝေါ ဇေရုစ္ဆံ။ ကိလေသာနံ သမုစ္ဆိန္နနပဋိပဿန္တနာနိ
သမုစ္ဆေဒပဋိပဿန္တိဝိမုတ္တိယော။ နိဿရဏဝိမုတ္တိ နိဗ္ဗာနံ။ အထ ဝါ သမ္မာ-
ဝါစာဒိနံ အဓိသီလဂ္ဂဟဏေန၊ သမ္မာဝါယာမဿ အဓိဇေရုစ္ဆဂ္ဂဟဏေန၊ သမ္မာ-
ဒိဋ္ဌိယာ အဓိပညာဂ္ဂဟဏေန ဂဟိတတ္တာ အဂ္ဂဟိတဂ္ဂဟဏေန သမ္မာသင်္ကပ္ပ-
သတိသမာဓယော မဂ္ဂဖလပရိယာပန္နာ သမုစ္ဆေဒပဋိပဿန္တိဝိမုတ္တိယော
ဒဋ္ဌဗ္ဗာ။ နိဿရဏဝိမုတ္တိ ပန နိဗ္ဗာနမေဝ။

၄၀၃။ ယံ ကိဉ္စိ ဇနဝိဝိတ္တံ ဌာနံ ဣဓ “သုညာဂါရ”န္တိ အဓိပ္ပေတံ။ တတ္ထ
နဒန္တေန ဝိနာ နာဒေါ နတ္ထိတိ အာဟ “ဧကတောဝ နိသီဒိတွာ”တိ။ အဋ္ဌသု
ပရိသာသုတိ ခတ္တိယပရိသာ၊ ပြာဟူဏပရိသာ၊ ဂဟပတိပရိသာ၊ သမဏပရိသာ၊
စာတုမဟာရာဇိကပရိသာ၊ တာဝတိံသပရိသာ၊ မာရပရိသာ၊ ပြဟူပရိသာတိ
ဣမာသု အဋ္ဌသု ပရိသာသု။

ဝေသာရဇ္ဇာနီတိ ဝိသာရဒဘာဝါ၊ ဉာဏပ္ပဟာနသမ္ပဒါနိမိတ္တံ ကုတောစိ အသန္တဿနဘာဝါ နိဗ္ဗယဘာဝါတိ အတ္ထော။ အာသဘံ ဌာနန္တိ သေဌံ ဌာနံ၊ ဥတ္တမံ ဌာနန္တိ အတ္ထော။ အာသဘာဝါ ပုဗ္ဗဗုဒ္ဓါ၊ တေသံဌာနန္တိ အတ္ထော။

အပိစ ဥသဘဿ ဣဒန္တိ အာသဘံ၊ အာသဘံ ဝိယာတိ အာသဘံ။ ယထာ ဟိ နိသဘသင်္ခါတော ဥသဘော အတ္တနော ဥသဘဗလေန စတူဟိ ပါဒေဟိ ပထဝိံ ဥပ္ပိဋ္ဌေတွာ အစလဋ္ဌာနေန တိဋ္ဌတိ၊ ဧဝံ တထာဂတောပိ ဒသဟိ တထာဂတဗလေဟိ သမန္တာဂတော စတူဟိ ဝေသာရဇ္ဇပါဒေဟိ အဋ္ဌပရိသာပထဝိံ ဥပ္ပိဋ္ဌေတွာ သဒေဝကေ လောကေ ကေနစိ ပစ္စတ္ထိကေန အကမ္ပိယော အစလေန ဌာနေန တိဋ္ဌတိ။ ဧဝံ တိဋ္ဌမာနေဝ တံ အာသဘံ ဌာနံ ပဋိဇာနာတိ ဥပဂစ္ဆတိ န ပစ္စက္ခာတိ အတ္တနိ အာရောပေတိ။ တေန ဝုတ္တံ “အာသဘံ ဌာနံ ပဋိဇာနာတိ”တိ။

• သီဟနာဒံ နဒတိတိ ယထာ မိဂရာဇာ ပရိဿယာနံ သဟနတော၊ ဝနမဟိံသမတ္တဝါရဏာဒိနံ ဟနနတော စ “သီဟော”တိ ဝုစ္ဆတိ၊ ဧဝံ တထာဂတော လောကဓမ္မာနံ သဟနတော၊ ပရပ္ပဝါဒါနံ ဟနနတော စ “သီဟော”တိ ဝုစ္ဆတိ။ ဧဝံ ဝုတ္တဿ သီဟဿ နာဒံ သီဟနာဒံ။ တတ္ထ ယထာ သီဟောသီဟဗလေန သမန္တာဂတောသပ္ပတ္တ ဝိသာရဒေါ ဝိဂတလောမဟံသော သီဟနာဒံ နဒတိ၊ ဧဝံ တထာဂတသီဟောပိ ဒသဟိ တထာဂတဗလေဟိ သမန္တာဂတော အဋ္ဌသု ပရိသာသု ဝိသာရဒေါ ဝိဂတလောမဟံသော “ဣတိ ရူပ”န္တိ အာဒိနာ နယေန နာနာဝိလာသသမ္ပန္နံ သီဟနာဒံ နဒတိ။

ပဉ္စ အဘိသင်္ခရိတွာတိ ဉာတုံ ဣတ္ထိတံ အတ္ထံ အတ္တနော ဉာဏဗလာနရူပံ အဘိရစိတွာ။ တင်္ခဏံယေဝါတိ ပုတ္တိတက္ခဏေယေဝ ဌာနပ္ပတ္တိကပဋိဘာနေန ဝိဿဇ္ဇေတိ။ စိတ္တံ ပရိတောသေတိယေဝ အဇ္ဈာသယာနရူပံ ဝိဿဇ္ဇနတော။ သောတဗ္ဗဉ္ဇဿ မညန္တိ အဋ္ဌက္ခဏဝဇ္ဇိတေန နဝမေန ခဏေန လဗ္ဘမာနတ္တာ။ “ယံ နော သတ္တာ ဘာသတိ၊ တံ နော သောဿာမာ”တိ အာဒရဂါရဝဇာတာ မဟန္တေန ဥဿာဟေန သောတဗ္ဗံ သမ္ပုဋိတ္တိတဗ္ဗံ မညန္တိ။ သုပ္ပသန္တာ ပသာဒါဘိဗုဒ္ဓိယာ ဝိဂတုပတ္တိလေသတာယ ကလ္လစိတ္တာ မုဒုစိတ္တာ ဟောန္တိ။ ပသန္တကာရန္တိ ပသန္တေဟိ ကာတဗ္ဗသက္ကာရံ၊ ဓမ္မာမိသပူဇန္တိ အတ္ထော။ တတ္ထ အာမိသပူဇံ ဒဿေန္တော “ပဏီတာနိ”တိအာဒိမာဟ။ ဓမ္မပူဇာ ပန “တထတ္တာယာ”တိ ဣမိနာ ဒဿိတာ။ တထာဘာဝါယာတိ ယထတ္တာယ ယဿ

ဝဋ်ဒုက္ခနိဿရဏတ္ထာယ ဓမ္မော ဒေသိတော၊ တထာဘာဝါယ၊ တေနာဟ
 “ဓမ္မာနုဓမ္မပဋိပတ္တိပူရဏတ္ထာယာ”တိ။ သာ စ ဓမ္မာနုဓမ္မပဋိပတ္တိ ယာယ
 အနုပုဗ္ဗိယာ ပဋိပဇ္ဇိတဗ္ဗာ၊ ပဋိပဇ္ဇန္တာနဉ္စ သတိ အဇ္ဈတ္တိကင်္ဂသမဝါယေ ကေ-
 သိကာ တဿာ ပါရိပူရိတိ တံ အနုပုဗ္ဗိံ ဒဿေတုံ “ကေမိ သရဏေသျှ”တိ-
 အာဒိ ဝုတ္တံ။

ဣမသ္မိံ ပနောကာသေ ဌတွာတိ “ပဋိပန္နာ စ အာရာဓေန္တိ”တိ တေသ္မိံ
 သီဟနာဒကိစ္စပါရိပူရိဒီပနေ ပါဠိပဒေသေ ဌတွာ။ သမောဓာနေတဗ္ဗာတိ
 သင်္ကလိတဗ္ဗာ။ ကော သီဟနာဒေါ အသာဓာရဏော အညေဟိ အပုဋ္ဌိ-
 ဝတ္တိယော သေဋ္ဌနာဒေါ အဘိတနာဒေါတိ ကတွာ။ ဧသ နယော သေသေသုပိ။
 ပုရိမာနံ ဒသန္တန္တိ အာဒိတော ပဋ္ဌာယ ယာဝ “ဝိမုတ္တိယာ မယံ သဒိသော
 နတ္ထိ”တိ ဧတေသံ ပုရိမာနံ ဒသန္တံ သီဟနာဒါနံ၊ နိဒ္ဒါရဏေ စေတ္ထ သာမိဝစနံ၊
 တေနာဟ “ကေကဿာ”တိ။ “ပရိသာသု စ နဒတိ”တိအာဒယော ပရိဝါရာ
 “ကေစ္စံ တပဿိ” နိရယေ နိဗ္ဗတ္တံ ပဿာမိ”တိ သီဟနာဒံ နဒန္တော ဘဂဝါ
 ပရိသာယံ နဒတိ၊ ဝိသာရဒေါ နဒတိ ယာဝ “ပဋိပန္နာ အာရာဓေန္တိ”တိ
 အတ္ထယောဇနာယ သမ္ဘဝတော။ တထာ သေသေသုပိ နဝသု။

“ဧဝ”န္တိအာဒိ ယထာဝုတ္တာနံ တေသံ သင်္ကလေတွာဒဿနံ။ တေ ဒဿာတိ
 တေ “ပရိသာသု စ နဒတိ”တိအာဒယော သီဟနာဒါ။ ပုရိမာနံ ဒသန္တန္တိ ယထာ-
 ဝုတ္တာနံ ပုရိမာနံ ဒသန္တံ။ ပရိဝါရဝသေနာတိ ပစ္စေကံ ပရိဝါရဝသေန ယောဇိယ-
 မာနာသတံ သီဟနာဒါ။ ပုရိမာ စ ဒဿာတိ တထာ အယောဇိယမာနာ ပုရိမာ စ
 ဒဿာတိ ဧဝံ ဒဿာမိကံ သီဟနာဒသတံ ဟောတိ။ ဧဝံဝါဒိနံ ဝါဒန္တိ
 ဧဝံပဝတ္ထဝါဒါနံ တိတ္ထိယာနံ ဝါဒံ။ ပဋိသေဓေတွာတိ တထာဘာဝါဘာဝ-
 ဒဿနေန ပဋိက္ခိပိတွာ။ ယံ ဘဂဝါဥဒုဗ္ဗရိကသုတ္တေ “ဣမ နိဂြောဓ တပဿိ”တိ-
 အာဒိနာ ဥပတ္တိလေသဝိဘာဂံ၊ ပါရိသုဒ္ဓိဝိဘာဂဉ္စ ဒဿေန္တော သပရိသဿ
 နိဂြောဓဿ ပရိဗ္ဗာဇကဿ ပုရတော သီဟနာဒံ နဒိ၊ တံ ဒဿေတုံ “ဣဒါနိ
 ပရိသတိ နဒိတပုဗ္ဗံ သီဟနာဒံ ဒဿေန္တော”တိအာဒိ ဝုတ္တံ။

တိတ္ထိယပရိဝါသကထာဝဏ္ဏနာ

၄၀၄။ ဣဒန္တိ “ရာဇဂဟေ ဂိဇ္ဈကူဠေ ပဗ္ဗတေ ဝိဟရန္တံ မံ။ပ။ ပဉ္စံ ပုစ္ဆိ”တိ
 ဣဒံ ဝစနံ။ ကာမံ ယဒါ နိဂြောဓော ပဉ္စံ ပုစ္ဆိ၊ ဘဂဝါ စဿ ဝိဿဇ္ဇေသိ၊ န

တဒါ ဂိဇ္ဈကုဋေ ပဗ္ဗတေ ဝိဟရတိ၊ ရာဇဂဟသမိပေ ပန ဝိဟရတီတိ ကတွာ “ရာဇဂဟေ ဂိဇ္ဈကုဋေ ပဗ္ဗတေ ဝိဟရန္တံ မ”န္တိ ဝုတ္တံ၊ ဂိဇ္ဈကုဋေ ဝိဟရဏဉ္စဿ တဒါ အဝိဇ္ဈန္တန္တိ၊ တေနာဟ “ယံ တံ အဂေါ”တိအာဒိ။ ယောဂေတိ နယေ၊ ဒုက္ခနိဿရဏူပါယေတိ အတ္ထော။

၄၀၅။ ယံ ပရိဝါသံ သာမဏေရဘူမိယံ ဌိတော ပရိဝသတီတိ ယောဇနာ။ ယသ္မာ သာမဏေရဘူမိယံ ဌိတေန ပရိဝသိတဗ္ဗံ၊ န ဂိဟိဘူတေန၊ တသ္မာ အပရိဝသိတွာယေဝ ပဗ္ဗန္တံ လဘတိ။ အာကန္တီတိ ပဗ္ဗန္တံ၊ အာကန္တီ ဥပသမ္ပဒန္တိ ဧတ္ထ ပန ပဗ္ဗန္တာ-ဂ္ဂဟဏံ ဝစနသိလိဋ္ဌတာဝသေနေဝ “ဒိရတ္တတိရတ္တံ သဟသေ-ယျ”န္တိ ဧတ္ထ ဒိရတ္တ-ဂ္ဂဟဏံ ဝိယ။ ဂါမပ္ပဝေသနာဒီနီတိ အာဒိ-သဒ္ဓေန ဝေသိယာဝိဓေါထုလ္လကုမာရိပဏ္ဏကဘိက္ခုနိဂေါစရတာ၊ သဗြဟ္မစာရိနံ ဥစ္စာ-ဝစေသု ကိံကရဏီယေသု ဒက္ခာနလသာဒိတာ၊ ဥဒ္ဓေသပရိပုစ္ဆာဒီသု တိဗ္ဗ-ဆန္ဒတာ၊ ယဿ တိတ္ထာယတနတော ဣဓာဂတော၊ တဿ အဝဏ္ဏေ၊ ရတနတ္ထယဿ စ ဝဏ္ဏေ အနတ္တမနတာ၊ တဒုဘယံ ယထာက္ကမံ ဝဏ္ဏေ စ အဝဏ္ဏေ စ အတ္တမနတာတိ ဣမေသံ သင်္ဂဟော ဝေဒိတဗ္ဗော၊ တေနာဟ “အဋ္ဌ ဝတ္တာနိ ပူရေန္တေနာ”တိ။ ဗံသိတွာ ကောဇေတွာတိ အဇ္ဈာသယဿ ဝိမံသနဝသေန သုဝဏ္ဏံ ဝိယ ဗံသိတွာ ကောဇေတွာ။

ဂဏမဇ္ဈေ နိသီဒိတွာတိ ဥပသမ္ပဒါကမ္မဿ ဂဏပ္ပဟောနကာနံ ဘိက္ခုနံ မဇ္ဈေ သံသတ္ထေရော ဝိယ တဿ အနုဂ္ဂဟတ္ထံ နိသီဒိတွာ။ ဂူပကဋ္ဌောတိ ဝိဝိတ္ထော။ တာဒိသဿ သီလဝိသောဓနေ အပ္ပမာဒေါ အဝုတ္တသိဒ္ဓေါတိ အာဟ “ကမ္မဋ္ဌာနေ သတိံ အဝိဇ္ဇဟန္တော”တိ။ ပေသိဘစိတ္တောတိ နိဗ္ဗာနံ ပတိ ပေသိဘစိတ္တော တံနိန္ဒော တပေါဏော တပ္ပဗ္ဗာရော။ ဇာတိကုလပုတ္တာပိ အာစာရသမ္ပန္နာ ဧဝ အရဟတ္တာမိဂမာယ ပဗ္ဗန္တာပေက္ခာ ဟောန္တီတိ တေပိ တေဟိ ကေသင်္ဂဟေ ကရောန္တော အာဟ “ကုလပုတ္တာတိ အာစာရကုလ-ပုတ္တာ”တိ၊ တေနာဟ “သမ္ပဒေါတိ ဟေတုနာဝ ကာရဏေနော”တိ။ “ဩဘိဏ္ဏောမိ ဇာတိယာ”တိအာဒိနာ နယေန ဟိ သံဝေဂပုဗ္ဗိကံ ယထာနုသိဋ္ဌံ ပဗ္ဗန္တံ သန္ဓာယ ဣဓ “သမ္ပဒေါ”တိ ဝုတ္တံ။ ဟေတုနာတိ ဉာယေန။ ပါပုဏိတွာတိ ပတွာ အမိဂန္တော။ သမ္ပာဒေတွာတိ အသေက္ခာ သီလသမာဓိ-ပညာ နိပ္ပါဒေတွာ၊ ပရိပူရေတွာ ဝါတိ အတ္ထော။

နိဗ္ဗာပေတုန္တိ နိဂမနဝသေန ပရိယောဿာပေတုံ။ “ဗြဟ္မစရိယပရိယော-
ဿာနံ ။ပ။ ဝိဟာသီ”တိ ဣမိနာ ဧဝံ ဟိ အရဟတ္တနိက္ခုဋေန ဒေသနာ
ပရိယောဿာပိတာ။ တံ ပန နိဂမေန္တော “အညတရော ခေါ ပနာ။ပ။
အဟောသီ”တိ ဝုတ္တံ ဓမ္မသင်္ဂါဟကေဟိ။ ယံ ပနေတ္ထ အတ္ထတော န ဝိဘတ္တံ၊
တံ သုဝိညေယျမေဝ။

မဟာသီဟနာဒသုတ္တဝဏ္ဏနာယ လိနတ္ထပ္ပကာသနာ။

၉-ပေါ်ဌပါဒသုတ္တ

ပေါ်ဌပါဒပရိဗ္ဗာဇကဝတ္ထုဝဏ္ဏနာ

၄၀၆။ သာဝတ္ထိယန္တိ သမိပတ္တေ ဘုဗ္ဗန္တိ အာဟ “သာဝတ္ထိံ ဥပနိဿာ-
ယာ”တိ။ ဇေတဿ ကုမာရဿ ဝနောတိ ဇေတေန နာမ ရာဇကုမာရေန
ရောပိတေ ဥပဝနေ။ နိဝါသဗာသုတာဒိနာ ပဗ္ဗဇိတာ အာရမန္တိ ဧတ္ထာတိ
အာရာမော၊ ဝိဟာရော။ ဖောဋ္ဌော ပါဒေသု ဇာတောတိ ပေါ်ဌပါဒေါ။
ဝတ္ထုတ္တယာဆာဒနပဗ္ဗဇူပဂတတ္တာ ဆန္ဒပရိဗ္ဗာဇကော။ ဗြာဟ္မဏမဟာသာ-
လောတိ မဟာဝိဘဝတာယ မဟာသာရတာပတ္တော ဗြာဟ္မဏော။ သမယန္တိ
သာမညနိဒ္ဒေသော၊ တံ တံ သမယန္တိ အတ္တော။ ပဝေန္တိတိ ပကာရတော
ဝေန္တိ၊ အတ္တနာ အတ္တနာ ဥဂ္ဂဟိတနိယာမေန ယထာ တထာ သမယံ ဝေန္တိတိ
အတ္တော။ “ပဘူတယော”တိ ဣမိနာ တောဒေယျဇာဏုသောဏီသောဏဒဏ္ဍာ-
ဒိကေ သင်္ဂဏာတိ၊ ပရိဗ္ဗာဇကောဒယောတိ အာဒိ-သဒ္ဓေန ဆန္ဒပရိဗ္ဗာဇ-
ကာဒိကေ။ တိန္ဒြကာစီရံ ဧတ္ထ အတ္ထိတိ တိန္ဒြကာစီရော၊ အာရာမော။ တထာ
ကော သာလာ ဧတ္ထာတိ ကေသာလကော၊ တသ္မိံ တိန္ဒြကာစီရေ ကေသာ-
လကေ။

အနေကာကာရာနဝသေသဥေယျတ္ထဝိဘာဝနတော၊ အပရာပရုပ္ပတ္တိတော
စ ဘဂဝတော ဉာဏံ တတ္ထ ပတ္ထဝံ ဝိယ ဟောတိတိ ဝုတ္တံ “သဗ္ဗညုတညာဏံ
ပတ္ထရိက္ခာ”တိ၊ ယတော တဿ ဉာဏဇာလတာ ဝုစ္ဆတိ၊ ဝေနေယျာနံ
တဒန္တောဂတော ဟေဋ္ဌာံ ဝုတ္တာယေဝ။ ဝေနေယျသတ္တပရိဂ္ဂဏနတ္ထံ သမန္တာ-
ဟာရေ ကတေ ပဌမံ နေသံ ဝေနေယျဘာဝေနေဝ ဥပဋ္ဌာနံ ဟောတိ၊ အထ
သရဏဂမနာဒိဝသေန ကိစ္စနိပ္ပတ္တိ ဝိမံသီယတိတိ အာဟ “ကိံ န ခေါ
ဘဝိဿတိတိ ဥပပရိက္ခန္တော”တိ။ နိရောဓန္တိ သညာနိရောဓံ။ နိရောဓာ
ဝုဋ္ဌာနန္တိ တတော နိရောဓတော ဝုဋ္ဌာနံ သညုပ္ပတ္တိံ။ သဗ္ဗုဒ္ဓါနံ ဉာဏေန
သံသန္တိတွာတိ ယထာ တေ နိရောဓံ၊ နိရောဓတော ဝုဋ္ဌာနန္တိ ဗျာကရိသု၊
ဗျာကရိဿန္တိ စ၊ တထာ ဗျာကရဏဝသေန သံသန္တိတွာ။ ဟတ္ထိသာရိပုတ္တောတိ
ဟတ္ထိသာရိနော ပုတ္တော။ “ယုဂန္ဓရပဗ္ဗတံ ပရိက္ခိပိတွာ”တိ ဣဒံ ပရိကပ္ပဝစနံ
“တာဒိသံ အတ္ထိ စေ၊ တံ ဝိယာ”တိ။ မေဃဝဏ္ဏန္တိ ရတ္တမေဃဝဏ္ဏံ၊ သဗ္ဗာဗ္ဗ-
ဘာနုရဉ္စိတမေဃသင်္ကာသန္တိ အတ္တော။ ပစ္စန္ဒိန္တိ အဘိနဝံ အာဒိတော

တထာလဒ္ဓဝေါဟာရေန၊ အနညပရိဘောဂတာယ၊ တထာ ဝါ သတ္ထု၊ အဓိဋ္ဌာနေန သော ပတ္တော သဗ္ဗကာလံ “ပစ္စန္ဓ”န္တေဝ ဝုစ္စတိ၊ သီလာဒိ-
ဝုတ္တရတနလက္ခဏူပပတ္တိယာ ဝါ သော ပတ္တော “ပစ္စန္ဓ”န္တိ ဝုစ္စတိ။

၄၀၇။ အတ္တနော ရူပိဝသေန သဒ္ဓမ္မဋ္ဌိတိဇ္ဈာသယဝသေန၊ န ပရေန
ဥဿာဟိတောတိ အဓိပ္ပာယ်ယော။ “အတိပ္ပဂဘာဝမေဝ ဒိသ္မာ”တိ ဣဒံ
ဘူတကထနံ န တာဝ ဘိက္ခာစာရဝေလာ သမ္ပတ္တာတိ ဒဿနတ္ထံ။ ဘဂဝါ ဟိ
တဒါ ကာလဿေဝဝိဟာရတော နိက္ခန္တော “ဝါသနာဘာဂိယာယ ဓမ္မဒေသ-
နာယ ပေါဠပါဒံ အနုဂ္ဂဏှိယာမိ”တိ။ ယန္တူနာဟန္တိ အညတ္ထ သံသယပရိ-
ဒီပနော၊ ဣဓ ပန သံသယပရိဒီပနော ဝိယ။ ကသ္မာတိ အာဟ “ဗုဒ္ဓါန”န္တိ အာဒိ။
သံသယော နာမ နတ္ထိ ဗောဓိမူလေ ဝေ သမုဋ္ဌါဋီတတ္တာ။ ပရိဝိတက္ကပုဗ္ဗဘာ-
ဝေါတိ အဓိပ္ပေတကိစ္စဿ ပုဗ္ဗဘာဂပရိဝိတက္ကော ဝေ။ ဗုဒ္ဓါနံ လဗ္ဘတိတိ
“ကရိဿာမ န ကရိဿာမာ”တိ အာဒိကော သေ ဖိတ္တစာရော ဗုဒ္ဓါနံ လဗ္ဘတိ
သဗ္ဘဝတိ ဝိစာရဏဝသေန ပဝတ္တနတော၊ န ပန သံသယဝသေန။ တေနာဟာတိ
ယေန ဗုဒ္ဓါနမ္ပိ လဗ္ဘတိ၊ တေနေဝါဟ ဘဂဝါ “ယန္တူနာဟ”န္တိ။ ပရိကပ္ပနေ ဝါယံ
နိပါတော။ “ဥပသင်္ကမေယျ”န္တိ ကိရိယာပဒေန ဝုစ္စမာနော ဝေ ဟိ အတ္ထော
“ယန္တူနာ”တိ နိပါတပဒေန ဇောတိယတိ။ အဟံ ယန္တူန ဥပသင်္ကမေယျန္တိ
ယောဇနာ။ ယဒိ ပနာတိ ဣဒမ္ပိ တေန သမာနတ္ထန္တိ အာဟ “ယဒိ ပနာဟန္တိ
အတ္ထော”တိ။

၄၀၈။ ယထာ ဥဒ္ဓတပ္ပါယော သဒ္ဓေါ ဥဒ္ဓာဒေါ၊ ဧဝံ ဝိပုလဘာဝေန
ဥပရူပရိ ပဝတ္တောပိ ဥဒ္ဓာဒေါတိ တဒုဘယံ ဧကန္တံ ကတွာ ပါဠိယံ
“ဥဒ္ဓာဒိနိယာ”တိ ဝတွာ ပုန ဝိဘာဂေန ဒဿေတုံ “ဥစ္စာသဒ္ဓမဟာ-
သဒ္ဓါယာ”တိ ဝုတ္တန္တိ တမတ္ထံ ဝိဝရန္တော “ဥစ္စံနဒမာနာယာ”တိ အာဒိမာဟ။
အဿာတိ ပရိသာယ။ ဥဒ္ဓံဂမနဝသေနာတိ ဥဒ္ဓတဗဟုလတာယ ဥဂ္ဂန္တော
ဥဂ္ဂန္တော ပဝတ္တနဝသေန။ ဒိသာသု ပတ္ထဋ္ဌဝသေနာတိ ဝိပုလဘာဝေန
ဘူတပရမ္ပရာယ သဗ္ဗဒိသာသု ပတ္ထရဏဝသေန။ ဣဒါနိ ပရိဗ္ဗာဇကပရိသာယ
ဥစ္စာသဒ္ဓမဟာသဒ္ဓတာယ ကာရဏံ၊ တဿ စ ပဝတ္တိအာကာရံ ဒဿေန္တော
“တေသဉ္စိ”တိ အာဒိမာဟ။ ကာမဿာဒေါ နာမ ကာမဂုဏဿာဒေါ။
ကာမဘဝါဒိဂတော အဿာဒေါ ဘဝဿာဒေါ။

၄၀၉။ သဏ္ဌပေသီတိ သံယမနဝသေန သမ္ပဒေဝ ဌပေသိ၊ သဏ္ဌ-
ပနဇ္ဈေတ္တ တိရစ္ဆာနကထာယ အညမညသ္မိံ အဂါရဝဿ ဇဟာပနဝသေန
အာစာရဿ သိက္ခာပနံ၊ ယထာဝုတ္တဒေါသဿ နိဂူဟနဉ္စ ဟောတီတိ အာဟ
“သိက္ခာပေသီ”တိအာဒိ။ အပ္ပသဒ္ဓန္တိ နိဿဒ္ဓံ၊ ဥစ္စာသဒ္ဓမဟာသဒ္ဓါဘာဝန္တိ
အဓိပ္ပါယော။ နပ္ပမဇ္ဇန္တိတိ န အဂါရဝံ ကရေန္တိ။

၄၁၀။ နော အာဂတေ အာနန္ဒောတိ ဘဂဝတိ အာဂတေ နော
အမှာကံ အာနန္ဒော ပီတိ ဟောတိ။ ပိယသမုဒါစာရာတိ ပိယာလာပါ။
“ပစ္စုဂ္ဂမနမကာသိ”တိ ဝတွာ န ကေဝလမယမေဝ၊ အထ ခေါ အညေပိ
ပဗ္ဗဇိတာ ယေဘုယျေန ဘဂဝတော အပစိတိံ ကရေန္တေဝါတိ ဒဿေတုံ
“ဘဂဝန္တဉ္စ”တိအာဒိ၊ ဝတွာ တတ္ထ ကာရဏမာဟ “ဥစ္စာကုလီနတာယာ”တိ၊
တေန သာသနေ အပ္ပသန္တာပိ ကုလဂါရဝေန ဘဂဝတိ အပစိတိံ ကရေန္တေ-
ဝါတိ ဒဿေတိ။ တေသ္မိံ အန္တရေ ကာ နာမ ကထာတိ တေသ္မိံ ယထာ-
ဝုတ္တပရိစ္ဆေဒဗ္ဗန္တရေ ကထာ ကာ နာမ။ ဝိပ္ပကတာ အာရဒ္ဓါ ဟုတွာ
အပရိယောသိတာ။ “ကာ ကထာ ဝိပ္ပကတာ”တိ ဝဒန္တော အတ္ထတော
တဿာ ပရိယောသာပနံ ပဋိဇာနာတိ နာမ။ “ကာ ကထာ”တိ စ အဝိသေ-
သစောဒနာတိ ယဿာ တဿာ သဗ္ဗဿာပိ ကထာယ ပရိယောသာပနံ
ပဋိညာတဉ္စ ဟောတိ၊ တဉ္စ ပရေသံ အသဗ္ဗညူနံ အဝိသယန္တိ အာဟ “ပရိယန္တိ
နေတွာ ဒေဝီတိ သဗ္ဗညုပဝါရဏံ ပဝါရေသီ”တိ။

အဘိသညာနိရောဓကထာဝဏ္ဏနာ

၄၁၁။ သုကာရဏန္တိ သုန္ဒရံ အတ္တာဝဟံ ဟိတာဝဟံ ကာရဏံ။ နာနာ-
တိတ္ထေသု နာနာလဒ္ဓိသု နိယုတ္တာတိ နာနာတိတ္ထိကာ၊ တေ ဧဝ နာနာ-
တိတ္ထိယာ က-ကာရဿ ယ-ကာရံ ကတွာ။ ကုတူဟလံ ဧတ္ထ အတ္ထိတိ
ကောတူဟလာ၊ သာ ဧဝ သာလာတိ ကောတူဟလသာလာ၊ တေနာဟ
“ကောတူဟလုပ္ပတ္တိဌာနတော”တိ။ သညာနိရောဓေတိ သညာသိသေနာယံ
ဒေသနာ၊ တသ္မာ သညာသဟဂတာ သဗ္ဗေပိ ဓမ္မာ သင်္ဂယန္တိ၊ တတ္ထ ပန စိတ္တံ
ပဓာနန္တိ အာဟ “စိတ္တနိရောဓေ”တိ။ အစ္စန္တနိရောဓဿ ပန တေဟိ အနဓိပ္ပေ-
တတ္တာ၊ အဝိသယတ္တာ စ “ခဏိကနိရောဓေ”တိ အာဟ။ ကာမံ သောပိ တေသံ
အဝိသယောဝ၊ အတ္ထတော ပန နိရောဓကထာ ဝုစ္စမာနာ တတ္ထေဝ တိဌတိတိ
တထာ ဝုတ္တံ။ ကိတ္တိဿောသောတိ “အဟော ဗုဒ္ဓါနုဘာဝေါ ဘဝန္တရပဋိစ္စန္တံ
ကာရဏံ ဧဝံ ဟတ္ထာမလကံ ပိယ ပစ္စက္ခတော ဒဿေတိ၊ သာဝကေ စ

ဧဒိသေ သံဝရသမာဒါနေ ပတိဋ္ဌာပေတိ”တိ ထုတိဃောသော ယာဝ ဘဝဂ္ဂါ ပတ္တရတိ။ ပဋိဘာဂကိရိယန္တိ ပဋ္ဌာသဝသေန ပဋိဘာဂဘူတံ ပယောဂံ ကရောန္တော။ အဝန္တရသမယန္တိ တတြ တတြ ဝုဋ္ဌာနသမယံ အဘူတပရိကပ္ပိတံ ကိဉ္စိ ဥပ္ပါဒိယံ ဝတ္ထု အတ္တနော သမယံ ကတွာ။ ကိဉ္စိဒေဝ သိက္ခာပဒန္တိ “လေမူဂေန” ဘဝိတဗ္ဗံ၊ ဣကံ ဝေလံ ကေသ္မိယေဝ ဌာနေ နိသီဒိတဗ္ဗ”န္တိ ဝေမာဒိကံ ကိဉ္စိဒေဝ ကာရဏံ သိက္ခာကောဋ္ဌာသံ ကတွာ ပညပေန္တိ။ နိရောဓ-ကထန္တိ နိရောဓသမာပတ္တိကထံ။

တေသုတိ ကောတူဟလသာလာယံ သန္တိပတိတေသု တိတ္ထိယသမဏ-ဗြာဟ္မဏေသု။ ကေစ္စေတိ ကေကေ။ ပုရိမောတိ “အဟေတူ အပ္ပစ္စယာ”တိ ဧဝံဝါဒီ။ ယွာယံ ဣမ ဥပ္ပဇ္ဇတိတိ ယောဇနာ။ သမာပတ္တိန္တိ အသညဘာဝါဝဟံ သမာပတ္တိ”။ နိရောဓေတိ သညာနိရောဓေ။ ဟေတုံ အပဿန္တောတိ ယေန ဟေတုနာ အသညဘဝေ သညာယ နိရောဓော သဗ္ဗသော အနုပ္ပါဒေါ၊ ယေန စ တတော စုတဿ ဣမ ပဉ္စဝေါကာရဘဝေ တဿာ ဥပ္ပါဒေါ၊ တံ အဝိသယ-တာယ အပဿန္တော။

နန္တိ၂ ပဌမဝါဒိ”။ နိသေဓေတွာတိ “န ခေါ နာမေတံ ဘော ဧဝံ ဘဝိဿတိ”တိ ဧဝံ ပဋိက္ခိပိတွာ။ အသညိကဘာဝန္တိ မုဉ္ဇောပတ္တိယာ ကိရိယမယသညာဝသေန ဝိဂတသညိဘာဝံ။ ဝက္ခတိ ဟိ“ဝိသညိ ဟုတွာ”တိ။ ဝိက္ခမ္ဘနဝသေန ကိလေသာနံ သန္တာပနေန အတ္တန္တပေါ။ ဃောရတပေါတိ ဒုက္ကရတာယ ဘိမတပေါ။ ပရိမာရိတိန္ဒြိယောတိ နိဗ္ဗိသေဝနဘာဝါပါဒနေန သဗ္ဗသော မိလာပိတစက္ခာဒိန္ဒြိယော။ အဂ္ဂေါတိ ဘဉ္စိတကုသလဇ္ဈာ-သယော။ ဝေမာဟာတိ “ဧဝံ သညာ ဟိ ဘော ပုရိသဿ အတ္တာ”တိအာဒိ-အာကာရေန သညာနိရောဓမာဟ။ ဣမိနာ နယေန ဣတော ပရေသု ဒွိသု ဌာနေသု ယထာရဟံ ယောဇနာ ဝေဒိတဗ္ဗာ။

အာထပ္ပဏပယောဂန္တိ အာထပ္ပဏဝေဒဝိဟိတံ အာထပ္ပဏိကာနံ ဝိသညိ-ဘာဝါပါဒနပယောဂံ။ အာထပ္ပဏံ ပယောဇေတွာတိ အာထပ္ပဏဝေဒေ အာဂတအဂ္ဂိဇဟနပုဗ္ဗကံ မန္တဇပ္ပနံ ပယောဇေတွာ သီသတ္တိန္ဒတာဒိဒဿနေန သညာနိရောဓမာဟ။ တဿာတိ ယဿ သီသတ္တိန္ဒတာဒိ ဒဿိတံ၊ တဿ။

ယက္ခဒါသီနန္တိဒေဝဒါသီနံ၊ ယာ “ဒေဝတာဘတိယောတိပိ”^၁ ဝုစ္ဆန္တိ။ မဒ-
နိဒ္ဒန္တိ သုရာမဒနိမိတ္တကံ သုပနံ။ ဒေဝတူပဟာရန္တိ နစ္စနဂါယနာဒိနာ ဒေဝတာနံ
ပူဇံ။ သုရာပါတိန္တိ ပါတိပုဏ္ဏံ သုရံ။ ဒိဝါတိ အတိဒိဝါ ဥဿူရေ။

လေမူဂကထာ ဝိယာတိ ဣမေသံ ပဏ္ဍိတမာနီနံ ကထာ အန္ဓဗာလကထာ-
သဒိသီ။ စတ္တာရော နိရောဓေတိ အညမညဝိရရေ စတ္တာရော နိရောဓေ ဧတေ
ပညပေန္တိ။ န စ အညမညဝိရုဒ္ဓနာနာသဘာဝေန တေန ဘဝိတဗ္ဗံ၊ အထ
ခေါ ကေသဘာဝေန၊ တေနာဟ “ဣမိနာ စာ”တိအာဒိ။ အညေနောဝါတိ
ဣမေဟိ ဝုတ္တာကာရတော အညာကာရေနော ဘဝိတဗ္ဗံ။ “အယံ နိရောဓော
အယံ နိရောဓော”တိ အာမေဒိတဝစနံ သတ္တာ အတ္တနော ဒေသနာဝိလာသေန
အနကာကာရဝေါကာရံ နိရောဓံ ဝိဘာဝေသတိတိ ဒဿနတ္ထံ ကတံ။ အဟော
နူနာတိ ဧတ္ထ အဟောတိ အတ္ထရိယေ၊ နူနာတိ အနုဿရဏေ နိပါတော။
တသ္မာ အဟော နူန ဘဂဝါ အနညသာဓာရဏဒေသနတ္တာ နိရောဓမ္မိ
အဟော အတ္ထရိယံ ကတွာ ကထေယျ မညေတိ အဝိပ္ပါယော။ “အဟော နူန
သုဂတော”တိ ဧတ္တာပိ ဒေသေဝ နယော။ အတ္ထရိယဝိဘာဝနတော ဧဝ စေတ္ထ
ဒိက္ခတ္တံ၊ ဝစနံ၊ အတ္ထရိယတ္ထောပိ စေတ္ထ အဟော-သဒ္ဓေါ၊ သော ယသ္မာ
အနုဿရဏမုခေနော တေန ဂဟိတော၊ တသ္မာ ဝုတ္တံ “အဟော နူနာတိ
အနုဿရဏတ္ထေ”တိ။ ကာလပုဂ္ဂလာဒိဝိဘာဝေန ဗဟုဘေဒတ္တာ ဣမေသံ
နိရောဓဓမ္မာနန္တိ ဗဟုဝစနံ၊ ကုဿလ-သဒ္ဓယောဂေန သဒ္ဓမ္မိဝစနံ ဘုဗ္ဗတ္ထေ
ဒဋ္ဌဗ္ဗံ။ စိဏ္ဏဝသီတာယာတိ နိရောဓသမာပတ္တိယံ ဝသီဘာဝဿ စိဏ္ဏတ္တာ။
သဘာဝံ ဇာနာတိတိ နိရောဓဿ သဘာဝံ ယာထာဝတော ဇာနာတိ။

အဟေတုကသညပ္ပါဒနိရောဓကထာဝဏ္ဏနာ

၄၁၂။ ဃရမဇ္ဈေယေဝ ပက္ခလိတာတိ ဃရတော ဗဟိ ဂန္တုကာမာ
ပုရိသာ မဂ္ဂံ အနောတရိတွာ ဃရာဇိရေန သမတလေ ဝိဝဋ္ဋင်္ဂဏေ ဧဝ ပက္ခလနံ
ပတ္တာ၊ ဧဝံ သမ္ပဒမိဒန္တိ အတ္ထော။ အသာဓာရဏော ဟေတု၊ သာဓာရဏော
ပစ္စယောဘိ ဧဝမာဒိဝိဘာဝေန ဣမ ပယောဇနံ နတ္ထိ သညာယ အကာရဏ-
ဘာဝပဋိက္ခေပတ္တာ စောဒနာယာတိ ဝုတ္တံ “ကာရဏဿေဝ နာမ”န္တိ။

ပါဠိယံ “ဥပ္ပဇ္ဇန္တိပိ နိရုဇ္ဈန္တိပိ”တိ ဝုတ္တံ၊ တတ္ထ “သဟေတု သပ္ပစ္စယာ သညာ
ဥပ္ပဇ္ဇန္တိ၊ ဥပ္ပန္နာ ပန နိရုဇ္ဈန္တိယေဝ၊ န တိဋ္ဌန္တိ”တိ ဒဿနတ္ထံ “နိရုဇ္ဈန္တိ”တိ
ဝစနံ၊ န နိရောဓဿ သဟေတုသပ္ပစ္စယဘာဝဒဿနတ္ထံ။ ဥပ္ပါဒေါ ဟိ

၁-ယောဂဝတိယောတိပိ (အဘိနဝဋီ။)

သဟေတုကော၊ န နိရောဓော။ ယဒိ ဟိ နိရောဓောပိ သဟေတုကော သိယာ၊
 တဿ နိရောဓေနာပိ ဘဝိတဗ္ဗံ အင်္ကရာဒိနံ ဝိယ၊ န စ တဿ နိရောဓော
 အတ္ထိ။ တဿှာ ဝုတ္တနယေနေဝ ပါဠိယာ အတ္ထော ဝေဒိတဗ္ဗော။ အယဉ္စ နယော
 ခဏနိရောဓဝသေန ဝုတ္တော။ ယော ပန ယထာပရိစ္ဆိန္နကာလဝသေန
 သဗ္ဗသောဝ အနုပ္ပါဒနိရောဓော၊ သော “သဟေတုကော”တိ ဝေဒိတဗ္ဗော
 တထာရူပါယ ပဋိပတ္တိယာ ဝိနာ အဘာဝတော။ တေနာဟ ဘဂဝါ “သိက္ခာ
 ကော သညာ နိရုဇ္ဈတိ”တိ။ တတော ဧဝ စ ဣဓာပိ ဝုတ္တံ “သညာယ
 သဟေတုကံ ဥပ္ပါဒနိရောဓံ ဒီပေတု”န္တိ။

သိက္ခာ ကောတိ ဧတ္ထ သိက္ခာတိ ကရဏေ ပစ္စတ္တဝစနံ၊ ဧက-သဒ္ဓေါအည-
 ပရိယာယော “ဣတ္ထေကေ အဘိဝဒန္တိ သတော ဝါ ပန သတ္တဿာ”တိ-
 အာဒိသု၊ ဝိယ၊ န သင်္ချာဝါစိတိ အာဟ “သိက္ခာ ကော သညာ ဥပ္ပဇ္ဇန္တိတိ
 သိက္ခာယ ဧကစ္စာ သညာ ဇာယန္တိ”တိ။ သေသပဒေသုပိ ဧသေဝ နယော။

၄၁၃။ တတ္ထာတိ တဿံ ဥပရိဒေသနာယံ။ သမ္မာဒိဋ္ဌိသမ္မာသင်္ကပ္ပဝသေန
 ပရိယာပန္နတ္တာ အာဂတာတိ သဘာဝတော ဥပကာရတော စ ပညာက္ခန္ဓေ
 ပရိယာပန္နတ္တာ သင်္ကဟိတတ္တာ တတိယာ အဓိပညာသိက္ခာ သမ္မာဒိဋ္ဌိ-
 သမ္မာသင်္ကပ္ပဝသေန အာဂတာ။ တထာ ဟိ ဝုတ္တံ “ယာ စာဝုသော ဝိသာခ
 သမ္မာဒိဋ္ဌိ ယော စ သမ္မာသင်္ကပ္ပေါ၊ ဣမေ ဓမ္မာ ပညာက္ခန္ဓေ သင်္ကဟိတာ”တိ။
 ကာမဇ္ဈေတ္တ ဝုတ္တနယေန တိဿောပိ သိက္ခာ အာဂတာ ဧဝ၊ တထာပိ
 အဓိစိတ္တသိက္ခာယ ဧဝ အဘိသညာနိရောဓော၊ ဒဿိတော၊ ဣတရာ တဿ
 သမ္ဘာရဘာဝေန အာနိတာ။

ပဉ္စကာမဂုဏိကရာဂေါတိ ပဉ္စကာမကောဋ္ဌာသေ အာရဗ္ဘ ဥပ္ပဇ္ဇနက-
 ရာဂေါ။ အသမုပ္ပန္နကာမစာရေတိ ဝတ္တမာနုပ္ပန္နတာဝသေန အသမုပ္ပန္နော
 ယော ကောစိ ကာမစာရေ ယာ ကာစိ လောဘုပ္ပတ္တိ။ ပုရိမော ဝိသယဝသေန
 နိယဒိတတ္တာ ကာမဂုဏာရမ္မဏောဝ လောဘော ဒဋ္ဌဗ္ဗော၊ ဣတရော ပန
 ဈာနနိကန္တိဘဝရာဂါဒိပ္ပဘေဒေါ သဗ္ဗောပိ လောဘစာရေ ကာမနဋ္ဌေန
 ကာမေသု ပဝတ္တနတော။ သဗ္ဗေပိ ဟိ တေဘူမကာ ဓမ္မာ ကာမနိယဋ္ဌေန
 ကာမာတိ။ ဥဘယေသမ္ပိ ကာမသညာတိနာမတာ သဟဇရဏဉာယေနာတိ
 “ကာမသညာ”တိ ပဒုဒ္ဓါရံ ကတွာ တဒုဘယံ နိဒ္ဒိဋ္ဌံ။

၁-ဒီ ၁-၁၆၉-ပိဋ္ဌေ။	၂-ဒီ ၁-၃၁-၂-၃-၄၊ မ ၃-၁၈-ပိဋ္ဌေသု။
၃-မ ၁-၃၇၅-ပိဋ္ဌေ။	၄-အဘိဓမ္မေ သညာနိရောဓော။ (ဗဟုသု)

“တတ္ထာ”တိအာဒိ အသမုပ္ပန္နကာမစာရတော ပဉ္စကာမဂုဏိကရာဂဿ ဝိသေသဒဿနံ။ ကာမံ ပဉ္စကာမဂုဏိကရာဂေါပံ အသမုပ္ပန္နော ဧဝ မဂ္ဂေန သမုပ္ပါဒိယတိ၊ တသ္မိံ ပန သမုပ္ပါဒိတေပိ န သဗ္ဗော ရာဂေါ သမုပ္ပါဒုံ ဂစ္ဆတိ၊ တသ္မာ ပဉ္စကာမဂုဏိကရာဂဂ္ဂဟဏေန န ဣတရဿ သဗ္ဗဿ ရာဂဿ ဂဟဏံ ဟောတီတိ ဥဘယသာဓာရဏေန ပရိယာယေန ဥဘယံ သင်္ဂဟေတွာ ဒဿေတုံ ပါဠိယံ ကာမသညာဂ္ဂဟဏံ ကတန္တိ တဒုဘယံ သရူပတော၊ ဝိသေသတော စ ဒဿေတွာ သဗ္ဗသင်္ဂါဟိကဘာဝတော “အသမုပ္ပန္နကာမ-
စာရော ပန ဣမသ္မိံ ဌာနေ ဝဋ္ဋတိ”တိ ဝုတ္တံ။

သဒိသတ္တာတိ ကာမသညာဒိဘာဝေန သမာနတ္တာ၊ ဧတေန ပါဠိယံ “ပုရိမာ”တိ သဒိသကပ္ပနာဝသေန ဝုတ္တန္တိ ဒဿေတိ။ အနာဂတာ ဟိ ဣဓ “နိရုဇ္ဈတိ”တိ ဝုတ္တာ အနုပ္ပါဒဿ အဓိပ္ပေတတ္တာ၊ တေနာဟ “အနုပ္ပန္နာဝ-
နိပ္ပဇ္ဇတိ”တိ။

နိဝရဏဝိဝေကတော ဇာတတ္တာ ဝိဝေကဇေဟိ ပဌမဇ္ဈာနပီတိသုခေဟိ သဟ အက္ခာတဗ္ဗာ၊ တံကောဌာသိကာ ဝါတိ ဝိဝေကဇံ ပီတိသုခသင်္ခါတာ။ နာနတ္ထသညာပဋိသသညာဟိ နိပုဏတာယ သုခုမဘူတတာယ သုခုမသညာ။ ဣတာ သုခုမဘာဝေန၊ ပရမတ္ထဘာဝေန အဝိပရိတသဘာဝါ။ ဈာနတံ-
သဗ္ဗယုတ္တဓမ္မာနံ ဘာဝနာသိဒ္ဓါ သဏ္ဍသုခုမတာ နိဝရဏဝိက္ခမ္ဘနဝသေန ဝိညာယတီတိ အာဟ “ကာမန္တန္ဒာဒိဩဋ္ဌာရိကင်္ဂပ္ပဟာနဝသေန သုခုမာ”တိ။ ဣတတာယာဘိ ဝိဇ္ဇမာနတာယ။ သဗ္ဗတ္တာဘိ သဗ္ဗဝါရေသု။

သမာပဇ္ဇနာမိဌာနာနိ ဝိယ ဝုဌာနံ ဈာနေ ပရိသာပန္နမ္ပိ ဟောတိ ယထာ တံ ဓမ္မာနံ ဘင်္ဂက္ခဏော ဓမ္မေသု၊ န အာဝဇ္ဇနပစ္စဝေက္ခဏာနီတိ “ပဌမဇ္ဈာနံ” သမာပဇ္ဇန္တော အဓိဋ္ဌဟန္တော ဝုဌဟန္တော စ သိက္ခတိ”တိ ဝုတ္တံ၊ န “အာဝဇ္ဇန္တော ပစ္စဝေက္ခန္တော”တိ။ တန္တိ ပဌမဇ္ဈာနံ။ တေနာတိ ဟေတုမိ ကရဏဝစနံ၊ တသ္မာ ပဌမဇ္ဈာနေန ဟေတုဘူတေနာတိ အတ္ထော။ ဟေတု-
ဘာဝေါ စေတ္ထ ဈာနဿ ယထာဝုတ္တသညာယ ဥပ္ပတ္တိယာ သဟဇာတာဒိ-
ပစ္စယဘာဝေါ ကာမသညာယ နိရောဓဿ ဥပနိဿယတာဝ၊ တဉ္စ ခေါ သုတ္တန္တပရိယာယေန။ တထာ ဧဝ သံဝဏ္ဏိတံ “တထာရူပါယ ပဋိပတ္တိယာ ဝိနာ အဘာဝတော”တိ။ ဧတေနုပါယေနာတိ ယွာယံ ပဌမဇ္ဈာနတပ္ပဋိပက္ခ-
သညာဝသေန “သိက္ခာ ဧကော သညာ ဥပ္ပဇ္ဇတိ၊ သိက္ခာ ဧကော သညာ

နိရုဇ္ဈတိ”တိ ဧတ္ထ အတ္ထော ဝုတ္တော၊ ဧတေန နယေန။ သဗ္ဗတ္ထာတိ သဗ္ဗဝါရေသု။

၄၁၄။ ယသ္မာ ပနေတ္ထ သမာပတ္တိဝသေန တံတံသညာနံ ဥပ္ပါဒနိရောဓေ ဝုစ္စမာနေ အင်္ဂဝသေန သော ဝုတ္တောတိ အာဟ “ယသ္မာ ပနာ”တိအာဒိ။ “အင်္ဂတော သမ္မသန”န္တိ အနုပဒဓမ္မဝိပဿနာယ လက္ခဏဝစနံ။ အနုပဒဓမ္မဝိပဿနာယ ကရောန္တော သမာပတ္တိံ ပတွာ အင်္ဂတော သမ္မသနံ ကရောတိ။ န စ သညာ သမာပတ္တိယာ ကိဉ္စိ အင်္ဂံ ဟောတိ။ ဝုတ္တန္တ “ဣဒဉ္စ သညာ သညာတိ ဧဝံ အင်္ဂတော သမ္မသနံ ဥဒ္ဓုဒ္ဓ”န္တိ။ အင်္ဂတောတိ ဝါ အဝယဝတောတိ အတ္ထော၊ အနုပဒဓမ္မတောတိ ဝုတ္တံ ဟောတိ။ တဒေဝါတိ အာကိဉ္စညာယတနမေဝ။

ယတော ခေါတိ ပစ္စတ္တေ နိဿိက္ကဝစနန္တိ အာဟ “ယော နာမာ”တိ၊ ယထာ “အာဒိမ္မိ”တိ ဧတသ္မိံ အတ္ထေ “အာဒိတော”တိ ဝုစ္စတိ ဣတရိဘတ္တိတောပိ တော-သဒ္ဓဿ လဗ္ဘနတော။ သကသ္မိံ အတ္တနာ အဓိဂတေ သညာ သကသညာ၊ သာ ဧတဿ အတ္တိတိ သကသညိ၊ တေနာဟ “အတ္တနော ပဌမဇ္ဈာနသညာယ သညဝါ”တိ။ သကသညိတိ စေတ္ထ ဥပရိ ဝုစ္စမာနနိရောဓပါဒကတာယ သာတိသယာယ ဈာနသညာယ အတ္တိဘာဝဇောတကော ဤ-ကာရော ဒဋ္ဌဗ္ဗော၊ တေနောဟ “အနုပုဗ္ဗေန သညဂ္ဂံ ပုသတိ”တိအာဒိ။ တသ္မာ တတ္ထ တတ္ထ သကသညိဘာဂ္ဂဟဏေန တသ္မိံ တသ္မိံ ဈာနေ သဗ္ဗသော သုစိဏ္ဏဝသီဘာဝေါ ဒီပိတောတိ ဝေဒိတဗ္ဗံ။

လောကိယာနန္တိ နိဒ္ဒါရဏေ သာမိဝစနံ၊ သာမိအတ္ထေ ဧဝ ဝါ။ ယဒဂ္ဂေန ဟိ တံ တေသု သေဋ္ဌံ၊ တဒဂ္ဂေန တေသမ္ပိ သေဋ္ဌန္တိ။ “လောကိယာန”န္တိ ဝိသေသနံ လောကုတ္တရသမာပတ္တိဟိ တဿ အသေဋ္ဌဘာဝတော။ “ကိစ္စကာရကသမာပတ္တိန”န္တိ ဝိသေသနံ အကိစ္စကာရကသမာပတ္တိတော တဿ အသေဋ္ဌဘာဝတော။ အကိစ္စကာရကတာ စဿာ ပဋုသညာကိစ္စဘာဝဝစနတော ဝိညာယတိ။ ယထေဝ ဟိ တတ္ထသညာ၊ ဧဝံ ဖဿာဒယောပီတိ။ ယဒဂ္ဂေန ဟိ တတ္ထ သင်္ခါနာဝသေသသုခုမဘာဝပ္ပတ္တိယာ ပကတိဝိပဿကာနံ သမ္ပသိတုံ အသက္ကုဏေယျရူပေန ဌိတာ၊ တဒဂ္ဂေန ဟေဋ္ဌိမသမာပတ္တိဓမ္မာ ဝိယ ပဋုကိစ္စကာရကသမတ္တာပိ န ဟောန္တိတိ။ သွာယမတ္ထော ပရမတ္ထမဉ္ဇုသယံ ဝိသုဒ္ဓိမဂ္ဂသံဝဏ္ဏနာယံ အာရပ္ပကထာယံ သဝိသေသံ ဝုတ္တော၊ တသ္မာ တတ္ထ

ဝုတ္တနယေန ဝေဒိတဗ္ဗော။ ကေမိ ပန “ယထာ ဟေဋ္ဌိမာ ဟေဋ္ဌိမာ သမာ-
ပတ္တိယော ဥပရိမာနံ ဥပရိမာနံ အဓိဋ္ဌာနကိစ္စံ သာဓေန္တိ၊ န ဧဝံ နေဝသညာ-
နာသညာယတနသမာပတ္တိ ကဿစိပိ အဓိဋ္ဌာနကိစ္စံ သာဓေတိ၊ တသ္မာ သာ
အကိစ္စကာရိကာ၊ ဣတရာ ကိစ္စကာရိကာ ဝုတ္တာ”တိ ဝဒန္တိ၊ တဒယုတ္တံ
တဿာပိ ဝိပဿနာစိတ္တပရိဒမနာဒိနံ အဓိဋ္ဌာနကိစ္စသာဓနတော။ တသ္မာ
ပုရိမောယေဝ အတ္ထော ယုတ္တော။

ပကပ္ပေတိတိ^၁ သံဝိဒဟတိ။ ဈာနံ သမာပဇ္ဇန္တော ဟိ ဈာနသုခံ အတ္တနိ
သံဝိဒဟတိ နာမ။ အဘိသင်္ခရေတိတိ အာယူဟတိ၊ သမ္ဗိဏ္ဏေတိတိ အတ္ထော။
သမ္ဗိဏ္ဏနတ္ထော ဟိ သမုဒယဌော။ ယသ္မာ နိကန္တိဝသေန စေတနာကိစ္စဿ
မတ္တကပ္ပတ္တိ၊ တသ္မာ ဖလူပစာရေန ကာရဏံ ဒဿေန္တော “နိကန္တိ^၂
ကုရုမာနော အဘိသင်္ခရေတိ နာမာ”တိ ဝုတ္တံ။ ဣမာ ဣဒါနိ မေ လဗ္ဘမာနာ
အာကိဉ္ဇညာယတနသညာ နိရုဇ္ဈေယျံ တံသမတိက္ကမေနေဝ ဥပရိဈာနတ္ထာယ
စေတနာဘိသင်္ခရဏသမ္ဘဝတော။ အညာတိ အာကိဉ္ဇညာယတနသညာဟိ
အညာ။ တတော ထူလတရဘာဝတော ဩဋ္ဌာရိကာ။ ကာ ပန တာတိ အာဟ
“ဘဝင်္ဂသညာ”တိ။ အာကိဉ္ဇညာယတနတော ဝုဋ္ဌာယ ဧဝံ ဟိ ဥပရိဈာနတ္ထာယ
စေတနာဘိသင်္ခရဏာနိ ဘဝေယျံ၊ ဝုဋ္ဌာနဉ္စ ဘဝင်္ဂဝသေန ဟောတိ။ ယာဝ စ
ဥပရိ ဈာနသမာပဇ္ဇနံ၊ တာဝ အန္တရန္တရာ ဘဝင်္ဂပုဝတ္တိတိ အာဟ “ဘဝင်္ဂသညာ
ဥပ္ပဇ္ဇေယျ”န္တိ။

စေတေန္တောဝါတိ နေဝသညာနာသညာယတနဇ္ဈာနံ ဧကံ ဒွေ စိတ္တ-
ဝါရေ သမာပဇ္ဇန္တော ဧဝ။ န စေတေတိ တထာ ဟေဋ္ဌိမဇ္ဈာနေသု
ဝိယ ဝါ ပုဗ္ဗာဘောဂါဘာဝတော။ ပုဗ္ဗာဘောဂဝသေန ဟိ ဈာနံ ပကပ္ပေန္တော
ဣဓ “စေတေတိ”တိ ဝုတ္တော။ ယသ္မာ “အဟမေတံ ဈာနံ နိဗ္ဗတ္တေမိ ဥပသမ္မာ-
ဒေမိ သမာပဇ္ဇာမိ”တိ ဧဝံ အဘိသင်္ခရဏံ တတ္ထ သာလယဿေဝ ဟောတိ၊
န အနာလယဿ၊ တသ္မာ ဧကစိတ္တက္ခဏိကမ္ပိ ဈာနံ ပဝတ္တေန္တော တတ္ထ
အပ္ပဟိနနိကန္တိကတာယ အဘိသင်္ခရေန္တော ဧဝါတိ အတ္ထော။ ယသ္မာ ပနဿ
တထာ ဟေဋ္ဌိမဇ္ဈာနေသု ဝိယ ဝါ တတ္ထ ပုဗ္ဗာဘောဂေါ နတ္ထိ၊ တသ္မာ “န
အဘိသင်္ခရေတိ”တိ ဝုတ္တံ။ “ဣမဿ ဘိက္ခုနော”တိအာဒိ ဝုတ္တဿေဝတ္ထဿ
ဝိဝရဏံ။ “သွာယမတ္ထော”တိအာဒိနာ တမေဝတ္ထံ ဥပမာယ ပဋိပါဒေတိ။

ပစ္ဆိမာဘာဂေတိ ပိတုသရဿ ပစ္ဆိမာဘာဂေ။ တတော ပုတ္တသရတော။ လဒ္ဓသရမေဝါတိ ယတော အနေန ဘိက္ခာ လဒ္ဓါ၊ တမေဝ သရံ ပုတ္တဂေဟမေဝ။ အာသနသာလာ ဝိယ အာဏိဉ္ဇညာယတနသမာပတ္တိံ တတော ပိတုသရပုတ္တသရဌာနိယာနံ နေဝသညာနာသညာယတနနိရောဓသမာပတ္တိနံ ဥပဂန္တဗ္ဗတော။ ပိတုသရံ အမနသိကရိတွာတိ ပရိသိတွာ သမတိက္ကန္တမ္ပိ ပိတုသရံ န မနသိ ကတွာ။ ပုတ္တသရဿေဝ အာဓိက္ခနံ ဝိယ ဧကံ ဒွေ စိတ္တဝါရေ သမာပဇ္ဇိတဗ္ဗမ္ပိ နေဝသညာနာသညာယတနံ န မနသိ ကတွာ ပရတော နိရောဓသမာပတ္တိအတ္ထာယ ဧဝ မနသိကာရော။ ဧဝံ အမနသိကာရသာမညေန၊ မနသိကာရသာမညေန စ ဥပမုပမေယျတာ ဝေဒိတဗ္ဗာ အာဓိက္ခနေနပိ မနသိကာရဿေဝ ဇောတိတတ္တာ။ န ဟိ မနသိကာရေန ဝိနာ အာဓိက္ခနံ သမ္ပဝတိ။

တာ ဈာနသညာတိ တာ ဧကံ ဒွေ စိတ္တဝါရေ ပဝတ္တာ နေဝသညာနာသညာယတနသညာ။ နိရုဇ္ဈန္တိတိ ပဒေသေနေဝ နိရုဇ္ဈန္တိ၊ ပုဗ္ဗာဘိသင်္ခါရဝသေန ပန ဥပရိ အနုပ္ပါဒေါ။ ယထာ စ ဈာနသညာနံ၊ ဧဝံ ဣတရသညာနဗ္ဗိတိ အာဟ “အညာ စ ဩဠာရိကာ ဘဝင်္ဂသညာ နုပ္ပဇ္ဇန္တိ”တိ၊ ယထာပရိစ္ဆိန္နကာလန္တိ အဓိပ္ပါယော။ သော ဧဝံ ပဋိပန္နော ဘိက္ခုတိ သော ဧဝံ ယထာဝုတ္တေ သညာဂ္ဂေ ဌိတော အရဟတ္တေ၊ အနာဂါမိဖလေ ဝါ ပတိဋ္ဌိတော ဘိက္ခု၊ ဒွိဟိ ဖလေဟိ သမန္တာဂမော၊ တိဏ္ဍံ သင်္ခါရာနံ ပဋိပ္ပဿဒ္ဓိ၊ သောဠသဝိဓာ ဉာဏစရိယာ၊ နဝရိဓာ သမာဓိစရိယာတိ ဣမေသံ ဝသေန နိရောဓပဋိပါဒနပဋိပတ္တိပဋိပန္နော။ ဗုဒ္ဓတိတိ ဧတ္ထ ဗုဒ္ဓနံ နာမ ဝိန္ဒနံ ပဋိလဒ္ဓိတိ အာဟ “ဝိန္ဒတိ ပဋိလဘတိ”တိ။ အတ္ထတော ပန ယထာပရိစ္ဆိန္နကာလံ စိတ္တစေတသိကာနံ သဗ္ဗသော အပ္ပဝတ္တိ ဧဝ။

အဘိတိ ဥပသဂ္ဂမတ္တံ နိရုတ္တကံ၊ တသ္မာ “သညာ”ဣစ္စေဝ အတ္ထော။ နိရောဓပဒေန အနန္တရိကံ ကတွာ သမာပတ္တိပဒေ ဝတ္တဗ္ဗေ တေသံ ဒွိန္ဒ အန္တရေ သမ္ပဇာနပဒံ ဌပိတန္တိ အာဟ “နိရောဓပဒေန အနန္တရိကံ ကတွာ ဝုတ္တ”န္တိ၊ တေနာဟ “အနုပဋိ ။ ပ။ အတ္ထော”တိ။ တတြာပိတိ တသ္မိမ္ပိ တထာ ပဒါနုပုဗ္ဗိဌပနေပိ အယံ ဝိသေသတ္ထောတိ ယောဇနာ။ သမ္ပဇာနန္တဿာတိ တံ တံ သမာပတ္တိံ သမာပဇ္ဇိတွာ ဝုဠာယ တတ္ထ တတ္ထ သင်္ခါရာနံ သမ္ပသနဝသေန ပဇာနန္တဿ။ အန္တေတိ ယထာဝုတ္တာယ နိရောဓပဋိပတ္တိယာ ပရိယောသာနေ။ ဒုတိယဝိကပ္ပေ သမ္ပဇာနန္တဿာတိ သမ္ပဇာနကာရိနောတိ အတ္ထော၊ တေန

နိရောဓသမာပဇ္ဇနကဿ ဘိက္ခုနော အာဒိတော ပဋ္ဌာယ သဗ္ဗပါဠိဟာရိက-
ပညာယ သဒ္ဓိံ အတ္တသာမိကာ ပညာ ကိစ္စတော ဒဿိတာ ဟောတိ၊
တေနာဟ “ပဏ္ဍိတဿ ဘိက္ခုနော”တိ။

သဗ္ဗာကာရေနာတိ “သမာပတ္တိယာ သရူပဝိသေသော၊ သမာပဇ္ဇနကော၊
သမာပဇ္ဇနဿ ဌာနံ၊ ကာရဏံ၊ သမာပဇ္ဇနာကာရော”တိ ဧဝမာဒိသဗ္ဗပ္ပကာ-
ရေန။ တတ္ထာတိ ဝိသုဒ္ဓိမဂ္ဂေ။ ကထိတတောဝါတိ ကထိတဋ္ဌာနတော ဧဝ
ဂဟေတဗ္ဗာ၊ န ဣမ တံ ဝဒါမ ပုနရုတ္တိဘာဝတောတိ အဓိပ္ပါယော။

ဧဝံ ခေါ အဟန္တိ ဧတ္ထ အာကာရတ္ထော ဧဝံ-သဒ္ဓေါ ဥဂ္ဂဟိတာကာရ-
ဒဿနန္တိ ကတွာ။ ဧဝံ ပေါဋ္ဌပါဒါတိ ဧတ္ထ ပန သမ္ပုဋ္ဌန္တိ။ တေနာဟ
“သုဥဂ္ဂဟိတံ တယာတိ အနုဇာနန္တော”တိ။

၄၁၅။ သညာ အဂ္ဂါ ဧတ္ထာတိ သညာဂ္ဂံ၊ အာကိဉ္ဇညာယတနံ။ အဋ္ဌသု
သမာပတ္တိသုပိ သညာဂ္ဂံ အတ္ထိ ဥပလက္ခတိတိ ဖိန္တေတွာ။ “ပုထူ”တိ ပါဠိယံ
လိင်္ဂဝိပလ္လာသံ ဒဿေန္တော အာဟ “ဗဟူနိဝိ”တိ။ “ယထာ”တိ ဣမိနာ ပကာရ-
ဝိသေသော ကရဏပ္ပကာရော ဂဟိတော၊ န ပကာရသာမညန္တိ အာဟ
“ယေန ယေန ကသိဏေနာ”တိ၊ “ပထဝီကသိဏေန ကရဏဘူတေနာ”တိ စ။
ဈာနံ တာဝ ယုတ္တော ကရဏဘာဝေါ သညာနိရောဓဗုဒ္ဓဿ သာဓက-
တမဘာဝတော၊ ကထံ ကသိဏာနန္တိ? တေသမ္ပိ သော ယုတ္တော ဧဝ။
ယဒဂ္ဂေန ဟိ ဈာနာနံ နိရောဓဗုဒ္ဓဿ သာဓကတမဘာဝေါ၊ တဒဂ္ဂေန
ကသိဏာနမ္ပိ တဒဝိနာဘာဝတော။ အနေကကရဏာပိ ကိရိယာ ဟောတိ-
သေဝ ယထာ “အဿေန ယာနေန၊ ဒီပိကာယ ဂစ္ဆတိ”တိ။

ကေဝါရန္တိ သင်္ကံ။ ပုရိမသညာနိရောဓန္တိ ကာမသညာဒိပုရိမသညာယ
နိရောဓံ၊ န နိရောဓသမာပတ္တိသညိတံ သညာနိရောဓံ။ ဧကံ သညာဂ္ဂန္တိ ဧကံ
သညာဘူတံ အဂ္ဂံ သေဋ္ဌန္တိ အတ္ထော ဟေဋ္ဌိမသညာယ ဥက္ကဋ္ဌဘာဝတော။
သညာ စ သာ အဂ္ဂဉ္ဇာတိ သညာဂ္ဂံ၊ န သညာသု အဂ္ဂန္တိ။ ဧဝံ ဝါရေတိ ခြိက္ခတ္တံ။
သေသကသိဏေသုတိ ကသိဏာနံယေဝ ဂဟဏံ နိရောဓကထာယ အဓိက-
တတ္ထာ။ တတော ဧဝ စေတ္ထ ဈာနဂ္ဂဟဏေန ကသိဏဇ္ဈာနာနိ ဧဝ
ဂဟိတာနိတိ ဝေဒိတဗ္ဗံ။ “ပဋ္ဌမဇ္ဈာနေန ကရဏဘူတေနာ”တိ အာရမ္မဏံ
အနာမသိတွာ ဝဒတိ ယထာ “ယေန ယေန ကသိဏေနာ”တိ ဧတ္ထ ဈာနံ

အနာမသိတွာ ဂုတ္တံ။ “ဣတိ”တိအာဒိနာ ဂုတ္တမေဝတ္ထံ သင်္ဂဟေတွာ နိဂမန-
ဝသေန ဝဒတိ။ သဗ္ဗမ္ပိတိ သဗ္ဗံ ဧကဝါရံ သမာပန္နဇ္ဈာနံ။ သင်္ဂဟေတွာတိ
သဇ္ဈာနနလက္ခဏေန တံသဘာဝါဝိသေသတော ဧကန္တံ သင်္ဂဟေတွာ။ အပရာ-
ဗရန္တိ ပုနပ္ပုနံ။

၄၁၆။ ဈာနပဒဋ္ဌာနံ ဝိပဿနံ ဝဇေန္တဿ ပုဂ္ဂလဿ ဝသေန သညာ-
ညဏာနိ ဒဿိတာနိ ပဌမနယေ။ ဒုတိယနယေ ပန ယသ္မာ ဝိပဿနံ ဥဿုက္ကာ-
ပေတွာ မဂ္ဂေန ဃဇ္ဇေန္တဿ မဂ္ဂဉာဏံ ဥပ္ပဇ္ဇတိ၊ တသ္မာ ဝိပဿနာမဂ္ဂ-
ဝသေန သညာညဏာနိ ဒဿိတာနိ။ ယသ္မာ ပန ပဌမနယော လောကီယတ္တာ
ဩဋ္ဌာရိကော၊ ဒုတိယနယော မိဿကော၊ တသ္မာ တဒုဘယံ အသမ္ဘာဝေတွာ
အစ္စန္တသုခုမသုဘံ ထိရံ နိဗ္ဗတ္တိတလောကုတ္တရမေဝ ဒဿေတုံ မဂ္ဂဖလဝသေန
သညာညဏာနိ ဒဿိတာနိ တတိယနယေ။ တယောပေတေ နယာ မဂ္ဂ-
သောဓနဝသေန ဒဿိတာ။

“အယံ ပနေတ္ထ သာရော”တိ ဝိဘာဝေတုံ တိပိဋကမဟာသိဝတ္ထေရဝါဒေါ
အာဘတော။ နိရောဓံ ပုစ္ဆိတွာ တသ္မိံ ကထိတေ တဒနန္တရံ သညာဉာဏုပ္ပတ္တိံ
ပုစ္ဆန္တော အတ္ထတော နိရောဓတော ဝုဠာနံ ပုစ္ဆတိ နာမ၊ နိရောဓတော
၈ ဝုဠာနံ အရဟတ္တဖလုပ္ပတ္တိယာ ဝါ သိယာ အနာဂါမိဖလုပ္ပတ္တိယာ ဝါ၊
တတ္ထ သညာ ပဓာနာ၊ တဒနန္တရဉ္စ ပစ္စဝေက္ခဏဉာဏန္တိ တဒုဘယံ နိဒ္ဒါ-
ရေန္တော ထေရော “**ဏိံ ဣမေ ဘိက္ခု။ ဘဏန္တိ**”တိအာဒိမာဟ။ တတ္ထ “**ဏိံ**
ဣမေ ဘိက္ခု။ ဘဏန္တိ”တိ တဒါ ဒိဃနိကာယတန္တိ ပရိဝတ္တန္တေ ဣမံ ဌာနံ
ပတွာ ယထာဝုတ္တေန ပဋိပါဋိယာ တယော နယေ ကထေန္တေ ဘိက္ခု။
သန္ဓာယ ဝဒတိ။

ယဿ ယထာ မဂ္ဂဝီထိယံ မဂ္ဂဖလဉာဏေသု ဥပ္ပန္နေသု နိယမတော
မဂ္ဂဖလပစ္စဝေက္ခဏဉာဏာနိ ဟောန္တိ၊ ဧဝံ ဖလသမာပတ္တိယံ ဖလပစ္စဝေက္ခဏ-
ဉာဏန္တိ အာဟ “ပစ္ဆိာ ပစ္စဝေက္ခဏဉာဏ”န္တိ။ “ဣဒံ အရဟတ္တဖလ”န္တိ ဣဒံ
ပစ္စဝေက္ခဏဉာဏဿ ပဝတ္တိအာကာရဒဿနံ။ ဖလသမာဓိသညာပစ္စယာတိ
ဖလသမာဓိသဟဂတသညာပစ္စယာ။ ကိရ-သဒ္ဓေါ အနုဿရဏတ္ထော။ ယထာ-
ဓိဂတဓမ္မာနုဿရဏပက္ခိယာ ဟိ ပစ္စဝေက္ခဏာ။ သမာဓိသီသေန စေတ္ထ သဗ္ဗံ
အရဟတ္တဖလံ ဂဟိတံ သဟစရဏဉာဏေနေ၊ တသ္မိံ အသတိ ပစ္စဝေက္ခဏာယ
အသမ္ဘဝေါ ဝေါတိ အာဟ “ဣဒပ္ပစ္စယာ”တိ။

၃-နိုဝင်ဘာလ (အဘိဓမ္မိ)

၄၁၈-၄၂၀။ **မနောမယန္တိ** ဈာနမနသော ဝသေန မနောမယံ။ ယော
ဟိ ဗာဟိရပစ္စယနိရပေက္ခော၊ သော မနသော နိဗ္ဗတ္တောတိ မနောမယော။
ရူပလောကေ နိဗ္ဗတ္တသရီရံ သန္ဓာယ ဝဒတိ၊ ယံ ဝေဒဝါဒိနော အာနန္ဒမယော၊
ဝိညာဏမယောတိ စဒ္ဓိဓာဝေါဟရန္တိ။ **တတြာပီတိ** “မနောမယော အတ္တာ”တိ
ဣမသ္မိမ္ပိ ပက္ခေ။ **ဒေါသေ ဒိန္တေ** “အညာဝ သညာ ဘဝိဿတိ”တိအာဒိနာ
ဒေါသေ ဒိန္တေ။ ဣဓာပိ ပုရိမဝါဒေ ဝုတ္တနယေနော ဒေါသဒဿနံ ဝေဒိတဗ္ဗံ။
အယံ ပန ဝိသေသော—ယဒိ အတ္တာ မနောမယော၊ သဗ္ဗင်္ဂပစ္စင်္ဂီ၊ အဟိနိဋ္ဌိယော
စ ဘဝေယျ၊ ဧဝံ သတိ “ရူပံ အတ္တာ သိယာ၊ န စ သညိ”တိ ပုဗ္ဗေ ဝိယ
ဝတ္တဗ္ဗံ။ တေနာဟ “မနောမယော စ ဟိ တေ”တိအာဒိ။ ကဿာ ပနာယံ
ပရိဗ္ဗာဇကော ပဌမံ ဩဋ္ဌာရိကံ အတ္တာနံ ပဋိဇာနိတွာ တံ လဒ္ဓိံ ဝိဿဇ္ဇေတွာ
ပုန မနောမယံ အတ္တာနံ ပဋိဇာနာတိ၊ တဉ္စ ဝိဿဇ္ဇေတွာ အရူပိ အတ္တာနံ
ပဋိဇာနာတိတိ? ကာမဉ္စေတ္ထ ကာရဏံ ဟေဋ္ဌာ ဝုတ္တမေဝ၊ တထာပိ ဣမေ
တိတ္ထိယာ နာမ အနဝဋ္ဌိတစိတ္တာ ထုသရာသိမ္ပိ နိခါတခါဏကောဝိယ စဉ္စလင်္ကာတိ
ဒဿေတုံ “ယထာ နာမ ဥပ္ပတ္တကော”တိအာဒိ ဝုတ္တံ။ တတ္ထ သညာယာတိ
ပကတိသညာယ။ **ဥပ္ပါဒနိရောဓံ ဣန္ဒြိယံ** အပရာပရံ ပဝတ္တယ သညာယ
ဥဒယဝယဒဿနတော။ တထာပိ “သညာသညာ”တိ ပဝတ္တသမညံ “အတ္တာ”တိ
ဂဟေတွာ တဿ စ အဝိန္ဒေဒံ ပရိကပ္ပေန္တော သဿတံ မညတိ၊ တေနာဟ
“အတ္တာနံ ပန သဿတံ မညတိ”တိ။

တထေဝါတိ ယထာ “ရူပိ အတ္တာ”တိ, “မနောမယော အတ္တာ”တိ စ
ဝါဒဒွယေ သညာယ အတ္တတော အညတာ၊ တထာ စဿ အစေတနတာဒိ-
ဒေါသပ္ပသင်္ဂေါ ဒုန္တိဝါရော၊ တထေဝ ဣမသ္မိံ ဝါဒေ ဒေါသော။ တေနာဟ
“**တထေဝဿ ဒေါသံ ဒဿေန္တော**”တိ။ **မိစ္ဆာဒဿနေနာတိ** အတ္တဒိဋ္ဌိ-
သင်္ခါတေန မိစ္ဆာဘိနိဝေသေန။ **အဘိဘူတတ္တာတိ** အနာဒိကာလဘာဝိတ-
ဘာဝေန အဇ္ဈောတ္တုတ္တာ နိဝါရိတဉာဏစာရတ္တာ။ **တံ နာနတ္ထံ အဇာနန္တော**တိ
ယေန သန္တတိဃနေန, သမူဟဃနေန စ ဝဋ္ဋိတော ဗာလော ပဗန္ဓဝသေန
ပဝတ္တမာနံ ဓမ္မသမူဟံ မိစ္ဆာဂါဟဝသေန “အတ္တာ”တိ, “နိစ္စော”တိ စ
အဘိနိဝိဿဝေါဟရတိ၊ တံ ကေတ္တသညိတံ သနဂ္ဂဟဏံ ဝိနိဘုဇ္ဇ ယာထာဝတော
ဇာနနံ သနဝိနိဗ္ဗောဂေါ၊ သဗ္ဗေန သဗ္ဗံ တိတ္ထိယာနံ သော နတ္ထိတိ အယမ္ပိ
ပရိဗ္ဗာဇကော တာဒိသဿ ဉာဏဿ ပရိပါကဿ အဘာဝတော ဝုစ္စမာနမ္ပိ
နာညာသိ။ တေန ဝုတ္တံ “**ဘဂဝတာ ဝုစ္စမာနမ္ပိ တံ နာနတ္ထံ အဇာနန္တော**”တိ။
သညာ နာမာယံ နာနာရမ္ပဏာ နာနာက္ခဏေ ဥပ္ပဇ္ဇတိ, ဝေတိ စာတိ

သညာယ ဥပ္ပါဒ်နိရောဓံ ပဿန္တောပိ သညာမယံ သညာဘူတံ အတ္တာနံ ပရိကပ္ပေတွာ ယထာပုတ္တသနဝိနိစ္ဆောဂါဘာဝတော နိစ္စမေဝ ကတွာ မညတိ ဒိဋ္ဌိမညနာယ။ တထာဘူတဿ စ တဿ သဏ္ဌသုခုမပရမဂမ္ဘီရဓမ္မတာ န ဣယတေဝါတိ ဝုတ္တံ “ဒုဇ္ဈာနံ ခေါ”တိအာဒိ။

ဒိဋ္ဌိအာဒိသု “ဝေမေတ”န္တိ ဒဿနံ အဘိနိဝိသနံ ဒိဋ္ဌိ။ တဿာ ဝေ ပုဗ္ဗဘာဂဘူတံ “ဝေမေတ”န္တိ နိဇ္ဈာနဝသေန ခမနံ ခန္တိ။ တထာ ရောစနံ ရူပိ။ “အညထာ”တိအာဒိ တေသံ ဒိဋ္ဌိအာဒိနံ ဝိဘဇိတွာ ဒဿနံ။ တတ္ထ အညထာတိ ယထာ အရိယဝိနယေ အန္တဒ္ဓယံ အနုပဂ္ဂမ္ဘ မဇ္ဈိမာပဋိပဒါဝသေန ဒဿနံ ဟောတိ၊ တတော အညထာယေဝ။ အညဒေဝါတိ ယံ ပရမတ္ထတော ဝိဇ္ဇတိ ခန္ဓာယတနာဒိ၊ တဿ စ အနိစ္စတာဒိ၊ တတော အညဒေဝ ပရမတ္ထတော အဝိဇ္ဇမာနံ အတ္တာနံ သဿတာဒိ^၁ တေ ခမတိ ဝေဝ ရူပတိ စ။ အာယုဉ္ဇနံ အနုယုဉ္ဇနံ အာယောဂေါ၊ တေနာဟ “ယုတ္တပယုတ္တတာ”တိ။ ပဋိပတ္တိယာတိ ပရမတ္ထ^၂စိန္တနာဒိပရိဗ္ဗာဇကပဋိပတ္တိယာ။ ဒုဇ္ဈာနံ ဧတံ ဓမ္မတံ^၃ တွံ “အယံ ပရမတ္ထော၊ အယံ သမ္မုတိ”တိ ဣမဿ ဝိဘာဂဿ ဒုဗ္ဗိဘာဂတ္တာ။ “ယဒိ ဧတံ ဒုဇ္ဈာနံ၊ တံ တာဝ တိဋ္ဌတု၊ ဣမံ ပနတ္ထံ ဘဂဝန္တံ ပုစ္ဆိဿာမိ”တိ စိန္တေတွာ ယထာ ပဋိပဇ္ဇိ၊ တံ ဒေသေတုံ “အထ ပရိဗ္ဗာဇကော”တိအာဒိ ဝုတ္တံ။ အညော ဝါ သညတောတိ သညာသဘာဝတော အညော သဘာဝေါ ဝါ အတ္တာ ဟောတူတိ အတ္ထော။ အဿာတိ အတ္တနော။

လောကီယတိ ဒိဿတိ ဧတ္ထ ပုညပါပံ၊ တဗ္ဗိပါကော စာတိ လောကော၊ အတ္တာ။ သော ဟိဿ ကာရကော၊ ဝေဒကော စာတိ ဣတ္ထိတော။ ဒိဋ္ဌိဂတန္တိ “သဿတော အတ္တာ စ လောကော စာ”တိအာဒိ^၄နယပုဝတ္ထံ ဒိဋ္ဌိဂတံ။ န ဟေသ ဒိဋ္ဌာဘိနိဝေသော ဒိဋ္ဌဓမ္မိကာဒိအတ္တနိဿိတော တဒသံဝတ္တနတော။ ယော ဟိ တဒါဝဟော၊ သော တံနိဿိတောတိ ဝတ္တဗ္ဗတံ လဘေယျ ယထာ တံ ပုညဉာဏသမ္ဘာရော။ ဧတေနေဝ တဿ န ဓမ္မနိဿိတတာပိ သံဝဏ္ဏိတာ ဒဋ္ဌဗ္ဗာ။ အာဒိ မြဟ္မစရိယဿာတိ အာဒိမြဟ္မစရိယံ၊ တဒေဝ အာဒိမြဟ္မစရိယကံ ယထာ “ဝိနယော ဝေ ဝေနယိကော”တိ^၅၊ တေနာဟ “သိက္ခတ္တယသင်္ခါတဿာ”တိအာဒိ။ ဒိဋ္ဌာဘိနိဝေသဿ သံသာရဝဇ္ဇေ နိဗ္ဗိဒါ-ဝိရာဂနိရောဓပသမာသံဝတ္တနံ ဝဇ္ဇန္တောဂတ္တာ၊ တဿ ဝဇ္ဇသမ္ပန္နနတော စ။

၁-သဿတာဒိတော (?)	၂-ပရမတ္ထ (ဗဟုသု)
၃-ဓမ္မံ တံ.(က)၊ နာနတ္ထံ (အဘိနဝဋ္ဌိ)	၄-ဒီ ၁-၁၂၊ ၃ ၁-၁၆၂-ပိဋ္ဌေသု။
၅-ဝိ-ဋ္ဌ ၁-၁၆၀-ပိဋ္ဌေ။	

တထာ အဘိညာသမ္မောဓနိဗ္ဗာနာသံဝတ္တနဉ္စ ဒဠဗ္ဗံ။ အဘိဇာနနာယာတိ ဣတပရိညာဝသေန အဘိဇာနနတ္ထာယ။ သမ္ဗုဒ္ဓါနတ္ထာယာတိ တိရဏပဟာန-
ပရိညာဝသေန သမ္မောဓနတ္ထာယာတိ ဝဒန္တိ။ အဘိဇာနနာယာတိ အဘိညာ-
ပညာဝသေန ဇာနနာယ။ တံ ပန ဝဇ္ဇဿ ပစ္စက္ခကရဏမေဝ ဟောတီတိ
အာဟ “ပစ္စက္ခကိရိယာယာ”တိ။ သမ္ဗုဒ္ဓါနတ္ထာယာတိ ပရိညာဘိသမယ-
ဝသေန ပဋိဝေဓာယ။

ကာမံ တဏှာပိ ဒုက္ခသဘာဝါ၊ တဿာ ပန သမုဒယဘာဝေန ဝိသုံ ဂဟိ-
တတ္တာ “တဏှံ ဌပေတွာ”တိ ဝုတ္တံ။ ပဘာဝနတော ဥပ္ပါဒနတော။ ဒုက္ခံ
ပဘာဝေန္တိပိ တဏှာ အဝိဇ္ဇာဒိပစ္စယန္တရသဟိတာ ဧဝ ပဘာဝေတိ၊ န
ကေဝလာတိ အာဟ “သပ္ပစ္စယာ”တိ။ ဥဘိန္တံ အပ္ပဝတ္တိတိ ဥဘိန္တံ အပ္ပဝတ္တိ-
နိမိတ္တံ၊ နပ္ပဝတ္တန္တိ ဧတ္ထ ဒုက္ခသမုဒယာ ဧတသ္မိံ ဝါ အဓိဂတေတိ အပ္ပဝတ္တိ။
ဒုက္ခနိရောဓံ နိဗ္ဗာနံ ဂစ္ဆတိ အဓိဂစ္ဆတိ၊ တဒတ္ထံ ပဋိပဒါ စာတိ ဒုက္ခနိရောဓ-
ဂါမိနိပဋိပဒါ။ မဂ္ဂပါတုဘာဝေတိ အဂ္ဂမဂ္ဂသမုပ္ပါဒေါ။ ဖလသန္တိကိရိ-
ယာတိ အသေက္ခဖလာဓိဂမော။ အာကာရန္တိ တံ ဂမနလိင်္ဂံ။

၄၂၁။ သမန္တတော နိဂ္ဂဏှနဝသေန တောဒနံ ဝိဇ္ဈနံ သန္တိတောဒကံ၊
ဝါစာယာတိ စ ပစ္စတ္တေ ကရဏဝစနန္တိ အာဟ “ဝစနပတောဒေနာ”တိ။
သမ္ဗုဒ္ဓါနိတန္တိ သမန္တတောဘုသံ အရိတံ။ အကံသုတိ သတမတ္တေဟိ တုတ္တကေဟိ
ဝိယ တိံသသတမတ္တာ ပရိဗ္ဗာဇကာ ဝါစာပတောဒနေဟိ တုဒိံသု။
သဘာဝတော ဝိဇ္ဇမာနန္တိ ပရမတ္ထသဘာဝတော ဥပလဗ္ဘမာနံ၊ န ပကတိ-
အာဒိ ဝိယ အနုပလဗ္ဘမာနံ။ တန္တန္တိ သစ္စံ။ တထန္တိ အဝိပရိတံ။ လောကုတ္တရ-
ဓမ္မေသုတိ ဝိသယေ ဘုမ္မံ တေ ဓမ္မေ ဝိသယံ ကတွာ။ ဌိတသဘာဝန္တိ
အဝဋ္ဌိတသဘာဝံ၊ တဒုပ္ပါဒကန္တိ အတ္ထော။ လောကုတ္တရဓမ္မနိယာမတန္တိ
လောကုတ္တရဓမ္မသမ္မာပနနိယာမေန နိယတံ၊ တေနာဟ “ဗုဒ္ဓါနဋ္ဌိ”တိအာဒိ။
ဒေသာတိ “ဓမ္မဋ္ဌိတတ”န္တိအာဒိနာ ဝုတ္တပ္ပကာရာ။

ဝိတ္တဟတ္ထိသာရိပုတ္တပေါဠပါဒဝတ္ထုဝဏ္ဏနာ

၄၂၂။ သုခုမေသု အတ္တန္တရေသုတိ ခန္ဓာယတနာဒိသု သုခုမဉာဏဂေါ-
စရေသု ဓမ္မေသု။ ကုသလောတိ ပုဗ္ဗေ ဗုဒ္ဓသာသနေ ကတပရိစယတာယ
ဆေကော အဟောသိ။ ဂိဟိဘာဝေ အာနိသံသကထာယ ကထိတတ္တာ

သီလဝန္တဿ ဘိက္ခုနော တထာ ကထနေန ဝိဗ္ဗမနေ နိယောဇိတတ္တာ ဣဒါနိ သယမ္ပိ သီလဝါ ဧဝ ဟုတွာ ဆ ဝါရေ^၁ ဝိဗ္ဗမံ။ ကမ္မသရိက္ခကေန ဟိ ဖလေန ဘဝိတဗ္ဗံ။ မဟာသာဝကဿ ကထိတေတိ မဟာသာဝကဿ မဟာ- ကောဠိကတ္ထေရဿ အပသာဒနကထိတနိမိတ္တံ။ ပတိဋ္ဌာတုံ အသက္ကောန္တောတိ သာသနေ ပတိဋ္ဌံ လဒ္ဓုံ အသက္ကောန္တော။

၄၂၃။ ပညာစက္ခုနော နန္တိတယာတိ သုဝုတ္တဒုရုတ္တသမဝိသမဒဿန- သမတ္ထပညာစက္ခုနော အဘာဝေန။ စက္ခုမာတိ ဧတ္ထ ယာဒိသေန စက္ခုနာ ပုရိသော “စက္ခုမာ”တိ ဝုတ္တော၊ တံ ဒဿေတုံ “သုဘဒ္ဓသိတာ”တိအာဒိ ဝုတ္တံ။ ဧကကောဋ္ဌာသာတိ ဧကန္တိကာ၊ နိဗ္ဗာနာဝဟဘာဝေန နိစ္ဆိတာတိ အဓိပ္ပါယော။ ဌပိတာတိ ဝဝတ္ထာပိတာ။ န ဧကကောဋ္ဌာသာ န ဧကန္တိကာ၊ န နိဗ္ဗာနာဝဟဘာဝေန နိစ္ဆိတာ ဝဋ္ဋန္တောဂဘာဝတောတိ အဓိပ္ပါယော။

ဧကံသိကဓမ္မဝဏ္ဏနာ

၄၂၅။ “ကဿွာ အာရဘီ”တိ ကာရဏံ ပုစ္ဆိတွာ “အနိယျာနိက- ဘာဝဒဿနတ္ထ”န္တိ ပယောဇနံ ဝိဿဇ္ဇိတံ။ သတိ ဟိ ဖလသိဒ္ဓိယံ ဟေတု- သိဒ္ဓေါယေဝ ဟောတိတိ။ ပညာပိတနိဋ္ဌာယာတိ ပဝေဒိတဝိမုတ္တိမဂ္ဂဿ။ ဝဋ္ဋဒုက္ခပရိယောသာနံ ဂစ္ဆတိ တောယာတိ “နိဋ္ဌာ”တိ ဝိမုတ္တိ ဝုတ္တော။ နိဋ္ဌာ- မဂ္ဂေါ ဟိ ဣဓ ဥတ္တရပဒလောပေန “နိဋ္ဌာ”တိ ဝုတ္တော။ တဿ ဟိ အနိယျာ- နိကတာ၊ နိယျာနိကတာ စ ဝုစ္ဆတိ၊ န နိဋ္ဌာယ။ နိယျာနံ ဝါ နိဂ္ဂမနံ နိဿရဏံ၊ ဝဋ္ဋဒုက္ခဿ ဝူပသမောတိ အတ္ထော။ နိယျာနမေဝ နိယျာနိကံ၊ န နိယျာနိကံ အနိယျာနိကံ၊ သော ဧဝ ဘာဝေါ အနိယျာနိကဘာဝေါ၊ တဿ ဒဿ- နတ္ထန္တိ ယောဇေတဗ္ဗံ။ “ဧဝ”န္တိ “နိဗ္ဗာနံ နိဗ္ဗာန”န္တိ ဝစနမတ္တသာမညံ ဂဟေတွာ ဝဒတိ၊ န ပန ပရမတ္ထတော တေသံ သမယေ နိဗ္ဗာနပညာပနဿ လဗ္ဘနတော၊ တေန ဝုတ္တံ “သာ စ န နိယျာနိက”တိအာဒိ။ လောကထူပိကာဒိဝသေနာတိ ဧတ္ထ အာဒိ-သဒ္ဓေန “အညော ပုရိသော၊ အညာ ပကတိ”တိ ပကတိပုရိသန္တ- ရာဝဗောဓော မောက္ခော၊ ဗုဒ္ဓိအာဒိဂုဏဝိနိမုတ္တဿ အတ္တနော သကတ္တနိ အဝဋ္ဌာနံ မောက္ခော၊ ကာယပဝတ္တိဂတိဇာတိဗန္ဓာနံ အပ္ပမဇ္ဇနဝသေန အပ္ပ- ဝတ္တော မောက္ခော၊ ယညေဟိ ဇုတေန ပရေန ပုရိသေန သလောကတာ မောက္ခော၊ သမိပတာ မောက္ခော၊ သဟယောဂေါ မောက္ခောတိ ဧဝမာဒိနံ သင်္ဂဟော ဒဋ္ဌဗ္ဗော။ ယထာပညတ္တာတိ ပညတ္တပ္ပကာရာ ဟုတွာ န နိယျာတိ။

ယေနာကာရေန “နိဋ္ဌာ ပါပုဏီယတိ”တိ တေဟိ ပဝေဒိတာ၊ တေနာကာရေန တဿာ အပ္ပတ္တဗ္ဗတော န နိယျာတိ။ ပဏ္ဍိတေဟိ ပဋိက္ခိတ္တာတိ “နာယံ နိဋ္ဌာ ပဋိပဒါ ဝဋ္ဋဿ အနတိက္ကမနတော”တိ ဗုဒ္ဓါဒိဟိ ပဏ္ဍိတေဟိ ပဋိက္ခိတ္တာ။ နိဝတ္တတိတိ ပဋိက္ခေပဿ ကာရဏဝစနံ၊ တဿာ တေဟိ ပညတ္တာ နိဋ္ဌာ ပဋိပဒါ န နိယျာတိ၊ အညဒတ္ထု တံသမဂ္ဂိနံ ပုဂ္ဂလံ သံသာရေ ဧဝ ပရိတ္တမာ-
ပေန္တိ နိဝတ္တတိ။

ပဓာနံ ဇာနနံ နာမ ပစ္စက္ခတော ဇာနနံ တဿ ပမာဏဇေဋ္ဌဘာဝတော၊ ဣတရဿ သံသယာနုဗဒ္ဓတ္တာတိ ဝုတ္တံ “ဇာနံ ပဿ”န္တိ။ တေနေတ္ထ ဒဿနေန ဇာနနံ ဝိသေသေတိ။ ဣဒံ ဝုတ္တံ ဟောတိ—တုမှာကံ ဧကန္တသုခေ လောကေ ပစ္စက္ခတော ဉာဏဒဿနံ အတ္ထိတိ။ ဇာနန္တိ ဝါ တဿ လောကဿ အနုမာန-
ဝိသယတံ ပုစ္ဆတိ၊ ပဿန္တိ ပစ္စက္ခတော ဂေါစရတံ။ အယဉ္ဇေတ္ထ အတ္ထော—
အပိ တုမှာကံ လောကော ပစ္စက္ခတော ဉာတော၊ ဥဒါဟု အနုမာနတောတိ။

ယဿာ လောကေ ပစ္စက္ခဘူတော အတ္ထော ဣန္ဒြိယဂေါစရဘာဝေန ပါက-
ဋ္ဌော၊ တဿာ ဝုတ္တံ “ဒိဋ္ဌပုဗ္ဗာနိ”တိ အာဒိ။ ဒိဋ္ဌပုဗ္ဗာနိတိ ဒိဋ္ဌဝါ၊ ဒဿနဘူတေန၊
တဒနဂတေန စ ဉာဏေန ဂဟိတပုဗ္ဗာနိတိ အတ္ထော။ ဧဝေ ကတွာ
“သရီရသဏ္ဌာနာဒိနိ”တိ ဝစနံ သမတ္ထိတံ ဟောတိ။ “အပ္ပါဒ္ဓိဟိရက တ”န္တိ
အနုနာသိကလောပံ ကတွာ နိဒ္ဒေသောတိ အာဟ “အပ္ပါဒ္ဓိဟိရကံ တ”န္တိ။
“အပ္ပါဒ္ဓိဟိရံ ကတ”န္တိ ဧဝမေတ္ထ ဝဏ္ဏန္တိ။ ပဋိပက္ခဟရဏတော ပဋိဟာရိယံ၊
တဒေဝ ပါဒ္ဓိဟာရိယံ၊ ဥတ္တရဝိရဟိတံ ဝစနံ။ ပါဒ္ဓိဟာရိယမေဝေတ္ထ “ပါဒ္ဓိ-
ဟိရက”န္တိ ဝါ ဝုတ္တံ၊ န ပါဒ္ဓိဟိရကံ အပ္ပါဒ္ဓိဟိရကံ ပရေဟိ ဝုစ္စမာနဥတ္တရေဟိ
သဥတ္တရတ္တာ၊ တေနာဟ “ပဋိဟရဏဝိရဟိတ”န္တိ။ သဥတ္တရဉ္စိ ဝစနံ တေန
ဥတ္တရေန ပဋိဟာရိယတိ အတိဝိပရိဝတ္တိယတိ။ တတော ဧဝ နိယျာနဿ
ပဋိဟရဏမဂ္ဂဿ အဘာဝတော “အနိယျာနိက”န္တိ ဝတ္တဗ္ဗတံ လဘတိ။

၄၂၆။ ဝိလာသော လိဋ္ဌာ။ အာကပ္ပေါ ကေသဗန္ဓဝတ္ထဂ္ဂဟဏာဒိ-
အာကာရဝိသေသော၊ ဝေသသံဝိဓာနံ ဝါ။ အာဒိ-သဒ္ဓေန ဟာဝါဒိနံ သင်္ဂဟော
ဒဋ္ဌဗ္ဗော။ “ဟာဝါ”တိ စ စာတုရိယံ ဝေဒိတဗ္ဗံ။

တယောအတ္တပဋိလဘဝဏ္ဏနာ

၄၂၇။ အာဟိတော အဟံ မာနော ဧတ္တာတိ အတ္တာ၊ အတ္တဘာဝေါတိ
အာဟ “အတ္တပဋိလဘောတိ အတ္တဘာဝပဋိလဘော”တိ။ ကာမဘဝံ

ဒဿေတိ တဿ ဣတရဒ္ဓယတ္တဘာဝတော ဩဋ္ဌာရိကတ္တာ။ ဂူပဘဝံ ဒဿေတိ
ဈာနမနေန နိဗ္ဗတ္တံ ဟုတွာ ရူပိဘာဝေန ဥပလတ္တနတော။ သံကိလေသိကာ ဓမ္မာ
နာမ ဒွါဒသ အကုသလစိတ္တုပ္ပါဒါ တဒဘာဝေ ကဿစိ သံကိလေသဿာပိ
အသမ္ဘဝတော။ ဝေါဒါနိယာ ဓမ္မာ နာမ သမထဝိပဿနာ တာသံ ဝသေန
သဗ္ဗသော စိတ္တဝေါဒါနဿ သိဇ္ဈနတော။

၄၂၉။ ပဋိပက္ခဓမ္မာနံ အသမုစ္ဆေဒေ ပန န ကဒါစိပိ အနဝဇ္ဇဓမ္မာနံ ပါရိပူရိ၊
ဝေပုလ္လံ ဝါ သမ္ဘဝတိ၊ သမုစ္ဆေဒေ ပန သတိ ဧဝံ သမ္ဘဝတိတိ မဂ္ဂပညာ-
မလပညာ-ဂ္ဂဟဏံ။ တာ ဟိ သကိံ ပရိပုဏ္ဏာ ပရိပုဏ္ဏာ ဧဝံ အပရိဟာနဓမ္မတ္တာ။
တရုဏာပိတိတိ ဥပ္ပန္နမတ္တာ အလဒ္ဓါသေဝနာ ဒုဗ္ဗလာ ပီတိ။ မလဝတုဋ္ဌိတိ
ပုနပ္ပုနံ ဥပ္ပတ္တိယာ လဒ္ဓါသေဝနာ ဥပရိဝိသေသာမိဂမဿ ပစ္စယဘူတာ
ထိရတရာ ပီတိ။ “ယံ အဝေါဓုပ္ပာ”တိအာဒိသု အယံ သင်္ခေပတ္တော— ယံ
‘ဝေါဟာရံ “သံကိလေသိကဝေါဒါနိယဓမ္မာနံ ပဟာနာဘိဝုဒ္ဓိနိဋ္ဌံ ပညာယ
ပါရိပူရိဝေပုလ္လဘူတံ ဣမသ္မိံယေဝ အတ္တဘာဝေ အပရပုစ္စယေန ဉာဏေန
ပစ္စက္ခတော သမ္မာဒေတွာ ဝိဟရိဿတိ”တိ ကထယိမှ။ တတ္ထ တသ္မိံ ဝိဟာရေ
တဿ မမ ဩဝါဒကရဿ ဘိက္ခုနော ဧဝံ ဝုတ္တပ္ပကာရေန ဝိဟရဏနိမိတ္တံ
ပမောဒပ္ပဘာဝိတာ ပီတိ စ ဘဝိဿတိ၊ တဿာ စ ပစ္စယဘူတံ ပဿဒ္ဓိဒ္ဓယံ
သမ္မဒေဝ ဥပဋ္ဌိတာ သတိ စ ဥက္ကံသဂတံ ဉာဏဉ္စ တထာဘူတော စ သော
ဝိဟာရော။ သန္တပဏီတတာယ အတပ္ပကော အနညဿာဓာရဏော သုခ-
ဝိဟာရောတိ ဝတ္တဗ္ဗတံ အရဟတိတိ။

ပဌမဇ္ဈာနေ ပဋိလဒ္ဓမတ္တေ ဟိနဘာဝတော ပီတိ ဒုဗ္ဗလာ ပါမောဇ္ဇ-
ပက္ခိကာ၊ သုဝိဘာဝိတေ ပန တသ္မိံ ပဂုဏေ သာ ပဏီတာ မလဝ-
ဘာဝတော ပရိပုဏ္ဏကိစ္စာ ပီတိတိ ဝုတ္တံ “ပဌမဇ္ဈာနေ ပါမောဇ္ဇာဒယော
ဆဝိ ဓမ္မာ လန္တန္တိ”တိ။ “သုခေါ ဝိဟာရော”တိ ဣမိနာ သမာဓိ
ဂဟိတော။ သုခံ ဂဟိတန္တိ အပရေ၊ တေသံ မတေန သန္တသုခတာယ
ဥပေက္ခာ စတုတ္ထဇ္ဈာနေ “သုခ”န္တိ ဣစ္ဆိတာ၊ တေနာဟ “တထာ စတုတ္ထေ”တိ-
အာဒိ။ ပါမောဇ္ဇံ နိဝတ္တတိတိ ဒုဗ္ဗလပီတိသင်္ခါတံ ပါမောဇ္ဇံ ဆသု ဓမ္မေသု
နိဝတ္တတိ ဟာယတိ။ ဝိတက္ကဝိစာရက္ခောဘဝိရဟေန ဒုတိယဇ္ဈာနေ သဗ္ဗဒါ
ပီတိ မလဝတိ ဧဝံ ဟောတိ၊ န ပဌမဇ္ဈာနေ ဝိယ ကဒါစိ ဒုဗ္ဗလာ။ သုဒ္ဓိ-
ဝိပဿနာ ပါဒကဇ္ဈာနမေဝါတိ ဥပရိ မဂ္ဂံ အကထေတွာ ကေဝလံ ဝိပဿနာ-
ပါဒကဇ္ဈာနံ ကထိတံ။ စတူဟိ မဂ္ဂေဟိ သဒ္ဓိံ ဝိပဿနာ ကထိတာတိ

ဝိပဿနာယ ပါဒကဘာဝေန ဈာနာနိ ကထေတွာ တတော ပရံ ဝိပဿနာ-
 ပုဗ္ဗကာ စတ္တာရောပိ မဂ္ဂါ ကထိတာတိ အတ္ထော။ စတုတ္ထဇ္ဈာနိကဖလသမာပတ္တိ
 ကထိတာဘိ ပဌမဇ္ဈာနိကာဒိကာ ဖလသမာပတ္တိယော အကထေတွာ စတုတ္ထ-
 ဇ္ဈာနိကာ ဧဝ ဖလသမာပတ္တိ ကထိတာ။ ဝီတိဝေဝစနမေဝ ကတွာတိ ခြံ
 ဝီတိနံ ကေသ္မိံ စိတ္တုပ္ပါဒေ အနုပ္ပဇ္ဇနတော ပါမောဇ္ဇံ ဝီတိဝေဝစနမေဝ ကတွာ။
 ဝီတိသုခါနံ အပရိစ္စက္ကတ္တာ, “သုခေါ စ ဝိဟာရော”တိ သာတိသယဿ သုခ-
 ဝိဟာရဿ ဂဟိတတ္တာ စ ဒုတိယဇ္ဈာနိကဖလသမာပတ္တိ နာမ ကထိတာ။
 ကာမံ ပဌမဇ္ဈာနေပိ ဝီတိသုခါနိ လဗ္ဘန္တိ၊ တာနိ ပန ဝိတက္ကဝိစာရက္ခောဘေန
 န သန္တပဏီတာနိ၊ သန္တပဏီတာနိ စ ဣဓာမိပ္ပေတာနိ။

၄၃၂-၄၃၇။ ဝိဘာဝနတ္ထောတိ ပကာသနတ္ထော သရူပတော နိရူပနတ္ထော၊
 တေနာဟ “အယံ သော”တိအာဒိ။ နန္တိ ဩဋ္ဌာရိကံ အတ္တပဋိလာဘံ။ သပ္ပဋိ-
 ဟရဏန္တိ^၁ ပရေန စောဒိတဝစနေန သပရိဟာရံ သဥတ္တရံ။ တုန္တောတိ မုဿ
 အဘူတော။ သွေဝါတိ သော ဧဝ အတ္တပဋိလာဘော။ တသ္မိံ သမယေ
 ဟောတိတိ တသ္မိံ ပစ္စုပ္ပန္နသမယေ ဝိဇ္ဇမာနော ဟောတိ။ အတ္တပဋိလာ-
 ဘောတွေဝ နိယျာဓေသိ၊ န နံ သရူပတော နိဟရိတွာ ဒဿေသိ။ ရူပါဒယော
 စေတ္တ ဓမ္မာတိ ရူပဝေဒနာဒယော ဧဝ ဧတ္တ လောကေ သဘာဝဓမ္မာ။ အတ္တ-
 ပဋိလာဘောဘိ ပန ရူပါဒိကေ ပဉ္စက္ခန္ဓေ ဥပါဒါယ ပညတ္တိ၊ တေနာဟ
 “နာမမတ္တမေတ”န္တိ။ နာမပဏ္ဏတ္တိဝသေနာတိ၊ နာမဘူတပညတ္တိမတ္တတာ-
 ဝသေန။

၄၃၈။ ဧဝေ ပန ဝတွာတိ “အတ္တပဋိလာဘောတိ ရူပါဒိကေ ဥပါဒါယ
 ပညတ္တိမတ္တ”န္တိ ဣမမတ္တံ “ယသ္မိံ စိတ္တ သမယေ”တိအာဒိနာဝတွာ။ ပဋိပုစ္ဆိတွာ
 ဝိနယနတ္တန္တိ ယထာ ပရေ ပုစ္ဆေယျ၊ တေနာကာရေန ကာလဝိဘာဂတော
 ပဋိပဒါနိ ပုစ္ဆိတွာ တဿ အတ္တဿ ဣပနဝသေန ဝိနယနတ္တံ။ တသ္မိံ သမယေ
 သစ္စော အဟောသီတိ တသ္မိံ အတိတသမယေ ဥပါဒါနဿ ဝိဇ္ဇမာနတာယ
 သစ္စဘူတော ဝိဇ္ဇမာနော ဝိယ ဝတ္တဗ္ဗော အဟောသိ၊ န ပန အနာဂတော
 ဣဒါနိ ပစ္စုပ္ပန္နော ဝါ အတ္တပဋိလာဘော တဒုပါဒါနဿ တဒါ အဝိဇ္ဇမာနတ္တာ။
 ယေ ဧေ အတိတာ ဓမ္မာ အတိတသမယေ အတိတတ္တပဋိလာဘဿ ဥပါဒါန-
 ဘူတာ ရူပါဒယော။ ဧေ ဧေရဟိ နတ္တိ နိရုဒ္ဓတ္တာ။ တတော ဧဝ အဟေသုန္တိ
 သင်္ချံ ဂတာ။ တသ္မာတိ တသ္မိံယေဝ သမယေ လဗ္ဘနတော။ သောဝိ

၁-သပ္ပဋိဟရဏံ (၆) ၂-နာမပညတ္တိဝသေန (၆)

တဒုပါဒါနော မေ အတ္တပဋိလာဘော တသ္မိံယေဝ အတိတသမယေ သစ္စော ဘူတော ဝိဇ္ဇမာနော ဝိယ အဟောသိ။ အနာဂတပစ္စုပ္ပန္နာနန္တိ အနာဂတာ-
နဉ္စေဝ ပစ္စုပ္ပန္နာနဉ္စ ရူပဓမ္မာနံ ဥပါဒါနဘူတာနံ တဒါ တသ္မိံ အတိတ-
သမယေ အဘာဝါ တဒုပါဒါနော အနာဂတော ပစ္စုပ္ပန္နော စ အတ္တ-
ပဋိလာဘော တသ္မိံ အတိတသမယေ မောသော တုစ္ဆော မုဿာ နတ္ထိတိ
အတ္ထော။ နာမမတ္တမေဝါတိ သမညာမတ္တမေဝ။ အတ္တပဋိလာဘံ ပဋိဇာနာတိ
ပရမတ္တတော အနုပလဗ္ဗမာနတ္တာ။

“သေဝ နယော”တိ ဣမိနာ ယေ တေ အနာဂတာဓမ္မာ၊ တေ ဧတရဟိ
နတ္ထိ။ “ဘဝိဿန္တိ”တိ ပန သင်္ချံ ဂမိဿန္တိ၊ တသ္မာ သောပိ မေ အတ္တပဋိ-
လာဘော တသ္မိံယေဝ သမယေ သစ္စော ဘဝိဿတိ။ အတိတပစ္စုပ္ပန္နာနံ ပန
ဓမ္မာနံ တဒါ အဘာဝါ တသ္မိံ သမယေ မောသော အတိတော မောသော
ဗစ္စုပ္ပန္နော။ ယေ ဣမေ ပစ္စုပ္ပန္နာ ဓမ္မာ၊ တေ ဧတရဟိ အတ္ထိ၊ တသ္မာ ယောယံ
မေ အတ္တပဋိလာဘော၊ သော ဣဒါနိ သစ္စော။ အတိတာနာဂတာနံ ပန
ဓမ္မာနံ ဣဒါနိ အဘာဝါ တသ္မိံ သမယေ မောသော အတိတော မောသော
အနာဂတောတိ ဧဝံ အတ္တတော နာမမတ္တမေဝ အတ္တပဋိလာဘံ ပဋိဇာနာတိတိ
ဣမမတ္တံ အတိဒိသတိ။

၄၃၉-၄၄၃။ သံသန္တိတုန္တိ သမာနေတုံ။ ယသ္မိံ သမယေ ဒီရံ ဟောတိတိ
ယသ္မိံ ကာလေ ဘူတုပါဒါယသညိတံ ဥပါဒါနဝိသေသံ ဥပါဒါယ ဒီရပညတ္တိ
ဟောတိ။ န တသ္မိံ။ ပ။ ဂစ္ဆတိ ဒီရပညတ္တိဥပါဒါနဿ ဒမိအာဒိပညတ္တိယာ
အနုပါဒါနတော။ ပဋိနိယတဝတ္ထုကာဟိ ကော လောကသမညာ၊ တေနာဟ
“ယေ ဓဗ္ဗေ ဥပါဒါယာ”တိအာဒိ။ တတ္ထ သင်္ခါယတိ တောယာတိ သင်္ခါ၊
ပညတ္တိ။ နိဒ္ဒါရေတွာ ဝစန္တိ ဝဒန္တိ တောယာတိ နိရုတ္တိ။ နမန္တိ ဧတေနာတိ
နာမံ။ ဝေါဟရန္တိ ဧတေနာတိ ဝေါဟာရော၊ ပညတ္တိယေဝ။ သေ နယော
သပ္ပတ္တာတိ “ယသ္မိံ သမယေ”တိအာဒိနာ ဒီရေ ဝုတ္တနယံ ဒမိအာဒိသု
အတိဒိသတိ။

သမနုဇာနနမတ္တကာနိတိ “ဣဒံ ဒီရံ၊ ဣဒံ ဒမိ”တိအာဒိနာ တာဒိသေ
ဘူတုပါဒါယရူပဝိသေသေ လောကေ ပရမ္မရာဘတံ ပညတ္တိံ အပ္ပဋိက္ခိပိတွာ
သမနုဇာနနံ ဝိယ ပစ္စယဝိသေသဝိသိဋ္ဌံ ရူပါဒိဓန္ဓသမူဟံ ဥပါဒါယ “ဩဠာရိ-
ကော အတ္တပဋိလာဘော”တိ စ “မနောမယော အတ္တပဋိလာဘော”တိ စ

“အရူပေါ အတ္တပဋိလာဘော”တိ စ တထာ တထာ သမနုဇာနနမတ္တကာနိ၊
 န စ တဗ္ဗိနိမုတ္တော ဥပါဒါနတော အညော ကောစိ အတ္တော အတ္တိတိ
 အတ္တော။ နိရုတ္တိမတ္တကာနိတိ သဒ္ဓနိရုတ္တိယာ ဂဟဏူပါယမတ္တကာနိ။
 “သတ္တော ဖဿော”တိ ဟိ သဒ္ဓဂဟဏုတ္တရကာလံ တဒနုဝိဒ္ဓပဏ္ဏတ္တိဂဟဏ-
 မုခေနေဝ တဒတ္တာဝဗောဓော။ ဝစနပထမတ္တကာနိတိ တဿေဝ ဝေဝစနံ။
 ဝေါဟာရမတ္တကာနိတိ တထာ တထာ ဝေါဟာရမတ္တကာနိ။ နာမပဏ္ဏတ္တိ-
 မတ္တကာနိတိ တဿေဝ ဝေဝစနံ၊ တံတံနာမပညာပနမတ္တကာနိ။ သဗ္ဗမေတန္တိ
 “အတ္တပဋိလာဘော”တိ ဝါ “သတ္တော”တိ ဝါ “ပေါသော”တိ ဝါ သဗ္ဗမေတံ
 ဝေါဟာရမတ္တကံ ပရမတ္တတော အနုပလတ္တနတော၊ တေနာဟ “ယသ္မာ
 ပရမတ္တတော သတ္တော နာမ နတ္ထိ”တိအာဒိ။

ယဒိ ဧဝံ ကသ္မာ တံ ဗုဒ္ဓေဟိပိ ဝုစ္စတိတိ အာဟ “ဗုဒ္ဓါနံ ပန ဒွေ
 ကထာ”တိအာဒိ။ သမ္မုတိယာ ဝေါဟာရဿ ကထနံ သမ္မုတိကထာ။
 ပရမတ္တဿ သဘာဝဓမ္မဿ ကထနံ ပရမတ္တကထာ။ အနိစ္စာဒိကထာပိ
 ပရမတ္တသန္နိဿိတကထာ ပရမတ္တကထာတိ ကတွာ ပရမတ္တကထာ။ ပရမတ္တ-
 ဓမ္မော ဟိ “အနိစ္စော၊ ဒုက္ခော၊ အနတ္တာ”တိ စ ဝုစ္စတိ၊ န သမ္မုတိဓမ္မော။
 ကသ္မာ ပနေဝံ ဒုဝိဓော ဗုဒ္ဓါနံ ကထာပဝတ္တိတိ တတ္ထ ကာရဏမာဟ
 “တတ္ထ ဇယာ”တိအာဒိနာ။ ယသ္မာ ပရမတ္တကထာယ သစ္စသမ္ပုဋ္ဌိဝေဓော၊
 အရိယသစ္စကထာ စ သိခါပုတ္တာ ဒေသနာ၊ တသ္မာ ဝိနေယျပုဂ္ဂလဝသေန
 သမ္မုတိကထံ ကထေန္တောပိ ဘဂဝါ ပရမတ္တကထံယေဝ ကထေတိတိ အာဟ
 “တဿ ဘဂဝါ အာဒိတောဝ။ပ။ ကထေတိ”တိ၊ တေနာဟ “တထာ”တိ-
 အာဒိ၊ တေနဿ ကတ္ထစိ သမ္မုတိကထာပုဗ္ဗိကာ ပရမတ္တကထာ ဟောတိ
 ပုဂ္ဂလဇ္ဈာသံသဝသေန၊ ကတ္ထစိ ပရမတ္တကထာပုဗ္ဗိကာ သမ္မုတိကထာ။ ဣတိ
 ဝိနေယျဒမနကုသလဿ သတ္ထု ဝိနေယျဇ္ဈာသယဝသေန တထာ တထာ
 ဒေသနာပဝတ္တိတိ ဒဿေတိ။ သဗ္ဗတ္ထ ပန ဘဂဝါ ဓမ္မတံ အဝိဇ္ဇဟန္တော
 ဧဝ သမ္မုတိံ အနုဝတ္တတိ၊ သမ္မုတိံ အပရိစ္စဇန္တောယေဝ ဓမ္မတံ ဝိဘာဝေတိ၊
 န တတ္ထ အဘိနိဝေသာတိဓာဝနာနိ။ ဝုတ္တဉ္ဇေတံ “ဇနပဒနိရုတ္တိ” နာဘိနိဝိ-
 သေယျ၊ သမညံ နာတိဓာဝေယျာ”တိ။

ပဌမံ သမ္မုတိံ ကတွာ ကထနံ ပန ဝေနေယျဝသေန ယေဘုယျေန ဗုဒ္ဓါနံ
 အာစိဏ္ဏန္တိ တံ ကာရဏေန သဗ္ဗိံ ဒဿေန္တော “ပကတိယာ ပနာ”တိအာဒိ-
 မာဟ။ နန စ သမ္မုတိ နာမ ပရမတ္တတော အဝိဇ္ဇမာနတ္တာ အဘူတာ၊ တံ
 ကထံ ဗုဒ္ဓါ ကထေန္တိတိ အာဟ “သမ္မုတိကထံ ကထေန္တောပိ”တိအာဒိ။

သစ္စမေဝါတိ တထမေဝ။ သဘာဝမေဝါတိ သမ္မုတိဘာဝေန တံသဘာဝမေဝ၊
တေနာဟ “အမုသာဝါ”တိ။ ပရမတ္ထဿ ပန သစ္စာဒိဘာဝေ ဝတ္တဗ္ဗမေဝ
နတ္ထိ။

ဣမေသံ ပန သမ္မုတိပရမတ္တာနံ ကော ဝိသေသော? ယသ္မိံ ဘိန္ဒေ၊ ဗုဒ္ဓိယာ
ဝါ အဝယဝိနိဗ္ဗောဂေ ကတေ န တံသညာ၊ သော ဃာဠပဋ္ဌာဒိပ္ပဘေဒေါ
သမ္မုတိ၊ တဗ္ဗိပရိယာယတော ပရမတ္ထော။ န ဟိ ကက္ခန္ဓဖုသနာဒိသဘာဝေ
အယံ နယော လဗ္ဘတိ။ ဧဝံ သန္တေပိ ဝုတ္တနယေန သမ္မုတိပိ သစ္စသဘာဝါ
ဝေါတိ အာဟ “ဒုဝေ သစ္စာနိ အက္ခာသိ”တိအာဒိ။

ဣဒါနိ နေသံ သစ္စသဘာဝံ ကာရဏေန ဒဿေန္တော “သင်္ကေတဝစနံ
သစ္စ”န္တိ ဂါယမာဟ။ တတ္ထ သင်္ကေတဝစနံ သစ္စံ ဝိသံဝါဒနာဘာဝတော။ တတ္ထ
ဟေတုမာဟ “လောကသမ္မုတိကာရဏ”န္တိ။ လောကသိဒ္ဓါ ဟိ သမ္မုတိ
သင်္ကေတဝစနဿ အဝိသံဝါဒနတာယ ကာရဏံ။ ပရမော ဥတ္တမော အတ္ထော
ပရမတ္ထော၊ ဓမ္မာနံ ယထာဘူတသဘာဝေါ။ တဿ ဝစနံ သစ္စံ ယာထာဝတော၊
အဝိသံဝါဒနဝသေန စ ပဝတ္တနတော။ တတ္ထ ကာရဏမာဟ “ဓမ္မာနံ
ဘူတလက္ခဏ”န္တိ၊ သဘာဝဓမ္မာနံ ယော ဘူတော အဝိပရိတော သဘာဝေါ၊
တဿ လက္ခဏံ အင်္ဂနံ ဉှပနန္တိ ကတွာ။

ယဒိ တထာဂတော ပရမတ္ထသစ္စံ သမ္ဗဒေဝ အဘိသမ္ဗုဇ္ဈိတွာ ဌိတောပိ
လောကသမညံ ဂဟေတွာဝ ဝဒတိ၊ ကော ဧတ္ထ လောကီယမဟာဇနေဟိ
ဝိသေသောတိ အာဟ “ယာဟိ တထာဂတော ဝေါဟရတိ အပရာမာသ”န္တိ-
အာဒိ။ လောကီယမဟာဇနော အပ္ပဟိနပရာမာသတ္တာ “ဧတံ မမာ”တိ-
အာဒိနာ ပရာမသန္တော ဝေါဟရတိ၊ တထာဂတော ပန သဗ္ဗသော ပဟိန-
ပရာမာသတ္တာ အပရာမသန္တော ယသ္မာ လောကသမညာဟိ ဝိနာ လောကီ-
ယော အတ္ထော လောကေ ကေနစိ ဒုဝိညေယျော၊ တသ္မာ တာဟိ တံ
ဝေါဟရတိ။ တထာ ဝေါဟရန္တော ဧဝ စ အတ္တနော ဒေသနာဝိလာသေန
ဝေနေယျသတ္တေ ပရမတ္ထသစ္စေ ပတိဋ္ဌပေတိ။ ဒေသနံ ဝိနိဝဇ္ဇေတွာတိ
ဟေဋ္ဌာ ပဝတ္တိတကထာယ ဝိနိဝဇ္ဇေတွာ ဝိဝေစေတွာ ဒေသနံ “အပရာမာသ”န္တိ
တဏှာမာနပရာမာသပ္ပဟာနကိတ္တနေန အရဟတ္တနိက္ခုဋေန နိဋ္ဌာပေသိ။ ယံ
ယံ ပနေတ္ထ အတ္တတော န ဝိဘတ္တံ၊ တံ သုဝိညေယျမေဝ။

ပေါဋ္ဌပါဒသုတ္တဝဏ္ဏနာယ လိနတ္ထပ္ပကာသနာ။

၁၀-သုဘသုတ္တ

သုဘမာဏဝကဝတ္ထုဝတ္ထုနာ

၄၄၄။ “အဝိရပရိနိဗ္ဗုတေ”တိ သတ္ထု ပရိနိဗ္ဗုတဘာဝဿ စိရကာလတာ-
 ပဋိက္ခေပေန အာသန္နတာ ဒဿိတာ၊ ကာလပရိစ္ဆေဒေါ န ဒဿိတောတိ တံ
 ပရိစ္ဆေဒတော ဒဿေတုံ “ပရိနိဗ္ဗာနတော ဥဒ္ဓံ မာသမတ္တေ ကာလေ”တိ
 ဝုတ္တံ။ တတ္ထ ဗတ္တ-ဂ္ဂဟဏေန ကာလဿ အသမ္ပုဏ္ဏတံ ဇောတေတိ။ တုဒိသညိ-
 တော^၁ ဂါမော နိဝါသော တေဿာတိ တောဒေယျော^၂။ တံ ပနေသ ယသ္မာ
 သောဏဒဏ္ဍော ဝိယ စမ္ပံ၊ ကုဋဒန္တော ဝိယ စ ခါဏုမတံ အဇ္ဈာဝသတိ၊
 တသ္မာ ဝုတ္တံ “တဿ အဝိပတိတ္တာ”တိ၊ ဣဿရဘာဝတောတိ အတ္ထော။
 သမာဟာရန္တိ သန္တိစယံ။ ပဏ္ဍိတော သရမာဝသေတိ ယသ္မာ အပ္ပတရပ္ပတရေပိ
 ဝယမာနေ ဘောဂါ ခိယန္တိ၊ အပ္ပတရပ္ပတရေပိ သဗ္ဗိယမာနေ ဝဗုန္တိ၊ တသ္မာ
 ဝိညဇာတိကော ကိဉ္စိ ဝယံ အကတွာ အာယမေဝ ဥပ္ပါဒေန္တော သရာဝါသံ
 အနုတိဋ္ဌေယျာတိ လောဘာဒေသိတံ ပဋိပတ္တိံ^၃ ဥပဒိသတိ။

အဒါနမေဝ သိက္ခာပေတွာ လောဘာဘိက္ခုတတာယ တသ္မိံ^၄ယေဝ သရေ
 သုနခေါ ဟုတွာ နိဗ္ဗုတ္တိ။ လောဘဝသိကဿ ဟိ ဒုဂ္ဂတိ ပါဋိကန္တိ။ အတိဝိယ
 ဝိယာယတိ ပုဗ္ဗပရိစယေန။ ဝိဇ္ဇာယ ပါဝိသိ သုဘံ မာဏဝံ အနုဂ္ဂဏိတု-
 ကာမော။ နိရယေ နိဗ္ဗုတ္တိဿသိ^၅ ကတောကာသဿ ကမ္မဿ ပဋိဗာဟိတုံ
 အသက္ကုဏေယျဘာဝတော။

ဗြာဟ္မဏစာရိတ္တဿ ဘာဝိတတံ သန္ဓာယ၊ တထာ ဝိတရံ ဥက္ကံသေန္တော စ
 ‘ဗြဟ္မလောကေ နိဗ္ဗုတ္တော’တိ အာဟ။ တံ ပဝတ္တိံ^၆ ပုန္နိတိ သုတမေတံ မယာ
 “မယံ ဝိတာ သုနခေါ ဟုတွာ နိဗ္ဗုတ္တော”တိ တုမှဟိ ဝုတ္တံ၊ ကိမိဒံ သစ္စန္တိ
 ပုန္နိ။ တထေဝ ဝတွာတိ ယထာ ပုဗ္ဗေ သုနခဿ ဝုတ္တံ၊ တထေဝ ဝတွာ။
 အဝိသံဝါဒနတ္ထန္တိ သစ္စာပနတ္တံ၊ “တောဒေယျဗြာဟ္မဏော သုနခေါ ဟုတွာ
 နိဗ္ဗုတ္တော”တိ အတ္တနော ဝစနဿ အဝိသံဝါဒနတ္တံ အဝိသံဝါဒဘာဝဿ
 ဒဿနတ္ထန္တိ အတ္ထော။ သဗ္ဗံ ဒဿေသီတိ^၇ ပုဒ္ဓါနုဘာဝေန သော သုနခေါ
 တံ သဗ္ဗံ နေတွာ ဒဿေသိ၊ န ဇာတိဿရတာယ။ ဘဂဝန္တံ ဒိသ္မာ ဘုက္ကရဏံ
 ပန ပုရိမဇာတိသိဒ္ဓဝါသနာဝသေန။ ဖုဒ္ဓသ ပဉ္စေ ပုန္နိတွာတိ “ဒိဿန္တိ ဟိ

၁-ဘုရိသညိတော (ဗဟုသု)

၂-အဝိစိ ဂမိဿသိ (၆)

၂-တောရေယျော (ဗဟုသု)

၄-သဗ္ဗံ အာစိက္ခိ (၆)

ဘော ဂေါတမ မနဿာ အပ္ပါယုကာ၊ ဒိဿန္တိ ဒိဿာယုကာ။ ဒိဿန္တိ ဗဂ္ဂါဗာဓာ၊ ဒိဿန္တိ အပ္ပါဗာဓာ။ ဒိဿန္တိ ဒုဗ္ဗဏ္ဏာ၊ ဒိဿန္တိ ဝဏ္ဏဝန္တော။ ဒိဿန္တိ အပ္ပေသက္ခာ၊ ဒိဿန္တိ မဟေသက္ခာ။ ဒိဿန္တိ အပ္ပဘောဂါ၊ ဒိဿန္တိ မဟာဘောဂါ။ ဒိဿန္တိ နိစ္စကုလီနာ၊ ဒိဿန္တိ ဥစ္စာကုလီနာ။ ဒိဿန္တိ ဒုပ္ပညာ၊ ဒိဿန္တိ ပညဝန္တော”တိ^၁ ဣမေ စုဒ္ဒသ ပဉ္စေ ပုစ္ဆိတွာ။ အင်္ဂသုဘ-
တာယ ကိရေသ “သုဘော”တိ နာမံ လဘိ။

၄၄၅။ “**ကော စ မေ ကင်္ခါ အတ္ထိ**”တိ ဣမိနာ ဥပရိ ပုစ္ဆိယမာနဿ ပဉ္စဿ ပဂေဝ တေန အဘိသင်္ခတဘာဝံ ဒဿေတိ။ **ဝိသဘာဂဝေဒနာ**တိ ဒုက္ခဝေဒနာ။ သာ ဟိ ကုသလကမ္မနိဗ္ဗတ္တေ အတ္တဘာဝေ ဥပ္ပဇ္ဇနကသုခဝေဒနာ-
ပဋိပက္ခဘာဝတော “**ဝိသဘာဂဝေဒနာ**”တိ၊ ကာယံ ဂါဠာ ဟုတွာ ဗာဓေတိ ဝိဇ္ဇေတိတိ “**အာဗာဓော**”တိ စ ဝုစ္စတိ။ **ဧကဒေသေ** ဥပ္ပဇ္ဇိတွာတိ သရီရဿ ဧကဒေသေ ဥဋ္ဌိတာပိ **အယပဋ္ဌေန အာဗန္ဓိတွာ** ဝိယ ဂဏှာတိ အပရိဝတ္တ-
ဘာဝကရဏတော၊ ဧတေန ဗလဝရောဂေါ အာဗာဓော နာမာတိ ဒဿေတိ။ **ကိစ္ဆဇိဝိတကရော**တိ အသုခဇိဝိတာဝဟော၊ ဧတေန ဒုဗ္ဗလော အပ္ပမတ္တကော ရောဂေါ အာတဏှောတိ ဒဿေတိ။ **ဥဋ္ဌာနန္တိ** သယနနိသဇ္ဇာဒိတော ဥဋ္ဌဟနံ၊
တေန ယထာ တထာ အပရာပရံ သရီရဿ ပရိဝတ္တနံ ဝဒတိ။ **ဂရုကန္တိ** ဘာရိယံ ကိစ္ဆသိဒ္ဓိကံ^၂။ **ကာယေ ဗလံ န ဟောတိ**တိ ဧတ္ထာပိ “**ဂိလာနဿေ-
ဝါ**”တိ ပဒံ အာနေတွာ သမ္ပန္နိတဗ္ဗံ။ ဟေဋ္ဌာ စတူဟိ ပဒေဟိ အဗာသုဝိဟာရာ-
ဘာဝံ ပုစ္ဆိတွာ ဣဒါနိ ဗာသုဝိဟာရသဗ္ဗာဝံ ပုစ္ဆိတိ၊ တေန သဝိသေသော ဗာသုဝိဟာရော ပုစ္ဆိတောတိ ဒဋ္ဌဗ္ဗော အသတိပိ အဘိသယတ္ထဇောတနေ သဒ္ဓေ အဘိသယတ္ထဿ လဗ္ဘနတော ယထာ “**အဘိရူပါယ ဒေယျံ ဒါတဗ္ဗ**”န္တိ။

၄၄၇။ **ကာလဉ္စ သမယဉ္စ ဥပါဒါယာ**တိ ဧတ္ထ **ကာလော** နာမ ဥပသင်္က-
မနဿ ယုတ္တပတ္တကာလော၊ **သမယော** နာမ တဿေဝ ပစ္စယသာမဂ္ဂိ၊
အတ္တတော တဇ္ဇံ သရီရဗလဉ္စေဝ တပ္ပစ္စယပရိဿယာဘာဝေါ စ။ **ဥပါဒါနံ**
နာမ ဉာဏေန တေသံ ဂဟဏံ သလ္လက္ခဏန္တိ ဒဿေတုံ “**ကာလဉ္စာ**”တိအာဒိ
ဝုတ္တံ။ **ဖရိဿတိ**တိ ဝနိဿတိ။

၄၄၈။ **စေတိယရဋ္ဌေတိ** စေတိရဋ္ဌေ။ ယ-ကာရေန ဟိ ပဒံ ဝဓေတွာ ဝုတ္တံ။
စေတိရဋ္ဌတော အညံ ဝိသုယေဝေတံ ရဋ္ဌန္တိ စ ဝဒန္တိ။ **မရဏပဋိသံယုတ္တန္တိ**

၁-မ ၃-၂၄၃-ပိဋက။ ၂-အင်္ဂိစ္စသိဒ္ဓိကံ (အဘိနဝရိ)
ဒိ-ဒီ ၁-၂၅—န-ဗု-သ

မရဏံ နာမ တာဒိသာနံ ရောဂဝသေနေဝ ဟောတီတိ ယေန ရောဂေန တံ
 ဇာတံ၊ တဿ သရူပပုစ္ဆာ၊ ကာရဏပုစ္ဆာ၊ မရဏဟေတုကစိတ္တသန္တာပပုစ္ဆာ၊
 တဿ စ သန္တာပဿ သဗ္ဗလောကသာဓာရဏတာ၊ တထာ မရဏဿ စ
 အပ္ပတိကာရတာတိ ဧဝမာဒိနာ မရဏပဋိသံယုတ္တံ သမ္မောဒနီယံ ကထံ
 ကထေသီတိ ဒဿေတုံ “ဘော အာနန္ဒာ”တိအာဒိ ဝုတ္တံ။ န ရန္တဂဝေသီ
 မာရော ဝိယ၊ န ဝိမံသနာဓိပ္ပါယော ဥတ္တရမာဏဝေါ ဝိယာတိ အဓိပ္ပါယော။
 ယေသု ဓမ္မေသုတိ ဝိမောက္ခုပါယေသု နိယျာနဓမ္မေသု။ ဓရန္တိတိ တိဋ္ဌန္တိ၊
 ပဝတ္တန္တိတိ အတ္ထော။

၄၄၉။ အတ္ထပ္ပယုတ္တတာယ သဒ္ဓပယောဂဿ သဒ္ဓပ္ပဗန္ဓလက္ခဏာနိ တိဏိ
 ပိဋကနိ တဒတ္တဘူတေဟိ သီလာဒိဟိ ဓမ္မက္ခန္ဓေဟိ သင်္ဂယန္တိတိ ဝုတ္တံ “တိဏိ
 ပိဋကနိ တိဟိ ခန္ဓေဟိ သင်္ဂဟေတွာ”တိ။ သဒ္ဓိတ္တေန ကထိတန္တိ “တိဏ္ဍံ
 ခန္ဓာန”န္တိ ဧဝံ ဂဟဏတော၊ သာမညတော စာတိ သင်္ခေပေနေဝ ကထိတံ။
 “ကတမေသံ တိဏ္ဍ”န္တိ အယံ အဒိဋ္ဌဇောတနာ ပုစ္ဆာ၊ န ကထေတုကမျတာ
 ပုစ္ဆာတိ ဝုတ္တံ “ဝိတ္ထာရတော ပုစ္ဆိဿာမီ”တိ ဖိန္တေတွာ ‘ကတမေသံ တိဏ္ဍ’န္တိ
 အာဟာ”တိ။ ကထေတုကမျတာဘာဝေ ပနဿ ထေရဿ ဝစနတာ သိယာ။

သီလက္ခန္ဓဝဏ္ဏနာ

၄၅၀-၄၅၃။ သီလက္ခန္ဓဿာတိ ဣတ္ထ ဣတိ-သဒ္ဓေါ အာဒိအတ္ထော၊ ပကာ-
 ရတ္ထော ဝါ၊ တေန “အရိယဿ သမာဓိက္ခန္ဓဿ။ပ။ ပတိဋ္ဌာပေသီ”တိ အယံ
 ဣတ္ထကော ပါဌော ဒဿိတောတိ ဒဋ္ဌဗ္ဗံ၊ တေနာဟ “တေသု ဒဿိတေသု”တိ၊
 ဥဒ္ဓေသဝသေနာတိ အဓိပ္ပါယော။ ဘဂဝတာ ဝုတ္တနယေနောဝါတိ သာမည-
 ဖလဒေသနာဒိသု ဘဂဝတာ ဒေသိတနယေနော၊ တေနဿ သုတ္တဿ
 သတ္တုဘာသိတဘာဝံ ဇိနဝစနဘာဝံ ဒဿေတိ။ သာသနေ န သီလမေဝ
 သာရောတိ အရိယမဂ္ဂသာရေ ဘဂဝတော သာသနေ ယထာဒဿိတံ သီလံ
 သာရော ဧဝ န ဟောတိ သာရဝတော မဟတော ရုက္ခဿ ပပဋိကဋ္ဌာနိယတ္တာ။
 ယဒိ ဧဝံ ကသ္မာ ဣဓ ဂဟိတန္တိ အာဟ “ကေဝလဗြေတံ ပတိဋ္ဌာမတ္တကမေ-
 ဝါ”တိ။ ဈာနာဒိဥတ္တရိမနုဿဓမ္မေ အဓိဂန္တုကာမဿ အဓိဋ္ဌာနမတ္တံ တတ္ထ
 အပ္ပတိဋ္ဌိတဿ တေသံ အသမ္ဘဝတော။ အထ ဝါ န သီလမေဝ သာရောတိ
 ကာမဗြေတ္တ သာသနေ “မဂ္ဂသီလံ၊ ဖလသီလ”န္တိ ဣဒံ လောကုတ္တရသီလမ္ပိ
 သာရမေဝ၊ တထာပိ န သီလက္ခန္ဓော ဧဝ သာရော၊ အထ ခေါ သမာဓိက္ခန္ဓောပိ

ပညာက္ခန္ဓောပိ သာရော ဧဝါတိ ဧဝမေတ္ထ အတ္ထော ဒဋ္ဌဗ္ဗော။ ပုရိမော ဧဝ သာရော၊ တေနာဟ “ဣတော ဥတ္တရီ”တိ အာဒိ။

သမာဓိက္ခန္ဓဝဏ္ဏနာ

၄၅၄။ ကသ္မာ ပနေတ္ထ ထေရော သမာဓိက္ခန္ဓံ ပုဋ္ဌော ဣန္ဒြိယသံဝရာဒိကေ ဝိဿဇ္ဇေသိ၊ နန ဧဝံ သန္တေ အညံ ပုဋ္ဌော အညံ ဗျာကရေန္တော အမ္ပံ ပုဋ္ဌော လဗုဇံ ဗျာကရေန္တော ဝိယ ဟောတိတိ ဤဒိသိ စောဒနာ ဣဓ အနောကာ-
သာတိ ဒဿေန္တော “ကထဉ္စ မာဏဝ ဘိက္ခု။” ၂။ သမာဓိက္ခန္ဓံ ဒဿေတု-
ကာမော အာရဘိ”တိ အာဟ၊ တေနတ္ထ ဣန္ဒြိယသံဝရာဒယောပိ သမာဓိ-
ဥပကာရတံ ဥပါဒါယ သမာဓိက္ခန္ဓပက္ခိကာနိ ဥဒ္ဓိဋ္ဌာနိတိ ဒဿေတိ။
ရူပဈာနာနေဝ အာဂတာနိ၊ န အရူပဈာနာနိ ရူပါဝစရစတုတ္ထဈာန-
ဒေသနာနန္တရံ အဘိညာဒေသနာယ အဝသရေတိ ကတွာ။ ရူပါဝစရ-
စတုတ္ထဈာနပါဒိကာ ဟိ သပရိဘဏ္ဍာ ဆပိ အဘိညာယော။ လောကီယာ
အဘိညာ ပန သိဈမာနာ ယသ္မာ အဋ္ဌသု သမာပတ္တိသု စုဒ္ဓသဝိနေ စိတ္တ-
ပရိဒမနေန ဝိနာ န ဣဇ္ဈန္တိ၊ တသ္မာ အဘိညာသု ဒေသိယမာနာသု အရူပဈာ-
နာနိပိ ဒေသိတာနေဝ ဟောန္တိ နာနန္တရိယဘာဝတော၊ တေနာဟ
“အာနေတွာ ပန ဒီပေတဗ္ဗာနိ”တိ၊ ဝုတ္တနယေန ဒေသိတာနေဝ ကတွာ
သံဝဏ္ဏကေဟိ ပကာသေတဗ္ဗာနိတိ အတ္ထော။ အဋ္ဌကထာယံ ပန “စတုတ္ထဈာနံ
ဥပသမ္ပဇ္ဇ ဝိဟရတိ”တိ ဣဓိနာဝ အရူပဈာနမ္ပိ သင်္ဂဟိတန္တိ ဒဿေတုံ
“စတုတ္ထဈာနေန ဟိ”တိအာဒိ ဝုတ္တံ။ စတုတ္ထဈာနဉ္စိ ရူပဝိရာဂဘာဝနာဝသေန
ပဝတ္တံ “အရူပဈာန”န္တိ ဝုစ္စတိတိ။

၄၇၁-၄၈၀။ န စိတ္တေကဂ္ဂတာမတ္တကေနောတိ ဧတ္ထ ဟေဋ္ဌာ ဝုတ္တနယာ-
နုသာရေန အတ္ထော ဝေဒိတဗ္ဗော။ လောကီယဿ သမာဓိက္ခန္ဓဿ အဓိပ္ပေ-
တတ္တာ “န စိတ္တေ။” ၂။ အတ္ထိ”တိ ဝုတ္တံ။ အရိယ-သဒ္ဓေါ စေတ္ထ သုဒ္ဓပရိယာယော၊
န လောကုတ္တရပရိယာယော။ တထာ ဟေဋ္ဌာပိ လောကီယာဘိညာ-
ပဋိသန္တိဒါဟိ ဝိနာဝ အရဟတ္တေ အဓိဂတေ နတ္ထေဝ ဥတ္တရိကရဏီယန္တိ
သက္ကာ ဝတ္တု ယဒတ္ထံ ဘဂဝတိ ဗြဟ္မစရိယံ ဝုဿတိ၊ တဿ သိဒ္ဓတ္တာ။ ဣဓ ပန
လောကီယာဘိညာပိ အာဂတာ ဧဝ။ သေသံ သုဝိညေယျမေဝ။

သုဘသုတ္တဝဏ္ဏနာယ လိနတ္ထပ္ပကာသနာ။

၁၁-ကေဝဋ္ဌသုတ္တ

ကေဝဋ္ဌဂဟပတိပုတ္တဝတ္ထဝဏ္ဏနာ

၄၈၁။ ပါဝါရိကဗ္ဗဝနေတိ ပါဝါရိကသေဠိနော အဗ္ဗဗဟုလေ ဥပဝနေ။
 တံ ကိရ သော သေဠိ ဘဂဝတော အနုစ္ဆရိကံ ဂန္ဓကုဋ်၊ ဘိက္ခုသံဃဿ စ
 ရတ္တိဋ္ဌာနဒိဝါဋ္ဌာနကုဋ်မဏ္ဍပါဒိနိ သမ္မာဒေတွာ ပါကာရပရိက္ခိတ္တံ ဒွါရ-
 ကောဠကသမ္ဗန္ဓံ ကတွာ ဗုဒ္ဓပ္ပမုခဿ သံဃဿ နိယျာတေသိ၊ ပုရိမ-
 ဝေါဟာရေန ပန “ပါဝါရိကဗ္ဗဝန”န္တိ ပုစ္ဆတိ၊ တသ္မိံ ပါဝါရိကဗ္ဗဝနေ။
 ကေဝဋ္ဌောတိ ဣဒံ တဿ နာမံ ကေဝဋ္ဌေဟိ သံရက္ခိတတ္တာ၊ တေသံ ဝါ သန္တိ-
 ကေ သံဝရိတတ္တာတိ ကေစိ။ “ဂဟပတိပုတ္တဿာ”တိ ဧတ္ထ ကာမံ တဒါ သော
 ဂဟပတိဋ္ဌာနေ ဌိတော၊ ပိတု ပနဿ အစိရကာလံကတတာယ ပုရိမ-
 သမညာယ “ဂဟပတိပုတ္တော”တွေဝ ဝေါဟရိယတိ၊ တေနာဟ “ဂဟပတိ-
 မဟာသာလော”တိ။ မဟာဝိဘဝတာယ မဟာသာရော၊ ဂဟပတိတိ
 အတ္ထော ရ-ကာရဿ လ-ကာရံ ကတွာ “မဟာသာလော သုခုမာလော
 အဟ”န္တိအာဒိသု^၁ ဝိယ။ သဒ္ဓါသပ္ပန္နောတိ^၂ ပေါထုဇ္ဇနိကာယ သဒ္ဓါယ
 ဝသေန သဒ္ဓါသမန္တာဂတော။

သမိဒ္ဓါတိ သမ္မဒေဝ ဣဒ္ဓါ၊ ဣဒ္ဓိယာ ဝိဘဝသမ္ပတ္တိယာ ဝေပုလ္လပ္ပတ္တာတိ
 အတ္ထော။ “ဧဟိ တံ ဘိက္ခု အန္တဒ္ဓမာသံ၊ အနုမာသံ၊ အနုသံဝစ္ဆရံ ဝါ မနုဿာနံ
 ပသာဒါယ ဣဒ္ဓိပါဠိဟာရိယံ ကရောဟိ”တိ ကေဿ ဘိက္ခုနော အာဏာပနံ
 တသ္မိံ ဌာနေ တဿ ဌပနံ နာမ ဟောတိတိ အာဟ “ဌာနန္တရေ
 ဌပေတူ”တိ။ ဥတ္တရိမနုဿာနံ ဓမ္မတောတိ ဥတ္တရိမနုဿာနံ ဗုဒ္ဓါဒိနံ အဓိဂမ-
 ဓမ္မတော။ နိဒ္ဓါရဏေ စေတံ နိဿက္ကံ။ ဣဒ္ဓိပါဠိဟာရိယံ တတော နိဒ္ဓါရေတိ။
 မနုဿဓမ္မတော ဥတ္တရိတိ ပကတိမနုဿဓမ္မတော ဥပရိ။ ပဇ္ဇလိတပဒိပေါတိ
 ပဇ္ဇလန္တော ပဒိပေါ။

၄၈၂။ န ခံသေမီတိ ဂုဏသမ္ပတ္တိတော န စာဝေမိ၊ တေနာဟ “သီလ-
 ဘေဒ”န္တိအာဒိ။ ဝိဿာသံ ဝဇေတွာ ဘဂဝတိ အတ္တနော ဝိဿတ္တဘာဝံ
 မြူဟေတွာ ဝိဘူတံ ပါကဋံ ကတွာ။

ဣဒ္ဓိပါဠိဟာရိယဝဏ္ဏနာ

၄၈၃-၄။ အာဒိနဝန္တိ ဒေါသံ။ ဂန္ဓာရိတိ စူဠဂန္ဓာရိ၊ မဟာ-
ဂန္ဓာရိတိ ဒွေ ဂန္ဓာရိဝိဇ္ဇာ။ တတ္ထ စူဠဂန္ဓာရိ နာမ တိဝဿတော ဩရံ
မတာနံ သတ္တာနံ ဥပပန္နဋ္ဌာနဇာနနဝိဇ္ဇာ။ မဟာဂန္ဓာရိ တမ္ပိ ဇာနာတိ
တတော ဥတ္တရိပိ ဣဒ္ဓိဝိဓဉာဏကပ္ပံ ယေဘုယျေန ဣဒ္ဓိဝိဓကိစ္စံ သာဓေတိ။
တဿာ ကိရ ဝိဇ္ဇာယ သာဓကော ပုဂ္ဂလော တာဒိသေ ဒေသကာလေ မန္တံ
ပရိဇဉ္ဇိတော မဟုဓာပိ အတ္တာနံ ဒဿေတိ၊ ဟတ္ထိအာဒိနိပိ ဒဿေတိ၊ ဒဿနိ-
ယောပိ ဟောတိ၊ အဂ္ဂိထမ္ဘမ္ပိ ကရေတိ၊ ဇလထမ္ဘမ္ပိ ကရေတိ၊ အာကာ-
သေပိ အတ္တာနံ ဒဿေတိ။ သဗ္ဗံ ဣန္ဒြဇာလသဒိသံ ဒဋ္ဌဗ္ဗံ။ အဇ္ဈောတိ ဒုက္ခိတော
ဗာမိတော၊ တေနာဟ “ဝိဋ္ဌိတော”တိ။

အာဒေသနာပါဠိဟာရိယဝဏ္ဏနာ

၄၈၅။ ကာမံ “စေတသိက”န္တိ ပဒံ ယေ စေတသိ နိယုတ္တာ စိတ္တေန
သမ္ပယုတ္တာ၊ တေသံ သာဓာရဏဝစနံ၊ သာဓာရဏေ ပန ဂဟိတေ စိတ္တ-
ဝိသေသော ဂဟိတောဝ ဟောတိ၊ သာမညဇောတနာ စ ဝိသေသေ
အဝတိဋ္ဌတိတိ စေတသိကဂ္ဂဟဏဿ အဓိပ္ပါယ် ဝိဝရန္တော “သောမနဿ-
ဒေါမနဿံ အဓိပ္ပေတ”န္တိ အာဟ။ သောမနဿဂ္ဂဟဏေန စေတ္ထ
တဒေကဋ္ဌာ ရာဂါဒယော၊ သဒ္ဓါဒယော စ ဒဿိတာ ဟောန္တိ၊ ဒေါမန-
ဿဂ္ဂဟဏေန ဒေါသာဒယော။ ဝိတက္ကဝိစာရာ ပန သရူပေနေဝ ဒဿိတာ။
ဧဝံ တဝ မနောတိ ဣမိနာ အာကာရေန တဝ မနော ပဝတ္ထောတိ
အတ္ထော။ ကေန ပကာရေန ပဝတ္ထောတိ အာဟ “သောမနဿိတော ဝါ”တိ-
အာဒိ။ “ဧဝံ တဝ မနော”တိ ဣဒံ ပန သောမနဿိတတာဒိမတ္တဒဿနံ၊ န ပန
ယေန ယေန သောမနဿိတော ဝါ ဒေါမနဿိတော ဝါ၊ တံတံဒဿနံ။
ဒုတိယန္တိ “ဣတ္ထမ္ပိ တေ မနော”တိ ဣဒံ။ ဣတိဝိတိ ဧတ္ထ ဣတိ-သဒ္ဓေါ နိဒဿ-
နတ္ထော “အတ္ထိတိ ခေါ ကစ္စာန အယမေကော အန္တော”တိအာဒိသု၊ ဝိယ၊
တေနာဟ “ဣမဉ္ဇ ဣမဉ္ဇ အတ္ထံ ဖိန္တယမာန”န္တိ။ ဝိ-သဒ္ဓေါ ဝုတ္တတ္ထသမ္ပိဏ္ဏ-
နတ္ထော။ ပရဿ ဖိန္တံ မနတိ ဇာနာတိ ဧတေနာတိ ဖိန္တာမဏိ။ တဿာ ကိရ
ဝိဇ္ဇာယ သာဓကော ပုဂ္ဂလော တာဒိသေ ဒေသကာလေ မန္တံ ပရိဇဉ္ဇိတော
ယဿ စိတ္တံ ဇာနိတုကာမော၊ တဿ ဒိဋ္ဌသုတာဒိဝိသေသသဉ္ဇာနနမုခေန

စိတ္တာစာရံ အနုမိနန္တော ကထေတိတိ ကေစိ။ အပရေ “ဝါစံ နိစ္ဆရာပေတွာ တတ္ထ အက္ခရသလ္လက္ခဏဝသေနာ”တိ ဝဒန္တိ။

အနုသာသနိပါဠိဟာရိယဝဏ္ဏနာ

၄၈၆။ ပဝတ္တန္တာတိ ပဝတ္တနကာ ဟုတွာ၊ ပဝတ္တနဝသေနာတိ အတ္ထော။ “ဝေ”န္တိ ဟိ ပဒံ ယထာနုသိဋ္ဌာယ အနုသာသနိယာ ဝိမိဝသေန၊ ပဋိသေဝေသေန စ ပဝတ္တိအာကာရပရာမသနံ၊ သာ စ သမ္မာဝိတက္ကာနံ၊ မိစ္ဆာဝိတက္ကာနန္တ ပဝတ္တိအာကာရဒဿနဝသေန ပဝတ္တတိ တတ္ထ အာနိသံသဿ၊ အာဒိနဝဿ စ ဝိဘာဝနတ္ထံ။ အနိစ္စသညဗေဝ၊ န နိစ္စသညန္တ အတ္ထော။ ပဋိယောဂိနိဝတ္တနတ္ထဉ္စိ ဝေ-ကာရဂ္ဂဟဏံ။ ဣဓာပိ ဝေ-သဒ္ဓဂ္ဂဟဏဿ အတ္ထော၊ ပယောဇနန္တ ဂုတ္တ-နယေနဝ ဝေဒိတဗ္ဗံ။ ဣဒံ-ဂဟဏေဝိ ဧသေဝ နယော။ ပဉ္စကာမဂုဏိကရာဂန္တိ နိဒဿနမတ္ထံ ဒဋ္ဌဗ္ဗံ တဒညရာဂဿ၊ ဒေါသဒိနန္တ ပဟာနဿ ဣတ္ထိတက္ကာ၊ တပ္ပဟာနဿ စ တဒညရာဂါဒိဓေပနဿ ဥပါယဘာဝတော တထာ ဂုတ္တံ ဒုဋ္ဌလောဟိတဝိမောစနဿ ပုဗ္ဗဒုဋ္ဌမံသဓေပနူပါယတာ ဝိယ။ လောကုတ္တရ-ဓမ္မဗေဝါတိ အာဓာရဏံ ပဋိပက္ခဘာဝတော သာဝဇ္ဇဓမ္မနိဝတ္တနပရံ ဒဋ္ဌဗ္ဗံ တဿာမိဂမူပါယာနိသံသဘူတာနံ တဒညေသံ အနဝဇ္ဇဓမ္မာနံ နာနန္တရိယ-ဘာဝတော။ ဣဒ္ဓိဝိဓံ ဣဒ္ဓိပါဠိဟာရိယန္တိ ဒဿေတိ ဣဒ္ဓိဒဿနေန ပရသန္တာနေ ပသာဒါဒိနံ ပဋိပက္ခဿ ဟရဏတော။ ဣမိနာ နယေန သေသပဒဒ္ဓယေဝိ အတ္ထော ဝေဒိတဗ္ဗော။ သတတံ ဓမ္မဒေသနာတိ^၁ သဗ္ဗကာလံ ဒေသေတဗ္ဗဓမ္မ-ဒေသနာ။

ဣဒ္ဓိပါဠိဟာရိယေနာတိ သဟယောဂေ ကရဏဝစနံ၊ ဣဒ္ဓိပါဠိဟာရိယေန သဒ္ဓိန္တိ အတ္ထော။ အာဒေသနာပါဠိဟာရိယေနာတိ ဣဿာပိ ဧသေဝ နယော။ ဓမ္မသေနာပတိဿ အာစိဏ္ဏန္တိ ယောဇနာ။ “စိတ္တာစာရံ ဥတွာ”တိ ဣမိနာ အာဒေသနာပါဠိဟာရိယံ ဒဿေတိ၊ “ဓမ္မံ ဒေသေသီ”တိ ဣမိနာ အနုသာသနိ-ပါဠိဟာရိယံ။ “ဗုဒ္ဓါနံ သတတံ ဓမ္မဒေသနာ”တိ အနုသာသနိပါဠိဟာရိယဿ တတ္ထ သာတိသယတာယ ဂုတ္တံ။ သဥပါရန္တာနိ ပတိရူပေန ဥပါရန္တိ တဗ္ဗတော။ သဒေါသနိ ဒေါသသမုတ္တိန္တနဿ အနုပါယဘာဝတော။ သဒေါသတ္တာ ဝေ အဒ္ဓါနံ န တိဋ္ဌန္တိ စိရကာလဋ္ဌာယိနိ န ဟောန္တိ။ အဒ္ဓါနံ အတိဋ္ဌနတော န နိယုန္တိတိ ဖလေန ဟေတုနော အနုမာနံ။ အနိယျာနိကတာယ ဟိ တာနိ အနုဒ္ဓနိယာနိ။ အနုသာသနိပါဠိဟာရိယံ အနုပါရန္တိ ဝိသုဒ္ဓိပ္ပဘာဝတော၊

၁-ဓမ္မဒေသနန္တိ (ဗဟုသု)

ဝိသုဒ္ဓိနိဿယတော စ။ တတော ဧဝ နိဗ္ဗေါသံ။ န ဟိ တတ္ထ ပုဗ္ဗာပရိရော-
ဓာဒိဒေါသသမ္ဘဝေါ။ နိဗ္ဗေါသတ္တာ ဧဝ အဗ္ဗါနံ တိဋ္ဌတိ ပရဝါဒဝါတေဟိ၊
ကိလေသဝါတေဟိ စ အနုပဟန္တဗ္ဗတော။ တသ္မာတိ ယထာဝုတ္တကာရဏတော၊
တေန သဥပါရမ္ဘာဒိ၊ အနုပါရမ္ဘာဒိဇ္ဇာတိ ဥဘယံ ဥဘယတ္ထ ယထာက္ခမံ
ဂါရယုပါသံသဘာဝါနံ ဟေတုဘာဝေန ပစ္စာမသတိ။

ဘူတနိရောဓသေကဝတ္ထုဝဏ္ဏနာ

၄၈၇။ အနိယျာနိကဘာဝဒဿနတ္ထံ ယသ္မာ မဟာဘူတပရိယေသကော
ဘိက္ခု ပုရိမေသု ဋီသု ပါဠိဟာရိယေသု ဝသိပ္ပတ္တော ကုသလောပိ သမာနော
မဟာဘူတာနံ အပရိယေသနိရောဓသင်္ခါတံ နိဗ္ဗာနံ နာဝဗုဏ္ဏိ။ တသ္မာ တာနိ
နိယျာနာဝဟတာဘာဝတော အနိယျာနိကာနီတိ တေသံ အနိယျာနိက-
ဘာဝဒဿနတ္ထံ။ တတိယံ ပန တက္ကရဿ ဧကန္တတော နိယျာနာဝဟန္တိ
ဝံသေဝံ နိယျာနိကဘာဝဒဿနတ္ထံ။

ဧဝမေတိဿာ ဒေသနာယ မုချပယောဇနံ ဒဿေတွာ ဣဒါနိ အနုသင်္ဂါကမ္ပိ
ဒဿေတုံ “အဝိဇာ”တိအာဒိ အာရဒ္ဓံ။ မဟာဘူတေ ပရိယေသန္တောတံ
အပရိယေသံ နိရုဇ္ဈနဝသေန မဟာဘူတေ ဂဝေသန္တော၊ တေသံ အနဝသေသ-
နိရောဓံ ဝိမံသန္တောတိ အတ္ထော။ ဝိစရိတွာတိ ဓမ္မတာယ စောဒိယမာနော
ဝိစရိတွာ။ ဓမ္မတာသိဒ္ဓိံ ကိရေတံ၊ ယဒိဒံ တဿ ဘိက္ခုနော တထာ ဝိစရဏံ၊
ယထာ အဘိဇာတိယံ မဟာပထဝိကမ္ပာဒိ။ မဟန္တဘာဝပ္ပကာသနတ္ထံ
သဒေဝကေ လောကေ အနညဿာဓာရဏဿ ပုဗ္ဗါနံ မဟန္တဘာဝဿ
မဟာနုဘာဝတာယ ဒီပနတ္ထံ။ ဣဒဉ္စ ကာရဏန္တိ သဗ္ဗေသမ္ပိ ပုဗ္ဗါနံ သာသနေ
ဤဒိသော ဧကော ဘိက္ခု တဒါနုဘာဝပ္ပကာသနော ဟောတီတိ ဣမမ္ပိ ကာရဏံ
ဒဿေန္တော။

ကတ္တာတိ နိမိတ္တေ ဘုမ္မံ၊ တသ္မာ ကတ္တာတိ ကိသ္ဗိံ ဌာနေ ကာရဏ-
ဘူတေ။ ကိံ အာဂမ္မာတိ ကိံ အာရမ္မဏံ ပစ္စယဘူတံ အဓိဂန္တော၊ တေနာဟ
“ကိံ ပတ္တဿာ”တိ။ တေတိ မဟာဘူတာ။ အပ္ပဝတ္တိဝသေနာတိ အနုပ္ပဇ္ဇန-
ဝသေန။ သဗ္ဗာကာရေနာတိ ဝစနတ္ထလက္ခဏာဒိသမုဋ္ဌာနကလာပစုဏ္ဏနာ-
နတ္ထေကတ္တဝိနိဗ္ဗောဂါဝိနိဗ္ဗောဂသဘာဝဝိသဘာဝအဇ္ဈတ္တိကဗာဟိရ သင်္ဂဟ-
ပစ္စယသမန္နာဟာရပစ္စယဝိဘာဂါကာရတော၊ သသမ္ဘာရသင်္ခေပသသမ္ဘာရ-
ဝိဘတ္တိသလက္ခဏသင်္ခေပသလက္ခဏဝိဘတ္တိအာကာရတော စာတိ သဗ္ဗေန
အာကာရေန။

၄၈၈။ ဒိဗ္ဗန္တိ ဧတ္ထ ပဉ္စဟိ ကာမဂုဏေဟိ သမင်္ဂိဘူတာ ဟုတွာ ဝိစရန္တိ၊
 ကိဋ္ဌန္တိ၊ ဇောတန္တိ စာတိ ဒေဝေါ၊ ဒေဝလောကော။ တံ ယန္တိ ဥပဂစ္ဆန္တိ
 ဧတေနာတိ ဒေဝယာနိယော။ ဝသံ ဝတ္တေန္တောတိ ဧတ္ထ ဝသဝတ္တနံ နာမ
 ယထိစ္ဆိတဋ္ဌာနဂမနံ။ စတ္တာရော မဟာရာဇာနော ဧတေသံ ဣဿရာတိ
 စာတုမဟာရာဇိကာ။ ယာ ဒေဝတာ မဂ္ဂဗလလာဘိနော၊ တာ တမတ္ထံ ကေ-
 ဒေသေန ဇာနေယျံ၊ ဗုဒ္ဓဝိသယော ပနာယံ ပညောတိ စိန္တေတွာ “န ဇာနာ-
 မာ”တိ အာဟံသု၊ တေနာဟ “ဗုဒ္ဓဝိသယေ”တိအာဒိ။ အဇ္ဈောတ္တရဏံ
 နာမေတ္ထ နိပိဋ္ဌနန္တိ အာဟ “ပုနပ္ပုနံ ပုစ္ဆတိ”တိ။ အဘိက္ကန္တတရာတိ ရူပ-
 သမ္ပတ္တိယာ စေဝ ပညာပဋိဘာနာဒိဂုဏေဟိ စ အမှေ အဘိဘုယျ ပရေသံ
 ကာမနိယတရာ။ ပဏိတတရာတိ ဥဋ္ဌာရတရာ၊ တေနာဟ “ဥတ္တမတရာ”တိ။

၄၉၁-၃။ ဒေဝယာနိယသဒိသော ဣဒ္ဓိဝိဗြေဏဿေဝ အဓိပ္ပေတတ္တာ။
 “ဒေဝယာနိယမဂ္ဂေါတိ ဝါ။ပ။ သဗ္ဗမေတံ ဣဒ္ဓိဝိဗြေဏဿေဝ နာမ”န္တိ
 ဣဒံ ပါဠိယံ၊ အဋ္ဌကထာသု စ တတ္ထ တတ္ထ အာဂတရုဋ္ဌိဝသေန ပုတ္တံ။

၄၉၄။ အာဂမနပုဗ္ဗဘာဂေ နိမိတ္တန္တိ မြဟ္မုနော အာဂမနဿ ပုဗ္ဗဘာဂေ
 ဥပ္ပဇ္ဇနနိမိတ္တံ။ ပါတုရဟောသီတိ အာဝိ ဘဝံ။ ပါကဋ္ဌော အဟောသီတိ
 ပကာသော အဟောသိ။

၄၉၇။ ပဒေသေနာတိ ကေဒေသေန ဥပါဒိန္နကဝသေန၊ သတ္တသန္တာန-
 ပရိယာပဇ္ဇေနာတိ အတ္ထော။ အနုပါဒိန္နကေဝိတိ အနိန္ဒြိယဗဒ္ဓေဝိ။ နိပ္ပဒေ-
 သတော အနဝသေသတော။ ပုစ္ဆာပုဋ္ဌဿာတိ ပုစ္ဆိတုံ အဇာနန္တဿ။
 ပုစ္ဆာယ ဒေါသံ ဒသေတွာတိ တေန ကတပုစ္ဆာယ ပုစ္ဆိတာကာရေ ဒေါသံ
 ဝိဘာဝေတွာ။ ယသ္မာ ဝိဿဇ္ဇနံ နာမ ပုစ္ဆာနုရူပံ ပုစ္ဆာသဘာဂေန ဝိဿဇ္ဇေ-
 တဗ္ဗတော၊ န စ တထာဂတာ ဝိရုဇ္ဈိတွာ ကတပုစ္ဆာနုရူပံ ဝိဿဇ္ဇေန္တိ၊ အတ္ထ-
 သဘာဂတာယ စ ဝိဿဇ္ဇနဿ ပုစ္ဆကာ တဒတ္ထံ အနဝပုဋ္ဌန္တာ သမ္ပယုန္တိ၊
 တသ္မာ ပုစ္ဆာယ သိက္ခာပနံ ဗုဒ္ဓါစိဏ္ဏံ၊ တေနာဟ “ပုစ္ဆ သိက္ခာပေတွာ”တိ-
 အာဒိ။

၄၉၈။ အပ္ပတိဋ္ဌာတိ အပ္ပစ္စယာ၊ သဗ္ဗသောသမုတ္တိန္နကာရဏာတိ အတ္ထော။
 ဥပါဒိန္နယေဝါတိ ဣန္ဒြိယဗဒ္ဓံ ဝေ။ ယသ္မာ ကေဒိသာဘိမုခံ သန္တာနဝသေန
 သဏ္ဌိတေ ရူပပ္ပဗန္ဓေ ဒီဃသမညာ၊ တံ ဥပါဒါယ တတော အပ္ပကေ ရဿ-
 သမညာ၊ တဒုဘယဉ္စ ဝိသေသတော ရူပဂ္ဂဟဏမုခေန ဂယှတိ၊ တသ္မာ

အာဟ “ဒီဃဉ္စရဿဉ္စာတိ” သဏ္ဌာနဝသေန ဥပါဒါရူပံ ဝုတ္တ”န္တိ။ အပ္ပပရိ-
 မာဏေ ရူပသင်္ခာတေ အဏုသမညာ၊ တံ ဥပါဒါယ တတော မဟတိ ထူလ-
 သမညာ။ ဣဒမ္ပိ ဒွယံ ဝိသေသတော ရူပဂ္ဂဟဏမုခေန ဂယတိ၊ တေနာဟ
 “ဣမိနာဒီ”တိအာဒိ။ ဝိ-သဒ္ဓေန စေတ္ထ “သဏ္ဌာနဝသေန ဥပါဒါရူပံ ဝုတ္တ”န္တိ
 ဧတ္တာပိ ဝဏ္ဏမတ္တမေဝ ကထိတန္တိ ဣမမတ္ထံ သမုစ္စိနတိတံ ဝဒန္တိ။ သုဘန္တိ
 သုန္ဒရံ၊ ဣဋ္ဌန္တိ အတ္ထော။ အသုဘန္တိ အသုန္ဒရံ၊ အနိဋ္ဌန္တိ ဝုတ္တံ ဟောတိ၊
 တေနောဟ “ဣဋ္ဌာနိဋ္ဌာရမ္ပဏံ ပနောံ ကထိတ”န္တိ။ ဒီဃံ ရဿံ၊ အဏုံ
 ထူလံ၊ သုဘာသုဘန္တိ တိသု ဌာနေသု ဥပါဒါရူပသေဝ ဂဟဏံ ဘူတရူပါနံ
 ဝိသုံ ဂဟိတတ္တာ။ နာမန္တိ ဝေဒနာဒိက္ခန္ဓစတုက္ကံ။ တဉ္စိ အာရမ္မဏာဘိမုခံ
 နမနတော၊ နာမကရဏတော စ “နာမ”န္တိ ဝုစ္စတိ။ ဟေဋ္ဌာ “ဒီဃံ ရဿ”န္တိ-
 အာဒိနာ ဝုတ္တမေဝ ဣဓရပ္ပနဋ္ဌေန “ရူပ”န္တိ ဂဟိတန္တိ အာဟ “ဒီဃာဒိဘေဒံ
 ရူပဉ္စာ”တိ။ ဒီဃာဒီတိ စ အာဒိ-သဒ္ဓေန အာပါဒိနဉ္စ သင်္ဂဟော ဒဋ္ဌဗ္ဗော။
 ယသ္မာ ဝါ ဒီဃာဒိသမညာ န ရူပါယတနဝတ္ထုကာဝ၊ အထ ခေါ ဘူတရူပ-
 ဝတ္ထုကာပိ။ တထာ ဟိ သဏ္ဌာနံ ဖုသနမုခေနပိ ဂယတိ၊ တသ္မာ ဒီဃရဿာ-
 ဒိဂ္ဂဟဏေန ဘူတရူပမ္ပိ ဂယတေဝါတိ “ဒီဃာဒိဘေဒံ ရူပ”မိစ္စေဝ ဝုတ္တံ။ ကိံ
 အာဂမ္မာတိ ကိံ အဓိဂန္ဓာ ကိဿ အဓိဂမဟေတု။ “ဥပရုဇ္ဈတိ”တိ ဣဒံ
 အနုပ္ပါဒနိရောဓံ သန္ဓာယ ဝုတ္တံ၊ န ခဏနိရောဓန္တိ အာဟ “အသေသမေတံ
 နပ္ပဝတ္တတိ”တိ။

၄၉၉။ ဝိညာတဗ္ဗန္တိ ဝိသိဋ္ဌေန ဉာတဗ္ဗံ၊ ဉာဏုတ္တမေန အရိယမဂ္ဂဉာဏေန
 ပစ္စက္ခတော ဇာနိတဗ္ဗန္တိ အတ္ထော၊ တေနာဟ “နိဗ္ဗာနသေတံ နာမ”န္တိ။ နိဒိ-
 သတိတိ နိဒဿနံ၊ စက္ခုဝိညေယျံ။ န နိဒဿနံ အနိဒဿနံ၊ အစက္ခုဝိညေ-
 ယျန္တိ တေမတ္ထံ ဝဒန္တိ။ နိဒဿနံ ဝါ ဥပမာ၊ တံ ဧတဿ နတ္ထိတိ အနိဒဿနံ။
 န ဟိ နိဗ္ဗာနဿ နိစ္စဿ ဧကဿ အစ္စန္တသန္တပဏီတသဘာဝဿ သဒိသံ
 နိဒဿနံ ကုတောမိ လဗ္ဘတိတိ။ ယံ အဟုတွာ သဟ္ဓေတိ၊ ဟုတွာ ပဋိဝေတိ
 တံ သင်္ခတံ ဥဒယဝယန္တေဟိ သအန္တိ၊ အသင်္ခတဿ ပန နိဗ္ဗာနဿ နိစ္စဿ
 တေ ဥဘောပိ အန္တာ န သန္တိ၊ တတော ဧဝ နဝဘာဝါပဂမသင်္ခါတော
 ဇရန္တောပိ တဿ နတ္ထိတိ အာဟ “ဥပ္ပါဒန္တော ဥပ။ အနန္တ”န္တိ။ “တိတ္ထဿ
 နာမ”န္တိ ဝတွာ တတ္ထ နိဗ္ဗစနံ ဒသေတုံ “ပပန္တိ ဧတ္တာတိ ပပ”န္တိ ဝုတ္တံ။ ဧတ္ထ
 ဟိ ပပန္တိ ပါနတိတ္ထံ။ အ-ကာရေ ကတော နိရုတ္တိနယေန။ ဝိသုဒ္ဓဋ္ဌေန ဝါ
 သဗ္ဗတောပဘံ၊ ကေနမိ အနုပတ္တိလိဋ္ဌတာယ သမန္တတော ပဘဿရန္တိ

အတ္ထော။ ယေန နိဗ္ဗာနံ အဓိဂတံ၊ တံသန္တတိပရိယာပန္နာနံယေဝ ဣမ အနုပ္ပါဒ-
နိရောဓော အဓိပ္ပေတောတိ ဝုတ္တံ “ဥပါဒိန္ဒကဓမ္မဇာတံ နိရုဇ္ဈတိ အပ္ပဝတ္တံ
ဟောတိ”တိ။

တတ္ထာတိ “ဝိညာဏဿ နိရောဓေနာ”တိ ယံ ပဒံ ဝုတ္တံ၊ တသ္မိံ။ “ဝိညာ-
ဏ”န္တိ ဝိညာဏံ ဥဒ္ဓရတိ ဝိဘတ္တဗ္ဗတ္တာ။ ဧတ္ထေတံ ဥပရုဇ္ဈတိတိ ဧတသ္မိံ
နိဗ္ဗာနေ ဧတံ နာမရူပံ စရိမကဝိညာဏနိရောဓေန အနုပ္ပါဒဝသေန နိရုဇ္ဈတိ
အနုပါဒိသေသာယ နိဗ္ဗာနဓာတုယာ၊ တေနာဟ “ဝိဇ္ဇာတဒီပသီခါ ဝိယ
အပဏ္ဏတ္တိကဘာဝံ ယာတိ”တိ။ “စရိမကဝိညာဏ”န္တိ ဟိ အရဟတော စုတိစိတ္တံ
အဓိပ္ပေတံ။ “အဘိသင်္ခါရဝိညာဏဿာဝီ”တိ အာဒိနာပိ သဥပါဒိသေသနိဗ္ဗာ-
နမုခေန အနုပါဒိသေသနိဗ္ဗာနမေဝ ဝဒတိ နာမရူပဿ အနဝသေသတော
ဥပရုဇ္ဈနဿ အဓိပ္ပေတတ္တာ၊ တေနာဟ “အနုပ္ပါဒဝသေန ဥပရုဇ္ဈတိ”တိ။
သောတာပတ္တိမဂ္ဂဉာဏေနာတိ ကတ္တရိ၊ ကရဏေ ဝါ ကရဏဝစနံ။ နိရောဓေ-
နာတိ ပန ဟေတုမ္ပိ။ ဧတ္ထာတိ ဧတသ္မိံ နိဗ္ဗာနေ။ သေသမေတ္ထ ယံ အတ္ထတော
န ဝိဘတ္တံ၊ တံ သုဝိညေယျမေဝ။

ကေဝဇ္ဇသုတ္တဝဏ္ဏနာယ လိနတ္ထပ္ပကာသနာ။

၁၂-လောဟိန္ဒသုတ္တ

လောဟိန္ဒမြာဟုဏဝတ္ထုဝဏ္ဏနာ

၅၀၁။ သာလဝတိကာတိ ဣတ္ထိလိင်္ဂဝသေန တဿ ဂါမဿ နာမံ။
ဂါမဏိကာဘာဝေနာတိ ကေစိ။ လောဟိတော နာမ တဿ ကုလေ ပုဗ္ဗ-
ပုရိသော၊ တဿ ဝသေန လောဟိစ္စောတိ တဿ မြာဟုဏဿ ဂေါတ္တတော
အာဂတံ နာမံ။

၅၀၂။ “ဒိဋ္ဌိဂတ”န္တိ လဒ္ဓိမတ္တံ အဓိပ္ပေတန္တိ အာဟ “န ပန ဥစ္ဆေဒ-
သဿတာနံ အညတရ”န္တိ။ န ဟိ ဥစ္ဆေဒသဿတဂါဟရိနိမုတ္တော ကောစိ
ဒိဋ္ဌိဂါဟော အတ္ထိ။ “ဘာသတိယေဝါ”တိ တဿာ လဒ္ဓိယာ လောကေ ပါကဋ-
ဘာဝံ ဒဿေတိ။ အတ္တတော အညော ပရောတိ ယထာ အနုသာသကတော
အနုသာသိတဗ္ဗော ပရော၊ ဧဝံ အနုသာသိတဗ္ဗတောပိ အနုသာသကော
ပရောတိ ဝုတ္တံ “ပရော ပရဿာတိ ပရော ယော”တိ အာဒိ။ ကိ-သဒ္ဓါပေက္ခာယ
စေတ္ထ “ကရိဿတိ”ဟိ အနာဂတကာလဝစနံ၊ အနာဂတေပိ ဝါ တေန
တဿ ကာတဗ္ဗံ နတ္ထိတိ ဒဿနတ္ထံ။ ကုသလံ ဓမ္မန္တိ အနုဝဇ္ဇဓမ္မံ နိက္ခိလေသဓမ္မံ၊
ဝိမောက္ခဓမ္မန္တိ အတ္တော။ “ပရေသံ ဓမ္မံ ကထေဿာမိ”တိ တေဟိ အတ္တာနံ
ပရိဝါရာပေတွာ ဝိစရဏံ ကိမတ္ထိယံ အာသယဗုဒ္ဓဿာပိ အနုရောဓေန ဝိနာ
တံ န ဟောတိတိ တသ္မာ အတ္တနာ ပဋိလဒ္ဓံ ။ပ။ ဝိဟာတဗ္ဗန္တိ ဝဒတိ။
တေနာဟ “ဧဝံ သမ္ပဒမိဒံ ပါပကံ လောဘဓမ္မံ ဝဒါမိ”တိ။

၅၀၄။ သောတိ လောဟိစ္စော မြာဟုဏော။

၅၀၆။ ကထာဖာသုကတ္တန္တိ ကထာသုခတ္ထံ၊ သုခေန ကထံ ကထေ-
တုဇ္ဇေဝ သောတုဇ္ဇာတိ အတ္တော။ အပ္ပေဝ နာမ သိယာတိ ဧတ္ထ ပီတိဝသေန
အာမေဒိတံ ဒဋ္ဌဗ္ဗံ။ တထာ ဟိ တံ “ဗုဒ္ဓဂဇ္ဇိတ”န္တိ ဝုစ္စတိ။ ဘဂဝါ ဟိ
ဤဒိသေသု ဌာနေသု ဝိသေသတော ပီတိသောမနဿဇာတော ဟောတိ။
တေနာဟ “အယံ ကိရေတ္ထ အဓိပ္ပာယော”တိ အာဒိ။

လောဟိန္ဒမြာဟုဏာနုယောဂဝဏ္ဏနာ

၅၀၉။ သမုဒယသဉ္ဇာတိတိ အာယုပ္ပါဒေါ။ အနုပုဗ္ဗော ကမ္မိ-သဒ္ဓေါ
အာကင်္ခနတ္တော ဟောတိတိ “ဣန္ဒြိယတိ အတ္တော”တိ ဝုတ္တံ။ သာတိသယေန

ဝါ ဟိတေန အနုကမ္ပကော အနုဂ္ဂဏှနကော ဟိတာနုကမ္ပိ။ သမ္ပဇ္ဇတိတိ အာသေဝနလာဘေန နိပ္ပဇ္ဇတိ ဗလဝတိ ဟောတိ၊ အဝဂ္ဂဟာတိ^၁ အတ္ထော၊ တေနာဟ “နိယတာ ဟောတိ”တိ။ နိရယေ နိဗ္ဗတ္တတိ မိစ္ဆာဒိဋ္ဌိကော။

၅၁၀-၁၁။ ဒုတိယံ ဥပပတ္တိန္တိ “နန ရာဇာ ပသေနဒီ ကောသလော”တိ- အာဒိနာ ဒုတိယံ ဥပပတ္တိံ သာဓနယုတ္တိံ။ ကာရဏဉ္စိ ဘဂဝါ ဥပမာမုခေန ဒဿေတိ။ ယေ စိမေတိ ယေ စ ဣမေ ကုလပုတ္တာ ဒိဗ္ဗာ ဂဟ္တာ ပရိပါစေန္တိတိ ယောဇနာ။ အသက္ကုဏန္တာ ဥပနိဿယသမ္ပတ္တိယာ၊ ဉာဏပရိပါကဿ ဝါ အဘာဝေန။ ယေ ပန “ပရိပစ္စန္တိ”တိ ပဋ္ဌန္တိ၊ တေသံ “ဒိဗ္ဗေ ဂဟ္တာ”တိ ဝစနဝိပလ္လာသေန ပယောဇနံ နတ္ထိ။ အတ္ထော စ ဒုတိယဝိကပ္ပေ ဝုတ္တနယေန ဝေဒိတဗ္ဗော။ အဟိတာနုကမ္ပိတာ စ တံသမင်္ဂိသတ္တဝေသေန။ ဒိဝိ ဘဝါတိ ဒိဗ္ဗာ။ ဂဟ္တာန္တိ ပရိပစ္စနဝေသေန သန္တာနံ ပဗဇ္ဇေန္တိတိ ဂဟ္တာ။ “ဆန္တံ ဒေဝ-လောကန”န္တိ နိဒဿနဝစနမေတံ။ မြဟ္မလောကဿာပိ ဟိ ဒိဗ္ဗဂဟ္တာဘာဝေါ လက္ခဏေဝ ဒိဗ္ဗဝိဟာရဟေတုကတ္တာ။ ဧဝှေ ကတွာ “ဘာဝနံ ဘာဝယမာနာ”တိ ဣဒမ္ပိ ဝစနံ သမတ္တိတံ ဟောတိ။ ဘဝန္တိ ဧတ္ထယထာရုစိ သုခသမပ္ပိတာတိ ဘဝါ၊ ဝိမာနာနိ။ ဒေဝဘာဝါဝဟတ္တာ ဒိဗ္ဗာ။ ဝုတ္တနယေနေဝ ဂဟ္တာ။ ဒါနာဒယော ဒေဝလောကသံဝတ္တနိယပုညဝိသေသာ။ ဒိဗ္ဗာ ဘဝါတိ ဒေဝလောကပရိယာ-ပန္နာ ဥပပတ္တိဘဝါ။ တဒါဝဟော ဟိ ကမ္မဘာဝေါ ပုဗ္ဗေ ဂဟိတော။

တယောစောဒနာရဟဝဏ္ဏနာ

၅၁၁။ အနိယမိတေနောဝါတိ အနိယမေနေဝ “တံ ဧဝံဒိဋ္ဌိကော ဧဝံ သတ္တာနံ အနတ္ထဿ ကာရကော”တိ ဧဝံ အနုဒ္ဓေသိကေနေဝ။ မာနန္တိ “အဟမေတံ ဇာနာမိ၊ အဟမေတံ ပဿာမိ”တိ ဧဝံ ပဏ္ဍိတမာနံ။ ဘိန္တိတွာတိ ဝိမေတွာ၊ ဇဟာပေတွာတိ အတ္ထော။ တယော သတ္တာရေတိ အသမ္မာဒိတ-အတ္တဟိတော အနောဝါဒကရသာဝကော၊ အသမ္မာဒိတအတ္တဟိတော ဩဝါဒ-ကရသာဝကော၊ သမ္မာဒိတအတ္တဟိတော အနောဝါဒကရသာဝကောတိ ဣမေ တယော သတ္တာရေ။ စတုတ္ထော ပန သမ္မာသမ္ဗုဒ္ဓေါ န စောဒနာရဟော ဟောတိတိ “တေန ပုစ္ဆိတေ ဧဝ ကထေဿာမိ”တိ စောဒနာရဟေ တယော သတ္တာရေ ပဋ္ဌမံ ဒဿေသိ၊ ပစ္ဆာ စတုတ္ထသတ္တာရံ။ ကာမဇ္ဈေတ္တ စတုတ္ထော သတ္တာ ဧကော အဒုတိယော အနညသာဓာရဏော၊ တထာပိ သော ယေသံ

ဥတ္တရိမနုဿဓမ္မာနံ ဝသေန “ဓမ္မမယော ကာယော”တိ ဝုစ္စတိ၊ တေသံ သမုဒါယဘူတောပိ တေ ဂုဏာဝယဝေ သတ္ထုဋ္ဌာနိယေ ကတွာ ဒဿေန္တော ဘဂဝါ “အယမ္ပိ ခေါ လောဟိစ္စ သတ္တာ”တိ အဘာသိ။

အညာတိ ယ-ကာရလောပေန နိဒ္ဒေသော “သယံ အဘိညာ”တိ- အာဒိသု^၁ ဝိယ။ အညာယာတိ စ တဒတ္ထိယေ သမ္ပဒါနဝစနန္တိ အာဟ“အာဇာ- နနတ္ထာယာ”တိ။ သာဝကတ္ထံ ပဋိဇာနိတွာ ဌိတတ္တာ ဧကဒေသေနဿ သာသနံ ကရေန္တိတိ အာဟ “နိရန္တရံ တဿ သာသနံ အကတွာ”တိ။ ဥတ္တမိတွာ ဝတ္တန္တိတိ ယထိစ္ဆိတံ ကရေန္တိတိ အတ္ထော။ ပဋိက္ခမန္တိယာတိ အနဘိရတိယာ အဂါရဝေန အပဂစ္ဆန္တိယာ၊ တေနာဟ“အနိစ္ဆန္တိယာ”တိအာဒိ။ ကောယာတိ ကောယ ဣတ္ထိယာ။ ကော ဣစ္ဆေယျာတိ ကော ပုရိသော တာယ အနိစ္ဆန္တိယာ သမ္ပယောဂံ ကာမေယျ။ ဩသက္ကနာဒိမုခေန ဣတ္ထိပုရိသသမ္ပန္န- နိဒဿနံ ဂေဟသိတအပေက္ခာဝသေန တဿ သတ္ထုဋ္ဌာနော သာဝကေသု ပဋိ- ပတ္တိတိ ဒဿေတိ။ အတိဝိယ ဝိရတ္တဘာဝတော ဒဋ္ဌုမ္ပိ အနိစ္ဆမာနံ။ လောဘော- နာတိ ပရိဝါရဝသေန ဥပ္ပဇ္ဇနကလာဘသက္ကာရလောဘေန။ တတ္ထ သမ္မာဒေ- ဟိတိ တသ္မိ^၂ ပဋိပတ္တိဓမ္မေ ပတိဋ္ဌိတံ ကတွာ သမ္မာဒေဟိ။ ဥဇုံ ကရေဟိ ကာယ- ဝင်္ကာဒိဝိဂမေန။

၅၁၅။ ဧဝံ စောဒနံ အရဟတီတိ ဧဝံ ဝုတ္တနယေန သာဝကေသု အပ္ပေါ- သုက္ကဘာဝါပါဒနေ နိယောဇနဝသေန စောဒနံ အရဟတိ၊ န ပဌမော ဝိယ “ဝေရူပေါတဝ လောဘဓမ္မော”တိအာဒိနာ၊ န စ ဒုတိယောဝိယ“အတ္တာနမေဝ တာဝ တတ္ထ သမ္မာဒေဟိ”တိအာဒိနာ။ ကသ္မာ? သမ္မာဒိတအတ္တဟိတတာယ တတိယဿ။

နစောဒနာရဟသတ္ထဝဏ္ဏနာ

၅၁၆။ “န စောဒနာရဟော”တိ ဧတ္ထ ယသ္မာ စောဒနာရဟတာ နာမ သတ္ထုဝိပုဋ္ဌိပတ္တိယာ ဝါ သာဝကဝိပုဋ္ဌိပတ္တိယာ ဝါ ဥဘသဝိပုဋ္ဌိပတ္တိယာ ဝါ၊ တယိဒံ သဗ္ဗမ္ပိ ဣမသ္မိ^၃ သတ္တရိ နတ္ထိ၊ တသ္မာ န စောဒနာရဟောတိ ဣမမတ္ထံ ဒဿေတုံ “အယဉ္စိ”တိအာဒိ ဝုတ္တံ။

၁-ဒိ ၁-၁၁-၁၆၊ ၂၁-၃-ဂ၊ မ ၁-၂၂၇၊ မ ၂-၂၉၅၊ အံ ၁-၅၂၊ အံ ၃-၂၆ဂ၊ ဝိ ၃-၁၂၊ ၁၃၊ ၄၂၇-ဂ-၉၊ ၃၁-၆၄၊ အဘိ ၄-၂၁၈-ပိဋေသု။

၅၁၇။ မယာ ဂဟိတာယ ဒိဋ္ဌိယာတိ သဗ္ဗသော အနဝဇ္ဇေ သမ္မာပဋိပန္နေ ပရေသံ သမ္မဒေဝ သမ္မာပဋိပတ္တိံ ဒဿန္တေ သတ္တရိ အဘူတဒေါသာရောပန-
ဝသေန မိစ္ဆာဂဟိတာယ နိရယဂါမိနိယာ ပါပဒိဋ္ဌိယာ။ နရကပဗ္ဗါတန္တိ
နရကသင်္ခါတံ မဟာပပါတံ။ ပပတန္တိ တတ္ထာတိ ဟိ ပပါတော။ သဂ္ဂမဂ္ဂ-
ထလေတိ သဂ္ဂဂါမိမဂ္ဂဘူတေ ပုညဓမ္မထလေ။ သေသံ သုဝိညေယျမေဝ။

လောဟိစ္စသုတ္တဝဏ္ဏနာယ လိနတ္ထပ္ပကာသနာ။

၁၃-တေမိဇ္ဇသုတ္တ

၅၁၈။ ဥတ္တရေနာတိ ဣ ဇန-သဒ္ဓေါ ဒိသာဝါစိသဒ္ဓတော ပဉ္စမိ-
အန္တတော အဒ္ဓရတ္ထော ဣတ္ထိတော၊ တသ္မာ ဥတ္တရေန-သဒ္ဓေန အဒ္ဓရတ္ထ-
ဇောတနံ ဒဿန္တော “အဒ္ဓရေ ဥတ္တရပဿ”တိ အာဟ။ အက္ခရစိန္တာ
ပန ဇန-သဒ္ဓယောဂေ အဝဓိဝါစိနိ ပဒေ ဥပယောဂဝစနံ ဣတ္ထန္တိ။ အတ္ထော
ပန သာမိဝသေနဝ ဣတ္ထိတောတိ ဣမ သာမိဝစနဝသေနဝ ဝုတ္တံ။

၅၁၉။ ကုလစာရိတ္တာဒိတိ အာဒိ-သဒ္ဓေန မန္တဇ္ဈေနာဘိရူပတာဒိသမ္ပတ္တိံ
သင်္ဂဏာတိ။ မန္တသဇ္ဈာယကရဏတ္ထန္တိ အာထဗ္ဗဏမန္တာနံ သဇ္ဈာယကရဏတ္ထိ၊
တေနာဟ “အညေသံ မဟူနံ ပဝေသနံ နိဝါရေတွာ”တိ။

မဂ္ဂါမဂ္ဂကထာဝဏ္ဏနာ

၅၂၀။ “ဇဃ်စာရ”န္တိ စင်္ဂမတော ဣတော စိတော စ စရဏမာဟ။
သော ဟိ ဇဃ်သု ကိလမထဝိနောဒနတ္ထော စာရေတိ တထာ ဝုတ္တော။
တေနာဟ “အနုစင်္ဂမန္တာနံ အနုဝိစရန္တာန”န္တိ။ တေနာတိ ဥဘောသုပိ
အနုစင်္ဂမနာနုဝိစာရဏာနံ လဗ္ဘနတော။ သဟာယာ ဟိ တေ အညမည-
သဘာဝဝုတ္တိကာ။ “မဂ္ဂေါ”တိ ဣတ္ထိတဋ္ဌာနံ ဥဇုကံ မဂ္ဂတိ ဥပဂစ္ဆတိ ဧတေနာတိ
မဂ္ဂေါ၊ ဥဇုမဂ္ဂေါ။ တဒညော အမဂ္ဂေါ၊ တသ္မိံ မဂ္ဂေ စ အမဂ္ဂေ စ။ ပဋိပဒန္တိ
ဗြဟ္မလောကဂါမိမဂ္ဂဿ ပုဗ္ဗဘာဝပဋိပဒံ။

နိယျာတိတိ နိယျာနိယော၊ သော ဧဝ “နိယျာနိကော”တိ ဝုတ္တောတိ
အာဟ “နိယျာယန္တော”တိ။ ယသ္မာ နိယျာတပုဂ္ဂလဝသေနဿ နိယျာ-
နိကဘာဝေါ၊ တသ္မာ “နိယျာယန္တော”တိ ပုဂ္ဂလဿ ယောနိသော
ပဋိပဇ္ဇနဝသေန နိယျာယန္တော မဂ္ဂေါ “နိယျာတိ”တိ ဝုတ္တော။ ကရေတိတိ
အတ္တနော သန္တာနေ ဥပ္ပါဒေတိ။ ဥပ္ပါဒေန္တောယေဝ ဟိ တတ္ထ ပဋိပဇ္ဇတိ
နာမ။ သဟ ဗျေတိ ဝတ္တတိဘိသဟဗျော၊ သဟဝတ္တနကော။ တဿ ဘာဝေါ
သဟဗျတတိ အာဟ “သဟဘာဝါယာ”တိအာဒိ။ သဟဘာဝေါတိ စ
သလောကတာ၊ သမိပတာ ဝါ ဝေဒိတဗ္ဗာ၊ တေနာဟ “ကေဋ္ဌာနေ
ပါတုဘာဝါယာ”တိ။ သကမေဝ အာစရိယဝါဒန္တိ အတ္တနော အာစရိယေန
ပေါက္ခရသာတိနာ ကထိတမေဝ အာစရိယဝါဒံ။ ထောမေတွာ ပဂ္ဂဏိတွာ
“အယမေဝ ဥဇုမဂ္ဂေါ အယမဉ္ဇသာယနော”တိ ပသံသိတွာ ဥက္ကံသိတွာ။

ဘာရဒွါဇောပိ သကမေဝါတိ ဘာရဒွါဇောပိ မာဏဝေါ အတ္တနော အာစရိယေန တာရုက္ခေန ကထိတမေဝ အာစရိယဝါဒံ ထောမေတွာ ပဂ္ဂဟိတွာ ဝိစရတီတိ ယောဇနာ။ **တေန ဖုတ္တန္တိ** တေန ယထာ တထာ ဝါ အဘိနိဝိဋ္ဌဘာဝေန ဖုတ္တံ ပါဠိယံ။

၅၂၁-၂။ **အနိယျာနိကာဝါတိ** အပ္ပါဂ္ဂိဟာရိယာဝ အညမညဿ ဝါဒေ ဒေါသံ ဒဿေတွာ အဝိပရိတတ္ထဒဿနတ္ထံ ဥတ္တရရဟိတာ ဧဝ။ အညမညဿ ဝါဒဿ အာဒိတော ဝိရုဒ္ဓဂ္ဂဟဏံ **ဝိဂ္ဂဟော၊** သွေဝ ဝိဝဒနဝသေန အပရာပရံ ဥပ္ပန္နော **ဝိဝါဒေါ**တိ အာဟ **“ပုပ္ဖုပ္ပတ္တိကော ဝိဂ္ဂဟော။ အပရဘာဂေ ဝိဝါဒေါ”**တိ။ **ဒုဝိဇောပိ** သော ဝိဂ္ဂဟော၊ ဝိဝါဒေါတိ ဒွိဓာ ဝုတ္တောပိ ဝိရောဓော။ **နာနာအာစရိယာနံ ဝါဒတော**တိ နာနာရမိကာနံ အာစရိယာနံ ဝါဒဘာဝတော။ **နာနာဝါဒေါ** နာနာဝိဇော ဝါဒေါတိ ကတွာ။

၅၂၃။ **ဧကဿာပိတိ** တုမှေသု ဒွိသု ဧကဿာပိ။ **ဧကသ္မိန္တိ** သကဝါဒပရ- ဝါဒေသု ဧကသ္မိမ္ပိ။ **သံသယော နတ္ထိ**တိ “မဂ္ဂေါ န ခေါ၊ န မဂ္ဂေါ န ခေါ”တိ သံသယော ဝိစိကိန္တာ နတ္ထိ။ အဉ္ဇသာယနဘာဝေ ပန သံသယော။ တေနာဟ “သေ ကိရာ”တိအာဒိ။ ဘဂဝါ ပန ယဒိ သဗ္ဗတ္ထ မဂ္ဂသညိနော၊ **ဧဝံ သတိ** “**ကိသ္မိံ ဝေါ ဝိဂ္ဂဟော**”တိ ပုစ္ဆတိ။

၅၂၄။ ‘**ဣန္ဒြိတဋ္ဌာနံ ဥဇုကံ မဂ္ဂတိ ဥပဂစ္ဆတိ ဧတေနာတိ မဂ္ဂေါ၊ ဥဇုမဂ္ဂေါ။ တဒညော အမဂ္ဂေါ**’တိ ဝုတ္တောဝါယမတ္ထော။ **သဗ္ဗေ တေတိ** သဗ္ဗေပိ တေ နာနာအာစရိယေဟိ ဝုတ္တမဂ္ဂါ။

ယေ ပါဠိယံ “အဒ္ဓရိယာ ဗြာဟ္မဏာ”တိအာဒိနာ ဝုတ္တာ။ အဒ္ဓရော နာမ ယညဝိသေသော၊ တဒုပယောဂိဘာဝတော “အဒ္ဓရိယာ”တွေဝ ဝုစ္ဆန္တိ ယဇ္ဇနိ၊ တာနိ သဇ္ဈာယန္တိတိ **အဒ္ဓရိယာ၊** ယဇ္ဇဗ္ဗေဒိနော။ ယေ စ တိတ္ထိရိဇ္ဈသိနာ ကတေ မန္တေ သဇ္ဈာယန္တိ၊ တေ **တိတ္ထိရိယာ၊** ယဇ္ဇဗ္ဗေဒိနော ဧဝ။ ယဇ္ဇဗ္ဗေဒ- သာခါ’ ဟေသာ၊ ယဒိဒံ တိတ္ထိရံ။ ဆန္တောဝုစ္ဆတိ ဝိသေသတော သာမဝေဒေါ၊ တံ သရေန ကာယန္တိတိ **ဆန္တောကာ၊** သာမဝေဒိနော။ “**ဆန္တောဂါ**”တိဝိ ပဌန္တိ၊ သော ဧဝတ္ထော။ ဗဟဝေါ ဣရယော ဧတ္ထာတိ ဗဟိရိ၊ ဣရုဗ္ဗေဒေါ။ တံ အဓိယန္တိတိ **ဗဟိရိဇ္ဈာ။**

“ဗဟူနီ”တိ ဧတ္ထာယံ ဥပမာသံသန္တနာ—ယထာ တေ နာနာမဂ္ဂါ ကေ-
သတော တဿ ဂါမဿ ဝါ နိဂမဿ ဝါ ပဝေသာယ ဟောန္တိ၊ ဧဝံ
ဗြာဟ္မဏေဟိ ပညာပိယမာနာပိ နာနာမဂ္ဂါ ဗြဟ္မလောကူပဂမနာယ ဗြဟ္မနာ
သဟဗျတာယ ကေသေနေဝ ဟောန္တိတိ။

၅၂၇-၅၂၉။ ဝ-ကာရော အာဂမသန္တိမတ္တန္တိ အနတ္တကော ဝ-ကာရော၊
တေန ဝဏ္ဏာဂမေန ပဒန္တရသန္တိမတ္တံ ကတန္တိ အတ္ထော။ အန္တပဝေဏီတိ
အန္တပန္တိ။ “ပညာသ သဗ္ဗိ အန္တာ”တိ ဣဒံ တဿာ အန္တပဝေဏီယာ မဟတော
ဂစ္ဆရဗ္ဗဿ အနုပရိဂမနယောဂျတာဒဿနံ။ ဧဝံ ဧတေ “သုစိရံ ဝေလံ မဂ္ဂံ
ဂစ္ဆာမာ”တိ ဧဝံသညိနော ဟောန္တိ။ နာမကညေဝါတိ အတ္တာဘာဝတော
နာမမတ္တံယေဝ၊ တံ ပန ဘာသိတံ တေဟိ သာရသညိတမ္ပိ နာမမတ္တတာယ
အသာရဘာဝတော နိဟိနမေဝါတိ အာဟ “လာမကံယေဝါ”တိ။

၅၃၀။ ယတောတိ ဘုမ္မတ္ထေ နိဿက္ကဝစနံ၊ သာမညဇောတနာ စ ပိသေသေ
အဝတိဋ္ဌတိတိ အာဟ “ယသ္မိံ ကာလေ”တိ။ အာယာစန္တိတိ ပတ္ထေန္တိ။
ဥဂ္ဂမနံ လောကဿ ဗဟုကာရဘာဝတော တထာ ထောမနာတိ။ အယံ ကိရ
ဗြာဟ္မဏာနံ လဒ္ဓိ “ဗြာဟ္မဏာနံ အာယာစနာယ စန္ဒိမသုရိယာ ဂန္တာ
လောကေ ဩဘာသံ ကရောန္တိ”တိ။

၅၃၂။ ဣဝ ပန ကိံ ဝတ္တဗ္ဗန္တိ ဣမသ္မိံ ပန အပ္ပစ္စက္ခဘူတဿ ဗြဟ္မနော
သဟဗျတာယ မဂ္ဂဒေသနေ တေဝိဇ္ဇာနံ ကိံ ဝတ္တဗ္ဗံ အတ္ထိ၊ ယေ ပစ္စက္ခ-
ဘူတာနမ္ပိ စန္ဒိမသုရိယာနံ သဟဗျတာယ မဂ္ဂံ ဒေသေတုံ န သက္ကောန္တိတိ
အဓိပ္ပါယော။ “ယတ္ထာ”တိ “ဣဝ ပနာ”တိ ဝုတ္တမေဝတ္ထံ ပစ္စာမသတိ။

အစိရဝတီနဒိဥပမာကထာဝဏ္ဏနာ

၅၄၂။ သမဘရိတာတိ သမ္ပုဏ္ဏာ။ တတော ဧဝ ကာကပေယျာ။ ပါရာတိ
ပရတိရ။ အပါရန္တိ ဩရိမတိရံ။ ဧဟိတိ အာဂစ္ဆ။

၅၄၄။ ပဉ္စသီလံ။ ပ။ ဝေဒိတဗ္ဗာ ယမနိယမာဒိဗြာဟ္မဏဓမ္မာနံ တဒန္တော-
ဂဗဘာဝတော။ တဗ္ဗိပရိတာတိ ပဉ္စသီလာဒိဝိပရိတာ ပဉ္စ ဝေရာဒယော။
“ပုနပိ”တိ ဝတ္တော “အပါရန္တိ”တိ ဝစနံ ဣတရာယပိ နဒိဥပမာယ သင်္ဂဏနတ္ထံ။

၅၄၆။ ကာမယိတဗ္ဗဋ္ဌေနာတိ ကာမနိယဘာဝေန။ ဗန္ဓနဋ္ဌေနာတိ တေ-
နေဝ ကာမေတဗ္ဗဘာဝေန သတ္တာနံ စိတ္တဿ အာဗန္ဓနဘာဝေန။ ကာမဉ္စာယံ

ဂုဏ-သဒ္ဓေါ အတ္တန္တရေသုပိ ဒိဋ္ဌပ္ပယောဂေါ၊ တေသံ ပနေတ္ထ အသမ္ဘဝတော ပါရိသေသဉ္စယေန ဗန္ဓနဋ္ဌေယေဝ ယုတ္တောတိ ဒဿေတုံ “**အနုဇာနာမီ**”တိ- အာဒိနာ အတ္ထုဒ္ဓါရော အာရဒ္ဓေါ၊ **သေဝေါ**တိ ဗန္ဓနဋ္ဌော ဧဝ။ န ဟိ ရူပါဒိနံ ကာမေတဗ္ဗဘာဝေ ဂုစ္စမာနေ ပဋုလဋ္ဌော ယုတ္တတိ တထာ ကာမေတဗ္ဗတာယ အနဓိပ္ပေတတ္တာ။ ရာသဋ္ဌအာနိသံသဋ္ဌေသုပိ သေဝ နယော တထာပိ ကာမေတဗ္ဗတာယ အနဓိပ္ပေတတ္တာ။ ပါရိသေသတော ပန ဗန္ဓနဋ္ဌော ဂဟိတော။ ယဒဂ္ဂေန ဟိ နေသံ ကာမေတဗ္ဗတာ၊ တဒဂ္ဂေန ဗန္ဓနဘာဝေါ စာတိ။

ကောဋ္ဌာသဋ္ဌောပိ တေသု ယုတ္တေဝေ စက္ခုဝိညေယျာဒိကောဋ္ဌာသဘာဝေန နေသံ ကာမေတဗ္ဗတော။ ကောဋ္ဌာသေ စ ဂုဏ-သဒ္ဓေါ ဒိဿတိ “**ဒိဂုဏံ ဝဓေတဗ္ဗ**”န္တိအာဒိသု၊ သမ္ပဒါဋ္ဌောပိ—

“အသင်္ချေယျာနိ နာမာနိ၊ သဂုဏေန မဟေသိနော။

ဂုဏေန နာမမုဒ္ဓေယျံ၊ အပိ နာမသဟဿတော”တိအာဒိသု။

သောပိ ဣဓ န ယုတ္တတိတိ အနုဒ္ဓဋ္ဌော။

စက္ခုဝိညေယျာတိ စက္ခုဝိညာဏေန ဝိဇာနိတဗ္ဗာ၊ တေန ပန ဝိဇာနနံ ဒဿနမေဝါတိ အာဟ “**ပဿိတဗ္ဗာ**”တိ။ “သောတဝိညာဏေန သော-တဗ္ဗာ”တိ ဧဝမာဒိ **ဧတေနပါယေနာ**တိ အတိဒိသတိ။ ဂဝေသိတမ္ပိ “**ဣဋ္ဌ**”န္တိ ဂုစ္စတိ၊ တံ ဣဓ နာမိပ္ပေတန္တိ အာဟ “**ပရိယိဋ္ဌာ ဝါ ဟောန္တ၊ မာ ဝါ**”တိ။ **ဣဋ္ဌာရမ္မဏဘူတာ**တိ သုခါရမ္မဏဘူတာ။ **ကာမနိယာ**တိ ကာမေတဗ္ဗာ။ **ဣဋ္ဌဘာဝေန** မနံ အပ္ပါယန္တိတိ **မနာပါ**။ **ဝိယဇာတိကာ**တိ ဝိယသဘာဝါ။

ဂေဓေနာတိ လောဘေန အဘိဘူတာ ဟုတွာ ပဉ္စ ကာမဂုဏေ ပရိဘုဉ္ဇန္တိတိ ယောဇနာ။ **မုစ္ဆိကာရန္တိ** မောဟနာကာရံ။ **အဓိဩသန္တာ**တိ အဓိဂ္ဂယံ အဇ္ဈောသာယ အဝသန္တာ၊ တေနာဟ “**ဩဂါဋ္ဌာ**”တိ။ **ပရိနိဋ္ဌာနပ္ပတ္တာ**တိ ဂိလိဘွာ ပရိနိဋ္ဌာပနဝသေန ပရိနိဋ္ဌာနံ ဥပဂတာ။ **အာဒိနဝန္တိ** ကာမပရိ-ဘောဂေ သမ္ပတိ၊ အာယတိဉ္စ ဒေါသံ **အပဿန္တာ**။ သာသတ္ထာဒနာဒိသမ္ဘောဂ-နိမိတ္တသံကိလေသတော နိဿရန္တိ အပဂစ္ဆန္တိ ဧတေနာတိ နိဿရဏံ၊ ယောနိသော ပစ္စဝေက္ခိတွာ တေသံ ပရိဘောဂပညာ။ တဒဘာဝတော **အနိဿရဏပညာ**တိ ဣမမတ္ထံ ဒဿေန္တော “**ဣဒမေတ္တာ**”တိအာဒိမာဟ။

၅၄၈-၉။ အာဝရန္တိတိ ကုသလပ္ပဝတ္တိံ အာဒိတော နိဝါရေန္တိ။ နိဝါရေန္တိတိ နိရဝံသေသတော ဝါရယန္တိ။ ဩနန္တန္တိတိ ဩဂါဟန္တာ ဝိယ ဆာဒေန္တိ။ ပရိယောနန္တန္တိတိ သဗ္ဗသော ဆာဒေန္တိ။ အာဝရဏာဒိနံ ဝသေနာတိ အာဝရဏာဒိအတ္တာနံ ဝသေန။ တေ ဟိ အာသေဝနဗလဝတာယ ပုရိမပုရိမေဟိ ပစ္ဆိမပစ္ဆိမာ ဒဠတရတမာဒိဘာဝပ္ပတ္တာ ဝုတ္တာ။

သံသန္တနကထာဝဏ္ဏနာ

၅၅၀။ ဣတ္ထိပရိဂ္ဂဟေ သတိ ပုရိသဿ ပဉ္စကာမဂုဏပရိဂ္ဂဟော ပရိပုဏ္ဏော ဧဝ ဟောတီတိ ဝုတ္တံ “သပရိဂ္ဂဟောတိ ဣတ္ထိပရိဂ္ဂဟေန သပရိဂ္ဂဟော”တိ။ “ဣတ္ထိပရိဂ္ဂဟေန အပရိဂ္ဂဟော”တိ စ ဣဒံ တေဝိဇ္ဇာဗြာဟ္မဏေသု ဒိဿ-မာနပရိဂ္ဂဟာနံ ဒုဠုလ္လတမပရိဂ္ဂဟာဘာဝဒဿနံ။ ဧဝံဘူတာနံ တေဝိဇ္ဇာနံ ဗြာဟ္မဏာနံ ကာ ဗြဟ္မုနာ သံသန္တနာ၊ ဗြဟ္မာ ပန သဗ္ဗေန သဗ္ဗံ အပရိဂ္ဂ-ဟောတိ။ ဧဝရမိတ္တေန အဝေရော၊ ကုတော ဧတဿ ဝေရပ္ပယောဂေါတိ အဓိပ္ပါယော။ စိတ္တဂေလညသင်္ခါတေနာတိ စိတ္တုပ္ပါဒဂေလညသညိတေန၊ တေနဿ သဗ္ဗရူပကာယဂေလညဘာဝေါ ဝုတ္တော ဟောတိ။ ဗျာပဇ္ဈေနာတိ ဒုက္ခေန။ ဥဒ္ဒစ္စကုတ္တုန္တာဒိဟိတိ အာဒိ-သဒ္ဓေန တဒေကဋ္ဌာ သံကိလေသဓမ္မာ သင်္ဂယန္တိ။ အပ္ပဋိပတ္တိဟေတုဘူတာယ ဝိစိကိစ္ဆာယ သတိ န ကဒါစိ စိတ္တံ ပုရိသဿ ဝသေ ဝတ္တတိ၊ ပဟိနာယ ပန သိယာ ဝသဝတ္တနန္တိ အာဟ “ဝိစိကိစ္ဆာယ အဘာဝတော စိတ္တံ ဝသေ ဝတ္တေတိ”တိ။ စိတ္တဂတိကာတိ စိတ္တဝသိကာ၊ တေနာဟ “စိတ္တဿ ဝသေ ဝတ္တန္တိ”တိ။ န တာဒိသောတိ ဗြာဟ္မဏာ ဝိယ စိတ္တဝသိကော န ဟောတိ၊ အထ ခေါ ဝသိဘူတဇ္ဈာနာ-တိညတာယ စိတ္တံ အတ္တနော ဝသေ ဝတ္တေတိတိ ဝသဝတ္တိ။

၅၅၂။ ဗြဟ္မလောကမဂ္ဂေတိ ဗြဟ္မလောကဂါမိမဂ္ဂေ ပဋိပဇ္ဇိတဗ္ဗေ၊ ပည-ပေတဗ္ဗေ ဝါ၊ တံ ပညပေန္တာတိ အဓိပ္ပါယော။ ဥပဂန္တာတိ အမဂ္ဂမေဝ “မဂ္ဂေါ”တိ ခိစ္ဆာပဋိပဇ္ဇနေန ဥပဂန္တာ၊ ပဋိဇာနိတွာ ဝါ။ ပဏံ ဩတိဏ္ဏာ ဝိယာတိ မတ္တကေ ကေဂုံလံ ဝါ ဥပဗုဂုံလံ ဝါ သုက္ခတာယ “သမတလ”န္တိ သညာယ အနေကပေါရိသံ မဟာပဏံ ဩတိဏ္ဏာ ဝိယ။ အနုပ္ပဝိသန္တိတိ အပါယမဂ္ဂံ ဗြဟ္မလောကမဂ္ဂသညာယ ဩဂါဟယန္တိ။ တတော ဧဝ သံသိဒိတွာ ဝိသာဒံ ပါပုဏန္တိ။ ဧဝန္တိ “သမတလ”န္တိ အာဒိနာ ဝုတ္တနယေန။ သံသိဒိတွာတိ နိမ္မုဇ္ဇိတွာ။ သုက္ခတရဏံ မညေ တရန္တိတိ သုက္ခနဒိတရဏံ တရန္တိ မညေ။ တသ္မာတိ ယသ္မာ တေဝိဇ္ဇာ အမဂ္ဂမေဝ “မဂ္ဂေါ”တိ ဥပဂန္တာ သံသိဒန္တိ၊ တသ္မာ။

ယထာ တေတိ ယထာ တေ “သမတလ”န္တိ သညာယ ပဏ်^၁ ဩတိဏ္ဏာ။ ဣဓေဝ
 ဓာတိ ဣမသ္မိဉ္စ အတ္တဘာဝေ။ သုခံ ဝါ သာတံ ဝါ န လဘန္တိတိ ဈာနသုခံ ဝါ
 ဝိပဿနာသာတံ ဝါ န လဘန္တိ၊ ကုတော မဂ္ဂသုခံ ဝါ နိဗ္ဗာနသာတံ ဝါတိ
 အဓိပ္ပါယော။ မဂ္ဂဒီပကန္တိ မဂ္ဂဒီပကာဘိမတံ။ “ဣရိဏ”န္တိ အရညာနိယာ ဣဒံ
 အဓိဝစနန္တိ အာဟ “အဂါမကံ မဟာရည”န္တိ။ မိဂရရုအာဒိနမ္ပိ အနုပဘောဂ-
 ရုက္ခေဟိ။ ဗရိဝတ္တိတုမ္ပိ န သက္ကာ ဟောန္တိ မဟာကဏ္ဍကတာယ။ ဉာတိနံ
 ဗျသနံ ဝိနာသော ဉာတိဗျသနံ။ ဧဝံ ဘောဂသီလဗျသနာနိ ဝေဒိတဗ္ဗာနိ။
 ရောဂေါ ဝေ ဗျသတိ ဝိဗာဓတိတိ ရောဂဗျသနံ။ ဧဝံ ဒိဋ္ဌိဗျသနမ္ပိ ဒဋ္ဌဗ္ဗံ။

၅၅၄။ ဇာတသံဝဇောတိ ဇာတော ဟုတွာ သံဝရိတော။ န သဗ္ဗသော
 ပစ္စက္ခာ ဟောန္တိ ပရိစယာဘာဝတော။ ဝိရနိက္ခန္ဓောတိ နိက္ခန္ဓော ဟုတွာ
 စိရကာလော။ ဒန္တာယိတတ္တန္တိ ဝိဿဇ္ဇနေ မန္တတ္ထံ သဏိကဝုတ္တိံ၊ တံ ပန
 သံသယဝသေန စိရာယနံ နာမ ဟောတိတိ အာဟ “ကင်္ခါဝသေန ဝိရာယိ-
 တတ္တ”န္တိ။ ဝိတ္တာယိတတ္တန္တိ သာရဇ္ဇိတတ္တံ။ အဋ္ဌကထာယံ ပန ဝိတ္တာယိတတ္တံ
 နာမ ဆတ္တိတတ္တန္တိ အဓိပ္ပါယေန “ထဒ္ဓဘာဝဂ္ဂဟဏ”န္တိ ဝုတ္တံ။

၅၅၅။ ဥ-ဣတိ ဥပသဂ္ဂယောဂေ လုပ္ပ-သဒ္ဓေါ ဥဒ္ဓရဏတ္ထော ဟောတိတိ
 “ဥဇ္ဈုပ္ပဏ”တိ ပဒဿ ဥဒ္ဓရဏတိ အတ္ထမာဟ။ ဥပသဂ္ဂဝသေန ဟိ ဓာတု-သဒ္ဓေါ
 အတ္ထဝိသေသဝုတ္တိနော ဟောန္တိ ယထာ “ဥဒ္ဓရဏ”တိ။

ဗြဟ္မလောကမဂ္ဂဒေသနာဝဏ္ဏနာ

၅၅၆။ ယဿ အတိသယေန ဗလံ အတ္ထိ၊ သော “ဗလဝါ”တိ ဝုတ္တောတိ
 အာဟ “ဗလသမ္ပန္နော”တိ။ သင်္ခံ မေယတိတိ သင်္ခမ္မကော၊ တံ မေယိတွာ
 တတော သဒ္ဓပဝတ္တကော။ အပ္ပနာဝ ဝဋ္ဋတိ ပဋိပက္ခတော သမ္ပဒေဝ
 စေတသော ဝိမုတ္တိဘာဝတော။

ပမာဏကတံ ကမ္မံ နာမ ကာမာဝစရံ ပမာဏကရာနံ သံကိလေသဓမ္မာနံ
 အဝိက္ခန္တနတော။ တထာ ဟိ တံ ဗြဟ္မဝိဟာရပုဗ္ဗဘာဂဘူတံ ပမာဏံ
 အတိက္ကမိတွာ ဩဒိဿကာနောဒိဿကဒိသာဖရဏဝသေန ဝဇေတုံ န သက္ကာ။
 ဝုတ္တဝိပရိယာယတော ပန အပ္ပမာဏကတံ ကမ္မံ နာမ ရူပါရူပါဝစရံ၊
 တေနာဟ “တဠီ”တိအာဒိ။ တတ္ထ အရူပါဝစရေ ဩဒိဿကာနောဒိဿက-
 ဝသေန ဖရဏံ န လတ္တတိ၊ တထာ ဒိသာဖရဏံ။

ကေဓိ ပန တံ အာဂမနဝသေန လဗ္ဘတိတိ ဝဒန္တိ၊ တဒယုတ္တံ။ န ဟိ ဗြဟ္မဝိဟာရနိဿန္ဓော အာရုပ္ပံ၊ အထ ခေါ ကသိဏနိဿန္ဓော၊ တသ္မာ ယံ သုဝိဘာဝိတံ ဝသီဘာဝံ ပါပိတံ အာရုပ္ပံ၊ တံ “**အပ္ပမာဏကတ**”န္တိ ဝုတ္တန္တိ ဒဋ္ဌဗ္ဗံ။ ယံ ဝါ သာတိသယံ ဗြဟ္မဝိဟာရဘာဝနာယ အဘိသင်္ခတေန သန္တာနေန နိဗ္ဗတ္တိတံ၊ ယဉ္စ ဗြဟ္မဝိဟာရသမာပတ္တိတော ဝုဋ္ဌာယ သမာပန္တံ အရူပါဝစရဇ္ဈာနံ၊ တံ ဣမိနာ ပရိယာယေန ဖရဏပ္ပမာဏဝသေန “**အပ္ပမာဏကတ**”န္တိ ဝတ္တံ၊ ဝဇ္ဇတိတိ အပရေ။ ဝိမံသိတွာ ဂဟေတဗ္ဗံ။

ရူပါဝစရာရူပါဝစရကမ္ပေတိ ရူပါဝစရကမ္ပေ၊ အရူပါဝစရကမ္ပေ စ သတိ။ န ဩဟိယတိ န တိဋ္ဌတိတိ ကတူပစိတဗ္ဗိ ကာမာဝစရကမ္ပံ ယထာဓိဂတေ မဟဂ္ဂတဇ္ဈာနေ အပရိဟိနေ တံ အဘိဘဝိတွာ ပဋိဗာဟိတွာ သယံ ဩဟိယကံ ဟုတွာ ပဋိသန္ဓိံ ဒါတုံ သမတ္ထဘာဝေ န တိဋ္ဌတိ။ လဂ္ဂိတုန္တိ အာဝရိတုံ နိဿေဓေတုံ။ ဌာတုန္တိ ပဋိဗလော ဟုတွာ ဌာတုံ။ ဖရိတွာတိ ပဋိပ္ပရိတွာ။ ပရိယာဒိယိတွာတိ တဿ သာမတ္ထိယံ ခေပေတွာ။ ကမ္မဿ ပရိယာဒိယနံ နာမ တဿ ဝိပါကုပ္ပါဒနံ နိဿေဓေတွာ အတ္တနော ဝိပါကုပ္ပါဒနန္တိ အာဟ “**တဿ ဝိပါကံ ပဋိဗာဟိတွာ**”တိအာဒိ။ **ဧဝံမေတ္တာဒိဝိဟာရီတိ** ဧဝံဝုတ္တာနံ မေတ္တာဒိနံ ဗြဟ္မဝိဟာရာနံ ဝသေန မေတ္တာဒိဝိဟာရီ။

၅၅၉။ **အဂ္ဂညသုတ္တေ**။ ပ။ **အလတ္တ**၊န္တိ အဂ္ဂညသုတ္တေ^၁ အာဂတနယေန ဥပသမ္ပဒဇ္ဇေဝ အရဟတ္တဉ္စ အလတ္တံ ပဋိလဘိံသု။ သေသံ သုဝိညေယျမေဝ။

တေဝိဇ္ဇသုတ္တဝဏ္ဏနာယ လိနတ္ထပ္ပကာသနာ။

နိဋ္ဌိတာ စ တေရသသုတ္တပဋိမဏ္ဍိတဿ သီလက္ခန္ဓဝဂ္ဂဿ အတ္တဝဏ္ဏနာယ လိနတ္ထပ္ပကာသနာတိ။

သီလက္ခန္ဓဝဂ္ဂဋီကာ နိဋ္ဌိတာ။



သီလက္ခန္ဓဝဂ္ဂနိကာယ

သံဝဏ္ဏဝိတပဒါနံ အနုက္ခမဏိကာ

ပဒါနုက္ခမော	[အ]	ပိဋကော်	ပဒါနုက္ခမော	[အ]	ပိဋကော်
အကတဝိဓာနာ		၂၂၉	အဇ္ဇော		၂၅၆၊ ၃၀၉
အကထံကထိ		၂၅၀	အဋ္ဌကထာ		၁၆
အကာရဏံ		၄၉	အဋ္ဌကပ္ပေ		၁၅၅
အကုဒ္ဓေါ		၁၅၉	အဋ္ဌာနေ		၂၅၂
အက္ခမတိ		၁၂၄	အဋ္ဌပ္ပတ္တိကော		၅၇
အက္ခရပ္ပဘေဒါ		၂၉၁	အမုတေဋ္ဌသဟိ		၂၀၉
အက္ခရိကာ		၁၂၇	အမုယောဂေါ		၂၅၆
အက္ခိတ္တော		၃၁၄	အဏုသဟဂတေ		၁၀၅
အဂ္ဂံ		၃၃၀	အတက္ကာဝစရာ		၁၃၄
အဂ္ဂညာနိ		၃၃၄	အတိက္ကမိတွာ		၂၅၀
အဂ္ဂိသာလံ		၃၀၆	အတိပါတော		၁၁၁
အဂ္ဂိဟောမံ		၁၃၀	အတိဝေလံ		၁၅၉
အဂ္ဂေါ		၁၀၃	အတိဟရဏံ		၂၄၇
အဃဿ		၂၇၅	အတိဟရတိ		၂၅၁
အင်္ဂံ	၁၂၉၊ ၃၁၄		အတိရိတံ		၁၁၁
အင်္ဂလဋ္ဌိံ		၁၃၀	အတုရိတော		၂၉၆
အစလာ		၃၂၇	အတုလိတံ		၁၁၁
အစ္စယော		၂၀၄	အတ္တကာမာ		၂၄၅
အစ္စထ		၁၂၆	အတ္တဇ္ဈာသယော		၅၇
အစ္စန္ဒိကဘာဝမတ္တံ		၁၃၁	အတ္တတ္ထပရတ္တာဒိဘေဒေ		၂၆
အစ္စန္ဒံ		၂၅၇	အတ္တပရိစ္စဇနံ		၂၇၉
အဇိနစမ္ပေဟိ		၁၂၀	အတ္တမနာ		၁၀၇
အဇ္ဈဂါ		၂၅	အတ္တာ		၃၇၀
အဇ္ဈာသယံ		၁၇၉	အတ္တံ		၃၁
အဇ္ဈာသယော		၂၀	အတ္တကဝိ		၁၃၀
အညာတံ		၁၁၁	အတ္တဇာလံ		၁၀၆

ပဒါနုတ္တမော	ပိဋကော်	ပဒါနုတ္တမော	ပိဋကော်
[အ]		[အ]	
အတ္ထဗျဉ္ဇနသမ္ပန္နဿ	၄၁	အနိယမေတွာ	၂၉၈
အတ္တာဘိသမယာ	၄၄	အနိယျာနိကတ္တာ	၁၂၈
အတ္ထိကဝါဒံ	၂၂၆	အနုကမ္ပကော	၁၁၆
အဒဟန္တော	၄၄	အနုကုလယညာနိ	၃၃၀
အဒိဋ္ဌံ	၁၁၁	အနုတ္တရံ	၁၀
အဒိဋ္ဌဇောတနာ	၁၁၁	အနုပဝဇ္ဇံ	၁၀၈
အဒ္ဓုဗ္ဗော	၂၃၃	အနုပါဒိသေသာ	၂၁
အဒ္ဓနိယံ	၂၁	အနုပ္ပဒါတာ	၁၂၀
အဒ္ဓိကာ	၃၂၆	အနုပ္ပဒေတု	၃၂၄
အဒ္ဓေါဋ္ဌတာယ	၃၃၇	အနုပ္ပါဒေါ	၁၀၇
အဓမ္မကာရီ	၃၂၃	အနုမတိ°	၃၇၃
အဓိကရူပေါ	၃၁၅	အနုမတိပုစ္ဆာ	၁၁၁
အဓိဂယုန္တိ	၂၈၁	အနုမတိယာ	၃၂၅
အဓိဋ္ဌာနပါရမိတာ	၇၁	အနုယောဂေါ	၁၄၃
အဓိဝစနပဒါနိ	၁၄၁	အနုလောမိကော	၃၁
အဓောဝိရေစနံ	၁၃၁	အနုဝိစရိတံ	၁၄၅
အနဂ္ဂိပတ္တိကာ	၃၀၇	အနုသင်္ဂီတာ	၁၆
အနညထာနိ	၁၀၇	အနုသယာ	၂၈
အနတ္တကတာနိ	၁၇၉	အနုဿရန္တော	၂၁
အနတ္တကရော	၂၆၀	အနုဟိရမာနေ	၁၀၂
အနမိကံ	၁၀၈	အနုနံ	၁၀၈
အနနုလောမတ္တာ	၁၂၃	အနေကဇာတိသံသာရံ	၂၅
အနဘိရတိ	၁၅၇	အန္တရတော	၄၈၊ ၆၀
အနာဝိလော	၂၇၂	အန္တရဓာယတိ	၁၆၈
အနိစ္စဓမ္မော	၂၆၅	အန္တရာ	၄၈၊ ၅၅
အနိစ္စာနုပဿနာ	၁၀၄	အန္တရိကာယ	၄၈
အနိတ္ထိဂန္ဓာ	၃၀၈	အန္တာနန္တိကာ	၁၆၀
အနိဗ္ဗိသံ	၂၅	အန္တိမဝယံ	၃၁၆
အနိယမိတဝိက္ခေပေါ	၁၆၃	အန္တောဇာတော	၂၃၀

သံဝဏ္ဏိတပဒါနံ အနုက္ကမဏိကာ

၄၀၉

ပဒါနုက္ကမော	ပိဋကော်	ပဒါနုက္ကမော	ပိဋကော်
[အ]		[အ]	
အန္တောဇာလိကတာ	၁၈၆	အဗျာပါဒေန	၁၀၃
အန္တောနိဇ္ဈာယနလက္ခဏော	၁၇၆	အဘယာ	၃၂၄
အန္တတမံ	၆၀	အဘိက္ကန္တတရော	၂၇၃
အပဏ္ဏကံ	၃၃၉	အဘိက္ကန္တေန	၂၇
အပတနဓမ္မော	၃၄၀	အဘိက္ကမော	၂၄၂
အပနေတွာန	၁၆	အဘိဇ္ဈာ	၂၅၈
အပရဏ္ဏံ	၃၂၃	အဘိနန္ဒန္တိ	၁၈၇
အပရပ္ပစ္စယော	၃၁၂	အဘိနိဝေသံ	၁၀၅
အပရာဓော	၂၈၄	အဘိနိဟာရံ	၅၈
အပရာပရံ	၁၄၄	အဘိဘူတတ္တာ	၃၇၄
အပရိမာဏောယေဝ	၃၁၆	အဘိရာဓယတိ	၅၉
အပလိခတိ	၃၅၃	အဘိရူပေ	၂၇၃
အပါပပုရေက္ခာရော	၃၁၇	အဘိဝဒန္တိ	၁၄၂
အပါပေ	၃၁၇	အဘိဝိသိဋ္ဌဉာဏံ	၁၃၄
အပါရံ	၄၀၁	အဘိသင်္ခရိတွာ	၃၅၇
အပ္ပစ္စယော	၅၉	အဘိသင်္ခရေတိ	၃၆၉
အပ္ပဋိဇော	၂၅၅	အဘိသမယဋ္ဌော	၄၄၊ ၄၅
အပ္ပဋ္ဌတရော	၃၃၀	အဘိသမ္ပရာယော	၁၄၉
အပ္ပတိဋ္ဌာ	၃၉၂	အဘိဟရန္တော	၂၄၂
အပ္ပပုညတာယ	၃၄၈	အဘိဟရိတွာ	၂၃၂
အပ္ပမာဏသညီ	၁၇၂	အမက္ခေတွာ	၂၃၈
အပ္ပမာဒေါ	၁၄၃	အမစ္စာ	၃၂၅
အပ္ပဝတ္တိ	၂၇၀	အမရံ	၁၄၂
အပ္ပသဒ္ဓိ	၃၆၃	အမရာဝိက္ခေပိကာ	၁၆၃
အပ္ပါယုကေ	၁၅၆	အမလိနံ	၂၄၀
အပ္ပေတိ	၄၄	အမ္မလဋ္ဌိကာ	၅၂
အပ္ပန္နရံ	၃၂၈	အယာနဘူမိ	၂၉၆
အပ္ပေယျံ	၁၃၀	အရဏီ	၃၀၆
အပ္ပောက္ကိရဏံ	၁၂၇	အရဟတာ	၅၃
အဗျာပဇ္ဇံ	၃၃၄	အရာနံ	၂၁၅

ပဒါနုတ္တမော	[အ]	ပိဋကော်	ပဒါနုတ္တမော	[အ]	ပိဋကော်
အရိယသံဃံ		၁၃	အဿဇ္ဈေါ		၂၈၃
အရိယဝိဟာရာ		၂၀၉	အဟတေ		၁၂၉
အရိနံ		၅၃၊ ၂၁၅		[အာ]	
အရောဂေါ		၁၇၁	အာကာရော		၃၂၈
အလဂ္ဂနဋ္ဌေန		၂၄၀	အာဂမဝရော		၁၅
အလင်္ကာရော		၆၃	အာဃာတော		၅၉
အလဗ္ဘနေယျပတိဋ္ဌာ		၁၃၃	အာစာရသီလမတ္တကံ		၁၁၆
အဝိက္ခေပေန		၁၀၄	အာဏာစက္ကံ		၂၃
အဝိဇ္ဇာဂတော		၁၈၀	အာဏာရဟော		၂၈
အဝိတထာနိ		၁၀၇	အာတာပနံ		၁၄၃
အဝိဒ္ဓါ		၁၈၀	အာဒါနံ		၁၀၅
အဝိဘာဝိတံ		၁၁၁	အာဒိစ္စပါရိစရိယာ		၁၃၁
အဝိဘူတံ		၁၁၁	အာဒိတော		၁၆
အဝိလောမေန္တော		၁၆	အာဒိနဝံ		၄၀၂
အဝိသိဋ္ဌံ		၂၈	အာနန္ဒန္တိ		၆၀
အသံဝရော		၂၈	အာနုဘာဝေန		၁၅
အသကမနော		၂၉၈	အာနုယန္တာ		၃၂၄
အသညိကဘာဝံ		၃၆၄	အာပါယိကော		၃၀၇
အသဒ္ဓမ္မော		၄၃	အာဗာဓိကော		၂၅၉
အသန္နိပါတော		၃၁၃	အာဗာဓေတိ		၂၅၉
အသန္နိဟိတေ		၃၄၄	အာဘတော		၁၆
အသမ္ဘိဿံ		၂၄၂	အာဘုဇတိ		၂၅၁
အသမ္ဘောဟေန		၄၁	အာဘုဇိတွာ		၂၅၇
အသာမပါကာ		၃၀၇	အာဘောဂေါ		၁၇၇
အသုကဒိဝသေ		၁၃၀	အာမိသံ		၁၂၆
အသုကနက္ခတ္တေန		၁၃၀	အာယတနံ	၁၀၆၊ ၁၈၂	
အသေဋ္ဌစရိယံ		၁၁၇	အာယာစနေ		၂၃၂
အသ္မမုဋ္ဌိကာ		၃၀၇	အာယာစန္တိ		၄၀၁
အဿဒ္ဓိယေ		၁၀၆	အာယုပ္ပမာဏေနော		၁၅၆
			အာယူဟနံ		၁၀၅

သံဝဏ္ဏိတပဒါနံ အနုက္ကမဏိကာ

၄၁၁

ပဒါနုက္ကမော	ပိဋကော်
[အ]	
အာယောဂေါ	၃၇၅
အာရကတ္တာ	၂၁၅
အာရာမော	၁၂၀၊ ၃၆၁
အာလယာဘိနိဝေသော	၁၀၅
အာလောကသညာယ	၁၀၃
အာဝရဏဂုတ္တိ	၂၃၂
အာဝရန္တိ	၄၀၃
အာဝါဟနံ	၁၃၀
အာဝါဟေတွာ	၃၀၃
အာသတ္တခဂ္ဂါနိ	၂၁၆
အာသပ္ပနံ	၂၆၀
အာသဘိ°	၁၀၃
အာသယော	၂၅၂
အာသေဝနံ	၁၂၁
အာဟနတိ	၅၉
အာဟာရော	၁၈၅

[ဣ]

ဣတ္ထဘာဝံ	၁၅၈
ဣဒပ္ပစ္စယာ	၁၈၅
ဣဒ္ဓိ	၂၃၉
ဣဒ္ဓိမယော	၁၁၂
ဣဓတ္ထော	၁၈၆
ဣန္ဒဇာလေန	၁၂၇
ဣတ္တာ	၂၉၇
ဣရိယာပထော	၂၀၈
ဣဿရတ္တာ	၃၁၃
ဣဿရော	၃၁၄

ပဒါနုက္ကမော	ပိဋကော်
[ဥ]	
ဥက္ကဋ္ဌာ	၂၈၉
ဥက္ကဏ္ဍိတာ	၁၅၇
ဥက္ကာနံ	၁၃၀
ဥဂစ္ဆနကဥဒကော	၂၆၃
ဥဂ္ဂဟော	၆၅
ဥဂ္ဂိလေတွာ	၂၉၈
ဥဋ္ဌါဓေယျ	၂၇၄
ဥစ္စာ	၁၂၄
ဥစ္ဆာဒနဓမ္မော	၂၆၅
ဥဇ္ဇာစရိယာ	၃၀၆
ဥဏှံ	၃၃၁
ဥတုပုဏ္ဏတာ	၂၁၁
ဥတုသမုဋ္ဌာနာ	၁၅၆
ဥဒီရယိ	၂၃၄
ဥဒ္ဓိဝိရေစနံ	၁၃၁
ဥဒ္ဓမာဃာတနိကာ	၁၇၀
ဥဒ္ဓရဏံ	၂၄၇
ဥဒ္ဓါရော	၁၃၀
ဥဇ္ဈိယိဿတိ	၃၀၄
ဥပက္ကမော	၁၁၂
ဥပဋ္ဌာသိ	၁၀၈
ဥပဒ္ဓဝေထ	၂၆၀
ဥပပရိက္ခန္တိ	၃၁
ဥပရိဗြဟ္မလောကေသု	၁၅၄
ဥပသမံ	၂၁၇
ဥပဟတော	၂၈၄
ဥပါယာသော	၁၇၆
ဥပါရမ္ဘော	၃၄၄
ဥပါသကရတနံ	၂၈၃
ဥပါသနတော	၂၈၂

ပဒါနုတ္တမော

[ဥ]

ဥပေက္ခာပါရမိတာ	၇၁
ဥပေါသထော	၂၁၁
ဥပ္ပဏ္ဍေတိ	၃၄၇
ဥပ္ပလာနိ	၂၆၃
ဥပ္ပါဒဋ္ဌိတိ	၁၃၉
ဥပ္ပါဒေါ	၁၃၈
ဥဗ္ဗိလာဝိတတ္ထံ	၁၇၆
ဥတ္တိဒေါဒကော	၂၆၃
ဥတ္တိန္ဒဥဒကော	၂၆၃
ဥမင်္ဂသဒိသံ	၂၅၇
ဥရုညာယံ	၃၄၇
ဥဿန္တတ္တာ	၂၃၉
ဥဿန္တဓာတုကံ	၂၃

[•]

ဧကံသာယ	၃၃၉
ဧကစ္စအဿတိကာ	၁၅၂
ဧကစ္စသဿတိကာ	၁၅၂
ဧကတ္ထသညီ	၁၇၂
ဧကနိကာယမ္ပိ	၃၁
ဧကဘတ္တိကော	၁၂၃
ဧကရသော	၁၀၇
ဧကာဂါရိကော	၃၅၃
ဧကာလောပိကော	၃၅၃
ဧကာဟဝါရော	၃၅၃
ဧကာဟိကံ	၃၅၃
ဧတဒဂ္ဂံ	၂၃
ဧဝံဂတိကာ	၁၄၉
ဧဝံသဒ္ဓေါ	၃၄

ပဒါနုတ္တမော

[ဩ]

ဩကာသံ	၂၃၄
ဩဃာ	၆၅
ဩနန္ဒန္တိ	၄၀၃
ဩပပါတိကော	၃၄၀
ဩပါနဘူတော	၃၂၆
ဩဘာသနိမိတ္တကမ္ပံ	၂၁၂
ဩဘာသယံ	၂၇၃
ဩရသာ	၁၂
ဩဋ္ဌာရိကာ	၃၆၉

[က]

ကက္ခဋ္ဌတ္ထံ	၁၀၅
ကင်္ခါ	၄၄
ကဋ္ဌံ	၅၅
ကဏ္ဍဇပွန်	၁၃၁
ကတွာ	၂၅၈
ကထာ	၂၈
ကထာဓမ္မော	၅၂
ကထေတုကမျတာ	၁၁၁
ကန္တာရော	၂၅၉
ကန္တရော	၆၅
ကဗဠန္တရာယော	၃၅၃
ကမ္မဋ္ဌာနံ	၁၅၀
ကမ္မဋ္ဌာနဘာဝေ	၁၂၈
ကမ္မဋ္ဌာနာနိ	၁၇
ကမ္မပစ္စယာ	၁၅၅၊ ၁၅၆
ကရဇကောယံ	၂၆၂
ကရဏံ	၅၉
ကရဏီယံ	၂၃
ကရဏီယေန	၃၃၇

သံဝဏ္ဏိတပဒါနံ အနုက္ကမဏိကာ

၄၁၃

ပဒါနုက္ကမော	ပိဋကော်
[က]	
ကရမရာနီတော	၂၃၀
ကရုဏာဝိဟာရေန	၄၇
ကရုဏာသီတလဟဒယံ	၂၂၃
ကသတိ	၂၃၂
ကသိဏေန	၆၁
ကာမနီယာ	၄၀၂
ကာမယိတဗ္ဗဋ္ဌေန	၄၀၁
ကာမဿာဒေါ	၃၆၂
ကာမူပသဗ္ဗိတာနိ	၃၃၈
ကာယပရိဟာရိကာ	၂၅၅
ကာယသက္ခိ	၂၄၉
ကာယိကာ	၁၁၄
ကာယော	၁၈၆
ကာရဏံ	၁၄၅
ကာရဏေန	၄၉
ကာရာနံ	၂၇၇
ကာလယုတ္တံ	၅၄
ကာလုသိယဘာဝေါ	၃၀၉
ကာဟသိ	၂၅
ကာဠကံ	၂၅၆
ကိစ္ဆဇီဝိတကရာ	၃၈၅
ကိစ္ဆတိ	၃၀၉
ကိတ္တိဃောသော	၃၆၃
ကိရိယာကပ္ပေါ	၂၉၁
ကိလန္တာ	၃၄၄
ကိလာသုဘာဝေါ	၅၄
ကုဏ္ဍကံ	၃၅၃
ကုဒဏ္ဍကဗန္ဓနံ	၃၂၄
ကုပိတစိတ္တံ	၁၂၁
ကုမုဒဝတိယာ	၂၁၁

ပဒါနုက္ကမော	ပိဋကော်
[က]	
ကုမ္ဘဒါသိကထာ	၁၂၉
ကုမ္မဂ္ဂေါ	၂၇၅
ကုဋံ	၂၅
ကုဋဋ္ဌာ	၂၂၉
ကုဋော	၃၄၂
ကေရာဋ္ဌိကာ	၃၁၈
ကေသဂ္ဂဟဏံ	၃၀၂
ကေဋ္ဌနာ	၃၁၇
ကေဋ္ဌိဟဿသုခံ	၁၅၉
ကောဋိ	၁၀၂
ကောဋိယံ	၂၈၄
ကောဋ္ဌာဂါရံ	၃၂၃
ကောမာရဘဇ္ဈော	၂၀၉
ကောလဗ္ဗော	၆၅
ကောသလကာ	၃၃၇
ကောသေယျကဋ္ဌိဿမယံ	၁၂၈
[ခ]	
ခဏော	၄၄
ခတ္တာ	၃၁၃
ခန္တိ	၃၇၅
ခန္တိပါရမိတာ	၇၁
ခယော	၁၀၇၊ ၂၆၉
ခရာ	၂၉၉
ခါရိ	၃၀၆
ခါရိဘရိတံ	၃၀၆
ခိန္နာပဒေါသိကာ	၁၅၉
ခုရဓာရူပမံ	၃၀၆
ခေတ္တလေဇူနံ	၂၉၉
ခေတ္တဝိဇ္ဇာယ	၃၀၇
ခေါဘေတွာ	၂၁၀

ပဒါနုတ္တမော

[ဂ]

ပိဋကော်

ဂဇ္ဇိတံ
ဂဏသင်္ဂဏိကာ
ဂတံ
ဂတမလံ
ဂတိယော
ဂတိဝိမုတ္တံ
ဂတော
ဂန္ဓဇာတာ
ဂန္ဓာရီ
ဂန္ဓော
ဂဟ္တာ
ဂမ္ဘိရာ
ဂမ္ဘိရော
ဂရုကံ
ဂဝေသိ
ဂဟဏီ
ဂါမော
ဂါရဝယုတ္တော
ဂိလာနော
ဂိဝါယာမကံ
ဂုဏကထာယ
ဂုဏာဂုဏပဒါနိ
ဂုဏာဓိကောပိ
ဂုဟာ
ဂူဠော
ဂေဟံ
ဂေါစရသမ္ပဇညံ
ဂေါစရော
ဂေါတ္တဝသေန

၁၃၇
၂၃၁
၂၅
၁၀
၃၄၃
၆
၁၀၃
၆၃
၃၀၉
၆၃
၃၉၆
၁၃၄
၂၆
၃၀၅
၃၀၉
၃၁၄
၁၂၂
၄၇
၂၅၉
၁၂၆
၂၁၄
၂၂၆
၃၀၆
၂၅၆
၂၆
၂၅
၂၄၃
၂၃
၂၉၀

ပဒါနုတ္တမော

[ဂ]

ပိဋကော်

ဂေါပဒကံ
ဂေါမယသိဇ္ဇနံ

၃၁၆
၃၂၄

[ဃ]

ဃဋ္ဌိကာ
ဃဇ္ဇေန္တော
ဃနတာဠု
ဃနသညာ

၁၂၇
၂၉၀
၁၂၇
၁၀၅

[င]

စက္ကဝတ္တိ
စက္ကဝါဠမဟာသမုဒ္ဒေါ
စဏ္ဍာလံ
စဏ္ဍာလော
စတုဘာဂမတ္တံ
စတုသင်္ခေပံ
စန္ဒနံ
စရိယာ
စရိယာဝိဓာနသဟိတော
စလိတေ
စာတုဒ္ဓိသော
စာတုမာသီ
စာရိကံ
စိဏ္ဍဝသိတာယ
စိန္တာကပိ
စိန္တာမဏိ
စိရဋ္ဌိတတ္ထံ
စိရနိက္ခန္တော
စိနပိဋစုဏ္ဏံ
စုတိမတ္တမေဝ

၂၉၃
၆၅
၁၂၇
၂၄၃
၁၂၆
၁၃၉
၆၃
၂၀
၁၇
၁၂၀
၂၅၅
၂၁၁
၂၀၆
၃၆၅
၁၃၀
၃၀၉
၁၇
၄၀၄
၅၁
၁၇၄

သံဝဏ္ဏိတပဒါနံ အနုက္ကမဏိကာ ၄၁၅

ပဒါနုက္ကမော	ပိဋကော်	ပဒါနုက္ကမော	ပိဋကော်
[စ]		[ဈ-ဥ]	
စေတီယင်္ဂဏေ	၂၁၀	ဈာနသညာ	၃၇၀
စေတီယရဋ္ဌေ	၃၈၅	ဈာနဝေဂေ	၁၆၈
စေတောဝိမုတ္တိ	၃၄၀	ဈာနာနိ	၁၇၂၁၈
စောရကဏ္ဍကေဟိ	၃၂၃	ဈာယိတုံ	၃၃၂
		ဉာဏံ	၁၃၇
[ဆ]		ဉာဏဒဿနံ	၂၆၅
ဆတ္တေ	၁၀၂	ဉာတတ္ထစရိယာ	၁၀၂
ဆဗ္ဗဏ္ဏရသ္မိယော	၅၁	ဉာတိဗျဿနံ	၄၀၄
ဆန္တိတတ္ထံ	၁၅၇၂၂၆၀	ဉာတိ	၂၄၀
ဆာယာရူပကမတ္ထံ	၃၁၀		
ဆေကော	၂၆၃၂၃၄၂	[န]	
		ဌပနာ	၃၂၂
[ဇ]		ဌပိတာ	၃၇၇
ဇနပဒတ္တာဝရိယပ္ပတ္တော	၂၉၃	ဌာတုံ	၄၀၅
ဇနပဒိနော	၂၈၆	ဌာနန္တရံ	၃၂၄
ဇနာ	၁၄၀	ဌာနာနိ	၁၃၇
ဇနိတသ္မိံ	၃၀၅		
ဇနေတသ္မိံ	၃၀၅	[တ]	
ဇလံ	၂၇၃	တက္ကဂါဟေနေဝ	၁၇၁
ဇာတသံဝဇ္ဇော	၄၀၄	တက္ကယတိ	၁၄၅
ဇာနတာ	၅၃	တက္ကော	၁၄၅
ဇာယပ္ပတိကာ	၂၄၀	တဇ္ဇိတာ	၃၂၉
ဇိဂုစ္ဆတိ	၃၅၆	တဇ္ဇော	၁၁၉
ဇိက္ခော	၃၁၆	တဏှာဂတာနံ	၁၈၁
ဇိဝိတိန္ဒြိယံ	၁၁၁	တဏှာဒိဋ္ဌိဝသေန	၁၄၁
ဇုတိ	၂၃၉	တဏှာမိပတေယျော	၁၈၀
ဇေဂုစ္ဆံ	၃၅၆	တထလက္ခဏံ	၁၀၇
ဇေဋ္ဌကံ	၃၃၄	တထာဂတော	၁၀၉
		တဒုတ္တရိ	၁၀၇
		တန္တာဝုတာနိ	၂၁၄

ပဒါနုတ္တမော

[၈]

ပိဋကော်

တန္တိနယာနုစ္ဆရိကံ

၁၆

တပဿိ°

၃၄၇

တသိတာ

၃၄၄

တယတိ

၃၀၃

တာဝကာလိကာနိ

၂၅၀

တာသတဿနာ

၁၅၇

တိတ္ထကရော

၂၁၃

တိတ္ထာယတနေ

၁၆၆

တိယဒ္ဓိံ

၁၃၉

တိရစ္ဆာနဘူတာ

၁၂၈

တိလကံ

၂၅၆

တိသန္ဓိ°

၁၃၉

တုစ္ဆော

၃၈၀

တောဒေယျော

၃၈၄

[၈]

ထဏှိလသေယျံ

၃၅၄

ထုတိဗောသော

၂၁၅

ထေယျံ

၁၁၆

ထေရဝံသပဒိပါ

၁၇

ထေရဝံသပဒိပါနံ

၁၆

[၉]

ဒတ္တိ

၃၅၃

ဒတ္တိကံ

၃၀၇

ဒတ္တုဟိ

၂၂၆

ဒန္တမယသလာကာ

၃၃၀

ဒန္တဝက္ကလိကာ

၃၀၇

ဒန္ဓာယိတတ္ထံ

၄၀၄

ဒသပဒံ

၁၂၇

ပဒါနုတ္တမော

[၉]

ပိဋကော်

ဒဿနိယတာ

၂၁၂

ဒဿနိယော

၃၁၅

ဒဿုဒိလံ

၃၂၄

ဒဟရာယ

၃၄၈

ဒါနံ

၃၃၄

ဒါနပါရမိတာ

၇၀

ဒါနသူရော

၃၂၅

ဒိဋ္ဌဓမ္မော

၁၇၆

ဒိဋ္ဌပုဗ္ဗာနိ

၃၇၈

ဒိဋ္ဌပုဗ္ဗာနုဿာရေန

၁၆၂

ဒိဋ္ဌသံသန္ဓနာ

၁၁၁

ဒိဋ္ဌိ

၃၇၅

ဒိဋ္ဌိဂတံ

၁၄၂

ဒိဋ္ဌိဇာလံ

၁၈၆

ဒိဋ္ဌိဇုကမ္ပံ

၂၇၉

ဒိဋ္ဌိဝေဒယိတေ

၁၈၂

ဒိဋ္ဌေကဋ္ဌေ

၁၀၅

ဒိဋ္ဌိံ

၂၂၅

ဒိပ္ပတိ

၂၂

ဒိပ္ပဝိဟာရော

၂၀၈

ဒိဗ္ဗာ

၃၉၆

ဒိဗသုတ္တကိတဿ

၁၅

ဒိပဝါသီနံ

၁၆

ဒုက္ခံ

၂၇၇

ဒုဂ္ဂတာ

၃၂၆

ဒုဋ္ဌစိတ္တော

၂၈၁

ဒုတိယဒိဝသေ

၂၃

ဒုဒ္ဓဿာ

၁၃၄

ဒုရနုဗောဓာ

၁၃၄

ပဒါနုတ္တမော	ပိဋကော်	ပဒါနုတ္တမော	ပိဋကော်
[ခ]		[ဝ]	
ဒုလ္လဘာ	၅၄	ဓာတုသမတာ	၂၉၇
ဒုတေယျကထာ	၁၂၉	ဓာရဏံ	၆၅
ဒေဝယာနိယော	၃၉၂	ဓုတဓမ္မာ	၁၇
ဒေဝသိကာဘတ္တံ	၃၂၄	ဓုတပါပေါ	၂၃၀
ဒေသနာ	၂၀	ဓုရာ	၂၀၉
ဒေသနာသီသံ	၁၆၆	ဓုဝံ	၁၄၂
ဒေါသာနံ	၁၃၁	ဓုဝဒါနာနိ	၃၃၀
ဒေါသာဘိသန္ဓံ	၂၀၉	ဓုဝသညံ	၁၀၅
ဒေါသိနာ	၂၁၂	ဓောတာ	၃၁၉
ဒွိဟဝါရော	၃၅၃	ဓောဝတိ	၃၁၉
[ဝ]		[န]	
ဓနက္ခိတော	၂၃၀	နက္ခတ္တဿ	၂၆၀
ဓမ္မံ	၁၀	နဂ္ဂေါ	၃၅၃
ဓမ္မက္ခာနံ	၁၀၂	နတ္တာ	၃၂၀
ဓမ္မစက္ကံ	၂၀	နထိရကထော	၁၁၉
ဓမ္မစိန္တံ	၃၁	နန္ဒိ	၁၀၄
ဓမ္မဇာလံ	၁၀၆	နမနံ	၁၀၆
ဓမ္မဋ္ဌိတိဉာဏံ	၁၃၉	နရကပပါတံ	၃၉၀
ဓမ္မတာ	၁၆၀	နာနာဝေရဇ္ဇံ	၃၁၃
ဓမ္မတာသိဒ္ဓိ	၃၃၄	နာနုဘောန္တိ	၃၁
ဓမ္မနိယာမေန	၃၄၀	နာဠိကာ	၁၂၇
ဓမ္မနေတ္ထိ	၄၄	နိက္ကမိတ္တာ	၂၅၇
ဓမ္မပရိယာယေ	၁၀၆	နိက္ခမတိ	၁၄၃
ဓမ္မဝဝတ္ထာနေန	၁၀၄	နိက္ခမန္တာ	၂၆၀
ဓမ္မရာဇာ	၂၉၃	နိက္ခိတ္တဿ	၅၆
ဓမ္မရုစိ	၂၃၃	နိဂမော	၃၂၄
ဓမ္မာဘိလာပေါ	၂၉	နိစ္စံ	၁၄၂
ဓမ္မေန	၂၀၃	နိစ္စသညံ	၁၀၄
ဓရန္တိ	၃၀၆	နိစ္စောလော	၃၅၃
		နိဓာနံ	၂၅၂

ပဒါနုတ္တမော	ပိဋကော်	ပဒါနုတ္တမော	ပိဋကော်
[န]		[ဝ]	
နိဇ္ဇေတွာ	၃၁၀	ပစ္စယာကာရဒေသနာ	၁၈
နိပုဏဿ	၁၅	ပစ္စယော	၇၂
နိပုဏာ	၁၃၃	ပစ္စဝေက္ခဏံ	၆၅
နိပ္ပေသိကာ	၁၂၉	ပစ္စာဂစ္ဆတော	၃၇၃
နိဗဒ္ဓဒါနာနိ	၃၃၀	ပစ္စာသံသရန္တော	၂၄၃
နိဗ္ဗတ္တိလက္ခဏံ	၁၅၀	ပစ္ဆိမစက္ကဒ္ဓယသိဒ္ဓိယာ	၄၂
နိဗ္ဗာနဓာတု	၂၁	ပဉ္စသိခမုဏ္ဍကရဏံ	၃၂၄
နိဗ္ဗာပနိယံ	၁၃၁	ပညာပါရမိတာ	၇၀
နိဗ္ဗဒါနုပဿနာယ	၁၀၄	ပညာသင်္ကလနနိစ္ဆယော	၁၈
နိမိတ္တံ	၁၀၅	ပဋ္ဌလာနိ	၁၃၁
နိရာမဂန္ဓာ	၃၀၈	ပဋ္ဌိကမ္ပံ	၁၃၁
နိရုတ္တိ	၃၈၁	ပဋ္ဌိကိဋ္ဌော	၂၈၃
နိရောဓာနုပဿနာယ	၁၀၄	ပဋ္ဌိက္ကမော	၂၄၂
နိဝါရေန္တိ	၄၀၃	ပဋ္ဌိစ္စ	၁၅၀
နိဝရဏကဝါဠိ	၁၀၄	ပဋ္ဌိစ္ဆန္တော	၂၇
နေက္ခမ္ပပါရမိတာ	၇၀	ပဋ္ဌိနိဿာဂ္ဂါနုပဿနာ	၁၀၅
နေက္ခမ္ပန	၁၀၃	ပဋ္ဌိပက္ခော	၈၅
နေမိတ္တိကာ	၁၂၉	ပဋ္ဌိပတ္တိ	၈၅
နေယျော	၂၇	ပဋ္ဌိပတ္တိမုခံ	၃၀၆
		ပဋ္ဌိဘာဂကိရိယံ	၃၆၄
		ပဋ္ဌိဘာနကဝိ	၁၃၀
ပကတိယာ	၁၅၅	ပဋ္ဌိဝေဓပညာယ	၅၃
ပကပ္ပေတိ	၃၆၉	ပဋ္ဌိဝေဒေသိ	၂၁၆
ပကရဏေ	၃၀၅	ပဋ္ဌိသံဝေဒေတိ	၂၄၂
ပကာသာ	၄၆	ပဋ္ဌိသင်္ခါနံ	၁၀၆
ပက္ခာ	၃၂၅	ပဋ္ဌိဟညတိ	၃၃၂
ပဂ္ဂဏန္တေသု	၃၁၈	ပဋ္ဌိဟန္တိ	၃၃၁
ပဂ္ဂဟော	၁၀၆	ပဏမန္တိ	၂၅၇
ပဋ္ဌရဏံ	၁၀၅	ပဏိမိ	၁၀၅
ပစ္စန္ဓိ	၃၆၁	ပဏိပါတော	၂၇၉
ပစ္စယပရိဂ္ဂဟေ	၁၃၉		

သံဝဏ္ဏိတပဒါနံ အနုက္ကမဏိကာ

၄၁၉

ပဒါနုက္ကမော
[၁]
ပိဋကော်

ပဏီတတရာ	၃၉၂
ပဏီတာ	၁၃၄
ပဏ္ဍိစွေန	၁၆၄
ပဏ္ဍိတဝေဒနိယာ	၁၃၄
ပဏ္ဍိတော	၃၅၅
ပဏ္ဍုပလာသိကာ	၃၀၇
ပဏ္ဍုရာဇာ	၁၂၉
ပတိဋ္ဌပေတဗ္ဗာ	၃၂၇
ပထဝိကာယော	၂၂၉
ပုဒဝိဘာဂေါ	၃၄
ပဒဟနံ	၁၄၃
ပဒါနိ	၁၂၇
ပန္နဒုဟနာ	၃၂၃
ပမုခလက္ခဏံ	၁၀၇
ပယာတံ	၃၀၇
ပယောဂသုဒ္ဓိယာ	၄၂
ပယောဂေါ	၁၃၀
ပရတ္တော	၁၈၆
ပရမံ	၃၅၆
ပရမတ္ထော	၂၇
ပရသံဟရဏံ	၁၁၆
ပရာမိနော	၂၅၉
ပရာမာသော	၁၅၀
ပရိက္ခာရာ	၃၂၂၊ ၃၂၅
ပရိဂ္ဂဟိတတ္တာ	၂၀၈
ပရိဂ္ဂဟေတွာ	၂၄၃
ပရိတဿနာ	၁၅၇
ပရိတ္တသညီ	၁၇၂
ပရိဒဟိတွာ	၂၄၀
ပရိနိဋ္ဌာပိတာ	၁၄၈

ပဒါနုက္ကမော
[၁]
ပိဋကော်

ပရိပတတိ	၂၅၇
ပရိပုစ္ဆာ	၆၅
ပရိမဒ္ဒနဓမ္မော	၂၆၅
ပရိယတ္တိ	၁၃၂
ပရိယတ္တော	၂၃
ပရိယန္တော	၂၅၉
ပရိယာဒိယိတွာ	၄၀၅
ပရိယာယော	၄၉၁၊ ၂၆
ပရိယေဋ္ဌိ	၃၀၇
ပရိယောနန္ဒန္တိ	၄၀၃
ပရိဝဇ္ဇော	၂၄၀
ပရိဝတ္တနတ္ထံ	၁၃၁
ပရိသပ္ပနံ	၂၆၀
ပရိသုဒ္ဓိ	၂၄၀၊ ၂၆၄
ပရိဿယာ	၂၅၅
ပရိဋ္ဌာဟာ	၆၆
ပလိဗုဒ္ဓါ	၆၆
ပဝတ္ထဖလဘောဇိနော	၃၀၇
ပဝတ္တိနော	၂၂
ပဝါယတိ	၆၃
ပဝိသန္တာ	၂၆၈
ပဝုဋ္ဌာ	၂၂၅
ပသန္ဓကာရံ	၃၅၇
ပသဝတိ	၂၇
ပဿတာ	၅၃
ပဿဒ္ဓိ	၁၀၇
ပဟာယ	၁၀၃
ပဟူတဘာဝံ	၃၁၀
ပါကဋ္ဌမန္တနံ	၃၀၈
ပါဂ္ဂိဟာရိယံ	၃၇

ပဒါနုတ္တမော	ပိဋကော်	ပဒါနုတ္တမော	ပိဋကော်
[ပ]		[ပ]	
ပါဏဘူတေ	၁၁၆	ပေသာစာ	၂၂၅
ပါဏာတိပါတော	၁၁၄	ပေသိတစိတ္တော	၃၅၉
ပါတဗျတံ	၃၄၈	ပေါဒါနုပေါဒိ	၂၄၅
ပါတေသိ	၃၁၀	ပေါဋ္ဌပါဒေါ	၃၆၀
ပါတတံ	၃၂၄	ပေါတ္တနိယံ	၂၁၀
ပါရိသဇ္ဇာ	၃၂၅	ပေါရာဏာ	၄၇
ပါသကံ	၁၂၇	ပေါသာဝနိယံ	၂၈၉
ပါသာဒိကော	၃၁၅	[ပ]	
ပါသာဒေါ	၂၅၆	ဖရဏံ	၁၀၆
ဝိယဇာတိကာ	၄၀၂	ဖရိတွာ	၄၀၅
ဝိယဇာတိကာနိ	၃၃၈	ဖရသံ	၁၁၉
ဝိသုဏဝါစာ	၁၁၉	ဖလံ	၂၂၅
ဝိတိမနဿ	၂၆၂	ဖဠုဗီဇံ	၁၂၆
ဝိတိဝစနံ	၂၁၂	ဖုဋ္ဌော	၂၃၀
ဝိဠနံ	၄၅	ဖုဿ ဖုဿ	၂၂၅
ပုစ္ဆာနုသန္ဓိ	၁၇၉	[ပ]	
ပုစ္ဆာဝသိကော	၅၇	ဗလဝတုဋ္ဌိ	၃၇၉
ပုညံ	၂၃၉	ဗလဝပါယာသံ	၃၄၅
ပုဂ္ဂံသေန	၃၁၈	ဗလဝါ	၂၆၁
ပုထုအာရမ္မဏံ	၁၃၅	ဗလိကမ္မကရဏံ	၁၃၁
ပုထုဇ္ဇနာ	၆၅	ဗဂ္ဂါရိဇ္ဈာ	၄၀၀
ပုဗ္ဗစရိတံ	၃၂၂	ဗီဇဗီဇံ	၁၂၆
ပုဗ္ဗစရိယာ	၁၀၁	ဗုဒ္ဓစက္ခု	၂၄၂
ပုဗ္ဗဏ္ဍံ	၃၂၃	ဗုဒ္ဓဘာဝံ	၁၀
ပုဗ္ဗန္တကပ္ပိကာ	၁၄၀	ဗုဒ္ဓဘူမိယော	၇၃
ပုဗ္ဗယောဂေါ	၁၀၁	ဗုဒ္ဓါနုဗုဒ္ဓါ	၁၅
ပုရဿ	၁၂၁	ဗုဒ္ဓိစရိယာ	၁၀၂
ပူရဏကထာ	၁၁၉	ဗုဒ္ဓေါ	၁၀
ပေက္ခာ	၁၂၇	ဗြဟ္မကာယိကာ	၁၅၅
ပေမေန	၄၀၂	ဗြဟ္မစရိယံ	၂၃၉

သံဝဏ္ဏိတပဒါနံ အနုက္ကမဏိကာ

၄၂၁

ပဒါနုက္ကမော

ပိဋကော်

[ဗ]

မြဟ္မဇာလံ
မြဟ္မညာ
မြဟ္မဝစ္ဆသီ
မြဟ္မဝိဟာရာ
မြူဟေတွာ

၁၈၆
၃၁၇
၃၁၅
၂၀၉
၁၀၂

[ဘ]

ဘဂ္ဂေါ
ဘဂ္ဂေါ
ဘတကာနံ
ဘယံ
ဘယဒဿံဝီ
ဘယဘေရဝံ
ဘယာနကံ
ဘဝတဏှာယ
ဘဝဒိဋ္ဌိယာ
ဘဝန္တရသမယံ
ဘဝဿ
ဘဿံ
ဘာရိယေ
ဘာဝဝိဂမံ
ဘာဝေတွာ
ဘိဇ္ဇတိ
ဘိန္နပတိဋ္ဌော
ဘုဇိဿော
ဘုဿတိ
ဘူတတာယ
ဘူတဘဗျာနံ
ဘူတိကာမော
ဘူမန္တရံ
ဘူရိဝိဇ္ဇာ

၁၅၇၊ ၂၁၆၊ ၂၁၇

၁၅၇၊ ၂၁၇

၃၆၄
၂၇၀
၃၄၄
၂၄၁
၂၁၇
၁၅၇၊ ၂၁၇
၁၈၅
၁၈၅
၃၆၄
၁၈၄
၃၀၅
၂၀၉
၁၇၃
၁၀၊ ၂၆၀
၃၄၅
၂၈၅
၂၅၉
၃၄၄
၃၆၇
၁၅၈
၂၂၈
၁၃၇
၁၃၀

ပဒါနုက္ကမော

[ဘ]

ဘေဒံ
ဘေဒေါ
ဘေသဇ္ဇမတ္တာ
ဘောဂက္ခန္ဓော

၂၈
၁၂၄
၂၃
၂၄၀

[ဗ]

မံသံဝဏ္ဏိဇ္ဇာ
မဂ္ဂဒီပကံ
မဂ္ဂပဋိပန္နော
မဂ္ဂဖလသုခေန
မဇ္ဇေဝဏ္ဏိဇ္ဇာ
မဏ္ဍနံ
မဏ္ဍပေါ
မတ္တိကကဏ္ဍံ
မဒနိဒ္ဓိ
မဒန္တာ
မရပါယာသံ
မရရေန
မနာပါ
မနေန
မနောပဏိမိ
မနောပဒေါသိကာ
မနောမယံ
မနောရမံ
မန္တပဒံ
မမ္မဇ္ဈေဒကော
မရတိ
မရူ
မလံ
မဟစ္စ

၂၈၃
၄၀၄
၃၁၆
၂၁၀
၂၈၃
၆၃
၂၅၆
၁၂၈
၃၆၅
၂၄၅
၆၅
၃၃၉
၁၂၁၊ ၄၀၂
၁၅၉
၁၅၈
၁၅၉
၃၇၄
၁၆
၃၀၈
၁၂၀
၁၆၂
၁၀၃
၂၈၃
၂၁၆

ပဒါနုတ္တမော	ပိဋကော်	ပဒါနုတ္တမော	ပိဋကော်
[ဗ]		[ဗ]	
မဟဒ္ဒနော	၃၁၄	မေတ္တစိတ္တတာ	၁၁၆
မဟန္တံ	၁၃၇	မေတ္တာပါရမိတာ	၇၁
မဟန္တာနံ	၁၂၉		
မဟပ္ပလတရော	၃၃၀	[ဃ]	
မဟာဂဇာ	၂၅၅	ယက္ခဒါသိနံ	၃၆၅
မဟာဂေါရိန္ဒော	၂၀၈	ယတတ္ထော	၂၃၀
မဟာဇနံ	၂၃	ယထာဓမ္မံ	၂၉
မဟာဇုတိကံ	၂၈၂	ယထာနုသန္ဓိ	၁၇၉
မဟာမတ္တာ	၂၁၆	ယသော	၂၁၃
မဟာမတ္ထော	၃၁၃	ယာပနိယံ	၂၉၆
မဟာဝိပ္ပာရိ	၂၈၂	ယာဝဒေ	၂၂
မဟာသမယော	၄၄	ယောဂေ	၃၅၉
မဟေသက္ခတရော	၁၅၈		
မာနနိဗ္ဗဒနတ္ထံ	၂၉၈	[ခ]	
မာရသေနမထနာ	၁၃	ရက္ခာဂုတ္တိ	၂၃၂
မာသပုဏ္ဏတာ	၂၁၁	ရဇတဗိဗ္ဗကံ	၂၈၈
မာသုရက္ခော	၁၃၀	ရဇ္ဇနတော	၂၉၃
မာဠော	၂၅၆	ရဇ္ဇေတိ	၂၀၉
မိဂပက္ခိနံ	၃၂၂	ရဋ္ဌိယပုတ္တာ	၂၁၆
မိစ္ဆာဝဏိဇ္ဇာ	၂၈၃	ရတနံ	၁၄
မုခဒေါသော	၂၆၈	ရတနာဝေဠံ	၅၁
မုစ္ဆာကာရံ	၄၀၂	ရတိဓမ္မော	၁၅၉
မုတ္တဟရိတကံ	၂၅၄	ရတ္တညာနိ	၃၃၄
မုတ္တော	၂၆၀	ရထူပတ္ထရေ	၃၀၈
မုဒုကာယ	၃၄၈	ရမနိယော	၃၄၇
မုသာဝါဒေါ	၁၁၈	ရဓမ္မ	၃၃၂
မူလဗီဇံ	၁၂၆	ရာဇဂဟံ	၂၀၈
မူလဘေသဇ္ဇာနိ	၁၃၁	ရာဇတိ	၂၀၉
မူလလက္ခဏံ	၁၀၇	ရာဇာဂါရကံ	၅၂
မေဃဝဏ္ဏံ	၃၆၁	ရာဇာမစ္စပရိဝုတော	၂၁၂

သံဝဏ္ဏိတပဒါနံ အနုက္ကမဏိကာ

၄၂၃

ပဒါနုက္ကမော

ပိဋကော်

[၇]

ရာသိကတံ

၃၀၈

ရာသိကော

၃၂၄

ရုစိ

၃၇၅

ရုပ္ပနံ

၁၀၆

ရူပိ

၁၇၀၊ ၂၆၅

ရောဂဗျဿနံ

၄၀၄

[၈]

လက္ခဿာ

၂၁၂

လက္ခဏံ

၁၁၁

လဂ္ဂိတုံ

၄၀၅

လဂ္ဂိဿာမ

၃၀၅

လဇ္ဇိ

၁၁၆

လဒ္ဓဿရမေဝ

၃၇၀

လပန္နိ

၁၂၉

လဋ္ဌနံ

၂၅၀

လာဘိ

၁၇၃

လိဂ်°

၁၃၁

လုဇ္ဇနဋ္ဌေန

၂၅၈

လူခါဇိဝိ°

၃၄၇

လေဏံ

၂၅၆၊ ၃၀၃

လေဏတ္ထံ

၃၃၂

လောကက္ခာယိကာ

၁၂၉

လောကော

၁၅၄

လောမသာယ

၃၄၈

လောဟိတေ

၁၂၈

[၉]

ဝံသညာနိ.

၃၃၄

ဝစနဗျတယော

၂၁၂

ပဒါနုက္ကမော

[၁၀]

ဝစ္ဆတရသတာနိ

၃၂၂

ဝဗ္ဗာ

၂၂၉

ဝဓေတိ

၂၃၂

ဝဏိဗ္ဗကာ

၃၂၆

ဝဏ္ဏေန

၂၇၃

ဝဏ္ဏော

၅၀

ဝတ္ထိ

၁၅၉

ဝဒမာနာ

၁၃၄

ဝဓော

၁၂၄

ဝန္တေ

၆၊ ၁၀

ဝမနံ

၁၃၁

ဝယဓမ္မာ

၂၅

ဝဝတ္ထာပနဝစနံ

၁၃၆

ဝသနဝနံ

၂၀၈

ဝသိနော

၁၆

ဝါက္ကရဏံ

၃၁၅

ဝါဒပ္ပမောက္ခော

၃၁

ဝါဒသဃ်ဇ္ဇေ

၃၀၃

ဝါနဝိစိတ္တံ

၁၂၈

ဝါယာမော

၁၁၉

ဝါလဝေမိ

၁၆၄

ဝါဠုမိဂါနိ

၃၃၁

ဝါဠုရူပါနိ

၁၂၈

ဝိက္ကမိ

၁၀၃

ဝိက္ခန္ဓနံ

၂၅၈

ဝိက္ခေပေါ

၁၆၂

ဝိဂတဒရထော

၂၆၂

ဝိဂတဒေါသံ

၁၆

ဝိဃာတံ

၃၁၈

ဝိဇာတိတာယ

၂၃၉

ပဒါနုတ္တမော	ပိဋကော်	ပဒါနုတ္တမော	ပိဋကော်
[•]		[•]	
ဝိဇ္ဇိ	၃၀၄	ဝိသိခါ	၁၂၈
ဝိဇ္ဇန္တရိကာယ	၄၈	ဝိဟနနံ	၁၆၄
ဝိဇ္ဇာမယော	၁၁၂	ဝိဟရတိ	၁၁၆
ဝိညာတဗ္ဗံ	၃၉၃	ဝိဟာရော	၂၅၆
ဝိတက္ကိတံ	၁၇၆	ဝိဟေဋ္ဌနဘာဝတော	၁၁၅
ဝိတ္ထမ္ဘနံ	၁၀၅	ဝိတိက္ကမိဿာမိ	၁၁၄
ဝိတ္ထာယိတတ္ထံ	၄၀၄	ဝိတိဟရဏံ	၂၄၇
ဝိနာသော	၁၇၃	ဝိတိဟရတိ	၂၅၁
ဝိနဿေယျ	၂၁၇	ဝိမံသာ	၁၄၅
ဝိပရိဏာမော	၁၀၅	ဝိရိယပါရမိတာ	၇၀
ဝိပဿိတုံ	၃၃၂	ဝူပကဋ္ဌော	၃၅၉
ဝိပါကော	၂၂၅	ဝေဋ္ဌကေဟိ	၃၀၉
ဝိပ္ပလန္တေသိ	၂၁၇	ဝေဒယိတံ	၁၈၁
ဝိမတိ	၄၄	ဝေဒေန	၂၁၀
ဝိမတိန္တေဒနာ	၁၁၁	ဝေရမဏိယော	၂၈၃
ဝိမုတ္တိယာ	၁၀၇	ဝေရမဏီ	၃၃၃
ဝိမုတ္တိရသံ	၂၄	ဝေသာရဇ္ဇပ္ပတ္တော	၃၁၂
ဝိမ္မာပယန္တိ	၁၂၉	ဝေါဒါနံ	၈၅၊ ၁၀၆
ဝိရတောဝ	၁၁၄	ဝေါဟာရော	၃၈၁
ဝိရာဂါနုပဿနာယ	၁၀၄	[ဆ]	
ဝိရေစနံ	၁၃၂	သံကိတ္တိ	၃၅၃
ဝိလမ္ဘိတံ	၃၁၅	သံကိလိဋ္ဌဖိတ္တဿ	၁၂၀
ဝိလာသော	၃၇၈	သံကိလေသော	၈၄
ဝိဝဇ္ဇာနုပဿနာ	၁၀၅	သံဃတ္ထေရော	၂၁
ဝိဝဇ္ဇေတွာ	၂၉၅	သံယောဂါဘိနိဝေသံ	၁၀၅
ဝိဝရံ	၂၅၇	သံဝရာသံဝရကထာ	၂၈
ဝိဝါဟနံ	၁၃၁	သံဝေဂံ	၁၅၇၊ ၂၁၇
ဝိသင်္ခိတံ	၂၅	သံသန္နိတွာ	၃၀၅
ဝိသဘာဝပုဂ္ဂလော	၂၃	သံသရန္တော	၂၄၃
ဝိသဝဏိဇ္ဇာ	၂၈၃	သံဟတာ	၃၁၃

ပဒါနုက္ကမော	ပိဋကော်	ပဒါနုက္ကမော	ပိဋကော်
[သ]		[သ]	
သံဟတော	၂၇၆	သနရာမရလောကဂရုံ	၄၂၅
သကသညီ	၃၆၈	သန္တာ	၁၃၄
သခိလော	၃၁၇	သန္တာပါ	၆၆
သင်္ကနိတွာ	၃၀၇	သန္တာပေါ	၄၅
သင်္ခမေကော	၄၀၄	သန္တာရမ္ပဏာနိ	၁၃၃
သင်္ခလိခိတံ	၂၄၀	သန္တာသံ	၁၅၇၊ ၂၁၇၊ ၂၇၇
သင်္ဂါမဝိဇယော	၁၈၆	သန္တိပဋိဿဝကမ္ပံ	၁၃၁
သင်္ဂီတာ	၁၆	သန္တိဋ္ဌိ	၃၁၅
သစ္စပါရမိတာ	၇၁	သန္တာဝိဿံ	၂၅
သစ္စမေဝ	၃၈၃	သန္တိတောဒကံ	၃၇၆
သစ္စိကဋ္ဌပရမတ္ထဝသေန	၄၀	သန္တိပတိတာနံ	၂၁
သစ္စိကတွာ	၁၀	သပ္ပုဋ္ဌိဟရဏံ	၃၈၀
သဇ္ဇာဝုဓော	၂၆၁	သပ္ပါယံ	၂၃၂
သဇ္ဈန္တရိတံ	၃၇၆	သပ္ပါယသမ္ပဇညံ	၂၄၃
သဇ္ဈာယန္တိ	၂၂၇	သဗ္ဗကိလေသေ	၁၀၅
သဇ္ဈာယိတံ	၃၀၈	သဗ္ဗာဝတော	၂၆၂
သညာဂ္ဂံ	၃၇၁	သဗျဉ္ဇနော	၂၃၃
သညီဝါဒါ	၁၇၀	သမဏကမ္မသင်္ခါတာ	၃၅၃
သညူဠာ	၅၀	သမန္တစက္ခု	၂၄၂
သဏ္ဌာတိ	၁၅၅	သမန္တာနဂရံ	၃၀၉
သတ္တဝဏိဇ္ဇာ	၂၈၃	သမဘရိတာ	၄၀၁
သတ္တိပဉ္စရံ	၂၃	သမယန္တရံ	၁၃၇
သတ္တု	၂၀၉	သမယပ္ပဝါဒကေ	၄၄
သံတ္တော	၁၁၁	သမယယုတ္တံ	၅၄
သံတ္တဝဏိဇ္ဇာ	၂၈၃	သမယော	၄၅
သတ္တု	၃၄၃	သမသမော	၃၁၉
သဒ္ဓနယော	၅၂	သမာ	၁၀၃
သဒ္ဓေန	၃၃၉	သမာနယိ	၃၀၉
သဒ္ဓါယိကော	၁၁၉	သမာနာ	၂၉၉
သဒ္ဓါဝဟဂုဏဿ	၁၅	သမာပတ္တိယော	၁၈

ပဒါနုတ္တမော	ပိဋကော်	ပဒါနုတ္တမော	ပိဋကော်
[သ]		[သ]	
သမိဒ္ဓါ	၃၈၈	သလာကဟတ္ထံ	၁၂၇
သမိဒ္ဓိကာလေ	၁၃၁	သလ္လိနော	၃၃၇
သမုဋ္ဌာနဋ္ဌော	၁၄၈	သလ္လေခေါ	၁၂၆
သမုဋ္ဌာပနလက္ခဏံ	၁၀၇	သဝနံ	၆၅
သမုတ္တေဇေတွာ	၃၂၀	သဝိကာရာ	၁၈၅
သမုပဗျူဠိ	၃၀၈	သဿတိသမံ	၁၄၄
သမေန	၂၈၃	သဟတေ	၆၀
သမောဓာနံ	၁၀၇	သဟဓမ္မိကော	၃၀၃
သမောသရဏံ	၁၀၇	သဟဗျတံ	၁၅၇
သမ္ပဇာနကာရီ	၂၄၃	သဟဗျတာ	၃၉၉
သမ္ပတိဇာတော	၁၀၂	သဟိတံ	၁၂၉
သမ္ပဟံသနံ	၃၅	သာဏဓောဝနံ	၁၂၇
သမ္ပဟံသနေ	၂၃၃	သာဏာနိ	၃၅၄
သမ္ပာဒေတွာ	၃၅၉	သာတ္ထကံ	၁၂၈
သမ္ပာပကံ	၂၇၀	သာတ္ထကသမ္ပဇညံ	၂၄၃
သမ္ဘိ	၁၂၀	သာတ္ထော	၂၃၃
သမ္ဘုကာ	၂၇၂	သာပတေယျံ	၃၂၉
သမ္ဘာရာ	၁၁၂	သာဝကပါရမိဉ္ဇာဏံ	၁၃၆
သမ္ဘာမနသိကာရာ	၁၄၃	သာဝဇ္ဇော	၂၈၂
သမ္ဘာသမ္ဘုဒ္ဓေန	၅၃	သာရပ္ပတ္တာ	၂၃၅
သမ္ဘုတိကထာ	၃၈၂	သာသနံ	၂၈
သမ္ဘောဒနိယံ	၂၉၆	သိက္ခာပုဟာနဂမ္ဘီရဘာဝံ	၂၈
သမ္ဘောဒိတံ	၂၉၆	သီခါ	၁၂၄
သယံပဋိဘာနံ	၁၄၅	သိပ္ပိယော	၂၇၂
သယနံ	၁၂၄	သိသိရေ	၃၃၂
သရဏံ	၂၇၅	သီတံ	၃၃၁
သရီရစလနံ	၂၁၇	သီလကထာ	၁၇
သရီရသဏ္ဌာနေ	၃၃၈	သီလပရိသုဒ္ဓါ	၃၁၉
သရီသပေ	၃၃၁	သီလပါရမိတာ	၇၀
သလာကဝေဇ္ဇကမ္ပံ	၁၃၁	သီသဝိရေစနံ	၃၃၃

သံဝဏ္ဏိတပဒါနံ အနုက္ကမဏိကာ

၄၂၇

ပဒါနုက္ကမော	ပိဋကော်	ပဒါနုက္ကမော	ပိဋကော်
[သ]		[သ]	
သီဟနာဒံ	၃၅၂	သုဝဋ္ဋိတာ	၂၈၈
သီဟဋ္ဌော	၁၆	သုဝဏ္ဏသတ္ထကေန	၂၀၉
သုကုမာရာ	၁၂၁	သုဝိဟတန္တရာယော	၁၄
သုခံ	၂၆၇	သုစေတိ	၂၆
သုခတ္ထံ	၃၃၂	သေဋ္ဌံ	၄၇
သုဂတော	၅၂၆	သေတမ္ပိ	၁၀၂
သုဇံ	၃၁၈	သေနိယော	၃၁၃
သုဇာ	၃၀၆	သောဘနကရံ	၁၂၇
သုညတာဝံ	၁၁၉	သ္မေဟပရေတာ	၂၆၃
သုတကဝိ	၁၃၀	သ္မေဟာနုဂတာ	၂၆၃
သုတ္တရဋ္ဌေ	၂၂၅	[ဗ]	
သုတ္တနိက္ခေပေါ	၅၇	ဟတတ္တာ	၂၁၅
သုဒ္ဓကောသေယျံ	၁၂၈	ဟတ္ထမုဒ္ဒါ	၁၃၀
သုဒ္ဓဿ	၂၁၁	ဟတ္ထိသဋ္ဌာ	၂၁၆
သုနိပုဏ္ဏဝိနိစ္ဆယာ	၁၇	ဟတ္ထိသာရိပုတ္တော	၃၆၁
သုပ္ပဋိဝိဒ္ဓါ	၄၃	ဟဒယံ	၁၂၄
သုဘံ	၃၉၃	ဟမ္ပိယံ	၂၅၆
သုဘာ	၁၅၅	ဟရတိ	၂၀၉
သုဘော	၂၆၆	ဟိတာနုကမ္ပိ	၃၉၆
သုရာပါတိ°	၃၆၅	ဟေတုနာ	၃၅၉

သီလက္ခန္ဓဝဂ္ဂနိကာယ

သောဓနပတ္တိ

ဝိဇ္ဇေ	ပဏ္ဍိယံ	အသုဒ္ဓပါဌော	သုဒ္ဓပါဌော
၅၇	၁၉	ပုစ္ဆဝသိက္ခော	ပုစ္ဆဝသိက္ခော
၂၉၅	၇	ဝိဝဇ္ဇေတွာ	ဝိဝဇ္ဇေတွာ

